




# 叢書集成續編 第一四一冊目錄

文學類



詩文別集——明

白齋詩集九卷附竹里詩集三卷竹里文略一卷·····	明	張琦撰	四	明	一
西軒效唐集錄十二卷補遺一卷·····	明	丁養浩撰	武林往哲		一六三
顧華玉集四十卷·····	明	顧璘撰	金陵叢書		二六五
竹澗先生文集八卷奏議四卷·····	明	潘希曾撰	續金華		六〇一
孟有涯集十七卷·····	明	孟洋撰	三怡堂		六八九



白齋詩集

四明張氏約園開雕

序

昔臬堂輯甬上耆舊詩錄張白齋詩二百二十八首謂其志慕古人多從實地生變化不敢為望空語晚遇林見素相知為獨深嘗曰夢魂相接多在雲蒼雨碧之下谷答風響相和應亦微哉初刻為九卷曰白齋集續刻為三卷曰竹里集而附以文略一卷先生文不如詩余於春草懷慈卷序稱其友母笏廿載懷念不忘為賢於宰我讀而深異之宰貢并列言語之科其問喪也有為言之也白齋失經旨矣顧其為詩宗法唐賢深具甘苦

白齋詩集 序

一 四明叢書  
約園刊本

且復力去陳言務寫心得不作浮靡之語於明詩家中不可謂非傑出者其論詩甚服楊氏伯謙嘗謂杜公達天人之變不可拘測高棅乃置杜不入正宗與太白異路其識見可不待辨蘇公全使學問不妙於情志黃乖傑不為純平語皆非正體放翁纖穠太過嚴滄浪學唐律極類真元趙謝諸公頗傷弱又謂明高楊張徐諸人仿循唐人繩墨并傑然者凡此類論議皆甚精到其自所為詩亦純乎唐賢之遺音蓋其自少即喜為詩久之益工垂老猶嗜之不捨晚年里居所作尤多誠亦一代

詩人也臬堂至謂傳白齋之詩并得自傳今余刻蓋存其詩至於文略既未便刪去則聊辨之於此畀覽者知所擇焉民國二十三年九月後學張壽鏞序

白齋詩集 序

二 四明叢書  
約園刊本



鄞縣志本傳

張琦字君玉自幼穎異年十二能屬對作詩客有試者

輒應聲出家貧弱冠遊學吳楚間取束脩以養親備極

甘脆嘉靖志每讀書至夜分與其徒吸水喫面醒則又讀

弘治十二年第進士年已及艾授南大理評事列朝歷詩集

陞寺副正慮囚多所平反有三人為偽章論死琦廉得

其狀曰以竹布四邊中畫字成文非刻印也遂得從末

減司獄官落職貧甚至鬻女作歸費即捐俸金與之女

得免鬻吏部兩薦山西雲南督學使不果嘉靖志正德十

白齋詩集傳

四明叢書  
約園刊本

年知興化府為治好清靜福建通志訟者輒風諭使講解不

事鞭笞閩書以儒飾吏興學校正風俗有古良二千石風

志嘉靖守郡六年與林俊往來廣和閩書每共登臨輒題名

山壁人稱為文章太守甬上耆舊傳監司累上治狀竟以疾

力乞骸骨陞左參政致仕歸二十年案耆舊傳惟以

林泉雲鳥為樂嘉靖志操行廉白家無遺財人號曰白齋

先生卒年八十一遺教曰愛山一輿樂水一舟未死微

軀已卜荒邱永謝之日不煩飾修生也既順死復何求

耆舊傳琦自少至老刻意攻詩嘔心琢腎力去陳言列朝詩集

當何李盛時別以獨造為宗四庫提要甬上詩人有明二百

餘年推琦為第一曹志王世貞方之夜蛙鳴露說者以為

過明詩綜子嘉慶亦奇士為詩有父風甥徐漸字德達正

德八年舉人有奇才琦授以詩法同時馮應奎字景神

號松坡弘治十八年進士耆舊傳正德元年任無錫知縣

常州志遷漳州通判工詩晚年和陸放翁詩二卷更老筆

蕭疏云耆舊傳

白齋詩集傳

四明叢書  
約園刊本



白齋詩集序

夫詩存諸心者也感諸物而聲發焉包舉八紘納萬彙通幽微之故而執造化屈伸之幾其妙用也動天地而感鬼神著其教者如此然而成名立方亦若是其未易也夫意深者詞躓局下者詞拘輕淺者詞浮曠達者詞放蕩者詞淫苦者詞滯惟以怯者詞卑弱若乃觸而形會而遂通天趣悠洋充乎其自得吾得吾白齋張先生焉澄澹簡遠情慮俱忘羣睥競驚於先生奚有哉獨於詩若飲食然無少壯與老而異夫好則樂樂則專含

白齋詩集 序

四明叢書 約圖刊本

吐性靈紆寫物故博以收約而廣以辯方刻精竭神窺高而獵要於是乎其不遺餘力矣先生古詩祖漢晉律詩祖盛唐而參以趙宋諸家之體氣格疏爽詞采晶麗音調孤絕聽之灑然咀嚼之雋永而有餘味莊而整如營巡六將靜而寂如龕棲老禪如詞臣鵠立雍容閒肅可詭仙子踏氣馭雲飄翩而風舉聯后山之武以駸駸上接少陵之席與陶謝潘左參輩行使人拈弄篇章拾殘楮斷墨以自快近時中傑作也古稱詩窮人先生用是亦孤蚤遇世無盡知者知不知要之非先生病也評

者謂陸機體裁出陳思王仲宣實出李陵先生雖雜備眾體而收功實由山谷寧川一派今流明州矣予雲莊縱浪海內士不相接者餘二十年先生來視吾郡始拜篇章之辱敏枉終讀作而歎曰世自有士奚意之今見郗鼎敦彝老耳而聽采齊肆夏之音也夫詩可以觀志以得其為人推是詩也脫凡近而絕之俗垂之百千載可具見矣先生文字開闔正變者氣光炯動人要不在是集也請論詩與知者評焉正德癸酉秋七月上澣甫田見素子林俊書于雲莊青野

白齋詩集 序

四明叢書 約圖刊本

白齋詩集目錄

卷一

五言絕句

東山

琴士闕

老子出關圖

張鷟乘槎圖闕

白葵花闕

雪屋書生圖

攔江網

鵲擊鷲

渡船子

鶴鷄

羊子

西樓二首

白齋詩集 目錄

四明叢書 約園刊本

江上

泛舟

秋事

醉翁

杜甫遊春

自賦

柳燕

謝徐成章惠馬鞭

途中感懷

白蓮花

菊花

竹雀

海居

五日

蒲萄圖

風竹圖

輓沈檢院父

白頭公高飛不止

偶成

草蟲圖四首

山居

河流

墨菊

百舌

斑鳩

墨萱

海鷗

五柳莊

張秉用卷子絕句六首

偶興

漫興

胥溪

逮御史臺書感東同事徐成章兼呈王侍御汎

白齋詩集 目錄

四明叢書 約園刊本

房

胥池

眠柏

宵柝

風牌

仆榴

獄神祠

蒼朮爐

妖霧

闔門

詠猿

出門

溪船

海棠

松鼠盜栗

松鼠上樹

春懷

漁子



樵子

鴈圖

竹禽二首

貧家吟二首

拾薪女

四皓圍棋圖

黃鸝

海鶴

畫景

蛺蝶圖

久旱得雨偶題畫牛

小景圖

白頭公

清明日

秋江卽事

西家海棠

鷓鴣

輓方山隱者

白齋詩集

目錄

三四明叢書

約圖刊本

漁父

雲龍

耕人

雪漁圖

世樂堂

取晦翁詩名堂林秀才

林秀才嗣伯父後痛其所生不大喪作蓼莪圖

紫帽臘雪

清橋夜月

穀城夏雲

翠壺春霽

黃伯固主事弟奉先隴焚黃卷求詩

李長者祠

輓官宜人

廣化寺溪聲閣

月峯寺題僧圓圃房

遊禪宮書意

貢船

定埠

京橋二首

竹墩

南岡

西山

義井

祠山

雞黃

桃實

山樓

梔子花

刺牡丹

醉眠竹下作四虛吟

明月臺

冷香亭

梅花井

白齋詩集

目錄

四四明叢書

約圖刊本

藥壠

菜畦

行人

山水圖十首

鵲鴿

入村偶成

送秦來鳳往遼東

苦筍以下新增

城西驛見浙試錄得徐甥名有作

徐揮使畫梅四首

周侍御秋齋

題畫蘭爲朱博士

西施

古劍

白頭公圖

聞泉

畫眉

百舌 題重出詩不同 桃實 題重出詩不同

題十二紅 謁文廟

謁孝陵 南峯

為湖州太守黃子和題梅花夾

為黃子和書湖上春回卷

青芥

卷二

五言律

送汪公宗器入為大理少卿 闕

白齋詩集 目錄 五四明叢書 約圖刊本

朱仲德金陵別意卷子 闕

平翁傳為石仲殷賦 闕

雲津書院為續溪教諭劉君題 闕

送鄭侍郎致政歸閩中 闕

舟中贈姚生虞卿 闕

溫州衛署新成賀劉揮使二首 闕

寄包民望 楊光祿致政歸鄉

輓黃流先生 寄余潤之

賀楊吏部母壽七十 邢子用山居之作

贈封君劉侍御 求己堂

壽余子積父 寄倫太史

送章生 寄李誠之

寄楊吏部

秋日飲佛國寺用夏德樹韻

送柴君還鄉 寄徐東隱

輓孟郎中時元父 柳侍御父母雙輓

雪隱題顧郎中卷子 送董太守之楚雄

地官員外郎張廷紀風木圖

白齋詩集 目錄 六四明叢書 約圖刊本

輓白尚書 書杭東卿扇

京師送沈署丞還宜興

冰崖卷子 山居卽事

喜雨賀寧郡守二首 送茹貢士還京

贈向中美父壽六十 輓陳尚書

送林居魯之雲南少參

遺安堂 陳復清輓詩

皇初平化石圖為顧華玉父祝壽

月亭 石亭



題蔡氏鳴盛友于卷 輓劉郎中克柔母

喬汝修真節卷 石峯

梅雪詩卷 輓太守王公如行父

輓周天兆 武岡山送田太守景瞻

輓徐心齋 徐希曾母七十

輓邵天衢 為余君題保竹卷

七月八日偕諸友集吳仁甫宅

黃翁壽日 送王朝器致仕還閩

送張尚書 自貞卷子

白齋詩集 目錄 七四明叢書 約圖刊本

輓華侍御母 送嚴思聖還松溪

送薛世成之官湘潭 風木慈烏圖

輓葉司訓父

楊謙大尹送其父至尋復返田侍御為求詩以

贈之 輓王先生夫婦

送李上舍 慕萱卷子

具慶題方監生卷子 許君春山圖卷子

山居圖 採芝

送駱經幕 榮壽為林太守

送戴天錫 飲陳氏竹林刻詩竹上

劉公去思祠

奉和見素先生山寺漫語韻二首

五老圖 以下新增 題松陰書舍卷子

茶蟲圖 謝蔡省掾

謝游省掾

六言絕句

山陽夜泊 包侍御輓詩夾

東園詩夾

白齋詩集 目錄 八四明叢書 約圖刊本

山呼一雙分籠縣之聲相應清和作六言二絕

初秋夕 敬思亭

卷三

七言絕句

京邸元夕 壯遊

棘寺夜直 竹鄉卷子

書得 煎茄

屈平圖 太乙圖

半閒卷子 石田畫幽人



朱君扇景

王思謙山水畫 思謙蜀人

融軒卷子

沈石田畫雞

書蘭亭記後

琴士圖

何孝子廬墓

齋居遇雪二絕戲呈諸君子

舒嘯草堂

江神

六月二十八日陸行至彭城病暑改從舟口占

一絕

早發滁州

白齋詩集 目錄

九四明叢書  
約圖刊本

秋日途中見有栽秧者因傷之

江浦經定山故宅

送別圖

墓樹

草玄亭

射黃羊

輓楊進士父

題高登之樂魚卷

王侍御出身圖二首

陸學士家藏史中丞墨竹

聽潮樓

畫鵝

雨晴

南坡卷子為戴君題

題蔡同父送別卷後

淵明圖

庵中

一真

船上犬

見蟾子

惱鴉

合和驛南望彌望皆白土

鬪鰕

題無音卷

彭城懷古

書龍氏歸墨卷

寒鴉

題畫二首

送陳舉人會試

竹下居士

畫竹

畫景

白齋詩集 目錄

十四明叢書  
約圖刊本

鉤勒竹

題萱為吳約中

扇景

陳司徒與弟對牀圖

廳事後觀雨

將禱雨壺山前一日作

喜雨贈劉孝子

出城觀田水

李侍御南巡返往新亭庵候之偶成二絕與僧

東坡畫風竹

觀察使劉公養心卷子

東坡畫雪竹

觀察使劉公養心卷子

終慕卷子

春野齋題郁君卷

魏塘郵亭偶書

金秀才母輓詩卷

郡齋述懷五首

試士廳事下丹荔方熟偶讀山谷詩賦得四首

秋景圖

一老

一松

田中

輓沈檢院父

畫竹

畫梅

題楊伯升扇

徐汝容郎中三友圖

椿萱並茂圖

聽松圖

童舉人自太學歸壽其父母九十歲

白齋詩集

目錄

十一

四明叢書

約圖刊本

壽節婦陳生祖母錢氏

奉和董僉憲遊大理寺

送張文達之任亳州

悼亡

羊頭車

舟至高郵

嚴惟中思教堂

過淮河

直河

聞鵲

列子御風圖

夢萱為建平李秀才賦

張家灣書事

出京

舟中

過淺

李福送酒舟中

望雲祝壽

一鶴

牡丹孔雀圖

送包民益

送汪文盛歸四明

四皓

漁父

米芾拜石圖

竹圖

魚畫

送徐甥

夏惟和扇景

雪舟圖

質庵卷

寄慶子

寄德真

寄遇子

白齋詩集

目錄

十二

四明叢書

約圖刊本

送仁和邵舉人

趙惟盛望雲卷子

醉題王汝瞻家白頭海棠圖

宋徽宗畫藕

趙子昂畫舫

瓜鼠

暑夜

雪月

王如行乞改南曹

送嚴惟中

送吳仁甫

竹林圖

雪景圖

春山獨坐圖

次楊侍郎韻題貝生扇面



三笑圖

小景

漁屋

畫鷹

畫竹

柏椿圖

畫菊

濠梁驛書事

病起言志

南寺遊四首

夏太常畫竹為嚴太守賦

二月二日

有懷

寄秋水何先生

雲莊何君山水畫

贈康鵬

悼孫允康二首

白齋詩集

目錄

十三四明叢書

約圖刊本

海雲二首

何太守山水畫

怨雪二首

陳一楞假山

韓幹畫馬

子昂臨

蠟嘴

感練子

青菜

春日曲

送許習之

山水圖

古亭

雪樵

晚次太湖口二首

大川清之侍坐予夜深恐其室人待之久也作

詩戲之

泊西水驛

陳省軒勿怠卷子

食張琨家瓜

題清之一水卷

觀妓戲東徐東之

長山雨中答陳主人

秋江曲

鶴山

贈丹徒郭大尹二首

憶山

送毛文璧

畫薔薇

過建灘二首

以下新增

十月三日早發溪上皆白雲漫話二首

羅隱廟

書所見

白齋詩集

目錄

十四四明叢書

約圖刊本

書子陵祠壁

魚畫

歸田雜興

呼風船

雪夜齋居聞朝用諷詩西舍

金陵送徐甥

韓信遺金漂母圖

癸酉八月送楊朝宗還鄉

暑夜

松月圖

雲杏圖

再過子陵祠二首

代光武子陵往復詩

林井庵輓詩夾

寓車盤驛

田家春



虛所

環翠樓為石仲殷

珉石窗竹房

題周生畫

溪家

書葉東墅少府壽萱夾

春山曲

用陳圖南回首青山入

夢頻之句書懷一字一首

送周侍御之京

感遇

送屠安卿侍御

題西坡卷

卷四

七言律

白齋詩集

目錄

十五

四明叢書  
約圖刊本

元夕應制

奉賀家宰屠公壽日

奉賦大司馬何公五山書院

金臺送馬大行使秦

送李郁憲入為少司空二首

送唐時靖會試

用張東所韻贈致政鄭南雄

遊盧龍觀次宗朝用韻

徐隱君宜晚卷

送黃天章

讀于肅愍公傳二首

庭中柏樹為風雨所拔集數人起而築之

太平岡新霽次夏德樹韻

西湖遊題母侍御卷

柳勤祖母沈孺人卷書事

遊佛國寺次王侍御韻

送何舉子汝和還江西

新霽和周仲鳴韻 義興沈時明天趣卷

泊淮陽驛訪李郡判成之不遇

京邸除夕

鄭立之二節詩卷

白齋詩集

目錄

十六

四明叢書  
約圖刊本

送陸子淵還上海

送朱從周自金陵還越中

寄方純吉

高大尹將之閩中會飲于其兄侍御官舍坐中

贈之

書趙芝巖輓詩卷

齋居值雪感事

寓大理寄輓王廷貞母

許世芳盛暑過我既別賦此送之

送劉子吉

高居賢三輓詩卷

樓臺煙雨送別張廷紀

與孫允防司訓別久操舟夜過飲中作

寄杭東卿 寄豐原學太史

遊天界寺次韻馮子際王敘之

留都送錢用章僉憲山西

朱允升鳳岡書屋

留都送崔子鍾復入為編修

輓馬夫人 寄潘內翰

寄韓中舍 都氏節義堂

白齋詩集 目錄

贈張揮使 麟膠鳳毛為姚惟晉賦

輓包子材母 寄孫吏部年兄

北邱賴公石假山 不入城

山樓 將遊吳中夜別兒曹

朱僉憲克諧以壽卷作輓章

自遣 出郭

次韻朝用公署漫興九首 闕一至三

落花詩十首 新正與朝用唱答三首

新正漫興二首寄夏德樹

奉和趙侍郎煎茶二首

輓李竹窗

留都逢謝德中席上書贈

秋懷三首 奉寄包民化東園

夜別

舟中贈黃舜章嚴惟中二友

送愚隱劉先生還廬陵

送周仲鳴考滿赴京 秋雲

輓同年楊伯和夫婦 輓母寵之

白齋詩集 目錄

楊光祿先生乃翁壽日

東泉 次韻周仲鳴哭女

長蘆晚發 寄陳萬南

錢塘雨夕 先君棄背復有吳中之

行音容莫見不勝哀痛有作

秋晚登君山二首

十月二十七日過姑蘇天大霧

輓鄉老謝先生 寄安亭朱正之

次韻送孟嚴州 輓費先生母

四明叢書 約園刊本



竹屋

徐孺人壽六十

寄劉舜卿太史

虛窗

奉賀楊吏部母壽日

葉君萬里迎親卷

輓胡秋官重器母

次韻李大用西園草堂

毛侍御飛來峯

補輓楊憲副靜修父

送董啓之侍御

輓友人母

送希曾胡年兄改北兵部郎中

余秋官子積父壽日

金陵送徐少參之任浙中

白齋詩集

目錄

十九四明叢書  
約圖刊本

送陸進卿

送李司空

宏路驛早發

送姚惟寧太守之袁州

槐庭爲林太守封君賦

送鄒舉子

初至右寺感懷

冬夜書左寺壁

寄徐元之

三節

夜飲贈周仲玉

送金在中還休寧

舟至邳下

壽椿爲陸儀賓父題

壽吳公

送章司成

壽貢侍御祖母

輓憲副陸公長材父

送周仲鳴

送陳子居提學

送蔡德和

右寺廳事後桃花

送林利瞻年兄

趙邦城自南雍歸壽其父八十

長至時爲逮罪在中臺提牢廳事後作

寄僧次王侍御韻

送羅僉憲進表之京

賀鄭進士生子

送黃伯望大參之廣東

郡齋述懷

悼慕爲願侍御順中題

白齋詩集

目錄

二十四明叢書  
約圖刊本

姚秋官惟晉母壽日

送楊靜修會試

送吳仁甫會試

送史克明會試

送劉邦用

送屠季安會試

送邱堯章

送伍思謹會試

壽楊隱君

輓應別駕

寄賀豐體勤先生生日

望夫石

輓華汝器

陶君柳莊詩卷

輓白尚書

與都元敬杭東鄉黃明甫飲大興隆寺精舍

日長

書扇寄慶子

二月二十四日待揭曉有作

寄計惟中 贈鄭時揚壽日

陳勉之母壽日 送周茂中還鄉

送王侍御父歸烏程

望雲祝壽圖為曹宗孝題

賀黃獻之生子 題扇寄包甥

海虞夜泊 質庵為黃用芳賦

送包侍御清戎陝西 輓子美母

白齋詩集

目錄

三四明叢書

約圖刊本

送陳惟繼南歸

送彭太守事白還徽州

書陳萬南素扇

義興學舍與沈元壽話舊

輓屠繼修父母二首 省心軒

周秋官雙輓卷子 呂鍾源味淡詩卷

高郵舟中用吳仁甫韻寄黃舜章嚴立中

賀官貳守誥命之榮 送周草庭之雲南僉憲

遊靈谷寺宗長官留別因飲于此

明州懷古

越州懷古

入觀途中感事

老儒方君父嘗宦吾寧今儒老矣求壽詩予之

甲戌七月十五夜郡齋中惡風大雨不寐

鶴舟 銅香童

三月雨雹大作效杜體一律

送葉司訓 東禪寺飲別

贈楊都崗 贈孫浦城

卷五

五言古

白齋詩集

目錄

三四明叢書

約圖刊本

次石田韻

奉答德樹用原韻

錢廷節母輓詩卷子

南樓玩月值雨奉和見素林公韻

少宰楊先生四喜詩分題得早故金三字

喜雨前篇 喜雨後篇

寄封君豐編修先生 三異

寄楊名父先生 寄豐太史原學

題周仲鳴悼亡賦後

分得蒲葵關題送黃子和入閩



中秋待月不至奉次毅齋韻

保定學石門

柏椿圖

畫蘭爲朝用賦

望雲思親卷子

次向中美韻

遊長山 是日大川清之皆在

用前韻和徐松軒詠雪之作

海漁

答崑山朱祐甫秀才

惜春吟

傷親二十首

輓蔣一之父母

白齋詩集

目錄

三四明藏書

約圖刊本

大川一子一女皆歿于痘予有感作詩哀之

月夕送別

遊華林寺 以下新增

王卿一葦卷

水磨吟

卷六

七言古

廣平太守蝗出境瑞蓮生卷子

山人鼓琴圖歌

湖河偉績爲李都憲賦

海鷹歌

壽郭典簿父分題得魚山

賦張氏庸軒

誤馬曲

小仙歌

林良戲墨圖

送翁長官分韻得樹字

朴隱贈魏先生

黃昏步溪上見煙月可愛

次夜再步溪上

次夜又步溪上連賦二首

山中歌

桐原曲贈何廷儀

畫山水歌

風雪圖歌

白齋詩集

目錄

三四明藏書

約圖刊本

贈黃赴兄弟

愛椿慕萱題金監生卷子

醉中觀夏德樹草書

錦雞圖

題靜修送行圖

浴鳧軒爲封君林太守歌

郭節婦

石崖讀書臺歌爲林侍御

風木慈烏圖

南旺閘歌

楊母七十壽日

榴花行戲贈飲中諸君子

清軒之鎮

碧窗春曉圖

送吳侍御清戎浙江

捕虎詞

桃郎歌

淮關行

壽溪歌

卷七

五言排律

送西峯屠先生再起赴闕

徐梅翁輓詩

春江為許世芳賦

白齋詩集

目錄

五

四明叢書  
約園刊本

卷八

七言排律

送費學士柄文南畿還朝

驄馬還朝送賀侍御 送夏德樹

卷九

見素先生所示諸篇續錄

勸駕述懷次東所韻

得漢城紀事

是夕夢先考妣來視

盛山紀事

通川感事

詠梅用放翁韻

喜雨和篇

山寺漫語二首

入秋偶成四首

增

白齋詩集

目錄

五

四明叢書  
約園刊本



白齋詩集卷一

明鄭張 琦君玉著

玉峯朱嶽編次批點

五言絕句

東山

飛鳥遺好音千峯不知處日出扶桑枝照見薔薇樹

琴士 闕

老子出關圖

白齋詩集 卷一

四明叢書  
約圖刊本

道大無傳受騎牛西出關剛留五千字遺智滿人間

張鷟乘槎圖 闕

白葵花 闕

雪屋書生圖

世上倚冰險山中讀雪安西風鑄剛骨猶自送酸寒 者  
舊詩作更送一番寒

欄江網

屬網繩百丈牽江力不任神明忌貪得風起浪花深

鵝擊鷺 批 數句足為貪戒

不守螳蟬戒俄成議後災魚蝦足新浦飢隼自天來

渡船子 批 平說乃古意

人因登岸去吾亦愛錢歸萬物平如此百年無是非

鵝鷓 批 警

朝飢下平田飽啄還飛去蒼鷹日附人肉食損高志

羊子

黃羊鳴咿咿猶若顧其子如何唐明皇瑤瑤同日死

白齋詩集 卷一

四明叢書  
約圖刊本

西樓二首

秋風劈雲片千丈築愁城蹀躞西樓望天涯風雨生

啼鴉作人語孝子獨關心仰見龍頭月斜明烏柏林 者

舊詩斜明作斜飛烏柏作烏日

江上

扁舟木蘭檝小阮鶴膠絃海野無炎熱秋來鴻鴈前

泛舟

人事山兼寂江清酒亦清晚來多少興獨槩月中鳴

秋事

山邊寶布地湖外石田莊今年秋較熟大艦送官糧

醉翁

春缸深如井野酌不覺暝不知眼底花卻訝梧桐影

杜甫遊春

林批 感慨有味

萬里橋西路騎驢三十年較量春厚薄不及開元前

自賦

懶若雲墮地貧如風掃堂百年三萬日都只為詩忙

柳燕

口銜未央泥更營甘泉壘楊柳未可託坐見秋風起

白齋詩集

卷一

二

四明叢書

約園刊本

謝徐成章惠馬鞭

羸馬稱官窮皮毛怯晚風來朝出驟步再拜一筆功

途中感懷

日月千年迅舟車四海忙不知青嶠外幾處白雲房

白蓮花

蓮花天下白花在水中央明日愁風雨扁舟空斷腸

菊花

批 意清遠

醉眠屋廬下開眼菊花黃多置三百篋與花收散香

竹雀

獨行人春竹路出鳥鳴磳長風吹子懷仰見伯夷面

海居

批 類劉隨州語

水窮草木稀雲閒但高岫人家無寒暑海潮以為候

五日

蛙天五月五新水濫屋腳中有不眠人高銜聽蛙的好襟懷

蒲萄圖

林批 精

長恐成精去黃金攀作繩採珠三百斗強半寄林僧

風竹圖

白齋詩集

卷一

四明叢書

約園刊本

寫竹如草書撩亂不成行只疑風霧裏爛醉過瀟湘

輓沈檢院父

涼風起華屋燕雀下階飛杖者出門去河流何日歸何須多說

白頭公高飛不止

夕陽高有限前路本無涯孤負金塘月娟娟照落花

偶成

批 洒然

微月人生影輕風船弄波明朝還夜直涼愛北湖多

草蟲圖四首



太極無物我良哉畫史情蟲蛇不相忌隨意樂春晴  
朝雨復暮雨一花還兩花道人無色相蜂蝶自西家  
兩片臨汀住斜陽赴暝收跳魚割水面壞我一天秋  
花草真無意誰能不爾思夢魂胡蝶我飛到習家池

山居

礎潤雨堪期屋深春事遲山中閒筆研日了寄僧詩

河流

終古如傾倒何曾見底乾因將流去水還作轉來看  
以語理氣

白齋詩集

卷一

五

四明叢書

約園刊本

墨菊

大夫餐未了殘臘見秋英還恐風吹盡揮毫一寫生

百舌

終日三緘口懲羹或太過東風多少說分付與誰何

斑鳩

斑鳩能喚雨聲節以為期十日空山雪陰晴卻未知

墨萱

欲把黃金鑄難憑水墨圖吾家無此物何處奉歡虞

海鷗

鷗鷗凌雲氣崢嶸識壯圖非時聊慰藉魚鼈事徒鋪

五柳莊

萬里山河口誰知公室尊舊陰楊柳好編槿住深村

張秉用卷子絕句六首

不敢非綿蕞虛文病夏畦捩豚邀野客放鴨坐沙溪

山泉甘勝醴土芋白如肪何處剉羊血飛蠅來去忙

惜德如愛玉潔身明素絲漫誇柔舌好漱石已多時

莫以樂書慶而堪庇一盈直將能事力辛苦樹風聲

隋富何為者秦彊但霎時古書三十篋交手付諸兒

白齋詩集

卷一

六

四明叢書

約園刊本

省農時推濟牽牛或助耕再須三五稔早晚義莊成  
說得好

偶興

朝從山口出暮向竹西歸數日秋風好江清欲見衣

漫興

猛雨青山失微晴翠鷺重杜陵春意動在再到孤篷

肖溪

伍相曾居此何年出事吳不知春水上照見屬鏤無

遯御史臺書感東同事徐成章兼呈王侍御汎房

豈敢怨逼側猶堪置我牀居窮易感德地主意何長

智池

智池足秋葉數月無雨霖也知魚鼈性非是惡居深

暝柏

夕陽明北扉返景柏子紺欲以託照臨依依轉生暗

宵柝

初擊月觸手再敲霜滿衣我非金石質一聽損光輝

漢

風牌

白齋詩集 卷一

七

四明叢書  
約園刊本

邏客周廬走風牌次第傳夜深呼唱到月黑枕屏前

仆榴

心死哀莫大傾者天覆之東君少真見猶欲強扶持

獄神祠

矮牆圍野色叢竹隘神棲土木能興怪蹲鴟半夜啼

蒼朮爐

蒼朮燎紅火黝爐發青氛君子無穢德何用假微薰

妖霧

朝昏如下幄倏斂若鸞鏡日月稱有明于此見天定

園門

園扉深如阱君子議不入蜀雞胡忘戒終然感蚌鷸

詠猿

朝山偷橡栗暮海攘魚鰕長臂何為者謀生亦有涯

出門

三月一出門已覺松子大泠泠鐘磬聲有寺煙湖外

溪船

家業計多少茶鐺及釣鉤橫行煙月裏誰敢犯虛舟

浪言有味

白齋詩集 卷一

八

四明叢書  
約園刊本

海棠

微紅初上頰便覺春多夢窗外有人無鳥踏花枝動

松鼠盜栗

數畝山中栗貧家作大收今年程鼠耗已缺半年秋

松鼠上樹

批 有做喻

赤厓已磨霄青松復十丈鼯鼠求未足直緣高枝上

春懷

老夫饒白髮背立桃花樹寄書匡廬僧春山共來去

漁子



風雨尋常有空山負篋行今宵動歡色爲母作魚羹

樵子

林批 老手

入山伐惡木豈敢傷梧楨始知束薪人可以理天下

鴈圖

誰能雞鶩汝坐占水雲長江南無限好終只是他鄉

竹籬二首

眾卉先秋盡孤根獨後凋靜憐河畔鳥生子寄風莒

日出花枝曉曾聞對語雙竹西今夜雪帶影過清江

貧家吟二首

白齋詩集 卷一

九四明叢書 約圖刊本

夕陽照泥垣雞飛欲上屋爨下無束薪夜飯炊不熟

葑葦以編戶生菜聊作齏郎罷納官稅不知兒女啼

拾薪女

林批 精

風葉狂飛面霜藤短刺衣勿傷楊柳眼留取望郎歸

四皓圍棋圖

局面乾坤大機權日月忙中間藏一著留待定儲皇

黃鸝

拂絃欲彈箏手澀未成聲黃鳥二三月青樓萬里情

海鶴

雲虛天欲曙海鶴發長吟孤遠應無比先懷捧日心

畫景

斜日黃公舉清江翟子門東京塵有翼飛不到深村

腳踏山谿熟真成鹿豕遊草衣三四襲涼到不驚秋

蛺蝶圖

金谷春消歇梁園雨正深前身遊冶子終有惜花心

久旱得雨偶題畫牛

批 似王右丞語

已謂無子遺更成大有年山中三尺雨騎犢上平田

舊詩作已謂秋無望今成大有年

白齋詩集 卷一

十四明叢書 約圖刊本

小景圖

宿鳥依寒色驚蘆起暮愁畫圖應念客只寫半江秋

白頭公

天棘交垂細風禽對語頻春窗三月晚正有白頭人

清明日

地爛清明雨風吹楊白花鳥聲連日靜春過野人家

秋江卽事

鳥歸林作暝舡過水喧沙一路柴門下風吹木槿花

西家海棠

溫柔復靚好每見輕千金自有東風主空摧黃鵠心

鴻鸞

不共山雞啄雄雌自作陪寒山相對在春水幾時來淡

語

輓方山隱者

鶴去人何在秋風定與飛方山籠尚啓人鶴幾時歸

漁父

十年結一網捕得利相當山堂讀書客此意問漁郎

雲龍

白齋詩集 卷一

十一 四明叢書  
約園刊本

有龍何矯矯雲氣作威憑雲龍孰輕重一物本相能

耕人

日鋤十畝地手胝若繭然逸勞當半折飽飯雪燈前

雪漁圖

餽筆施玄白江山亦既多閩南少見雪寒色在漁蓑

世樂堂

取晦翁詩名堂林秀才

晦翁二十字華星交相射林家事斯語日用如飲食

林秀才嗣伯父後痛其所生不大喪作蓼莪圖

一本天為爾移枝人作初江河兩行淚遺恨禮刑書

紫帽臘雪

開門擁山勢紫帽雪霏霏稍似征西將衝寒半夜歸

清橋夜月

月隱崆峒峯世人那並看獨憐得句客照橋三四欄末

二句天成 者舊詩那並看俱未看

穀城夏雲

溪豁雲堪補石涼還作衣問雲今出否山肯放渠飛

翠壺春霽

春山天呈寶豈容地含章細柳黃金色肥驄青玉光

白齋詩集 卷一

十二 四明叢書  
約園刊本

黃伯固主事弟奉先隴焚黃卷求詩

榮至山花笑悲來蜀鳥吟此情何已矣兄弟兩曾參

李長者祠

敘功何低昂惠民即可久花落廟門深神旗從禹後

輓官宜人

辭蒂花飛水傷心草近人一片畫屏月秋光窺鏡塵

廣化寺溪聲閣 成化初太守岳公題名

大石伏鶯卵短木雕虎脰溪遺岳公影照見憂民瘦

月峯寺題僧圓圃房 批 警語



嶺入西南筆下見子午谷不應黃昏月照我房前木

遊禪宮書意

古有惡溪水今為洗鉢泉來尋僧世界與鶴共乘船

貢船

批 尤物必爭喻意深

隱約樓船過誰知寶貝名前途風霧裏怕有水龍爭

定埠

雲艘趨野色沙樹隱昏星容易江天曉微鐘依岸聽

京橋二首

山勢臨都會州城壓市橋早涼人馬健抄過月中潮

白齋詩集 卷一

十三四明叢書 約園刊本

樹色無窮盡飛橋跨曉津辟寒惟有日先照趁墟人

竹墩

紅袖薔薇谷華燈桃李園秋來吾眼別只見竹中墩

南岡

長雲非勝覽獨意結無思只道南岡上先公返旆時

西山

西山正可悅薄暮作鴉青吟苦人初瘦斜陽上竹屏

義井

呂文郁郎中家有義井

昔時南北宅呂文穆公家分南北宅今有東西呂井水如有情脈

販來不已古意

祠山

古殿鑿幡黑神祇日月縣埋藏有無事何暇詰當年

雞黃

批 盡物之性

天地本一氣羣生各有私同窠即爭食為母便呼兒

桃實

人老不可少夏桃秋卻肥欲從滑稽子偷得一枚歸

山樓

石透水噴席山虧風滿窗今朝開病眼千里見秋江

白齋詩集 卷一

十四四明叢書 約園刊本

梔子花

一名薝蔔

似玉還加膩如酥卻有香幽禽私與語欲把嫁何郎

刺牡丹

明是薔薇樹訛呼刺牡丹自矜紅得好露立與人看

醉眠竹下作四虛吟

衣以藕絲作扇將鸞尾編酒應槽碧海人是簞青天

明月臺

對酒忽作醉開眼見明月不知臺幾層苔花上階滑

冷香亭



人閒鶴在籠微風冷香舉太古心不傳瑤琴對花語

梅花井

批 閒語自難到

石骨竅丹井銀練垂金罍安知千尋底不有梅花開

藥壠

地仙不愛穀種藥方橋右久雨不出門豬苓大如手

菜畦

客從東門來遺我種園書日出林薄曉蒼茫把耰鋤

行人

路入江南遠雲山無盡頭雞聲催午飯鞭影過春流

白齋詩集

卷一

十五 四明叢書

約園刊本

山水圖十首

山俗尚古野五家同一村何曾苦謝客人自薄閒門

官居乏山產半幅聊自愛為君一搔首悵然秋海外

水榭高十丈下繫東吳船馬肥泥滓重大較不如前

未聞辟穀道啜茗亦身輕七十二峯外相思無限情

食煙火語

流水隨雲去分明山共移乾坤安置好猶自作閒疑

無

意說卻有意 耆舊詩分明作宛然

雲裏秋風候新蒸馨積香我客期不至潮水到寒塘

聞道旌招至寒林亦或然虛聲元自起風葉走牀前

只

空虛中說起妙

淮西真最爾征進不曾閒雲物三千頃無人爭此山

占

便宜

南山轉秋日歷歷窗戶裏留之不可得忽照前谿水

莫道山當面山應與性通定求無礙處除是得愚公

老

透

鶴鶴

批 老斷

西浦日猶在北風無好音半生飢飽共不是漢文心

白齋詩集

卷一

十六 四明叢書

約園刊本

入村偶成

批 只李杜道得

出郭動舟楫入村趨草樓雨來江色暗呼子鳴白牛

送秦來鳳往遼東

遼海青天外誰云蜀道難木綿添數指消受海濤寒

苦筍

去籜用水漫之逾日則苦除  
以下新增

秋熱賣苦筍水漫味還和民痼除不去吾愧販夫多

城西驛見浙試錄得徐甥名有作

快靚無倫次忙求漸也名見甥心大喜為姊眼尤明

徐揮使畫梅四首



白翁哦詩處疏影兩三株雲月長相忌揮毫急寫圖

有雪志同烈無風香亦高騎驢西湖曲寒重野夫袍

根是梁州鐵花如洛水神剛柔兩般性定我道中人

湖頭開欲過牆角一枝斜賴有長生筆為天留幾花

周侍御秋齋

新涼度黃葉遠志耽著述東壁白日光照君繡斧出

題畫蘭為朱博士

地主新安宅寫蘭日禪孫金本清中書不料水墨技香生君

子門

白齋詩集 卷一

七四明叢書  
約園刊本

西施

夜宿吳王殿朝遊句踐宮桃花畏亡國飛落五湖東

古劍

水中三尺刃不道是龍泉博物令誰氏來求張茂先

白頭公圖

白髮登臺省速遲真未憑王郎頭正黑已喜到同升

聞泉

心膽當年大龍門聽萬雷細泉今日志聲到竹間來

畫眉

春風從天來綠上王孫草朝日畫雙眉深閨不如鳥

百舌 題重出詩不同

餘春遊子陌日暮故宮花人道多饒舌新愁說未涯

桃實 題重出詩不同

二桃相掩赤火珠雙媚人可憐世主誤容易賞功臣

題十二紅

殷花落照地密葉留東風誰最關春恨江南十二紅

謁文廟

稽首欲崩角何以報陶成怪殺其王耳不聞金石聲

白齋詩集 卷一

十六四明叢書  
約園刊本

謁孝陵

吾人有冠裳帝力在藝祖日用雖不知誰能莫由戶

南峯

地根盤午谷形勢下諸山彷彿敬亭意雲將飛鳥還

為湖州太守黃子和題梅花夾

郡劇天遺守湖晴雪帶雷梅花得消息端為使君催

為黃子和書湖上春回卷

童穉迎騎竹山花悅弄川湖人休水戲不是牧之年

青芥

太素含清德高流以介名山中成性習不敢夢腥生

白齋詩集 卷一

十九 四明叢書  
約園刊本

白齋詩集卷一

白齋詩集卷二

明鄭張 琦君玉著

玉峯朱嶽編次批點

五言律

送汪公宗器入為大理少卿 以下八首闕

朱仲德金陵別意卷子

白齋詩集 卷二

一 四明叢書  
約園刊本

平翁傳為石仲殷賦

雲津書院為績溪教諭劉君題



送鄭侍郎致政歸閩中

舟中贈姚生虞卿

白齋詩集 卷二

一四明叢書  
約園刊本

溫州衛署新成賀劉揮使二首

寄包民望 時民望按陝

越水三春別秦州月幾圓檄書呼萬里經略坐踰年健  
馬重歸道高冠日近天獨憐秋寺雨夜到枕屏前

楊光祿致政歸鄉

平生付公論履道有神明世感朝雲滅歸心春水生走  
沙迎故吏啼樹感殘鶯試問餘年事江湖無限情

輓黃流先生

發策不如志舞雩空夜長交能到詞苑道已重君鄉山  
木斷陽德浦珠收夜光決明堂下發風雨為誰黃

寄余潤之

白齋詩集 卷二

一四明叢書  
約園刊本

直以遭時拙而深筆研功思君秋海白坐我夜樓紅暗  
葉驚階走清砧與夢通壯遊心未已龍劍得其雄

賀楊吏部母壽七十

母道於斯備人問百不如性嚴申國教意到范滂書善  
慶天無假鮮甘日有餘吾儕仰慈軌再拜日升初

邢子用山居之作

青嶂插天隅堂幽美事俱谷聲隨履近山腹繞門紆草  
發春先驗溪奔意不趨大觀齊物我不是學楊朱

贈封君劉侍御

堂慶方酣暇春山花事隆坐收作室利不負種槐功自  
覺蒼龍老人看白豸雄歸心戀梧竹舊宅小湖東

求己堂

濃墨書求己堂開竹柏陰乞墦矜世恥正鵠對吾心孔  
氏雲何薄袁公雪正深爲身尋喫緊非是惡黃金

壽余子積父

大塊寄行窩詩篇日勘磨身隨白玉老子較禹鈞多桃  
竹過眉紫山花壓鬢髯海天非急景不借魯陽戈

寄倫太史

白齋詩集

卷二

四四明叢書

約園刊本

狀元天上客瀛海是仙居春院行多竹秋堂坐有書星  
河燿繡腹天露湛華裾莫問江南事黃花瘦不如

送章生

歷覽南朝勝鍾山虎踞豪風花江店晚雲月野船高萍  
梗因風聚漁樵或路遭詩囊今重幾更爲一揮毫

寄李誠之

淮南君尚臥吾亦到江東細札閒中備新詩別後工晚  
懷江竹雨秋髮渚蓮風莫負黃雞月山牀一醉同

寄楊吏部

耳熟南州譽身逢北斗邊不辭頻下拜所恨別經年會  
要周官裏文章漢氏前相思步高閣新鴈滿淮川

秋日飲佛國寺用夏德樹韻

碧殿紺園西微風吹蔌藜安禪閉深戶驚鷓墮危栖雲  
爲青山在蟲過白露啼重遊有無得十指豈能齊

送柴君還鄉

官舍勞重過青驃入郭寒雲江搖畫棟霜蕨載雕盤古  
道人情朴窮冬別思難臨風懷贈答何以得琅玕

寄徐東隱

白齋詩集

卷二

五四明叢書

約園刊本

我性耽迂僻公今亦憚煩地偏如隔壤溪曲愈深村桑  
扈春前枕蜨蛸雨後門更求人境外山水謝公墩

輓孟郎中時元父

京洛塵方浣晉陽名義聞弟兄王太保鄉里范希文陰  
德高門地天光汰隴雲平生難盡紀格筆悵斜曛

柳侍御父母雙輓

淒淒三十載滿紙事堪憐有死雖常物同歸不偶然  
牆心獨苦椿竹影還傳賴有雲山夢秋深足枕邊

雪隱題顧郎中卷子



芒履去無痕何人割曉昏只疑吾夢寐別在一乾坤五  
石深缸酒千峯獨版門退藏猶未密花發暗香村

送董太守之楚雄

賢哉二千石出守兩三城有帝聞卿久無人說政橫楚  
舟依夢發黔樹入雲平坐見神功下兵熙民亦耕

地官員外郎張廷紀風木圖 批 婆娑句悽愴

木以靜爲性風來不自寧寒聲撼虛屋病葉落高冥寂  
歷終天事婆娑別後形畫圖不盡意猶在夢中青

輓白尚書

白齋詩集 卷二

六四明叢書  
約圖刊本

清白不負姓炳丹匡聖朝一麾呼草竊累疏拂雲霄實  
帶無前盛深松直後凋不勝仰高淚風雨晉陵潮

書杭東卿扇

白璧名方重黃金用未舒欲將南去舸收拾北遊書碧  
草莎雜候青山荳莢初家童得來信長簪掃煙墟

京師送沈署丞還宜興

別酒不成酣停杯放劇談雖依星斗近終道水雲堪野  
漲通朝扈春山結早蠶故鄉無限興非是戀江南

冰崖卷子

對面高崖立盤回石幾層近天多得雪帶雨或成冰縞  
夜疑遊鹿明溪雜亂藤時將山脚水浙米飯鄰僧

山居卽事

高齋獨眠起雲午坐來虛林近憎啼鳥溪清見伏魚生  
涯謀道熟箕踞揖人疏多少耽山癖年來覺漸除

喜雨賀寧郡守二首

牧守憂時切民災只咎予天心非槁木生意及枯魚雲  
氣橫深浦鳩聲動遠墟還期秋有穫誰謂負畝畚

旱魃爲時厲江山太莽然檄書催電母雩祭感龍淵漢

白齋詩集 卷二

七四明叢書  
約圖刊本

獄清冤婦周詩誦大田靜聞叱庶裏萬口使君賢

送茹貢士還京

北土來應遠南州語未便鄉心搖絳蠟別思拂朱絃海  
色孤舟路春聲百鳥天還期煙市酒同醉鳳城邊

贈向中美父壽六十

振履幽人道釣遊東海邊九重來聖典六十過遽年鶴  
頂明文砌梅華拂翠絃終南堪祝嘏移置越南船

輓陳尚書

老作三朝宿曾陪八座雄江山俄慘慘麟鳳去夢夢聞



道死何恨生人心未窮紆朱有承者端見直方功

送林居魯之雲南少參

古格聞之舊風神欠一參官高纜益口書富已成擔花  
夢春當暮江流客共南于藩風霧外華月正開函

遺安堂

整足危機外遺安是壯圖我於聲利薄人教子孫愚白  
璧貽秦禍明珠笑賈胡研屏三四座所幸不塵蕪

陳復清輓詩

批 末一句感慨深

湖海聞高譽風神若見之化從觀物後清似在山時曉

白齋詩集 卷二

人四明叢書

約圖刊本

鼓沈河樹秋塵生硯池淒涼攜鹿路來者復為誰

皇初平化石圖為顧華玉父祝壽

常物皆形禪神仙以化名誰知幽石理不是野羊精碧  
草千年洞金華幾月行君家不出戶稽首拜長生

月亭

明月生東海亭開興較長樹虛通夜色雲薄漏秋光野  
博聞人語山書見字行所嫌猿與鶴啼白半階霜

石亭

我愛崆峒下幽亭傍石宜畫簷溪影動秋楊蘚花移聽

竹留僧久看山得句遲悄然天境裏那有世人知

題蔡氏鳴盛友于卷

只聽鄉評是無煩信史尋田真三子志石建百年心叔  
世淳風在高堂善氣深何須見鳴盛價已重南金

輓劉郎中克柔母

鳳縵空遺影魚軒不返轅芝蘭作物化枯椿或人存苦  
教傷拋翦清容憶闔門麒麟泣而語野色慘為昏

喬汝修貞節卷

幼志真成老生年即逝年鉛華羞獨好松柏與同天范

白齋詩集 卷二

九四明叢書

約圖刊本

傳呼兒語崔門道母賢善徵今可準雛鳳五雲邊

石峯

莫道愛廉隅天然氣骨殊不雲秋共瘦得月夜非孤此  
脚曾登否當頭有礙無百年吾隱几為汝欠詩通

梅雪詩卷

格筆評梅雪那能上下論只疑不夜國猶有暗香村天  
地搏肌骨神仙接夢魂敢隨蜂與蝶容易到梁園

輓太守王公 如行父

穀梁百氏外夙見素王心仕學如公少江山與夢深神



龍今失仗孝鳥負依林紙筆難題處灘聲下夕陰

輓周天兆

識面江湖上相期霄漢閒遊鯤方迅迅乘馬忽斑斑大  
夢君應短浮生世未閒秀靈消不盡惆悵會稽山

武岡山送田太守景瞻

未盡青青色迎君入楚州雲霞催淑氣花鳥謾深愁五  
馬春鞍重千峯曉帳幽何當屬詩卷摹擬寄同游

輓徐心齋

江水夢來急飛花不返魂醉鄉王績酒飯顛杜陵村格

白齋詩集 卷二

十四明叢書

約園刊本

筆橫詞賦飄衣別里門故人多少淚雲月寄黃昏

徐希曾母七十

苦節有亨道霜松晚翠參人情羨康壽天意在多男皓  
髮珠纓重黃花綵袖酣未須論末暮佳氣滿終南

輓邵天衢

北曹明法象東海見經營四尺金腰重千年玉斗傾伏  
波期馬革士雅負雞聲萬點麒麟淚風花落與手

為余君題保竹卷

豈不護枝葉滋培重本根乾坤應有意人竹兩多孫饒

腹空千畝清陰蓋一門興來不問主脚眼到君園

七月八日偕諸友集吳仁甫宅

東城沙草合觸暑到林亭野水浸園白秋天入座青百  
年同世界八客聚星萍吾有王郎與酣歌要汝聽

黃翁壽日

竹祖垂垂老而翁或共庚夜書燈下眼春杖陌頭聲綺  
里輕歸漢龐公未入城糯米三百斗為酒宴長生

送王朝器致仕還閩

劉向身今老疏公志未迂甲科三成後勞伐兩朝餘海

白齋詩集 卷二

十四明叢書

約園刊本

物懷鮮錯川流送小車對門彭澤宰高興近何如

送張尚書

秀靈儲粵上模範出關中義分明霜皎文光北斗崇一  
身完白璧萬里附冥鴻送別清何極雲山道已東

自貞卷子

貞節自家事茲言是確論未亡扶弱息終老樹衰門豈  
為芳名激焉知薄俗敦南谿有剛石抱柱上牀根

輓華侍御母

生榮娛白髮仙化重淒淒已謝蘋蘩事猶聞味且雜賢



名著陶孟慈化及青齋遊子心如繳贈雲洒涕淚

送嚴思聖還松溪

卒業賢關久徘徊棘署深開籠見秋月策馬出寒林手  
拂行時劒牀虛別後琴三山望無極浪指白雲岑

送薛世成之官湘潭

薊北三行酒湖南萬里官平分天上月獨照馬前寒野  
水搖官柳遺民話晚蘭楚鄉今大熟禾黍及征鞍

風木慈烏圖二首

白日無光彩狂風吹北林弱枝持不定病葉落難禁古

白齋詩集

卷二

十二四明叢書

約園刊本

道泉魚淚終天季路心啼鳥吻欲血寒雨夜堂深

百年庭下樹翠葉滿芳柯短日方堪愛飄風獨奈何徂

魂棲碧落亂影下青河不用烏傷感衰麻淚已多

輓葉司訓父

入世去千載泉臺歸幾重青山埋病骨落月夢仙容屋  
老來新燕田蕪賸晚菘誰將寄涕淚風雨水西鐘

楊謙大尹迎其父至尋復返田侍御為求詩以贈

之

祿養方濃處斑衣取製寬離愁俄脫襁喜色賴能官西

鄙天連驛東山月在鞍期將清慎字萬里報平安

輓王先生夫婦

寂寞雞鳴候淒涼失鳳啣青山餘一畝皓壁待雙埋弛  
鐸閉春廡倚機空夜齋膝前子輿淚渾欲淺江涯

送李上舍

文廟柏枝東辭歸道亦通弦歌將夢寐志氣拂崆峒馬  
鬣嶺頭樹衣飄江外風老子雙眼碧和月送飛鴻

慕萱卷子

批首聯說透

白髮今已矣黃花似昨非何曾悅草木直是戀春暉的

白齋詩集

卷二

十三四明叢書

約園刊本

歷明文砌蒼茫隔素幃風吹墮階淚不與露同晞

具慶題方監生卷子

矍鑠身同健摩挲眼對青九皋鳴兩鶴一屋聚雙星翠  
珮人喧座青雲子在庭尚猶尋遠計長日御稀苓

許君春山圖卷子

山客春長醉日高呼乃醒抱沙溪烏白飼葉野鷺青小  
雨癡晴石閒雲幕畫亭黜聰今久矣誰且詰忘形

山居圖

水墨幅員裏真成前後村溪流卑似抑雲勢猛思吞突



濕煙催飯衣陳日送暄朝當迓新客春到翟公門

採芝

採芝綠林下草木映山衣路觸雲煙去羣隨麋鹿歸鶴  
膏參夜煮茶餅共朝晞歲覺身輕舉行將歷翠微

送駱經幕

別思隨春色人行花亦紅帝庭趨斗北鄉里過山東天  
道崇居抑雲司論有功嚶嚶鳥聲裏萬里鴈毛風

榮壽為林太守

高深獻川嶽完氣至人當子祿將身貴皇慈鑄景長金

白齋詩集 卷二

古四明叢書 約圖刊本

泥天作字玉醖海成漿花木隨冠履扶春入畫堂

送戴天錫

淚濕衰麻客江霏滯不晴人心勝潮汐天氣入清明草  
次沙頭飯蒼茫水面程楚吳雖接壤雲木不勝情

飲陳氏竹林刻詩竹上 批 妙

竹瘦立詩骨苔圓獻酒錢水光搖地面天影到書前老  
景無千歲殘題又十年舊曾刻詩稚兒如解意伴我筍根眠

劉公去思祠 祠在永嘉

未詰甘棠事仁功收幾春千年同一揆三代即斯民溫

海本無極生祠定有神棟隆非舊貫碧瓦麗青爨

奉和見素先生山寺漫語韻二首

曉迳紆雲閣涼登犯露麻山僧不如肉溪鯉自吹沙舊  
事鐘聲歇新題墨數斜行篙半蕪沒風日寄禪家

弟子參玄散掃雲師正勞衣冠來不偶手額見加高野  
鹿轉金藏煙駕啼翠皋菜齋聊速客莫問酒中螯

五老圖

鬚髮亦蒼古溪風吹性靈眾人皆霧雨五老一天星鳥  
散雲還在人酆山自青吾將從此去結衲寄餘齡

白齋詩集 卷二

古四明叢書 約圖刊本

題松陰書舍卷子

昔人白鹿洞之子青松陰千金收萬卷獨鶴睨孤琴飛  
土無交接容光必照臨時來稽舊籍蒼入鄴侯深

菜蟲圖

朱門通翠園野意頗芳菲土菜何青白春蟲亦走飛誰  
家桃李盛此地綺羅稀台會東園老茹芝言是非

謝蔡省掾

風郭秋晴日新寒正搗衣鴈南人欲北山瘦葉初稀世  
路新知好乾坤昨事非菊深還有酒鳥道不如歸

謝游省掾

日高堂影淺長揖紫薇東  
泐峯微祿從容颺上松  
李生愁丈髮阮子借雙瞳  
無所瑯玕得清詩寄古風

六言絕句

山陽夜泊

海氣朝晴暮雨客行身  
西夢東暝落楚帆  
天上寒鳴淮犬雲中

包侍御輓詩夾

東川遊龍不返南國愁  
胡夜鳴小堂星光耿  
壁為君再

白齋詩集

卷一

十四明叢書

約園刊本

續長生

東園詩夾

春醉枕常側左曉櫛身  
必背陰謝公聞召欲起  
泄柳閉門太深

山呼一雙分籠縣之聲  
相應清和作六言二絕

端是南禽北語能調新  
曲翻聲煙淨風稀別院  
僧過茶

熟初晴

羨黃上情思

分籠喉舌聲遠相颺雄  
雌意長死去化身尚羽  
願為金

殿鴛鴦

初秋夕

人哦東閣西閣風掃青  
雲白雲蟲語正當月令  
星流斜度天文

敬思亭

百字后山亭記千年林  
子同懷闔戶如聞歎息  
風鳴蟲響秋階

白齋詩集

卷二

十四明叢書

約園刊本

白齋詩集卷二



白齋詩集卷三

明鄭張 琦君玉著

玉峯朱欽編次批點

七言絕句

京邸元夕

風伯清塵一點無  
百枝燈火映珊瑚  
柳南華月連光起  
并作君王照乘珠

壯遊

天涯雲月動飛旌  
劍逐龍駒出戶騰  
二十二條時務說

白齋詩集

卷三

四明叢書

約圖刊本

馬生何處拜昭陵

棘寺夜直

細藤幽莖交垂戶  
雲片河光欲墮階  
今夜直須王粲筆

與蟲相對寫秋懷

竹鄉卷子

林批 絕似杜

太行山高楊子深  
一分平地直千金  
便須種竹三百箇

中起詩樓臥晚陰

書得

萬殊擾擾問玄幾  
古有瞿曇是我師  
去掃松花作供養

水窮雲起併筐遺

煎茄

絕無滋味假油煎  
慚愧三公七節邊  
到得何曾無肉食  
雨廚煙屋始論錢

屈平圖

熊釋曾孫不競秋  
逐臣飛葉兩隨流  
不知漁艇寬多少  
好載先生出楚州

太乙圖

海水近天三四尺  
仙人入道幾千年  
東華欲去無舟楫

白齋詩集

卷三

四明叢書

約圖刊本

乞得山頭玉井蓮

半閒卷子

日出今朝事又生  
強於忙處寄風情  
柳花落地春多少  
也與兒童攘臂爭

石田畫幽人

無事山中怯睡魔  
起來江上踏寒莎  
月從十五秋光滿  
今夜梧桐影又多

朱君扇景

鐵撥鴟弦滿耳鳴  
暉陽枝上壁塵生  
古情一片嫌新麗

來聽風聲與水聲

王思謙山水畫 思謙蜀人

日出千峯市向陰  
舊聞西蜀盡山林  
使君更寫江南景  
要與峨眉鬪淺深

融軒卷子

倉庚高鳴蚓不結  
上下天光鬪水光  
正好兒男親織作  
綠蒲門外過人長

沈石田畫雞

蜀雞爛綵鳳威儀  
天下何人尚守雌  
幾度欲啼還不發

白齋詩集 卷三

三四明叢書  
約圖刊本

函關恐有誤鳴時

書蘭亭記後 批 說倒

高竹深溪春事幽  
文章千古說風流  
我今猶恨當時筆  
欠寫新亭一段愁

琴士圖

林批 快人意

風聲水聲十指閒  
天地龜茲在此閒  
留我一條攜鶴路  
格開黃葉問深山

何孝子廬墓

野哭躑躅天為悲  
墳草方春綠未滋  
才信神明通蠢動

虎泥三匝小茆茨

齋居遇雪二絕戲呈諸君子

累日不飲可奈何  
齋堂燒竹乞春和  
詩肩凍聳猶宜雪  
坐卜今年酒米多

高楊仰聽知是雪  
虛寮斜見只疑星  
一場枉事難分豁

白占山樞半畝庭

舒嘯草堂

杜陵新樣草堂低  
堂下江春碧蔣齊  
歌嘯有懷誰我識  
一鶯相對主人啼

白齋詩集 卷三

四四明叢書  
約圖刊本

江神

公塗海水一般情  
未可安然掉臂行  
十日江神無鴨饗  
惡風吹浪入山城

六月二十八日陸行至彭城病暑改從舟口占一

絕

妄以千金重此生  
出門無帶一身輕  
南風不動江流靜  
綠樹扁舟煮藥行

早發滁州

一雨人家水滿田  
惰農夫婦日高眠  
山行有客騎羸馬



已過黃鸝深樹邊

秋日途中見有栽秧者因傷之

度支次第較租庸手握青秧才草同我願君心化明燭  
道旁人是聶夷中

江浦經定山故宅

門前山影帽簷斜巷口風光落午花猶喜兒孫解儒服  
百年誰笑不成家

送別圖

江門送客意慘慘帶雨入城披此圖君去我留渾不定

白齋詩集

卷三

五

四明叢書  
約圖刊本

百年名利一馳驅

墓樹

批 感憤

作花莫作墳前樹三日清明便化泥猶道春來愁尚淺

黃昏添上子規啼

草玄亭

談玄亭子壓秋沙樹影津流次第斜八十一篇真草草

至今故紙滿人家

射黃羊

黃羊歲老欲成精血污將軍箭鏃腥莫把菟苗當小事

明年持此破先零

輓楊進士父

仙骨誰能王子晉詩名留得謝玄暉舊時雲母當前路  
月出煙無人未歸

題高登之樂魚卷

形器求魚不是真綠濠春動水津津午風雙目神光靜  
射見南華第二人

王侍御出身圖二首

綠楊瑣外千條弱紫殿雲頭半脊晴春色百回今較異

白齋詩集

卷三

六

四明叢書  
約圖刊本

玉驄騎在落花行

日出東華鳥語繁東風寒淺絳羅溫不知堯殿深多少  
閭闔沈沈見至尊

陸學士家藏史中丞墨竹

城中寸土易千金種竹家家不滿陰學士堂前地尤貴  
只從細素寫秋林

聽潮樓

白日高眠海岸東潮聲長滿竹樓中憑誰借取黃州筆  
細寫新涼六月風

畫鵝

鬪雞鬪鴨不勝爭春淺江深聊一鳴所恨蔡州城下事  
千年錯道混軍聲

雨晴

電滅雲頭雨亦殘蠅蚊不到水心寬日來學得清江引  
要乞明皇小阮彈

南坡卷子為戴君題

前身蘇子是人豪夜鶴秋江野嘯高莫道兩坡相去遠  
好風三日到臨皋

白齋詩集 卷三

七

四明叢書  
約圖刊本

題蔡同父送別卷後

行處梅花清淺水別時楊柳短長條羣公醉墨猶嫌少  
更乞山人續小謠

淵明圖

劉公虎步方疑主陶令鴻飛遠避人親手種松今老大  
晚風落日伴孤臣

庵中

流水門前日日過堂中人坐老維摩午階風草吹蘭蕙  
春壁雨藤行薜蘿

一真

已隨抱朴子同歸漸覺雕龍世事非打坐溪邊照真影  
年來啖菜也豐肥

船上犬

百錢買得到商船舊主山村路渺然見慣北人渾不吠  
月明江上背風眠

見蟾子

直下簾端放一絲神明教爾報佳期不知今日深閨裏  
曾念天涯卜喜時

白齋詩集 卷三

八

四明叢書  
約圖刊本

惱鴉

侵曉烏鴉作陣喧近從樓閣遠於村年來慣苦招饒舌  
便合高眠不出門

合和驛南望彌望皆白土

當時戰血有餘腥白土經年草不青留得遺民幾家在  
夕陽村裏掘芙蓉

關鰓

長鬚似戟鬪清尖小雨新涼露晚兼直到月明纔有影  
一雙飛上水晶簾



題無音卷

纔見春城歸荷篠便將諸念定中消雲簾撲地深如海  
不放鶯聲破寂寥

彭城懷古

沙場人去鳥成羣南北原頭此路分莫問蒯通爭鹿事  
大風吹散霸王雲

書龍氏歸墨卷

醉墨當年數十行野亭春思不勝長寶函龍逝今俄返  
指點兒孫拜草堂

白齋詩集 卷三

九四明叢書  
約圖刊本

寒鴉

寒鴉作伍誰家樹雪意蕭蕭到晚濃莫向隋園重回首  
垂楊遮斷景陽鐘

題畫三首

絕巘猶堪安古寺閒雲定不著忙人胡僧一隻西來腳  
家嶺山頭正出神

鷲地高濤鷲地消路於截處有飛橋只今萬事須公等  
未可山中引手招

江頭有客去不去終日春風吹酒旗獨板橋西吳子國

數錢猶記買船時

送陳舉人會試

山月開門樹影青曉風涼動一河星席珍瑣碎應非寶  
鐵網珊瑚下北溟

竹下居士

魏石如屏藏夏寒古苔清淨利盤桓探囊尙有金鈎子  
添置青山種竹看

畫竹

子瞻詩瘦家無肉與可風流筆有神何處先生得遺紙

白齋詩集 卷三

十四四明叢書  
約圖刊本

每教風雨惱西鄰

畫景

滿船難籟灞陵雨隔水蛙聲杜曲田造物與人留晚計  
百年山水故依然

鈎勒竹

雖無大嚼飽公卿終是西山餓骨清昨日黑甜秋影下  
小風吹得醉鬚橫

題萱爲吳約中

萱花歲月重於金白髮長來不自禁今日見花須下拜

幾家春草到秋深

扇景

家住寒江東復東  
茹山飲水百年中  
還憂舟楫成虛木  
來向江頭候好風

陳司徒與弟對牀圖

夜合燈花相映紅  
尙書兄弟一樽同  
雨風蘇鬢渾相似  
白者長公班次公

廳事後觀雨

批 只山谷說得出

胃強餐飯偶一盆  
雨勢入屋不閉門  
手肱曲闌眼力正

白齋詩集 卷三

十一 四明叢書  
約園刊本

水面已沒芙蓉根

將禱雨壺山前一日作

飛雲卓日互陰晴  
細霖高簷未雨聲  
準備祭雪三十里  
壺山聞有水龍精

喜雨贈劉孝子

赤土三丈裂厚坤  
虹霓望眼達朝昏  
龍神下感邦君膝  
雨勢來從孝子門

出城觀田水

昨夜雨聲鳴萬濤  
壑中低怒樹中高  
省方太守朝開眼

牛膝如飛白水洮

李侍御南巡返往新亭庵候之偶成二絕界僧

只說長安是路衝  
綠林碧巷亦迎逢  
山僧來詰寰中事  
麥飯新茶聽午鐘

戶外楊花帶佛香  
東風上下作微狂  
使君除卻勞勞想

來與禪心較短長

東坡畫風竹

東坡妙墨入神功  
喜怒愁歡畫竹中  
富貴玉堂貧手段  
醉來長掃伯夷風

白齋詩集 卷三

十一 四明叢書  
約園刊本

東坡畫雪竹

窮山深雪四五尺  
老竹橫斜三兩枝  
草木豈無強項令  
有頭不肯向人卑

觀察使劉公養心卷子

奉身調度淡雲如  
人謂不足吾有餘  
老大猶行弟子拜  
筍峯香火受軻書

終慕卷子

大塊茫茫未了情  
穎人何但感君羹  
公家種樹三千丈  
天不爲風亦有聲



春野齋題郁君卷

春風隨人出東城貴客曳踵不肯行有人短褐無羈管  
腳踏飛花聽鳥聲

魏塘郵亭偶書

秋米纍纍斗十錢醉顛飽腹似堯天依山小戶無禾黍  
春蔗成漿也有年

金秀才母輓詩卷

神挾飛鸞直上昇空聞鄰姬說賢能西風無數鏡前雨  
吹作殘縑一片冰

白齋詩集 卷三

十四明叢書  
約園刊本

郡齋述懷五首 用見素先生韻

繁梅晴日畫屏前薄餅新菘錯進筵糲飯龐公野人性  
騎牛只記隴頭天

三公堂下迹如掃五柳門中庾欲縣道在寧須論飢飽  
扁舟捧腹過前川

蟬御天風離垢骸雀爭蟲黍落堂階物情人事渾相近  
起照清池明素懷

冬行春令暗雷驚歲兆來年卜未明慚愧吾民急征賦  
督郵猶自詰稽程

半生喫緊百家中直欠工夫著帝衷帽屋蕭蕭向遲晚  
消憂來坐竹根風

試士廳事下丹荔方熟偶讀山谷詩賦得四首

山谷老人作者師涪州謫後語尤奇雨中二美真傾蓋  
手握陳編喫荔枝

諸賢今日我當師拙眼年來卻鑿奇擇士正如收荔子  
指攀紅重兩三枝

郡庭種樹無場師四曲闌干圍秀奇人意巧如猿盜果  
南風相戒出牆枝

白齋詩集 卷三

十四明叢書  
約園刊本

酒量慳來謝飲師詩魔降下黜新奇只堪一味東歸夢  
雨紺楊梅勝荔枝

秋景圖 林批 真

雨洗青天風掃塵秋來山水瘦於人誰家鵝鶴鳴雙槳  
直過江南採白蘋

一老 批 老意健手

瘦來湖石似吾形墮髮茶煙白亂青靜洗篠堂支膝坐  
傍人稱是老人星

一松 林批 冷語

不隨桃李墮蕪萊五百年長亦壯哉聞道未央興土木  
寒流石上有人來

田中

攜鶴到田逢小霽借涼於竹渡深溪歸來筆格生微雨  
瀟灑山書正面題

輓沈檢院父

人生共惜秋蛸短白髮歸天夢亦安寂寞不須傷後事  
紺芽紅甲一園蘭

畫竹

白齋詩集 卷三

五十四明叢書  
約圖刊本

垞北花開空自繁郊南竹好也成村對君高節今如許  
坐大兒孫不出門

畫梅

扁舟沿月下西湖月裏梅花見一株半夜舟中呼紙筆  
起來搗得暗香圖

題楊伯升扇

憐君脚底江山闊愧我閒中枕簟忙纔舉一觴仍不醉  
晚潮來處又鳴榔

徐汝容郎中三友圖

交到忘形若飲醇胡爲直諒又多聞一方坐席香還影  
未許華歆割半分

椿萱並茂圖

不老千尋倚天樹忘憂一朶照人花樹邊花底無閒地  
無數春蘭發紺芽

聽松圖

山深誤入龜茲國松響如遊廣樂庭不是前身是弘景  
百年誰坐石頭聽

童舉人自太學歸壽其父母九十歲

白齋詩集 卷三

五十四明叢書  
約圖刊本

丹山雙鳳影婆娑對舞乾坤歲月多千里佳雛新至止  
上堂無柰菊花何

壽節婦陳生祖母錢氏

鏡破當時髮尚青便將黃髮等參苓半生坐對堂前竹  
細補秋衣眼似星

奉和董僉憲遊大理寺

先生詩骨瘦於秋孤鶴高雲作偶遊白髮一莖梳墮地  
江湖還有未忘愁

送張文達之任亳州



斜日江頭雨未晞  
雨花亂點使君衣  
譙城人報明朝喜  
百萬蝗蟲出境飛

悼亡

雙影若生冠服貫  
百年何處瑟琴齊  
寢門落盡曾參淚  
明滅寒鐙到曙雞

羊頭車

軋伊聲裏欲斜暉  
南客初聞淚滿衣  
京洛風塵三百丈  
年年載得幾車歸

舟至高郵

白齋詩集 卷三

七四明叢書  
約圖刊本

故園初解木蘭舟  
漸覺長河水倒流  
楊柳亂鴉寒色裏  
西行一月到高郵

嚴惟中思教堂

積埃空自委陳編  
夫子歸魂逐逝川  
昨日風階秋葉響  
伯魚猶似過庭年

過淮河

朔風鳴鼓下寒川  
西指淮流卽是天  
十萬人家楊柳樹  
半開青眼望新年

直河

白草寒煙沒燒痕  
鷓鴣飛處有柴門  
直河莫道無關束  
一曲江流抱幾村

聞鵲

博勞啼惡烏鷓怪  
此鳥千聲不是頻  
頻鵲觀前三丈日  
隔煙驚起曉妝人

列子御風圖

凡骨輕來已絕塵  
宸遊汗漫踏風輪  
長空萬里重回首  
要把東華教後人

夢萱爲建平李秀才賦

白齋詩集 卷三

七四明叢書  
約圖刊本

橫風暴雨掃階來  
不見慈萱見綠苔  
最有一花凋不得  
百年長向夢中開

張家灣書事

細柳沙村繫短篷  
亂流斜日滿江中  
關文不向州官討  
酌酒青天乞順風

出京

南出神京盡海村  
飛雲走葉正紛紛  
還期一月歸鄉里  
改換衣袍拜墓門

舟中

歲晚舟中見物稀紅霞碧水與斜暉鴛鴦隔浦誇人立  
看我天涯獨自歸

過淺

安得溫犀照水行水中應是設機兵剛過一淺猶三日  
出路人言莫算程

李福送酒舟中

三日舟中罷舉杯寂寥那得好懷開李郎渾有平生識  
隔水殷勤送酒來

望雲祝壽

白齋詩集 卷三

十九四明鼓書

約圖刊本

雲容客思兩微茫何處天涯父母鄉我願化雲成五采  
爛拖春色上高堂

一鶴

孤標不與羣爭食清唳曾無子和之聊把春谿上天骨  
桐花陰裏寄多時

牡丹孔雀圖

孔雀東飛到洛陽百家煙日賞花王隔簾更有關心物  
拂羽鳴鳩已在桑

送包民益

平波曉日放船好紅鯽銀鱸作饌肥八十慈顏相顧喜  
江南煙火望中歸

送汪文盛歸四明

集霞江頭陰復晴水鄉風力迸歸程鍾陵千載南朝寺  
少卻雲峯半月行

四皓

林批 道不得語

風裏飛花未帖然靜中棋子動機權在山泉水青天色  
流出人間不似前

漁父

白齋詩集 卷三

二十四明鼓書

約圖刊本

滿地江湖堪著夢何王門下一褰衣半敲笠子遮雙耳  
西塞山前逆雨歸

米芾拜石圖

頑石無靈不點頭米公拜石爾何求雨花風絮飄零盡  
珍重煙光一丈秋

竹圖

千挺風篁刺水寒巴童罷唱雨初乾蒼梧以北圖中恨  
畫屋斜陽據枕看

魚畫



斷港楊花落作萍遊魚水面唼花行新抽獨繭絲多少  
將下吳門釣晚晴

送徐甥

聞說明朝別我行聽蛙鐙裏坐三更老懷定與東風約  
相送江帆過石城

夏惟和扇景

晚風吹散石湖煙秋眼如星可盡天獨櫓小舡人未到  
水光先動硯屏前

雪舟圖

白齋詩集

卷三

三

四明叢書  
約園刊本

凍雨積強三尺雪夜風吹滿一更潮歸時不減來時興  
銀燭滄江醉未消

質菴卷

東鄰花發開筵篔皓齒清歌緩夜愁手握素藤閒院立  
嬾開醉眼說風流

寄慶子

吾兒才高須欒栝官樣文章不在奇人道筍高能過母  
叮嚀護養鳳凰枝

寄德真

能為締繡作天花月貌冰襟亦可誇奇語要添恭順德  
日從汝母訓生涯

寄遇子

頑從庭下狎蠹魚靜向窗前學弄書楊寶聰明劉晏美  
一般秋月映芙蓉

送仁和邵舉人

戊辰會元

雲際扁舟等一鳧送君梅雨出玄湖相逢霹靂人須避  
袖裏文章八陣圖

趙惟盛望雲卷子

白齋詩集

卷三

三

四明叢書  
約園刊本

親在西山葬夕陽百年魂氣隴雲長愁來獨上溪樓倚  
絮壁青天一斷腸

醉題王汝瞻家白頭海棠圖

蒙恩堂上燭光紅雙手披圖似夢中花鳥滿枝看不倦  
爛磨醉墨寫春風

宋徽宗畫藕

根本枯來不著土花如雲錦亦何為蘭舟遠去無消息  
賸得江南藕一枝

趙子昂畫舫

野水津涯未可尋南湖不似北湖深青蓮幕子長松蓋  
併送斜陽一路陰

瓜鼠

食瓜食實勿傷根生意微微復爾存一鼠作災猶小耗  
人閒草竊正紛紛

暑夜

海氣黃昏毒我腸月從深竹放清光竹中有地寬多少  
枕席當來求夜涼

雪月

雪片停飛雲漏天月光到地舞嬋娟此時若載西湖鶴  
好與林逋共一船

王如行乞改南曹

拄笏金門憶寢閣乞移南署傍春暉太行山外天多少  
自此孤雲帖不飛

送嚴惟中

當日高吟白鴈天寒流萬里雨燈船別來楊柳青今幾  
相對鍾山說往年

送吳仁甫

北渚佳人相見稀西窗音信報將歸遠雲不阻隨君興  
鴻鴈江南一字飛

竹林圖

疏眉短髮開生面君是嵇公我是劉竹外斜陽高幾許  
讓他胡馬飲春流

雪景圖

閒將憂喜關時物一色乾坤決背閒欲倩東風詰滕六  
幾時還我水南山

春山獨坐圖

雨過山腹作春晴千尺飛泉落碎瓊野老忘機吾不信  
一方白石與雲爭

次楊侍郎韻題貝生扇面

卽從毫素寫秋林紫翠浮空作小陰只欠西齋添箇我  
白翁原有白雲心

三笑圖

惠遠在山僧世界東林雲木白猿啼當時不著陶彭澤  
千載何人說虎溪

小景

白齋詩集

卷三

三

四明叢書  
約園刊本

白齋詩集

卷三

三

四明叢書  
約園刊本



昨夜江波浸竹門只疑雷雨在前村高風忽報野晴好  
準備湖舫送酒尊

漁屋

浪聞湖海可逍遙纔有謀生便市朝親見衙官打漁戶  
扁舟何處避征徭

畫鷹

雲天千仞仰鸞鳳爾獨來歸海樹涼只恐中原猶狐兔  
秋風終是望鷹揚

畫竹

白齋詩集

卷三

三五

四明叢書  
約園刊本

只疑風雨打簷鳴無數新涼滿地晴人道中書君已老  
醉來還健寫秋聲

柏椿圖

椿柏婆娑共一堂接枝交葉倚天光張公兄弟頭如雪  
樹下時來序鴈行

畫菊

摩挲醉眼看秋容貝錦文綃一萬重猶恨天孫虧一段  
楚江分做木芙蓉

濠梁驛書事

批 情感狀得出

雞鳴潮白此沙邊斜日山光忽濫川回坐壁閒閒論量  
半生長是逆風船

病起言志

草野歸心日夜謀青鞋布襪上扁舟蓼花東岸人西浦  
相對芙蓉各點頭

南寺遊四首

手攀石棧上青天惠遠前身定有緣斜日光中三丈石  
大書深刻記來年

郡中休暇一探玄萬事關心未了然行上高臺試明目

白齋詩集

卷三

三五

四明叢書  
約園刊本

吾民何處少炊煙

月峯山意何太古百柞千松挾雙廡歸時巷犬無警聲

長竹篝燈送明府

芙蓉千樹列如麻色相空中亦種花猶贖溪聲樓下水

明年留我煮春茶

夏太常畫竹為嚴太守賦

汀煙嶼竹向微茫高日薰成翡翠光夏子前身文與可  
起乘殘醉寫瀟湘

二月二日

江上輕雲覆戶低  
杏花開好未黏泥  
伯勞猶更嫌春淺  
背坐東風不肯啼

有懷

南枝驚鵲北枝飛  
碧海青天有夢歸  
人在畫樓方獨坐  
滿身明月白雲衣

寄秋水何先生

白楓船外釣磯前  
鷗碧鳧青水似天  
高興浩然遮不住  
小樓一夜夢秋煙

雲莊何君山水畫 批 只如此人便說不到

白齋詩集

卷三

二十七

四明叢書  
約圖刊本

門裏芙蓉浪裏沙  
輞川風色似君家  
只將畫墨當官府  
年納秋雲一百車

贈康鵬

何堪一別動經年  
不在梨園在買船  
今夜唱歌無越調  
江南人怕鷓鴣天

悼孫允廉二首 己酉舉人 批 直恁高古

萬里蒼天尺五墳  
天不收子地容君  
西風數陣南飛鴈  
似學文章寫暮雲

秋月雙眉雪色容  
去年照我草堂中  
今宵我照思君燭

雲白天高哭露蟲

海雲二首

老蛤吹寒氣不收  
蕩磨天影落滄洲  
若教化帛三千幅  
寫盡蓬壺九箇秋

雲隨倦鳥早飛還  
心性長宜海上山  
月白梨花今悵晚  
略無春夢落人間

何太守山水畫

何公澄嘗守袁州

竹鶴老人天下稀  
筆端雲物寫心機  
黃茆海嶺孤舟雨  
猶是袁州解印歸

白齋詩集

卷三

二十八

四明叢書  
約圖刊本

怨雪二首

只堪江上點漁蓑  
獨客天邊奈爾何  
燈焰不明窗影白  
半牀山尉夜寒多

天落瓊花飛太虛  
僮騰睡去滿前除  
吾今不讀孫康傳  
四十無成懶看書

陳一樗假山

日來不好真山水  
城裏假山三丈青  
明歲落花紅滿地  
不開春院寫金經

韓幹畫馬

子昂臨



解甲歸來肉已肥舉頭猶動北征思玉關閉矣呼韓老  
未許將軍孟浪騎

蠟嘴

棟花時節亂春聲曾在西河立馬聽今日山中滋味薄  
半林紅子啄冬青

感練子

春風還未到山池綠竹紅梅見一枝飛鳥下來天欲雪  
滿身寒色似求雌

青菜

批 道理是

白齋詩集

卷三

三四明叢書

約園刊本

東鄰殺牛犒徒役西家養老菜不足何公箸冷肉糜空  
只有南園菜根綠

春日曲

批 似李

高枕傷春睡未蘇半醒殘夢遶珊瑚鳥無聲處妨人見  
花欲低時要我扶

送許習之

黃山閣外竹雞啼舴艋風前白浪齊今夜勸君多酌酒  
陽關只在燭光西

山水圖

百年纔得此山川山有樓臺水有船今日登臨秋色好  
香爐峯下白雲天

古亭

批 末二句感愴

寒潮風退磯頭白高樹紅欺葉上青飄瓦敗簷秋影老  
路人題作斷腸亭

雪樵

天寒白屋電煙遲兒女銜前夜不嬉十日賣薪三日飯  
雪中誰訴縣官知

晚次太湖口二首

批後首句法韋應物道得到

白齋詩集

卷三

三四明叢書

約園刊本

湖邊長路白如蛇湖上青山亂似鴉楊柳曲塘燈火起  
不知舟楫到漁家

落日扁舟似夢中江南人在五湖東靜聽沙客行相語

明日開帆有好風

大川清之侍坐子夜深恐其室人待之久也作詩

戲之

雲母廊前月欲低蛾眉還坐畫屏西銀河水闊人歸晚  
敲斷金釵到曙雞

泊西水驛

西水驛前三洲白宣公祠下一鐙青欲將歸夢隨飛鴈  
月落沙寒不過汀

陳省軒勿念卷子

司空舊有胼胝苦刺史曾無運甓功不識嵇康何似者  
青春吹老竹林風

食張琨家瓜

廚人切瓜如切金瑤盤捧出涼陰陰槐葉冷淘不足敵  
啜此便有羲皇心

題清之一水卷

白齋詩集

卷三

三

四明叢書  
約園刊本

天一初分先見水牛泔滄海本同看予今頗識堯夫意  
來向溪頭學弄丸

觀妓戲東徐東之

燭含鳳嘴照清歡一朵芙蓉四面看今夜獨輸徐孺子  
公然將入玉闌干

長山雨中答陳主人

平地黃流亂入溪短簷飛鳥落維栖東君問我山中意  
一寸青鐙照爛泥

秋江曲

秋江美人芙蓉衣日出採菱晡未歸一道清歌渡口起  
鷓鴣鷓鴣衝人飛

鶴山

批精

鶴繞青山河梁白青山近鶴轉分明不知鶴外山多少  
亂數芙蓉不記名

贈丹徒郭大尹二首

曳屣升堂每晏然綠琴在御鶴初眠必齊一片廳南月  
照見先生第幾絃

自古河陽一縣花而今開到郭侯家春風樹樹多成實

白齋詩集

卷三

三

四明叢書  
約園刊本

給與侯民當熟麻

憶山

鶴沙舊路春江上暮雨泥橋綠樹閒加我廿年閒腳版  
直須行徧水東山

送毛文璧

批爽致

暑中過我飛白汗忙裏因君洗竹堂對酒借閒宜入夜  
紫蘭風外月鉤涼

畫薔薇

白髮看花已不當猛將詩句鬪紅妝玉妃昨夜親低首



要乞先生一段香

過建灘二首 批 格意恁高

當年開設事難憑水裏乾坤又一層莫是女媧安不固

補天墮石亂稜稜

此去前途八百灘舵公雖微倚為安鯨牙蛟背藍濤上

張膽猶歌行路難

十月三日早發溪上皆白雲漫話二首

每指白雲天上國未經身到作閒疑朝來舟楫微茫裏

身在雲中白不知

白齋詩集 卷三 四明叢書 約圖刊本

人間遙度本非真只道雲中別有神親棹孤舟來不覺

白鳧黃鴨病夫身

羅隱廟 灘上羅族尙眾

紅葉灘頭一聚村人家羅姓隱之孫人間著作曾多少

水日金光滿殿門

書所見

深苔洗水鳧頭碧枯木掛厓虎口白數戶居人幽谷中

亦有夫布來相迫

書子陵祠壁

紛紛封拜鳥台旅諫議難拘天下士帝王豈真念布衣  
故人只有雲山是

魚畫

身是神龍伏氣機十年江海借魚衣也知形色非天性  
一夜風雷踏浪飛

歸田雜興

子隨郎罷孫追翁高帽巡簷楊柳風門前泥深犢蹄白  
船面日出魚尾紅

呼風船

白齋詩集 卷三 四明叢書 約圖刊本

北船絕脈牽百丈倏忽南船一鳥過猶自呼風作鷹吻  
人心不平當奈何

雪夜齋居聞朝用謳詩西舍

寒宵有驚風敲戶凍鼓無聲雪滿堂便欲乘舟下溪去  
詩家只在竹西房 雖不往興亦不減

金陵送徐甥

汝舅衰遲何足似賢甥六翮要凌虛我今雙屐牢裝齒  
秋月江窗讀報書

韓信遺金漂母圖

麗日黃金映水光柴荆老婦不相當漢家蒞醢諸侯外  
只有王孫報姬長

癸酉八月送楊朝宗還鄉

客不嗜飲吾居隘舊酒深樽悶綠苔秋入別筵開醉眼  
滿江鴻鴈卻飛回

暑夜

大火黃昏流竹中竹高千丈不含風婉兒卻曉秋來處  
移放銀牀梧葉東

松月圖

批 欲無聲臭

白齋詩集

卷三

三五四明叢書

約圖刊本

膝當木几耳當松夜色新生秋海東千古今宵有聲月  
道人不坐寂寥中

雲杏圖

倚雲高杏騁丹朱草木卑看又一區近日東風狂子性  
莫吹深澗仰萊蕪

再過子陵祠二首

漁竿不重手難持來者何人往者誰獨有西山孤竹廟  
與公前殿博毫釐

水拂庭階風裊旌今來三過拜先生魚龍臺下都無欲

不食針鉤出戲睛

代光武子陵往復詩

光武往

逆氣王郎正沸騰南陽一劍起相乘桐江也是誰歸物  
何故高臺喚不膺

子陵復

文叔當年同讀書別來天地不相如陶唐亦有遺民住  
未信巢由買地居

光武又往

白齋詩集

卷三

三五四明叢書

約圖刊本

一燭炎炎滅又然高皇政俗要相沿先生自爲真非薄  
無那孤風隘我天

子陵又復

六十衰殘不爲身拾遺小事少精神立賢只似高宗得  
師相新人非故人

意到

林井庵輓詩夾

諸公楮葉排秋旻寄筆東風悲踏麟我弔井西懷獨喜  
天留不盡與來人

寓車盤驛



簫竹山前後樂堂古松陰下燭光長忙中紙筆無多地  
起掃秋雲趁晚涼

田家春

綠楊微雨散雛鴉田大逢人吹落花借問秦餘元不是  
葛天皇氏舊民家

虛所

無中覓有神常在實處求虛物不存一氣清明夜如晝  
木舟乘月我敲門

環翠樓爲石仲殷

白齋詩集

卷三

三七

四明叢書  
約圖刊本

萬峯環翠翠於苔中踊高樓八面開倚柱有人詠長句  
謫仙天上打圍來

珉石窗竹房

翠煙樓閣紫瓊垣儀衛森森道益尊我欲乘鸞來說法  
月涼何處夜開門

題周生畫

沙禽玄白亂差參雲影山光共一潭應恐功名改人性  
天留好景戀江南

溪家

紫絮茅花飛入門淺溪幽響出籬根當家老婦無他事  
落日呼歸白鼻豚

書葉東墅少府壽萱夾

人在黃堂花亦黃花開十丈滿靈光老夫近有長生筆  
來與雲門進樂章

春山曲

城中美人不識山春日登樓雲霧閒疑道天孫怨離別  
低橫眉黛不開顏

用陳圖南回首青山入夢頻之句書懷一字一首

白齋詩集

卷三

三五

四明叢書  
約圖刊本

女牛曉散天河淡塵海年勞白髮催鋤起瓜田三十畝  
乘風江上掉頭回

客氣堂堂非固有豕虺蛙怒真算斗姑婦迭變須臾時

劇戲臨風一搔首

點水蜻蜓不自寧豈知鴻鵠志高冥塵中髮鬢抄先白  
雨外雲山落晚青

撚髮平臨水鏡閒夕陽青靄半簪怪欲歸心事渾兼夢

已遶吾廬檻外山

陳嬰驟王常岌岌韋著無官亦自粒昨非不論今方是

飛鳥隨僧碧山入

衰年六十真何用五斗詩腰日覺重猛當洗足君子堂

葉底羲皇作清夢

萬事勞形百不親買花沽酒了餘春我今雲主雲為客

來到山中掃石頻

送周侍御之京

歌聲裂石上秋雲草意川容亦送君細刷街頭桓典馬

長安人識舊毛文

感遇

白齋詩集 卷三

三九四明峻詩  
約園刊本

青山花外旖旎日秋水溪邊寂歷僧眼勘百年天地裏

閒來此處幾人曾

送屠安卿侍御

霜天落月催清曙水郭寒流送畫船收拾數條桑土說

好風吹上冕旒邊

題西坡卷

學士東坡侍講回帶將籠意出蓬萊金蓮花炬膏油氣

不似西坡嗅野梅

白齋詩集卷三

白齋詩集卷四

明鄭張 琦君玉著

玉峯朱嶽編次批點

七言律詩

元夕應制

故事張燈屬上元人閒和氣發清歡星橋火急春容早

帝里天高夜禁寬綵仗見時還白晝雲裘深處失餘寒

分明樂事成何遇人把良宵作夢看

奉賀家宰屠公壽日

白齋詩集 卷四

一四明峻詩  
約園刊本

碯麟魚鳳玉為脂燕樂聊隨土俗宜聖主正詢黃髮日

先皇曾見黑鬚時三光直射尚書府百客皆尊太傅資

不作尋常樽俎醉鳳笙持向北辰吹

奉賦大司馬何公五山書院

五山南據剡谿深高下諸峯各稱心輒向茅茨飛棟宇

欲將館閣寄山林蝸從石上行新篆水在雲中滴暗琴

東海薄田三十畝為公賣作買鄰金

金臺送馬大行使秦

行臺帝遣赴西州共看皇華使事優一釜不煩西赤請



單車兼得子長遊閩秦草外瞻高壘清渭天邊瞰細流  
無事定應臨邸壁題詩相憶鳳凰樓

送李都憲入爲少司空二首

別時輕雨灑江門馬色龍飛不盡樽朝列位推神禹佐  
眾中人拜李膺孫黃鵬楊柳鳴新歲紫殿雲霞識至尊  
熙載豈無詩共酒月梅高閣詠黃昏

清江幢蓋舞差參黑髮司空鬢影深槽馬欲騰人共發  
沙雲初散水還陰新遷寶秩今三品舊住神京此再臨  
鄠社近天纔尺五朝朝紅日在華簪

白齋詩集

卷四

一

四明叢書  
約園刊本

送唐時靖會試

古槐迂路辟雍西禮樂踰年走采齊壯氣北風催海鳥  
好聲中夜舞天雞白雲楮葉書初倦綠浪桃花渡不迷  
時物未知遊子膽黃鸝飛向別筵啼

用張東所韻贈致政鄭南雄

梧桐棘棘尋常見月且山堂獨辨名鼇釣早收東海大  
鶴嶺微映北山明醉鄉王績應多夢野奔葵邱不是盟  
吾欲相依時考德瘦藤稀見郡齋行

遊盧龍觀次宗朝用韻

真人邀我石階東道士茅山或是公卉服帶來江外雨  
篆文經見國初風高遊峻壁夸諸少獨立清池對兩翁  
何物丹砂金殿裏明朝來也乞開封

徐隱君宜晚卷

卯酒纔醒酉酒濃出門小雨洗秋容未收殘果紅樓葉  
欲落斜陽紫滿峯行客有家投遠聚歸禽無序逐昏鐘  
人情景物都宜晚坐把長竿拂臥龍

送黃天章

兩都文物重交遊叔度汪汪萬頃秋羣鳳中天齊北舉  
五星東井一南流雞將曙色催華轂馬踏湖光濕毳裘  
不信壯懷輕遠別野煙秋日定回頭

白齋詩集

卷四

三

四明叢書  
約園刊本

讀于肅愍公傳二首

昔聞長老談公事今日分明得傳看手把一麾扶九廟  
口持孤論奪千官北門鎖鑰非輕付中國鶯花不改觀  
功在乾坤身殞草風吹碧血夜漫漫

向書非是樂危機社稷擔當合付誰終古天心難早定  
千年國是久方知汾陽舊食生前報肅愍初刊沒後碑  
碧瓦廟簷春有力古松挺鐵兩三枝



庭中柏樹爲風雨所拔集數人起而築之

獨立階前丈五身蒼蒼古色可庭春忽驚颺母相欺汝  
傾有場師議作新吾力未能扶隻手皇天終是著深仁  
靜觀物理猶如此敢指顛危作棄人

太平岡新齋次夏德樹韻

城門無事日高開溟漠林光路纒迴觸馬青山如障立  
墮泥黃葉似秋來雲頭未散銜雙嶼水額新增沒半臺  
何必化緇京洛路紫遊繯外是塵埃

西湖遊題母侍御卷

白齋詩集 卷四

四四明叢書  
約圖刊本

畫船雙槳古今同湖曲垂楊半渚宮煙逐帝魂流水上  
鳥依僧夢白雲中山花欲接遊人語溪獠新歌太守功

甲子歲杭守楊公新浚忽漫風光容易失不勝春望小樓紅

柳勤祖母沈孺人卷書事

舜華已分成塵土萬死猶存籍後容玉肘三年事泔澠  
草心千里託衣縫天將舊物還家好身縞陽春入柳濃  
百歲兒孫話遺矩矮窗秋月坐微鍾

遊佛國寺次王侍御韻

山行雙耳足鶯啼澗潦霑裳手自提古刹今僧相見少

新篁舊竹長來齊茗甌取水妨龍毒革履穿花得麝臍  
侍御頗知吾碧眼昨來長紙送新題

送何舉子汝和還江西

一迴相見一迴好高論崢嶸不倦聽曉借流光臨寶鏡  
夜攤文字對華星靡蕪野送王孫綠鳧鴨秋排河漢青  
老我城居閒隱几待君春報耳驚霆

新齋和周仲鳴韻

馬踏江光動淼微雨收江上未深蹄人知舊路山藏郭  
鳥悅新晴樹滿溪漁浦細帆橫翠葦野岷高壁圻青泥

白齋詩集 卷四

五五四明叢書  
約圖刊本

謝家句法驚神鬼老我相逢下首低

義興沈時明天趣卷

心想閒來清似水乾坤納納赴幽期數上花溪上坐終  
日逢客林中留幾時海燕未回雲占壘山童忽報雨臨

池明朝尚有天隨子相約春江下釣絲

泊淮陽驛訪李郡判成之不遇

依微帆影斂江干粉堞青城岸幘看山向北來多古色  
路從西去有春寒陳茅野屋相連破高柳風鴉不自安  
今夜使君何處在鹽城遙憶路漫漫時成之在鹽城



京邸除夕

生恨謀身術太疏一金剛買半廬居士風今夜留年飯  
歲事來朝問卜書隔雪簾櫳鏡影外開寒鐘鼓酒醒初  
旅魂不道京華別想像東風是故廬

鄭立之二節詩卷

批 次聯寫辛苦狀精絕

欲憑天問勘茫茫兩世婺星照一堂生愛港荷能戀子  
手栽山桂等吹香婆娑姑婦秋連影遞接衣針夜弄霜  
借問百年簾外燕等閒曾得見紈裳

送陸子淵還上海

白齋詩集

卷四

六四明叢書

約園刊本

白石孤城雨點斑送君忙似送春還

明日適

蠶天好繭

晴初結水殿眠龍畫懶關中散風流傳海上建安詞賦  
落人閒別愁定託江門月直映松南第九山

送朱從周自金陵還越中

當年一見紫微東隔別煙花此會同道我詩才逼康樂  
避君文勢似南豐天連舊府紅葉外江遠歸程綠樹中  
坐席還君不得煖長安馬鬣起春風

寄方純吉

昔年龍虎託微名迢遞韓歐十載情萬里北來何縹渺

一星南照獨分明連城鎧火人皆學到海荏苒地亦耕  
便欲相逢無計得雪樓孤望野江晴

高大尹將之閩中會飲于其兄侍御官舍坐中贈

之

人面荷花相映紅弟兄今不數河東一時座上珊瑚客  
六月池邊翡翠風蘇老夜牀非偶爾謝家春草出天工  
武夷山去深多少雲木難忘此會同

書趙芝巖輓詩卷

玉立長身如見之紫芝巖下好光輝十年一別剛回首

白齋詩集

卷四

七四明叢書

約園刊本

老淚深情又濕衣春草地紅生躑躅曉山燈暗落薔薇  
故城耆舊今多少轉鸞年來眼裏稀

齋居值雪感事

蒼茫何處測天倪三日清齋慮未齊雪逐春來猶是瑞  
詩隨景造不安題新年樂國千家酒瘦馬行人萬里泥  
閒事關心續燭坐隔湖聽到丑時雞

寓大理寄輓王廷貞母

母節如冰少得之世閒廬墓子為誰百年有淚青天見  
九土無靈白兔知芳草已陳寒食飯穹碑台借外孫辭



天涯亦有傷心客，遠水長雲一卷詩。

許世芳盛暑過我既別賦此送之

竹深伏暑坐婆娑，有客敲門下馬過。千丈清風當座拂，百年醉墨爲君磨。雲池水榭渾相負，別意江流各競多。欲對清商作新曲，西亭楊柳奈秋何。

送劉子吉

相逢一度面猶生，忽漫詩篇寫送行。立馬江山正繚繞，入雲鴻鴈不分明。沙城近到鄉音習，布襪輕來海氣晴。人道君身是神物，明朝風雨看崢嶸。

白齋詩集

卷四

八

四明叢書

約園刊本

高居賢三輓詩卷

衣針筆硯縱橫在，萬物傷心非舊時。睫下百年乾濕淚，膝前三度死生悲。誥花爛熳同章下，墓草清明逐歲滋。分付慈烏少啼苦，晚來風木太難爲。

樓臺煙雨送別張廷紀

煙雨西山一面濃，離人醉下妙高峯。遠江擊楫出秋浦，斜日翳林生暮鐘。浩蕩風花須料理，太平王事亦從容。作詩記取今朝別，頃刻雲巖第幾重。

與孫允防司訓別久操舟夜過飲中作

枯潮不到古城邊，努力篙師夜進船。白髮青衫見君處，風簾細燭醉人天。麒麟官舍增三子，蚪蚪殘經又十年。正好相逢不好別，數聲昏鼓送寒川。

寄杭東卿秋官

眉采清風定如舊，思君不見夕流深。燕駒北赴當時市，越鳥南飛何處林。客夢夜寒常懶作，詩家春電亦高吟。芭蕉葉短青還在，細寫悠悠別後心。

寄豐原學太史

白齋詩集

卷四

九

四明叢書

約園刊本

人間芳草忽經年，北流眼盡滄波外。南鴈書成畫燭前，孤興春來猶自醉。秦淮長送酒家錢。

遊天界寺次韻馮子際王敘之

梵香交雜澗花馨，世界天開一戶庭。客欲入山消息大，鶴聞墮石夢魂醒。谿流曾照僧頭黑，山影橫侵佛面青。風日明朝晴更好，雨中先見兩三星。

留都送錢用章僉憲山西

霖潦初收白日新，使君文采共精神。橫江飛蓋立行酒，隔座流鶯啼近人。保障悠悠趨晉鄙，雲天蕩蕩憶堯仁。



獨吟肯話江南客笠影斜陽太瘦身

朱允升鳳岡書屋

千峯萬壑罷春陰戶外朝華亦自臨  
梧葉大來青子結竹花香處碧枝深  
人求邃古開我講鳳以清時寄好音  
吾亦欲東成小築扁舟日夜故園心

留都送崔子鍾復入為編修

雲月江南一寄蹤水方開過木芙蓉  
身從斗下名先起詩落人間墨正濃  
行色東風初掃舍好聲長樂已聞鐘  
時清瀛海今逾碧照見先生謔醉容

白齋詩集

卷四

十四明峻書

約圖刊本

輓馬夫人

辛苦秋堂燭影深尊榮不忘昔年心  
誥花手捧堆成篋桂子親將種滿林  
事了人間雲漠漠夢歸天上月沈沈  
紫厓山外江流轉楊柳芙蓉思不禁

寄潘內翰

清禁清才亦兩宜遠於天上憶仙姿  
好花夢繞江淹筆麗句春傳賈子詩  
月俸有餘還象鶴日常無事只爭棋  
碧扉金瓦雲光裏矩步行看出每煙

寄韓中舍

身如海鶴合離羣江漢高名愜素聞  
衣帶日華趨紫極筆隨春意入玄雲  
眼中塵土誰非客夢裏梅花獨是君  
幾欲裁書寄京洛雪蕉寒翠不勝分

都氏節義堂

批 前聯愴惋結處難到

二字雙懸節義名乾坤此處指都卿  
鸞鴛蚤別鏡中影母子相依兵後情  
令女肺肝今尚爾公孫氣骨久如生  
年年一點天心在風雨階前開決明

贈張揮使

細繖高鞍銀碧光曾勞枉拜德公牀  
畏盈自信家非霍智計人知祖是良  
江海晴霞驕水寨林園春木美山堂  
漢皇拊髀君知否今日長弓要挽強

白齋詩集

卷四

十二四明峻書

約圖刊本

麟膠鳳毛為姚惟晉賦

麟鳳曾非圓囿姿只聞遊走帝皇時  
二五精中瑞雲結三千歲前人見之名  
在世應稱得好德衰時怪出非宜  
而今物化歸無極留得膠毛付大兒

包子衰麻淚兩行老夫援筆寫新章  
枯椽有味年籌短刀尺無聲雨點長  
寸草不堪愁裏綠一萱長是夢中黃  
晚風莫怨驚庭木風木平安亦斷腸

此一首為輓包子  
材母原鈔脫詩題



寄孫夷部年兄

馬前同看陌塵紅一十年來似夢中鳴鶴大聲揚日下  
小桃風瓣落江東詞鋒怯鬼窮難送詩癖成城藥未攻  
欲問佳期天近否絳河終夜掛清風

北邱賴公石假山

城郭山林天假借六丁開鑿豈虛云酒邀墨客題晴石  
水帶風花入午雲毳白鶴雛新教舞碧香梧子遠頌分  
嘗以梧子為惠洒然坐覺蓬萊近仙樂秋清隔樹聞

不入城

不入城而又入城機關往者未分明昨逢麋鹿相招去  
今覺山林有路行舟楫漫須傷越事謳歌且自學吳聲  
雪蕉霜柳垂垂在寒對衰翁亦有情

白齋詩集 卷四

十二 四明叢書  
約圖刊本

山樓

怕將衣袖惹塵緣百尺高樓上借天熾秀到時渾似客  
鳥聲歇處欲如禪棟飛雲影全疑兩座濕秋光半是煙  
我有化書三十卷乘風來此說真僊

將遊吳中夜別兒曹

寒鏡如月照城陰江水無如我意深東陌西岐流暗泣

白雲芳草負初心乍登越舸渾疑夢久別吳鄉莫辨音  
聊把此遊相慰汝五湖煙鳥賽黃金

朱憲僉克諧以壽卷作輓章

綠酒清樽口不虛溪南賀客已踟躕手扶南極營高座  
腸斷東風得訃書文錦闕裁藏隱淚黃泥深遠沒回車  
茫茫天地生芳草誰為王孫再倚闌

自遣

門堂塵土不秋毫五尺新苔喜自勞綠野日中僧笠小  
青天雲靜鶴鈴高偶成佳句猛幾杜學製方巾半似陶

白齋詩集 卷四

十三 四明叢書  
約圖刊本

舉土作山纔一丈對風仄枕聽松濤

出郭

批 索寞亦足自遣

一部新詩一部蛙夕陽出郭路幽斜水邊地冷苔生髮  
山外民貧竹有花屨犬上牆噴過客牛羊下坂逐歸鴉  
誰歌白石南山岸不是陶家是甯家

次韻朝用公署漫興九首 關一至三

其四

批 毅齋云此老豪發

五斗功名亦不微好懷長自綽陽暉酒觥老去纔知滿  
筆勢春來只欲飛夕潦未乾還及履陰苔不掃或成衣



偶然詩景居然就始信西昆鑿者非

其五

簷影津流脈脈微坐深不覺已斜暉鶴長鳧短自天定  
為龍作雲從子飛越海歌聲無節拍建溪詩派有傳衣  
乾坤驢背竟多少忘卻逢人手勢非

其六

寺臺新棘綠微微客影閒看轉日暉跛齷驥馳思自力  
白龍魚服戒輕飛官資近貴猶槐笏王政行年受帛衣  
忙裏心情無了悟逢人敢說太玄非

白齋詩集 卷四

十四 四明叢書  
約園刊本

其七

塵土茫茫識鑿微阮家青眼更秋暉每將戲墨爭秦楚  
那得雄風壓羽飛湖水夏陰連卷軸屋山暮紫變襟衣  
與君珍重聊相慰三獻荆王玉也非

其八

尋常莫覺此生微花外雲光柳外暉世事十年班馬逐  
好懷一片白鷗飛酒當醉處呼山茗涼未生時結草衣  
氣味從來有相似詩窮不信孟公非

其九

忽覺湖聲到耳微誰家并澣打晴暉空雷不雨龍淵伏  
乍暑新蟲蝠暝飛詩句棘時心愧手扇恩深處汗霑衣  
與君唱答何當了猶起更端問是非

落花詩次石田先生韻

一場鬧事作空春蝴蝶高飛亦棄貧無力當風爭上下  
有魂訴帝乞慈仁虛宣醉白嘲妃子可惜荒蕪送女神  
不管閒愁剛有箇日高中酒背眠人

其二

悠悠薄命不禁收欲託遊絲無緒頭額粉作泥求速朽  
淚紅隨水卻遲流傷心綺閣風成陣掃迹黃昏月放鉤  
斷送一番閒懊惱王孫芳草又堪愁

白齋詩集 卷四

十五 四明叢書  
約園刊本

其三

遲暮美人愁遠遊半分顏色十分愁主恩寂寞鴛鴦殿  
客寄飄零燕子樓華萼仲昆今各散金陵子弟莫深留  
身名終台隨渠轉指點青山問某邱

其四

乍飛乍掃不成堆誰繡春心上錦苔生死撩人成癖句  
急忙送我入脣盃回腸獨擾愁根在墮髮兼飄老信催



狂意欲多裝羯鼓明年及早報新開

其五

初飛戲說步虛遊冉冉飛來頓作愁神爽御風清界去  
繁華落地此生休幽期已賺劉郎返暗淚空遺息國憂  
三十年來吾老矣敢將輕薄寄青樓

其六

不勝春重落紛然新故相尋後趣前秉燭夜園空李白  
乞詩晴案藉陳玄神姿已墮塵埃格香影今無水月緣  
藏得黃封酒從事老夫延賞待新年

白齋詩集

卷四

十六

四明叢書  
約園刊本

其七

十分消滅過芳時不向東風怨小兒遊蟻返根迷穴窟  
仰攀黏帶戀恩私繁華分滿今招損浪蕩身輕日就卑  
奉帚有人長信殿淚紅相對雨絲絲

其八

手捧心還不展眉怨紅啼粉過芳時千蹊滿地四娘宅  
萬點愁人杜二詩挾雨上機縈錦字留春罨戶託蛛絲  
多情惆悵相逢暮遮眼離離子滿枝

其九

批 首聯悟化語

幽歡失賞恨方新酒盞寒生饌味陳犬吠月妖江上影  
馬隨風瓣陌頭人二三月已成殘夢千百身難贖再春  
庭北風光差可詠獨憐君側有人嗔

其十

批 情想直到

風向東來花向西風花天氣意如迷人憐娥媚何曾掃  
鳥到淒涼不肯啼響屨廊前悲越女蹋歌江上舞巴媛  
餘芳未了東城興春瘦何人手共攜

新正與朝用唱答用其韻三首

蹋歌江上一聲高暗結同心一字牢送鬼未離山客蔚

白齋詩集

卷四

十七

四明叢書  
約園刊本

紀年聊試穎生毫燈花夜久井愁落萬物春來與命陶

紅霧綠煙歡不見玉人何處擁芳袍

其二

新歲詩神漫不高強將柔脆觸堅牢鬢毛已覺長千丈  
膚目何妨挫一毫雲樂君家陳象武野歌西舍擊匏陶  
齋餘劇飲杯三百猶起關弓射將袍

其三

海霞照屋曉光高春事關心睡不牢人苦百年皆過客  
吾當十日九揮毫時名滿地忘消息請誰隨宜散鬱陶



料理東風今有準轉頭吹到使君袍

新正漫興二首寄夏德樹

階前露滑石嶙峋病起閒行試襪塵短草暗花應有信  
斷冰殘雪敢爭春鳥如恨別偏驚客筆不中書尚近人  
何處瓦缸新酒熟舊村東海正勞神

其二

滿屋晨光不可眠地爐親煖柏枝煙案頭新紙更陳檢  
門外寒江是舊年戒飲有時還自怨送窮無鬼只虛傳  
襟期安得二三子擬約齊山泛酒船

白齋詩集

卷四

十六

四明叢書

約圖刊本

奉和趙侍郎煎茶二首

金鑪煙起篠堂虛棋子無聲鶴睡初已有性靈通草木  
敢將俎豆羨雞魚清甘未覺詩神瘦獨醒何妨酒伴疏  
多少胸中閒磊砢年來洗濯已無餘

酒濃花暗正傷春自起煎茶不倩人一縷細煙宜傍午

滿甌新味已辭陳口耽大啜論無價身欲高飛覺有神

黃鶴下階渾避我竹深荷淨與誰親

輓李竹窗

翩翩雙袖揖高風忽憶當年是夢中煙艇稽山悲賀老

晚鐘商洛送黃公約鄉社酒稀春醉負郭秋田出歲供

猶恐人言傳說誤作詩生寄竹窗東

留都逢謝德中席上書贈

平生古意不消磨直奮剛髯拔劔歌三毫天涯為客渺  
一春馬上看山多已從衡岳探仙府將下桐江乞釣蓑  
相見不勝鄉井念白蘋芳草近如何

秋懷三首

千仞岡頭一振衣臨流新浴晚涼微秋風宋玉辭猶壯  
烏鵲淮南說恐非玉鯉腹空傳事遠青蒲葉短下堂稀

白齋詩集

卷四

十九

四明叢書

約圖刊本

十年回首鴛鴦伴漫散雲沙不共飛

其二

夕窗疏綺見明星細瓦新霜薄翠屏衣線入秋多歷亂  
候蟲依客似叮嚀短長脆髮迎風落來去高鴻隔海聽  
心事一場無底用買籠鸚鵡教金經

其三

初日臨池忽鬢蒼玉閨羞整嫁時裳十年碧浪芙蓉國  
萬里黃金駿馬場雞卜有靈占事預鳳衾無夢怯秋長  
冰肌未減當年白又恐班姬扇子涼



奉寄包民化東園

窈窕芳園一逕通  
敲門長得夏黃公  
春風私意頭饒白  
曉日初光面乞紅  
未雨臥龍橫几杖  
出巢威鳳踏梧桐  
問君肯接鄰翁否  
吾意他年亦欲東

夜別

在家只說出門好  
纔到出門應是難  
弱子有知牽袂重  
瘦妻無語倚牀寒  
月如愛客斜留樹  
潮為催人急下灘  
今夜莫開東望眼  
滿江風霧不堪看

舟中贈黃舜章嚴惟中二友

白齋詩集 卷四

二十四明叢書  
約圖刊本

維揚淮海郡城頭  
銀燭無風水不流  
萬里江湖皆此路  
千年李郭又同舟  
春來短褐留還在  
老去殘經講未休  
分付東風張主定  
與君結駟到瀛州

送愚隱劉先生還廬陵

留都下馬能幾日  
纔及秋風歸思濃  
老去心情傍鳧鷖  
晚來詩句上芙蓉  
清時日月明文繡  
何處雲川信短篷  
乍別仙郎定惆悵  
不勝江月坐初鐘

送周仲鳴考滿赴京

觸手江花落不知  
獨君離別惱相思  
馬蹄斥土春晴闊

汲道荒江午飯遲  
藥裹遠隨沙月去  
山牆低見屨桑垂  
朝天事辦無羈縛  
收拾南歸一卷詩

秋雲

乾坤何物寄高情  
檢點秋雲一片輕  
偶向定僧參野坐  
或隨飛鶴趁溪晴  
吳楓雨薄垂高影  
楚竹天深礙去程  
莫道無心任飄忽  
年年釣石與漁爭

輓同年楊伯和夫婦

猶憶當年得告歸  
越羅新整稱秋衣  
叢蘭日短同區死  
兩鳳天寒出鏡飛  
何處乾坤非夢寐  
百年婚嫁了塵機

白齋詩集 卷四

二十四明叢書  
約圖刊本

毗陵楊柳三千樹  
應為傷心落半稀

輓母寵之

才比在平不可當  
撫謙何處見鋒鋌  
忌全真被神明負  
信後還憑史筆長  
聖代風雲飛直氣  
鄉山草樹返靈光  
蕭條萬里妻孥路  
人共江聲哭夕陽

楊光祿先生乃翁壽日

無事方知日月長  
水深艇子竹深房  
三千卷是遺安計  
一字仁為卻老方  
短髮久專高席坐  
瘦藤今在丈人行  
殷勤欲展龐公拜  
望裏雲山正渺茫



東泉

乾坤尤物唯人取君擬東泉何復嫌鑿地未窮神禹智  
發源先似伯夷廉春山潤氣衣堪染海日精光手可拈  
流出人間和滋味君王待子作梅鹽

次韻周仲鳴哭女

海闊仙容去漸微雲高瑤瑟語昏暉月纔十五全輪沒  
鳳始成雙隻影飛雨淚數行身後事實花千疊眼中衣  
欲將天問從頭詰自古彭殤孰是非

長蘆晚發

白齋詩集

卷四

三

四明叢書

約園刊本

扁舟病起試滄浪猿臂篙師水技長日照離泥通海白  
風吹江氣入雲黃樵漁亂屋依深柳鷺鷥清流叫夕陽  
迢遞青徐行入眼天涯終恐是他鄉

寄陳萬南

行思陌上笑春陽眠憶江湖對雨牀歲月漸慳凋齒髮  
風煙終定見文章東山有約黃鸝老南海無書碧草長  
何許放舡還劇飲麗人天氣柳花香

錢塘雨夕

歲寒風郭鬢華新頤結虛簷客舍貧千里有家難入眼

百年只影不離身爐藏宿火吹還熱雨暗更鐘聽未真  
越鳥莫啼泥滑滑明朝江上有歸人

先君棄背四十日遂有吳中之行首容苦莫見之

不勝哀痛有作 批 形容肖似刻苦

熱風吹不散音容槁木寒灰亦有踪髮撚鏡秋簪玉短

酒銜霜曉汗花濃南山鋤豆沈泥屐東渡看雲偃雨篷

欲挽西川作長淚淋漓浪滴碎五更鐘

秋晚登君山二首

天開江境縣山頭山上看江入地流古有暨城三百雉

白齋詩集

卷四

三

四明叢書

約園刊本

今無季子二千秋雲痕暗長初來水雪點晴飛欲下鷗

人向太平雙眼闊不須更上庾公樓

十年兩醉君山酒山下民風如昔年青帕茜裙糲麥女

銀鱸紫蟹入村船霜蕉葉破猶藏寺江浦沙高未作田

病骨登臨尚強健風吹孤嗽落秋煙

十月二十七日過姑蘇天大霧

漫空毒霧白成團咫尺行人見面難野樹有風吹瘴雨

水天無日退朝寒青山寶刹聽鐘過古壁郵程拂字看

馬首欲西行未得舉頭何處是長安



輓鄉老謝先生

尋常出入小江東白髮蕭蕭在眼中漢祖未曾迎角里  
邑人先已哭龐公小車花外春煙路高閣林間落日風  
如此江山都寂寞短碑微雨篆秋蟲

寄安亭朱正之

每日江頭候使車難為情處落花初都來別路無千里  
寄去相思有兩書卻老古方何物是耽詩舊癖幾時除  
東風雲白昏鐘裏清夢頻來問起居

次韻送孟嚴州

白齋詩集

卷四

三四明叢書

約圖刊本

諸侯五馬赴南服星指孟陬春未央千里圖書兼鶴遠  
一船梅雪送君香雲山面謁莊光廟暮夜誰登伯起堂  
臥治他年了吟事郡中流水狎垂楊

輓費先生母

夫人莫作女流評傳載高賢愜素名百歲未偕夫子老  
半生教得狀元成春風蘋藻曾供事秋穀倉田不自營  
青雀西飛天萬里長原漂渺白雲平

竹屋

甘棠館下地如金方廣優函竹屋深千畝笑人耽逐逐

百年著我寄陰陰谿鳴爽籟通幽竅風軋高枝見遠岑  
安得與公分榻坐夕陽聯句答春禽

徐孺人壽六十

侍御朝儀母大理程瑞卿姊也

廿年蘭結夫人季鳳子京華繼見之珠在淵中增綵媚  
花於春後發天奇金仙壽相吹華髮月姊秋光鑿翠帷  
拜想南山香霧裏綠樽春酒正漪漪

寄劉舜卿太史

望中玉雪依稀見十載朝雞不共聽煙霧未能東入海  
女牛還合臥看星金烏日出鷗新彩黃鵠秋來刷滯翎  
半幅吳箋附時月敢將凡籟聒青冥

白齋詩集

卷四

三五四明叢書

約圖刊本

虛齋

批見道透事

玲瓏四板手親開一斗乾坤便入垓無物謾勞頻禦寇  
有心原自不成灰川雲日至非相聒牛蟻時聞亦怪哉  
予也好虛虛未得問君閒槩木舟來

奉和楊吏部母壽日

畫屏雕檻富春光深酌霞杯獻太姜壽筵逐川來應學海  
慶隨基築已成堂月娥天姊渾聯袂海水桃花自一鄉  
補袞有人天上住綵衣時作老萊裝



葉君萬里迎親卷

半生魂夢費追尋萬里迎歸一寸心秋老蓮荷初就實  
春還橋梓更成林手彈金篋生涯淺頭點雲峯野意深  
從此昨非今始是對門五柳正陰陰

輓胡秋官重器母

雙手堂前鞠鳳麟坐成祥彩著慈親遺容忽作夢中影  
乘化終為天上人光掩曉銅雲妬月響拋秋剪地驚塵  
傷心多少平生語寒食他年憶老身

次韻李大用西園草堂

相憶西園曾未遊只疑園子是瀛洲淵明尚仕未開徑  
巢父欲東將掉頭曉海入簷堂不淺春雷動地脚先浮  
終然此段成長計花落川奔莫浪憂

毛侍御飛來峯

舉頭便見翠芙蓉山自東南少此峯結處乾坤當是玉  
來時風雨定隨龍影侵精舍無多地秀學蓬萊欠幾重  
前日舊游今柱史柏臺清夢屢相逢

補輓楊憲副靜修父

名墨遺文字字刊鳳兮休歎德衰殘歉懷不及門人後

白齋詩集 卷四

玉四明叢書 約圖刊本

道眼曾將國士看白璧未歸傷至寶青山猶在憶我冠  
桂林留得天中種回首新花滿樹丹

送董啓之侍御

長揖人間驚鷲姿大篇時復畏雄詞十年萍逸真無繫  
六月瓜成似有期東國舊盧龍懶臥上都新事鵲先知  
天應直候清平起五兩南風迅迅吹

輓友人母

塵中白骨空浩浩槁蕙折蘭香尚騰山鬼怨迷春竹雨  
寢雞啼黑夜堂燈慈靈已化星辰去善相時因月露凝

白齋詩集 卷四

玉四明叢書 約圖刊本

吾欲修辭詰生死渺茫天道正無憑

送希曾胡年兄改北兵部郎中

晚花蒼菊滿山房五月筵中野氣涼人影離離隨鳥散  
水流迅迅入雲忙清風萬卷扁舟滿深雪孤梅易地香  
安定有神應未爽手扶高棟入明堂

余秋官子積父壽日

蔗境甜來趣不稀倦雲高鶴與同飛六朝撫事石頭坐  
八月放船湖口歸翠竹白沙深處寺童孫幼子暝時扉  
世言清福如公幾人是神仙更錦衣



金陵送徐少參之任浙中

參藩重寄老成優已有先聲下百州天上星辰離舊次  
夢中山水作真遊江流淨練縈華髮船起清歌答素秋  
南國樓臺多少事還公紙筆記先憂

送陸進卿

日光衣繡照瞳矐百粵今看出守雄萬里共天秋有月  
一麾先路海無風龍樓象闕懷京口紅樹青山入郡中  
回首蒼梧高幾許書來應不礙飛鴻

送李司空

年來歸興百川東太極崑崙有路通栗里舊風高靖節  
香山新社得司空茗甌酒盞醒還醉雲錦風髯白又紅  
踪跡飄然肯回首弋人何處慕冥鴻

宏路驛早發

赤瓦黃茅數百間居民多事早開關濕螢燄竹火依火  
瘦馬出郊山復山照路野花應自笑上天雲鳥幾時還  
手中秋扇難遮掩梧葉風前兩鬢斑

送姚惟寧太守之袁州

色聲不大取時名古意沈沈直性成形檄下催離選部

白齋詩集 卷四

四明叢書 約圖刊本

金腰西守得專城定期漢世頻增秩敢薄淮陽必召卿

十月袁州楊柳樹早開青眼欲相迎

槐庭為林太守封君賦

清晝啼禽北巷賒古槐陰處是侯家直從天定安根柢  
不與春來競物華于尉門牆今有敵王公堂記本非誇  
牡丹紅重薔薇白低首黃金滿樹花

送鄒舉子

手撥塵埃見不凡鳳修威彩豹成斑天人未信今無董  
風度皆驚國有顏海雨催詩雲正黑江城試箭月初彎  
東風也有雙魚使好奇相思霄漢間

白齋詩集 卷四

四明叢書 約圖刊本

初至右寺感懷

試脚先從法署行百年初志幾時成長檠倚壁書無味  
細雨侵階草有情閒向公庭成小坐暗期兒輩託餘生  
花過簷蔔黃鸝靜敢與東風巧舌爭

冬夜書左寺壁

兒孫長大眼中來歲晏天深覓數杯半夜寒溫灰裏火  
百年災異雪中雷事如有種生無了錢已無神去不回  
相見官梅顏亦厚東風又作一番開



寄徐元之

送別當時山館春東風無數柳花新清江我作赴吳客  
白璧君為強趙人廩祿纔充數口計詩通半老百年身  
而今且足江南臥肯就巫咸問鬼神

三節

批 愴然

練麻積雨共黃昏促膝寒鏡亦自溫一代蘋蘩吾與汝  
百年門戶廢而存分明日月傳肝膽指點枯椽付子孫  
草野寧無良史筆撥書遺事放乾坤

夜飲贈周仲玉

白齋詩集

卷四

三十四明鏡書

約圖刊本

落日微風生滿池君家坐客久忘疲高歌激石有神助  
皓月照人無定期黍稻飯香還舊粒梧桐風勁改新吹  
放長履齒須三寸明日登山約看棋

送金在中還休寧

西舍東鄰會不稀能詩比我謝玄暉其言人好鳥亦好  
無奈春歸客未歸紫禁清鐘應有夢夕陽芳草正侵衣  
到家細整干時策鴻鵠三年一奮飛

舟至邳下

圮橋能復可追求今古傷情對白漚廢廟有神雲北起

先翁無信水東流伯父主事公祖此蘆花風轉還如雪樹色春  
歸不似秋強向塵埃作青眼沙中恐更有留侯

壽椿為陸儀賓父題

萬木易落椿獨好知是乾坤別用心日月枝頭西去緩  
陽和地底上來深蒙莊傳內聞奇事實老堂前見此陰  
直欲春江變春酒醉眠樹下倒華簪

壽吳公

聞君七十住雲汀野鶴溪梅比瘦形百歲到頭三十載  
諸孫遶膝幾多丁朝臨水鏡髮全白夜寫山書眼尚青

白齋詩集

卷四

三

四明鏡書

約圖刊本

嗣輔外甥丹闕下一杯遙獻極南星

送章司成

人品如公今幾見成均三載道攸存教嫌安定分齋小  
身比昌黎北斗尊黃菊望秋懷宅里白鵬見月啓籠門  
十觴累進沙亭酒後夜相思惟夢魂

壽貢侍御祖母

陽和不散北堂萱歲晚東皇獨厚恩生愛辛勤學文母  
老將孝敬祝崖門百年在再惟樽俎重慶誰家到子孫  
坐覺蓬萊生眼底海桃花片落紛紛



輓憲副陸公 良村父

天奪文章正氣殂蕭蕭士類喪師模月明華屋行鼯鼠  
雲斷高梧泣鳳雛百粵好山曾駐節八閩遺老望還珠  
晚風細草思亭外石獸無聲啼白鳥

送周仲鳴

追逐雲龍白下橋東鄰雜黍月三招離歌對酒平空起  
春色因君太半消衡岳更南愁裏鴈潯陽此去夢中潮  
乾坤何物關心事惆悵鶯腸共柳條

送陳子居提學

白齋詩集 卷四

三 四明叢書

約園刊本

船頭春事柳初黃此去山川覺有光身自魯邾親杖屨  
道從吳越起宮牆胡公經義今重整伯武規模未數長  
昨夜一星明耿耿東人指說是文昌

送蔡德和

地坼東南白浪奔兩鄉書信隔寒暄春隨鴈陣將過浦  
人逐花陰共到門飛鳥斷雲蕭祖寺清明細草石家園  
來朝指點東風外無數高禽爭樹喧

右寺廳事後桃花

寺北桃花開滿枝兩牆風檻自低垂不以無人損顏色

直須有酒對襟期紅芳寂寞每如此獨立悵然聊此時  
蜂蝶穿雲來日日幾將林苑問官私

送林利瞻年兄

清平簡賦無他事長憶雞峯野醉餘南服暫留千里馬  
北歸剛載一船書同袍地主喧投轄白髮天官獨倚閭  
雲海茫茫秋萬里晚潮風裏待雙魚

趙邦城自南雍歸壽其父八十

松枝泉水緩流光世事人間百不忘曉櫛自看玄髮少  
晚寒新放褻裘長弧南星下靈光滿太學人歸舞興狂

白齋詩集 卷四

三 四明叢書

約園刊本

東海行將占出獵可能長揖謝文王

長至 時為逮罪在中臺提牢廳事後作

坐覺肌膚損一分寒衣十日廢籠薰有霜短髮逢長日  
不雨西郊正密雲世事行當問屠尹功名未敢笑終軍  
小窗兒女無歡色鴻鴈江寒亦念羣

寄僧次王侍御韻

何必相隨學苦空點頭頻處道應通溪山踏徧須忙後  
答述忘來似定中五尺藤枝和病瘦一圓蕉葉學書窮  
僧頭也白誰禁得惟有東風是至公



送羅僉憲進表之京

班子仙塵亦不如好風溪上舞華裾九重直奏阜陵頌  
兩袖曾無封禪書行色曉先離穀竊吟情涼狎泳川魚  
天顏有喜春來早綠萼梅前候使車

賀鄭進士生子

何人抱送鳳之雛梧竹陰前玉雪膚鄰舍驚看得楊寶  
城南便擬讀韓符名山靈氣何年結顯祖神明默地扶  
老我情深苦詞淺干峯遙致代搗壺

送黃伯望大參之廣東

金屏姓字比璠璣方岳相煩道不虛家嚴飽芻南粵馬  
行庖懶食武昌魚山川繚繞諸州樹風俗沿流萬井書  
公事閒來天境別紫薇花映月光初

郡齋述懷用見素林公韻

郡齋一角見南山每以心情託半閒芒屨願從君子走  
鶴籠噴對倦夫關百杯有負春衣外千石何功月俸閒  
獨好芙蓉小池水日來池上照衰顏

悼慕為願侍御順中題

孫言祖事豈空聞一百年來乞誅文太學攜書塵滿屋

白齋詩集 卷四

四明叢書 約圖刊本

長原尋骨草如雲道衰老涕悲麟踏天定東風颺蕙芬  
白木剡圭神亦在孝烏啼血繞高墳

姚秋官惟晉母壽日

人閒華寵力堪為節壽於人豈待私生子有官申國教  
見夫無地柏舟詩女流再拜師清矩天語溫聲獎至慈  
新作綵衣寬幾許萱花春日雨遲遲

送楊靜修會試

好事良占逐夢生馬前朝氣轉精明十年未快長門筆  
一陣當為背水兵鳧鷖野情渾澹泊魚龍春浪欲崢嶸

白齋詩集 卷四

四明叢書 約圖刊本

江南老我猶粗膽萬里雲煙寫送行

送吳仁甫會試

鳳臺倚馬酒頻斟二鼓滄江思不禁愧我并天虛白髮  
讓君頭地已甘心九重發策三千語一擲携蒲百萬金  
可是相期無故實老龍湖海望春深

送史克明會試

月中高桂手親拈不懈新功與日兼萬里攬身雲外鶴  
七篇著味水中鹽山河曙色生神采龍虎幾先發夢占  
贈遠素無青玉案聊乘殘醉寫霜緜



送劉邦用

蒹葭白玉倚青春海上浮萍歎復分忙我十年今歲月  
翰君入陣後風雲鍾峯草閣辭青步牛渚江風洒半醺  
桂苒天涯忽行邁木蘭鳴槳隔煙聞

送屠季安會試

梧竹之資秀十分青年物色在人羣腰圍沈約吟邊影  
筆陳江淹夢裏文出浦皓珠爭夜月解緜玄鶴上春雲  
臨池無限江南意裂取齊繪寫贈君

送邱堯章

白齋詩集 卷四

三毛四明叢書 約園刊本

曾攀仙桂一枝黃杏苑花期馬又忙歲月積來人力勝  
雲煙深處筆鋒長蟄驚后土傳春信鳥向全林借日光  
新語三千天聽近未央前殿坐文皇

送伍思謹會試

馬色晨光共皎然遠追樽俎送平川郭生太學名方重  
董氏春秋說有傳浙水南過歡白髮時思謹父守寧波長安此  
去近青天行邊詩興時應作細雨黃梅石燕前

壽楊隱君

白日西飛海燕忙喬松緩步上君堂金猊晝靜青煙直

石井天深翠縷長鸞鵲繞雲書有影麒麟立地玉生光  
酒闌人醉風簾捲閒捉琪花到夕陽

輓應別駕

起家儒術大夫官雲鳥歸飛與亦闌安定門荒條約在  
文通身死筆花乾玉光沈冥山無氣鳳彩飄零子又丹  
濃墨淋漓滿詩卷雨風寒食總難看

寄賀豐體勤先生生日

仰止高山望裏青卽將山意祝遐齡神仙自我登真境  
世俗何人挽迅靈爛熳紫泥通北極逡巡綠酒匯南溟  
醉中忽憶龍池客指點奎躔第幾星

白齋詩集 卷四

三毛四明叢書 約園刊本

望夫石

批 至後聯意出形器外

一別夫君幾朝暮山花墜髻不妝翹眼隨落日光先盡  
骨立荒江肉已消夢裏天雞霜渺渺耳邊山鬼雨瀟瀟  
業身定是靈如化越水湘煙對寂寥

輓華汝器

人有存亡草短長百年骸骨晚歸藏梅花苦月侵虛坐  
荔子秋風進享堂事入且評長有話夢隨宵燭短無光  
南州一片神交淚寄入吳箋濕幾行



陶君柳莊詩卷

柳市南頭丈五塵卻於深處得清真隔江燕影常來晚  
當戶鶯啼直過春暮雨突衝無獵騎社天沈醉有歸人  
遠尋二十年餘計劃取東牆作我鄰

輓白尚書

司馬初成洛社歎巍然鄉里拜衣冠九京夢斷金閨遠  
八座塵生玉帶寒身後遺謀徵舊德平生建白著新刊  
東風庭館餘春在長有垂楊覆畫闌

與都元敬杭東鄉黃明甫飲大興隆寺精舍

廚字

白齋詩集

卷四

三十四明叢書

約園刊本

失韻有跋語

僧房歇馬問閒居紫葢紅椒日射餘  
我胃腸千日酒妨君著述幾章書  
情談劇處添霄燭殘睡醒時喚早廚  
雙腳浮塵纔擺腕竹間苔蘚莫教除

日長

閒庭長日立躊躇心對秋蕉各未舒  
斗酒貴於仙掌露千金輕似海頭書  
居常齟齬貧猶在薄宦看花夢漸除  
惱殺山童不解事隔煙扉睡正遲

書扇寄慶子

書來言語似黃鍾衰

敢誇蘇氏立三峯頭

分付才郎加疾足若

二月二十四日

諸公著眼較雄雌雲

神功端藉大壚鍾塵

大勢于今如逐鹿敢

寄計惟中

流漸往再逐行舟先

白齋詩

江湖滿眼忽深秋崢

何日山城秋酒綠百

贈鄭時揚壽日

親曾金殿識真龍冠

春隨泥屐踏高峯人

猶恐地仙閒未得小

陳勉之母壽日

今聞陳母古之陶白

子看鳳起切雲高海

未得低頭拜仙範南山聊爲一揮毫

送周茂中還鄉

寒氣江山濫不收青螺蜩縮紫髯蚪殘年滯雪驚新歲  
五日敲冰過一州水底龍泉長射夜雲中鵬翮要逢秋  
也知鄂杜天非遠王掾年來尚黑頭

送王侍御父歸烏程

一見先生一洒然依稀如鶴在秋田袖中憤筆風兼雨  
身外芳樽日似年復道飛梯遊了寺紅菱白藕夢歸天  
茗東漁伴尋常有第幾灣頭洗釣船

白齋詩集

卷四

四十四明叢書

約園刊本

望雲祝壽圖爲曹宗孝題

雲影天邊小片孤望雲人拜鳳城隅輕陰遠拂長春樹  
瑞靄橫連祝嘏爐萊綵諸昆方爛熳狄懷千里獨躊躕  
如今猶仗丹青筆并寫相思入壽圖

賀黃獻之生子

太人占夢始成真喜入華筵送酒頻天爲宗祧留碩果  
親開襁褓見麒麟詩書事業終期此孩笑聲容早動人  
惟有阿翁生怕晚綠槐庭下等芳春

題扇寄包甥

幾時不見羊曇面玉樹清輝定皎然池榭登臨雲共月  
湖山來去馬如船春濃人醉如前日天遠書遲又隔年  
千里相過好乘興寒潮直到鳳臺前

海虞夜泊

昏禽飛盡渚煙清收拾門鋪未閉城山長遠歸街有火  
江船暗撥水無聲鳥驚風閣知巢淺霜落天河怯被輕  
夜半詩成尋紙筆手寒誤觸壁閒檠

質庵爲黃用芳賦

犧尊不飾似迂愚人到真純事始無酒釀鄰翁期盡飲  
手摩孫子教相呼虛文上薄韻孫氏知己平交棘大夫  
問說東村耕事近手拖方竹耳提壺

白齋詩集

卷四

四十四明叢書

約園刊本

送包侍御清戎陝西

煖雲江郭乳鶯啼阜蓋翩翩欲向西柳色漸連逾沔路  
馬蹄應帶入秦泥身臨羌鄙咨詢徧夢落朝班拜舞齊  
聞說華山春色好閒來無事覓新題

輓子美母

夫子祖魂與化昇鉛華到眼便堪憎一生雪節人稱苦  
六十風鐙自不勝對月簾虛無影顧種蘭階在有花增



而今事或收青簡合作韓門嫂氏稱

送陳惟繼南歸

鳳城繚繞帝皇州騎馬煙花得舊遊我入新年拋敝褐  
君來上國繫仙舟半生萍水今方定一飯王孫晚要酬  
寄語元方憑紙筆殷勤都付鴈南秋

送彭太守事白還徽州

白下橋邊始見時綠楊疲馬放金羈人閒詿誤為能青  
衣上風塵不受緇沙月小洲生夢寐野棠微雨話瘡痍  
郡城來去無多路已欠青山幾日詩

白齋詩集 卷四

聖三四明叢書  
約園刊本

書陳萬南素扇

白玉臺前見此人野梅江雪比精神夢回剡水溪頭月  
香散靈均轍下塵出入有時非傲世風流無態也藏春  
秋來莫寫班娘怨今日君王汗滿身

義興學舍與沈元壽話舊

俄然相見卻關情慚愧青山陽羨城十載離思寄流水  
一霄清話到雞聲風塵黑去無青眼鬚髮蒼來有浪名  
欲寫魚箋三百尺縱橫心事竟難成

輓屠繼修父母二首

彫謝衣冠歲不堪林閒高閣莫相探去家有鶴人何遠

叫寢無雞夢正酣北里春來還碧草西園弈散但紅柑

麒麟掩泣收遺事夕露庭花共淚含

躑躅紅來草亦青晚風堂上憶慈靈斑衣線短空長日

畫雀金消冷故屏倒景迅時悲逝水太陰圓處蝕妖星

百年未信幽明別夢裏萱花猶滿庭

省心軒

一州膠轄重煩君靜裏工夫著幾分絕響曾參今又見  
格言伊孳昔還聞亡羊道上多歧惑神鬼關前十指紛

白齋詩集 卷四

聖三四明叢書  
約園刊本

引領聖涯從此到敢將誦說託空文

周秋官雙輓卷子

春暉堂閉舞衫收西下斜陽迸逝流華物似教催歲紀  
徂魂終是返河洲書檄有恨塵橫地琴瑟無歡雨送秋  
天上鳳凰高萬仞白雲思苦一回頭

呂鍾源味淡詩卷

萬戶腥烹意獨嫌草堂煙火自垂簾篋日久銜能熟  
匏葡萄深煮亦甜浮世已看金足土高名曾似蚓為廉  
每因風日相呼喚起焙新茶坐小簷



高郵舟中用吳仁甫韻寄黃舜章殿立中

其向江頭一問津陳人得路語還新已如司馬方歸漢  
不欲張儀卻相秦綠酒可能成獨醒黃金無計買青春  
新豐楊柳何深淺總得東風開翠顰

賀官貳守誥命之榮

御墨龍香散不收恩封萬里下諸侯尋常物論歸冰鑑  
咫尺天顏見冕旒雲掣綵旌森曉道風飄宮錦舞春流  
還看小醉黃堂下一片青山似定州

送周草庭之雲南僉憲

白齋詩集 卷四

四明叢書 約園刊本

隔座壺觴急遞傳傷春送客總茫然百年同榜文章友  
兩子相忘爾汝年流水飛花同是別南雲北雨獨堪憐  
雁毛得過衡陽否一月封書要幾箋

遊靈谷寺宗長官留別因飲于此 批 逸氣

出城望谷十五里吹帽東風一面當春柳變禽驚首夏  
午林騎馬忽斜陽逢僧方外衣冠薄食筍山中七箸忙  
記取宗公今日別干峯鐘磬晚蒼蒼

明州懷古

白沙黃柳夕陽橋甬水南亭縱目遙山縣舊依秦扁字

野人時說宋青苗百年市舶來夷貢五月溪田灌海潮  
良吏觀風曾未確且言雲物勝前朝

越州懷古 批 言感慨

句踐雄圖得計來苧蘿山外築高臺浮雲故堞何年盡  
去國扁舟竟未回郭索上田秋水暗鷓鴣拂樹野亭開  
傷心更有雲門寺頭白殘僧掃劫灰

入觀途中感事

一麾剛是莆陽守出境使民如馭磨晝日山川猶接我  
風塵筆硯不宜文江頭細水同趨海山腹高煙欲變雲

白齋詩集 卷四

四明叢書 約園刊本

此去且休論進退蒲風吟葉坐堪聞

老儒方君父嘗宦吾寧今儒老矣求壽詩予之

先公靈氣逐長川令子猶能道昔賢雲路三千成末路  
今年七十是生年小溪碧影閒中我甘橘紅香醉裏天  
飄瓦物情吾已信聊裁楮葉寄清篇

甲戌七月十五夜郡齋中惡風大雨不寐

別屋驚聞墮朽聲兒童程露繞牀行飛雲侮月明飄雨  
斷黍隨波夜入城編戶只應圖半飽度支肯為免全征  
不知五事歸誰闕相對瀾瀾空復情



鶴舟

扁舟載鶴如載僧秋風鶴相正稜稜臨臬夢入今何許  
西蜀相隨僅一曾毛骨未輕還滯泥蓬萊有信合飛昇  
晚來或繞龍門過新月微風笑李膺

銅香童

默無言語捧香煙螺髻雙垂短袖偏心火未除猶累俗  
金身不死欲成仙閒門喚我來消日深院隨人出告天  
莫與幸姬爭寵愛一生憎爾夜忘眠

三月雨雹大作效杜體一律

時年二十萬嘉禾

白齋詩集

卷四

聖去四明敝書

約園刊本

抱膝長歌感薄遊打頭風雨益春愁黃塵遠道誰迴馬  
急水高江莫放舟成客通宵空報火野人三月卻屯牛  
青衫賤子憂無賴更爲蒼生涕一流

送葉司訓

公事閒來恰送君萬山煙樹倚斜曛離歌對酒無三疊  
殘暑先秋退一分人向別時方是客江於南去半爲雲  
隨君夢落西齋小坐裏東風長蕪芹

東禪寺飲別

北上扁舟雙槳鳴東禪深處復留情千年石上看花飲

九曲廊前數竹行弄野雲光知宦薄出山泉水與僧清  
羣公袖底藏豪墨難作陽春第一聲

贈楊都閩

羊祜輕裘備武文詩鳴不數霍將軍楮藤字札曾雲寄  
湖海神交以姓聞九月霜前初下拜一瓶菊後謝頌分  
水涯天角回頭處應指三山是使君

贈孫浦城

別時梅雨濕江波黃葉風前此重過詩力借酣彭澤酒  
政聲來聽武城歌鴈邊雲白南音少馬足塵清北意多

白齋詩集

卷四

聖去四明敝書

約園刊本

良會有期非遠隔溪流月色奈君何

白齋詩集卷四

白齋詩集卷五

明鄭 張琦君玉著

玉峯朱欽編次批點

五言古詩

次石田韻

形骸與人居恍若木石對人問我不答謂我真大醉已  
離糟粕中闕眼作假寐氣味蘇與黃百年不我會酒後  
一歌呼未覺筆墨悴鳳豈德衰乎孤鳴亦誰爲

奉答德樹用原韻

林批 字字停帖

白齋詩集

卷五

一四明叢書  
約園刊本

童子來雪中遺我高士牘悠悠牘中語新值咀寒綠令  
人發浩興臨流取桃竹削竹勿傷手尋君曲江曲

錢廷節母輓詩卷子

君昔速觀化廷節父 蚤世神依獨木主辛苦四紀餘死復成  
偶伍手持白玉瑤納君懷袖畢瑤有貞節文上不愧秋  
日秋日復秋日射見江水深江寒蓮葉死生子多苦心

南樓玩月值雨奉和見素林公韻

南樓月正好雲勢已無月維月亦強項肯爲雲滅沒雲  
質本輕微肆侮月光暉月白不可涅任雲巽妖霏君子

洞大理不辯雲是非對雲張酒膽掀髯發聲威顯晦吾  
道爾行製山中衣

少宰楊先生四喜詩分題得早故金三字

時相啓東閣張筵盛於粲七客買魚入四座列禁昇  
公苦地中山隆隆匿厓岸客如水中魚刺刺忘顧憚時  
天沛甘雨潢汗陡尺半庭花晚色靜蛙蛭走堪玩天人  
協清歡安復問雩旱

公授七客題析楮錯分布懷歸臥菲茨蜚吻詞莫措四  
喜世難并一一納公戶叶始知相臣力可以視神祚強

白齋詩集

卷五

一四明叢書  
約園刊本

歌欲張皇何由中招獲願公均此施不獨庇鄉故

淨雲宿承宇幕幕生朝陰鳴鳩叫前除天雨來自南我  
公愛井里飲酒忘戒嚴叶移尊卽庭階蘭玉羅森森金  
屏夜氣永玉桂秋期深走也樂公樂擊節成高吟乃知  
文字味可以輕千金

喜雨前篇

正德歲壬申惟夏月五六亢陽烈雲表旱氣軋大陸槁  
壤拆龜背文亂不食墨河流涸玉漿日竭成孟覆有苗  
秀未吐如人孕在腹草木鬱不長如生強加楛茲殃敢



求數惟咎當在牧豈予饗盤餐而畏覆公餗省躬慮未  
至因其事土木旦夕率屬拜香薰黝松幄我與土木矢  
三日望優渥帝前爾能趨帝面爾能告至期罔徵驗當  
爲爾神辱神則唯予語奮猛幹化轂一雨連七朝潢流  
溘四瀆圻者合文理竭者抱盈足秀者日就實鬱者肆  
發育蛟龍返幽宮魚鼈寧舊族雲漢霽疾威畢宿飶餘  
欲豈矜人昂昂要婉我腸毒謂天蓋高高去予僅一膜  
孚顯理必有鬼神豈應惑汙邪聞田祈歲則當大熟

喜雨後篇

白齋詩集

卷五

二

四明叢書

約圖列本

壬申所得豐續熟望癸酉以爲官府職漸舉百廢后去  
冬孟仲月遠入是歲首百日不一霖天漢淨如滂民曰  
吾小人立計春最厚牀頭種子白撒土日已久滋潤不  
相濟秧短未入手秧強汲澗救田容白翻剖予乃召民  
言是固天作咎非怒爾有愆誠罪予德醜昔幸感于公  
今胡效馮婦父否切我民不吾釋加橫挾之肘吾亦矜我  
民如身臥在坎南備畚草壤北巷辟鷄狗屠夫勿市刀  
獄眾解桎梏惟房妾婢遠堂堦適童叟入山頰龍湫拜  
道塵楊柳林公見素先生眞宰心恭敬尤不苟湯餅慰飢渴

士吏徧入口昇龍入雲庭感應捷桴缶續日便得雨色  
勢亦頗驟五日又得雨飄颻滿窗牖類此四五逢人稍  
事西畝惟天尙屯膏霽霽未大授僚屬協精德誓公各  
不負終然動帝衷甚雨劇翻瓠河流無高平牛馬失來  
走縹縹馳雲師曳曳鳴電母千村樂新作百農應歌吼  
會當起倉積且毋辦笥斗隔雨聞農談疊疊及太守我  
今老且慵於子夫何有

寄封君豐編修先生

少年亦衝鷲所志在萬里讀書五十車攻文多檢底吾

白齋詩集

卷五

四

四明叢書

約圖列本

爲範馳驅一禽失之屢回視家鳳凰日悅就文理須臾  
冲霄翰翩然帝榜舉口含五色書天光濫墟裏可以輟  
初志赫赫豐太史郊居復無累五丈日方起梳頭束冠  
帶照影溪上水自覺多清康相顧兒童喜清適甚

三異

令長秉化桴幽默捷神聽遠給太乙軌妙契中牟政旱  
蝗手加額天雨洗殘臍有麥斯軒軒兩歧蔚相競三異  
次第見事嚴盡足證漢史何聯翩大筆寫奇勝而公避  
名者謙若脫負乘自緣金玉章無乃吐光映善於感應



微皎然暗天定

寄楊名父先生 批 直抵陶謝

偶出國南門秋風動吳沼佳人隔扶桑日出方杲杲照  
見玉雪膚明德日三深飄飄白霞裾覆以青桂葆南北  
不可忘星辰割昏曉惡人不自陋鉛華以為巧豈不畏  
遲暮那復事妍好夜理機上絲千端素幽抱達旦始成  
章一寄萬里道

寄豐太史原學

維昔奮龍虎雲端近如昨宰物夫如何置我一天各從

白齋詩集 卷五

五四明叢書  
約園刊本

此畏不振視若邈先覺雖無千里才勉試百川學九章  
非吾志歲序苦纏縛月俸猶千錢俯蓄良未惡所渴負  
米志終得湛露沃先生用志勤手帖示面目拊膺發長  
感人生非草木我有綠綺琴幽辭尚堪託一觸人不知  
塵埃手中落

題周仲鳴悼亡賦後

仲鳴失其偶三月無精光對客何草草懷毒不下堂怨  
墨久乃發一紙數十行上言合歡短下寫離別長初如  
周南鳩宛宛不可忘化為收犢雉朝飛在山梁金徽語

幽意箴筒槁蘭香明星望河鼓曉色忽已蒼欲附夸父  
足魚軒渺何方徒增仰屋歎明月生前房

分得蒲葵關題送黃子和入閩

浮雲渺南飛遊子輕萬里白馬雕珂鞭朝過龍溪水紫  
荔結秋實深山走青鼠夕陽古城上照見綿葛市民俗  
多禮文兒童學齊語應接目不暇一一傳筆紙三山有  
神人浩興欲東舉忽見蒲葵關不悅臧孫氏

中秋待月不至奉次毅齋韻

石砭駕飛梯緣以上木末庶幾攬清曠濯我心中渴豈

白齋詩集 卷五

六四明叢書  
約園刊本

知素娥車雙輪中路闕惆悵返空庭幽花坐還掇家有  
斗酒無謀婦及帷闥婦云酒方熟要我濾巾葛我時意  
頗佳君懷胡獨怛大雲當中橫小雨弄微沫風堂有餘  
地文席展教闢明夜月當來為君樽重開樽空北壁倚  
浩興無時止 不著意說自是難學

保定學石門

仲尼如日月端木有名言冕服肅王祀巍巍百代尊華  
夷誦聖法奚翅一邦敦但彼顛蒙子飲水不知源所以  
石門作經費不告繁斧椎二十旬工役頗紛紛白玉四



旁啓洞若鑿崑崙中刻疇易圖萬象亦輝焜孰云素王  
宅不是道之門卓哉諸君子倡義協輿論嘉績欣有託  
庶幾終古存

柏椿圖

新安名山水佳氣秀復蕃凝結在人物而或聚一門近  
如張公家兄弟並清溫長兄八十五仲差少五年其三  
七旬二顛髮亦已頽叶經史日耕穫禮義責子孫四賢  
秉志諧旣翕鳴篋墳有斐廷尉君孝愛日以存繪爲寄  
寓圖將持佐壺樽老柏凡三榦森聳闕墀軒一椿列其

白齋詩集 卷五

七四明叢書  
約圖刊本

旁華葉何偏反椿以況其父三柏伯父尊猶謂柏椿首  
可作祝歲論致圖若妄爾意篤如厚坤大夫行事峻吾  
敢贅疣言只直說意自宛妙

畫蘭爲朝用賦

風絮何悠揚下雜塵土飛澤蘭無情思流水淡容輝此  
草久不見重我長相思客有水墨技爲汝傳芳蕤一本  
數百葉中花孕幽奇置君隔疏綺相對無一詞但知守  
貞性焉能明素懷畫蘭不畫意蘭花不如草至今蘭與  
草無人辨惡好

望雲思親卷子

浮雲興大陂悠揚復斷續遊子感時序升高振芒蜚親  
舍隔秋海遠入千里目我願雲有神結爲雙車輻朝發  
暮及庭安事騎黃鵠古意

次向中美韻

風雅方寂寞高眠想清韶悠悠靜傾耳希音隔穹霄有  
客寄遠詩雲章爛回昭皎皎是非聞不雜鷺與鴟正詞  
沮金石逸氣終逍遙彷彿謝康樂文字極高標天機生  
自然遊鴟駕扶搖決皆隘九垓萬物思凌超光燄出箕

白齋詩集 卷五

八四明叢書  
約圖刊本

斗李杜將遠邀青春軋夷等鶴立神仙曹溫溫玉色潤  
搗謙復無驕吾道日以壯應勿憂蕭條

遊長山

是日大川清之皆在

偶偕羣從遊騎馬秋山冷笑語應谷聲揚鞭亂江影入  
山尙未深而有山樓境紅子落長藤蒼苔覆簪井短棘  
刺我衣朔風吹我領飢腹覓蕨根健步出松頂樵人四  
五家炊煙忽生眼問樵何處山云是丹霞嶺龜勉越崇  
岡豁然見高景飛鳥盪胸至浮雲暗生脛遙瞻泰華蓮  
俯睇彌明鼎渺渺天台峯默默仙妹靚萬象乾坤內一



一付君等陟高原自卑可以發深省

用前韻和徐松軒詠雪之作

朔雪從西來益我郊居冷凝輝縞清夜卉木禿形影仰  
視茅土宮幻以瓊華境兒童走相報園林失坎井玉粟  
森肌膚冰鐵易衣領烏鷺磔鷄爵石貌沒踵頂人生習  
晝夜不夜反生暝稍似蛟龍鬪鱗甲委林嶺還疑梅花  
生幕歷揚州景東方有一士短布適至脛不歎貪夫泉  
不朵覆餗鼎濯濯春柳姿淡淡秋華靚歲寒不相饜意  
氣搯夷等哲人抗高節此道誰復省

白齋詩集

卷五

九

四明叢書

約圖刊本

海漁

何物此老人殺竹南山青維以雙繭絲赤脚踏滄溟滄  
溟有龜魚尾甲搖煙星長竿不易觸經年失飪烹咄咄  
世間人潢汙事鱗鱗朝取或盈車暮引足充羹不得失  
顏色得之氣盈盈室以悅婦子堂上媚賓朋爲言吾利  
厚可以業平生老人在海上豈無羨魚情重理珊瑚竿  
黃金以爲繩戒嚴河伯國無使神龍驚吾今大下手鸞  
刀伐鯢鯨

答崑山朱祐甫秀才

有客來自東溽暑汗不收揮扇當我立從容言所由云  
向練水發故人寄綢繆何當一驚喜書卷失所投延客  
語終日知君始詳周易理究天則文章泝伊流樹立良  
自厚青紫不足謀崑丘玉萬片毛朱掇其尤

毛澄癸丑  
狀元朱希

惜春吟

長風從東來吹我白日暮山桃紅滿枝新葉已布濩金  
雞始嗥晨忽見東生兔雖有萬牛力焉能返天步春華  
不待人造物豈相妬

白齋詩集

卷五

十

四明叢書

約圖刊本

傷親二十首

遠雲秋苦

長天澹無色浮雲走西南雲是吾親魂秋風冷玄驂萬  
里去無力如待人負擔冉冉滅行迹淒淒悲寡男願天  
不生雲黃檗化爲甘

虛寢夜長

涼風起中堂蹶我肉骨親蛛絲度空幕月光照流塵雞  
亦不肯鳴天亦不肯晨悠悠漆園夢千載螻蛄春安得  
東窗日重照白頭人



煙海音稀

見說蓬萊山煙海八萬里欲渡不可梁無邊亦無底黃  
鶴去不歸誰為寄尺紙潮水煙中生倏忽到席几問潮  
何處來潮亦何言語言有盡情無窮

柘園日薄

澤澤桑柘枝春葉細如簇朝暎耀清熙糧鋤動蠶箔忽  
覺天風寒吹我日色薄繭登蠶亦死飛蛾散幽魄淚眼  
遠無光牆頭憂繼白

雪鳥抱影

白齋詩集

卷五

十二四明叢書

約園刊本

慈烏失其母嗷嗷無好音落日雪片急低飛下上岑隨  
身幸有影與雲兩沈沈天無十日雪鳥有百年心明朝  
雪自晞烏啼只荒林

晚鵲叫化

杜鵑豈無聲白日豈不夜黃昏閒杜鵑愁人獨驚怕花  
深月色苦彷彿春魂話一聲卽有淚淚是湘水化湘水  
無窮流鵲啼幾時罷

月杵孤聞

金風既戒秋城空月出早砧杵西江鳴寒聲發孤小賤

子不願聽誰肯為輟搗萬戶一片月何以分惡好仰盼  
石楠樹中夜落飛鳥

蘭舟遠憶

驅車地有迹放船水無蹤江潭闊於海下有雙蛟龍迢  
迢隔畫槳冉冉開芙蓉水遠人亦遠何處攬清容追隨  
惟有夢驚散匡廬鐘

雨蕉泣夜

夜風不落雨盡入芭蕉去蕉無卻雨葉雨點不到地一  
更瀟瀟來二更急如澍半夜無全蕉蕉破雨亦細明發

白齋詩集

卷五

十二四明叢書

約園刊本

看西池是蕉泣兩淚

墓木愁春

哲人日已遠誰謂天有德隴樹日已長誰謂春無力春  
能發樹枝樹復怨春色暖風不作花零雨下清滴啾啾  
樹閉鳥喚我拜寒食

悲風有懷

萬物思直遂而豈能自由木以靜為性飄風太相仇病  
葉不自持况有撼撞憂葉落不止柯風來無止休千載  
泉魚恨吾恨亦千秋

負米無日

由也昔未貴日負五升米為親煮飢粥親悅由起舞親  
死南遊荆廩粟多加土開襟視肩痕皮色嫩如乳更使  
米上肩日光向西吐

形容到此

三牲闕感

批 如何不怨

糗糧纔餬口云胡道三牲五日不一肉鬻釜無腥烹所  
期在未晚親豈解長生親死兒有肉啜嚼如齷齪孝哉  
穎大夫猶泣生前羹

九我諸恩

白齋詩集

卷五

十三

四明叢書  
約圖刊本

起讀古人詩九恩實痛我空桑亦有自青螟亦有羸安  
見罔極親棄之若投果親如火上灰我即灰中火死灰  
火不滅耿耿中夜坐

晨雞夜鐙

晨雞號如故夜鐙豈無光天地一昏曉悲歡異人腸往  
時雞與鐙聞見在高堂今日鐙與雞颯如丘壘旁俛仰  
百年內誰能無感傷

春雨秋露

天亦何言哉氣至即感人孝子淚不了逢時落津津春

雨秋復露在地即在身履之入膚理恍惚生至仁人非  
犬與豕胡念不在親

天壤嗚愛

吾親如壯夫八十健食飲前途至耄期都來只廿稔造  
化斬餘日迫奪何太甚一日落眼光千秋作長寢古稱  
天地仁此意竟難謔

猿鶴相悲

林批 語到此

蕙帳吹晚風慈闈死秋竹猿鶴如有懷嗷嗷鳴山曲我  
聞猿鶴啼猿鶴應我哭風起月色暗江流影如墨虛堂  
誰與言中夜起燒燭

白齋詩集

卷五

十四

四明叢書  
約圖刊本

袍綬淚斑

我有六尺軀麻袋太垂委狼藉不自檢盈身涕而已涕  
是漆樹滋沾衣不可去濃作杜鵑血淡如梨花雨江水  
可浣衣淚斑只如此

羹牆心在

我謂父母德齊天小山斗所以羹牆聞耿耿見白首昔  
賢希聖心亦向羹牆有思親與希聖畢竟誰薄厚欲以  
道向人可心不可口



輓蔣一之父母

玄雲升遐圃弱水西流急嗟彼委珮人徂魂望何及孝  
子日下堂躑躅中庭立短賦荆園招長聲魯郊泣拒梧  
高百尋葉落滿墟邑于焉雜我思散亂不可拾

大川一子一女皆歿于痘予有感作詩哀之

阿郎年纔五已覺驚座賓阿女且三替洒然出風塵兄  
妹參差長玉光映青春大川好兒女稱歎協比鄰上天  
胡疾汝今年歲在辰時維三月初兄痘生滿身九夜立  
媼姆燈火洽昏晨鼻口竟絕息湯藥不及膏妹亦患生

白齋詩集

卷五

十四明叢書

約園刊本

痘吟聲苦呻呻雖知亦弗起言語不失真一日三命史  
十夕九禱神但使金可贖費錢不計緡吾視大川面色  
黑如稿人大川云其母辛苦欲裂腹有力不救死一去  
如風輪兩孛竟何辜斷送不泐旬喪輿導旗鼓羹飯羅  
兼珍家人陌上泣桃李皆含顰黃山一尺土掩此雙白  
珉漸與骨肉遠轉與松柏親黃昏月色黑野火青燐燐  
時作新鬼啼應為藹鬼噴幽明不隔遠魂夢來須頻願  
伊化為羽乘風入秋旻願伊化為樹逢春葉蓁蓁願伊  
化為石萬古滄江濱人死靈不死重結來生因吾女年

稍長去年死東鄞涕淚拭未已為君重沾巾

月夕送別

秣陵一分手驚見眼逾碧君鬚漆如前我髮縞異昔山  
雞啄秋黍留君請新益落日張燭光中秋隱月夕雲天  
亦情思需飲頗符易何物柳邊驄嘶促京華客

遊華林寺

出郭復出郭鐘聲逐幽尋二三袈裟子取泉為我斟時  
覺酒興薄問僧覓清琴太古向山水娛賞樂不淫登高  
思居危俯下戒墜深安知倚雲客寄之飛鳥音人生繫

白齋詩集

卷五

十六四明叢書

約園刊本

青俎足跡終嶽嶽堂吏持簿書朱墨紛相侵冷滑志白  
石輝燿輕黃金邂逅東南美對君發長吟

王卿一葦卷

王卿真商隱一葦行江湖葦葉不觸物木舟相與徂夕  
泊桓伊情胡遊羲仲隅揚州十萬貫會稽一錢無人各  
有其志厚載不足趣索癡短越將特畜改陶朱葦中容  
萬卷可以開皇恩

水磨吟

有物善藏用急旋過飛翼竊天以為機假水以為力磨

甞不傭工晝夜五十石寒聲風梢梢晚意雪習習出納  
互盈虛動靜明太極西村負戴至東市相絡繹一石覓  
一錢小家僅衣食不租王公田不買富人宅傲利無大  
虧天弗惡其賊茲可業子孫爲藝賤亦得

白齋詩集 卷五

十七四明叢書  
約園刊本

白齋詩集卷五

白齋詩集卷六

明鄭 張琦君玉著

玉峯朱嶽編次批點

七言古詩

廣平太守蝗出境瑞蓮生卷子

諸侯爲政無大難禦災致祥纔兩端廣平太守有神力  
手迴化機如轉盤先是耕夫遶田泣飛蝗下田無子粒  
太守威德如馳霆一蟲不得留疆邑先是汙沼草無芽  
沼中渴裂啼蝦蟆太守恩澤如雨至一蓮再出雙頭花  
蝗飛出境民有飯瑞蓮開花水欲爛江北于今千百州  
安得無蝗有蓮看

白齋詩集 卷六

一四明叢書  
約園刊本

山人鼓琴圖歌 批 不作意說去自妙

山中日月不論數野客何曾識去住君持琴來知爲誰  
我亦無意來此處一彈一奏巧相同君則爲徵我爲宮  
風泉松葉發天聽十指不動智技空乃知萬事難自足  
師襄伯牙皆漠漠回首溪堂夕鬻高問童煮鶴曾未熟

湖河偉績爲李都憲賦

平生儒術蚤致身老氣清才無比倫萬事當前寂不動



經略沈沈如有神古來河患歲莫禦怒浪奔流震天地  
一魔指使曾幾時次第平成有餘智荆襄賊徒肆獠猖  
舞兵潢池耀受折一時酋長自尊大鏟平順天皆稱王  
大江廣漢十萬戶男不成耕婦怨苦君侯致命罔自惜  
出入單危犯蛇虎逆氣從來不久盛馘首紛紛繫長組  
怒髮將軍未足多書生白面今如何天顏有喜不西顧  
江漢從今無亂波赫赫功名其終始白日應照金甌裏  
仲山方叔何人哉自古英雄多若是

海鷹歌

林批 杜後身

白齋詩集 卷六

四明叢書  
約園刊本

海風西來天作蒼胡鷹爪叻如劍鋸長飛萬里不見雪  
回依草木觀四方妖狐黠兔頗無數或時人立直當路  
鷹也側目若有思世人那得知其故鷹乎鷹乎飢乃爾  
水衡珍禽飽欲死衛公使鶴鶴不行方信鷹揚當上卿  
壽郭典簿父分題得魚山  
魚山之邑亦太古盡日晴天飛霧雨只疑方丈臨前楹  
無乃終南屏深戶正月四日春一分魚山花開真爲君  
餘慶能無念爾祖再拜東風酌白雲

賦張氏庸軒

暗鳴一聲生風雨今人便說奇男子彎弓抵劍輕燕吳

天下盡稱烈丈夫五穀在田布在軸日用宜民卻廢足

蟻蛛一顆僅如稊倒困傾篋趨相驚一朝蟻蛛碎在地

還向穀帛求生計庸軒中人坐自思太保從來賤珍異

誤馬曲

林批 似杜 批 古意調復高

郎騎白馬若練帶青絨作韁玉爲轡別時馬前細屬目

郎心或改馬色在太行山頭煙霧深馬色亦似遊人心

終日出門望白馬浮雲細草何陰陰占雞卜響皆不定

鬼神那識楊花性思君白髮千丈生蘭花無香藕花病

白齋詩集 卷六

四明叢書  
約園刊本

人生不如燕子飛朝銜青蟲傍壘歸儂家花落葉滿樹

郎騎白馬西家去

小仙歌

余昔尋仙走幾州腳根踏地無時休終然決志涉洪流

坐騎白鯉導青鯀鐵冠真人愛天遊我往不見令人愁

從此回來三十秋華輪破折重爲修偶然身爲鍾山留

山前下拜神仙儔秋水射人豁雙眸襟中作氣無王侯

白云少小學休浮老大不爲干祿憂平生志意何所投

縹緗素練相疊稠興來時促斑管抽蒙墨落處如潑油



出神入神捷解牛有意無意非人謀天子愛才下招求  
前年召見奎章樓玄鶴高飛不受鞫于馬來歸擇林  
常時餐飯不滿甌燒葵剝筍爲時羞山茶五斛親自收  
一春戒飲停觥籌今人與之託交游毋乃鵬鷄相旋周  
人呼小仙更點頭何必學漢武皇帝白首相期在十洲

林良戲墨圖

林君寫意不寫形筆鋒賦物真天成水墨一斗沛生氣  
乾坤萬類皆含情水則有聲石有影百禽爭鳴日不靜  
短脛長吭辨族殊高飛下逐雌雄並水無射弓山無巢

白齋詩集

卷六

四

四明叢書

約園刊本

弱能自立強不驕爾我相忘齒角利觸之不怒皆囂囂  
我願區中開廣域晝行夜宿無戕毒千門萬戶置此幅  
廣大

送翁長官分韻得樹字

鳧鴨江寒方念羣江頭艇子不肯住眾客淒淒動愁色  
雲邊直指象州路願君爲我立斯須高歌一曲白日暮  
海邦居人曾未知東風已動桃椰樹

朴隱贈魏先生

白玉岡前玉如堵朴隱居士玉爲戶六丁五鬼無所用

混沌天教屏椎斧只今時人好工奇垂哉十指無停施  
此中消息居士知抱朴恆求古人師

黃昏步溪上見煙月可愛

批

溪上四篇  
都唐人口語

明月在天煙在溪煙中看月無光輝沙禽熟眠潮未響  
野火歷亂船初歸天邊楊柳誰家樹煙月相含不知數  
此時幽景記不真莫是江南夢歸路

次夜再步溪上

夕禽啾啾棲未定前溪吐月如金鏡我來手攬女蘿枝  
獨立溪頭待清映荷花香前鷓鷯飛秋風不送行人歸

白齋詩集

卷六

五

四明叢書

約園刊本

行人見月腸已斷應是閨人淚如霰

次夜又步溪上連賦二首

日色落市天乍昏人家燈滿溪上門海客載魚入市競  
縣胥騎馬歸村喧乃知名利熱於火紛紛晝夜稀眠坐  
芙蓉滿江月滿地鳧鴨沙頭足清睡

月色不減昨夜好秋霽家家夜飯早蔓菁芋子白酒香  
土門竹舍黃花老農談悠悠靜可聽皆說官家今太平  
斗斛上倉不過槩差船點馬無兼丁翁哺弱孫婦抱子  
依依相對桑麻裏我願明月長此光不照離愁照歡喜



山中歌 林批 面前語人道不得

深山古苔滿地碧淺山流泉走白石深山不接淺山雲  
今人還尋古人迹漆園先生竹皮冠芙蓉衣薄秋風寒  
秋風寒欲歸家去昏鴉棲滿溪頭樹

桐原曲贈何廷儀

先生少時桐亦小先生六十桐已老幾見春風垂午花  
幾見斜月掛秋曉先生小坐誰得知有琴無弦聊對之  
湘南美人期不至青鸞拍拍煙中去

畫山水歌

白齋詩集 卷六

六四明叢書  
約圖刊本

輕煙散朝靄野日明川谷淑氣動禽魚和風生草木長  
巷深門繫白駒幽花細柳鳴鸛鶴主人春眠起常晏日  
上半天炊未熟白石堰赤沙湖蘋葉晴光映綠蕪朱橈  
畫槩向何處極浦相望天一隅江湖廊廟隔手外分明  
出處殊其塗憶昔當時輞川子高情日在山水裏孟城  
鹿柴處處佳此幅丹青無乃是如何富貴累夙心畢竟  
芳名誤終始雲山蒼蒼水潺潺風景依然眼目閒雲山  
何曾變今古古今人自負雲山 隱然譏歎

風雪圖歌

晚家西山傍天姥十月作雪天惡苦陡新翦茹成小屋

只開東窗關北戶樹梢撲地落凍螭啾啾瓦雀吟朝飢  
禽蟲此時若不利山客高齋今獨宜五斗秫米作酒醪  
阿婦來言勿沽店鮮魚出冰黃玉光松火入突碧煙燄  
我笑老迂袁太尉何必僵臥雪中如小夫又笑子猷好  
生事夜半擊舟樂寂寞依風蒲不如坐對家人面酒酣  
耳熱高歌一曲還敲壺

贈黃赴兄弟

君家舊業鄞江墅百金買屋京華住開門日月當頭來

白齋詩集 卷六

七四明叢書  
約圖刊本

樓上雲霞手堪絮往來時有金魚客擁簪東風掃芳陌  
須臾客去花陰轉花前起讀田真傳

愛椿慕萱題金監生卷子

種樹種椿花種萱日碑世業來何蕃風翦無仁疾雙美  
萱花栽落遺孤根椿根秀發老逾好兒子承歡日皤皤  
百觴方欲取東溟夢中無奈生萱草

醉中觀夏德樹草書

先生揮毫墨未飽門外青山落日小主人畫燭幾許高  
還向西池學飛鳥 飛鳥字勢也



錦雞圖

錦雞之文綉以縟有客曾籠出西蜀南方驟得見此鳥  
白鵠玄鷲總凡俗自我不見三十年聲音顏色何茫然  
何人寫生入精妙卻比見時尤足憐宗將軍孫老廷尉  
家藏此幅四百歲手掘竹谿開小堂錦雞格格夸毛距  
梅花深雪寒亦得何必玉樓策翡翠

題靜修送行圖

昔君道價壓南服萬卷山中更深讀文才鬱勃久莫禦  
射策君門如中鵠英雄三百同時升禦花瓊林醉鳴玉

白齋詩集 卷六

八四明叢書

約圖刊本

兩京山河對峙雄天府金城互南北至尊尤念根本  
邦政煩君釐眾目黃金臺前恩澤多雨勢東來如立竹  
百花能紅柳能綠和氣交歡春意足船頭相銜船尾屬  
載君圖書五百軸王事有程不可稽迅速蒲帆赴鍾麓  
鳳翥龍飛縹渺閒長安宮殿空中矗咫尺天威顏不違  
舉首何曾忘京國

浴鳧軒為封君林太守歌

小江曲湖莊門幽白石徑藤來不休有鳧翩然倦雲遊  
下與魚鼈爭春流先生野情適相求鳧亦不去同沈浮

汝羽青青吾白頭人閒日月如馳騁萬錢為買木蘭舟  
千丈深淵下直鉤海翁前身曾狎鷗與物並育吾誰仇  
天隨鬪鴨尚機謀還讓先生居上遊

郭節婦

古人見善必疾書畏恐遺落無收拾况今守令司民風  
重此一事更汲汲豐蔀幽茅有隱賢青天白日何由及  
且如林氏女郭家婦天性貞節世希有初笄入門美少  
年桃葉桃花纔十九娒娥在天當獨居倏忽神明奪其  
偶時尙女腹無遺娠如梅未實杏未仁一心槁寒百不

白齋詩集 卷六

九四明叢書

約圖刊本

動形骸已作全亡人與姑依依日相慰無女無男從寡  
身嫁時釵頭發玉采今日笥底樓浮塵苦茶甘薺不自  
覺視槩如飴亦可嚼行年三十六春秋更老百齡終婦  
郭世閒不有大羊羣今日安知虎豹轉生性直絕見得  
明夫家尊重父家輕寧父終歲不一往往見伯叔心為  
怵節婦無言如寡情井水何曾答風聲叔氏見素當朝  
老中丞忠貞道氣九垓橫有姪女質酷相能為姪談事  
天為清賈充馮道易改面嗟爾男子之為生

石崖讀書臺歌為林侍御



堂堂九牧開慶源子孫不億來何繁侯王易姓蒼狗變  
襲業焉如九牧門左手授書右付史父祖師承不下屺  
道德文章世謂難日用飲食吾常耳內臺總憲虎鳳身  
策功貴竹真元臣祿入而家量餘衍爲書買山糜百緡  
築臺藏書不藏璧已老屬之天麒麟麒麟天生代希見  
上臺讀書了千卷下臺飽腹氣食牛甲科破竹連雲漢  
帝鑒青春肅霜格遂從中朝借鐵面東風一日思筌蹄  
先公與臺今何如獻忠日長暫乞暇日夜兼程趨故廬  
削華屏美古道朴人自指點稱瓊琚恐明天子呼促迫

白齋詩集 卷六

十四明藏書

約園刊本

時刻登臺偷讀書

風木慈烏圖

昔年堂前樹好時清陰爲蓋臨軒池深根不撼地維定  
夜夜慈烏來哺兒颶風一夕捲土至吹得堂前樹憔悴  
樹葉落地烏以飛烏雛啞啞啼不去雛欲爲烏報含食  
長天茫茫海雲黑安得扶桑千丈枝風吹不動烏等翼

南旺閘歌

平明拽舟至南旺閘夫關水不肯放云道今日鮮船來  
內監封皮誰敢撞上水積高丈五強下水枯渴如流漿

千艘櫛比不能上舵公暫息河流傍吁嗟河流注東極  
奔馳晝夜無休息乃爲鮮船所妨阻去不能去來不得  
官有軍輸私有商九州百貨來河湟鮮船滋味纔細物  
卻將聲勢扼喉吭我眠篷底拊膺歎欲言不言畏居訕  
舵公前來向予說公然開上何須懼予對舵公只搖首  
燒雞細酌山東酒他年若得持檝下諸州閘夫放船不  
待吾開口

楊母七十壽日

斃管聲中日長久朱碧華筵映雲母女中仙人少女顏

白齋詩集 卷六

十四明藏書

約園刊本

珠纈雙垂麗星斗堂下兒孫三五行舞衣爭試風前香  
奉花進爵作醕酌東川南岳何森張鄰家豈無白髮媪  
衣食懷憂顏色槁舉首私瞻阿母宮咫尺塵埃隔瑤島

榴花行戲贈飲中諸君子

先生病骨畏初暑半披白袍坐碧宇眼底榴花如有期  
飽著風情傍微雨便呼山童灑玉澆有花不可人相辜  
我醉既醒還復醉明日榴花知在無花神聞語紅巾感  
自恨浮花寄塵俗亦有紛紛憐汝人我入青山看脩竹

清軒之鎮



凡物不雜爲至清古有孤竹留其名此道寂寞數千歲  
高山仰止猶如生有美君子好師古眾中獨見離塵土  
楊柳輕風過碧池梧桐皓月生虛戶此時拂石坐得意  
依稀若與神明遇清虛廣寒真在茲天上人間一般味  
金紫貂蟬世有之皎然一節凌凡姿向公欲問何爲爾  
不是梅花誰得知

碧窗春曉圖

春雷昨夜驚海雨龍孫疾作過於母須臾吐出瀟湘波  
寂寞春陰挂窗戶主人枕書貪晏眠青綾被上生楚煙

白齋詩集 卷六

十一四明叢書  
約圖刊本

起來櫛髮記殘夢翠華帝子雲鬢偏雲鬢偏望何及九  
疑路滑蒼梧濕碧雞頻啼雨又來呼道帝子行不得珮  
音南歸漸不聞江流碧色如羅裙悠悠多少夢中話分  
明只在春窗下

送吳侍御清戎浙江

乳燕初玄槐葉青午天佳氣生都城時維端陽節物驚  
雞魚數豆非大烹鐵章御史將遠行過我斯須敘平生  
十觴不醉遠再傾更僕執爨臨前楹官居曾無檀板聲  
長歌已覺通神明古稱君子無所爭藏鉤射覆如用兵

庭鳥翻枝時一鳴薔薇無風自落英今夜蘇章聊復清  
詰朝繡斧東南征百年幽隱指掌清兵民兩得歸生成  
六橋孤山餘野鶯似爲使君相迓迎坡老當年醉縱橫  
風流豈得專時名他日相思今已繫起把長箋付墨卿

捕虎詞

太守不曾張聲威百道捕虎必得之小政雖不當大事  
猶喜捲東四五皮甌罌白晝虎嚙人懸官安食如不知

桃郎歌

郡衙之北桃十株桃花殷紅桃實苦衰年口腹重甘味

白齋詩集 卷六

十一四明叢書  
約圖刊本

日夜欲除若茨楚仲秋八月木葉飛入林親自行斤斧  
味不資人木之蓄苦桃受罰何言哉直榦剛條四五挺  
教僕毋薪聽翁裁長過眉者取其二大小如同兄與弟  
大郎差肥力五石小郎瘦健尤儗利削枿存皮青玉明  
潤以丹漆增光熒皓鐵裹頭剛毅發截地解作金石聲  
自古桃菊先路行不祥風消神鬼驚翁今齒年當六十  
衰病幾乎不自植遭逢二郎喜奈何劉公驟得關張力  
持顛扶危不伐功出死入生無德色恨我四方今無志  
爾負爾才居我側郎乎郎乎猶勝叢生衙北時苦桃幾



眼能相識

淮關行

北出淮關多雨霧濁流廣野不可住風鑽破板索丹瑕  
烏啄枯蘆窺水蛙雲沙茫茫日易暮絳蠟華鐙在何處  
黃昏縕被雨暫止半夜再作喧兩耳巴蜀漏天置我牀  
杜陵破屋無過此舵公疾起算良算久晴無備只長歎  
兩番織葦粗掩濕五鼓譙樓寒達旦雨細作雪如煙塵  
對面相語不見人十錢一束換青薪市酒亦覺生精神  
陰晴變化不可必人生遭遇為勢一事當風雨且努力  
豈得前途無白日

白齋詩集 卷六

十四明鏡書  
約圖刊本

壽溪歌

建溪南流數百道駿奔晝夜無停抱絕江擘山求會歸  
流入莆中皆秀好木蘭澈冽涵江清豈不鍾靈亦呈寶  
於中有漢稱壽溪洋洋乎口口莫知狀元徐公水鑿密  
坐據此處誰爭抵左安鈞石右作并讀書述經為世師  
過此以往五百歲壽溪長流在天地挺生賢孫老司馬  
續貫非重重繼志告暇來修五畝宮刊木薙草營西東  
小完苟美意自足我恨不及清樽同為官未除金闕籍

百年終是騎馬客趣裝埽舍明日行煙鷺溪邊草口白

白齋詩集 卷六

十五  
四明鏡書  
約圖刊本

白齋詩集卷六

白齋詩集卷七

明鄭 張琦君玉著

玉峯朱欽編次批點

五言排律

送西峯屠先生再起赴闕

北極傳神器飛龍攫化樞開天今象魏續祖舊寰區睿  
想貞元會深惟治理圖老臣居隱約特旨正宣呼敢作  
曹參喜難為宋父拘屏營拜綸綽勉出萊蕪莫遂巨  
園賁猶蒙造化扶卽看行駿發安得立脚躡霖雨期何

白齋詩集 卷七

一四明叢書  
約圖刊本

切鹽梅味乃需七年茲復往六月暑方徂鄂杜雲霄近  
滄洲壤地迂琴書屬騏驎荷柳借魚鳧匣吼豐城劍朝  
還合浦珠謝公前保傅溫國舊規模日角明丹腑天頭  
顧縞鬚宛然懷去寶不墜握時瑜山甫傳心久元崇應  
變殊聲威消伏慝鼓舞動玄桴萬里方高鶚千林敢媚  
狐錠鐙真委重絺繡要張鋪巨室先梁柱餘材尙構櫺  
勳華延密勿舉禹拜都俞赫赫瞻清軌明明仰大謨秉  
忠還夙夜視事或朝晡廊廟推瑚璉兒童識相儒謂才  
宜此爾惟道本潛孚人望譁當愜公功寂若無猶嫌歌

頌短相勸到唐虞

徐梅翁輓詩

三復公遺事臨風發永嗟山川來秀氣儒術坐名家角  
藝虛三矢嚙書到五車立身剛有濟議論大非誇住聖  
承條約諸生列冠鬚百杯陶氏酒一部孔公蛙池夢時  
回草川遊或傍花流年頭未雪好句手拈霞雲月關心  
事湖山共歲華黃金輕泛梗紅杏散靈砂宰物乎何吝  
公生也有涯探書授騏驎謝客罷茶瓜蓬海神相接梅  
峯路轉賒貽謀高馥桂贈典重恩麻天道迎方定禎祥

白齋詩集 卷七

一四明叢書  
約圖刊本

應未差回看槐影裏濃碧上烏紗

春江爲許世芳賦

見說春江上春江萬里天南婁連氣色東海助雲煙高  
燕晴飛健閒鳧暖睡使水明花似面人醉馬如船章曲  
應開晏秦姬或在筵風萍流點點鼉鼓伐淵淵蔓草新  
成帶羅衣不受綿天妃臨寶鏡沙獮事魚筮隔激通吳  
苑沿瀾問錦川岸山迎白日泥圯過黃韃形管收詩句  
蒼奴釀社錢四郊無敵壘入座有高賢曠達晞先輩芳  
遊及少年時從耕叟語亦向酒家眠楚相悲徒爾江淹



賦謾傳吾今長折柳爲子贈吟鞭

白齋詩集 卷七

二三四明叢書  
約園刊本

白齋詩集卷七

白齋詩集卷八

明鄞 張琦君玉著

玉峯朱欽編次批點

七言排律

送費學士柄文南畿還朝

九重命下玉堂前獨舸遙馳奉至虔素有腹經藏聖術  
此來心事付神天西風玄棘圍三匝夜燭硃書讀萬篇  
至寶采收論定價陳言刊落見新鐫山谿自此多生色  
麟鳳何人不覩賢月值清秋臨白道士騎肥馬競紅纏

白齋詩集 卷八

一四四明叢書  
約園刊本

世無韓子真欺爾今有歐陽始信然吾輩門牆欣再拜  
己未座主先生桃李憶三年撫謙直下如平地仕學增深敵  
浩川綵節綠幢勞遠騎琳宮紺宇寄疏筵送別雜花當  
菊後能全盛帽比龍山亦半偏酒頰漸酡青嶂日人譁  
只隔紫巖泉公塗雲物塵襟淡雲海霜雞曉夢懸極浦  
細波愁送客金鏡畫鼓望登仙路從楊柳迂程出詩到  
芙蓉好句傳列坐儒紳虛上席百川山水問清緣玉珂  
乍響趨朝陌華炬還飄入院煙欲覽靈光無計得合依  
南斗眺星躔

驄馬還朝送賀侍御

岩巖宮殿拱康成耳目還將寄俊英晴旭在天明簡閱  
好風先路望澄清人從列宿光中下馬入三山徼外鳴  
霜氣搏秋消狡慝雷威奮地發葭萌是非稱物開公道  
品式成書作世衡萬里巖廊懷赤日數莖穗畝問蒼生  
單軀跋涉神應相兩手經綸日自營顛仆徐看登寢席  
跳梁定欲斬洪兵吟哦迭對諸峯主指顧潛扶百郡城  
馬子謾誇時政說趙君已得獻清名時芳桂苒催行色  
山意徘徊愴別情赴國青驄何奮迅經年華節轉分明

白齋詩集

卷八

四明叢書  
約圖刊本

送夏德樹

碧雲流水旌高志紅日長安邇去程拱極星聯遵舊趾  
入天雲珮夏新聲臣瞻主聖言條達帝曰卿來喜動盈  
馳道柏槐通密勿晴空鐘鼓考昇平雲龍正赴千年會  
鴛鴦交謹此日盟聞道沙隄增幾許為公儲築後來行  
怪物休教駭寧馨文章是緯道為經江湖老大初相接  
名譽當年已足聽登對三千纜一道乞歸十五有餘齡  
手栽梧梓和人長筆灑芭蕉帶字青壯志不甘隨草木  
鋼刀自許伐鯢鯨即將長揖辭鄉里便有微言拂帝廷

桑土思深雲渺渺浮萍身遠水冥冥已知握粟難呼鶴  
何謂卑官亦應星牆屋未修還地主札書先遣報山靈  
行囊曉束真懸磬歸思春來似建飯短髮豈無新社友  
長鬚猶是老園丁潮喧斷岸船為馬路逼語天石作屏  
乍到或須驚海蜃閒來正好種豨苓逢人重許搜吟債  
講道從今罷說鈴世有何人觀進退天從之子假骸形  
身親鳳德非終隱不信丹山有滯翎

白齋詩集

卷八

四明叢書  
約圖刊本

白齋詩集卷八



白齋詩集卷九

見素先生所示諸篇續錄

勸駕述懷次東所韻錄求正

霜前黃葉漫秋山瘦竹疏花共晚閒老去筋骸翻自念  
日來雲水信相關經心楊柳三眠外作意棋枰一著閒  
好是內庖羞獨割凍梨慙改故時顏

青雨漁蓑社會前蒼苔濁酒話村筵湖田十口差年計  
不放雲閒出洞天

歸鴻月冷影初盡老馬秋高意尙懸未解新聲吟轉石

白齋詩集 卷九

四明叢書  
約圖刊本

久投閒骨鑄江川

斷蕪荒棘半枯骸物化相仍此禍階獨手玄機諸老在

自安閒分入無懷

江激風恬頗不驚野舟眠月度天明洞桃流出幾花片

別有漁郎問舊程

敝幃書卷一生中水晶茶評在折衷柘葉巢鳩眠自穩

冷看健翮戰天風

適承高作詞古而意深平生低首數大家不及

也閉門坐窺海內固有士哉昨姚先生二忠祠

記近名善文者亦不及四明有人拙作淺語可

笑然引玉意誠多耳

得漢城紀事

天然樓堞護雲低萬壁丹青眼近迷兩漢英雄傷舊事  
二巴晴雨問前溪入關有約今誰定與仲徒多鳥自啼  
辟穀病餘曾漫夢裏屍瀕老託征西

是夕夢先考妣來視

生前夢裏憶趨陪墮葉玄城事轉哀疏草長風吹北去  
鄉心流水順東回馬鳴小隊移行帳花落平溪遶舊臺

白齋詩集 卷九

四明叢書  
約圖刊本

萬里雙魂重靈氣撝訶端爲老兒來

壬河屢捷尙遲收得漢深孤兩月留地盡關山曾夢到

野清營壘有神遊風塵九死丹心在鎗火三更老淚流

拜祝師成遺舊睡不煩巴雨恨鳴鳩

盛山紀事

胸臆霜青白鴈羣小堂對柏日西曠繁星江接巴文水

溪壘山開盛字雲井切三潮兵幸洗岡當一火玉爲焚

具知野骨封侯券靜夜冤聲觸處聞

通川感事



老銷髀肉愧征鞍目對人心日轉難盡索丁奇翻戊校  
幾烹丙穴侑辛盤馬鳴路黑邀塵滿巷哭堂深短燭寒  
惆悵亂階誰手事范陽無地葬衣冠

詠梅用放翁韻

老道妙句黃昏月今古膾炙稱奇絕此香此境植族無  
不然梨李亦顏色木中之金果真性造化貞剛收正脈  
仄厓立壁著根難顛倒槎枒添老格清鯁果隨俗頽情  
強把幽葩雪中破萬卉剝落空江鄉恰有一春在吾坐  
履迹冷透尋詩來市聲寒悄賣花過擁褐自嗅還自看

白齋詩集 卷九

二四明叢書  
約園刊本

饑口隄防分雀餓

蜀中數作似笑旅情物態亦見大都焉適和作

四三讀愈好奇才奇才

喜雨和篇

前篇

赫曦弄驕蹇厄會當百六焰灼金爲流通川走平陸瓦  
盆老農家甃斷突無墨大田秀且好真宰恣翻覆宿逋  
未輸官新租可枵腹贏餘畢昏嫁百箬天極枯豈惟麻苳  
虞草亦不得牧在過恐燒棟在鼎疑覆餗齋閣一鐙前

展轉成集木人禱身代犧野暴飢薰幄翕張計周防福  
澤久未渥渾家飯公廩糠麩慘誰告狼暑結人旱無乃  
司命辱積誠徹玄靈豐隆輾怒轂先驅役行雲羣潛起  
江瀆簷聲續夜長高隴晨沾足一滴當一珠人功助神  
育滌滌山爲還餘潤被水族坦臥百憂寬公私飽歲欲  
涼生氣候平旱解不爲毒民痾納公懷戚喜透骨膜畢  
竟手親營焚巫枉世惑應天不以文雲漢思亦熟

後篇

去秋杪作旱連綴申及酉豈惟雨水來已復立夏後種

白齋詩集 卷九

二四明叢書  
約園刊本

作頗愆期雲霓重搔首烈風無時休赤地淨於帚卽斬  
爲雨私可合驕陽厚确田白未翻稗秧喝良久井泉縮  
且盡澆汲不住手蒼短麥一捻夏輸待分割故俗近衰  
下身招竟笑咎月旦彌失真顛倒認好醜吹毛恣譏評  
饒舌儼怪婦陰持足蟬蠹梳爬掣其肘簸弄元氣削豎  
兒作新疾市俠漫樽蒲相先事屠狗旱魃此魁巨公取  
置械扭獨迎太巨翁載致彥方叟經紀宣大猷一眞還  
五柳野談過憤切慎聽公莫苟憶自領郡寄六事曾離  
口包瓜獨含章實有爭盈缶淮南屬臥治清靜作民矚



浮麗氣消融耕鉏安隴畝海鄉鄒魯區文伯故精授早  
假不在民守也夫何負青煙冷萬竈儲粟盡甌窶望哺  
口瞽瞍不北南以走我公抱焦煎老淚落慈母懇祈猝  
未應亟欲爲民吼迅雷驅冥雲雨脚大如斗歡聲續歌  
頌造物歸之守幹將神化關一塞通萬有

山寺漫語二首

寺隱路常棘心多足轉麻仙方神煮石禪飯老蒸沙桂  
月得秋好魚風壓樹斜短舟吾不薄遇處卽爲家

身輕辭世責酒隱話年勞獨壑市聲悄逼秋金氣高支

白齋詩集 卷九

五四明叢書  
約園刊本

藤訪蘭若捧腹臥林皋落鴈無邊信黃花擘蟹螯

入秋偶成四首 增

疏樹留殘暑平蕪帶夕曛簷聲初下葉峯影暮歸雲野

笛隨漁唱遊鳧雜鴈羣草莊時看雨相憶紫芝薰

毒暑流殘焰微涼生晚晴日移南至影鴈度北來聲草

露行秋澹山風作夜清疏稠自時事湘簟欲忘情

流火行金氣吾廬亦水鄉夜便一覺睡熱頗不如涼月

院碧梧冷仙風紫桂香茶瓜酬老分聞笛據胡牀

露下夜如洗神清夢作疑炎歊微失勢雲水亦逢時月

起沙鷗亂天空海鶴遲小山遙注戀叢桂舊襟期

白齋批 林公所示諸篇皆高古非點綴可盡莊誦

默味自見

白齋詩集 卷九

六四明叢書  
約園刊本

白齋詩集卷九

自跋

明州自唐賀祕書以詩人風流聞開寶之間年未老乞身明皇御筆賜詩惜賢達之去其詩行于世不多特其人品足高如白雲青鳳不可得而結攬固已重諸當時矣予生為祕書鄉里后祕書八百年自幼好有唐諸公詩而企仰祕書獨若加一倍豈昵諸鄉里之私其志頗肖類是故彼嚮哉昔先君贈評事晚庵先生速予舉子術不令一日詩懼心詩往也嘗几上竊取唐人詩讀之公見怒投之洎雪中過則徐取以乾之是以於詩無專

白齋詩集 自跋

一四明叢書  
約園刊本

力而心則往往潛遊乎其中先君不能禦也先君老且化幸慰其靈成進士始吾肆而莫予格矣夫是以得徧讀唐諸家之作近體實宗之夫祕書風品或非勉而逮若其詩篇之存今者則願從鄉里後也古詩自蘇李以來亦極致志更假數年精力到得何如耳好事者時請檢傳寫夫楮毫之材莫可與廣也命工升之梓正德癸酉八月中秋日白齋張琦識

四庫全書存目

白齋竹里集七卷

浙江汪汝璩家藏本

明張琦撰琦字君玉鄞縣人宏治己未進士官至興化府知府加布政使參政致仕是集前有嘉靖癸未自序稱守莆陽日既梓平生所作積數年又得若干首有相知君子贊予續梓之文彙力繇不能盡刻姑芟摭數十篇附詩之後是琦尙有前集行世此則歸田後所刻續集也琦當何李盛時別以獨造為宗自開蹊逕王世貞藝苑卮言謂其如夜蛙鳴露自極聲致然不脫於泥中

白齋竹里集 提要

一四明叢書  
約園刊本

蓋其用思雖苦鍊骨未輕有意生新未免圭角太露散體則縱筆所如如遺稽行實一篇至以案牘語入文尤非體裁也



自序

竹里集者白齋詩續編也曷謂竹里予居種竹故以竹里名集也詩又有續編無乃勤且繁哉昔杜工部少陵自謂語不驚人死不休陸務觀作詩日有課程年八十猶苦吟不輟古人與此一事相為命同死生非性癖則近駭者邪子適有是病出處衰壯皆於詩刻意之年老更攻不懈憶見素林先生嘗云夢魂相接多在雪蒼雨碧之下亦得子情真矣嚮守莆陽日既梓平生所作者行於時積數年又得若干百首役神搜眇至於智所不

白齋竹里詩集 自序

一 四明叢書  
約園刊本

能及迺已其或耄而拙且退亦豈子敢自保哉特懼它日散落無收拾若可惜也有相知君子贊予續梓之因勉以就焉文彙底亦頗多力綿不能盡刻姑芟披數十篇名文略附詩之後嘉靖癸未冬十一月長至日白齋張琦書於君子亭

白齋竹里詩集目錄

卷一 五言絕句

拱北軒

出城

雞鳴峯

西軒

言志

畫景

包氏東園

白齋竹里詩集 目錄

一 四明叢書  
約園刊本

雪圖

雙井釣臺

淵明小像

吳中

太白山

春風

濂溪書院

怨雨

水邊叟

林下

胡馬

雨中

書永思卷

登風雲樓

醉俠

農夫

橫石橋

偶書

白齋竹里詩集 目錄

周方伯書屋

鑑思爲吳宗器

偶題

聽止窩

三屏樓

畫景

旌陽山

山人觀書

東樓

二 四明叢書  
約園刊本

東軒

豐氏碑

曉起雨晴

竹亭

石假山

秋日雨中

牧翁

野有虎

飲酒

白齋竹里詩集 目錄

圍帶隄

闌干

晚興

石壁潭

壬午端陽日三首

抱甕園

巨川

輓李時行祖

回祥爲定海李揮使

三 四明叢書  
約園刊本



稷山擁翠

綠水平橋

西岡樵唱

東壠農耕

白豐牧笛

石浦漁歌

小圃凝香

柳塘風靜

籬落橫梅

白齋竹里詩集 目錄

春早

見負薪者

別卞大川舟中

書新之夢泉卷

金廷輝先生輓詩

古意和史雪窩

虛白亭

對長春花

鼓琴圖

四 四明叢書

約園刊本

予得趙松雪墨竹世短其仕元一事與竹操相左

不甚惜予固知其微意所存也故詩著之

烹茶

畫景二首

讀金滕二首

野翁

偶書

漁父

野雲

白齋竹里詩集 目錄

卷二 六言絕句

不寐三首

答俊上人惠竹二首

別真一上人

四時雜詠四首

四時詩四首

卷三 七言絕句

雨中出郊

沙村卽事

五 四明叢書

約園刊本

四月苦旱不寐

唐子畏山水畫

梅花扇奉寄大閣老蔣先生

悅茶

迎神遇雨

夏卿畫竹

輓江先生

小仙曉色畫

大雪

白齋竹里詩集 目錄

題王從善南遊卷

虞節婦

梅雨感懷

偶成

月篤圖爲陳萬南

山堂

靜聽秋聲卷

搗衣婦

與陳萬南飲史端仁宅

六 四明叢書

約園刊本

秋光

閒居十二首

高橋

秋日墓下懷恭人六首

具慶圖

盛水採菱舟

杏雪二首

梨園教曲畫

送蔣生歸丹陽

白齋竹里詩集 目錄

二月舟中見梅因折枝

竹枝詞三首

夜夢會夏德樹同作

苦旱

靜齋

掃地

風雨歸村

輞川圖

空舟

七 四明叢書

約園刊本



三長  
二月  
一三片

寄林汝桓

草堂

雪舟湖夜

詠猿

月林

曉起

寒月大海

春詞十三首

湛一卷為朱僉憲

白齋竹里詩集 目錄

八 四明叢書  
約園刊本

秋成

觀刈稼

滕王閣

文徵明山水畫

二子觀圖

美人侍硯

沈邳州紅白二色畫菊

杏花巢鵲

扇景

明州歌五首

棟塘詩

藥莊

敲枕面山小圖

畫馬

一默為林本聰

贈柳卿仁甫席上

舟中題畫梅扇贈安卿

自述

白齋竹里詩集 目錄

九 四明叢書  
約園刊本

南莊偶成與嘉遇

書竹泉卷

題畫有感

朱端山水長圖有感

七峯圖

山人觀畫圖

沈周雪山騎驢圖

吳偉畫圖

苦寒曝日小山偶興

鄰春

鵬滿為陳柬之

種竹

自吳回巖述

睡鶴

夢中次唐人題張主人壁韻

書月潛上人卷

莆中一本為方約之

幼孫方晴既亡庭中榭一華隨以落瘞於根之旁

白齋竹里詩集 目錄

十四 四明叢書

輒開一華就實可愛天意似有存也喜而賦之

呂仙幻意圖

不寐

飲舟中書陳新之扇

寄語盜酒客

送陳柬之之廣右

卓文君

龍宅為陳清之

夢泉為陳新之

遊惠山二首

贈李川父

海棠

送包子木會試

鵲鴿圖

風雨泊黃岡涇

送朱太守朝章

過崇德

白貓

白齋竹里詩集 目錄

十二 四明叢書

聽松

哀冒少參鳴和

雨中

枕上作

半山

題畫屏二首

畫梅二首

畫竹

晚秋鴈鷺圖



讀杜詩

賀定海幕趙君壽六十

答任躍之

白齋竹里詩集 目錄

十二 四明叢書 約園刊本

白齋竹里詩集目錄

白齋竹里詩集卷一

明鄞張琦君玉撰

五言絕句

拱北軒

北極當頭在江湖萬里情長防春睡熟朝服坐雞鳴

出城

東郊漸微綠驅馬忻獨往梅繁野渡晴水落春山響

鷄鳴峯寺

寺在青霄上空中人不登天雞呼出定疑有漢時僧

白齋竹里詩集 卷一

四明叢書 約園刊本

西軒

雷聽西江近簾觀太華低斜陽恰春意來照種花泥

言志

得句霜鍾後怡神雪益前莫將容易看直入上乘禪

畫景

先生消息大為公洗溪石吾家白木扉忘卻平章宅

包氏東園

理蔓牽新綠疏泉放落紅敲門春午寂有客夏黃公

雪圖

人迹渾無徑山雲半入湖蜀姬天下少童子亦當燼  
雙井釣臺山谷所居有此

雙井堪垂釣桐江絲其長巍巍黃太史不肯讓嚴光  
淵明小像

王馬俱何在孤雲得所哉山光悅面頰豐勝未歸來

吳中

舊國遺千橘新湖沒四涯深秋成獨往瘦馬本無期

太白山

太白三千丈廬峯上與爭道人閒管事終日作山評

白齋竹里詩集卷一

二四明叢書  
約園刊本

春風

冰雪仇萬物春風徐解之錦綉渾未覺布被最先知

濂溪書院

泛泛歸乘化圓圖五百年何曾參院下風月趁漁船

怨雨

溼熱秋多雨幽蟲不肯吟幾時晴出院涼入髮根深

水邊叟

水居不業漁秋深賣柚橘睡美不知晚船頭海月出

林下

省谷千年樹深山五寸苔休官非絕響今見一人來

胡馬

足慄何盤辟胡郊草木疏傳聞班定遠萬里取康居

雨中

綠蘚寒逾碧山雞溼不文江檣三十丈穿上屋頭雲

書永思卷

可使滅踵頂人閒日月長起寫終天事北風吹燭光

登風雲樓

盛際眞非偶風雲共一時盡知天有路誰肯上樓遲

白齋竹里詩集卷一

二四明叢書  
約園刊本

醉俠

賒酒不論價強中奪馬騎千鍾酬死士五斗醉胡姬

農夫

種苗分經緯差差入望深由來莘野手不比寄奴心

橫石橋

地覺秋來瘦舟宜雨外晴野橋將浦樹扶得夕陽橫

偶書

翠管如吾影百年長繞生北鄰纏十萬夜夜賽錢神

周方伯書屋



古籍當犀玉幽花奪水沈閒來添著作玄晏百年心

鑑思為吳宗器

不是空桑出仍非睨水生百年天地客鏡裏託深情

偶題

藏弓安宿鳥移燭遠潛魚滿案閒居賦都無封禪書

聽止窩

兼征生不競良止夢猶安黃屋深天寵青雲儘蓋棺

三屏樓

鼇背當中起雲華結兩隈長思鍊仙骨挾月夜飛來

白齋竹里詩集卷一

四四明叢書

約園刊本

畫景

估舶天邊下漁船夜未歸回頭問海月何者是忘機

旌陽山

晚翠橫過水晴雲倒落窗得渠明分野為我截秋江

山人觀書

溪深知地厚髮白見松青雲坐寒生骨風吹山海經

東樓

山勢彰坤厚天光薄太清臣家書萬卷換得此樓成

東軒

青綾擁鼻臥已高三丈日開軒臨東隅取海濡紙筆

豐氏碑

關老西涯筆文章漢氏前青山標片石黃絹說千年

曉起雨晴

涼風入庭樹曉月飛霜鳶墮髮如白雪強欲隨青煙

竹亭

數竹寒逾綠於中亦可亭憑欄得句處細雨立蜻蜓

石假山

銜石嘲精衛開山笑六丁為高無捷術大略就丘陵

白齋竹里詩集卷一

五四明叢書

約園刊本

秋日雨中

貧舍珠如穀荒村雨似塵日來官府峭莫怪索租人

牧翁

海日昇春樹前村露已晞公非隴頭骨收淚謝牛衣

野有虎

猛虎山中宅威靈百獸尊入村人不識童豎夜開門

飲酒

戒飲晷防病停杯愁不禁計量輕與重愁比病還深

園帶隄

芳草春隄油行人或弛肩閒疑羊叔子緩帶落湖邊

闌干

北簷饒顏色彷彿瓊華觀畏盛作闌干約取春一半

晚興

風逐金行至白榆飛數錢月明三萬里人在玉峯前

石壁潭

石容壯士色潭影秋禪定燈火讀奇書夜有魚龍聽

壬午端陽日三首

蒼荀鬢邊白榴花眼底紅物情非世態顛倒愛衰翁

白齋竹里詩集卷一

六四明叢書

約園刊本

魚臭千家市蒲香五月天細分閒鼻息假蹇臥屏前

黃流開舊甕綠黍過鄰牆時物相招引山藤扶下牀

抱甕園

至逸甕中事巍哉老圃功世人迷不信去問東園公

巨川

聖作剡木利浮江絕大河春來風色好直打傅巖過

輓李時行祖

江雲關竹門杏酒灑沾村正熟黃梁夢龍駒報有孫

回祥爲定海李揮使

庭下有菱草天邊無白雲堂堂一輪日照見孝將軍

稷山擁翠

山有太古色人無金石年醉眠山翠裏猶自說神仙

綠水平橋

泥橋亞春水上有攜鶴路回首孟津河高濤不可渡

西崗樵唱

采薪歸長晚月出以爲期歌聲隔西嶺互答飯牛詩

東隴農耕

牛脊春陰惡溪風布襪單南人解占候還有種田寒

白齋竹里詩集卷一

七四明叢書

約園刊本

白豐牧笛

野朴少高調東風吹近林長安絲共竹惱殺是多音

石浦漁歌

空洲竹煙暝釣伴未全歸野唱藏機事鷓鴣挾水飛

小圃凝香

小圃容春窄紫之剛十圍好香留不住蜂蝶暮將歸

柳塘風靜

迴合春塘水無風一鏡平垂楊自天境多箇是蟬聲

籬落橫梅



昨遊城西湖風梅滿船面花神無定居籬落還相見

春早

牛膝寒嶽嶽野日收蠻霧鷓鴣溪南來催人脫布褲

見負薪者

舉世皆新事逢人非舊顏析薪趨夜火隨鹿下秋山

別卞大川舟中

農歌攬鼓起雲影共船行斗酒易成醉長江不盡情

書新之夢泉卷

泉水無窮盡人非金石年一生魂夢裏終夜落涓涓

白齋竹里詩集卷一

八四明叢書

約園刊本

金廷輝先生輓詩

觀瀾夫子道噬蔗伏生書萬室青山下春風鐙火餘

古意和史雪窩

夜靜孤竹西月出人有影五陵蕩子心無波不如井

虛白亭

梧葉照初月時無言語聲再拜周茂叔纔到此閒行

對長春花

明是長春好稜嶮欲自誇臨池見枯影纔道不如花

鼓琴圖

文明纔影迹寂滅是聲音洗耳來尋汝青山薜荔深

子得趙松雪墨竹世短其仕元一事與竹操相左

不甚惜子固知其微意所存也故詩著之

宋曾揮元筆貞人無貶詞北窗饒雨露只愛寫南枝

烹茶

雨葉燒帶溼茶煙直上騰與誰論此意目斷徑山僧

畫景二首

一棹便為家清江又白沙魚筐寒不重大半是蘆花

梅天不可測風雨曉來多滿耳沙邊鳥聲聲無渡河

白齋竹里詩集卷一

九四明叢書

約園刊本

讀金滕二首

幼君常子性叔相聖人心雷電不分曉幾乎疑到今

三叔流言日居東忽二年帝考虛呂召不作辨忠篇

野翁

今歲有餘粒相期祭獵嬉夕陽古城上右手挾山雌

偶書

岸齧覺與懶齒搖宜哉柔尙餘秋水眼橫射讀書樓

漁父

何處是吾家秋蘆飛白花一雙許子履踏破下江沙

野雲

久沒從龍志閒將鶴背乘  
昨來飛渡水參見少林僧

白齋竹里詩集 卷一

十四明叢書  
約園刊本

白齋竹里詩集卷一

白齋竹里詩集卷二

明鄞張琦君玉撰

六言絕句

不寐三首

幽鼠響穿覆瓦白月寒帶初霜  
詩成玉枕人瘦海入銅

壺夜長

矮牆微照螢火玄狖入偷柿  
霜剗印去腰已久老懷挂

世空長

殘燭三更黑蕊白齋四壁玄霜  
口論庾廩虛實脚揣衿

白齋竹里詩集 卷二

十四明叢書  
約園刊本

裊短長

答俊上人惠竹二首

靈根過江三里淺碧遮山一重  
風靜幽藏孔翠雨來寒

翳僧鍾

山客爲人性別風篁與俗孤  
睽二君相逢世上千載同

歸水湄

別真一上人

淄塵路上不遇猿鳥羣中偶  
逢白首搔時斜日青山別

後微鍾

中華書局影印

28



四時雜詠四首

蝶入梨花無色鶯過青山較黃老眼不宜繁富新詩刪  
落齊梁

林邊偶饒田父池上閒呼鷺雛十日閉門坐爾荷錢大  
似盤盂

黃梁作飯秋熟綠橋搓香野歸對月穎頭神健下天鵲  
頂毛稀

夢魂杜陵詩史歲月黃公酒壚舊曆纔看大雪高挑又  
換新符

白齋竹里詩集卷二

一三四明叢書

約園刊本

四時詩四首

煙橫柳眉玄思津動鶯喉好音半晴半雨路遠三月三  
日春深

催詩最惱山雨畏暑偏依澗花畱客樽開今夜問天涼  
在誰家

秋來倒覺多趣社散童孫醉扶籬下不栽杞菊門前只  
好粉榆

天底平野年暮巷入梅花路橫白髮辭人太驟青山對  
我多情

白齋竹里詩集卷二

白齋竹里詩集卷二

一三四明叢書

約園刊本

白齋竹里詩集卷三

七言絕句

明鄭張 琦君玉撰

雨中出郊

魚龍江上正飛騰竹里歸來笑不能  
別有好緣生眼底  
水明雲白一船僧

沙村卽事

夕陽微月映新秋曲浦斜江竹外流  
絕似曾遊夢中路  
沃洲西去倚扁舟

白齋竹里詩集卷三

一四明叢書  
約園刊本

四月苦旱不寐

夜電引雷雲壓城燈花不合太分明  
日來老耳愁成聾  
誤聽蠶聲是雨聲

唐子畏山水畫

蠻天梅雨雜江湖五月青林未可樵  
泥白草深歸舊隱  
一支山路入中條

梅花扇奉寄大閣老蔣先生 己未座主

梅花滿地讓高風天上人閒又不同  
澗底束薪人未寐  
聽香三繞鶴籠東

悅茶

壺汁雪中無此美悅茶孤夢繞  
鎗飛直尋陽羨山頭路  
春月生時負擔歸

迎神遇雨

斜陽柿葉雨沈沈  
阜蓋黃幡不稱心  
十二街頭簫鼓溼  
海神歸廟涵江深

夏卿畫竹

尋僧江上入秋雲不意雲中遇  
此君  
爾得百年詩骨在  
十分我瘦竹三分

白齋竹里詩集卷三

一四明叢書  
約園刊本

輓江先生

詩曲江山空復情孤城曉鼓送殘生  
王孫面目如前否  
淚打春樓夢不成

小仙曉色畫

曉色初分畫者稀  
吳生醉墨入玄微  
千村萬落月猶在  
習習雙鳩出樹飛

大雪

千峯雪片大如孟爛煮羊肪滿地  
鑪誰肯朱門開一板  
野橋西望有僵夫



題王從善南遊卷

德公鄉里亦升堂鼓篋雲山問道忙  
浦附侮風南國路萬雷聲裏到襄陽

虞節婦

眼裏衰姑腹裏娠百年聊寄夢中身  
莫將欠死勞饒舌萬古程嬰有幾人

梅雨感懷

千家礎溼雨如絲茉莉薔薇正及時  
七十二年張大士斜陽白髮對荒池

白齋竹里詩集 卷三

三四明叢書 約園刊本

偶成

半醒半醉倚繩牀枕石江樓水氣涼  
荳莢筍長瓜杵大滿天秋興到南莊

月鷺圖爲陳萬南

欲上青天夢不稀雲川葦澤未忘機  
隔江夜冷沙鍾早起逐秋光月裏飛

山堂

馬前一鶴伴予還萬卷圖經又未聞  
獨喜年來堪自大曲肱無禮對秋山

靜聽秋聲卷

秋聲先到翠山堂六尺孤幃未受涼  
我愛靜時天不靜半天急雨抗斜陽

搗衣婦

冰霜入襪不柔勻萬杵邊頭聞不聞  
二十年來辛苦手定無春筍付還君

與陳萬南飲史端仁宅

三春別路梨花雨五月歸來稻穗風  
二十年前郊與島一時歌笑落杯中

白齋竹里詩集 卷三

四四明叢書 約園刊本

秋光

數行白鷺雪爲衣雲葉蘆花作陣飛  
添箇秋光迷物色夕陽無處喚鷺歸

閒居十二首

酒費猶將鶴料分竹房幽靜窄如裙  
高秋老興無昏晚暝撥江船夏寺雲

一縷晨香入眼青猛然援筆注茶經  
兒童階下管閒事來報鄰翁醉已醒

不爭棊道懶彈琴臨帖觀書偶用心  
新水鷺黃三百箇

門東流過似山陰

高簷昨夜雨如江日出池晴竹一窗金鯽與人相狎慣

亂遊波面復成雙

眼看舊史爭閒氣身約幽人負好期寂處有喧渾不覺

竹邊午馬斲枯蕓

門前小雨罨輕埃江上晴山帶薄雷我鶴比凡高一格

茶煙生處卻飛來

歸來一片靜中緣木石同堂或坐眠點檢世閒誰得及

只多軒轡不如禪

申齋竹里詩集 卷三

五四明叢書

約園刊本

山乘木屐水乘舸綠柳門前略似陶客亦可來無大嚼

黃雞秋壯一拳高

面江臨渚晝開門此是東城第一村社醉歸來雙袖墮

櫻桃滿地引兒孫

一飲還堪盡一升酒邊萬事不相能春來但覺詩神減

夜半烹雞祭少陵

賈島詩  
祭詩神

好酒三杯粥一盂數莖頭髮下干梳明燈矮屋松油氣

看到人間或見書

山客敲門不肯應青藤倚壁坐橫肱秋懷萬里誰知我

天目孤雲鴈宕僧

高橋

甌越曾行水日東赤欄橋道過丹楓三年一別纔回首

往事悠悠入畫中

秋日墓下懷蒸人六首

夫人地下嬾開口蟋蟀草根饒舌鳴落日秋風雙袖溼

斷腸禁不到清明

猶憶烘鑪酒半盃夜窗讀苦慰寒儒此心私語無人問

月出墳頭叫白狐

白齋竹里詩集 卷三

六四明叢書

約園刊本

舊事新愁過十分殘生兩腳寄秋雲回頭猶愛芙蓉好

一朵秋光薦小君

秋草茫茫入化城上天無路乞生靈張鷟又欲尋消耗

不道人閒葬女星

君逐飛花泣斷魂我如病竹倚僧門五年一別路猶在

不肯歸來看子孫

辛苦蘋蘩四十年疏裙大練入秋煙平生話語還堪記

野草西風問木綿

具慶圖



親老光陰比尺璧子如持璧以臨淵君歸合禮東華拜  
更乞高堂數十年

盛水採菱舟

闐闐門前水半城採菱船去月如燈禾漂黍爛無消息  
明歲農夫學種菱

杏雪二首 二月二十日盛雪家有杏花落滿地

昨日雷聲今日雪紛紛滿地可憐花行人滅頂寒如雀  
十里前村無酒家

縑被春寒曉下牀半天微月雪爭光杏花無賴猶尋主

白齋竹里詩集 卷三

七

四明叢書  
約園刊本

燕背殘紅入院牆

梨園教曲畫

梨花千樹雨初收大內春風不盡頭新製樂童音調澁  
教他依舊唱伊州

送蔣生歸丹陽

昔年文彩欲茫茫瓜果相逢野殿香茉莉正開薔蔔謝  
百花共我送君忙

二月舟中見梅因折枝

東風畱客卻相遺蜺子扁舟載汝歸尤物必爭藏不得

野鶯江燕逐人飛

竹枝詞三首

桃花零落柳花飛從此烏雲入鬢稀舟楫無情天澹薄  
載君歸去未曾歸

妾家住近蜀江頭苦竹平蕪人易愁燕子今朝飛社雨  
郎船何日到開州

自古人心起浪波知君別後意如何妾腸只有相思曲  
還比巴江曲更多

夜夢會夏德樹同作

白齋竹里詩集 卷三

八

四明叢書  
約園刊本

二月新林花滿枝攀山蹋閣遠相隨老來氣候尋常準  
海上潮生正有詩

苦旱

白日青天眼角枯雷門不響鼓無枹官司誰抱肌膚切  
漫爾虛文出祭雩

靜齋

圓閣動靜互爲根須向乾高識厚坤茶籠不煙春火伏  
鳥鳴竹響正開門

掃地

有疑未盡看書功  
做帚翩翩落葉中  
直要空來求一睡  
殘書擲地掃牆東

風雨歸村

昨日微晴人出村  
今朝花柳欲銷魂  
雨喧笠子歸猶晚  
可待春潮夜打門

輞川圖

輞川莊下多漁屋  
船外雲光柳外沙  
可是胡雛有羅網  
鱖魚味美不還家

空舟

白齋集

卷三

九四明叢書

約園刊本

破楚攻吳事了還  
便將舟楫做空閒  
有時問渡風波急  
船在浮萍若箇灣

寄林汝桓

夢裏依稀是昔年  
覺來人在五雲邊  
問予老格今何似  
春月秋藤一病仙

草堂

寥落川流舊草堂  
開門正對杜陵莊  
江村早晚無占候  
只試風簾影短長

雪舟湖夜

官妓紅妝擁下船  
風流猶記十年前  
老來骨硬無人愛  
一翦孤篷看雪眠

詠猿

從來遷客怕猿愁  
落月空江榕樹秋  
何處聽之最垂淚  
夢回篷底過巴州

月林

石林風葉不黏泥  
片月長光下白霓  
夜半衣裳綿葛換  
新寒初動鶻巢西

曉起

白齋集

卷三

十四明叢書

約園刊本

獨立山前半似僧  
數莖詩骨峭如冰  
忽看乳燕初飛出  
觸落薔薇露一升

寒月大海

寒月白似白玻瓈  
秋毫滄海照無遺  
此時好結神仙伴  
去借東方赤鯉騎

春詞十三首

酒堪剛制不禁詩  
燕感鶯狂未靜時  
老筆年來愛莊整  
茶蘼影裏畫烏絲

幽人獨坐鳥雙呼  
物我觀來不大殊  
行蟻上花多意氣



伍中誰是執金吾

愁結強胡酒用兵相持三月未能平不如兩物都忘卻  
散漫春窗鳥一聲

獨語流鶯奏樂章梨花葉底酒泔泔百年已割半生去  
一歲無如二月長

春懷欲起聘東風破病還須醉有功舊日酒鑑今在否  
作書為我問黃公

野芳能作自然香遊絮高飛春日長聞說東鄰纏十萬  
揚州千里乞花王

白齋竹里詩集卷三

十一四明叢書

約園刊本

城上春雲壓遠沙君騎白馬向誰家疏星短燭無人語  
應有空階暗落花

風窗讀書花片紅拂去還來亦惱公老眼何曾牽句讀  
數行直下曲肱中

桃花面頰上紅潮巧笑何人問寂寥安得被愁干丈帶  
日纔窗外種春茗

曉月流光過海棠池邊初日已蒼蒼遠書正好逢春寄  
水面遊魚尺五長

美目清江春出行白雲承襪曉盈盈閉門要學木居士

黃鳥相呼坐不成

乳鶯啼過柳枝低江雨晴來草葉齊九十日中無好醉  
落花如夢到棠梨

得氣春蟲篆壁遊感時黃鳥說新愁我將定性書當枕  
飛過楊花不下樓

湛一卷為朱僉憲

一疵不著臨秋水風帶煙雲別是天指點此時真氣象  
直須三月不違前

秋成

白齋竹里詩集卷三

十二四明叢書

約園刊本

五月今年不糶新土場秋穀大如塵夕陽伴月藤蘿外  
歸路村村有醉人

觀刈稼

細雨晴來不溼衣雲黃水白正斜暉豐年猶恐多狼籍  
坐看見孫拾穗歸

滕王閣

都督張筵試綺毫東風帆似挾鴻毛滕王高閣秋雲上  
童子來添一半高

文徵明山水畫

天外羣峯入紫清中間有路少人行江深草閣潮如客  
早晚相過不世情

二子觀圖

十日江頭酒債除惱人筆硯又圖書百年盡爲形骸累  
未信人閒有隱居

美人侍硯

一寸春光一寸金幽詞長句墨花深蛾眉未必同生死  
相對新蕉不放心

沈邳州紅白二色畫菊

白齋竹里詩集卷三

十四四明叢書  
約園刊本

西施粉白太眞紅秋色爭春亦自工博浪沙頭風凜凜  
畱侯面與婦人同

杏花巢鵲

三日營巢聚蒺藜烏鳶便欲奪高棲東風早晚來相管  
吹上飛花補漏泥

扇景

勝事自知長獨往白雲無憶偶同游山中花落尋常物  
萬里乾坤挂杖頭

明州歌五首

山入關門海入州海中白蜃吐高樓公家政簡民安作  
細雨斜陽歸飯牛

扁舟白髮菱荷香人指前頭賀監鄉西去洞天還有路  
人家兩岸種昌陽

斥鹵青陽滄海濱扶桑隔水是文身孤城野市無風雪  
畫鼓朱幡迎早春

日來海上靜無波越舫聞檣陣陣過八月江頭看水戲  
紅簾垂地倚青娥

鴨欄初曙小晴天出海春雲半是煙桃花渡頭人未動

白齋竹里詩集卷三

十四四明叢書  
約園刊本

野鷺飛上賣魚船

棟塘詩

棟塘仙土在凡閒野氣春陰水一灣小艇不量輕與重  
晚來撐出載青山

藥莊

醫仙種藥如栽玉疏水分畦日日來更欲門頭開一路  
小篋南去採天台

敲枕面山小圖

樹臥溪流人偃石野虛涼雨入脾清手橫一部南華子



山轉斜陽字字明

畫馬

千騎萬乘出祁連  
百戰何曾滅右賢  
今日歸來皮肉長  
桃花細草苑牆邊

一默為林本聰

鶯啼座右燕窗東  
居士無言木石同  
最有哦詩禁不住  
遠攜聲響到山中

贈柳卿仁甫席上

柳卿歌處作朝陰  
畫棟無塵地有金  
太史樽中多別意

白齋竹里詩集 卷三

主 四明叢書 約園刊本

黃鸝飛過綠江深

舟中題畫梅扇贈安卿

雪月光中覓未真  
玄雲影外獨精神  
紙間一管凌寒筆  
不與雷同畫好春

自述

白齋老子解蒲符  
竹里歸來別號呼  
辛苦一生詩句在  
眾中誰合做於菟

南莊偶成與嘉遇

夜撥魚罾朝出耕  
漁農兩路是平生  
阿翁樓上休呼醒

方與白雲眠有情

書竹泉卷

有雲長覆泉頭竹  
無日不流竹下泉  
巢父歸天一千載  
今人又到此溪邊

題畫有感

千秋觀下水入田  
木落秋晴山近天  
賀監宅前鷓鴣路  
酒舫歸去夕陽邊

朱端山水長圖有感

已把東山作急圖  
水飛雲動與神俱  
千峯萬壑啼黃鳥

白齋竹里詩集 卷三

主 四明叢書 約園刊本

待我歸來借一隅

七峯圖

七峯尖峭似陳兵  
江外諸山合與爭  
天地年來愛藏用  
淡雲微雨不分明

山人觀畫圖

野竹新泉入肺清  
圖經到眼正分明  
山中雲氣無長好  
前手陰來後手晴

沈周雪山騎驢圖

詩家天地不知寒  
十月騎驢度七盤  
深雪微鍾山欲午

千峯猶未見長干

吳偉畫圖

秋水長天一色如小仙分割借吾廬斜陽紅葉閒留坐  
推過儒書讀道書

苦寒曝日小山偶興

羣峯透雪似攢笈桃杏衝寒欲破膚草坐莫教人喚起  
半牆初日照東隅

鄰春

萬杆鄰春月未低夢回聽處雜霜雞人生衣食相驅使

白齋竹里詩集卷三

十七四明叢書

約園刊本

不信牀頭有疾藜

鵬瀾爲陳柬之

曾聞九萬說南圖茲事從前信有無我欲勸君尋道體  
碧瀾深處下工夫

種竹

何可此君一日無對君忘爾又忘吾只今意味誰知得  
落日微風舞醉鬚

自吳回麤述

心到苦時形便瘦腳從迷處路方真白頭海內收遺棄

也有三分嫵媚人

睡鶴

春夢無端遶八溟白雲鋪地草青青醒來自計無多刻  
未了黃庭一卷經

夢中次唐人題張主人壁韻

腹有壘塘地有金相逢對面藏高深張氏主人我同姓  
七百年來無此心

書月潛上人卷

高邀惠遠伴枯禪一性空來似鏡圓三十年過清淨眼

白齋竹里詩集卷三

十六四明叢書

約園刊本

何曾水底避嬋娟

莆中一本爲方約之

江沱有水岷峨出中古分流作兩川正喜同堂盡春醉  
刺同花發又開船

幼孫方晴旣亡庭中榴一華隨以落瘞於根之旁

輒開一華就實可愛天意似有存也喜而賦之

孤榴非是木之災冉冉紅肥入眼來應喜晴孫魂不斷

遠從合浦販珠回

呂仙幻意圖



神仙欲語誰堪語城郭曾來今再來東老銷沈無碧眼  
兩環空挂夕陽回

不寐

裏衲孤眠何處村夜深飢犬吠遊魂冷懷欲出尋僧去  
寒月斜光未過門

飲舟中書陳新之扇

虎丘山煙晚作紫虎丘山花嬌起舞措笙落簫都不鳴  
坐上微聞白雲語

寄語盜酒客

癸未四月一日夜人入盜酒

白齋竹里詩集 卷三

十九四明叢書

約園刊本

綠醕春香鬢碧波忽煩吏部夜相過臥教守者毋驚逐  
我盜乾坤酒已多

送陳東之之廣右

高鏡夜雨正堪聞白髮青山又送君嶺樹不能遮望眼  
直隨飛鴈入南雲

卓文君

畫屏深處夜黃昏孤鳳燈前欲斷魂琴語求凰誰解得  
獨分明是卓王孫

龍宅爲陳清之

潛雖伏矣不終藏抱子眠龍夜夜光海若最知消息事  
問渠頭角幾何長

夢泉爲陳新之

天無煥寒無雨霽竹裏流泉四時至夢操几杖往從之  
月落驚隨孝鳥去

遊惠山二首

龍口飛泉出洞靈薔薇花白野鳧青道人亦有登臨興  
歸買春山放草亭

惠山泉水壓吳天煙月空過四十年今日與泉如有約

白齋竹里詩集 卷三

二十四明叢書

約園刊本

又添幾道寫新篇

贈李川父

十萬胸中小范兵西來筆陣海爲清嘯強亦有憤髀子  
未肯公然棄一城

海棠

東牆西院正春寒露下新華溼未乾絕似太真眠不足  
枕痕畱與上皇看

送包子木會試

曉鼓嚴霜人欲行龍飛白馬出孤城縱橫春墨三千字

明辟當天待長卿

鵲鴿圖

卷焦荷葉半含青一段淒涼付鵲鴿蓮子雖多本同蒂  
殷勤叫與魏文聽

風雨泊黃岡涇

船隨歸燕入黃昏楊柳江南到一村行傍人家求夜火  
東風亂雨不開門

送朱太守朝章

門外槐根五馬催青山舊宅似行臺身名未了乾坤債  
白齋竹里詩集 卷三 三十四明叢書 約園刊本

魚鳥紛紛入夢來

過崇德

舴艋西行入市中三杯魯酒不禁風野橋佳李逢人買  
兩手斜陽半面紅

白貓

白貓不啻白如綿春日初高雪一拳更欲冷開清淨眼  
石楠花外伴僧眠

聽松

丁固天邊只夢逢耳端今日是真松鶴鳴琴弄都不響

人在徂徠第一重

哀冒少參鳴和

舊紙長篇迹已空白榆青草路無窮行人怕打墳頭過  
落日新碑大夢中

雨中

時事感人渾欲迷萬家風雨滿城泥春深百舌無消息  
鄰豎門東索飯啼

枕上作

山中飽飯廢三餘老眼無光懶看書夜半不眠非有約  
白齋竹里詩集 卷三 三十四明叢書 約園刊本

滿天風雨響椽櫺

半山

悟得功名是攬金回頭便減出時心黃獐引路無多遠  
已教人閒沒處尋

題畫屏二首

人間舟楫舳銜艦畫販魚鹽夜採珠只有小家生意少  
載船秋色過南湖

烏石橋邊白蕙香翠屏風下半年涼敢將打睡消磨過  
眼底書簽又夕陽



畫梅二首

見梅陡覺詩神健別號當呼去病花魂夢直隨三萬里  
一枝瘦影過流沙

梅不在地開在天月光消滅半空煙夜深要作遊仙夢  
添箇詩人一處眠

畫竹

與竹相交夢亦親每乘殘醉到西鄰今誰送得瀟湘雨  
終日秋堂卻惱人

晚秋鴈鷺圖

白齋竹里詩集卷三

三三四明叢書

約園刊本

鴻鴈嗷嗷集晚川半如楚渚半吳田夕陽滿眼無人見  
稍似南歸得意天

讀杜詩

少陵千載是吾師稷契心懷汗漫辭高燭畫簷親把卷  
兩行清淚北征詩

賀定海幕趙君壽六十

人看算過正躔年宦思雲情各渺然黃鶴畫啼春有力  
海桃開到石屏前

答任躍之

白髮如今白更多山中遺我白雲歌老來音響難為繼  
雨點秋池入破荷

白齋竹里詩集卷三

三三四明叢書

約園刊本

白齋竹里詩集卷三

齋竹里文略目錄

雜著

重修太守岳公祠堂記

五柳圖說

見素林先生文集序

南莊小隱序

送黃元續之京序

存耕堂記

儒林贈言序

白齋竹里文略目錄

賀少司空李公六十壽序

重刻涵江書院碑陰記

義田說

毛文璧壽七十序

送潘伯涵赴麻哈州序

新修張氏譜序

送周時謙之任慈利尹序

贈李本元官醫學正科序

贈太守毛公七十壽序

一 四明叢書  
約園刊本

春草懷慈卷序

重修徵君董孝子行祠碑

封恭人余氏行狀

先菊庵記

孫希尹字說

陳生柱字子立說

陳氏八子字說

賀何士貞新居序

送門人陳東之歸江陰序

白齋竹里文略目錄

東園序

慶包母七十壽序

送周仲鳴之任雲南序

贈李濟之僉憲廣西序

故進士歐陽汝璧輓詩序

送宗朝用之任山西序

新修定海縣志序

椿桂圖贈史公壽六十序

許謹之序

二 四明叢書  
約園刊本



朱正之壽六十詩序

四檜堂記

送黃元續詩後跋

跋黃君所藏遠祖告身後

白齋詩集後跋

故小仙吳先生墓志銘

送屠君漸卿赴五井鹽運提舉敍言

馮宜人輓詩序

遺稿行實

白齋行里文略 目錄

封君張翁壽圖序

贈袁子繹序

代作三原太宰王公祭文

重立涵江書院碑祭文

謝兩祭龍文

祭岳公文

祭陳參政待徵文

來軒周先生畫像贊

自贊

三

四明叢書  
約園刊本

恭人贊

見素林先生像贊

張先生像贊

瑞茄贊

回祥題辭

論詩

楓林家訓序

巖山一寄序

贈劉太孺人壽序

白齋行里文略 目錄

書南濠文後

送孫編修詩跋

淚錦詩序

四

四明叢書  
約園刊本

白齋竹里文略

明鄞張琦君玉撰

重修太守岳公祠堂記

蒙泉岳先生歷官館閣觸權倖落職成化初起守興化至郡不釐百度民即康功凡所發慮多宏闊恆遠去纖而圖大今其蹟實咸可考見嗣吏茲土者因之則敘革用弗順先生致政反於郡郡之人思之如鄭之人之思子產立祠涵江渾塑厥象高頰而長鬚白面美目陽然肖似於其生冀若見之春秋稱秩而享答焉堂凡三楹

白齋竹里文略

一四明叢書  
約園刊本

軒其前中為神位左右夾室以藏祭器階東西有廡可以聚立百執事之人門三重中門有屋庭中縱可十丈橫稱焉嘗詢之老長者岳及今五十餘年海平風休昔災鮮少為生民流福利到於今未已蓋民知報公公以是德於民然耳或曰公之才宰輔也不得彌綸贊畫於天之下而涼涼僅一郡之異故公所不盡發者有遺靈也夫不以彌綸贊畫於天下者天下之失其利也其所不盡發有遺靈者一方之收其利也河漢之水萬夫航之何水德之有里有井百家取足而日新曰我無是罔

以資澤吾生也公不利於天下而利一方則其為利一方專之專則厚厚則悠遠所謂百家之井焉如之何弗思祠之宜也歲久棟宇撓腐茨瓦飄落垣牆裂缺無完堵中門傾壓可畏琦拜公憂祠之趨於壞也迺播告諸民曰願新公祠者聽旬日民樂助得錢三十緡募工修之彌月躍然麗廓然明居然壯若故無而今有者噫志氣所動乃遽有茲乎先是歲更守門一人今令人專守當役者賤其金祠之左有地十町蒿且礫發徒鋤治平其土為垣令守者歲種麥亦足助其食祠去府治二十

白齋竹里文略

一四明叢書  
約園刊本

五柳圖說

陶淵明去今千餘載史載其事詩傳其言高風清節代襲知之獨其嘗世宅里五柳故物蓋淪而入於荒不可見矣古今謂陶為隱者予固知其欲有為於天下隱去非其志也陶桓公拜八州刺史經營盡瘁以安晉室有孫如潛則欲避而遺危於國乎夫鴻漸之翼不可以當



虎步之風亦未如之何矣乃言曰悟已往之不諫已往者其欲爲之心哉欲爲而志不得行故見幾蚤作宋檀道濟嘗餽以梁肉欲有所薦達乃麾而去之則其志節兩存可知也予思其人好讀其書而又思其草木夫思人及其草木則彼巾車蕭蕭者曰吾堂在矣此五柳圖之所以爲作也夫

### 見素林先生文集序

堯禹咨俞成典謨出史官贊述之文中庸七篇爲子思孟氏所親作非其當時方言謂語粗發而成章遽若是

白齋文集略

二三四明叢書

約圖刊本

乎其懿也是故言者文之形也文者言之精也自夫問辨淺則見古之深習識陋則見古之粹條理疏則見古之密曰彼其時然而言然耳高視尙古仙倪下處以爵之噪終莫爲鳳之吟逐流駛駛姑辭酬物於是乎望其復古以圖不朽難矣都憲見素林先生蓋嘗卑此曰載籍所書先覺之尊德行事皆夫人職業獨文乎哉是故修辭屬筆一切翦截陳言力欲攜今而還之古及既平蜀來歸私第嘗授予檢底使觀焉覆而益縝探而益深久然後有得論曰先生爲文自五經出入左穀序事如

杜預之溫詳記載如司馬遷之沈實採輯如班孟堅之該廣銘書如彝鼎文之峭峭短簡小墨如良工之玉屑得之皆可以飾簞簋而增華重然則古之文今之文歟范宣子自侈其先世爲不朽魯穆叔曰此世祿非不朽其在言之立乎雖久不廢先生之顯祖開始於九牧之賢歷帝王者五易姓而文臣學士滿天下范氏莫加焉先生無以爲也氣節勳勞海內聞之數十年蓋立德立功胥之矣言餘事也而猶如彼乎用情哉是之謂三有立焉是之謂不朽

白齋文集略

四四明叢書

約圖刊本

### 南莊小隱序

士有薄於世味相期於貴富功名之外出入與凡人同而人莫知其所趨加之若有指之則無夫是之謂隱自沮溺之徒出而後隱者之迹著迹著而其風始高士之慕覘其高而入山之野者始尋逐於後世矣夫隱非得已也而高之以立其門而招來者則相望成風天下將誰與辨哉予近歲來自京過廣陵高君憲之飲其廬因示予南莊小隱詩一卷而請予言序之予初疑之憲之有此亦將隱者之門欲往乎君朴情而古思墾田治宅



賦事獻功與齊民等聽其言施舍一一皆世閒事然後知其爲託而隱者而非其真也故曰小隱云爾凡天下之言小者不敢以居之謂也而憲之微意不在四字之閒乎高氏出齊大夫之族入唐宋以至於今未嘗乏顯者而其季父亞司空又當朝名卿孟仲之閒甲舉而庠遊者日眾而諸子讀於家吾伊之聲聞乎里第誰非出門而願仕者哉而憲之履此亦盛滿之會也識微君子於此有懼焉故憲之乃託而隱者非其真也於是作南莊小隱序

白齋竹里文略

五四明叢書  
約圖刊本

送黃元續之京序

事同大不汲汲於此愬然於彼者可與言盡性矣莆田黃先生元續以弘治癸丑進士入爲翰林編修居逾年文名迅盛一代典禮方將藉以參稽以毗輿先皇帝文德之化此其忠於其上之性也念曰吾年盛而母年老爲忠之日長而孝日短迺陳以終養焉既得請歸侍其母十五年兢兢不違其志母沒而深墨者三年喪而葬克自周以禮此其孝於其親之性也念曰吾君聖而吾年老爲忠之日短焉治裝將圖北而部檄趣者適至於

其門枉郡齋相別而酌之琦乃歎曰嗟乎夫匹夫之孝於其親有之矣是心勝或忘其君人臣之忠於其君有之矣是心勝或忘其親忘君失忠非孝也忘親失孝非忠也偏邪扞格齷性相爲賊且奚以立極經務不敗迺事哉若先生者可與言盡性矣

存耕堂記

予先世無隆產又不克商賈胥徒執權量操筭爲罔襲饕營之事惟沿習儒習役志乎善猶夫人之從事乎彼也傳至琦蒙恩受秩祿視祖產差進地亦可畱子孫

白齋竹里文略

六四明叢書  
約圖刊本

耕矣顧予之厚畱不在是也夫自井田法壞民無恆產每以貧富強弱爲得失蹊田而奪之牛者且且有之況雨暘愆期或螟螣作災於其閒雖有負郭安得耕且飽哉惟心方寸地耳貧不得而鬻富不得而賂強不得而取弱不得而予苟平正開治使夜氣滋息仁爲之犁禮爲之鋤義爲之銓智爲之圃則殷殷之藏赫赫之發天下莫加焉與其千頃之爲子孫畱孰若予方寸之畱之爲愈哉故告子孫曰吾遺汝者非遺汝土也吾心汝遺也厚不厚罪在我子孫當曰我耕者非耕我土也我祖



考之心是耕也勉不勉罪在爾周公所謂厥父蓄厥子  
乃弗肯播矧肯穫非吾存耕之意也非吾存耕之意也  
念之哉

儒林贈言序

市立之衡而四方之觀低昂者取平焉道述其長上之  
善不自士君子出之弗信也衡為市之平君子為義理  
之平夫安得參其私哉里巷之歌前史多述為美談然  
怨德分而聲音殊終非義理之極莫若是編之出我君  
子之口也鄞令長丁君邇將有遠行報政於朝儒士毛

白齋行里略

七 四明叢書

約園刊本

君瑛陳君鵬霄十數輩不能悉於去君也序為文揆為  
古長篇或寡詞短句皆能黜翫散鏘鳴玉有以發其華  
而不遺其實他日執政者或得於見聞夫庸知其不以  
斯言作之衡也歟

賀少司空李公六十壽序

辛巳四月聖天子入嗣大統播告天下與之更始為維  
新之治萬方臣庶遠邇小大罔不抃手頓足以相慶時  
少司空堇山李公居閒數歲未嘗以憂樂忘天下而觀  
見斯時其為情宜何如蓋視凡尤異也六月十一日為

公生辰計甲子一週之會猶歎嘻哉不偶然耳友執黃  
先生存吾輩屬某敘言以奉賀自惟受知於公非一日  
也安得辭嘗思公蚤歲朗秀清溫文思豐敏可畏既而  
科第絡聯以起累官雲司陞京兆副尹遷卿光祿尋拜  
中丞進少司空所至皆憲憲有令績曾逆臣用事見幾  
謝以歸時髣髮尚未白也及今六十矣古者當國多老  
成耆舊之臣六十豈遠身之日哉公乃進以禮無所用  
志於出日稽典禮為著述暇則招所與遊以詩酒相從  
事不知老之將至焉昔司馬文正公居洛十五年與文

白齋行里略

八 四明叢書

約園刊本

潞公諸人為耆英之會是時文正之齒獨未及後起而  
入相以成元祐之治行業功名至於今有聞則其所以  
為壽者曾少減耆英諸老之列哉公居鄞與文正居洛  
迹亦相似也今天子聰明神聖願治之志勇於元祐之  
君興賢舉廢欲俾在野無遺遺元老又非止其當時之  
人是以知公之行業功名必有以壽於國無疑也公明  
志以持謙雖秩在上卿恆與鄉士齒而不肯相先古人  
所謂大成若缺者是也有子以文雄時卓有所進取隱  
隱為將來之慶則所以壽於其躬者又安有盡哉壽於



其躬者眾人之偶同壽於其國者君子之獨盛蓋竊望之

重刻涵江書院碑陰記

載記孔轅不南往春秋閩域未華通而涵江之有孔其附疣不足信歟然某得見晦翁跋辭乃知李唐時宣尼孫孔仲良者爲莆田令歿於官子孫畱焉莆有孔則此始也宋理宗朝守臣楊君棟始爲宣聖宮表請得御書涵江書院四字刻用木碑之迄今三百餘禩碑蠹將就仆跌石亦侏缺弗堪以銜某歎曰惜哉碑荒孔寢無

白齋行里文略

九四明叢書

約園刊本

稽子孫不能昌溼於草莽齊民耳矣則南流一枝真本而入於訛也於是易木與跌視故物稍堅宜可久命善書者摹焉工刻之

義田說

井田法壞而世有貧人君子可與立義矣義田立義之端乎載籍所書振窮恤匱君人之政乎爾義田行於臣民不聞也有宋范文正公一行民到於今稱之嗣范無人焉而僅見於今恕齋高子然高子單然起儒生秩大夫之祿量所入未術而慨然行之不疑嗟乎范參大政

而其子忠宣公復登百揆何啻十倍高子哉孰難孰易有不足辨夫必待其易而後行噫吾見宗黨親戚貧而釜不沃者多矣師其心不師其迹用其情不用其力多寡廣狹以時爲地高子所以爲善學范子者歟

毛文璧壽七十序

成化閒予與毛君文璧皆以書經赴有司鄉舉累失利遊學吳會與居鄉爲平生之交至弘治中予始入論列忝科第既且薄宦南北及致歸二十三年於茲矣先是趙君文升孫君允防章君彥純四三輩亦相友善獵藝

白齋行里文略

十四明叢書

約園刊本

文無虛歲允防文升繼登鄉書而彥純與君獨淪滯今諸友後先皆物故而踽踽惟君與予在焉歲庚辰十一月九日直君生日而友人楊君德成先期以賀篇見屬蓋予方有感也惡得辭夫難得而易失者時也至高而難詰者天也君惠清易諒文字論議颯颯乎引手可成章嘗記新淦李公維揚朱公爲吾寧守令時皆加獎薦出凡格之外而竟沮不進乃歎曰已哉已哉人皆如噬臍之易甘而我獨射石之難入亦命也於是退而鋤瓜種樹遵養以自晦若將終身者天其罔加意於斯人獨



忍恣然乎哉譬諸草木區類別焉然其大細長短各具  
一太極以爲終始大且長非有餘細且短非不足也又  
況造物者恆寓損益之微於其中乎且天於人之壽爲  
至吝貴富時榮多所不惜此其權衡在天世或不能察  
而予於君獨有占焉耳人之壽以百年爲概七十者曰  
昃之離矣由七而望百果實熟而未墜之時也君能以  
德善充其體根以謹節護其枝葉以靜安庇其風雨至  
於果實墜地草木之道全矣夫觀物以知人觀人以知  
化可與論君之壽也將謂耄言不足信也歟

白齋竹里文略

十一

四明叢書  
約園刊本

送潘伯涵赴麻哈州序

上虞去鄞二百里君子有聞不及輒相逅恆歉焉去歲  
爲正德辛未予由大理寺正領守興化人曰興化文賢  
大郡也難爲守憂之人又曰上虞潘君伯涵今爲郡推  
君往有協也余始釋焉迨至郡相見甚喜君亦以鄉故  
遇予日諄諄疑政相稽心智資以明既默以自慶也時  
少府李君某恭而敏參府吳君某愿而詳而君在推位  
慎而炯余處三君子之中獨疏鄙焉敏莫如李詳莫如  
吳炯莫如君然而脫於道有聞不多得罪於羣黎百姓

君子不吾力我將能哉壬申八月庚戌邸報至以君出  
知麻哈州麻哈在今貴州西南鄙躬躬者期不入眾爲  
君難之九月壬申戒行余與李君吳君舉酒進謂君曰  
遠行得無不懌乎君起醉大斟濫飲浩氣而昌聲曰嗟  
乎先王建邦啓國五服縣其疆各用治之師長天有遠  
土君無遠民奚在而不欲生之麻哈屬今天子之區則  
其人吾人耳矣遠而化或不能逮塞而風或不能流是  
故以王官尹之意蓋有所付而責之難耳吾得有銜乎  
中哉昔余以御史居內臺出按全吳吳爲今文物阜寧  
上國以拂執政謫於閩閩又產才茁靈名方而興化推  
尤吾旣皆臨焉荒遠弗至則知國豐繁而莫知其索落  
知國聲華而莫知其蕪鄙亦學者闕識而寡由且何以  
敬告天子溥文德而臻殊軌哉我行矣尺蠖之屈信不  
億焉余聞之曰壯夫子哉無不懌我固不足與測也復  
飲飲醉以別

白齋竹里文略

十二

四明叢書  
約園刊本

新修張氏譜序

張受姓出黃帝之後入周漢閒而族始著後此益蕃孳  
臣智士彥聖師儒相望乎史籍而各祖其所自興而張



氏之爲譜者維然矣吾族譜逸於有元之季遂莫得其  
真聞先君言昔有仕宋從高宗南遷因家慶元之鄞今  
鄞張氏凡數族而皆非吾所同祖嗚乎自鄞有張氏纔  
四百年爾而其族且莫之辨況於遠稽乎故無譜以志  
世焉不可也樂書之善不能淑樂盈而衛狄之輩皆顯  
於自奮使子孫不類祖亦如我何哉故無譜而必欲他  
求不可也吾家所存先祖由十甫君而下至琦爲第六  
世故琦所修新譜姑自十府君始書所徵也子孫百世  
不替引之蓋未爲終憾焉琦又嘗聞之先君曰鄒溪吾

白齋竹里文略

十三 四明叢書  
約園刊本

送周時謙之任慈利尹序

孔子稱才難釋者曰才者德之用才固不倚於一優也  
周制六行六藝漢舉賢良文學安定胡先生分經義治  
事之齋觀諸子體用以難才也夫然後明揚四方以學  
著者不虧政以政顯者不歉文是故名當時而聞後世  
士固獨才其文哉臨海周君時謙舉辛酉鄉薦乙丑授  
莆田學諭至莆甫庠弟子恆三百墨從型化咸和而齊

再科凡得舉子十五人進士二人視前躍其數有自隆  
也當道薦而獎者二三至顧出於倖求哉及今夏陞湖  
之慈利尹眾爲喜君色靜而安與羣僚拜揖於閩所轄  
鉅公之前數日未已也夫學優者持其博語政則詘政  
優者騁其幹語文則沮詘則憂沮則困惡在其爲才也  
君始爲儒官曰儒官吾職也講議傳授不失其旨而已  
矣遷爲政官曰政官吾職也又民阜物不失其安而已  
矣去之若本無來之若固有肯爲外加者一動其中哉  
孟公綽爲趙魏老則優不可以爲滕薛大夫黃霸守潁  
川治行第一入相則功名罔攸聞二子者豈其善老而  
習頽歟不能擴充以盡其才云爾有台爲吾浙東南巨  
州赤城山水納金桑方壺之氣邈哉先覺又有若方陳  
諸公皆以道鳴其鄉將不有聞其風而興者乎誠有聞  
其風而興則才又不難矣豈孔子特爲周臣發歟

白齋竹里文略

十四 四明叢書  
約園刊本

贈李本元官醫學正科序

章服命人之有德術業顯諸人之才民始有不安其凡  
矣帝王之亡爵無定錫朝伏於野暮則取而庸之短褐  
窄幅歸然化爲冕裳之貴士甘以凡民自終哉後世尊



科目擢文場秀率三歲一舉十舉不售倏焉蒼髮智者不待至此而後返也李君本元脩淡清溫業舉子克勤而緒謂宜前禽之將無失也三發而不獲於是囊書椎檠歎曰嗟乎命與文仇怛怛若是哉迺出就應天醫學正科醫學亦冠服之會士奚損焉人之言曰不爲儒則爲醫醫其儒之試也古之君子微臣小宰不恥爲之期以自別於庸人況肩儒之官乎且夫列鉞陳兵高居師帥之堂非不嘽然大霍然光也而庸中不學行事無聞人將藐之亦於此何觀焉本元儒生耳稽古平物於寵

白齋里略

十四明鼓書

約園刊本

辱得喪蓋將默運而徐定之矣孔子曰官先事士先志夫心之所之謂志志立雖出此入彼不失爲懿惡在其格制拘哉李氏遠祖出唐同姓之族歷宋元間高明輩出而平元綿其慶不落春秋趙孟爲世祿之家居然而削物盛故耳本元薄仕不嚮乎時榮後其將大莫測焉盈虛隱於天人之微誰則知之乎吾故不以言於公卿之門而爲一醫科云爾本元以爲何如

贈太守毛公七十壽序

太守毛公士脩是歲入從心之年門中諸從昆輩以子

友毛君文璧屬賀篇於予蓋公嘗與予言欲有辱命諾之茲豈得辭序曰夫陰陽寒暑變而道不渝是故在天爲有恆夷險進退得失異而情不殊是故在人爲有恆恆者久也久有壽之義焉予初識公端齋清美羣居物色望之可敬曰此其人必養者充焉成化甲午公舉浙江鄉薦會試南宮失利既而抱玉回者屢屢文益進氣益銳而無歉容曰此其人必守者定焉天官卿察公遠器奏天子倅湖廣荊州府居九年亢而不激政平而惠溥荆民順治吾又曰此其人且必服大僚焉然君子可

白齋里略

十四明鼓書

約園刊本

以觀其格而不可以觀其心公再疏乞致仕得請進臨江府知府以歸歸且十載矣其充而養者守而定者前其人卽後其人無少易也此爲有恆何如而悠久之道不占有孚矣況夫天地之氣有常數虛所以補盈也消所以益長也溢諸豆而區則縮焉濫諸釜而鍾則虧焉理必然者公也目明齒完志慮未衰而蚤爲之所且復進德樂善以答神貺此則世不知而公自知之天亦何假於言哉蓋今之有餘充其昔之不足也蹇然空谷永其長廊之音也煙舫雲藤遠其乘馬之塗也賓客壺樽



之集川吸而未已矣者易其公餼之不可久也是爲序

### 春草懷慈卷序

僚友永康程君瑞卿生十五年而失其母夫人某氏今二十年矣嘗與某言曰吾母見銚總角而不及見冠且婚知銚已能讀書而不及知忝科第入仕宦幸吾父高年無恙而母獨背歿不得共享此升斗之入故每讀孟郊遊子之吟則涕泗不自止因撫其末句之義題曰春草懷慈既已乞圖於陳君惇賢矣子肯費一言爲我張之乎嗚呼予以此歎瑞卿之仁而悲宰我之無是心也

白齋符里文略

十七 四明叢書

約園刊本

宰我曰舊穀既沒新穀既登鑽燧改火期可已矣推其意以爲人子之心隨時物而適往則小祥之外其皆騷虞之境泰然無所用感之時乎莊子曰哀莫大於心死宰予之心死是以如彼其忍也瑞卿背其母至於今幾新舊穀之更哉而眷眷猶如此蓋曰草春生之也子母育之也草不能答春陽之恩而子無以報慈母之德其爲情一耳其心固不死也迹以爲圖圖以存心則春草之爲懷未至於沒未已也夫人心每患乎無所感觸有所感觸則天知天能油然而發勃然興矣而不然者槁木

之不植也宰我之不靈也非孝子仁人之心也非孝子仁人之心者尙得謂之人哉

### 重修徵君董孝子行祠碑

古者凡有功於民能禦大災則祀之能捍大患則祀之祀必有祠延承於無窮禮也乃若仁人孝子之有祠爲之宮宇立像建儀而歲時祭享之不闕者亦禮歟然天下之言德者必於性而天下之言功者必於德孝之德出於性則其所以立極興教淑人化俗者孰有加於其功哉然後知孝子仁人之當祠百世俟聖人而不惑矣

白齋符里文略

十八 四明叢書

約園刊本

案舊誌董孝子黯字叔達後漢和帝時人世居鄧邑幼喪父獨與母居篤孝養母疾思飲大隱之水遠莫之致於舍旁鑿土埒得泉如大隱味奉之以進母飲而康比鄰有惡子王寄之母以黯孝諷寄寄疾之伺黯外出毆辱其母死黯悲痛懷隱恨不發俟旣葬母及俟寄母死且葬乃斬其首祭於母之墓自陳於官奏聞和帝詔釋其罪旌賞異行詔拜中郎不就後歿封純德徵君卽其故宅立祠祀之歲久祠壞唐大曆中刺史崔殷一嘗修之至皇朝洪武初加封命有司每歲六月六日用特性



致祭焉且古今人同此性雖不能爲徵君事而景行服念徵君者無不然也特天下知其孝而思善之備或所未察耳夫殺讎報母是其發於義也葬而後舉是其合於禮也又俟讎之母死而後舉是其盡於人之情也自陳於官請死是其奮於勇也封拜不就職是其出於介也一孝立而五德盡焉在大賢君子以上所或難況求之凡民之閒哉徵君蹟實漢史失其詳而見於他書可考事覈足徵非若眇幽荒昧感世而誣民者此廟祠之舉脩天理之宜也詩曰天生蒸民有物有則民之秉彝

白齋竹里文略

十九

四明叢書

約園刊本

好是懿德其此之謂與甬東里舊有徵君行祠正宇三楹居其神後有寢室湫隘溼陋日就圯里之善人張琰周瑛率同志者募財及人力圖新而廣之乃從舊宇之前創爲穿堂又衡爲屋三楹又南築甬路直抵通衢立柱石爲門又南跨水爲石橋皆鞏壯可久興事於正德元年畢事於嘉靖元年予亦里人也方虞廟事之向廢無所爲力耳得二人者有是舉敬樂道之予也不在秉彝好德之中哉

封恭人余氏行狀

恭人姓余氏諱淑清宋余襄公之後家世清白族眾頗蕃先從姑爲恭人從伯祖母後稍疏遠不相通好問成化乙未姑之子衡於予爲外兄見某家中衰而嗜學媒於恭人之祖父成我婚姻恭人天資幼成性靜而多慧聽聞其兄弟講讀輒能記且時致詰中機緊眾女中服其能雖衣製尺度必就考問乃始刀翦初某聘期近城中有富民范姓奪婚亦欲以是期交幣翁志惑焉恭人女質畏羞見事迫微言謂其母曰無輕棄儒生業旣許不可改也翁竟止後歸某同甘苦奉某父母煥先霜露餐不違晨昏月朔忌日清明寒食之墓祭或蔬穀熟而薦新先期憶之不一忘及期必勉盡豐潔力不及乃就約耳某性鈍恆夜讀書至二三鼓五鼓復起織紝以相從未嘗先寢見寒苦每熱盃酒飲我無滋味雖薑果取齧之以相慰藉不知家之饗與其身之勞且勤也某登弘治己未進士拜南京大理評事由北而南恭人攜子女皆從焉寺職司平反要囚有不安者或歸與恭人言之間有所得辯有偽造印信三人法當死刑部議成牒發左寺審予矜其陷於法太易逾日忘未決恭人問之

白齋竹里文略

二十一

四明叢書

約園刊本



曰何獄也予曰假印罪死耳恭人曰銅鑄木刻之耶曰  
審以竹篋作邊中布置字畫恭人曰是不成印非堪行  
使遽問此毋乃不可予因覺之駭還三人果得生兒子  
輩嘗語及周興嗣千字成文何以作恭人問之測曰但  
把平仄字分做各一韻可安排耳又聞講左氏敗夫以  
成父之謀則深非之曰惡可哉兩解之不得則身死之  
何以殺其夫也居九年某有守興化之命恭人又攜子  
女皆從焉明年郡境旱某齋居公堂累旬日雩於神得  
雨又明年又旱雩於神又雨民喜謂某鄙誠所格也恭

白齋竹里略

二三四明叢書

約園刊本

人在帷房之外率子女羅拜協禱之某初不知孝子劉  
君閱今有書抵予曰往歲憂旱之日聞明公致誠昭格  
於外夫人率家人致誠齋素於內平日內助之功可知  
而遭此變非獨明公之憂一郡之憂也教子女雖未成  
令能然惓惓不失其正勤人好事佛多爲尼媪談福緣  
所惑恭人絕之未嘗通往來見乞者鰥廢疾則推分  
飼之廝圉童僕有愆違雖盛怒詈之卽止未嘗聞其搥  
箠聲也廬臨通衢雖閨闈終年不暫闕門戶有急遽未  
嘗亟趨走男女輩哂之曰孃胡走不快則微笑應之曰

姑徐徐耳正德乙亥十一月十二日以疾卒於正寢生  
天順戊寅距卒時得壽五十有八歲莆大夫尊者皆臨  
而弔之吏民數百輩皆相率來哭之歸葬於趙橋之西  
村子二人長曰嘉慶娶金氏繼王氏又繼陶氏次曰嘉  
遇娶錢氏繼姚氏女二人長德真適同里章思義次懿  
真許月湖陸金輝孫男一曰方且聘陸氏繼娶林氏夫  
匹夫匹婦有表俗之行沈而不傳者多矣事之不傳言  
之不立也不幸莫大焉恭人已矣其或不寂寞於身後  
者尙幸有大賢君子銘筆是賴哉某謹狀

白齋竹里略

二三四明叢書

約園刊本

### 先菑庵記

先菑庵者侍御林君以吉燕所也君曰予生辰先重九  
一日故自署曰先菑未有述以文者非茲不敢以託君  
亦不容於不君託也念某嘗負好評之癖初居鄉時迹  
而遊者眾焉未嘗無擇焉旣乃遊四方所接日眾而擇  
有所不逮曰明德稽賢吾已矣旣又宦四方所接日益  
眾而所擇益有所不逮又曰敏道立名吾已矣後被命  
來守興化初至望山川觀草木鬱乎菁華則歎曰美哉  
茲得無賢人乎問古訪今果師師皆賢傑也而侍御後



以告暇回鄉相見爲獨晚然則邇厥容穆如也測厥中淵如也遵吾道之軌以軼賢人之駕不在斯人歟以先菊自署亦君三致意者四時錄功乎秋而斂芳於菊蓋時物受成之會也夫五行之氣迭運而生人宜若無心然而立德君子迎而將之以探天子之蘊以會萬物之變以大日新之德者先菊之謂也聞君先公御史大夫魁梧秀肅如高山大林君席之有餘地焉迺讀書如寒素又蚤發科第擢風紀之職則鞞鞞其光宜矣而願與菊相先後落如也知天知人君子哉於是乎書

白齋竹里文略

三四 四明叢書

約圖刊本

### 孫希尹字說

鄉貢進士孫君思行受父命將以今年爲其子相行冠禮筮日得九月某日擇賓則吾鄉芳遠徐先生焉先期思行來甯都過予於邸寓曰某願有請久矣相兒將冠先生盍一與進之乎予重其請遂字相希尹而告之說昔伊尹相湯恥其君不爲堯舜一夫不獲則曰時予之罪其自任以天下之重如此蓋尹之志也孟子曰志壹則動氣伊尹之志在於自任則其於當時致理召祥阜物而康時偉然爲商一代良相者何莫不由於茲哉是

以相業莫大於伊尹成尹之大莫過於志此相字希尹之意也相大父南山敦上古禮獨能舉冠禮於不講之餘而思行君奉而行之以責其子之成於始冠之日芳遠先生亦贊襄之而予又以希尹望焉則生也雖欲無爲尹得乎哉

### 陳生柱字子立說

初陳君清之與予辱師生之契十餘年後予奔走宦途契闊至於今作意重遊得一會問曰別來得令子幾曰嘗有二息穉而岐嶷皆不成而今在者吾弟潮之子柱

白齋竹里文略

三四 四明叢書

約圖刊本

奉父命告廟嗣我後者也予見柱爾雅敬長尊賢有禮而不虛羨曰是真可以後清之者也清之曰柱子弱冠字未確望先生命之且裨以說是誠所願焉予遂以子立字之進柱而語曰宮室之道最先在得之地又先在築之基又先在立之柱然後棟梁椽椳之類從而附焉然後陶瓦塗墍粉澤從而加焉而宮室之道始畢矣予聞生始祖有厚深之德屬元季騷離而隱約以葆存厥後是如居室有其地也而其祖松巖翁及父清之君又以賢善開弘其世業是如居室有其基也有地有基豈



非柱任事之時乎蓋柱在立之而已矣易大傳曰立天之道曰陰與陽立地之道曰柔與剛立人之道曰仁與義夫陰陽以立天剛柔以立地是天地不能無所賴以爲立也而況於人邪且仁義足以立人之道則生之立有所持循而學矣非仁無爲也非義無由也尊德崇道以立其本然後展采措事而文章禮樂飾焉則柱也其今日之全材哉

### 陳氏八子字說

江陰陳東之自蒙及長從子遊授業尙書補郡庠生試

白齋竹里文略

三五 四明叢書

約園刊本

累失捷就時例入國學既而拜職廣右榮旋未莅官而子適省舊相過見其諸子聯絡升東階拜我玉光相映可愛焉東之曰兒輩次第長已有名未字誠望先生爲一取且復賜之說俾知所循勉以進子不能辭東之長嗣本先字子培當矣蓋本爲木之根本非土不生故中庸之書曰栽者培之然則培之道宜隆次校字子教人非教不成故孟氏之書曰校者教也然則教之道宜嚴又次柱字子立蓋柱從木從主有勝任之義故書曰底柱然則柱之道宜立又次材材木之質也字之以子良

蓋天下之木多矣梧檟榎栴常百一不可多得人見其美必指曰是材之良也則材之道宜良矣又次楷楷者度之端也字之以子方蓋物圓則流惟方可持人見其凝定必指曰是何其方也則楷之道宜方矣又次檢字以子約夫檢有省飭之義可以立德而行事語曰以約失之者鮮矣檢之道不在約歟又次桴字以子聲夫桴有感觸之機可以召氣而動神人曰捷於桴鼓蓋是之謂也桴之道不在聲歟又次果字之以子碩取易碩果不食之義陰極陽生道幾無息果之道碩乃備之矣且

白齋竹里文略

三六 四明叢書

約園刊本

子於此蓋三致思焉八者又有相成之義而諸子當胥與勉兄之所宜入德者弟致其志弟之所宜從事者兄用其情則全善兼休而爲陳氏之亨益長矣昔者荀淑生八子皆稱龍而最良者一人竇氏生子五皆稱桂而五子者皆顯諸生將爲荀氏子乎爲竇氏子乎子雖羣居遐鄉亦拭目待哉

### 賀何士貞新居序

何士貞家去吾居一里稍近林野編籬以爲籬造其門必迂徑而入吾嘗及見其舊居皆前朝材年久將傾壞



士貞欲撤而改圖之以力寡未及歲授徒數十而取其  
費以爲食有餘則積之既久顧其篋有幾金度其廩有  
幾石而計其人力有幾夫時旣便而屋事可舉矣乃規  
其舍南之地作屋三楹而中爲堂寢處漏園之所隨宜  
略備經始於某年某月落成於某月某日眾客入賀君  
曰無以賀爲也天之生斯民無羽毛介鱗以備寒暑風  
雨也聖人有憂之作之宮室使之類族而居聚其妻子  
以相生養自夫廬井之制廢而人無定業官盛者宮廣  
資饒者或至百堵而吾勤勤於二三紀而僅能爲此以

白齋竹里文略

二七四明叢書

約園刊本

庇吾躬其乃敢辱諸君之賀而彰吾之拙謀也哉予謂  
不然居室在守而已矣梁翼作宅於東都朱門翠戶至  
與其妻妾鬪麗一時貴富之家罕與倫者不十餘年事  
權旣去鞠爲園莽求欲彷彿乎君之居室嗚呼尙能得  
哉君歲入有常數而日費有常經朝爲其徒治課書暮  
歸而與其家之人講田蠶事賓客至則或爲黍稷一享  
是皆古人樂生安居之常也而顧以拙謀爲言是猶有  
所不足乎周公誥商之民曰爾乃尙寧幹止士貞之所  
事安所居隨其力之能而寢廣其宮尙未晚也而於貴

富者乎何慕君曰俞哉吾因先生之言而得居室之道  
請爲之序遂書之

### 送門人陳東之歸江陰序

靖江學生陳生東之世居江陰靖江爲江陰分邑越在  
揚子沙洲中東西望之若島夷然商浮大舶移時乃得  
渡微颺卽波濤驚急風稍驟柁櫓不遵軌東之每一渡  
輒失色相顧曰嗟乎吾軀所寄繫何如也而輕涉此安  
往而不得其所哉適甲子試於有司以暑沴沮遂來京  
詣董學乞改庠許之牒下常州府學補其員臨行其色  
若由由者而其志則如欲堀泥揚波而未能者也過此  
以往其變化吾弗得而測之矣

白齋竹里文略

二八四明叢書

約園刊本

### 東園序

君子無競於天下職業之所存固其心之所樂也不然  
足未至而意先往形未定而神已勞烏在其爲樂哉苟  
以是意求之則君子之樂蓋不在職業之外矣包君民  
化今侍御民望之弟民敬從兄也直方智幹通道而閱  
時雖素裕饒然賓客日用之費歲出其什之一不厭倦  
而以餘力營宅屋於舊居之東又取居之東絜方以爲



固聚奇石種佳花木居然有山林之意因自謂東園子志所樂也某與民化有內姻之契聞爲請述作於西都縉紳之閒將持贈焉既得請遂哀寫成帙而竊敘其意夫人之有身必本諸天隨所置之而已矣置之而在高位者曰奉國勤公吾方有事焉天下雖有餘逸弗顧也置之而在下位者曰長林廣野吾蓋有分焉天下雖有餘榮弗顧也苟方出而有預處之懷既處而動欲出之志則不免於自殖而趨時出者無隆功而處者無奇節矣奚所取乎且吾鄉仕宦者肩摩以出況包氏代有顯

白齋竹里文略

三五

四明叢書

約園刊本

者至於其兄弟又列官御史哉而於東園乎有取若將老此焉此尤見克安其職也夫克安其職則細泉幽草飛觴敲矢皆其性天之適固足眇公卿而塵祿利其有假託規取之心哉況君之季民哲民在同是志日相從事於其中以享清平之理其爲樂亦美矣他日或有爲於天下不過自其今日之職業充之譬若裴然挈領而舉之無不順者固不在東園之外也

慶包母七十壽序

前例拜雲麾將軍東園包公之配恭人管氏今年壽履

七十九月七日屬初度先是恭人元子楨仲子朴季子橋告子曰癸未歲楨等母七十昔賢所謂古稀也文篇必當屬之吾舅矣今至期豈宜辭亦豈非所樂爲哉夫所貴於天下者一曰賢二曰享三曰凝四曰昌有其一亦人所難不得謂之備耳恭人子姑母之女與予爲兒妹穉幼同長知其靜穆淑良如琛寶之在櫝及歸包恭柔事所尊不簡有度輔東園起家至巨室可謂不賢乎三子奉訓誨胥加宏殷若從棟梁而丹雘之而恭人於子婦問安之閒晏晏溫溫適意進饌蹈揚以爲娛可謂不享乎今函夏之內隳突損扎皤白者不在在而有恭人甚康嘉起處清安百歲將循而至也茲可謂凝矣楨也達而充朴也縝而文橋也偉而淳而諸孫且皆高步文章之級饗優慶於無疆又可謂昌矣由今言之則賢且享由後言之則凝且昌而世之人得一慨三之不足得三歉一之不備迺天下且然況吾地又寫滄海淺之區哉而恭人獨以賢以享以凝以昌無不周其稱爲難審矣皆曰恭人以今壽而并顯其四備非子不能述也子曰恭人非四備亦焉足爲壽而我其肯以空文藻之

白齋竹里文略

三六

四明叢書

約園刊本



耶楨仲父東谷先生率子姓爲西王母祝壽圖致賀夫  
西王母迺賀者之誠情耳其有無非吾人所知亦非吾  
人所當與知也是爲序

送周仲鳴之任雲南序

皇上嗣位之三年當天下羣后入覲之期大明黜陟於  
是十三省藩臬暨所隸小大之臣多員缺銓部推兩京  
年勞稱者次第上其名朝廷酌而受之用補厥員於是  
以南京刑部郎中周君仲鳴僉雲南按察司事先是同  
年官南京部臺諸司者幾四十人太原張君廷紀出守

白齋行里文略

三十四明叢書  
約園刊本

秦中於同年外補爲最先繼而君有此命茲不爲盛事  
矣哉迺於其行賜酒出都門餞之某以序當執文字之  
役今天下之爲省惟雲南去京師萬里中古西南夷之  
地也氣運推移蓄久而發今爲華土入職方聲名文物  
與他邦等久矣然天下之勢重乎近而輕乎遠輿於有  
所忌而沮於有所或忽近者忌之甚遠者忽之萌此理  
亂之所繇分而天下之生民休否繫焉朝廷邁古爲治  
以復民甸四方相地而任以材固不苟然也矧按察提  
刑之司僉事之官實分任其職不尤加之意乎仲鳴持

凱達之才義理問學日致成德三歷刑曹諸司而精敏  
平中庶獄以和宸衷之下豈不知夫人之爲良士已灼  
然久哉此今職之所由注而皇上之意也穆王告諸侯  
曰四方司政典獄今爾何監非伯夷播刑之迪夫伯夷  
唐虞掌禮之官而顧爲司刑者之訓何哉蓋爲政非刑  
無以弭天下之慝爲教非禮無以淑天下之行禮先之  
而不率者而後刑隨之次第本末不失其倫而化理之  
不遠敷者否矣況外內之勢不能以或一則用法之宜  
不容以不殊今得良士庶幾化而齊俾遠邇同風而澤  
潤溥博未必不自茲人始此尤皇上之深意而君之所  
宜克念也其不然歟言粗而君其不動心乎則油然而起  
曰俞哉誠若是吾將利有攸往矣於是乎書

贈李濟之僉憲廣西序

前監察御史安慶李公濟之庚辰歲由泰和令來貳守  
寧波未踰年職舉事集宜於民人辛巳二月邸報至朝  
廷擢公以廣西僉憲時郡伯太倉周公參府萊州王公  
青陽王公推府莆田楊公方將協德并志期臻化理而  
奪之去皆若有不釋然者於是枉駕蓬華屬觚墨爲贈

白齋行里文略

三十四明叢書  
約園刊本

篇予於公雖相知  
曰巨川有體用之  
今去無所贊畫施  
大且論議施舍皆  
昆也又問之民曰  
去無所冒怙猶子  
而徵諸庶民者未  
而遠近上下無間  
無大小而天下之

白齋

之情也不能不措  
狹而監司佐郡之  
矣禹貢五服廣右  
今文教與上國爭  
而進其爲地益廣  
也欲兼善天下一

故進士歐陽

昔歐陽文忠公永  
未已佔暉之子四



抑揚責任同焉蓋重臣也有員缺率多從三法司屬職  
奏補之自餘罕此除焉以提刑蓋重事也天子嗣寶四  
年之春山西按察司僉事缺員吏部以南京大理寺正  
宗君朝用上其名上可之命下將就道同寅諸君修辭  
贈之而屬某執是役惟山西古冀州之域爲堯故都入  
周爲叔虞所封之國既而晉文以其地霸三家以其地  
疆沿風承氣與古存離故後世稱山西者不曰民尙勇  
焉則曰俗好剛焉而有是往者其心嘑焉若以其地之  
難爲而教令之不易行以爲憂也然今天下仕宦至山

白齋竹里文略

三五 四明叢書

約園刊本

西政舉事集期以一再葺之後崇遷大擢視他省恆先  
得之則相語曰山西之民勇者示之以義則趨焉剛者  
明之以文則嚮焉吾未見其難爲而教令之不易行也  
夫未入而憂其難既出而樂其易豈人心之不恆抑智  
計之足轉移哉蓋嘗考此都之民受堯之化獨先而漸  
摩披拂爲尤深想其風蓋穆如也君博古以深思明仁  
而惇慎以是人蒞是地其不難爲也審矣雖然天下之  
事視之以爲難者其終未有不易者也視之以爲易其  
終未有不難者也君始被茲命吾見其色泊然耳而君

之心則兢兢不敢忽所謂未入而憂之也君持是心以  
往有罪使讞無辜使白枉者使正亡道者使黜默而移  
潛而化俾不見晉文三家之遺威而陶唐之舊可追矣  
明天子在上聞之必曰璽哉俾予無西顧之憂惟茲臣  
之休於是有所在大僚非常格所能拘之矣所謂既出  
而樂之也憂其所以入是以能樂其所以出樂其所以  
出是以見憂其所入者不苟然也書曰惟事事乃其有  
備有備無患明是道而天下可往矣又奚啻一山西哉

### 新修定海縣志序

白齋竹里文略

三五 四明叢書

約園刊本

天與地皆有志而人參乎其閒庶事錯綜之難齊萬類  
變化之不一尤宜有志也志之言誌也郡縣之有志卽  
國之有史也史者尚書春秋遷固以下史官爲之者皆  
是也然國史之所采摭非郡縣之志又不足以取徵也  
志視史不尤先乎定海縣志久廢纂修鄭君崇善被簡  
命來爲令未久政通人和方將有事乎文教適朝廷敷  
求天下志書侯惟虔惟勤擇邑庠弟子員辭生俊領其  
事命之立爲義例編次成書俊承侯志蒐獵諸史及大  
明一統志四明志諸書複校讎之立類分目各象天時



侯之用心亦勤矣夫天地人三才事彙不同而六典足以盡之六典之事散見不同而郡縣之志足以著之定海雖小邑而列於天下郡縣則一也縣歸之郡郡歸之國然後編入於太史垂百世而傳之無窮故人所以參三才者謂志無預焉不可也雖然志亦奚足盡信乎哉其或紀緝無統史野失均非性命而外彝倫雜繆悠而愆本末適以誤來者之監觀何取於志邪孔子曰其義則巨竊取之矣所謂其義者去取出入性命彝倫之存也以今觀於是志庶幾其有得歟侯閩產也唐宋以還

白齋竹里文略

三七 四明叢書  
約圖刊本

其先進多博聞強識足稱良史之臣侯也遵成軌而繼往轍謂其書不足遺者吾不信也

椿桂圖贈史公壽六十序

國家深仁霽澤培養吾人百三十年徐而納之康壽之中故自公卿大夫至編民之家凡其老長者生日則親賓舉壺樽以相赴者繼屬於塗主人則張樂置酒列長少而飲之爲一日之樂俗以爲常無怪惑焉史公世重宋學士文靖公之胄敦懿謙沖有永年之德惟是年壽登六十六月某日爲始生之辰凡交於世重與其嗣子

克明輩相與畫爲一圖而餘其上方屬予操文墨事予觀其圖矯然以茂者椿也馥然以華者桂也昔之頌寶氏者有靈椿丹桂之詠則茲圖者非茲義之取與予嘗思夫五季之衰兵革相尋元氣日剝而薄而禹鈞之門篤生賢子儀以樹學爲宋藝祖儒臣儼通曆律拜官拾遺自餘諸子皆通顯而禹鈞坐享其令福是何完厚之氣反鍾於衰薄之運哉豈有宋將昌天固培養其人於其早先乎世重之生適當我朝元氣之完安居而康食自孩而老眼不見兵革其與禹鈞之遇相去遠矣禹鈞

白齋竹里文略

三六 四明叢書  
約圖刊本

享壽福於宋祖未興之始而世重之壽與其福將不得受於帝王全盛之時耶列聖培其根今上發其葉則椿與桂當與寶氏不改其盛矣世重有今壽鬚髮尙未全白食飲起居如壯丈夫而禹鈞當其子筮仕之先其強健未知得如公否也克明苦學力行志在決科而其羣弟又克壯其家之猷其肯多遜於儀儼數子之徒哉繇是而觀則史之不得爲寶也吾弗信也

許謹之序

江陰許君儀伯去年以公事來南京過予邸爲其尊翁



號謹之先生求文用述厥美余時不得閒而儀伯去之  
遽不能有以復也今年又來予方謝慢命之不暇豈容  
更有辭哉先生名淮字宗達三歲失怙鞠於母氏稍長  
遂克自樹立爲人質直而有文號謹之謹之者志慎言  
也古者盤孟杖几皆有銘書蓋謂目擊而道存可以爲  
操修之資若謹之爲號切諸身心又非徒盤孟杖几猶  
恃諸外物者比哉易大傳曰出其言善則千里之外應  
之出其言不善則千里之外違之聖人於謹言之訓亦  
至矣然自世教之衰視時以爲敬肆身爲士則大夫有

白齋野史略

三九四明叢書

約園刊本

加焉身爲大夫則公卿有加焉堂簿遊而踟躕者累日  
公贖行而覆閱者再三其爲慮深而謹之至彼豈無見  
哉以爲不如此朝出口而夕受責欲取寵難矣先生農  
業而儒遊出入墟井生不受一釜之祿大夫不加公卿  
無所用其馭若可以自肆而無顧忌之心矣乃獨志於  
操修奉不易之戒而取謹之以自號獨何心歟夫有所  
爲而謹之者士大夫也市井之心也無所爲而謹之者  
先生也士大夫之道也世欲求人於明顯之上而不求  
人於幽微之中赫赫是瞻而黯黯者見遺豈不誤哉

### 朱正之壽六十詩序

初子遊安亭與朱君正之敦義氣之交是時君方壯齒  
髮皆黑子復後君七八歲尤覺迂狂未老成別二十年  
子成進士往過之君髮黑者變而漸蒼而子齒亦浸盛  
拜今官至於南都三年矣君之子恩惠應天甲子鄉試  
以師生舊愛來視余官邸享余飯勞問甚悉閒請於余  
曰吾父明年六十矣行時以文事有託於先生幸毋辭  
焉子聞之且喜以爲君之年蓋至此乎願往致觴而未  
可耳尙能辭哉夫人少而老老而衰如春夏秋冬之必

白齋野史略

四十四明叢書

約園刊本

至靡有能出此者但求無戕傷於其間以全性命之正  
如四時無沴氣之干成歲功云爾方見君於初遊時春  
夏之候者也別二十年鬚髮黑者變而漸蒼夏入而秋  
者也君平生寡嗜欲五官者不亂其天或有弗平發之  
歌哦驅之筆墨焉由今而望百亦秋而冬浸移荐至有  
必然者吾以是測之而知君之必壽無疑也君祖父以  
上皆耄期之輩世類之似種種可見由松柏而生者必  
非桃李之華則君之壽將不尤驗於物理之常乎恩攻  
文而氣完今三場竣事先辭歸報捷行且在旬日中矣



其所以悅親而進齡者又可量哉是爲序

四檜堂記

江陰陳氏出宋侍郎吳博古之後博古有文行子孫多  
膚敏而繁昌有元之亂民不尙義雖墟落之間荷戈而  
起或以仇怨輒相攻殺於時吳氏與豪右有恣睢舉家  
蒙難而漏其遺孤孤之姑夫陳公子璋求得之鞠爲己  
子孤長遂以恩姓陳命名曰遠字世銘生五子以其長  
嗣吳後餘皆陳姓焉世銘曾孫竹泉君惟繼與其兄松  
巖君惟大弟梅壑君惟虔三人協心用興其業後松巖

白齋竹里略

四三 四明叢書  
約園刊本

君居水北涯梅壑君卽舊居居之而竹泉君居水南涯  
南涯之地厚且衍竹泉盡改其舊規而弘廣之木石塗  
塹工賃之費不啻數千緡室屋壯麗五倍於昔先是有  
檜四株在外門之南落如也至是規模旣大而四檜適  
在其廳事之前焉若天植之而神置之君曰是不偶然  
有數存乎其間也則謀諸兄弟題其廳事爲四檜堂而  
以記堂之文屬諸某孟子有言曰所謂故國者非謂有  
喬木之謂也有世臣之謂也故國與故家同喬木蓋所  
宜有而數仞之檜不假人力而忽在陳氏之庭豈天將

以喬木爲陳氏樹之風聲乎某嘗舍其家而知陳氏世  
葉之詳方其變故之初幾無遺子矣而世銘公以一息  
之噓遂使其子孫蕃昌而家族之大如此豈人力所能  
及哉昔王晉公手植三槐於庭而期其後必有顯者已  
而魏公且以重望相眞宗致景德祥符之治爲宋名臣  
而魏公子孫相繼以功名著夫王氏取必於槐而天副  
其意陳氏勿期於檜而偶得之天古今天下之契固有  
不約而同者乎蓋栽者培之傾者覆之此天理也德陳  
氏變故之餘而其子孫或弗能守如木不自栽夫亦不  
爲培矣安有今日之隆哉則四檜之生乎其庭者以徵  
德也竹泉諸子與其諸從子皆將以文致身而迓迎皇  
休可以整襟而待於王氏功名雖未敢取必然天意其  
不有在乎又聞柏葉松身爲檜檜松柏之儔也松柏有  
節氣大冬不衰則陳氏子孫將必有正直康義之士蓋  
又出於富貴功名之外者矣徐以待之

白齋竹里略

四三 四明叢書  
約園刊本

送黃元續詩後跋

孝宗朝太史黃先生乞歸養其母十八年至子守莆奉  
會纔二年耳餘皆仰止之日未飫所欲而今遂戒行矣



譬如旱而得雨既得雨輒止欲雨心向津津然者故臨別書所作喜雨二篇贈之長紙不覺殆徧也亦情哉

跋黃君所藏遠祖告身後

夫伐南山之青流聲紀德存之百世而可考國有史也史有官官職紀事宜無窮焉人之家則異是一父二子猶以賢愚為續絕族一而支百有能藏青傳墨以史於國者史其家不賢子孫哉宋狀元黃公度文行在當時無相先者以不佞於姦檜檜死然後出官不過考功郎中而止噫有命也夫自淳熙迄今三百五十年黃氏子

白齋竹里文略

四三 四明叢書

約園刊本

孫賢才名頌數百輩而公之告身獨藏諸解元廷宣之檟中獨何歟廷宣整而莊惇內得之學既魁閩士矣行且大魁天下與公後先相昭麗拜告身於無窮無惑耳已昔趙簡子以命戒屬其二息伯魯佚焉無恤出懷中如故遂以大三晉之地夫敬聽一代且猶是則存諸數百歲而無失者當幾無恤哉

白齋詩集後跋

明州自唐賀祕書以詩人風流開元寶應之間年既老乞身明皇御筆賜詩惜賢達之去其詩行於世不多特

其人品足高如白雲青鳳不可得而結攬固已重諸當時矣予生後祕書八百年自幼好有唐諸公詩而企仰祕書獨若加一倍豈昵諸鄉里之私志頗肖類是故彼嚮哉昔先君贈平事晚庵公速予舉子術不令一目詩懼心詩往也嘗几上竊取唐人詩讀之公見怒投之淖雪中過則徐取以乾之是以於詩無專力而心則往往潛遊乎其中先君不能禦也先君老且化幸慰其靈成進士始吾肆而莫吾格矣夫是以得徧讀唐諸家之作近體實宗之祕書風品或非勉而逮若其詩篇之存今者則願從鄉里後也古詩自蘇李以來亦極致志更假數年精力如何且好事者時請檢傳寫夫楮毫之材莫可與廣也命丁升之梓

故小仙吳先生墓志銘

次翁吳先生既卒逾月而其子山持所為事狀詣予以子於先生有交知而以銘文屬之案狀先生姓吳氏諱偉字次翁別號小仙湖廣武昌人曾祖諱越登進士第兩知大明南陽府祖諱綱領鄉薦未仕而卒先生少孤貧事母耿氏甚孝通經史大義性慤直無所比私與俗

白齋竹里文略

四十四 四明叢書

約園刊本



竄語工山水人物盡入妙求客相踵於門非高流者不  
泛應成化間先生尙少守備成國公招至幕一見以小  
仙呼之遂以爲號焉總戎平江南遣禮渡江致爲上客  
由是聲譽日起憲宗召至闕拜錦衣鎮撫上崩放歸遂  
占籍江寧劇飲或經數旬不飯與人議論出入經傳不  
少屈孝廟復徵召見便殿甚悅授錦衣百戶賜畫狀元  
圖書寵賚日厚乞恩武昌祀祖數月還再次石頭有密  
旨趣回京賜以西街居第既二年遂稱疾乞歸居秦淮  
東厓正德三年五月今上遣使召之使至未就道而卒

白齋竹里文略

四五四明叢書

約園刊本

配李氏子男二長山府庠生娶某氏次某聘某氏女二  
長適武庠生湯仁次許錦衣衛舍人戴觀先生生於天  
順三年五月二十日卒於正德三年六月十三日享年  
五十歲以是年月日葬於某山之原嗚呼士病無知己  
故善不以聞予於先生有交知沒矣而不爲之傳豈情  
哉銘曰

匪天之私授以其初匪人之阿有實斯譽譽既中起天  
子賁之皇皇厥服以奠其儀不有所貴來止於南日享  
賓客於樂日深廣野大山呼吸形色雖有善者莫紀其

極嗚呼往哉歸氣之清既也允藏有仙之名

送屠君漸卿赴五井鹽運提舉敘言

古之學者窮經致用視天下百職庶務皆分內事隨所  
遇應之非擇而取雖上聖大儒無不爾者況鹽法軍國  
大計其可薄視而窄處之哉周官以鹽人掌鹽而用始  
重齊管仲氏正鹽筴爲法漸謹漢以下郡國置官而資  
於國益饒蓋司農虞衡分職漸卿屠先生天姿弘仁以  
秉純之學屢舉失籌而所養益完以光嘉靖壬午由國  
子生拜五井鹽運提舉眾高先生以爲非所宜處先生

白齋竹里文略

四六四明叢書

約園刊本

乃安之曰茲固吾職也盡吾職吾道行矣雖食貨之地  
而天理未嘗不行乎其中顧用志何如耳有大人之思  
則吾官亦行道之所無大人之思雖上相鉅卿則吾官  
差與比予聞之歎曰尙德哉古之人之爲心歟遂敘以  
別

馮宜人輓詩序

冬官郎中馮行甫以其配某宜人至南京凡八載而宜  
人卒行甫悲不勝僚友弔者各爲詩成卷而持以示予  
三讀之曰辭美矣尙盡得其情也乎予每見行甫動靜



多從容今若徐而實遽焉又每見行甫言語多簡溫今若費而無味焉予疑其踰毀也怪問之行甫乃曰先妻事予父母盡孝敬理家克勤苦及予有官又以清慎相居守其諸日用飲食衣服之費率以身勞之而不以累予心懼妨公也予是以得嚮往期於有進今焉望哉乃惡不自知耳予聞之歎曰意固將謂君有衽襦之愛不忘乎昔長孫后崩唐文皇傷之語其臣曰吾豈不知無益之悲內失賢相是以悲也夫文皇富有四海當時輔相多名臣而猶以失賢助哭不輟況君以臣人之微而

白齋竹里文略

四七

四明叢書

約園刊本

喪起家益德之婦哉誠情矣雖然情者止乎禮者也悲而不以節得無積傷之虞庶其有思乎君收淚謝曰吾以悲惘惘無所見得斯言若有釋然者願為題之

### 遺稽行實

予諱琦字君玉一字子玉以君玉行平生愛白素人號曰白齋先生初祖相傳自河陽扈宋駕南遷卜居鄞有元兵亂譜逸莫可詳考自十甫君而下曾祖諱華甫祖諱敬道考諱懋妣俞氏生琦予娶余氏生男二人嘉慶嘉遇女二人長德真適章思義次懿真許陸金輝孫男

長方且次皆孩未名予生十歲從師發蒙即不敢荒嬉十二三稍知屬對聯詩至十四讀易習舉業輒能行文十七隨逐前輩報應試以家貧遊嘉禾淑人弟子得束脩歸以養吾親續歲復出為東君朱廷秀所宜畱數載改治尚書與徒朱寅同苦讀每一授三四百徧夜繼晷不輟晝昏睡則與徒含水相噴面以抖立精神讀既熟復歸從講於傅先生克貞成化丁酉試不利娶吾妻同甘苦予夜讀妻以鍼縫從之夜久熱孟酒飲以相勞至癸卯丙午己酉壬子連試皆缺牂乙卯服內艱不出空隙皆遊學之年稍積資養親始終苟完無大憾戊午迺始錄鄉薦明年己未登倫文敘榜進士既二年拜南京大理平事累陞寺副正凡九年審錄過臺司輕重罪犯八千起囚二萬七千餘人情罪或未當駁回必欲得其平有假印罪囚刑部擬死罪送審囚亦不能為辭予憫其陷於法太易慎思之退與先妻言曰假印鐵鑄木刻之耶予曰審以竹篾作四邊布置字畫成印妻曰篾作者不堪行使遽問死如何予悔駁同三人果得生後向出日拜曰張公生我也郡司獄官緣事上司問革貧不

白齋竹里文略

四八

四明叢書

約園刊本



能歸攜幼女醫人爲歸資子聞之惘然召司獄以已俸十金與之乃得免醫女莆陽傅驛丞爲子鄉人負債莆富家數多後病故富家欲執其妻女時予適亦歸召富人與語姑俟其還家來償不負汝始得收拾全妻子以行遲予程半月逆瑾用事法司罪罰去官者十七八時隆平侯家有訟獄將送審會予遵疾不出寺屬同寅者審之瑾不得賂以錯問免其官而予幸無事意者一念好生有以致之乎或偶然未可知也任內蒙吏部上章二次陪點山西雲南提學不遂正德六年二月陞福建

白齋竹里略

四九

國朝叢書

約園刊本

興化府知府爲政無他能以仁平存心務使民得其所於風俗學校尤極惇慎四五年間雨暘時若禾穀豐收人無沴災累蒙當道獎勵素以病痰火上疏乞休下吏部蒙批本官志能自勵政亦宜民況其年力未衰有疾宜加調治所據奏要致仕難以準理合咨都察院行福建巡按御史令本官照舊供職務益展布志力以圖報稱後秩滿赴京蒙考稱職復任先妻從而往未幾歿於郡舍痛甚予前病復作上疏益懇苦當道慰留情詞勤厚巡按胡公云本官學識富士樂薦雄撫字勤民思借

寇雖懷高尚之心難允乞休之請布政使姚公薦於胡云看得張某自典茲郡已逾四載尙惴惴以無華操廉慎而不失肆力於學有文章太守之稱無擾於民有忠厚長者之譽先該本官上疏乞休既蒙吏部特寢其章兼致慰留之意續該本官考滿赴京又蒙吏部特最其考仍多褒獎之辭今本官復有此呈雖潔身以去出其素心然爲國恤賢亦自有未能遽聽其請者合無行令本官在任管事以俟遷擢庶慰民情但本官才望既著年勞亦深如蒙別加論薦處以督學等任尤爲盡其器

白齋竹里略

五十四

國朝叢書

約園刊本

能按察使劉公云訪得本官學行老成才猷練達清譽久著於士林妙簡行看於峻擢仰行本官照舊管事以慰上下之懷以終君子之澤僉事查公云看得本官安靜不擾文學優長有古良二千石之風本道濫叨此職正賴相濟何遽引疾乞休然以奏詞懇苦終得請蒙恩陞本布政司左參政容令致仕歸馬予平生好作詩習學古人力不及乃已然多從實地來生變化不敢爲望空語自遊江湖及出入兩京守莆陽於居鄉作寫頗繁多散遺今入梓者十三四耳夫詩言之至難者也自願



髮黑且蒼且白四方知音相遭如皮陸者間亦有之可  
多得哉晚遇見素林先生知之為獨深嘗曰公庭私廨  
時出奇與與山川雲鳥發靈來進效慕之於體裁而宗  
風雅趨以成俗又曰夢魂相接多在雪蒼雨碧之下谷  
答風響相和應噫言而至此亦微哉續稟出毫言覺尤  
有味已成編未知獲入梓否也文字亦有可取回首顧  
之度不能舉矣惜也予性稟仁慈見飢寒死亡如痼瘵  
在身雖殺一雞斃不忍視一蟲之微無害於人者亦不  
肯傷殄與人悖信誼行事不為苟且平生自覺無慙媿

白齋竹里文略

五十四明叢書

約園刊本

但疏計慮不畜縊有俸入餘錢多為簞人者所損散此  
為世之所短也土田頗營而無豐稷塵居粗創而未綿  
周出者如塊擲入者無泉流抱病懷殘喘寄身屬杪秋  
屢興歎而猛制又集恐而紛憂愛山一輿樂水一舟縮  
首畏涼世閉門謝諸俠天自天而莫怨遂不遂而加修  
未死微軀已卜荒丘永訣之日不許飾修不喜鏡鼓不  
喜幡游不設道場不誦比丘生也既順死復何求惟願  
我子要做好人要為君子作善降祥終有天理不可責  
報於旦夕弛為善之心哉此予發於心膺之言不知誰

肯懷藏之為趙氏無恤者也

封君張翁壽圖序

甲戌之夏判府張君仲懷奉部檄至興化予率僚屬吏  
民出候之見其色和而神熙若中有自擇者問之則其  
尊嚴封監察御史尊慈封孺人苑氏並年八十有三健  
粒而康居若少壯然又問之則其弟今監察御史提調  
南畿學政仲齊君也予聞之歎曰日月之行有先後寒  
暑之變多消長琴瑟調而音節不齊草木生而榮瘁斯  
別是以閔父在而母先佚軻母存而父不逮揚椿之門

白齋竹里文略

五十四明叢書

約園刊本

男多壽柳玘之家婦長年齊茂雙榮世不多見豈神明  
者不肯快人以全乎其人事之不齊然哉劉子曰能者  
養之以福封君孺人受天地之中以生與凡人同耳胡  
獨得福乃如此其必有所遇哉夫不可必得而必得之  
者至難也可必而必得之者猶易也仲懷獨得於聖賢  
之所難遇謂其不足賀也乎足賀而不之賀天固與之  
我自違之世蓋有是落落焉者弗壽也仲懷舉賢科再  
為儒師遷今官來閩仲齊登戊辰進士拜御史封君孺  
人兩弗就養而燕處高堂之上其自閩來者報曰政舉



民安也則既喜自吳來者報曰化行士秀也則又喜聞  
吳之士竊慕而樂道之宣之翰墨文詞則封君孺人之  
所以爲懷者何如夫喜動志志動氣氣順而志寧志寧  
而體安靜以凝命則壽由已立而由天乎哉故孔子曰  
仁者壽又曰故栽者培之

贈袁子繹序

前尚寶卿袁公之孫子繹弘治甲子拜靖江丞今年冬  
蓋當考績之期以公事來南都鄉人宦茲士者皆將爲  
詩贈之秋官員外郎錢君廷祐子繹內姻也謂某等曰

白齋行里文略

五三四明叢書

約園刊本

敍別時列耳其毋庸蓋爲道敷厥事俾顯諸民有徵哉  
子考靖江在沙水之間初屬江陰其民狡獪難治成化  
中撫臣王公奏以爲縣經略粗定品式未詳君至歎曰  
鄙夷乃若是哉豈其習固然歟亦長治之臣罔加其志  
耳於是節經費養財力凡所得爲者無不爲及崇明賊  
作亂民多播越君贊其令長綏來之既來處之東西沙  
咸給田使自力作者以萬口計繼而升土補賦百爲盡  
心而民皆安業焉夫仕者之得土不思不足而患其有  
餘得土而行吾職也不患有餘而患其不足得土不足

而行吾職有餘由是而進何所不前也行吾職不足而  
得土有餘由是而卻何所不後也吾嘗以此求仕之道  
今於君有稽焉君始至其邑固曰鄙夷若是已爲之一  
動心矣而謂百里不足爲乎及莅茲土幾六載勤事用  
績歷歷可紀曾謂吾職其有餘哉昔君曾大父太常公  
柳莊先生暨其大父尚寶公並以碩望受知於太宗文  
皇帝及仁宣之朝二世榮遇莫有加焉君其得無念乎  
深厥念是以有踐修之德君清才績學先後試於有司  
者凡九而卒挫以歸入選拜今官君其得無憤乎久厥  
憤是以有激昂之志非志無以成德非憤無以發才二  
者備而令善之所由著也夫爲丞得土不足矣而令善  
之著有餘也哉重有餘而輕不足仕職其畢舉也故樂  
道而書之

白齋行里文略

五三四明叢書

約園刊本

代作三原太宰王公祭文

正氣善性完稟全受弘毅公忠靡德弗懋應期五百實  
參三才其聞名世或是之魁思維先朝簡在列聖累升  
大僚終授執政百職紀之飭戒肅穆四海均之量劑厚  
薄商尹姬且精神潛孚漢葛唐郭純駁尙殊黃髮遠猷



衰壯同德致主堯舜一念罔忒帝曰元老篤弼勞汝釋爾揆敘康之田里公既得歸道心滋休縱圖橫史茂林清流紀述不懈哦詠以嘻如是莫遏直趨耄期某昔與公交歡孔厚訃音東來見不可復臨風喟然拂淚沾衣遐舉豆籩公無我遺嗚呼

### 重立涵江書院碑祭文

聖人之道無一日而不行故聖人之神無所往而不在興化雖介在南服而聖裔寄焉神則昭矣廟貌之立開始於有宋碑久而蠹重刻新之守令者職也敢稱有光

白齋竹里文略

五十五 四明叢書

約園刊本

### 爰期無斃尙享

### 謝雨祭龍文

是歲春民舉趾方擬農事天弗雨者踰百日吏民之憂視往歲增切越乃禱於諸神有感孚與雲作雨凡四五朝暮未溥大民色喜物亦向榮猶皆抱不足予率僚屬吏民往壺公山蟹井詣龍神焉匍匐三十里素衣芒鞋裹頭持柳清塵率十五步一拜逆至壇壇與諸神胥居位皆南向一朝暮凡兩往拜退皆謹齋居官府塵市禁戒四十日飭其終如始上下咸無怠神迺覽觀爲請於

帝庭降大澍二晝夜止水入土四五尺河澮皆溢民沾足歡歌達於境內公私卒有賴周禮云凡有功於民則祀之功有大於我神哉於乎尙享

### 祭岳公文

惟神性任天能身負國器論諍落職起守莆陽百度惟正黎民永懷海支爲江明澈行地上有公祠昭其清德祀典有嚴報功匪虧於赫厥爽庶幾來思尙享

### 祭陳參政待徵文

嗚呼方未見公仰公如雲及與我遇不負所聞行言聞

白齋竹里文略

五十六 四明叢書

約園刊本

聞有行灼灼析幾若嬉用謹以謔迎事酢物各得其所始不遺終華必至果青髮甲科鐵書刑名司敗廷尉斂手享成陞守魁郡武昌叢劇事集民又不勞餘力明辟迪知進參藩政致歸有詞措熱就清癯鶴高鷗出楚而閩海珍野羨享戚樂賓兩子龍種徵德肇慶胡不永考難忱者命嗚呼哀哉尙享

### 來軒周先生畫像贊

莊乎如山之止浩乎如川之行杲乎如日之出勃乎如春之榮則象顯於可見體用藏而無聲人動天俱道興



時亨思往哲之既寂於式瞻於先生

自贊

讀數行書既自別於鄙夫做幾年官又已出乎下士辭讓太蚤似乎失利木石無虞何謂不智於乎與我言我點頭自契

恭人贊

賢希鴻婦劬比宣妻不見聲色家政和齊白雲其衣明月為抱我則弗如藉汝適道

見素林先生像贊

白齋行畧

五七四明叢書

約園刊本

明目張膽貫道敏功還國錫朋我雲之中安石不出柰何乎公

張先生像贊

行無徒而獨往居無取而常足不嘒嘒慕異不汶汶自黷簷茨使厚釜米使精如此而已何勞其形

瑞茄贊

秋官主事草亭周先生仲鳴闢圃於其舍之傍周遭可四十丈而疏其地為畦畦窮有池池之上復取土築隄作亭以娛其母太夫人蓋久而成趣焉一日見茄結而

聯帶欣然有感作瑞茄詩而其弟仲玉君適至人皆謂應在仲玉明歲榜之祥也聞以示予嘗觀造物之機每不可得於期待將迎之中而或發見於尋常形色之際蓋萬物皆有知也而況草木得氣之先乎則瑞茄之應必矣然草亭仲玉皆太夫人所出猶草木之本也寧有末瑞而其本不預者耶則太夫人之壽考又可推矣故為作頌

白齋行畧

五七四明叢書

約園刊本

來也召之則然維人召之朕兆發焉有周君子至性篤孝事親必悅百順以道迺開西圃列藝蔬瓜以燕尊慈樂而無譁有茄在圃紫花紺葉十步一畦幽采相接中有佳異雙實竝蒂絳珠玄璧駢縱墜地人曰瑞哉應在其季季實篤學清才高文以登上捷疾於風口此為季瑞夫復何云予究斯理蓋未止此根株華葉本同一體既瑞其子母不但已樂康於堂百秋燕喜

回祥題辭

回祥詩何為而作又何謂其為回祥也讀劉君世光所



序而後知之蓋定海衛帥李君思敬喪父而繼母氏姚夫人無所出夫人自虞末路歸杭依其昆弟思敬一時不能違其志徒痛心耳既而餽將無虛月抵杭迎請不肯行正德辛巳終以誠悃感奉之而來若衛莊母子之相見焉喜當何如哉孟子以父子離爲不祥則母子離而合者祥也禎祥爲吉假使夫人依姚而去李則人將曰子闕順也不爾又將曰母闕仁也闕順非子闕仁非母凶之道也焉得祥乃夫人歸李而去姚則天道宜人倫正而物議美眾善備矣謂之回祥也宜哉

白齋竹里支略

五九四明叢書

約園刊本

### 論詩

作詩難知詩又難也詩非天資力到不能知能知詩而後詩可作也不然如夏蟲之語冰可能得哉漢魏以下五言變體論者多矣不贅語姑以唐以後律絕及七言古體論之前輩品評多未當唐人李杜當是大作家王岑高孟韋柳陸李輩諸作者惟楊伯謙論得是其分正音餘響盛中晚唐皆合格中理若所謂鼓吹三體品彙等集未免有所謬杜子美聖於詩達於天人常變不可拘測所謂不讀萬卷書看不得杜詩是也高棅乃置杜

而不得入正宗與太白異路則其識見可見矣餘不必辨也若宋元詩則又當別看蘇全使學問不妙於情志黃乖傑不屑爲純平語皆非正體至陸放翁發纖濃雖太過然皆自學唐來嚴滄浪學盛唐律絕極類真至元趙謝諸公之作頗傷弱不抵玄奧我朝高楊張徐諸人極學唐儘有好者後李西涯謝方石張亨父及沈石田律詩甚多生意且做循唐人繩墨蓋傑然者也今盛世必有妙手不能盡知行且求之

### 楓林家訓序

白齋竹里支略

六十四明叢書

約園刊本

士讀書豈必粵若稽古哉凡書繇乎道不失其性耳古今一也楓林家訓同年鄭方伯立之四世祖所遺立之授某讀頗晚讀之再拜歎曰予平生仰鑽羣經及諸子爾矣今老不意又得見此書幸哉而一時賢者又且爲發颺而丹牖之夫既亦盡矣予復何贅但人之家荒視其祖訓不在敝之筐則陷復之壁而方伯乃克憲憲章之如星日使與大學書並行焉市鬻人傳爲學者潛助於乎亦大矣

### 巖山一寄序



止爲山動爲人二者異體而同情恆苦欲有遇而非固  
我所得私在造化者昇撥之而已矣違合久近各有分  
定焉邇葛源者有巖山奇勝絕天下大方伯鄭公初藏  
修所也宦旌招搖與巖山敘別久矣而其情未嘗一日  
不在巖山也是故性茲山而剛氣茲山而清體茲山而  
靜政茲山而安養茲山而粹一寄之餘大抵皆山所來  
哉雖違猶合也商相說築傅巖之野高宗夢而舉之今  
巖山亦曰巖數千年似有默相會者不偶然也中興事  
業或於此有望試俟之

白齋野史略

卷二 四明叢書  
約圖刊本

贈劉太孺人壽序

鄞令尹劉先生繇名進士受朝廷簡擢臨吾邦政通事  
敘舉始娶終未暮年百度惟貞充然有懋進之勢每公  
退樂而少申容色若不足而實懷慶幸之意者閒有請  
得聞君之尊公先生鴻才重器有志未就而卒而太夫  
人萊慈賢粹正莫與儔者君不能違離奉之偕來至官  
邸甚康清六月二日屆太夫人壽辰邑大夫士候知之  
敬舉賀忱而屬琦爲壽篇予竊觀於壽之道天與人二  
端而已矣天與人不相齊猶陰與陽之盈虧損此則益

彼在徐觀而默察之耳天道付予豈能盡得其常哉有  
德者必壽常也而或不然者天固有以處之也君之尊  
公不獲乎天之常則所以處太夫人者有在矣太夫人  
念念在其子欲其子念念在於民在於國在於天下蓋  
欲君以子之有餘補父之不足則太夫人娛心樂志以  
永其年而所得於天者亦不失其常矣於乎天人之際  
盈虧損益固有若是哉又聞太夫人仲子宗禮季子宗  
智皆儲秀校庠決志弘遠時望大有所屬他日昆弟聯  
翔接迹以出當不讓古之荀竇其所以補先公之不足  
而益太夫人之壽又豈可涯哉圖有鷹柏則賀者深祝  
遐望之意亦可見矣

白齋野史略

卷三 四明叢書  
約圖刊本

書南濠文後

是編分上中下三卷總凡四十有五目夏官主事玄敬  
都君所著也一日省玄敬手出是編示予讀未終竟假  
以歸蓋數月矣每心有疑滯輒取讀之若於中有脫然  
者夫讀書初恨不能博故於載籍無不覽又恨不能精  
故於文義無不察闕一焉皆妄也君以時文取科第求  
餼祿爲養親畜幼之道而其志若力未嘗一日不墳典



百氏之學也深讀廣記既以務該古今之說而鉤玄索  
賾又以要極義理之歸故雖寂寥數語而本末先後可  
攷焉則讀是編者不可以易而忽之也資治通鑑綱目  
之辨尤有獨見足以正百世之議云

送孫編修詩跋

宋歐陽公識拔名人故其門下士感義德而道說其賢  
至於終久不相忘夫人不相知則不得於心而與之言  
言亦無味矣俞君懋敬輩遭所知孫先生得享道焉所  
謂湘泥而轉之清波可不謂相知歟先生行矣作詩送  
之而冀其復來辭多忱誠油油發諸中者有味之言也  
獨怪夫士不相遇者曰世無歐陽公乎爾今觀此孫固  
歐陽也懋敬之徒感義德而道說其賢者夫

淚錦詩序

陳萬南之配李氏卒既十年不相忘於是作為卷求大  
方之詩哀之題曰淚錦屬予言引諸首始吾外姊歸孫  
氏與孺人鄰知孺人最悉而嘗言於吾孺人修美有賢  
孝之德與萬南室而處凡幾年而殂有遺孤生四十日  
而夭歟傷哉人之死也必哭之於其子遠則孫哭之

白齋竹里文略

卷三 四明叢書  
約園刊本

又遠曾玄孫哭之此天道之常也而孺人以賢孝沮於  
妙齒不得享其年既無所望哭於其孫矣而當望於其  
子哭之子又無所哭也而哭之於其夫嗚呼夫不當哭  
其妻哉嘗讀左氏人盡夫也其言謬戾不足法信如其  
言亦可謂人盡妻則天理微而人心死矣而萬南之所  
以不忍忘而悼之者正以見妻猶我而不可盡人也噫  
風煙相失於河洲蘋藻獨生乎南湖生為于燕死作離  
鸞此淚錦之詩所為作也夫情至而辭不至是為有淚  
而無錦辭至而情不至是為有錦而無淚二者並至足

以感人淚錦也哉

白齋竹里文略

卷三 四明叢書  
約園刊本

白齋竹里文略





西軒效唐集錄

十二卷補遺一卷

文瑩著

光緒乙未  
仲夏之月  
錢唐丁氏  
刊於四明



欽定四庫全書總目提要 集部別集類存目二

西軒效唐集十二卷

明丁養浩撰養浩字師孟別號西軒仁和人成化丁未進士官至雲南布政使是集詩八卷文四卷其名效唐者蓋取法唐人之意然殊不類唐音也

效唐集提要

西軒效唐集錄序

詩以道性情三百篇之外惟陶謝近之隋唐以詩賦取士愈變愈工而於性情愈遠矣宋人矯矧體之陋而尙氣格然可與語性情者晦庵之外無取焉噫詩亦難矣哉吾友丁君師孟少好詩學博極聲律於凡哀樂喜怒離合悲歡道途涉歷民情土俗觀風所至有得於心悉於詩焉發之長篇短詠總若干首筆而爲帙題曰效唐集錄開以示予雖其音調氣格不違唐宋故步然皆發於性情之正而無淫豔侈靡之詞蓋非徒作者也予嘗慨二南國風所錄而存者雖婦人女子田父武夫其言皆優柔平淡往復微婉足以感人勵俗而後世文人學

效唐集錄序

士終身步驟不及何古今相去遠甚若是耶蓋古之時聖王在上其化之所被無閒遠邇貴賤故其發之於聲者如此世降俗偷難以能言之士猶不能不爲習俗所移況其下者乎我國朝治化隆盛餘百三十年作者輩出颯颯乎皆治世之音而師孟又重以山川之履歷民俗之諏詢則夫教化之醞風俗之美亦未必不於師孟是編可考證也若必令追蹤雅頌薦之清廟播之明時卓然成一代著作而不爲唐宋故步所拘牽者予幸不老朽當與師孟築壇而商確之

弘治辛酉冬十一月之吉奉敕提督學校福建按察司副使安成劉丙書

乾隆杭州府志

丁養浩字西軒仁和人成化二十三年進士累官四川按察司副使時有墊江富民殺人給孤至使冒罪賄成其獄養浩廉知其冤竟反坐轉廣東右叅政時河源程鄉賊蠶起募人守要害使不得逞以次擒勦歷陞雲南左布政致仕卒養浩事母孝歷官二十年妻子恆留事母僅以一僕自隨



西軒效唐集錄卷之一

明 仁和丁養浩 撰

四言古詩

流水二章章四句思母也

流水湯湯維楊蒼蒼心之憂矣母氏誰將  
流水澌澌維楊差差心之憂矣母氏誰思

白雲三章章六句思友也

英英白雲在山之阿我有旨酒式邀以歌未見君子憂  
心如何

英英白雲在山之隅我有旨酒式邀以嬉未見君子憂  
心何如

效唐集卷十一

南山有岑北山有雲駕言適野以眺以臨彼美君子實  
勞我心

古詩十三首

白苧單歎婆女

白苧單年年績苧苦春寒績成白苧望夫著誰知夫去  
竟不還只今有苧不忍績我夫何由見白日

春閨怨

春閨怨夫婿何由見顏面昔年恩意結平生今日中途  
不相念東鄰女兒嫁夫醜老大相看同白首

有柏二首思子也

有柏有柏生澗中根盤九地枝號風伐有孤子在海東

思之不見心忡忡

有柏有柏生山阿上有雲霧下女蘿我有孤子隔江河  
思之不見淚滂沱

方紙思二首

幼女文明隨侍來京遇朋友投刺輒截其端半方以  
置衾篋比死檢視之哀不自勝因作方紙思

方紙思窈窕姿十歲不出門十三上京師應門受賓刺  
裁方入篋謂方紙思如今不見淚澌澌

方紙思十二娘裁方不裁圓投篋藉衣裳染秋露  
顏色不如故方紙思松柏蒼蒼在何處

思嬌女

效唐集卷十一

思嬌女淚如雨目斷天涯悵何許憶昔歲在雞攜家入  
京師大女隨夫婿小女一二相扶持窮冬旅寓延大厲

弱息呱呱等閒弃中宵外廐號且驚追風玉驥墮雙睛  
羣奴伏枕呼不起白髮交游靜如水忽聞緘書雲外至

報到兒夫日中斃夫妻聚首泣未終天書促駕過遼東  
遼東歸來登柏府謾想崎嶇慰平素玉樓瓊館又飛聲

倏忽瑤姬歸太清排情強笑振長袂載舟還向江淮去  
悟言生死各有期欲悲不悲隨取之就中思瑤姬婉孌

非凡女客中無處解愁腸落日西風淚如雨

哀壯士  
國初貴州有都指揮馬燧從主將開川貴等處皆有



奇功既降伏羣蠻留鎮其地築城堡修道路通驛傳  
屯軍旅治亦就緒惟賭諸酋地大人眾者時雖面從  
思久復負固欲於其腹心要害之地羅置衛所以衝  
其堅今水西城則其初試之迹也興作建置號令過  
嚴而又果於誅殺軍士畏而惡之雉又欲激諸酋反  
叛因而絕其族以爲郡縣其舉措人滋不堪遂死非  
命自後世論議之雉忍殺貪功固有取死之道但原  
其初心止於爲國今所在建置皆其遺蹟其令行禁  
止之功亦可以想見而百年以來大酋劇虜積漸駭  
恣不馴環其封數百里漢人無敢窺其藩籬重關厲  
禁若封域之外將來似有履霜之漸不能不思其遺

效唐集卷一

三

功也弘治丙辰春余西巡至水西城不覺興黍離之  
歎因作哀壯士一首以繼陶潛詠荆軻之意云

哀壯士壯士一何雄  
嗚嗚叱咤生秋風  
身披百鈞甲手挽六尺弓  
摧堅破敵孰敢當  
其鋒我聖祖御六龍薄海外  
內咸景從蠢茲夷裔鴟張狼  
顧叛服橫心習壯士慷慨  
誓天日欲與社稷建奇功  
殺止殺勞匪躬讒人罔極  
壯士死以忠至今隴頭水  
嗚咽鳴不窮水西城郭噪  
烏雀寒烟落日禾黍生  
芄芃哀壯士壯士一何雄  
功名百世誰與同  
潁川子江都公彼各有建壯士不死斥鴳窺冥鴻

潁川傅友德江都陳平江也

江神子春夜有懷

東風吹雨夢醒時  
心似醉忽如癡  
多情成怨今夕竟何  
之起來謾倚闌  
干立人悄悄月依依  
斷魂何處寄相思  
湘水遠楚雲迷  
含啼空對杏花枝  
問東君恩情幾許  
山無極海無涯

春苑曲二首

桃花紅李花白  
牆裏佳人牆外客  
忽聞羌笛吹一聲  
兩眼相看淚沾臆

李花白桃花紅  
佳人倦倚落花風  
三三兩兩章臺客  
騎過牆西又過東

使面欵石醉眠圖

黃鶴樓中吹笛高陽縣  
裏當爐醉倒白雲深處任他石

效唐集卷一

爛江枯

梅花使面

疎疎一簾晴雪淡淡半鑑清  
秋良夜玉人何許笛聲西子湖頭

西軒效唐集錄卷之一



西軒效唐集錄卷之二

明 仁和丁養浩 撰

五言古詩

癸丑九月京師旅寓風寒有感十首

何處西風惡遊子念慈闈嚴霜落庭槐高堂未成衣孤  
雲萬里心寸草三春暉安得化鴻鵠奮迅隨風飛

何處西風惡永懷同氣人一自溪澗別倏忽秋與春秋  
風吹蔓草兩地傷懷抱蕩子游不歸空庭桂花老

何處西風惡佳人夜搗衣更深搗愈急杵重力易疲皎  
皎明月光入戶照羅幃羅幃寒風起疑是遠人歸

何處西風惡睠言憶孤雛一氣分形骸兩地同憂虞憂

效唐集卷二

虞竟何如夢中常相攜我已被衣褐汝曾授衣無

何處西風惡離居寒更深時時撼虛室細細入孤衾午  
夜攬歸夢半空驚客心鄉關渺南北擁鼻一長吟

何處西風惡離居體力微幾迴頻附火一任再添衣眼  
勉登頭飲溫暾簷下暉陽春與愛日相對暫忘歸

何處西風惡離居情更孤坐驚衣裏過眠訝枕邊呼落  
雁盡依渚斷雲時載途不知緣底事三載客幽都

何處西風惡離居坐二更斷雲飄客思孤雁落邊聲撼  
撼簷瓦振時時霜月明忽然懷往事中夜若為情

何處西風惡離居強獨吟幾迴方練句一念忽驚心暫  
爾悲胡馬終然愧越禽誰家搗衣婦午夜落寒砧

何處西風惡熒熒兩幼女一作瘡瘍軀一作孤婆婦白  
日盼景光清宵泣淒楚蘭蕙凋空山年華坐中暮

自謂簡知已

我自與銓選卑卑處羣僚冠服隨所御形容枯以憔悴  
客歎我門問我何寂寥為我詫時貴聲譽干雲霄門巷  
雜賓從僕馬厭芻肴薄宴羅腥膻冠蓋恣遊遨汝何迫  
知命棲棲苦無聊我拜前致辭大化猶甄陶稟命各有  
分過望乃徒勞豈不見尼蹠善惡殊所遭斯理諒無偽  
氣數實難逃達人貴知命知士無強要入手即自足過  
目斯鴻毛悠哉信情臆卒歲以為高

潛庵為謝廷獻道長賦二首

效唐集卷二

潛夫何為者抱道在空山山中何所有熒熒紫芝丹一  
自歸素隱誰復能強顏魚潛不鼓鬣豹潛不露斑物性  
各有適人貴擇所安悠哉信吾志不願鍾鼎餐

潛夫愧獨處不與形勢俱四民各有業潛夫何所居屋  
外百畝田架頭千卷書春秋事耘耨早夜頻卷舒時雨  
過南臯布穀催畊夫源頭浚新水軋軋鳴田車種苗滿  
新疇烏犍脫犁鋤薄暮農事閒撫卷問先儒先儒有諸  
葛高臥南陽廬隱居求素志行義卻有餘歷時更千載  
氣味乃不殊白日樂于清宵夢蘧蘧不聞天子詔忍  
就胥吏呼鼓篋發陳編聞有巢父徒臨河洗牛耳避名  
如見汗潛夫喟長歎古人有是夫出處諒不易富貴胡



爲乎不有忠良謀碌碌安所圖伯業割三分邊營殞孤  
珠況今數更化滔滔盡長趨臥龍已不逮牽牛竟何追  
駕言卷而懷抱道良不虛持此永終歲庶以善吾軀

虎爲金舜舉同寅賦

猛虎伏叢薄咆哮震山谷狐兔各潛形草樹盡辟易墮  
啗乾鵲鳴滅滅悲風發虎臥跑且號張吻待來獲何物  
漫無知入口牙鋸錯薄肉厭腥操孤魂泣冥漠嗟嗟人  
物性有生區以各胡爲不自貴梯梁夜逾壑或墮淵中  
齧或飽吻內咋物性知有趨而人乃不若登堂看君畫  
令我驚且愕垂涎良可憎攘臂亦不惡夜靜松月高山  
空木葉落前途羔羊鳴恐有抹眉索

戲題扇面孤鳥

二鳥嶺外來飛飛到西郊一鳥入邱壑一鳥棲林臯雄  
飛一何遠雌鳴一何婉回首碧天寒空驚歲年晚

八月十七日夜飲歸對月有感

中秋兩日過月出屋上頭主人醉飲歸更漏下一籌露  
華發清景風氣肅高秋九衢靜如水萬籟鳴且收緬懷  
怛情素家在萬里陬白髮被高堂嚴霜落長楸睠忘  
興寢依依恣行遊老大籍金閨壯志猶未耐文章復何  
用道義安所投皎皎天上輪脈脈心中憂相對耿深夜  
悠悠復悠悠

滇藩楊林寓宿

距滇百里餘楊林控平陸山川頗夷曠土壤亦高沃時  
惟夏仲季我來自西蜀舟車鞅掌勞寓此暫休沐小院  
並奇芳空階翳叢竹有時白雲來就我簷下宿盈盈不  
可攀藹藹不成掬對此良久坐飄然思幽獨仰止企前  
人題詩繼芳躅

同年黃翊時哀輓翊時由縣令擢太僕寺丞卒于  
官

曾題金榜名又作花縣宰文彩何翩翩芳聲振長在百  
里乃汎駕牧園豈相待一朝厭羈縛脫蛻出滇海長枝  
卒不起短轡亦何慨達人成大觀生死兩悟解嗒然謝  
塵世垂休到千載

戒酒

飲酒莫治事左右有姦人飲酒莫斷刑恐亂僞與真古  
人有明戒憲度尤具陳居常乃謬誤而况當行巡堂上  
慈母憂室中致殷勤子然行萬里忍自弃其身

德清嵇氏三善卷

昭世有高士中堂扁存仁傾囊振貧匱不吝揮千金植  
德深且厚天報何逡巡嚴霜降白日叢蘭肥青春哀哀  
兩婆婦矢心向蒼旻辛苦相扶持白首仍初心至仁既  
敷洽寒冬轉陽春雲昆奮鬢序花封布清芬天道有旋  
復至德無涇淪而今乃食報食報豈無因緬惟先世恩  
由祖以及親雛嬰失其恃忽睹手澤新裝潢獻慈闈再



拜薦明禪嗟嗟存仁翁揭扁何諄諄中焉罹殃咎後乃  
裕諸昆遺書儼明訓清節惇彝倫書以詔來世節以旌  
高門凡我未亡人敢不圖其存載歌天保慶重念柏舟  
辛因之著三善千載揚其真

榮歸壽親分韻得霄字送金舜舉按雲南便道之

思南府省其二親

朝辭北闕門暮宿城南郊鳴騶促晨駕冠蓋相招搖把  
酒拂長劍意氣雄以豪十載遊京華賢科薦清朝再馳  
皇華節重錫豸錦袍睽茲滇南地山路阻且遙銜命往  
徂征僕馬良不驕平明啟就途旌旆何飄飄輕雲麗晴  
昊嚴風轉迴颺再拜辭所知中心耿耿迢迢復何為

效唐集卷二

五

親庭斗南杓峨岷阻修問詳疇恣遊遨深樹奏鳴笳高  
節呈華鑣衣冠綯遙服干羽格有苗時惟夏仲季南薰  
入虞韶萱花吐香質椿桂芳蕭翹觴酒拜高堂促膝進  
嘉肴會合良可喜離別乃無聊願言祝親壽直比南山  
高南山有松柏雪霜亦後凋何如二親壽歲與祿位超  
遊子復來歸同上青雲霄

丙子秋九月十三日偕邵祠部思抑遊顯甯寺

杖策入叢薄霧露沾我衣秋氣既岑寂山花亦稀微哀  
悛抱樹鳴幽鳥向人啼臨溪瀹清茗因之坐日西

戶侯沐璽從征安南巡按張羽有贈和韻

將軍駕鐵騎叱咤生秋風雲屯宿貔虎錦旆飄游龍斬

將獻明光屏息不言功一戰空塞北萬里歸提封

景星觀

躡屐登邱山靈雨隨風來陰雲翳白日長途靜氛埃琳  
宮敞華宴良朋愜素懷駕言息塵鞅老大且銜杯

陰雲釀雨

陰雲釀霖雨皎月闕光彩昨夜暗西郊今朝故仍在初  
疑迫崦嵫復道墮滇海青鳥期不來臨風發長慨

碧潭虛室為惠濟清上人賦

碧潭清見底潭上構虛室虛室俯碧潭空然本無物上  
人此靜坐閉門動彌日課佛不聞聲冥心悟禪寂室虛  
生光明潭虛湛空碧止水無波瀾妙道無形跡寄謝室

效唐集卷二

六

中人空王此儒疋

曾夢魯聖思字義詩

點爾歌浴沂參也躬孝弟百世有仍孫邈焉企先志眷  
茲東魯鄉跬步良可至三省程其功一貫乃超詣羹牆  
睹儀形早晚勞夢寐周孔是何人希之我則是

自歎四首

淒切復淒切萬里音書絕昨日少年人今朝鬢成雪  
淒切復淒切杜鵑夜啼血枕上百年人中道相離別  
淒切復淒切歲月忽已逝如何干將劍不及鉛刀試  
淒切復淒切風吹桂花老桂死尚有香蘭枯不如草

西園桃花為風雨所落歎



東風催花開旋復催花落昨暮看芳菲今晨忽寥廓紛  
紛萎階砌片片入簾幕青英閉高枝紅綃翳殘夢遊蜂  
飛不來幽鳥窺錯愕條明失其候風氣故廣莫東皇豈  
漫渙無乃較情薄我生已衰謝對花聊笑噓如何轉盼  
間忽已心作惡流光挽不回花神諒難託出門望南山  
一笑付溟漠

天桃三首

天天紅桃花娟娟開笑日點點逐輕風時時窺戶牖  
天天紅桃花的的勻芳顏嫋嫋汎崇光紛紛墮香雪  
天天紅桃花灼灼佳人面東雨忽飛來零落如殘霰

亭溪沈氏族譜

教眉集卷二

七

宗法久不立世道日已衰若非修譜系何由敘睽離沈  
君志古道手錄素所知世經人以緯瓜瓞相依維源流  
既濬發根枝亦同歸昭穆一以序恩義一以施服屬一  
以辯祀事一以時正名以定分緣情而制宜人心既敷  
洽王化乃坯基刑措可不用禮樂亦繫之沈君知所重  
古道良可追願言永珍襲千載垂芳譽

悼女明

女明倏云死我心耿難忘古人愛弱息不肖拱壁雙况  
復此女聖德慧不可量孩提少知人而乃敬父娘三歲  
勤績紡四歲善趨踰隔牆聞聲欬佇立起徬徨五六漸  
成人八九愈韜藏居然大人志直與姪姒將十三隨而

父間關觀君王冀土厥燥剛柔質素不良窮冬苦寒疹  
春餘尚愆殃于時盲老翁視之如尋常一朝風火發巫  
醫盡空茫哀哉我明女汝死實可傷自古莫不死聖智  
多顯揚爾獨抱睿質而不蒙寵光娟娟和氏璧璞毀不  
成璋盈盈楚苑蘭芽凋不成香嗟嗟厥賦美胡為不久  
長悠悠我心憂卒世終不忘

夷齊吟

堯舜久不作人道多陸沈干戈事征伐以臣弑其君我  
為綱常謀胡甯惜微身捐軀啗狼虎此志良不伸願瞻  
首陽山可以終我仁採薇聊自樂不願羅八珍世道迭  
興廢倏若秋與春南面豈云樂所貴在人倫人倫失其  
道馬牛而衣襟高歌採薇曲清調發天真一唱再三歎  
慷慨忘苦辛噫噫微二子後世多亂臣

日休為沈履德賦

夾城隱君子日休扁其堂問之何名爾德履素所將行  
以德為本德乃行之防秉彝出天性道義為綱常朝夕  
此從事跬步不敢忘利行心自裕積久理彌彰俯仰無  
愧作隱顯何迨遑悠然方寸地恢恢鑑穹蒼彼昏苦無  
知偽行勞動勸隴斷罔微利機鈴蹈深映眩巧顧成拙  
顛連果何傷我歌日休詩中有否與臧君子履周道小  
人歷羊腸所入一謬誤終身判霄壤願言慎所擇千古  
留遺芳



贈日章聞先生

文章貫斯道理足道乃明世儒泥章句往往戾于經文  
辭絢風月道敞從此生元季迄國初莫能爲主盟皇化  
久流洽挺生多豪英於中尤者誰日章乃其人潛心究  
墳典卓犖擅才名詞以駕其理詞暢理益精美哉眾儕  
輩和附同一聲遂能闡斯道煥然歸一程上以接洙泗  
下以承關閩蠢彼庸腐儒久醉而復醒

西軒效唐集錄卷之三

七言古詩

明 仁和丁養浩 撰

觀燕有感

雙燕雙飛入我堂飛來飛去養雛忙  
養得雛成自飛去雙燕雙飛只如故  
雛兮雛兮不戀母雙燕養雛良獨苦  
他日羣雛再養雛肯憶當年雙燕否  
可憐遊子在萬里甘旨高堂隔寒暑  
忽聽雙燕語雕梁落日西風淚如雨

汪惟越賓月軒

無酒興不適無月誰相親良宵有酒復有月  
把酒對月成主賓主人愛賓此奇絕無情卻與多情別  
相期意氣

效唐集卷三

邈雲霄一醉忘懷任明滅明朝有約重相見  
玉宇沈沈坐清燕縱然弦豎數推遷願少須臾莫虧欠  
人生要得月長好月照那能人不老百年舉酒對明光  
青眼相看共傾倒

合肥蔚本潔尊翁哀輓翁之父為司徒翁善醫

杏林隱士人中仙手提萬物生死權追逐和扁參岐軒  
上池飲水窺幽玄洞視五內如澄淵剗腸剔胃祛煩煎  
而翁宿昔秉鈞銓奇勳炳耀鑿鼎鑄活人心法家世傳  
出處雖異理不偏父兮醫國國脈延子兮醫人人壽綿  
君家奕葉德罔愆一時民物熙堯天長淮渺渺泛清漣  
先生歸去今幾年楊泉枯涸蝸淚沿杏花寂寞空啼鵲

世方疾沴瀕危顛肢指腋削體腹便安得先生起鍼湔  
坐令四海沈痾痊

滂雨歎

昨日雲過東今日雲過西頑雲本自南山出胡為任地  
隨風飛飛醞雨無終極潦水奔騰百川溢江南溽暑  
不肯收十月晦朝轟霹靂高低田苗皆爛死更有螟蝻  
旦時起羣飛作陣淪如飛食盡苗心及根柢枯穢穗  
看成空老農慟哭來田中終朝刈獲不成把歸來聚首  
愁無窮老翁行年百單九道是從前不曾有祇聞上古  
說堯湯不識當時果然否即今家徒四壁立官租私債  
來催逼世間無處可逃生到頭甘作溝中瘠

效唐集卷三

二月八日對花有感

去年載酒遊西園桃花梨花爭春妍今年扶杖南山去  
依舊春風花滿路去年看花花正好今年花開人已老  
人生光景不如花況有閒愁掛懷抱君不見花間有鳥  
名提壺聲聲對客鳴相呼又不見西蜀山中啼杜宇逐  
客聞之淚如雨花落秋復春百歲看花能幾人縱  
令功業照青史不如且醉梨花春花兮花兮我今醉汝  
一杯酒願與汝兮歲歲長相守安能老大事毛錐空向  
花前搔白首

五桂歌五桂者予昆弟五人也

桂之樹何奇妍五株森列漳溪前修然挺拔不可屈滿



溪槭棘誰能先由來此物非凡類植向溪頭五千歲廟  
堂擢用應有時試請爲君歌五桂一桂生來本天植二  
桂蕭翹奪神力三桂移來月宮裏四桂森森轟天起五  
桂託根南山岡其壽乃與天地同久長吁嗟五桂分爾  
何爲於此秋而香秋氣慘秋風涼一朝盛衰忽翻覆晨  
風夜月常參商桂爾挺幹莫相凌開花莫相妬同根協  
力善保護聽取禹門雷一度

王明仲尊翁哀輓

賀鑑湖如西子湖朱家塢上青山孤生前既住青山側  
死後還葬青山跌我公志節今人無今人仰公如老逋  
老逋老去梅花枯先生于今多鳳雛

東唐集卷三

三

湘東阻雨

湘東河水清見石林薄晦冥山壁立東風濔雨十日過  
澗沚奔騰百川溢大流滔滔川面行小流淙淙石罅出  
大流小流王霸分王有道兮霸有術流水本是無情物  
日夜奔趨爲誰急洞庭汪洋億萬頃東至滄溟更無極  
水哉水哉甯有求動時流行靜時息世間萬物各有性  
順性利行無拂逆君不見鳶飛魚躍際天淵上下遊行  
理皆一

青山白雲圖

白雲鎖山腰青山落湖心平湖十里載孤棹東望煙霞  
縹渺之孤岑湖山後鶴居平生舊知心蒼松翠竹一別

經幾載扁舟問訊不辨誰家山與林青山復青山白雲  
何氤氳青山不改舊時色白雲隨風變化終爲霖山中  
緋桃花含英盼先春東君不惜別來意落日狂風何處  
尋

臨安侍御王景明父母雙輓

庭前恠底西風早百歲靈椿一時老承顏賴有北堂萱  
午夜嚴霜亦枯槁青雲令子多才良天門奪錦來封章  
墳前拜跪號且泣滿身豸繡空琳琅慈烏啞啞聲如慕  
逝水滔滔自今古乾坤此恨何終窮直待東溟化爲土  
蓼莪餘哀爲外甥葉本立賦

東唐集卷三

四

父母生我實勞瘁父母與我相依隨豈直瓶罌與尊罍  
瓶之罄矣罍之恥父母既死兒何爲伊昔父母既生育  
拊循懷抱亦顧復天之高兮海之深欲報德兮良不足  
辛勤欲養不得遂風木蕭蕭經幾歲兒身有生不如死  
出也衝髮入靡至嗟嗟彼蒼何降毒凡民有生無不穀  
胡爲我獨罹此咎掩卷悲號不堪讀

蘇建中具慶堂

蘇子手述具慶文邀我與作具慶詩我嗟具慶不可得  
撫卷南望興遐思男兒立身苦不早長使功名掛懷抱  
十年甘旨隔高堂倏忽雙親已偕老雙親白髮日漸多  
遊子青春日漸過一身有絆歸不得西風吹淚空滂沱

淚滂沱情何已願兒黃甲早登庸領取封章拜親喜

送袁文獻之任潁川二教

我昔弭節潁水上潁水入淮流不休自從神禹導荆楚  
至今淮汝皆安流君去橫經敷孔教三千禮樂相追遊  
鬻宮廟貌儼先哲寓而祀之蘇與歐只今州伯奠安土  
更有武弁爲之備正倫善俗良有託張官置吏非虛謀  
勸君飲酒問君職君其答我知之不君兮君兮早命駕  
莫令歐蘇地下鼓掌爲君羞

端谿硯

繫端硯兮理密緻工琢磨兮筆佳製瑩玉質兮兩儀判  
分鸚睛兮列星麗參立楮兮發藻思祚仍昆兮永無替

效唐集卷三

五



西軒效唐

五言律

平垣

平垣曉來

馬投空成

陸席

百道流泉

滾來無極

吳羊

水竹延表

室雲分垣

送

南國典文

影暗欺王

輓

山川鍾秀

緣憂國

月

月湖秋

窗街倒

中

鳥落蒼雪晴魚戲碧波翻思湘浦夜曾聽竹枝歌

### 金山寺

金山江畔出屹立障頽波山勢一峯大江流千頃多西風孤雁遠斜日片帆過老我鄉關思其如煙水何

### 太白騎鯨圖

長鯨化龍物太白謫仙人一日飛騰去平生汨沒伸九天依日月萬里駕風雲回首江淮路茫茫空世塵

### 趙元遜愛水卷

逝水流光遠幽居適性靈屋頭春澗綠潭底暮山青皓月來無際驚風去不停援琴俯空碧清響更泠泠

### 遊海雲洞

效唐集卷四

三

超山之南有水陸二洞陸洞之底亦水也相傳有黑龍居之宋時載之祀典從山麓盤路以登上建觀音庵石壁鐫海雲洞三字長方尺餘乃郡守三衢趙閱道所作歲久庵毀其山爲佛日寺所有引治間伯兄南山先生以價得之今歸于我欲修葺以復舊觀而未遑也偶檢閱道詩集有遊海雲山之作特以和之鑿石開深洞分泉發小池月華來海窟雲影落天涯散果猿爭食看花鶴自隨前溪通驛路冠蓋日奔馳

### 吳勳克敏西南勝覽卷

旅夢思滇國羈懷慊壯遊風塵一劍老行李萬山秋水蘸遙天闊雲兼太華浮平生無限意長嘯倚西樓

### 京邸雪夜獨坐

孤燈對旅客飛雪夜如何雪積燈焰短夜深寒氣多吟驚埋馬耳靜想畫漁叢忽憶滄溪許投竿下碧波

### 送任宗海父由光祿丞謫任長沙攸縣丞

昔居光祿署未奉大夫稱今去長沙路甯慚賈傅行論才終有濟知命且忘情春雨湘江滿臨流問濯纓

### 雨霽

江上宿雨霽林間楓葉鳴天連瘴海闊地接遠山橫返照隔村暝歸潮帶月明一聲長笛奏秋思滿江城

### 王君實清夜遺懷有作和韻

遠道經年別孤雲萬里心宦情嗟已盡鄉思豈能禁不作攢眉態聊爲擁鼻吟故園春酒在清夜有誰斟

效唐集卷四

四

### 潛庵

誰道潛庵僻潛庵興有餘人皆樂其樂吾亦愛吾廬幸有子孫業可無賢聖書相攜入深谷永與麋鹿居

### 書懷二首

滇海歸來日陶潛未老時頭上漉酒巾不數白接羅靜眺東臯上閒吟漳水湄五斗成何事折腰閭里兒塵海息奔忙雲山引興長吟風來別館看雨到僧房酒醞柴桑味花開彭澤香南溪深樹裏無夢熟黃梁

### 送錢塘大尹承天秀三年考績

疋馬之京去清風滿道周祖筵隨彩鶴飛蓋疾鳴騶



主方懸系蒼生自挽留西湖一片石終古頌君侯

送縣令張君介夫考績之京

三年當考最應是及瓜期素志惟民隱丹心結主知從  
今階要路便擬歷崇資霖雨蒼生望清時賴倚毗

寄所知

早被多情誤逢人便著歡自憐投分易不解別離難逝  
水去何急好風招不還惟應天上月千里共團團

月溪爲唐孟升賦

月溪天宇清高詠寄閒情月色渺無際溪流微有聲雲  
頭開素魄波底發光明午夜琴尊靜涵虛滿戶庭

五月書懷

效唐集卷四

五

欲問青年事青年事不同病顏羞對月華髮怯梳風魚  
鳥情何極琴樽興已空桑榆斜日暮扶杖眩西東

看花有感

百日紅一名怕癢樹每以季夏初旬開花歷秋仲下  
旬而止故曰百日紅又以其柔枝嫩弱撼之則動故

曰怕癢花予西軒植二本已十數年矣歲癸未四月

置閤乃以中旬開發花蕊壓枝比常年爲盛甫十餘

日忽花殷蕊落日就謝甚訝之詩以誌其故云

五月繁花發應爲百日期乍看紅綉約忍訝紫萎衰無

奈嬌陽盛多因淑氣微問花花不語腸斷一吟詩

東溪爲唐時翰賦

天目發源遠苕溪濬澤長窗銜雲氣濕樓接水風涼午  
夜吐新月半空留夕陽漁舟橫短笛一曲倚滄浪

古源爲保叔塔澗上人賦

鼇極乾坤久龍池歲月深本源來海窟分派出珠林清  
響疑禪唄澄光照佛心上方鐘磬罷松柏晚沈沈

夜夢作詩寄同年俞德璋起句有由求久不接無

人規我過之句覺而足成之

由求久不接無人規我過懶散不出門蓬頭日高臥問  
訊北來人交口爲君賀周流臺部間百事皆可做勉旃

樹奇勳毋爲事叢脞

蘭窗清隱爲史德孚驛宰賦

效唐集卷四

六

種蘭西窗下蘭生滿庭砌疎雨浥靈葩清香隨風至美  
彼隱君子託此遯嘉意真心悟幽賞歲晚結神契何如

桃李花空爲豔陽媚

三月六日牡丹含蕊未開戲筆

牡丹含笑口應是要詩催及自題詩後還須載酒來酒  
從花下酌詩向酒邊裁醉酒題詩日花教次第開

送嵇克常任夔府節推

江漢流波竭君行望屢豐素心澄夜月彩筆動春風佐  
政資三尺詳刑慎一中廷堅著舞典千載頌膺公

承清庵成化己亥作

向晚入蕭寺松蘿暗水濱樹頭鴉噪久門外客來頻老



鶴翻空翠歸鴻背夕曛巢由空洗耳終此避囂塵

復遊永清庵

成化己亥子遊永清庵留題嘉靖甲申復過此則四十有六年矣始予爲舉子適強壯今休致來歸衰老甚矣俯仰今昔感懷迫和云

逃名瀕海外棲跡越江濱白髮催年暮青山入夢頻停盃留急景曳杖逐餘曛去去林居子無勞問俗塵

弘治己酉行人差廣右

授職居燕北承差出廣南過時須自檢在處卽爲安莫說炎涼事休誇冷熱官平心憑造物立向靜中看

董德隅同年秋江行吟圖

效唐集卷四

七

軒冕苦形役悠然思遠行時來秋江上忽見秋風生落  
落長松蔭滔滔流水聲謾勞琴與鶴從我寄餘情

送黃夢弼後任江陰大尹

西風起木末天氣肅高持此一尊酒送君千里行來  
逢鄉友話去愜邑人情想過維揚夜推篷月二更

幽懷

老去情多感愁來感愈深意中如有見醉後卻驚心雲  
雨空成夢陽臺不可尋鶯花與羈旅相對一沾襟

送同年徐景華考滿授封捧敕還家省母

有子足可樂多才良更稀成名占甲榜錫寵賁慈闈二  
載膝下別一朝天上歸殷勤何以獻寶敕雙龍飛

送姚鳴岐奔母喪還崇德

遊子苦離別淒然悲遠行忽聞秋風起報道萱花傾忍  
死猶疑夢貪生不是情八千塵與土何日是歸程

送鄉同年濟南二守王朝器還任

客舍春光盡歸途夏景清好山隨馬足高樹送蟬聲冉  
冉登鄉薦呦呦聽鹿鳴于今廿年事臨別若爲情

輓杜益之亞卿

兩浙宦遊久當朝士論多半生膺國寄終老得天和落  
日棠陰頌西風薤露歌感人成涕泣不數峴山磨

普市

普市號天險盤迴掛小蹊島晴雲觸石山雨水拖泥幽

效唐集卷四

八

鳥自相語哀猿時一啼羈懷與愁思無處不傷悲

赤水和韻

十年經赤水轉盼息餘光白日下空谷閒雲滿高岡山  
川開地靈草樹發天香一統萬斯載於昭謝君王

赤水自詠

雅構得佳勝達人成大觀江從天上落水向雨中看花  
發晝逾靜鳥啼春未闌何時脫塵鞅來此共盤桓

投接待寺寓宿

寂寞空山裏鳴騶夜打門驚鳥投別樹吠犬隔前村風  
帶鐘聲遠雲籠月色昏白頭僧定起曳杖問來因

送王廷珮少參九載考績之京



疋馬之京去重登要路津乾坤清議在湖海白頭新岸  
柳剛三月園桃又一春上林君到日不見賞花人

譚司副母太孺人壽時受封譚適以使事便道過  
家

九月黃花發姑僊壽域開恩從天上至人向日邊回寶  
敕題慈範斑衣戲老萊膝前孫子輩迭進紫霞杯

鷹

老樹西風急蕭蕭羽翰靜中常睥睨高處足飛搏肉  
食吾何愧巢居分豈堪紫臺烟雨夜魂夢繞長安

同年劉約博母太宜人哀輓

懿德聞華冑慈闈獨擅場省愆思泣杖慮嗣敢專房老

效唐集卷四

九

更蒙優渥生惟教義方百年聲譽在都不羨姬姜

大理寺副孫忠顯尊君號松巖乞詩爲壽

古巖古松茂至人孕靈奇心同古松老壽與古松期大  
地清風發蒼天湛露滋南山千萬歲惟爾獨相宜

雲間錢啟宏秋宮政母壽七旬

夢叶宜男兆光昭婺女星自然閑禮度端的振家聲已  
喜登遐壽還期沐寵榮雲仍看繞膝繞膝課窮經

送陸坤順卿之任四川榮昌縣尹司寇瑜之孫也

任蔭恩波闊源流世澤長慶門多履善下縣亦榮昌布  
政惟新法詳刑是舊章巴江春雨後策蹇問耕桑

輓經憲朱廷獻

江右衣冠族黔南介冑家泮宮敦禮教甲第發聲華憲  
府初遷秩河陽舊種花故園三萬里飛旄到天涯

職方正郎陳明之壽桃圖

海外長春日人間不老天滿林皆碩大九顆更勻圓露  
滴寒漿重霞敷彩色鮮綺筵稱慶處一度一千年

送進士許立之任海豐縣令

墨綬宰花縣清才占甲科一麾膺帝澤千里得民和海  
近風塵少天空雨露多遙知臺薦後應有去思歌

送陳瑞卿之任山東副使

本是吾人彥清朝補袞才暫勞當劇任便擬入中臺化  
浹三春雨威行百里雷幾多碑刻在還信口碑來

效唐集卷四

十

壽人

七旬行至八歸老十年餘履歷聲華著衰封禮數殊宜  
成真不朽道在更何須習靜北窗下居然山澤臞

盧方伯哀挽盧江甯人舜咨倪太宰婦翁也

甲科延美譽清署發才良兩地參名服終然長大方乞  
身當盛節坦腹羨東牀誰復誇冰玉于今獨擅場

慶壽寺祥公將住平山縣天甯寺味庵師宗師爲

乞詩以贈予未及酌而師已歸化展軸贈師送  
墨有感爲追賦以致之

味庵嘗賞贈手跡故如新忽憶生前事都驚物外身莫  
言成即壞須信果緣因此去名山住天花雨正紛

夜讀 成化元年作

午夜耿不寐勤劬直到明燈殘臺上影書讀夢中聲東  
海日將浴西窗梅尚橫此心無所往迷入大槐程

唐元愷雙桂

本是一根出居然生兩枝亭亭儼離立落落靖幽姿好  
風聲夏擊斜月影參差薄暮對樽酒與君情更宜

恬淡為唐元性賦

先生恬淡者不受利名羈靜飲杯中酒閒吟物外詩野  
雲隨意適明月與心期擾擾宦途客等為塵所嗤

松軒為徐叔勉

淶溪三百戶無地不栽花中有青松宅遙知處士家亭  
亭滋雨露落落傲年華晚逕香風發琴樽興更賒

效唐集卷四

十一

旌賢卷為錢塘令余本實

聖世旌賢吏旌賢事若何九天膺帝澤千里得民和旭  
日棠陰頌薰風麥秀歌殷勤載青史誰與使君多

幽懷

我愛龍陽子幽懷不可評調歌聲宛轉拂舞袖娉婷願  
盼似欲語攢眉深致情中宵一點恨掩泣到天明

送別

祖道清江上驪駒古寺邊山川開錦繡冠蓋集神仙鳥  
度波心樹舟移浪底天青雲萬里路從此著行鞭

夢中題折枝菊花

性不愛穠華多開隱者家廟堂無活計籬落有生涯細  
雨微滋葉輕風漫拂花陶潛歸去後對酒興偏賒

趙有年榮親卷有年為行人久不得推封為其父

母納粟授教官

十載甲科郎雙親鬢已霜多年無錫典何日拜封章  
爵頒新詔揮金發傲囊聊為眼前樂未足里中光

輓人母

慈母有遺教猶聞警咳中壁牀閒夜月簾幕動秋風萬  
里道途遠百年身世空可憐賢令子淚與海流東

范宗道室人金氏哀輓

結髮為夫婦恩情忍奔違百年空有約中道竟成非寒  
月照孤影西風吹傲衣相思成白首掩泣向伊誰

效唐集卷四

十二

送人宰縣

少年膺甲第優詔宰花封百里風雲壯中天雨露濃貧  
知官况好靜覺吏情慵屈指瓜期代清樽與再同

春日書懷

三月韶光老經心事已非捲簾雙燕舞開鏡一鸞飛苑  
園鶯花寂湖山土馬稀高樓當此際歎息忽餘暉

京邸紀夢

昨夜三更夢分明歸故鄉親朋淹夙好詩酒發清狂落  
枕驚千里繁愁斷寸腸淚闌人不見樓外燕飛雙

送別



話別已多恨臨歧恨轉深關山千里夢燈火十年心海闊風聲急天空雁影沈寒梅花已發誰與其清吟

秋官主政王益謙母哀輓其初嫁時有瑞靄

佳期借偶儷瑞彩爛雲煙不獨門楣慶終當子嗣賢篋中初了線耳畔教時言泣灑西窗雨長號罔極天

過昌平有感

昨日昌平過歸來淚滿纓雨餘成大浸早處即荒耕兼併渾無稅飢疲重苦征時時行李到終夜候趨迎

姜天章出差便道還家病故

落魄詩懷壯羈孤宦况微窮途淹四牡薄祿怨三韭黃榜聲名重青雲事業遠不因銜命出安得旅魂歸

效唐集卷四

七

范宗道而翁哀輓

處士生前骨今爲松下塵湖頭一片石世上百年人有子榮鄉國多才動縉紳無因薦三釜終此歎雙親

經憲朱廷獻椿萱壽圖

椿樹老愈茂萱花繁更妍根株原有託雨露亦無偏濯濯春長在欣欣意自憐無憂亦無慮相守到千年

和韻代嚴時用作

幾思得款洽風雨坐崇朝一別驚淹忽孤燈歎寂寥晤言情豈間舉足路非遙月滿南樓夜題詩擬見招

西園桃花爲風雨所落歎

西園花正發風雨故相催過眼纔兩日賞心能幾迴紛

紛逐流水片片委蒼苔頓有餘香在遊蜂去復來

竹亭

結屋叢篁裏倚然隱者情晴雲落戶闢蒼雪灑簷楹夜靜月光皎雨餘風氣清雖無軒冕客時聽珮環聲

南山村居

開門鄰古寺下榻對青山樹暝猿聲杳雲深蝶夢閒秋風林下易夜雨鼎中丹何日祛塵鞅相過共笑談

應世用望親樓

思親不可見卻作望親樓望眼有時竭思心何日休西風啼槁葉暮雨泣長楸落日慈烏怨聲聲在屋頭

送戴元之任宜春大尹

效唐集卷四

七

君去宜春日澄江帶遠郊水源通澗盡山勢入城高五嶺蠻煙肅三湘客路遙暫時勞撫字不日看遷喬

西軒效唐集錄卷之四



西軒效唐集錄卷之五

明 仁和丁養浩 撰

五言排律

送呂秉之太僕還滁陽秉之尊翁入內閣時進表

來京且上封事

上相名家子當朝太僕官詞林初汎駕詩社舊登壇列  
署歸宗伯趨廷侍禁鑿動庸臣節著超擢主恩寬葵藿  
傾誠切冰霜入操寒側身棲海甸飛夢遠長安捧檄甯  
無謂封章擬不刊時時呈御覽一一吐忠肝暇日滁陽  
道清樽柏子灘雲山供嘯詠風月恣遊觀共詫階資貴  
誰知吏隱歡况逢明盛世遷轉又何難

效唐集卷五

送朱盛之任休甯典史

縣治休甯古山隣歛睦多民稠資貿易地僻遠兵戈野  
戍依林薄孤村入薜蘿人家篁竹嶺僧寺翠薇阿晚照  
留高嶼秋陰下陡坡危峰當戶出曲澗遶簷過樹杪喧  
鳴雉雲間響伐柯經商多放筏土著盡栽禾世道今仍  
泰人情昔自和君行宣德意應有去思歌

送邵廷璧任山東按察司照磨

西風起木末送君千里行青齊宦遊意燕趙別離情正  
馬長途遠孤舟五兩輕野鳥啼暮景寒雁落邊聲泰嶽  
兼天聳淄濰到海清乍看旌節擁時見吏胥迎案牘眞  
閒事詩書是令名不須誇盛滿簡靜卽爲榮

行人司唐司副閏十一月誕日三十九年而再遇

庚辰仲冬日戊午仲冬時歷年三十九置閏始兩奇人  
生天地間壽以百歲期似茲誕彌日曠久一遇之祝君  
壽百二一再三猶茲官高至台鼎福與祿位齊君今適  
增感風木興遐思九原不可作感歎固所宜况逢寵渥  
恩鸞誥光陸離藉彼天上榮慰此地下知自此四三遇  
遐齡猶不衰白髮既種種曾玄亦熙熙在古乃不易而  
今良獨稀我作祝壽篇願繼天保詩

同年庫部正員吳汝礪哀輓

汝礪昔同年今爲地下仙文場曾獻捷庫部更稱賢有  
子宜無恨多才實可憐玉樓人豈在黃鳥怨空傳謁告

效唐集卷五

二

甯緣病思親竟不前九原雖殞命一念自終天世道三  
千劫勳名億萬年非溪孤冢出四女旅魂牽孝木警秋  
雨空塘起暮烟至今南北路處處哭啼鵑

錦衣所張福終慕堂

錦衣張所侯素有賢能稱一朝蒙主知簡命職理刑受  
任拜且泣撫心殊兢兢仰荷聖明世俯懷父母情父母  
生我時一體分殊形撫我仍育我辛苦望有成行年甫  
齠亂嚴父忽已傾母志誓慷慨兒身尙伶仃二十補戎  
行三十專征行四十勵清操努力追修名兒方幸延譽  
母亦冀遐齡詎意母亦逝子立徒焚焚邇來六十餘兒  
髮漸星星緬懷父母恩五內若分崩寤寐但情素羹



見傷形徘徊盼荒郊延佇立空庭冢木忽已拱霜雪忽已零歲序易流邁人世亦紛更嗟嗟父母恩百歲當何憑我心無終窮我身不違甯天長與地久日月空冥冥

同寅周紹立亡姪哀輓

慶門產佳胤大地發真材日月光華著山川錦繡開人間麒麟子天上謫仙才學本三冬心詩驚七步來淵源師友自恢拓古今該士論渾無敵文場獨占魁眾方期遠大我亦擬深培未遂梁園樂俄聞蒿里哀顏回空短命伯道竟無孩造物無知者英賢安在哉幻身應似夢遺恨豈成灰落日青山裏悠悠土一堆

思養堂爲孔子立賦謂思其故父而欲養其母也

效唐集卷五

三

西風起木末日暮寒颼颼遊子悵遠行對之生隱憂念父夙弃背我生髮未抽慈親與幼子孤寡若綴旒辛苦事耕織慷慨誓柏舟拊我仍育我努力追前修少長補鄉校觀光上皇州睽離多苦懷四載當千秋落日無回光逝水無回流青青綠雲鬢歲晚雪滿頭死者不可作生者能長留養生不及時思死徒自尤屋頭啼慈鳥啞啞聲相求人生亦何爲母子天一陬睽言青雲志壯歲猶未酬何時題甲榜馳封賁林邱再拜慶慈闈五鼎羅珍羞報此罔極恩生死兩不謬揭扁名高堂終古垂餘休

九日述懷十八韻

咸化三年作

門外積雨霽林間風葉鳴天涵孤鳥白地接遠山青有詩唐子美無酒晉淵明煖體衣蘆絮充腸飲菊英愁懷原上草身世水中萍報國丹心破勞形白髮生琴書秋後思燈火夜深情撫景傷時物聞猿憶弟兄衣冠雖見弃竹帛會垂名後事誰能測前途莫自程乾坤多否泰日月尙虧盈安得蘇張辯還令孔孟亨輕浮如鳥雀者舊已朝星健馬思千里窮儒志一經紅塵甘淡薄黃葉歎飄零窈窕求良配淒涼望帝京可憐遊冶子歲晚爾同盟

醉中偶成送同年馬廷言之任南京大理廷評

美人別我去愁腸如攪沙慘淡離別魂淒涼羈旅家東

效唐集卷五

四

風吹庭樹日暮黃金芽屋頭啼慈鳥啞啞聲相加昔攜陌上手今在天一涯感之怛情素淚洒長安花蹉茲南北都仕路如翻車秉心諒淵塞來時尙及瓜

扇

削出十五骨糊成一把扇白紙不受塵金精洒零亂其權固有歸其用亦有漸七月西風生炎涼頓時換我道我自懷弃置復何怨美哉君子行相期道同貫

西軒效唐集錄卷之五



西軒效唐集錄卷之六

明 仁和丁養浩 撰

五言絕句

朱廷獻溪居八景

城頭陽光熙城裏鐘聲發縹渺落山阿微茫度林樾

右紫府晨鐘

何處鼙鼓聲填填出臺榭牛羊里巷喧燈火人家夜

右梵宮暮鼓

垂楊覆石橋流水一何深日暮東風起疑是江南春

右石橋流水

銀牀奠醴日暮汲不已大地發甘泉蒼生望霖雨

右金井源泉

綠竹搖清風密葉暑不至翛然入我懷似有故人意

右竹院清風

月出柳溪上光彩流不定殷勤祝柳枝莫與月相映

右柳溪素月

早從山中來疑是山中暮白日眩西東晴空靄雲霧

右屏嶂青嵐

我愛筆峰山獨得陽光早欲上最高頭依巖望天曉

右筆峰曉日

詠扇三首

驅車北邙下小往洛水濱顧瞻洛水上紛紛幾劫塵

澄江如練淨絕壁如斗立落木驚悲風扁舟坐孤客

夢松有仙裔捉筆寫琅玕入手奪造化六月秋風寒

老幹支層霄深根盤九地盛暑敷繁陰隆冬逞生意

紀懷

美人在湘水玉質雲衣裳有懷不可見淚下千百行

春草三首

細雨交河畔斜陽渭水濱年年二三月愁殺別離人

王孫遊不歸春草萋已綠煙雨鎖長途牛羊爲誰牧

芳草人不識年年春自生玉關斜日暮何處不離情

梅花

效唐集卷六

同是先春種南枝春更先寒暄物色異榮落宦情牽

幽懷

月出光瀉瀉照我東窗紙紙明人不眠幽思未能已

瓜州秋暮

水落江濤息天寒木葉稀凭高返歸雁淮楚白雲低

題畫二首

前山綠有餘後山青未了主人不歸來秋風桂花老

山中多白雲山下多流水抱琴三十年於何遇知己

元宵夜月

月到中天夜人歸萬里程年年人與月相對若爲情

相如題橋



題橋復題橋疲馬此淹駐何日衣錦歸驅車過橋去

顯忠寺壁間和韻

白髮年華邁紅塵世路非考槃深澗裏甘與鶴同歸

便面

白日下西岑閒雲滿空谷時有山人行歌採苓曲

正德丁丑春三月二十日夜夢朝廷賚賜臣三物

已而詠詩將以上獻既覺則前二物并詩皆忘

之矣惟第三紅錦袍詩曰

紺袍澄夕霽白簡蕭秋旻老去乾坤大開來雨露新

自述

閒惟歌擊壤老不歎流年拄杖青山裏銜杯綠水前

效唐集卷六

三

詠梅五首

何處橫長笛蕭蕭午夜風平明獨惆悵飛雪滿晴空

右風

霏微林上煙寂寞山中路姑射若為容臨池拂輕素

右煙

漠漠梨雲暝疎疎竹徑斜惟聞逗清復無處覓瓊花

右雪

湖上一枝梅天邊一輪月夜深人不來清標鬪奇絕

右月

本是冰霜操聊為豔冶容肯隨桃與李開口笑東風

右紅梅

正德辛未滇南為沐侯蜘蛛斗方三首

蒙蒙篁竹陰簇簇蕪蕪綠日暮燕雀稀殷勤自相逐

雄踞若鼓勇雌伏儼相向蔓草綠萋其相逐東臯上

旭日朝露稀東風碧草齊相逢且相逐莫聽子規啼

揚子江石尤東風

水流欲東注風故約之西造化乃如此人情亦何為

臨平管羽士畫菜

南園春雨足土脈發膏腴雖無調羹味終擬入天廚

和韻四絕

青帘沽酒館茅屋野人家江南春日暮無處不飛花

右春

效唐集卷六

四

溽暑不可禁臨流厥朱戶安得馭長風憑虛浥清露

右夏

疎雨琴樽靜西風枕簟涼一聲長笛奏何處菱荷香

右秋

積雨滿山溪老樹亦罄折塵兵縱復橫白戰不持鐵

右冬

貴陽行臺和俞秀才韻二十四首

朝見杖頭紅暮見杖頭空花開復花落莫是五更風

右問桃

君詠桃天篇天天不久然開花願成實與君薦芳筵

右桃答

別離三載餘我意久憐渠開渠別離後真心虛不虛

右問竹

徘徊復徘徊願盼東風來貞心諒不改持以待君回

右竹答

自我東征時置汝一去之去來秋風起生意久遲遲

右問芭蕉

養得枝頭綠葉開如雲但恐芳華老不堪持贈君

右芭蕉答

與子交何深見子多黃金黃金有時盡願言試君心

右問枇杷

黃金何足奇黃金有盡時願言託松柏歲寒逞幽姿

效唐集卷六

五

右枇杷答

亭亭水中仙葉葉花如鈿約君瑤池上與君結良緣

右問荷

自君之出時與君有佳期願依葵榴園莫入芙蓉池

右荷答

朝涉菜根園暮宿菜根軒菜根滋味薄擊節當何言

右問菜

天天桃李姿富貴各有時我心甘淡薄問君知不知

右菜答

雪月上朦朧乾坤一色同知心有松竹何處讓英雄

右問梅

我自初開時微陽孕靈奇不畏北雪寒但畏東風吹

右梅答

我室懸磬如視君有若無如何西風起啞啞啼慈烏

右問柏

工師求大木合抱乃爲良誰知梁棟材不在山之陽

右柏答

蹇蹇虬龍姿亭亭歷深冬不上徂徠山於何考秦封

右問松

我生湖海南不比桃李凡嚴冬積冰霰喬然樹高巖

右松答

桃李競芳菲菰蒲葉尚稀問君當此日曾伴楊家妃

效唐集卷六

六

右問菊

不染東風埃不上黃金臺願從柴桑里含英傲霜開

右菊答

盛夏九土乾朝陽意何干無甯衛其足傾此一寸丹

右問葵

秋風籬菊黃春日桃李芳涼暄各異時我願當盛陽

右葵答

林下何亭亭相依兒女情願作冰雪姿莫著錦繡綉

右問筍

扶老託林籬不比甯馨兒願依戲綵堂不入化龍陂

右筍答



博陸西隱庵溪上 成化庚子作

閒來溪上過羣動皆辟易撫竹浪題詩晴空震霹靂

夜雨

夜雨沈沈落孤燈伴寂寥不堪窗外響蕉葉亂風飄

暮春

積雨曉來霽園林草色齊杖藜過橋去聞聽鶉鳩啼

病後作

燈光白如銀夜色深於墨握固守天真沈痾頓消釋

梅月便面

月色鑑光淨梅花雪色清西湖良夜永相對若爲情

風梅

西軒集卷六

七

封姨天上來慰我山中寂午夜忽顛狂相催藉苔碧

西軒效唐集錄卷之七

明 仁和丁養浩 撰

七言近體律詩

夜聞孤雁有感 甲辰十一  
月南監作

靜夜哀鳴入楚天孤雲無侶正淒然江城斜渡月初上山館一聲人未眠旅夢幾回歸塞北帛書何日到君邊相思淒斷衡南路暮雨危峯草樹煙

又太平門作

雪白沙明宿雨收一聲斜渡海天秋半空落處風驚枕清夜傳來月滿樓塞北幾時諧故偶江南無地結同遊年來不識炎涼事只爲人間管別愁

效唐集卷七

述懷

文征武戰總徒勞清世誰能爲解嘲千里客途雙白鬢十年京國一青袍荆人泣玉情何極趙璧聯城價獨高時也未來還守分到頭天不負英豪

登開平王墓有感

早從眞主樹旌旄笑取胡兒試寶刀十萬貔貅歸掌握一時卿相讓英豪紅蘿山下黃雲淨鐵嶺山頭玉帳高惆悵長陵回首處淡烟衰柳暮蕭騷

乙巳年元旦

逝水流光去不回東風一夜送春來天機代謝自然耳生意軒旋如此哉曾次旅懷都滌蕩眼前物色總胚胎

請君試取寒梅看先向百花頭上開

正月二十二日夜聞笛有感

遊子天涯百感中笛聲孤起禁城東梅花落盡三更月楊柳吹殘五夜風戚戚旅魂驚夢蝶飄飄歸思杳溟鴻當時黃鶴樓前聽不道悲歡迥不同

南雍送別

都門相送買歸舟把酒那堪話別愁千里江山懷故國十年心事憶同遊嬌花帶雨應含笑弱柳拖煙漫不收風景撩人情思惡夕陽空倚望鄉樓

應世用柯山書屋

聞說山陰一局棋坐看塵世幾多時仙人已去不復見

效唐集卷七

勝事至今猶可追構卻小軒纔著膝攬來清景盡歸詩彩鸞明月吹簫夜相望長吟有所思

三月二日聞徐廷麟魏本潔遊春有感追賦

春來無計滌煩痾信步徐行踏翠莎幾樹好花留醉客一聲幽鳥應樵歌雲將雨意松頭歇風帶晴光柳外過詩景眼前題不盡酒杯休待落紅多

送魏本潔還黃梅

江上東風吹酒旗江邊楊柳拂晴絲故園春盡不歸去好客情深空別離漫想昔時渾似夢相看今日日題詩明年有約遊京國折取宮花第一枝

金陵送別



龍虎城頭催曉鐘  
鳳凰山下月朦朧  
一杯兩杯送客酒  
十幅五幅開帆風  
極浦依依人漸遠  
平沙渺渺恨何窮  
半生踪跡飄萍梗  
回首青山似夢中

贈大圓庵茂上人和張天錫韻

時成化十五年秋

一著方袍便駐顏  
老來何用九還丹  
長溪虎過風生樹  
清夜猿啼月滿山  
塵海杳冥生死外  
劫灰成住有無間  
伊周事業都陳迹  
物外高風迥莫攀

怡畊爲曹清之賦

簇簇叢篁短短籬  
清溪一曲抱柴扉  
兒耕婦織生意足  
訟簡民淳官事稀  
別澗煖烟菘嫩大  
田甘雨稻梁肥  
隣翁有約償秋社  
扶醉歸來對落暉

效唐集卷七

三

送海甯章廷秀之任夷陵州遞運大使

此去夷陵實要途  
路從岷蜀控荆湖  
四川鎖鑰關重險  
八陣風雲列壯圖  
終歲簿書應委積  
上流行李忽傳呼  
宦遊不是通津地  
何處功名顯丈夫

黃汝修選部令弟汝器陰陽官領職還家

鶴鶴原上西風早  
鴻雁聲中別思長  
千里暮雲懷海嶠  
五更春雨夢池塘  
閒無吏事撓清隱  
富有官資老故鄉  
從此祇應推象變  
莫教閭里誤耕桑

廣西

越絕天南地一陬  
萬山南去水南流  
危峰卓戟干雲上  
深箐籠煙蔽日頭  
蠻獠陸梁淹備禦  
瘴鄉彫弊足誅求

不堪故壘登臨處  
戀闕思親總是愁

和李晦之九日漫興柬吳遜之

客邸驚秋空歎傷  
一簪華髮怨青陽  
庭槐落盡三更月  
城角吹殘五夜霜  
歲序轉蓬應共老  
風塵滿地爲誰忙  
閒來小倚東窗坐  
只愛黃花晚節香

送考功副郎李惟誠之岷府分封

九重疏派天潢遠  
千里分封帝澤新  
已有旌旄歸上將  
卻令尊俎寄儒臣  
維藩共履無疆福  
率土應沾大造仁  
遙想慶成嘉禮日  
片帆東去問慈親

送貢友還鄉

清時喜作觀光客  
五鳳樓前綴玉班  
露滴星河瞻魏象

效唐集卷七

四

日臨閭闔見天顏  
風塵驛置三千路  
龍虎山河百二關  
歸與鄉隣話形勝  
九重深處一躋攀

爲內弟唐廣之題待渡圖

臨流何必歎途窮  
咫尺桃源隔岸東  
萬水豈無歸海意  
一舟端有濟川功  
本來事業隨時建  
此去行藏是處通  
回首天邊兩行雁  
翔翔都入五雲中

過白溝河有感

白溝河上水東流  
此日登臨愴客愁  
千里遺黎淪左袵  
百年醜虜陷中州  
石郎父子初開釁  
宋氏君臣更起羞  
不是皇明掃腥穢  
一方民恨幾時休

陳鳳儀渭陽遺意卷



皇明中舍今多感伯晉維侯舊有聲百歲慈顏如在目  
一時分袂若爲情雨深衰柳空啼淚風咽寒流靜不鳴  
終古燕秦兩溪水夜深惟見月華明

馬昭德世恩堂

先皇暇日登玄武天語從容問二昆奕世衣冠昭偉績  
一時韋布荷殊恩於今文誥歸郎署終古邊籌倚將門  
看取河山成帶礪直留圖畫到仍孫

爲同僚馬騰霄頌平陽太守李公琮德政

平陽太守藩維器一割牛刀使出奇解使廢渠通水利  
直將單騎化頑黎等閒慰滿三農望談笑功高十萬師  
見說郡城花雨後家家絃管弄春熙

效唐集卷七

五

送同年金惟深之任靜江尹

清時省覲甲科郎旋向詮曹拜寵光墨綬暫爲花縣宰  
錦袍猶帶御鑪香天空絕地澄秋月水到鴻冥墮夕陽  
聖代卽今須璽障莫辭旌節問農桑

西臺獄壁桃源圖

昔年曾過桃源縣今日西臺看畫圖溪上路迴應自詫  
花間人見忽相呼風塵老去渾忘想世事傳來信有無  
眼底豔陽三萬樹一年一度一榮枯

一自相攜此避秦兒孫不復識君臣隔來塵世幾千里  
看到桃花五百春疊嶂斷邊樓矮屋亂雲堆裏籍閒身  
如何偶步迴溪上卻使漁郎來問津

送人之撫州府貳守

涼風曉發潞河船楊柳汀洲似楚天千里暮雲懷翼土  
五更疎雨夢臨川人於別路難禁酒舟至回流特受牽  
此去政成真吏隱好題佳句入新年

陸靖之叢竹卷

瀟瀟颯颯復霏霏解籜時來箇箇齊閒並素梅斜入戶  
靜連叢箐暗垂溪幾回掃月楚天外盡日籠烟湘水西  
憶昨旅途春日暮鉤輈格磔鷓鴣啼

漫興二首

閒時獨恨花易謝老去卻驚花可憐五更風暖鬧蝴蝶  
半夜月明啼杜鵑簇簇綴枝暫爲爾紛紛委地應茫然

效唐集卷七

六

一杯再拜醉花下榮落與君同百年

洛陽城裏桃千樹一別于今經幾年細雨墮腮情的的  
好風開萼笑娟娟笙歌院落三春日雲雨房櫳五夜天  
安得花神長不老一生沈醉對君眠

三月十二日飲歸未晡有感

欲暮不暮斜日明欲醉不醉醉復醒醉來不管百年事  
醒後徒令萬感生燕歌趙舞總成恨錦衾繡枕難爲情  
清宵泣斷梨花夢悠悠鼓角催殘更

愛酒

平生愛酒止不得老去病來猶未休一樽聊爲眼前樂  
百歲盡忘身外憂於今落花已滿地何處東風獨倚樓



醉來徹夜奏長笛不謂杜康能白頭

石允高瑯琊書屋即僧房爲之

環滁十里皆山也山畔幽居入翠微五更露靜鶴方睡  
半夜月明僧未歸老樹挾雲長偃壑野花歛雨半侵扉  
相逢一醉弔遺迹千古兩峯留夕暉

送興府長史張廷光之國

君行不似賈長沙驛路清秋動物華晴日滿川迎巨艦  
好風十里奏鳴笳漢南自此開宗國天下於今共一家  
獨憶故園籬落在憑誰攜酒問黃花正德十六年殿下  
入繼大統乃符大  
下一家  
之兆也

送張朝綸之任南昌府建昌縣司訓

效唐集卷七

七

東書遠就江西道驛路清秋送馬蹄霜樹戰風寒葉墮  
野田落日晚烏啼江迴左蠡孤山出天近香爐一掌齊  
想據臯比振文教夜窗燈火細分題

送方叔度之任韶州府學貳教時錢用聲爲郡守

嶺南太守錢夫子昔日與君同舊遊宦轍於今卻相值  
人心如古更何求枕椰雨歇春山暮蒲稗風清海國秋  
我欲題書問消息可憐無雁到邊頭

客況

客況無端似老禪寒燈清夜對孤眠月明大地只疑水  
霜到九秋應滿天不分菊花開朵朵空憐鴻雁去翩翩  
若爲化得還家夢謾說相思又一年

和唐人白菊

也從籬落傲年華自是西風別一家陶徑曉霜千朵折  
謝窗寒月數枝斜雪膚老去空教恨玉貌妝成敢自誇  
幸有幽蘭伴岑寂不將秋色鬪明霞

和唐人洛水

曳馬徐行踏翠莎宦遊長是此經過綠楊兩岸雲霧合  
晴日一川鷗鷺多春浣落花微有色夜涵明月淨無波  
當年流入深宮裏曾帶佳人淚幾何

和唐人贈劉將軍

劍氣沖霄斗閃光旄頭星殞箭飛霜玉關城曉掛秋月  
鐵嶺帳高留夕陽雕沒塞雲孤影盡雁驚邊雨數聲長  
歸來謾紀平胡績腰帶黃金鬢未蒼

效唐集卷七

八

和柳子厚

越絕孤城秋草荒望中烟樹入微茫野橋村逕叢叢竹  
茅屋人家短短牆山雨一天飄客淚河流千里帶離腸  
題書欲寄相思恨何處飛鴻到故鄉

送人之憲城縣令

地白風高雪色寒離亭把酒駐征鞍贈言剛道宦遊好  
拌醉卻忘歧路難馬戀北都行蹇蹇人思東土去漫漫  
歷城三月花如錦應作河陽縣裏看

泰安州入景爲胡廷器賦

秦嶽春雲



春來泰嶽多雲氣冉冉自生松竹間旭日照林應匝地  
好風吹雨忽漫山東皇曉駕龍初出青女晨遊鶴共還  
多少行人最深處卻驚天際一躋攀

徂徠夕照

徂徠高出眾山表返照夕陽形更奇大地影斜知幾許  
獨峯明處得多時烟雲閃閃渾相射草樹輝輝亦共宜  
薄暮西風送歸雁一天蒼碧晚參差

汶河古渡

渺渺烟波蘆荻聲蕭蕭寒樹夕陽明有時沙際幾人立  
長日渡頭孤棹橫山鹿過來秋水落野禽飛去暮潮平  
而今四海皆通濟誰向西風問耦耕

效唐集卷七

九

龍洞甘霖

谿衍古洞深無極中有潛龍黑處存匝地濕雲初潑墨  
洗天甘雨忽翻盆終朝慰滿三農望一滴都成大造恩  
我欲磨崖頌神績泰山高處並乾坤

明堂故址

天王玉輦巡東國昭代明堂有故基春雨落花空寂寂  
夕陽衰草自離離幾多勝事都成夢千古光陰不可追  
我欲從頭弔陳迹斷碑零落漫無碑

龜陰秋稼

龜山之陰秋日明龜人攜酒拜西成平明老稚盡奔走  
薄暮室家都滿盈村南粳粳社鼓響林下軋軋田車鳴

天晴作伴好收拾莫放遺把空縱橫

秦松挺翠

老龍已作松下土松樹森森石逕斜人世到頭終有盡  
官封於爾亦何加心知淇竹難爲侶夢想江梅不見花  
獨立一株冰雪外泰山高處傲年華

漢柏凌寒

漢皇種柏今何若老榦擎雲千尺強高處幾回長積雪  
半空中夜忽凝霜亭亭自覺風烟古落落誰憐草樹荒  
日暮空山弔羣卉倚巖惟見色蒼蒼

和唐人柳

十年踪跡灞橋東才見春光恨不窮高樹幾株長帶雨

效唐集卷七

十

落花無處不隨風妝成每妬湘娥綠舞罷空憐蜀錦紅  
多少行人怨離別數聲羌笛夕陽中

送人之東昌府管河通判

時回河新成

客路東昌憶舊遊重來別駕即安流黃河故道歸唐跡  
青土齊民頌禹籌一抹柳烟溪漲曉半村漁火野塘秋  
巡行盡日無餘事閒拂吟鞭問海鷗

送人之崇州司訓

臘底北風京邸寒燕臺雲霧路漫漫相逢盡是異鄉客  
一別更知何處歡去國有時終返駕登瀛今日且之官  
深秋落日浪波靜笑語依稀聞弁韓

和張叔亨見贈韻



湖海相逢憶壯遊重來此地說并州一樽阻對青山暮  
千里空懷故國秋何處與君同命駕有時中夜獨登樓  
題書欲寄東流水爲問吳江可到不

又和張叔亨過蘇州

曉烟衰草入姑蘇斷髮當年此駐都野渡月明聞過棹  
女牆風急聽啼烏於今響屨空歌舞終古垂虹似畫圖  
若使稽山老西子越王臺上望句吳

威清衛和張叔亨韻

貴陽城外午風清策蹇徐行又一程地自昔年皆竊據  
化歸昭代卻新更關山在處應無阻人物於今也漸生  
我欲凭高望鄉國一天愁恨若爲情

效唐集卷七

七

安南衛有作

遠道悠悠引旆旌西風落日對孤城雲開列嶂當空出  
雷湧長江入地鳴熊虎百屯臨外徼鼓鼙終夜淨嚴更  
何人助我安邊策一展功勳答太平

普安衛行臺卽事

好山如畫壓城頭盡日嵐光翠欲流峻嶺到天偏得月  
密林藏雨不知秋雲開錦嶂橫當戶風約寒泉半上樓  
老我柏臺看未足欲將書劔問瀛洲

普定衛

平壩一程來普定貴陽風景此平分幾多衰草漫鋪地  
無數好山高入雲儘有裔夷輸職貢不妨師旅樂耕耘

秋城薄暮送歸鳥處處鼓鼙斜日曛

平垣衛道中

晴原獵獵戰旗風馬首青山望不窮猶有好花開暮景  
不知寒意到秋篷人家半出層霄上野戍平臨夕照中  
多少行人怨滇海晚來歧路泣西東

和王明仲韻登貴州城

半生足跡半天下眼見青山此處多高嶼倒迴渾踞虎  
遠峰孤起忽堆螺金馬曉程通越嶲銅人春雨漲牂牁  
披圖欲問乘槎客一到崦嵫路幾何

登赤水城

山頭雉堞一城懸山下人家萬井烟雲閃夕陽明遠岫  
雨深春水漲平川不堪望斷難逢雁剛是愁來卻聽鶉  
人世隔離風景異况驚時節早春天

效唐集卷七

七

登都勻城

百尺高城枕水隈望中遙指越王臺雲連樹色天邊盡  
山壓河流地底來簇簇鼓旗終日有溟溟烟雨幾時開  
龍場血戰壯兒死野老吞聲泣盡哀

遊普定玄通寺

絕頂清秋遠物華一塵飛不到袈裟松高象殿穿雲出  
竹壓禪關帶雨斜老鶴有時閒教子野梅無語自開花  
相逢莫問人間事紗帽籠頭且喫茶

登平越城



高山之上泉水流高山重重無盡頭中天蔽日易爲夜  
大地過雨渾疑秋幽花亂發不碍路好鳥獨鳴時過樓  
披襟拄笏發長嘯久客聊此當中州

菜根亭

鬼域西南天一方小園春雨發羣芳黃瓜瑞秀兩歧合  
白菜茁肥三尺長素質咀時真有味幽花開處也生香  
都來肉食成何事信爾歸期不可忘

用平越韻

野荒烟暝水空流愁緒無端易白頭身在 鄉長聽雨  
眼看孤館又經秋閒因得句聊傾酒靜爲懷人卻上樓  
慚愧明年到鄉國嚴陵灘下夢刀州

效唐集卷七

十三

和平越韻

百歲光陰一半過永懷無柰白頭何病來渾覺宦情少  
老去不禁鄉夢多恠見野花愁裏發忍看疲馬醉中馱  
歸歟好問林居子青史巢山姓可磨

和清平衛分司壁間韻

時都司新開府縣

簪筆遲違又一年每多清夢到君邊逢人謾道兵初洗  
慮世應知火未然情到不堪羞許國計因無柰欲歸田  
何時獨棹江湖去萬里秋風水接天

永甯行臺和韻

絕壁烟蘿幾日攀好風吹了客途間鳥當春暮語猶滑  
人到地偏情亦蠻流盡別愁應有水望窮歸日更多山

去來莫作經行夢夢裏相看也愴顏

風物蕭蕭望永甯感時心緒杳難平關山到處有離別  
夷虜幾時無戰爭嶺樹入雲連古戍河流如帶繞孤城  
行人正是怨滇海刁斗夜深聲更清

赤水衛和韻

千仞岡頭壅翠巒幾多山色坐中看有時匝地雲霧合  
長日半天霜雪寒蜀魄叫哀知夜永野花開晚怯春殘  
都來鳥道八千里可是行人行路難

烏撒衛

尋常霧暝只疑夜驀地雨來渾似秋總使輿圖歸聖主  
也應風氣隔中州山禽向暝猶無語野彙經寒便不收

效唐集卷七

十四

更道滇南數千里幾人曾此覓封侯

畢節

跨馬西行五六日宦情羈思兩無端也知到處地方窄  
卻訝此中山勢寬綠樹橋邊人簇簇黃泥坡下路盤盤  
孤村芳草夕陽暮一路野花春未闌

烏撒復回畢節

盡日山行無一事尋芳到處有詩才野禽逐伴晚相語  
閒花無人春自開石根新水迸出去松頂好風吹下來  
欲從此地脫塵鞅醉藉白雲眠幾回

貴陽行臺卽事

陰陰洞府春長好寂寂重門晝自開洗竹放將流水過



種松招取白雲來鳥啼得意渾忘倦花發無名不用栽  
潦倒不慙疏拙甚且將詩酒暫徘徊

澄心亭粉紅千葉葵花

曲欄斜倚媚朝陽多少幽情欲斷腸乍向好風開笑臉  
更含清露泣紅妝葩同膩粉千層折心訝南金一點香  
日暮酒闌人去盡爲君惆悵立昏黃

又用平越韻

拂曙寒烟似水流逢人都說是邊頭儘多佳景發長夏  
亦有野禽啼素秋雲際澗聲滌石窟雨餘山色滿城樓  
羅夷鬼域緣何事也入方輿創一州

碧筒飲

效唐集卷七

五

雨拆連卷弓樣彎風翻搖落思無端折來香瀉眞珠液  
奠處光浮碧玉盤越女捧將雲氣濕吳姬持勸露華寒  
因思太華峰頭葉一滴千人吸未乾

湘靈鼓瑟

一聽遺音事可疑是誰中夜奏清絲風前迴憶仙娥態  
月下遙隣古帝祠霖霖楚雲空入望盈盈湘水總成悲  
愁來欲寫相思調不道相思是幾時

朱廷獻江村晚景

江上晚來魚鳥靜家家收拾掛晴蓑枕溪亭子酒旗小  
隔岸野村烟樹多何處忽聞橫短笛有人相對倚輕艖  
白雲飛去南山裏落日西風起漫波

壽伯兄師聖七旬

七十稀齡鬢未斑尋常飛步入南山身如古樹萬年老  
心與野雲長日閒龍洞午陰松掩榻鶴峰春盡石爲關  
彩鸞明月吹簫夜笑隔蓬萊一水間

辛未七月滇藩夜夢想長孫子蘭詠曰夢驚威鳳

海東頭覺而足成之

夢驚威鳳海東頭老眼須君已十秋今日喜看耐風志  
百年遺撥繼前修嶢嶢頭角澄冰玉落落精神貫斗牛  
從此所爲皆不慮看渠平步陟公侯

板橋分司和韻

在滇城東十里

行盡滇南數十程瘴烟開處日華明碧雞唱曉旌旗動

效唐集卷七

六

金馬嘶風劍戟鳴義士執詞甘死節王子忠臣抗疏豈

圖名以黔國方武侯永懷多少興亡事極目西山晚更青

黔南風物景蕭蕭羅鬼南來路更遙漢武碧雞人豈在  
唐家青海恨難銷斷雲挾雨歸深塢曲澗分流過小橋  
卻憶故園明月裏玉樓清夜教吹簫

弘治丙辰子按歷過赤水留題壁間今十六年矣復  
自蜀臬轉滇藩經行見之爲易數字後更十六年不  
知詩力之消長與宦轍之去住何如耶

阿羅密

山城九月墮清霜島嶼西風帶夕陽短鬢百年知我老  
長途千里爲誰忙羌夷古籍重鞮譯瀚海今堪一葦航



惟有劔關兵未戢永懷何處得鷹揚時川中寇未靖故云

壽胡僉憲允承令叔隱君七十

平生不作刀州夢  
逖向箕山學種田  
麋鹿慣隨人作伴  
水雲偏與我相便  
閒尋陶令菊松墅  
醉上米家書畫船  
七十古稀渾不老  
碧桃花下會羣仙

天香玉兔

自然毛骨異尋常  
不著山中舊褐裳  
白玉階前看月色  
黃金花下浥天香  
清風細細來闔闔  
湛露沈沈落未央  
睥睨九重應咫尺  
置身長在五雲鄉

送劉宗沂北征

薊門霜重柳條疎  
落雁蕭蕭釀雪初  
出塞幾迴經舊壘

效唐集卷七

七

還朝一任拜新除  
三邊鎖鑰關形勝  
八陣風雲列壯圖  
今日臨歧振長袂  
百壺芳醕為君沾

毛憲清令祖九十九歲取二月見梅詩意繪圖謁

告持歸為壽憲清魁多士

天南二月梅花發  
曾是仙人手自栽  
歲寒已共松竹老  
時至又先桃李開  
于今獨羨汝家有  
此種更從何處來  
摘花浸酒為花祝  
百年爛漫同春暉

大理大卿夏餘留先生哀輓

餘留先生今何在  
清夢蓬萊第一宮  
百年江左發直氣  
今日越南無此公  
讜論一時資國計  
雄文千古擅家風  
歸來策蹇西湖上  
多少吟情烟雨中

陸安汪曉任灤州知州汪之父霖原以都憲巡撫

灤薊

先子時巡舊愛多  
君行當得遠人和  
豈無邵伯棠陰頌  
還有漁陽麥秀歌  
山盡長城關海岱  
水從邊地入灤河  
只今保障真能事  
莫遣吾民有荷戈

瓊姬對舞

為表兄沈元吉賦瓊姬者二盤梅也

大庾嶺頭春最早  
羅浮山下雪初融  
瓊姬兩兩惜春意  
縞袂翩翩吹曉風  
夢逐梨雲歸錦帳  
影隨霜月到熏籠  
平明一笑出門去  
翠羽嘈嘈清興濃

府軍衛指揮高鸞領敕守備歸德

元功世領親軍衛  
簡命身沾大造恩  
虎旅戒途辭上國

效唐集卷七

七

猊旌分闔出雄藩  
霜清蔓草應無種  
電掣妖狐合禡魂  
玉帳夜深刁斗靜  
一輪明月照轅門

送沈養浩之任慶遠通倅養浩曾為平江伯椽參

漕計

驅馳軍國三十載  
晚乞一麾仍守邊  
淮海百年通餉道  
越山千里淨蠻烟  
從前已著勤王績  
此去應推佐郡賢  
遙想天南春雨後  
一江瀉水候戈船

王希明乞詩持歸壽其母舅沈文瑞同知

幾年作客長安道  
目斷河流想渭陽  
何處北風吹母氏  
永懷同氣是甘棠  
卽從故里尋佳製  
更向歸途理舊裝  
持去江南慶眉壽  
一樽還與慰離腸



又代人壽紀宗直母

曾隨王母瑤池燕乞得長生第一丹紫府有名朝跨鶴  
碧雲無侶夜棲鸞玉環並按霓裳舞錦詒重加翟羽冠  
醉倚庭階問蕊竹百年還汝報平安

送姚仲昭之任湖廣平江尹

仲昭原湖之德清人乃翁從戎於燕遂係

籍舉鄉薦以浙視湖廣皆南服也

憐君疋馬官荆楚憶自三吳客冀都家在異鄉榮別恨  
宦由隣服慰來蘇風生島嶼猿啼靜月到江城雁影孤  
更向岳樓登眺盡夕陽天接洞庭湖

甲寅春暮同遊燕山故城小寺酒酣登城遠眺有感

效唐集卷七

七

故人聯騎尋芳去花柳叢中一笑酣細雨洗妝春寂寂  
好風飛絮暮穆穆心馳鄉國經年別日縱邊城萬里觀  
便欲從頭弔陳迹黃金臺下謾停驂

引治甲寅病後每飲輒嘔逆頭痛若爲物厲也詩

以祛之

病鬼何緣識醉鄉清秋旅館肆跳梁空憐病首祛從事  
猶欲攢眉問索郎不信雕弓成蝮蟻肯容雛豎入膏肓  
停杯試拂青萍劍午夜時時掣電光

同寅劉公奇令弟碧林處士哀輓碧林嗜酒感疾

卒

碧林一醉呼不醒寒月滿天空自明烟花無復對清宴

水鳥卻來尋舊盟滴酒幾曾歸下土逢人只合盡平生  
獨憐憲府賢昆玉斜日西風老淚傾

送鄒玘之任邳州節判

客邸送君官下邳愁雲漠漠草離離望中何處是鄉國  
醉後使人悲路歧如此別懷都付水儘君清興卻裁詩  
明朝酒醒還相憶落日西風去馬遲

送符瑒歸餘杭

頻年不聽故鄉話話了匆匆又別離人在異鄉還送客  
馬當行路卻驚嘶雪深嶺樹春猶伏風約河流凍未澌  
一歲都來總無幾著鞭歸去莫遲遲

太原陳介庵哀輓同寅瑞卿之兄

效唐集卷七

七

先生早說孫吳法貨與皇家助太平幾處邊陲都建策  
一時夷獠盡輸情戰酣鐵騎胡塵暝吟裏金鞭塞月明  
今日九原封馬鬣淡烟斜日草青青

菊莊爲唐元愷賦

西風籬落淡秋容黃白花開各一叢曉逕拂霜香散亂  
夜窗邀月影朦朧松陰靜愛題詩客鶴警時來送酒翁  
爲向柴桑問陶令幾人清興與君同

和張叔亨詠千頃雲亭

憶昔坡公登此亭醉眼稜層酒未醒題詩欲使鬼神泣  
下筆忽驚雲霧腥今日此君空有像百年遺老尙祈靈  
我來欲問當年事落日湖山數點青



成化戊戌京邸曉鐘

北固山頭送曉鐘，魚自起北溟風。參天浪勢三千尺，  
嚙地潮聲幾萬重。催落天邊將墮月，喚醒泉底蟄藏龍。  
須臾寂若金戈息，萬里無雲日正東。

平江恭襄侯祠在淮陰

長江浩蕩古天塹，瞬息可航誰致之。支天浴日勳廟社，  
礪山帶河銘鼎彝。君臣奕葉濟英武，忠孝一門稱絕奇。  
淮陰祠宇渺相望，滔滔逝水無終期。

運河

長河如帶遶神州，千里榮迴勢不休。一脈濟源分活水，  
九區藩服濟方舟。尊自昔推中土建國於今據上游。

效唐集卷七

終古帝圖牢不拔，金湯不獨羨炎劉。

雪香軒為施廷吉賦

先生分得羅浮種，移向茗溪繞屋栽。深處只疑晴雪墮，  
靜中惟有暗香來。巡簷索笑還三嗅，浸酒消愁得幾迴。  
月落虛窗炯寒白，陡然毛骨在蓬萊。

送殷重夫歷滿還毘陵

三年作客不歸去，況復與君生別離。放歌強笑不成樂，  
按劍疾視空遐思。驂騑伏櫪非所志，丈夫阨困當何為。  
古來世事有如此，造物劇人真小兒。

怡耕二首

自幸逢時樂太和，不經旱澇與干戈。臨溪桑柘柔條足，

繞屋田疇活水多。刈罷黃雲還種粟，綠殘白雪又栽禾。  
日長不見催租吏，閒聽前村牧豎歌。

平生懶入利名場，自覺林泉樂趣長。數畝盡栽陶令秫，  
滿園還植武侯桑。夏蠶旋逐春蠶熟，紅稻時連白稻香。  
會有隣翁來款語，一樽相與醉斜陽。

和韻贈魏大信

黃閣功名總不知，白頭趣味在題詩。看來別墅花開日，  
吟到好山雲起時。半臂犢禪誰解著，五花龍馬不須騎。  
幅巾高岸斜陽裏，三尺青藜手自持。

廣西鎮守太監劉昶借景亭

邊池結構非吾地，乞得風光寄此身。高處有天來皓月，

效唐集卷七

下臨無地著纖塵。江山滿眼皆新識，魚鳥忘機是故人。  
吏隱只今成久假，肯分豪末到比隣。

王明仲尊翁哀輓

明仲時為侍御史翁素慕林和靖清節平日調詠其詩不置預卜葬地鑑湖之上治命題墓道曰湖上青山識和靖語也

逋仙老去梅花死，今日先生有鳳雛。千古乾坤雙隱士，  
百年邱壑一潛夫。墳前宰木秋風早，湖上青山夜月孤。  
若問平生利名事，東封遺草故曾無。

著書無意助東封，老向林泉作遜翁。梅與素情添雪侶，  
鶴迎佳客放筠籠。朱家塢上三更月，西子湖頭一笛風。  
此意只今誰賞識，逋仙清節與君同。

金齒分守太監朱奉見寄和韻



滇南五月薰風初一緘寄我情小虛空  
雲山映帶空踟躕夜深落月滿庭戶  
雨餘碧草生階除  
相思不見且相問何時咫尺來天書

正德丁丑夏五月十七日夜夢與人賡和未成覺  
而足之是日蘭孫生誕也

芝山深處訪烟霞得得行來路更賒  
豐嶂回巒千百轉  
小溪叢竹兩三家雲中雞犬渾無恙  
洞口桃梅自著花  
老去不知塵世務閒看兒子種桑麻

弔林和靖

先生自是林居子一詠梅花便得名  
黃閣不須留事業  
白袍端可傲公卿山迴南國兼天聳  
水到西湖澈底清

效唐集卷七

五

昨日斷橋維釣艇依稀猶聽九臯聲

贈靈壽寺香林房僧德行時行脚二年南歸

走遍天涯不費錢名山到處可棲禪  
藜羹菜飯都隨喜  
破衲枯藤也結緣半夜鐘鐺驚夢覺  
百年燈火悟心傳  
峩眉峰上團團月一點靈光照普天

和龍洞壁間韻

南國名山此最高望中烟雨坐中消  
神龍出洞天應近  
靈鳥穿雲路轉遙老樹數行排檠戟  
好風長日奏簫韶  
飄然欲作乘槎計一瞬扶桑等瓠瓢

壽夏有文校官八十和鄒大參韻

歸來一笑便忘形謾道從前醉六經  
風約園桃紅點席

雨深溪柳暗垂廳綠窗疏綺明書幌  
曲檻方塘隔畫屏  
看取階前雙白鶴直從雛鷺到千齡

成化戊子博溪于思政延吾先君與唐元愷唐元

性王宗盛館賓謝宗南倪伯玉至其鄉慧日寺

鵬於水亭之上子與仲兄師哲亦廁席末酒酣

宗南有作子踵而和之書於壁壁之上今五十

九年矣當時同席者今無一人生存子亦白髮

種種老將至矣追憶舊作錄之以識歲月云

博溪溪上一追遊慧日名山萬木秋三徑草堂通別墅

一間茅屋瞰清流月明村塢僧歸晚雲掩松關鶴夢幽

尊酒醉來成一笑高風絕勝虎溪頭

效唐集卷七

五

送姜雄歸臨平

兩年從事客京華幾度曾還夢裏家  
無地可消今日恨  
有情空對異鄉花可憐塵事如秋月  
卻笑浮生似海槎  
我亦欲歸歸未得與君吟罷淚橫斜

贈醫人

採藥雲山逢異人錦囊丹訣道天真  
桑君上水當知物  
老氏玄機用谷神在處不聞生隱隱  
行來信步是陽春  
誰人相業能同此助我皇明一視仁

甲寅京邸臥病

孤眠無計遣愁懷五月侵尋七月來  
窗下展書晴掩霧  
席間欵枕靜聞雷思家每恨青年別  
算老還驚白髮催



從此無心戀軒冕欲將巾舄問蓬萊

甲寅七月病起承懷

晝間喧靜忽驚思役役勞生知爲誰黃菊於今有佳信  
碧山待我不相欺有家卻作無家歎得意翻成失意悲  
昨夜空階問明月宦途何日是歸期

曾光表令兄梅隱卷

先生索共梅花笑午夜巡簷樂未央明月照人雲弄影  
好風攜袖玉生香心知松竹爲三友羞道蓮花似六郎  
我欲從君問幽寂儘將清味滌詩腸

興隆衛和周方伯見贈韻

疲馬驅驅出帝京十年重此歎經行也知薄祿成何事

效唐集卷七

七

卻爲虛名絆此生鬼國瘴深多晝暝蜀山天險到秋清  
離憂欲問江南信巖畔野梅春正榮

又和周方伯雪中見寄

滕六如何也作威晚冬寒雪故飛飛不聞華屋欺歌席  
偏向窮途點客衣梅試早妝春有信月羞殘照夜無暉  
玉關萬里行蹤絕腸斷令人憶禁闈

劉直之尊翁都憲具慶圖

功名未了安邊策乞得歸來入畫圖白髮醉深行踉蹌  
彩衣舞澈笑盧胡人家有此才真樂宦海於今是坦途  
卻憶故人香漢上可曾飛夢到江湖

正德甲戌春謝事自京師南還途中和吳憲使遜

之韻

客邸年華幾度新眼前世事總非眞浮名漫有匡時策  
直道誰憐報主身怪底毀垣攻腐鼠可能結網致祥麟  
江南到處堪行樂獨鶴孤琴野水濱

歸田樂會四律和諸公韻

踏青

投老尋春未是遲碧山於我有佳期蒼松十里雲匝地  
紅杏幾圍花滿枝爲看好泉行盡日愛聽幽鳥立多時  
扶攜幸有青藜杖不數當年白玉羈

避暑

水紋湘簾午生涼綠樹陰濃日正長疎雨一簾雲霧合

效唐集卷七

七

好風十里芰荷香清樽屬客浮新白彩筆題詩寫硬黃  
一唱一酬還一唱不辭終日醉壺觴

登高

漸看佳節近重陽無柰青山引興長天上露桃秋正實  
月中仙桂夜生香不妨拄杖看雲岫最愛隨波泛羽觴  
從此胷中痼泉石百年無夢到巖廊

賞雪

漠漠彤雲凍未開四山飛雪淨無埃不辭閉戶燒殘竹  
且共開尊嗅野梅一脈化機經臘轉滿腔生意與春回  
題詩賴有如椽筆留向寒窗取次裁

丙戌除夕



臘月正當三十日光陰又是一年過七旬老去渾如昨  
百歲都來有幾多慣向閒中觀物理也曾靜處養天和  
我生有命皆由我造化紛紛奈我何

潛庵

亂山深處結茅庵庵外周遭百畝田長日好懷聞牧笛  
五更幽夢落漁船閒因看竹穿雲徑靜愛鳴琴瀨石泉  
當道若逢驄馬客令人慚詠卜居篇

榮昌道中詠蜀

巴蜀西南天一隙萬山飛舞落平疇峨嵋秀出幾峰好  
江漢原從兩派流孔廟有靈猶古柏漢陵無主已荒邱  
空遺一種啼魂在風雨年年哭未休

效唐集卷七

七

戊辰冬季自銅梁之大足飯中途錫山寺睹壁間  
有東坡三過堂刻本在焉因慨夫坡與文老皆  
蜀人也而會於吳子吳人也而見此吳本於蜀  
不能不興萬里之思也時予適有東廣之行感  
而有作

蘇子殷勤三過情無端文老亦傳名相逢擬論鄉曲  
別去誰知隔死生人感故知猶掩泣鶴懷遺惠也長鳴  
而今吳蜀人何在依舊迢迢萬里程

吳美中樂閒卷

美中登甲第授令尹遷州伯甫年  
五十即乞閒構居花市故日闔市

紛紛冠蓋緣何事役役功名總未奇直向急流甘勇退  
卻來闔市作幽棲雲山不改舊時色魚鳥曾爲百歲期

攜取一尊湖上去斷橋西畔聽黃鸝

沈履德集古詠雪諸公取真字韻倡和以贈

乾坤萬里都無辨極目渾疑霽景新柳絮池頭風散漫  
梅花枝上月精神吟多霸水騎驢客愁殺西湖放鶴人  
欲借梨雲貌奇絕夢中消息恐非真

總督陳公良相七十生子諸公爲詩以賀踵韻

七十姿容五十如羅幃幽夢毓靈奇共誇閱閱黃金帶  
又見庭階白玉芝嘉瑞叶徵羆虎變太平有象鳳凰儀  
懸知建節臨邊日萬里風雲肅鼓旗

嘉靖癸未望後雷發聲繼以東風釀雪陰氣沍寒

桃柳閉結不能發舒感而有作

效唐集卷七

七

幾日陰風不放晴輕寒策策雨溟溟桃花閉蕊不成豔  
柳葉顰眉空有情蝶翳舊園慵不醒鶯眠幽谷噤無聲  
啼鳩獨解東皇意長日殷勤勸晚暉

望江樓觀潮和兩峰洪司寇韻

昔年曾上岳陽樓今日扶衰此勝遊一水盡邊開日觀  
兩山高處駕潮頭烟霞已足吳山夢風雨甯無杞國憂  
笑殺陽侯不恤敵百年空遠故宮流

弘治丁未九月以進士蒙試春官差齋憲宗皇帝

廟號詔書往湖貴雲南三省開讀道由北直隸

諸府歷彰德衛輝由亢村渡黃河過鄭州越西

平遂平臨穎長葛許州入應山信陽諸山出德



安雲夢漢陽渡江止鄂州再宿又歷岳陽西至  
公安抵常德至貴陽又宿而至滇南乃回已歲  
終矣還至普安過年復由常德東出長沙取道  
江西袁州臨江南昌過鄱陽湖口由廣信懷玉  
抵衢嚴以歸蓋自前年秋九月初至是年二月  
中凡歷北直隸河南湖貴滇陽江西而又由南  
直隸山東以抵京師涉歷天下大半矣所見有

作

征珮翩翩下九霄此行端的壯遊邀都將天地作襜蓋  
卻把山川當酒肴夾道松篁排劍戟半空雷雨動簫韶  
收羅八極歸胷次始信男兒識見高

效唐集卷七

无

嘉靖癸未三月下澣偕子壻沈廷信兄子公祚兒

男之喬同遊臨平邱山至晚艤舟北廟信步入  
明因尼寺詢其建置之由遂遵官塘謁曹將軍  
祠由山路至安隱寺觀坡公板刻已乃對安平  
泉澹茗而飲之出至溪澗捫石幢復歸北廟小  
酌就寢次日昧爽枕上聞雷聲繼以微雨甚訝  
之不能縱步頃間乃躡屐就吳氏飲少止用肩  
輿至廣嚴寺乘輿遂至景星觀列席歡飲醉臥  
是夜風雨大作再次日早寒甚附火圍坐至午  
羽士進酒微酣時雨霽風顛颺勉登山謁白龍  
祠周章四眺長江巨海變觀目睫間而吳越諸

山如指諸掌真奇觀也柰罡風震撼不能凌其  
絕頂以睥睨方圓之體良可慨夫俯仰之餘老  
興遄發隨時賦詠以紀歲月云

一聲幽鳥催人起幾處佳賓作隊行直上山頭瞻北闕  
更於天際望滄溟雲拖宿雨孤峰暝柳挾輕烟兩岸青  
欲共坡仙吹玉笛還從陸羽問安平

遊北高峰和東瀛陳廷尉韻

攀蘿得得恣遨遊雨後嵐光翠欲浮大地日華雙寺塔  
一城歌吹萬家樓山中有客曾騎鶴湖上何人再問牛  
欲向峰頭望溟渤只愁歸路又經邱

立春後五日試筆嘉靖癸未十二月二十二日立

效唐集卷七

三

春則甲申歲首矣

歲序匆匆何太忙一陽才過又三陽新年還似舊年好  
去日不如來日長已了官曹供職業不妨兒子課文章  
鬢邊短髮如秋草逢著春風便發揚

監船中貴賴君名恩閩人也蒞吾浙二年矣平易  
不苛且樂與吾儕爲文字交亦貂璫中之表表  
然者嘉靖二年冬十月其廨寓之西園忽產靈  
芝一本紅潤秀異可愛既再月則變而爲蒼色  
賴因繪爲圖摹刻以遺吾屬爲踵其韻

遐陬民俗屬經旬信步行來總是春已茁靈根昭上瑞  
爭誇聖主得賢臣一時迥出羣芳秀四海遙連萬象新



培植祇今多雨露肯分涓滴到吾人

自答

倦倚書窗恨不勝幾多心事杳難平當官祇擬輸忠盡  
投老何曾計攝生堪笑廉頗猶善飯要知尼父不徒行  
怪來極目西山上斜日桑榆晚更明

愁懷

病眼望春春可憐望中花柳暗如煙愁來不見花同笑  
倦倒惟應柳共眠逝水流光飛野馬空山落月怨啼鵑  
尋常夢醒還如夢夢裏東風又一年

嘉靖癸未孟夏之望大司寇兩峰洪公觴予于西  
湖之上而工書俞君德璋大理陳君希白與焉

效唐集卷七

三

庖丁舉臠雀以進味甚佳予訝之曰暑月焉有  
此物兩峰曰非也此吾西溪所產麥雀也每至  
麥熟之時卽羣飛薨薨狀如黃雀而頗小肥臠  
過之次年夏孟鄉人有自西溪持來貿者予追  
思往事則兩峰已謝世一年矣感而有作

四月原出麥雀肥暖雲和路濕毛衣品題不數紫魚膾  
嗅味絕勝黃金雞百年良會不可再昔日故人今已非  
西溪溪上東流水一去到海何日歸

詠雪和館賓徐先生韻二首

旋逐輕風過竹稍又看飛舞遍空郊灞陵橋上人何在  
金谷園中鳥不巢吟處只疑遊月窟望中無復見山凹

由來變幻皆天造妙應乾坤第幾爻

隨風妝點上梅稍又逐征鞍過遠郊龍戰有時飛敗甲  
鶴歸何處認危巢乾坤彌望渾無辨海嶽平鋪不見凹  
欲識豐年兆三白還從羲易玩重爻

可歎

獨自行來獨自尋西郊閒看軟紅塵常疑老變皆成夢  
卻恐人情總不真無事惱懷方是樂有錢沽酒未爲貧  
眼前多少誇毗子白首相知有幾人

雨中賞牡丹和韻

日日開軒坐晚風好懷多在雨聲中鉛華點點啼清怨  
膩臉時時墮粉紅詞客謾誇誇絕豔花神那解致奇功

效唐集卷七

三

千花萬卉都羞避併逐流光一夜空

贈何瑾克懷館賓

禮樂千年啟素王偶然河洛又呈祥吟邊波浪翻三峽  
筆底龍蛇動八荒銳志不隨時其變芳名應與日爭光  
出門一笑乾坤老驚怪人間易夕陽

親家郁邦憲寄和賞菊佳什踵韻

嘉靖丁亥作

插竹分泉護短籬對花扶老日嬉怡幽香準擬人同賞  
勁節多應蝶未知情到只評詩巧拙與來誰問酒醅醱  
陶潛歸去無聊賴歲晚襟懷與爾期

送人還淮陰

少年高志等元龍東風一棹來江東把酒高歌興何極



解衣留別情偏濃吳門霜曉擊飛隼釣山月落啼孤鴻  
歸去高堂慶眉壽舞衣新翦蜀江紅

故人別我還東楚正值南風解慍時醉飲一樽元亮酒  
謾成千首少陵詩日斜古渡羈懷切月轉孤篷客夢遲  
此去何人問幽獨黃鸝聲在綠楊枝

客窗夜雨

東風吹雨夜初深旅邸聞來思不禁靜滴階除偏入耳  
暴傾簷溜卻驚心馮驩老去悲長鉞子美詩成泣布衾  
爭似五陵年少客陽臺一刻值千金

述懷

浮雲利祿總成虛忍爲虛名役病軀楚國可憐曾泣玉  
齊門誰擬再吹竽乾坤造化元無定風月襟懷自有餘  
回首碧山歸便得萬竿修竹五車書

監中送友人

停杯舉袂著行鞭卻憶從前思惘然蔓草石田荒幾頃  
栗薪瓜苦見三年清宵側席猶聞鐸薄暮迎門尙點籤  
謾道東京會稽古橋門冠帶總堪憐

余琦僉事重慶堂

余聞之甫人也

海內臣民躋壽域莆陽岳瀆孕靈奇朱顏不逐流光邁  
素髮長膺百歲期王祖行前猶見父曾孫膝下再添兒  
老來不獨榮終養深喜題名達四夷

歐瑾郎中二親雙輓

雲掩巫山十二樓相看白髮鏡中秋離鸞舞罷人何在  
黃鳥歌殘水自流終古漆燈歸永夜九原青冢尙同邱  
茂陵阡樹秋風老幾度恩光賁隴頭

代吳外郎送外甥某冠帶還鄉

平生不喜儒生酸外家相繼傳申韓三年京國只浪迹  
十載簿書非素繪汝獨莊康早馳驥我今枳棘方棲鸞  
春風不惜便分袂慰爾慈親望眼乾

送郭成章還籟

江南正月梅花開故人別我歸去來花間載酒月如水  
笑吹短笛銜金杯我愛此花開最早把酒相看情更好  
摘花浸酒進高堂願祝雙親長不老

唐菊莊硃砂牡丹

詩

魏紫姚黃總未誇只輸金谷豔凝砂涓涓向日啼朝露  
熒熒迎風鬪晚霞不學翠鬟施膩粉獨憐紅袖掩輕紗  
兒孫看到終無恙爲問比鄰有幾家

甲辰年十一月十二日撥厯有感

南北驅馳鬢已絲策名循例試諸司不同大吏商功最  
惟伴羣賢候指揮黃榜未爲天上客青袍猶愧里中兒  
可憐濟濟多英俊才過橋門便解頤

勁齋爲周叔慈賦

舉世滔滔歎不觚先生浩氣欲吞吳掀髯肯作依違態  
開口應慚倖直徒俯仰自然無愧怍行藏誰敢復支吾



十年掉臂侯門下始信人間有丈夫

和高從龍春日漫興

故國生涯竟已秋宦途牢落苦淹留不聞花語沾優澤  
惟見星軺事遠遊志士固窮應有道達人知命又何愁  
素心只欲春長在樽酒從容樂獻酬

贈劉東之尊翁致仕

乞得明時報主身葛巾藜杖布袍新不緣白髮催年老  
自是青山入夢頻況有芝蘭延世澤豈無泉石作比隣  
宦遊觸目皆英俊誰解光陰屬別人

楊司正母夫人八十二受封

垂老人多節義香更逢令子拜封章白頭已喜沾天寵

效唐集卷七

垂

清操應知共月光尙想昔年當盛日可憐萬里挈三喪  
于今拂拭團圓鏡不愧黃昏見阿郎

送洪州同之任和州

駟牡承恩出帝州十年戎幕舊淹留已知得喪歸清議  
卻喜功名在白頭賓館一樽同永夜故鄉千里望高秋  
到官想待先春日隨路東風解物愁

丁應韶具慶堂

與君夙昔同華胄何日燕吳兩地分奕世宦途終別族  
五經家學各專門黃金榜上來封典白髮堂中舉壽尊  
我亦相過頌嘉慶滿牀袍勿愧諸昆

壽萱圖爲邢文龍賦

北堂種得忘憂草早夏先開第一枝細雨庭階凝素質  
好風簾幙靜幽姿根同丹桂兩樹茂壽比靈椿千歲期  
聞道摘花堪浸酒一樽還與進慈闈

京師送貢友入南雍

青袍誰解歎稽逋自信平生大丈夫乍見挾書朝北闕  
又驚飛棹入南都功名本是囊中物富貴甯從分外圖  
看取江山老松檜與君彈指笑盧胡

成化己丑爲二兄賀王舅生子

青鸞飛入仲宣樓紫桂香中一度秋共擬渥洼生驥子  
更期嵩岳降公侯惟願協夢應先兆佳氣充闔尙未收  
昨日啼聲出簾幕滿堂賓客盡回頭

效唐集卷七

美

易庵

倖險徒勞歎不平是誰搖尾拜公卿安居就裏從容樂  
本分中間自在行開口便應傾肺腑側身常恐愧神明  
乾坤大造何爲者易簡能令百化成

贈武康周醫官

藝術曾聞奕世傳宦情苦爲故鄉便高堂近足榮三釜  
薄祿居常到百年要使齊民躋壽考豈圖肥馬侈矜憐  
憑君莫謂官如水暇日猶畊負郭田

自慰

謀生莫謂拙如鳩拙到方知事寡尤囊酒熟來還自樂  
囊金散盡又何愁權門似海難投刺佞日如簧祇起羞



爲問紛紛名利客宦途榮落幾時休

乙未年三月三日

三月三日天氣新長安市上花如雲狀元歸去馬蹏疾  
意氣彷彿天上人嗟予困守蓬茅底何日致君堯舜理  
匿情強笑不成懽淚下潺湲逐流水

送鄉同年錢用暨歸省時由中書舍人陞刑部員

外郎

仕路輪君早著鞭名題黃甲再榮遷平反共仰秋臺客  
封駁猶誇鳳閣仙優詔已蒙恩似海素心惟願日如年  
一杯喜祝南山壽不獨春風畫錦鮮

輓同年唐弼希說母

效唐集卷七

美

令子朝天未拜官  
葵光一夜竟沈漫徒令姓氏題黃甲  
不及封章照玉棺  
巢燕不來春寂寞萱花無語淚闌干  
北堂機杼閒秋月  
獨自啼螿怨曉寒

春夜有懷

羅幕香銷潞渚春  
彩鸞消息杳無聞坐來楊柳三更月  
夢斷梨花十里雲  
推枕卻眠渾似水倚闌無語忽成醺  
相思翻恨不相見  
何似當初不識君

和韓國器詠柳絮

拭日東園春晝晴  
無端飛絮忽縱橫輕盈亂逐微風起  
綿薄原從弱幹生  
落地有時成溷土隨波終自化浮萍  
看他葵藿傾誠處  
豈是虛心浪得名

送高世德兄如昆還湖廣宜章縣

萬里睽離今老大偶於天際敘天倫  
忽驚東道旋催駕又逐西風再問津  
酒向各邊空飲恨人從秋後倍傷神  
如何四海爲家日仕路迢迢隔楚秦

滁州和呂秉之韻

十載文場著傲冠逢人羞道棘棲鸞  
到頭事業隨時建入手功名是處安  
直以盡忠酬聖主不知多繡作何官  
明朝策蹇江南去依舊蕭蕭蓬華寒

寄兄弟

遠別悠悠動一春宦途何處是相親  
情多祇向吟邊吐想極還從夢裏陳  
倦倚北窗搔短髮醉依寒月伴孤身  
如何苦爲功名累况復功名未有因

效唐集卷七

美

甲寅七月病起詠懷

浮名宦海苦驅馳四十年餘陡覺衰  
塞馬得來愁倚禍越羊亡去歎多歧  
問生宗遠知非遠慕道安期信可期  
卻恐青山重相笑移文應說到家遲

甲寅八月十二日京師對月

客邸早秋先待月露華清冷逼衣裾  
共知後夜月將滿卻笑浮生月不如  
月色半天偏照我我心中夜更憐渠  
憑誰爲報嫦娥道日遣青鸞寄尺書

陳希冉榮慶堂

宮袍曾換舊衣裳寶敕新頒御墨香  
令子捧歸逢誕日



鄉人瞻拜羨榮光一樽並進長生酒四世同歡具慶堂  
如此乾坤總稀再有歌天保祝無疆

送那時望還家省母

封章乞得拜慈親宮錦猶沾雨露新暫去帝京情罔極  
卻來鄉國樂偏眞時當愛日逢初度天與遐齡到百旬  
宴罷從頭問諸季板輿迎養是何人

芭蕉

天南五月黃梅雨一夜芭蕉長幾何平明滿地綠雲合  
斜日半窗清影多浙瀝似驚秋意早騫翻時傍午風和  
自從移植書齋裏不逐鶯花宴綺羅

邊汝成令伯壽七旬

效唐集卷七

美

食指君家二百餘百年奕葉尙同居古來此事實稀有  
今日我公名不虛冠蓋幾人登顯仕文章一代薦鄉書  
烏紗白髮桑榆暮盡道神仙也不如

和唐人送友落第東歸

不向東風折一枝杏花零落又分離三年屈志未爲晚  
一目成名總是奇白璧到頭終有價黃金橫帶定何時  
故園歸去多親舊夜雨清樽話所思

和唐人鸚鵡

雕籠繡戶向人鳴卻憶從來嶺外生乍見九重樓未穩  
試呼萬歲語難明鶯花已共笙歌樂霄漢空憐羽翼成  
粒食只今甘淡薄在陳猶得一身輕

和清平衛分司壁間韻

時都勻新開府縣

年去年來年復年是誰籌策爲安邊也知士論終無定  
卻恐人心總不然開府謾勞經絕域撫苗誰肯讓開田  
到頭成敗眞何在一恁悠悠聽彼天

夢思爲水部來伯韶賦

羹膾不獨見儀形倏忽黃梁夢已成泣杖也應悲夙昔  
斷機猶自責平生扶攜卻訝衣添錦問信長憐鬢似星  
老鶴一聲驚睡覺洒然毛骨淚如傾

送人之德州太守

曾聞鄉國延清譽忽見銓曹拜美除昭世有才眞不負  
盛名佳士卽無虛光陰一過都非我富貴從來也信渠

效唐集卷七

卑

獨有平原平未得問君初政定何如

送霍廷珍南歸

江南三月花如錦酌酒送君歸故鄉相逢已覺官情好  
話別卻驚離思長也知道路苦遠絕遂使日月空奔忙  
何時倚棹西湖上同醉逋仙老鶴傍

己未年南都閱蔡從善選官時諸友送行之卷補題

我當持節君相送君到選官我在行祖道會時應有負  
贈言高處卽無名于今暫喜同杯酒不日還當問客程  
莫向西風重興感宦途踪跡是浮萍

輓于節庵



古帝攘夷蹟已陳直從昭代見君臣乾坤創造歸真主  
社稷維持賴此人談笑便能傾北狄矢心端不附南巡  
而今廟食西湖上千載蒼生頌有神

表兄觀瀾沈元吉鄉飲

撲簌輕紗冒白頭杖藜聯步接公侯彝倫堂陛恩波闊  
尊俎賓筵禮數優一代聖明具有道百年遺老亦同休  
晚來扶醉西湖上多少吟情付野鷗

和韻送陸靖之之任建甯太守

宦遊無處不通衢千里從教信步趨爲是靜邊聊解脫  
卻來鬧裏莫揶揄人於交契離猶合官到崇高有若無  
今日不堪分手去爲君浮白一追呼

效唐集卷七

望

辛未夏仲六日自摩泥至層臺途中遇羅酋六七

人頂笠騎馬揮扇瞪視歷于趨道而過畧無遜  
避之意聞之數十年前蠻人遇我漢人於途雖  
下吏小卒亦竊伏草莽間俟既過然後敢出今  
乃肆然如此又在處剽掠二三月間殺死行商  
數輩一不致詰不無履霜堅冰之漸也感而賦  
之

華夷有辨是綱常於赫皇威被八荒服叛古稱惟我在  
撫誅今計竟誰長陶鎔金鐵方成器斲削梅檀始見香  
莫遣區區事姑息羽書他日爲君忙

炎方驛作

旅邸孤眠夜未央鄉心迢遞轉淒涼窗衝古樹雲生榻  
簾捲空階月滿牀白髮無憑知我老青年不再爲誰忙  
永懷欲寫賢勞什羞向奚童檢敝囊

馬龍二首

碧雞春曉瘴烟浮滿目江山總是愁萬里不堪經絕域  
九重何處望神州青雲事業終難濟白首先陰肯暫留  
命也宦途甘蹇滯笑他時輩逐華輶  
側身瀕海望京華萬里黔南天一涯深晝溟烟常蔽日  
早冬時雨又開花皇風振古難爲比民俗于今亦可嘉  
虎豹九關刁斗靜山城終夜寂無譁

楊林三首

效唐集卷七

望

自憐塵世等塵籠滇海南來望眼空嶺樹瘴深橫遠嶺  
野花開晚翳殘紅邊城夜落三更月古戍晨吹一笛風  
從此百蠻皆樂土相逢何必歎途窮  
嶺嶠登登路轉迷小橋回首眩東西時和卻似春三月  
瘴暝常看雨一犁金馬水深滇海闊碧雞雲盡楚天低  
晚來古戍人歸去一抹橫烟夕照齊  
一聽悲笳起暮林飄飄歸思杳難禁長歌自撫牀頭劍  
高誼誰論橐底金去去恁他雙眼白休休知我二毛侵  
何時倚棹吳江上獨對西風擁鼻吟

正德己巳秋仲林舜舉由江西右轄轉浙江左轄  
以公事來廣道惠陽道海濱歸閩而抵浙蒙寄



詩二首索和如左

嶺嶠重山險復巍山中茅屋半成灰衰遲不擬長馳傳  
潦倒那堪獨舉杯塵海百年空短鬢故園三徑已荒苔  
懷哉有友來還去極目西風怨草萊

相逢那得盡清歡況復乾坤道路難吳地又迎新岳伯  
越人猶詫舊臺官飽諳茶苦原非苦慣識醞酸豈是酸

寄謝寶昌王令尹百年榮落夢中看王器之時由大埋少卿謫寶昌縣

大巡袁良輔尊君日新翁哀輓翁由黎平守致仕

時良輔巡東廣未得代也

正馬歸來覓舊遊功名不減漢諸侯已多姓字題黃甲  
更有恩光照白頭三徑只今空別墅九原千古尚同邱

效唐集卷七

聖

賢郎忠孝思兼盡泣洒西風兩淚流

己巳夏仲長樂道中時雨初霽活水交流上下畦

田悉皆沾足農家閉門村逕闐寂蓋不勞人力  
而坐致豐登也回視吾鄉車戽之苦豈其倍蓰

哉

畦田百疊倚山開雨後泉從絕頂來賴有天工自調攝  
不勞人力苦安排一時沛澤都均濟卒歲豐登豈浪猜  
茅屋晝閒人不見重重綠樹蔭蒼苔

程鄉道中雨霽

葛衣涼透雨初收風物淒然似早秋幾處好山開暮景  
一溪新水漲平疇荒城野戍蒼烟古茅屋人家綠樹幽

多少斷雲飛不去亂隨鷗鷺落汀洲

正德己巳秋仲駐師龍川

越王城外駐偏師小割牛刀慢出奇雷雨半空傳警柝  
風雲長日護儲胥鴟張狼顧終何益草偃山崩自不支  
恁地棘榛都剪盡凱歌回去樂雍熙

己巳閏九月水東驛舟中食鰣魚即比目魚也追

思成化甲午平湖訪友人徐大用曾食此魚今

三十六年矣燈下細辨惟一目蓋非比不能行

因而有懷昆弟友于之情不能忘也

憶昔海濱曾啖此別來氣味竟何如半身已遂全身樂  
一目還憑兩目俱綠樹晚風春共躍碧潭寒月夜同居

效唐集卷七

聖

永懷忽作鶴原歎華髮蕭蕭恨有餘

王言君實生子名夢麟僚友為詩以賀踵韻言原

浙人時由錦衣千兵為鎮守四川中貴參隨王

蜀買妾生子

本是明時報主身著鞭來看錦江春紫簫吹玉朝膠鳳  
繡幕圍香夜夢麟故里話言情自別客途書劒意何親  
郎君擬待登華要慶戰文場捷有神

救命四川中貴羅籥中有長保令名之諭籥即刻

扁揭之中堂仍自為詩以掄揚君德敬和因籥

能撫安西戎故有褒封

錦水雲開出旆旌西人瞻拜盡輸情九重寶敕從天降



萬里丹衷向日傾朝野只今歸至理乾坤終古頌皇明  
南金白璧留聲價爲問隆中孰重輕

簡縣覺林寺

石磴盤迴到覺林上方樓閣倚斜曛山圍迴覺風塵隔  
樹杪微看水國分絕壁斷猿啼夜月疎松巢鶴臥秋雲  
飄然欲證無生偈一謝朝簪愧此身

董德和二親雙輓德和與弟德初俱由賢科登美

任二親皆蒙誥封

先生懿德流波遠內子慈幃叶慶長不獨白頭齊伉儷  
更多丹鳳共翱翔文章盡作當朝瑞簪笏傳來百代強  
看取九原衰錫後至今雙冢煥龍光

效唐集卷七

聖

陶廷信憲長令兄都運哀輓

文章甲第馳聲早勳業明廷奏績長正擬轉輸資國計  
忽驚投老問耕桑清時有味才何極白首無羈樂更強  
今日斷魂招不起一邱衰草怨斜陽

送同寅呂廷規謝事還許

西風倚棹問山靈可是移文促去程萬里雲霄雖有意  
一邱泉石更多情沽頻酒市添新價吟好詩壇續舊盟  
從此白頭成偃蹇任他辛苦自臺評

陳彥成自山東左參遷福建右轄巡撫都憲毘陵

徐仲山爲詩以賀踵韻

喜追芳躅又遷官快睹清風肅羽翰閩俗已霑新治化

福人猶戀舊衣冠九夷琛璧聯檣到百粵江山入座看  
藩府只今臺府近爲君終擬玉爲盤彥成尊君敏政由進士宰福之古田  
和韻送同年陳子居天津收糧

西風倚棹唱離歌送客匆匆去若何千里不堪鄉夢杳  
百年長是別愁多日斜野渡孤帆遠秋盡長空一雁過  
遙想公餘恣吟眺幾多詩思在行窩

同寅包民望兄嫂哀輓二首

民望由進士任御史

介軒三十數何奇得喪評來自可知清世有名應不朽  
幻身無壽豈須悲試看回蹠今誰在要信彭殤總一揆  
留取鄉邦頌遺德百千年後口如碑右

哭盡翁姑旋哭夫中年又復哭遺孤一生惟覺寸心苦

效唐集卷七

哭

午夜不堪雙淚枯自分此身甘冷淡卻思先業要支吾  
小郎已見登朝著還有徐卿第二雛右

汪惟越賞月軒

先生愛月復愛酒把酒時時邀月明酒杯到手不停飲  
月色照我還多情歡來只與清影共醉後卻怕流光傾  
殷勤願祝月長好莫惜酩酊留深更

汪佐孝友堂

君家孝友根天性和氣雍雍藹一堂跬步有行皆後長  
片時供饋必先嘗絃歌遶膝春無際燈火聯牀夜未央  
聖代只今歸至理慶門千載足名揚

送陳瑞卿還杭



京國相逢歲欲除歸途春半又驅車離情盡落三江外  
鄉話剛聞兩月餘大地只今皆樂土百年隨處是安居  
停杯勸折長亭柳青眼看君喜漸舒

伯兄師聖惠詩奉和王引治

幾年京國興遐想千里緘書感素情縱使一官能轉秩  
可憐兩女已傷生于今未遂從心欲何處堪為信步行  
只愛漳溪溪上水無波無浪自平平

甯海知州郭子仁哀輓為于時俊賦郭號逆俗子解吐納之術

先生逆俗元非俗謫住人間五十秋直上九重陳讜論  
不辭千里計邊籌有生已作青雲器之死還歸白玉樓  
令子于今總超卓明年春榜占黿頭

效唐集卷七

毘陵泰伯鄉鄒撫松哀輓鄒能輸粟助邊扁堂名思貽

此地昔年逢泰伯于今聖世產陶猗百千食指歸仁族  
十萬困倉總義資足國已云能報稱肯堂甯敢忘思貽  
獨憐秋雨西亭上廢圃殘花似淚垂

通政使吳敬昆謁告歸潮陽將以來年五月為太

宜人袁氏壽

垂老庭幃八十春白頭花誥太宜人不令夫婿從卑宦  
直使兒郎立要津此日九重陳悃素明年初度拜慈親  
遙知越絕薰風日剩有天家雨露新袁氏以夫為校官遠方勸之休致

華容黎太朴先生哀輓

洞庭脫迹上天津一舉黿頭第一人不為飢寒移志節

直將忠孝答君親三朝嘉製歸經館百代豐功拜史臣  
看取先生何事業此生端不愧儒紳

超山石老婆

在處相傳望夫石此君林立更何求身更宇內三千劫  
勢壓江南二百州紅粉行中誰作伴白雲堆裏自纏頭  
我來欲試擎天力為問重陰可撥不

羣公詩送蕭寺丞順成還南太僕奉和

宦途榮落豈徒然只愛功名在晚年老我一官甘蹇滯  
看他終歲忽超遷到頭便分溝中瘠掩袂羞為帳底妍  
試向先生話端的九重深處是青天

林文煥具慶堂文煥同寅廷玉姪也廷玉昆弟七

效唐集卷七

八伯兄廷珍官至副憲廷玉官西臺平日友愛

特至而家學相傳


賢昆故有傳心學令子今修具慶堂不獨椿萱偕儷美  
更多棠棣擅名揚壽期闔越山同久情與燕雲路共長  
從此還應拜重慶百年歌舞樂無疆

送人之任池陽驛宰

憐君此去意如何屈指長淮路幾多山轉數程通定遠  
水經千里到池河置郵日聽中天報行李時驚午夜過  
莫向西風重興感宦途功業是奔波

翁壽夫惠詩有契闊之誚和韻以解之

心知白首是情親謾道年來似路人獻納未能酬聖主





見示和韻二首

假使人人皆遂意直須騎鶴上揚州大明本自無私照  
惠澤誰云有獨優官爵即如花上露神仙難轉水中漚  
勸君儘著開懷抱盡取尊前酒一甌

君自滌陽官太僕年年馳檄上皇州半生已見臣勞著  
一命須知帝澤優尙想使車同載道忽如飄梗暫棲瀝  
而今獨立西風裏誰送黃花酒一甌

天官主政張尙質尊翁柏林先生任山東莒州節  
判

柏林老翁著家範明庭奕葉承衣冠清選近聞拜節判  
佳兒先已登天官人生有此世應少道在無爲民自安

效唐集卷七

至

東望泰山高萬丈嚴霜落日相嶮岼

北風烈烈吹寒雪送子驅車出帝鄉幾度停盃問親友  
再三回首顧賢郎霸圖未變齊東野儒道猶誇稷下強  
此去還應繼周孔令民千載頌甘棠

送談時英之任陝西僉憲

明廷奏賦三十載臬府制刑纔五年一麾更向關陝去  
不日便應臺省遷安居孝養我自足鬧市功名誰肯前  
問訊西民苦寒否于今已近豔陽天

與江文瀾內翰

翰林風月人共許御史聲名敢自誇顧我暫應依北斗  
隣君終可繼南華昔年謾詫同門友今日還期上相麻

爲問塵冠可彈否野人冠服舊塵沙

送於潛盛灝之任泉州深青驛丞深青屬同安晦  
翁曾爲同安簿  
憐君疋馬南閩去萬里冰天入瘴鄉便向客途辭冀北  
卻從故里道潛陽深青路僻無行李薄祿官閒自舉觴

和陸理廷玉韻

理先任驛丞罷職久  
之復以建言事來京

江南家世與君高仕路爭誇一俊髦官在散階膺上考  
職當能事歷羣僚乞身歸隱時方晦挾策來廷德更昭  
從此功名著青史笑他巢父負虞朝

幽懷

效唐集卷七

垂

眼前忽見東風面醉後使人春意生便欲從頭話知己  
卻嫌老態誤多情愁連曉黛雙顰媚恨落秋波一轉清  
歸去寒衾臥明月幾迴雲雨夢難成

同年毛世誠尊堂哀輓

二十年前曾斷機機中織就老萊衣織成自信工無比  
剪斷終令志不違歸去五旬人莫問從來七十世應稀  
一邱高臥西山下蔓草寒烟幾夕暉

同年韓國器二親壽詩

尊翁以其弟久成爲營脫  
伍歸隱且爲嫁娶其子女

翁長母一歲相次  
六旬先以受封也

一氣甯令獨戍邊與君同隱舊林泉歸來不見兒女累  
老去卻知昆弟賢花甲薦周應有次皇恩兼覆總無偏  
于今幸際昇平世願祝南山壽百千



椿萱齊壽圖為京兆少尹畢嘉會賦翁居鄉校以歲貢讓其同

列後遂秋試就乙榜歷四任所在教有成績以嘉會貴解官就封

須白歸來就子封都將富貴等冥鴻先升已解讓同列

典教卒能成代功情喜細君同壽考眼看少尹歷階崇

尚堂貌得椿萱在雨露年年樂未窮

同年史文鑑之淮安收糧遂捧救還歷陽拜二親

壽其先在漢封歷陽侯

白頭甘旨隔高堂一日承恩便促裝此去淮陰暫停節

卻歸江左一稱觴清朝廊署三年顯故國封侯百代強

我欲乘風奮長翮與君同去祝無疆

送王漆之任沁州二守漆慈谿人祖來尚書平貴州夷父任侍御

效唐集卷七

臺

尚書德政綏南服御史勳名著柏臺今日先生傳舊學

百年江右產英才客途帶遶綿山出征旅行商沁水回

多少遺黎頌嘉績咸歌千里福星來

送歲貢生沈鏗銳卿還德清

漳溪之水通茗霽十載流風聞令名今日忽驚來上國

一樽還與話平生也知出處都由命莫為行游苦愴情

君去試過揚子看年年秋浪到空城

內翰陸廉伯拉友同游城東傅氏莊有作奉和

帝城東去接平川樹色深沈一望連青旆影邊藏酒館

綠陰涼處雜民塵一時嘉會人如玉盛世清游日似年

記得蘭亭觴詠後清風千古使人傳

潞水清流接大川雨晴遙望綠陰連時時遊客閒聯騎

簇簇居民各受塵冠蓋偶逢休暇日絃歌載詠太平年

玉呈望重千金價勝會應教百世傳

送劉宗沂從軍陝右之作

塞上風光挽客留彎弓射獵不知愁封侯志擬書青史

破虜功成未白頭烽火隔年無警報關山隨地可追遊

農耕處處銷軍甲肯信行蹤是遠州

希壽重明為同年王朝言賦朝言祖六十失明至七十聞朝言登第復

明

大明剝蝕光愈顯古鏡摩挲明更奇物理於人有如此

先生樂道復何疑膝前蘭桂三數本眼底冠裳千載期

效唐集卷七

臺

豁然今日再交睫晴空掃盡雲烟姿

同年秋官楊尚綱尊君月樓翁來京相諭適尙綱

考最遂受封敕其所居地名槎溪

買舟載酒遊京國要看秋官政若何行李到來逢考最

布袍老去受恩多一時拜命真奇遇千載令人重甲科

歸去故園詩興好月溪清夜醉浮槎

送人謁告省母

早年曾相先夫子同向天家拜寵光令子只今官禁闕

慈顏千里隔高堂賜歸已遂甯親願拜壽初逢愛日長

從此還期再封奏直看遐算到無疆

同年錢應仁樂山卷



故國青山在何處先生好愛無終窮也知泉石瘡肝腸  
便使秦華歸心胃靜疑大地風塵熄閒喜中天雨露通  
君去試教凌絕頂倚巖還見日升東

送王鱗廷器之任廣東歸善縣學二教

坡翁飽喫惠州飯今日先生官此邦出處到頭應有數  
文章於我總無雙舉比擁座鳴晨鐸斗帳藏燈落夜缸  
多少青衿奏成績一時爭羨筆如杠

送李鳳廷儀之任霍山縣學二教

先生宦轍河南道風景依稀似楚天行李到家纔半月  
河流歸海歷千年月移花影搖書屋雨帶芹香落硯田  
薄暮清樽薦蘋藻懶從當道問華鮮

東唐集卷七

七

謝維熙二親雙輓

維熙名輯昆弟五人各占一經皆登甲科躋顯仕

江右居然見此公勳名直與古人同也知閨闈有賢行  
卻使兒郎都顯庸一德與君真不忝百年昭世更何窮  
于今馬鬣封雙冢蔓草淒淒斜日風

縉雲丁氏永真堂

永真堂上白頭人歲暮猶堅鐵石心半壁寒燈催曉織  
一簾疎雨送秋砧孤鴻忍死甯求鷗猛獸垂涎亦避林  
我爲題詩頌高節要看清史照來今

同寅吳容之二親雙輓

淒涼令子衰封日客邸翻驚淚滿裳三載憲臺終不祿  
一時邱隴共焚黃重闈尙想生前教白髮應爲地下郎

愁向西風弔雙冢九原松柏晚蒼蒼

送應世用之任武陵大尹

離筵一脈武陵深別思飄飄不可禁壯志有時終用世  
客懷何處更沾襟曉窗夢入桃源路春珮行經湘水潯  
我欲明年二三月謾驅驄馬盍朋簪時子將按貴陽故也

江西渝北樓家世美堂

昭代君家稱世美從來此地教文章一時倡和便盈几  
奕葉于孫應滿堂要自默齋能衍慶更多古淡爲流芳  
而今再詠皇風穆萬歲千秋樂未央

長沙分司和壁間韻時方赴貴陽便道經此

昔年馳檄上滇陽萬里西風此繫航高處有天曾捫訊  
險中無地不經營猿揮老淚隨流水雁帶歸心落故鄉  
今日不堪回首望洞庭湘竹雨浪浪

東唐集卷七

七

張叔亨留別金舜舉有作和韻

驄馬行行一道霜壯懷誰復計他鄉旗穿曉日蠻烟肅  
劍倚秋空彩電長跋扈羿夷空蟻聚捍城師旅足鷹揚  
相逢謾有安邊策不道星星兩鬢蒼

和張叔亨詠梅

短籬茅屋淨朝暄積雪初晴野水村開處也應知道化  
望中誰解識乾坤倚風似作窺春態映水空來步月魂  
曾向西湖問消息一聲長笛夜黃昏

竹泉卷爲涪溪賦



竹泉仙人色如玉竹泉之居清且幽泉響娟娟落深夜  
風聲漸漸吹高樓折屐躡雲屋東畔疎簾捲雪天際頭  
醉倚闌干奏長笛幾迴思入蓬瀛洲

昌化章警新重慶堂

吾家具慶不可得君家重慶稱絕奇百年甘旨父復父  
奕世箕裘兒又兒綠酒彩衣娛暮景烏紗白髮照明時  
春風喬梓連陰處雨露栽培似有私

贈陰陽人

軻書自昔垂明訓擇術由來擅美名宅葬總能辭鬼責  
禱祠終解濟人生等閒指掌談天造頃刻觀梅探物情  
日午下簾成默坐此心端不愧君平

效唐集卷七

美

代鳳陽監中友人送同鄉人

淮水東來是舊隣相逢京國倍相親策名胄監推先達  
注選銓曹愧後塵客邸舉觴難解恨異鄉爲別轉傷神  
如何得遂同歸願爛漫尋花九十春

成化甲辰除夕時寓太平門棘寺厯事

旅館淒涼夢不成臥聽宮漏最分明三更送卻寒威盡  
四鼓促將和氣生愛日獨期萱草茂惜春漸喜桂枝榮  
平明點檢人間事一夜東風滿禁城

夏官正郎陳天益尊翁哀輓二首代人作

錢塘處士冰檠操壁立萬仞橫清秋思親直至八十止  
教子肯從中道休判斷是非真不爽品題人物更無詩

杖藜絕跡西湖路一任東風吹釣舟

賢郎方擬陟崇班清夢華胥竟不還深院落花春已去  
廣庭無客鶴空閒瑤琴忍聽絃歌絕綵服俄驚血淚殷  
獨有口碑磨不盡高名千古重邱山

送人還蜀三首原杭人國初徙萬縣

蜀國歸來旋返旆故鄉無計樂樵漁空遺松梓閒邱隴  
無復柴桑舊隱居江自岷峨通楚越路從巫峽望巴渝  
只今四海皆周道好待鱗鴻寄尺書

渝江此去三千里送客臨歧思渺茫十載故人俱別壤  
五更歸夢遠高唐黃雲驛路風烟古白帝城樓草樹荒  
歸去明年春色老杜鵑聲裏念家鄉

效唐集卷七

美

錢塘門外西子湖畫船載酒仍披圖幾處笙歌鬧幽渚  
六橋花柳喧名都南國帝子俱已矣孤山處士胡爲乎  
丈夫一醉等夷險蜀山萬仞皆坦途

又題蘇建中具慶堂代人作

時建中卒業南雍

具慶堂前日色新桃花如錦柳如雲嚴君白髮三千丈  
慈母遐齡九十春要待文章魁甲榜好將名字獻穹宸  
獨憐兄弟稱觴處遍舞瓊衣少一人

柯山書室二首爲應世用賦

見說山中一局棋坐看塵世幾多時仙人已去不復見  
勝事至今猶可追構得小軒纔著膝覽來清影盡歸詩  
彩鸞明月吹簫夜相望長吟有所思



路入柯山是隱居蒼松翠竹繞林籬當時仙子無消息  
今日高人有所思春院靜涵嵐氣溼夜窗涼逗澗聲遲  
盟金坐悟參同契門外東風長玉芝

又輓陳天益尊翁代人作

一生虛抱濟時才老著烏紗力已摧從此丹山空有路  
可憐白髮竟無媒人間物幻驚朝露天上恩光照夜臺  
惆悵西湖舊歌舞落花流水重徘徊

壽人母六句

六月天南景物新北堂簫鼓燕慈親白頭老去應千載  
花甲周來始六旬萱草笑風香滿席蟠桃帶露色欺人  
天涯令子思心切乞得歸來勸酒頻

效唐集卷七

七

送富仁之歷滿還雲間

相逢未久卽相違旅館情懷歎不齊雞黍此時空有約  
燈窗何日共分題吟邊物色驚愁絕醉裏風光入望迷  
留得黃鸝伴幽獨夕陽深處再三啼

趙伯威歷事考勤居優等其祖駙馬都尉尙高皇

幼女十六公主

風流文物冠羣英貌得皇家骨氣清南國土龍新占籍  
中朝平叔舊知名不妨讀律書千卷最愛題詩月滿庭  
昨日憲臺初試政一時老吏盡輸情

武康大令歐孟亨爲急缺風憲應取

三年清譽達宸聰丹鳳銜書下九重金榜昔聞膺甲第

鐵冠今喜振頽風吳民尙忍留時憤薊俗應須避典騶  
美矣班生仙路遠要看尊俎茂奇功

沾頭聞夜泊聞笛

成化甲辰年  
將赴春闈

關河夜寂微風發獨倚孤篷看明月忽聞長笛吹一聲  
淚下如珠滴清血古人作樂由人和愁人聽樂愁偏多  
青袍誤我三十載白髮上頭當奈何

太平門話別

十年作客金陵道千里思家瘴海濱外地幾迴楊柳月  
故園何處杏花春人情似草時時變世事如棋局局新  
羸取白頭三釜養片帆南去問歸津

送友人還東廣

效唐集卷七

李

三十功名志已酬策名飛步上瀛洲中原且不讓多士  
南國應須避一頭落落精神澄夜月飄飄襟韻肅高秋  
曲江歸去經祠廟勳業于今可繼不

岐隱先生哀輓三首

岐隱先生八十秋夢隨公鳳上瀛洲菊松滿院已無主  
麋鹿下山空自遊清譽幾多歸外史閒情一片付東流  
回谿斷磴留殘局細雨叢苔漫不收

岐山處士人中鳳夢逐重華過九嶷烟雨書迷丹穴路  
霜風秋老碧梧枝徒令聖世誇文藻無復天朝瑞羽儀  
何處爲君徵隱德翩翩鷺鷥逞雄姿

岐隱先生歸去來夢隨行蟻上庭槐溪雲匝地鶴空怨



山月滿樓人不回藥竈斷烟荒蘇合鈞臺無主野花開  
前村一片牛眠地蔓草斜陽動客哀

辛丑下第述懷

十年辛苦到長安誰料征車再指南自恨有家終有累  
可憐無子更無官愁來頓覺詩才澀老去還驚酒量寬  
已矣命途多蹇滯不知何處可停驂

甲辰下第述懷

四八年餘志未酬功名肯歎此生休五更歸夢三千里  
一日回腸九萬周愁結柳絲漫不遺淚濺春水只分流  
誰知一種凌天恨白晝清霜滿敝裘

翁壽夫下第有作奉和

東唐集卷七

李

羅網英賢剩有餘他年甯復困相知一經傳世人無敵  
萬里封侯志豈虛窮達不緣論晷刻功名須信保終初  
恩章指日光泉壤次第還教課子書

和羅廷璧韻

乾坤造物有攸司三十功名志未違戀闕此心長北向  
東書今日又東歸日斜江上孤舟別秋盡天南一鶚飛  
待取長安春似海碧桃花下試新衣

胡賢先生尊翁哀輓

娛琴處士今何在清夢蓬萊第一宮平生足跡半天下  
昭代詩名擅楚東仙簡已隨龍化遠素絃猶想月明中  
嗟予未識生前面哀些吟成恨不窮

曾時岫尊堂十月誕辰母孀居四十年

孟母昔年清譽在尊堂今日已齊名平生不改冰檠操  
晚歲尙聞機杼聲冬孟小春渾不老夜深孤月更長明  
赤城此去三千里閒倚東風度玉笙

主司副椿萱齊壽

榮壽堂中高壽人雙垂華髮照青春彩鸞詔下應千里  
花甲周來始六旬金母木公呈世瑞蘭孫桂子荷朝紳  
崆峒近獻長生訣百歲萱花百歲椿

壽萱圖爲陳母賀

蓬萊宮外小桃源誰爲忘憂解種萱天與好風開豔萼  
月流清潤滬靈根竹松共歷冰霜操蘭桂仍分雨露恩

東唐集卷七

李

況是北堂春意早年年簫鼓進芳樽

送丁宗仁赴萬全都司貳教

萬全卽古上谷郡

薊門疎柳綠如烟驛路俄驚二月天爲客不堪過十載  
作官旋復到三邊秋深塞徼風烟肅日暮山城鼓角恬  
聖代只今皆樂土暫時分手莫留連

和高從龍春日漫興

自憐衰髮已驚秋忍見韶光去不留沽酒且圖今日樂  
看花已負少年遊有時對月供詩興在處呼朋破客愁  
聽取聞關上林鳥一聲相喚一聲酬

蜀府宋承奉尊賢尚義卷

廢冢晨遊感素思靈宗況復舊連枝一邱敢擬中官宅



三尺重磨太史碑岷嶺暮雲棲蜀魄楚江春水弔湘纍  
此情自古同追憶要看芳聲百世垂

劉東之尊翁致政

謝職歸來臥白雲放情邱壑一閒身從今軀殼方爲我  
自昔光陰總似人按候菊松應尙在去來猿鶴再相親  
憐渠白髮黃金帶搔首西風強問津

陸靖之青雲高志卷

長楊賦罷志凌雲百尺竿頭再進身直上薇垣朝帝座  
卻從河漢問天津手揮若木開陽道袂動飄風掃世塵  
閶闔九關都歷遍世人爭訝是仙人

弘治辛亥夏京邸病中喜雨

萃庸集卷七

李

攔朝好雨洗紛埃病眼昏花一望開昨向甕中籠火坐  
今從天上馭風來旋抽架上先題卷更洗牀頭舊酌杯  
老我一官無俗累且將詩酒重徘徊

藏庵爲安行之賦行之仕而藏非真藏也位未通顯韜價而不售也

誰謂藏庵是隱淪藏庵隨寓暫藏珍羞將白壁論高價  
甘向清朝立後塵道與時違非事道貧緣祿仕敢辭貧  
半生囊括成啼啞坎止流行只任真

南京郭兵馬乃翁哀輓二首翁所在地名行春受封後爲鄉飲大賓幼

年江行遇風濤覆舟得濟代人作

先生歲暮事田疇舊業行春趣獨幽半壁寒雲松月晚  
一溪流水稻花秋詩書帝世衣冠盛尊俎賓筵禮數優

脫卻風波與名利百年歸骨在林邱

存畊處士汾陽裔威德猶傳祖氏風折獄只須開片語  
齊家端不愧孱童天章賁寵偏垂澤海若輸靈巧致功  
身後有名歸月旦百年籍籍士林中

送鄉同年羅聰之任貳教

昔年同聽鹿鳴詩今日重逢感別離苦爲紅塵淹驥足  
暫將清興屬臯比聖明禮樂從先進豪傑詩書覺後知  
六載期君重到此宮花折取最高枝

水

統時高下止時平此物由來盡物情辨到妍媸人自若  
納來污穢體常清靜涵雲影依稀見深映蟾光分外明

效唐集卷七

李

滾滾源泉赴滄海要知原自一科盈

愛水

先生川上看流水默契此心開笑顏雷奔幾回終到海  
淵潛一曲自懷山鳶飛魚躍高低見雲影天光日夜閒  
便向津頭問來歷濫觴源在斗牛閒

弘治己未京邸臥病

三彭燭毒五心焦潛燦精元勝火燒目掩霧花羞日照  
步依筇竹怕風搖黃肌白癩搔晴雪苦海清瘴涌夜潮  
何日乞身歸故里水雲隨處樂漁樵

送曲廷評歸省而翁能卻金

白雲望斷親庭遠丹陛辭歸帝澤優萬里睽離空愛日



片時供饋直封侯乾坤此老足高蹈暮夜卻金奚所求  
從此兒孫顯朝著功名應不讓前修

椿萱圖爲江右饒賢賦

誰爲椿萱謾寫眞肯堂深處燕雙親  
樛枝慣歷風霜古素質猶含雨露新  
五桂不妨同永壽百花空解占先春  
太平已兆千年瑞屈指于今是六旬

成化丁未七月二十三日生辰時初登第

七月廿三夜旣半我昔懸弧此吉辰  
三十七年初度日百千萬壽未亡人  
作官甫遂青雲志抱道原存赤子眞  
惆悵親庭成遠別時時回首一長吟

冬日書懷

教唐集卷七

奎

書窗獨坐晝沈沈撫景其如百慮侵  
野水孤帆空有影夕陽寒鳥自投林  
閒來素髮愁偏長病入新年恨轉深  
惆悵可人求未得時時搔首一長吟

寄博陸王舅

春風秋月兩悠悠別去情懷歎不侔  
千里雲山徒極目五更烟雨不勝愁  
天機滾滾人先老世事茫茫水自流  
何日相逢話相憶一尊同倚仲宣樓

送人

吳江東去思依依握手河梁怨落暉  
千里雁聲孤棹遠一天秋色故人稀  
空林積雨迷行旆槁葉噓風入敝衣  
惆悵何時再相會一尊重與話襟期

又送內弟唐慶之

半生親誼有誰知此去匆匆惜解違  
萬里道途長作客一時杯酒又分歧  
人生聚散應難定天與功名信有期  
好待南畿桂花發秋風先折最高枝

送貢友還

客邸誰令賦式微匆匆擁棹又南之  
向來已喜登雲路此去還應折桂枝  
鳳鳥豈容淹故穴驪駟終自奮康達  
到家正值萱花發相對慈親一解頤

興府良醫蔣宗儒謝事南歸

先生世業軒岐術貨與皇家助太平  
雨露一門沾大造乾坤萬里樂長生  
老知人事多疎懶靜覺天時有代更  
乞取閒身歸舊隱百年誰復計枯榮

天官主政南鏗尊翁哀輓

早向黌宮延美譽晚從蓮幕避囂煩  
六經竟負風雲會一子深承雨露恩  
自昔厚施終食報只今遺澤被仍昆  
誰人解秉如椽筆月旦評中子細論

送張指揮建甯守備

將軍作鎮承恩命征旆飄飄逸氣雄  
三運秋香辭薊北一鞭春色到閩中  
營街月落轅門靜籌嶺風清玉帳空  
聖代只今崇治化要看安靜奏膚公

丙午冬上春官試車行有作

西風攬轡壯征懷萬里乾坤一望開  
捲取輿圖歸上國



幹旋春氣到金臺不辭重任當先駕要使清塵屬後來  
同軌于今事環轍埋輪誰復問狐豺

無錫華母呂氏哀輓母能撫外內兩姪庶于有成椿桂山葬地也

我聞華宗毓懿德關關美儷來柔嘉始終一節相夫子  
外內兩兒蒙室家不使是非踰湘閩肯辭繁劇紛蓬麻  
只今何處最興感椿桂山頭霜月斜

送董德美之任安慶別駕

歲暮驅車何所適南畿新喜拜除書江山一侶故園好  
道路纔經半月餘鄰土作官情既愜北堂迎養樂何如  
池陽太守陳公子兩地諮諏政起予

壽人父母同登六十同生辰

效唐集卷七

李

江右齊眉兩壽星六旬初度一陽生南山頌裏筵初啟  
北海尊中酒謾傾濯濯芝蘭都競秀鏘鏘鸞鳳自和鳴  
分明一段神仙事只與君家瑞太平

成化己丑赴郡城從師有感

綵服娛親真自樂從師學道豈徒然不辭千里與萬里  
但願新年勝舊年花落園林春意盡歲寒松柏晚心堅  
行行丹桂秋香發一路清風快著鞭

送韓德量還淮陰

故事先翁綠綺琴別來無復聽遺音絲蘿結好曾論舊  
樽酒交懽直到今淮上遠山千里夢江南孤雁十年心  
繁華一去成陳迹何日相逢再盍簪

弘治戊申鄉同年姚江胡彥卿由信陽州學二教

改延平府學以記得同年折桂時爲首尾吟索

同時宦京師者皆屬和

記得同年折桂時賓筵初詠鹿鳴詩禮闈四至我將老  
泮水十年君自持黃卷青燈猶在念蒼顏白髮又相期  
懷來憶往成惆悵記得同年折桂時

過白溝河有感

蘆荻蕭蕭起漫波西風客路此經過中原壤地本吾地  
一統山河無界河寸水豈妨馳鐵騎斜陽誰解挽金戈  
陵夷直至炎威盡流到腥膻奈爾何

送同年張子溫榮還

效唐集卷七

李

曾同奏賦朝金殿君獨承恩出禁宸黃榜策書晴綉日  
玉聰衣錦畫行春功名到手風雲會富貴還家雨露新  
白髮故人空健羨幾勞魂夢拜慈親

分題得閩闈折桂送林由太學助教謝事歸閩

負笈論文二十秋策名飛步上瀛洲八閩道路通仙境  
四海車書集上游青鳥素娥來窈窕彩鸞良夜共夷猶  
雲衢發軔三千里次第分香到九州

澹軒爲吳興費用達賦

澹泊人居澹泊村草衣木食睥乾坤是非過眼無長物  
富貴於我如浮雲交到忘情眞落落會當不語豈云云  
鮑甜比苦皆徒聒至德由來更算文



送俞伯謙之任始興大尹

二十餘年舊科第八千里外老郎官暫來山縣只小試  
卻去海天成大觀水到黃塘天浩瀚霜清庾嶺劔嶸岬  
知君此去多仁政甘雨隨車百姓歡

自慰

人生有子皆天定得喪賢愚不偶然一子豈云能絕類  
十人未必總稱賢謝家玉樹非吾願陶令梨籬祇自憐  
學取一邱耕稼足太平相守歲千千

送韋元載之任貴溪尹

源倒慙君用世才懶同檣散共沈埋九天雨露沾新渥  
百里風雲入壯懷貴水月明清見底河陽春滿樂無涯

效唐集卷七

七

古今多少循良吏一一功名立泰階

送朱世隆還杭

邱隴三千足孝思又馳符檄上京師君親大義期無忝  
湖海賢勞焉足辭薊北到來楓月晚江南歸去稻花時  
眼前風景還無賴莫厭離筵酒漫卮

自寓

靜倚西窗歎白頭冷風斜日對孤愁一瓢脫粟聊供午  
半臂簷簾直到秋薄俗祇聞興訟牒癡兒那解繼箕裘  
歸歟擬作歸休計不道歸休恨未休

思亡女

一夜幾迴頻夢汝汝魂端的在吾傍八千道路風塵杳

二七年華骨肉香假使得年齊姪姒縱令無壽陋姬姜  
亡之命矣真堪惜斷我悠悠一寸腸

鄉同年柯廷言喪母有感和韻

仕路迢迢未有涯思親幾度夢還家江湖萬里一身遠  
風雪百年雙鬢華最是惜陰增喜懼忽驚陟岵動悲嗟  
遙憐後日登黃甲不見慈親拜寵嘉

和周方伯雪中見寄

老來長是怯寒威況復邊城朔雪飛縱使野人歌有歲  
可堪游子賦無衣登登遠道都成莽望望青陽不布暉  
腸斷故園歸未得夢魂終夜到慈闈

效唐集卷七

七

西軒效唐集錄卷之七



西軒效唐集錄卷之八

明 仁和丁養浩 撰

七言絕句

王思德白繡毬花

素娥不作春風面臭味依然似野梅卻怪東君較情薄  
向陽猶遣雪成堆

菊

忽憶江南隱者花西風籬落舊生涯而今不學陶潛醉  
相對無言自啜茶

潛菴

種田食力我所事績學賈文他自高見說明廷老卿相

效唐集卷八

五更風雨尙趨朝

羽山園壽蔡從善伯父和孫廷尙韻

兩箇長松百竿竹羽山深處此留清先生習靜聽風雨  
五夜怕聞環珮聲

乙卯年還家後五月二十七日聞新蟬

幾年京國無烟樹不聽螿蟬聒耳鳴今日故園斜日裏  
數聲哀怨不勝情

廣西有作

東風交廣此行巡琴鶴歸來不是貧珍重一囊清譽在  
憑誰爲我獻穹宸

湘水滴水

海陽山下湘滴水南北分流更不同不是朝宗歸大海  
世間何處不相逢

衡湘

自將湘水洗詩脾桂嶺南頭足品題留得珠璣滿人口  
媚川都裏賸文犀

劉景太監射獵圖

殺盡胡兒力未疲歸來戰馬尙啼嘶燕山九月黃雲靖  
正是將軍較獵時

湘東舟中阻雨

亂山叢薄雨修修怪石驚灘水急流自古三湘能白髮  
可堪今日更離憂

效唐集卷八

客路有懷

客路思君意欲迷小山高處望東西不堪日暮征鞍急  
細雨叢林謝豹啼

瓜州魏氏家

阻風待渡雜詠四首

戶外波光翻白練座中衣色染蒼苔海鷗與我相知久  
飛去江南又復來

江頭日日起風波江上歸舟晚更多十載故人空悵望

月明何處竹枝歌

望江樓下釣魚臺愁緒無端坐不同鷗地拍欄開口笑  
好風吹送故人來

長烟漠漠雨濛濛秋盡維揚草樹空何處飛來雙白雁

帶將離恨過江東

春雨有感

雲脚暗時天有雨風頭歇處地無塵雖然解慰三農望  
愁殺紛紛陌路人

四皓園碁圖

四君避世非忘世終使皇儲羽翼成按著殘碁細思索  
豈於勝敗不關情

京師送別同年有感二首

潞渚西風九月秋數株殘柳送離愁憑渠欲寄相思恨  
多少長條在上頭

歐陽文忠公集卷八

幾時流到浙江頭

悵別

臨風長是歎睽離夜半思君意轉迷誰道玉笋彈曉怨  
五更只在殿東西

竹枝詞二首

我正思君君不知月輪高掛樹西枝月輪過去還重照  
我欲逢君在幾時

君心一似天邊月纔遇浮雲更不明雲去月來還有影  
君從別後更無情

傷牡丹二首

洛陽城裏花開處蜂蝶紛紛綴滿枝我欲憑欄看春色

不知花謝已多時

花開花落爲誰忙花到春深祇自傷莫把芳心許蜂蝶  
任他來往鬧斜陽

安南衛和吳中方伯韻二首

秋來何處倍傷情望盡雲山是客程山上有山山幾許  
馬蹄明日又南行

淡風斜日靜無灰馬首青山面面開欲上山頭望鄉國  
白雲飛去幾時回

赤水衛後軒和韻

行盡西山數日程好懷都入此軒清落紅滿地綠雲合  
窗外野禽時一聲

效唐集卷八

題畢節壁間畫

閒雲漠漠草萋萋山下幽亭路欲迷流水野橋人不見  
夕陽深處亂鶯啼

海棠

夜深紅袖倚清酣香霧空濛濕未乾漫漫野風吹不醒  
日高猶凭碧闌干

甲寅七月十五夜京師對月有感

雲淡風清露似酥碧床涼早墮秋梧不知南國今宵裏  
也有佳人對月無

新秋此夜月正滿遠道隔年人未歸對月思家還問月  
幾時歸去拜慈闈



病眼幾時堪玩月新秋此夜正嬋娟莫辭露坐衣裳濕  
待到明朝又不圓

李叔源出畫梅諸公有作和韻

凍雪霏霏便著花水邊籬落一枝斜而今大地皆春意  
漫道江南是故家

漁

苦竹岡頭雨漬泥綠楊溪上水平堤前村買得茅柴酒  
自煮鱸魚向老妻

樵

風透綿袍骨也寒雨深松塢路偏難蒼江白石歸來晚  
嵐氣濕衣渾未乾

效唐集卷八

五

農

頻年逋負總難償籬落蕭疎草樹荒過得旱時還水澇  
聖明今日是堯湯

牧

風送微和過九臯纖纖草色亂青袍斜陽牛背唱歌去  
林外不知山月高

梅花

庾嶺老梅高十丈雪中迸出玉龍鱗北枝亦是先春種  
獨讓南枝一著春

梅月

梅邊玩月偏孤寂月下觀梅似有無月白梅寒烟如水

十分清氣在西湖

小景

頻年何事苦睽離江畔思君意欲迷望盡瀟湘渾不見  
數聲歸雁夕陽西

弘治辛亥春仲寓京邸夢登樓倚西窗眺夕陽遙  
見故里超山遠在數千里外了了明白山下行

人亦復見之悽然有感而作

傷心萬事在題詩夢裏家山了不迷溪上玉樓樓上客  
幾回閒倚夕陽西

便面小景

峭壁懸松蔭石壇松風入指湖聲寒虞廷昔日薰絃操  
能爲知音一再彈

效唐集卷八

六

弘治戊申正月望日宿新添衛聞簫鼓聲有感

四海車書喜混同異方民物荷陶鎔山城清夜絃歌沸  
可是將軍作鎮功

正德辛未蜀臬轉滇藩途中作

山下小亭茆草蓋無人只有白雲棲白雲也去作霖雨  
千古兩峰留夕暉

右赤水

歷盡千山與萬山宦途能得幾時閒十年兩度來烏撒  
忍見星星鬢髮斑

右烏撒

千尋絕壁鎖烟霞百折羊腸小徑斜一十五年成底事  
白頭重此歎年華

右普德歸

偶成二首

開裏光陰暗裏催等閒花落又花開憑君莫道春長在  
昨日黑頭今白來

炎飈煽燠何相催葵花榴花參差開惟有菊花甘寂寞  
無言自待早秋來

辛未夏仲二十五日抵楊林以小疾暫寓分司先

是葵花未開既三日則次第開至第五朵而雲

錦爛然可觀予意此花多植名園勝地而此處

獨幽閒寂寞良可慨也為賦二絕

得得行程得得來叶蜀山過了又滇池閒齋三日催花

雨開到朝陽第五枝

效唐集卷八

七

本是陽和一種花幾多偏植五侯家數枝寂寞空齋裏  
也自傾心鬪晚霞

正德己巳冬仲寓河源憲署見其右一小園扇閉

甚密挑窗窺之則梅花一樹爛然盛開時余適

有鼓盆之憂因慨夫梅以芬香潔素之姿不幸

處於幽閒寂寞之地不見賞於人可哀也已為

賦二絕

小園深鎖寂無人獨立東風怨早春人自寂寥花自落

一庭寒月夜黃昏

名園無處鬪芳妍獨自開花獨自憐同日舊遊人不見

一年辜負賞花天

正德戊辰春季宜春道中聞鷓鴣

頻年疲馬困窮途忍向東風聽鷓鴣好待子規啼夜月  
不如歸去是良圖

是歲五月川東道久無論因楊志道以詩諗之和

韻

綠陰深樹鳥鳴啾老我西臺得暫休腸斷故園歸未得  
百年天地一纒囚

內翰曹鏐良金為副憲劉文煥寫桃梅春草菽粟

四圖拜題其上和韻

弭節滇吳又八閩江湖廊廟一孤臣相知惟有桃千樹

依倚東風笑早春文煥先以侍御巡按滇雲蘇常後以副憲提學閩中故云

效唐集卷八

八

右桃

鵬盡尋芳只見梅幾多桃李未曾開相逢倚遍蒼江路

右梅

惟恨春風不早來

小園春曉淡微明闌逐東風探早榮昨夜忽驚時雨過

靈根都發兩三莖

右春草

文章菽粟重吾儒豈特青錢選四銖賴有知音善描畫

煩君更寫杏壇圖

王思德以折桂圖扇惠馬宗勉之子并題其上和

韻四絕

一見君家季子姿紛紛雜稚總非奇如今養就掣雲手  
要向天邊折桂枝



天上秋花金玉姿雲根月窟孕靈奇  
煩君攀折都教盡莫放閒人把一枝

纍纍金粟露含姿習習天風香更奇  
應有嫦娥報消息早秋先折向陽枝

嫦娥愛爾少年姿爲種秋花品絕奇  
夜半青鸞報佳信一雙飛上最高枝

新添衛分司

亂山高下雨纖纖旅邸盤餐味不甜  
惟有羈懷與離恨盡隨疲馬過新添

殷重夫席上拘韻詠燈

花落銀缸夜色深一枝青焰細如針  
貞心自許光幽獨

效唐集卷八

九

不畏斜風入戶侵

和戴復初韻四絕

一點幽情耿不磨夜深猶自費清哦  
春暉寸草無由報白髮添來可柰何

客况難禁案牘磨暫將風月屬吟哦  
可憐鸞鳳棲荆棘無奈嗚啾燕雀何

一從計吏陟王庭幾見天涯木葉零  
今日金陵重興感陌頭楊柳又青青

旅館淒涼月滿庭西風黃葉歎飄零  
自從身逐燕山路幾見天涯草色青

毘陵道中夜行

毘陵北上路迢迢舟子孤行夜寂寥  
千里月明憐獨照玉人何處怨清宵

出墻芙蓉

西風倦倚小紅粧獨立含啼怨夕陽  
不是五陵年少客幾回彈指過宮墻

踏雪尋梅便面

蹇驢踏破前村雪欲覓踈踈林下梅  
不識乾坤斡旋氣何時還向日邊回

和羅廷璧韻五絕

回首長安歧路中千葩萬葉競春容  
碧桃開在蟾宮裏不與萬花一樣紅

效唐集卷八

十

塵世飄飄浪打萍十年心事杳難明  
驂騮不是逢知己翹首西風祇自鳴

世途役役歎羈縻底功名到手遲却憶  
青春少年日管絃聲裏過多時

半生苦爲宦情縻千里青山入夢遲  
幸有毛錐與長劍不妨談笑佐明時

十年踪跡走殊方舊學三冬已面墻  
何日姓名題甲榜錦袍深惹御爐香

便面小景風雨歸舟圖

窄窄輕舟短短葦冒風披雨過長河  
當時只欲求微利不道前程險阻多

驟雨狂風震九垓砲車雲起暗陽臺行人不戒履霜漸  
舟楫欹斜不可回

射獵圖

士馬騰驤意氣豪日斜圍合陣雲高太平豈事從禽樂  
學取將軍運甓勞

王天敘席上觀帶雨榴花戲作

密葉繁枝出絳綃彩雲堆裏弄妖嬈洞房昨夜南風急  
露臉含啼怨未銷

宮怨

柘館蕭條懶去粧忍聽簫鼓鬧昭陽翠華望斷無消息  
斜日西風凭短牆

效唐集卷八

七

下第述懷

春風兩度泣神州白髮無端易上頭願取天戈靖胡虜  
與君談笑覓封侯

牧

金鞍玉勒照林臯草色花容襯錦袍富貴薰天等坏土  
南山爭似飯牛高

正德甲戌謝事南還

浮雲利祿緣何事幻夢榮枯亦未真看取故鄉烟樹裏  
未知誰是得歸人

暮春

步履隨風過別村小橋流水接溪雲乳鶯啼出高枝上

報道春光已十分

遊華光廟有感昔年同友袁純夫曾飲于此今已

四十年矣

四十年前此地遊于今白髮已蒙頭不知四十餘年後  
更有何人醉倚樓

午睡

篆烟銷盡茗甌空倦倚南薰睡正濃何事黃鸝渾不解  
聲聲啼過短牆東

漫興

蒼髯白髮醉顏酡紅樹青山夕照多行過村西逢故友  
盤陀江上聽漁歌

效唐集卷八

七

見梅

曉起推窗玩物華寒梅剛試兩三花從今一點先春意  
散入江南百萬家

嘉靖丙戌開正以來連夢趨朝感而有作

辭卻鳴璫臥白雲歸來已過十年春如何又作刀州夢  
卻被巢由冷笑人

漫興二首

西園開遍小桃花依倚東風笑晚霞我欲凭闌看春色  
莫教飛入別人家

遲日桑榆景漸斜老懷偏是惜年華行經別墅眠芳草  
看到西園數落花



嘉靖元年十月十四日回自杭夢有人題畫語不  
佳子醜之爲作一絕蓋夢中語也

雲臺清夜苗靈葩琪樹春風滿院花勝賞不尋三島去  
更從何處覓仙家

漫興

萬里功名一敝裘百年踪跡半荒邱都來總是無情物  
惟有青山對白頭

二月九日春分病起試筆

東風昨夜到園林幻出新楊一樹金惟有白頭吹不醒  
蕭蕭依舊不勝簪

金銀花一名鷺鷥藤一名忍冬草一名左轉藤能

療惡瘡熱疾

療惡瘡熱疾

金銀花兒黃白相東風吹得滿園香隔離延蔓上桃樹  
疑是美人釵子長

夢中作

人生有德乃有福德福相符本自然今日如何不解此  
白首衰遲空怨天

漫興

老去追惟力已摧好懷終歲幾時開寒窗孤枕不成寐  
半夜月明花影來

感興

北風九月吹寒雨萬戶千門冷如水錦衾繡枕憶同遊

夢斷江南數千里

戊寅六月廿一日夜夢詠老梅其夜戌時立秋

年來無事得從容小倚西窗笑晚風記得昔年全盛日  
曾將玉色侍重瞳

西齋小桃壬午春仲

本是梁園傾國姿肯來書館伴幽棲夜深獨立空階裏  
誰向東風話別離

晨起漫興壬午八月八日

可笑春風太世情豔陽時節競敷榮西風一夜韶華盡  
惟有青山晚更青

轉眼韶光不暫留紛紛桃李又驚秋前溪本是無情物

也逐西風日夜流

數年以來大江之東俗尙酣飲予亦數爲所困詩

以訟之嘉靖癸未二月望日

舉世何人議權醜厭聞山鳥喚提壺當時六逸空沈酒

不若醒醒楚大夫

嘉靖癸未二月十二日驚蟄節十九日雷乃發聲

與每年先期發聲人以爲豐年之兆也其年大

歉

二月聞雷未是遲甫過驚蟄最相宜老農指點西疇笑  
道是豐年定有期

嘉靖癸未二月十二日驚蟄十九日雷乃發聲以

後繼以東風釀雪陰氣近寒桃柳閉結不能發  
舒感而有作

弱柳連拳色未青小桃羞澁更含情東風本是催花意  
不借梁園一日晴

癸未中秋會客外兄松雲唐先生以疾辭小詩速  
之

滿天風雨近中秋長日無人獨倚樓寄問杜陵緣底事  
不將詩酒慰窮愁

衡門風雨閉窮愁清夜誰操剡曲舟多病長卿今白首  
百年能得幾中秋

愁懷

效唐集卷八

五

老去愁來不自持惜春不是賞春時東風儘意開朱戶  
莫向愁人面上吹

杏花零亂怨啼鶯送盡東風又一年人自寂寥春自去  
可憐辜負賞花天

兩頭纖纖和古也古人惟詠物今特詠其名耳非  
其指也

兩頭纖纖月如梭眾星磊磊何其多銀漢耿耿橫參差  
東方未明可奈何

蓉江二絕爲胡衛文作乙酉春孟

素心不作東風面獨立空階媚夕陽笑殺紛紛桃與李  
等閒榮落爲誰忙

水落秋江一鑑空蕩荷開盡到芙蓉相知惟有陶潛菊  
依倚東籬笑晚風

春日漫興乙酉年二月

我笑桃花媚早春桃花笑我白頭新桃花若解留春住  
我亦相看是故人

老眼看花淚欲流花開如媚又如羞憑渠儘意勻紅頰  
莫向東風笑白頭

四皓圍棋便面

時當叔季甯歸隱道際明良亦定儲閒坐空山了殘局  
未知勝算是何如

丙戌三月望日初晴

效唐集卷八

六

東風日日望花開待得花開雨又來今日晴明出門去  
滿庭綠樹蔭蒼苔

二月中旬西園桃花漸落有感

東風一夜落紅粧獨立空階怨夕陽舊日賞心人不見  
滿庭明月又昏黃

丁亥二月下旬南園桃花盛發甫三數日卽爲風

雨所落予憐此花倚牆而開似有冶容窺覘之  
意幽情逸韻非妙契者莫能識之方在凝注之

間亟罹摧阻之患可傷也已爲賦三絕老懷至  
是尙有不能已也

露臉初勻笑未開雨餘添得淚盈腮相思倚遍長橋路



多少行人喚不來  
日日墻頭盼曉風  
眼看春盡不相逢  
愁來獨自啼紅怨  
一點芳心恨不窮  
獨立墻頭睥早春  
多情如怨又如瞋  
幾迴待得東風到  
又被顛狂惱殺人

序

明 仁和丁養浩 撰

詠梅集句序為錢塘友人沈履德作

集句者何集詩人之大成也吾非不得作也作而與古  
鳴世者伍亦若人耳古之人以詩鳴世者凡幾何人當  
其時彼各以其所長嗚嗚而未必皆善也是故以一人  
言其篇章之善者無幾以一篇言其句法之善者亦無  
幾吾朝而諷焉夕而詠焉其善者吾愛之不啻若自其  
口出其不善者吾不知也當夫事至物來景興意會吾  
之情不能已於有言則吾素所善者自然呈露發見會

效唐集卷九

合而成章初不期於集而自無不集殆亦不得已而有  
言者也若是者謂非集大成可乎吾友錢塘沈君履德  
蓋深有得于此其於三百篇以下之詩無不讀讀而無  
不究其蘊凡一篇一句之善舉皆集其胸中而無遺遇  
有題詠輒伸紙信筆寫累數十首皆古人佳句弘治乙  
卯春君又集詠梅近體凡若干首其為篇愈多為格愈  
高而其音韻節奏愈精且嘗讀之如出一人之手噫斯  
亦可謂成矣考之吾夫子之刪詩皆非夫子所自作亦  
取當時鳴世者之詩訂正之就其間取其可為勸戒者  
而集之以為經沈君亦集詩者但夫子集其篇沈君集  
其句其集之法頗相類而所以集之之意則吾未暇論

也坡不云乎郊寒島瘦元輕白俗彼固指言其所不善  
者即其所不善者去之而集其善者以為篇集句之法  
如斯而已夫如是則眾人之善皆集於我而為我有謂  
之成豈虛語哉傳曰人之有技若己有之沈君有焉遂  
書而為之序

送姚仲昭之任湖廣平江大尹序

方今天子而下有六卿有方伯有郡守有縣令以及於  
民自民視縣令為親視郡守則稍遠視方伯則又遠而  
六卿天子則甚遠其遠者勢也而所以不遠者情也自  
古以來知勢者寡知情者未之見也今之時有能知情  
與勢而兼以治之者居方伯六卿之任可也而況於郡

效唐集卷九

守縣令乎若吾友平江大尹姚君仲昭其殆庶幾矣乎  
夫情之壅而不通勢之隔而不接雖三代明王不能以  
為治而況其下者乎君之宰斯邑也誠能不矜其能不  
作其威位高而聽卑屈己以就人如是而為治不難矣  
等而上之一府可也一國可也天下亦可也若此者可  
以合其勢矣未能盡得其情也必也忠信以結其心明  
達以通其志簡要以安其生逸樂以紓其氣如是而民  
自至焉則邑無不通之民民無不通之情自一邑可以  
通乎一郡一國自一郡一國可以通之朝廷天下雖在  
萬里之外猶處輦轂之下矣蓋君之職於是為重以其  
親民故也君諱顯其先湖之德清人博學而篤志謙已



而裕人舉成化丁酉鄉薦授今官與予交甚契予知其必不忘情於斯民也

送張奉服膺之任武岡州同知序

古之人文武兼備後世乃判而二之故議者謂文道不足以戡亂武備不足以綏服而制治之法分矣孔子曰有文事者必有武備今國家承平百有餘年士生其時罕見兵革遇將官武士則瞪目而視不為之禮而於其經書圖策亦視為土苴僉迹弃去弗顧嗚呼是焉知古人相兼之意也耶吾鄉張君服膺少警敏資性過人自知讀書為學謂儒者之道不可以一律拘也遂兼通儒吏之業而於兵家戰陣之方教閱之法亦獵其大義久之

張唐集卷九

三

之以才俊舉於有司授金吾衛經歷九年考最遷湖廣武岡州同知方其在金吾也其衛之官與其軍為數殆相等且多獷悍不率君一綏之以德於是一衛之人咸用大和蓋君之治武以文其明驗如此今將之官武岡特舉其素蘊以措之耳然予抑有說焉夫武岡之地實居湖湘之西其土著之民與蠻獠雜居齊處風俗之澆漓民情之暴戾較之武夫悍卒又不啻千萬吾欲懷之以文或懦而不振糾之以武則叛而不親要當先之以命令加之以訓辭如是而未馴也則震之以威折之以武如是而猶不馴而後斬伐隨之則雖異類之人亦將畏威感恩之不暇矣蓋君昔之所居武屬也而治之不

失其為文今之所授文職也而居之不可以無武君行矣異日湖藩上計天官有以文武著稱如古人者吾端有望於君也君勉乎哉

送王廷器之任歸善縣二教序

居官之道盡職而止盡職之外無餘事也今天下之官不下數千萬人其祿秩流品雖或不齊要之各有一定之職因其職之一定而各盡之則居官之責鮮矣彼能者小其職以為不足為不能者弛其職以為不能為不足為者出位以取禍不能為者尸位以取辱二者皆非中道也吾友王君廷器遊郡庠以恭儉謙遜得為禮之學凡再試有司不得志則拂袖喟曰吾不意學古道而

張唐集卷九

四

與人角勝負也吾耻之乃退而潛心於學專務持循省察以修於內久之學既有進則年益長大而選舉之科亦終以不偶今年春循例貢春官試大廷謁選部授東廣歸善縣學二教既拜命即戒途將之官於是吾鄉人仕於京者咸相謂廷器高材碩學負士望且三十年而官止教學之職不幾於小用其才耶予謂之曰是不然凡人設施各因其位小以小用大以大用視其位不視其材盡其職不務於外居官之道如斯而已今教學之官其職甚卑而其出處甚正其祿甚薄而其責任甚重且為治之道政與教二途而已教以迪民之善政以糾民之惡二者相須而不可偏也今天下內而臺部寺監



外而司府州縣其正佐幕屬之官孰非爲政之職也而教學之官每設不過三數員視爲政之官不啻十一而風化之原實寄之其任豈輕也哉三代之時教化隆而風化美其民知禮義而無罪戾率數百年長治久安無有凌犯賊逆之患漢唐而下教化不明民心離而官俗壞故其時禍亂迭興而運祚不長由此觀之謂教化無益不可也今廷器果以其職爲小乎哉夫東廣古百越之地秦漢以前人材未之聞也自唐張曲江始以文章節行爲時名臣其後宋元相繼逮入我朝文教愈隆逢掖之士皆知力學取科第駸然與吾浙殆相上下廷器之官也朝而舉其徒暮而集其徒升其堂視其扁曰

效唐集卷九

五

明倫者豈徒爲文藝設哉凡士生斯世進斯學習斯教遠而聞斯化者皆興起禮義之風而無乖爭之習其出而仕於朝者著之豐功偉績又足以追踪曲江而基國家太平久遠之業必如是爾後可以盡吾之職也廷器尙小之哉廷器惟祈盡職之爲務以求解君之責若官之崇卑祿之厚薄諸君可無爲廷器慮也

送任永修之任蒙化府儒學二教序

雲南蒙化府儒學訓導四川溫江任君崇德將之官其子姪漢與予同官書來責贈言且曰鄉人在都下者不忍捨去也噫鄉人何以不忍爲哉古之人有行則歌詩以送之其來尙矣然皆勉進其德業淬礪其志操以期

於遠大之歸非若後世杯酒陽關噓唏流涕以致其傷離悼別之懷而已鄉人尙何以不忍爲哉夫士之爲學志於得也學而不志於得者僞也然亦有道存乎其間不可以苟焉者也今教學之官爲職甚卑而其道甚正爲祿甚薄而其責甚重其初養之學校之間貢之春官而上之天子春官考其能舉而授之以職俾之食升斗之粟而寄以教化之權故學校也者教化之所關也官得其人則賢才盛而風俗美官不得其人則賢才衰而風俗惡盛衰美惡之機治亂之際也而可以苟焉哉任君以文學領鄉書試春官登乙榜授漢中府儒學訓導九年考績改今官其得之可謂正矣其在漢中也漢中

效唐集卷九

六

之人材日益以盛風俗日益以美能不負其責任之重天官固宜哀其功而遷轉其職然而蒙化遠方之人不可以遠方之治治也必得任君往而臨之推其教於漢中者以教蒙化之人則他日之蒙化未必不爲今日之漢中也任君行矣勉哉無徒爲鄉人惜也

送沈廉夫之任江西僉憲序

弘治甲寅歸安沈君廉夫由秋官員外郎陞江西按察司僉事將之官其友徐君以忠徐君壽卿胡君廷器醴酒徵文以賀以文屬之子子告之曰朝廷設官置吏無非欲平民之情而已夫民有血氣心知之性休息生養之情自生民以來不能免也彼其散焉而處以鄉羣焉



而聚於邑其昏姻交際之往來畊鑿貿易之相資或橫逆之是加而鬪狠之相賊來也叫號於眾而不能白則其情勃然而不平悍然而不能制於是乎置訟以質其平訟而平之其為訟也不盈朝而解矣惟夫上之人謾不加省視之若不足卹也是以其民始而之縣縣之令猶夫眾也繼而之府府之守猶夫令也乃卒之臬司司之長官亦猶夫令與守也民既不得已則裹糧束任冒千里而之大君焉大君受而下之臺部臺部復下之司司又下之府縣而終不為之白則民之情終不得其平矣於是乎有悖逆詐偽之心有爭鬪作亂之事分乖離析禍亂相仍而天下之弊實基於此今國家法古建官

效唐集卷九

七

其為職不同同於平人之情則一而已冢宰敘年勞別淑慝以平仕者之情司徒均賦斂節力役以平農民之情司馬簡卒伍時教閱以平軍旅之情司空平水土時勞逸以平百工之情凡是四者士農軍工各有所司以平其情司而失其平焉則亦不免於訟故聽訟之官尤為平情之大者也司寇職之於前臺憲糾之於後使是四者之人各得其情而無怨尤則政事修而田野闢邊鄙甯而器械利推之天下無一物不得其平求其訟不可得也夫人之有情猶江河之有水也水而撓之則波浪作而有覆舟之虞情而遏之則爭訟作而有禍亂之漸古之人有見於此能以已之情揆人之情又能以人

之情為已之情使天下之人凡有疾痛痲癢飢寒窮困一得以白之於上而無有拂逆沮抑之患則耕者安於鄉賈者安於市仕者安於朝工者安於肆向之所謂勃然者將帖然以自甯悍然者將歡然以自紓而四海之大億兆之廣舉無不平之可訟故人情平而天下定矣沈君由名進士出而宰邑入而制刑積有年勞於人情也悉於聽訟也審夫西江之民素稱健訟以沈君之明往而涖之固不難也沈君誠能知朝廷建官之初意以無負今日之簡任則人情將無不平而西江之訟可得而寡矣

總督陳公良相生子賀序

效唐集卷九

八

總督陳公良相既謝事之十年年幾七旬矣而比歲誕生二子吾杭薦紳大夫士凡素與良相游者咸樂為之賀而太守吳君美中遂釀酒崇餼往而張于其第以侈其事酒既酣美中手執一卷作而言曰惟是良相膺嗣之傳乃若絕而續續而美且蕃信嘉禎也吾黨與斯席者皆不可無一言以為永遠圖而良相所以戀戀於諸公者亦惟是之為望惟諸公幸卒惠之於是大司寇洪公大題其端曰麟瑞既而諸公咸即席為詩凡若干章而以序文屬於余余聞之天靡常命亦靡常惟視吾若德若功而篤厚焉耳故天生上知之君以開一代之治亦必生貔虎雄傑之士以為之輔相與芟夷暴亂以奠



安民生其功與德足以當天心而萃民志然後諸福之物可致之祥不期至而自至焉良相高大父安遠公首以武勇事我太宗文皇帝成靖難之功其尊甫昭武公又以策略從大將軍翦南閩之寇其功其德所以銘鼎彝而被生民者非一日矣天之所以報於陳宗者亦云厚矣至吾良相嗣以異才偉器屢用薦者總漕督屯督理海道立功立德垂四十餘年而空中盾嗣乃久而未毓豈天之報施至是而有舛耶良相乃能任情引分略無概於其中方且舉簪紱之榮祿爵之重挈而授之於其仲氏曰吾有託矣乃退而綸巾野服日與吾徒相狎於山光水色之間其念慮之微夫何有一毫取必於天

效唐集卷九

九

而天之瑞報乃至久而後驗嗚呼是豈人謀之所及也哉故夫報於數十年之前者未足以爲欣報於數十年之後者不足以爲戚要於其報而已耳抑聞之祿爵之榮人君所以報其臣也瑞應之來上天所以報其人也人君能致祿爵於其臣而不能使其臣之祿爵永延于世故瑞應之來又天之所以相吾君之所不及者雖然麒麟之生世不常有而亦未嘗終絕于世故善觀天者驗諸於久而後爲善之報審矣

日東暹上人瞻雲卷詩序

弘治庚申春仲下旬京師寓邸作

日東暹上人以弘治丙辰來京師留居興隆寺三年蚤夜精戒律無少懈然時時想念其二親遠在數千里外

不得展觀省之禮每一念至卽東南周章望且企不能爲情一日製小卷題曰瞻雲請予序諸首暹學浮圖者也浮屠氏之法大要主於清靜寂滅空世法以爲教舉天下無一物而非障礙雖一身且然况父母乎暹服浮屠氏之服誦浮屠氏之言則當守浮屠氏之教而乃不能割恩忍愛以祛障礙切切焉惟二親之爲思得無自戾其法已乎吾聞之生民之道一而已矣故人本父母而生草木蟲魚禽獸之類亦各本其所生非有二也浮屠氏不於其所親者以爲親而求其所師者以爲親曰吾法見性成佛師成我者也父母寄我者也噫天下豈有外形骸以全性命者哉若是則既昧其等差矣而又

效唐集卷九

十

有營營然惟聲色貨利之是圖終其身而不知足視庸衆人且不可及而曰祛障礙以爲教不已誣乎暹有見於此拘其法而未能去日從吾徒游見吾所謂君臣父子之懿典章文物之盛故樂就吾徒而請焉若暹亦賢矣哉吾知暹之想其二親也俯而思仰而視寓諸目而感諸心故見雲之卷舒則念親之睽違見雲之悠揚則悲身之行邁思之至再至三而不能已若行逐行雲而飄滅沒以求見其二親於彷彿之間噫是何心哉一本而無僞故也暹可謂賢矣暹能卽此推之以廣其親愛之心而不爲殘忍不情之事則雖未能遂逃其法亦吾儒之所不棄也暹勉之哉暹字日東族姓董氏吾鄉前



溪人也少落髮邑之惠雲寺今改禮僧錄鏡堂慧公大和尚云

德清縣誌序

德清縣舊無專誌宋人章鑑始創爲之縣有餘不之水經其南鑑取以爲名曰餘不誌自是歷前元以至本朝垂三百年未有嗣作之者嘉靖甲申閩之福清方侯以名進士來涖茲邑越明年政通人和百廢具舉顧惟斯誌漫漶脫略無所以考大懼典章之放廢於是禮聘鄉大夫大參吳公憲僉陳公相與蒐羅纂輯稽之郡志參之國史質之故老之所聞協之輿論之所歸會萃而縷析之凡三閱月而新志成命之曰德清縣誌徵余序諸

效唐集卷九

十一

首余惟德清縣之地自東漢以來建置沿革屢矣然而未始有其名也唐武德初析武康縣之東境置武源縣天寶間再更今名自是德清縣之名始見諸史然而尙未有誌也故在古未有其名名之則自唐始在古未有其誌誌之則自宋始然而章鑑作誌以來凡歷歲月幾何時令宰幾何人鄉大夫士又幾何人寥寥焉例以末節視之莫之顧省乃有待於今日何哉亦惟其人之知所先務與不知所務焉耳夫誌之作猶夫史也史以記世道之盛衰誌以紀地里之廢置二者其大旨也其間條例節目雖不能無小大詳略之差要皆所以示鑑戒而垂永久非苟焉而徒作也其曰輿地曰食貨曰職官

曰官制則政體之所關也其曰人物曰選舉曰學校曰藝文則風教之所繫也之數者誌與史實同條而共貫也今斯誌也乃一邑之志也志之近而小者也然近而小者專且詳遠而大者泛且略亦非有二致也由是傳之當時垂之後世凡宦斯邑生斯地者按其實舉其故皆有以考古今成敗之迹識名教是非之當於是建功立業以基一時之善治率德厲行以成一鄉之善俗推之一郡達之天下莫不皆然則斯誌之所助豈曰小補之哉余既嘉夫方侯之能知所先務又重美夫吳陳二公者能相與協贊以有成也故樂爲之序云

徐申大用壽親圖序

效唐集卷九

十二

同窗友平湖徐君大用既卒事冬官部試天官優等授冠帶將歸省於家過余言別從一奴攜一軸以示展玩之則拱壽圖也大用謂予曰絆身於官念二親遠別不能及強健時奉菽水之歡而倏忽十年於茲年齡且遲暮矣予罪人也今茲繪圖乞一言持歸以爲壽庶幾贖萬分一乎予聞之感歎歔歔泣數行下嗟夫人孰無功名之心也哉然而父子之道天性也彼其幼而鞠少長而教教成而遂去之數千百里之外動以數年爲計此宜師父所不忍爲而謂父子可乎若是者予與大用同是人也而尙可以功名言乎况惟起居寒煖誰與節相之疾痛痾癢誰與抑搔之鬱于心誰與宣愠于懷誰與



釋之若是者予與大用同是罪譴也而又可以功名言  
平傳曰事親孝故忠可移於君忠孝二者固無偏重而  
孰先孰後較然有辯古之人有見於此故雖道積於身  
不肯輕棄其親以就功名也而況吾無道之可行乎嗚  
呼滔滔者天下皆是也而誰與責之獨大用與予之心  
皆若有不能釋然者按諸圖可以概見而功名或有或  
無未暇論也大用自是而後持是圖以歸揭之高堂素  
壁之間奉二親朝夕從容以觴咏其下不以頃刻而有  
間焉則雖或有曠於前未必無補於後是亦此圖之一  
助也又況人情睽之久者念之深見之疏者樂之極今  
大用去家十年一日烏帽錦衣以歸以慰其二親久遠  
之望而又有圖以先之其爲樂庸可既乎大用於是乎  
可以免過矣予也何敢望之

效唐集卷九

七

送沈文淵冠帶榮歸詩序

甲寅年京作

恩不出於君上則名器濫而君子羞之其既出於君上  
而或一時遙授而輕與君子之心猶有所不屑也何則  
便嬖近習之請求非特恩之賜也非公論之所與也苟  
有識者皆知弃去而不爲若乃遙授而勢隔或僞安而  
非真輕與而失宜則情狎而禮薄二者雖出君上一時  
之恩君子亦必審處事宜見可而受雖三公之貴萬鍾  
之富不以造次動其心而況其下焉者乎成化二十一  
年朝廷以天下藩鎮屬歲屢歉民艱以食乃發優詔令

富民輸白金若干兩或穀粟若干石於官卽所在授官  
一階以榮其身復其役無有所與吾姻友德清沈君文  
淵素豐於財樂於義聞命下則憫然曰惟其鄉民之憂  
乃捐所畜白金如數輸之所司授一符以爲驗俾得如  
例冠帶以侈其榮於是其鄉邦親友皆欲釀酒徵文以  
賀卽其家詢之既見則冠服猶故物也衆驚曰君若之  
何栖栖然猶垢敝之爲也乃既有所輸豈不足於財者  
耶卽不欲如違詔旨何君曰吾豈吝於財也吾獨非天  
子之民而敢違詔旨哉顧吾有所須耳吾聞之昔之陝  
右之饑也詔書下天下之民皆得至陝輸白金若粟以  
授冠帶于時吾東南吳會之民奔走趨赴以規榮利者

效唐集卷九

古

不啻千百計人衆地遠而姦宄隨之有厚賄胥吏卽盜  
得符驗持歸肆然錦衣峨冠以夸于人而粒銖金寶未  
嘗入于官藏至于今鄉人鄙之若大莩然由其地遠而  
非真故也得無有類于是者乎吾恐鄉人之不察而重  
鄙笑也吾姑須之既久之至今年春文淵偕其戚蔡君  
思明以賦役來京師旣竣事則相與周覽于京徧於山  
川遂登燕臺指上谷周章于平灤之墟又西眺河山之  
雄東極于青齊海岱之遼曠則其心躍然而馳悠然而  
思若將遂用於世而終不能忘情于其親也於是文淵  
有歸志思明乃謂之曰君之心我識之矣君日不欲苟  
同於衆以暫釋其榮固欲有所須也乃者旣於公事而



來望吾君吾相於咫尺之間勢近而地親宜無過於此者於是易所冠服以歸甯君之親若親受之吾君吾相之所付與而無少愧怍於心夫如是雖不卒用於世而佩服之榮足以慰尊翁久遠之思而鄉人之望也以爲自天而降下矣君其圖之於是思明旣啟之而太守胡君廷器又繼之文淵始而思終而釋然曰君意是也乃擇吉改服於京師之寓館將戒行思明廷器又繪圖裝軸率諸所親厚各爲詩以送之而屬予以序之

慶王富祥七旬詩序

吾友王君用賢客遊彭城若干年歲時一再往來其鄉然不得以時奉甘旨之養乃日惟其尊甫富祥翁之爲

教唐集卷九

五

思今年春三月買舟來京師求其所知諸時彥各爲詩歌積數十百章將寓歸其昆弟道隆輩於富祥翁誕日歌而叶之以樂其心而侈其壽其所得富矣美矣而心猶未歉也間又走謂子曰吾親自幼遊江湖間雖經畫財計而其心乃惟義之適不齷齪與庸輩伍處大夫士多得其歡心遇有以患難告者輒捐所有以赴之雖斥去千金不少吝性好山水所至時時命酒登眺以樂其樂怡然忘其身之爲客也年旣老且衰則束任歸於家亦時時釣於水樵於山以追蹤其昔年齷齪之所樂又不知年歲之將暮也蓋其心適于義不干其利明于理不蔽於物故隨所處而安而其德誼之美亦因以延譽

於續神之間非一日矣此先生之所知也今十二月二十五日壽登六旬而予糜跡于外不得與於昆弟稱觴之末所賴以樂吾親之心而侈其壽者詩與文耳今諸君旣卒賜矣先生庸可默默而已乎予謂之曰如子之言則致壽之道盡矣吾尙贅焉昔曾子論人子之孝有曰樂其心不違其志所以養其心也以其飲食終養之所以養其體也身心外內各得其養而無拂逆之患則無患於不壽矣今尊翁壯而遊遊而樂於外老而歸歸而樂於家此其心無往而不得其養固足以致壽矣而用賢之繼之也財之生者日益以蕃大夫士之交而遊者日益以衆而芳聲義烈又足以馳騁上下則尊翁之

教唐集卷九

六

心何往而不樂哉雖或甘旨之少違抑末耳吾又何贅焉况用賢之兄曰道隆弟曰道宏卓犖奇偉聲稱與用賢等而諸子佑佑又皆穎悟秀出習舉子業駸駸有成立行將登甲科躋美仕以致祿養之榮則所以樂翁之心而侈其壽者又不特區區甘旨之奉與今日諸君咏歌之富而已矣用賢之思庶幾其少釋乎是爲序

眷兄春官主政徐壽卿先生七十有七賀序

眷兄春官主政壽卿徐先生今正德十年年七十有七正月十九日乃其初度之辰先其數日適有祝余龜鶴祝壽圖者余閱之曰此佳徵也遂裝潢成軸以獻且原其所以致壽之道以弁諸上方先生少遊郡庠習舉子



業比長領鄉書登進士第試政春官卽授祠祭部主政甫三期解官歸養久之年六十喟然嘆曰吾忠孝盡矣無所復用仕矣遂致其事于家今十七年矣於茲而氣益壯神益完體益強矍啖步履亦益便以捷後生年少者若或歎焉至於耄期上壽無疑也予聞之蓬海之外有所謂壽卿三神山者其地曠以腴其氣和以平其日紆以長其人不喜不怒不愛不憎寢不夢覺不思靜與陰同動與陽俱先天地而不爲久後天地而不爲老去中國不知其幾千萬里也然而人有慕焉卽求之至近而可得非必馳騫於茫昧恍惚之域也先生少而處壯而仕老而歸處不久於處而有用世者存仕不久於仕

效唐集卷九

七

而有遞世者寓不汲汲於富貴不戚戚於貧賤隨時卷舒與道屈伸泰然游心於事物之表初不必吐納導引而自有得於養生之道古之人所以長生久視參日月而睥乾坤者用是物也況先生所居麻溪之地實古姑仙得道之鄉其俗厚其民淳其產豐以殖人生其間者往往多壽考康甯無天瘥疫癘之患先生曾高以上世居其鄉壽率至八十九次亦不下七十今先生昆弟銀臺先生致仕且三十年年七十有五而康裕強健與先生等斯真所謂壽卿者也尙奚用他求也哉雖然老子曰我命在我不在天余所述者儒道之常耳若夫飛昇黃白之術先生或別有師授而余未之知也願與有

聞焉

晚榮卷詩序

晚榮者太守吳公美中自題其晚年榮遇之意也公自壯年以清才碩學擢鄉舉高科登進士第授江西弋陽令甫三期剔蠹剗弊政務一新議者謂弋陽小邑不足以展公之才乃用薦者改授永新永新固劇邑然猶不足以及盡公之才又用薦者遷直隸通州守公治通州視治弋陽永新聲稱益甚方將駸駸然躋于顯仕而公忽已萌江湖之思矣不告於所親不謀於朋友飄然納祿以歸時弘治己未歲也公當是時年方艾力方強進方未已而乃曰心焉自處於湖山寂寞之濱蓋無復廢廊

效唐集卷九

六

之夢矣居久之正德紀元公年五十有六我武宗毅皇帝崇上兩宮徽號推恩舊臣於是公自奉訓大夫進奉議大夫階正五品嘉靖壬午今上皇帝崇上三宮徽號舉行舊典而於老臣尤嘉隆焉於是公年七十有二又自奉議大夫遞進中順大夫階正四品距公懸車至是凡二十有四年於茲而崇階峻資兩蒙恩渥於是黃金橫腰褐羅做蓋蒼顏白髮騁乎吳越之間斯不亦晚榮已乎然吾聞之老氏之處世也知龍之易失故不辭辱恐厚亡也故不多藏貴而畏其咎則退功成畏其失則不居故其言曰知其雄守其雌知其白守其黑夫其所以謙抑而卑下者乃其所以自合也吳公之所爲無亦



師其意乎是不然老氏之學惟不知義命之所在而恆有戒心焉其意以為不若是則將不免於咎矣吳公學孔子者也出處進退惟隨其所遇而處之以道焉耳時而出也則進而顯庸於時時而處也則退而沈晦於野及其遺榮謝寵屢歷年所顛毛種種與老為期而意外之榮非望之福乃自天而垂裕焉夫何容心哉又凡吾徒仕而歸出而處者比比皆是也然而退不以道者思典之所不與也退以道而不躋乎壽者亦思典之所不及也而吾吳公乃進以禮退以義艾而耆耆而老國是之所重也輿論之所歸也歛其施不究其才嗇其獲不食其報方將大發若子若孫而將來之榮殊不艾也豈

效唐集卷九

十九

直今日晚年崇進而已哉於是吾杭大夫士相率各為詩歌以侈其事而屬余序諸首云

慶汪惟越二親壽序

新安汪君惟越素挾重賞遊江湖今年夏六月自清源念其二親壽將七十乃單騎走京師預求予文將至期持歸以為壽先是弘治某年夏惟越常來京師求文於三山林先生并諸大夫士之詩以其二親於時壽甫六旬而予亦為詩則名於羣公之後今倏忽且十年而其二親益壽且康其為慶庸可後乎予聞汪故徽之鉅族惟越尊君字以春配吳亦良族俱生宣德間自幼以門第相配至今既壯且老適遇朝野寧謐無外事以春夫

婦相守得保其天年為太平熙皞之民七十年可謂壽矣以春自幼善行賈比長積家至饒裕至惟越相繼為業而貲財日益以充可謂富矣惟越曰吾父幼而生於斯長而老於斯與隣之人幼小嬉戲相逐曾不幾何年輒天折以死率數十人之中不能一人見白髮今與吾父居少而老者眼中無焉有善理財者既有餘即忘其故又值不肖子弟好侈靡費財帛且盡則賣田鬻宅而貧窶隨之今隣人有百金之產者皆非昔年之故也而吾家祖孫相承數百年未嘗至乏絕其自言若此噫是豈無道而致然歟吾聞之天之生人富以植之壽以居之所以厚其生也然吾閱世之人其壽且富者率數十

效唐集卷九

二十

百人之中得壽七十者不三二人數十百家之中得貲千金者不二三家其既壽矣或飢寒窮困無以資其生既富矣或疾病孤寡無以居其富是二者恆不可兼而有也今以春若此夫豈無道而致然與以春敦厚朴實不自矯飾而吳亦能左右贊襄克稱婦道凡用財惟義之視遇有當然雖斥去千金不為吝用能順承天休而享有諸福明年月日實惟以春夫婦同壽之辰而伉儷齊眉愈益強健視六旬之日殆有加焉由是而至百歲不難也求之人人豈多得哉豈多得哉

西軒效唐集錄卷之九



明 仁和丁養浩 撰

銘表

明故繁昌司訓東園沈君墓誌銘

正德己卯秋七月壬辰繁昌司訓沈君卒於官其孤天  
祿扶伏迎其喪以歸殯於堂帷而設飾如初禮既成事  
卽以其年十二月日將葬君超山先兆之次來乞銘嗚  
呼余尙忍銘君之墓耶余與君世爲婚姻家而余年與  
行俱少長於君君之死曾不得馮其屍一爲之慟而徒  
觀齷焉執筆以紀其世余何能忍於心耶雖然誼不容  
已也君先世錢塘人曾大父彥常來贅我祖姑丁氏遂

效唐集卷十

爲仁和人祖父大廣父元吉三世皆不仕君其世嫡也  
君諱文炳字用明號東園生而形神秀異眉目宛宛如  
畫人以奇童目之少長岐嶷莊重自知讀書日數十百  
言宗兄尙明以元女妻之君益自振勵讀周易日一過  
旁及詩書左傳百家之學久之入郡庠與一時俊彥上  
下其議論馳騁其制作人人自以爲不及也君自視科  
舉若不足爲謂功名可以立就旣而學日富年日大造  
物日益舛比歲落解者且十餘而顛毛則種種矣正德  
乙亥君年五十有九龜勉貢春官試大廷授繁昌司訓  
以歸非其志也明年春君攜室以行旣三期君年六十  
有一攝奇疾以卒君處已謙以和與人情以恕其居家

父母安其孝兄弟信其友其居鄉老者服其誼少者懷

其思其遊學以至入仕所交際貴賤賢不肖願枉無慮

數千百人雖志操行能不同而皆愛慕歡如也君自謂

吾視天下無可惡之人亦無不可交之人故自結髮至

於耆艾未嘗有違言及於人人亦無以橫逆加於君者

庶幾焉坡公所謂上可以陪玉帝下可以陪乞兒者君

實以之君子男一卽天祿恂恂信實類於君而精通軒

岐之術娶和州司訓胡君從周女孫男二致中致和鳴

呼君今不可作矣夫以君之德之才祿爵富壽皆宜所

自致者然而進不偶仕不顯僅得中壽以卒而又客死

於公寓嗚呼其眞命也耶抑天道有未瑩耶可哀也已

效唐集卷十

銘曰

才之良行之篤積而不發善之毒傳之再世理乃復匪  
伊君兮後之福

明封太淑人周母沈氏墓誌銘

淑人姓沈氏前封貴州布政司右參政退菴周公之配  
今雲南布政司左布政使懋德之母淑人父諱敬宗有  
行誼世居德清慈孝里淑人年及笄敬宗爲擇所宜配  
歸於周氏未幾退菴以材幹辟爲藩司從事歲滿上銓  
曹攜室家寓京邸有賓客至退菴方在欵洽間而饌且  
卽至客驚曰君必有賢配不然何其預也由是淑人之  
賢聞於人人一時名彥多樂與退菴交而懋德因得擇



所從游以問學焉頃之退菴應都憲韓公永熙之辟於  
廣南時退菴父畊隱公母彭氏年既老不任於勞淑人  
則奉舅姑以居於鄉且暮視膳羞問寒煖無違禮歲時  
修祭祀課僮僕治生產具有條式不以貽退菴憂成化  
辛卯懋德由縣學生領鄉書乙未第進士授工部主事  
改禮部轉員外郎郎中歷陞貴州右參政淑人以子貴  
初封安人轉宜人進今封退菴亦歷貴州右參政時懋  
德以清才重望著稱中外駸駸大用而退菴與淑人  
俱年六十錦衣珠翟輝煌於時弘治己未懋德由四川  
右布政司轉江西左布政使甫一年而退菴卒初退菴  
既見懋德貴即絕意仕進歸而更築別業以居退菴有

東唐集卷十

三

庶子三淑人愛之如己出至是撫之以泣曰而父暮年  
所鍾愛而或廢墜不立吾何顏見而父於地下耶愛之  
益加厚焉比終喪懋德改任雲南又一年是為正德丙  
寅淑人年七十六以疾卒淑人天性柔嘉有貞順之德  
處夫族雍睦誠至無間言歸周氏餘五十年始終勤慎  
無少怠懋德雖貴顯恆戒飭之故懋德所至以廉謹稱  
平居汲引媵妾無妬忌御家眾嚴而有恩其婦儀母道  
可謂無愧矣子男三長即懋德次寬次容女五嫁某某  
寬容皆早卒庶子三寓實甯孫男一奎孫女三嫁某某  
方淑人不諱時懋德在雲南去家萬餘里聞訃匍匐奔  
走歸將以丁卯某月某日緇淑人柩至退菴兜之左啟

退菴之封而合葬焉來乞銘銘曰

懿美沈宗萃德於坤是生淑人於穆有聞既歸於良式  
克敬止協於尊璋誕生令子令子登庸爰推所自備服  
殊稱以顯於世退菴來歸福祿攸同再陟崇階再啟藩  
封退菴是昆方伯是教播之朝紳聲稱有劬施於旁藁  
恩愛有篤死者有知九原瞑目我思姪姒實維賢母乃  
今盛德頡頏千古嗟嗟淑人今也則亡勒銘幽宮以顯  
厥圖

明故存濟沈公夫婦墓誌銘

公諱璋字廷器姓沈氏其先汴人宋建炎間扈從南渡  
世家杭之海甯縣大父德皇明永樂間贅仁和涿溪徐

東唐集卷十

四

氏遂為仁和人父蕙母唐氏生子男三公其仲也自幼  
惟瀟雅好力穡不肯逐時好長聘塘樓右族徐氏徐無  
子公即館於其室因家焉公常以不逮養親為恨旦夕  
必還家偕伯叔氏佐食飲問寒煖眷眷不忍離去每得  
時物必先以奉親或有故未及奉則不敢嘗也母嘗病  
劇公日侍湯藥必躬親嘗之每旦焚香祝天願以身代  
既又割股作粥以進母病良已鄉黨以孝稱之父母沒  
伯叔氏將召公分田宅公喟曰分財異產恆人且耻為  
之吾幸有外氏之敝廬足以蔽風雨薄田足以給餽粥  
兄幸世守先業無替烝嘗之奉俾吾得以時具下牲與  
於饋奠之末不亦可乎力辭不受人益以義多之塘樓



素號閭市歲計食貨買遷無慮數十百萬而他物不與焉公奮曰吾釋此將焉所之顧患弗加之意且於是顏其所居之室曰勤儉日課僮僕坐列肆視人所弃者取之人所取者與之操有餘以待不足不數年遂以財擅一郡間嘗謂徐孺人曰所貴於富者爲其能救災卹患而無所吝也今吾與若幸際聖明以有今日若惟齷齪自守而不以均濟於人後世其謂我何孺人曰我適欲有意而君先之殆天所啟也君言正會我意於是視飢者食之寒者衣之貧不能自振者調之貸而不償者雖屢貸之弗爲靳正德庚午歲大侵公爲粥以食飢者日數十百人如是者凡再閱月所全活以千百計他如佛

效唐集卷十

五

老之宮津梁之費緩急有求於公無不足其欲者其樂善好施類如此時朝廷屢下納粟補官之令公效卜式故事輸之粟而欲辭其牒親友強之不得已冠帶拜命而歸內翰邵君思抑侈其榮美其誼而高其年也因以存濟翁號之公樂易簡朴不事華飾與人交無少長貴賤一以誠不爲驕諂崖絕之行平居尤篤於親誼處昆弟怡怡然終其身無閒言伯兄與其子相繼卒公撫其遺孤爲延師以教之比長擇婚配俾卒有成立辛巳冬偶疾進子姓指所署勤儉字曰創業固不易守成良獨難此吾所以志也汝輩其慎守之言訖儉然而逝時十月十四日孺人諱某性貞靜柔嘉得於家庭之訓而善

於成人之美凡公所以和於家睦於族以施於鄉邦者孺人內助之功居多母夏氏以眉壽終孺人摧毀幾滅性比大期不御酒肉公晚年側室凌生一子孺人鞠之如已出飲食起居輒扶攜提抱不相暫離人不知其爲異母也公生於景泰癸酉二月一日享年六十有九孺人生卒之年與公同生以十一月三日卒以正月二十九日子男四長賢次明俱先公卒次良游郡庠好德而文克世其家次哲凌出也女四適趙宗元金貴徐聯璧金鸞孫男三日僑曰佩曰儀孫女四皆在室嗚呼古稱萬乘之國必有萬金之賈千乘之國必有千金之賈蓋其畜積足恃有國者之所資也若公據通津挾重賞而能居之以敬慎行之以仁恕而中饋之賢又式克相之俾鄉民無匱乏之憂公家有資助之益揆之於古豈可少哉良將以明年嘉靖壬午月日緇公與孺人之柩合葬於南山之陰來乞銘銘曰

效唐集卷十

六

有美沈公質直好義克儉克勤曰孝曰悌乃瞻室廬弃而弗有遜我諸昆施及厥後時惟令德鑒於冥冥有錫駢蕃百福是膺公曰噫嘻古有均濟我嗇我儲民乃疵議亦有中饋懿德攸同乃發帑藏乃起疲瘵我哉斯冠翼翼斯服匪崇於資匪豐於祿嗟嗟沈公古之遺愛施也不窮民也永賴

明故東臯處士沈公墓誌銘



沈爲吳興鉅族宋初隱君子東老始以潛德著稱其後諱崎者爲殿中侍御史與求知樞密院事作賓終顯謨閣學士皆郡人也子孫益大且蕃散而之於各屬在在皆是而德清之族爲尤盛皇明洪武初諱凱者由濯澤贅爲栗溪陸氏壻樂其土俗之美遂家焉實公會大父也凱生公大父號號樂靜性恬淡歷上壽時例賜高年冠帶樂靜生公父竭字孝光號松泉善吟咏有詩集行於世松泉生子三公其嫡也公諱淵字文淵自少莊重寡默異於凡兒松泉愛之俾爲縣學生習禮記讀書爲文日數十百言長益務該博精到駸駸有成立未幾母孺人徐氏卒公痛不及養哀毀幾滅性一日讀喪禮撫

效唐集卷十

七

卷歎曰凡學者學爲忠與孝也今吾未知於何爲忠而孝乃先虧矣吾何以爲情比終喪卽不事進取率意終養松泉翁於是日侍左右承順無不至季弟濤異居蚤卒遺孤一鵲幼且弱松泉憂之卽其居居焉而經紀其家務公幾諫不得請則日暮往省之匍匐奔趨不以爲勞松泉素康強無恙年旣耄一日忽無疾而逝公適以病聞之驚絕仆地少甦卽力疾親舁歸以就斂尤極哀慕焉松泉居積素饒裕人或言於公公泣曰吾無以報先人先人之蓄而吾以之給襄事吾猶弗預置之爲愧而何敢私之乃呼其弟若姪至則舉而籍之度所費而出之盡其有不遺其餘致其美不計其費庶幾必誠必

信之道焉弘治壬子盜大發官軍縮憲弗敢進盜益橫公率家僮數十輩跡而踵之縛其魁獻而斃之獄民賴以甯謐歲屢備公罄發私藏輸之官官度民而貧者貸之府符督逋稅甚急民皇恐謀相聚爲變參政周某者聞公名檄公爲之處民間卽日散去已而逋稅悉至公私不擾而事集民愈德之公旣貸於民家益落久之復大振公不以欣戚介於中曰富貧命也吾何庸心哉有餘吾惟義之從不足則安於命而已耳其何庸心哉先是朝廷屢下納粟補官之令公雖輸之粟而寢其牒居常猶故服也歲甲寅以賦役之京親舊或勸之且舉令典爲戒公不得已爲冠帶而還當道聞之高其誼爲賦

效唐集卷十

八

詩歌以侈其事鄉邦榮之公孝友行於家信義孚於鄉性儉約不事華靡服物器用率敦樸以示子弟先是諸弟雖異居公雍睦友愛無少間言一家有事輒身犯其勞不以爲爾汝異處事優游不爲倉卒變辭色與鄉人交無少長無貴賤一於誠不爲崖岸之行鄉人於是親之人或以事來質立斷其可否雖素違忤者不以爲異平居尤重祀事每詰旦必衣冠謁祠下歲時率羣從族人偕至祠墓展省登拜諷誦先德慨然若或見之序昭穆別尊卑獻酬飲酢逮暮而罷如是者歲以爲常晚年好吟眺賞樂東臯之勝因以爲號日一再曳杖登其巔周章瞪視悠然有遐思焉遇興至卽口占爲詩醞藉流



麗有晉魏風致積而成帙題曰東臯集識所志也四方  
人士來遊者不問所自悉致館下與之燕笑欸洽晝夜  
若不厭雖雅性不嗜酒然好以樂賓時時命童子以侑  
觴舉而屬客曰飲樂也吾知適吾意耳奚不飭其味哉  
此古人所以撫無絃之琴也一時大以曠達許之配趙  
氏孺人有淑行子男一曰一夔賢而多才家益振孫男  
二朝元朝臣孫女三長適工科都給事中吳巖次適縣  
學生吳同慶次未行公生于正統丙寅某月某日卒於  
正德丁丑十二月十二日春秋七十二公初屬疾呼一  
夔曰吾不能卒業以成先人之志吾心歎焉若能善教  
若子以繼吾志吾瞑目矣一夔遵公言公卒甫再期而

效唐集卷十

九

二子皆聰睿夙成漸克底成績沈氏於是乎爲有人矣  
一夔將以已卯某月某日葬公休村之原懼公之德久  
而弗彰也屬鄉人陳君粟狀公行偕一鶚請銘於余嗚  
呼余與公少相聞壯相識老而親且友知公爲詳分當  
爲公銘雖微請吾但已乎銘曰

沈氏之先世德是崇或隱而逸或顯而庸支分派別淵  
遠益洪系於栗溪是生我公我公孝友天植其衷追惟  
母氏恨與天終逮事嚴君子職是供施於昆弟肅肅雍  
雍蓄而弗有勞而匪躬歲時會序昭穆攸同禴祠蒸嘗  
曰敬曰恭維鄉何居坦然其中毀我邊幅斥我垣墉庶  
幾焉者東老之風彼狂跳梁大肆頑克殪厥渠魁罔治

脇從亦有悍胥叫囂西東我發我庚化歎而豐民賴我  
德我維何功乃睠東臯時曷載融挾我良朋飭我詩簡  
式嘯式傲佚豫從容於焉卒歲與化而窮休村之原窅  
然幽宮既固而安百福以鍾我刻銘辭以永厥封

明故進階中順大夫湖廣長沙府同知董公墓誌

銘

公諱璠字德美號易直姓董氏杭之仁和人曾大父瑜  
大父賜皆不仕父全號蓬居以公貴贈安慶府通判母  
楊氏封太安人蓬居生子男四公其仲也少岐嶷莊重  
有至性蓬居愛之遣入郡庠爲諸生甫執經諷誦卽能  
自解悟作文有奇氣成化丁亥居蓬居喪服除領辛卯

效唐集卷十

十

鄉書連試春官不得志弘治己酉由臯監拜安慶通  
判職理郡賦時庾舍久頽圯先時靳費鉅壞日益甚公  
廉知納戶歲輸有常例則命官籍其入舉以爲經費歲  
一葺之不假科率而事集巡撫大臣暨部使者遇屬郡  
事有不能決者輒以委公公處之沛然有餘力遂相與  
列薦於朝蒙推恩所生蓬居與太安人皆與卹典恩至  
渥也未幾擢太平府同知先是公拜安慶之命甫抵任  
卽迎太安人以就養太安人年旣高日惟故鄉之爲思  
至是旣便道南還則留王室施安人於家以侍服膳公  
治太平如治安慶加詳審焉而操履益甚壬戌聞太安  
人喪解官持服乙丑服除改長沙府同知長沙久缺守



公至是實行守事郡大劇兼有宗藩之擾公刪繁剔蠹一以至公行之先是郡縣論囚例送藩府供役謂之儀從夫囚至破產不得釋公爲定納銀免役之法郡當水陸要衝所司恆預集民以須負挽之役久而無所芘風雨公爲築寮舍以處之郡之經途十餘里遇霖雨輒泥淖不可行公爲贅之以踐行李便之因名曰董公街訟牒日盈庭公悉以理慰遣之至不得已致辭者已則戟手拜曰我實有罪公何尤焉公之善政及人類如此方駸駸然躋于顯仕而逆瑾肆毒將延於湖湘之南公度不可爲則喟然曰如此尚可仕乎吾甯投劾而已遂長嘯引去時正德戊辰公蓋年六十五矣於是杭之大夫

效唐集卷十

十一

士仕而歸歸而老者無慮數十人日與公相從於西湖山水之間賦詩飲酒以相期集命之曰歸田樂會且卽四時之景釐而爲題命工圖其事貌其容鑄其詩以行於世人以爲無忝香山之會云嘉靖壬午又蒙推恩自奉議大夫進中順大夫階正四品丙戌十月十一日以疾卒公生於正統甲子八月二日得年八十有三娶張氏贈安人繼施氏封安人太尹施公彥顯女也二室趙氏沈氏子男二曰祐曰祿皆沈出祿娶太守吳公美中女祿娶張氏女女三長適劉彭次適司訓錢公仲容子庠生興宗次適姚江禮書黃公廷璽子鴻孫男二承祖繼祖孫女一慶雲皆幼祐等將以是年十一月十八日

緇公樞往西山華家園合葬於施氏安人舊藏之左吳公美中狀公行祐持以來乞銘于余余成化間初領鄉書卽得納交於公至于今五十有餘年平素所薰公之德而淑諸已者非一日矣今茲來歸又得從公于杖屨之末思欲與公同至於百年而不可得也可無一言以圖永久銘曰

有美董宗世殖其德浚發于公以顯丕績遂擢詞科遂膺銓選誕著嘉猷克承天眷賁于親庭寵錫是加邦人曰嘻惟國之華載佐名藩德施斯溥民之戴之如父與母懿惟我公宜陟高位坎止而旋內省何愧西湖之濱可樵可漁長朋萃止式邀以嬉我思古人維唐之季香

效唐集卷十

十二

山之皤我亦神契湖山蒼蒼湖水悠悠匪伊人兮吾誰與儔

明故竹南沈處士墓誌銘 正德二年作

公諱貞字長吉沈姓號竹南其先錢塘人大父彥良贅我祖姑丁氏生公父以常遂留家前漳爲仁和人公自幼讀書通史傳百家言作七字句近體詩有思致不務於奇惟數出新意爲人所不能道天順成化間公益壯博學有氣力人以遠大期之公獨不逐時好見科舉文義體卑弱輒棄去弗顧曰吾不爲是也用是不見世用以父命遷於祖居之南環其居植鉅竹數百竿比再更歲則堂宇旣落成而竹益翳密人望之不問知其中有



隱君子因自號竹南以見志云先是公既遷母何孺人樂之卽所居以就養而以常公尙留伯兄元吉所公日一再往問寒煖遇有故卽數往焉或留身以待命初公與元吉居事元吉執弟甚恭謹凡有所猷爲惟元吉命是聽既異居凡田廬僕妾亦惟元吉是制不敢校宗黨益歸重焉弘治己酉新居火時何孺人適在殯暮夜倉卒無備公奔往撫柩大慟曰天乎甯斃我毋毀我母柩火及身不肯避去旣而舉室蕩然惟孺人骸骨得無恙公亦無所延斃人以爲孝感所致歲丁巳九月公抱疾且困殆呼妻子奮曰吾行不愧於古人而志不屈於今人吾終於是而已乎吾縱不能用世吾豈沒世而無聞

效唐集卷十

七

者乎已而卒不療以死公善談笑善飲酒與賓客故人飲必極醉醉必留信宿雅歌投壺窮日夜若不厭儒生術士及門汲汲接引無虛日子少公九歲於公爲中表昆弟子未第時嘗與公婆娑遊戲不相捨今其聲音笑貌尙宛宛在耳目而倏忽死十年矣嗚呼公有用世才不幸不得一小試以布衣終其身年五十七不得爲壽可哀也已公娶景林徐孺人賢而有婦德生子男一曰文燿善克家公旣歿家益昌大女一適蟠陽馬瑛孫男三天敘天秩天宇皆敏慧未冠駸駸有成立文燿將以今年丁卯十二月十五日甲申葬公於超山之陰祖塋之右來乞銘銘曰

沈氏之先世德是崇肇自錢塘來萃於公懿美惟公碩大且豐敏而績學以底厥功旣刑於家亦華於躬有藉其閒宜顯於庸胡時之違而世不我以胡命之嗇而壽不我充公願在我豈繫否通公啟其源濬發有鍾我作銘辭永矢弗窮

明故尙書祠部主事徐公墓誌銘

公諱九齡字壽卿湖州德清人曾大父 大父度皆不仕父廷規以公貴封尙書祠部主事母杜氏贈太安人公生有睿質成童以父命入縣學爲諸生習禮記作文有奇氣爲士林所推重天順間卽應有司試成化辛卯領鄉書丁未第進士試尙書儀部政大宗伯西蜀周公

效唐集卷十

七

諳知公才舉公使東廣纂修憲宗皇帝實錄以廉謹稱竣事還抵江西聞太安人喪守制服除上天官授祠部主事又舉公侍恭穆獻皇帝之國公左右疏附事集而民不擾時論多之甫二期考績聞先公喪解官南還痛惟列官禁曾不幾何時而養不逮親悔無及也故襄事訖卽絕意進取乃結廬墓左歲時從親舊賓客俯仰於山林之間以致其哀慕之思先是公考績時授承德郎階正六品至嘉靖壬午蒙朝廷推恩歷進奉議大夫階正五品官秩服色侈於其舊鄉邦榮之又一年以疾卒公祖居邑之麻溪族大而饒於財自公與其從父諸昆弟各占一經以爲家學成化乙酉鄉試從第一鄉首以



詩經擢亞魁明年丙戌第進士歷官南京左通政漢卿繼以禮記領南京弘治辛酉鄉薦皆與公後先登仕版於時若方伯姚江胡子澄吏書王公德輝黃公廷聖都憲四明王公汝言皆以潛德處公賓館故公各家子弟內有賢父兄外有賢師友各得其授受淵源之所自皆能有所成就卓立以自鳴於時濟濟乎彬彬乎庶幾鄒魯之風焉故公制辭有曰爾詩禮傳家所以紀其實美其盛也然公於出處之際猶有所不嫌於志者夫士通一經占一藝者率能自致通顯以表見於世若公之學明體以適於用循名以究其實非詩章句之末而已使其當少壯之時卽得有力者援之置之臺省之間委之

效唐集卷十

五

藩臬之寄則必能弼持匡正以成治安之效固未必不出於流輩之上也而乃五舉於有司六上於春官雖屢躡屢奮迄底於成而用世之志則少衰矣噫天實爲之謂之何哉公生正統己未正月十九日卒嘉靖癸未三月初九日享年八十有五元配我女兒丁氏生子男元禎元祥繼沈氏生元亨馮氏生元禮元祉側室張氏生元祿凡六丈夫吾女兒與沈氏贈安人馮氏封安人元禎上舍生元禮吳江縣學生元祥元祉先公卒女三人適俞銓蔡希賢陸職孫男華韶英武言荆華韶英皆縣學生曾孫男泮汝煉煥元禎昆弟將以公卒之年某月某日禘公柩往仁和黃鶴山之陽合葬於我女兒舊塋

之左來乞銘予與公業同經仕同朝同舉於春官而又非一日矣今茲來歸又得與公婆娑遊戲且十年而公不可作矣吾能忽然而已乎銘曰

於赫有徐著於江東篤生雲仍詩禮是崇有發其軔有躡其踪懿維我公世德是鍾匪才之懋而學之充旣捷鄉闈亦奮南宮宜華于國宜顯于庸胡嗇而死以歛厥功甫銓曹之上最遽高舉於冥鴻諒天命之有在詎人謀之可容鶴山我我若水溶溶有積斯大有濬斯通信大昌於厥後永景行於高風

封孺人先室唐氏墓誌銘

效唐集卷十

六

孺人姓唐氏字琇瑛湖之武康人也大父文振由鄉薦仕終直隸沐陽訓導父敬身以賢良薦授福建莆田主簿又以薦者擢廣西藤縣知縣改直隸常熟縣年未六十卽致仕性剛達多大節尤好古名賢書法嘗集家所蓄尤善者數十本刊于常熟學宮題曰萬竹山房集帖四方人士爭傳習之一時名公碩卿多樂與公交過浙者或事左以不及見公爲恨正統丁卯二月九日孺人生於莆田公署自是敬身宦轍所至輒從焉成化庚寅先御史府君以門第擇配孺人歸于我孺人素閑姆訓動止有法左右見者咸嘖嘖咨異以爲未之睹也時余方修舉子業孺人率夜篝燈對案紡績以堅余志丁酉



余叨領鄉書既而連落春官試辛苦來歸無聊賴孺人  
輒笑曰士窮通固有時子何過爲鬱悞耶因勸余入冑  
監以圖進取丁未余忝進士第授行人以使事過家挾  
孺人偕之官寓京邸且再期弘治壬子余遷河南道御  
史甫越月以督理南畿馬政偕孺人歸先是成化癸巳  
御史府君已捐世至是惟太孺人在堂無恙孺人見太  
孺人拜且泣孺人嘆曰吾爲人婦舅歿無及矣今幸姑  
存而又不能養吾罪人也泣愈不能止太孺人親撫孺  
人爲拭淚曰誓於此生無相離也孺人再拜曰謹奉教  
比更冬余竣事將之京孺人曰吾不與子偕矣吾留此  
終養我姑以成吾志是固吾之分也君第之官幸夙夜

效唐集卷十

七

惟公以無忘先君子之教固子之志也亦子之分也余  
脫有餘力得爲君教幼子修田廬以俟子卒歲之需不  
亦可乎余甚善其言而從之自此衾席判矣時弘治癸  
丑歲也然余猶疑孺人或不任于勞不能踐其所言久  
之又以按治貴陽南還登堂拜太孺人太孺人喜曰自  
吾與新婦居有善未嘗不順于我心有不善未嘗逆于  
我心我心甚安樂之吾自是氣體日益以紓飲食日益  
以進吾不圖垂盡之年而獲此更生之樂也且新婦平  
日嚴祭祀睦宗族處鄉黨御僕妾具有條式汝不可以  
不之知也余退而察其所以則諸所爲皆若太孺人之  
所言余于是益歎孺人之賢而慶太孺人得以享其樂

也余自貴陽歸考三年績亦已春蒙封章下臨孺人奉  
太孺人鳳冠珠翟跪拜後先以答恩貺鄉邦榮之弘治  
辛亥太孺人年八十有五冬十一月屬微疾呼孺人曰  
吾無以報新婦願新婦世世子孫孝且賢亦如新婦之  
所以事我者事新婦也太孺人既卒孺人哀毀盡禮余  
從副閩臬奔喪歸見孺人哀戚滿容憔悴不勝衣猶朝  
夕慟哭不能止比終喪竟以此得羸疾不能療正德己  
巳八月四日卒春秋六十有三時余適參廣藩拘于職  
不能歸也嗚呼孺人志在奉姑始終始不渝割恩愛遺榮  
祿而不悔甘藜藿犯勞苦而不辭一念之誠上通于天  
致吾慈親得躋上壽以終天年而余因得以專於報稱

效唐集卷十

六

而無內顧之憂伊誰之力歟伊誰之力歟若孺人可謂  
無愧於爲人婦矣其他善行可紀者多不載孺人生子  
二男之喬女文昭適監生德清沈珙孫男子蘭孫女五  
俱未行歲甲戌余從滇藩致仕歸于時孺人卒五年矣  
祖塋湫隘不堪附葬於是擇地於超山之南獅峯之塢  
下有小阜曰裘山莊嚴秀出法宜後昆於其陽作雙兆  
焉卜以乙卯十月十有三日紼孺人之柩窆諸其右銘  
曰

婦之德美三從從不從義所崇義維何奉姑嫜子游宦  
母誰將婦事姑如事母睦恩私猶孔哺遠于歸侍庭闈  
服明訓靡睽違樂姑心適姑體姑壽康吾足矣繫祿秩



世所趨揆諸心義何居義所安志必遂從而違我何愧  
嗟孺人誰與儔刻銘辭著碩休

故處士徐君濟民葬表

處士諱康字濟民姓徐氏杭之仁和淥溪人其上世商  
周時以功封於徐子孫以國爲氏散處吳楚間世有聞  
人國朝洪武間處士曾大父士奇贅爲陸以敬壻陸故  
淥溪唐氏贅壻唐析陸產居淥溪生一子彥穆早卒無  
後士奇世其家人因以陸呼之士奇生二子其次處士  
之大父曰倫字子貞子貞生三子其長處士之父曰懋  
字孟德自士奇以下皆不仕子貞充萬石長宣德正統  
間歲比登民號易治一時同事者率多務培植爲利子

效唐集卷十

九

貞獨守法寬平不取贏于民民用以和孟德繼執役至  
成化間民日貧公私用日侈而有司誅求日益甚民不  
堪命處士曰剝人以媚人吾不爲也亟請孟德發已貨  
以代民輸民阻飢仍家貸之粟民賴以不死屬歲屢備  
處士度不能支以其情白之官官廉得其實爲解孟德  
役處士有同母昆弟二處士性至孝家居雍睦無間言  
比長異居凡田廬僕妾惟弟所擇取弗爲較庶幾古人  
之風焉處士既屢貸于民至是頗不給則益務居積致  
財賄久之累數千金則喟曰人生貴適意耳須儲積何  
爲于是日與其所親飲博懽謔唱酬窮晝夜若不厭費  
所出一無按覆或爲人取去終不問其脫略解悟類如

此處士和易謙抑與人交一於誠不持二心無少長疏  
戚貴賤終其身油油然不爲崖異之行人多樂從之娶  
傅陸王氏孺人諱淨珍淑善柔嘉勤慎不妬事舅姑左  
右承順能得其懽心相處士以禮御家衆以恩凡內外  
家政無鉅細悉協助調護無過舉故徐氏克躋華裕孺  
人之力居多焉正德庚午三月某日處士卒春秋六十  
有二又明年壬申五月某日孺人卒春秋六十有六子  
男一曰鳳謙厚類處士綽有令聞女二長適余兄子垓  
次適太學生魏弼孫男二曰州曰郡俱幼先是徐祖塋  
在唐公舍圩世久不能耐處士卒之五年甲戌鳳改卜  
祖塋之南一里許曰彈上圩其地負原田面大河塋塋

效唐集卷十

十

壙厚於法宜子孫鳳以其年十月聯處士孺人之柩合  
葬焉初處士甫屬疾鄉之人皆歎曰是維善人天其庶  
幾憇遺以活我既不起則又曰善人死我輩其無望矣  
於是相率以致奠往來以致弔甚者行哭失聲如喪私  
親焉嗚呼夫善惡必至久而後驗今夫人固有色莊而  
行違者矣然人始而信而疑終則羣聚而詈之以其  
無誠心之故也觀於處士可以爲明驗矣嗚呼處士其  
可謂善人乎哉

明故碧林劉處士墓表

弘治七年七月己丑碧林劉處士卒于家年五十有七  
某年某月某日其孤瀾將紼君之柩耐葬于其鄉原先



望之次於是君之季弟監察御史君公奇以君之德不  
可以無聞於後也乃狀君行事之實以授予而爲之表  
其墓曰君諱瑀字公純其先汴梁人元至正間有諱恂  
者爲海鹽縣儒學教諭遂留家爲海鹽縣人曾祖彥芳  
祖景儀父孟榮三世皆不仕孟榮以子貴贈監察御史  
母張氏贈孺人君少而好學性敏悟善修潔容止詳雅  
可觀自知讀書處家塾卽勤勵有大志邑人王宗舉見  
而悅之贅以爲婿仍俾從鄉先生許士宰治尙書學益  
有進雖前輩未能或之過也久之孟榮與宗舉皆卽世  
惟王孺人在年旣老且衰王亦有後則攜其妻孥歸養  
母氏而歲時王氏饋奠亦無違禮人益多之先是孟榮

效唐集卷十

王

卽所居之傍沿溪植名木數千本至是長茂滂鬱遠望  
如雲霧蒼翠環繞如屏嶂君樂之因自號曰碧林間與  
諸羣從往遊憩其閒歷指而言曰某樹吾先人之所手  
植也某邱吾先人之所釣而息焉者也今九原不可作  
矣吾屬敢不敬恭早夜以無忘先德於是卽其處日相  
與會敘論列道古今訂書傳或彈琴賦詩已乃命酒弈  
棋至歡洽始罷凡族有婚喪緩急亦相與商確贊襄補  
助俾各得其濟故鄉里稱善俗者必以劉氏兄弟爲歸  
焉君於財惟義之視無鄙吝心其旣歸養時縣官知其  
才命董其鄉賦稅君出納惟允人多賴之君少有志用  
世旣阨於家務不得如所願視昆弟間惟監察君學愈

不怠乃謂之曰吾老矣無能爲也汝其勉哉以昌吾先  
人之業比監察君屢試不偶則又謂之曰業患不能精  
無患有司之不明汝其勉哉於是監察君卒能領鄉書  
擢進士授行人遷今官蓋惟君輔相之功爲多監察君  
居京師踰十年常以不得便道展邱隴敘昆弟爲恨君  
聞之卽馳書戒之曰人生大節忠與孝耳今吾父母旣  
不祿汝亟歸可逮養耶勉旃汝惟立身揚名以圖顯揚  
先德斯孝之大者也若之何歸汲汲耶書抵京師未逾  
時而卒君生於正統戊午配王氏先四年卒子男三人  
長瀾次濂次沆女一人嗚呼君以醇厚明達之資知大  
體用能不獨以其善善於身推其餘以及昆弟宗戚而  
一鄉之人亦莫不被其澤其所自卓立如此雖未及施  
於有政豈非一鄉之善人已乎

效唐集卷十

王

先考妣馬鞍山墓表

嗚呼我先考御史府君卒五十有四年先妣太孺人卒  
二十有四年矣未有表諸墓者不肖孤幸獨爲未亡人  
何顏以立于天地間耶惟我先府君以宣德乙卯贅爲  
里之王思訓婿王故邑之博陸人先贅爲里之唐氏婿  
唐無子實生太孺人明年丙辰王卒側室子世昌年四  
歲女梅檀年三歲而唐王二家長老皆外族所當事者  
時王頗任俠唐亦以財雄於鄉率環視府君所爲以爲  
向背府君接之禮恭而色莊行篤而誠至二氏人莫敢



加焉正統間世昌年漸長府君爲聘沈氏梅檀亦許嫁姚氏太孺人謂府君曰吾父母既不祿二雛者幸皆有成立吾儕可無愧矣然毋使鄉之人議吾儕以爲不如其父母在也府君曰是吾志也故婚嫁禮有加焉天順間世昌欲異居慮府君有所軒輊將言之官府君迎之謂曰無以爲也凡皆唐氏故物然惟汝所欲耳於是田廬取其瘠敗者器物取其麓窳者而美且腴者則推以與之先是府君甫出贅大父樂善府君卽捐世至是惟大母唐孺人在堂府君旦暮往問安無虛日間謂太孺人曰今世俗子出贅卽歸重於外氏而於本族之親乃生不養歿不祭甚無謂也於是凡遇歲時祭祀太孺人

效唐集卷十

三

必前夕潔爲二牲質明府君先以其一祭於外氏然後以其一歸祭於家曰吾將以詔鄉人之爲贅婿者也始鄉人未知教子率爲孟浪府君首延名師於家塾命不肖孤等各占一經而於四方游學之士凡能通一藝者率歛留至賓館無虛席太孺人亦左右供饋務以求當府君之心府君曰吾將以詔鄉人之爲人父者也成化戊子不肖孤得與鄉試至辛卯再往輒不偶而府君已屬疾矣又明年癸巳卒於溪南之舊第享年六十有三越四年成化丁酉不肖孤忝鄉薦又十年丁未始第進士明年以使事歸拜太孺人於堂太孺人泣曰恨不令而父得見汝今日也旣而不肖孤選行人遷御史蒙差

按貴陽又再按南畿皆得歸拜太孺人太孺人年七十有九是爲弘治丁巳不肖孤三年考滿蒙朝廷推恩封贈父母於是太孺人乃身服冠翟府君焚勃黃於隴上太孺人又泣曰恨不與而父得同拜君貺也又四年辛酉不肖孤遷福建按察副使越明年癸亥太孺人卒於溪南新第後府君三十有一年享年八十有五先是成化丙申府君卜葬於超山之陰逾十有一年丁未改遷于馬鞍山之西至是不肖孤奔走來歸借伯仲氏奉太孺人喪事合窆于府君之右太孺人配府君生伯兄養家仲兄養正季弟養晦養素暨不肖孤子男凡五人女四人皆在室家不肖孤痛惟我府君與我太孺人勤劬

效唐集卷十

三

教子勞瘁萬狀而孤乃不能蚤自淬礪以卓立於二親具慶之日以承負於罔極之恩雖惟太孺人僅一再見之又以縻於祿仕不能親侍湯藥以領屬纊之訓孤之罪天下其孰能說之其孰能說之嗚呼九原不可作矣然而純德懿行昭灼炳耀著人耳目固不待家喻而戶曉也至其大節謹於交際廉於取受篤於彝倫明於教化本之一家而可以推之一國行之一時而可以垂之萬世近不出庸言庸行之常而遠可以極於天下化成之妙有非恆衆人之所能企及者也不肖孤敢不圖其所以不朽謹用濡淚特書刻石墓道以昭來裔云

西軒效唐集錄卷之十



明 仁和丁養浩 撰

祭文

僚友同祭高世德尊甫文

惟公發迹湖南越居陝右兩臨劇邑處寬猛以得宜再  
貳遠州喟勤勞而無補盛年引疾卽官而家教子登庸  
列官朝著驅車就祿旅食京華方暮景之是娛倏長途  
之已盡計聞鄉國哀動士林追昔有生善言莫罄公勤  
格于上下孝友刑於家庭清白遺安朴恭養素凡在躬  
行之實皆可爲人之師緣其祿薄以享高年因致餘留  
而延後祚今斯已矣竟亦何之趨趨殯宮指關河而馳  
驚飄飄魂氣遵鼎鄂以周遊非體魄之二途原死生之  
一致某等託交令子誼比同門薄奠告虔想音容之如  
在緘辭永訣渺天地之無窮

祭僚友歐陽孟亨父文

繫歟我公毓德涵仁不顯其用以善厥身隱居教養克  
其子職推而行之四鄉是式維茲懿美實開後人列官  
烏府誕承天恩有豸斯冠有白斯簡或庸于要或逸于  
散皤皤我公啟慶之源有濬斯流益大且蕃古稀之年  
弗疾而逝神也格天死則已矣衡山峨峨湘水泱泱後  
啼鶴唳與公翔翔公則長往莫與世慮而我實悲況乃  
令子令子旋歸敢告斯文孰罄我哀式昭我心

僚友祭林雲翰文

嗚呼雲翰淵潛之學沈敏之資志欲以超眾而獨立才  
足以當道而有爲方其少也已頽然負芹宮之望及其  
壯也尤熒然著璧水之譽信功名有可以立待而人事  
屢至於不齊再屈賢科阨窮途而不悔終登甲榜膺使  
職以無虧艾髮始衰歎芳年之蹇滯皇華載詠慨周道  
之逶迤方將商賁百算課業諸兒庶幾賢勞者得以稅  
駕而人眾者可以乘時胡一疾之微眇遽顛隕而莫支  
嗚呼彼齊民之蠢蠢固草木而同歸奚哲人之不祿於  
理數而何居意者生徒之賢足以闡其用而膺嗣之秀  
足以久其施庸詎以近小之爲樂而無甯遠大之是期

效唐集卷十一

上天之意或在於斯嗟嗟雲翰今也何之念茲僚友惟  
爾是宜游藝於爾博其趣辯難於爾訂其疑壺觴於爾  
肆其樂諷詠於爾吐其奇方情辭之投分豈昕夕之暫  
違忽音容之遠隔遂聞寂而深悲嗚呼南山不足以爲  
肴東海不足以爲厄惟冥漠之有契庶昭格而鑒茲

正德壬申修滇池海口祝文

惟神職司江海功在潤物畜止是宜泛濫非德乃今夏  
秋陰隱作沴霖潦浹旬下水騰沸既懷于山亦襄于陵  
穀旣糜爛民乃震驚民目嗟哉神不我祐我祀孔時神  
降之咎僉謀惟同將濬于河載掘其泥載揚其波爰築  
漢廠比于茶卜決乃沮洳遷乃室屋乃導洪流達于巴



渝水獲潤下民莫厥居我蒞藩垣職司茲土凡百猷爲  
神實我輔矧是工役幽明表裏我作其謀神助之社神  
實裕民神功默施庶民攻之不日成之有崇斯敬有載  
斯醑匪今斯今萬世伊始漢麻茶卜皆海口地名導漢池水入川江經烏蠻馬湖等處

祭通政陳琬仲連尊翁文 全州人

衡嶽降靈迺屬南藩實生著姓顯于湘源鼻祖金華淵  
遠益蕃奕世相承儒業是敦烈烈我公藝絕等倫天裔  
其施以昌後人金昆玉季萃于一門懿維家器甲科發  
身筮仕地曹列官要津再登銀臺位益崇尊天語諄諄  
龍光燦燦重加累錫悉出帝闈我公曰嘻我實何因祖

效唐集卷十一 三

宗之慶天地之恩乃飭而即載顧而孫曰奚報旃爾維  
畏寅嗟嗟我公德與位均壽攻七十子孫振振或庸于  
朝或績于文公維含飴以樂餘春在古則稀今也茂聞  
嗟嗟我公誰與追尋靈魂飄飄九疑是巡人謂公死而  
公則存公莫顧歆我實悲辛奠以告虔公其我臨

虛庵陳公彥成祭文以應天府尹致仕其尊翁太

守敏政號節閣公初號虛庵晚更號南峰

節閣之德鍾于先生賦性謙沖績學淵萃蚤登甲第列  
職京朝薦陟名藩遂膺殊擢維茲歷踐綽有令譽德在  
斯民勳歸冊府急流勇退睥睨南峰閉戶養恬向我高  
志伊昔丁酉同領鄉書既試南宮公乃先捷闈藩蒞政

余忝司臬燕敘甫期遽以憂輟自時而後宦轍西東乃  
聽用游獲聯姻戚比余謝事屢厠賓筵將謂百年永終  
歡好胡然溘逝盡我懷撫極顧天殆莫能及嗟嗟先  
生九原茫茫命雖不遐德則彌彰嗚呼先生尙其享之  
同僚祭侍御王應禎內子郭氏文 行人司作

效唐集卷十一 四

遽中道而分崩慨夫人之在世若瞬目兮流星惟修名  
之既立何壽天之怵憎悵良人之獨處拊呱泣之孱齡  
酌羽觴而誰御橫玉筋而交零鏡朱塵之晦曖襲蓮幕  
之芳馨方銜哀於永訣竟刻畫於丹青偉明廷之簡任  
望秦隴而西征駕幽宮而載道緋丹旒而聯駟願吾人  
之陋劣記察察於先曾既聞訃而殞悼亦引柩而塞騰  
奠椒漿兮桂酒矢哀些兮愁憑日慘慘兮無光風脩脩  
兮有聲睠夫人兮何之渺西江兮鴻冥隱中情兮太息  
魂彷彿而來歆 叶興

同年公祭程正之尊翁文

惟公儒門高蹈聖世逸民積善自身以開後人有賢令



子克振其芬大魁甲榜優入詞林渾噩雄文足以顯公之教深沈厚德足以表公之仁某等叨居榜末誼比同門雖不及登公之堂睹公之面而聞之者有素驗之者爲真方將頌南山以爲壽薦北海以爲尊詎謂公無復有意於世也奄一去而莫追尋嗚呼堂構之宏亦論其址華實之茂必由其根是以名旣久而逾大身雖死而實存況乎襲封之典錫自帝闔固不日而可待乃萬古之不湮又奚生死之有間忼戚之足論耶嗚呼長淮之南西江之濟中心馳驚翼焉翻翁柰朝列之有絆願執紼以無因聊緘辭而致奠尙昭格乎微忱

祭馬廷簡二守文

效唐集卷十一

五

惟公學博才優氣和行篤發身胄監簡任銓曹佐政偏州寶艱初試尊鱸起興邱壑留情妙探旁搜追逐千古四方走幣朝野馳聲方將咀韓柳之英華詎意契老莊之冥漠溘然以逝哀動鄉邦願惟篇什之畱傳賢乃名稱之不朽某忝居姻婭薄奠斯陳公如有知庶其歆格

代人祭母舅文

惟靈幼爲賢子弟長爲賢父兄而老則爲賢祖化及鄉邦德施伊溥將百歲是期而中道伊阻嗚呼惟德獲壽福祿攸宜以公之德而止於斯豈天道之未明抑命數之莫論某也誼當躬奉大事而苦爲王事之驅馳窆不得臨其壙歛不得憑其尸徒向風長號而涕泗交頤瞻

渭陽之深愛款中情而世忤敬陳詞而設奠魂彷彿而鑑茲

祭外兄春官祠部主政徐公壽卿文

惟公英特之資體用之學夙遊芹泮懋著聲稱旣擢鄉闈薦膺甲第皇華載道粉署聯班施及親庭聿沾恩命方將躋顯庸之任乃遽萌隱遯之思脫屣而歸遂我高志栖遲邱隴俯仰山林風木之哀老而彌篤故公之出也雖未究於所事而公之處也實無忝於所生曰富曰貴公乃以之而適濟其美曰壽曰考公則兼之而克保厥終公可謂加於人一等者矣今當歸窆吉卜有期酌酒矢辭公其歆格

效唐集卷十一

六

西軒效唐集錄卷之十一



雜作

明 仁和丁養浩 撰

跋濂溪先生裔孫欽崇本堂卷欽居姑蘇先生十

四世孫也

濂溪先生系出道州營道縣長子某遷潯陽凡四傳而  
又遷於蘇蘇之派凡十傳以至於今日中間歷五百餘  
年而子孫益大且蕃況數有間人不絕其世其留道與  
潯陽者雖未知其盛衰何如然即蘇而觀則先生盛德  
之報蓋未艾也吾道賴先生以傳先生之後宜與吾道  
相為悠久道不泯則先生之後亦不泯夫豈有終窮也

效唐集卷十二

哉觀於孔氏可見矣

跋大學士西涯李先生自書所作詠史樂府卷

右西涯李先生製詠史古樂府詞凡若干首起申生怨  
終易水行手書成卷以藏于家蓋欲以傳後也新安王  
君用賢問從先生求而得之先生文章高一代此詞又  
渾融純雅妙若天成字備真草行書諸體殊迥麗可愛  
真可以上薄魏晉而軼過之老鐵輩不足多也予聞古  
之人於前輩一言一行雖小必錄今文章若先生德位  
若先生而大雅之音不見傳播乃自為而自書之是孰  
使之然耶噫恆人且不得為無罪而況先生門下士乎  
予於是乎有感

跋錢塘夜潮圖

右錢塘夜潮圖一卷新安王君用賢得之杭僧某僧藏  
自先世蓋杭人之所作也其絹素筆意悉出前元而題  
者乃紀宋之年號豈其不忘故主故追錄之歟嘗觀元  
人入杭之日駐師江津潮三日不至今此圖月夜潮生  
奔騰振迅使棲鴻宿鷺無不驚飛於烟霧蒼莽之濱其  
怒氣若可畏矣然不以儻敵人於昭昭之際而以駭羽  
族於冥冥之中豈天道固有時而右夷耶抑子胥之氣  
有時而消歇耶吾不得而知之也噫

姑蘇張氏昆弟字說

效唐集卷十二

其鄉先達更字雍曰元穆準曰元平其友鍾君汝學唐  
君思禹囑予為之說余聞之名者字之實字者名之義  
義未協固無以尊其名得其名而昧其義亦非顧名思  
義之道也夫天下之道禮與樂而已禮非樂則難樂非  
禮則流雍也者和也樂也穆也者敬也禮也人苟和矣  
而又持之以敬使其動靜語默之間雖藹然從容和易  
而不失其恭儉莊敬之德則和而不至於流易而不全  
於慢故孔子曰知和而和不以禮節之亦不可行而詩  
人又曰肅雍和鳴夫肅者敬也雍雍和也敬與和禮與  
樂之謂也二者相為表裏而不偏亦可以為成人矣雍  
字元穆宜哉孟子曰言近而指遠者善言也守約而施



博者善道也君子之御事操其端舉其要而天下之理不能過天下之物必於是而取中焉準之爲物所以揆平而取正者也然準無容心也吾惟極其平而不頗則物之欲求平者雖衡石錙銖輕重大小之懸絕自不能舍準而他適矣記曰夫孝推而放之四海而準孝聖人之庸行也而天下之理不能過匹夫匹婦之所共知而王公夷狄之所不能逃則其理之極至而不可以復加故也準字元平又何過焉今元穆之爲人也志和而行方質美而氣充而元平則守已而不加於物嗜義而不昧於利其於命名之義既皆自得之矣吾不可以有加矣吾願二子自茲以往將有言也將有爲也必反而思之曰果和敬乎果平直乎如是而後從事焉蓋不以其既得者爲能而必以其所未至者自勉則其成也庸可量乎

效唐集卷十二

三

慶同寅張叔通尊翁八十有五文

禮之首篇謂人壽以百歲爲期中間每十歲一更其名每一更而各異其事然要其履歷之次惟三大節而已曰少曰壯曰老自十五以下爲之少五十以下爲之壯六十以上爲之老自少而壯而老謂之壽賦壽之原本乎天養壽之道存乎人一者缺其一而能致壽者鮮矣夫人之幼也思慮未開血氣未定而未能以有爲則養之道存乎其親及其衰也思慮盡焉筋力憊焉而不

能以有爲則養之道存乎其子其所以自致其養者惟壯而已譬諸草木方其萌而生甲而圻眇然一柔脆物也必厚其培植以封固之時其灌溉以愛養之則生意不息而日益以茂矣及其久也本根腐於內而枝葉瘁於外摧敗若不能以終日又必維相之使不爲風雨之所搖疏濬之使不爲螻蟻之所蝕斯亦可以永歲矣若其肖翹盛美之日使非斧斤之所加牛羊之所牧則其他舉若無足慮者故存乎人者養之難存乎已者養之易人與物一而已矣若吾友張君叔通之所以養其尊翁與翁之所以自養者其知此道矣乎翁之少也遠矣吾不得而知之矣翁之壯也安常處順而不爲苟難居易俟命而不求過分不爲淫蕩以傷其生不爲矯僞以賊其情自養之道如斯而已及其衰也使非叔通善以養之不幾於摧敗而不壽乎叔通方且節其服食時其寢處居常無事未嘗或去其側出入動靜惟恐有拂其意問所欲與而與之視所欲爲而爲之保惜愛護視翁自養之道蓋有加焉故自翁強壯以至今日循循然若與常人等而神完氣固自有大過人而不可及者本有賴於善養故也況叔通能自淬勵以無忝乃翁之教自壯取科第任劇邑擢侍御居官三十餘年而清慎一節無少變用能克承恩命施及于翁亦豈冠繡服列銜憲職以侈其盛而樂于心則叔通善養之道又非常人

效唐集卷十二

四



之所及也翁之盛也宜哉自是而後叔通誠能益謹於禮益持其操則翁之壽豈特耄耄而已哉雖百年之遠蓋未艾也叔通其勉之翁姓張氏字某號某今年八十有五云

### 靈壽寺重建前後殿碑

靈壽寺舊名畏吾兒寺考之史傳畏吾兒國卽唐之高昌國去中國萬有餘里前元時華夷無辨故其國人入居中國者相率立爲精舍以祀其宗國之神不忘本也其建置緣起無所於攷惟元季江浙行省左丞相達世帖睦爾以至正辛丑春仲卽其故有前殿加修葺焉時元祚且訖錄矣旣七年戊申我聖祖高皇帝統御宸極

效唐集卷十二

五

諭知其僧人皆有室家瀆亂宗法於是下祠部逐其人更其額舉而陞之爲叢林之地合諸小寺凡七區名仍其舊額而聚居焉靈壽則其總也至于今垂一百五十餘禩歲月滋久棟宇傾頽像設摧落無以昭示有眾時則其香林房僧文政暨其嗣孫宗禮素有興廢舉墜之志乃相與差度諦視量其材之所宜要其工之所就旣罄發其帑藏以爲之先又遍扣其所知以爲之助遂以正德壬申秋九月之吉肇建後殿閱三年乙亥秋八月訖工又以嘉靖乙酉春正月之吉繼爲前殿越明年丙戌春正月告成而後殿特爲重簷之制於是像設以嚴器具以飾而又華之以金碧塗之以丹漆緣之以貞砥

整之以堅甃計其費白銀爲兩後殿六百九十有奇前殿三百八十有奇皆出二僧之積眾所效助者特其間十之一二而已先是政旣經始後殿甫一期卽入滅禮乃嗣而成之前殿則禮之自所終始也政之爲人也修潔精練深契宗旨禮則敏悟超詣得其心印皆常愿主名山儀表羣眾爲一時所推重故於其宗法能知所取舍而成就卓立如此其偉信可謂有光於前有侈于後可以翊贊我國家億萬年無疆之休也二僧其賢矣哉余與二僧少相友老相契知之爲詳故爲之紀其顛末云耳

### 辭內弟唐廣之挽作文啟

效唐集卷十二

六

右某猥蒙賜簡命作策論判語者竊惟區區本非超卓之資又無積累之素粗通章句偶忝科名歲月侵尋學問荒落譬諸農夫治草耨不以時始旣憚受勤勞終必易致蕪穢徒知悔咎於旣往不能憤勵於將來況今煩暑鬱蒸心神困頓流汗浹背疑脂滿眸視簡冊如仇讐舉筆劄如芒刺間嘗累日縈心竟無一句可口用致拒命非故辭勞今藩司三年取士之期正閣下終身發軔之地似茲大事可無少裨兼之婚姻之交重以斯文之好情同飢渴深慚襪線之短才顏厚忸怩空羨椽杵之鉅筆低徊海過踉蹌不安幸垂海濱之洪涵曲貫涓涘之微譴在自處固知非宜揆人情孰云無罪但其發自



忠悃非欲巧於文茲抑且黷僧一事書傳寡聞歷詢多  
士遍檢羣籍何年何代孰創孰因其法制既不可詳則  
是非當何所執雖欲走筆無以立辭若夫判語之條當  
究律文之義尚俟幾日之燕閒或効數條於左右伏祈  
閱過愚言卽賜擲之廢篋無發雷霆之怒嘆詈是加或  
□水火之災毀裂隨至區區無任悚慄之至

與邵提學憲副思抑書

別五年矣往歲蒙手書存問病中稽於裁答又蒙惠下  
年書知感知感聞續得令子甚不凡四歲能背誦庸學  
足以繼書香矣可喜可喜又聞建議刪定羣書甚盛舉  
也何乃遂至中止近世才俊之士挾一長持一論便欲

效唐集卷十二

七

自立門戶傾軋儒先大非一五之法又有淫注之言淺  
易之辭長篇大什皆欲自鳴于時此正宋儒所謂更當  
燒毀一番者也但此任非公而明者不能了辨惟明則  
是非不謬惟公則好惡不偏又當集眾人之長方可成  
不刊之典幸卒申議而力成之無爲浮言所奪也予老  
矣尙當拭目以俟

與伯仲書

弟自去年二月拜違起程四月抵蜀九月改廣東參政  
今年三月到任自正德元年冬初進京二年過家赴蜀  
遇裁革而回三年又赴蜀四年又赴廣三數年間歷涉  
燕趙齊魯吳楚岷蜀交廣數萬里之程既險且遠水路

則洞庭鄱陽川江南海陸路則思播重夔高如登天峻  
如攢戟遠如望洋蓋天下之至險無不備嘗遍歷六十  
餘年新寒暑雨不能張蓋坐乘衰憊日臻眼昏頭白若  
與羣從燕會誠爲矐然一翁矣兒童將竊笑之良可慨  
夫第欲歸歸不得耳想我昆弟宴然家居榮辱不加利  
害不聞固足怡神保和康裕但恐爲酒所苦亦不免於  
斷喪耳弟歷任副使年深因不能阿附權貴僅轉一級  
本非美陞但自揣才力尙不能稱又何怨之有況衰老  
日侵不堪供職直宜避處山林以免尸素之罪行當圖  
之耳方今朝廷法度嚴明臣民畏敬我家子姪素多醜  
酒妄爲恐非美事直當改弦易轍重尋我祖宗純厚之  
風庶可保族宜家幸相與我戒飭之千萬弟守官守法  
兢兢業業一事不敢妄爲一錢不敢苟取不幸爲福建  
舊事罰米五百石皆出劉瑾之意此不附權貴之驗也  
在蜀居官半載俸錢不敷其用不免家中賣田幫貼誠  
出不得已也幸爲我圖之

效唐集卷十二

八

西軒效唐集錄卷之十二



西軒效唐集錄補遺

七言近體律詩

過臨平山

一聲山鳥催人起幾處佳賓作隊行  
直上山頭瞻北闕更於天際問滄瀛  
雲拖宿雨孤峯暝柳挾輕烟兩岸清  
欲共坡仙吹玉笛還從陸羽問安平

右詩一首見仁和縣志

泗水菴和邵端峯

絕頂清新遠物華一塵飛不到袈裟  
松高百丈穿雲出竹壓禪關帶月斜  
野鶴有時閒教子老梅無語自開花  
相逢莫問人間事紗帽籠頭且喫茶

西軒效唐集錄補遺

右詩一首見武林梵志







頤集

華

王



甲寅暴月疹民

真脩書屋校印



明史文苑傳

顧璘字華玉上元人弘治九年進士授廣平知縣擢南京吏部主事晉郎中正德四年出為開封知府數與鎮守太監廖堂王宏忤逮下錦衣獄謫全州知州秩滿遷台州知府歷浙江左布政使山西湖廣巡撫右副都御史所至有聲遷吏部右侍郎改工部董顯陵工畢遷南京刑部尚書罷歸年七十餘卒璘少負才名與何李相上下虛己好士如恐不及在浙慕孫太初一元不可得見道衣幅巾放舟湖上月下見小舟泊斷橋一僧一鶴一童子煮茗笑曰此必太初也移舟就之遂往還無間撫湖廣時愛王廷陳才欲見之廷陳不可偵廷陳狎游疾掩之廷陳避不得遂定交既歸構息園大治幸舍

目六

金陵書畫  
高氏校印

居客常滿從弟璵字英玉以河南副使歸居園側一小樓教授自給璘時時與客豪飲伎樂雜作呼璵璵終不赴其孤介如此初璘與同里陳沂王韋號金陵三俊其後寶應朱應登繼起稱四大家璘詩矩矱唐人以風調勝韋婉麗多致頗失纖弱沂與韋同調應登才思泉湧落筆千言然璘應登羽翼李夢陽而韋沂則頗持異論三人者仕宦皆不及璘陳沂字魯南正德中進士由庶吉士歷編修侍講出為江西參議最移山東參政以不附張孚敬桂萼改行太僕卿致仕王韋字欽佩父徽成化時給事中直諫有聲韋舉弘治中進士由庶吉士歷官太僕少卿子逢元亦能詩朱應登字升之弘治中進士歷雲南提學副使遷參政恃才傲物中飛語罷歸子

曰藩嘉靖間進士終九江知府能文章世其家南都自洪永初風雅未暢徐霖陳鐸金琮謝璫輩談藝正德時稍稍振起自璘主詞壇士大夫希風附塵厥道大彰許穀陳鳳璫子少南金大車大輿金鑾盛時泰陳芹之屬並從之游穀等皆里人鑿僑居客也僕真蔣山卿江都趙鶴亦與璘遙相應和沿及末造風流未歇云

申六

金陵書畫  
高氏校印



提要

臣等謹案浮湘集四卷山中集四卷憑几集五卷續集二卷息園存稿詩十四卷文九卷緩慟集一卷明顧璘撰璘有國寶新編已著錄是編乃其詩文全集浮湘集由開封府知府謫全州知州時作蔡羽序之山中集移病家居時作陳東序之憑几集憑几續集皆起官湖廣巡撫時作皇甫汸序之璘亦有自序息園存稿並刻于嘉靖戊戌詩稿陳大壯序之文稿鄧繼中序之附錄曰緩慟集官工部侍郎時哭其亡女之作璘自序之朱彝尊明詩綜稱其尙有歸田集今未見傳本不知佚否也明史文苑傳稱璘初與同里陳沂王章號金陵三傑後寶應朱應登繼起號四大

印六

金陵叢書  
一  
蔣氏校印

家然璘應登羽翼李夢陽而章沂則頗持異論又稱璘詩矩矱唐人以風調勝今觀其集遠挹晉安之波近騭信陽之乘在正嘉間固不失為第二流之首也乾隆 年 月 恭校上

總纂官 臣 紀昀 臣 陸錫熊 臣 孫士毅

總校官 臣 陸費墀

顧華玉集卷一

金陵叢書甲集之六

上元顧璘

浮湘集一詩

中思三首

戚戚歲云暮我行適滿湘兄弟持我泣父母淚縱橫云有薄  
 田疇卒歲具桑梁胡為去萬里骨肉相乖張踟躕訴父母兒  
 自懸家鄉舉事觸明憲置理竄南荒程期若星火不得少留  
 行勿復遠思念兄弟善持將吞聲出門問沈痛絕衷腸  
 白日匿西景扶桑復東輝歧路南以北往來更踐之人生百  
 年內賦命良不齊鳳凰翔九霄聞詔下來儀朝食丹山粟夕  
 飲天漢涯駕駘服鞭策山阪驅且馳驅馳豈遠惟所嗟意乖

甲六

一

金陵叢書  
顧氏校印

遠一為北山歎聽者心傷悲蒼天高無極悠悠當訴誰

南征上衡嶽長願望舊都日月光迴薄鍾陵鬱蒼梧朱鳳何  
 葳蕤竹實日摧蕪虎豹對我號梟鳴嗷嗷相呼我行迫日暮驚  
 馬忽旬旬戰兢傷心魂慄慄憂道途竭投主人舍脅息告勤  
 劬憐我客異縣攜我就大巫服我句漏砂佩我太乙符再拜  
 謝主人歸來始安居棄置勿復道多憂令人老

自龍江發舟至京口江水如鏡呈陳大魯南

海門東下大江平畫舸夷猶盡日程綠樹候過瓜步堰青山  
 背指石頭城離筵醉酒堪高枕獨客辭家慰遠行况有故人  
 同晚泊西津相引看潮生

金山寺

俯檻江心寺濤聲兩帶分天晴秋見海山潤午生雲短檝今  
 重到名泉昔有聞西風吹別酒斜日未成醺  
 雲霧空江水維舟陟翠岑坤靈開別島佛界淨空林巖洞攀  
 躋險魚龍窟宅深行逢黃葉下秋思轉蕭森

虎邱寺

遠遊訪名山虎邱得初陟溪門乍深隱石徑轉崔嵬陰壑注  
 鳴泉風林振疏葉巖僧解將引探古恣幽躡波沈貞孃魂灰  
 冷生公業傷哉劍池名祇見寒流漂醇酒呼干將千秋激豪  
 俠

石湖同陳亨父汎飲

浩渺石湖水泛舟宜素秋羣山側波下樹拂青天流白日光

甲六

二

金陵叢書  
顧氏校印

蕩蕩蛟龍互沈浮長風激簫鼓放歌銷人愁腸行愈透迤鶯  
 刀薦羣羞請君但酣飲歲月不我留越城空黃土范碑委榛  
 邱陵谷怕變易顧之增煩憂

呂翁南莊

漁樵三五戶恬淡自成村亂竹深藏宅平田近繞門松高巢  
 水鶴花老過河豚長醉豐年酒還思零雨恩

若溪同劉西安元瑞話舊並權至武陵港別去

念子若溪上孤舟遠過從去鄉身萬里對酒意千重歲計看  
 秋稼離心寄曉鐘柴荆期白首何日定行蹤

良晤殊方重交情晚歲深兩溪秋並權孤燭夜論心謔浪輸  
 肝膽飄蓬雙語音因悲辭骨肉轉憶向山林



峴山浮碧亭呈黃湖州子和

平湖短櫂鏡中來翠岫紅亭卷畫開霧樹散分洲渚斷雲峯  
橫帶海天迴登高共續黃花節藉草仍探白石杯傳道使君  
多暇日每攜賓從恣徘徊

西湖

羣山窈窕合豁爾開洪區澄波匯且廣苑在都城隅靈秀自  
天開臺觀絕世無虹橋蔭芳樹煙渚發紅蕖蘭橈鬪轉捷越  
女誇容姝蓮歌蕩人心揮金盛中廚靡靡卽歡宴豈遑顧菑  
畝但苦白日暮西風吹水枯  
游淨慈寺因訪孫山人一元

晨遊招提境愛此幽勝偏南山峙其後西湖漾其前華標凌

四六

三

金陵叢書  
蔣氏校印

波起遼關承岷懸修竹挺寒翠長松灑秋鮮豈唯會禪院亦  
以招靈仙吾生厭塵網久懷奉真詮刀圭脫相授情愛亦易  
捐攀援洪厓侶翱翔凌紫煙

孤山

孤山葱而鬱仰止林逋宅捨舟入荒蹊森森蔭松栢往代雲  
龍會夫子戢鴻翻泉變道已沈巢許心所獲豈無桃李顏寒  
梅自貞白皎皎空谷遺長愧櫻冕客西瞻岳王墳悽其暮煙

碧

靈隱寺  
水泛趣已綿山行路仍窈迤遞經層巒花宮冠林杪峭壁概  
微霄下映樓觀小崖傾樹孤撐亭遠泉重繚蕭條僧氣間肅

穆人聲怕來游屬秋暮蕉葉青嫋嫋入徑薰名香憩澗狎幽  
鳥顧瞻桃源幽捐佩苦不早寄言都城子來者一何少誅茅  
儻吾遂庶離寰中擾

飛來峰

靈峰自何來窾寄峙蒼鳳羽翻不肯飲時時欲飛動海雲結  
輪困嶮嶮互句控虛房綴懸峰橫梁亘垂棘巨靈苦雕削真  
宰資玩弄初臨側躬入稍深復軒洞陷危若浮槎瞰空疑覆  
甕窪深日影墮谷轉風馭送陰森絺衣寒躑躅芒履重班荆  
跌舊席剝苔紀新頌歸來眠不穩一夜勞譚夢

岳王墳

崔魏中興業浩蕩英雄才刺身誓日月驅甲鳴風雷艱哉朱

四六

四

金陵叢書  
蔣氏校印

仙鎖天地劃再開君王亦何意自捲旗旌回中原本吾土夷  
狄胡爲來家昏鬼賊嘯國破長城摧宰木空南向厓山益悲  
哀舉觴酬宿莽歌罷魂俱頹

桐廬江行寄汪僉憲一夔

曉發富春渚暮望桐廬宿江空寒水浮岸轉雲峯盡孤帆緜  
透迤霽景聊寓目渺渺沙際村浮煙靄叢木垂巖杞菊班覆  
龍禾黍熟茲方靜無虞生理見耕牧高賢泄行台敷政况清  
肅瞻爾鴻雁居幸脫豺虎毒浮憂正浩蕩且用慰心曲

嚴子陵祠

垂綸客去今千載猶見高臺對碧流幾戶蓬菲餘風種萬方  
戈甲一羊裘天空大澤星辰動露下秋山草木愁豈料平生

逃絃冤却遺名姓在鄉州

常山道中

旅况逢秋盡山行歎路除早來無野渡亂後少人家橋柳寒  
多實夫容晚自花愁雲黯無極腸斷楚天涯

迢遞常山道千巖落木風客程憂患裏秋色亂離中間俗嗟  
生理逢人說戰功傷心烏柏葉默默不禁紅

泊弋陽溪

孤帆逗何處殘月弋陽溪晚水澹相照寒鴉驚自啼遠遊慙  
薄養多病憶幽棲豈是懷榮祿來過楚水西

寄廣信朱太守亨之

南州腰笏始經年美政相傳過昔賢洞寇買牛捐帶劍野人

甲六

五

金陵叢書  
蔣氏校印

無吏索租錢霜前禾黍孤城雨月下弦詩萬井煙慙愧樗材  
亦何用皇恩又遣到湘川

雨中溪行雜詩

十日溪中舟格格響溪石孤蓬過鳴雨忽失沙上脊

暮雨寒溪急秋煙遠岫微扁舟衝浪去何日順潮歸

暮程投野嶺逆旅戀鄉人怕有金陵客逢舟借問頻

懸薄者誰室宛在水邊居停舟試借問高人或姓徐

秋容殊可悅客權且須遲霜葉飛紅雨煙岑抹黛眉

小舟亂如葉沈雅深淵中衝魚自飛起不敢驚蛟龍

盡知爲客惡還見別家多風雨空愁在山林奈晚何

楚天寒信遲况入小春月冉冉橫山煙青青綴林葉

遠客經時節孤舟積雨寒無心爭道路贏得夢魂安

滄波暮生靄渺渺釣船歸細雨寒簑重斜風並權稀

艱難傷物役澹泊愛舟居晚飯客遺酒夜燈兒讀書

雲斷兩聲歇水清天影流苦吟雙短鬢高枕一扁舟

山水行蹤美風霜歲序闌高堂遙送喜遊子且加餐

日暮爭渡喧天陰野風急孤客來何遲蕭蕭荷葉立

晚雲橫樹薄寒雨入簾微川淨魚堪數人間鷺不飛

過餘干

古城雲暝草蕭蕭廢井人稀畫寂寥三戶凋零傷舊楚百年

熙皞憶先朝江頭白骨烏鳶噪洞裏黃巾虎豹驕聞道將軍

饒戰略不應多壘逼蒼郊

四六

六

金陵叢書  
蔣氏校印

獨吟

湘浦孤舟玉露寒戍樓鳴鼓燭花殘青雲悵望孫宏閣白首

飄零子夏冠秋夢過家唯伏枕月華臨水獨憑欄參差欲就

淮南隱已見山中桂樹團

平川渺渺客愁生極浦丹楓映晚晴江水正連揚子渡離人

何賴楚詞聲天涯一郡空勞夢雲裏千峰不辨名長路樓遲

陽月盡繁霜搖落瘴煙清

戎馬中原鬢已華一麾迢遞向天涯荒城白屋猶征稅故國

青山更別家秋夢南歸江漢闊暮程西望斗牛斜扁舟獨宿

空灘冷野戍悲風急夜笳

章江留別李憲副獻吉屠少參文魁



惻惻傷遠別 瞻此清江流 悲風激長薄 浮雲隱重洲 去家邈  
千里 惘然增百憂 弭楫適洪都 果諧心所求 良友始邂逅 道  
言互慶酬 感歎風波事 委曲舟車謀 傾觴遠餞送 畢景情未  
休 嘉晤殊慰悅 旅泊何淹留

豫章江上逢方大參文玉

蕤鬢酒湛碧玉漿 雕盤難割黃金肪 故人停舟歡我飲 捲簾  
四座臨蒼茫 江山信美客抱豁 白日未午空疊觴 氣酣談劇  
增歎息 悲詞起舞舞江雲 黃憶昔先朝侍東署 冠簪濟濟朝明  
堂 芝蘭間館重交結 金玉藝苑騰文章 一朝風塵忽傾洞 故  
舊轉盼多凋傷 紛紜羣盜亂中土 丈夫負劍從戎行 與君相  
逢江水上 值予憔悴流南荒 贈子荆南玉練紙 相邀作賦廬

甲六

七

金陵叢書  
蔣氏校印

山陽騷懷 齷齪那能爾 明朝拂曙下瀟湘

臨江叢竹問虎

西林白日暮 溪上無村塢 牽夫倉皇啼入舟 憂叢鳩虎幾噉  
汝 艤舟側望白額猙 雙睛燿電對人怒 吁嗟爾虎太不武 近  
渚龍鬣肉碗 曷暇穴豺狼 飽而舞爾何 不往搏食之 顧來溪  
頭驚我小兒女 惜哉我無蛇弓 雕羽箭 一發斃爾 腊爲脯 嗚  
呼豫章猛士千百羣 安知無一李將軍

暮泛秀江

桂嶺望何極 孤舟行轉迷 秀江斜景裏 衡嶽亂雲西 宿雁衝  
帆起 哀猿傍客啼 多愁厭鄉夢 夜坐聽鳴雞

游梁方失意 適楚更悠悠 寒野牛羊夕 空江雁鷺秋 腐儒悲

末路幽興 狎扁舟 欲向桃花水 垂綸待白頭

路轉清江外 舟移錦石中 爪香分綠橘 目豔對丹楓 檢藥防

山瘴 陳詩叙國風 冒霜梳短髮 應愧鹿門翁

□□□江狹 風□□浪飛 漸看湘國□□□□□心□芳桂臨

波發遙岑 隔霧微開妝□紗女□笑競斜暉

蓬船依瀨 轉苑簾枕 肱眠急浪 鳴榔過危峰 就幕懸菱蒲 時

礙楫魚鯨 不論錢 自喜幽襟 洽渾忘物役 牽

嚴太史唯中東堂

新堂誅茅仍故墟 寒溪度郭鳴階除 春風入簾語巢燕 朝日

映戶坐看書 酒熟時來長□□山深□厭塵 中居詩筒獨驅

□□大塵壁 宛□雙銀魚

甲六

八

金陵叢書  
蔣氏校印

贈嚴太史

皇風振休 藻夫子播清芬 興洽山水際 心將賈宋羣 市朝思  
大隱 封域藉高文 講幄虛懷切 諸生待問頻 古稱兼善義 衆  
擬上公勳 莫學桐江叟 終身遠漢君

宣風館題壁和王大伯安

侯館哦詩 銷燭痕 地爐煮茗 惡溪渾 叩門乞火 有鄰父 打鼓  
報更 還近村 仲冬寂寂 野霜落 殘夜淒淒 山月昏 苦遭砧杵  
違相 晤獨憶 故園傷旅魂

涪溪

繫舟涪溪下 策杖登崇臺 欽峯古壁古 手撥蒼雲開 媯皇彩  
煙滅 遺此青瑤瑰 元公性奇崛 首發雕鏤災 靈光落台斗 照

耀衡湘限白日映寒野曠望江流迴山僧指陳迹故宅久已  
灰汗尊依然好飲者安在哉感歎惜形役長譚下崔嵬  
初至全州

跋涉既累月始聞及清湘長風捲舟幕忽見湘山蒼黃髮數  
老叟迎予具壺漿面色頗驚瘦艸際各踰踰拜起問生理輒  
言困兵荒云望使君至冀免溝壑殃我聞老叟言垂涕意傍  
徨比歲收梁宋兵戈劇流亡逮此越萬里民瘼乃同方憶昔  
始觀國徒行不齎糧皇輿非改轍惠澤恒汪洋閱茲豐儉故  
所罪吏非良噬膚遂及髓割肉救瘡瘍天高不能愬仰失日  
月光矧予既朽廢豈有仁風揚登途入城府惻惻心自傷  
答孟望之侍御時謫桂林郡博

甲六

九

金陵叢書  
蔣氏校印

燕臺對酒感離羣籠口移舟更失君萬里飄零同落葉孤城  
惆悵各停雲書迴桂水交情切人對星巖藻思芬遙想高齋  
長隱几應憐案牘日紛紜

積雪湘南無積雪是冬深尺

楚水浮煙斂湘山積雪晴瑤華垂古木素月滿寒城吏散公  
庭靜溪喧客權輕僕夫早嚴駕吾欲訪袁生

南雪舊稀見苦寒今乍逢空林愁虎豹積水喜魚龍瘴癘全  
寬客禎祥復慰農千山如削玉長望倚庭松

再答孟侍御期予入桂林之作

春風桂嶺憶同游臘雪湘江獨倚樓星漢依微天北極歲華  
搖落水東流山藏散吏衣冠懶雲掩荒城鼓角愁正月望君

驄馬色緜蘭亭正共淹留

除夕喜金曼甫至

天涯除夕倍淒然客舍逢君轉自憐瘴海風霜凋舊質荒城  
雞黍對新年來時問井人多換謫地音書雁少傳華胄正須  
揚藻業腐儒唯欲傍瓜田

同金曼甫飲兒嶼呈詩乃和之

聖世思柔遠孤臣敢愛身中年爲客倦寒夢到家頻道廢傷  
新歲顏衰愧故人鄉園今萬里梅蕊爲誰春

杜陵飄泊日驥子遠游身夜讀居家慣羈吟對客頻流年非

孺子鄉園有賢人桃李無貞性繁華祇競春

上元十二夜飲蔣方伯誠之第觀燈

甲六

十

金陵叢書  
蔣氏校印

日色漸落天宇澄月華灑灑東方升錦堂鳴鐘集嘉客玳筵  
珠履紛相承飲君天台沆瀣之玉醴觀君錢唐錯采之華燈  
佳辰高會感人意清歌繞梁樂何勝君家貴盛不可言於今  
海內稱德門公居岳牧領全蜀次公秉鈞調化元英雄想望  
見顏色愧我流落叨攀援歌牛枉側桓公聽棄馬虛傷田子  
魂青雲轆轤甘垂翅白日留連且舉樽公將整駕登西路予  
亦懷鄉欲歸去共惜相逢不可長他年一笑知何處

春日寄徐伯川兼東孟侍御

尋花東郭傍殘曛伐木空山動鳥羣高士難逢徐孺子故人  
猶戀孟嘗君虛疑髮髮經年老屢喜詩篇向客聞已辦盤飧  
開竹徑會須車馬駐江濱



浮湘集二

正月鄉飲賦一首

國典崇先訓禮飲及元辰鼓鐘閤宮間樂茲黃髮賓幃尊湛  
醕醴肴核旅百陳鹿鳴侑行爵獻拜敷皇仁緬彼虞周代養  
老敘彝倫執七躬饋饗天子屈其尊四海漸美俗負戴不及  
親蹇予負明謹具位牧斯民願慙唯風德何能冀興仁爰申  
孝弟義庶以詔邦人

湘山初游

湘國湘山天下稀青春幽覽歷巖扉雲疏列岫攢空起雨歇

日六

一

金陵叢書  
顧氏校印

新泉出樹飛石勢參差依酒案佛香清淨繞人衣南遷得就  
長歌地不用憑高歎未歸

春思

正月湘南春可憐李花如雪柳如煙殊鄉剩借芳菲節莫向  
東風惜酒錢

栗家渡頭春早齊柳侯祠下早鶯啼傍人莫笑山公醉請看  
城頭白日低

來時江草帶霜華忽往城南杏已花把酒對花如建業離人  
何事不思家

庭前古松高百尺屈膝迴姿如老龍我欲據牀還散髮簿書  
堆案不從容

弔宋刺史柳仲塗書院廢址

昔賢政多暇學道恒山居遺構儼像設流風激鄉閭時代屢  
遷易勝觀鞠爲墟居人伐嘉樹野火灰堂廡有作不肯述益  
歎今人疏始聞慕芳躅既來乃重覲指顧亭臺迹歎息經營  
初林澗有餘憤曲水但空渠誓將理荒穢心遠力不如焉哉  
同官客勿俾初願虛

送鮪孟侍御孟有歌罷無魚之句因嘲之

廣文今在桂林居徒壁曾無儋石儲我儼封筒遙送鮪君無  
彈缺更歌魚

春日磐石江上

歷歷春山色留人坐不歸花園空自發芳艸雉爭飛多病懷

甲六

二

金陵叢書  
顧氏校印

鄉切端居出郭稀塵官將白首無乃負漁磯

夜歸值雨

沈沈城郭近咫尺路行難靜夜千山雨長林二月寒石泉驚  
馬住野水濺衣殘未覩明蟾色何因厚土乾

郡圃桃花爲風雨所敗

寂寞山城二月闌桃花無數倚春寒可堪綽約風吹急更著  
離披雨打殘

遊龍巖

龍飛何日起蒼岑洞壑蜿蜒窟宅深玉乳垂花春不盡石田  
承雨畫長陰盤雲座古留仙迹流水聲寒淨客心擬約東風  
重載酒碧桃迷路恐難尋

題龍巖額有賦

蒼崖積鐵古中空若天開軒豁容萬夫竊山千丈迴不知寒  
泉水潺湲自何來向非神龍力山鬼空馳隕石田莽重疊上  
有仙人臺淋漓濕元氣玉黍長蓓蕾青春始來游桃花映樽  
鼎主人邀痛飲酣歌日西頽獨揮菁茅帚書破巖上苔巨靈  
拍掌笑大劫俱揚灰吾意在山水短長安計哉

寄西蜀郭僉憲魯瞻

長歌寒女素絲詩直道難逢郭泰機白口威名西蜀遠青雲  
朝省故人非身危獨洒瀟湘淚道拙空懷草木衣東望鄉關  
萬餘里歸心江漢轉依依

懷王車駕欽佩

落落王車駕門庭不可私官聯同故國離別已多時藝絕園  
棋賦情閒洗墨池唯應謝太傅風雨共幽期

懷陳文學魯南

金馬文章署斯人氣不羣玉塔今對策吐論動明君惜別錢  
唐水懷鄉桂嶺雲幾時書札到踪跡慰相聞

寄羅八廷尉質甫

萬里鄉園地音書望不來桃花三月暮客思轉悠哉江動虛  
龍樹春深鳳鳥臺時時一舟楫遙向夢中回

古意送蔣中丞撫贛州

戡戡衡山嶽與彼朱方尊洪濠判清濁屹與三光存曠觀眇  
六合秦華相弟昆培塿一拳石瑣細安足論寔予竄南粵始

獲窺巖岫窮高歷參非大觀驚心魂仰凌雲漢潤俯厭匡廬  
繁匪見東海若詎慰河伯源

騶虞舍利齒噬肉不戕生麒麟雖有足罔躡春草莖仁者貴  
物命重德靡淫刑中山放覽叟乃獲乘鈞衡斯映屠黔首傷  
哉國同傾茫茫楚粵會圭組羅百城春陽徹幽照草木咸敷  
榮但恐豺虎吼鴻雁靡時甯我願化咆哮允諧鸞鳳鳴毋遺  
溝壑下惻惻吞悲聲

直道易摧折烈士非阿親志義苟不達抱關甘隱淪往昔股  
肱宰吐哺接賢人所以風雲氣長隨龍虎身四岳舉明聖天  
下稱堯仁鮑公進仲父齊桓霸圖新聖朝理文化羣材登鳳  
麟東方列城士承風望車塵願公廣未照勿棄輿臺臣

甲六

四

飲柳山上

白日空山靜青春結駟來江橫羣水合野澗萬峰開柳子弦  
歌室章公射飲臺併餘芳艸色默默對銜杯

把酒高臺畔青山落案前飛花三月雨垂柳萬株煙勝地堪  
吾醉清風愧昔賢塵纓何處濯深澗有寒泉

春日湘江偶泛

春日湘江江水深春風蕩槳一開襟羣山夾浦青無盡芳樹  
搖波綠更沈細雨忽來霑客鬢啼鴉何事響前林長歌漫倒

清樽酒獨坐終傷異域心

下馬江亭入畫船綠波芳草媚陽天娟娟秀石垂蘿上泛泛  
輕鷗遠照前勝賞併催幽興發高辭空羨古人傳驅馳已負



深春月潦倒空悲謫宦年

首夏江上

萬里歸心倚釣絲空舟無伴獨吟時  
江涵遠樹沈沈淨岸隱  
高帆默默移白髮行藏愁對酒黃塵  
悲喜笑觀棋古來竹帛  
蒼天事唯有陶公老不疑

不見春花憶故鄉更愁炎月滯炎方  
柴門舊對滄江迥野服  
無如白苾涼海內形容猶道路天涯  
恩澤更農桑何時挂卻  
塵冠去散髮行歌與世忘

落日子規啼近林空江愁坐獨霑襟  
古人曠放豈復反壯歲  
飄寒遠寸心詔發金雞何日到夢投  
朱鳥萬峯深青魚白飯  
殊堪飽去國辭家自不禁

甲六

五

金陵叢書  
蔣氏校印

同海陽舒教諭登湘山絕頂因贈別

兀坐不快意起登湘山頭九疑崢嶸忽到眼  
洞庭湘浦遙爭  
流盤空蒼磴路險絕四月爽氣疑清秋  
濤波微茫指南海彷彿  
十二仙人樓欲行更止魂惕慄聲動河漢  
驚牽牛舒君好  
奇更豪宕攀援絕壁枝撐幽拂拭苔花坐  
崖石把酒長笑觀  
潮州下窺城郭彈丸小但聽兩耳風颺颺  
西瞻蒼梧弔虞舜  
滿江淚竹湘靈愁慰他孤墳竟誰是紛紛  
白草埋荒邱憶昔  
樓船下南粵連天雪甲橫戈矛祇今陵谷  
已非昔况乃楊僕  
諸王侯古今成敗等翻掌天地逆旅俱  
蜉蝣與君且醉蒼玉  
甌對面但喜莫復憂明朝解纜靈川水  
卻望湘山思舊游  
寄七第英玉登科

愛爾能文早吾家玉樹枝年居三十下名動九重知禮樂開

黃卷衣冠上赤墀泥金遙送喜萬里慰流離

茲晨金馬詔復爾映蓬門耕讀吾家業蒐羅聖主恩蜚騰才

豈之盛滿戒俱存莫向青雲上徒慙備册言

答孟望之

長憶孟夫子題詩過郡山舟楫春不到庭館晝長閒瘴海身

飄泊雲溪夢往還何時薜蘿月雙照逐臣顏

葡萄陰夏院急雨響深更醉裏忘鄉國天涯戀友朋高齋迴

夜爽虛閣殷灘聲無限幽居意懷君百感生

夏季試諸生作

朱炎啓長夏悅茲天宇新公庭幸休暇展席招儒紳羣材競

甲六

六

金陵叢書  
蔣氏校印

崇術揮毫各融神摛文析疑義吐氣干青冪皇皇宣尼業六

藉秘道真峻伏繼剛述龍躍思經綸窮達委天運所貴在一

身曹劉感初駕竟汨班馬塵斯意倘有獲要我於迷津

磐石崖下泛舟

磐石江頭景殊絕放舟幽興幾人同風飄鼓角晴波外雨洗

峯樹夕照中狼籍椰樽浮酒白清冷冰碗削瓜紅尋僧更訪

山腰閣半醉題詩峭壁東

羣峯積翠水縈迴仙舸分明畫裏來百丈澄潭搖草樹半空

盤磴見樓臺風流赤壁誰應繼潦倒滄洲晚未回聞道西疇

秋稼好不妨迂叟日銜杯

送舒教諭赴海陽

惟悴行吟地迳君意灑然同歌湘水曲何雷竹林邊待月收  
銀燭鳴簫轉畫船莫言春色盡長覺野情偏

荒郡少人事清筵時對君投壺驚洞鳥題石掃山雲暫喜編  
愁減俄聞去路分轉嗟塵世短離恨日紛紛

滄海潮陽郡青山刺史祠遺文真作者直道更吾師采藻懷  
明薦歌芹託盛時寥寥前聖統無使後生疑

次孟侍御酬何舍人仲默見寄之作  
京洛何平叔傳詩動我哀同時座上侶共向嶺南來暮笛梅

花落秋酣竹葉開相期不相見悵望碧梧臺  
秋懷三首

久客懷骨肉况爾臨秋風公餘開問館舉目驚衰桐附書南  
甲六

飛雁何時至江東  
秋風西北起浮雲終日低悲哉金天氣萬物慘以淒獨客對

湘峽中夜聞猿啼  
落葉隨去水颯風或停之風止且復流赴海終有時嗟我繫

此鄉鬱鬱無還期  
移疾

獨臥藜牀懶報衙古槐稀鳥似山家愁中不記秋深淺起看  
東園桂子花

山頭雨晴泉入池黑牽牛花開滿籬閉門三日簿書歇卻直  
遠人來問奇

藥裏蛛絲手自開湘簾搖浪動高齋吳僧獨在山中住也著

製裘問疾來

秋至一月暑仍酷西風急振庭梧飛白雨連山雲匝地滿城  
兒女覓秋衣

柳山諸詩  
靜觀亭

獨游秋山靜偃蹇羣松蒼田家穀新熟平郊散牛羊野艸搖  
賦色寒花淨孤芳悠然忽終日塵鞅聊相忘

詠歸亭  
愛此羣石秀披襟就清風羽觴泛迴澗不覺匏樽空醉歌幽

蘭曲行穿疏竹叢浴沂有遺叟俯仰將無同  
杏壇

漁父謾仲尼孤風遂辭楚誰留壇樹枝搖花映江渚明明虞  
夏謨白首困行旅臨河歌猗蘭千載復誰語

熙熙亭  
亭下澗水清亭上高雲浮魚鳥各有託遂此巖居幽慮澹已

忘遺鏡空復何求相期碧艸色共對蒼山秋  
俟賢亭

古人不可作高亭復誰俟緒衣供井稅寂寞循良事白日照  
閭閻憑高墜清淚春風雜花底何因見馴雉

登春臺

高臺倚青嶂下顧城郭間茅居散花竹雨餘春意閒相將理  
農務朝明暮來還寄言長民者弗使惠愛慳



仰高亭

緣雲陟盤磴俯見飛鳥存側身最高峰去天不盈尺星陳上  
皇宮風舉神仙烏長嘯落遺音沈沈洞庭碧

極高明亭

倚杖絕壁上烈風從空來蒼梧亘千里萬壑秋陰哀思將謁  
虞舜上歷金銀臺浮雲暗南極爲我須臾開

南淒然奉答

題詩慰我滿湘謫灑淚看君鶴外行悵望故山俱萬里苦吟  
秋月向孤城風摧羽翼青雲隔塵滿頭顛白髮生世事近來  
無所愛溪門春起欲歸耕

甲六

九

金陵叢書  
廣氏校印

曾搖彩筆歌天馬更借單車訪碧雞棧道西盤秦塞險漢池  
東壓楚宮低行臺日月無來信世路風波少定栖莫向空山  
求意苴馬援祠廟使人悽

宿靈家山僧居

夜宿招提舍秋雲冷石堂天河斜挂戶瀑水靜依牀疊嶺攀  
躋險虛空夢寐涼明朝登寶頂期與玩神光

游覆釜山諸詩乃無量主人成果地也

靈家山

灌木攢雲猿嘯悲崩崖截澗馬來遲眉老衲忘人世只取

朝山幾歲時

苦煉菴

竹裏流泉股地喧古堂猶是給孤園山廚覓水探龍穴石嶺  
尋蹊聽鳥言

七十二峰

七十二峰高下懸天梯雲棧互句連芒鞋竹杖空林裏一路  
行吟破暝煙

大峯

城中遙望碧氤氳擬是搖空一片雲來上峯頭看氣象分明  
平對玉宸君

小峯

天低石角雲長擁風掠巖腰樹半摧秋氣忽寒高隼避午陰  
將合老龍回

甲六

十

金陵叢書  
廣氏校印

定心橋

石壁上接浮雲齊下臨不測之迴谿道人來往渾閒事時有  
驚猿落樹啼

掃階竹

高巖短竹餘一尺纖葉裊裊青鸞毛空山無人月華冷西風  
滿地秋蕭瑟

神燈

是夜散見諸  
峯凡十二點

雲間疏焰冷光凝千古空門不盡燈一宿林中驚乍見卻留  
殘語付山僧

九日登柳山

佳節登臨感歲華蒼梧雲影向秋賒高空獨鶴翻風去返照

澄江抱郭斜南國音書催白雁東籬歸興倚黃花衰遲自愛  
茱萸酒瘴癘誰悲惹改車

湘山雜詩

古塔境

古塔已千載白骨為黃金寒燈耿不滅照見西來心

雲歸庵

松林有茆宇白雲往還來山僧愛雲好柴門夜長開

飛來石

誰騎蒼鸞來啄破苔花碧經年不歸去化作山頭石

甲亭

不信湘中好江山天下稀如何萬里客終歲澹忘歸

甲六

十一

金陵叢書  
蔣氏校印

卓錫泉

老禪卓錫處石上泉猶清紅塵不相染唯有蒼苔生

玉虹泉

一條寒泉色迤邐穿石下秋雨何處晴猶餘白虹挂

法華泉

寂寂空山深荒泉四時冷唯餘月明夜山猿弄孤影

立通洞

下窺杳無極仰觀白日微山人把火入照見石燕飛

獅巖

綠草斷行迹旬然石門開分明洞天裏不遇仙人回

露勝亭

高亭行處盡遠岫望中微日月開禪觀雲霞護客衣  
寄大梁賈道誠兼簡王左諸賢

不見賈生久天南空斷腸雅文清廟瑟儒術仲尼堂心事疏

鴻雁賢羅失鳳凰乾坤正瀕洞愁絕爾摧藏

秋至梁王苑何人賦最多傳書堪白首欹枕即黃河興憶登

臺飲悲憐擊筑歌無端洞庭渚終歲浩煙波

寄賀長史王景暘乃子登科

董傳儒流重韋郎世業新陳詩閉白晝學禮賦青春大府高

槐色皇都走馬塵比時金殿上直欲醉逸巡

湘中途榮老還金陵永甯寺

搖落三湘外經年愛爾來故人書總至異域眼俱開放逐憐

甲六

十一

金陵叢書  
蔣氏校印

親友悲歎向酒杯衲衣經兩暗橫笛伴秋哀試與尋風洞何

如對鳳臺寺幽詞客滿松古老師栽夢寐惟吾土羈縻愧不

才江山孤興減瘴癘暮顏催澧浦難捐佩龍門異曝鯉相看

移去權轉見脫塵埃煙水滔滔地隨緣易往迴

奉答喬衡州

荒城聞擊馬使者有題封尺牘驚文古緜袍感意濃霜清楚

澤水雲霽祝融峰咫尺神交地經年阻過從

甲戊除夕

南郡迎春律東風罷雪花毳衣辭冷節蓬髮受年華性僻為

邦簡身危去國除祗應與田父歸種故園瓜

堂吏封州印家兒獻歲盤春兼梅蕊淺與落酒杯寬瘴癘全



生足驅馳向晚難不遑將父母何以慰承歡  
嶺雪初消臘江泉已動春兩年遷客地萬里獨吟身黃鶴長  
垂翅蒼鷹不附人山林無限好猶自戀風塵  
細雨知冬盡催花故媚春瀟湘逢獻歲幽獨正愁人嶺海猶  
遷客乾坤有戰塵何時一尊酒相對白頭親  
湘江行寄孟侍御

逐臣遠繫湘江上散髮行歌日悲壯都門江水急東流靡宇  
山雲作炎瘴去年花發悲陽春今歲花開更泥人種瓜不及  
青門客懷橘空思白髮親少年意氣干雲起中路摧藏乃如  
此徒勞歎血走風塵不救折腰臨督史桂林夫子舊同心獻  
玉君門共陸沈千首楚歌猶跌宕一瓢顏巷自蕭森春風閉

甲六

十三

金陵叢書  
蔣氏校印

戶意何如遙遣嬌兒奉素書倘蒙大府明公檄莫惜荒城使  
者車

寄蔣中丞

山擁羅浮萬仞青水涵章貢混滄溟春深烏府文書簡白日  
垂簾誦五經

浮湘集三時

春夜歌立春夜試燈同張陳二進士飲後作

東郊春旗平且迴泰壇燈光夜復開太平天子運元極佳辰  
令節參差來湘南小臣復何有陽和亦到寒城柳巷陌羅旛  
挂玉釵樓臺畫燭臨朱牖家家夜坐吹笙竽對此忘卻居邊  
隅千金斗酒不愛惜五夜宴客同歡娛陳孟公張子房兩枝  
玉樹臨中堂高才八韻並傾座少年百步能穿楊駟馬初過  
桑梓里雙星更度銀河水日射金屏孔雀飛池開錦浪鴛鴦  
喜洗航酌君君莫辭人生難得似君時且趁春花欲爛熳與

甲六

金陵叢書  
顧氏校印

君終日醉如泥

相憶行寄魯南欽佩

金陵帝城行樂多在蕚獨奈春宵何樓臺壓空雲構麗通衢  
曲巷相盤佗城頭月起光如日萬戶華燈映街出風窗霧閣  
隱玲瓏寶馬香車意非一虎頭橋下是吾廬清夜邀賓樂有  
餘漏轉幾迴飄火樹酒酣千遍倒碑磔座中高客讓陳王風  
雅紛紜翰墨場學士爭觀杜陵賦尙書不怪孟公狂嗟予中  
路忽分飛戢羽湘江久未歸明朝客舍逢元夕獨坐思君淚  
滿衣

元夜

明月滿千門時清樂事繁酒香浮夜市花影裏春旛漏靜鳴

簫遠燈輝狹室溫苦吟酬節序飄泊任乾坤

春寒

燕寢文書靜春寒物候遲滿庭猶宿艸何日止黃鸝雲遠三  
華樹江深二女祠不須添細雨愁緒已如絲

東陳宋卿

頗怪陳無已尋詩日閉門空庭疏繫馬細雨負清尊節序過  
梅萼春陰積薜痕不嫌官舍冷燒燭對黃昏

東園分菊苗有作

解帶理荒圃及茲春雨餘叢菊被嘉澤芳苗鬱以舒伐根辨  
畝色間植周前除汲澗沃新壤秉鋤艾故苴匪惜勤意愛  
爾氣清殊秋華既幽靚夏葉亦扶疏鶴軒楹側頗慰陶潛

甲六

金陵叢書  
顧氏校印

居

湘南二月大雪戲作春雪歌

桂嶺長年冬鬱蒸湘江今歲積春冰北人飲酒歌黃竹愁殺

桃花與葛藤

二月雪花飛楚關渾如李白對燕山祗愁曉日融城濕詎惜

飛花胃髮斑

山郭桃花且未紅撲簷柳絮太匆匆山公久醉渾顛倒不記

湘南二月中

四野荒雲接地齊雪花如掌下寒溪招邀白鷺翩翩舞孤負

黃鸝卻卻啼

繞郭千峰玉作臺連林素纈盡妝梅同誰跨馬腰弓箭山口



盤旋射鹿來

南方食麥勝食土瓦礫不救饑腸苦今年春雪如隴西蒸餿

家家作端午

雪霽登湘山露勝亭

勝地意何限新晴還獨過眾山殘雪滿孤嶂烈風多浪迹留

巖壑幽襟到薜蘿俗塵休見染欲此問維摩

得徐伯雨太平書奉答

殘臘江門望使車新春忽枉麗江書嗟余已作三湘別念爾

那堪萬里餘絕域風煙居暫定深山官府事應疏絕憐雅興

耽詩律滿紙瓊瑤愧不如

贈周典膳

甲六

三

金陵叢書  
蔣氏校印

甯親西下馬蹄勞文采驚人一鳳毛南粵江山歸陸賈梁王

賓客羨枚舉薇堂祝壽花明酒風洞題詩月滿袍異域逢君

又傷別離心春水共滔滔

送張進士自全州成婚歸桂林

馬卿持節下江鄉鸞鏡新歡得孟光寶劍龍鱗橫北斗金屏

雀影照東牀九天禮樂周京盛三月煙花粵徵香采服即看

宜壽酒門楣還喜映巖廊

清明病中作

萬里清明節三年放逐臣已無花共照况有藥相親嶺微鏡

蒸霧江湖一病身聖朝容腐朽歸去老垂綸

偶題

道窮何歎拙身病始知衰座有青山對門無俗客來浮名消  
短髮雅興寄深杯頗笑劉伶輩沈冥負爾懷

臥病四首寄諸兄弟

南州瘴霧三年客西塞清江萬里家春斷蠶腸疏竹葉病移

衾枕失桃花英雄自分填溝壑魑魅空勞厲齒牙獨有蒼天

能料理底須醫卜浪矜誇

江漢滔滔繞上陽五龍京闕拱高皇輿圖四塞青山固陵寢

千秋翠柏長綺麗春風開畫陣鬱蔥佳氣護金湯蒼苔白石

青溪曲愛有巢由舊艸堂

細雨濃花思不禁春山何處獨登臨高鴻實寄傳書淚老馬

盧馳伏擬心肺病閉門聊穩睡窮愁抱膝且長吟閒情已逐

甲六

四

金陵叢書  
蔣氏校印

歸雲盡獨奈人間枳棘林

十月春陰樹葉齊午窗吟坐到雞棲歸期漫阻桃花水客淚

重霑燕子泥萬里弟兄空夢寐百年歧路向東西請看舍側

垂楊樹已映東橋舊釣溪

病中憶魯南欽佩

空齋高臥動經旬遠夢天涯憶故人典禮近聞劉向起草玄

猶祭子雲貧江樓積雨鳴長夜山郭餘花墜晚春人世幾何

將白髮年年誰恨獨傷神

寄文徵仲

儒林揮筆掩羣賢湖海傾心二十年藻鑑塵埃無伯樂規模

鄉國有顏淵黃花別淚臨湖水白雁鄉書斷楚天山館窮愁

欵枕日拭君圖畫轉淒然

遺懷絕句

月落猿啼苦風高虎氣腥山雷春送雪江霧夜藏星  
花豹金錢背文鵬蜀錦毛廚泉山寬細江稻水車高  
搖女招歌劇蠻郎步射強花環垂耳大竹弩挂腰長  
澗冷菖蒲翠山春躑躅紅草驚秋盡火樹厭夜深風  
夜靜雲生室春深水到門松高多繡頂關古自懸根  
野鮮蒼兕猛山鮓鷓鴣香市笋掃苞出倉禾帶把藏  
不忌巢鷓暮何悲杜宇春蛩催三月續雞報二更晨  
送陽春歌和陳宋卿

南風吹春辭九垓百舌怨訴黃鸝衰老夫臥病亦強起把酒

附六

五

金陵叢書  
蔣氏校印

勸花俱一杯我家舊住金陵曲開門正對梁王臺桃花盈蹊  
柳映地年年愛見春風來千金買鞍裝駿馬山高堆粟成新  
酷雲臺功名不足取富貴於我如蒿萊古人白骨穴螻蟻亦  
知王喬安在哉一從棄躑向湘水轅駒局促慙非才羈栖厭  
見春色至教兒刻卻東園梅縱有韶華滿郊藪弄花鬪草隨  
嬰孩青春爾今去勿爲吾徘徊衰吾今久矣吾視天地萬物  
眞浮埃

湘山寺同客作

一麾迢遞天南頭名山頗愜平生游日飽窗中列岫色更起  
策杖窮巖幽窈曲煙霞入空翠招邀不識神靈意自從竄逐  
得逍遙始歎風塵昔蒙昧升堂笑問無量師爾住青山今幾

時翻經願從弟子列洗鉢愧乏頭陀委誅茆小乞巖前地痛  
飲狂歌日來去聽法問看虎伏時懷鄉莫近猿啼處幽花細  
竹俱堪憐燒丹服藥期長年費公未啓王屋鼎華老謬語天  
池泉神仙渺茫竟難測古往今來豈終極但願道路風波平  
江上故園歸即得

楚歌二首

侍御李君師文傷余遠放爲楚歌二章遙寄全州予亦念  
君久廢沮焉會懷輒繼來響

靈森森兮焉窮下無極兮幽宮登岷峨兮遠望波龍鱗兮揚  
風赤鱗兮黃龍噴霧雨兮駢羅望子之駕兮伊邇交不緜兮  
奈何嗟予心兮東歸君不顧兮時依將以承兮巧笑揆皇道

甲六

六

金陵叢書  
蔣氏校印

兮虛非藻壁兮闕堂結桂枝兮芬芳羞離合兮有期聊容與

兮徜徉

右天吳

坎坎兮擊鼓望君山兮屢舞陳煩辭兮仰空眇夫君兮何所  
波四漫兮湯湯會百川兮同量津無梁兮不可以涉測地彌  
廣兮度天愈長駕闕橈兮楊桂旗飄風起兮又泊之浮余瓠  
兮水際理余佩兮川湄眾紛紜兮磔肥牛顧玄禮兮增余羞  
陟虛壇兮竝立徒終歲兮離憂

右洞庭君

和英玉覽柳山圖見寄之作

昔人弦誦地古木已如茲惠澤宛猶在池臺空爾爲棠花依



洞發蒨荔繞牆垂更埽蒼厓石新鑿水部詩

開英玉拜南京屯田主事戲寄

二月除書飛帝京屯田新注省郎名親庭鄉國總在眼把酒  
賦詩無限情三徑盤桓花歷亂九關開闔虎縱橫金門大隱  
無人識方朔應傳笑賈生

答喬衡州汝脩

傳道衡山郡棠花滿路春寂寥循吏傳將老見斯人玄髮丹  
青地孤標玉雪身平生傾倒意絕域爲誰親  
鮑叔元知我陶潛久悟非身經畏途老夢想故園歸失路露  
青眼餘生乞采衣相通知不遠長望岳雲飛  
寄內並示二兒

甲六

七

金陵叢書  
蔣氏校印

滿堂風雨燭花殘獨客思歸坐夜寒遙想故園當此夕畫樓

明月影團圓

小閣書聲夜漏稀東歸潘岳奉慈闈湘南山水雖云美不及  
橋陰舊釣磯

和英玉聞秋佳亭新移恨然作兼簡王禮部欽佩

秋佳亭子臨秋水伐木新移向近陂小徑有時迷客入長楊  
無數繞簷垂卽看野鷗春來喜莫怪羣鷗晚下疑寄語東鄰  
王禮部好攜尊酒數追隨

答李川甫

昔余牧大梁庠序多俊民峨冠列廣座雅論何彬彬思慕信  
陵義密爾巾交親輸心誓白日永懷越千春驚風西北起奄

忽暗流塵巾車一何迫泣別長河瀟生死忽乖隔淚下沾衣  
紳

南遷渡湘渚湘渚阻且深蛟魚凌波起駭浪如高岑巖巒仄  
無地草木多毒淫三歲柄絕域長恐逐幽沈鳴雁自北來脚  
書置庭陰開槭覽流藻乃是瀟湘吟薄俗昧交義貴賤異中  
襟與子絕會面庶以明遠心

楊僕賓東臯

路轉灘江曲林開逸士家避人成獨往隱几坐無譁舞鶴穿  
行徑游魚傍釣車時聞蕭史輩駐此共餐霞

江上送馬錦衣按事迴

貞士不可見淒涼飲冰言徒慙金吾使萬里馳轡軒馬君伏

甲六

八

金陵叢書  
蔣氏校印

波之子孫西觀銅柱迹猶存江上相逢多意氣高歌一曲下

湘沅

雅歌皇華詩送行傾玉卮薰風吹船下湘渚回首誰憐班竹  
枝君來安坐人莫窺判如南山何可移漢庭賈士雖無數四  
海偏誇張釋之

初聞望之量移汶上

逐客承優詔甯親得近居士恩天地大臣節死生餘魯邑雞  
初割長沙鷗已祛餘歡兼舊侶應免葬江魚

江上迎望之逆風舟不得進

兩年望君君不來渴心捲水生黃埃昨聞津吏報君至乘燭  
傳更夜無寐曉雨移樽江上迎南風吹船船倒行五里停篙

十里泊側聽鼓角前灣聲君乘畫舫蕩雙楫測壑下瀉灘流  
平眼中遲速亦復爾何況出處關人生萬事未須問會面安  
可輕與君月出共舟去山水湘南無限情  
江上感秋呈望之

昨日梧葉落今日蘋花開秋光向人不相貸客子感物令心  
哀三湘水澗高雲凝羣峯雨餘遊氣澄豈無清歡待爾至轉  
恐欲別愁難勝我留絕域更誰依君望家山只欲歸若到襄  
陽騎馬處閩人應理舊班衣  
共泛東潭餞望之

高人同野興移櫂水西東岸仄垂蘿古沙虛積蓼紅哀箏悽  
斷壑輕幘倚秋風更有浮萍感俱忘痛飲中

贈別望之兼寄諸相知十首

甲六

九

金陵叢書  
蔣氏校印

五嶺炎蒸地三年共謫居送君東魯去予意復何如大舶依  
流水歸心指故廬江門今夜月相對暫踟躕  
相逢殊不易相別且從容落日留羈鳥驚雷起臥龍獨吟江  
路永多難故情濃回首傷心地無勞望桂峯  
白髮倚門久清江催權頻榮枯知口澤瘴癘脫危津烏鳥心  
偏苦驛驢氣有神風煙千萬里愁殺未歸人  
何處瞻飛鳥秋風汶水波黃塵清市井明月照弦歌宓子非  
凡吏宣尼有四科平生霄漢意摧折未蹉跎  
直道台端謫清風嶺外還諸生依日月雅興發江山痛飲神  
逾爛哀歌鬢已斑看君置心迹渾在古人間

昔別空同子封書發豫章君今還汝水渠已客襄陽苦別交  
親老時名歲月長斯人常坎珂天意竟茫茫  
不見邊丞久於今更四年衡湘悲雁絕臺省駕駕遲屢夢攀  
稀叔無詩寄鄭虔經過問消息漂泊已華顛

舊遊紛雨散京國祗崔何東觀擿辭貴南天灑淚多雲深愁  
問信月好憶聯珂贈別留長句時時發醉歌

汶陽臨大道喜近超東曹竄地傳書數他鄉念我勞名高連  
秦嶽心遠折江濤擬共觀周禮無因接譽髦

吾生堪太息世路易浮沈物色悲遊子風波損壯心同人桂  
林少積水洞庭深渺渺傷神極還愁老欲侵

夏日雨中與客飲朱別駕宅

甲六

十

金陵叢書  
蔣氏校印

問館投壺白晝長燈林鳴雨送飛觴千山濕翠雲垂地萬壑  
平流水映堂塵世幾回逢酌瘴鄉三伏遂清涼休辭櫪馬  
喧東道愛對庭中短燭光

贈靖江王孫

大雅詩書志高情洞壑居風流宜鶴鬢雲氣繞鸞輿攜辭過  
梁宋召客得應徐投簪吾未老猶可曳長裾

紫閣投朱紱青山臥白雲鳳笙流秘曲鴻寶枕靈文近得臨  
邛客飄然思不羣詩傳占詞賦爲我洗塵氛

快哉行 七月十六日 癸二虎作

東方日出曉衙集壯士衝關突入背負猛虎手強弩短鐵  
稜稜血猶濕瑰文白額委中庭空閃金眸灑寒泣我嘉壯士



飲之酒拔劍剖羊髮仍立觀者如繡方笑呼殺聲落日喧城  
隅臥豪復提一虎至洞胸直貫長蛇及垂頭狼藉類黃天猛  
物失勢堪嗟吁快哉二害同日盡何啻並殛凶饕徒田家魁  
女開戶寢餘惠况及犬與猪可憐爾虎何太愚驚害自古遭  
神誅爾類好殺終亡疆胡不早走深巖居轉易猛性爲弱處  
爲民獻瑞登王都

月

秋月光如洗高臺夜轉寒江流鋪雪去松壁影龍蟠玉兔棲  
難穩蒼猿淚欲乾楚天多霧雨坐對判更闌

題張東海草書後

絕代風流遠名家草聖傳龍蛇餘萬紙鸞鳳吵孤窠俊拔歸

甲六

十一

金陵叢書  
蔣氏校印

張旭蕭條老鄭虔天南看舊帖三復歎前賢

輓李將軍

早窮黃石略遠佐伏波軍入幕推英選橫戈策壯勳驅馳仍  
白首特達且青雲逝水悲雄劍長星落古墳范增心未已李  
廣命何屯閱閱遺驃騎文章起鳳羣將門收藻色史閣播清  
芬偃蹇蓬蒿子那能百代聞

寄上司馬白巖喬公

北斗樞衡控上都南臺司馬握兵符河山地正乾坤位雨露  
春融造化醴分陝雅推周有道戍江應笑晉非圖朝廷白髮  
憂相倚寰海蒼生望已蘇幕府訂謨趨老將錦堂觴咏列文  
儒心當大任何曾動身致昇平得自娛謝墅賭棋花正好秦

淮吹笛月同孤王風仁聽歌麟趾公子振振見玉顛

甲六

十二

金陵叢書  
蔣氏校印

浮湘集四詩

詩餘附

將赴灌陽

累歲倦行役茲晨仍灌川路危纏嶺脊草盛隱人肩逐客窮  
愁地荒城大有年不才寬罪譴何以報皇天

入金盆山訪唐孝子

舊聞封股事今見結廬情篤行關風俗殘軀效死生秋原雙  
淚苦春艸寸心傾獨夜悲風切偏聞宰樹聲

秋日觀風地青山五馬莊荒廬依大塚烏鳥泣衰楊孝子人

倫重高賢世緒昌磨崖傳故事林壑借餘光

甲六

一

金陵叢書  
蔣氏校印

至灌陽平賦作

我聞黃虞民罔識官師名老翁被素髮壞歌如孩嬰季世廣  
法令民心始忡懼馬牛急租稅雞犬紛鬪爭茲邑苦窮僻曾  
嚙紆荒城謂云華胥國頗遂桃源畊咨諏逮幽隱轉痛閭閻  
情山深吏治猛里胥日縱橫執熱不以濯煎膏難及明府帖  
增新役賦籍何由平水枯網罟亂執使魚不驚投筆坐長歎  
淚下霑綬纓

中秋日學宮試諸生

宴坐中秋日雲晴灌水陽玉麟橫郭見文筆映波長隱几饒  
幽勝登堂總俊良英靈占萃聚神采愛舒張頗訝遺珠遠誰  
云古道荒多聞沾柳教妙悟近周鄉僻壤緣人勝儒紳貴志

強嗟予牽世網垂老覓亡羊

學舍見紫薇花

學宮古苔滿陰壁一株紫薇當戶新矜持幽意故遠俗點綴

秋光時近人

中秋縣署值雨

此夕中秋月他鄉兩圓度孤雲生夜翳萬象失秋妍雨氣饒  
侵客風期又隔年誰能攬明鏡爛熳挂青天

獨客佳辰思空山積雨愁縱能斟綠蟻何處望瓊樓巖桂蕭

蕭落江雲冉冉浮願餘吳地影聊破老親憂

華山對雨寄陳魯秋索畫

衆壑行雲遞有無灌潭秋影照人孤題詩寄向王摩詰乞寫

甲六

二

金陵叢書  
蔣氏校印

華山對雨圖

灌江見夫容因憶王禮部欽佩許予作此賦未至聊寄一首  
兩度湘江見爾開水清沙遠轉悠哉池頭舊日西風面正對  
東隣作賦才

聞灌人云有柳子厚遺跡因策馬往尋歷大源塘入仙源洞  
不得其處而返

柳侯昔放逐頗好山水事觀其著文詞動以喻來世逮今歲

月改陵谷莽遷異我行徂灌川聞有招隱地懷賢慰遐想弔

古積幽思塵館休吏衙秋原散游騎度嶺疲登頻涉溪苦沾

漬空潭激哀流古木墮餘翠窮搜盡陽景屢剔斷碑字豈無

會心觀往往悖圖志興盡且須返聊以展同致



尋山

曲坂凌虛度七盤仙源何處問三韓溪門古木蒼雲濕澗道  
疏花白雪寒短髮漫衝霜嫩老青山聊撥簿書看須知野興  
秋難禁莫怪巖陰日易殘

華山舜祠

隱隱蒼梧映開門滔滔江水抱山根羣峰獨捧重華廟天地  
誰言五嶽尊雲暗九疑迷葬地月明孤竹見啼痕長將澗藻  
修寅祀願就琴薰仰德溫

訪仙源洞得道人蔣馨故栖石題

水曲桃花暗靈巖信有僊蟲書留古洞鶴駕去何年白犬眠  
金竈蒼龍飲玉泉愧非嵇叔夜來此竟空旋

甲六

三

金陵叢書  
蔣氏校印

小泛得黃樓諸山之勝

不奈城中役重尋水上游秋光俱白舫山翠忽黃樓竹覆溪  
門淨雲藏石洞幽誅茆饒野意留語報沙鷗

遊通真巖與數子商作思柳亭

蕩舟緣西溪風物始虛爽忽得通真巖衆喜得奇賞石壁倒  
千仞洪濤激中廣通天貫靈竅雲氣恣來往玉髓墮陰滴蓮  
花抱煙長居然神仙窟所媿繫塵鞅緬懷柳愚溪千載寄幽  
想其人雖已歿精華尙星朗願言作新亭延此煙月黨今古  
兩悠悠江波日東響

出灌江峽

羣山高束灌江流雪浪清秋洒客舟古木倒垂雲上下亂灘

交瀉石沈浮猖狂阮籍窮途哭浩蕩王陽度坂愁料乏雲臺  
酬馬革願携霜鬢老狐邱

宿白水渡

積水吞寒瀨孤舟宿暮煙邀人壺蟻泛作賦燭花懸髮變風  
波境神驚四十年壯心空感激夜起拂龍泉

歸自灌陽望湘山口占

十日別湘山見如故人而何况石頭城是儂舊鄉縣

白露

白露淒淒原草具腓日月于邁載授我衣北山有堂江注其  
麓薄言出遊以寫心曲山木斑斕江雲差池樂以旨酒委蛇  
委蛇爾樵爾漁來往無怒爾農獲斯黍稷如岫芟芟守臣實

甲六

四

金陵叢書  
蔣氏校印

蹈百愆何以逭之曰維豐年豐年伊何維民之德民之頌之

天子之澤

寄葉澄

高士多異標驪駟隱奇骨拙匠味立理紛紛寫毛髮曹霸畫  
馬權奇高裴公之而飄二毛始知能事貴得意恥與形相論  
纖毫燕山葉子心目靈少年刻意工丹青閉門短衣日盤礴  
興起落筆通幽冥我謁南曹大司馬五嶽崢嶸走堂下煙霞  
耀目不敢前熟視乃知是君寫一滴瀟湘今幾秋思君不見  
增煩憂絕憐山水最奇處苦乏妙筆移滄洲覆釜峰湘江水  
世傳蓬壺無乃是我有長綃寄向君煩君寫入茅廬裏欲訪  
形容問吾子

磐石秋望

信美江山映郭西  
清秋緝客思  
淒淒黑波跳  
雨蛟龍鬪蒼峽  
摧雲虎豹啼  
萬里辭家饒  
白髮一邱歸  
臥有黃齋燼  
煙毒霧傷心地  
馬援何因到  
五溪

酬王欽佩見懷之作

長憶西隣海雪莊  
主人從宦日  
徜徉穿花跨馬  
趨東省  
劇筭烹魚上北堂  
靜室幽蘭無限意  
小山叢桂幾回芳  
天涯逐客歸期遠  
歲暮懷君枉斷腸

酬陳魯南見寄青溪看月之作

青溪明月引長吟  
湘浦寒雲滯客心  
歸思不堪楓葉盡  
故情俱向楚江深  
荒城寂歷山當戶  
舊葉凋零鵲繞林  
身世與君同未達  
却憐霜鬢映疏襟

甲六

五

金陵叢書  
蔣氏校印

同未達却憐霜鬢映疏襟

酬劉元瑞黃州見寄之作  
秋風旌節過黃州  
杪歲械書到嶺陬  
交誼死生歸氣概  
詞華今古接風流  
江翻荊口天齊落  
山轉滇南地半浮  
聞道柏臺多暇日  
况逢陶謝好同游

奉次司馬涇川張公打魚短歌

漁舟曉集澄江灣  
設柵布網如重關  
兩曹分張鼓齊發  
風雷簸蕩波濤間  
大魚踉蹌浮額鼻  
挺叉入水喧羣蠻  
小魚往往脫疏目  
獲少不怪陽侯慳  
割鮮藉藁總民力  
地利在予焉敢

匿載登鼎俎  
高羣公退食庶幾無  
赧色羨餘頗饜僕  
隸腹細瑣亦任漁人得  
堪歎結繩遺禍階  
物命公然恣人食  
南臺司

馬初辭官香杭細脰且加殮  
儻聞酒徹遺枯樹更借西江萬頃寬

對雪

山郭陰沈雪片稠  
凍雲重疊傍城樓  
風迴亂木飛花合  
夜靜寒窗素月流  
北望自誰旋地軸  
南遷今始問冬裘  
欲留蟻酒臨春賞  
正恐鶉衣徹夜愁

謝平樂張太守惠蓮花酒

暮冬雪寒風颼颼  
湘城凍雪甜如蜜  
傾杯欲飲復推去  
空對江山坐終日  
灑江太守神仙人  
雙鬢遠致蓮花春  
開軒曉起試三爵  
頓洗百斛胸中塵  
高歌梁甫曲脫卻  
淵明巾眼前萬事底  
須問且從爛醉陶吾真

甲六

六

金陵叢書  
蔣氏校印

丙子元日於郡齋作四十韻

南紀江潭遠東風  
節序移流年傷久客  
多病負明時稼穡功  
何補鶯花興匪宜  
嶺梅虛照眼江柳莫  
搖絲憶昔爲郎日承  
親樂在茲都城依  
斗極畫省綴雲司  
祿米供調膳家園奉  
杖藜間情潘岳賦  
燕喜魯人詩棣萼  
連庭發槐陰拂地垂  
書編長枕藉酒擘亦  
淋漓契合多良友  
招邀慰所思聲華傾  
座重清白寸心知  
松檜寒逾勁驂騮  
老不羈已堪徵道  
義况更得師資西  
漢才方盛東周夢  
豈衰立談期化理  
傾倒絕猜疑中路  
罹多難專城試一  
麾梁陳高賊壘河  
朔走征旗苦乏勤  
王略空懷報國私  
援枹臨矢石飲血  
撫鱗瘞僅免投豺  
虎方思伴鹿麋愚  
蒙仍觸法覆載本  
含慈斧鑕逃輕典  
丹青發朽姿



恩波猶五馬竄地異三危水鏡開城觀星躔壓地支國風饒  
比興民俗重畊犁桃水居人樂華胥帝載熙顏容山簡醉未  
釋賈生悲信美非吾土浮名已後期形容麟閣遠羽翼鷄圖  
卑即事驚華髮無階叩赤墀大懼惟菽水野性一茅茨納履  
思投足談經得解頤文章關不朽氣格許誰追能事輸前烈  
洪鈞貴自持陶鎔兼物類渾樸斷人爲郁郁希游夏勞勞去  
管伊行藏俱自得筋力豈空疲細雨衣襟淨深山臥起遲時  
尋老漁父同釣楚江涓

連陪諸公柳山春遊

湘州城北古堂幽十日春晴兩度游山畔數亭俱可醉林間  
孤洲亦銷憂巖巒氣色迎車發艸樹風光繞郭浮况與羣公

甲六

七

金陵叢書  
蔣氏校印

陪勝踐豈輸山簡習池頭

春雪初晴翔鳳樓春煙已颺賞花畔江山面面因亭勝物色  
年年賴酒酬異代風流如昨日幾人遷放得滄洲柳絲桃萼  
參差暖堂上疏簾漸可鈎

贈陳宋卿

落落青雲器天南一鳳麟詩書過目得孝友發情真舊笏傳  
華胄高詞見古人腐儒遷謫地幽抱爲誰新

以奇石獻涇川公辱報長歌輒答一首

湘西石洞涵香雲濕雲倒結蓮花青山童采斲送官舍風雨  
黑夜號山靈蟄龍驚雷聳頭角怒豸蹲巖猶撲朔崢嶸石柱  
高幾許眼底分明瞻華嶽簿書堆案煙霞愁塵顏齷齪真可

羞碧山學士負仙骨此物正合供幽求綠蒲朱草映澗漪淨  
几疏簾日詠詩不誇醒酒千金價獨翫通靈五色芝

悼李千騎

渭濱久寂莫何人應飛熊不識一丁字空持六鈞弓桓桓李  
將軍詩書浩填胸草檄鞍馬畔折衝尊俎中雖孤雲臺畫至  
今稱英雄

贈別陳宋卿

把酒天桃下飛花逐浪流湘江春二月無奈別離愁釣渚街  
沙岸書堂枕石邱明朝懷舊賞獨倚郡南樓

柳山石壁幽深涇川公每至坐臥其中余遂表爲司馬巖併  
記一詩

甲六

八

金陵叢書  
蔣氏校印

北山多幽蹤靈怪具茲石窈曲壺峰房巉巖老蛟脊寒泉界  
遙青煙蘿綴疏碧雲構儼成居神仙合來宅司馬真人輔  
世應帝謫稅駕歸故鄉徜徉此投迹草樹徵文章煙霞衛巾  
烏俯仰皆有餘動靜惟所適我願標嘉名大刻示無易盛美  
垂千秋留光照山澤

觀玉柱巖作丙子歲山民初登之

列炬窺玄府寧裳涉紫壇石田雲子白龍井玉漿寒巨棟垂  
千尺幽房隱百盤仙靈口幻化造物自雕刊異境今初開清  
遊午未還爛柯如有遇何用戀塵寰

辯蛤和涇川公

漁海窮瀟沈獵山歷哈衍生人胡多勞養此六六牙聖哲著



禮經細不遺蠹蛙食不染指因以傾厥家末俗貴珍異載  
籍紛喧譁美哉爾石蛤奚免網與又黃鵠終見炙安可矜高  
遐修脛雪長荇腴中剖團瓜烹以寔下豆亦慰賓筵嘉南荒  
盛蟲族大者誰與蟻瑣細及百種射影兼含沙食者苦歐泄  
傷者困瘡痍例舉混美惡頗笑昌黎差幸蒙七節賞重以褒  
辭加河豚自此賤况復論魚蝦

辱涇川公惠詩談止足之分奉答三章

汎覽前古思盡然增中酸賢聖困胼胝點俠炙人肝門雀歎  
貴賤市犬驚悲懼是非亂無定千載勞鉛丹徒令腐儒輩怒  
髮時衝冠璘也生最晚履道漸孤寒南遷濟湘水始涉橫渠  
壇玄功無棄物朽質蒙雕刊孤羈戀恩義逆境知憂患鷓鴣

甲六

九

金陵雜音  
唐氏校印

自云微輩飽鼠壤殘營營飛蛾翼竟爲烈火燔近枉大雅什  
益聞達生言如病居膏肓得投俞扁丸波濤息中境魂夢寂  
以安竭聞青春盡期詣西園觀試遙携林中奕洗花間盤斯  
游漫成阻後約良匪難蒲輪頗安穩何必憂軒

涇公鼎鼐器一德調鹹酸委身奉明主即事怕披肝雲龍際  
嘉會魚水投至權秉笏四十載寸衷晚逾丹班馬記言筆房  
杜進賢冠所至見挺直凜凜奸諛寒竭來守留京建節上將  
壇軍容一時肅政憲隨手刊遂令鴻雁居悉遠豺狼患翻然  
憶尊鱸匪謂殘秋殘叩闈累十疏纓冕去自燔止足不殆辱  
永懷伯陽言迴駕大勇決何雷如轉丸至今四海心忽忽憂  
危安嗟予愧河伯謬向東海觀時霑勺水益已足盈盃盤曲

士束小教語大固所難且願侍函丈日聽歌  
食桂亦足辛食梅亦足酸至味貴適口安用  
怪異旁觀損人權揚雄抱清靜車穀惡朱丹  
靦簪小冠有名映千古何必論飢寒赫赫衛  
壇出師燕然北功成竟鐫刊高明鬼所瞰竟  
豈不高飄風自見殘象齒徒云長厥身因以  
功德與立言富貴真小物一擲輕彈丸賢哉  
以安戒酒雖短章齊物因大觀巨細罔玷缺  
朗惟日月自卑仰彌難發蒙及小子志意谿  
晚庭納涼作五平詩呈涇川公  
林風搖高梧山雲飄秋霖飛泉搖城西聲垂

日六

十

涼宵端居清人心齊紈停輕揮絺衣開疏襟  
然流餘音琴絲煩空彈壺漿慵孤斟檀煙生  
沈高歌昌黎詩千秋期追尋  
和涇川公納涼以五平屬上去入聲作三詩  
煩心如枯魚展轉思斗水涼颺從西來猛雨  
軒看返酒已滿几青松披鮮雲野景晚轉美  
韓擬稿李誰懷逢秋悲且展解暑喜涇川神  
比新辭敷煙霞縹渺起短紙  
勞勞南州符詎遂閉戶臥休衙經旬居茂樹  
蓬飄世事付甌破民憂瘡彌深歲序夢易過  
權見萬箇長風驅洪波聚散互蕩簸高人洗



和陽城何其愚計駕奏下課

蓬萊從靈仙絕粒食白石何如臨清秋忽釋觸熱厄江風翻  
雲濤泱沫雪一尺疏篁搖涼颺隔屋葉撼撼清冷留侯居月  
閣闌七夕陶情時開尊博劇或設奕伊余嬰離憂契闊薄物  
役公母懷南征卒乞別北客

八月一日舟下灘江風時赴場

雲間千壑瀉灘川日下孤帆出曉煙萬里行蹤始安嶺九秋  
晴望汎寥天江山故作殊方色道路今酬逐客緣風洞星巖  
應可到還家贏取故人憐

興安陡江口號

江擘山頭出舟騎石背行問君緣箇事辛苦作南征

日六

十一

金陵叢書  
蔣氏校印

試院呈同事陶判府

歸心遙下楚江東塵鞅猶牽粵嶽中與在山林如倦鳥老持  
文墨愧雕蟲流光坐數經簪日秋思爭隨落葉風下有多情  
陶判府雅吟高論與誰同  
夜遊韶音洞同徐蕭二君

重華昔南狩乘雲蒼梧岑玄德被千載山川渺崇深伊誰慕  
遺迹號此空江潯坤靈啓虛寶孤嶂叢森南風從中來鏘  
然協韶音上有孤鳳皇揚采儀青林遊覽值初夜盤桓劇幽  
尋二子興不淺高調五絃唵榜舟涉水府乘燭躋嶽崑依微  
歷石逕寒露清人襟照壁頌古文蟲書黯消沈感之歎陵谷  
濁酒聊共斟賦詩亦何謂祇以昭遐心

北觀將歸呈涇公

紫微高拱五雲端清夜焚香正北看幸履階墀瞻日月敢辭  
舟楫犯波瀾江湖自笑虞翻老故舊誰憐范叔寒臥病山城  
長閉閣臨政空惜歲華闌  
奉和總制陳公江西平賊詩

柏府勳名陳兩京淮西還仗白旄行登壇氣色無羣盜報國  
謨謀有太平萬壑鼓鞞聲震疊五營刁斗令分明紛紛驍將  
皆兒戲豈識轅門節制兵  
春風花發楚江西犁鼻峯陰罷鼓鞞已見妖狐青塚血不辭  
歸馬錦障泥東溟倒洗羣方淨北斗高懸萬象低為喜洪鈞  
開泰運廟謨仍報定燕齊

申六

十一

金陵叢書  
蔣氏校印

南國同歌時雨施丈人威德稱行師風雲氣勝旌旗轉日月  
功高帶礪垂金馬史臣爭點筆杜陵詞客莫憂時衣冠不改  
先朝樂長捧龍光集鳳池

白扇間麾野鷺翎前軍佳氣貫台星班超虎食无殊相呂望  
鷹揚獨幕齡忠蓋回天通太白英雄於寶勝空青從來康濟  
關吾道莫嘆頻年轍未停

海嶽分明屬吐吞太阿聊爾試盤根江湖盡轉澄清色豺虎  
潛露肅殺恩凱奏金笳翻舊山功銘銅柱勒新痕遙聞獻賦  
龍樓下赤羽雕戈麗五門

登石鼓書院合江亭

滾滾雙流合稜稜獨渚高亭臺含氣色城郭俯波濤望嶽川

途迥懷賢意緒勞江風吹客髮秋思兩蕭騷

長沙阻風呈陸郡伯良弼

五月長沙浦顛風滯客舟江神吁可怪地主幸堪留鄉夢搖  
鏡影間情倚釣鈎若無文酒樂何以慰羈愁

謁岳麓書院

瞻彼衡嶽麓松柏何青青蒼雲被曾阜石室延空冥朱張命  
世儒潛茲考遺經悠悠過化迹仰止猶華星蹇予泊湘渚風  
濤限揚舲挂帆決所濟杖策臨幽局薰香謁虛位周覽循階  
庭物色信多美山川鬱鍾靈後賢力紹述堂構遞經營羣植  
擬孔林曲池方闌亭既云備遊息亦以居高明茲方盛才彥  
禮樂遵儀型精修詣闕奧庶續千秋盟毋爲汨塵土永以羞

甲六

十三

金陵叢書  
蔣氏校印

彫垞

詩餘附

一叢花

湘南見池上梅花作二首

東風花發小池邊移種是何年江南舊日看花處更回首多

少山川聊折一枝瓦瓶斜插惆悵早春天

凌波何處見銖衣池畔月明時春風莫作顛狂態好堪耐孺

雪葳蕤樓上笛殘隴頭書遠人在楚雲西

采桑子

甲戌正月十三夜風雨作

華燈光射銀屏影鬪起春光月轉迴廊羅綺風飄滿路香

金陵自古豪華地不似殊方堪笑潘郎流落天涯獨舉觴

春城簫鼓無端鬧說近元宵華燭高燒偏對良辰更寂寥

摸魚兒  
斜風細雨敲窗戶又送蕭條愁病無聊何日行詞白下橋

春寒作

向小園花叢飛數蝶快惱又飄輕雪倚畫欄獨望湘山影縹  
緲半峰殘月風料峭羅袂生寒默默愁難說家鄉萬里想綠  
艸池塘碧桃院落更自傷離別柔情結看湘娥舊恨斑斑竹  
上離滅問東皇何日金烏撲帳春雲熱扁舟獨自歸去高  
堂菽水同懽悅斑衣笑舞再莫道中朝絳袍金印門前建旌  
節

甲六

十四

金陵叢書  
蔣氏校印

訴衷情

桂林徐伯川屢約不至有詞見寄作此答之

瑤箋新調寫烏絲字字說相思傳聞幾度來也又盼過落花

時停畫舫駐金羈枉參差干天何事伏雨闌風故誤佳期

念奴嬌

湘山懷古

振衣律光洗長空初過一天新雨萬壑千峰爭聳秀猶有微

雲吞吐撲地悶閣橫江城郭總是間塵土寺前松檜讓渠曾

見今古漫說衡嶽巡遊鬱林開拓身後還誰主淚竹斑斑

空洒血玉簫而今何處水底靈均江邊刺史蔓艸埋荒宇舉

觴浮白竟須爛醉休語



跋

詩也者志之徵也志蘊諸中而言出焉言之不足形諸歌詠而詩成焉是故之其所樂而暢如也之其所戚而悽如也之其所思而忒如也之其所激而憤如也之其所困而鬱如也雖言以材達人以代更而述有顯晦情有慘舒各隨所之焉君子遡辭以審音揆衷以度德作者之志可窺矣吾師東橋顧公以直道忤權奸謫刺全州感時觸興一寓于詩題曰浮湘藥記其地也愚嘗受而卒業焉其氣隱鬱而弗舒其辭冲寂而勿華其調悲楚而弗耀其憂心之存乎其抱濟世之志而弗獲伸矣乎是故以恤民隱以敦禮教以尊遺經以詠皇澤以表懿風其經綸之蘊不得大行於天下而思試於一方

甲六

金陵叢書  
蔣氏校印

有遺憂者矣夫君子之得志也雍雍衍衍如將有獲非其達之謂也幸其道之行焉爾其不得志也遑遑奕奕如將不勝非其窮之謂也憂其道之廢焉爾道行則澤溥道廢則民殃君子每用情焉昔少陵之志自比稷契而憂國憂民雖一飯而不忘託之聲詩邈焉寡儔匪辭則工志所寓也讀公之詩而不知其志非知言者也公今歷官御史中丞階則崇矣而卒不獲大伸其志諸門下士乃請是集梓行之其有感焉乎哉烏乎後之尙友于公而求其志者將于是乎有徵矣江左金大車撰

序

東嘗讀書至於喜起之謂詩至於考槃之什然後見古昔之所以盛也當是時賢人君子散處于四方皆有道德文章以悅澤其心而和其聲音是以在草野則絃歌雅頌而賁之邱園在朝廷則廣歌諷詠以宣之廊廟而被之黎庶進有所休顯而退無所憂戚非以其本諸身者有此具哉晚近世則不然士成決性以狗事棄文而任法其用之則躓其不用則困其施諸言也蓄縮耗矣乃東橋先生躬淵朗之上姿具斧藻之休德龍驤虎變起聲于孝皇帝右文之朝卓爾大雅輝光邦家宏振風騷冠領儒詰入內出外凡三十餘年間海內搢紳之士飭廉隅者師其致執簡書者問其政懷鉛筆者習其

甲六

金陵叢書  
蔣氏校印

詞先生之風軌斯已宏遠矣爾其歸休山中返吾初服飲清流而澹思臥菅茨以適性混心齊物與化游衍豈知物外之囂泮哉是以高情屬之天雲英聲振之金石興象既超詞旨斯妙譬則風泉激于幽牝霞采散于層穹無資意慮聲色自神也嘉靖丁酉有詔起公於山中節鎮全楚之地聲訓所流湘湖震蕩束與在觀聽之末既幸得祗承憲度又盡得山中之作而觀之讀以卒業斂容而歎曰美哉道德之言至矣先生方以華髮舊德為時巨宗行將光贊大猷被飾一代之典後世有述焉若乃視冲邈之逸軌表清和之正聲用以理俗陶情節度流競則斯集之傳又烏可已哉嘉靖十七年戊戌夏五月湖廣按察司僉事鄧陳東序

山中集一詩

初至山中

揚子妙執戟龐公息巖阿所志既匪同仕隱乃殊科  
 寔余究墳素弱冠挂賢羅一往四十年功鮮憂患多  
 竭來返初服城郭困經過  
 暎茲空山曲聞寂惠微疴喬松周四厓嘉穀被前  
 坡鳴禽戲叢篠遊魚泳清波塵氛一以遠形神稍相和  
 况有舊田廬假仰可婆娑疏食苟無恙永言憩煙蘿

新理松塢草堂

家世本吳趨明代徙東楚  
 履勤傳素業轉展力田畝  
 逮余薄

甲六

三

金陵叢書  
蔣氏校印

劣資懷筆干斗釜  
 鷓鴣翼希鷗圖搶榆唯自苦  
 眇哉竹帛心仰負三聖  
 主解龜返田園荒涼舊茅宇  
 羸軀倦城邑衰志慕林藪  
 伐木理榱棟荷杵築環堵  
 苟完棲故書所重守先墓  
 巖嶧倏生姿卉木成就序  
 流雲暢疏襟清風待揮麈  
 但恐尼父譏垂老學農圃

松塢草堂新成雜興十二首

空山卜築敢辭煩城郭逢迎  
 太近喧老病移家唯藥物  
 野人乘興自邱樊頻來白鶴  
 如求友舊種青松好護垣  
 已辦鹿車供出入竹林多類  
 辟疆園野日遲遲陰更晴  
 山人睡起絮袍輕松梢宿露  
 因風墮艸際浮雲傍水生一  
 壑無多堪獨往百年強半復  
 何營神仙服食

長相誤不及清尊對客傾

山畔堂成祇自憐憑高送目慰餘年江橫木末風帆轉寺隱

峯西午磬傳野興黃綠雙短屐齋居顛倒一青氍嘉賓莫爲

憂岑寂湖溜園禽盡管絃

何代新亭動客悲皇都高拱控華夷梁陳割據今誰數王謝

風流空爾爲王氣接連天北極江流襟帶海東淮平岡極目

烟霄迥鴻鵠冥冥信所之地近古

投簪本意弄斑衣痛哭郊原萬事非立壤遺封空石馬白頭

殘喘尙荆扉乾坤有恨身同盡五十無聞願已違細雨山前

新草長寸心何以報春暉堂在先

牛峰東南高觸天大石小石西蒼然疏簾對影烏皮几濁酒

甲六

四

金陵叢書  
蔣氏校印

閒吟白雪篇六代英雄埋野草一川花柳媚江煙無端人世

升沈事莫近山翁醉舞邊

衰年多病自宜休避地棲巖事事幽風檻落花催釀酒雨窗

啼鳥喚梳頭柴桑剩著陶元亮歎段何孤馬少遊野衲村翁

俱接近茗杯香篆足淹留

萬峰雲氣入高齋谷口冥冥細雨來實喜芳春能潤物虛疑

殘臘早聞雷誰家健犢臨田出無數寒鴉繞樹哀已約新晴

扶杖去東風留綻野塘梅

茅廬寂寂倚雙峰懶散無心擬臥龍階下水流分細澗簷前

雲宿擁高松何願獨有談禪癖阮籍偏于作吏慵早識人間

行路惡肯因書劍誤明農



郭外新移野老家舊書猶載兩牛車樽空北海虛耽酒地薄  
東陵漫種瓜小徑衝門分野竹短籬臨水透淡花優游行樂  
元無盡落魄浮生詎有涯

五嶽殊方誰竟游誅茅吾自愛吾邱林巒歷歷羅窗戶竹樹  
蕭蕭擁道周梁燕每驚春夢破野雲能伴醉鄉留欲看明月  
生秋海指點東巖架石樓

手種桃花傍短牆老人殊自愛年芳風晴數蝶穿紅蕊日出  
孤鶯囀綠楊薄飯時兼芝菌味春衣猶帶薜蘿香前朝戴聖  
知何處芳草還生麋鹿場舊名戴村聖

種柳  
桓公居漢南觀樹感搖落而我瀕衰年甫植數枝弱來者方

甲六

五

金陵叢書  
蔣氏校印

無窮何必在身樂

移松

小松擢新莖春雨欣初移從今速何日始見虬龍姿峨峨棟  
梁具念此乃知奇

引湖

山湖新雨溢黃流浩縱橫晨興事疏引下漚方池清物理各  
有因匪人曷由成

洗竹

林竹有佳色蔽翳空山阿一爲伐榛莽遂露青瑤柯幽懷寡  
相契落日聊行歌

落梅篇

金陵野老樓空山肺病養恬長閉關端居十日阻春雨梅花  
零落谿山間老幹橫烟慘難訴殘英覆地嗟誰數蜂黏香粉  
下蒼苔鳥啄瑤瑤苑黃土城中看花長恨遲來時池水含冰  
漸冷蕊猶封去年雪韶華未動新春枝準擬入山開病眼一  
日繞花千百轉釀酒相邀友朋至插籬苦避兒童翦邱壑蕭  
條還自愛榮華飄落那相待始知春厭衰病人轉覺天厚雄  
豪輩君不見五侯七貴開名園梅花當春如雪繁和風麗日  
依期至玉笛銀箏對酒喧開時令鼓催青陽飛處仙娥點靚  
妝花將地主相矜盛人助花神剩鬪狂物性隨人異哀樂我  
心與爾甘寂寞且尋世外逍遙遊開落榮枯付冥漠

夜雨

甲六

六

金陵叢書  
蔣氏校印

夜雨臥山齋山空百泉響飛嵐度虛檻孤燈暖幽幌餘花愁  
盡落細草忻初長春夢莽纏綿獨繞邱原上

晨起新霽

朝日出松際幽禽語窗間盥櫛事從緩行坐意彌閒方沼水  
新綠曲欄苔舊斑林風會人意遠送孤雲還

復雨

新晴動方起復雨靜更嘉反關向幽室焚香誦楞伽白日隱  
重雲青松坐羣鴉明晦齊一觀嗒爾何咨嗟

對雨

密密春林雨沈沈晝日雲陰陽隨氣序膏澤自吾君積水鷗  
鳧下條風草木欣殘軀勝未耜何敢廢耕耘

山迴雷聲近春深節氣殊江天雲霧濕林壑畫屏紆鳥困投  
簷隙溪狂掠坐隅老夫不出戶無意問泥塗  
春睡起何遲菲廚濕未炊竹梢欹拂水花片舞過籬老病消  
浮念迂疏冷舊知獨憐山郭雨能與靜相期

宗伯嚴公枉駕草堂惠詩因謝

寂寞山人宅能勞長者尋烹葵同薄飯刻竹高動吟艸藉星

辰履雲諧鸞鶴心寄言泉石畔曾見幾華簪

遣興和三弟舜玉

三月餘寒散縵袍夕陽行藥過東阜金花抱兩松枝重紫簪  
穿雲竹筍高遠躡煙霞逃世網細吟花月調朋曹春來病骨  
殊輕健盡日登山未覺勞

甲六

七

金陵叢書  
蔣氏校印

幽居和徐禹亮

弱雲橫路颯游絲春去山花不自知門巷草深玄鹿乳池塘  
煙暝白鷗儂風鳴竹嶼寒瀟洒日照荷衣翠陸離多病邇來  
人事減深巖高臥復何爲

苦瘍出息東郊田舍

東郊久不至偃蹇廢田作新桃堪繫馬舊樹已巢鵲兒童詫  
相問黃犬吠頗惡自緣客鬢改敢怪爾輩錯吾生知有涯塵  
鞅苦自縛每云遺冠裳乃復戀城郭瘡瘍非我災相邀就林  
壑心源儻以靜口味日應薄循畦摘嘉蔬披草采靈藥患去  
四體輕塵遠六根脫溪流日洗耳保此長寂寞  
明月入我懷照見牀頭書攬之起坐讀冥心向黃虞君王既

神聖黎庶儼如愚禮樂少虛文法令頗寬舒民力盡耕鑿暇  
乃事畋漁生無凍餒苦死也何羨餘浩蕩宇宙間衆散任所  
如周公太多事六典過肥梳遂令斯鞅輩展轉生蟲蛆燎原  
日以甚伊誰之過歟

幽居十二詠和魯甫

煮茗

爲有餘醒在還牽睡思繁汲泉敲石火先試小龍團

焚香

煙生沈水細火宿博山溫鼻觀自相媚無勞矜返魂

洗硯

舊汗滌乃去新美淨乃留清池水側與爾勤交修

甲六

八

金陵叢書  
蔣氏校印

檢書

眼迷四庫籍手倦三絕編願尋囊駝傳送此龍鍾年

掃徑

清心唯素月滿意祇蒼苔落葉時相妬那能不掃開

捲幔

每報庭花發煩余捲幔看東風先會意吹搭小闌干

移榻

花開前後圃月照東西簷總爲憐花月移牀不自嫌

拭几

游塵彼何物暗我淨几光拂拭誠多勞憎愛各有常

養蒲



芳根惡浮塵，纖葉愛澄露。宅生願化汝，濯濯居淨土。

灌花  
衆芳植庭山，地潤花自饒。物情苟相類，可憚抱瓊勞。

摘蔬  
右丞齋露葵，拾遺飯蒼藁。朱門競肥臙，野老獨宜此。

種樹  
種樹取柔條，人言老難待。所貴適目前，胡爲計身外。

喜雨  
喜雨東東隣，陳叟  
草閣平池細點分，柴門雜樹亂聲聞。游龍倒吸滄江水，舞鶴

復雨  
低翻紫阜雲，田麥病來懷稔歲。山瓶喜極判沈醅，莫欺老手

扶犁怯荷策，驅牛未讓君。

松林雲氣拂人流，茅屋雨聲鳴不休。庭涼旋添鵝鴨喜，稻苗

先慰鴈鴻謀。疏簾寂靜宜書卷，野壑蒼茫憶釣舟。寄語鄰翁

多釀酒，放歌沈醉送清秋。

作亭後邱之上，名清曠系之短吟。

蓬萊微茫不可求，匡廬迢遞非易游。堂中佳景任攬擷，不如

後圃登吾邱。吾邱清曠招遠風，謝客妙語遺山翁。古今樂事

留字內天地，于我何終窮。天印蒼蒼鍾陵紫，左右倒影山杯

甲六

九

金陵叢書  
蔣氏校印

婚娶高空鷓鴣橫，秋日近舍流鶯鳴。夏木但願豐年秋，米熟

山翁爛醉死亦足。

五日五日在田舍，城郭風光應自新。燕女絲絲纏蝎尾，吳兒

畫楫鬪龍鱗。山中祇見榴無色，病後初知艾有神。落日一杯

桑柘底，隣翁相對野情真。

東郊田舍戲占  
北望紫山橫，紫煙南窺天。印削青天柴門古，木行荒徑柳堰

迴溪抱野田。蕉葉舞牆凡幾處，藤根縈石自何年。穿巢鳥鷓

初將子落簇，紅蠶已上綿。行客賣茶微雨裏，農夫依餉古槐

邊。身拋歲月何須記，地遠塵埃亦自憐。賣恰異書多買，憤收

甲六

十

金陵叢書  
蔣氏校印

將狂性且逃禪，申屠卽樹成居室。陶令逢人餽酒錢，雲至剩

添閒伴。侶花開新得小，婢娟眠驚鶴啄彈琴石。坐愛魚吞洗

墨泉，四大有生皆幻夢。一真無累卽清玄，所希畏墨庚桑子

莫羨丹陽葛稚川。

憂旱二首  
南國久無雨，皇皇六月交。池乾魚伏網，林熱鳥移巢。萍魅臨

祠廟，迎龍就湖坳。祗愁秋稼盡，何以度衡茅。

野人遺世慮，水旱獨關渠。埵鶴鳴何驗，江龍飲亦虛。田疇堪

一哭，禱祀竟何如。夜坐看星月，臨風益歎歎。

松塢答魯南對月見憶之作

良宵愛對空山月，赤旱愁侵獨坐人。江鶴不將時雨至，林鳥

還帶晚霞新家依百畝心同切地隔孤峰夢亦頻野寺相隨  
又相別人間離合本無因

秋至亭上

關心唯碧樹豁目更蒼岑兩喜蜻蜒出秋驚蟋蟀吟狂詞穿  
竹響瘦影照池深豈好逃城市喧囂自不禁

屏山田舍

小溪風露帶漁船曲塢松杉接草亭夜久野雲橫樹白秋高  
山色過江青長親拙政知農事暫學清齋適性靈獨笑吳中  
狂處士強將身比少微星

食茵

嵇康食石髓安期棗如瓜虛無不可致想像生香嗟深谷隱

甲六

十一

金陵叢書  
蔣氏校印

松桂雨露抽靈芽名齊金光草品異仙掌茶采采供晨煇色  
瑩味亦嘉金膏溢齒頰五内生雲霞腥腐一以蕩神明發精  
華吾聞古靈仙何之乃升遐從茲謝厚味服爾登雲車

中秋山中夜起玩月

中秋萬古月城闕玩每同今年展奇觀對此空山中圓魄出  
東嶺海氣開洪濛長風掃浮翳清輝蕩遙空吳山翠千點錯  
列指顧中澄江動虛影下徹鼉泄宮天地同一色蒼茫浩無  
窮願覓露其爪冥冥避高鴻把酒發商歌聲激河漢東古今  
一瞬息過客猶轉蓬而我寓宇內囊囊侶微蟲生存不自樂  
溘死徒忡忡雞鳴且莫寢坐遲初陽紅

山夜

秋氣振庭枝山空響易悲草寒蛩語澁樹老鷓巢危古道因  
書得衰顏賴酒持未忘蟬蛻念真笑虎頭癡

積雨

積雨蓬門客過稀野人吹火炙寒衣禾噉乳鴨鳴相亂柳徑  
愁鴉坐不飛抱膝漫吟梁父曲勞心真厭漢陰機清泉白石  
從吾好駟馬高車悟昨非

秋思

露下風高燕鴈斜秋光平落楚江涯霞銷墮樹飄楓葉雪浪  
排溪漲葦花愛酒雖貧多釀黍避人無事遠移家經旬積雨  
憐衰病斷絕門前問字車

野步

出郭病身健還山秋日長雲光漏疏木嵐翠集虛堂遠害愁  
防虎全生擬牧羊那知巖壑外隨步有康莊

野興三首

花巖控牛嶺連峰碧嵯峨秀色亘千古我生能幾何行游苦  
難屢築室枕其阿坐臥長對之所獲庶可多朝雲結丹綺夕  
月流金波采之鍊真液永以錫沈疴

落日滿秋野獨步登平邱山經夜來兩寒泉出溪流緬懷古  
時人開荒廣良疇深山寡人力勞此千歲謀去者水長逝存  
者纒雲浮往來但瞬息百慮徒煎憂不如飲美酒坐嘯空巖  
幽

蒼隼摩天飛黃鶴志千里秋空莽寥闊快爾南溟徙浮雲東



北生風雨颯然至六翻因需濕吹之墮寒水南山松桂陰西  
時宿梁美萬事難預期不如早棲止  
夜坐

白露中夜寒蟋蟀鳴牀下簾簾葛衣裳慘淡謝炎夏閨人戒  
機杼田峻課場稼穡此歲載陰蹇予日多暇朱顏黯以蒼短  
髮不盈把商戰詎能肥遠年未知化兀兀迷陳編何以謝夙  
夜

鄰過見叟

場雀驚且飛離火隔樹嗥開門見田父餉我攜濁醪寒喧市  
及席首陳入城勞繼云太廟災策免數大僚京兆歲大比薦  
拔多英豪請君望泰階清不在崇朝

甲六

一三

金陵叢書  
蔣氏校印

聞言謝田父野語胡大謬我袖恨不長無以掩君口進退國  
大政柄在相與后揮霍如雲雷小民但奔走爾我服稼穡所  
憂唯百畝出位而妄言他人恐相詬山廚蒸藜熟與君酌君  
酒明月生東山移牀就衰柳

幽懷二首

文章經緯業制作貴有程六籍出元聖道奧非華英自從刪  
述來爾雅存西京馬遷綴古史筆力驅蒼溟蘇李起介冑詩  
辭竊和平今觀宇宙問日月垂天明小儒競綺麗瑣屑如繁  
星吾衰志未泯願締諸賢盟楊雄強模擬何啻蒼蠅聲  
昌黎文章伯後代罕儔匹李杜雖云雄氣格差甲乙奈何賦  
長篇退讓如自失想像巨刃揚魂魄生戰慄乃知作者苦窮

探極幽密譬對百戰場動靜慎師律守正兼設奇變化貴神  
出左車井陘謀淮陰幾見絀多畏乃勝人名家有深術  
散步

理生就田疇辭喧出閭里自歎乏高風時歸念妻子棲鴉迷  
夕嵐浮雁唳寒水散步數羣峰日從天關始  
中秋對月和羅女文

高秋明月滿天涼露坐風生薜荔裳蟋蟀近牀還獨語蟾蜍  
離海已深藏人間忽敞清虛府地上平鋪雪霰光笑玩素娥  
敲藥杵不勞銀漢問舟航  
雨後漫興東羅女文

春花落盡垂楊低竹林鳴鳩相應啼夜來久早得微雨門前  
甲六  
十四  
金陵叢書  
蔣氏校印

細艸青萋萋飲虹橋頭西日落橋下水光搖艸開莫嫌野客  
杖藜來淪茗攤書殊不惡

東野

天印山如天斲方秦淮水縈練帶長夜坐船頭看明月垂虹  
斜挂幾飛梁

東山茅屋野人家謝傅薔薇春著花入市懶騎從事馬開園  
時種故侯瓜

新涼夜坐次彥明二首

獨鶴夜何事松頭樓復遷樹涼占老態禾熟受豐年細竹枝  
枝鼻明星个个懸年來知物化無意更求仙

殘暑金風改中宵白露寒秋期來朔雁野服罷齊絜蛩響喧

陰壁螢光點石欄荷衰葉更起留伴蓼花看

八月四日熱

八月江南毒熱新火雲鬱鬱尙蒸人井梧葉落太傷早庭戶  
蚊喧難及晨不見金天流素月思霑玉露洗黃塵重尋篋笥  
開紈扇始笑西風誤認真

許彥明過荒齋看菊

寂寂柴桑宅黃花但滿園相將秋意晚無奈曉霜繁珍重殊  
方種艱危隔幾根玩來終澹泊莫向美人言

雪中承司馬許願二司徒見過

北風吹雪擁籬根高駕翩翩午扣門倒屣自憐庭戶濕圍爐  
同待酒瓶溫江山積素看松翠閨井占年喜麥蕃菲舍蕭條

甲六

十五

金陵叢書  
蔣氏校印

虛盛賞殷勤燒燭伴黃昏

憲府王公載卿命酒期過艸堂阻雪不至奉簡一首

不誦清詩三十年晚城佳會又虛傳書來送酒春生戶興盡  
廻舟雪滿天獨向瓊枝勞悵望非干霜簡絕攀緣江梅近暖  
參差發還擬乘驄野水邊

和陳魯南遂初齋漫興

投老書千卷栖真屋數楹放形依鳥宿仰面看雲行雪權誰  
乘興風飄莫弄聲歸來追往事無味是浮名

除夕二首和女文魯南

時序驚心獨倚闌敝裘猶耐故年寒餽糕餉節鄉風舊秫米  
逢秋酒債寬萱葉向陽鋪砌綠茶花衝雪透林丹青山已結

登臨約且喜監輿老更安

條風中夜轉東方醉戀殘年更舉觴白髮空添壽者相朱衣  
曾玷大夫行食聞雪壘遺蝗隕愛見春林舊柳長閭里高人  
多典則追隨何忝鄭公鄉

除夕

桃菊驅儂畫華門椒花頌壽瀉芳樽生涯喜傍農夫老社會  
慙登大父尊長有蟹螯持左手更添鶯舌弄前軒天時代謝  
非吾事莫爲增年意轉煩

和徐子仁除夕

蓬髮休嗟老不堪餘生都已付沈酣身旋蛙井元無幾歲歷  
醜飛又十三江艸向人寒更綠塞鴻何事早辭南年來結念

甲六

十六

金陵叢書  
蔣氏校印

投禪寂且喜維摩屢放參

和舜王春日偶題

小園泉石占清華竹塢松堂靜不譁懸薄護寒藏橘實曲池  
澗水灌蘭芽緇衣老衲時求飯紗帽幽人共煮茶門外東風  
搖五柳居鄰閒擬似陶家

和魯南堯夜雪

雪飛元夜玉盈除燈射玻璃燭影虛林借月華疑宿鳥池添  
冰力困游魚春愁正賴寒欺酒老眼空勞夜照書火樹銀花  
交映地留歡休問五更初

雪夜觀燈和彥明二首

春夜邀賓景物宜雪華燈燄兩爭奇鶴翻玉羽迷仙駕龍吐



驪珠照酒池樂劇不辭金管課坐寒頻喚畫屏移祇緣郢曲  
高難和豈是東君賞與疲  
雪花凝素照虛臺薄暮誰披鶴筆來酒熟似邀燈節至梅開  
應被笛聲催臨觴幸免當官累投轄非慙勸客才莫笑田家  
無所獻火輪冰柱亦詩材  
和魯南新春

白雪釀寒仍送臘紅燈窺暖巧偷春神君綵杖鞭牛早遊女  
羅旛綴燕新泉石投交忘主客齒牙垂老厭酸辛閉門舊友  
皆星散唯有陳雷晚更親  
間居四首

甲六

十七

金陵叢書  
蔣氏校印

太湖之石紫崔嵬溪上茅齋對爾開指點庭心分泰華依稀  
巖背宿風雷雙飛鶴闕穿晴樹百轉蟲書印古苔明月不知  
吾懶散夜深來照讀書臺

黃閣朱樓概太清江山襟帶舊神京開園更擬間居賦近市  
非干大隱名聊養孤豚供菽水尙勞羣雀戀柴荆薰爐藥竈  
眞餘物合作狂夫過此生

城郭秋陰襲苾袍林園稀到長蓬蒿  
臨池惜羽毛年長漸驚朋輩少形枯眞悔簿書勞  
追歡未斷清尊酒左手猶堪擊蟹螯

種柳今春拂地垂黃鸝來挂最長絲高城過水衝青嶂古樹  
搖花照綠池猿鶴忘機堪結侶馬牛多病枉逢時揚雄錯指  
玄經好覆瓿他年總莫知

答許彥明見夢二首

浪迹唯方外勞生總夢中遠公開淨社立度有高風塵世閒  
難得禪機病易通所希情性合何必往來同  
禪宮元寂靜况復兩連陰座有僧同飯門無客見臨妙香圍  
狹室遠馨落高林誰信城中夢超然契此心

和陳太僕生辰二首璘與太僕及惕菴總憲公同生時惕菴  
亡矣

天當流火生同日人羨乘車貴一時忍望列星悲傳說愧  
衰貌對西施山中學道丹誰授花底聞歌酒莫辭敢謂風雲  
隨變化願從泉石盡交期

甲六

十八

金陵叢書  
蔣氏校印

初免怨王孫亭亭野鶴閒過砌寂寂雲峯對掩門點檢交知  
還自惜白頭今見幾人存

雪中和王存約刑侍五首

杪歲呈三白農談喜及時麥傳全稔信松挺後凋枝海凍愁  
龍伯沙寒泣雁兒唯有袁安舍高眠竟不知

積素明幽館爲祥表盛時風迴先帶霰氣暖不封枝被鶴無  
高士懸鶉有凍兒君王憂四海多少自應知

天地雲同色江山皓一時梅狂花覆野柳困絮黏枝魚鰓墜  
冰壑鴉迷返哺兒侯門炙朱火寒透不曾知

瑤樓無盡地玉樹不移時地脈消氛祲園容發故枝裘輕飛  
獵騎酒碧賦歌兒瀟淡許情好唯應野客知

南國窮陰候東樓獨坐時興牽孤權水情繞野梅枝愛酒間  
中聖慵書臥遣兒衰年疏懶意還賴故人知

春夜飲女文宅大醉翌日病眩負黃懷季之約詩以識過

東橋老人田野客一生愛酒腸腹窄春來忽到羅含家銀甕  
盈盈搖琥珀傾壺便飲不須勸連舉兕觥過累百據案狂歌  
驚四鄰但笑諸公太拘迫玉山敲仄夜方歸不寐坐倚平泉  
石天明始覺中聖人眼花錯莫亂朱碧地如車輪忽旋轉欲  
立還驚足盤躡黃公臨壇復召我安得奮飛生羽翮乃思旨  
酒古有戒人生樂極終何益

元夜奉諸公飲瞻辰草堂

老去風情異少年元宵留客祇燈前清筵素月宜觴詠繡厨

甲六

十九

金陵叢書  
蔣氏校印

香塵隔管絃火樹遠飄飄鶴處星河斜挂雪晴天更闌不醉  
休辭去回首歡娛易惘然

山莊卽事和周子庚

十年無夢到東周坦腹高眠杜若洲狂吐肺腸投甕盎老持  
骸骨付菟裘當樓月上山回晝接吟風鳴麥弄秋笑坐胡牀  
歌散調不須吹笛也風流

漫吟

萬事浮雲莫問天髮毛元解記流年春秋按節投花種兒女  
分畦理芋田闢地多方求怪石買山初意爲流泉城闔自古  
稱佳麗獨笑先生野性偏

柴門

翠蓋平遮松柏林畫屏分映兩青岑坐收秔稻三秋色行踏  
垂楊一徑陰雨突煙沈人臥穩風簾花落燕巢深幸無奇字  
藏書篋不惹輜軒使者尋

九日亭上獨酌六弟送盤飧至有懷

九日山亭獨舉杯盤飧遠送白衣來乾坤大夢堪高枕林壑  
衰年切孔懷近水脊令還自得傍厓黃菊未全開茱萸且算  
迎霜落後至還期插帽回

九日喜何叔皮至山莊

山館際佳節川原秋氣澄白日照禾黍頗適幽居情曳杖登  
高邱停車延友生契闊良已展懽悰亦交傾濁酒寫情慄三  
爵匪充盈古處道所貴澆漓安可徵風淒碧草變露濕黃花

甲六

二十

金陵叢書  
蔣氏校印

榮感茲時物改勗爾沒齒盟

夜觀陳鳴野畫草堂壁作歌謝之

草堂素壁燭影孤照君夜作山水圖墨華如雲生手底高簪  
山嶽卑江湖連林老樹根株古蛟龍盤擊撐爪股顛厓忽挂  
飛蘿莖長繩繫日垂青冥天台石梁宛在眼武夷幔亭亦非  
遠桃源可覓秦人家竹林似近梁王苑愛君胸次多崛奇靈  
區勝概任爾移荒村每恨少疊嶂草堂特地生幽姿猿驚隱  
隱號清夜麋鹿依稀走階下只恐城中好事知天明戶外喧  
車馬我有窮愁愁不醒感君遺我夫容城年年釀酒三千斛  
閉門獨醉雲中行

望雪懷陳鳴野二首



野雪清如許，高人不見留。誰家金帳酒，能及剡溪舟。羣水瑤  
華積，千山素影流。幽懷狂不定，孤嘯一登樓。

風急雪紛紛，樓高野望分。霏霏過樹遠，片片灑窗聞。林凍玄  
猿哭，雲迷白鶴羣。正思陶隱士，漉酒共清醺。

飲女文宅冒雪夜歸

醉後那知雪片稠，瑤花千點集貂裘。清吟乍別梁園宴，豪興  
能欺剡曲舟。素羽風前迷鷺渚，玉鱗雲外見龍樓。顛狂欲上  
城西閣，坐玩寒江練影流。

閏十二月三日蒸煖其夜迅雷大雨同魯南紀變一首

季冬閏月忽喧煖，驚見蚊蚋當戶飛。自緣雷雨好，解作誰道  
陰陽難。範圍四時呂覽有定令，五事箕疇無少違。爲檢金滕

甲六

二十一

金陵叢書  
馬氏校印

看故事分明，人道應天機。

元夜樓望

夜閣臨衢倚醉凭，江南佳麗尙堪稱。春光竟惜千門月，節序  
仍誇九市燈。香霧橫街人似錦，歌鐘何處酒如澠。長吟秉燭  
星橋曙，猶記狂夫少日曾。

山中集二詩

登太崗慈善寺

野寺冠山椒溪門下弘敞荒蹊緣澗入危磴躡雲上松花風  
際飄麥苗雨中長高樹倚巖生特立氣森爽何年劫火餘紺  
殿滅銀榜徒聞佛道尊胡乃失龍象悠然憩前軒雲峰矗相  
向下有良田疇平視如指掌春鶯流遠音修竹愜幽賞何必  
五臺山始可資靜養斜陽且歸去暇日期再往  
宿祝釐寺晚浴

山居少塵事行吟步高春連林不知遠候度雲間峯寺門幽

甲六

金陵叢書  
蔣氏校印

逕熟婉變撫長松禪老歎虛室情親色彌恭玄論燼華燭疏  
食臨暮鐘浴我清淨水形骸緬冲融虛襟釋滯念真烝生靈  
宮蒲團結跏趺宛坐青夫容就枕忽成寐夢覺忘所從天明  
返蓬戶日出山煙濃

游邱常侍山園二首

山蟠大野翠堪憐樹老深巖忘歲年畫閣地清臨水見紫泉  
聲遠隔花傳前林別墅通三徑暇日禪牀借半氍叨際聖明  
空懶散狂歌時復和薰絃  
采芝深谷賦歸休幸有隣莊水竹幽畫障日開山九疊素封  
秋倚橘千頭長懸片月延僧住滿放閑雲伴客遊桐葉已齊  
春去久翻階紅藥爲誰留

與陳大魯南遊天甯寺二首

野寺青霄畔攀厓叩法堂山鋪平野闊江繞大都長鑿石開  
花塢梯雲架竹房城中車馬客誰解就荒涼

峻嶺香臺峭高林夏氣清山分龍阜色湖別虎溪名野酌臨  
歸鳥昏鐘吼臥鯨坐依雲霧窟那有市朝情

同魯南祝禧寺結夏八首

酷暑欺吾病空林共爾尋雲高羣木爽日落半巖陰散髮忘  
賓禮清心悅梵音坐依禪榻畔幽思自蕭森

斷酒狂全減拋書懶更成山深人事息僧老道心平坐石分  
松影橫琴理澗聲夜涼清不寐披艸月中行

身住清涼界那知有鬱蒸蒲纖梳翠髮瓜冷嚼紅冰病退生

甲六

金陵叢書  
蔣氏校印

爲我家忘味近僧老禪庵塵尾時見落青蠅  
愛爾山中靜猶憎蟬噪繁松杉氣無暑賓主坐忘言翰墨陶  
真性瓜蔬點薄殮悠然泉石味難向貴人論

翻經非有願擊磬果何心偶爾依蓮社翛然近竹林松風餘  
萬頃蘿月抵千金莫買深山隱禪關日可尋

金堂虛隱霧石壁凍含霜坐久收葵扇吟多問豆漿虎眠渾  
不猛鶴舞暫爲狂滿目無塵事虛襟亦自涼

祇園不盡景留客易經時野竹團寒翠池蓮散素姿茶香修  
夜供杞菊訂秋期吾已嘆吾擾無勞大衆知

淨社難求友高入合在山泉甘出石井樹老映蒼顏暑月誰  
偏爽勞生今始閒秋風何日至疊嶂擬重攀



同諸客雨後登牛山絕頂

晴巒臨晚照懸磴躡秋空地勝羣賢集天清四望通  
疎升攀仄石鸞嘯激悲風獨仰皇居近形雲護紫宮

登牛山兩崖顛

雙闕峙天表巨鼇戴雲浮秋空氣先爽預愜登高游  
攀緣千仞起曲折百盤周蒼林忽在下手挹河漢流  
纍纍搗機石荒池飲牽牛呼噪羅衆山俯視但微邱  
北瞻黃金闕五城十二樓高帝聖圖遠設險開皇州  
鼎湖不可望蒼梧雲影愁長江渺一髮孰與吾乘桴  
舒嘯振鈴閣諸天風颺颺落日下西嶺慘愴增人憂

登華巖

甲六

三

金陵叢書  
蔣氏校印

花巖久不至修竹倏滿嶺息駕大觀堂塵目快秋騁  
短衣陟中峯仄見西日影天低雕鷲近雲重松杉冷  
列嶂難爲雄長江不知永牛山亦下對樓觀綴佳景  
莊嚴侈象教喧卑薄人境捫蘿步兢兢憩石心耿耿  
宅生果無因茲遊固何幸風林忽暮鐘謾謾動深省

祖堂寺逢海天僧

古融始入道開山此爲家疏泉策兩虎嚙洞驅神蛇  
天龍作人象獻供持巖花一聞真空詮振錫却諸邪  
跏趺了無事竟乘大牛車影堂燈悠悠白日長西斜  
幽尋入山麓庭宇忻靜嘉門深蔽古樹澗冷生青霞  
柿實寒少葉桂枝蠶仍華老僧餘道氣歎語談楞伽  
自言非中孚請餽仙掌茶相送過溪別

歸路喧昏鴉

甯海寺訪達公不遇

禪龕寄林杪信是高僧居蒲團間陶鉢不置貝葉書  
幻火惱維摩飯蔬長晏如誅茅輯佛宇鑿地延僧廬  
有金盡布地隻衲不留餘入林拾橡子一室但空虛  
侍者守松院迎余駐柴車焚香設清供道念爲之舒  
朱門厭腥腐駟馬肥雙旗豈不羨榮貴反側多憂虞  
頽年向短促薄俗背迂疏永願結蓮社優游度桑榆

弘濟寺江閣

北山高無極江水下泓深飛閣嵌虛無宛挂垂蘿陰  
危柱巽相拄樞軒控千尋游目信絕奇躡足懼弗任  
旁臨得平坂雲

甲六

四

金陵叢書  
蔣氏校印

水際蕭森參差羅高木傾仄懸靈岑洪波動其前浩渺空人  
心勞歌不自慰濁酒時一斟天長去鳥沒日落清猿吟欲止  
神悚惕踟躕下空林

燕子磯

名山意自勝臨水趣轉幽况茲燕磯秀復枕澄江流孤根託  
何所上抱雲中樓空冥瞰水府下見鼉鼉遊衝濤蕩危石翻  
恐地軸浮元氣旋混茫長風吹不休西來疊浪色發自岷峨  
厥杳靄衆山影依微行客舟徙倚白日暮極目令人愁

關詞

漢季昔鼎沸孫曹竊王疆帝胄擁劍門龍虎爭奮張桓桓萬  
人敵東盼無荆襄運移見傾覆孰云謀匪臧生爲吳國仇死

食吳人鄉烈氣橫四海遺靈戴今王江邊廟門古松栢寒蒼  
蒼英爽如有臨風起旌旗翔君看祠前水萬古東流長

崇化寺梅泉

昔游巖中寺梅花覆寒泉不到三十載梅摧祇空巖陵谷幸  
無改豈嗟浮物遷清源出細竇淺草涵微涓山僧誦經處獨  
有龍蜿蜒沖襟靜相照塵鞅忽已捐漱齒叙幽事洗鉢脩淨  
緣古殿夕陰起蒼林生遠煙佳興不可盡延伫情悠然

嘉善寺觀石壁

蒼石斲蒼雲誰遺空山裏藤蘿覆細路披煙得奇詭巉巖負  
龍脊嶮呀露鼇齒修竹照人青幽花傍泉紫樹古走危根欲  
斷不可止金陵百名勝無地可勝此老禪墮貪疑秘匿何乃

甲六

五

金陵叢書  
蔣氏校印

爾天地終劫灰况我二三子取笏端下拜託交自今始

幕府山望江

昨夢江上游巨浪動枕前今登山頭望江色轉可憐青峯幾  
千仞倒臥中流天人聲落浦激樹杪浮行紅物理反相媚樂  
意良已偏因尋達摩室仰叩西來禪面壁恐心死渡蘆事亦  
顛不如結同好嘯咏攀雲煙一醉更一醒明日還復然

顧氏北麓草堂

谷口花冥冥井上梧桐清山人築巖戶避俗兼逃名種黍牛  
犢長養蠶桑柘成野外無別儲濁酒貯蠶器上以奉墳墓下  
以延友生客來歎茆簷山犬了不驚大兒富文史楚楚解將  
迎藥院共游衍松林屢經行三宿竟忘返展齒頰已平乃知

隱淪者祇在王都城

登茅山三峰四首

上界靈宮懸碧落層巒飛步躡形霞塵身乍禮金銀闕天路  
疑逢龍虎車三洞南盤通海嶠五雲西拱見京華清游勝覽  
懽無極却歎人間日易斜

迢遰三峯得峻躋到宮唯見衆山低天池水碧蒼龍伏巖樹

風高白鷗棲雲際瑤壇開日月林間丹井隱虹霓仙人只在

華陽境松葉桃花咫尺迷

頭白遊山恨已遲遍尋靈跡慰幽期雲根變幻陰晴石海眼

潛通霹靂池絕壁傳觴臨過鳥深林炊黍茹生芝踟躕陵谷

傷今古不見前朝宰相碑

甲六

六

金陵叢書  
蔣氏校印

東南佳氣擁三山臺殿參差指顧間福地巖巒天下勝神君

笙鶴夜深還林銜落照秋仍麗人對寒雲意轉間晚下前峯

明月起更臨幽澗弄潺湲

龍池

蛟龍宅大海山椒非所藏吾疑蝦蟇種野語誰張皇禱祠興

雲雷歷代紀禎祥神物變乃爾化理焉能詳

喜客泉

嘉客入門笑靈泉應之翻豈應孟嘗死化此山中魂迸珠疑  
貫縷羅星或按垣喜余果何事欲叩竟無言

華陽洞

穹厓積鐵古下嵌仙人宮流觀洞天記渺與林屋通把火驚



石燕吹簫動潭龍微茫失歸路返照秋林紅

巧石

三茆奠神臯靈樞萃茲谷怪石非一狀蛟虎爭起伏苔花爛  
如繡藤根走相束殘醉吾未醒曲肱枕雲宿

左紐柏

仙翁練金鼎化自秦漢前祠樹歲月古霜皮相糾纏道家聘  
神怪設語誣人天吾噴雷君忍一火無留煙

隱居墓

薄俗味上善高賢葆清真圖牛憚爲犧古墓今猶珍松風有  
餘聽草露無長春徒使輕舉士依稀慕芳塵

曲林歌贈曹君時範十首

甲六

七

金陵叢書  
蔣氏校印

華陽隱居空舊名曲林精舍築新成山頭一片青蒼石領畧

高人萬古情

大茅峰頭多白雲誰能持取贈東君高車駟馬當年事海思  
霞情後代聞

靈蹤古蹟蓋江南中館居中日可探雲洞斜封埋壁地石峯

高插積金菴

楚王淵前秋水生冷冷繞舍玉琴鳴道人獨愛林中靜瀉向  
圓池一鏡平

山腰石樓風露新桂枝蕉葉拂遊塵幸無七貴傾高蓋長禮

三峯作大賓

元符宮連秋樹林煙樹霧壁畫陰陰芝潭對飲斑文鹿竹塢

孤飛雪色禽

凋盡山中宰相松長風無地吼蛟龍曹公種子蒼髯老更引  
寒澗響後峯

匡廬江濤不可經武夷南天空自青何似三茅近京國纏聯

王氣會仙靈

曲林主人蹤跡奇前身陶公安可知修殿靈官投化主朝山  
香客拜生祠

方曠黑髮地行仙誰信山翁七十年與劇夜游輕猛虎身輕

朝陟俯飛鷲

茅山步虛詞

大儀拓洪宇靈山開福庭洞天竅華陽地肺浮金陵展公始

甲六

八

金陵叢書  
蔣氏校印

羽化茅君遂遐升王老發玄旨上元授真經乘風出埃壘淪

霞謝羶腥三真登虛府九錫冠仙卿百神鎮侍衛八極恣游

行金堂日星耀玉洞煙雲冥天地咸得一萬古歌清甯

還家同金士希諸君游牛首

金陵山水四方聞天關嵯峨更不羣臺殿散臨雲外起罔櫛  
遙向日邊分幽人興發清虛界正月春生錦繡文莫怪還家

先到此他卿魂夢每殷勤

早秋過城公山房和許彥明三首

鍾磬花臺寂雲霞松塢深石林秋不熟水國畫多陰結束非  
吾意迢迢近佛心莫言追往昔聊喜悟來今

青嶂白雲蒸高臺野客登烏迷方外路雲護定中僧對酒狂

何在翻經老尚能摩挲巖下石坐語記吾曾

濟勝無強足幽尋亦據梧僧門遠市井秋色澹菰蒲定息看

香篆逃禪托酒壺浮名百年累遺盡莫重沾

永與寺結夏

濯髮蓮花水清風滿面吹松高迎日早僧老下牀遲施食鳥

頻至翻經鶴靜窺物情渾不遠幽興自相宜

九日同太宰嚴公城西汎舟二首

九日江門蘆荻秋登高何似汎蘭舟城臨山水天河轉地接

仙臺苑樹浮佳節靈觴隨酌上公軒蓋倍風流迂疎獨笑

陶彭澤漫插茱萸亦滿頭蘭橈東蕩曙煙開菊粲西衝落照

迴夾岸山嵐飄几席遠城波色動樓臺都人節序遺風舊祠

甲六

九

金陵叢書  
蔣氏校印

客秋吟發興哀偃仰皇川多勝概揮毫何以繼仙才

同陳魯南兩飲永甯寺

南山飛雨滴殘后野寺鳴鐘客散遲醉眼耐薰紅杏色韶華

催換綠楊絲衰年感舊重重恨故苑尋春步步宜擬上花臺

觀淑景濕雲橫路正低垂

次趙克用游靈谷三首

禪宮寄在萬松深紺殿陰陰入紫岑古碣長留開士影頽廊

堪惜畫師心嗟余臥病虛春色愛爾清齋聽梵音石室乘涼

十年事詩成幽興轉難禁

入山飛翠滿衣襟一逕松蘿曲隕深龍寢雲高橫王氣鶴林

風定淨禪心開堂爲有真僧出避地應無俗累侵響石靈泉

多勝跡與君扶杖細相尋

紫厓蒼巘隱雲房春盡唯聞藥草香風磴噴泉晴欲雨石林

含露午生涼醉憐半落花辭樹坐歎西飛日轉廊回首碧城

燈火亂淡煙疏柳路微茫

同魯南宿天界竹居

白首同歸桑梓日舊游山水得重過聊依僧飯炊菰米更理

漁簑綴薜蘿花老不知春事盡竹深偏愛雨深多旁人莫訝

追歡劇歲月翩翩奈爾何

同魯南天界方丈對雨

與子避俗祇園深高閣雨鳴如洗心芳艸杜門無馬跡墨雲

纏樹有龍吟堪憐把筆臨池水况復銜杯對竹林終歲驅馳

甲六

十

金陵叢書  
蔣氏校印

城郭裏幸於支遁此開襟

祝禧寺羣公游集二首

桐館延高駕霞門集繡裳山深寒隱日松老翠含霜共洽靈

鷗興仍探翰墨場臨風意披豁飛鏑試穿楊

舊國開今代新亭異昔游江山街日轉宮闕抱雲浮勝賞羣

公得高情百世留蹇余邱壑陋鵲詠託名流

和徐子仁遊虎邱四首

勝地遙相引清川澹自臨散懷盤石大洗耳劍池深僧氣饒

雲月巖居傍竹林坐來神易愴松籟莫哀吟

溪門藏曲隕入寺始知奇石悟生公法山傳白傅詩浮雲催

短世祗謁傲清時蓮社容吾酒終當共爾期



漫踏書臺路那逢講席人泉爭惠山品地避子城塵幽林雲  
隱見峭壁玉嶙峋木性宜巖穴勞生負此身

詩書貧自得雲水老何厭世味僧遊滅山容雪後添狂摩試  
劍石醉眺大吳巖莫笑歸期緩名籃客易淹

夕陽同王禮部陳太僕過東山僧房

落日過山寺懷賢傷古今謝公去已久淥水歌聲沈雲壑延

高駕風林淨夏襟傾杯莫愁晚明月在東岑

和魯南永福禪房二首

支公本是禪林秀更愛祇園在近卿問柳尋花唯竹杖解衣

支枕有山堂雲浮世界知空寂雪滿頭顛歎老蒼聞說庵摩

羅結果燈前攀取一開管

甲六

十一

金陵叢書  
東氏校印

山人每爲看山出唯有山雲不待期草長乍經春雨後江明

偏近夕陽時前林犬吠僧歸遠古殿鐘鳴客散遲除却陶潛

貪酒盞不知蓮社復容誰

秋日尋城東諸山頗歷深險得詩八首

秋日端居愁不眠出門騎馬踏蒼煙衣沾濕翠經厓愕耳灑

寒聲接澗泉夢到桃源詢往代疑逢石髓見靈僊金陵豈獨

稱佳麗咫尺名山是洞天

馬首遙隨碧澗東人家多住白雲中龍泉沸處還生虹虎洞

腥來自起風向子正當婚嫁畢阮生休歎路途窮曾聞天漢

支機石肯信高巖不可通

紫山東轉接江門萬壑千峰擁孝園遠結雲霞連海島迴瞻

日月避崑崙牽蘿步入巖間寺選樹來傾石上尊猿嘯正堪  
淹白晝鴉棲渾已報黃昏

鼎邑元當萬方會橋山今集百靈朝宮城抱日雲常繞陵樹  
擊霜葉後凋衰晚空林從坐臥太平深谷有歌謠此中合共

漁樵老叢桂淮南莫更招

盤空石路草纖纖白鶴仙人尙有巖松偃即披雲作蓋瀑飛

還挂水爲簾采芝綺夏何須出食蘇夷齊亦太廉種黍滿田

長釀酒栖遲何歎歲年淹

六代干戈龍戰殘青山依舊繞江干石麟不省玄堂改漆閣

徒傷翠柏寒庾信歸來空有賦陶弘老去竟何官飛鴻欲避

林間犬萬里冥冥振羽翰

甲六

十一

金陵叢書  
東氏校印

官路橋東錦石峰平原開出玉芙蓉高標雲霧天中積遠勢

波濤水上重喜近魚梁堪把釣擬修丹室預栽松紫苔蒼蘚

饒秋色埋骨他年賴爾封

竹杖逶迤躡紫霞羊腸山徑莽橫斜林深更隱彭城館寺古

猶傳謝尚家陰洞閉雲飛石燕寒藤懸樹墮風花周颺去後

移文在此地何人領物華

冬日同諸公飲憑虛閣

寺閣吟詩臘月中擁裘行酒氣彌雄江山過雪生新色天地

凝寒渺太空獨去鷹鷂迷落日後凋松柏倚高風須知霜月

光偏勝莫道冰林賞易窮

卜得彭城樂邱漫賦用魯南韻

買山初費賣文錢  
預卜新邱古澗前  
舊日高人招隱地  
此生逆旅待終年  
煙霞寄傲深戒癖  
去住忘情澹入禪  
白髮光陰知幾許  
紫泉丹壑且黃緣

雪後歸自南郭

雪後帝京聊聘望  
冰天懸影照人寰  
遙瞻丹鳳分銀闕  
周覽青龍展玉山  
廣野漫鋪明月色  
白波搖動大江灣  
多情獨倚新亭樹  
更愛長風灑醉顏

祝禧寺望積雪

巖谷素華積禪房  
朝倚闌爲憐珠樹麗  
宛坐雪山寒白以空  
爲色冰因凍作乾  
太陽休見恐生滅  
本同觀

甲六

十三

金陵畫  
蔣氏校印



山中集三詩

陳魯南學士自山東寄遁志十絕和之

門接登山徑窗臨洗藥泉  
艸堂幽意足况復近皇川  
眺迴蒼茫外探奇紫翠中  
忘機同海鳥脫迹比雲鴻  
清玄非晉代巖壑勝山陰  
羣從差強意時來醉竹林  
攜樽登樹飲抱枕流眠本性  
疏狂甚非關慕昔賢  
真問聊野服至樂止人寰  
肯爲神仙誤虛尋度索山  
新亭高處望今代異風雲  
紫殿開京觀龍成五采文  
星散南山寺乘春取次登  
封筒來往數隨處得詩僧

甲六

金陵叢書  
蔣氏校印

牛峰懸殿閣對削獻花巖  
感概千年杏摩挲十丈杉  
江動新林浦天垂大石峯  
四圍山萬點雲海濯夫容  
舊路石岡僻新堂松塢深  
春風猿鶴侶扶杖遠相尋  
寄答陳大藩參二首

官重今方伯旬宣事獨賢  
情飄五湖外詩出萬人傳  
玉署虛仙籍春江夢釣船  
祗愁鳧鳥影難離紫宸天  
臥病春山裏勞君省閣思  
衰顏丹鼎笑晚計白鷗知  
應接才仍拙漁樵興頗宜  
萬緣空欲盡猶自未忘詩

貽驪僧  
埋頭不振蒼龍錫合眼猶  
持白馬經門外任教雙轂  
轉堂中長對一燈青

贈金山僧圓濟

山僧扣我門秀發金山骨  
相見了無言空庭踏秋月  
送斌上人游杭州有序

上人禪業清淨解楞嚴法  
華妙義余與石亭陳公時  
往談說輒移日不倦今晨  
挑包荷錫來叩山居云將  
東遊吳越訪諸名山參大  
知識以證圓覺請余作偈  
導之余不善偈爲贈一詩  
因憶杭州郎沈諸君陶謝  
流亞也往開蓮社暢塵外  
之風不愈於縛禪寂乎爾  
行矣請擇於斯二者

斌公禪林秀前身海潭龍  
明珠濯清水本性長玲瓏  
少事大虛老空門初發蒙  
拜趨陳莊座金篋刮雙瞳  
低心達摩壁捧鉢曹溪宗  
天界大叢林跣趺坐堂中  
頭陀滿四座發難如扣

甲六

金陵叢書  
蔣氏校印

鍾吾衰謝抖擻臥疾維摩  
宮與子強答問而豈明真  
空支許方外交聊以息微  
躬今晨告余別遊方海之  
東禮佛普陀島參禪雪竇  
峰青蓮被寒沼白月懸秋  
穹行色有佳景歸雲有定  
蹤我有振衣地寄在杭萬  
松浩渺湖海接逶迤巖壑  
重爾往結蓮社陶謝將無  
同長謠寫心曲託寄東林  
風分題得秦淮壽龍致仁

秦人鑿淮古城磧秦時流  
水今如昔地下黃金空自  
深天門紫氣逾輝赫六代  
煙華漲錦雲龍江鷺渚澄  
青碧形勝今開天子都風  
流更隱幽人宅幽人抱藝  
入承明能使四海傳高名  
翻然解組歸淮水笑弄漁  
舟自濯纓聞道舍傍葛仙  
井的爍丹砂徹夜明與君  
共泥紫金鼎手把霓旌遊  
太清

壽姚孟恭七十

修竹老翁何所求紫芝歌動傲王侯  
逸名豈羨金門貴學禮仍看玉樹稠  
大道長生唯藥鼎清談終日有茶甌  
堪誇世範傳儒素已許鄉評占勝流

壽易太守士美

清修鄉國老文儒後輩踰踰總不如  
黃絹有才聊試郡伏生從少已傳書  
高才晚剖荆山玉美政新還合浦珠  
林壑光陰方洒落莫教門外候安車

答汪中丞見懷

雅望同歸天下賢知心初附白頭年  
擬將東海論交誼幾向西湖費酒錢  
石澗行臨三竺水茅亭吟對萬松矢  
相望千里

甲六

三

金陵叢書  
蔣氏校印

能相憶滿紙高情護碧煙

送林伯章

金陵帝城天下會名勝從前特稱最  
觀風季札自何來巍冠峨峨垂綬帶  
龍山虎阜翠煙浮曲浦澄江素月流  
唱罷驪歌向人別城西一訪謫仙樓

贈秋官葉敬之奏最北上

三年持法白雲司直道人歌張釋之  
竹簡下帷工舊學桃花留縣有餘思  
每緣正氣瞻台嶽幸接交情老髮絲  
才俊爾來多近侍看君搖佩入丹墀

贈沈少剛

東浦清清連太湖太湖水光秋可娛  
美人乘舟明月底戲引

驪龍出弄珠黃公壇頭沽酒醉一曲  
吳趨天下無請君早出濟黔首歸來  
東浦隨吾徒

贈胥大夫

洞庭水波混天色君山嵯峨奠江國  
岳陽樓頭一開眼造化高深坐中得  
紫綬若若方離腰浮生萬事如雲飄  
采服諸郎遞起舞醜醜滿泛黃金瓢  
醉醒不復問天地日倚南窗詠松桂  
仙老休傳九轉丹大夫自度三千歲

雜鳳行賀李少宰夢弼生子

雜鳳木出西崑崙百鳥奉之巢帝闈  
大聲鼓鳴震海水羽毛煥爛光朝暎  
銜書獻瑞降神德門乃為少宰之子  
司徒之孫英物生來不嫌晚秀骨墮  
地人傳喧犀頂雙開日月角公侯

甲六

四

金陵叢書  
蔣氏校印

異種由根源鄴侯萬卷行可展立地  
便見乘華軒家書飛鞚入東省看君  
黃氣眉稜賽兩鄉競作湯餅宴莫惜  
爛醉雙金樽

相士吳立

希夷漫讓麻衣術禦寇元藏杜德機  
燕頰紛紛食肉相龍門寂寂釣魚磯

贈謝應午

志士抗高節末俗寡所諧出門各有  
務時能喻中懷契合將焉託瞻此庭  
中槐孰謂爾無心達性乃弗乖榮謝  
委時義強幹屹不摧吾志苟如此何  
必求形骸

贈馬大承道超貢上禮部



金膏水碧不易得馬生才華傾眾人昂藏場屋每脫略一躍  
便致青雲身聖朝禮樂復元古隋唐科目安足數玉階獨對  
天人篇舉頭思與夔龍伍鄉國從來盛俊英蹇予乖刺老無  
成拂君寶劍出門去早取千秋萬古名

贈惲司勳器之

干將無留割奇驥刷千里磊落惲司勳天才豁所委研精綜  
天人識微洞玄理排蕩五行家力破管郭壘領那懋循良司  
農廣儲峙策功龍飛鄉天子知姓氏三命登吏曹士類鑑如  
水古稱裴叔則朗照宛相擬奏績明光宮履聲徹階屺留之  
置左右啓沃自茲始

雲厓

甲六

五

金陵叢書  
蔣氏校印

匡廬蒼蒼五老峯彭湖倒蘸青芙蓉峯頭雲氣日五色散落  
厓谷生春容子晉吹笙紫宮裏拄笏看雲時隱几雲兮雲兮  
心共閒不逐秋風渡江水

贈黃仲實太常

嘉遜息巖壑朋游寡諧親匪茲慕狷獨動靜理自因同人念  
蓬宇惠然遠來臻契濶既以展觴豆亦問陳冲襟共披豁時  
卉况鮮新神聖恢皇綱朝有明哲臣流惠及畎畝粒食終垂

綸

贈馬督府

將軍美白皙朗然玉山行胸填六韜書膽氣森縱橫往年鎮  
幽朔軍令肅且明彎弧插白羽破的矜驍騰設伏殺强虜開

邊廣屯營犬羊悉敗北昨指逃榛荆太行竟爲險巖業亘長  
城千秋屏翰地再見李樂生時平納虎竹袖手居留京讀書  
不出戶緩帶含餘情調笑射揚葉猿猱屢號驚雲間鷺鷥羽  
往往落虛揮把酒登鳳臺北望煙雲平醉拔龍劍舞繡遊鬼  
血青頗聞燕趙士踴躍思雄名竭來拜新詔起握南府兵驂  
騶試按轡無乃枉其能近者居延塞烽火劇流星天子日側  
席籌策勞公卿君今謁丹陛嗚呼致忠誠何不請長組奮臂  
抗先旌蛇矛耀白雪直擣單于庭丈夫貴許國退遜非豪英  
子僕伏回紇充國制先零豈必待損甲折衝由先聲騎人臥  
山谷十載懷相傾簪盍雖云樂所希王國甯  
於淮水東贈徵守王行之二首

甲六

六

金陵叢書  
蔣氏校印

王尊元直道顧凱一狂生解后風波地相看意氣傾雲消山  
自得秋近水偏清握手旗亭暮那堪去住情

新安江見底擊楫興如何日轉雙旌影風傳五袴歌名高翻

借郡道古拙催科此地賢人眾毋辭握髮多

東金許二生下第歸臥病

二仲來疏榻滿塵青青林竹映階新還家頗恨垂高翼閉戶  
應憐養谷神長路風雲難適意故山薇蕨有餘春聞君已斷  
窺園路更註春秋紹獲麟

和羅女文悼妾二首

斗帳紅羅雜組稠陽臺雲散夢無由靈飛月殿仙爲侶鬼落  
星宮命見仇金屋舊恩何處所銀河秋望此生休欲知清夜

傷心地畫燭燒殘獨倚樓

水榭花臺失舊蹤新秋風雨罷芙蓉也知尤物終先壞恨殺

傾城不再逢墮淚難禁團扇賦埋愁空起若堂封魂歸莫向

家鄉去楚水淮山一萬重

送廣甯伯還京代

江上樓船畫鷁飛波搖采旆倍光輝功高大室山河誓令肅

行營虎豹威白露迎寒霈客旆彤雲霽引朝衣獨憐南府

多賓從離恨依依望轉迷

贈蔡別駕

蘇臺對酒忽經年淮水論文更別筵麗藻流傳都下賦甘棠

歌頌召公賢宮袍曉濕鍾陵雨官舸秋迴震澤煙臺內借籌

甲六

七

金陵叢書  
蔣氏校印

均二稅願將周禮贊成宣

短詞贈羅女文二首

鍾山嵯峨入紫冥百靈獻秀開金庭大江奔騰龍虎躍千峯

散落南天青道人築室天印下邱壑重重到茅舍謝墅花驕

羅綺春秦淮舟泛星河夜人生強健早歸來日月持光送酒

杯麟閣功名有時命何須長戀黃金臺橋東曳杖隱淪客抱

琴來尋莫相絕

世路羊腸莽荆棘江上漁舟獨瀟灑五湖何地非吾家相逢

並是同心者北風起兮雪片飛山川搖落鴻雁饑地映吳天

白如掃唯見松栢青依依大魚浪賒飛不得小魚僵死手可

拾妻孥白飯盡一飽豈向朱門乞殘炙黃天蕩深萬魚聚我

與老翁蕩舟去

送楊督府還關中

林塘小隱帝城隅時枉元戎問腐儒傾蓋交情唯古道填胸

兵甲有陰符廉頗去國仍強健蕭相成名在轉輸歸去灞陵

秋獵晚莫嘖醉尉夜喧呼

送彭年

畫舸來自吳江水皇州踏遍諸名山天門表裏金銀闕陸海

東西虎豹關橫笛正逢秋月滿題詩渾亂錦苔斑柴門久待

嵇康駕願爾栖遲且勿還

寄蔡九遠

縹緲峯高碧霧重仙人樓閣隱玲瓏新文出世諸生法大道

甲六

八

金陵叢書  
蔣氏校印

行天萬古同未見江湖徵李泌每勞卿相問玉通休誇林屋

煙霞勝採雨蒼生望未窮

寄王履吉

石湖東畔艸堂低日日乘舟泛越溪鼎轉丹砂驅鶴守匣封

雄劍惱雞啼林中餉客蒸黃獨澗下褰裳弄紫霓愛爾棋華

情不淺詩成強半憶征西

送羅誠甫訪新安王太守

黔江水澄清見底黃山棠發煖薰人京華欲問新安政十月

聞君踏早春

沈懋學游金陵歸杭六首

王會車書一統尊神京南北控乾坤長江險作雷霆鬪鍾阜



高爲龍虎蹲

吳越千山斷續青西湖那似大江澄東來歷歷看形勝獨見

形雲護紫庭

茱萸錦帶繫吳鉤半醉來登太白樓喚取美人歌白苕任教

明月下西洲

君到金陵秋氣新紫萸黃菊照江濤崔嵬一片龍山石又見

荆南落帽賓

青山一洗煙華色徐庾空流怨曲長才子來觀商邑盛却歌

殷武頌湯王

詞鋒撇擻鮑參軍畫法侵凌鄭廣文長傍牛車歌白石空傳

鷓侶滿青雲

甲六

九

金陵叢書  
蔣氏校印

賦陸如愚白谿上

倒注銀河水潛通石澗泉月寒鋪素練雲淨濯青天照影鬢

眉見澄心冰玉懸時看氣五色隱隱發龍淵

送王子新游溧川

王生龍鳳姿夙慕嵇阮蹤舉目局四海何心願樊籠詞標文

苑秀書擬絕代工端居不出戶華譽溢金鏞浩蕩五嶽懷婚

嫁猶未終問訊菴畫溪結想三茅峰采芝共誰殮石髓或可

逢顧予疲蘄人枯魚困泥中望望紫煙駕引領遡長風

送許彥明往松江二首

結友不知心履綦空累百與君山林交心跡兩無隔不見輒

相思相見終听夕歲暮誠寡徒繾綣荷三益今晨叩蓬戶車

馬有行色匪恣山水游亦以衣食役畚田間三柳霜落事秋

獲言念四體勤顧此十口迫浮生寡歡悵玄髮亦已白天寒

早返駕勿作久遊客

東吳多勝友遠念因君勞累歲不一見每慙平生交扁舟過

蘇臺覽勝虎山橋笠澤控海口登邱望雲濤高詞競摘錦古

意相投膠水國早寒夜霧盡霜月高清宴出美酒鱸魚解鸞

刀窈窕子夜詞依稀白雲謠因之發幽興併令塵慮消

贈汪生然水

愛爾溫如玉丁年卽善詩名從三辟重身作五侯師醉月淹

京國觀海歷海涯還家事幽討長下讀書帷

題濯足圖壽陳隱翁

甲六

十

金陵叢書  
蔣氏校印

尹山山下湖水浮仙人高居湖上頭歲取灌田供薄飯時來

濯足弄扁舟塵埃濯盡玉體清手攀瓊樹踏雲行子孫學文

兼學稼咫尺不入夫差城我心愛之恨莫從焉蘿空思附長

松遙持海上千年酒寄向湖東七十峰

贈雪舫君

北風天地肅大雪何續紛長江夾萬山千里同一雲江水東

北流素光靄氤氳恍如黃天蕩歷亂鷗鷺羣又如海門口白

蜺駕龍君道人發高興放舟龍江濱燕磯風飄飄石帆浪泛

云中流自鼓楫前浦金焦分手持一斗酒坐玩波濤文浩歌

黃竹篇十斗乃微醺登艫指東海蓬閣窮無垠誓把安期袖

看曳飛瓊裙迴風恰返權未得通殷勤下顧濁世士塵網徒

糾券歸來雪微止西山帶殘曛却笑剡溪上杯水安足云

贈朱子价

入洛新傳小陸才通家能爲李膺來清風坐發幽蘭詠遠興

春流曲水杯舊樹閱人經兩世啼鶯向客囀千迴翩翩彩鳳

雲中翼徒倚高梧病眼開

送王九之入京

澄江館前江水流征帆五月下揚州玉京臺省多知己會聽

常何薦馬周

贈蘇州教授錢宏甫二首

傳道青鞋入舊京亂山何處覓經行因君卻羨西湖色一夜

垂楊滿目生

甲六

十一

金陵叢書  
謝氏校印

蘇湖教法胡安定漢代醇儒董仲舒組織空文靡舊習虛無

高論大新書

書畫上贈總憲王公

煙霞地隔青林遠日月天迴紫殿深浮世行藏非二道達人

憂樂本同心

陳九臯將游五嶽過余贈詩輒答四韻

白鶴東來毛羽奇翩翩上國振光儀雲隨五嶽仙人杖錦爛

三都才子辭過眼江山皆有色懸壺日月漫無期嗟余老病

蓬茅下煙水逍遙劇夢思

與王佺

長安季主洞幽明市肆談玄折賈生抱病老人茆屋下倚風

欽枕聽江聲

和答同年朱君佐邦伯二首

四方綱紀日夫子耀龍光小試關民社高才失廟廊風嚴松

力勁艸盛豆苗荒耿耿循良傳千秋數趙張

驅馳空病骨偃仰負清朝獨采山中藥期尋海上橋懷賢歸

水鏡憂國望星杓千里聞金奏拾拾勝九韶

贈王光祿克明遷北寺

燕山控華夏中天開紫京聖皇握宸極萬國朝繁星金陵舊

豐鎬庶府羅公卿夫子光祿彥雄才能發研討叛奮南楚四

海馳英名五等未儻爵三命詎爲榮密勿紫泥詔宵旰側席

情簡知由一德而豈資割烹五味濟其和雍雍事調羹高爵

甲六

十一

金陵叢書  
謝氏校印

日以峻泰階行且平山人伏巖谷永願歌德聲

贈別張汝益還松江

金陵菊黃酒如乳吳船繫在江亭樹玉尊狼籍猶未收浮雲

已暗君行處草堂索莫增離愁羨君高義古人流縵袍不恥

狐貉立千金一諾憐交游愛而不可見去亦何時來明年挾

策朝天去遲君一醉鳳凰臺

贈鄖戶部佩之入賀元正

魏闕元正會萬方鎬京奉使羨仙郎旌旗過岱衝祥雪冠佩

朝天近御香龍護袞衣當五位鳳調蒼律應三陽兩都擬就

張衡賦併獻丹墀薦壽觴

哀謫行弔周封君



君不見太阿錚錚豺虎鬻鉛刀繞指矜和柔又不見寒松蒼蒼澹無色桃李榮華耀朝日蕪陽封君不可起前輩典刑今遂已片言鄉黨倚泰山千金散義如流水蔡邕不愧有道碑涇野傾心逸民史嗚呼故老凋喪人則哀高門赫赫空成灰寄壽仲憲長與立

淮南小山真得地洛下耆英最長年入竹琴尊明繡服倚雲闌桂布芝田門庭舊訓鄉人法服食奇方海客傳後圃種松今已長稱鳩應傍老龍邊

寄壽方僉憲時鳴

清朝早脫惠文冠石浦雲濤拂釣竿伯仲大名天下重行藏全節古人難居山歲久松鱗老閉戶秋高桂樹團青簡丹砂

目六

十三

金陵叢書  
蔣氏校印

皆長物酒杯花葉足交歡

和女文自壽二首

天印峯頭望太空海天冥漠快高鴻煙霞窟宅將儔侶玉雪襟懷見始終曳履那需東郭雪枕書長占北窗風虛無大藥千年鼎潦倒滄洲一釣翁  
風塵無路上漁叢林壑逍遙樂事多花底笙歌傳酒賦水邊臺榭散行窩素心一任浮雲變華髮其如大藥何新買小山皆種桂綠陰青子任婆娑

送譚子羽歸真州

鄉國富才英譚生最清發屐中挺眉宇開雲見華月腹笥書崢嶸盤折口恒訥賢關三千士讓爾名突兀長江隔家林定

省暫歸謁槐黃赴秋闈一戰建奇伐手持青瑤篇騰踏獻金

闕

贈斌老

山僧無事睡方濃夜半何人忽打鐘背却松陰還露坐月輪

高照殿西峯

送徐禹量遊溧陽

寶劍青驪照國門飄飄豪氣識王孫車前挂得椒漿去灑渚

先澆烈女墳

贈孫三

江左孫郎義士風解披心膽結才雄耕田帝力果何有避地

隱淪將爾同淮水晶茫雲霧外草堂疏散竹林中更憐天印

甲六

十四

金陵叢書  
蔣氏校印

山頭月長照尊前酒不空

喚白巖太宰喬公

世業韋門盛時名魏相優銓曹標宿望留鑰領諸侯廟議山難轉人才網盡收金天高太華滄海納羣流國有蒼龜在人傳藻翰道江山饒賞詠劍履獨行休再擬經綸起俄成漫汗遊丹青歸大化帷幄罷前籌珍痒邦家郵風猷史閣修舊交紛兩泣異域眇雲愁一奠猶無所相知豈盡酬唯應晉川水遙會海東陬

送劉生承恩歸太原秋試

麟角鳳嘴見者奇火齊木難光陸離太原劉生氣殊馭年甫二十高名馳章賢相業更三世戴聖明經傳博士白璧風儀

不動塵洪鍾扣答如流水寶釵腰懸明月光秋閨小捷何足  
當看托內殿青絲履笑踏君家白玉堂白玉堂非難取胸中  
家學貫伊呂千秋萬歲奉明主  
清曠亭酌酒同許隱君贈別臧子明進士春試  
臥病空山孤草亭玉人高駕叩巖扃開樽勝地臨千嶂揮塵  
清風倒六經三月杏園看走馬幾年書閣照囊螢丈夫事業  
須強健羨爾登朝兩鬢青  
和趙克用自壽  
高人定性謝章茲可怪臨書尙作顛白髮交遊多後輩青山  
行樂有前緣忘機盡散談棋社好事仍鈔種樹篇塵海風波  
終日異醉鄉泉石自年年

甲六

十五

金陵叢書  
蔣氏校印

壽華母

萊婦仍聞住帝城班姑何必教宮庭家規累世傳爲訓子姓  
成行領不名舞鶴自能翻壽曲護花元解散憂情瓊筵繡軸  
尋常事總讓高門孝友聲

壽徐禹量母

綺閣斑衣呈壽酒玉山丹實走仙桃傳詩令子人倫重開國  
元功地望高河鼓雙星爭送巧秋千百索遞分曹相誇綵線  
清燈下間繡宮雲滿素袍

贈仲庵郎封君

俗士各有營高人澹無欲締構青霞居吟諷紫芝曲境空遺  
安排形忘破羈束莊生賦逍遙老氏捐殆辱杖履金焦峯夢

寐江樹綠有子奉滿漣無煩問瓶粟

贈顧生斯道

崑崙鮮頑璞丹穴無凡禽吾宗著東吳挺拔皆秀森羨爾甫  
弱冠器宇遂澄深神駒未展足龍泉斂寒鏗耽玄託雅志和  
賦傲虛襟古稱黃叔度汪洋浩無滯若翁信不忝克肖生甯  
馨竭來遊建業周覽龍虎岑高歌臨長江洽洽有餘音願我  
山中居慰意良已深彈琴對秋月款語修竹林明朝動歸櫂  
遙懸天末心

金元賓自吳赴山中商定王履吉遺稿臨別有贈

王子不可作遺編重南金珊瑚逸海底鐵網勞行尋元賓奮  
高義搜羅遠幽沈玉札聚緗帙虹光耀詞林玄經不覆瓿侯

日六

十六

金陵叢書  
蔣氏校印

芭名至今完此連城寶重爾傳燈心四海莽寥濶誰應測知

音

送吳銑入楚

岳陽樓頭江月輝洞庭湖邊燕雁飛秋深獨客與方遠天際  
孤帆風正微九日他山萸菊酒百年空谷芰荷衣武昌沈約  
多詩興聽賦蒹葭贈爾歸

田舍聞柴京兆致仕

臥病空山秋草深愁聞京兆謝朝簪吾民薄分去慈母野老  
獨吟傷寸心茂樹清流從所好朱弦瑤瑟有遺音扁舟東下  
三江水極目浮雲白日陰

和嚴大宰生日



豐鎬幾年淹吏省  
虞廷多士望朝衣  
台衡地重公何晚  
金玉文高世所稀  
共識皇情優且渥  
莫疑吾道是邪非  
傳聞稷契頻推讓  
黃閣風清正啓扉

贈陸司諫浚明遊金陵還吳

陸子入金陵飄飄若神仙  
足著遠遊履高詠名都篇  
朝攀虎踞石夕弄湯池泉  
窮搜六代迹下拍靈運肩  
他人安得近相攔  
唯惠連睨余臥江海杖策  
枉茅簪會面驚髮改吐心  
知性偏問渠解綬故舉眼  
睨青天呼酒不停飲竟醉  
眠花前凌晨告別去往就  
丹陽船浩蕩震澤水相望  
空雲煙

山橋候送王道思

念與高人別郊圻出餞遙  
陽烏先羽節夏葉暗河橋  
鳳起文

日六

一七

金陵叢書  
蔣氏校印

堪羨鵬搏勢莫招  
願敷鄒魯化終贊聖明朝

壽楊山人

巾烏飄飄山澤臞  
偶然遊戲入皇都  
花前絲竹堪陶寫  
橋裏碁枰絕叫呼  
舊說登仙多鶴骨  
誰家生子盡龍駒  
漢廷丞相張蒼老  
羨爾能傳大藥爐

題印空卷贈楷僧

皎月天空那有影  
寒潭風動始生鱗  
心從定後離塵劫  
眼在無中見法身  
可信住山元是幻  
也知荒殿不須新  
須彌亦合俱推倒  
臨濟曹溪若箇親

贈施子仁入汴二首

君上夷門瞰大河  
遠城秋色起洪波  
梁王賓一知誰在  
莫唱

蓬池阮籍歌

熊羆早蓋大梁遊  
回首金陵二十秋  
問道西關子城下  
雁鴻飛盡水空流

郊居寄陳九臯

高人栖道院逸思滿  
秋山鶴立天壇淨  
梧飛露井斑幽探行  
獨影麗句動羣顏  
可信金陵勝皇居  
紫翠環

陸浚明再遊金陵

一片行旌去復來  
名山千疊繫高懷  
不辭淮水迎風櫂  
要縱秋台玩月盃  
李白綺裘人競看  
謝安歌扇客重開  
雄豪今古知誰識  
玉笛胡牀漫自哀

贈張濟民

甲六

十八

金陵叢書  
蔣氏校印

長桑飲上池能見垣  
一方華陀得神授  
爲人滌肝腸豈不絕  
塵軌終然稱譎狂  
張生仲景後起自秦  
越鄉少年讀素問  
洵貫靈樞章  
執脉炳內照  
先幾決存亡  
聲名徹四海  
豈獨傳維揚  
訪余空山山相留  
但壺觴形骸委  
大化何心叩災祥  
唯有好山癖  
所願足力強  
囊中有靈藥  
請授一匕嘗

送陳九臯還山陰

秦望山人艸木衣  
能令巖壑動光輝  
遠遊吳楚詩名大  
長揖公卿禮數稀  
摩詰風流兼善畫  
嵇康豪宕本忘機  
都門不久留君住  
手把幽蘭賦式微

贈別張築還真州

長江水如一匹練  
與子隔江少相見  
春來對酒花滿枝  
冬去

寒林積冰澈人生萬事在少年功名早奮三才前舊穿楊葉  
有妙手此飛便合沖青天爾不見漢家文學稱揚雄晚詆詞  
賦爲雕蟲他時得路展經濟後有韓范前夔龍

哀攝泉居士三首

天意眞難測仁人竟不延長辭淮水月何賴攝山泉尊滿仍  
餘酒囊空豈剩錢想應生滅際已悟大乘禪

玄度先朝露逢時輒損歡城春花月慘江晚水雲寒苦調悲  
隣笛清風憶素冠山南多舊寺那忍過長干

感激投膠契酸淒屬續言白頭餘積恨黃壤誓酬恩往事成  
今古交情接子孫獨憐孤鳳羽能慰九泉魂

答蔡九遠新春旅懷見投一首

甲六

十九

金陵叢書  
蔣氏校印

把未空山學治生雪寒人靜始歸城倏驚江檻新梅色猶記  
春梁乳燕聲過眼歲華添老髮閉門交態任浮情中郎好古  
翻多事爨下仍聽朽木鳴

壽張時琢東海翁子也

海翁醜儒冠文藝乃餘事歸然英憲朝海內勤仰企天人騎  
箕歸龍種發神驥伯仲忝周旋晚交屬其季詩名動巖壑家  
雞習書字穆穆孝友姿五常白眉異庭階衍芝蘭諸孫更嫵  
媚西來乞我詞獻壽爲遙致既驚瑤環相益歎箕裘世文德  
享未終後嗣宜爾熾祝壽君千年孫子據高位源源餘慶流  
乃盡天報意

送楊晉卿赴桐鄉

飄飄黃綬早臨民鄉國高才每羨君官權近連藩省水縣齋  
長對飯山雲蛟龍遇物多濡澤奇驥追風自出羣世德循良  
應不忝祗今臺省重求勳

甲六

二十

金陵叢書  
蔣氏校印



顧華玉集卷八

金陵叢書甲集之六

上元願 璜

山中集四詩 詞附

以鐵冠壽徐子仁

干將鍊神劍遺我鐵一丸道逢洪厓公為製頭上冠形模半  
月偃金波錯微瀾晶熒金天氣照耀素髮寒贈子介眉壽綴  
之瑤華簪偃蹇青林側魍魅焉可干

題叢篁白兔圖贈喬太宰公

千歲靈毛雪點乾九秋仙杵玉聲寒為懷修竹長洲苑暫下  
天邊明月團

味幻住菴辛夷花寄袁尙之

甲六

一

金陵叢書  
蔣氏校印

野寺春風二月餘辛夷著花紅錦舒詩人夢把一采筆佛海  
幻出秋夫蕙芳非宛入右丞塢馨香擬載靈均車明年欲掉  
酒船去袁宏雅興終何如

瓜

青門子母互句連五色如雲亦可憐試問故侯提劍舞何如  
高壩枕鋤眠

題許經歷詞所藏雜畫冊

畫山貴生氣畫水如欲流哲匠精思得神解俗工乃向丹青  
求僧繇以來到馬夏一變精工入蕭灑後來沿襲失本真卷  
軸顛狂恣竊野許君天機深愛畫得玄理收摭滿湘囊筆力  
盡奇詭層巖疊嶂通杳冥艸木生態俱含情神遊飄飄凌八

極紫芝宮闕芙蓉城由來妙藝貴賞識如君精鑿不易得君  
不聞中郎不向柯亭宿龍枝終然作枯竹

賦陳中丞家雜畫五首

駿馬在異骨權奇插面高人間那乏此難遇九方皋  
牛可理百畝書能知經綸耕罷究千古阿衡果何人  
作詩驚百代何辭苦雕裁方與元化冥豈知軒車來

山中千歲鹿毛如白雪花御爾恣來往穩于蒲輪車

海上熬峯萬疊青歸來鐵杖帶龍腥黃塵世事如翻掌都付

仙公幾夢醒

紅梅素帳

皎皎吳綾雪瑩纍纍梅蕊紅殷五夜瑤臺素月千羣玉女朱

甲六

二

金陵叢書  
蔣氏校印

顏

修竹吟和鄔戶曹佩之十二首

二月金陵桃李花春風吹醉五侯家修修畫省簷簷谷玉氣

蒸雲化碧霞

蓬水浮筠路何許月明共接飛仙語雲邊青鳳去無聲遠徧

幽庭獨愁忙

落花風雨逗餘寒春恨詩成醉懶看曉起庭前新竹長墨華

書滿翠琅玕

出牆初見雨梢齊拂石還憐露葉低清影靜搖明月苑碧沙

寒漾浣花溪

攤書獨據烏皮几洗硯時臨墨池水日斜何處散幽情散髮

行吟修竹裏

纖纖細竹映虛廊紫笋穿苔自布行時有高人來嘯咏他山

十丈漫爲長

空堂三伏轉清秋滿院重陰瀉碧流竿溜素霜寒挺挺葉含

輕吹晚颺颺

荒雲漠漠荆江滄霜俄蕭條殘野筓堪羨仙臺尺五天枝枝

碧玉承春雨

簷簷淇園青竹竿移栽華省映朱欄吟空驚鳳清風遠墮地

龍蛇白畫寒

靈女雙雙下紫霄踏歌江渚采蘭苕憑將解谷伶倫管送入

鈞天協風韶

甲六

三

金陵叢書  
蔣氏校印

竹君不及花奴色可惜相知眼中少阮籍元非麴蘖徒王猷

猶擅人倫表

小徑中林宛轉通薇花秋晚墮疏紅三三五五含香侶耐可

婆娑退自公

寄題文徵仲玉磬山房二首

曲房平向廣堂分壁立端如禮器陳拊瑟便應來鳳鳥折腰

那肯揖時人詞華價並金聲賦壽酒權生玉樹春法象泗濱

真不忝畫梁文藻翠光勻

小構山房護竹園道人行坐自云寬湘簾散映圖書亂石枕

橫搗夢寐安世祿後先三叟綬詩懷今古一憑闌堪憐海月

經簷白正照前溪綠水寒

題宜男便面寄朱銘甫二首

宜男照耀後庭春笑雜蘭芽插鬢脣良夜繡帷傳吉夢雙雙

抱送玉麒麟

北堂靈草忘憂種南省尙書積慶家欲頌益斯歌子姓試開

紈扇數叢葩

丹泉歌贈顧生

葛翁鍊藥吳山顛丹砂入井流丹泉洞門一閉綠苔滅至今

寶氣橫青天山人築室幽澗東飛泉洒壁秋霞紅飲之不飢

復不渴碧眼漸換爲方瞳買藥金陵未歸去月明猿鶴空延

仁東取陰符向白雲燒丹直傍泉飛處

宗伯殿公御書樓三首

甲六

四

金陵叢書  
蔣氏校印

宗伯樓成氣槩雄賜書遙拜渥恩隆千年聖澤傳金版五夜

文光貫玉虹稽古桓榮元好學談經對向獨輸忠欣承明主

崇儒日一體君臣志業同

重樓高揭楚雲低中有圖書護紫泥子姓傳家開閱山靈

潛地守封題芸箱積架無殘蠹月案研朱有降藜恩寵自天

光價重鄴侯遺事豈能齊

樓上新藏萬卷餘法筵元是舊陳書虞廷際會風雲合孔道

光輝日月舒未許傍人誇龍數自憐家世得舊畬遭逢恰歎

千年事空使孫通起漢初

嚴子寅小閣

幽樓易爲足容膝豈願餘日覽陶謝篇時臨蘇黃書樂此永



听夕自願無斗儲往往賦佳句馳聲滿鄆園

周臣爲余寫水墨山水大障徐子仁特賞其妙口占謝之

崢嶸華嶽三神峯移置神堂雲霧濃泉飛樹挺氣生動羽人

佛彷彿中林逢周生作此特神妙髯仙見之欲狂叫眼中失却

梅花翁人間豈乏鍾期老

刻絲梨花

素娥春舞翠綃衣宴罷梁園月影微水底靈蛟何處見恰偷

嬌豔入仙機

牧牛圖二首

牛背澤且適牛肩高嶼岫登之挽其角懼勿就文茵原岬鼓

兩綠芳樹夏葉新行歌重陰外何羨楫軒墜

甲六

五

金陵叢書  
蔣氏校印

牧兒三尺篋烏鬣唯所使吻渴不及泉奔逸顧乃爾大德在

順情民物同一理馭衆有安危毋謂悉由已

施子仁湖山畫障歌

吳趨祇誇金閭麗何如震澤東山美夏后舊導三江流范蠡

初逃五湖水波心羅列七十峰蓬壺散插碧海中塵寰斷絕

煙鳥遠靈橋上與銀河通柄屐架壑多隱居樓懸開轉傍青

虛侯封共指千林橘飽飯仍兼萬頃魚此中遺逸盛才傑樂

志披心任交結春申賓客廣文詞慶忌後人能射獵人生有

緣生福地有酒長對包山醉但持綠髮傲林泉何用青衫走

城市不到山中三十年忽開圖畫興翻然春來裹茗搖煙艇

與爾先嘗悟道泉

鶴泉歌爲王偉純賦

白鶴夜啄飛霞峰山頭泉飛如玉龍泉鳴鶴唳天地肅長風

吼徹千巖松泉上高人毛骨靈十年洗心箋六經文詞出口

夏金石已卻煙火辭羶腥當今聖人出禮樂昭典刑爾栖林

泉胡自竊巍巍阿閣五雲上試展垂天彩鳳翎

棟塘行贈李封君

山翁種棟野塘上歲久根株如鄧林高標上拂星漢迴長株

下蓋千人陰氣凌風雨力排盪根盤厚地窮幽深雨水迴波

恣潤澤龍山飛翠連蕭森宏蟻移封不敢近游龍挂影時興

竦白鶴生子于其上露下青天揚遠音山翁依之結茆屋百

里亭亭望喬木手校詩書課子孫身備人倫化鄉曲萬石何

甲六

六

金陵叢書  
蔣氏校印

漸古樸風太邱善變澆漓俗憩陰看山誰與語投竿取魚非

所欲有子乘鸞清四方願此謳吟意恒足君不聞陶令五柳

垂清風王氏植槐生上公李翁之棟兼二美家聲世澤何終

窮

陽湖曲贈王禮部直夫十首

陽湖在何許乃在婁門西雲水相澹泊能令高士迷

陽湖媚煙霏不滅欲湖道宛轉子夜歌廣韻有同好

扁舟蕩雙槳琴牀兼硯几旖旎傍丹鉛笑殺鴟夷子

鴻鸕對人浴鷓鴣夾船飛物性各有適幽懷澹忘機

生事在湖水與世了無陵淺渚拾紫芡深潭擲碧菱

陽湖信自好五月荷花鮮移舟就楊柳驚開游女船

震澤浩無涯三江風浪惡瀟瀟陽湖水艇子隨住著  
長洲不復苑齊雲那有樓陽湖清淺水千載悠悠  
舟居無往來端坐披白帽間釣季鷹鱸戲收龜蒙鳴  
明湖落天影澹澹古城邊春風豔陽月滿鏡百花然  
金陵八詠和洪宗伯

牛首山

天開雙闕定神京羅立千峰拱衛成形勝金湯誇百二紫煙  
長抱日華生

觀音巖

江橫北郭水浮天拔起靈巖紫翠懸夜向空冥歌海唱魚龍  
掀舞佛樓前

甲六

七

金陵叢書  
蔣氏校印

靈谷寺

曾是前朝古佛壇天皇留此侍金棺松杉十里蒼雲暗陵寢  
千秋玉露團

雨花臺

古臺開士說金經傳道天花落紫冥廣舌不來塵海變春風  
唯見草青青

東山

相公游時花滿蹊盡道秦淮勝剡溪回首洛陽輕一擲江南  
花月使人迷

梅花水

泉生石底無泥滓復映梅花清可憐山人濯纓明月下一夜

高足詠藥珠篇

清涼寺

禪宮遠嵌碧山幽亭榭凌風居上頭舉酒天邊賒月色振衣  
林表拂江流

雞鳴山

金陵護佳麗四方聞雞嶺平窺錦繡文萬井煙花纏碧樹九  
天樓閣護彤雲

謝許司徒惠金露酒

蓮城名醞美走送荷情親芳露承僊掌清風近聖人藥和宜  
老病梅賞稱先春野客慚空腹陶然得醉醅

和陳魯初南遂初齋四首

甲六

八

金陵叢書  
蔣氏校印

地築淮水曲門枕市橋頭城郭煙花遠山川紫翠浮開林通  
鶴徑架檻弄魚鉤興洽蓬壺外飄飄賦遠遊

涉世齊諸妄冥心近四禪有言皆象外無物勝尊前古帖臨  
池揚春醒枕石眠懸車自吾志何必問行年

曠志高雲上浮榮逝水東狂歌隨楚老力稼習幽風道盛賓  
長滿心清室屢空揮毫多妙墨誰謂晚疏慵

洒落陶元亮孤高管幼安葛巾逢酒漉木榻借書看嘉樹光  
風轉遙山積雪殘苦吟近成癖終日懶衣冠

以紫眠瓜杯壽女文侑之以詩

東陵五色瓜精彩化雲英墮地結紫玉流光燭巖扃仙人夜  
采掇剖之爲巨觥神工謝雕琢質疑生成瀉以丹霞漿日



月炫晶瑩長跪默翁壽雄飲吞長鯨五內忻灌沃上藥資流  
行三載換綠髓十年骨盡輕出入紫煙表壽與天齊傾  
謝顧新之惠綠萼梅

閨苑仙人綠萼華天風吹送蔡經家煙紈夜透冰肌白正映  
西牆素月斜

題徐翁仙老障子

長松並立摩高空深山何日無清風倚樹不語者誰子眉髮  
似是商山翁白石可飯泉可飲下視濁世飛塵紅

水仙

翠羅裙帶玉搔頭渺渺湘波素月流莫遣紫簫吹斷續碧天  
寒露不勝愁

甲六

九

金陵叢書  
蔣氏校印

題畫

千峰流雲送鳴雨萬壑長風戰高樹擁蓋山人何處歸林深  
野寒日將暮日將暮行路苦天地陰晴倏忽殊山人慎弗輕  
出戶

題徵仲雲山

江聲喧草閣雨氣溼楓林雲外青螺影匡廬幾許深  
爲全老作世尊像偈

我聞大世尊清淨心即是若求莊嚴身亦復墮諸妄居士設  
此相妙在無相界有無悉歸空佛寶咸具足一切供養厭當  
作如是觀

以藤枕贈魯南辱謝四韵次答

石牀筠簟鬪清芬把贈應知薄綺繡虛質含風延爽氣碧絲  
綵霧動波文琅玕比德應無玷瑤瑤論材漫有文臥向北窗  
魂夢穩海濤千里隔南雲

夢中天子命詠玉覺後記

至寶終難璞裏藏琢磨今始見蟾肪連城共重千金價陳器  
還增九廟光獨乘珪璋動對越時搖珮璫動琳瑯願教聖主  
崇明德大鼎神龜共久長

汪中丞乃子子睿秀才持西湖圖索賦長句

同人昔汎西湖水錦纜牽船鏡光裏雲霧難窮夾岸山樓臺  
亂擁前朝寺吹簫夜登保叔樓青林明月影倒浮遠窺天竺  
西方景近指蓬萊東海游當庭揮翰疾如雨簿書不得妨歌

甲六

十

金陵叢書  
蔣氏校印

舞風流蘇白疑可招意氣雷陳暗相許鸞鴦分飛西復東尊  
酒放譚難再同汪生提畫忽示我竝立感歎懷高風看生豪  
意吞四方轉眼便登冰玉堂承家節操豈相忝東人譚頌長  
洋洋窮巖舊詩如可識爲掬湖波洗苔壁

題王鳳梅小畫

草閣柴扉映水開雲松不着市朝埃扁舟載得蒹葭興何必  
溪山雪後來

寄題張希孟都閭隱居四首

石門精舍

石出江門蹲玉龍白雲橫束括蒼峯幽林坐嘯無人見祇聽  
鸞音振萬松

水心別業

永嘉城北水心寺寺下高人鑿石居向老拈杯渾懶漫滿牀  
拋散六韜書

東溪

山夾迴溪抱日流荷花百里錦雲浮人間擲卻黃金印長破  
蒼煙弄釣舟

逍遙亭

龍湫瀑水遠聞聲鶴嶺仙雲變采呈瑤草滿亭抽碧玉道人  
跌坐學無生

麗卿宅觀燈席上賦

美酒華燈樂此宵詞人高會慶清朝條風累日春初動明月

甲六

十一

金陵叢書  
蔣氏校印

千門雪半消未許峭寒欺鶴警且傳新曲度驚簫江南舊勝

依稀在羅綺塵香十二橋

賦料絲燈

畫架高懸寶炬紅文綃光透綵毬空雲霞巧織天孫縷水火  
潛輸鬼國功珠箔玲瓏宜映月玉屏虛薄自含風殷動萬里

提攜意消得詞林賦咏工

簡亭爲殷奉常賦

山人苦多事卻走林中居孤亭結疏竹一榻了無餘手撫陶  
公琴口誦莊生書赤足不裹襪直鉤時釣魚客來自傾壺醉

臥方蓬蓬毋勞問名氏葛天之民與

寄題袁永之列岫樓

高樓隔金闕乃瞰橫塘水畫棟切雲浮雕題翼風起曠望臨

大荒川原敞千里洞庭七十峯羅列窗戶裏矧茲靈巖近松

檜森可指美人樓中居懶慢謝冠履輕舉希靈仙高臥疑豪

士支頤對青蒼傲然薄城市林煙潤琴絲湖月漾書几舉酒

歌慨慷神游蕩無淡玄暉儻可作詎羨郡蠻美

薛吏部君采園四詩

牡丹亭

朝下天老堂夕歸臥邱樊揮金買花種長恨不滿園牡丹花  
之王千本豈厭繁火齊大盈尺錦帳羅成藩日張金谷宴姪

娥滿前軒丹粉豔華色含情各無言但覺麝蘭薰潛惱蜂蝶

魂此時對美酒春風散微暄高歌清平曲竟坐空百尊誰能

甲六

十一

金陵叢書  
蔣氏校印

逐駒隙東帶遊朱門

登心亭

秋至金氣肅池水日澄停游氛夜消盡徹底青天明道人心  
源寂塵事了莫嬰飯餘隱几坐興起緣池行鷗鳥飛相親條

魚樂無驚羣動各自得生理澹且平與爾兩無取誰復思濯

纓

大甯齋

眾人皆棄我我始有一身百年握重寶何事殉他人伊尹樂  
兼善引世以自任阿衡雖達志五就亦艱辛列禦憂五獲老

聃西出秦放形無何有混混混疏親松柏中棟梁丹腹損其

真樸嶽山中樗庶以全吾神



退樂園

薛子早朝登吐辭驚眾人蛾眉遭厭妬跼蹐長不伸自從返  
初服遂與漁樵鄰心清故無累迹遠乃遺塵開園當近郭樹  
藝招陽春時卉循節改親交敘情親列席藉芳草漉酒脫絺  
巾醉來任聚散豈復知主賓寄言謝當世結束非吾真  
于按察泉莊雜咏

左山

青蒼萬古色日日落吾几吾已忘吾生山乎爾誰氏

上泉

錯落萬頃田潺湲百丈泉山人日秉耒飽飯對山眠

清流關

甲六

十三

金陵叢書  
蔣氏校印

頗笑古函谷曉出鷄鳴客四海今一家嚴關石門坵

赤湖

古邑今爲田城闐復何有時見遺世人長歌一回首

雲屋

茅屋依青嶂松枝拂戶低鶴來休便住留着白雲栖

月池

清池如半壁下浸青天月依稀玉兔邊側露金銀闕

院卉

園花滿百種種種足春光百年春盡醉纔得九千場

園蔬

盤口就晨殮青菘間黃獨還問石家廚啖乳薦豚肉

遠嶂

窗中列遠岫傲殺謝玄暉地是煙霞窟身仍薜荔衣

平巒

翠屏高千尺行坐日相對宇內有紅塵盡在巖巒背

魚沼

厭魚聚淺水誰謂鱗甲微中有赤色鯉兩卽隨龍飛

雁疇

昔飛遠塞外映月落虛弦今向人仁側隨陽宿野田

柳堤

手種春楊柳盈盈綠滿堤居人不自覺過客竟須迷

篁徑

甲六

十四

金陵叢書  
蔣氏校印

竹下有幽徑本爲求羊開清風滿庭戶時聞抱琴來

對菊十首和魯南

羣芳搖落候生意獨欣欣欲趁霜前賞曾勞雨後分黃金開

正色紫麝散奇薰願以蘭爲友那知竹是君

幽藜多傍砌淨植故當軒葉抱孤根起花分五色繁石湖方

勒譜粟里漫開園請看東籬下成蹊豈待言

種來分小徑護處挿疏籬鬱鬱凌霜葉亭亭開月枝氣清渾

絕俗香遠更忘私本愛金風爽誰云獨後時

漫爾稱花品天然謝俗粧金精應太白土德正中黃雅韵宜

邱壑貞心傲雪霜頽齡如可制永願薦靈觴

丹桂香殘後名花見亦稀一枝零曉露三徑總芬非飲水人

多壽冷英世已遠唯餘黃梁色猶近內家衣  
孤標霜莫崇弱植露多恩爲問重陽月誰言芍藥尊品奇千  
里致根老隔年存千古知心地蕭蕭五柳門  
濁酒嗟何至清吟幸可酬獨憐盈把色掇取一籬秋製枕功  
偏永緘書意更幽騷人歌令德蘭蕙本同流  
鬪種矜多葉臨開愛獨枝名高隱君行情遠逐臣詞慘冽神  
逾王摧殘性豈移不隨梅共落玉笛任君吹  
直榦依孤竹繁叢混眾蒿幽香一散漫秋意失蕭騷落帽山  
人醉移尊使者勞郊居日相對隨興坐亭泉  
黃菊真宜晚霜寒色轉鮮栽培元得地服食擬登仙丹粉休  
論色笙歌別有天杜陵憔悴客相作草堂前

甲六

十五

金陵叢書  
蔣氏校印

賦陳鶴飛來山房

何年泰嶽峰頭石飛落東溟海上沙雲氣搏成丈人影霞標  
開出隱侯家

題徐禹量畫上

山人學稼築郊居已與人閒萬事疏走狗飛鷹身子倦獨臨  
殘照看農書

雪

白雪吹花散草堂晚簷爭舞北風狂微陽力戰重陰候素影  
潛回午夜光高步卽思行鶴警清酣無謝薦羔羊郊原萬木  
皆搖落獨見中林古柏蒼  
雪和魯南二首

雪積寒城曉人眠野屋深二儀元氣合萬木早春臨白掩羣  
峰色青含寸草心潭冰知徹底猶有凍龍吟  
雪飄何所似玉樹落晴非雜散融還凍因風集更飛糟牀催  
猛注書幌借餘輝灞上騎驢者紅驢肯漫依

繡毬花

不惜荆山玉裝成素錦毬春風解憐汝拋擲與誰收

白芍藥

繡幄千金種朱門百寶闌一枝煙月影偏耐道人看

和魯南後臘月六日對雪三首

歲暮風仍積春臨雪併來寒聲偏戀竹陽信早傳梅點樹疑  
花綴迎風學絮回捲簾同客賞還愛蟻浮杯

甲六

十六

金陵叢書  
蔣氏校印

向老年增臘多情雪媚人神京移白玉絕調抗陽春潤麥歡

成澤凝階幸滅塵最憐豐稔瑞先慰艸萊臣

地遠平能布簾疏巧解尋雲低圍素野松勁擢青林食盡烏

難下池融水漸深閉門僵臥客何有畏寒心

夜雪

色換虛窗曙寒侵陋室窮雁迷天一色雞唱夜方中客權帆

應重薰籠火不空此時鍾嶽影白晝宛疑同

題蕃王閱馬圖

遼西胡兒好鞍馬一生射獵長城下權奇岳聳汗血溝不惜  
千金鬪高價蕃王雖老心未衰沙場愛養蛟龍姿日中牽出  
自閱視剪鬣刷尾調奚師屏間美人誇眼力能按馬身知馬



德就中選取千里蹄左右相看俱動色祗令朔漢淨風塵良  
馬皆充上國珍胡兒不敢向南牧歲歲來稱獻馬臣  
竹泉詩爲邵正甫作

南山青青修竹園下有泉水流其根雲中有源深且遠澗底  
無泥清不渾月明似見鸞鳳浴風過忽聽笙竽喧道人睡起  
自洗耳散髮石上開清尊

詞附

木蘭花

答介溪禮書二首

望紫雲宮闕曾出入更行遊向鳳閣揮毫龍墀曳履籍甚清  
幽千載明良慶會天地德獨把寸心酬魯史專行筆削虞廷

甲六

金陵叢書  
卷之六  
蘇氏校印

迭和歌詠 華旂日侍豈番休殿東頭朱扉黃閣班行迥迥  
歲月悠悠遙想而今樂事西苑畔碧樹正清秋玉醴長霑風  
翠繡袍緊趁龍輦

慨山人老矣逃澗谷息朋游儘細竹成園寒松夾塢自占巖  
幽天與清風皓月從受用不費一錢酬管領匡牀石枕安排  
野調村謳 餘生莫更賦行休眼前頭清閒滋味無何境界  
儘已悠悠莫笑先生太越些箇物相伴度春秋濁酒新烹郭  
索問窗靜聽鉤鈞

點絳脣

元日陰

殘雪明階撲簾微雨東風峭狐裘貂帽可信春曾到 令節

神京合遺陽光照天公拗燠顛寒倒一任梅花惱  
意難忘

鷓洲宅賞燈

光爛紅燈正珠簾盡下玉墀高擎銀屏烘夜影火樹迸春星  
人散誕歲豐登對偉麗神京雪尙凝微風料峭澹月疏明  
那堪主客多情任銅壺漏水報過三更傳香添鴨鼎選曲度  
鸞笙連夜醉不須醒更告與良朋儘元宵都無十日莫揀陰  
晴

晴

玉連環

和石亭賞燈

綵棚燈障千花簇影搖紅燭更闌客醉且淹留月影在闌干

甲六

金陵叢書  
卷之六  
蘇氏校印

山 滿座錦衣花幘雅吟追逐不須檀板共金釵如此樂今  
生足臨江仙

雨中東譚子羽

抱病登樓無意緒滿城寒雨濛濛一樽何日與君同捲簾芳  
草碧呼酒夕陽紅 堪恨賞心多不偶依然枉卻東風扁舟  
歸興莫匆匆江梅他自落別有海棠叢

序

大司空東橋顧公際余憑几集五卷續二卷皆楚詞也小子  
 汭作而言曰文有得於江山之助不信然耶是故易陳八卦  
 假觀象以成文詩兼六義託名物而起興若夫大夫能賦據  
 幽思於登高公子贈言綴離心於臨水引而伸之其致一也  
 司馬氏敘記豈欺我哉別有閉戶湛思下帷纂業研討則遠  
 發揚殆未盡也歲在丁酉月殷仲秋公佩中丞之符建全楚  
 之節於足乎浮江漢踰洞庭眺昭邱躡衡嶽遊雲澤而入武  
 關歷荆豫而探春邑銅梁峴首之墟紫柏方城之坂地控褒  
 嶻之都星分翼軫之野靡不至而陟焉矧聖哲之所栖息故  
 能鬱以青葱新廟肅而奕奕斯時也煙霞百形濤波萬狀幽

甲六

金陵叢書  
謝氏校印

蘭芳杜叟我以馥郁玄猿黃鶴惠我以好音準麗則於騷經  
 感雄心于英烈迺茹為精華吐為藻績夫安得不奇乎公方  
 載綵筆于巾車藏錦囊於式版褰帷而白雪立就駐轍而青  
 湘都滿珍樹匪假玉卮悉當嗟乎昔賈生賦妙於浮湘燕公  
 詩神于岳牧仲宣擅美于江樓太白流聲于鄂渚蓋自古有  
 然矣諸子者特失意孤憤中耳而公復舍展就召飛簡著動  
 不尤盛乎公自弱冠發科解褐談藝即與李何之輩高視上  
 京獨步江左茲固上德之餘事素業之外篇也汭也謫楚無  
 文誦言增歎云爾嘉靖庚子首夏郡中後學皇甫汭謹撰

自序

丁酉秋八月余發武昌行臺南歷諸郡殆遍至明年戊戌夏  
 四月始返蓋八越月在車之日幾半凡行七千餘里所乘帷  
 車前有一橫板下為抽匣藏書二三册筆硯亦具日憑而誦  
 若几焉山川映發于目時序變易于前情感事觸悲喜百狀  
 率口占為詩詞將以寓懷消日不求體調所謂編實乎已者  
 也止輒筆之不覺成帙題曰憑几集凡楚所得亦附焉從多  
 名也昔張燕公出守岳州後詩律精進人謂得江山之助今  
 江山如故而余所經復廣得不失故吾足矣安敢望進乎則  
 夫助云然者蓋自內生不專在外也東橋居士書

甲六

二

金陵叢書  
謝氏校印



憑几集一詩

出藩圻飲塵學士山莊留贈

雲峰繚繞午橋莊學士邀賓坐艸堂細指江山論氣概久瞻  
星斗識文章青霞覆道干旌潤丹桂飄庭笑語香大石巖巖  
堪下拜野人休訝米公狂  
謝馬戶曹飲別桃花山下  
旗亭嘉樹露華清征馬投南戀別鳴十里盡鴛勞曉鏡一川  
禾黍快秋成桃峯路接煙霽色石道風飄鼓角聲老臥東山  
空再起了無分寸答蒼生

甲六

金陵叢書  
蔣氏校印

通城山中赴岳陽

本作觀風使何辭度坂行干旄唯帝命田野有民情石出泉  
爭響林幽樹漫生那逢古召杜羅列在連城  
初出岳陽期登嶽有賦  
浮湘未了嶽峯緣夢寐煙霽二十年問俗再遊荆楚路乘風  
須到祝融顛神馳滄海看紅日路指朱陵上碧天赤帝肯分  
賓友席莫教雲雨暗山川  
九日風雨同崑山張水部誠之飲岳陽行臺  
霜臺對酌重陽酒同在他鄉似故鄉萬里江湖樓閣迴百年  
家國鬢毛蒼鴻飛豈爲秋田下菊綻從知舊徑荒露雨君山  
登未得西風休爲孟嘉狂

雨中旅懷用前韻

南天九月披重褐可信寒生自水鄉多病怕逢秋雨積小晴  
忻見暮山蒼雲迷巴國行來遠江漲吳田別後荒自理行藏  
還自笑接輿誰道是真狂

觀湖二首

來爲荆楚使愛覽洞庭湖一水天高下諸方地有無行舟隨  
鳥盡飛閣帶雲孤憂樂平生志陰晴任爾殊  
七澤名何辨三湘水既同影搖坤軸動形擊楚疆空浩蕩吞  
南微平成賴禹功中流操楫者破浪慎長風  
觀洞庭張水軍

楚南洞庭天下險寇盜不與潢池同干城頗設諸將在格鬪

甲六

金陵叢書  
蔣氏校印

正賴三軍雄秋高日晴水如掌傳令千艘出湖上畫鷁分張  
羽士林青龍獨擁中軍帳旌旗照水雲錦明魚龍下伏不敢  
驚三步五步一齊止左哨右哨連行營健兒使船如使馬變  
化風霆殊整暇須臾一舸遠飛回戲縛生俘獻麾下船頭將  
軍紅繡袍橫弩坐射浪間鼉兩行金鼓震水府萬夫大喝江  
雲高吳王餘皇誠可嗟黃蓋朦朧未足誇若將遠較昆明水  
定數威雄勝漢家

自大荆驛往平江

霜重林木疏日出山霧豁檐帷發荒館鳴雞亂相聒豈不憚  
險艱我職在咨度窮岩蔽白日幽隱難自達吏鮮拔薤能單  
羸困衆奪赤子墮督井陘痛焉可退拔劍淬清水爲爾試一

割

平江江邊馬上作

信馬微吟野水邊水光人意靜相憐祇今吹角歸城府何似

持竿入釣船

翠華嶺

疊嶺各殊狀翠華雲霧深溪魚下見半壁鳥平飛礙路客

行少野人生事微林巒雖滿眼佳處亦逢稀

曉登有感

荒林昨夜試新霜曉起桑榆一半黃行子不知身是客白頭

猶自別家鄉

瀏陽山中

甲六

三

金陵叢書  
蔣氏校印

老來重作宦游身車馬空巖起路塵日出寒雲猶戀岫地偏

幽鳥不疑人行藏已被青山笑稅斂空悲白屋貧安得簡書

無一事壤歌相伴葛天民

山行有感

草徑緣山百折迴霜臺旌旆幾人來可憐萬丈幽岩外白日

無光凍餒哀

漫興

勞生浮世已蒼顏習靜空門又出關身被水衣慙再命手持

黃紙歷千山林廬乞火征徒飯寺閣鳴鐘宿鳥還莫怕塵纓

無處灑半厓懸湖碧潏潏

喜山中幽概

楚山秋色滿熊轡涉澗攀巖不憚煩菊放那逢元亮酒竹深  
空愛辟疆園村墟盡理桑麻地老稚稀聞市井言雞犬數聲  
雲霧裏祇應風景是桃源

蕉溪嶺

蕉嶺何嵯峨峻極侵漢巖巒勢峻嶒草樹影蒙茸羊腸仄

徑迴螺髻尖峯擁危訝天與摧突疑地俄腫曦輪僅平過星

緯翻下拱罡風勁而衝游氣蒼以壅循厓必踣躬躡級難舉

踵聯升貫行蟻疲臥縮僵蛹高翮竦每搶健馬息亦憑韓愈

豈虛哀王尊乃真勇輕輿苦陟降牽掣資衆捧雖謝勝勞

屢動毛髮悚昏黃履坦道賦鷗抱餘恐

解嘲

甲六

四

金陵叢書  
蔣氏校印

三千道路內臺臣六十光陰舊逸民煙霧窟中行畫障簡書

叢裏布陽春身將許國那堪老性慣耕田豈厭貧寄向鍾山

猿鶴道暫時相遠莫相噴

再過蕉溪嶺往長沙

雲梯石磴細盤旋入蟻成行上九天霜葉點林時五色巖泉

飛澗只孤懸風煙百粵虛無裏舟楫三湘指顧前追憶舊游

驚鬢雪獨餘狂興似當年

野飯

輕車度嶺歇野飯暹墟煙半席小茅舍一杯幽澗泉民情懷

使節露積喜豐年寶劍冰三尺豺狼爾莫前

入長沙



巖城鼓角擁儲胥郡將橫戈導華旗漢國提封存萬戶楚騷  
哀怨起三閩清朝禮樂無荒遠內史巡行自古初衡嶽動搖  
應愧爾召南歌詠正愁予

重到岳麓書院

不到書堂二十年浮湘遷客已華顛唯應岳麓山前樹曾記  
哦詩曲水邊

賈太傅宅

漢文亦令主胡乃棄賢人本志苟非合多言徒累身賈生八  
九策絳灌因宜嘖長沙一謫宦舊宅遺千春清冷井泉水孰  
謂非公神

長沙陶公祠

甲六

五

金陵最奇  
蔣氏校印

典午厄陽九強臣犯京闕匪懈勤王師社稷幾淪沒桓桓長  
沙公上游秉旄鉞志雖屈掃除功已安陞机舊邦仰遺靈明

祀耿無欺

岳麓書院

大道隱浮華稽疑在明哲心交限千里命駕勇所決幽討向  
空山三月語未輟微言世非遠橫議今復烈願因江漢流一  
濯永清激

熊湘閣宋忠臣李希死節處

天運委胡虜孤城安自全家辱等身辱十口同時捐義士舞  
白刃烈火揚朱煙傷哉熊湘閣浩氣橫雲天江山今中土四  
望風淒然

獨燎

冬巡仍野宿獨燎向更深報國將何事臨民負此心風燈搖  
短暈霜角與哀音百感方無那猿啼况近林

荷塘館曉發

戍鼓沈沈漏短長百年浮迹此荷塘三更早報荒雞月獨樹  
寒翻野鵲霜人影候門排節鉞郵程呼燭倒衣裳此時天上  
朱門客高臥方添燕寢香

雜興六言六首

碧水澄溪日登黃茆覆隴霜乾鳥下平原片雪人登峻嶺千  
盤

古寺厓懸疊閣危橋澗架孤亭泉水歸池始靜墟煙過樹猶

甲六

六

金陵最奇  
蔣氏校印

擬

路絕每稽廚傳山深罕識行旌人過荒村犬鬧笳嘶遠岫雲

驚

軒冕煌煌獨貴干旄子子誰賢正恐五漿先饋空令一榻長

懸

境向靜餘生動身從穴地求清嘉樹陰邊聽訟流泉聲裏傳

更

光陰逝者皆客行藏寄也非吾野宿身仍吠畝鄉心夢失江

湖

懷學稼郊居

中藏抱微疴乞骸返林下衣食寡所營因之學耕稼披蓑唾

老手鞭牛自芸耜四體雖力勤豐稔荷天借港瓜復畦芋妻  
孥獲存薪豈云借隱淪聊取禦冬夏今春應詔起楚臺策高  
駕法家貴深嚴迂疏非流亞黔黎苟無補安用積罪罵次且  
答皇情歸與舊茆舍

懷松塢艸堂

先公埋玉山種松千萬株直幹老龍立清陰高蓋敷逶迤石  
岡南秀色纏靈區肯堂僅數盈養祠遂間居著書託游息種  
黍給朝餼雖乏雞豚產頗辨杞菊廚嘉賓或至止雅歌每傾  
壺柴門鎖秋雨菊徑將無蕪

懷屏山小隱

愛山久成癖築室依山阿指山作屏幃日玩青蛙峩春夏雲

甲六

七

金陵叢書  
蔣氏校印

霞色秋冬霜雪柯榮悴雖殊觀我心矢靡它榮名果何物委  
身任風波纓冕困微官無乃損天和請辨主賓分所得誰爲  
多

懷息園

我非仲長統樂志開家園隣人助幽勝陂池廣無藩魚鳥以  
類聚花木逐年繁種梅亦結子種竹亦生孫居家每涉趣近  
市復辭喧煌煌都城側寂爾成邱樊邱樊不自愛乃從兼善  
言兼善本大義無施成素餐孟軻去已久此義當誰論

六憶

羅印岡

憶昔觀光初羣龍起鄉國駿馬聯華鑣出入動生色升沈四

十年風波轉傾仄存者僅三人華髮已衰逼劉公去吳興獨  
幸奉君側芝蘭晚逾馨金玉久無忒枵然野人腹恒飽君子  
德爲別甫逾時言念靡終食惠書竟成紙在遠心益惻諒哉  
歲寒交終古不多得

陳石亭

流觀文章苑君才如錦機觸手生萬象五采騰清輝神情既  
効能理性亦洞微蜚聲天壤內調絕和益稀蹇余撲拙資磨  
琢夙有依瓦缶附黃鍾巨細本相違新新里中兒謬許諧音  
徽韓孟豈其伍皮陸是邪非所幸山水際時從蘿薜衣賦詠  
盡花竹游衍遍巖扉臨衰忽分散夢想恒漁磯微念早相遂  
白首終同歸

甲六

八

金陵叢書  
蔣氏校印

趙雪巖

年殊交匪借道合意自諧吾慕淮陽公抗俗敵高懷山岳凝  
莫動江海蕩無涯不言與不笑一靜衆妙該冲夷自爲責任  
取世嫌猜鄉閭稱長者翕爾歸于懸蹇劣愧非偶狂斐得所  
裁溫溫瓊瑤澤時獲霑尊疊不見倏三月鄙吝萌舊莖安得  
一披對青天雲霧開可念不可卽展轉令心哀

邵前川

邵公神仙人中散或可偶攀龍翔九霄誤落風雲後濁世楛  
枇目何足識瓊玖拂衣早歸來萬事付杯酒時過竹林園兄  
弟共賓友顧典千金裘多多備瓶甌激烈梁甫吟爛醉時在  
口好攜兩玉童清歌擊秦缶長使蛙黽腸慷慨容十斗別來



念此樂幾欲棄官走賦詩遙寄之請君試翹首人生有真懷  
捐佩當不久

趙鷲洲

鷲洲情坦夷與物淡無競兩世早乘官金絳一門映蕭然就  
耕稼素業樂清靜生男真聖童詩書發天性我生寡徒侶愛  
君豈面敬弱女雖非才絲蘿託嘉慶匪祗終交期寔欲通子  
姓形骸無爾汝歲月有衰盛願言慎眠食永以娛壽命

徐九峯

篆法久衰絕中興有徐翁鐵筆漬膏澤屹爾纏蛟龍李斯作  
者聖後世安與同得意且遺象舉世乃歸工商鼎欵識古孔  
碑額畫豐邇來出新製彷彿傳遺風惜哉翁已老無金鑄其

甲六

九

金陵叢書  
蔣氏校印

躬洞庭水之大衡嶽山之崇安得置其間大書刻穹窿東望  
乏鷗翼浩歌意何窮

寄內

與子爲夫婦寢及五十春糟糠逮鼎食同事白髮親兒女儼  
成行孫枝復佻佻顧瞻親交內偕老幾何人世短恩義長千  
金當一晨如何衰暮年離別各艱辛鐘鼎難自期金石非我  
身念之不自慰將思解朝紳

寄諸兒

居常理家教怪爾遠詩書對面起嗔恚恩情乖本初竭來遠  
離別音耗問居諸豈無公家飯念爾靡來胥童孫及稚子漸  
已分龍豬苟能應門戶豈必乘軒車天意難預識多憂徒自

拘采衣但在目至樂固無餘

寄諸弟

我願本著姓家運遞衰榮逮我封君行隱德益休明爰及昆  
季列英英萃瑤瑤孝友篤同氣文藻各馳聲林竹交晚翠池  
草競春生今茲大江右隱起王謝名我衰復干祿爾樂俱躬  
耕願中止足義終諧孔懷情

至日兩坐

冬至野城逢五陰萬山雲隔雨聲深吹葭谷底寒灰濕校線  
宮中晝景沈陽道願隨君子長歲華愁向老人侵間情恐被  
蒼生誤萬里煙波滯客心

問訊全公

甲六

十

金陵叢書  
蔣氏校印

禪有大知識四明乃其奧累劫修生靈凡士詎易造早晚夢  
幻塵期覓安樂道南山逢全公潛泊頗同好招邀無礙子結  
社恣高蹈作佛無妄想習靜有真操空巖小菴齋旬月常一  
到迢迢數年餘已覺平競躁竭來乘臺旄靜念每潛悼行藏  
有機宜勿謂吾已老

獨坐

家遠三千道年衰六十秋殘軀餘吠畝榮望豈公侯古昔觀  
風政迂疏學道謀倘輸分寸力歸去老狐邱

歲晏

宋玉長嗟秋氣悲天寒歲晏益淒其浮雲一望江湖遠短日  
微明草木衰貧少陽春祛雪液虛口羸老拜旌麾埋輪挽轡

俱前哲愧迂疏負盛時

茶陵山行值雨

山行殊跋涉急雨况紛紛  
澗水橫侵道城煙重積雲  
馬羸鞭不起雖遠聽微分  
數間郵亭憩應憐僕從勤

雨中觀云陽秀色

靈峰出雲書濛濛秀色不與他山同  
望之翠紫拂天起宛轉數疊青屏  
風單車飄飄轉山麓寒水盈盈帶  
冰綠冠纓相傍塵自清十里襄帷  
意難足靈藥定隱韓伯康白石或  
放初平羊待余捐佩遊五嶽此地  
願借開丹房賦雲陽絕句擬作靈光  
亭

嘉靖丁酉冬行部入茶陵經雲陽山觀其秀潤特異然則

甲六

十一

金陵叢書  
蔣氏校印

西涯挺生龍湖繼起信有地靈然哉因賦絕句付郡吏併

命作靈光亭于巖阿永標奇勝

玉琢雲陽練折溪虛無靈氣隱虹霓山川未許含光燄化出

天宮太乙藜

車中雜言十首

前魚棄龍陽餘桃罪子瑕請看恩易盡毋矜色勝花  
虎背危可騎龍鱗逆堪批宛轉母子間亦掉茅焦舌  
西域開何益雄哉漢武才殷勤諭父老書生非本懷  
耕莘起三聘釣渭載後車遇合非湯文終然老農漁  
本無戒飲意累月斷開壺怪得阮嗣宗祇念黃公壇  
山鳥啄山果飛鳴高下叢適性乃真樂豈羨黃金籠

事向動中至思從靜餘生晝夜每遞代內境何由清

一日修一事王官森如林逝矣運甃子誰哉念分陰

窮巖數椽屋名姓繫王民窮年辨租稅不見官府仁

齋帷穩于榻行爐火微溫不知外寒暖側聽與人言

新晴

積雨寒生凍新晴令借春日穿深樹白雪點遠峯新馬足偏  
宜道狐裘不戀人崔嵬銜嶽上堪禮祝融神

自歎

自歎百年客離鄉復入塵關山南微路風雨獨行身向物情  
俱淡還家夢已頻須知千白蠶難買一陽春

安仁曉發

甲六

十一

金陵叢書  
蔣氏校印

揚旌發鼓曉匆匆三五星碧漢東寒日映霜浮白霧長林

穿谷起鳴風舟車路繞天涯遍簿領期催歲序終苦竭衰羸

元不惜祇愁民社竟無功

看山詞

生在江南地始遊湖南山江南看山山在地湖南山在青山  
間高者太嶽衡山靈散為諸山無盡青天門玉帝窺彷彿旌  
節導引龍鸞形飛泉噴薄石齒齒洞房窈窕雲冥冥忽然浩  
蕩開巨壑萬頃波濤搖洞庭遊哉鸞熊開國年昭平喪亂殊  
紛然伍員申胥小豎子國運興敗隨之遷仲尼書社正難就  
白公豈知日月實接輿識威鳳乃歌靈德衰河濱鳴憤不相  
待却望龜蒙歸去來



謁獄神廟

萬山如馬赴湘源  
衡嶽超騰勢獨尊  
派別崑崙蟠楚蜀  
位均嵩岱奠乾坤  
車書一統提封遠  
雲雪諸方德澤存  
七十二峯高屏翰  
天皇元是重南藩

九成臺殿神居迥  
百里松杉石道賒  
海內名臣唯五嶽  
天南星漢此孤槎  
來隨使節修禋祀  
願託威靈保帝家  
主器皇儲新定位  
千秋萬歲樂無涯

宿雲開堂

難逢魏母彩鸞車  
聊試彌明石鼎茶  
翠羽金支雲縹緲  
紫厓丹洞石嶮岬  
五峯黛色消晴雪  
萬木靈暉散晚霞  
願借雙公玄鶴羽  
月明騎上太清家

甲六

十三

金陵叢書  
蔣氏校印

半山亭

雲爲衣履石爲梯  
白日青虛步可躋  
天近祗疑三界合  
煙開渾見四方低  
寒松挂雪明前嶂  
瀑水轟雷下別溪  
早晚臺端捐佩去  
誅茆來與道人棲

登祝融峰宿上封寺

人間長望祝融峯  
天上今登赤帝宮  
山勢總朝星極北  
海門遙見日華東  
清嚴幸借千林雪  
浩蕩真披萬里風  
莫笑題名巖石畔  
高情聊盡百年中

芒屨桃筇踏紫岑  
蔚藍天外快幽尋  
煙霄逼近星臨大  
海色微茫日出深  
下界俯看唯一氣  
浮名回首澹無心  
神仙總謂非靈骨  
巖穴真堪做素襟

冰雪高巖樹半殘  
罡風侵夜不勝寒  
齋臨老衲翻經石  
步上仙人禮斗壇  
望遠正須峯萬丈  
探奇何憚路千盤  
清歡竊荷皇天惠  
強健衰年最所難

上下諸峯間作

紫蓋峯頭弄白雲  
朱陵洞口謁玄君  
湘妃竹點蒼梧淚  
神禹碑傳玉蕊文  
未遂著書藏石室  
空嗟提劍傍人羣  
中林散髮何由得  
徙倚西巖到日曛

籃輿曉御八風輕  
重疊青山接續迎  
畫壁倚空看石勢  
玉琴喧澗得泉聲  
人疑天上重開地  
峯向雲中自見名  
試榜紫霄巖絳闕  
崔嵬如見九重城

甲六

十四

金陵叢書  
蔣氏校印

曾隱李山人英賢  
舊迹風俱逝  
旌節初遊雪正新  
喚取鄒陽吹暖律  
願教寒谷轉陽春

丹山碧水放仙真  
絕澗荒塗隔世塵  
道學共尊胡父子  
衣冠能避晉君臣  
長鑱采藥知何日  
白髮游峯有夙因  
肯許移家分一壑  
爲君當面解朝紳

南嶽元居大火方  
霜寒松桂自青蒼  
穿林馬踏煙霞色  
煮澗茶分藥草香  
天畔星躔窺翼軫  
雪餘風景憶朱張  
衰殘萬事皆慵懶  
獨有登臨興尙狂

玉書金籙紀先賢  
野老都無一二傳  
石上剜苔尋古刻  
巖陰開雪引靈泉  
銷沈盛事堪長歎  
料理閒情只自憐  
問訊鄒侯三萬軸  
不知埋向若峯前

方廣寺

寒溪千里帶殘暉古木陰陰一徑微僧飯汲泉和雪煮客堂  
明燭見雲飛田開白石分千疊山擁青屏匝四圍行盡衡峯  
多佛宇無如此地好歸依

一宿霞門使出山泉聲雪色送君還金書尙荷君王龍石髓  
難醫俗士顏洞府逍遙塵土外冠裳慙愧去留問我皇亦說  
捐妻子何事吾人過爾慳

往來道中漫興

青山夾道引行輿百疊屏風步步殊霧窟儘容玄豹隱風林  
時聽白猿呼賦傳台嶺行仍遠嘯比蘇門興更孤安得龍眠  
李居士寫余衡嶽訪真圖

甲六

十五

金陵叢書  
蔣氏校印

穆徑清霜午未消背巖寒日照難交天分福地藏朱鳥地拔  
危峯出紫霄虞舜巡來羣后會祝融居處百靈朝江湘滿眼  
千山小姑信人間五嶽高

壯觀平生屬此游快心真勝拜通侯虛空秀嶺呈丹鳳陸地  
仙人隱白牛木食艸衣那送老酒瓢詩版暫忘憂不知曲曲  
寒溪水洗耳何人據上流

登山不自見奇峯平地方憐紫翠重石壁半含殘雪冷煙林  
斜映夕陽濃深溪絕岸危橋接古洞無仙亂草封問法幾投  
籃若宿回風先報隔林鐘

水木相牽野念興草堂歸夢繞鍾陵久知白石饑堪賴况說  
青山盜不憎老陟烏臺真失計生圖麟閣本非能鋤瓜墮芋

生涯在底用求田向越僧

晴峯早布雪迎人歸路仍飄雨退塵地主莫言乘暇日山靈  
真爲借佳辰窮高一覽乾坤小志怪初驚耳目新信道宜尼  
登泰嶽吳門白馬望皆真

甲六

十六

金陵叢書  
蔣氏校印



憑几集二時

衡臺對雪有懷

衡山吹雪散瑤華且喜湖南歲事嘉雲暗高峰迴旅雁水寒  
平野噪餓鴉殊方臘盡仍爲客好景情多倍憶家江左故人  
金帳底聽詞誰肯念天涯

宿排山道院二首

苦厭塵縷縛歎投道院清不逢黃石異唯見紫芝榮澗水增  
茶品山光冷宦情寒得得洗耳金磐雜經聲  
動靜不可執山深生暗喧霜寒驚怨鶴風遠嘯哀猿供飯誇

甲六

金陵叢書  
蔣氏校印

雲子爲官號漆園儒家衡斗政莫與道人言

排山曉發

五更吹角起征夫百里傳殮戒晚廚烏府自慚成黍竊熊羆  
那敢惜馳驅塵埃長遠雲生榻瘴癘全消雪滿鬚惠愛倘聞  
千里洽江湖從遣一身孤

冒雪往會錢邢二使君

良友遠在念公家均有程祇今湘水權何異剡溪情瑞采千  
林雪皇華萬里旌天涯分袂意留語寄芝城

祁陽道中雪

南雪常傳到地消湘東今見蹈瓊瑤水鋪練帶平爭白樹簇  
銀花靜不搖野色倍添梅萼龍土膏先動草心驕天涯莫自

傷遲暮早報豐穰慰寂寥

瀟湘之景清且妍雪中行吟更可憐亂峯揮地萬圭出高鳥  
背雲孤鶴寒連林古木各生意一望江天彌素煙惜哉相如  
未始見作賦漫爲梁園傳

熊羆嶺望雪

熊羆嶺頭望雪花千林萬壑玉交加若爲掃盡浮雲色夜擁  
狐裘看月華

夜至祁陽以錄囚行

篝火熒熒夾道明夜江寒浸百家城天王不棄南荒遠直布  
陽和及死生

祁陽懷故通參王德和

甲六

二

金陵叢書  
蔣氏校印

特達千人俊醉良萬石君遺書留學閣宿草滿荒雲後輩推  
耆舊南曹奉德勳頗傷身後事不愧目前文

題笑峴亭

涪山竊笑峴山碑也自摩匡向水涯陵谷變遷皆瞬息不緣  
金石有名垂

汗尊

元公古天民汗尊表其德堂堂刺史身甘隱漫郎宅  
元顏書院用錢給事韻

元顏驚代傑精爽結靈雲運屈英雄力山垂琬珍文皇圖天  
自遠世變雪徒紛倚仗看碑客悽然仰德芬

漫郎宅用邢侍御韻

爛熯春陵作丹心白日明幾人能體國遺愛在專城使節臨  
湘楚心香仰法程看公流浪跡寵辱祗須驚

辱奉錢邢二使君高山寺留別

別思憑高集征途向粵遙嶺梅春候轉湘浦雪痕消斧鉞隨

王命蠻夷拱聖朝澄清聯轡去雙璧聽新謠

朝陽巖奉饒錢邢二使君

水府攀躋險雲房結構重晴筵移甕蟻勝侶得人龍古刻曾

誰在今遊不易逢黃昏仍秉燭明發有離蹤

十二月二十六日出永州值迎春新霽

江城鳴鼓曉迎春霽日和風應候新蒼帝早矜時令正紫微

元握斗杓均梅花弄粉相將出柳眼舒青太劇真曝背老翁

甲六

金陵叢書  
蔣氏校印

皆報罷莫愁窮谷有懸鶉

全州唐宗周文世範訪於芝城行臺

雪後扁舟撥櫂來湘江何減剡溪懷燈前軟語濃於酒庭下

春光早報梅棠樹尚留聽訟處柳山長憶讀書臺殷勤白首

相逢地不盡行臺五夜杯

澹巖題石

玄雲結宇白日回光神靈所關仙真斯藏

游澹巖

楚南多名洞澹巖絕幽奇崇山豁空中石壁支雲欲匪伊神

靈鑿詎備房櫺施夾徑周窈窕盤折乃盡窺天窗白日皎口

用宛相宜初聞避世士傾家樂茲移世往祗虛字好事紛游

嬉森羅盡深刻漫讀知為誰唯輪振代豪屹爾高名垂以茲  
歎物理不朽由人為微生亦蛙黽難與千古期

瀟江泛舟入道州

瀟江清且駛舍車泛輕舸稍恬蕩濼趣暫謝登頓勞石脚挿

潭腹危峯疊爭高牽夫不可度孤猿攀樹號灘水日傾瀉觸

石怒成濤遊魚擲影過尾赤憚所遭絕流百具備嗟爾將焉

逃信哉法網密民生始噉噉周公有令典無取斯執曹

丁酉除日道州作二首

驅馳驚道遠衰白感年除浮世皆為客他鄉亦可居酒杯從

僕進風物向春舒眷戀殘更漏挑燈展舊書

老來憐歲月除夕每題詩正自悲搖落那堪怨別離家園繁

甲六

四

金陵叢書  
蔣氏校印

節物耆舊儼光儀賦就宜春帖淋漓映戶施

戊戌元日道州作二首

聖壽岡陵固蠻荒歲序新熊轡隨使節虎拜慶王春禮樂周

天洽陽和播物均願明四門日照爾萬方人

瀟水碧於玉瀟山青滿天寒帷臨勝地駐節度新年嶺近梅

花盛林和桂葉妍空庭無訟牒端坐詠詩篇

春陵懷古二首

道喪餘千載天南得異人玄圖開太極絕學指迷津庭草長

交翠池蓮不斷春願因風月地瀟灑挹公神

奔陵賊退作瀉血示中襟狼狽干戈際勤卷禹稷心溪清甘

寄宅運去阻為霖工部惟良語仁賢痛至今



全州蔣司空景明來會於道州白雞營

虎榜同袍舊魚書隔歲盟關山千里駕雞黍百年情容髮非  
前少勳名屬晚成湘南謝安石早出爲蒼生

新晴

賦歲晴偏好新晴暖即隨樹憐遲旭映草愛惠風吹遠岫分  
青靄平池蕩綠漪緣原車馬健偏與省方宜

月巖

靈巖象唯月盈仄巧爲妍正揭團圓影旁分上下弦龍開厓  
畔石日轉窺中天雕琢須神力伊誰口帝先

人日甯遠山行三首

人日輕雲漏日華高山晴水應吹笳東皇挈取陽和氣散滿

甲六

五

金陵叢書  
蔣氏校印

衡湘十萬家

萬嶺千峰蔽楚天盤厓石路馬蹄穿素人住向桃源裏猶想  
重華問俗年

上下郵程祇在山白雲蒼霧苦躋攀間情獨被梅花覺引領

春風破客顏

穀日桂陽山行兩

穀日風兼雨農家抱歲憂占書期不驗王政戒先修野色抽  
寒麥春聲喚暝鳩行人本田父荷笠愛驅牛

柳州十三日試燈

今夕何夕春燈明此鄉何鄉非我城物華滿眼各殊態月色  
映階無限情梅花乍逢已爛漫萱草欲發初分明卽憶故園

諸酒伴錦屏圍坐夜吹笙

元夕

上元佳節在山城逝水流連忽自驚燈火殊方同節候歌鐘  
何處起春聲衰殘斷酒江梅笑飄泊懷鄉鬢雪生四海幸逢  
陽道泰官曹端坐詠昇平

郴臺官梅

郴州行臺風日妍官梅兩株清可憐祇緣老幹臨高樹故著  
繁花媚口天遠院蜂聲喧不去隔江魚素吵誰傳修篁怪石  
俱無賴點綴幽情向客邊

至郴訪司馬李貽教同年夜話二首

萬疊郴陽阪懷君夙駕過神明清不減著作老仍多飲量聞

甲六

六

金陵叢書  
蔣氏校印

江海幽栖脫網羅素絲勞枉贈疲繭奈吾何

屈指分攜久披心舊好諸懸燈如夢裏接席自天來世變秋  
雲改民窮澤雁哀莫嘆無酒興深語阻銜杯

乍暖

陰厓春令幾時回卽有山花映路開冰雪祇今無處著柳絲

桃萼莫疑猜

度嶺赴耒陽三首

斜日半巖陰迴溪百丈深磴危无借石葉老不辭林  
元夕村村鼓春山處處花韶光宜對酒行客倍思家  
椒園黃粉膩柳染翠絲勻獻頌宜新歲攀條愴遠人  
口占次鄭時明國學梅花詩韻二首

玉體珠衣豈洛神前生姑射是元真芳菲管領先天氣風格  
依稀絕粒人明月池臺橫淺水豔陽桃李隔紅塵廣平見說  
心如鐵別有調羹萬斛春

間將花格品花神獨許梅花自有真雪裏清香無俗豔水邊  
灑散一高人盟心特挺冰霜節透骨那薰腦麝塵招引東皇  
回淑氣任教紅紫領餘春

未江夜行

未江春浩蕩蘭櫂夜夷猶風止燈花喜天空角響愁灘流漱  
欹石岸犬吠行舟累月勞車騎篷窗得暫休

重到石鼓書院

石鼓靈蹤渺不存朱陵仙洞已無門洋洋弦誦歌鄒魯只仰

甲六

七

金陵叢書  
蔣氏校印

朱張道學尊

花藥寺宋徽出家處

古佛祇園苑前朝帝子居龜龍纏石碣虎豹守松廬塵海波  
翻覆人天事有無想臨煩惱障應悔就金輿

春意三首

正月垂楊綠映堤傍山新溜碧澄溪暖風消盡寒巖雪換得  
黃鸝向客啼

日滿高原雲滿汀天涯隨處草青山茶落盡櫻桃發遙憶

家園載酒亭

郴南周覽幾山城更向濱川問客程春色平鋪三百里梅花  
千樹伴經行

遠筆鋪夜坐待藥

老境形神減征途藥餌隨長勤應損壽多病漸通醫公事誰  
能了仙人不可期恐將行止意清夜叩靈龜

大雲山

衡嶽有餘秀大雲如削成春煙濃染樹晴嶂曲連城採藥懷  
仙隱經邱暢野情飄飄霞外賞真薄世間名

高樓寺二首

靜夜宿高雲心清遠世氛奇峰移座得鳴湖下階聞瓶注楊  
枝水燈翻貝葉文經年塵土面借爾妙香薰

羅徑衝雲入松房聽雨眠佛旛搖殿吹野火照螢煙院靜那  
成夢形勞不近禪問荷無補空使負林泉

甲六

八

金陵叢書  
蔣氏校印

晚投高樓寺讀石沙王侍御詩愛其奇戲擬四韻

乘春問俗行何遠望寺停車興亦奇激湖水喧高下石晚林  
鴉競後先枝巖藏峭閣鳴鐘隱雨濕流雲出樹遲一樣江南

風景好踏青難共美人期

入寶慶

林稠廬落聚壘斷路歧分曠野迎遲日長天失過雲金湯城  
據險斥埃野屯軍長吏岑曠似邊笳夜不聞

寶慶府濱江之上有石磯焉當水之衝甚峭特舊固無名余

偶登之題曰砥柱磯系四韻

崑崙一卷石飛落碧江濤盡日浮佳氣中流立此身樓臺懸  
峭景桃李點芳春閱盡狂瀾色何須顧水神



出寶慶四首

十日濱城未出門登車芳草暗平原深紅淺白花無賴轉爲春光一斷魂

過雨泉聲繞樹來隔雲山色映花開吏人若過橋東少喚取村翁共酒杯

樹樹桐花素雪披行臺迎暖試羅衣逢春到老能多少一度韶華忽已違

細雨霑衣不見飛隔牆桃李霧中微家園酒熟梅如豆稚子應憐客未歸

禽言

行不得哥哥

甲六

九

金陵叢書

蔣氏校印

楚山造天楚水揚波輕舟良馬敗亦孔多二物不備將奈楚何行得不得寄言爾哥

不如歸去

置酒高堂佳看且庶白日未哺有狂者侷我性亶愚懼不我與口不我與將必有處不如俛首及書歸去

姑惡

姑兮我母胡甯我虐弗慎於儀彙自下作母也爾容姑適義合上行其義怨者歸薄是究是圖誠匪姑惡

泥滑滑

終風發發周道如刷零雨霑之足不得筍匪足不筍覆車及轉爾行非時勿謂泥滑

阿姥作餅婦也燒之承令弗度火則燎之古有順婦叱犬標之爾婆有餅宜爾焦之

看蠶看火

蠶生於原匪溫斯瘴火以場之烈則殺我爾將崇利毋貽我禍既看我蠶請看爾火

武岡道中雨二首

界石記州名旗亭報客程山行頻陟降春雨易陰晴樹引荒塗直花撩客眼明蠻方行欲倦翻憶武昌城

風狂花片輕春事惱間情急雨潛魚起新雷乳鳴驚浮生悲代謝大造劇生成笑斷杯中物來干身後名

宿蘭橋山館大雨

山雷劃輟長空過簷雨平添積水深去住總關神物算陰晴何與道人心

雨度車輪嶺二首

野館三更雨山谿一尺泥王尊馳折阪馬援下蠻溪高舉羞鴻翻長途厄馬蹄聖朝方用壯冉冉獨隴眉

山潑風前兩人浮道上波農家戒耕作行者答勞歌雲暗遙峰少春深綠樹多行藏兩孤負身世轉蹉跎

宿西橋鋪聽雨舊有西橋月色之榜

西橋月色昔人游南楚春光野客收堪笑地靈多愛惜一宵鳴雨送羈愁

婆餅焦

甲六

十

金陵叢書

蔣氏校印

宿蘭橋山館大雨

山雷劃輟長空過簷雨平添積水深去住總關神物算陰晴何與道人心

雨度車輪嶺二首

野館三更雨山谿一尺泥王尊馳折阪馬援下蠻溪高舉羞鴻翻長途厄馬蹄聖朝方用壯冉冉獨隴眉

山潑風前兩人浮道上波農家戒耕作行者答勞歌雲暗遙峰少春深綠樹多行藏兩孤負身世轉蹉跎

宿西橋鋪聽雨舊有西橋月色之榜

西橋月色昔人游南楚春光野客收堪笑地靈多愛惜一宵鳴雨送羈愁

鳴雨送羈愁

空山

空山行盡不逢人三戶曾傳舊楚貧  
幽冀如山收貢稅丹砂仍備尙方珍

至武岡望雲山可愛因憶金陵東郊武岡山甚動鄉思

楚國春花傷客情臺居頻夢秣陵城  
名山忽向殊方得客路如從故里行

碧水護田生野興黃鸝穿竹送歌聲  
歸時若上崇岡望正想雲南萬里橫

自武岡行邊往靖州

清書行邊列校隨貔貅十隊擁軍麾  
青山得雲美如畫駿馬當年不堪馳

泉明寶劍懸金甲風引崇牙颺繡旗  
老手十年椎鈍極更來橫槩一裁詩

飯山口堡

甲六

十一

金陵叢書  
蔣氏校印

飯山口堡

平巒高捧百夫城四野花開戰壘平  
飯罷獨行觀戍卒枕戈

問調凱歌聲

度楓木嶺

初謂山拂天飛鳥不可度逡巡躡危磴  
乃卽我行路百折頻

攀援十步九回顧高林忽在下衣襟有  
雲霧倒景猶照人平地

黯將暮方當日月過似可捉烏兔飛瀑  
如天河所少鵲成

渡東北望故鄉江流莽傾注長風動萬  
里獨立難久竝

嶺傍深溪見花柳甚幽

孤峯天畔絕人家山杏山桃夾路花  
欲訪韓終求石髓洞門

深鎖一溪霞

出武岡關

連嶺橫天白日微溪流下壘客行稀  
山花照水開還落野雉

出林鳴且飛萬里承恩虛仗鉞九重  
柔遠正垂衣巡行本欲

輪筋力敢謂乘春布德威

度磨石嶺

磨石嶺頭春日晴白雲如絮繞車生  
前生似得丹砂力長向

青天掉臂行

度火甲諸小嶺

大嶺何如小嶺多車如鳥翼倏經過  
千巖萬壑窮奇狀闖水

蓬山更若何

度退田安樂諸坡三首

甲六

十一

金陵叢書  
蔣氏校印

平巒絕頂路透迤飛蓋青霄引畫旂  
只恐人從千里見誤傳

旌節降雲師

千仞峰頭見日光起揮袍袖拂青蒼  
巒天且喜浮雲盡拭目

長安紫極傍

仰隨飛鳥起高天俯逐游魚墜九淵  
若遣王陽經此地定知

中道卽回鞭

青靛山

望望青瑤柱登登碧漢梯石角垂高  
壁泉流響暗溪朱萍仍

布沼紫蕨乍生莢好尋黃石約相傍  
僂佺棲

靖州弔宋義卿

皇天不弔顏公死湘水無情屈子沈  
疆圉一身關國體忠貞



千古動人心精魂白日濤猶怒祠廟空山柏已森宿草孤墳  
何處冥只餘清淚洒衣襟

靖州閱武

聖代輿圖廣襟包及夜郎連城嚴屏翰萬旅肅封疆星駕行  
春遠霜臺校武強六韜呈戰畧五善肅邊防花暖蠻煙息風  
雄士氣揚戈鋌寒雪色旗幟錦雲光力羨爭超距材精許擅  
揚射雕飛迅鏑走馬背長鎗本藉皇威大還資國器良轅門  
推轂重帷幄運籌長羽扇吾真忝干城爾各當紫宸宵吁慮  
應免顧南荒

登飛山

渠陽眾山內飛山巒岿平嶂蟠近郭孤峯插層霄仰攀萬

甲六

十三

金陵叢書  
蔣氏校印

丈梯弱袂飛狂颿股栗不能定地軸如動搖雲房安神明百  
靈儼相朝風雷在左右倏忽應招邀豐凶唯所遣祈報爭喧  
曉苗夷伏石陞犧牲時獻營礎邊數小樹野火不敢燒誰云  
俗尙鬼實以威靈昭神道可設教勿謂同昏妖

謁鶴山祠

魏公聖人徒志比曾閔肩講道振西蜀學子從如煙一朝動  
九重黃紙飛傳宣郡吏俛負弩小夫爭執鞭持議或矛盾風  
雲俄變遷時相既側目衆口森戈鋌漢世錮黨人唐實投濁  
川渠陽一掬水豈蹤蛟龍旋所賴坦蕩懷安土樂其天福坡  
採秋薇書堂酌星泉教覃儒化遠身老士節堅啾啾鬼蜮輩  
冀壤何足捐空堂仰遺像清風猶灑然殘編等白璧願爲浮

世傳

出靖州

黃鶴秋雲已隔年五溪春色異風煙池心澱墨生科斗花血  
流紅綻杜鵑孤負江南挑菜會了還天外挂弓緣比來濕病  
全拋酒且喜家貧省秬田

下雙厓嶺入會同

雙厓分劍門石道中貫出危如墜淵下經過已非一所荷皇  
天慈惠我得晴日翩翩轉輿輦確千忱惕嗟爾冰雪晨行  
者慎其術

下松厓嶺入黔陽

荒雲莽蒼石厓橫不見青松但有名嗟爾誅求貧到骨肯容

甲六

十四

金陵叢書  
蔣氏校印

材木遂生成

石亭寄詩和答

休官獨向山中住久厭疏狂學孟公盤薄解衣時作畫脚踏  
臨水亦談空松蘿野興宜明月海嶽文光貫彩虹愧我離君  
走塵土高情徒寄夢魂中

石亭避暑祝禧寺作曉夜午暮四詩寄予春深始達予適在

五溪汎舟遂賦舟景答之真天上人間也爲之憮然

舟曉

溪流漲新綠稍浣塵中衣岸草媚春色林霞開曙暉橋燕驚  
忽去水煙晴漸微倚蓬悟節改輕風飛絮稀

舟午

窗中日氣暖杜若花微芬舟輕後浪邁野晴前嶂分炊煙隔浦見鷺聲臨岸聞蘭橈競利涉界破波心雲

舟晚

揚帆背落日雲昏半溪陰歸鷓已喧噪游鳧尙浮沈奔程促櫓節碎成悲笳音龍標夕煙暗悠悠傷客心

舟夜

道人愛夜寂習靜虛舟中開簾恐辜月繫纜詎憂風眠鷗戀暖渚歸雁喧晴空鄉心不及水坐馳徒向東

自沅溪擁小隊汎舟向辰

雙榜夾船鵝鶴鳴五溪春日照行營朱旗耀水翻風影畫鼓憑厓殷谷聲蠻洞卉裳趨使節轅門花帽擁儒生當年銅柱

甲六

十五

金陵書  
蔣氏校印

勞筋力此日輕裘涼甲兵

黔陽順流下灘

雲鏡嶺脚跨盤渦怪石浮沈萬駱駝一片輕舟飛箭過却疑

桂影渡天河

寄壽陳石亭

夢裏鍾山萬仞青江天東望少微星當朝舊擅揚雄賦有子新傳卜氏經止酒先生逃淨社焚魚學士住巖扃遙憐耆舊稱觴會獨少塵容在畫屏



憑几集三詩

五溪曲六首

皇天辨下土夷夏各有防冠冕與椎裸人獸本殊方三五聖  
哲代建國但中疆有苗或侮予干羽舞階墮悠悠七旬內卉  
服調來王

五溪何滔滔夷落限窮岑天王主嶽瀆衡山屹南臨秦皇苦  
多事漢武志亦淫樓船渡牂柯銅柱開鬱林輿圖自此廣戈  
矛長見尋

殷宗伐鬼方三年始休兵淮南諫南征瘴癘哀羣生山多蛇

甲六

一

金陵叢書  
蔣氏校印

凡毒水有含沙腥苟非蠻種類白骨死榛荆寄言兵家子勿  
與絕域爭

白金如流水丹砂血色股羌兒急衣食關市委邱山珍異雖  
云貴采掇良艱難不見乳穴記戕生猶等閒所寶在五穀遠  
物何足慳

百里屯一軍五十置一堡春陵達酉溪士卒聯部伍財粟日  
轉輸外禦苗夷侮况復粵嶺間歲益征戍苦楚人今凋殘請  
勿拓邊土

孤戍高山顛鳴角夜鳴鳴月明尚苦顏况臨風雨途主將位  
日貴重帷錦模糊李牧今去久誰聞捐市租哀哉古人言一  
功萬骨枯

闕題

龍標遠在夜郎西鼓枻揚歌下武溪却笑伏波無猛氣水鷲  
何事動悲啼

見水上飛燕

辰溪燕子點波飛恰是江南帶雨歸對入畫梁相並語滿庭  
紅豔發薔薇

返辰州

生憎江草喚愁生悶見垂楊暗古城隔歲家山仍北望五溪  
煙瘴返南征間閩未報寬租稅軒冕空嗟拂性情歲歲深巖  
求大木不知陵廟幾時成

滿江煙浪一官舟直指巡行遍幾州楚國封疆通塞徵庚公

甲六

二

金陵叢書  
蔣氏校印

江漢盛風流飛鷲墮地還蒼水瘴嶺愁人易白頭五柳先生  
真傲吏暫來彭澤即歸休

石壁

一水迴流抱古原兩山對起立江門崩厓半出溪心渚古木  
斜懸石背根遠見虞羅傷翠鳥時逢洞穴羨蒼猿搃金伐鼓  
勞生地不及魚竿弄曉昏

風作

乘船休謂逸便有阻風愁且任鼉鼉勢誰同鷗鷺謀病多休  
對酒岸近一登邱滿目淒淒草王孫怨薄游

大風

白波飛舞雪山摧蒼野喧轟萬壑雷猛勢欲翻坤軸側大聲

迤向吳穹來昆陽虎豹寒應慄  
滄海魚龍倒恰迴有客披襟  
還借問此中噫氣爲誰哀

辰沅之間

武陵西上酉溪東信有仙源不可窮  
峭壁凌空欲飛起淡煙  
臨午亦空濛舟從鏡裏移丹鷁  
水向雲邊挂白虹何處招尋  
陶謝手恣渠揮筆競才雄

過壺頭山

伏波兵甲駐壺頭南望蠻煙泣楚囚  
馬革裹屍徒爾爾獸心  
回面竟悠悠愁聞鬼蜮憑巖隙  
怕見蟲蛇出浪游萬里枉開  
秦漢土九圍元拱帝王州

聞客談桃源諸山

甲六

三

金陵叢書  
蔣氏校印

桐臈石上千年樹桃老川邊滿目花  
鍾鼎誤人空老去不如  
來此學殮霞

武溪灘

亂石當流奮虎牙扁舟飛出浪前花  
髑髏塘象馬何如此猿聲  
休自怨三巴

江上石峰

江上青巒映碧空垂巖花葉颭春風  
樓船蕩槳開簾去忘恰  
行人是客中

次韻呈陳兵侍高吾楊太僕聞山二年丈兼自述三首

東山歸臥久何日理安車待月橋臨沼  
吟風竹滿墟道高公  
望屬心遠俗塵祛白首樞衡地經綸力有餘

暫辟留侯毅聊巾陶令車清風高省閣  
禮俗變鄉城庭曉鶴  
常報坐寒蠅自祛靜爍康濟略仍在笑談餘  
偶回驅憤手來上畫熊車問俗仍周史揚旌漫楚城  
鳳麟沂  
並觀豺虎嘆何祛直道三王化空懷百代餘

次韵答聞山

遠至逢今兩相逢歎曙星雲披瞻北斗  
龍臥近南溟醒酒無  
奇石談玄只舊亭雷陳居接近笑傲共巖扃

實少匡時策虛傳拙政聲中臺慙寵命  
倒困負鱗悖訪舊春  
生座論詩雨滿城最忻高士側下榻領深榮

再次答高吾

麟閣終當畫鷗波此暫盟冥鴻霄漢志  
野鶴水雲情按劍心

甲六

四

金陵叢書  
蔣氏校印

長遠傳經草漸成丈夫隨出處終不負平生  
不畏羊腸坂遙尋雁塔盟風波悲往事雲月見高情  
技笑飛  
廳盡名兼畫虎成還思萬松塢種黍了餘生

避洞庭取道安鄉山行自嘲

宗慙破浪思長風而我取道行山中人  
間禍福豈自料古人  
意氣真豪雄何不高臥十幅篷飛橈直渡馮夷宮  
岳陽樓前  
望夏口明月吹笛楚江東

安鄉曉發

缺月尙中天殘星落落懸露寒蛙不噪  
草暗蝶猶眠病怯春  
衣減行妨野水連老農乘雨過相並理畝田

次韵寄答九峯徵君



道許心交密詩傳醉墨溫鄉司稱丈行藝苑服專門花月臺  
端瑟江雲樹下尊何時分一座謔浪晚乾坤

羅簡翁去秋夢余賦詩見寄經春始達次韻奉復

題封入手移春月離別經心屬暮年交誼擬同泉石老宦情  
慙被簡書牽山中耆舊詩誰健江上形容夢獨懸細捲蕭箋  
藏篋笥子孫他日會相傳

華容馬上

白馬朱幡不動塵豸袍龍劍照青春多憂敢謂先天下拙用  
真慙對古人萬事推移心匪石百年衰病髮如銀經綸本屬  
當朝傑懶慢終隨擊壤民

岳州臨江驛見亡友凌谿子題壁愴然興懷倚酌追悼

甲六

五

金陵叢書  
蔣氏校印

溟海形容老瘴煙文章驚代已徒然譏多城市俄生虎運去  
英雄莫問天舊學傳家今有後新詩題壁迴無前顏回子夏  
元方駕何處修文作地仙

鸚鵡才高失帝庭人間窮達轉冥冥久將塵土拋金紫自博  
聲華付汗青避地盟寒空下築招魂歌就或來聽笛聲莫愴  
山陽舍琴操期間中散靈

詞筆飄飄壓兩都當年聲價許誰俱爭傳庾信雄江左竟誤  
虞翻落海隅友道金蘭三世合詩篇陶謝萬人模扁舟舊約  
江門路千古傷心壁社湖

哀按察華容八厓周公

海內詩家流按察名不細仰邈風雅源俯拾文選例詞鋒捷

如神學海蕩無際酒翰迅風雨旁視驚巨麗士衡允如流正  
平豈停綴居諸幾何間充棟積篇繁奇葩燦繁英野鶴抗孤  
唳衆人惡其上轉面生怒悲矧茲豪士懷高論激當世萬乘  
猶可干豈復避貴勢鍊金每酒檝下石增毒厲青雲竟場翼  
黃壤俄揮涕瀾心憤難平幾欲烈上帝觀風臨德鄉感舊重  
悲逝慘怛堂上客酸悽草間祭結念江漢靈愁雲暗松桂  
自嘉魚挂帆歸武昌三月晦日也

附錄

甲六

六

金陵叢書  
蔣氏校印

登廬州鎮淮樓同項守飲後作

天畔飛樓誰構成畫欄朱檻倚空明江湖一片當窗瀉雲霧  
千重對酒生獨立淮淝雄舊國俯聽弦誦藹新聲夜深燈火  
同星散不盡風流地主情

坐蕪州西池驛作

衰年重作官入楚問民風豈謂山川異還嗟杼軸空官常存  
國典惠澤自皇躬千里旬宣寄安危仗數公  
贈鄭主事觀兌運還京

使君才調出羣雄來試蕭何餽餉功坐運軍儲輕在掌笑吞  
雲夢浩填胸南征羽檄飛星過西漲川波潯水同聖主深宮  
憂萬里歸期何以獻民風

贈馮巡按孟元得代還朝

君來祇見衡山動君去猶聞漢水清  
公輔眼中須屈指別離  
江外獨關情霜飛歸路秋仍肅  
日麗高天道正行宣室若承  
明主問楚民皆喜罷南征

黃鶴樓野望

黃鶴樓高玉笛哀江聲長繞碧窗迴  
孫劉去後空殘壘夏鄂  
登來有壯懷重鎮旌旄虛竊祿  
荒州詞賦獨憐才鄉關只在  
煙波外何日揚帆破浪回

三弟舜玉六十

仲兄官未罷愛弟壽仍高  
白首遠瓊樹青山落布袍鄉評元  
獨重酒興近誰豪恰恨填笺會無因附爾曹

甲六

七

金陵叢書  
蔣氏校印

喜雨二首

雨聲來夜壑天惠洽秋成自有神龍作  
那同旱魃爭白波俄  
滿眼黃檗盡回生六事桑林責君王本聖明  
兒童沈蜥蜴道士召風雷人事空多枉天心  
自欲回時非湯  
世運地薄楚人哀雲漢憂方劇聊輸笑口開

新竹

犢角初穿地龍梢倏過牆孫枝高勝母  
野色翠侵堂林許清  
風入人將俗抱忘難逢稀阮輩終日弄靈觴

午日以杏實榴花餽開府譚公

蜜脾已醱東林杏腥血仍妝後苑榴  
莫道端陽渾寂寞也修  
時令薦王侯

寄賀李序菴相公新第次浚川公韵

天衢甲第丹霄迴樓閣虛明望轉微  
海日重光開冉冉宮雲  
五采映霏霏喜延賓客時分席靜玩  
琴書畫掩扉退食從容  
無一事願歌隆棟答垂衣

寄賀夏桂州相公新第次前人韵

天上神仙居有海海中樓觀淨無塵  
簷蓋直捧丹霄日竹樹  
長含碧苑春夢兆麒麟生蕙閣文裁  
鸞鳳贊楓宸攸甯實荷  
周王寵近市元非晏子貧

入園偶題

榮隴橫斜竹徑成海榴紅噴亞枝明  
臺居理得山林景不負  
衰翁入楚行

甲六

八

金陵叢書  
蔣氏校印

贈李戶部孟川增

不識干將利聊看試象犀使君監楚餉  
五月度淮齊逸氣凌  
黃口高才亞碧雞襄陽間點筆傳滿白銅鞮

且

楚困那宜早雷藏不肯鳴楚無年入夏  
蒼天乖歲令赤土廢春  
耕巢燕愁泥竭池魚怕火生不知從政者何以格神明  
夜坐見螢火有懷故園

高城螢火夜深飛帶雨中微轉細微腐  
艸餘光皆物化乘風

高舉亦天機流年過眼催仍急浮客懷  
鄉歎未歸義範堂前

兒女小繞庭團扇撲簾衣

過馮子和新亭次答



松筠手種待成陰高士常懷出世心正望蛟龍作霖雨肯容  
麋鹿戀豐林花煙拂座扶春醉蘿月窺簾伴夜吟慙愧西臺  
塵土客偶來何解抱清琴

池上有懷張水部用前韻

江濤渺渺暮雲陰南去輕帆恨客心雀舫暫停開省閣驪珠  
頻出動詞林紫闕並秀參差見黃鳥相求上下吟永日臨池  
空洗耳超遙難近子牙琴

雨後池亭偶坐

雨過迴塘新水平鏡輪圓印碧天明貪魚屬玉渾忘去抱葉  
蜻蜓忽自驚吟處愛當芳樹立興來思蕩小舟行臺中飽食  
慙無補不及垂綸稱野情

甲六

九

金陵叢書  
蔣氏校印

六月六日大雨

六月六日雨如注遠庭懸溜決清渠不是太陽相避却祇應  
知我腹無書

古城寺山與東臯公晚酌

寺古仍臨水燈明更泛卮共懷臨海作重對白頭時往事浮  
雲變生平皎日知殷勤家國語不記下山遲

贈潤夫黃門

昔愛仁人政今傳直諫名采衣歸暫樂青瑣貴非榮門閥靈  
椿茂才華漢水清論交千載上吾願取西京  
仰止吟爲黎師召兵部作

眼中磔柯萬丈峯儼立大賢爲世宗丈夫有靈塞天地肯不

拔起爭龍提朝亦一仰止夕亦一仰止生平積小以高大巍  
乎山哉何愧爾嗚呼武公九十猶勉旃願獻他日攻玉篇  
南江行爲孫從一按察作

漢水東流散百湖家家懸鏡寫菰蒲錦袍獨坐扁舟去月裏  
垂竿釣鱖鱸

承天樓閣似京華江上人煙簇錦花直到東頭高柳裏孤撐  
草閣伴漁家

漢江龍起萬方清舊渚何殊興慶名使君家在新豐社長沐  
粉榆雨露榮

文武遺風江漢流水濱游女絕思求觀風今值黃虞世唯見  
溪翁擊壤游

甲六

十

金陵叢書  
蔣氏校印

入郢椎心笑子胥仲尼書社總成虛不如載取中山酒來就

江心丙穴魚

四面方城開楚邱恐將漢水壯雄圖神靈一統歸今代散與  
高人作五湖

西上襄陽百里程搖船買酒醉樊城接離墮恰無心拾杜預  
碑猶水底橫

我愛前賢太白豪欲呼此水變春醪四海清平身不老與君  
終日醉蒲萄

洪波吞却內方山大別都來一掌間伏臘移舟祠大禹魚龍  
窟裏權歌還

我汎南江望漢陽碧波千頃浩汪洋使君度量元相似何物

艤艫不可藏

江南

江流愁太溢更遣雨添波氣逐陰陽變天公奈爾何

寄梁儉菴罷司徒歸鄉

詔下天門許罷官明王親賜老臣安十年大計黃金賤六省

清風白日寒直道功名元自得野人征稅復誰寬東門瓜地

相隣並欲擬投箸續舊歡

寄唐漁石司寇賜告歸養

橫玉紆朱八座身重閣列鼎百年親君王孝理先三事司寇

高風動萬人平法正資于定國陳情偏奈范純仁中堂問寢

餘清夜還向深山禮北辰

甲六

十一

金陵叢書  
蔣氏校印

漢江獨汎四首

水雲蒸日楚天浮滿眼江湖伴客愁三國雄豪何處問捲簾

猶自見荊州

鄭生風骨豈超塵水府能無解珮人青口去來煙漠漠渚鷗

汀芷自含顰

三日樓船聽權歌江湖歸興滿漁養功無銅柱長爲客浪笑

壺頭馬伏波

郢城遙向武昌還千里風帆三日間直到漢陽聊臆權推蓬

先指八分山

所見三首

襄河西潰水連天禾黍翻成魚鼈淵鸚怡兒童修網罟移家

江口就魚船

賈客牽船入郢遙泥行千里水齊腰青樓錦瑟誰家子一醉

揮金太劇驕

鬼薪白粲動成羣刀筆銛鋒自舞文鄭國不緣誅郢析孫僞

黑白詎能分

甲六

十二

金陵叢書  
蔣氏校印



憑几集四詞

上元願 璠

蝶戀花

巴陵山行

秋色那知行近遠翠竹丹楡遞換撩人眼  
導騎纒隨山麓轉漁舟又渡溪流淺  
數過奇峯千萬點野興疎狂轉逗身輕  
似懸崖絕澗皆平坦囊中只奈人心險

蕪山溪

平江馬上

肩輿謝却曠野獨鞭驄馬縣令小家風  
似道橋翁疏笑笑渠

甲六

金陵叢書  
蔣氏校印

豈解瀟灑念本來舊面目無虛假不在官高下  
當年庾亮

玩荊州夜釀酒向江樓顧官屬與之同把而今遙想此老興

飄飄風流儘堪模寫莫對時人話

瀟湘逢故人慢

過瀏陽石洞嶺

山城曉發正初陽微暖宿霧方消林間路迢遙愛雲峰翠滴

霜葉紅燒旌旗宛轉又何知步入丹霄回望處江湖滿地不

禁煙浪滔滔村墟遠幾家煙火道邇來問箇生計蕭條試

說向當朝正海晏河清兩順風調知他甚事撥薪火漫燃鬚

毛焦且休談觀風設教煩公少損征徭

望江南

3686

3685

離思

澄江水別後幾回湖黃鶴笛聲愁裏咽青龍山色夢中遙  
秋空正沈寥

記來時楊柳暗河橋簫鼓臨風喧祖帳旌旗和月引征輶  
離愁何日消

如夢令

曉行

紅日海東乍吐消盡千山宿霧無數暗棲鴉歷亂林稍飛去  
安步安步錦石碧沙江路

滿庭芳

黃菊摧殘霜寒雲冷村墟別有風情白蘋紅蓼相映水痕清

甲六

二

金陵叢書  
蔣氏校印

且喜時和盜息是人家倉廩豐盈擊社鼓迎神答願兒女笑

歌聲茅堂開濁酒橙苞剖蜜芋乳堆瑤任相逢簡禮爛醉

呼名愛殺人問真樂休打算憲府神京推思念幾時酬却歸

伴艸堂靈

水龍吟

見水田樂之

潏潏碧洲歸田山人自識山家趣開春陽動土膏融暖便修

農務黃犢翻泥青秧刺水愛逢時雨但完官兩稅供家八口

萬事何思何慮細數古來豪傑犁鋤邊儘多樂處伊尹深

耕孔明薄種甚生出處江左夷吾終南捷徑豈堪傳侶判窮

達由天卷舒在我證却此生公據

燭影搖紅

攸縣山行遇雨

微雨空濛青山一帶如煙隔綠楊霜後正凋枯特地蒙恩澤  
野草何知喜悅謂春轉江湘二月凍雲覆水朔吹鳴條較來  
還別 仄徑游泥馬蹄滑處頻嗟跌天時人事好商量合變  
峰頭雪大地園林寒徹盡飛起滕王蛺蝶衡山南去報箇豐  
年臘前三白

疏簾淡月

攸縣冬至風雨

深沈臺院獨自在他鄉怕逢佳節春盡離家忽地一陽時月  
雁書不到衡陽外盼關山幾多重疊滿城寒雨一庭衰草助

甲六

三

金陵叢書  
蔣氏校印

人愁切 想兒女家園歡笑道而翁擁旄持節體國勤民揭  
天勳業吾衰不似當年矣對大川恨無舟楫竹籬茅舍不如  
歸去當家溫熱  
如夢令

雨

夜靜猛風將雨落盡紫榆千樹行客憶江南渺渺碧天窮處  
無緒無緒獨與寒燈賓主

少年游

念往

南山豆隴東門瓜地天與十年間傍水栽松向風調鶴俗事  
了無關 東君送上觀風駕逗留幾時還薄暮浮雲清宵明

月目斷過江山

憶秦娥

旅思

王程迫旌旗催度金陵陌金陵陌一番回首一番頭白 飛  
蓬遠逐天涯客江梅又報年華隔年華隔莫教孤負舊京春  
色長相思

同前

山花香水花香宛轉湖南官路長怕見早梅芳 愁三湘度  
三湘煙水無邊是此方登樓堪斷腸

玉燭新

寄俞魯

甲六

四

金陵叢書  
蔣氏校印

飄飄黃綬客向溟海東邊參陪鳧鳥從來短簿非凡士認取  
鳳凰毛翮春秋滿腹舌瀾曾傾詞席數斗後豪氣凌雲看舞  
玉龍三尺 今栖枳棘叢中且奔走風塵奉行條格丈夫舒  
卷隨時耳聊布蒼生膏澤雞羣野鶴當自有知音求索從容  
展經濟雄才始安長策

渡江雲

寄徐君叙

葛巾新折角道衣儒履誰識舊王孫帝城高隱處寂靜槐庭  
碧柳暗朱門鴻儒上客長不斷載酒論文盡永日調琴對局  
生怕鼓鐘喧 堪慙一身潦倒兩世攀援但柴車每造桂亭  
深醉來自散坐久忘言春風一別江門路劇相思最是黃昏



更無奈楚山暮雨啼猿

過秦樓

寄王子新

虎臥天門龍騰鳳闕書法王家元妙畫爛衣襟磨乾池水透  
得舊來關竅更狂僧醉聖探奇撥雋縱橫顛倒愛青年方盛  
高名歛起萬人稱好 歎拙手勉強挑戈依稀撥燈那識就  
中天巧欲取金丹併携洛賦子細從君論討只恐揮毫遲留  
迅疾肘腕不禁衰老判千金買紙如山倩渠長掃

虞美人

自嘲

少日功名蹉跌過老去還將那楚臺風采竟如何堪恨筆端

甲六

五

金陵叢書  
蘇氏校印

無力挽頽波 澄清四海男兒事李范今誰是曾看舞袖笑

郎當請公當筵自問短和長

謁金門

雨聲

聲滴滴似近小窗偏急獨客羈懷正愁寂謝君攔斷力 夜

靜顛風寥歷颯颯幾番如織家遠長憑歸夢覓此宵歸未得

蘇幕遮

晚行

日西沈寒又作掠而斜風欺負征袍薄遠近村墟煙漠漠宿  
鳥歸林何事閒喧聒 算歸期無定著臘盡春回客意偏寥  
落向老重教名利縛雪月風花白地成醜闕

摸魚兒

十二月十四日自衡入永

遠山低半留殘雪望中清景殊絕寒雲漸逐西風散村落午  
煙搖曳行客客被簿領沈迷又度隆寒月歲盡陽回何日是  
春來早梅花萼看透幾分白 憶江左多少關河分隔異鄉  
空望明月衡陽飛雁都回矣欲寄音書那得情如結更斷酒  
攤詩幽恨頻誰說霜髯雪鬢不奈老年華禾哇麥隴覓取舊  
生業  
倦尋芳慢

書懷

間窮往古萬變榮枯總歸無有樂善安常本是自家操守馬

甲六

六

金陵叢書  
蘇氏校印

革功名蕉覆鹿麟臺畫像豹成狗太虛中看彩雲濁霧誰工

誰醜 堪笑殺子蘭譖毀廉藺交歡枉多生受坎止流行物

理本然紛糅天日清和聊散步風波變動須回首牢把定此

心中外一生前後

花犯

冒霧往邨

曉雞鳴登車就道殘星尙明滅水霧山雲偷曉弄陰晴四望  
凝結太陽高起青天尙有光難下徹更莫論奇峯佳樹一概  
渾遮隔 陽回時候想南園綠艸意欣欣思換春色願淨掃  
昏霾滿地飛蝴蝶喜行客身軀寵拙請毒瘴蠻煙休見嚇三  
飯外清心寡欲任爾天寒熱

關陵王

武岡春晴

晴光好正映李花穠縞連朝怪山雨林風適與東皇助工巧  
染垂楊野草布滿青青行道昇平世遍五嶺三湘處處韶華  
動歡笑 誰家兒女鬧競院落千秋彩繩飛裊江南此景知  
少輕風南陌上寶馬穿花金龜換酒恣顛倒祇愁城閉早  
煩惱想當日拉酒伴詩朋著意尋討青鞋踏遍閒亭沼自背  
却鄉井一齊都掃商量出處誰勝休只戀旌纛

白芷

浴起

浴闌湯起坐向芝房桂室薰蒸百體頓覺形神和適視盤銘

甲六

七

金陵叢書  
蔣氏校印

警戒安能及且落得清泉疏淪盡三冬垢積聊抖擻白袷單  
衣更換着飛雲舊鳥焚香靜憩與澄觀定息量浴沂此懷能  
幾人窺測 堪惜靈均作賦謝客傳圖火風假合妄比金身  
玉質豈解識虛空來去消息神奇臭腐從何生五蘊翻騰聲  
色古有形骸土木稭康讓他知得更羨莊生直認身為客  
減字木蘭花

春晝二首

綠陰亭沼天南二月春歸早起覓殘紅萬點隨風西復東  
簷牙乳雀啄破苔花新試角柳外黃鸝欲弄新聲不住飛  
柔萱如帶輕風粉蝶狂無奈院靜人間坐數行雲度遠山  
驚心節序滿庭忽見吹飛絮莫憶家鄉碧水無情千里長

關題

辰溪水想是銀漢分流桃源舊社楚中勝概奇觀瀟湘雲夢  
參差難比峰巒美可信舟移天上人行圖裏稍經蕙浦蘭汀  
忽惹間鷗一雙飛起 曾訪蘇公赤壁柳侯黃廟而今荒矣  
豈似萬丈丹梯千重雲壘天翻地覆紫翠無成毀試捲起疏  
簾危坐游絲飛絮亦為春風喜清明兩岸開桃李戲作穿花  
士笑伏波衰萎向門生哀詠自傷邊鄙  
眼兒

舟雨

逍遙老子怕開愁冒雨蕩孤舟煙關柳岸風生桃浪人渡闌  
州 青山萬點分濃淡雲氣學波流綺窗無事吟殘飛燕數

甲六

八

金陵叢書  
蔣氏校印

遍眠鷗

蝶戀花

同前

畫舫輕搖風外櫂帶雨聲微乍似新鶯語午夢遙隨江燕去  
醒來尙遠青楓浦 羈游枉却流年度故園桃花落盡長松  
塢載酒何人來叩戶殘紅踏遍亭前土  
菩薩蠻

二首同前

青山雨洗精神出趁得簾開飛送入鷓鴣逞毛衣船來故不  
飛 落絮生萍葉水面留輕蝶沿溪菜吐花池塘鳴亂蛙  
溪行五日逢城郭耳靜愁聞喧鼓角到岸喜新晴登臺却趁



情 杜宇無幽緒 喚得春歸去 春歸了 不關花開元耐看

甲六

九

金陵叢書  
蔣氏校印

憑几集五雜文

祝融峰觀日出賦

嘉靖丁酉仲冬幾晦姑蘇顧璘巡方至衡謁嶽神訖乃登祝融宿上方翌曉觀日出景象特奇遂述而賦焉賦曰維南衡之崇嶽標祝融之危峰下蟠據乎厚地上峻極於蒼穹匪丈引之可度盡他山其難比隆睇四極而無蔽又何恨乎寰中觀其嶽崎翠嶺直上莫止捫歷參井靡高弗至躡浮履霄帝居或指足跪汗悞不敢俯視何其高也若乃斗杓既夕啓明未升漏刻已盡荒雞甫鳴天莽蒼其一色泯萬動猶無聲謂

甲六

一

金陵叢書  
顧氏校印

日出其可觀乃跋望於高亭爾其游氛且凝灑氣欲豁萬里乍近洶洶穆穆瞻彼陽輪尙爾淵泊冥迷遠漢恍不可度少焉先景上燭高漢舒白如火將炎大暗微晰羣望方動目不移盼積霰倏裂閃爍驚電駭指失叫乍見一綫漂沈搖曳湧出波面燭籠外赤晃卵中黃上股下開半吐半藏依微混漾如靚海色水火交爭良久乃脫於是金烏高舉若木影離羲和叱馭八表馳暉所可疑者視樽桑於咫尺東曠望而無窮日遲天於一度何環周之莫同參渾儀與宣夜猶想像其若

巡方賦

烏臺大夫衣繡豸之服乘畫熊之輻環行下邑周訪窮巖軫

民瘼之益劇輪精思於已殫方憑軾以省咎忽不知涕泗之橫清俄而龐眉老人鞠躬次且而進言曰夫旱苗興於一溉渴吻津於望梅繫我山氓困極甚幸夫使君斯來矣今觀翠甍無聊之狀豈有不足於私懷乎唯茲巡行磔一豪則百夫展色黜一貪則萬堵帖席稂莠既拔嘉穀乃粒亂絲不棼網紀咸秩釋滯格者若積汗蒙濯服新令者若離羽就戢公如不至則懸者孰釋其縛壓者孰發其石乎今也柔良承風而趨先克厚望影而辟易所謂曝寒簷以斯須之陽濡潤轍以升斗之澤斯亦獨疾疢于什伯也何厚積過望不釋若此耶大夫曰謝父老甚苦奈何惠我猶未忠與吾聞王者立政以道爲公陰陽陶冶雲雨旣懌衣人帛者唯樹桑飽人食者唯

甲六

二

金陵叢書  
顧氏校印

重農何嘗分筆救饑挾纊被寒力瑣屑以爲功乎楚雖一藩幅員萬里山澤縣曠材篠修美白金丹砂羽毛革觝生之波興積之山委賢哲可以廣仁吏才因而致理也乃若荒間大野隱隱鱗鱗將不可使盡壘而舉趾乎惰子游女食非其力將不可使條桑以治泉乎長林巨浸生息繁滋將不可時取而阜利乎批政充役如穿斯布將不可芟蕪而更置乎非仁非賢其何能國吏顧不可以訓法而歸廉士顧不可以迪教而廣志乎古者成都之守俗化太邱之令盜恥節義之鳥由一夫君子之鄉由一士矧余總節度之權宜爲天子之命使顧且倚刑威以糾邪繁科條而譴制其何以弘濟廣被也斯固鮮學寡聞勿克自樹于當世較然明矣已已父老吾誠不



能應安民之命請終返乎明農之事

常德府志序

案周禮大行人掌四方邦國之志說者曰卽史也愚謂史者左右史所紀詳於人主言動志則山川食貨刑法禮樂之類皆是也秦燔先王典籍後世無傳焉至漢滅秦入關蕭何先入丞相府收秦圖籍賢者疑其意豈不謂圖籍者王制官政所關切乎故司馬氏史記作八書班固漢史作十志皆王國之大政譬之人身手足耳目具而後成人必不可闕也是故觀其志可以知其政矣近世乃不然張皇形勝藻飾藝文徒以備方冊之玩率非其本實耳嗚呼志之設謂何乃亡本實至以侈觀乎不如無志德行部至常德府考問風俗囑咨政

甲六

三

金陵叢書  
蔣氏校印

理諸生乃呈郡志一編曰咸具是矣愚受而讀之乃少司馬高吾陳公洪謨所著志凡十目曰地理曰建設曰食貨曰學校曰祠祀曰官守曰兵防凡疆域之經緯財賦之劑量政教之綱維灼如指畫可備損益志之體也曰人品則舉乎史矣曰藝文所以徵比者也曰方外蓋國典之所不廢殆兼苞與發凡舉例必先其大皆遷固書志之正法一切非今人所主存也昔韓宣子適魯見春秋曰周禮盡在魯矣今愚見司馬公之志將謂常德何哉遂序而傳之以爲四國式庶幾乎繁文之損自楚始矣

高吾詩集序

兵部左侍郎武陵陳公嘗築室高吾之山讀書其中自稱高

吾子東橋顧璘問俗其邑往候之接殷勤道故舊三日不能

去乃爲說高吾之義曰人唯不尊其身故不知吾之高斯終下矣知尊其身者非仁不廣愛非義不立方非禮不飭躬非智不發慮非信不固節夫然後卓然爲萬夫之望蓋以吾自高乃能高高吾於物也公曰有是哉吾有身惴惴自收不敢狎孺子而矜芻蕘猶恐有失於道何知身之尊乎璘曰非是之謂也君子之求道也患不盡於物故抑而下諸庶民其待身也患不貴於道故舉而配諸天地唯下下則盡其道唯高高則尊其身下下高高並用而相成者也公何讓乎哉公自爲士以至登公卿莫不以古人自期待故隨官所成輒出物表以其樹功之顯故必進進諸巖廊之上則士大夫宗之爲

甲六

四

金陵叢書  
蔣氏校印

領袖以其執節之峻故必退退諸邱壑之下則蒼生望之爲霖雨非公自高其身而能巍巍者是乎哉公笑而不答乃出所作詩一編授璘爲序捧而讀之聲律體裁卽所謂期古人而出物表焉者雖作之殊地要自高吾山所養發也爲題曰高吾詩集云公名洪謨字宗禹同璘舉弘治丙辰進士方以兵部侍郎致仕居於家

聞山詩集序

凡天下巍然隆起皆山也曷盡聞乎得人而聞於世者眾矣眾則不暇悉舉請舉會稽之東山璘嘗陟其顛不大奇特今與會稽泰望諸山並聞天下不以謝安石爲之標乎安石初居是山未起與王逸少諸君盤桓泉石天下望之者以蒼生



爲憂及出輔東晉中興却苻堅平王敦之後復築吾江左土  
山以寓舊好亦號曰東山至今佳名不泯嗚呼人望所屬乃  
能光重山水如此乎吾榜太僕卿楊公初自諸生舉進士選  
入翰苑時大司徒九峰孫公方居父選領袖縉紳乃以文章  
道義引爲忘年友名翕翕動京國隱然楚南一安石也厥後  
歷諫垣數進諫議陟卿寺益持大體時方以公輔見待公據  
拂衣謝歸築室聞山耕樵自給不求當世其雅度冲夷恬於  
巖壑固若是遠乎方今名物凋瘵廟堂求戮力共濟之賢屬  
公甚切願杖策一出整頓康裕就京圻擇佳山效安石土山  
故事以移聞山于天上復成宇宙嘉話願不幸也公幸無忘  
於蒼生公爲詩有天趣律調音節不厭繩削期于必合蓋風

甲六

五

金陵叢書  
蔣氏校印

雅之正音也讀者當識其致固無容於多言公名擬字介福  
武陵人舉弘治丙辰進士號聞山山人

題少傅桂洲夏公應制集後

自昔大人奇合莫不本於問學夫問學以養則深以包則鉅  
對揚施措咸適機宜故能使堂陛之間歡欣交道若魚水鹽  
梅之相得復何間然之有非是則倖矣伊傅最盛見諸訓命  
純粹爲精秦漢以下弗論論諸本朝高皇帝之於劉宋帷幄  
坐論苑囿同游何其親密哉今觀覆瓿龍門之編海蘊日耀  
乃知迂寵結知胥此焉出不然神聖首出而豈他道可投合  
乎至今則少傅桂洲夏公再見矣唯主上睿資淵性同符高  
祖一時臣下莫能爲役獨少傅公初在諫垣言事露其卷類

其後經略三晉兵事具合廟謨既而抒忠守正持論朝省陳  
禮樂之制撰風雅之辭無不大當上意益委腹心恩寵優渥  
鮮克與儔海內之士嚙口測其萬一哉曩辱不鄙示教奏議  
若干卷既觀器略之大未敢序贊今再誦應制集益仰天才  
超邁譬之神龍天馬絕出尋常萬萬矣觀夫機神所屬應答  
如響訐謔仰濟昭傑斯深遂使都兪喜起之風還在廊廟至  
其圖回治理贊決機務以措天下於泰山磐石之安者又非  
疏遠所能悉斯殆宇宙間明良一大會夫豈偶然之遇也乎  
然非其問學淵明左右逢原則亦安能契合無間若是其深  
也古稱伊傅朝美劉宋於公後先比德矣吁盛矣哉輒敢借  
題緒言於末簡使天下後世知大人奇合有本非可幸焉者

甲六

六

金陵叢書  
蔣氏校印

也

題靖陽沈生辦禹碑集文

余登衡山陟祝融之顛下尋方廣經岫嶺之麓未上訪從行  
道士云山無禹碑雖巖間或有古刻皆已磨滅不可識矣沈  
生所得碑本乃嘉靖初長沙太守新安潘君鑑得於嶽麓書  
院後小山草莽間剗苔剔土搨傳人間蓋宋人所模刻也生  
誤傳以爲禹本刻甘泉亦未之考蓋禹去今數千年衡山石  
質疏厲當時無碑碣必刻之巖間風雨冰雪之所剝落泯沒  
久矣計宋時亦已無跡故歐陽諸公集古錄編皆無載此又  
貴于宣王石鼓使有之豈皆或遺之哉度宋人此刻亦前古  
流傳搨本初見亦疑禹稱王不宜稱帝今乃知帝禹刻三字



卽宋人所題偶誤耳余昨經甯遠榻九疑山蔡伯喈隸銘亦  
出宋人所補幸有題識可考則漢刻山巖者在宋已滅况三  
代之初乎泰山石堅故秦刻猶口昨觀衡山前代題名唐唯  
李義山三字在祝融尖六朝以前無存者大抵山石易損故  
耳豈前此一無題識邪然上古書迹自是異寶雖傳刻固可  
貴也古者書法之興皆取象山川蟲魚草木之類禹精於水  
今篆體皆有流水形出禹無疑獨幸沈生精思妙契釋文見  
義謂非神授不可也楊殿元用修在滇南釋之僅數字不同  
尤可見人心之靈聖跡之妙天然符合有莫知其所以然者  
否則千載之下萬里之外安得不約而同若是乎嘉靖戊戌  
二月既望東橋居士顧璘書于靖陽行臺

甲六

七

金陵叢書  
蔣氏校印

題登衡小紀前

鄙人自入楚臺旁皇案牘屏絕文藝者兩改火矣比登衡嶽  
在車者四日宿道院僧寺者三夕絕無公事覽觀奇偉託寄  
幽遐隱括情景綴而成編有若不能自已焉者至郡命吏人  
錄出凡文與詩至滿若干首昔晦翁游此與南軒倡和得詩  
累帙乃惕然警曰吾黨日得無荒於詩乎遂禁不作今鄙人  
既還視事所謂鞭朴喧囂牒訴倥傯者已交至於前應接不  
暇給矣欲再取所錄一諷詠之竟未可得尙何憂於荒者哉  
是無待禁用藏巾笥俟他日歸呈諸泉石舊侶知余膏肓痼  
疾蓋若沾沾云爾

書楚臺贅錄前

余親楚臺決歲小吏捧帙踉蹌進曰臺改日萌而月蒼今歲且  
周則墮矣弗輯而檢之必有遺忘復出之患將爲法守憂余  
曰不已贅乎善言人斯誦之矣善政人斯循之矣否猶涕唾  
然出則棄之而何有於輯哉祇贅耳然性好忘其曰檢之云  
者或有取於爾勤矣抑孔子曰三人行必有我師焉擇其善  
者而從之其不善者而改之苟存其大都儻亦少爲改者資  
乎於是芟其繁猥存奏疏若干通案驗若干通批答若干條  
游衡嶽前記

甲六

八

金陵叢書  
蔣氏校印

嘉靖丁酉姑蘇顧璘以都察院右副都御史建節撫楚維十  
有一月巡方問俗自長沙赴衡期謁南嶽屬雨雪五寒彌旬  
弗解至安仁始見日入衡乃霽煦若春半念七日厥明同按  
察副使姜君儀謁奠於廟訖事乘笏輿由中嶺登山過集賢  
峯籠望胡文定書院不及訪謁鄴侯宅皆無知者沿絡絲潭  
逶迤以上水聲泠然盈耳左右望天柱紫蓋諸峯揭在雲表  
諸嶽巉峻嶒如它方名山者支分疊出不可指數卽所謂七  
十二峯也問從行道士多莫舉其名從者持旌戟前後列行  
續續如行蟻漸陟霄漢人不自覺午至半山亭飯問所謂祝  
融峯者尙不可望再歷側刀峯蓋峻絕夾徑多竹樹積雪披  
壓撥塞履危凡幾陟降乃見祝融兩尖猶未即至盤旋半厓  
度飛來船石觀宋徽壽嶽大書再經觀音巖則巖崿崿窮  
奇峭之狀蓋山之勝處在是也哺時至絕頂見石上唐宋人  
刻名甚多略知李義山陳從古數公餘不悉記踏雪尋太陽



泉凍結不流下循石壁題名過會仙橋立懸厓小飲而返宿  
 上封寺勁風終夜震撼戶牖僧云四時長然雖盛夏亦擁衾  
 當晝無汗豈所謂罡風者乎其高可想翌日黎明披貂裘登  
 望日臺觀日如火輪湧起水底遲回搖曳漸上高漢奇莫能  
 狀凡此皆以晴霽得盡其勝至二十九日出方廣歸城中途  
 而雨是後遂陰晦雪霰連集矣或曰使此行前後一二日皆  
 不獲遂亦可謂甚幸矣哉夫五嶽名山也歷人甚眾相傳為  
 故事者特鮮將難其稱然乎泰山以孔子小天下傳特出孟  
 子寓言固非其實嵩山傳漢武三呼萬歲之事頗涉虛誕亦  
 著為典蓋孔子大聖漢武天王也其尊大實重於嶽苟有奇  
 託則交賴以為勝故傳不朽何必事有無哉若衡山所傳乃

甲六

九

金陵叢書  
蔣氏校印

韓昌黎開雲朱張霽雪二事其實亦偶然語耳今書林藝圃  
 誇詡欣豔張為七十二峰之藻色言必舉之不亦係乎其人  
 哉璘今日之遊較諸三公之迹若尤有奇焉者然過則泯矣  
 實以璘莫為之地也然則人士微渺欲馳聲千載之下事豈  
 在大要亦先修其大者為之本乎因感茲事遂書為記以警  
 遊衡嶽後記

夫登山者貴知其情不在勢也衡嶽之游不至祝融不足以  
 知其高不至方廣不足以知其遠余初至嶽下道士指天柱  
 石廩紫蓋夫容四峯導余望之仰面極視排漢礙日若云可  
 望而不可登危乎高哉既歷香爐道間則四峯之椒皆與身  
 等方誌步履在空外及坐半山亭乃下指諸頂巖前書見非

是也至登祝融之顛俯視四極蒼然一色山川雜陳瑣細莫  
 辨風自遠來其力甚勁候與地下絕殊比曉日觀出海體象  
 洞見近若疆中東餘游氛浩漫無際限以樽桑其外尙遠乃  
 歎寰宇所周僅當天地之中耳再尋天柱諸峯皆培塿邱垤  
 隕乎其在地矣記曰祝融去地二萬丈豈其然乎然靈巖怪  
 石僧寮佛宇深者僅託澗阿林坳之間可一觀而窮未足言  
 選明日乃下西嶺歷南臺出諸峯至平地迴望蒼鬱始若不  
 可量多復陟某嶺入山尋方廣之道峯迴澗折徑盡復通高  
 下連嶂陰晴異壑有溪迢迢夾厓而出觸石澎湃聲自遠至  
 中多菖蒲水草青被石上兩厓喬木挺生陰若洞房日照不  
 入積雪縞地間有山茶雜生含萼未吐自午達昏上下陂陀

甲六

十

金陵叢書  
蔣氏校印

幾二十里許其狀如一入寺復極幽奧高山壁立類城郭狀  
 有宋徽金書榜曰天下名山懸正殿額假榻間房夜靜泉溜  
 益喧聒寺僧云自此入西南山益深水益清幾不可窮矣夫  
 然後知衡山之遠乃若此也夫名山之在天地猶聖人在人  
 類也匪高莫立其體匪邃莫造其微高而易踰口陵類也遠  
 而易盡苑囿類也故堯舜樂民之治而捐讓湯武憂民之亂  
 而放伐皆舉古今未有之事特立獨成拔乎羣倫之表其高  
 如何哉至若精神心術之微天理人倫之極窮神盡性愈深  
 愈密探之莫測其端究之莫悉其奧諸人固不易及亦豈諸  
 人所易窺乎所謂邃己此之謂聖人是以樹置卑者取易踰  
 蘊藉淺者取易盡易踰易盡山與人皆非此盛者也作後記



奇會亭記

會何云奇也地非通道期非王程壤連楚粵之交人殊出處之迹同心久離而暫合同年多逝而僅存不謂至奇也乎嘉靖戊戌王正四日璘以職事問俗道州去全州百三十里同年少司空竹塘蔣公曙時謝政家居聞之躍然單車來會於白雞軍營蓋自丙辰同登至此四十三年為別亦二十年矣一榜凋謝存者無幾吾兩人昔並壯顏今已白首鄉國相去四千餘里氣誼合投每許膠漆日以暎絕為恨庸詎知天作之合乃有今會乎秉燭銜杯款語達旦天壤間事固莫樂於此亦莫奇於此也遂名假宿草舍曰奇會亭刻記巖上百世之下必有得吾兩入之心於言外者各賦詩四韵別去副都

甲六

十一

金陵叢書  
蔣氏校印

御史姑蘇顧璘書

養竹記

行臺隙壤植竹不記年所矣藝御弗戒採竿食萌索然就盡丁酉余至已夏仲榮候過已亟護其後發者僅僅得數挺除穢剪繁稍存幽致秋冬南巡弗獲壅培逮戊戌春晦始返於臺即申諭羣小視衛唯謹時雨既沃土膏乃融銛萌微見參錯競出始求之纍纍然如犢斯角甫冒菲特生再望之林林然如矛斯卓已森乎其前矣由是擇繕為筠布條為葉不踰月而翠蔭蔽於軒序嗚呼快哉夫物無所戕乃生其易如此此天地之仁也况得其所養者乎古人論民休養生息二十年則可富可教此義不可不熟因刻於石以告諸將來苟戒

其下之母戕則吾黨採竿食萌固享其利無窮也

筆銘

言而不朽唯汝資賦邪否邪

硯銘

澤者柔砥者剛用之所先匪以陽

墨銘

晦為之體明為之用君子法之乃善其動

紙銘

幽而顯者子之功也近而遠者子之窮也一以貫之與天齊

終蓋存乎眇躬吁其念哉

冠銘

甲六

十二

金陵叢書  
蔣氏校印

成人有責自束髮始優游嗜如唯爾之恥危且結纓庶幾君

子

服銘

非法斯戾不衷斯災文質有度唯義是裁

帶銘

斯上帝之命弗修其職則喪其重

履銘

稱名曰禮式表慎微彼顛而蹶動也或非

舟銘

安危有幾在備具而審時君子毋徒以流連為嬉也

車銘

乘者大夫負者厥役貴賤之別唯爾其圖之

牀銘

夜不夢晝不寢爾職維其人

席銘

孔子曰席不正不坐偏倚箕踞非過邪

几銘

物也老老而尊尊者也吾少也賤則有司存

鏡銘

匪平匪明鑒則枉矣而今而後善自養矣

櫛銘

朝理吾髮神斯清矣夕理吾髮寢斯甯兮理亂之懸大象斯

甲六

十三

金陵叢書  
蔣氏校印

徵兮

劍銘

殺一不辜得天下不為不貴爾利費用之宜

篋銘

其藏不可窺心則知之

告獄神文

德有善惡報有吉凶理天人一理惟帝宰之故官師執賞罰

於有位鬼神司禍福于冥冥所以治幽明而安人鬼也唯神

雄峙大獄作鎮南維膏澤下土屹為世望璘不敏猥秉節鉞

臨制茲方幸獲與神相為表裏國家奉神以禋祀養璘以厚

祿所屬實同唯神聰明正大無隱不燭則塵濁寔劣易於蒙

蔽凡民之良暴吏之廉汙雖夙夜究心無補闕漏得無仰句  
於靈慈乎茲者行部至衡敬謁祠下陳牲奠漿特申虔告伏  
維神鑒其愚不愛開翼俾璘免罪於國亦神所以效能於帝  
也若璘怠於職任枉於吏民亦難遁於明聽神其無廢至公  
以唏帝命璘不敢侮

沅州修書院成告薛文清公文

維嘉靖戊戌月日巡撫湖南右副都御史後學顧璘問俗沅  
州訪故大理卿文清河東薛公書院堂廡就圯時祀久湮遂  
命知州周積儻工秩禮用虔尊嚮以風來學謹具牲酒之奠  
命積代祭敬昭告曰聖人之學躬行以為之本言非其所急  
也行至焉而言不逮固亦聖人之徒多言而不能行其去道

甲六

十四

金陵叢書  
蔣氏校印

也益遠矣孟子曰行一不義殺一不辜而得天下不為是聖  
人之所同也夫何繫於言哉曾氏顏子學為孔子固止乎克  
己於視聽言動三省於人已師友之間而已豈不的然其可  
見乎宋儒周元公二程夫子上繼絕學於千載之前誠敬踐  
履之外何暇多言為也季世淺儒支離訓詁馳騫玄遠始與  
異端橫議之學無異故曰道喪於小成言隱於浮華不亦大  
可哀乎恭維先生會際聖朝崛起三晉璘生也晚不得親炙  
其道夷考名臣錄所載公之嗜義如飲食遠惡如探湯去就  
辭受之節確乎死生禍福之不可奪玩釋所著讀書錄有為  
必思有得必記省察以慎幾微體驗以固操執知行之序坦  
如堂階義利之辨較若黑白其餘所謂不行不義不殺不辜



之道源然不敢失其尺寸故道明德立卓然爲一代之傑使  
聖人之道不墜於當今聖人之學可傳於後世非公其誰與  
歸視諸行不由道而恃言以爲教者祇謬且贅終在何益於  
傳耳公監銀礦於沅薄利緩征衣被沅民至渥則夫今日屋  
室之輯俎豆之報其孰曰不然又孰曰不永固非瑋一人之  
私願也謹告

祭東山公文

維年月日具官某謹修特羊斗酒之奠遣訓導某致祭於大  
司馬東山劉公之墓曰維公輸忠契合之辰峻節艱危之地  
卓然一代之傑人鮮企及矣金石既損德流彌光瑋觀風楚  
藩爰式仁里瞻望靡由涕泗橫積清醴寓忱庶明仰止尙饗

甲六

十五

金陵叢書  
蔣氏校印

祭大司馬遜齋李公文

大司馬遜齋李公之墓曰早奮高志晚樹偉名視爵位之崇  
如鴻毛也瑋最不齒於俗獨濫心賞方瑋在巖壑之幽公獨  
言於廟堂之上雖聞者不屑受知則深今之感念抑豈以引  
薦之私也乎瑋今再出公已先謝爰經舊里無任含情不知  
淺薄所勅果有當於靈鑒否與幽明匪殊幸相開啓以副初  
望非特瑋之幸也

祭八厓周按察文

江西按察使八厓周公之墓曰維瑋奉公於官聯得公於道  
軌不可不稱知心爲別幾何存亡異路所不昧於公者見於  
序贊數辭茲者入康成之里撫彥昇之孤亦既痛心而隕魄

矣乃錄蕪辭侑以清酒專遣儒吏焚之墓下公不棄余尙其

昭鑒

祭沈崇實文

維年月日具官某謹以牲醴之儀致祭於陝西按察司副使  
年兄沈君之靈曰君昔早奮氣橫九區比及晚退言噤形枯  
契濶來說既驚且吁居幾何時益焉告殂嗚呼痛哉君強力  
足以任重精察足以洞微果決足以斷議通敏足以應機視  
公卿無難致遭讒明而中歸又不使之爲仙人之難老竟疾  
苦而凋萎豈才賢之多厄抑幽漠之難稽自往古而已然又  
何歎於今茲余獨傷同袍之寥落酬清醴而增曠尙饗

甲六

十六

金陵叢書  
蔣氏校印

嗚呼龔君德則璠璣才則豫章天下望之者莫不曰將薦清  
廟而柱明堂茲參湖藩之政余獨幸其且展秕政之斤斧遺  
瘵民之膏粱目未轉盼溢爾云亡慨仁者之不壽值天道之  
非常嗚呼龔君英爽不昧必知幽明之故余不得而詰其詳  
也靈輻將返奠此清觴上以重王國之勩下以導楚民之徬  
徨

啓序庵公

山嶽出雲小草亦潤大賢廣度微才必收故秦誓表其休休  
周詩頌其濟濟恭惟門下首乘國鈞風動海宇恢大綱而羅  
細類挽熟物而濯清風士類彈冠民寢帖席瑋久沈山澤之  
癯連秉節鉞之任感恩知自俯已懷慙辭通國之佳章

眾口起居家之蘇軾獨斷一心誓竭迂愚期全晚末苟無孤  
於任使尙何計於驅馳

啓桂洲公

猥以賦畝之餘生再臨節鉞之要地敢安所自實懼難承竊  
以人事君相臣大體因才授任政府平衡若璘者徒以絺袍  
之故歡遂辱專齒之重薦用馬識道冀暮齒之或能驅蚊負  
山恐綿力之將敗承恩鮑叔願將致戒於巾車親行宣尼期  
免貽譏於朽木初任多冗申謝不周伏冀垂亮微忱寬照重  
罪

啓松皋公

竊念無書乃薦溫公見取於元城不請而言祁老何恩於叔

甲六

十七

金陵叢書  
蔣氏校印

向在古僅見於璘實慙恭審門下世秉樞衡兩朝之人才由  
之進退身當柱石四海之公望係其安危乃於當軸之初遂  
及同袍之賤謂汲黯之慙直或有取乎愧顏駟之衰遲無能  
爲已飾之丹雘幸再起於溝中收於桑榆冀弗玷於榜末

啓浚川公

脫叔向之囚入朝誰託登山公之啓在野奚堪竊念璘少縈  
簪組謬許同心晚隔泥途候云白首詎意簿書之末技尙勞  
衡鑑之兼收老馬識途幸見憐於管仲舊劍出土敢終負於

張華

啓介谿公

白駒空谷久絕意於弓旌彩鳳高岡每遺音於草木元城手

循敢上溫公巨源私囊不忘嵇老自甘獨往敢望同升恭維  
門下以一身繫天下之安危以片言定人士之輕重方當入  
朝之始遂援合志之儔腐草生光雖微蟲之莫數柔蘿上漢  
實高木之相憐懷恩有由刻骨無已

與後渠書

契關疏懶致罪何言比歲起廢幸從大賢之後入楚以來謂  
左右旦夕入京因循闕候狀何乃至今絕聞邪不足論不足  
論比來形神當復壯往如舊璘則老矣鬢盡白鬚猶蒼然三  
年前與蔣子雲痛飲幾痿至今小飲則涇病百出豪興索然  
矣公尙能百榷乎六十後恐宜少損之弗謂璘衰也文字仍  
工苦否璘唯信手拈出取適情達意而已甚愛薛君采苟以

甲六

十八

金陵叢書  
蔣氏校印

舊作名家今一切爲淺語何其達邪此亦外物不足以博一  
生也如何如何璘已乞封苟遂此念秋冬當引去過時果臝  
白不適口勿俟吐出也輒因一笑暑令萬萬加愛是願

寄薛君采

離家時見盛价云尊體未強甚念後來詢得的耗無任忻忭  
比靜久想泰宇益廣小物何足以撓之但國家於公不當不  
早用耳近得漁石書云聞君采高人聞近來專毀中庸此論  
不知由何起若中庸則真不可毀豈病其言神化太高恐後  
學馳於玄遠邪此乃子思傳道之書不得不言吾道之極致  
以破老莊虛無之論不可與論語教學之言一並觀也宥甚  
不及細談新刻論語類鈔序亦略及漫往一覽高見幸垂示



荷

寄王道思

入楚後屢見齊使不得公書甚訝問之陳僉憲約之亦云往來有書愈疑之昨得手教乃知少書之故云云感慰無已承榮擢且釋考士之累甚為知友喜然國家人才近日甚敝非公等賢者轉移其間不知士風文體當何所極也僕近上士習疏論此當道竟不覆是謂迂言非是耳勿論勿論前承教聖人之學別有授受僕已於贈言略及之不知高見謂然否聖人之學即小學大學具已所以聖狂異途只在天理人欲之別至於為賢為聖亦只以勉然安然定之如今時所言靜功乃禪家徑造直請之旁門切不可認為篤恭之妙用也公

甲六

十九

金陵叢書  
蔣氏校印

天資絕世亦置疑其間豈程子所謂今之入人也因其高明乎灼見如何萬萬因便垂示士林領袖所係非小幸姑息是望

憑几續集一雜詩

寄和三弟舜玉六十自壽

壺頭空老伏波公，欺段鄉園羨爾雄。隱者風流高物外，誕辰

家慶正天中。五月身強閱世初稱壽，詩好逢人不諱窮。俯仰

乾坤俱白髮，趨庭猶記兩兒童。

紫氣青牛遠度關，華陽近在秣陵間。久懷松塢同燒藥，且喜

丹砂已駐顏。修竹林深春酒綠，棠花樓晚布衾斑。優游羣從

追歡地，應笑衰翁獨未閒。

閒身愛向醉鄉眠，百畝唯營種秫田。儘有鶯花娛勝日，不須

日六

一

金陵叢書  
顧氏校印

牛酒賜高年，園開涉趣常。攜客志在逃名莫，問天王導元憎

阿堵物，牀前聊免積餘錢。

鴻寶傳來石枕函，懸壺久矣脫塵凡。紫霞自釀山中酒，青鳥

時通海上緘。萬事虛舟何解怒，一官腐鼠不生饒。吾今苦憶

林泉好，爲剪秋荷製短衫。

雨過

風雨秋隨至，園林氣一蘇。院涼蛩獨語，巢晚鵲相呼。客意疏

團扇，山光近酒盞。滿庭飄落葉，能不憶尊鱸。

寄七弟瓊

士龍富文藪，子由蓄詞鋒。平生伯仲間，斂手讓精工。世人貴

齒髮，恣口妄雌雄。矧茲盛德士，乃示外愚蒙。吾家惠連氏，馬

羣一蛟龍，浩氣騰虹霓。恥隨蛇與蟲，仕宦十五載。囊橐唯屢

空，吐論忤當路。拂衣甘困窮，懸室無儋石。及關臥雪中，插架

十萬軸。伊吟日填胸，下筆掩前古。隻字無雷同，金石苦珍秘

四海虛承風。飯餽似黔婁，嗜酒非揚雄。太息天壤間，何人測

深衷

贈文徵仲

志士厲高節，夫君狷者流。舉足唯大道，邪徑焉肯由。田仁甫

弱冠卻聘矜，清修元城寡。內慾亦自既，壯秋掩而過。行女閉

門拒王侯，天然冰玉操。不與思慮謀，師資快吾黨。少長咸低

頭，五車聚腹笥。發詠崇溫柔，鮮雲澹華澤。美玉辭雕鏤，待詔

入金馬。玩世存薄游，脫冠挂神武。遂返尊鱸舟，願神擊磬室

甲六

二

金陵叢書  
顧氏校印

放歌埋劍丘，掉筆弄圖畫。盡掩松雪倚，乃驚鐵石腸。遺韻仍

綢繆，伯陽信龍物。變化不可求

贈蔡九達

文章有神秀，譬彼造物宰。變發雲霞章，煥爲日星采。自非研

精人，妙解詎能速。糟粕莽成苴，瘡疔祇增瘼。海蔡君事鑽，攻擿

管四十載。攀危屢登天，會極已歸海。謂茲燿爛間，乃有黯者

在。玄珠得罔象，至味失鼎鼐。翻然恣揮灑，塗撤忽而改。天機

互奔湊，神化絕需待。有靈驅萬象，無色備五彩。遂使郊島徒

總獲，刻薄罪蹇予。離羣久索居，益荒猥日誦。林屋編充然，慰

饑餒

和答馮三石勸其北上二首



勿薄淮陽守家居竟隔年頗聞宣室召將起賈生賢郡政冰  
霜體詞林錦繡篇青雲公望遠玄髮萬人憐

金玉千鈞價人間有至公仁心多政拙直道豈詩窮入相須  
黃霸推賢愧鄭崇虞廷車服寵明試待論功

邵前川納妾

燦爛衾裯展洞房雙星秋夜渡河梁玉臺固是老奴物金屋  
雅宜嬌女妝雲髮繞鬢光可鑑蚌珠歸夢兆應祥華筵湯餅  
休偏我已辦犀錢賀弄璋

贈陳行人邦脩

末俗濫文詞華盛本先撥甯知昭蘇化木自淵靜達二曜天  
地精沈晦乃真括向使恒照臨光應有時奪陳君起天南理

甲六

三

金陵叢書  
蔣氏校印

性早疏豁探玄自太始析微辨毫末閻浮煩惱障勇猛歸一  
喝乃知英明人靈根本來活楚臺三日談洽洽慰饑渴情緣  
多糾纏慧劍資割割學道豈在年所貴知解脫

諫議潤夫使君自應城數百里訪余武昌適值中秋風雨大  
作且公私見奪不免夜敘殊負良晤明日送於黃鶴樓勿  
勿別去意所難盡綴以短詩

隔面倏十載枉尋適中秋况臨江漢渚聚茲黃鶴樓明月好  
負人光暗鸚鵡洲淒然作風雨翻爲離別謀攜樽曉出餞挂  
帆且須留繾綣故舊情隱軫江湖憂同心語難竟何啻膠漆  
投君行侍青瑣獻替匡宸旒雲霄樹鴻業映楚諸前修吾衰  
憶林壑且夕歸狐丘進酒莫拒滿後會良悠悠

贈沈君華甫赴常州別駕故南京人

武昌二沈推難弟別駕毘陵豈足多千里分符看製錦萬言  
揮筆詫懸河王畿密邇官仍貴民力東南困若何經過故都  
尋往跡應招耆舊一長歌

贈蘇州節推陳君天祐赴任

星文高執法地望切專城司馬家風峻王畿官籍榮吳都包  
海潤震澤際天清此去懸霜月偏臨萬戶明

秋日同總鎮二公飲黃鶴樓三首

虎帳同分聖主憂時平聊共賦高秋江經神禹多平土山去  
仙人有故樓風起魚龍還自駭醉來絃管欲生愁亭前石鏡  
知何在明月依然照白頭

甲六

四

金陵叢書  
蔣氏校印

高樓騁望楚天寬千古間情一倚闌黃孟史家稱最孝孫劉  
王業恨偏安休憐往事成翻掌且對秋風一正冠說與幽人  
應愧殺漁詞遙起蓼花灘

樓前野色散秋容樓下浮煙晚更濃江漢水深龍窟宅衡廬  
天遠楚提封蒹葭白露愁歸客禾黍黃雲慰老農賓從滿筵  
笳鼓急庾公那得任疏慵

朱侍御子宜別山亭

高人厭囂闕結構臨幽深井絡僅尺咫窈然得山林江清動  
城表竹密羅庭陰風籟沆塵聽野容延賞心上奉白髮歡春  
酒時開襟下借連枝樂壤箎和且湛閉閣復晏坐累遣慮已  
沈漱齒誦玄書焚香揮玉琴冥鴻渺天末悠悠遺我音

漢川道中六言二首次郭兩山中丞屏間韻

空林殘照啼鴉遠水寒煙飛鷺春風何日歸來吹煖野田茅屋

綠橘霜寒已熟黃花歲晚初香可惜山人野興不逢故里秋光

應城曉發

秉燭通窗暗披衣起漏殘烏啼臺樹曉蛩咽井蕪寒向老嗟行役爲官愧素餐循良求不易凍餒待誰安

景陵五華山道士言上有伏羲煉丹臺

五華山頂煉丹臺方士虛傳太皞開未晤先天眞水火卻依爐鼎撥殘灰

甲六

五

金陵叢書  
蔣氏校印

弔司成魯公振之已有園

鄂水秋風入草堂仙人歸去白雲鄉莎衣芒履難重遇唯有中林橘柚香公號應橘

蒼鳧散盡水盈洲白鶴那因隴稻留兩兩鳳雛毛五色背人

常自宿丹邱兩邱不遠士不居城

野田見菊

陶令柴桑菊滿園得錢呼酒每盤桓熊轡虎節成何事卻引黃花道上看

沔陽湖濱

蒼莢暗湖雲長楊夾徑分風情宜蝶性水斷失鷗羣羣目堪垂釣勞生漫學文鍾山舊猿鶴應笑老徵君

贈北村路中丞赴晉陽

路公廊廟器特達登圭璋學道出鄒魯雕文陋班揚舉政必王道豈隨俗士行手挈萬黔首益然履虞唐初提北門鑰燕冀塵不揚再擁南鄧麾按堵清四疆天子愛雄才三命遷晉陽譬如大旱雨所至民悅康韓范在邊重何如立朝堂謀國有深意中外非公量

議修沔陽堤垸覽童司成士疇河防志示官吏

漢沔古沃壤凋殘慨今茲禹書竟誰修泮水仍堯時鱗鱗煙火居化爲魚鼈池情吏委天運素餐寂無施我行踐淤澤流亡痛此離興言乘纜績永歎涕淚滋載考太史編河防炯然垂偉哉維揚守長疏列安危屯膏罔終惠徒勞叫天墀感之

甲六

六

金陵叢書  
蔣氏校印

起中夜墨檄紛四馳版鐻及冬舉貴不病農時丁甯戒羣吏

開歲期耘籽匪躬乃臣職勿問災祥疑

又別北邨

結交三十載會面若不易相逢那楚間復判三晉巒昔見猶朱顏今竝黃髮次唯公展經綸麟鳳見靈異神化俟丹青台鼎有餘地蹇予耕牧身中臺本非位倚玉聯旌旄日抱鯢曠愧終當乞骸歸初服返荷芰願公加餐飯力任天下事

垂淚一首

十月南湖水拍天屋廬漂盡少人煙河防不救柴林院王賦誰獨漢上田疏排後代無神禹生息何方有計然衰老空垂憂國淚幾曾恩惠及顛連



行漢水隄上大似秦淮風景因念僉魯用之亡

漢江江上玩晴波卻似秦淮月下過歸去扁舟載簫管誰人

復唱采蓮歌

望湖濱紅蓼甚麗

湖外秋容淡晚霞桃源何處泛來花西風也自嫌寥落點綴

芳菲付水涯

湖濱作

霧渚煙汀散客愁江南佳麗夢中游羣飛白鷺渾翻雪翠滴

垂楊不受秋凶歲蕭條傷稼穡野情搖曳傍漁舟年年負卻

尊鱸約豈爲人間斗米謀

漢沔諸湖二首

甲六

七

金陵叢書  
蔣氏校印

神禹導江流東歸入滄海三澨阻大別曠壤實瀦滙鰲熊開

荆疆縱獵固斯在坤輿獲所安流峙各無改云胡後代人邑

聚擅高墪曲防破先制魚鼈遭葑醴履畝科租庸妄言廣財

賄籍定牢弗刊始重黔首瘁水至循故區往往歸歲罪豈知

小智私祇以增凍餒何當鏟縱橫一洗謝真宰

大哉雲夢澤浩蕩吞荆襄分爲百湖陂委折各有防水濶混

雲日魚多聚鵝鶻天寒見洲渚網罟映地張扁舟垂綸叟楚

歌樂洋洋昔聞漢陰老母乃斯人行西伯苟不遇六韜沈涓

陽

贈水部張誠之采木南楚有功擢山東憲副

聖王御六合孝敬百禮崇祠壇及寢殿如天開法宮大水出

南楚肅詔騰雷風層厓伐梓楠斧聲震高穹萬牛疇肩領巨

筏亘長虹山靈獻村異波侯開道通賢哉張使君來乘玉節

雄豈不念王事而哀切民窮獻謀廣財用厚植來商工優優

播慈令蹇蹇竭匪躬譬如求才俊傑者必登庸梁棟入內苑

巖嶮起天中巍然覩巨麗偉績歸司空落成大慶賚錫命先

有功曰君冰玉操風紀責所隆煌煌獬豸衣執憲山之東授

官副雅望萬口稱嘉同青雲快翔翥展翼隨鷓鴣台斗豈足

踐令譽歌永終

沙陽曉渡

水澗殘星小汀寒宿霧沈馬聲喧櫓亂燈影照江深漢沔非

吾土風霜滯客心驅馳何敢憚筋力爾須任

甲六

八

金陵叢書  
蔣氏校印

馬上見霜

十月繁霜滿原草漢南柳枝猶自青長路獨憐塵浪浪老人

休怪鬢星星從來沙苑皆奇驥何處松根少茯苓終歲簿書

催物役幾時還續太玄經

小江口

漢水霜前落微波一葦通沙然紅蓼色岸裏白茆風興在煙

霏際年銷馬跡中浮雲休蔽目流盼送歸鴻

落日過白鶴寺山僧邀讀元將破宋碑

慨息狂胡破宋詩老僧邀請讀殘碑山中竹院堪幽賞無奈

斜陽欲下時

飯舊口

霜舟乍渡沙陽水午飯仍趨舊口煙楚國山川行欲遍祗恐  
詩興送流年

登陽春臺

楚客譚陽春和者纔數人調高少知己絕德難為隣荒臺滿  
碧草四顧傷我神不知當年士果為何國賓慷慨三閭子離  
騷風雅陳明明君臣義照耀天地新斯人雖沈湘萬古仰芳  
塵荒哉高唐賦淫哇何足珍

與君登高臺瞻望郢城樹龍飛登九天故宮莽雲霧日月相  
蔽虧江湖各奔注優游豐沛間父老日歌舞先皇流仁風橋  
陵萬神護蛟龍纏穹碑金字勒長賦草木藉華滋新冬豈寒  
沍唯茲盤石崇乾坤永同固徘徊詠豐芭日暮更延竚

甲六

九

金陵叢書  
蔣氏校印

與王司禮燕馬司諫汝彭盧氏園讌坐言別

臺居倦文牒野步愜園田既借金宮彥復招青瑣賢旅泛暫  
聚合心賞相資綠疏蘿冒高壁密竹媚清漣歲晏取芳歇時  
菊亦解顏共傷節序改况軫別念牽去任殊道路南北間山  
川引觴競浮白臨樂惡繁弦感此羈游情慨余薄暮年終當  
解龜組農圃安自然

鄂中對雪十月二十二日

我游鄂中地孟冬風淒淒不聞白雪曲徒見白雪飛羈旅節  
忽改自顧寒無衣四境遭水潦黔首况啼饑帑廩率空置漂  
蕩靡託柄政理屬舒卷咎責果安歸將反牛羊牧俛焉歌式  
微

哭陳石亭

吳楚天一方書至每不易哀鴻從東來屬我墓間志痛哭裂  
肝腸天道乃乖戾平生金石交中心兩無異公今棄我去如  
喪左右臂哀哉遂初堂庭樹日憔悴他時一杯酒空灑林下  
淚

哭徐九峰

宇宙同一寓死者為過客公年豈不高痛惜如天折鄉國信  
多才雅道洞明哲古篆今不存高辭難再得吾生有幽抱出  
戶誰與說不聞子期亡伯牙絃遂絕知音古來重日月增哽  
咽

哭金子有

後來奇驥羣金生千里駒雲衢雖未聘剪剔毛骨殊一經發  
鄉薦俊氣蓋九區穆穆孝友姿允為邦國模造物常忌才玉  
樹望秋枯顏淵竟短命黃憲乃先殂異地空泣血何由奠生  
芻

黎司空山堂對雪

高筵對雪多清興况復江天落草堂漠漠凍雲低野樹霏霏  
風絮過山牆寒疑點綴侵簾影坐判虛明映燭光莫怪夜深  
吟不就舊歌元讓鄂人強

過雲臺山聞山中有普門寺未至

雲臺路接短長亭十里煙林不斷青說有禪宮如海藏山僧  
來見老龍形

甲六

十

金陵叢書  
蔣氏校印



豐樂河

豐樂河邊楊柳疏半黃渾似早春初晴風不著行人面欲問  
桃花開也無

黃憲墓

耐年昔不承爾墓今猶存英英弱冠子誰遽探清渾廣哉郭  
有道成美由片言

酒于光墓

龍鶴誠譎誕斗酒亦顛狂談言雖微中滑稽令人傷不如鬼  
谷子默默能深藏

馬上憶曩在全州送孟望之歸汝有襄陽騎馬之句今亡久

矣長途獨暮凄然露襟

甲六

十一

金陵叢書  
蔣氏校印

湘國題詩贈使君襄陽歸馬踏歸雲垂鞭此日斜陽道淚雨

遙凝汝水墳

入襄陽

黃龍山北樹含煙白馬亭東水拍天傳道樊城風景好酒家  
樓閣鏡中懸

龐公愛就鹿門居孟子愁封北闕書此地高人多隱德青山

應笑碧油車

大堤曲

大堤多美女顏色春花殊逢人解巧笑但笑秦羅敷傳道楚  
王宮細腰金屋中自甘佞爲鬼爭効體如風大賈千黃金買

而不買心東家登牆者繡履蹋羅衾婀娜墮馬妝誰言近不

祥客唯喜逐吳唯誇鮑最芳白石映寒冰徒矜漢水清遊魚  
不肯住空名何足榮

羊侯祠

叔子不鳩人敵國亦信之赤心動金石黔首豈相疑千秋墮  
淚者何必見墓碑

習家池

山間遊習池長攜葛疆兒民牧多政理倒載亦何爲怪底強  
仕年不爲家翁知

襄陽鎮南樓

高樓特起鎮南邦城郭飛雲度碧窗東流漢水聲長繞西踞  
耶山勢總降望裏封疆分汝鄧古來耆舊有諸龐吾衰不及

甲六

十二

金陵叢書  
蔣氏校印

秦公子偉觀渾無健筆扛

十一月二日自襄陽赴穀城將遊大嶽

曉出襄陽郭暮投穀城微地勢益高衍山形稍奔峭風雲  
霧豁殘陽露微照天乎借良辰人也諧宿好明登萃嶺間千

里聘遐眺

界山

山嶽隔塵氛入山皆碧雲清澗飲猿父白石起羊羣物華  
寒異世界人天分將邀東方子同會上元君

入山

萬物西來高武當靈區物物非尋常溪邊石黛轉增碧霜後  
草花猶自黃柄巖人共鳥鼠穴行空馬逐鷓鴣行不知王烈

在何許明朝可逢石髓管

山行絕句十三首

閉戶霜如雪登車日勝春舉目見千里獨慰游山人  
天如碧玉版羣山各寫形高空無障翳龍鳳互蹇騰  
青山八百里蟠結千蛟龍頭角忽聳起秀出雲間峰  
高低度嶺頻清淺涉澗屢恐已入天宮山空無人語  
澗口架飛梁山腰束微路懸厓有茆屋盡是齋糧戶  
閉山種雲子汲澗泉可羨巖穴民得養龜鶴年  
山風一披拂千林舞寒葉恍如豔陽時花叢鬧狂蝶  
蒼厓切雲高深澗萬丈下低頭聽泉聲風雨號靜夜  
徑踏雲邊石衣飄樹杪風繡鞍行一馬玉管引雙童

甲六

十三

金陵叢書  
蔣氏校印

胡然掠雲起忽爾落澗行幽叢不見底涵瀟聞水聲

澗道蒼杉林雲寒白日陰石壁相映起蕭穆愁人心

槎枒半折樹傾欹欲墜石行人如飛仙渺渺下青壁

硯何萬石底涵瀟泉一泓裹茗欲煮嘗未有龍頭鑪

遇真宮

唐皇禮果老漢帝延河公金門一遺步玄圃渺煙鴻冥冥三

丰子軒聖慕其風使軺窮滄海靈嶽虛瑤宮青鳥竟不來鼎

湖恨何窮

玉虛巖

九渡越清澗七盤轉厓高樹落餘雪陰壑青夏苔雲龍舉  
步險風穴流音哀方隅問屐眩昏旦候莫諧路盡益岑寂俗

駕何因來

題玉虛巖四句

蒼雲扶厓碧玉琢厓真宰運斤成此仙宅

紫霄太子巖

王子煉神鼎乃逃高巖居金銀結真氣天人傳玉書磨鍼悟

志苦挿梅知化殊千乘雖云貴九霄樂有餘長令電露子悵

望龍駕車

南巖雷神洞

雷神栖何所巖洞深杳冥幽林蔽日影寒澗餘龍腥經年尙

留雪當午仍見星右奇出變相境勝通神靈謫怪山海事流

傳信前經

甲六

十四

金陵叢書  
蔣氏校印

五龍宮

日出雪仍積林深路不分行過千澗道來謁五龍君仙人餘

故宅玉簡空靈文對此煙霧窟徒然慚垢氛

五龍隱仙巖

尋真極玄覽訪古窮荒遐載陵青虛界遙扣洪厓家往古列

仙人悉此鍊丹砂經臺照白日石洞空桃花何時遂辟穀漱

齒來滄霞

登天柱峯次路北村院長舊韻

天柱峰高白日晴華嵩相對最分明樽桑倒射東溟影銀漢

平流上界聲空裏金宮陳帝座雲邊鐵鎖度人行不緣旌節

巡方嶽孤負塵埃過此生



進士蔣君養孚會余天柱峰授宗伯公移

仙山高處幸逢君縹緲宮袍五色雲身到峰頭金殿裏手持

天上紫泥文詩成似有神靈助境勝休傳俗客聞好取姓名

深篆刻長令巖壑借清芬

贈蔣僉憲芝赴雲南

愛言干將器利刃能吹毛武昌盤錯地斷割手不勞盡令十

萬家同口興歌謠我持行臺政舒慘賴所操豈唯道罪咎實

已引甄陶每思四域內安得皆君曹如古元道州獨重工部

褒天官論嘉績奏授獬豸袍乃不貧三楚復乘滇南旄遠人

何足平早願歸中朝別我郎襄野徵言意切切行囊無所贈

獨解王祥刀

日六

一五

金陵叢書  
蔣氏校印

郎州曉發時已膺司寇之命二首

解纜郎州霽開窗漢水清亂山舒野望急浪快歸程搖落歲

華晚馳驅使績成東風何日至弭權石頭城

天青江霧重霜白石林疏官滿拋公事情閒說道書試論麟

節貴何似鹿門居再過襄陽去羞逢龐老鋤

郎江張帆

兩岸已列障一水中逶迤挂帆沿流行日影互遷移石瀨揚

飛湍風潭蹙文漪瞬息踰百里長年豈知疲導舸角鳴樂悠

悠展朱旗游目恬野趣浩蕩望前期

登峴首

峴首瞰長江高深屬遙眺兩儀拓雄觀况值風日霽水殘別

洲渚林寒出松桂曠然洽今歡遠以悼先逝羊公經世人興

懷局千歲立德竟難泯長聞泣遺惠

同路中丞登鹿門山巔

維舟訪嘉隱凌險躋峻嶺遠水浮白日疊嶺羶蒼煙龐公去

已久詎識躬耕田何功勒鐘鼎卒使高名傳赫赫劉荊州遺

安讓其賢此道今豈有流塵暗弓旌

望隆中山

雲山如龍蟠紫氣騰晴空緬想諸葛賢引領望隆中間氣產

王佐弱冠稱英雄白水真帝子三顧屈其躬推曹發妙略復

漢懸精忠大業雖不就兵圖傳無窮君聽三峽水哀響流長

風

甲六

十六

金陵叢書  
蔣氏校印

渡襄江懷孟浩然

孟公本遠俗垂釣漢江水雅志豈在魚玩弄雲煙美沈淩顏

謝場唐風美新製右丞虛薦言工部實知已飄飄鹿門遊何

心慕金紫

宜城冬至

去年冬至攸城雨今歲宜城曉日輝暮景兩年愁作客故山

千里幸言歸鶯花入夢掠春興兒女承歡動舞衣北闕簡書

恩似海老翁非欲羨輕肥

至日往荊州一帶視水利

葭管陽生日天門詔下年未能辭簿領何敢厭山川禹鑿功

非舊民饑食最先荊州喉舌地撫字賴多賢

荊州明月樓

樓中望明月清光白如畫寒江迴遠天冥鴻掠高宿對之逸  
興飛翻然振長袖豈無一樽酒良友不可違緬懷庾征南風  
流絕前後

曲江樓

曲江黃閣老滯此天南州直道既爲毀讒巧亦易投載歌鏢  
金詩明夷多隱憂賢哲通塞地天運非人謀唯餘樓前水佳  
名永同流

仲宣樓

公子跌宕士作賦窺才雄劉表不解川遺之歸曹公君看大  
厦就得無資取工慨慷從軍作亦足揚魏風登樓想高韻木

甲六

十七

金陵叢書  
蔣氏校印

落寒山空

反歸來行寄浚川公

承示高作辭意迥絕然  
非公分也極奇是篇

歸來乎公不可以遽歸立君黃金殿著君白鶴衣朝中冠佩  
三千士誰不仰面看恩輝吐辭天下法執憲萬人威玉陛尋  
常賜顏色腹心推置古來稀願公奮雙臂大厦力撐柱願公  
噓元氣四海廣陶鑄旂常鐘鼎皆外物所貴丹心報明主五  
湖扁舟鹿門車小丈夫事何足數君不見南陽諸葛公三十  
草廬稱臥龍乘塵起去佐先主志決身殲成大忠又不見東  
山謝安石高臥終爲蒼生出折衝尊俎推強胡援引英豪靖  
王室不然則三代以上公豈無心披露酬答視時淺深桃林  
定後建齊社傳野起處爲商霖大人一身既許國安危四海

同其任本非江海疏遠士安能拂袖任升沈

登黃鶴樓飲後作

黃鶴仙人身姓誰空傳崔顥舊題詩雲荒赤壁周瑜壘江繞  
青山夏禹祠浮世古今堪灑淚高臺歌舞幾銜卮天寒月白  
孤鴻遠徙倚危欄送日遲

甲六

十八

金陵叢書  
蔣氏校印



憑几續集二雜文

登天柱峰謁玄帝金殿賦

吁嗟高哉瞻望弗及矣攀援躋陟憊莫爲力矣一重一峰路不可窮一峰一天上乃穹窿勾雲結霧構接聯通容足之外悉爲虛空乃若根蟠楚蜀勢抗華嵩奠北極之玄武卑南天之祝融滄海一勺扶搖上風俯視廬霍坡陀迷濛抑何如其雄哉唯我文皇之御宇內宅中圖大嚮離中華謂此神君宜鎮幽遐非高勿位非虛弗家秩望妥靈測圭崇厓削危標而成砥開紫極以布基列萬治以鎔金範法宮而建儀億億

甲六

一

金陵叢書  
蔣氏校印

將蓄猛山立文蛇大龜蟠糾脇息揚光吐輝閃爍燿燿日月經之詭道相歷雷車電鞭來往辟易故萬神聳其威靈四方希其蠶胎也璘塵質凡垢忝分符節雲和日明來禮穢業踰襲度穀靡步非陟天門沈沈千盤萬級鐵鎖仰攀布紵前拽望之愈遙足重氣結載奮載憩乃至其極望長安而莫覩魂怵惕以長征覽九州之浩蕩感王道之平平於是歛衽肅容再拜陳謝意愜形舒翩然而下

游太和山前記

曩昔聞客談太和山高且奇宮觀偉麗皆天下所無有竊疑未信嘉靖戊戌冬余以臺務巡方至襄乃謀觀其勝十月二日出襄陽信宿于穀城界山道中見岡阜迤邐相屬人曰此

卽山麓也蓋相去二百里已然矣四日入山將至遇真宮則

童冠羽人數十提香鳴樂持旛旆來導悠悠然度灌木溪橋之間恍陟仙界自是凡過一宮觀皆然是日宿玉虛五日曉循澗道往尋玉虛巖凡三里始至徑險石益奇靈艸異木青葱不類人境平時人所不至也宿紫霄六日乃登天柱峯謁真武君金殿歷路門者四皆金榜石磴曲折不可計旁皆有石欄鐵鎖人攀援以升或憊則引布推輓凡數十憩乃躋其顛平臺設真君殿殿可三廛許冶銅爲質鑿以黃金棟柱門扉題畫並具其像與四天兵皆銅精工踰土木非竭天下之力不可作誠盡勝矣哉其上四望莽蒼凡山皆下莫見唯北見華山隱隱耳拜禮贊嘆徘徊良久始下入南岩石壁無古

甲六

二

金陵叢書  
蔣氏校印

人題識唯今少傳夏公大書福壽康甯四字殊雄偉其雷神洞捨身窟皆險峭可駭初七日問山北僻道訪五龍宮景甚幽邃澗泉清冷可聽時從高厓低緣澗道不啻千仞如飛鳥翩然下青壁愛且悚惕荒茅密竹聞往時多虎今人盛亦不見也蒼杉參天有大十圍許者時成林亦他山所無間訪巖居道士問嚶噓吐納之方頗指鍾呂孫陳諸仙人居處相示使古無仙則已有則不居於斯安往哉八日仍抵玉虛得故人司法陳羽伯自南陽至乃共再宿而別入均州遊淨樂宮至紫霄亭云是真君誕所或有之云山遊凡五日歷宮九皆絕工麗堅壯而南巖五龍多石爲幽觀凡十一多居岩阿仁威觀前有白石特奇余題曰玉麟榔梅舊木已無今乃後植



者廟凡三因事而作無幽概嵩名者五隱玉虛太子隱仙尤奇澗不可數九度磨滅特名重真君也凡宮殿皆擬天庭帝座之崇殿雖行寮寄寓皆費中人百家之產莫狀其勝志云聚南五省之財用人二十一萬不知作之若干歲信有之乎案真君其書所傳本清修得道士也其後乃有大威力所顯于宋元及聖朝如此唯我文皇大聖首物垂訓作事爲天下法非真君有大功于國大惠於民報典奉祠烏能臻是哉遠未可考若客談則固歎其未盡矣

遊太嶽後記

夫險易者天之理也幽明者物之情也廣大尊崇皆易也而人道宜之故曰明奇峭險邃皆幽也而鬼道宜之故曰幽地

甲六

三

解金氏校印

形殊類物用相成莫知其然而不能不然此則天之道也天且不違况於人乎况於鬼神乎今夫君王侯伯之居必大都廣土日用所照人物萃之否則舟車難通政教難達人道斯妨矣神靈仙真之棲必深巖幽林雲霧所積怪妖憑之否則精氣莫潛變幻莫作鬼道斯誦矣由此言之兩間之內凡山川之幽險爲仙佛依不爲吾人有斷斷明矣五嶽天下之名山也其神壇壇恒居坦明之地其幽乃有異類託之故曰五嶽視三公不其然哉今吾遊太嶽觀靈峯峭壁空岩陰谷信天下之絕奇矣然止於仙鬼所附清虛所修無禮樂政治之用以達諸人事卒歸陰道已矣將希諸眾落井邑且不可得敢望大都廣土類邪易則大險則小固天道之不可易也客

有聞而作者曰豈唯山哉高明洞達大人之度也斯賢聖同域矣卑塞險暗小人之趣也斯鬼蜮同流矣請以子相山之道相人可乎對曰吾烏能達於是其理或然因書爲後記

王履吉集序

嗚呼觀今溺然雲興燦然星耀豈不有羨於當世之士哉然性緣情泊志以習乖考之溫仁成德固已鮮儔矣姑略言之自視有餘者驕視人有餘者妬嬌妬所終敗於人國烏用士爲也得天猶幸若吾友王履吉氏適發鄉國早聞四方龍鳳爲章山海爲蘊不謂有餘既甚者乎然遠巡若處女俯誦若蒙士自余所親未嘗失色於人及其遇一善觀一才若饑渴之於飲食不厭不止故年殆強仕而海內勝流什五齒交矣

甲六

四

解金氏校印

乃抱病長終玉毀膈下嗚呼憫乎人皆曰履吉之才不可再得也余獨曰履吉之德不可再得也蓋傷人國焉其兄太常履約氏刻其詩余得而論曰古體五言沈鬱有色可憤可樂蓋類曹植鮑照七言跌宕瀾麗號幽吹而羈春雲蓋類杜甫岑參近體亦步驟杜岑而自據神情殆與盛唐諸家相長可謂詩人也已特非其致也所取於履吉者非以此

重刻劉蘆泉集序

余自弘治丙辰舉進士觀政戶部獲與二泉邵公國賢空同李君獻吉蘆泉劉君用熙友未幾余謝病歸用熙意古寡徒遂絕問遺然余愛其詩藏其數篇以爲有杜法時獻吉名尙未盛後用熙入吏部守京口謝歸益聞其著書不遂世好竟



汨沒長往矣嗚呼孰謂斯人而止斯任哉今年來蒞楚臺訪其子鄉進士嘗得所著易禮諸傳疏遂授諸屬刻之其詩文嘗刻于元山席公而板惡且漫因爲再刻以傳夫國朝之文本取醇厚爲體其敝也樸弘治間諸君飾以文藻盛矣所貴混沌猶存可也然華不已則實日傷雕不已則本日削不幾於日鑿一窾已乎吾用是益貴蘆泉之文觀其與毛公書之論詩思齋序之論文豈無力以進斯技蓋本止於此請讀所贈唐文載序云云其要諸後來者如何哉世毋淺乎蘆泉也

損鑑序  
易損之大象曰君子以懲忿窒欲嗚呼身所當損止此乎俛而思之忿勝氣也凡意弗平皆屬之忿固不可勝計矣欲邪

曰六

五

金陵叢書  
蔣氏校印

志也凡意有愛皆屬之欲亦不可勝計矣君子苟志于克己復禮之功以希靜虛動直之域其視外物之所交內念之所作孰非忿欲之類當損乎用是益知方寸之多擾矣璘不肖竊亦勤志于此損而復有有而復損猶未已焉故於觀書之餘取古人之言資于損者集之一篇題曰損鑑蓋反覆誦味以自照焉有涉二氏之教者并錄不棄緣二氏以虛爲宗於損爲近譬之烏喙赤戟取其攻病姑略其性味也先正東坡蘇子尤洞斯趣今采其語居多

題郭杏東作雙崖疏藁序後

嘉靖丁酉八月十九夜翰林學士僕封杏東郭公卒于京師是夕爲兵部侍郎雙崖樊公作雲中疏藁序成朗誦數過就

枕而逝今讀其文明整慷慨氣貫金石不應倏忽損滅也人疑之璘則曰死生之際明者或亦先覺故好言其平生至於亂與不亂則君子之所養固與人殊也曾子曰人之將死其言也善言反本也夫雙厓保雲中之事發乎忠義天下所共仰杏東道同軌心同歸欲爲文傳之此豈尋常然諾之比乎方卽化歸真之際援筆屬詞精誠之所感發鬼神之所開啓有莫知其所以然而然者要之其人與事炯然于心素定矣氣安得亂之乎昔人有絕命辭遺令等文皆成於臨終之頃彼非人而傑者尙然况君子乎璘於是見杏東所養之固而歎雙厓忠義感人之深也亂不亂無足疑

文端序

甲六

六

金陵叢書  
蔣氏校印

文始於六經正學也其大壞乃有六朝綺麗之體衰宋瑣弱之習比見楚學諸生爲文率務奧奇而不知適入於壞嘗教之讀西漢書矣懼其學之無本信之不篤也至荆學乃命教授楊奇逢取易傳尙書禮記各數篇以爲準的次四書長篇始及于西漢其究至程朱諸先生文而止抄爲一編付李守士翔刻之用布於諸郡學宮題曰文端端始也正也引其始以歸於正將不由是乎俟其自得必知取全書優而游之以臻大成庶幾爲天下之正學道固在其中矣若夫文選文苑諸書正詞人中雕蟲之小技吾方悔其少習乃所願諸生勿蹈吾後也

明故山西行太僕寺卿石亭陳先生墓志銘



先生吾南都文人也穎異早見軀不甚長神采朗秀眸子可照少好蘇氏之學筆勢瀾溢人謂其類東坡亦自號曰小坡中歲再變其格詩宗盛唐文出入史漢歸於簡古晚益好著述浸淫理奧不以綺麗競能厭趣遠哉璘自登第後相結爲文友傾心四十餘年切劘契許日益膠固真如兄弟骨肉頃年先生以山西行太僕卿璘以浙江布政使各請老居山中與諸耆舊大夫修淨社甚歡丁酉璘召起爲副都御史撫楚與先生別殊怏怏戊戌秋忽以訃聞實卒於六月二十六日璘哭之慟其子時萬等致禮部主事許子毅狀來請爲墓銘嗚呼吾與先生交期止此耶乃又不獲執手永訣痛矣夫天道負人每如此也恨恨何有窮日乃志曰先生名沂姓陳氏

甲六

七

金陵叢書  
蔣氏校印

初字宗魯後改魯南號石亭居士本宋丞相秀國公升之之裔曰澤以言青苗謫四明爲鄞人曰瑤國朝以醫徵入太醫院始家南都其詳載長沙公傳中長沙公諱綱稱遲宜子即先生父初爲黔陽令再擢長沙通判皆有遺愛祀於土母金安人以成化己丑七月二日遲宜公先夢釋氏奉明珠入室且生公五歲能屬對八歲能摹古人畫十歲能詩十二歲能舉業率奇拔驚動長者摠角著孔墨辨赤寶山賦諸文傳誦人口自是行誼文學日益隆茂辛酉始舉鄉試暨丁丑始舉進士雖久處韋布時名熾然出上閣老野亭劉公太宰白巖喬公少宰柴墟儲公宦南都時皆海內具瞻鄉定山莊先生負學行高望皆引爲忘年友既仕院無尚士除編

修與修武宗實錄推內館教書癸未禮部聘同考官甲申與編修鄒守益等及與修撰楊慎再論大禮實錄成進侍講賜白金文綺隨充經筵講官譔講章善寓諷勸上問宰臣知其名丙戌授册封楚王踰年出爲江西布政司參議先生素抱經濟樂於惠民於是備設科條以杜奸寇賦同官驚服進山東左參政案沂莒滕費諸郡邑察其災荒發官帑市牛百餘頭給民墾藝且寬其稅期年皆熟又爲蠲除種馬薪水運布諸征民獲甦息嘗至鉅野察有盜將發調卒襲捕散之卽言於中丞職兵者不謂然已而盜竟破縣去厭許其略嘗遇執政於德勞之曰先生久外將召矣對曰齊民困甚苟行吾疏勝吾受德意大忤吏部舉河南福建布政司皆不遷遂改山

甲六

八

金陵叢書  
蔣氏校印

西行太僕卿再上疏請老歸築遂初齋於家園杜門著書絕意世事乃今天不愛賢遽爾見奪蒼生已矣又如鄉國何哉先生孝友忠信出於天性事二親死生情文備極人所難及素廉於財長沙公沒後營弟妹婚姻貸以備禮及貴周卹南都與四明族屬往往曲殫心力嘗有大臣後流落不能歸葬必圖爲之所居京凡鄉閭人急難匍匐拯之唯恐後蓋平生舉事造念率歸忠厚固不可以計數也所著書有皇明翰林志金陵圖考金陵世紀畜德錄誨似錄花巖志游名山錄晤言詩談總若干卷詩文拘虛集若干卷又金陵志山東通志南畿總志皆出筆削狀謂其清修厚德文藻惠政合而歸之有道仁人吾鄉稱爲實錄初配楊繼馬婦德并茂馬尤能文



贈封皆淑人子男四伯時萬鄉進士仲時億叔時兆皆才哲  
方向進季時口尚幼孫男幾女幾其興蓋日熾云卜己亥口  
月口日合窆於楊淑人之墓墓在岱山祖塋兆內銘曰  
文以章物唯道是則發藻於才立本於德小儒偏長下乃剽  
竊於唯先生秉德自天企彼四科庶幾閱顏乃述乃作是謂  
善言達諸大業僅試旬宣乘雲御風言返天門有遺在壤瘞  
玉彼岱赫赫其光燭於九原匹躬斯已百代攸聞

前吏部侍郎燕泉先生何公墓碑

嘉靖甲申國家用今少傅張公孚敬等言更議大禮固一代  
典則內閣楊公廷和等各持論不合時二家附和者甚眾非  
必自能深考極論以折衷禮制甚者懷觀望圖以國爲玩唯

甲六

九

金陵叢書  
蔣氏校印

吏部侍郎何公孟春前後三上疏勸從初議辭意明懇實由  
其衷間得張或問十三條即夕具疏辯析尤盡復偕百官伏  
闕以請且號泣於廷豈蹇蹇匪躬勿欺而犯者耶上怒奪俸  
一月調南京工部旋引疾歸及明倫大典成詔削籍所謂求  
仁得仁又何怨也天下愈重其望夫君子之事君也有所見  
於道則言之不隱有所得於道則行之不撓曰吾求忠國家  
利生民以無負所學而已窮達禍福有天命存吾何虛乎哉  
斯道也聖賢之所共由而世俗之所不及知也嗚呼何公真  
君子哉既沒之三年璘以職事觀風於柩拜其墓未有碑盡  
然傷之曰古者高行士皆有碑况公大卿耶屬其子仲方爲  
碑璘乃序曰公字子元先世遺後人遷於廣元有爲郡統

柳桂者因家柳至公曾祖義堅爲合州同知後貴矣祖俊雲  
南按察僉事父說刑部郎中以公貴俱贈通議大夫吏部右  
侍郎祖母廖繼李母李俱贈淑人公少穎異稱奇童長遊李  
文正公之門文正嘗稱曰子當表我楚登弘治癸丑進士第  
任兵部主事員外郎郎中大司馬馬端肅公劉忠簡公大見  
器重曹無滯政嘗使山陝清馬政條目畢舉還上五事併劾  
撫臣不識朝論趨之爲河南參政稱仁明擢太僕少卿究極  
馬政利害兵部著爲例武宗朝嘗欲取馬價他用公力言不  
可竟止晉正卿拜都察院右副都御史巡撫雲南多所興革  
詳見撫滇條約討十八寨叛夷立永昌府增伍長官司五守  
禦所歲增賦若干石陞俸蔭子皆辭不受召爲南京兵部右

甲六

十

金陵叢書  
蔣氏校印

侍郎尋改吏部以引拔人才爲己任與喬太宰宇林司寇俊  
彭司馬澤汪守宰俊同心謀議時望治平焉天性至孝父卒  
扶柩舟還遇颶風人各奔免公誓與柩存亡獨守不去竟全  
母病痿不能言公色養必得其欲常扶母避寇臨急棄檣以  
脫母比還則檣猶存人以爲神庇公神充於貌臨事敢言人  
信其剛直然仁厚儉約著長者風博究經史雖歷數兵法皆  
精其學詩文少騁莊騷後一歸於義理所著有餘多序錄六  
十五卷間日分日百卷皆討論古今參訂是非爲學士矜式  
政事所紀則又有撫滇條約軍中耳學平夷錄備荒書恤刑  
書奏議藁通數十卷註孔子家語陶靖節集易疑初筮西涯  
擬古樂府行於世所居有泉以燕來去時消長故學者稱燕



泉先生子二長仲方已舉於鄉有節操次仲平方力學向上公以丙申年五月一日卒春秋六十有三葬永甯鄉祖墓兆內嘗語方曰吾於忠孝大節幸無失雖以士禮葬密邇先基奚憾哉璘爲贊曰烈烈何公氣貫日星靡言不直矧切國經白刃可蹈朱紱何榮於道無枉生順沒甯孝德唯風學澤唯海鼓之潤之百世攸在前作有基後述無改乃復乃昌於焉斯待

祭陳石亭文

維年月日具官某謹致香帛牲醴于南都命子嶼敬祭于山西行太僕寺卿契兄石亭陳先生之靈曰兄生吾國文如麗錦行如美玉德如慶雲量如虛谷蓋四海之特見非一方之

甲六

十一

金陵叢書  
蔣氏校印

可局璘何人斯敢與追逐所幸年隨雁行而生同日居並仁里而志同道交修麗澤獲偕終好窮通出處無替毫耗忽四十餘年同臻於蒼皓矣雖司馬之於純夫每許以異姓骨肉而東野之望昌黎實效噴以貽笑也璘昨適楚別兄甚強唯衰晚之暎違各衷臆之隕傷豈泱歲之不說遂永隔於幽明令子來告將卜永藏屬以不朽志在立堂淚盡於辭實摧肺腸薄奠附陳物豈馨香唯兄昭格無問存亡

答桂州公論顯陵形勝書

比拜手教感切至深念公上應顧問贊萬機下酬四方咨啓神用固無停乃復念鄙人如此耶何云希闊耳不敢望不敢望璘輒有獻頌者奉命告謝純德山得縱觀我獻皇陵寢之

盛其山東自京山中盤諸大山發脉而來再起於聊屈蜿蜒而西屏聯障疊至今純德山而至乃幹龍之盡處以其過北更無山前界漢江是以知之所謂界水而止亦曰勢如萬馬從天而下也或言主山小兩沙太直其言殊未切凡言主山非指葬地之山乃溯其龍脉所起之處正不貴其逼近如中盤五泉聊屈等山皆崔巍秀拔接於百里數十里之間何謂小乎楚地山多正嫌其偪仄阨塞而難於寬廣此地自陵山以北龐厚寬舒四望千里儼有京都之象光嶽所聚非偶然也兩沙爲修築墻宇欲成制度稍去坡陀今望若直然大勢則青龍回而作岸極得環抱何可謂直乎其南五泉之野古有曰天子墓在今俗呼天子岡舊志載其靈變蓋異兆也古

甲六

十一

金陵叢書  
蔣氏校印

者天子所興之地必有符讖物象之祥豈可不信乎璘又謂天下之地各有極貴之處今都城與天壽山諸陵處燕冀督元之勝不俟言矣古稱芒碭有天子氣則我高祖奮起又祖陵據爲宅兆金陵曰龍蟠虎踞眞帝王都高祖既定鼎於此又爲鼎湖升遐之區杭州曰龍飛鳳舞至於臨安我太宗邵太后適出其地鍾靈之所固已湊合於皇家矣今荆鄂之間亦海內一大都會自春秋楚莊稱霸以來代有竊據而偏安者亦其地氣素貴也國朝鄂梁祚薄而不能承乃大發於聖宗自獻皇埋玉以來我主上當陽御極聖躬康疆皇嗣疊降景福嘉祥可謂極天下之美善無加矣久聞道路之言云皇上孝思誠切若有遷陵之議璘遠臣疏賤不敢與聞欲言中



止者屢矣竊比富貴之家葬地得吉尙不敢輕動况萬年之宗社乎左右乃國之親臣位在輔佐不可不極言雖少違主上之孝而實臣子之忠也且商周遷都未聞遷陵况我高祖不遷祖陵太宗不遷孝陵此數聖人必有深意不可不慎無俟後日稍有虛悔噬臍莫及昨鎮守張太監謁陵至省見璘亦曰美哉陵山之盛長陵可以頡頏諸陵皆不能比渠乃內臣熟見國家規模其言亦如此可以占人心之同今諸臣不敢言者恐未見之耳若再奉此議執事宜請遣大臣稍知堪輿學者來此遍觀熟視庶知璘言不妄不勝拳拳及此幸勿以爲愚也

啓介谿公

甲六

十三

金陵叢書  
蔣氏校印

吏還辱示賀二相新第詩語格精嚴正燕許的派海內風雅常爲一變若諸硬語籠氣牆附杜門墻者烏可云被金石哉禪宗必正法眼方具大知識難與眾人言也尊仰尊仰茲上拙疏爲九峯司徒公請諡前輩典型安可缺此諒門下必有處不敢多言顯陵祭祀儀注既以謹禮亦以省財此方民力竭矣伏乞照察秋暑方闌瞻望遐邇萬萬爲天下加愛是願

答浚川公

吏還辱示新得二目思深義精益求精仰晚節研究之力周公所謂繼日待旦者想皆此類也尊官大人任天下之重皆能力此以爲權衡之本何患泛應之不當哉宗社所賴欽仰欽仰近得蘇州所刻有淮集冲夷夷朗絕類其人孰謂言不可知

人大抵藝文苟涉其界不須深求亦占精力若君采近來諸作盡去從前脂澤似爲得之空同後渠之詩文璘嫌其老而益工不知此義是否或賤性偏著耳望有以示教高子業集附覽可惜此人天去臨政處世甚覺寬闊今不得已重其遺文其實非所重耳難盡難盡秋暑方闌萬萬爲國加愛是願與呂涇野

久不奉問多罪時於過客承道履安勝爲慰近浚川書至示僕中庸喜怒哀樂一節謂未發之中既發之和皆由君子存養省察乃始有之非謂人皆然也璘竊以爲不然蓋此節正子思明率性之道不可離之意專言凡人性情皆具道之體用未有不中不和者也唯君子存養省察馴致聖域乃有位育之效其存而不中發不中節者皆眾人私欲之害非道之本然如此則前後發明義始完足而於道無病若如浚川之論則人必由學乃能仁義亦成何義哉此於學甚切萬萬因便教示以定取舍幸甚

寄後渠

郵使還得手書甚慰久絕同心之言奚翅如蘭把玩不忍釋公果悔嗜酒攻文之癖則萬年之慶然結習極難除恐見獵復動耳如何如何文序詮古人之文死者自當心服璘精神衰耗祇見此道非用力可盡所謂得之於心應之於手雖陳言然至理實不出此譬之聖人之道動容周旋中禮者安有

甲六

十四

金陵叢書  
蔣氏校印

意其終病於有迹自曹丕立意爲宗一言啓六代雕鏤無窮之禍孟子曰始作俑者其無後乎五經四子姑勿論歷代文人我所深服者屈原莊生荀况賈誼太史公其人皆直吐胸次無所鑽研粉藻於筆墨谿徑故文詞明直意味深永可繼諸經傳視左傳國語猶夷惠也其後韓愈氏獨得其宗當觀其原道諸作爲的若進學解諸文必其少作未可論定宋歐王蘇氏父子所見甚確老蘇得矣王傷刻歐蘇傷易乃其天性使然猶師商之過不及不可深病也六朝之非不俟更談若揚雄王通與柳宗元諸君皆見其末未見其本柳氏晚年覺之故柳永之作極可誦惜乎不久而遽沒也詩則風雅之

甲六 金陵叢書 蘇氏校印

猶有存者可怪宋謝氏一出倡爲刻畫鑿死混沌卽宅日西崑之義山學者靡然從之而未流遂至陳隋之靡麗古風盡滅可爲痛哭至唐陳李嗣起蘇州繼之真可謂大雅工部及王岑諸公格律雄健當孟氏泰山之巖巖謂非聖人之徒哉高氏品彙概題李杜曰大家而別於正宗未盡是也僕衰矣無力供簿書矣得遂贈典後將請歸去計與足下相對無時因貴鄉馬司諫便輒奉此書望賜教訂以代面談餘唯加愛是願

書甘泉贈路北村文後  
誦甘泉東西南北皆可至道之論惘然若失然則楊朱之泣歧真異端耶而後世翕然許之何也宅日至南都相見甘泉

當與細究之

跋王陽明與路北村書卷

陽明嘗與余講學力主行即是知之說其言具載其傳習錄余以爲偶出奇論耳余觀與北村書取子路何必讀書然後爲學之言乃知其學亦不必專信孔氏也此其獨往之勇何必馳險寇虜降王類耶

左警辭

言行擬之古人則德進功名付之天命則心閒報應念及子孫則事平受享慮及疾病則用儉

右警辭

好辯以招尤不若諷默以怡性廣交以延譽不若索居以自

甲六 十六 金陵叢書 蘇氏校印

全厚費以多營不若省事以守儉呈能以誨妬不若韜精以示拙



序

易理乘氣元化範形凡聲之起由人心生也性靜情和心體不失瀟灑既曠冲融汪濊則宣之詩歌抒之會逢自然雅正有度律呂諧應非人協之也蓋性情之懿無假外鑠依承之聲所以言志故聖人之教人謂詩可以觀而哲王之勤天下必命大史陳之以觀風言足徵也是故於身觀德於政觀治商周之盛詩可知矣後世作者相繼擬體襲裁綴芳構靡狗之交感侈於性情自謂專門名家衍休傳馥今觀之摹楷輕逸馳軌閎健祖蹟沈鬱競步工麗修辭隱意皆性情之外也君子之學含詩於聲繡聲於氣主氣於理宅理於心性情不回理氣不貳聲和律應而詩之道備矣政和民應而詩之風

甲六

金陵叢書  
蔣氏校印

正矣非作意爲之也嘉靖癸未真州蔣南洽先生刺鄉郡壯蓋從之遊聞其緒論謂當代藝苑如東橋顧先生者百世士也後十六年壯始以郡役獲示息園存稿凡十四卷且重以校讐之委迺昔之耳食者得遂酬飫蓋先生本原淵靜知見肆核益之以輕獵堅凝容與敦裕以故怡性寄棕遺賢會奇自古賦樂府迄於近體體盡其變法盡其通用盡其神罔不臻極矧曰殷情以敘倫率勝以端好悼往以申節懷侶以崇比咸性情之正者乎先生揚歷中外蓋四十年披紫宣愛敷教永辭言與行孚政以風觀今全楚殿忠爲當仁倚毗者固詩之緼也蓋曰不徒言焉爾讀詩者並考之當自得矣嘉靖戊戌夏六月望日湖廣漢陽府同知洛陽陳大壯謹序

息園存藁一賦

述征賦

嘉靖元載天子册皇后於中宮朝儀載開坤德斯貞帝宗  
乃昌萬方胥慶臣璘列職東藩與觀察臣廷用祗奉懿典  
以朝京師際大禮之光榮欣斯役之有適乃各作賦以據  
義履懷焉若履險樂平倦勤圖逸則衰臣之私衷故見諸  
卒章云爾

睨龍德之玄穆兮衍皇胤之蟬聯釋屏翰而履紫微兮維義  
鈞而下賢恢明烈以丕承兮踵遐軌於周宣赫於變於既期

甲六

一

金陵叢書  
蔣氏校印

兮暢聲靈乎八埏緇內則之正位兮亶王化之斯由詠關雎  
之風始兮曰窈窕之好仇虞令德之不易兮履寤寐之殷憂  
倪天妹於魏墟兮協任嬖之微柔仰乾坤之合德兮儲萬國  
之嘉福紹宗承於罔極兮溥臣工之歡祝顧薄質之靡靡兮  
叨東藩之下收修大禮以奉職兮抑何憚於匍匐曰獻歲以  
揚齡兮遂歷覽乎故吳慨餘腥之漂沒兮晒夫差之左圖覆  
鬱挺於國門兮哀莫返夫伍胥雖范蠡之遠害兮終貨殖於  
陶朱越大江之天塹兮山厓峻巖以中峙割南北以界分兮  
壯地險而爭利吳蜀日尋於戈鏃兮五湖擾而未既苟厥德  
之弗修兮胡金湯之足恃涉海陵與淮壩兮禹書固卑厥壤  
觀今茲之庶富兮乃究夫地利之升降信戮力而卒禽兮舒

守道而出相夫既弗謹於文武兮茲西都之日喪徐方騰騰  
其疆理兮引黃河之洪流王偃公而興峙兮速周穆之見囚  
悲重瞳之暴戾兮冀裂鼎於鴻溝天道錯輔於善人兮奚介  
心於恩讎邇秦山之不可登兮指曲阜曰聖里儼金石之遺  
聲兮若洋洋其盈耳將擔簞以裹糧兮從諸生以觀禮六藝  
殺亂而莫徵兮願折衷於夫子歷平原之故郡兮弔尙書之  
精忠屹孤城以扞河北兮回突騎於奔風遡易水以適燕兮  
壯士噓氣兮猶成虹豈劍術之或疏兮恨雄圖之不終窮路  
渚而登塗兮肅四懸之鏘鏘望闔閭以祗入兮靈宮轟其雲  
翔鳴委佩以便旋兮綴鸞鸞之末行捧玉函以踞進兮觀咫  
尺之龍光視微忱之不足呈兮荷綸言之下逮霑既醉之恩

甲六

二

金陵叢書  
蔣氏校印

爾兮如湛露之汪濊瞻商邑之翼翼兮森舊章之具在集咎  
夔以德輔兮頌天保於昭代亂曰天清地溘兮範我形蠖屈  
踈伏兮壯乃行馳騫道路兮轍靡停老服斯役兮王化成兩  
疏宦達兮去國城馬生薄遊兮全令名造化尚施兮誰與并  
舍動即靜兮庶娛我生

楚頌亭賦

黃門史君從道種橘後園亭其中名曰楚頌上泝騷人之  
懷下終蘇子之樂意亦廣矣南都顧璘乃揆而賦之其辭  
曰

粵后土之磅礴兮遺偏美於東南行澤壤之膏沃兮發羣植  
之茂繁唯四氣有所私兮羌獨殺其隆寒日月交以煦育兮



雨露下以霖沛陽離苑其蒸蒸兮固物性之所安有嘉禾之  
秀出兮后皇名之曰橘既受性之芳馨兮又秉志之專一乘  
青春以敷榮兮殆杪秋而成實爛黃章以外文兮內實含乎  
精白森剡棘以穎利兮示剛以爲衛也不順選而苟生兮甯  
從根吾不悔也充包實以致貢兮將以報吾所生也備五藥  
以利用兮匪自伐以干名也唯嘉木之備此歟美兮固后祇  
之攸珍豐隆庇其枝葉兮玄武守其靈根鳳皇下啄其靈兮  
麒麟擇蔭而來馴苟匪靈仙之與幽逸兮夫孰得而長親唯  
靈均之抗行兮迺密契於南楚願寄情而申頌兮節交固而  
心苦牽菌桂以儷美兮綴椒闌以爲伍植堯舜之明庭兮藝  
夷齊之芳圃唯盛善之得善兮高名抗而不下嗟末俗之曠

甲六

三

金陵叢書  
蔣氏校印

曠兮微醺醺而瀉之登葦菴而要蕭艾兮桃李默而成蹊擯  
芳潔而好穢兮咸色豔之從嬉豈予性之澹泊兮固知者之  
益希嗟海南之遷臣兮紹靈均以自涓指陽羨而問舍兮既  
與予而成言慨美要之多敗兮情耿耿而莫宣飄風逝而迹  
滅兮眇虛名之耳傳曠宇宙之寥廓兮俟成敗之有期亦孰  
知靈均之同志兮閱今茲而得之唯金淵之奧區兮實美人  
之所降靈昭融以內辯兮外沈抑而憂章琢良理以充佩兮  
畏行聲之遠揚研精義以正行兮蹈規武於先良鳳鳥之具  
文兮豈巖穴之曠藏排金扉而入瑤室兮思惺惺以展忠也  
處雌伏而獨昂兮取方惡其雄也豺虎跳梁於中林兮取所  
憎以實爪牙雁銜莽以高舉兮固知辟乎網羅望故鄉而遠

征兮返初服以爲華豈富貴之不可樂兮視性命其孰多欲  
娛心而揚志兮信莫美於厭芳矧嘉橘之異秀兮非百卉之  
能方汎洞庭以致之兮又南踰乎荆湘萃嘉植而列樹兮芬  
翁鬱而縱橫飾欄檻以增觀兮日偃蹇乎林薄覽芳非以永  
慰兮羌獨美其後落心隱忍其有託兮豈時俗之所知世流  
從以多變兮又孰若茲芳之能祇撥遺實以三緘兮固將貽  
乎遠人恐中道之多故兮又物微而招噴思蹇產而內退兮  
仰曠閔而莫陳卒懷美以狷處兮用申娛於所珍重曰物失  
時而無當兮吾既獲情於前修道不可以厭說兮姑容與而  
獨遊睇茲壤以託足兮又何吾生之足憂

宜祿堂賦

甲六

四

金陵叢書  
蔣氏校印

夫自棟宇以來至於輪奐之代堂觀之盛極矣宣輔神明  
囿養德藝咸資厥用匪徒肆安云爾稽古春秋賢哲之令  
式或闢壘表逸或樹槐兆興莫不事以號彰地由人勝雖  
顯晦殊致其要同軌焉淮南朱先生履道用賓三令鉅邑  
上德緩刑通昭休聞繼軫讀禮之戚遂尙挂冠之志長子  
應登握蘭省局仲子應辰給廩學官衰然競爽實豐鼎養  
迺有棲息之堂號曰宜祿揆德考言厥旨懿哉大易曰積  
善之家必有余慶雅頌之報德恒祈爵祿子孫之昌若斯  
堂者可謂事紹前美名應典義者矣東吳顧璘竊辱遊從  
之末未展誦禱之願爰因誕慶乃遙賦焉賦曰  
唯茲堂之閔啓迺明哲之攸居據吳楚之名會應斗牛之奧



區究瓌材以總平紛磊何其相扶桂棟芬糾以揭擊杏梁偃  
蹇而橫舒鬱穹窿以靜穆豁顯敞而通虛準奢儉以合度咸  
協正於垂輪觀其面衢背市趨陽舍陰風氣匝合日月代臨  
飛梁屹其相翼迴川練以法深居鱗次以駢列實義里而儒  
林於外則有嘉樹交植叢篠榮迴盤鬱冬檜敷披夏槐孺葉  
當庭芍藥翻階揚榮布蔭異色同荑欄楯掩翳紆直迭見步  
欄重迴物采殊變周隅靡廣日不窮盼發志怡神居者忘倦  
其中則屏風藻績聖壁含光刻方連絡玲瓏夜明簾薄重匝  
內不見陽隆冬煦燠盛夏清涼備物有容分陳按方左圖右  
書充溢兩廂亦有琴瑟間設於傍沈沈肅肅煜煜煌煌蓋埃  
塲所不近而幽貞之宜藏者焉唯夫先生解組而居之也釋

甲六

五

金陵叢書  
蔣氏校印

喧囂之煩慮澹清虛之冲襟拆玄風於遠古騁逸駕於來今  
悼湘纍之徒化慕柴桑之可欽惻行道之多露甯閉門以陸  
沈於是歛塵容修靜理整員幘納方履衰衣半結蘭佩雙委  
延蒙莊之隱流究老氏之玄旨或彈琴以永歌或選辭而遐  
詣或據梧以坐忘或玩芳以徙倚雖偃仰於一區固神遊於  
萬里窮四序以愉樂蓋不可以殫紀至若玄冬將半潛陽始  
萌霜融日出天朗雲澄乃屆初度百體和平則有龐眉故老  
峨冠友生威儀且閑三揖而升賓筵既秩壽筭徐行酌金莖  
之靈液誦大雅之遺聲殆既醉以宴息覺神超而體輕於時  
伯子馳函獻賦仲氏雍雍奉履於戶覩孫子之繩繩樂兄弟  
之無故垂正則於有家鶴羣憂於內顧踣重楹以舒顏履中

庭而安步調醞氣以長存同斯堂而永固引百祿乎蟬延庶  
嘉名之無負

送遠賦贈陳侍御琳赴謫所

出國門之莽蒼兮渺長路之悠悠沂江潭以邁征兮將從役  
乎炎洲伐菌桂以爲楫兮剝貞松而爲舟驅湘漁以方之兮  
要尼父與之同浮獲予心之所安兮雖顛隕其何悔苟調劑  
之中製兮啖茶董以爲美緬修名之有則兮非矯飾之可希  
指九皇以矢心兮百神下而察之冀皇路之無頗兮何顧乎  
余之中私道綿力以它效兮奚芥蒂於崇卑嗟青春之擬五  
兮屬戒行而淫雨風披離而燥怒兮雲觸石而游宇潢潦滉  
灑以彌望兮泥淖縱橫而淤沮心一日而九馳兮車欲發而

甲六

六

金陵叢書  
蔣氏校印

龔黼友生澹望而野泣兮歷桂醕而留連青衿遮道而攀轅  
兮足頓地而呼天懷德義之滲漉兮固去而不能舍也蘭蕙  
遠而逾馨兮豈惜夫知者之寡也鳳皇跂乎丹邱兮餘音嘹  
唳而振八極賢哲耿介而抗行兮四海尙其明式歟增羨而  
侈美兮予獨潛悲而於邑俾余躬之昭昭兮甯均戴乎白日  
亂曰桂櫂夷猶越南荒兮瀟瀟江流經舊邦兮登甘獻醕承  
北堂兮善以爲寶樂何央兮扶幽展屈惠彼方兮皇鑒其昭  
道將昌兮鴻名峻烈允無疆兮

雪村賦

彭城之野有高士焉隱居衡門履道抱藝厥聲四聞乃有名  
達之流歎焉過存載瞻其廬榜曰雪村冬官大夫歎曰子誠



吾徒也夫人孰不知春林之娛也陽氣奮盈華葉紛敷條風煦日暖人體膚蕩心冶游擊楫提壺樂而忘歸與時俱徂子不慕此其志誠殊豈不謂夫朔風且陰上天雨雪飛瑤積瑤高下同白雲龍削素呂梁冰立郊居闕寂車馬斷絕古木既僵修竹綠色凍鹿饑鳥來就人食子於是時擁爐支膝稚子舉觴老妻行炙哦詩寫圖逮夜未息俛仰古人宛其在席旁視俗子天壤懸隔高士唯唯未出言說觀化老人進曰淺哉大夫之言豈足論於高明者哉夫雪以至潔爲體喜化爲靈勿累於物乃全其清高士之居彭城也抗志霞表善嚙物情稽偃王之委國厭虧德之喪精撫離生之石槲悟朽骨之無成劉項之迹溘焉泯矣何異乎觸蠻氏之爭矧蕭曹之與終

甲六

七

金陵叢書  
蔣氏校印

灌誠附驥尾而效蒼蠅是以韞玉圖史之林脫屣王侯之庭雪哉雪哉固將從其變化豈徒效其清冷邪高士輟然而笑愕然而驚非有惠子孰知莊生於是虛白先生抗肘而上曰高士之志受抑於大夫故快心於老人抑猶末也願撤藩籬以揚道真唯天多恩何貴霜雪歛於不用乃歸藏之澤唯地多方何貴村野處於不爭乃順受之所多恩多方厥道乃張不用不爭厥道乃凝可以養德可以養生庶日皓首觀子於成高士再拜再謝然後二子豁然自釋咸知雪村之所由名

鳴蛙賦

嗟余病之眩噴闌虛館而澄神何汗池之湫隘羣聚蛙以爲隣遭暑雨之淫溽鳴聲沸其聒人增予懷之煩營竟長夜而

達晨嘗觀夫蛙之爲狀也蠕動沮澤化始科斗匪鱗匪介形質甚陋脩脛何趨怒目何詬囊氣於腹鼓聲於口呱呱閉閣不中音奏卒喧眾噪不辯誰某幽人掩耳羈旅疾首矧余臥病無所避走將垂餌以斃之又不足以充君豆少焉陰曠既澄皎日初出鳥鳴嚶嚶蛙聲盡息予乃策杖臨水倚嘉木而歎曰吁嗟萬物隨氣陶鎔音量異度莫可齊同乾鵠何吉鴟泉何凶鳴雁何拙鸚鵡何工故唐虞受禪舜禹雍和湯武放伐伊呂攫擊七雄虎鬪頗收橫戈稷下濫說百氏諠譁大化幹以軒輊雖天地其奈何星何塞而滅景雷何侈而漸車彼衆籟之噉噉一唯噫氣之所加萬化誠莫逃於天倪吾又何怪乎鳴蛙

甲六

金陵叢書  
蔣氏校印

諄沙燕賦

河朔之野川厓壁起有鳥曰沙燕穴居巖化以陋見全厥類日夥人舟過驚則飛噪憑怒余與八厓子惡其驕也並作賦諄焉

嗤彼沙燕翺翺川淵不巢而穴託體何卑族類完瑣毛羽襪襪大不盈握弱靡自持象戀玉釵樓惴華棖祥乖玄卵貴失烏衣墜塊堇戶鼠壞資儼朗日弗照清風鮮吹童稚攸害蹂躪橫施莫假增繳矧乎罔宜嗚呼是淫謀而雜處惡濕而居下者邪是獯以爲魚鳶以爲鼠者邪是泥喙而風舉者耶是旅獷羊以爲厲藪者邪兩不飾旌旄肉不登鼎俎狡伏而惡寒躁動而附暑譬之人偷穿窬是伍請付之鸞釜



息園存棄詩二樂府雜詩

將進酒

今日何日景媚辰良嘉客四五雜坐高堂主人羅廣宴炮兔  
 炙肥羊金盞注清酒放歌笑千場安能坐愁鬱徒使鬢髮蒼  
 君不見阿房崢嶸高入天楚兵入關三月煙又不見柞宮桂  
 館通滄海茂陵孤墳竟何在不如劉伯倫杯行到手不肯停  
 天地且以爲席幕睨視貴介如螟蛉今日樂相樂急管交繁  
 絲對酒不痛飲孤負天桃枝拔劍自起舞向君肝膽披黃金  
 去還來國士難與期男兒墮地抱意氣何用碌碌錢刀爲

甲六

金陵叢書  
解氏校印

扶風豪士歌

蛟龍一勺水四海觀滂沱舉頭笑鳳皇空鳴岐山阿扶風賢  
 士昂藏身中隱磊落之經綸時來仗策謁明主襟期直與夔  
 龍親世事悠悠不自保翻覆浮雲變昏曉丈夫有志不得伸  
 抱關老卻夷門道君不見長沙賈傅稱少年口吐禮樂翻雲  
 煙堂中絳灌一側目枉殺吳公推殺賢又不見漢家舊日李  
 將軍百戰孤軍陷塞垣可憐獄吏搖空筆遂令妻子俱煩冤  
 焚卻頭上冠且製夫容衣君看避雉雁直入青冥飛魯連竟  
 蹈東海水夷齊獨采西山薇生之功名映麟閣何用失路長  
 依依對君解卻腰間劍歸覓磻谿舊釣磯

傷歌行

青春欲去不可留白日欲落花含愁銀鞍白馬分明別故苑  
 夫容傷素秋不惜紅顏坐凋歇可憐君恩難再得夜窻香消  
 巫峽雲寒衣淚落秦關雪卻掩青銅鏡不忍生塵埃且留蘭  
 膏燭有心莫成灰風吹蓬枝往復回去年團扇今年開小物  
 無情尙如此何獨君恩無去來買賦無黃金挑絲不成錦欲  
 因魂夢逐車輪願君莫惡珊瑚枕

春日行

漢家三十六離宮桃花樹樹搖春風武皇當年正好武天馬  
 七尺如飛龍清晨蹋鞠過新市薄暮鳴鞘入禁中中人盡戴  
 酸鷄冠猛士半坐黃金鞍彎弓向雲仰射雁一發兩禽皆道  
 難大官賜酒車渠甌一春擊盡千肥牛撞鐘伐鼓獻奇舞燈

甲六

金陵叢書  
解氏校印

前變幻魚龍浮宮門沈沈金鑰收明月挂在城西樓東方漸  
 高復來游

羽林郎

胡姬酒家女年紀十五強白日自當壇肌膚雪色光兩鬢垂  
 過耳美目汎清揚窈窕衣紈素珍珠綴香囊盈盈曳絲履紅  
 羅雙鴛鴦自持耿介性不解圍中藏使君且莫近况復羽林  
 郎自有蒲莞席何用黃金牀自有清樽酒何必玉壺漿富貴  
 徒且夕禮義古所防作女苟無體不如犬與羊寄謝道上露  
 慎非霑我裳

登高邱而望遠海

登高而望遠不見天地端日月互上下東西如跳丸長風自



何起瀛海翻波瀾六鯨正抃舞五岳無時安恍惚青天中仙人跨飛鸞邀我謁帝室金門鬱盤桓青龍對人怒玉女傾笑歎傍徨返故路北斗方闌干坐地仰天嘆三日不能殮

東門行

出東門拔劍擊門關嗒它人駕駟馬富貴遨遊王侯卿相問嗟我獨何鬱鬱中夜憂晨殮生不得五鼎食死當長逝不願還少婦牽衣悲啼聽妾致一言舜禹疾走以避位謳歌頌其賢黃頭權郎鑄山而餓死卒不得懷一錢伯夷食薇蕨盜跖乃炙人肝惡來高位紂殺比干萬族各各有生命上懸滄浪之天富貴與貧賤自計誠獨難

怨歌行

印六

三

金陵叢書  
蔣氏校印

白日何皎皎浮雲變重陰忠義雖云烈讒巧間君心子椒毀屈平宰齟惡子胥懷沙沈湘浦鴟夷棄五湖大義貫金石何能顧微軀居高忽下議率受旁人愚楚王終俘虜吳國竟邱墟杳杳九泉暮唧恨當何時如我欲竟此曲此曲傷君神往者勿復道寄謝後代人

公無渡河

願公渡滄海不願公渡河海水有定性河水多迴波金隄失上策瓠子遺悲歌山陵且震蕩將奈公身何白骨葬黃流化為龍與漼不信妾言苦請觀龍門津自古斷舟楫公今徒殺身殺身亦不易竟使旁人嗤妾言公不聽公心妾不知筮篋之曲令人悲

善哉行

前有江水東注其流日月出沒直與年離高車駟馬其髮孔多握金而泣孰與行歌夷齊抗首枵腹泉下伯陽和光均謂賢者無羔膾鯉速我親交以何解憂唯有遊遨遊遨四方金門玉堂不如羸馬蹶蹶故鄉

獨漉篇

獨漉獨漉水多泥滑泥滑道左傷我車穀持膏作燭將以照夜虛花掩光不逮燦下猛虎在山百獸畏威陷穿三日垂首訴饑鐵生礦中入冶爲器劍威神錘則委地男兒生身萬事網紀突梯無施不如女子

長歌行

印六

四

金陵叢書  
蔣氏校印

神龍躍溟海天地生雲雷猛虎嘯深谷大風山木摧靈物固有象烈士自有懷經綸萬物理上與聖哲偕三光鑒丹府百神司形骸舉手奠山嶽揮霍雲霧開功成不受賞長揖歸草萊嗤彼鼎彝業瑣瑣何爲哉

獨不見

憶妾嫁君日雲髮未成鬢飄搖紅羅帶窈窕素珠環薰香閉綺閣對坐春風間許妾心不移長指門前山詎意青樓女巧笑矜朱顏春風忽飄轉一往不可還君如雲間月舉手杳莫攀妾如歸海水日夜空潺湲

秦女卷衣

拂拭君王衣宛轉五龍文光華動寶席恐是瑤臺雲貴人金

屏側天語杳莫聞願持小星義誓以奉朝暉

上之回

回中道何逶迤千乘霧列萬騎雲馳北歷蕭關戍東謁汾陰  
祠金幣四方至牛馬盡爲犧君王勞玉體侍從敢言疲

戰城南

嚴秋朔氣至虜騎寇邊城軍符星流急中夜起徵兵魚麗按  
圖列龍韜應機呈前軍白刃交格鬪聲鏗鏘控弦若滿月飛  
鏑競先鳴流血原草赤填尸坑谷平洗兵下隴水獻捷奏承  
明天威赫神武戎狄震且驚孰知折衝略乃由一書生伐謀  
貴廟算匪在多戰爭

塞下曲

甲六

五

金陵叢書  
顧氏校印

千里驕驍丈八矛男兒畫地取封侯黃昏塞上傳烽火一夜

吹笛坐戍樓

百戰摧胡未許強馬前生縛左賢王麟符鵠印須臾事只博

凌煙字一行

黃河冰厚馬橫行朔氣稜稜古鐵明恨殺夜來風雪緊匈奴

逃出受降城

破產潛收古湛盧願馳西域斬休屠十年未拜千夫長聊試

邊城牧馬奴

古壯士歌

山西壯士何才雄虬鬚燕頰生英風青春挾槩三邊外白晝  
探丸九市中一身列侍麒麟殿跨出龍駒萬人羨狐腋朝裁

趙客裘鵝膏夜淬吳王劍生年十五事橫行肯學操觚記姓  
名當衝賈勇萬乘避臨危重義一身輕田文雞狗真餘子有  
足不曳春巾履眼前國士稍傾心慷慨橋陰爲君死

長相思曲

長相思在何處吳岫雲深隔江樹江樹臨春花正榮人今已  
向天涯去孺樓綉戶橫蘭煙中有綠鬢金骨仙星河隱約秋  
期杳坐捲朱簾望月圓

明妃怨

掩抑哀弦別上都玉顏那遣嫁匈奴人生敵面猶相忽何況  
君王隔畫圖

翠娥顰雪度龍沙欲悔還愁卻自嗟爭似後宮無履蹟此生

甲六

六

金陵叢書  
顧氏校印

長擬見中華

白苧辭

玉房圍冰夏氣清黃金作柱橫鳴箏風紈霧縠麗且輕君王  
近前嬌不迎牽儔顧侶若有情情有餘言不足團扇掩唇揚  
妙曲五花繡茵坐相促

春江詞

荏苒際韶景纏綿結芳情蕩舟清江曲雲物麗波明夾岸花  
齊發間渚草新生啜喋遊魚散差池飛燕輕名都勝侶集終  
宴取歡并衣香襲芳芷酒影含飛英陳詞擬吳趨選樂雜秦  
聲詎羨鏡湖隱匪矜龍池榮樂莫斯會樂白日且徐傾  
悽愴曲效齊梁體



小時聞長沙說在天盡處人言見郎船已過長沙去  
家雞各有時海燕各有窠郎家撲天屋作底愛風波  
玉刻蓮花翠碧酒湛若空與郎雙杯送出門耐霜風  
春風上燕京秋風下湘渚黃鸝有六翻定自不及汝  
粵南山

白豕兮黃羊竹挺挺兮莖方顧異物兮心潛傷我何爲兮客  
殊方北風吹衣兮思故鄉

夜雨歎

朔風吹兩西北來南山晝晦夜不開寒聲悲凄雜微落暮色  
黯慘兼雲回仰窺箕斗不辨影俯眺八極彌黃埃羣雞啁啾  
登樹語城角斷續餘音哀此時野人正愁鬱短漏頗奈銅龍

曰六

七

金陵叢書  
蕭氏校印

催殘燈微明鼠上下兀坐自畫鏡中灰北漢羣胡踐邊陲西  
江狂賊生禍胎主上動色念溝壑何況司馬諸行臺長星流  
天火墮地熒惑擾紀何爲哉去年三吳遭赤旱萬戶鬻子無  
遺孩今年州司索官帑肉瘠不揀瘡瘼災空田蒼茫飛鳥盡  
野水震蕩驚鱗摧備民誰繼子產智足國正望夷吾才龍鳴  
劍匣壯士老黃金臺古空崔嵬海內故人掩關坐尺書累歲  
誰爲裁陽春何時動羣螿九域浩蕩揚風雷江河倒洗皇路  
淨臺省洞達無嫌猜花明草媚日杲杲男耕女織天恢恢野  
人多病有歸處養雞牧豕王城隈

霖雨歌

聖皇御天大厯踰紀明德布昭和氣攸洽木饑水毀之災

絕書史氏邇者驕陽厄於南國麥不入土汲井見鮒爰有  
股肱元僚暨諸承事齊稜露禱蜚蠶潛達玄雲宵興解澤  
下施欣欣然咸嘉天人之符也畎畝未田守廬蓬室譬諸  
草木咸荷生遂於是案義作歌諧諸巷頌若曰協以宮徵  
承之宗廟豈不悖謬乎歌曰

乾樞尊坤極靜人之靈感斯應於皇德歆帝心愍下土施甘  
霖霖之絕土膏歌物以殘民益懽霖之來天瞻回物既蘇民  
乃懷霖之沛注且濺海靈翔潢澤潰霖之足靈爽伏沃八埏  
蕃百穀人已悅神益和精禋舉哉福多昉天邑流海宇國祚  
隆永無圯

其一凡三十二句句三字

曰六

八

金陵叢書  
蕭氏校印

赫赫皇邑戢戢王基亢陽肆烈下民其咨天子有德百僚師  
師奏假且嚴受於神祇霖雨既降百物咸熙鞠哉之詠媲美  
周詩

其二凡十有二句句四字

帝里驕陽三月外神車靈雨萬家中爲解歡澤周窮壤共喜  
皇情達上穹

其三凡四句句七字

東隅氣舉屏翳乘風奔龍騰鯨掉橫飛厲天門玄澤滂沱飛  
湍激崑崙如繩如麻下注廣且繁

其四凡八句句四句句四句句五字

玉宇重玄液瑤圖紀上祥堯雲方蒼蔚舜海轉汪洋氣合晨

樓暗聲兼夕漏長桑林奚用禱明德邁前王

其五凡八句句五字

帝載協天應王仁同化遊冬原偃赤魅春畝苗來楚汎舟川  
可濟濡綆井堪汲元功布黔黎休徵順皇極

其六凡八句句五字

招靈師兮海之濤來無從兮去無所溥神功兮被下土四民

阜兮永安堵

其七凡四句句七字

武皇南巡舊京歌

紫蓋黃旗擁六軍金陵王氣日氤氳龍君涉海移三島風女

排空結五雲

甲六

九

金陵遺書  
蔣氏校印

北固江濤控海門南都山勢疊崑崙金宮暫啓雙龍見玉帳

遙臨萬馬屯

狂鯨吹霧暗江潭聖主仁恩似海涵聊唱大風過泗上即飛

霖雨洗淮南

綠水朱樓佳麗城君王行處彩雲生煙花一望三千里遙送

春風入錦京

趙國新裁短後服漢王遙噴側注冠且揮神劍清方嶽莫著

褒衣聚將壇

千年寶曆自南開八葉神孫暫北來日月更臨龍虎阜雲霞

重抱鳳皇臺

朝閃龍旗入建康暮收飛檄定吳疆會稽勒石羨秦帝滄海

歌雲笑穆王

青龍山北接飛紈白鷺洲東射海鯨不爲芳春浪行幸寢園

聊待薦含桃

金陵千古帝王州高廟衣冠月出遊傳語三邊貔虎士莫須

喧近鳳凰樓

舊都何讓古新豐父老稱觴拜舞同金馬詞臣休候直獨宣

京兆問民風

射虎南山黑霧摧斬鯨東海白波迴吾皇一出清天下豈爲

揚州花月來

白髮梨園老樂師錦胸花帽對彈絲行宮只奏中和調解厭

南朝玉樹詞

甲六

十

金陵遺書  
蔣氏校印

石壁斜臨玄武湖中開天府貯民圖文魚在藻承皇澤來傍

龍舟夜吐珠

幕府山根江接天昭明樓下月橫煙六綽自可銷長夏不蕩

蘭舟唱采蓮

朱雀橋連翠柳衝銀鞍絲鞵錦模糊君王行樂千人出遙認

飛龍天馬駒

六代繁華何足誇而今四海共爲家暫看吳苑環城水終憶

燕台夾路花

燕京地圖天下吭乾樞高運整羣方南巡淨掃風煙色北上

長懸日月光

張侍御平海凱歌



將軍受脤廟謨同御史臨戎使節雄  
早向海濱消白刃卻歸天上弄形弓

繡服南行草樹榮樓船南下海波平  
儒生舊負勤王略天子新聞破虜名

閭門晴日射金戈馬上常麾白羽過  
魏虎曉屯雲作陣鯨鯢夜斬血成波

南郡冰霜肅憲威東吳山水拱皇畿  
青春冉冉江花發白日遲遲海燕飛

宮中詞  
太液紅雲重昭陽素月斜龍香浮蕙艸  
鳳翥過桃花翠扇搖歌席銀屏隱臥車  
雙雙紫鸞羽飛上玉皇家

日六

十一

金陵叢書  
蔣氏校印

復道通瀛海周垣隱洞天雲隨珠珮女  
霞覆羽衣仙秀豔疏丹粉潛悲咽管絃  
春風問永巷愁坐惜流年

詔省長楊獵虞人夜啓關霜懸騰紫禦  
天馬躍朱閑寶劍秋蓮色珣弓朔月彎  
非熊誰協兆看載後車還

綺閣延朱夏花陰畫漏長研砂養蜥蝥  
刺繡學鴛鴦細字中官扇奇熏外國香  
午窗蘭玉夢驚起謝君王

擬宮怨  
水殿夫容隱暗霜夜臨新月自焚香  
窗間畫扇含秋思帳裏華燈隔御光  
四壁椒塗花靄散六宮蓮漏水聲長  
君恩未必緣歌舞無那昭陽掌上狂

紫殿繁華夢已沈掖庭苔色晚陰陰  
浮雲變態隨君意朗月

流輝鑿妾心屈成橫門金鏤冷  
轆轤牽井玉瓶深空將錦瑟傳哀怨  
寂寞誰聽空外音

翠曆金蟬入帝家擬將新寵屬鉛華  
君王自信圖中貌靜女虛迎夢裏車  
帳殿秋陰生角枕屢廊空響應琵琶  
含情獨倚朱闌暮滿院微風動落花

漢皇宮殿月明時曾侍宸遊百子池  
舞馬登牀春進酒盤龍啣燭夜觀恭  
御前卻帶言無忌取裏當熊死不辭  
舊恨飄零同落葉春風空繞萬年枝

咫尺長門萬里遙恥將裙綬曳纖腰  
盈盈璧月沈鸞鏡渺渺銀河斷鵲橋  
上苑旌旗迴夜獵建章鐘鼓散晨朝  
此身不及雙棲鳳處處隨君聽九韶

甲六

十一

金陵叢書  
蔣氏校印

流蘇帳冷環窗虛雲月差差度玉除  
百歲精靈悲故劍九重恩寵附前魚  
蓮花有恨凝芳履竹葉無光引屬車  
人意已疏言更淺莫將詞賦倚相如

不見形埤日月旗庭隅草木掩清輝  
金輿到處無新故玉貌從來有是非  
暮雨樓臺雙燕入春寒池館百花稀  
監宮一去無人語獨自含顰詠綠衣

擬夏日宮中行樂詞  
紫霄不與下方同秋爽常迴六月中  
風羽對搖雲母榻冰池全浸水晶宮

玉面朱唇映月明影娥池畔繞花行  
芙蓉不耐凋殘色祇恐新涼一夜生

新涼一夜生

霧縠雲綃細欲無倚風臨水弱須扶玉魚療渴辭盤露紈扇  
傷秋對井梧

天子宮中調五弦南薰新曲萬方傳嚮離一一遵堯典解愠  
人人頌舜年

九成臺殿碧山陲雲霧寒交玉樹枝金輿歸晚宵鐘徹和就  
岐王避暑詩

唧唧山慰友喪女

唧唧復唧唧問君何所憶生女長不成門楣待誰立

容色比桃花持將結貴家東風不作惡作底委泥沙

拜月甫離懷詠雪可憐才鷓鴣墮逝水一去難重迴

阿爺仰天號阿母踴地哭不忍昇黃土脉脉蓋汝骨

甲六

十三

金陵叢書  
蔣氏校印

採樵歌效竹枝體

萬嶺千山春日晴女郎逐伴采樵行歌中暗恨無人識惟聽

雲邊嫋娜聲

利斧樵山得大枝良媒結好有佳期十八女兒空谷裏玉面

花顏誰得知

儂家兄弟舌翻潤百丈清潭一瀉乾深山黑夜獨歸去肯信

儂心鐵石般

阿母朝饑待早糜還家常怪得薪遲快刀留惜不將用空手

攀枝那得施

松柏留栽作棟樑安排桃李引春光荒榛亂棘唯須剪刺手

鉤衣不易量

腰鎌空出負薪還上嶺身輕下嶺難東方黑雲將雨至培塿  
險過太行山  
近林蕭條無可薪遠山猛虎嚙生人寄言城市游盤子何地  
生涯不苦辛

甲六

十四

金陵叢書  
蔣氏校印



息園存業詩三五言古

擬古十一首

四方多歧路出門難與期游子適萬里三歲間音徽不惜離  
別苦但恐中心乖人情非山嶽感物易遷移釋我金跳脫絨  
書寄君側願視故人心勿視新人色

高樓臨大路中有傾城姝天天若桃李的的如明珠欸欸理  
機杼洋洋誦詩書蕩子久從征歲歲空牀居借問女何名云  
是古羅敷

日月經天流四時相代序青青園中草奄忽殞霜露富貴始

甲六

一

金陵叢書  
蔣氏校印

為娛死者怕不具陽春扇萬物倉庚振其羽翩翩春羅裳冶  
游經鄆杜郊圻多暉親速我諸舅父華樽芬狄香烹魚割肥  
粘繡繡歌王風靈鍾間鼙鼓為樂貴及時多憂徒自苦

良時置高會四座羅嘉賓珮玉雍雍至天子解威神羽爵交  
上下犧尊絡繹陳主垂彤弓惠賓沐湛露仁工歌贊令德何  
忌讒諛人感激千載會爽然傾一身豈無父母恩王國如至

親

高樓在何所乃在驪山隈復道通天行華旗揭軒塔趙女理  
長瑟朱絃一何哀流響入青雲飛鳥盡低迴顧瞻邯鄲道白  
露沾蒿萊昔日繁華處但聞狼與豺安得周周羽銜爾栖叢  
臺

涉江采芳桂日暮且徒還豈無葳蕤色所往固迷端人生多  
憂患白露凋朱顏盛年失道路皓首空長歎

烈風吹西園繁霜中夜落彼美三春花顏色盡銷鑠蟪蛄潛  
空野潦水息大壑鷹隼厲羽飛商氣日以廓古人重交歡大  
義良不薄臨命沈黃墟永不負然諾野鳥多采章檀園亦生  
稔貴盛非云美貧賤詎云惡瓶罍各有量貴子善斟酌

河洲雙鴛鴦比翼乘春飛嘉禽非好合天道有雄雌賤妾充  
君室婉孌布光儀十載絕音耗六禮廢時施容華豈不惜禮  
義焉可虧嗷嗷鳴雁翔悠悠感我思

青青山上松下有千載蒼采之遺君子願以延遐齡人賤物  
亦鄙陋質難為呈棄損勿復道歎息此微誠

甲六

二

金陵叢書  
蔣氏校印

吳天何皎皎列宿舒榮光經緯備萬象乃是太陽英精爽一  
相失殞落墮塵揚文豹澤以霧神龍俟雲翔物理資化遷誰  
能越其方玄機苟不會百爾憤所將

桃李生東園開花候垂實狂風動地起榮落間欣戚人生苦  
多故通寒會所值百年復幾時玄髮忽已白嘉會苟參差呂  
望老漁澤時乘風雲會木石生羽翮所貴崇令名高爵非所

恤

勵志二首貽沐君

貧賤憂不足富貴思有餘刀錐競蠅睫憤鬱諒何舒彼美函  
關叟冉冉驅牛車賢哉顏氏子簞瓢恒宴如沐侯本雄達統  
綺夙所居戰勝願為勇道積生膏腴邁心絕浮豔遊目閱冥

虛俟彼天光發永以謝昏衢

大易重居豫如石乃稱良五子憂國亂興歌戒淫荒富盛難  
爲居德薄固生殃桓桓管輅裔乘麾鎮南疆朱門迥且深列  
鼎坐華堂况乃寶玉窟四海矜茲鄉願言砥清操爲國揚休  
光先民四知訓懷哉安可忘

贈別劉光瑞因懷都下諸君子六首

矯矯雙飛龍蟠彼洪川陽欬乘風雲會羽翼周天翔與子生  
南國卯角兩顛昂弱冠改初服謁帝升金堂聯翩就下列蓬  
佩曳蘭襪皎潔中懷曲持以比珪璋

帝城何巍巍九門十二衢飛觀凌雲表王侯夾巷居它人盛  
馳逐白日恣驩娛流塵汎高蓋輕風振華裾索居寡儔侶曠

甲六

三

金陵叢書  
謝氏校印

志眇相疏低心弄柔翰散帙覽羣書永諧金石交此樂良已

紆

楛矢戀急弦大義難久安飄飄遊宦子岐路多離歎雙鶴遊

河址飛鳴樂且問風波一乖別悵望傷心顏顏傷有時憚心

傷何由寬迢迢滯西北默默恨東南無舟濟江海會面誠獨

難

嚴風切肌骨大壑層冰堅百草悴中野繁霜下青天念子涉

長道過家邈以綿孝義隆所願匪以親交然清晨策駑馬攜

手此河壩上問王國事下已叙鄉園信宿不能寐宛轉展離

言

置酒東城曲廣譙羅眾賓玉樽湛清醕鯉辦廚珍獻酬一

以漬見子各諧親既來不旬日又不履城闕道遠別日促百  
念未及仲哀歌激齊慙慷慨傷心神

民生信多故天道廣且慈白日燭下土迴光徹幽微秉節歷  
皇甸四牡駢以馳孟春陽氣應萬物發華滋周行布嘉會緩  
獄憲天施先民有遺軌慎刑釋其疑鄙哉夸毗子察察於淵  
魚

送程通參歸黔陽展墓

楚水不可極東南煙浪深孤舟日千里渺渺浮鄉心清世逢  
孝理賜歸展邱林風木九原淚蘋蘩二南音黔陽八月交霜  
露增蕭森烏哺就衰草賴祭臨寒冱時物各生感周覽傷中  
襟義範式閭井薄俗歸所欽嗤彼季子歸獨謂多黃金

甲六

四

金陵叢書  
謝氏校印

梧竹亭雅集得樹字

朱明啓初節朝日麗芳圃清風起蘋末高林注零露嘉梧既  
繁蔚修竹亦交互浩浩清淮流交交鳥音度眞賞方在茲豈  
謂春物暮達士守間寂塵鞅寡所務高堂良宴會斗酒集親  
故魚羔間蒸猴膾鯉炙麋脯酬酢展光儀情親見童孺既醉  
無庸歸染翰極歡趣闌亭絕絲竹金谷盛文賦匪矜千秋名  
聊以慰良晤願慙兼葭姿何能倚瑤樹

送儲司徒入京三首

紫微耀中天列宿馳清輝巍巍四門闢羣賢欵來儀明公秉  
滄懿皎皎金玉姿北起旣鳳翥南遷亦鵬飛止水鑒羣類凝  
霜肅臺威抗志秋漢迥振藻春林菲於今遁獨秀視古允同



徽

煌煌整嚴駕肅肅赴明召矯迹登中臺于茲輔邦教九賦正  
王度六禮率先道防淫廣同風訓物釋異好小人思惠澤君  
子仰華照願言王國楨永爲神所勞

瞻彼治城曲風物何融明嘉樹參差發谷鳥下上鳴理權及  
茲近踰闕鬱離情列筵總髦士陳詩並朝英眷眷依蘭思欣  
欣拔茅榮嗟予抱陋質亦得奉休聲雖蒙略年義投報愧身

輕  
試院獨坐感懷

泱旬限清禁勞形理賢羅南簷白日影入室漸已多輕葛不  
可御秋風振庭柯蹇予寡籌策五馬臨大河仰懷保釐憂俯

甲六

五

金陵叢書  
蔣氏校印

慙來暮歌生身匪金石歲月猶驚波悠悠閱晨夕鬱鬱將奈  
何

費少傅書樓

高樓渺何許宛在橫林深龍溪既縈帶珠峰亦前臨先公植  
嘉樹蒼蔚敷重陰神靈蘊從昔天造開方今太傅臥東山雄  
構結叢森寶書數千卷縹囊疊璆琳探玄閱道論墜緒窮幽  
尋管樂莽荆棘伊傅漫爲霖害馬苦捶策朱絃間希音曠然  
華胥遊獨契黃虞心杲日鑿緹幕清風蕩絺襟煙光澤幽卉  
氣序喧鳴禽傾盃稍醺洽覽物自謳吟不復知有我此樂當  
誰任

玉輝堂成有作

朔風吹日夜雪霰正飛揚太陰天氣肅積素明瑤光蔓草總  
蕪沒青松鬱蒼蒼騁望臨嶺峰閭閻浩迷茫興懷屬凍綬悲  
歌慨以慷被褐者誰子英英登我堂鄭君閩南彥應黃秀茲  
鄉宛彼三白鳳矯首雲中翔聿瞻璠璣色載據追琢章玄言  
極太始雅意遺巖廊俯論九州事浩氣不可量清輝被棟宇  
隱隱回晶芒枯槁藉華澤忻如兆農祥勝事宜昭垂嘉名允  
相將願言誓貞白千載傳芬芳

董子祠

周道昔云季王風蕩無章宣尼輯麟史誅賞慎天常秦灰詎  
終泯漢教方再昌夫子隱龍德下帷正迷方發憤綴道論述  
聖龔升堂統真建禮樂嵇疑質災祥斗酒礙吞舟魚目妬夜

甲六

六

金陵叢書  
蔣氏校印

光迢迢江都相鬱鬱東南行王澤永凋歇明略不獲張作賦  
悼遲暮空文竟誰償蹇予緬遐代祇役邁維揚弭棹訊幽逸  
憑弒仰堂隍朱軒覆重城瓊樓妥靈相禮崇祀彌肅迹往德  
愈芳懷寶軫遙眷悠悠聖謨長雲龍古難際惻惋令神傷  
漂母祠

步自城西門古祠蔽荒垣借問道傍子云是漂母魂慨昔逐  
鹿代英俊殫邱樊桓桓淮陰侯韜鈴富心源龍蟄厄叢蟻豹  
隱翳覆昏少年恣凌侮列卒同趨奔范睢身屢辱張儀舌徒  
存流離伏河涘狼籍蒙盡殮草具固云鮮居窮易爲恩獻塊  
獲晉賞羹頡列漢藩矧茲賈姬惠興哀逮王孫既啓萬戶封

虎鏡千金言



答謝生

夫六籍攸始標道立經游夏以還摘章宣義古今殊致可  
略而觀然朴質鮮青黃之飾華滋乖情性之原揆之文質  
咸乖厥宜故達藝者折衷於屈馬蹈軌於曹劉斯云至矣  
俗學滋弊雅音響絕晚遇吾子振頽沃凋抑亦二董漢始  
雙韓唐季者乎奇之羨之曷其有極適荷大篇見投濯塵  
刊腐敷其精英可謂沈重淵而出玄珠剖荆璞而呈夜璧  
斯世斯才誠不易得所稱賤子云云心實慙之不敢引謝  
久游吏局少業悉荒兼迫衰途藻思日塞無以承麗澤之  
惠聊述鄙辭用據愛助幸吾子教之而已

楚南有奇士毓秀自荆衡氣涵百川潤才苞羣彙英操觚涉

甲六

七

金陵叢書  
蔣氏校印

詞苑仰蹈作者程麟瑞蘊玉藻劍沓騰金聲落羽詎云失登  
龍威爾榮遇我齊魯郊瀉心類平生繼枉瓊瑤作侈價溢連  
城大雅喪久矣顧茲心震驚矧聞偉麗士矜氣靡和平具美  
鮮疵德羣彥嘉令名吾衰伏巖壑願爾充國楨

張處士園葵

逸士逃江海息影臥邱園育物蒔嘉植冥心觀化原百草各  
爾媚乃矐傾陽根丹藹耀朱夏翠莖承露繁衛足智以周凌  
寒道彌存眾美既有合貞性固宜敦撰德擬松栢襲芳偕蘭  
蓀永懷慎勿伐玄契眇忘言

上職方叔父封君壽詩

葛仙隱方厓陶公棲曲林邦圻聚靈藪往哲寄幽尋季父慕

嘉遜卜築東山岑丹楹夾門徑平時間清潯勞形理耕織曠  
望悅高深親交集近局濁酒時共斟豈必絲與竹俯聆清澗  
音機事一以息宴坐但冲襟醅和會玄理愷悌契神心渥顏  
永無改萬壽樂且洪愛子解組歸娛采闕堂陰列鼎力豈逮  
苦節播休音箴瓢進菽水俯仰展歡忱內盛匪外備物理徵  
在今

東郊田園四首

璘本江東腐儒無廊廟之骨從宦三十年漢落不就謝歸  
乘耒遂與野人相親養雞牧豕能任蓑笠擊缶醉歌禮法  
俱廢或肅容對客如揉狙御衣冠隨即褫去聞談官政如  
爰居聽鐘鼓目掉心眩乃知情質煙霞不可以強變也新

甲六

八

金陵叢書  
蔣氏校印

營田園輒賦此篇

陶公歸桑里謝客營石門於世既無競努力事田園春還理  
荒穢良苗應時繁豈不念歲豐天道難預論列槿藩草屋藝  
蔬備晨殮郊居漸成趣益厭城市喧菽水苟無闕萬事奚足  
言

出門見青山幽意日瀟灑修竹遶舍東流水在田下衣冠不  
須著犁鋤亦時把日與山翁游禮貌樂疏野風俗重時令相  
邀作鄉社濁醪滿浮蟻蛙魚剖新鮮交酬各酩酊至樂絕無  
假長嘯宇宙間誰是忘形者

刈麥思時嗚分苗望時雨彼蒼於農人遷就亦良苦好雨從  
東來原田自騰騰老穉荷蓑出綠溥紛可觀引耜曠且鳴餘



歎及家情速歲荒負租頗遺官長怒今幸占有年且願給公  
賦絮酒兼炙雞殷勤祝貓虎

散步龍山麓石馬高麟胸蕪沒野田側行列不復陳不知何  
代墓感歎爲沾巾慨昔六代交紫宮架天津虎鬪盡英辟鷹  
揚皆貴臣回眸耀白日吐氣貫青冢見者恒辟易况敢託交  
親詎知百世下骨肉化飛塵樵牧無人禁姓名亦已湮念此  
返田舍秫酒正芳醕傾壺且一醉兀兀忘吾身

陸如崑紫芝亭

彤雲垂靈液瑤邱孕芳根瞍瞍絜三秀飄飄含五文云何兆  
嘉祥允茲昭德門柱史秉貞性忠諫排帝開雲衢一失路六  
翻歛不奪天道往斯復物理輕仍軒盲風鬱前美慶源開後

甲六

九

金陵叢書  
蔣氏校印

昆一發產祥麟再發翔文鶴眷言食舊德爲園樹崇勳聊歌  
瑞芝曲用以喻蘭蓀

贈黃秀才省曾見訪

養病伏園廬乘耒顧微養藝苑慨荒落賓階緬虛曠黃生大  
雅流金玉振高響念我來何遙澄江進吳舫霞裾汎秋塵羽  
爵洽朝餉披襟神偕暢析疑道彌廣繾綣淹旬留契合終古  
賞臨歧重解攜竝立增惋悵

四皓

高士遺世網一往豈再招飛鴻絕四海弋者徒爲勞已經高  
祖業况願惠儲邀留侯一何詭皓首忽來朝物色果誰識國  
本竟不搖歎息紫芝曲空令來者嘲

高司寇盤谷宗祠詩

永嘉開靈壤老嶼啓神壑公孫兆南遊開荒此樓託蘭蓀日  
以滋瓜瓞荐綿絡仁人重同本親義懼疏薄蟬聯大宗祠巨  
榜照寥廓

崇祠象雲構盤谷緬逶迤巖巒倚樞樞松栢蔭塔墀宗祇肅  
天序烝嘗展時思既覃親睦恩亦慎長少儀昭昭世家體懿  
則良可規

司寇國楨幹履道先厥躬繩武念有始貽謀遠無窮族惠廣  
晏子祖德述謝公禮容邇既洽義烈遠彌隆唯茲教家理協  
彼調元功

甲六

十

金陵叢書  
蔣氏校印

顧華玉集卷十九

金陵叢書甲集之六

上元顧璘

息園存業詩四五言古

客居雜言七首

瞻瞻都城隅流雲泛春陌餘寒散林莽羣芳展佳色賴此清

尊酒慰我遠遊客獨酌臨高堂清吟遲華月

客思何悠悠堂深澹孤燭遙情續更漏流光變春服道拙幸

逢時名微恥懷祿青雲有修程所向貴知足不讀老氏書何

以獨殆辱

遲陽照東軒淑景媚清曉暖吹蕩輕花晴光悅幽鳥披衣俯

前楹茸茸見新草感時思故鄉懷人傷遠道南望登高臺長

甲六

金陵叢書  
蔣氏校印

河波浩浩

端居忽成月頗協幽求盟探書仰聖蘊染翰翰芳情開軒枉

儔侶促膝叙平生所樂幸有諸虛名何足營

草生不擇野雨落不選池曠哉天地心含弘本無私楚弓味

得失魏寶姿夸毗乘心辰大道舊害良由茲

閉門散書帙覽古復觀心卓彼聖哲徒逢時善升沈在楚道

爲土登朝身卽霖垂輝照千古耿耿流華音

象弟慕琴觚蓋井入舜宮管蔡騰流言周公安得忠利害苟

相札骨肉且莫容海深舟可濟山險梯可通梯山畏天雨濟

海畏天風風雨固勿測我行焉不窮願言瀾高深坦坦四城

中

夏日觀畫障作二首

端居抱煩鬱赤日懸庭央展圖挂素壁暗爽生虛堂瀟瀟水

鳴瀨蕭蕭樹含霜道人多浩思坐閱羣山蒼把筆念明哲空

令毛髮涼

秋容曠千里冉冉入丹壘山靄朝夕雲湖明滿堂色林聲隱

蕭颯崖勢宛傾仄扁舟鼓柁翁圖史昭隱德深衷諒有在沈

冥詎能測

植竹

山人抱冲襟幽居植修竹靈籟間風雨疏陰靜炎煥至性苟

相成浮生澹無欲聊持一尊酒長歌片雲綠

唔言

甲六

金陵叢書  
蔣氏校印

抱道思避喧結茅在空谷忽枉同心人來共山中宿落落泉

挂巖蕭蕭葉辭木林寒物態減歲晚天氣肅幸有盈樽酒可

以慰幽獨

知山堂雅集二首

嘉會終夕景初星映寒池寂歷山水思聯翩風雅辭清夜方

向永舊歡良未移無爲坐乖別忽復懷今茲

晏坐清觴疏苦吟寒燼落幸遠絲竹喧轉羨幽抱廓留歡就

間軒延望倚虛閣寄謝招隱篇居然得邱壑

有贈

寶劍千黃金相逢託相贈千金良已多誼氣乃足稱匠石不

虛斲子牙輕厭聽風鳴青梧耻與羣雞應勗爾抗高風相



將謝卑佐

行藥至溪南偶成

抱病掩荆扉出戶已寒節新晴步南溪草際見殘雪仰視日

光微始驚天氣冽散裘有餘溫濁酒堪獨啜羸軀苟能存

月會當別

碧溪

落落高梧陰俯瞰寒流碧微雲過疏雨秋容澹無迹魚遊綠

藻晴鳥下青蕪夕興至每垂綸歌罷還岸幘漁父兩三人時

來共爭席

清風

幽居屏羣慮散髮坐虛宇清風卷帷入偶爾成賓主歌諧厭

籟鳴醉散長襟舞列仙眇何之神遊越千古

築室

蚤懷嘉遯志築室山之偏室中何所有古書且千篇飛雲流

空淨皎月當戶懸獨覽高士傳遙心兩悠然

贈孫思和

東林一片石綠蘚生秋痕時招葛巾客對坐傾匏尊俯愛澗

下水仰觀枝上猿誰能策羸馬日夕依朱門

燕臺夜贈人

寒宵漏方永華月生高林道人有幽抱起步東巖陰悽惻海

內事浩蕩平生心高歌燕臺下曲盡意彌深

古意

日六

三

金陵叢書  
謝氏校印

青青琅玕葉粲粲黃金花枝葉相糾結不殊松與蘿雅操歷  
霜澈幽意諧巖阿豈無厭草色不久當奈何

湖上

舟聚湖水渾舟散湖水清潛鱗畏夜冷浴羽驕冬晴潮回沙

篆合風過波文生片帆挂暝色乘月中流行弱舫泛浪怯長

篙觸石驚艱難渡前浦寂寞泊孤城冒險諒知悔所志功與

名何如澤畔漁扁舟寄身輕掄竿踞谿石長歌對滄溟

春日奉懷邊庭實期游道院

思君昔去遠迢迢千里程見君今日且邇峨峨限嚴城遠別心

尚緩近別苦牽縈弱柳布芳景流鶯變新聲鞦韆獨成感在

苒空含情願攜同心侶共恣中林行行歌踏瑤草遠眺春煙

生

甲六

四

金陵叢書  
謝氏校印

生

遊道院一首倚前韻

青春客京國王事靡見程佳辰結儔侶覽彼夫容城高興如

遊絲縹緲雲中紫花嶼列棋局松林聽經聲偶然謝塵鞅亦

慰煙霞情俯瞰碧草出仰視白日行乘時不娛樂偃蹇虛吾

生

對燈次金大仁甫

西軒夜深沈燃燈坐相對丹虹臥騰光朱蟲聚成輩雨焰拂

檠低風輝裏窗碎燭幽犀角靈投炎蛾腹潰堂深望轉孤漏

永翦還再紅燼墮寒灰蒼煙浮夕靄凌寒氣彌和待旦心非

味隨君照通叵仁功起殘廢

贈半隱老人

南山秀中野山氣秋逾清雲高碧松偃月冷丹楓明猿鶴對  
巢語煙霞遠林生中有綠髮人石上吹玉笙尋丹句漏井醉  
酒維揚城錦鞵飾白馬豪俠類橫行誰知守雌意默默解天

刑

贈吳山人

昔游洞庭麓蘿陰覆君堂開窗湖水綠舉酒橙花香別來嬰  
時網欲濟苦無梁東風送君至煙霞滿衣裳冷冷泉石澹洗  
我塵土腸山僧忽已化階樹今漸長歎息浮世事因之念滄  
浪

贈姚山人

甲六

五

金陵叢書  
蔣氏校印

我愛震澤水浮煙陷人寰房櫺間草樹風景如蓬山問君果  
何爲來游京華間賈藥御風出買書乘月還青春忽已暮石  
上桃花斑相思眇難見極目高雲間

不寐

虛堂生夜寒殘燭照孤寢自撫平生心展轉不安枕浮雲久  
彌煩往事靜堪哂立德既已違催科能忍悠悠古循良空  
令念相軫

發縣東門道

縣職苦煩促出郊始悠然油油野田黍嘒嘒高枝蟬物情固  
匪異客感自增妍新雨夜來霽游雲向浮天靈曜隱喬樹清  
流溢廣川覽茲會佳賞勞役非所牽長恐坐衰歇戚戚悲華

年

東鄰生

圖史聊足娛胡爲苦多營經旬謝賓客春草當門生白髮午  
未柳青山時獨行蕭蕭樹上飄莫與風俱鳴  
賦得霞觴壽吳翁

金母釀玄醴日採扶桑霞靈光化浮蟻片片揚榴花神仙善  
幻相陰陽注精華酌以美顏色炯如三春葩真氣固元命令  
人壽無涯願啓長指爪獻之山翁家  
雜言送延平朱使君十三首

京華冬季月雪滿十二街飲馬鑿堅冰王程指天涯雲鶴下  
遼海霜鴻渡長淮形影望不極歷亂平生懷

甲六

六

金陵叢書  
蔣氏校印

使君金闕彥英氣橫四海鐘懸抱洪音劔動發殊采文林千  
秋契宦轍一朝改風江波鱗鱗行舟何處在

北風吹河水晚溜明寒漸舟師理長纜指直不得維感時抱  
虛警惜別呈苦辭君今在江湖遺我千里思

燦燦青雲器振藻耀詞場厭中每揮翰吐氣炯虹長縱橫敵  
枚宋調笑卑曹王腐儒苦齷齪低眉詎能揚

曉出石城門古道映寒日昔人經此地離別已非一江迥舊  
市改水淺新洲出君當樹榮名契爾非所恤

朱輪何焜煌樹羽擁朝俊心將秋水澄氣帶春林潤古道暎  
青編來助倚玄鬢豁達廊廟姿馳驅試侯印

金陵四方會皇都六代陳留歡歌子夜行樂賦陽春遊軒方



結駟離舟忽在津更向攜手地獨憶同心人

殘月照虛牖儼鳥起前林物色豈殊昔今晨傷我心攬衣出

庭戶載酒候城陰贈子涉遠道何以比南金

天馬逐流電善御得其良丈夫負烈氣所貴慎王章羣黎愛

膏澤厭艸惡嚴霜赫赫學錦士徒爲知者傷

郡城何巍巍畫閣映空起展旗散羣峯化劍餘寒水帶臘茗

舒黃迎秋荔垂紫遙謝列岫篇清吟會當擬

江左金蘭社憐君最英妙平生冰玉心皎皎兩相照銜羽附

孤鶩顰額蒙羣笑叨承大賢容誰亡木同調

寒江淡無影孤帆穩如停淮南雪初霽遠見羣山青芳樹集

鳥鳥高原飛鶴鶴故鄉木伊邇之子不得奪

甲六

七

金陵叢書  
蔣氏校印

紫絲約金勒五馬如錦新雲開海色霽雪盡林芳春寒帷省

殊俗憑軾禮嘉賓寂寂揚子業非君誰見珍

野亭公雜咏六首

野堂

晉公歸綠野開堂近林邱遂掃車馬蹟時招麋鹿游羣盜近

方息高臥吾何憂白雲宿簷際來自商山頭

野閣

小閣何亭亭臨郊僻清樾虛棟駐山雲閉窗納林月浮煙坐

來消飛鳥望中滅冲襟寂如水那知有炎熱

野山

誰鏟太嵩角置向莘野前相看僅尋丈宛若萬仞然清華發

草樹秀色生雲煙下有謝安石閉戶方高眠

野泉

蒼郊雨新過清流泛平池浮泓鑿萬象應物初無私禾黍漬

餘潤萍藻含華滋本來絕機事桔槔爾何施

野圃

植蔬既展甲種荳復引苗主人久不來蔓艸忽齊腰微雨初

曉齊園丁載芟穰翦草自翦艸慎勿傷良條

野籬

插竹繞荒畹扶疏亦成藩牛羊絕來往養此幽闌根芳菲與

眾賞何用高重垣况對南山色可以傾吾樽

宗伯邵公壽藏詩四首

甲六

八

金陵叢書  
蔣氏校印

葦山一片石萬古沈荒煙雖留蝌斗字精光暗當年邵公命

世佐埋玉封高阡移爾置道左佳名永相傳

二松何代物挺峙干青冥長風度萬里吹散波濤聲天意庇

明德宛遺衛佳城行人過山麓仰止餘陰清

前山石盤紆後嶺秀不如龜龍奠經緯松柏守門閭邱中曠

以奧結構千載居下置青玉几上覆白雲廬

公昔構齋居泉源益清冽公今作生墓泉溜互環折諸方仰

灌漑萬類鑿澄澈乾坤第二泉彷彿爲公設

贈別周別駕王司理入京十四首

汎汎靈江水東注滄溟深不知結交義詎明離別心匣藏青

萍劍囊韜綠綺琴因君罷拂拭緘愁謝知音知音日以遠離

恨方自今

訪古遊天台入極神飄飄笑逢兩仙人把袂申久要嬰我白

玉體侑之紫鸞簫清歡意何極冉冉暮復朝流萍忽飄散恨

望空魂銷

高人難邂逅齷齪徒爲眾百鳥漫喧啾何如一孤鳳與君結

兄弟胸次兩空洞咫尺每相見倏爲千里夢長亭一杯酒惻

惻不忍送

海風吹洪濤高浪遠明滅飛流濺林莽散作巾峰雪青松抱

寒蒼梅花寄愁絕郡齋敞疏帷濁酒正堪噉如何同心人苦

欲話離別

周子覲定海下窺東極深王君誇雁宕歷遍青瑤岑我有山

月六

九

金陵叢書  
蔣氏校印

水癖聞之熱中襟短屐屨已屢長筇鐙有音今將別我去何

時共登臨

剖符守東海所職在黔黎才疏寡惠愛莫救饑寒啼多君美

無度三益開我迷常恐膠漆解詎意參商睽君行樹鴻名余

當還故溪

歲華不可留日月去如水蹉跎風塵間奄忽將暮齒丈夫參

三才萬物聽綱紀時來值嘉會乘雲附龍起公等非凡才騰

踏自茲始

青青陵上陌歲寒無改柯四海爲兄弟所貴心靡他管鮑白

頭交蕭朱晚節訛貞心如砥石反覆任風波願因折麻地載

申伐木歌

行行及辰良律轉寒序畢東風來幾時江草忽青出幽鷺瀝

輕漸疏梅耀遲日關權從此逝佳興諒非一倘賦清水篇貽

我慰蕭瑟

周瑜擅風雅王粲多文章皎皎冰雪心焚焚金玉相近愛莫

爲助遠別令心傷贈君青桂枝物微意徬徨憑誰報天子並

置黃金堂

赤城山水窟勝觀標靈奇鰲峯控東海瞥見扶桑枝窈窕桃

李園慘淡蛟龍池前遊忻共賞後會杳莫期風景宛如昨默

默勞相思

聖皇御六合神武由天開按劍清朔方萬里無飛埃猛士若

虓虎超乘四方來期門賦羽獵正乏相如才行行入幽冀莫

甲六

十

金陵叢書  
蔣氏校印

羨燕昭臺

斯人多瘡痍君門嗟萬里先民喻安危卽事指舟水銀章挂

君腰承宣職所委奏功赤墀下願言報天子不聞四郊亂無

乃大夫恥

霜風撼庭戶夜坐披貂裘離心似江水宛轉隨君流忍寒作

悲吟一吟四五休此夕復何夕令我成白頭短篇本非苦長

別增煩憂

徐學士子容薜荔園十二首

思樂堂

久家湖山上解攬湖山奇先君嘉遯地堂構開洪基慨昔未

窮樂貽今無盡思傷心夜臺日不照春園枝



水鑑樓

清池若明鏡照見池上樓開簾對秋月影動青狐裘岐嶺金銀闕毛骨寒疑秋莫教彈劍舞夜久驚潛虬

風竹軒

幽軒繞叢竹四壁風淒清端居不出戶日夕聞秋聲炎暑永難至塵氛何自生條然覽元化默契千古情

蕉石亭

怪石如筆格上植蕉葉青蒼然太古色得爾增娉婷欲攜一斗墨葉底書黃庭拂拭坐盤薄風雨秋冥冥

觀耕臺

微雨開青春田家事東作早起臨平臺間與僮僕約鞭牛莫

甲六

十一

金陵叢書  
蔣氏校印

鞭腹束草莫解縛腹潰傷神明草散滋蔓惡

薔薇洞

百丈薔薇枝繚繞成洞房密葉翠帷重穠花紅錦張對著玉局棋遣此朱夏長香雲落衣袂一月留餘芳

荷池

紅蓮日相鮮白蓮色如故穠華多改移淡泊無外慕眾人愛顏色君子樂真素方舟蕩池陰日暮獨延伫

柏屏

壁上青玉屏下見古柏根相憐歲寒葉鬱作蒼雲屯貞姿洗霜雪老氣橫乾坤名園非此種誰可當君門

留月軒

明月出海底挂向珊瑚枝玉鏡飛不去中夜光離離滿持洞庭酒長歌謫仙辭西風吹桂影激灑翻金卮

通冷橋

橫溪斷山麓危梁架雲徑飛雨鳴寒泉泠泠發清聽莊生濠上游孫公天台與無勞千里遊卽此託相贈

花源

靈源出山遠曲流通溪斜春風自何來片片浮桃花我聞林屋巖中隱神仙家迴流一相見共爾希煥霞

釣磯

子陵隱巖瀨呂望棲磻溪龍潛息雲雨虎變揚虹霓徐君一片石乃在震澤西功成拂衣去名與二公齊

甲六

十一

金陵叢書  
蔣氏校印

林廷尉以吉四詠

先菊庵

嘉華耀令節歲寒羨孤芳君子先時降貞素乃含章馥馥掩蘭芷亭亭凌雪霜嗤彼桃李花徒然驕豔陽

莫庭

鮑魚相與化下流難爲居肅肅義方訓永懷猶厥初既揭座右銘復置懷中書彷彿聆馨欬陟降臨庭除

石厓讀書臺

峨峨厓上臺萬卷此俱積立聖闕其神幽討悉肝膈吐之經四方廊廟行且爽輪扁愚蒙人何足語心迹

瞻紫亭

朝瞻紫峰明暮瞻紫峰晦華表白鶴歸雲端見冠佩天地無  
終窮日月互謝代血淚如流泉迸注難自愛

甲六

三

金陵叢書  
蔣氏校印



息園存棗卷五 五言古

觀郡守胡公所開虎邱新蹟

胡公絕代才宰物有精識剖符鎮全吳揮霍破餘力公庭寂  
無事惠化浹疆域虎邱古名阜標榜歷千億豈乏巖壑姿往  
往厭偏仄公來登層巔四顧生壯色海嶽氣蒼茫曠然吐胸  
臆剖垣發蒙蔽芟穢出嘉植洞庭七十峯歷歷移坐側古人  
總含愧神鬼難秘奇華構嵌青巘面勢各有得匪惟拓形勝  
實以表名德奇文挾精靈光映斗南北古篆蛟龍蟠穹厓示  
深刻裁成演心神丕變昭政式燁燁千載名永以重吾國

日六

一

金陵叢書  
顧氏校印

子魚南軒看菊

新霜下庭除寒氣薄叢菊幽花汎餘馨殘葉抱枝綠佳人惜  
流序玩此竟昏旭開筵叙同心漏轉更秉燭飛觴不停手既  
醉情益屬憶余別君堂三歲始再復前時笑歌人今日半成  
哭君顏漸非朱我髮素將禿悠悠百年期流轉亦何速功名  
有天造升高易顛覆不如邱園中放浪展心曲月出但高歌  
無用太拘束

與王氏履約履吉文氏壽承休承袁氏補之永之六賢上方

山玩月

幽懷洽清夜興言陟穹窿寒景自懷慄况茲山澗中明月出  
海嶠浮雲淨遙空二八輪正滿桂影虛玲瓏河漢近人瀉衣

袂多烈風俯窺震澤外一氣涵鴻蒙憑虛意憺恍酒酣興彌  
雄浩歌榜伽巖響振馮夷宮山川閱今昔代謝焉可窮今茲  
歡樂趣往者誰復同吳越且黃土安問陶朱公不如林壑間  
偃仰息微躬神超形無闕道合契有終髮崇絕塵境高舉凌  
煙虹

和何司空委心亭題壁四首

司空夙穎脫五車富詩書摛文南宮選老師謝勿如兵曹執  
樞要策足躍天衢道映篤真想聲利誠闕疏矩步匪躡躅義  
路豈迴紆所志在忠亮而遠顧其餘以茲三十載中外恒迭  
居竭來謝帷幄南食建業魚君子重求已匪以外牽拘皎皎  
金玉心不殊在蓬廬

甲六

二

金陵叢書  
顧氏校印

仕止辯時義豈徒決歸休措意非中和亦復乖天遊陽至百  
物熙商清火西流一爲機心間徒愧海上鷗所以魯東門遲  
遲出尼邱陶公會未造矩矱難與儔山林豈不美堂陞貴獻  
酬仰懷海嶽恩吾力詎承不古人當齟齬遙情屬沈憂道有  
均休戚貞則宜暇求

高名耀寰宇白日行青冥大旱思爲霖瞻焉繫羣情胡爲念  
獨善渺渺懷南荆安石昔巖柄幡然慰蒼生昭烈屢三顧永  
懷遺孔明堯舜茲御天泰階既已平海鵬負風力九萬將南  
征君子歎在朝小人樂深耕後圖良未艾宿好詎可縈豈不  
見伊叟匪忻竹帛名

蹇余抱孤劣戢羽還故山惕然覺昨非奄及知命年爲山念



覆篋結網薄臨淵先春曠蕪蕪而敢効種田司空憫弱質引  
蓬置麻間獵道六籍內論世千古前延頸屬霄漢藐爾披雲  
煙出幽喜遷喬敢希泰華顛但恐筋血枯夙夜多餘閑離羣  
復索處白首徒紛然

桂洲詩代夏公謹給事述

夏子情悠悠遮我賦桂洲桂洲亦有始請從先世起雙溪何  
滔治中洲坦如砥羣峰互環帶錯落窅屏几琵琶特奇峭西  
迴覺高趾其陰倚靈象儒先託仁里其陽抱龍虎仙真夙攸  
止桂樹紛龍葱盤據固根抵華葉揚芳馨林壑被餘美吾宗  
聚廬居瓜瓞既多祀茲洲昔知名爰且因夏氏家運值陵歎  
洪濤忽淪汜皇曾僅一綫伶仃迫宅徙延綿桑梓區顛倒鳩

甲六

三

金陵叢書  
蔣氏校印

鵲學孤墳沒寒莽弔望增顛泚皇考役四方歸櫬獲所委桐  
檟漸可材叮嚀日荒圯賈宅空廢井孔壁漫殘史淒涼首邱  
念蹉跎歲華靡顧攀桂樹榮沈憂卒難理倘云返柴荆永懷  
釣溪水

答談舜耕臥病池館見懷之作

朋游苦星散君今復多虞抱病忽經年寄我空中書青鳥翔  
雲間翩翩來舊都豈不限江海辛苦爲誰踰書言久契關欲  
往阻舟與芳尊泚桂醕美人安可俱明月遙相望眷此兩脚  
踟君昔戰藝苑有才敵相如玉門乘白璧空谷生秋蕪惟餘  
東園石不廢高人娛幽懷日已遠世網日已疏天運諒有復  
委心隨卷舒

別攝泉

今晨對君飲庭樹慘已黃燕齊十月交北風涼難當黃金不  
須惜盛辦貂狐裝郵亭選健馬去路生輝光令子鳳皇羽天  
衢定高翔闕臺清華地氣骨自可景江南故人少願君早還  
鄉共指紅藥叢花開日相望

與田司封雅論呈王考功

世路多曲徑人命有定錄野鳥亂離雄塞馬分倚伏徒馳烈  
士心詎厭小人腹頽顏感秋蒲逆境傷暮鵬采藥懷名山栖  
衡念空谷嗟嗟紫芝餌飄飄綠荷服桃花夾門生蘭葉依井  
覆焚香諷靈言酌醴延靜福遙迎老君牛永辟留侯穀玄契  
屬君啓雅志匪子獨爲訊王子喬何年謝微祿

甲六

四

金陵叢書  
蔣氏校印

贈葉原靜遊雁蕩歸金陵兼呈大司馬喬公

汎覽名山圖雁蕩天下奇天吳舉蓬島亂擲滄海洲曉巖老  
蛟脊詰曲盤桃枝攢峰蔽青冥星斗晝陸離靈湫倒銀漢六  
月飛寒漸仙人隱洞府玉簡靈文垂白石充餽饈紫芝可療  
饑鳳笙乍縹緲鶴駕時逶迤綠髓苟未變丹梯詎能窺葉子  
道者流夙稟煙霞姿去冬游武夷未愜心所期今春策短杖  
直往了無疑天台逢李生拍手忻相持遡流問桃水探穴尋  
仇池俯瞰不測淵仰凌萬仞危端坐天柱峰要觀日出時扶  
桑射東影瞥見蒼龍鬚太湖僅一勺匡廬忽平夷呼酒酌蒼  
梧鳳鳥來何遲浩浩浙江濤伍胥今謂誰桃花落已盡芳草  
含碧滋啼鶯勸客飲正與煙光宜滿舉白玉斗吞却東南陸



坐覺方寸間雲嶠相撐搗歸來回風亭目光如玻璃磊作  
奇畫琳瑯吐新辭顛倒雷電走蒼茫神怪悲十日說不撥齒  
頰生涼颺四座煩鬱散聽者俱忘疲靈秘自此洩海若安能  
私還拜大司馬請陳賤子詩定知噴舫勢縱橫列階墀迢遞  
金銀闕夢寐如見之謝客休挂席孫公應解頤何必舉五獄  
高下論等差至樂有同好難與俗子知

贈別同年王大恭惟忠

孝皇丙辰歲臨軒策賢良嘉運屬休暢羣才競騰驥搖筆演  
明畧塔墀殷琳瑯天顏豁開納宰輔勸明揚叢爾泥塗身並  
遂雲霄翔服官列庶位展義各均當述作備文物論思補遺  
忘彬彬慎六職肅肅司羣方小大雖異適風烈互成章王度

日六

五

金陵叢書  
蔣氏校印

凜繩直而誰越官常公曹幸暇豫朋從滿相將郊圻陽春候  
出入儼顛昂朱樓上客座賦詠飛羽觴通家披露驢膠漆難  
比量綢繆誓靡隔沒齒奉軒黃匪若蕭朱倚晚節竟參商中  
路厄陽九昏陰暗巖廊明明聖哲委垂拱示貞藏青霄走罔  
兩妖彗擾天綱誅求竭井里流竄連冠裳赤眉稱亂首萬姓  
疲摧攘翠華無時出六軍行裏糧厭人貴附和直士死路傍  
吾儕嬰禍網駢首投豺狼窮途莽星散音耗吵相望壯者半  
投竄耆宿多喪亡時觀禮閣籍涕淚空傍徨皇天眷周歷中  
興啓宣王四凶洞齊斧元愷森朝行宿霧一朝豁賜環皆老  
蒼春風洗顏色仍餘舊冰霜武林大藩岳與君忝同堂生涯  
百憂後感激意彌長努力奮末路願收桑榆光相期舉反側

置彼席與牀提攜雙玉龍永夜歌慨慷長嘯登吳山引首望  
八荒至哉虞舜德威風來何鄉逢時樂無度陳義規太康清  
秋萬壽節獻表合四方當君整冠佩告別兩蒼皇始饒出國  
門再饒臨河隍持袂累成泣沈痛咽中腸匪以私睚故重爲  
同袍傷君才久外屈清廟需珪璋我官已踰分敝笱思魚梁  
祇恐遂乖隔薰身失蘭房所願崇一德安國繫苞桑仰歌天  
保什用抵伐木章

周氏壽世堂詩

神堯御宇宙舉志法三王政始重養老下詔聞萬方崑邱壽  
誼翁德儷四皓行年紀百十六眉髮若秋霜召之上殿見作  
步甚康強清問得孝理賜歸教其鄉郡有魏太守治行尙循

甲六

六

金陵叢書  
蔣氏校印

良老老率先訓賓主體相當降階奉几杖親滌豆與觴臨郊  
再拜送觀者盡稱揚闔郡感茲化斑白不自將老翁既仙去  
孫子皆瀟灑明智誦詩書強壯力耕桑三世並上壽爲國增  
休祥四世產玄孫俊拔如鳳皇三命作觀察肅肅振王綱信  
哉仁者後終然柱巖廊鄉里表厥宅名曰世壽堂遐邇傳盛  
美作頌比絲篁蹇予附末響樸拙匪成章太史倘有述終始  
差較詳

寄朱升之

少小負奇氣唾視豪俠流腰懸蒼龍劍未肯干王侯挾策游  
京師天子忽見收獲落風塵中傾蓋罕相投逢君東華省金  
蘭結綢繆陳義比臯契攜詞狎曹劉虛名附驥尾隱然橫九



州中路忽分散風波起離憂天南瘴癘地鬢髮各已秋黃鶴  
畏彈射蒼鷹恥隨鞬買田西郭門將以備漚滄年饑水瀾漫  
鴻雁不自謀鬱鬱斗釜間撫膺發長謳借問五湖水何處容  
吾鉤

送梁子材入京

蒼隼立臂鞬側目望丹霄驂騶伏芻秣志在千里遙撫軍磊  
落器英妙稱譽髦曠志局文史投筆誦龍韜舉意萬人敵一  
劍恥所操仗策謁司馬氣吞四海豪對厭彎彫弧百步猿先  
號名亞虎榜列價重龍門高還鄉拜慈母走馬昇仙橋寶玦  
珊瑚鞭錦帶雙飄飄天子調薰絃海晏無淫濤蠻夷一蠖蝨  
邊鄙聞驛騷雄劍鳴夜匣怒髮如揚翹報國指天日奮身豈

甲六

七

金陵叢書  
蔣氏校印

蓬蒿翻然赴京闕六月方炎熇揮汗宛成雨驅馳甚煩勞伐  
謀負多算賈勇挺奇標南征慕馬援北遊希班超崢嶸雲臺  
業慨慷慨誓所遭烈士執高義願盼輕兒曹

贈徐一之

質如荆山玉辯如巴江流清言析玄理安坐消人憂挾策獻  
南宮五上未見收精深田何易爛漫東南州今王好儒學賢  
羅恣旁搜小者待金馬大者封公侯君行叩閭闔吐論銷琳  
球天顏一顧笑朝省皆回頭快哉風雲會密爾膠漆投伊呂  
草澤人功成與天流古來盡如此乖合非人謀

書張大夫事

張氏大王父高皇之故人執爰從前驅赴赴稱虎臣請老解

冠劍歸耕長淮濱擊壤歌神堯何心瞻紫宸一朝召上殿慰  
諭展情親手持黃紙符授爾職宣旬衡鄂大岳牧藩翰廣敷  
仁淮陽勞長孺河內借寇恂殊恩報思稱臣節實致身全歸  
保終始天造良無垠賢孫述茲事奕世寵如新大哉神聖謨  
求賢本因民文武惟所用功成任洪鈞請著太史策垂訓昭  
千春

密止堂貽王錦夫方伯

良賈貴深藏上德戒唯盱金人三緘口內葆恒有餘緊君景  
前哲履道抱冥虛遠彼市朝喧閤然林中居叢木既蔭蔚巖  
壑亦迴紆素琴不安絃對之萬慮除寄謝車馬客毋來駭吾  
廬

甲六

八

金陵叢書  
蔣氏校印

贈丁溫州敬夫

秋艸悽以黃鴻雁銜哀思緒衣供井稅寂寞循良事穆穆丁  
溫州愷悌自天鑿製錦輸良材展驥控遙轡薤拔少強宗風  
清無點吏環海數縣侯奔走敷德施露冕循郊圻戢戢馴野  
雉頗聞溝塍畔狼籍廣遺穗天南百萬家庭覆罔不至與人  
興長謠聊以存國志



息園存彙詩六七言古

送按察周仲鳴赴雲南

東風滿目悲春草使君遠涉滇南道萬嶺千山路渺綿車煩  
馬頓人愁倒陰洞生猶白象牙古崖錯落檳榔花西隅漠漠  
窺天際北極低低見月華烏蠻號令歸王制繡服威儀尊漢  
吏共言俗遠要人和卻嫌才大爲身累東門別酒玉杯深上  
客離歌拭淚吟翻然上馬揚鑣去不似尋常兒女心

送陸良弼赴雲南

東吳陸氏古稱雄今日君家邁古風父子兄弟紆紫綬麒麟

甲六

金陵叢書  
顧氏校印

偏在一門中與君作宦漢西京十載追遊暢性靈飛觴謝博  
園棋墅彈劔周郎灑淚亭春來秋去歡無歇星流雨散從今  
別君提侯印赴滇南浩蕩青冥動雙節雄才健筆人不如况  
乃腹內多詩書盛年黃霸初爲郡紫閣歸來日有餘

答徐昌穀博士

前年共飲燕京酒高樓雪花三尺厚酣歌徹夜驚四隣世事  
浮沈果何有一爲法吏少書來心結愁雲慘不開昨傳學省  
移新籍坐嘯空齋日幾回

君莫悲歌慰許侍御喪子

玉顛雙角曉曉起圓碧凝光射眸子鸞刀鏤馬竹尾長翩翩  
入花如鳳凰妖嬈潛釀星垣厄愁雲壓空夜白仙媛飄裾

挾玉童調龍御鶴三山東桂樹光銷闕甲脆繡襪襪濕秋  
淚欲君酒君莫悲人間百事會有時君不見漢庭獄吏高朱  
門司徒何得無良孫

賦得落星穴送李師文宰將樂

海風吹星落天地寒芒燭地光參差金精不向土中死龜山  
劍水含靈委世代悠悠挺人傑一卷遺書字難滅神騎箕尾  
軼浮埃道煥奎文照餘雪李侯墨綬飛雙鳧仙槎夜晩郎星  
孤餘杭舊惠我殘碣莫惜弔古過平蕪

贈周子庚太僕行邊

寒沙射日明衣鐵蒼嶽摩雲千丈裂關河南北氣全殊八月  
陰山卽飛雪丈夫勳名在遠道玉關銅柱非徒老鵬搏九萬

甲六

金陵叢書  
顧氏校印

回天風下視燕然一丸小

石峰歌贈陳侍郎玉疇

高哉烏石之青峰天梯挂地騰蛟龍星辰照耀翠光發雲霧  
吐吞嵐氣重寒泉古木絕塵滓菖蒲芝草秋蒙茸東南名山  
亦無數愛此奇峭多靈蹤紫薇大夫有道者清標秀骨神所  
鍾十年讀書住峰下攬結邱壑歸心胸乘風一上赤霄迥步  
武稷契矜遭逢蒼生洗濯足霖雨學士仰瞻稱岱宗祇今台  
鼎逼掌握洪波砥柱殊從容功成拂衣豈難事仙人有待巢  
雲松武夷神君幔亭女金枝翠蓋期追從須君峯頂荔枝熟  
來借江心桃竹筇

李大夫壽歌



李大夫真天人骨青髮黑善養真昂藏野鶴七尺身中隱磊  
落之經綸獻策早充觀國賓多冠直諫驚羣臣低回郡縣豈  
塌翼霖雨一灑甦疲民石梁雪竇古名勝東風坐玩桃花春  
珠璣往往落揮翰五言破的如有神翻身岳牧已騰踏轉盼  
台輔非遠巡大夫高義超風塵長歌拂袖辭要津敬亭天柱  
吾故物青霞倒映蓮花巾空厓燒藥紫金鼎白日飲牛青澗  
濱千秋萬歲樂無極人間富貴安足珍

夏山歌贈張常州大輪

夏山高山高入雲香莫攀乃在東海之畔金華之間攢峯抱  
壑飛瀑白古木礙日垂蘿斑張侯昔未遇結苒連翠微胸蟠  
五千卷落筆蛟龍飛時隨牧羊子澆霞療朝饑乘興歷參井

甲六

三

金陵叢書  
蔣氏校印

誤觸織女機獻策明光直紫微專城設輔擁朱衣萬家凍餒  
今何有十郡諸侯似者稀公庭晝閒無鳥雀燕寢香清拂羅  
幕夢魂千里長周旋一片青蒼枕前落祇今當亡愛賢才君  
侯且勿思草萊待得功成銘鼎鼐卻逐山雲歸去來

劔池歌送李司法赴蘇州

干將乃是金天精爪髮墮爐神劔成龜紋縷理踴高價駿馬  
千匹三都城盤魚騰光壯士死國間恥作吳公子鳧雁長埋  
白虎峰蛟龍竟化寒池水池水泠泠百丈深春花覆水紅香  
沈池頭歌舞日歡賞地下誰識君王心君王已去河山改千  
年符竹紛光彩畫戟紅旌綺句飛韋白風流至今在使君才  
俊傾梁園登朝執法臨吳門秦鏡光明照人膽漢網疏濶流

餘恩青春多暇應出遊劔池正對齊雲樓不厭橋東老居士  
時來散髮共扁舟

東原行贈金士希

蓬萊近在都城限高原如掌風塵開長江疊送波濤色鍾嶽  
橫分紫翠堆疏林曠望豁心目四時花豔紛相催皇居咫尺  
接靈氣雲霞繚繞金銀臺橘洲桃水竟恍惚終南太華空崔  
嵬先生泉石性所好紫綬裹體心潛哀專城虎竹棄如土夢  
想此鄉歸去來挂冠散髮對高木間門白日生蒼苔手提長  
鑊斷春雨東陵瓜田身自裁興起高歌拂衫袖虬髯仰持何  
菴穗江山開闢幾千古孫郎突來生禍胎干戈六代鬪白骨  
四十二帝翻雲雷黃旗紫蓋轉滅沒瓊樓綺閣俱飛灰當時

甲六

四

金陵叢書  
蔣氏校印

豈無攀龍附鳳侶功成運去多嫌猜良弓已隨高鳥盡至今  
空泣英雄才不如有田盡種秫當春潑作葡萄醅碑礫爲甌  
玉爲杯買金便鑄十石鼎上藥浸之可養性爛醉勿論西日  
頽倘予出郊來相訪莫遣醒醒騎馬回

松谷歌贈戚侍御

金華之山峭而突巖壑空冥含大谷長松落落蔭其中連林  
直上蒼雲矗蒼雲拂天不可干白日漠漠生秋寒棟梁森立  
鬼神守琥珀下閔蛟龍蟠誰其居者戚夫子茅齋高棲青壁  
起雙溪泠泠三洞幽靈峰下瞰芙蓉水閉戶著書三十餘翻  
然載筆登公車澄清天下獨攬轡素心不啻山中居青鞋草  
衣日在手富貴浮雲亦何有致君堯舜卻歸來谷口青松兩



無負爲憐向日牧羊徒空然叱石何爲乎  
相逢行贈何司空子元

去年見君丹禁中今年逢君舊京道問君南來亦何事笑而  
不答顏自好朝廷禮樂非等閑大臣執論安如山師丹祇知  
正廟議朱雲非好犯龍顏龍顏轉變分怒喜臣節堅貞等生  
死只今義烈貫雲霄大爵高官安用爾蹇予結交三十年一  
見知君是謫仙文章落筆波濤湧風骨當朝玉雪妍司馬分  
曹力有餘兩河藩翰亦區區天閑騷牝三千頌柏府風霆萬  
里車台衡虛位需調燮太史濡毫敍功業霖雨方諧天上歡  
浮雲忽作江南別江南佳氣鬱龍提洛邑秦關未可蹤滾滾  
江流傳渡馬蒼蒼山色號蟠龍謝傳東山幾落花荆公精舍

甲六

五

金陵叢書  
蔣氏校印

自啼鴉由來勝概歸高品再喜斯文得大家我家住在青溪  
曲終日間持一竿竹不怕宮袍渾草衣時來共詠春波綠  
谿壑高間歌贈史巽仲

句曲之東陽羨之西屯雲疊霧鬱爲靈谿洞天三十六杳莫  
窺端倪天皇秘金簡勅授仙人棲仙人舊居青瑣密躡足星  
漢攀虹霓胸填百萬經濟略沛作霖雨滋黔黎鈞樞侯印立  
可握忽然長嘯辭金闈金闈雖云貴榮華易銷落何如中園  
移取蓬萊山雕斲煙霞置樓閣玉女成行備灑掃靈君對坐  
燒丹藥丹藥功深九轉成羽翰身變八風生時朝天上黃金  
闕那顧人問白玉京

異風行

季春之月日應柳野客維舟汝川口此方赤旱罹百憂復爾  
顛風示災咎黑雲勃鬱西北生輪囷直上掩太清噓煙噓氣  
塤然至白日不得爲光明沙颿石走檣柱折雞犬竄匿皆狂  
鳴草茅半捲向空落大麥小麥揚枯莖陰霾沈沈血色赤赫  
如伯益烈火焚榛荆萬竅雷呼動天地又如真宰下與羣妖  
爭宋郊六鷁飛且退昆陽虎豹骨戰驚蓬窗孤坐不敢寐旅  
魂慘怛傷和平憶昔壬申羣盜起梁宋災徵每如此十年白  
竹撐亂麻父老悲號未云已祇今堯舜居明堂辟除凶慝登  
賢良璿璣方調七政理此事乖刺誠何祥世無瞽史知天道  
獨立沈吟向蒼昊

重別行送李川甫還河南兼訊李獻吉

甲六

六

金陵叢書  
蔣氏校印

長安道上春雪飛薄暮逢君疑是非搖鞭駐馬一相問雪花  
亂點白鷗衣江海茫茫重相見客舍張燈促清晏愁兼別淚  
墮金尊漏轉寒更澁銀箭君今三十方少年秋鷹刷羽搏雲  
天簪裾色動麒麟殿詞賦聲傾玳瑁筵河南作牧殊辛苦抱  
哺黔黎一萬戶近聞四岳舉循良須知黃霸先台輔樓船吹  
笛漢江流乘月經過黃鶴樓往時崔顥題詩處復見新句凌  
高秋嗟予垂老氣凋朽天台岬嶭亦何有寂寞桃花何處吟  
縱橫豺虎空奔走送君將歸舊思翻悵望南雲迴白首倘過  
夷門見李白問渠詩興春多否

張司徒所畫山園圖歌

滇南一道盤雲上永昌巍巍更西望水流直下洱海深陸地



夫容疊相向小石紛磊磊大石高盤陀連空互撐骨仰仰青  
嵯峨攢峰插牛斗飛澗懸天河崩崖傾斷下無地但見猿猱  
挂胃號煙蘿丹砂空青的皜巖阿寶玉夜爛靈光盪摩天門  
洞開紫宮逶迤玉女對侍星官駢羅至高之極始見此遠絕  
下奈諸方何馬蹄絨鐵尙不得度行人跛隨焉能過我生水  
區理南園大老司徒公維山降神爲世雄晚張能事發新格  
盡吐碗礪之心胸引縑迅掃鳴長風顛林倒壑貌不同蒼雲  
黯慘喧霹靂白日照耀開鴻濛蛟龍盤擎古木死蟬螻漂疾  
飛梁通千樹萬嶂堆墨華忽然平曠披風沙櫟榆開鑿雋君  
國桃源點綴秦人家孤城四面削玄壁危樓仄立明丹霞時

日六

七

金陵叢書  
蔣氏校印

清頗知官府靜化遠亦愛蠻夷嘉老翁戲獵逐黃犬嬌女明  
妝簪素花形勝分明在指顧風俗想像增咨嗟騰衝靡莫餘  
千里部落微茫分遠邇更揮淡墨灑餘姿遂使天涯窮尺紙  
昨逢伯子示此圖瞠目驚歎從前無乃知山嶽氣磅礴不用  
濫漫談江湖今之好山有二老太原司馬吳門都見此寄書  
定相索公乎公乎須寫數本萬里絡繹傳吾徒

昭君寫真圖引

漢宮九重類天居宮中美人粲璫琚姱容淑態意非一網戶  
文窗煙霧虛就中絕代稱明君錦江波浪巫山雲素月嫦娥  
獨光彩明星玉女徒續紛君王行幸恣歡嘔蛾眉短長難具  
悉可憐睇盼隔重霄竟使畫圖欺白日金珠不操靜女手丹

青更甚譏夫口妍媸反覆在錙銖移愛爲憎忍相負明珠萬  
里沈胡沙哀歌一曲留琵琶今看青冢千年草豈是天桃三  
月花君不見無鹽入宮粉黛羞齊宣美譽雄諸侯樊姬進女  
虞邱罷楚莊持麾霸天下君王重色后隱賢吁嗟畫史欺婢  
娟古來治亂各有始爲君三復關雎篇

陽羨山歌贈吳隱君

東臨具區水西見蛾眉青誰將陽羨山倒景浮重溟此山上  
應須女星雕琢雲霧開仙庭桃花洞戶列千室夫容旌旗朝  
百靈神人種藥留巖崖化爲苦草黃金芽水品流傳逸士譜  
月圓飛上天皇家山南今有樵漁客八十鬚眉未全白日飲  
茶漿茹紫芝塵胎暗脫雙瞳碧鶴鹿呼名任驅使龍鸞整駕

甲六

八

金陵叢書  
蔣氏校印

當朝夕曾聞至人言此翁千秋自會生毛翮我厭塵寰思玉  
鳥名山相去況咫尺鼓楫何時罨畫溪稱觴一訪煙霞宅  
范氏娛永堂歌

草堂宛在淮之陽周除萬頃清湖光鳧鷖瀟瀟走階下青蒲  
碧柳搖瀟湘傳家蠶蠶列圖史宴客稍稍鳴絲簧堂中老翁  
八十強隴眉皓首神揚揚萬事惟知道古昔一生不省干侯  
王河上仙公道書就漢陰丈人機事忘翻匙紅稻美且足出  
水白魚鮮可頌於清世得笑傲况有令子傳芬芳我知老  
翁應壽昌前簪組歡稱觴雖無磻水非熊載且拜天門彩  
鳳章  
午谷歌贈周別駕仲仁



終南之陰子午谷秦關襟帶紛迴復渭水斜連紫閣峰石脚  
插入黃河腹雲霞勃鬱非人寰靈仙往往遊其間青牛流沙  
去不返洞門白日苦花斑周子憫儒士致身青雲裏不肯忘  
巖棲呼此爲宅里只今挿笏領蒼生片言折獄稱神明台衡  
要路在轉盼丈夫大業終崢嶸種松日長虬龍枝白髮還山  
應未遲江南杜老有高興待爾相邀游漢陵

五馬圖歌贈鄭紹興

畫圖五馬雲錦文誰其有者鄭使君房星降靈渥注裂龍種  
邁出驚駘羣金河蹴踏精爽振玉珂脫落權奇分使君人異  
馬亦異氣概萬里含風雲四明美政那可狀閭井小兒知禮  
讓風化渾期太古前功名特出諸侯上昨乘此馬朝王正錦

曰六

九

金陵叢書  
蔣氏校印

驍光照長安城天閑驟駟盈萬匹此馬一過人皆驚鄭君五  
馬真絕奇鹽車局促將何爲穆王正要追風足報爾王良伯  
樂知

砥柱歌上陳雷劉相國

黃河之源出崑崙萬里震蕩排中原行雲翻空日月關急雨  
倒海雷霆喧下民咨嗟上帝怒乃遣神禹清乾坤手握巨斧  
開龍門中標砥柱氣勢尊白波一道永深穩青山兩岸無崩  
奔從此平成歌帝載休氣榮光應清代效靈已見出圖書論  
功不用誇嵩岱柱乎柱乎安無頗狂風惡浪奈爾何

五老圖歌壽祝封君

天地乃萬化之門陰陽乃五行之根太始逮今幾萬載一氣

不息綿綿存瞻彼五老鶴若雲屯降神玄漢凝質胚渾眉垂  
暮雪顏映朝暎玄冠朱紱素旄青幡履彼黃道出入氤氳非  
五行之變化果孰得而究言靈風結駟馬迅雷走駢車列欽  
叱右御須臾周太虛上帝洞天三十六勅守五代羣仙居息  
駕廣漠野晞髮扶桑津西觀蟠桃樹一花三千春曾同二龍  
父下應宣尼辰六經始爛漫照耀垂生民不須神鼎煉大藥  
盡使壽域回清瀆祇今皇帝軒轅身山林父老華胥賓邇聞  
牛渚生至人長生寶訣傳更真煇霞服玉好顏色坐玩風揚  
東海塵

西江漁父歌

西江老漁父舉步險九州遠尋鐘峰踞廬阜釣竿直拂番湖

甲六

十

金陵叢書  
蔣氏校印

流修綸巨餌知幾許長鯨一掣皆吞舟楚人分膏更飽肉魴  
鱖瑣屑休深愁興來仗策謁明主禮樂縱橫邁三五拾遺補  
過列明光盡使蒼生獲安堵旬宣暫爾下錢塘翻旆春風覆  
旆雨閒探禹穴上會稽望極海天無盡處歸來向予言拍手  
笑無已君來海濱遊未知海中事海上三山時動搖其下負  
戴六巨鯨我欲釣鯨置山穩長風未至心徒勞君不見磻溪  
玉璜事幽眇太公望子今將老又不見澤瀨羊裘傳者訛故  
人待我知如何不然便可拂衣去莫負西江萬頃波

文仙石歌送田景瞻

高平仙人棲隱處長林疊嶂含風露仙人一去不復還山中  
白石長如故蒼龍時上石牀眠老鶴猶窺丹竈煙金枝翠蓋



知何所洞門月色長娟娟南州太守有仙骨分符亦得煙霞  
窟平郊微雨動朱輪多少高情坐超忽春城春物好融神門  
蘿曳履上璚珣倘逢石髓歸來日好憶東曹抱病人  
松居歌贈金元美

帝城飛甍接青虛道人獨在松巖居金花飄庭野風細翠葉  
拂檻涼陰疏身披鹿裘皎如雪日把一卷神農書斲斧採子  
煉大藥玉杵夜搗銀蟾蜍偶然懸壺秣陵市手活小兒千萬  
餘五大夫封等塵土十八公夢今何如徂徠峰頭絕人路列  
仙同遊駕雲車

廣成仙人歌贈秦隱君

崆峒嵯峨入紫冥中有至人云廣成呼元化爲氣母假仰

甲六

十一

金陵叢書  
蔣氏校印

天地同長生昔日軒皇御八荒謂言得仙貴可忘萬乘親過  
巖穴下頰首不敢窺藜牀洪音如鐘剖玄旨金液融光化塵  
滓白日騎龍登絳霄下視六宮如敝屣海變陵遷春復秋瑤  
臺金闕漫悠悠云誰象外得真悟東海隱君秦少游隱君顏  
色少如童八表冥冥俯遠鴻桃花洞口人煙靜橘樹洲邊歲  
事豐廣成仙今安在青山拂石長相待何時招手一歸來鶴  
駕飄飄度雲海

遠招十五疊

按察陳君亮之沈命嶺南年纔不惑璘忝知心傷其旅歿  
乃作遠招十五疊歌之靈筵幽明不遠庶見悃悞云爾

歲云暮矣風蕭蕭索居遠想心無聊旅魂歸來江水迢撫膺

泣血歌遠招歌始倡兮天地愁英靈秀骨當王侯二十操觚  
見天子三十馳名蓋九州四十金章方燿燿長松忽萎天南  
頭著龜無靈相失驗古來賢遠爲神仇魂兮莫嗟當自尤  
歌再疊兮憶疇昔川岳含精孕雙璧太邱之名風雅宗元方  
季方俱籍籍盲颺震蕩滄溟翻棊蓐凋傷鶴鶴雙愁生閭里  
慘無光閉戶哀號失朝夕魂兮飄飄粵天碧

歌三疊兮思舊恩明公遇我如弟昆三年驅雞走下邑手挈  
鷲劣還君門風塵折腰半失墜如我在杳何宜存誓填溝壑  
無死所地軸倒陷摧崑崙仰天痛絕聲長吞

歌四疊兮憶將離孤舟理楫江之涓臨觴醉語共被宿滿口  
王事捐中私壯年分攜各慷慨詎意永隔存亡歧魂兮遣我

甲六

十二

金陵叢書  
蔣氏校印

長相思

歌五疊兮去路長嶺南迢遞通炎荒窮崖少人嵐氣惡草間  
跳蝮如龍驤不見漢時征戰苦極諫乃有淮南王聖朝職貢  
化平土君何爲乎獨罹殃魂兮慎勿留其鄉

歌六疊兮歸路遠水懼波濤陸愁坂山魘木魅鬪生瘴林薄  
陰幽竄狐鼯公有陰功載金錄煒燁神光燭諸蠹皇都旂旒  
飄雲霞寶幢玉節開行轅魂兮亟歸莫遲晚

歌七疊兮氣難平天心倒錯無權衡八荒納恣羣動祿壽  
乃與高才爭萬金瑤玖易缺折礦石匝地頑然生布衣白髮  
騎款段何用鄉里稱賢明魂兮謬致生前名

歌八疊兮心欲絕野哭江頭淚雙血關枯蕙死薦筵空衰艸



酸風燭明滅空冥精爽獨歸來涼冽平凝萬山雪冰澆水飲  
御清虛回厭南中毒炎熱魂兮歸來皎而澈

歌九疊兮君有家桂相蘭榜芳且華圖書充筵賓客美豆邊  
員方肴核佳願君亟歸棲故處鬼神呵護無龍蛇魂兮歸來  
樂無涯

歌十疊兮君有親胸蟠藻繡含真瀟七十狂歌顏美好祿米  
頓減憂其貧願君亟歸在左右庇護杖履延長春玉山有禾  
瑤水液何爲默致資元神魂兮歸來孝且仁

十一疊兮君有兄儒林騰踏揚鴻名三千文學滿鄒魯拱立  
階下觀儀型願君亟歸相出入纍纍百福資和平魂兮廣來  
友愛成

甲六

十三

金陵叢書  
蔣氏校印

十二疊兮悼君婦今年婦居去年娶迢迢萬里好將歸故山  
年年哭君墓知君身後百不憂關里清風被裙布魂兮歸來  
慰朝暮

十三疊兮悼君子總角莞莞尙兒齒眉稜削玉骨插犀一匹  
龍駒躍秋水冥漠知君愛不殊祛除災難通文史魂兮歸來  
歆世祀

十四疊兮傷同心早年種樹晚思陰誓輸筋力康濟畢懸車  
息馬還中林柴荆不遠數來往兒孫更抱開長襟虞淵白日  
忽捨去使我無意於冠簪魂兮託夢時相尋

十五疊兮歌已終聲微淚盡心難窮九原鍾逢不可作高山  
流水悲枯桐英雄去矣餘浩氣萬古潺湲江漢東魂兮爲我

流長風

挂劍圖

延陵公子有道者義氣千秋動華夏去時寶劍心許君死後  
仍來懸墓下白日青天一片心豈因生死惜千金寄言反覆  
輕薄子三步腹痛休哀吟

秋浦歌贈觀察汪德聲

高堂誰張秋浦圖秋浦佳麗天下無長江西來一迴薄齊山  
秀結真蓬壺千峰夾水遞隱見峯削蓮花水明練巨靈鬼斧  
力雕搜羽山翠蓋長游衍山山時見白猿行樹樹倒挂朱花  
明疑從瀑布觀廬阜似拂霞標過赤城敬亭銅陵相對起玄  
暉太白多稱美地靈必有傑人生於今特出汪夫子汪夫子

甲六

十四

金陵叢書  
蔣氏校印

非等間眉宇朗朗行玉山多冠中外二十載繡衣鐵斧誅讒  
姦天子書名御榻上轉眼黃樞拜卿相勳業爭期郭令公田  
園晚憶陶元亮我今歸去弄煙霞秋浦相望一水除何日共  
君蒼玉峽提攜日月煉精華

息園存彙詩七 七言古

醉歌贈別劉希尹

江湖之情廊廟器歷城劉郎無乃是高雲塌翼墮泥塗青衫  
來醉金陵市金陵市上少人知擊筑正遇高漸離十年閉戶  
淮水畔雄劍繡澀長低眉喜君下馬握君手但說家饒步兵  
酒眼前肝膽向誰傾身後功名果何有龍蟠虎踞古名都走  
馬背槍多壯夫陳篇爛簡不足數英雄快意無時無新亭灑  
淚河山愁北山移文林澗羞謝公坦蕩稱達者美人一去空  
江流君昔提衡當吏曹龍門拔地吹波濤一朝謫宦歸江海

甲六

金陵叢書  
顧氏校印

雀羅挂戶生蓬蒿此去朝元謁金殿世情冷煖應自見翻身  
臺閣雖等閑著足林壑須輕健泰山巍巍五嶽尊上有日觀  
通天門與君共坐東巖下靜玩桑田海水翻

贈劉欽執

劉君十五攻文章胸次隱隱含星芒射策甲科屢摧挫上書  
太學空昂藏落魄塵埃少相識日抱陰符事黃石嚴生賣卜  
不論錢匡子傳經徒擊壁生平顧我長開顏相思來過天台  
山入門正值新酒熱爛醉共話煙雲間夜長風狂銀燭冷雪  
花灑面衣爛斑勸君且莫求神仙武陵桃花迷歲年勸君且  
莫學劍術五侯驕貴輕才賢詩書滿腹不餓死古來豪傑盡  
如此君不見商王圖畫求宰臣直是窮巖版築人

送陳子魚往響溪訪劉南坦

故人歸耕響溪上白日閉門無客往扁舟乘興吳門來一片  
高情落煙漿越王臺西春雨深震澤波濤方決滂楊花幾時  
飛已空碧草青蒲抱隄長艸堂相逢將奈何但云酒熟來經  
過傾壺一醉便歸去莫問門前張雀羅不見劉君幽恨積恐  
君附書報衷臆人生強壯豈長得何用驅車逐南北  
周別駕宅看花

周侯方庭大如案四叙種花香不斷日高散衙一無事手汲  
清池自澆灌鮮英的皪赤瑛珠密萼紛披紫絲幔芳根異種  
多難識粉蝶黃蜂暗相喚西隣迂叟饒閑情叩戶時來索花  
看一來一醉酒千鍾月伴依稀費多半君侯莫厭頻來過人

甲六

金陵叢書  
顧氏校印

生樂少憂患多與君聚散同落葉不醉花前將奈何  
平甯藩後上喬司馬

太行西橫天下脊降神昭代生喬公突如太嶽起中域培塿  
瑣細安能同又如巨壑動千頃澄鑑品類含光融今之留都  
古豐鎬九廟翼翼崇玄宮周南節鉞帝所授文武綽略雄江  
東羊祜綏懷亘千里蕭何填撫熙羣工石城鍾阜倍生色龍  
虎吐氣長葱蔥去年劉潺逞凶獷烏合羣盜持刀弓出門北  
望色沮喪鬪艘已屬提攜中亞夫高臥足不動兵符飛羽須  
與通上游屹張犄角勢諸道競奮勸王功舳艫百艘竟崩潰  
烈焰一舉鯨波紅我皇英年孝且武金戈鐵甲臨元戎喬公  
泣血叩馬首小醜詎足勞皇躬獻俘受馘大禮畢跪捧翠華



迴六龍三軍凱還伐金鼓聲動海宇連穹窿明堂奏頌朝貢  
入解澤下沛蘇疲癯勒功且立會稽石鑄鼎直盡荆山銅靈  
臺功臣誰第一國論共聞歸發蹤侯王圭壁行照耀山河帶  
曠何終窮璘也都門老賓客十年江海嗟飄蓬喜聞鄉國再  
安堵遙逐父老歌清風但願天子壽考億萬歲置公左右開  
宸聰芻蕘之言無少蒙永絕前日憂忡忡  
己巳十二月十四日夜雷  
歲暮月望夜云午南山殷雷夾鳴雨蟄蟲驚詫雞走藏青帝  
玄冥果誰主巫咸上天瞽吏亡空臺無人識妖祥披衣起坐  
殘燭下一夜不眠愁思長

寄高州太守陳洪載

甲六

三

金陵叢書  
蔣氏校印

雪霽寒雁高登樓見明月故人在南海幽思坐飛越憶昔南  
宮羅罽賓感君遇我最相親解襪悞承王子重推金偏念管  
生貧青春縱酒長干道白日行歌淮水濱高涼迢遞別經年  
美政紛紛過客傳海畔明珠還夜浦花間馴雉滿春田平生  
萬卷不虛用坐見古人歸席前男兒立身貴磊落安得瑟縮  
推誰先爲報田郎近爲郡可無書札問湘川  
送陳漳州宗禹  
九龍山前春艸生麥苗覆蠶雌雉鳴使君五馬齊雪色錦韉  
左右垂朱纓玄髮清揚負才局兩都豪士傾心腹山人聞君  
佩印來兩兩賣劍牽黃犢炎海風清不起波滿城明月照絃  
歌想應露冕經行處把酒題詩奈樂何

送劉養和入臺

四月江南路積雨開新晴省郎躍驄馬健作青雲行看君皎  
皎揚英委迴山倒海自有時匣中龍劍皎如雪那肯繡澁空  
藏爲玳筵酒盡雙金樽仰天烈氣不可吞男兒奮臂報知己  
豈願一飲哀王孫

李少參宅林良花鳥圖

寫生之家不易得崔白以後稱黃筌國朝林良亦神妙意會  
物象皆天然何年畫此雙孔雀尾上金錢尤燦燦疑從五嶺  
翻然來飛入君家翠綉幕鳳鳥瑣屑未辨名鳧鷖燕雀各有  
情白晝如喧杜陵宅青春忽近長安城攀條啄粒相頡頏時  
和自見萬物昌新浦淺水雲淡淡落花飛絮風茫茫高堂展

甲六

四

金陵叢書  
蔣氏校印

圖感我私却憶先皇臨御時朝廷無事友朋樂日聽春鳥吟  
劣辭一從羣盜亂中土萬姓倉皇執金鼓東村西落少人家  
燕子那尋舊門戶虬髯將軍才且武一洗羣盜無死所見畫  
還思熙皞時題詩却訴流離苦春來百物倘如舊勸君有錢  
多釀酒

題柯行人所藏秋水織鱗圖

伊誰掇取瀟湘水鋪向長緣光瀾灩碧牽文藻舞風柔黃落  
衰荷抱霜死中添淡墨爲羣魚魴鱖瑣細各自殊纖毫尾畫  
空明見萬里江湖氣勢舒姑蘇野老困奔走震澤扁舟落誰  
手展圖漠漠雲水生便欲垂鉤挂魚口君失此圖何許年完  
璧再返非徒然請君袖取入京國天邊時一賞林泉



安平鎮

安平鎮前石岸高飛騰夾水壓巨蒸千門碧柳起春色安居  
豈知排難勞昔日孝皇君萬方河水忽決黃陵岡洪濤蕩汨  
失齊魯神禹不降蛟龍狂此地崩頽運道改巨舸連翩落東  
海下民昏墊軫堯心朝廷經濟需元宰司徒劉公社稷臣一  
心報國據精神胼胝身任四載苦版鐫淚墮千夫貧沈船墜  
掃黃泉下鐵石如山不論價五丁叱咤驅風雷功成遂絕奔  
湍瀉宣防竹榭何足多野哭一夜回謳歌司徒哀痛轉謙抑  
中官武將碑塋嶷碑嵯峨廟赫奕廟中牲牢今絡繹嗚呼誰  
人獨慚色

送沐將軍兄弟歸漢二首

甲六

五

金陵叢書  
蔣氏校印

將軍白哲美青年漢南世世操兵權君王重是攀龍裔推轂  
親呼玉案前搖旌擊鼓歸荒服駐鉞張油向宗國五鼎陳牲  
入舊祠萬燭迎鸞出華屋城頭日出征馬鳴五侯供帳花連  
營紫衣官妓呈瑤瑟錦帶家奴抱玉瓶曲罷揚鞭凌遠道萬  
里長風動秋草土吏椎牛勞後車山氓驅象迎前纛諸藩叩  
地當行軒世世樂受君家恩古來卻毅稱儒將誰似風流在  
一門

樓船倚江揚大旗迴風簸日光離離百夫轉柁櫓如翼千里  
只作終朝期金吾將軍年絕少牙弩射潮間調笑釀酒金陵  
王濬城焚香赤壁周瑜廟愛君文雅真特奇大兄金印鎮西  
夷府中寶券山河誓闔外丹心草木知君到漢南春物美鶴

鶴飛處棠花紫未開姜被說家園先降韓壇問天子青萍切  
玉能成灰奔塵絕電須龍媒上將用才多爲國他年看薦謝  
玄來

宗伯毛公宅畫菜

貴家金屏寫生者競取纖穠鬪高下獨憐意匠非世情戲點  
嘉蔬氣瀟灑琅玕作葉瑤瑤根筆底畦徑移西園菁華荏苒  
過雨濕紫翠歷亂凌風翻黃花丹縷各未吐胡蝶蜜蜂俱已  
喧南宮宰相白玉堂挂之素壁生清涼誰爲灌溉劇抱甕我  
欲采擷盈傾筐豈無犀盤象筋大官肉肥腴不快冰雪腸對  
此薄飯每易飽疏簾欹枕青春長齷齪之味安能忘嗚呼齷  
齷之味安能忘

甲六

六

金陵叢書  
蔣氏校印

碧雲寺

山中樓臺一何麗路人告是碧雲寺入門莫問造者誰建寺  
以來初見此黃金爲中門白玉爲四牆檀心及桂枝斲作棟  
與梁班僂督工墨顛倒窮肺腸但令偉麗後莫比不用局束  
循王章主人退思坐中堂精神動天天爲忙山靈擊洞石開  
裂海若驅水龍彷徨眼中諸寺失顏色可憐草木俱輝光吁  
嗟爾山何幸哉昔聞磽确彌蒿萊牛眠應兆亦偶爾綺繡雜  
沓從天來爾才見列侯金印何纍纍城隍百雉聖所裁又不  
見閭閻流冗多餓死溝溪白骨無人埋攬衣上馬不忍顧臨  
風長歎令心哀  
沈生來天台示予董子繁露



沈君布衣人藏書滿千卷開口談黃虞何心恥貧賤我生與  
世多乖張交誼向君偏繾綣九月山城桂花白塵飛那齋無  
過客蹇躓箬帽雲中來忽若炎天墮松雪解囊乍讀繁露書  
舉觴新薦望湖魚生逢奇事即快意何必歌舞爲歡娛我亦  
未得樂君亦不肯留仰視天台路坐負桃源遊會須共釣石  
湖去莫遺歲月空悠悠

哭馬原思

斯人不可見荒臺空暮雲素琴漫發子牙指狂書豈及羊欣  
裙騎鯨上天歸玉堂後來英俊日淒涼空餘故宅高槐在清  
陰滿院斷人腸

寄題俞每用分綠軒

甲六

七

金陵叢書  
蔣氏校印

江南五月百草長芭蕉繞簷十尺強疏樞曲檻靜相映坐覺  
幽綠生虛堂波文隱約微風動紅塵不到蒼雲重榴花照眼  
徒爲繁葵枝子子將何用太湖靈石高突兀此外惟須數竿  
竹名園廣宅非君心一詠一觴殊脫俗我欲入軒分半主獨  
恨終年走塵土郡齋乘燭爲君吟蕭蕭一夜聞秋雨

送京兆聞君移順天

巍巍京兆古所雄民之父母稱聞公昔傳趙張不易得今見  
德政將無同去年饑饉多流亡溝壑白骨寒秋霜今年甘雨  
起枯槁禾穗滿田如帚長南車北駕情悠悠風吹甘棠馴雉  
愁寇恂河內竟難借汲黯淮陽誰見留折楊枝挿江路楊枝  
他年作高樹萬歲千秋憶我公香火常來乞晴雨

題王元章梅花和韻

墨池五夜飛玄霜素靈幻出梅花芳草堂忽爾見春色氣序  
不得由句芒空山慘澹層崖裂千枝萬枝綴瓊雪水晶屏風  
疏影寒舉頭却見黃昏月江笛橫飄黃鶴韻遷人莫報長沙  
信欲取寒芳寄遠書轉愁旅思催蓬鬢簾外清香撲酒缸千  
金莫惜日飛觴解道明珠交玉體風流獨羨陳思王狐裘蒙  
茸不知冷醉臥花前不須醒夢來直上羅浮顛占却梅林千  
萬頃

題唐子畏山水圖

赤城霞氣連東海九疑綿綿舜陵在曾遊兩地縱奇觀疊嶂  
填胸何礪磈洞庭波濤拍雲天吳江長橋絕可憐扁舟夜攜

甲六

八

金陵叢書  
蔣氏校印

二子高歌月下招靈仙歸來艸堂老無力山水迢遙苦難  
得蘇臺居士好畫手一幅盡寫蒼茫色林壑高深氣杳冥空  
潭颯颯水風生開簾對此坐清畫彷彿邀予萬里行

題王元章梅竹卷次祝鳴和

畫家妙品古亦稀高人每號無聲詩淺夫拈筆率信意豈解  
盤薄凝深思聊希形似即滿意難與神化論等差子喬老仙  
煙霞骨剛出心肝洗塵俗身化西湖一樹冰氣吞湘岸千竿  
玉映綠姿態關纖穠轉手枝柯分直曲空山自喜野人同歲  
寒敢謂吾曹獨補之墨梅稱絕倫與可寫竹恒逼真今之畫  
圖兼二妙始信苦學能通神艸堂六月氣淒爽彷彿坐我清  
江濱白頭豈知老將至對爾真足忘冬春憶昨青陽迴綠艸

橫斜桃李長安道一夜飄風歷亂生可憐花葉紛顛倒塵世  
繁華有盛衰朱門一閉無人掃與君開卷玩高標絕勝對客  
談虛藻

賦煮茶圖

朱門酒肉如山海沈涵徒云性靈改松關冥坐眞天人朗如  
玉樹生華采淵阿霽雪新泉清風吹石鼎茶煙橫悠悠對語  
白日晚俯聽高井蒼蠅聲

秦翁

江南賊來萬室驚太守倉卒呼鄉兵翁持黃金募壯士長及  
短劍如堅城猛勢憑陵賊遠徙眾欲論功報天子老翁掉頭  
不相顧獨弄魚竿下煙水君不見古時魯仲連一書飛矢聊

印六

九

金陵叢書  
蔣氏校印

城全功成卻賞蹈東海慷慨長爲人所憐翁今持此廉退節  
何慚青史共稱賢

鄒平王畫竹爲羅子文賦

寫竹貴神不貴色畫竹俗筆難爲力古來能事自天成蕭郎  
文老何由得國朝作者夏奉常祇今僅見鄒平王金殿畫間  
一揮灑遂令縑素移瀟湘兗州太守得眞蹟草堂白日寒雲  
積風葉當軒簌簌鳴霜柯倚座森森碧清泉怪石映帶成即  
恐春筍驚雷生炎天對坐毛骨爽便欲掉臂林中行嗚呼絕  
藝不可遇千金競買珊瑚樹君不見寒士蕭條土木形遮道  
時逢貴人怒  
送劉方伯赴河南

梁宋繁華古無比凋殘近自丙寅始私門剖刻盡錙銖羣盜  
誅屠及妻子我分虎竹當亂離膏肓之疾安可爲公爲方岳  
會昌運撥亂扶傷又一時春風病草回青未一望傷心墮清  
淚

同祝鳴和賦長歌贈方思道

詩人雅尙惟林麓脫略功名輕汗竹有時大隱入金門暫視  
浮雲立幽獨棠陵山人少工詩風雲萬變含精思東南名勝  
不可數悉化肺腑生神奇狂游狹小四百寺醉醒只在西湖  
裏瀾翻筆勢雄萬人觀者如牆盡稱美昨宵醉後抱膝歌倦  
詞怪語何其多旌旗繽紛躍天馬鐘鼓颯沓騰江鼉看君工  
詩已成癖把筆千言不須迫恥裁舊體駕曹劉直舒豪氣吞

印六

十

金陵叢書  
蔣氏校印

元白橫絕四海如冥鴻伯勞飛燕徒西東今年秦岳登日觀  
巨篇失却東蒙峰歸來過杭留小草頓覺風花動流藻吾衰  
愧乏倚馬能歔血破研長枯稿

送潘方伯歸衛水

桂酒蘭舟湖水傍西潮六月似探湯眾賓赤汗灑成兩羨君  
道服南薰涼高歌返權日將暮青山倒映浮雲黃荷花絕勝  
美人面勸客留連各盡觴白璧青蠅豈堪數富貴如何道傍  
土君不見二疏脫略東門歸赫奕高名照千古

紅拂圖

紅拂蕭蕭紫鱗尾夜半蒙羞見君子佳人絕代失相知越國  
龍豪一何鄙天造草昧兮臣擇君幽憤結退兮女求士卷衣



杖策趨軍門末路英雄儻如此關心天矯含風雲莫歌行露  
嘲文君

賦芙蓉小畫送羅汝文赴鎮遠

錢塘十月交清霜落江水夫容蘸澄波顏色勝桃李可憐桃  
李三月花紅雲碧霧競繁華亦知霜霰饒寒苦素心所好何  
吝嗟君今五十已有餘南鷺猶乘郡守車強賦幽花贈君別  
臨觴三難意踟躕

送歷下陳生因東華泉子

齊城七十何彬彬國風濶達多才人田橫海島五百士孟嘗  
門下三千賓當年義氣振四海至今作者猶殊倫陳生遇我  
燕臺下鴻翔鳳舉驚青春迴鞭走馬復東去落花飛絮悲行

甲六

十一

金陵叢書  
蔣氏校印

塵我欲因之向歷下華峰一訪平生親笑騎天門雙紫麟周  
攬豪傑同遠巡上朝玉帝秦嶽頂下見羣仙滄海濱丹砂入  
口生羽翼呼吸日月存元神惜哉此志未易遂送君竝立空  
露巾

京師三月謝張愈光惠料絲燈

客從滇南來京師遺我采燈光陸離伊誰鬼物欸作此玉樓  
細滑明玻璃瓊媧皇煉石結靈液織女攜錦盤文絲蒼龍拔  
髯老蛟泣畢獻技巧爭神奇空齋秉燭試張設五色炫爛驚  
妖魘東方月出相映射還似鰲禁元宵時便呼斗酒縱春興  
忘却江南歸已遲丁甯篋笥好珍襲明年相對還相思  
贈錢實夫

君不見蒼龍鬣風雷未遇藏深池又不見丹鳳毛失路慘淡  
依蓬蒿乘雲忽起沛霖雨向日長鳴冲紫霄錢君磊落方少  
年立地可以升青天高堂白髮須斗祿賢宮墨檄來翩翩世  
人相見莫漫憐寶劍腰下懸秋蓮丈夫勳業在反掌應侯蔡  
澤非徒然

沈金吾東麓

鍾陵之山天下無東麓佳麗傾南都五雲宮闕抱龍虎萬井  
煙花張畫圖金吾將軍連梓里甲第高起臨方壺錦觴醉月  
調鸚鵡玉硯吟春教鳳雛日領皇恩承雨露時餘飛夢繞江  
湖

送南豐曹明府

甲六

十二

金陵叢書  
蔣氏校印

曹侯若孤鳳不與羣雞同揮毫振風雅岸幘輕王公見余燕  
京市把袂披心胸放歌登樓飲擊筑意氣雄新持縣印南豐  
裏墨綬翩翩映秋水鸞刀瑩雪初發剛得君亂絲爲君理西  
江赤子羅網羅頻年婦女持干戈願施單父彈琴手聽取廉  
公五袴歌

贈謝少南

江左才華紛秩秩中間小謝最清出逢人咳唾吐雲霞况復  
填胸富經術今年攀桂登南宮大鵬擊水乘天風瑤瑛聲價  
吹嘘裏鐘鼎功名指顧中東橋野叟病且老每望長安絕西  
笑致君堯舜在英年殷勤送子龍江道  
贈許仲胎春試

淮河冰壯不可涉徐方走馬蹄凍裂念子苦寒當北征到京  
恰換陽春月南宮柳絲搖綠煙曲江杏花紅欲然三三五五  
少年侶半醉題名雁塔邊

雲泉歌

蒼厓積鐵蒼雲鮮中有百丈之飛泉銀河西傾鵲橋斷玉龍  
下挂天梯連仙人愛向山中住日玩雲泉不知去清涼一濯  
毛骨寒紅塵飛來無著處

許彥明白蓮詩卷沈石田畫金赤松題

珍圃白蓮何皎然盈繚風露臨秋鮮丹青豈同俗匠伍貞素  
獨與幽情便瑤瑤滿池琢不碎翠葉兩重欹仍顛盛開欲落  
比雲散乍疏復密如星聯何不放筆鋪十頃中間蕩漾吳姬

申六

十二

金陵叢書  
蔣氏校印

船嬌歌豔曲互酬答冰肌玉面矜嬋娟風流領袖白石田好  
事遺之歸攝泉赤松郭倡復絕世後來和者難爲前我欲西  
湖招勝侶金尊美酒斗十千林逋宅前放舟去六橋曲曲相  
迴旋古人今人盡如此安得壽命金石堅人間富貴草頭露  
不須錦瑟調朱絃與君雪藕擘蓮子共唱新詩湖上眠

題楊司徒古松障子

昨從山中還草堂入門雲霧迷日光問之驚怪胡致此司徒  
畫障懸東牆幾林古樹形突兀老龍怒立當我屋泰山東巖  
五大夫參天氣勢無卷曲雪柯霜幹當夏清耳邊謾謾風濤  
聲儼然邱壑在左右始信妙畫通神明司徒應詔天上來捲  
簾清畫坐高齋不須把玩山林趣正爾相資梁棟材

夜飲西麓道院得秋字

天壇露下叢梧秋故人置酒消我憂清歡不知白日晚明月  
忽照城西樓道人橫笛試一叫寒龍水底聲啾啾何不高張  
二十五瑤柱邀取湘妃弄月游

題羅侍御所藏周必都古松障

昔年我登柱史堂古松畫障何昂藏樛枝崢嶸豸角勁霜皮  
錯落龍鱗蒼不知墨幹凡幾尺氣勢直欲凌雲長移牀盤桓  
坐其下六月不熱迴清涼畢宏韋偃骨已朽乃有周老傳芬  
芳祇疑畫手太奇崛人間無此真棟梁昨經南湘湘水曲夾  
道萬株俱突兀根老居人忘歲年陰深過客逃炎煥郡齋正  
當蒼翠中三歲捲簾看不足鶴鶴秋棲不敢定猿揉夜度愁

甲六

金陵叢書  
蔣氏校印

還哭有時枕書相對眠宛在君家畫圖宿君今作牧向東魯  
泰山大夫更奇古我詩恐未盡君意請君自作喬松譜



息園存案詩八五言律

山中晚興二首

古原淨夕照灌木轉晴風人影莓苔上雞聲竹樹中炊煙通

翠腹積黍驗年豐長吏無苛政農家樂事同

野曠少人煙雲霞起暮天飲牛臨古澗射雉出平田林屋松

然火山驛穀算錢班荆有遺老高論上皇前

秋居雜詩六首

披襟臨莽蒼覽物玩芳華庭雨清風滿琴尊逸興除梁空歸

社燕林煖綴秋花卻歎居年久西飛白日斜

甲六

金陵叢書  
蔣氏校印

翠篠繁三徑金鷗肅九秋蛩聲依廢井雁序落平洲竹籬寒

浮水嵐光曉近樓蹇予幽興遠蹤跡轉淹留

自謂浮生晚何嗟末路新驅車登古道歛衽向時人夢覺求

衣早愁深攬鏡頻永言周道盛誰見泣祥麟

冉冉舊林泉風光滿四筵鳥啼連樹響魚戲點波圓方域文

明畫郊圻大有年聊歌擊壤曲共和慶雲篇

病怯林塘爽園扉盡日封寒聲連蟋蟀秋色罷芙蓉土木形

偏野雲霞思頗濃茅齋殊不惡窗戶引羣峰

落景掩衡門虛簷蠶亂喧天空涼露早月淡小星繁簾見闌

膏燭庭醲桂醕尊悠然歌古調何厭處山樊

送高介夫入京

歲令初迴斗河流已過冰風煙春岸草兒女夜船燈驛路綠

雲上離心對月增憑君語朋舊多病苦蹇騰

送鄭信卿春試

元正初吉日游子北征時馬色經山疾鶯聲過水遲忍能江

上別如與杏花期何處袍堪染南宮柳萬絲

秋興和金大仁甫二首

物候催巢燕秋聲報野蟬樹深全隱屋池小恰迴船白鳥梳

晴羽丹楡綴古錢故園栖遁樂留語記茲年

葵老初辭蝶槐疏不翳蟬臥涼收簾竹飲滅怯航船自蠟登

山展長除對菊錢浮生最難得邱壑度豐年

客舍聞李侍御師文至未獲晤對悵然有懷

甲六

金陵叢書  
蔣氏校印

乘驄來日下紫梗及春邊擬得論心喜猶遲見面綠夢魂懸

此夕容髮憶當年迢遞嚴城隔燈花望不圓

鳧塘

瀾瀾平塘水寒鳧靜自羣日斜雙影下沙遠數聲聞菰米漂

香雪夫容護錦雲主人機事息長對閱朝曛

經鍾山

鹿飲紅泉細猿啼翠壁重仙雲凝舜冢王氣拂秦松地接金

椎道山藏玉檢封鼎湖長在望何處仰宸容

送趙生

白馬飾朱幘迴鞭駐華門國風吳季札家世趙平原鬪飲投

壺捷停歌說劍喧歸途多綠艸默默望王孫

弔程公子

書劍早從軍南征誓策勳弓刀爭白日圖畫失青雲地迴魂

長往天高語不聞英雄長扼腕揮淚灑孤墳

送陳斷事

官轍紅塵畔時名白髮前星移驃騎幕江動孝廉船祖席橙

分蟹離亭樹罷蟬秋風將別思天外兩淒然

觀音閣望江

塵服乍辭鞍花臺共倚闌林端憑樹短閣上見江寬地拔千

尋險山藏四月寒東流爲誰逝終日浩漫漫

卜居

爲愛紅塵遠何嗟白屋貧琴書唯舊物花竹有新鄰偃仰堪

甲六

三

金陵遺書  
蔣氏校印

吾寄蕭條免咨嘆攜壺顏巷口半是問奇人

秋葵小畫

慘淡生銷色秋花擢露森黃勻塗粉額赤抱向陽心節序誰

云暮風霜爾獨禁草堂披拂處默坐寄情深

贈李副使獻吉江西觀學

翰軒分羽節高義豈爲榮南省文儒化中朝國士名嵩雲兼

雨動楚月出江明莫道風塵暗君行自有情

贈侯員外入秦册封

皇澤開新國文星出上都河流經兩漲山館帶雲孤下榻淹

高駕開襟接壯圖炎天正煩鬱何幸對冰壺

寄潘侍御宗節

兵甲縱橫地音書久不來豺狼當道吼鴻雁向人哀奔走成

何事沈淪惜異才團山南望迤千里漫黃埃

祭敬甫墓下淒然作

故國秋風至高墳宿艸生獨修蘋藻薦何限死生情水淨孤

潭影風流宰樹聲重臨石苔路空憶舊經行

八月十三夜與文濟時範質甫城西泛舟達秦淮三首

落日清川裏輕風已自涼秋懷生白舫山翠撲胡牀問路疑

天上停杯待月光何人橫鐵笛吹過斗牛傍

六代煙華地狂歌得夜遊山河橫王氣水月弄清秋木落長

干寺雲殘太白樓共君須痛飲沈醉傍滄洲

浩蕩平橋飲留連落月西衣冠洛陽社風物武陵溪遠泛移

甲六

四

金陵遺書  
蔣氏校印

龍窟高吟振鳥樓不知今夜景能使幾人迷

贈張徵伯送東歸以贈未

俊逸張平子才名動地傳文章仗大雅騰踏正華年未射金

屏雀仍還雪夜船離尊不相送愁夢隔江煙

吳都臺東湖書屋八首

夢想嘉魚里東湖有釣磯遙開精舍勝似向故園歸禮樂攤

黃卷亭臺坐翠微曾經遊息地草木自光輝

水匯蒼梧郭天開綠野堂雲山秋滴翠冰井夏生涼藥滿尋

詩徑花垂點易牀少須康濟罷散髮任徜徉

滿目溥灘水涵虛淨客心塵埃飛不到絃誦有餘音坐傍梅

根瘦行臨竹塢深湖頭見鳴隊來往自浮沈



拂座松枝古墳門石壁青聊垂馬融帳獨坐子雲亭問字諸  
方集談經弟子聽人傳南斗畔光采應文星  
五嶺精靈聚當朝更曲江大名千古敵直節萬夫降化俗身  
爲度攜文筆似扛如聞鄒魯教今日在南邦  
曲曲開幽徑迢迢接故邱蒼雲深洞壑白露滿梧楸我老詩  
篇廢蘋香祀事修慈烏千萬个啼斷北林秋  
山林元自僻棲息易爲安鄴架書千卷嚴灘釣一竿桃柳披  
露重蒨荔挂雲寒門外無車馬時時岸鷓冠  
市遠絕無諱身間樂更賒靜中全道氣物外送年華避暑探  
孤洞尋春聚百花高歌紫芝曲餘響落青霞  
崔司成後渠精舍八首

四六

五

金陵叢書  
蔣氏校印

汨汨寒渠水迢迢落太行震雷崩斷石懸溜別清漳灌注分  
林麓栖遲得艸堂頗傳崔子玉新有浣花莊  
清渠橫舍後碧色動城隅寒掠垂簷暮光搖插架書斜風飄  
白鳥落日倚紅蕖渺渺江湖興投竿豈羨魚  
司城捐佩日歸去濯清流雲水傳青眼雞豚共白頭雨添雙  
權興花動四隣遊欲看西山色林間更起樓  
幽栖臨水瀨野興洽春郊帖石成魚笱分泥上燕巢琴尊宜  
暇日農圃得新交已識玄仍白無勞客獻嘲  
聞道銅臺下鷓鴣舊有陂新渠自誰鑿春水亦漣漪枕席心  
愈靜園林物自私相望淇澳近移種竹千枝  
開園非洛下抱膝且隆中出處關吾道文章有至公祗今瞻

嶽立誰與歎途窮一息圖南翻仍搏九萬風  
學士還書屋銀魚向壁懸王通才不小劉向論何偏抱甕開  
蔬圃披裘弄釣船那知升斗水中隱蟄龍眠  
小築家林接幽尋野興通兩麻翻徑綠風棗墮塔紅地僻衣  
冠懶心間著述工渠頭秋水至東望意無窮  
贈何司空子元  
白日難迴照丹心盡此生司空官豈左集議禮多名國是歸  
牽引皇衷自聖明玉階霑泣日眞見老臣情  
贈徐堂  
小阮龍駒子長途拂劍歸毘陵三尺雪寒滿黑貂衣骨肉行  
蹤散風塵客髮稀平原招不起豪士竟誰依

甲六

六

金陵叢書  
蔣氏校印

哭李師文憲副二首  
激烈先朝疏沈淪積歲年初聞登憲副倏爾掩黃泉伯道終  
無子馮唐豈乏賢彼蒼尤忌刻那望世人憐  
誰奪千金璧俄崩萬丈松羈魂逢鷓鴣鳥直氣化蛟龍吏道循  
良傳人倫孝友容長號呼不起淚滿若堂封  
哭景伯時中允  
中允璠璣器臨年失廟廊江山空爾秀科第竟誰光志屈經  
綸略名蜚翰墨場石渠劉向隕徒使漢庭傷  
寄顏唯喬  
顛賴淮陽別歸田近若何應知閉戶後祇是註書多龍去逃  
江海鴻飛挂網羅雪深僵臥夜縣令莫相過

贈別劉元瑞還寄茗溪四首

出處意誰測去家今幾年  
病辭烏府節歸泛太湖船  
琴鶴居何定尊鱸味獨偏  
長歌自南下不問買山錢

仗鉞臨雄鎮輸忠翊大廷  
紫霄搏鸞隼白日走雷霆  
即擬參元化何因賦獨醒  
風塵開望眼歷歷太行青

不築江東宅仍尋茗上廬  
乾坤俱傳舍邱壑且樵漁  
托跡龐公隱陶情逸少書  
終泥紫金鼎安坐講玄虛

郊居塵事息嗒爾寄禪房  
茱甲供晨夕松林傍雪霜  
客來幽興起官罷病身強  
頗笑陶彭澤醜醜混道場

寺宿再別元瑞四首

寺閣懸燈宿幽期記昔年  
風煙幾分手湖海各迴船  
疏廣辭

日六

七

金陵叢書  
蔣氏校印

官切嵇康習性偏相逢多  
貰酒囊罄莫論錢

余病隱吳市君歸辭漢廷  
鶴棲宜獨樹龍臥惡驚霆  
江月維舟久風泉喚酒醒  
南山多舊意相贈十松青

世業劉公幹仙才漢子房  
翻身下霄漢礪齒漱冰霜  
閉戶詩書遠還山步履強  
時應振餘韻爛漫壓詞場

赫赫中丞貴歸與一草廬  
委心同野馬垂釣即溪魚  
節映冰壺立名遭汗竹書  
平生行己意披壑對青虛

東園分韻

竹塢紅亭隱松巖碧磴懸  
雲光浮蟻爵秋律應鷗絃  
緩坐延明月高吟對暮天  
不因開洞府何以狎羣仙

兩再游

細雨秋塵淨林亭異昔觀  
清遊吾屢得密坐客齊歡  
草樹春無盡池塘暮轉寒  
殷勤嚴桂色已謝兩迴看  
飲振之館限韻

高館臨槐陌清筵引桂觴  
淮南秋望迥江左故歡長  
氣色瓊枝映詞華翰墨香  
只應今夕會星聚比陳鄉

寄吳縣楊尹

滿目循良事實侯即古人  
彈琴變民俗飛鳥離風塵  
棠樹千家頌桃花百歲春  
枳棲難久滯天上待持鈞

寄沐參將棧

異姓王孫貴偏裨將帥雄  
威行蠻部落名並古元戎  
緩帶辭兵印長歌綴國風  
不須傷惹茂天聽自多聰

申六

八

金陵叢書  
蔣氏校印

喜鄭老至

鄭老交親久新詩近見多  
好奇遊秦嶽為客傍黃河  
故里餘松菊幽尋更蒨蘿  
養痾茆屋下愛爾此經過

寄水南田勤甫

耿耿緜袍贈頻經灑淚深  
相看萬里別獨抱古人心  
歧路俄星散高才竟陸沈  
辭官真得計怡老乏黃金

宴守溪相國園亭二首

黃閣辭榮早丹丘托興遙  
蓉池窺海島芝館踏煙霄  
臥處蒼生望憂餘素髮飄  
當筵心盡醉秋爽詎能銷

窈窕平泉宅清華獨樂園  
煙霞深晚景花竹靄春溫  
招隱臨叢桂懷仙倚洞門  
自慙塵土質聊爾奉琴尊



遊虎丘二首

畫舫疏簾雨溪門落木秋黃花仍對酒白髮兩登樓古井泉  
香發荒池劍氣浮驅馳吾已懶誰共老茲丘

故園初入望嘉客且同盟倚檻觀秋稼吟詩對晚晴浦寒鴻  
雁起天暝水雲橫急管休催發悲歌正有情

贈子魚

與子三年別重來鬢已蒼論心風雨夕下榻水雲鄉晝閣燈  
花煖秋杯竹葉涼忽忽行止意相對兩彷徨

贈吳醫

更入壺中市新林種杏多閉門看古典汲井起沈痾愛酒狂  
方朔能醫老華陀茂陵方病渴愛爾數經過

曰六

二

金陵叢書  
蔣氏校印

將往吳下成少子婚羅質甫徐一之俞魯用泛舟送至令橋

二首

千古秦淮水離觴我輩來山河形勝出舟楫畫圖開秋色丹  
楓映羈懷片雨催吟詩別親友重發謝公哀

婚嫁人間累猶然及老夫未成游五嶽先遣入三吳戀別停  
孤櫂留歡倒百壺摩挲葛仙鼎相向歎迷途

十三夜質甫諸君別去乘月行舟

霜月明如畫沙溪見底清客疑燈下坐舟向鏡中行讀易無  
昏字看山辨遠名祇應歸櫂上翻遣別懷生

漂水道中值雨

旅次番番雨山行活活泥長途添馬病午飯迫鷄棲作客歡

應少勞生晚尚迷誤辭賢宰約忍聽僕夫啼

野店

急雨官塘道篝燈夜店門茅茨連霧靄車馬帶泥痕男子四  
方志王孫一飯恩年來乍安穩無乃吃心魂

遊光祿史巽仲宅溪山不值光祿

咫尺千峯聚周迴一水通壺懸蓬閣界槎犯斗牛宮野竹排  
雲碧溪花傍雪紅無勞見安道幽興自難窮

夜渡九里湖

煙波東郡闊此水亦無垠風起搖坤軸雲生抱月輪蒹葭秋  
後思江海病中身夜舫迷茫去逢誰可問津

暮雨登上方山

曰六

金陵叢書  
蔣氏校印

暮踏孤峯雨蒼茫下界分平湖鋪大野高閣挂行雲霜氣明

楓葉天寒叫雁羣擬投僧舍宿清梵夜堪聞  
陸子潛子遠攜酒過宿僧一首

二陸吾邦秀攜壺問艸亭醞醪雨中醉寒燭夜深青寶氣騰  
雙璧人倫贈六經坐餘玄論洽傾耳為君聽

壽太守姚大章

耆舊襄陽滿就吟復此翁名躋作者列身有古人風避寵辭  
朱紱含精守絳宮誰云眉覆雪轉覺面如童

除夕和邊太常庭實

守歲椒盤宴歡然傍老親誦詩從稚子分肉遍隣人菽水慙  
三釜柴荆寄一身青鐙能送喜金蕊夜開頻

正旦

乾坤仍獻歲車騎正歸休禮樂今王作門庭舊客留老餘耽  
酒癖貧有賣書謀所願皇與正吾生豈浪愁

宿宜興東坡祠下

先生聊一念遺廟竟千年不返遼東鶴長悲陽羨日月高羣  
木影人語一溪煙世事皆春夢吾今且醉眠

瓜洲江眺二首

把酒臨江閣洪波滿目來却看浮玉樹青壁轉崔巍水鳥孤  
飛下風帆萬葉開古人輸郭老賦詠盡雄才

日嶠攢紅樹雲濡擁碧沙春生江有色地盡水無涯虛閣歸

晴望深杯領物華亂山西去好隔岸認吾家

甲六

十一

金陵叢書  
蔣氏校印

望焦山莫至

石闕東溟起雲含北固青江山分氣槩風雨走精靈處士輕  
龍詔仙巖秘鶴銘由來玄圃路少許俗人經

飲仲氏山池二首

鳳葉搖新竹虬枝結古松宛臨三畝宅翻上九華峰池淨深  
深見花繁處處逢愛君多美酒留賞興從容

池月銜樓影巖雲沁酒香叩門無俗駕開宴有韶光暗水鳴

軒砌幽花近石牀淮南招隱地叢桂更芬芳

舟次對月二首

穆穆春宵月云云春水流直窺千尺下寒影動瓊樓煙草迷  
晴渚風花入夜舟關山吹玉笛遺韻渺生愁

孤舟明月好春思結川雲岸暖桃花近洲香杜若芬良辰空  
作客薄宦未離羣不分清輝隔鉤簾過夜分

舟膠

川涸唯泥滓舟膠不可過安山一步地千里渺銀河雨澤經  
春斷風霾澈夜多欲尋蒼水使長揖請餘波

暮春四首

旅次移春色沙暄碧草深遊絲橫渡水飛絮巧穿林物態催  
年序風光攪客心不須蒼鬢短衰白忍爲侵

故國春殘日暄風綻牡丹詩成傳綺席人醉倚朱闌久種能

多尊無言獨耐看十年虛此會何用繫微官

煖覺春衣重閒知晝漏長蛙聲今日有花片晚來狂懶性憎

甲六

十一

金陵叢書  
蔣氏校印

書札衰顏信藥方絕交非達論那敢學嵇康

齊魯春全旱焦原麥不肥幸逢天子聖端怪雨師非世難占

農務吾生指釣磯懸鶉行滿眼空著大夫衣

答邊大常華泉二首

遠別書盈篋相逢淚滿襟年均誰黑髮交久各傾心竝權清  
川永開樽短漏沈與君論舊蹟轉覺愛光陰

坐挹松筠氣追憐玉雪姿先朝名獨盛直道宦猶遲骨肉交

情老風波世路危蒼生方切望天意更誰疑

贈唐員外雲卿二首

特達青雲器蹉跎白首郎行藏身自得今古意何長秋日饒  
詩卷江天一草堂空憐賈太傅流涕弔沈湘



京口通鄉井台南接宦遊誼先傾蓋密詩及倒囊收黑綬眞  
微物清談足勝流新裁芟衣就應許並漁舟  
夏日桐巖道中二首

野日正矜午嶺雲難自涼祇愁山石裂漸覺黍苗黃物役煎  
衰髮吾生習瘴鄉眼中多茂樹安得置藜牀

居人猶灑汗行子獨何堪鳥翼垂難戢龍鱗渴未安只疑臨  
火井誰敢乞冰盤稍待涼秋至蕭蕭見爾殘

飲定公竹院分韻  
片雨飄庭竹微涼泛坐隅不須千畝盛且喜一塵無避俗逃

金界忘情倒玉壺眼中清供滿餘賞及盆蒲  
舟次呈林郡牧陽司理二首

日六

十三

金史嚴書  
蔣氏校印

昔結蕭朱綬今登李郭舟秋隨人共爽晚覺意俱投古樹分

隄綠迴川抱市流疏簾同慰藉無酒亦銷憂

十日仙舟竝三秋逸興多天空披積霧河潤飽餘波星斗連

檣宿風煙舞劍歌百年饒意緒傾倒奈君何

經賊處復聞警

舉目堪流涕蕭條戰伐塵野花搖白屋江燕啄青蘋將帥恩

私厚朝廷法令新連城憂盜賊嗟爾異方人

蔡林屋舉酒愛日亭玩月

露下碧天涼空庭明月光幽人愛叢桂舉酒近池塘河影填

烏鵲簫聲下鳳凰莫教秋興淺不盡夜歌長

同諸君游碧峯寺

淨域秋如昔佳賓勝在茲靈鳩率野興歌詠發巖姿殿古高  
雲積林深落照遲莫留殘醉去他日怨暎離  
宿達公房

舊地人重宿勞生夢一醒亂峯明積雪虛殿納疏星僧髮老  
逾白佛燈寒更青悠然生道念對坐閱金經

送同年王奉常赴闕四首

鵬運方南海鶯遷更上林禮容恢國步人望簡天心朱紱羣

公列彤墀委佩音台衡應不遠四海望商霖

王氏名流眾韋家相業優滿牀亂籜笏奪目見琳璆一臥留

丹壑崇班尙黑頭鼎彝千古業晚節會須收

虎榜論交後差池有歲年相逢俱暮矣懷抱各依然余釣東

甲六

十四

金史嚴書  
蔣氏校印

南水君還尺五天離愁將去權冉冉隔江煙

觀風來幾日覽勝有餘情漢關留關右周王重鎬京乾坤纏

水府龍虎抱山城紙價休驚重班生兩賦成

張參戎園十首

時物易代謝名園偏較遲松杉無改色花卉遞生姿托興雙

樽酒澄心一鏡池請看新種竹取次發孫枝

鬱鬱吳山色居然隱几看巖巒排闥至風雨捲簾寒盡日開

圖畫伊誰振羽翰差差龍鳳嶺飛舞繞朱闌

兀坐華軒下相邀待月生未看離大海先喜照前楹庾老情

非淺陳王賦欲成繞池多少樹蕭索送秋聲

遲日散花影離離幽意新美人嬌寫照狂客醉留春醒酒宜

眠石寒芳莫動塵年來空色相已悟淨爲真  
東風吹玉藥晴雪漫離披石徑寒香積蒼苔晚色宜多情沾  
短屐故作泛殘卮無限相思恨君聽橫笛詞  
一春長病酒小啜向寒塘掬得梅花影添留齒頰香填胸無  
俗物吐論發餘芳悟取清冷味何須列鼎嘗  
月痕如半璧下印碧池深光動虛無境寒龍不敢吟空林垂  
露采清夜淨人心坐盡西巖影悠然萬籟沈  
石洞夜何扁雲歸宿杳冥海天藏蜃氣山雨帶龍腥大隱聊  
同憩高飛本自靈翻然看出岫萬里震風霆  
怪石嵒岒立雄姿對吐吞平泉三品貴秦嶽丈人尊總謂雲  
根秀誰當砥柱存定教狂米老袍笏拜轅門

甲六

十五

金陵叢書  
蔣氏校印

將軍池下水洗硯變成玄地覺風流勝人疑造化偏龍蟠雲  
共黑鷺戲雪矜妍報爾山陰縣王家舊事傳  
送柴光祿入賀嘉禮二首  
十年天祿閣白首老揚雄直諫名猶懸新詩語太工遙瞻溫  
室樹緩步禁墀風應傍鐘煙裏還過青瑣東  
禮正羣心協恩覃萬國歡月輪重合璧雲鑑更翔鸞露草沾  
行珮風花撲去鞍新箋文爾雅傳得九重看  
永甯寺春遊和殷文濟二首  
勝侶皆盛運名僧有道林行歌穿竹徑醉舞占花陰寺好偏  
宜古山幽不厭深春城無限酒愛向野間斟  
有懷思痛飲無病愛春遊地主全雙美禪心破百憂鳥啼連

樹響花落照溪流莫怪城闌隔山中醉可留  
宿祝釐寺值雨  
名山堪避俗好雨更宜人塵淨竹林翠堂虛金氣新焚香殘  
夜火薦粥煮秋蔬轉覺空門趣能令客意親  
答攝泉見壽

跡忝緋衣後心疏白髮前常時來古寺獨坐聽鳴泉露樹臨  
花飲星牀傍鶴眠有書渾懶讀將欲廢丹鉛  
內官墳祠  
寂寞近臣祠天恩不再滋冢寒長作燐樹蠹半流脂未覩銘  
功鼎空傳護勅碑遭逢固應有王制恐非宜  
秋日與諸文士息園宴集各賦一首

甲六

十六

金陵叢書  
蔣氏校印

上客東吳彥芳樽修竹林飛觴催染翰列炬耀華簪蕉葉暮  
陰合薇花秋序深清言羈羣玉雅義重兼金  
孟中丞後園  
客有丹霞想官居洞壑隨松雲霑散帙竹月照銜卮吏隱誰  
兼遂風流賦所推時邀二三子高詠習家池  
張郎中宅晚集同孟中丞  
山榭臨秋水芳筵及暮鐘嵇康真野鶴郭泰總人龍賦接風  
襟爽杯浮露爾濃霜威方豫悅玉漏合從容  
秋日郊游同劉希尹祭陳中丞墓  
翠壁含纖雨丹楹醉晚秋幽尋今雅社勝槩舊皇州時序登  
臨興江山浩蕩愁侯芭情不極腸斷子雲丘



同劉子登雨花臺

登臺秋色遠對酒暮雲生海氣浮金闕人煙接錦城仁談王  
新跡轉見古今情江水東流急滔滔無盡聲  
送盛箴

博學蘇明允多才盛孝章計偕隨漢薦資發自周鄉雄劍照  
秋水青袍含御香遺珠君莫歎天子重明揚

朱氏園對月

清秋多逸興月出更相宜城郭滄洲迥園林白露滋竹深遶  
送酒魚躍喜鳴絲忍向寒光底徒歸不詠詩

送袁經歷歸信陽

舊業申臺下歸心汝水東人皆下厚祿君獨有高風學圃家

日六

十七

金陵叢書  
蔣氏校印

園側逃禪野寺中青天雲霧豁流目送冥鴻

呂太史仲木舍對菊三首

客心驚日月對爾惜年芳取醉開金盞流香滿玉堂不辭霜

菝苦聊伴鬢毛蒼寂寂清宵半含情傍燭光

幽貞遺楚澤搖落對吳天采采三秋後依依獨客邊深杯搖

素月孤燭耿寒煙一別陶彭澤何人更爾憐

飄蓬俱異域嶽面復都城幽興關時物衰年戀友生黃花堪

一醉白髮苦多情坐久渾忘去鄰雞且莫鳴

許彥明過息園同作

永日青林靜來過賦采薇琴尊留晚興泉石借清輝翠篠經

年密丹榴過夏稀秋風知尙早梁燕遽先歸

保叔寺

閣飲雲相對鐘鳴客倒聽林風兼夏爽山靄過湖青濟勝身  
俱健逃禪意已冥詩成多秀句轉益道心靈

和劉光祿觀湖

把酒驚湖至鳴絲且莫彈錢王莫漫射枚客正須觀濤捲日  
爭白鯤騰天讓寬當筵疑濺雪醉舞不知寒

九月八日飲振衣亭歸有懷三首學余作也

勝地湖山概浮生嘯詠情崖傾松徑仄亭遠石門橫暇日衣  
堪振秋天酒共清城昏合歸去林月向誰明

落石山亭飲含情遲月華高秋何負我遠客正思家桓老開

黃酒陶公把菊花匏尊空野興菽水自天涯

甲六

丁八

金陵叢書  
蔣氏校印

主客臨高賞江湖近座流長筵欺短日濁酒傲清秋亭榭開

新跡風煙愜壯游不知千載上誰醉此山頭

贈樞使李竹坡四首

台郡論交日青雲屬望勞綽鈴顧榮扇契合呂虔刀王事檢

肝膽軍容肅羽旄每從公退處杯酒接風騷

薇垣參下列樞府喜同升跡忝雙龍起才看一鶚騰諸侯趨

紫綬直道引朱繩獨立將軍樹謙光眾口稱

憶逐樓船後朝天上赤墀衣冠同拜舞殿陞借光儀擊楫存

江穩投壺夜漏遲往來行樂意披豁慰支離

垂老東藩長官聯復對君交親方有數勳業更超羣氣壓麒

麟閣春生虎豹軍五方思退舍端坐羨風雲

顧華玉集卷二十四

金陵叢書甲集之六

上元顧璘

息園存案詩九

都城春雪

白雪爾何意經春猶漫飛節移青帝令寒逼遠臣衣物態傷

搖落天心懼隱微客居愁不寐開閣望朝暉

答鄭禮部繼之

寥落混風塵憐君意獨親同吟山郡雪稍醉帝城春海月通

幽思宮鶯咤遠臣期尋石梁去還待謫仙人

同蔣參軍子雲七弟英玉登青龍山

躡履青龍阜天虛四望幽山河吳楚築城郭古今愁杯就高

甲六

金陵叢書  
蔣氏校印

雲溥詩臨怪石留多情紅葉樹邀醉梵園秋

同二子宿祈澤寺

寒宵宿古寺愛爾且淹留忽向蔣生徑仍登謝氏樓詞華依

玉樹行李散貂裘爲樂須間散那能待白頭

龍女泉

神女乘雲去靈泉滿澗清蛟龍傑窟宅雷雨變陰晴樂飲來

浮竿勞歌對濯纓還期明月夜同聽環環聲

古銀杏

突兀蔽庭戶長繩那可量掄材掩荆楚問歲失蕭梁雲實時

堪結雷枝半已荒離奇難爾用匠石轉神傷

畫胡

歷歷塵沙貌稜嶒怪爾殊寒雲纏毳服猛氣映虬鬚萬里明

王貢羣方混一圖追傷衰晉未無力斬休屠

夏仲昭畫竹

石澗涓涓水風篁叢叢枝塵途貪見畫草閣夢題詩枕簟橫

秋薄樽罍過月遲蒼林殊可老朱紱果何爲

聞邊廷實已有三男戲寄

商瞿四十後已有幾男兒滿目麒麟種驚人驚驚委問名堪

屈指學語遂傳詩想像提攜樂閨中臥每遲

贈陳魯南上陵

松栢西陵路詞臣冷節來衣冠瞻漢寢弓劍拜軒臺細雨春

山濕明星夜殿開年年揮淚地不得長蒼苔

甲六

二

金陵叢書  
蔣氏校印

與太史魯南遊西山二首

城闕三千界煙花一萬重漫乘金蹕裏同玩玉芙蓉景色傷

心麗春光引興濃來遊乘暇日佳處合從容

淨域藏春遠躡遊出郭遲馬驕翻碧草爲老宿深枝行樂浮

生夢風光故國思謝君催曉發垂老遂幽期

飯普恩寺

綠樹遊行騎青山擁寺門不勞鐘磬響久厭市朝喧解帶榆

煙午鈎簾竹日暄老僧鋤菜甲隨意具盤飧

登平坡寺

雲裏平坡寺門臨碧嶂懸山河迴萬里日月會諸天短杖扶

吾老空林續勝緣去城纔咫尺渾已隔人煙



飲普福寺泉亭

夏木雙崖合寒流一洞紆雲高山路細天遠草亭孤看竹無  
車馬浮觴即畫圖吾儕乘興處不與俗人俱

遊花巖洞

踏雲尋古洞風袂晚颺花引三天路山藏四月秋金蕊扶  
殿開玉馬戲王侯曲澗東流水滔滔入御溝

五月四日二首

午日明朝是愁添早閉門榴花新節序芳草舊王孫望渴迴  
鑾詔名虛賜扇恩幸除朝賀籍高臥類江村

客況無佳節宸游尙故京龍舟競渡遠鶴髮倚闥明南苑愁  
移杖西江望洗兵早聞班瑞罷家慶拜昇平

日六

三

金陵叢書  
蔣氏校印

朱臨安僧舍榴花

北地花開少紅榴五日繁深叢偏弄色落日故當軒白髮羞  
春事清尊惱客魂莫教人散後獨自憶家園

懷周太僕子庚

伯罔修王命東巡遠未回行臺卿月好誰與對銜杯虎旅方  
揚旆龍媒正選才千羣閱清峻留盼及驚駘

送張含還永昌二首

去國虛春事還山戀月華鴻飛入煙霧龍臥傍泥沙文許諸  
儒列家憐萬里踪同臨嘶馬地愁思極天涯

漢道於今盛君才過古人少陵無近習靈運有前身鸞鴛生  
殊種騁氣自神司徒真不忝朗譽接秋旻

台郡元夜

夜景團花市春愁豁草亭燈輪御海月花樹迸林星令節仍  
飄泊狂歌幾醉醒只思梅柳曲歸臥故園聽

春日病起十一首

抱郭青山麗侵門碧草長閑居悲物役病起惜春光看竹仍  
扶杖臨花暫舉觴莫嫌多意緒蓬髮已滄浪

治郡衰愈懶辭家病更悲清心五湖水歸路片帆遲絮舞過  
閑幔蒲生滿故池丁甯踏青社已過落花期

一月攤書卷悠然識故吾久懷滄海釣猶繫赤城符竹帛輸  
能事丹砂却腐儒攜家將白髮吹笛洞庭湖

幽興關生物呼兒灌果園海風春易盛林日午增暄影動葡  
萄蔓芽香枸杞根苦噴雞犬惡伐棘補籬門

日六

四

金陵叢書  
蔣氏校印

野情隨步屨春色映羅衣樹彩丹青雜花香腦麝迷雲疏吹

片雨江迥動斜暉無限登臺興猶嗟足力微  
谷口新晴景山禽滿樹懸翻飛清淺水羣噪豔陽天挾侶爭

巢鬪調聲學語妍稻梁須自愛林外有鷓鴣  
迢遞燕京道音書海畔稀幾年勞按劍萬國憶垂衣彩鳳枯

桐老驂騮首蒼肥中天看太白亭午尙光輝  
久作天台吏虛招地主名雲深華頂色春遠石梁行藥草傳

神聖桃花脫送迎荒涼劉阮跡千古獨含情  
盡攬羣松色聊分片石青風煙兼萬壑天地此孤亭發興含

蕭遠吟詩動查冥廢興他日事書記誤丁甯

三月雷猶伏愆陰奈爾何土龍行雨少海鳥避風多瘴癘憂  
仍劇安危望匪他尙餘朱紱在那忍議征科

自怪山中住邀人更寫山爲期風雨夕長對戶庭間雪片衝  
炎落花枝積歲斑殷勤謝眞宰煙景浪相慳

歲暮

聖麥已青出春風隔歲回天時頻自換人事轉堪哀雪少冬

全熱雲昏晝且霾僮聞關政理調燮望鹽梅

春雪

先臘望不至經春何太狂弄寒遲麥候積素妒梅妝客館狐

裘散鄰家蟻醞香今年好元夕切莫負燈光

陳中丞園

目六

五

金陵叢書  
蔣氏校印

柏樹辭朱紱蓬山斂素襟樓前得湖水庭際散園林霧閣穿

龍窟風篁咽鳳音花時多釀酒能費幾黃金

道院齊樹樓

梧桐高十丈虛閣正相齊戶敞龍飛入簷垂鳥下啼山光開

畫幃人語落丹梯夜有遊仙到流雲濕暗題

輓程良用侍御二首

結綬爲兄弟通家及子孫高才先見奪天道竟難言玉樹光

埋沒江湖氣吐吞傷心甬東水猶有未招魂

同年程柱史抱道邁時賢路絕青冥上身摧白髮前聲名天

地老魂夢死生懸宿草芊芊遠空歌薤露篇

答徐昌敷博士

舊愛張廷尉今知鄭廣文高情疏法網摛藻播詞芬臺省爾  
何戀交情殊有聞南樓望明月一倍惜離羣

會稽雜詠同周觀察作八首

滄海臨東極稽山建國標樓船三島路玉帛萬方朝舊跡開

王會清風徹使輶如聞窮徼外將獻越裳謠

句踐城何處西施宅有村山林銷霸氣春恨憶香魂野鳥空

啼血溪花不解言怒潮來往地應愧到吳門

王謝人倫表風流異代師能書垂典則高臥繫安危古木圍

棋墅寒雲洗墨池蘋蘩何限意誰遣到荒祠

舊傳山水郡未到問奇觀禹穴靈文秘秦碑古篆殘夢魂飛

月下臺殿隱雲端愛殺長康語千巖秀色攢

甲六

六

金陵叢書  
蔣氏校印

莫惜無飛雪乘舟向剡中聚沙春鳥浴背日晚花紅書卷追

隨滿詩人賦詠工王郎僞同載高興詎能窮

春草孤舟遠春波百頃開鏡湖猶在眼賀監不重來酒換金

龜去身辭玉署回文章真小技跌宕見高懷

城闕經營固山河控帶深絕憐南渡事非復上都心鐵馬沈

雲海銅駝委棘林祇餘今古恨揮淚向登臨

十日山陰道青山應接重泛杯虛酒興拂幔惱花容簿領回

回亂漁歌處處逢支公如可訪捐珮入雲松

送陸進士伯載還京四首

明珠光照夜因爾歎才難紀事金書秘尋眞玉洞寒衣隨行

處斂劍就醉中看去事天皇側攀雲坐紫鸞



古寺層巖曲招尋屢爲君石門通細徑江水冷遙曠崛起眞  
龍性幽栖但鳥羣歸期留舊跡泉壑借餘芬  
路異行蹤改交親別思多辨裾趨鳳詔絲竹瀉驪歌古道嗟  
翻覆清言寄切磔西湖他夜月千里奈愁何  
禮就先朝典行縈故國思身將旌節返文動廟堂知準擬留  
司草無勞賦采芝天光開鳳沼春水正漪漪

寄劉元瑞

若水清如許憐君得洗心暫辭朱紱貴來臥白雲深芝淵多  
靈藥茅廬一素琴王程愧余急相望阻相尋  
和七弟英玉始游天甯寺

甲六

七

金陵叢書  
蔣氏校印

晨夕誰能數往來池塘春草思還愛惠連才

雪中鄭少谷黃石龍過郡

大雪滿山城驚聞屐齒聲本非安道室眞接剡溪情小閣梅

花笑寒燈秫酒清相看興難盡樓鼓下三更

寄答孫太初

漱澗西湖水何如太白山南峰燒藥處石上錦苔斑寶劍橫

星氣霞漿換雪顏題詩投俗吏三復愧粗頑

禱雨志感

露禱周羣望靈威儼在茲黑風吹水立白雨夾雲垂喜溢農  
夫稔思沾造化私不才叨郡紱端合坐吟詩

東王存約司諫

司諫南遷日還家草木香海雲秋不散何處望潮陽亦有商  
山樂辭無楚水傷唯餘青瑣夢萬里繞龍驤  
雨中送王存約司諫南行  
千山風雨急離況轉蕭森柳色春難透梅花冷不禁誰嗟行  
路險獨抱古人心瘦馬藍關句煩君細細吟

甲六

八

金陵叢書  
蔣氏校印

息園存彙詩十五言排律

丙子元日於郡齋作四十韻

南紀江潭遠東風節序移流年傷久客多病負明時稼穡功  
 何補鶯花興匪宜嶺梅虛照眼江柳莫搖絲憶昔爲郎日承  
 親樂在茲都城依斗極畫省綴雲司祿米供調膳家園奉杖  
 藜間情潘岳賦燕喜魯人詩棣萼連庭發槐陰拂地垂書編  
 長枕藉酒罍亦淋漓契合多良友招邀慰所思聲華傾座重  
 精白寸心知松檜寒愈勁驂騑老不羈已堪徵道義况更得  
 師資西漢才方盛東周夢豈衰立談期化理傾倒絕猜疑中

甲六

金陵叢書  
蔣氏校印

路罹多難專城試一麾梁陳高賊壘河朔走征旗苦乏勤王  
 畧空懷報國私援袍臨矢石飲血撫鯨鱓僅免投豺虎方思  
 伴鹿麋愚蒙仍觸法覆載本含慈斧鑕逃輕典丹青發朽姿  
 恩波仍五馬竄地異三危水鏡開城觀星躔壓地支國風饒  
 比興民俗重耕犁桃李居人樂華胥帝載熙願容山簡醉未  
 識賈生悲信美非吾土浮名已後期形容麟閣遠羽翼鷗圖  
 卑卽事驚華髮無階叩赤墀大歡唯菽水野性一茅茨納履  
 思投足談經得解頤文章關不朽氣裕許誰追能事輸前列  
 洪鈞貴自持陶鎔兼物類渾樸斷人爲郁郁希游夏勞勞去  
 管伊行藏俱自得筋力豈空疲細雨衣襟淨深山臥起遲時  
 尋老漁父同釣楚江洲

送蕭侍御提學南畿得於字

柱史巖廊秀高名迥不虛融心標禮樂麗藻潤詩書聘驥鞭  
 何力屠牛刃有餘一飛橫憲府累疏掖皇輿蹇謬驚劉向精  
 深仰衛蘧周南分節鉞孔道賴菑畚宿霧披先路文星下直  
 廬英流崇妙選化理屬端居時雨三千外長風九萬初神清  
 衡鑑徹心遠簡書疏士習非鉛槧人倫自里閭醅醕終得效  
 直道果誰譽五月西都餞金盤膾白魚三江南下舫瑤水豔  
 紅蕖良契芳蘭密新詩爛錦如迂疏叨未照何以答相於  
 遊張公祠

風雷開洞府傳自赤烏年峭壁斜傾地盤雲半覆天林抽千  
 挺筍池縱九華蓮螺殼迴旋入蜂房芥蒂懸虛窗通白日奧

甲六

金陵叢書  
蔣氏校印

室聚蒼煙石髓滋瑤藥丹爐閉雪鉛吳山唯此勝張老是何  
 仙輕舉應霞外冥搜破物先緬余問桃水遂爾涉芝田惡淵  
 心方寂尋真興已偏步凌青嶂出杯侍紫雲傳落景幽襟積  
 飄蓬去路牽永懷餐大藥從此謝塵緣

溪南別業

數畝溪南墅林塘盛物華逍遙居帝里詰曲轉仙家蒸竹春  
 梢並梧桐夏葉遮高人拜奇石公子送名花大隱宜居市清  
 吟屬退衙望中雲嶠近醉後葛巾斜池繫山公馬林藏邵子  
 車暢情酬日月拓地占煙霞雅抱元無累浮生詎有涯平泉  
 多節目梓澤漫豪華祇取祛塵俗無勞後代誇  
 贈嚴太史



皇風振休藻夫子播清芬與治山水際心將賈宋羣市朝思  
大隱封域藉高文講幄虛懷切諸生待問頻古稱兼善義取  
擬上公勳莫學桐江叟終身遠漢君  
壽許冢宰

肅肅羣公表經綸協大猷高名懸白日正氣凜清秋遷謫君  
臣分安危社稷憂孤忠排眾楚遠夢戀東周郡化餘波溢軍  
容古法修遲遲登汲黯侃侃見韓休薦德與情共圖王廟略  
投艱難支厦木契合濟川舟赤鷁星辰近文袍彩翠浮殊恩  
霑賜予庶品屬甄收禮樂恢天步岡陵邁海籌詞林森玉樹  
鼎位入金甌柱石人方倚丹青地已優願乘川至運千載奉  
宸旒

日六

三

金陵叢書  
蔣氏校印

送田景瞻赴寶慶

漢署論交日周京樂化年春臺調玉燭清廟協朱紘北斗樞  
衡正西都德教偏昇平歌有慶典雅見多賢自忝蚊虻質俄  
隨鷓鴣肩斷金深契合奉玉慎周旋各對黃生恥貧逢鮑叔  
憐經綸精化理藻鑑表官聯默默長埋采寥寥獨守玄知音  
空四顧立德眇孤騫漫以文爲友還因靜擬仙飛觴臨水飲  
下榻對花眠雪苑相如賦春江太白船高情隨曠達盛事足  
留連喜接披心概驚違握手緣明庭鸞詔下大郡虎符專聚  
散浮蹤別施爲宿望懸萬山分楚道五馬下湘煙問俗悲填  
壑推心戒察淵艱難三戶後悵望九疑前江漢東周夢風波  
弔屈篇古人應已矣吾道固依然卽事看龍劍臨分贈馬鞭

餘春生客路積雨間離筵腸斷雙輪轉神馳尺素傳丁甯兩  
鄉月好向望時圓

送費學士南試回朝

拜命臨黃閣趨程下赤墀徵才承漢典奉使詠周詩禹甸今  
王重邳林宿望宜龍光占劔出漢影見槎移藻鑑涵羣品文  
章得主司朱衣窺暗燭黃絹獎高辭愛國唯崇雅和衷更絕  
私淚銷荆客玉囊脫趙人錐物論歸華袞皇恩動錦旗禮卑  
門士仰興遠地靈知謁聖瞻龍阜懷賢訪鳳池山河佳麗色  
非邑太平規行紀傳詩卷離心對酒卮城迴秋草遍江迴暮  
潮迴省俗舟沿沂歸朝佩陸離相將南浦上空有折麻悲  
晚白司寇代王中丞作

日六

四

金陵叢書  
蔣氏校印

海嶽當昌運星辰降碩賢弓裘門下族龍虎榜中仙早擢留  
都輔初從瑣闥遷諫行焚草札政治示蒲鞭大道風雲合清  
暉日月懸西臺分節鉞東海靖塵煙地峻忠逾著天高眷獨  
專股肱三聖寵帷幄六師權雅量涵羣品仁風動九淵論全  
攀檻吏才省治陵錢借箸籌邦計乘橈導運川公才蕭相國  
使節杜延年執法尙書省陳經太子筵麒麟騰陽錦鸞鳳翥  
封箋疾病君王問勳名孺子傳典型存柱石契合應蒸紘老  
乞間身退歸持御墨鮮煙霞胎鑑水花竹訪平泉菱美家依  
巷禾登義在田親知疏傳會詩酒白公禪灑落尋園綺逍遙  
問偃佺年拋紅日外夢斷白雞前化鶴仍歸鳥騎箕更上天  
池臺餘月榭旌旒展霜鉛樹冷徐君劔江空范蠡船聖朝隆



具禮史閣綴新編馬鬣孤封登龜蚨萬字堅始終公事定生  
死故情憐莫聽山陽篋臨風正黯然

詠雪和徐黃門宣之

密雪先春落長風而夜吹亂拋和液急緩舞下雲遲響散樓  
頭瓦光搖殿角恩澤堅龍背冷樹重鵲巢危梁苑初迎客周  
田遂及私清嚴天獨賦皎潔物難移表瑞恒居臘憎炎不附  
離凝華承賞鑒知止釋窮悲地下齊蝗避山中越犬奇顏心  
幾欲化孔德竟誰緇入野親蓑笠臨軒逐履綦論功霖可並  
望景月還宜肅氣收玄律豐年愜素期嗷人爾腕曲穆后竹  
中詩郢唱今稱絕廣成愧與持

定上人院內竹

甲六

五

金陵叢書  
蔣氏校印

定公庭內竹雨後色逾新細韻兼僧梵涼陰助酒神修纖搖  
翠羽滿灑辟紅塵盡日對君子別家逢故人去來期結夏休

厭叩門頻

喬衡州母夫人

慨息夫人節艱危烈士心盛年孤影立中路百憂侵淚苦唯  
啼血兒嬌况在襟機絲秋壁靜篝火夜堂深突爾看紆紫終  
然慰脫簪金珠收寵數閭閣正規箴轉歎君臣際空爲板蕩

吟

湘中送榮老還永甯寺

搖落三湘外經年愛爾來故人書總至異域眼俱開放逐憐  
親友悲歡向酒杯衲衣經雨暗橫笛伴秋哀試問尋風洞何

如對鳳臺寺幽詞客滿松古老師栽夢寐唯吾土羈縻愧不  
才江山孤興滅瘴癘暮顏摧澧浦難捐佩龍門異曝腮相看  
移去權轉見脫塵埃煙水滔滔地隨緣易往迴

高司寇義塾

聖代人文備名家義塾修先公垂典則奕世衍弓裘禮自儒  
門有規仍古道求移風期至魯設教慕從周造物開靈秘揆  
方協遠猷山川劃增勝堂構煥相繆子姓青衿集詩書素業  
流光儀歌振鷲異種躍驪駒須追琢丹青豈贅疣有才  
終大用唯哲善貽謀禮樂關王化貧窮匪士憂頗聞絃誦習  
今已遍東甌

七言排律

甲六

八

金陵叢書  
蔣氏校印

上喬司馬

北斗樞衡控上都南臺司馬擁兵符河山地正乾坤位雨露  
春融造化鏹分陝雅推周有道戊江應笑管非圖朝廷白髮  
元相倚寰宇蒼生望已蘇幕府許謨趨老將錦堂觴詠列文  
儒心當大任何曾動身致昇平得自娛謝墅賭碁花正好秦  
淮吹笛月同孤王風地聽歌麟趾公子振振見玉顛



上元顧璘

息園存案詩十一七言律

寄和道石馬叔馬西寺游閣二首

水香花氣風樓西宿雨初晴御苑泥萬柳曉含蕭寺暗五雲

春暎漢宮低行經繡陌啼鶯滿迴望蒼郊遠樹齊獨念江南

愁寄客竹窗斜月臥聞雞

遠公靖舍禁城西破水芹香紫燕泥齊鼓迥依雙樹起禁鐘

清度百花低春陰凝日光禱薄地冷山蒼葉未齊向晚繡旗

盈策路曉看公子關回雞

同潘明貢分山題寺壁

中六

金陵叢書  
蔣氏校印

江城南畔擁羣山野寺蕭條萬壑間客徑遠隨寒澗入禪扉

長倚夕陽關澄潭氣冷游龍伏隅地冬深健憤閒擬結靜綠

嗟未得小橋羸馬共君還

臥病寄京中諸相知

滄流翠巘故城隅寂寂門無卿相與香漢獨懸歸後夢風塵

誰寄病中書春花遞映溪船遠秋水平搖草閣虛秦時侍臣

休薦引恐無詞賦擬相如

鄒水部監真州水利出錢不及因寄

桂樹夷猶綠水濕離亭尊酒杏難攀江頭別恨逢涼雨天外

詩情見遠山驛馬深秋迎客健庭花清酒對人閒遙知覽勝

多新詠好慰柴門病客顏

吳門懷古

南眺荒原思惘然闔閭城古澹蒼煙吳宮已沒彈絲處胥渚

猶傷賜劍年渺渺晴湖浮遠岫萋萋春草下平田長洲廢苑

那堪問落日祇餘麋鹿眠

送徐憲僉成章飭兵河南

棘寺蜚騰慷慨名外臺風紀望澄清龍章獨擅三司龍虎竹

兼分一郡兵河水東浮通故里嵩山西起作長城到來申伯

遺靈地秋日蘋香野廟晴

代輓程公子

青春提劍遂輕車料敵非徒讀父書才廣有功終不賞馬援

多謗欲何如蠻方霧雨孤生後故壘風雲百戰餘安得漢家

思舊業爲謝澹菴新圖

清公山房

斜日高臺翠景鮮共起塵界望諸天疏櫺前望遠  
平臨落雁前野燈山河千劫地秋風禾黍萬家田嚴僧謝世

頭今白端坐蒲團說往年

元夕和湯將軍

皇州春色媚良宵燈火光連十二橋佳麗山河元日美昇平

鼓吹晚偏飲千門醉月迎人情九陌  
清禁裏陽和先得應雲誌

答徐昌穀

十年書札阻交親忽枉篇章轉愧人何日行臺  
倒屣殊方

離恨久傷神揚雄總畏才難敵王翰還要晚共鄰肺病一春  
拋酒盞問奇虛負故園賓

憑虛閣送劉元瑞入浙校書

畫閣虛名瞰遠空高秋曬酒對長風青蓮法界炎蒸外碧草  
離心悵望中年少說詩惟子夏家貧好事羨揚雄歸依自是  
諸生願莫以周流歎道窮

述謝陳亮之邦伯時自廣平被召

銅章叩拜庶官中先達從君見古風鄉誼每勞開閣待民情  
長許置郵通才疏謬得淮陽召身在應懷鮑叔功已幸枳棲  
能脫跡惟於離索歎西東

匹馬今爲赴闕行腐儒初荷一官成圖書向客翻多累城郭

甲六

三

金陵叢書  
蔣氏校印

經年自有情隅地桑麻歸昨夢訟庭槐柳識平生堪憐少小  
逢明主未有前朝卓茂名

都下送史禹臣赴南臺

草深洲渚鬱蒸天南客移舟曉漲前庭下學詩懷往日臺中  
持簡及芳年家支月俸供調膳手采鄉風進奏箋爲說里門  
諸父老親看車馬過昇仙

同劉考功送乃婿姚秀才畢婚還成都

羊車擲果見潘郎鸞鏡同飛得孟光采服辭家初作客金屏  
移席並還鄉東游文物周京盛西去風煙蜀道長冰玉已看  
人共羨門楣今更待君強  
臥病寄錢元抑

潘岳愁多病不禁南樓高枕獨長吟懷人更度西風節望遠  
徒傷故國心芳草捲簾空暮色亂山回首正秋陰遙憐積雨  
凋新稼歲計應資買賦金

贈黃刑曹

楚水東來望舊京參差宮闕麗秋晴城隅古寺行應遍湖上  
青山畫不成官注閒曹如寄隱地餘王化好明刑南川况與  
慈闈接早晚吳舟得送迎

喬奉常席上次韻別諸君子

別館張燈二鼓聲詞林觴詠接高情羣龍喜奉雲中會匹馬  
悠分雪後程春盡鄉書先雁到山寒歸路怕風生江南回首  
瞻依地明月蒼蒼滿帝京

甲六

四

金陵叢書  
蔣氏校印

壽羅處士

芳草間雲伴歲華曾無名姓到公家陳君坐擁兒孫盛費老  
壺懸歲月除金簡秘文垂薤葉玉樽春酒浸桃花東風散滿  
粉榆社處處看山到日斜

得郭侍御魯瞻書

秀冠高臥賦閒居海上青山入座隅歸去棲遲唯一壑春來  
消息有雙魚藍輿傍水尋僧寺茅舍垂簾看道書聞說申生  
方注易莫教門外候安車

答何舍人仲默

嚴城寒夜共聞笳馬首西來客路賒落景離心臨碧草故山  
幽興繞黃花高歌舊憶燕京市多難今逢洛水涯到處交親



爭下榻魯人元自敬東家

送王侍御子衡巡關中

經過故國逢迎處忽憶先朝宴樂時此夕寒樽須盡醉明朝  
歧路又相思風光不改長安陌草色應連太乙祠行部豈唯  
山嶽動知君幽賞盛文辭

送莊伯仁還彭城

千年積雪映朝暉匹馬東歸舊路微梁苑樓臺行處盡輞川  
圖畫眼中稀兵戈滿地愁看劍桑梓何年對掩扉懷抱向君  
輸未得玉壺清酒重相違

送時將軍平蜀寇

百戰曾聞靜虜塵七擒今見破黃巾蠻方帥印提金虎內殿

日六

五

金陵叢書  
蔣氏校印

恩袍刺玉麟萬里風煙歸指顧一生忠義屬艱辛雲臺擬畫  
封侯像銅柱無勞羨古人

和少傅陳留公夏日野莊臥病之作二首

茅齋寄在古城邊堂下猶存舊硯泉芳草閉門無俗駕亂鴉  
疏柳對秋天艱危周勃安劉後慷慨溫公入洛年聖主賜金  
堪養老故山酌酒且安眠

聞道裴公返近郊野堂滿漉自誅茅城隅古道入孤往門外  
新松鶴已巢京洛上公時問訊江潭漁父或求交向來丹轂

非吾願白首談玄任客嘲

贈臧懷慶瑞周

海內爭傳國士風梁園傾蓋意何窮已聞德政過黃薪更愛

儒宗自魯公客久授衣秋色衰夜寒彈劍月明中離愁祇隔  
長河水莫遣雙魚恨不通

早秋日宴宗伯喬公宅

南宮新第早秋涼東閣延賓逸興長蓮薦碧房浮玉碗梧飄  
黃葉下銀牀孟堅奕旨精玄理逸少詩筵重罰觴暫向門牆  
依北斗預愁飄泊向炎方

代范助教酬朱青州

海內朱輪俱赫奕下賢誰是信陵君能將直節全元亮肯以  
私交負孺文古道分明如皎日世情翻覆祇浮雲酬恩獨有  
詩堪寄極目青齊雁影分

寄寶應范老

甲六

六

金陵叢書  
蔣氏校印

竹杖紗巾映白頭淮南耆舊讓風流身閒對酒忻無事禾熟  
逢人說有秋花塢雲香歌扇動鸞湖天晚釣船收憐君住處  
堪乘興擬傍清溪共飲牛

和趙金華叔鳴除夕早朝

紫極開春御氣清青陽臨午聖顏明風前羽葆搖龍影雲裏  
簫韶下鳳聲茶使總陪端笏列近臣長傍禁塔行腐儒謬接  
專城寄慙愧來朝朱紱榮

元日早朝呈同觀諸君子

宮雲拂曙金闕列禁雪迎春玉殿開禮樂總兼三代出衣冠  
遙會萬方來嵩呼共捧龍箋上端宴還當柏酒過同觀盛儀  
誰更紀詞林獨有長卿才

答徐昌穀廣文

揚子脩然居學省閉門安坐日談玄其嗟朝市留真跡轉見

風流勝昔賢深巷馬嘶聞

塵埃誤苦憶江南種秫田

出京和殷伊陽文濟

白日浮雲暗風城遠臣辭閣倍含情愁經異域逢春色忍別

前溪對水聲馬首東風猶日發山腰新月為誰明與君莫近

蘆溝宿水冷沙寒雁驚鳴

見道上老馬

霜毛凋盡錦雲斑落日長鳴大道開老去誰領金馬隊戰時

曾度玉門還塵沙風折三千寒百宿秋空十二因頻取故惟

甲六

七

金陵叢書  
蔣氏校印

終惠養敢希枯骨動君顏

過肥鄉東郭侍御子藩

曉風吹馬度清涼遙指幽林問草堂驄馬歸來成隱逸黃鸝

啼處有春光愁多更厭干戈滿別久應憐鬢髮蒼獨愧腐儒

無所用報君將欲賦滄浪

過廣平舊邑東孫令

春風舊邑經過處城郭依然感客心眼見故人多識面手栽

新樹已成陰郊迎父老羣相問地主仙郎日對吟聞道近來

歌杜母愧無前舉比南金

贈陸良弼赴楚雄陸舊守雲南

京國逢君更送君浮生離合類浮雲長才出眾仍為郡久別

生男已解文淇瀟蒼山酬舊約循良青史繼前聞東曹故友

無多在莫遺音書滯雁羣

答張愈光留別

淮南阻絕兵戈際冀北逢迎瘴癘餘萬里知心仍此別他時

攜手定何如荒臺修竹經梁苑匹馬孤煙度楚墟彩服到家

安穩甚早揮潘筆賦閒居

送池州施司理

長才竟失金門第大郡聊懸黑綬行斷獄好師于定國賦詩

還繼謝宣城家山日送登樓色江水秋迴繞郭聲土物况宜

調膳美白魚青筍飯香梗

同汪希會錢塘觀湖

甲六

八

金陵叢書  
蔣氏校印

銀湓駐節鏡湖歸見江湖突兀來雪影障天千仞白雷聲

驚濤兩山開孤舟駭蕩行離騷往事銷沈去莫過南渡君王

吟韻處峰頭空指舊樓臺



顧華玉集卷二十七

金陵叢書甲集之六

上元顧璘

息園存稟詩十二首

庚辰元日

諸侯玉帛會長安天子旌旗下楚關共想正元趨紫殿翻勞  
邊將從金鞍滄江飲馬波先靜黃竹迴鑿雪正乾北極繩繩  
天咫尺五雲長護鳳樓寒  
贈玉枕山人  
石洞霞生玉枕陰下窺南極海波深仙人築室虛無裏俗子  
傳聲何處尋終歲著書藏古穴有時清嘯落空林知君自愛  
逍遙樂莫語人間出處心

甲六

金陵叢書  
蔣氏校印

白羊口清泉次周太僕

碧淵清泉映地來黃塵白草向人開澄心不亂秋雲色照影  
還牽獨客哀曾洗甲兵清朔漠擬浮舟楫望蓬萊賦詩亦有  
臨流興攬樹慙非躍馬才

送徐登州用中

送君相對戀殘曛鄉里衣冠最出羣手綰虎符臨海郡腰懸  
龍劔動星文行過秦嶽逢春雪望盡扶桑隔曉雲待到政成  
觀歷市新詩應許四方聞

寄壽大司徒洪洞韓公

臺省巍峨一正臣太行冰雪洗心神雲霄羽翮迴孤鳳邱壑  
風流接古人臥穩朱衣長在篋憂深斑鬢總如銀諸郎藉藉

專城貴走送瓊筵壽酒新

鮑太守新堂

鮑叔新堂泗水濱虛簷瀟灑隔風塵巧當曲逕開庭戶直取  
雲山作主賓病起馬卿多懶慢位高文子亦清貧疏簾曲几  
觀書地白髮投簪興更新

宿香山寺

禪宮高起萬峰頭曲徑幽林不可求佛向海中移碧水人來  
天上坐朱樓垂垂星斗憑欄見颯颯風雲對酒愁借取西巖  
明月影直依旌旆望揚州  
自香山往臥佛寺馬上作  
馬首青山處處新林間幽徑迴無塵樓臺映水皆成畫竹樹

甲六

二

金陵叢書  
蔣氏校印

含煙不讓春潦倒欲謀千日醉

歡娛地野老憑高獨愴神

送鄒繼之歸麓峰

四月燕山雨雪寒省郎多病復辭官路經海上三神島與在  
仙人九轉丹玉洞桃花留笑鬢江秋水濕衣

空長往安石東山望未闌

與夏德樹游戲龍院暮歸

城郭誰知測壑涼秋天何似野樵身  
千章過雨蒼苔滿地山花清  
天台侶共繞流泉話石梁

九日登巾子山

瑟几朝朝愛翠微  
佳人來醉菊花冠  
千門落照低  
秋影萬里長  
雲接髮絲擊鼓每疑高  
塔動臨崖方見古  
松垂翠絕好  
鄉關異北望  
長吟有所思

寄趙叔鳴

澄江瀟灑散柴門  
暫弄漁竿玩曉昏  
九鼎輝煌  
誰賦秦山尊  
黃塵白浪歸心遠  
藥裏書籤舊物存  
與子同袍未同趣  
高城吟望幾銷魂

入康谷

巖巖津兀步凌兢  
時有人家住翠屏  
登路盤辟  
開石水層層  
高林落照  
餘瀉古淵流  
泉咽幽水不識  
朝朝峻谷變  
獨尋殘碣問山僧

日六

三

金陵叢書  
蔣氏校印

康谷曉歸

山寺鳴鷄促曉歸  
籃輿衝黑過峰頭  
天低路向雲中落  
霧重山如海上浮  
竹葉隨時供野酌  
桃花何處問漁舟  
松泉滿眼行將盡  
已動紅塵簿領愁

寄陳魯南

羨子談經侍石渠  
雞林聲動四方初  
家僮可解呼君實  
監史無勞薦子虛  
紫禁花深搖委佩  
玉堂雲迴下公車  
新詩寄我侵騷雅  
潦倒泥塗愧不如

春日游永慶寺

城郭晴光蕩客車  
古巖高寺切清虛  
鶯花不斷人天界  
龍象長依水竹居  
雲裏靈鷲吞海色  
山中風物似秦餘  
靈蹤咫尺

天難到莫怪歸迎月滿衢

游雲峰寺

層峰行盡入巖扉  
石上煙霞點客衣  
雲淨海天諸鳥出  
雨晴山郭亂花飛  
清歌送酒驚春鳥  
緩步尋芳帶晚暉  
聞道真僧長閉戶  
欲來談法共忘機

謝答景伯時往歲見寄之作

移官東海已經年  
長憶瀟湘灑淚篇  
鴻雁獨能踰嶺去  
梅花何意向人妍  
艱危轉覺同心貴  
懶散空勞歎口憐  
景詩云他年應自憶  
故云州齒髮似君情  
獨倦只應歸種汶陽田

閉居對雨憶欽佩

山館雨聲鳴不休  
空階對泉交互流  
已思吏散得高枕  
無奈花發增煩憂  
風波中坐忽反覆  
鄉關在望空夷猶  
安得玉郎共促膝  
一寫幽抱登江樓

甲六

四

金陵叢書  
蔣氏校印

補寄張司馬九月六日憶湘山寺舊游一首

遙憶東山張太傅  
去年今日共離觴  
清江畫舫愁中別  
古寺寒松夢裏蒼  
黃菊再逢非舊客  
白頭相見定何鄉  
題詩欲寄衡陽外  
目倚西風送雁行

奉憶野亭少傅

夷門回首限風煙  
遙夜天涯有夢懸  
頌德敢言三代下  
受恩今憶十年前  
安危海內占容鬢  
貧乏山中倚俸錢  
早晚上書辭郡紱  
野堂還借片雲眠

寄答陶世和



十年京洛事堪傷  
歸臥嵇山髮蒼  
祖德未忘陶靖節  
鄉賢還見賀知章  
龍墀舊疏今誰記  
虎榜同人倍有光  
珍重寄書秋又晚  
夫容零落滿溪霜

贈別冀承忠

搖落空山獨送君  
十年多故歎離羣  
歸期夢隔淮南月  
世事愁翻海上雲  
共有深襟封舊恨  
不勞寒燭引殘醺  
神駒自昔非凡種  
看取行囊寶劍文

正旦雪

除夜殘寒結海雲  
新年瑞雪曉氤氳  
梅花映閣參差見  
竹葉臨窗浙澀聞  
色點朝衣隨拜舞  
春生農扈啓耕耘  
遙思聖主西征地  
椒酒傳宣遍六軍

甲六

五

金陵叢書  
蔣氏校印

贈別舒廣文還湘南兼寄故人二首

曾下湘臯采菊英  
漫勞朋舊記微名  
軒車已作三年別  
城郭仍含萬里情  
海畔來同河朔飲  
燈前驚聽楚歌聲  
浮雲世事多翻覆  
莫對青山意不平

湘南山水最宜人  
風物蕭蕭絕世塵  
磐石江清見漁影  
甲峯松古長龍鱗  
幽棲問字吹藜火  
爛醉迴船倒葛中  
舊種桃花今在否  
相思煩爲賞餘春

補寄張司馬戊寅九月六日詩

山城菊蕊兩逢秋  
湘水芙蓉萬里愁  
社稷猶懷宋司馬  
神仙難覓漢留侯  
詩成綠野人誰寄  
酒散黃金客未憂  
台海東邊舊尋約  
不勝幽夢落滄洲

候城里

萬壑千崖控海門  
愁雲不散畫長昏  
王哀枉積林間淚  
苟息難招闕下魂  
且以孤忠懸日月  
不勞遺草落乾坤  
椒漿欲笑知何處  
古木含風自吐吞

一點麻衣入帝庭  
九天風雨畫冥冥  
雲迷杜宇遊魂黑  
草染萋以野血青  
四海衣冠收節概  
萬年宗社屬神靈  
英雄已去心難死  
長倚南箕化列星

同李別駕登巾峰

臘月已去正月歸  
梅花滿林飛漸稀  
海峰積雪白壘壘  
江樹映日寒輝輝  
丘壑對筵須縱酒  
朝廷旋凱正垂衣  
台南物色殊堪賴  
秉燭題詩興莫違

甲六

六

金陵叢書  
蔣氏校印

辛巳元日回風亭作

元日東風花氣香  
卽看蝴蝶過茆堂  
山寒碧霧霏霏色  
樹隔丹霞閃閃光  
楚水旂旄收戰略  
漢廷誅賞布王綱  
何時枯涸開春甕  
醉舞斑衣白髮傍

春日與客宿金山二首

江上春山青可憐  
角巾同泛過江船  
峰尖仄起通人徑  
海色平鋪到酒筵  
煙月光搖洲樹影  
風聲浪拍石梁邊  
妨清興徒倚應知廢  
夜眠

靈峰爲愛及春游  
冉冉風煙數倚樓  
海上帆樯夷夏接  
江間臺殿古今浮  
行逢嘉樹韶華動  
坐傍高雲客思愁  
鐵甕不孤開天府  
紫宮遙拱對神州

答周觀蔡獨泊焦山

江心高嶂擁青巖  
吹浪夜潺潺寒暈下  
抱孤根宿獨鶴遙橫  
別島還浪聲聲羅

虛勝踐滄波愁爲洗  
塵顏

過揚州有感

前年客權經芳甸  
武帝龍旗爛錦川  
此日蕪城仍對酒  
五湖

雲水共凄然春光泛  
灑瑤花月旅思纏綿  
碧草煙俯仰不堪

陵谷變白頭吟坐向  
江天

飲凌谿新園

二月揚州淑景新  
南園春月解留人  
竹影橫斜梅影淡  
水清淺

問居遂奉親行坐不  
離醒酒石逢迎俱是  
問奇賓看君種樹

甲六

七

金陵叢書  
蔣氏校印

今盈尺會見欵簪合  
抱身

浦上懷古

漢祖還鄉歌大風高  
臺提劍氣成虹關西  
父老三章約垓下

河山百戰功祇見粉  
榆生故社屢聞雞犬  
變新豐經過又是

高陽侶醉折桃花薦  
酒紅

送牛總兵赴貴州

當朝卻毅最知名開  
府西南握重兵白社  
分茅專節制烏蠻

銷甲避先聲威行銅  
柱提封遠官揮金貂  
閱閱榮更憶雅歌

同讌語儼然風度古  
儒生

天津喜雨二首

亦早彌冬復度春今  
晨飛雨落江津雷聲  
出地喧翠嶺雲氣

行空走百神卽有鷓鴣  
矜水影尙餘楚夢感  
皇仁迂儒破悶

開金盞捲慢憑闌晚  
興新

靈雨乍破風霾昏灑  
空胡不卽翻盆林花  
一洗仍春色川漲

初來已舊痕沂浪同  
時鷗泛泛脚泥無數  
燕翻翻羣情共荷

桑林禱剪爪齋心慰  
至尊

贈李一之都閩

將軍心膽向人傾緩  
帶垂腰玉劍橫韜略  
今過漢飛將交游

半是魯諸生風江畫  
楫春同醉月席金杯  
夜更清莫道腐儒

渾落魄醉深猶自索  
談兵

贈張含還金齒

上國遙攜愛弟來人  
傳二陸總奇才承家  
文學豈易得失意

甲六

八

金陵叢書  
蔣氏校印

天門仍暫回馬色飛  
雲開萬里劍光衝嶽  
照三台堪憐南去

風流遠詠盡寒齋臘  
炬灰

桐江夜飲

畫舫懸燈一水遙爐  
煙相伴坐良宵江雲  
掠幔寒仍重山月

垂波靜不遙豈有風  
吹宣列郡漫輸心齊  
答清朝嚴陵山上

垂釣石猶見殘星動  
紫霄

重過嚴陵釣臺

千年釣叟披裘地客  
子張帆兩度過朱紱  
頻經風雨後青山

其奈古今何松杉落  
落連祠屋蘋藻聲聲  
滿澗阿歎息雲臺

諸將相幾人圖像獨  
嵯峨

衢州道中呈子賈憲  
僉



江上相逢衣繡客青雲高況映霜天玄談屢接清尊酒  
初傳寶劍篇長路羣山催染翰中流明月照行船淮南桂樹  
空搖落歲暮天涯共惘然

雪後泛湖和周子賢

西郭羣峰積雪寒畫船湖上倚篷看樓臺隱見青松色蘆荻  
蕭條白雁灘沈醉方歌新歲始陽春和曲古來難期君盡訪  
山中寺細草微風石路乾

登南屏山絕頂

霧壁霞岑路有無下窺平地散江湖青天咫尺星辰濕滄海  
周迴島嶼孤吳越向來悲粉黛乾坤何處覓蓬壺清尊坐接  
流雲飲白日蒼茫對畫圖

甲六

九

金陵叢書  
蔣氏校印

江西亂後侍御朱守忠檢勸公牘還會余會稽感事表才敬

贈短律

柱史西行早恰回觀風幾夜宿霜臺江山滿目生春草城闕  
傷心變劫灰諫疏極論天下事班行真見古人來共知吳淞  
干黃鉞祗恐無辜潤草萊

寄許州七弟璵

千官扈從羨能文謫收新聲天下聞落魄吾家蘇季子風流  
南郡小馮君魚龍路怯黃河險鴻雁聲愁碧海分莫上吹臺  
瞻越嶠五湖回首隔重雲

同徐明府遊南明山石佛寺

背郭巖深洞戶重風迴雲竄寒鐘相邀縣令飛鳧鳥同上

僊人玉局峰溟海倒空浮日月臺山分壑走蛟龍期吟勝概  
題僧壁倚遍前林四五松

入雁山二首

落日雙旗度竹村靈峰歷歷引輶軒素人避地空桃水謝客  
開山自石門松栝藤梢俱刺眼斷崖巉壁易消魂捫蘿欲上  
招提宿轉見雲深細路昏

春歸幽谷見桃花問訊安期海上家石壁虛無通雁蕩星河  
漂轉坐龍槎林香定有千年藥雲起皆成五色霞且訪名山  
消俗慮未論句漏隱丹砂

風洞

幽澗泠泠洞壑哀靈風不斷石門開鯨波直撼三山動鸞翼  
遙搏萬里來日落餘寒飄大野酒醒孤嘯發層臺披襟擬賦  
青蘋色慙愧同游宋玉才

甲六

十

金陵叢書  
蔣氏校印

靈巖寺  
削壁迴耕翠且重寺門雲霧畫濛濛銀河暗注蒼龍水玉女  
高栖白雁峰僧住寒巖殊寂寞客游春日倍從容侵晨車馬  
還城邑漫指層林憶舊蹤

石梁寺

陰洞龍宮鎖石梁寶珠中夜有虹光千章古木藏風雨六月  
飛泉灑雪霜逝水年華流不盡孤雲禪觀澹相忘坐霽空翠  
清毛髮絕勝醍醐灌頂涼

能仁寺

能仁寺

竹樹煙深暮景沈西巖高閣迥難尋幽溪錦石垂花麗古殿  
寒雲接海陰荒徑散分燈火亂春山數勸酒杯深經過勝地  
渾難竝不負幽人十載心

龍湫

龍湫之水從何來崑崙倒注青天回絕壁風吹動高練暗潭  
石轉喧晴雷終年野僧對閉戶暇日老翁來洗杯酒酣且去  
莫狼籍玄猿瞰客啼聲哀

宋陵

玉輦橫江一葦通青山聊此繫玄宮兵戈不救長河外劍履  
終沈瀚海東末路強胡休自得中興諸將果誰雄當年定鼎  
虛籌策千古愁雲泣梓桐

甲六

十一

金陵叢書  
蔣氏校印

登臥龍山閣

飛閣臨空爽氣清半巖欄檻壓高城天分嶽鎮千峰合海圻  
江湖萬派明共喜泛霞來送酒便須乘月坐吹笙仙人宛在  
金銀闕不見秦王石路成

遊陽明山

澗道橫遮松柏林紫泥遙護洞天深香爐絕頂應須到石傘  
遺銘尙可尋禹穴久疑神聖跡秦碑堪痛痛王心往來身外  
無窮事不及當歌酒滿斟

岳墳

玉麻將窮宋鼎移長江東下水如馳皇輿播越胡塵暗歲幣  
和親國論危殿階有說難自拔英雄無主竟何爲崖山海色

連天盡精衛空銜萬古悲

約遊天台不果緬懷周觀察已遂高躋用寄

不到天台古石梁羽衣金節閉雲房塵埃定少神仙分藥草

虛傳服食方海日弄光開曙早城霞懸采建標長聞君直到

華峰頂倚醉題詩獻玉皇

贈王唯忠赴江西左轄

昂藏雲路識英雄薄俗浮沈恥見同南楚蒼生今有主中朝

清論總歸公松筠歷歷冰霜節竹帛明明社稷功白髮同袍

悲聚散一尊愁對海潮東

乞骸後奉答周觀察子賢

燕河舟楫三春水浙路旌旗十郡山海內交情傾蓋晚江南

甲六

十一

金陵叢書  
蔣氏校印

歸思乞骸還青霄氣偃松杉老丹壑秋深杞菊斑祇恐遠遊

辭膝下敢云高舉出人間

慶禮畢辭朝口號

曉漏遙辭丹鳳門爐煙近對紫雲軒金函拜表趨王會玉饌

宣筵識聖恩宮花影轉千官肅海日光臨九極尊願使遠臣

分岳收長瞻明主正乾坤

贈大司徒秦公入朝

寰宇大君懸日月台階高步絕雲霄新遷天上司徒貴重惜

周南建節遙劍履班齊黃閣老威儀光映紫宸朝從今畫省

歌財阜長倚薰風和舜韶

遙和太宰喬公致政



赤鳥飄飄別帝鄉  
高風肅肅動朝行  
天曹藻鏡還多士  
國典著龜祇舊章  
安石山中聊獨臥  
溫公天上竟難忘  
唯憐杖屨追遊客  
各自煙霞老一方

甲六

六三

金陵叢書  
蔣氏校印

息園存稟詩十三 七言律

殘臘書懷復股文濟

江上故園松菊荒歸來高臥舊茅堂  
頽憐修竹新移雨遂有疏梅迴破霜  
原憲豈知貧是病陶潛元倚醉爲狂  
肯攜碁局時相訪未乏清風助晚涼

正旦偶興

斗柄東迴耀碧天山林欣度漢文年  
鄉風一醉屠蘇酒王政三垂琬琰編  
日抱海霞通曙早花融城雪占春偏  
已聞雲物書祥兆野老從今且晏眠

甲六

金陵叢書  
蔣氏校印

十三夜試燈和南原

畫障銀燈照夜初月華如雪滿庭鋪  
煙橫巷陌迷行馬春入池塘起睡鳧  
文雅風流仍舊社太平恩澤在皇都  
祇慙勝日淹佳客除卻清歡一事無

徐君敘宅與諸君懸燈賞梨花

銀燭高懸玉樹寒素光流影晃朱闌  
驚看月出層柯裏惡說風吹一片殘  
絃管橫催春爛漫房櫺斜見雪檀欒  
明朝此樂知誰續莫惜殷勤醉後看

和龍致仁秣陵山莊

負郭青青二頃田荷蓑驅犢下東阡  
貧資禾黍成婚嫁老伴漁樵度歲年  
陶令祗知歸去樂嵇康無奈性情偏  
悠悠一水

東城下已得吹簫夜放船

壽趙雪巖

五月五日夏令分白頭賓客壽田文  
榴花弄色明深樹竹葉邀歡到夕曛  
棋局不輸安石墅墨華長滿阿欣裙  
江南賸比燕京樂令子無勞望白雲

過蔡九遠雞鳴寺客舍承詩見謝率爾奉答

高人學舍無官事依舊幽栖坐碧山  
永日讀書雲閣靜新晴開戶薜花斑  
李膺未仕多推引蔣詡何人數往還  
桃竹詩筒勞枉贈丹崖瓊樹迥難攀

送伍中丞還石首

拂袖金門不可招中丞清節楚山高  
西江義旅雙龍劍南國干城一豸袍  
九鼎銘功藏石室孤舟垂釣入雲濤  
丈夫出處俱無忝銀漢遙瞻彩鳳毛

甲六

二

金陵叢書  
蔣氏校印

和文濟遷居二首

大隱何勞訪碧岑帝城佳處卽雲林  
陰柳覆溪門靜宛宛鶯啼竹塢深  
安石東山堪獨臥孔明梁山莫悲吟  
鳳臺雪霽多佳景不負扁舟五夜尋

碧煙虛檻樹千章最愛疏桐挂月光  
勝地別開碁局聖仙人新住水雲鄉  
西鄰修竹青稍細南郭羣峯翠黛長  
閉戶注書稀出入莫言門外有風霜

次華泉早春鳳凰臺

古臺誰見古人遊臺下秦淮今自流  
鳳鳥不來空故國梧桐



千載倚荒邱雲門雪鬢芙蓉殿江上春生杜若洲聖代登臨  
多樂事側身天地更何愁

送彭給事汝寔奉母夫人還蜀

灑灑霜乾石道微南舟安穩奉慈闈江魚白白供行饌峽樹  
蒼蒼媚采衣華國文章多麗藻過橋車馬盛光輝朝廷衮職  
須公補且莫山中戀蕨薇

鄭作至問訊空同

北里築居何歲成南山種豆苦逃名百年邱壑真長往千里  
驛驛羨獨行每見披裘過道路漫聞揮翰動公卿神仙竟合  
邀中散婚嫁何勞問向平

送林貞孚還閩

甲六

三

金陵叢書  
蔣氏校印

北關上書何所求南宮臥病候經秋祇緣禮樂須幽討豈謂  
雲霄竟薄遊江漢趨庭宜彩服乾坤高枕對滄洲承家未止  
今方岳司馬風流蓋九州

送吳與成會試

瘦馬狐裘犯雪風青年文藻動南宮誰應避舍推蘇軾已忝  
通家識孔融燕市醉歌春未遠吳門高論夜還同臨行把贈  
干將去共惜池陰老劔工

次南坦同白巖公登蒼巖聯句

蒼巖高出太行顛下瞰南州數點煙海外忽來玄鶴駕人間  
重見白雲篇行藏玉雪誰相染咳唾珠璣竝可傳不向山林  
貯氣象豈知台省有神仙

遊故相守溪公園亭見中舍君新栽花木

丞相園亭舊數來平泉花木後重栽武林桃水透迤轉太華  
蓮峯綽約開月出取資俱酌酒雲移高閣更徘徊門牆惠澤  
思無盡踏遍三槐樹下苔

陳君汝璧自永嘉來南都省其伯兄總戎公且締新婚

愛弟新從東越來墟籠聲徹鳳凰臺他鄉棣萼生春與故苑  
楊花攪別懷幕府眠雲應共被皇都覽勝幾銜杯風流將種  
真無忝看取金屏射雀才

送祝時泰守思南

朱轡南去領提封清代蠻荒聖澤濃雲轉舟車通萬里煙舍  
城郭擁千峰印臺地重踏金虎劔匣塵清臥玉龍尙有經綸  
須大用不妨吟嘯暫從容

會陳亨父

甲六

四

金陵叢書  
蔣氏校印

西園虛閣對高林閉戶焚香養道心勝地幾年頻悵望歸帆  
千里一開襟雲深獨鶴蕭蕭舞海近寒龍細細吟明月倚闌  
無限興莫因人世歎浮沈

十一月五日同子魚風雨舟往治平寺訪履約履吉

伍胥城東月映樓越王牆下雨隨舟石湖噴薄魚龍氣水國  
霑濡鳥雀秋竹徑松房人隱隱酒杯香篆夜悠悠平生白首  
相知侶對宿空山興轉幽

唐京兆應詔侍母夫人還楚

太君歸權下青虛京兆承歡奉起居千里遙將春色去一封

偏荷寵光餘桃花夾岸明衣繡荇葉浮江簇饌魚莫傍庭幃  
懷定省都亭竹馬待還車

送鄒武庫元洪入京

三年帝廡開驂駿一日天書降鳳凰時論同歸小司馬朝班  
重識舊鷓行風神玉雪窺清澗文藻江山助渾茫豪俊從來  
須大用看君飛步入巖廊

宜興謁東坡祠

學士祠堂榜水局蜀山蕭索向誰青歸魂省識毘陵道好事  
空餘楚頌亭萬古雲霄瞻氣象滿林風雨護精靈湖東月出  
光如許照見燕山相國銘

寄陳宗禹中丞

甲六

五

金陵叢書  
蔣氏校印

暫下烏臺短髮青楚南新望少微星書成自去藏衡嶽月出  
時聞釣洞庭江海澄清風憲體松杉天矯歲寒形空慙叔夜  
非儔侶漫點封章誤主聽

送劉叔正憲僉入蜀

巫峽巫山霧雨蒸繡衣持斧下青冥從來直道非時好况復  
高文絕代能野鶴昂藏寒自警海鵬寥廓氣彌騰諸生鼓篋  
江南北泰嶽雲高望不勝

寄鄭戶部唯東母夫人

北堂酒浮金爵光東曹帶繫銀魚長栢舟節操冰霜迥翠翟  
威儀錦繡香列鼎端居餘慶澤稱觴詞客盛文章從今老福  
如川湧著到孫枝玉樹行

對雪二首

千峰急雪灑茆簷久旱微陰冷亦堪獨賴諸公憂凍餒不勞  
明主顧東南高標一任寒梅得餘潤偏宜宿麥含薄暮倚闌  
看絮舞鬢絲相伴兩鬢鬢

孤城落日雲垂暮大地陽回雪舞花采石江濤冰魄瀰蓬萊  
宮樹玉橫斜清光恍徹三千界朔氣平侵十萬家半夜兔園  
賓客醉擁爐揮翰氣成霞

贈王司寇乞養歸台南四首王舊尹應天

千巖萬壑乞閑身風節分明見古人愛下更無包孝肅戀親  
誰似范純仁天顏咫尺傳優詔海嶽逍遙理釣輪明發都城  
新雪霽甘棠何限總含春

甲六

六  
金陵叢書  
蔣氏校印

抗疏曾聞動武皇一麾迢遞過沅湘青冥直氣干星斗白首  
孤懷映廟廊韓愈歸朝公望重王陽辭阪聖恩長行藏歷歷  
俱無忝拭目台南皎日光

脫身霄漢賦閒居暫息鵬風九萬餘母氏在堂思戲采人生  
當路幾懸車燒丹試鑿皇華井閉戶應修禹穴書料得晨昏  
調鼎味長將竹筍餽江魚

天台石梁天下奇龍湫雁蕩碧透迤平生蠟屐今方用向老  
奚囊每自隨海浸樓臺雲五色洞藏花露竹千枝知公此去  
能高臥祇恐商王起夢思

贈張秋崖虞卿

柴門風雪印行蹤竹杖新辭雁宕峰中散獨行如野鶴老聃



一見是神龍英雄踏踏誰青眼道德希微又赤松欲撥紅塵  
攜手去匡廬石上話從容

送金子有陳羽伯春試

久拋鉛槧伴樵漁二妙年來謝啓予  
粲爾鄉邦生驚鷺居然清廟對  
璠璣辭家竝赴看花約理國無忘種樹書  
天子祇今過舜禹許身千古欲何如

上蓬翁壽和文濟二首

鶴立鵬搏五十春玉階搖珮上星辰  
黃扉大業關元化白首孤忠動鬼神  
壽亞路公凡幾歲名齊溫國竟誰人  
紛紛寒士歌恩澤厚祿千鍾祇自貧

玉燭均調四海春風雲嘉會慶茲晨  
朝廷禮樂前無古臺閣

甲六

七

金陵叢書  
蔣氏校印

文章妙有神竇麻天長遺大老金門地  
迴隱仙人休憐道貌殊清峻夙夜常憂白屋貧

與陳石亭雪後遊牛首山

隆冬季月歲云徂策馬牛山興不孤  
削壁倚空雲點綴古松

沿澗雪模糊堂垂塔影傳靈怪人轉  
巖腰學畫圖形勝江南無可比武皇龍駕合踟躕

遊花巖

風林下馬叩龍宮雪磴扶筇踏虎蹤  
把酒峯頭看海月開門

庭際俯雲松鐘聲夜榜諸天動巖翠  
寒交萬木濃苦說移家

身已老暫來猶自未從容

和望之中丞春日對雪二首

春風拂拂自東開春雪盈盈落風臺  
江柳破寒先舞絮宮花

應候盡妝梅霏微向日相矜媚輕薄  
迎風卻倒迴野老茅齋

方臥穩叩門休報大夫來

大壑春生冰欲開青皇將雪下瑤臺  
先教澤潤甦原草故送

清寒勒野梅鷓鴣雲高鴻影度虛龍  
江動練光迴東郊前日

迎春侶裘馬翩翩射鹿來

己丑元旦和陳京兆祐卿

甲六

八

金陵叢書  
蔣氏校印

三傳精華已做微少年文采眼中稀  
龍駒得水呈圖出鳳侶

迎春入鏡飛內館芙蓉生繡褥後庭  
萱草待斑衣由來骨相非凡種日下  
人當薦陸機

春日遊高座寺二首

佳辰聘望給孤園白袷初成氣候暄  
春日漸添風物美空山

眞隔市朝喧歌催酒盞當筵急坐愛  
花枝滿目繁眼底同君

聊一醉吳臺梁苑底須論

花發其如逸興翔春山釀酒惜年芳  
臺高忽見江流近寺古

唯聞松柏香竝遊驕馬花邊去獨轉  
新爲竹裏藏尋壑經邱

共忘返還憐白日轉添長

和望之惜園花盡開之作

和望之中丞春日對雪二首

春風拂拂自東開春雪盈盈落風臺  
江柳破寒先舞絮宮花

應候盡妝梅霏微向日相矜媚輕薄  
迎風卻倒迴野老茅齋

方臥穩叩門休報大夫來

大壑春生冰欲開青皇將雪下瑤臺  
先教澤潤甦原草故送

清寒勒野梅鷓鴣雲高鴻影度虛龍  
江動練光迴東郊前日

迎春侶裘馬翩翩射鹿來

己丑元旦和陳京兆祐卿

十月春晴花盡開一年春事半莓苔疏枝密萼相將盛粉蝶  
黃蜂莫浪猜漫舉金杯當月榭誰吹玉笛傍霜臺芳菲未忍  
隨流水遶樹攀條意獨哀

吳太宰新堂初成有鵲來巢

相國新開綠野堂堂前靈鵲早呈祥來依喬木營門戶欲傍  
青雲化印章幽砌頗宜迎客噪高簷何礙順風翔雕梁畫棟  
相鮮地最愛詩題素壁光

春日顧吏部武祥張兵部惟靜攜酒過息園重辱佳篇漫謝

一首

青溪竹逕久荒蕪二仲逢春試玉壺即有荆花當戶紫更多  
萱草映階鋪衰顏屢喜依瑤樹秀句時驚落蚌珠高駕往來

甲六

九

金陵叢書  
蔣氏校印

殊不惡莫因疏懶厭潛夫

壽姜節舉人父母

七十二峰如列戟太湖深護隱君廬家貧萊婦能逃祿身老  
龐公不著書生理剩栽巖畔竹旨甘時薦舍前魚青春令子  
方騰踏雲路遙乘駟馬車

贈朱銘甫還松江

太學賢名眾不如九峯歸省老尙書才華獨擅三都賦門閥  
重高駟馬車吳苑天寒收橘柚松江霜落薦鱸魚遙知彩服  
趨庭後讀盡家藏萬卷餘

送陳子文赴廣西

八桂西瞻岳牧尊使君持節下湘源星巖風洞山殊秀雪片

霜華地不暄永日賦詩薇閣靜青春行部繡旗翻從木地遠  
多名宦銅柱猶聞頌馬援

送陳京兆祐卿還南海

疏傳懸車緣底事溫公避位本初心蛟龍遠適江湖性鸞鳳  
高辭枳棘林多病逢人求大藥有懷浮海發孤吟移家勿向  
羅浮住使者來徵恐莫尋

西爽草堂

草堂寄在國門陽西嶺蟠迴入戶蒼含雲洞壑泉臺迥礙日  
松梧露逕長歲歲采蘋修俎豆重重栽竹護垣牆南州高士  
今難作唯聽慈烏弔白楊

送王文光宰定海

甲六

十

金陵叢書  
蔣氏校印

曲江落羽人皆惜東海分封眾所榮喜見疲民投父母願因  
明主致昇平花間草長逢馴雉谷口春歸聽早鶯看取漢家  
循吏傳獨憐卓茂最知名

孟中丞命酒息園集諸文士賦一首

山人避俗野園開憲府邀歡載酒來浮杯豈讓山陰會授簡  
還徵鄴下才暫遣間雲依絨冕更呼明月照池臺錦筵爛漫  
唯須飲畫燭闌珊未擬迴

登清涼寺後西塞山亭四首

雲漢秋高煙霧開舊京西望一登臺皇居迴映鍾陵起海水  
遙吞鵠嶺來半嶺顛峰頽落帽孤亭斜日更銜杯乾坤轉盼  
皆陳跡况復浮生白髮催



晚上高亭對落暉萬山寒翠濕秋衣江流一道杯中瀉雲樹  
千門鳥外微古寺頻來僧盡老重陽欲近蟹爭肥霜楓惡作  
蕭條色故弄殘紅繞客飛

山閣難禁宋玉悲六朝遺恨滿殘碑青山自擁蟠龍勢玉樹  
空傳落燕詞寒節授衣傷老大醉鄉隨鋪愧支離歌筵舞妓  
非前代文采風流又一時

劍化人亡有故城東來海氣帶龍腥煙花樓閣三千界錦繡  
山河百二形老託神京堪自隱醉眠秋澗不知醒長江只在  
朱闌外莫遣哀歌動杳冥

梅開答孟中丞厭客之嘲

驄馬能過問野梅柴門何惜向陽開空勞野客巡簪笑寔少

甲六

十一

金陵叢書  
蔣氏校印

高人載酒來地僻誰懷元亮宅月明深負謫仙杯須知竹下  
三三逕本爲招邀二仲栽

和許隱君遊西湖

千峰萬壑斷飛埃百頃湖光演漾開大塊丹青隨意得炎天  
冰雪傍舟來不禁楊柳牽衣袂況復荷花近酒杯曾是君王  
遊賞地采雲猶讓舊歌臺

拜岳武穆廟

水白雲青廟貌明墓門喬木盡南生天高竟吼三人虎國破  
誰摧萬里城望斷白龍無死所歌殘黃鳥有餘情海波東去  
崖山遠精衛千年恨未平

文徵仲翰院約遊西湖不至次韻奉嘲

懷君不見動經年有約猶慳訪戴船草閣自含懸榻愧蓮舟  
終少聽歌緣徒聞避俗稱高士未必尋幽損大賢落日倚闌  
空並立海山千點澹蒼煙

和許隱君留別

丹山碧水古王城處處登臨滯客程幽壑風煙須縱酒暮年  
朋舊獨關情勞生苦覺滄洲遠別路空餘白髮明客裏送君  
秋又至臨歧休怪旅魂驚

天真寺訪薛尚謙因懷伯安王尚書

江邊寺裏爲君來絕壁高亭對酒杯萬里海波衝鳥落半天  
飛雨挾龍回蒼松解引尋真路宿草空傷濟世才莫上書堂  
歌伐木寒泉鳴咽使人哀

甲六

十二

金陵叢書  
蔣氏校印

湖寺觀雨

濕雲吹墨澗湖波急雨翻盆落澗阿江郭厭山當面失寺門  
孤樹奈風何浮生白髮餘高興暇日清尊且浩歌蓑笠醉歸  
還自笑晴天曾得幾回過

和劉光祿觀湖

江樓再上思前事十度流光指一彈滿目波濤還自至舊時  
賓客不同觀玉龍氣湧澄江動雪練光搖大海寬欲挽靈槎  
上霄漢祇愁風露弄秋寒

遊三竺後暮泛西湖歸城呈汪按察

風度疏鐘出萬山天城樓閣挂巖間松林落日暉暉白石澗  
幽光細細斑修竹禪房堪載酒亂峯雲樹暫怡顏蘭舟蕩漾

西湖水悵望嚴城暮始還

雲居送蔡武庫赴南曹有懷故國

雲寺迢遙來送客松關繚繞不逢僧堪憐把袂臨秋草轉愧  
齋心對佛燈旅况鄉愁依去櫂月華風影亂寒藤高巖總是  
銷魂地天畔危闌莫盡憑

思歸和劉介夫中丞

寒月滿天鴻雁飛中宵獨立明星稀樓遲東省愧官俸悵望  
西湖思釣磯采服家園三徑遠白頭天地一身微才迂歲晚  
竟何補早晚孤帆江上歸

目六

一三

金陵書  
蔣氏校印



上元願 璩

息園存案詩十四 五言絕句 七言絕句 六言絕句

春日郊行三首

條風曳微雲 山色差可美 日出湖上行 春光滿湖水

麥壠搖新葉 梅塘泛落花 前村天欲雨 雲裏見人家

白石明春泉 蒼林暗春霧 馬蹄從東來 失却山間路

寄楊太康

明月生遙岑 清光轉華薄 樓上憶君時 秋風動羅幕

送客歸吳

艸際日華淡 水邊雲意閒 翩翩五陵客 騎馬入秋山

日六

金陵叢書 蔣氏校印

與陳魯南

浮雲淡秋水 落日橫暮山 與子有幽抱 時在山水間

幽人

竹靜風已歸 亭虛雲自過 幽人了無事 坐玩閒芳墮

詠扇畫寄諸故人八首

詠松寄喬白巖光祿

青松高千尺 知是何年栽 獨有憩陰者 時為清風來

詠山水寄易後齋進士

故鄉宛如昨 近郭多池臺 一別同心侶 無因數往來

詠葵寄郭東崖侍御

花色亦何貴 畫葵愛葵心 豈無桃李顏 要非君所欽

詠芙蓉寄張南園太常

旖旎芙蓉花 蕩漾木蘭楫 相思隔湘水 欲採不可得

詠菊寄潘團山侍御

寂寞東籬下 幽花裊露黃 自緣寒節至 不是愛秋霜

詠桂寄王陽明主事

明月皎如銀 中有丹桂影 懷人坐良宵 衣裳露華冷

詠芍藥寄李崆峒郎中

春芳已搖落 一枝開庭陰 遲暮不自惜 東風詎知心

詠菊寄何白坡中舍

寂寞三徑下 亭亭帶晨霜 行人愛嘉色 君子懷清香

夜汎

甲六

金陵叢書 蔣氏校印

四冥波浩浩 一葦向空渡 月近星斗寒 始識天上路

憶孀女二首

愛盡哀還積 年踰恨未除 空塔殘日裏 愁見舊羅襦

客裏維舟夜 懷中拜月明 邇來三五夕 見月倍傷情

衡山雜畫二首

巖壑飛塵絕 孤亭壓水雲 偶來兼野興 非是厭人羣

雨霽春湖潤 扁舟坐不還 放情親白鳥 覓句贈青山

葉澄雜畫四

雪積千山素 行歌履跡穿 腰間有樵斧 猛虎莫當前

釣竿青嫋嫋 孤影照雲汀 莫遣青天上 浮光動客星

古琴彈古調 今人誰愛聞 獨往山中去 因聲寄白雲

平湖瀉明鏡上有修竹林把酒對山月誰同秋夜心  
和張水部雜詠八首

柳溪

春雨夜來急溪流朝已深柳絲搖淺綠垂影到波心

脩徑

蒼枿夾芳徑葱蒨饒佳色霜天獨不凋然後知爾德

看竹

水曹愛看竹一日分幾時峨冠不須著美酒聊自持

蕉雨

高葉戰風雨歷亂不堪數詩思與翩翩坐深良獨苦

荷風

我戰紅粉妝冉冉出清涼風來忽倒垂照見新蓮子

甲六

三

金陵叢書  
蔣氏校印

水亭

清溪坐來澄白鳥望中度酒熟無人開詩成有神助

江樓

野望緬蒼茫海思坐超越雲生鶴鶴林日射蛟龍穴

魚陂

朝銜新藻遊暮託淤菹息幸無涸轍憂不望監河澤

和見素林公雲莊雜詠八首

英英巖際雲相將庇幽獨育風自振蕩慎勿撼我屋

朝暮耕鮮雲結子如黍密煮作山中飯還共山人食

孝思亭

苦心日宛轉九原竟寥寞服盡淚隨盡此道今人薄

高才亦有癡明祀亦有賈千秋萬古心直與雲山對

見素洞

白玉開洞房藥田元氣濕老龍雨四海向晚隨雲入

臨滄亭

隔海望三山銀濤立青壁神遊挾飛仙玩弄扶桑日

三影池

三峯峭而尊凝神入虛觀青天動光彩滅盡浮雲影

隱屏

石屏在巖幽不習見冠蓋時有明月期散髮坐相待

贈嚴別駕

日六

四

金陵叢書  
蔣氏校印

春到鶴林寺川鵲花最紅使君幽興劇獨步問東風

蕭侍御麗川雜詩三首

曾行麗川路解道麗川景山停鸞鳳形水動魚龍影

景巖七曜麗風動四時秋玉壺搖小艇日日醉中流

羣峰夾江流十里餘百折春來詩興多鑿遍千巖石

秋舞會王履吉朱振之諸君

良友四方至秋月此宵明斗酒集虛館踟躕無限情

秋海棠

陰葉搖翠濕薄葉紅粉香絕憐秋苑下復爾見春光

蘭

幽蘭兩三花清香暗中起日暮望美人盈盈隔湘水



畫竹

陰叢含雨氣燥葉領風聲即是圖邊見猶令客况清

書畫上二首

平江浮夜色遠雁帶秋聲渺渺孤帆去前山月正明

微風被芳渚菰蒲亂如髮爲問紅蓮花含香待誰發

題畫二首

吳山碧相續具區深不流孤舟行薄暮短髮照清秋

野曠平巒小雲寒古木垂自緣詩思苦非關歸騎遲

兩山圖

雲滃雨翻盆千崖互吐吞歸人愁路窄切莫近黃昏

風仙花

甲六

五

金陵叢書  
蔣氏校印

碧玉青樓女盈盈妝粉紅不應試蘸甲翻令妒守宮

倦繡美人幃

罷繡非關暝含愁詎爲春祇恐燕臺下花月解留人

白蓮便面

玲瓏白玉竿置在翡翠盤清池明月下怪爾生秋寒

史知山納妾以翠珉竿爲賀

碧玉雕螭竿鮮於翡翠毛美人春夜飲芳量漬櫻桃

定公房小畫二首

斯來東海骨長惹老龍爭寫作如來供猶含風雨聲

洗盡塵埃色湘江暮雨餘誰將明月影留照草堂虛

對菊

野客愛寒芳經旬再舉觴名花不在色美酒獨宜香

阻淺發悶十首

船腹沈沈尾生垢風日更噪莫禁當鷓鴣鴻喜川酒灘上

銜魚來去狂

白晝風號夜不休那能寸水爲人留千艘並注江湖想萬室

兼懷雲漢憂

上開閉水絕涓滴下開水生輒復開我舟公然闕平地碧波

銀浪曷從來

七十二泉元自多水曹疏導力如何宋公不作陳老死河滿

涓涓黑馬河

尺水無奈眾相爭大官高編鼓先鳴估人漕卒且安坐勿謂

爾曹舟重輕

萬方舟楫赴天門表頌椒宮慶至尊海若縱無波泛散雲師

須遣雨翻盆

三日不下一開門幾時端可到清源老夫白飯尙堪飽漕卒

赤拳誰可論

正月樓船發古杭三春弭楫汝河傍未愁綠酒追行樂卻恨

斑衣遠故鄉

吳苑出門春草萋汝川行色柳依依故園薔薇絕堪賞候水

阻風歸未歸

岸頭古柳綠絲輕傍石繫舟非我情黃鸝不知客愁思時來

枝底送春聲

甲六

六

金陵叢書  
蔣氏校印

苦熱絕句十首

齊中五月暑太甚縱到天南知不如豈是衡山移岱嶽東蒙

分與祝融居

作書海上訊龍公耐可停舟烈日中天外洗塵須法水波心

消暑借離宮

家住江南古帝城江風長夜繞門生不知頭白緣何事兩月

官舟觸熱行

迎風觀上天如水寒露臺前月似霜好待甘泉新賦就持歸

此地獻君王

原塵勃勃草全稀林木炎炎鳥不飛縱酒須逃十日飲乘風

那挂一絺衣

甲六

七

金陵叢書  
蔣氏校印

赤雲西擁火為峰紅日東驅燭作龍聞道峨眉多積雪若為

飛去蔭長松

周武殷湯在眼中今王聖德古人同禾枯即灑桑林兩道喝

仍嘯柳下風

西照人家晝掩門船窗渾是暑風屯清川沸作湯池熱涼榭

蒸為火樹繁

雲中夜滴金莖露天下冬藏玉井冰安得九重憐肺腑一時

傳賜解炎蒸

蔡扇桃笙湘竹牀捲簾高臥汗如漿如何赤鯉澄波冷不及

玄蟬密樹涼

積雪樓上把酒四首

高樓映雪雪先光雲外神仙白玉堂枉殺相如新賦就定從

何處謁梁王

雪滿空林萬木寒玉峰峻嶮倚樓看銀瓶酒綠狐裘熱六六

文窗夜不關

樓上題詩滿硯冰城頭殘雪見疏燈瑤臺月白青雲冷下有

寒潭灑列星

啾啾寒雀拂簷來槽拙爐深欲作灰雪上紅纓高犬過王孫

西去獵黃臺

公宇納涼四首

庭樹重重拂院西更無殘日透簾閣胡牀一片堪吟嘯卻付

餘陰取鳥啼

甲六

八

金陵叢書  
蔣氏校印

散髮乘風怯病身出門途路觸黃塵每愁入夏妨高興不似

青春解著人

跋涉山谿氣鬱歎日中生恐鬢毛焦南薰忽借閒庭爽羽扇

冰漿總不消

不愁赤日遠簷來但取清風灑面開塵事盡拋心似水使君

何必愧無懷

偶題

雲連樹色千章合雨挾泉聲一道飛儘有山林堪送老不知

何事口口口

舟入天津

天際亂山橫暮靄水邊喬木起秋風扁舟欲過聊停權明日



京塵便不同

村居

山回水合樹成村不是桃源即鹿門但有扁舟能送酒莫言  
人世五侯尊

再遇仲木舍對菊四首

舊摘黃花半已稀重來相對莫言歸  
蕊碧綠酒深如海判取

新霜點客衣

陶令舊無栽秫地杜陵新借浣花堂  
白衣綠酒今重至翠蓋

金錢晚更芳

歲寒心事特相親莫怪留連倒葛巾  
夜半苦吟寒燼落錦屏

愁殺按歌人

甲六

九

金陵叢書  
蔣氏校印

露渚夫容次第殘風林桂樹不勝寒  
青霜素月蕭條地獨有

黃花耐晚寒

月夜飲九峰山人快園二首

露橘霜榴接葉存古藤修竹覆階繁  
誰家池館深秋後能遣

高歌盡玉尊

桂樹檀欒陰小山夜深留客不知還  
池頭月起光如鏡更爲

殷勤照醉顏

麗江同蕭侍御作二首

笑共江妃拾采霞錦袍乘月坐浮槎  
桃花兩岸知何處中隱

秦人數百家

聖主乘龍日好文高賢簪豸起青雲  
長才漸入麒麟畫雅興

猶懸鹿豕羣

同黃參軍登巾子山二首

上客牽蘿到石門老僧分澗引匏尊  
青山萬點浮東海落日  
憑闌望不昏

一上高亭野興幽坐憑松頂瞰江流  
海中樓閣三山霧天畔

風煙六月秋

康谷道中見梅花

萬木蕭條積雪寒空齋愁坐歲華闌  
春風十日知多少已得

梅花道上看

鷄鳴寺訪錢元抑遇雨

觸熱尋君汗似漿坐依高竹挂冠裳  
濃雲忽透空林兩人與

甲六

十

金陵叢書  
蔣氏校印

青山相對涼

夜泛蠶谿

桐館三月二更生蠶畫溪流百里平  
一夜權歌歌不盡倚篷

斜坐到天明

自荆溪問道往錫山

荆溪一水逶迤去震澤羣峰歷亂來  
縱使路迷都莫問秋光

隨地可銜杯

京城西湖漫賦

萬頃澄波浸太清先皇開鑿擬昆明  
錦帆不羨揚州路樓船

誰誇下瀨兵

寄李獻吉二首

一醉洪都金屈卮再吟台海赤霞辭梁王臺上青春月共折  
桃花未有期

太史論文戰國同杜陵詩體次王風即看今代詞林伯未覺  
前賢采筆雄

贈寄張童子合二首

羨爾伯兄來萬里錦囊書卷爛珠輝今看十歲能長賦何用

從前吃陸機

麟子鳳雛難可見碧蹄丹喙定堪誇詞源莫倚翻三峽經笥

還須富五車

贈夏敦夫守惠州二首

問子胡爲到海陬仙人合去住羅浮莫辭荔子開樽酒無奈

日六

十一

金陵叢書  
蔣氏校印

梅花邊郡樓

欲採芙蓉贈使君滿江紅錦漲秋雲相思莫道音書遠南海

春來有雁羣

高吏部公次奏續自大江攜弟入荊州却赴京師

猿聲霜夜憶三巴姜被凌寒路不賒直到荊州始分手將詩

徐轉入京華

送徐來秀才

日彩浮金丹闕曉煙光凝翠碧山秋長安舊路天西北醉裏

題詩送遊客

送楊進卿入吳二首

茅堂寄在石湖西麥隴桑田咫尺迷愛爾通家好傾倒放舟

頻過越來溪

出門隨意得青山霜樹秋高滿目斑一醉一醒堪潦倒不須

身挂利名間

贈吳煦

綠樹涼生十畝陰柴門永日少相尋紈衫不礙跣趺坐石硯

聊隨散誕吟

汴中逢殷文濟將赴蒲州省乃兄刺史二首

異域逢君感亂離春殘何處託花枝江南縱有池臺在不似

當年對酒時

河濱垂柳繫行舟坐對青春未解憂池草萋萋千里夢逢人

先自問蒲州

甲六

十一

金陵叢書  
蔣氏校印

松泉

空林急雨暗蒼煙松下寒聲落澗泉滿耳塵埃湔洗盡道人

中夜不知眠

美人幃子二首

晚多幽思不成妝徙倚閒臺玉漏長明月漸低天杳杳梅花

枝上有新霜

霧縠微涼玉露清銀河西畔水盈盈桂香蟾影秋無限一曲

霓裳萬古情

春燕

綠樹花飛半作泥江南新燕已來齊雨聲不與幽人約暗送

春光出小溪



海棠花

嘉州名花香觸人調朱弄粉淡含春沈香亭上微醺處可怪  
君王不忍噴

梨花

一枝繁雪亞牆東千樹天桃枉自紅腸斷不禁明月夜縞衣  
珠佩倚微風

同文徵仲贈許隱君

一別西湖今幾秋重搖闌權伴君遊碧山樓閣懸明鏡壓盡  
東南數十州

送葉戶部瑞監稅還南都二首

杭州北關天下通大艘小牒往來同寬稅幸逢堯舜理無人

不頌使君功

北峯南峯夾西湖煙景四時張畫圖暇日使君搖艇子新詩  
的的似明珠

承朱臣策張汝益顧世安自松江送菊至東省謝以短詩二  
首

離披五色散秋容三柳風流得坐逢好語繁霜知愛惜寒天  
留爾伴青松

後圃香雲拂曉臺吳船新送菊花來深秋客思渾無賴野興  
崢嶸特地開

題周臣畫二首

疊嶂寒松護碧霞一溪春水夾桃花山坳若見漁舟入莫問

甲六

十三

金陵叢書  
蔣氏校印

人間舊歲華

石壁煙霏夏氣清水光人影靜分明綸巾羽扇者誰子來共  
沙頭賦濯纓

小畫二首

斜日雲橫薄暮空江木落高秋雲外稻梁自足人間贈繳何  
求

澤葦江楓共遠玄冕白鷺爭飛借問漁舟安在欲來垂釣忘  
歸

甲六

十四

金陵叢書  
蔣氏校印

息園存稿序

曾自學於塾學爲文知海內擅大家者有東橋先生矣未見其所爲文也及什入瑯垣或見一二什節則起敬三復思欲盡見美高而左於官游徒增饑渴頃以議裁賦絲備端書之役獲睹息園存稿徧取而讀之歎曰此道蘊之發也此世教之一振也夫今之君子之爲文也孰不依道以行辭然世道非者其辭漫叛道真者其辭誕學道言者其辭拘厭薄時制上模六經習其文不吮其味譬之臨畫而亡神其辭不亦拘乎繼奇尙詭步驟列駢之巫人談鬼眩人聽聞其辭不亦誕乎綴合記誦以漂涉爲工如放帆江湖罔有止泊其辭不亦漫乎夫漫也誕也拘也皆文之病也與其誕也奪漫與其

甲六

金陵書局 蔣氏校印

漫也奪拘安得達於辭者與之論文哉孔子論文亦曰辭達而已矣蓋辭達者唯發道蘊者能之孔子見當世之人習於辭而教以反求其道道得於心則辭自達辭達之外無文已此孔子之意也非如朱子之釋云云也方今文明達辭君子固後先相望也罔不心服先生推爲宗工先生之文無意於學古而立旨命辭自與古合序事記實贈生志歿卓具史裁而箴議辯解近言之類則互發經旨是其賦於天者清粹醴一充諸問學者博洽正大而又更歷於世態者夷險起仆靡曲不致故其道之蘊諸中者深而其英華之發諸辭者達有如此者曾又得縱觀其詩如山中憑几息園諸集又皆本諸性情而中乎音律要之皆達辭也曾故曰道蘊之發也使好

誕者見之必知所以反其真好漫者見之必知所以止於義學道言者見之必求明諸心而不徒拘於文一話一言皆可底於行明良之會孝友之政仁讓之風光明之業班班乎因文而著矣曾故曰此世教之一振也嘉靖十七年戊戌夏六月朔湖廣寶慶府知府資中鄧繼曾謹序

甲六

金陵書局 蔣氏校印



息園存稿文一序

謝文肅公文集序

或問謝文肅公之文璠曰是醞氣之積也夫文章盛衰關諸氣運而發乎其人非運弗聚非人弗行豈小物也哉昔周之盛也文武成康迭興謨訓雅頌之辭爾雅深厚意若有聖人之徒操觚其間何其若是善也幽厲以降辭命淺繁黍離板蕩之篇氣索然矣非行人史官矯誣眩取則編臣棄士哀思悲鳴以紓其憤恚者也即國家何賴乎是故觀文體之險易可以知氣運之盛衰而人材由之矣唯我皇明聖祖神宗體

甲六

金陵叢書  
顧氏校印

道教化至憲孝二朝盛矣禮樂聲教之澤醞龐湛澹蓋天地一大運會也時則有鴻儒宿學出乎其間吐發正義抒揚宏詞以潤色治理培植道脈何其符合歟如邱文莊公程篁墩公吳文定公李文正公及謝文肅公與今存者不述皆館閣之望儒林之宗也考量德義其淺深厚薄何如哉蓋不俟百世乃可知也璠執此仰嘆有年矣比來守台州文肅之孫必祚見其遺文若干卷蓋文正手選者其文明健宏博根抵經傳以網維人倫為宗以剖白事實為用以抑揚邪正為志以遺外聲利為情詩與文同致合發情止義之則鍛鍊馳騫莫為有無蓋所負者獨遠大矣嗚呼居朝汲汲於為忠而常恐愧乎其祿居家汲汲於為義而常恐愧乎其生是以方進而

輟退既老而益勤充其極雖周召由是也豈不日聖人之徒乎璠故曰醞氣之積合世與人言之也僭踰之罪無所於逃所冀同好之知我爾曰桃溪淨稿仍舊名也刻在學宮

司空羅公外集序

讀羅司空傳夫然後知先皇作人之勤也用才之允也貽謀之深長悉也先臣之効官不於其躬也社稷不其有利哉初文皇帝開中秘之館選二十八臣陶鑄其間非有所準於成事也厥後鵬奮嶽立駢述而興以表見於當世如司空者非一士豈皆定於天乎抑亦砥礪激昂有所感會云爾夫若司空我仁宗自翰苑遷之御史宣宗自御史擢拜司空亦唯其才是任其所疏關於銓格遠矣非上有灼知下絕譏謫抑何

甲六

二

金陵叢書  
顧氏校印

能議於繩墨之外若此乎故司空居翰苑則文居臺諫則諤餉邊則敏而惠使外則節而禮易地異施應給不乏執任匪職俛焉不忘於其清濁散要之階無幾微望於其間亦豈非社稷之心乎夫帝王之代官唯其人人唯其功是以百僚師九德成事殆於季世越乃成憲道用下衰背公植黨之風競方命離次之法沮人臣之志始藉焉於其國家矣璠讀司空傳考其際會行事安得不為之三歎乎公之孫深陽簿廷相刻公外集以貽於世其傳實存故借述如此公名肅字汝敬以字行別號寅庵仕終工部侍郎其出處履歷具見斯集茲可得而略也

大司馬王公慎言序



天下之言夥矣神解爲上夫道緣率性奚有於解哉然物聚而類廣時易而變生位列而分別由是幽深縹緲不可究而原者非自外至皆道之實際也惟夫狃常襲故徒任口耳是以泛而不治守而不化學焉勿通於微政焉弗周於用幾何不爲說鈴已乎爰有上知之士澄心以潛源窮經以植本辨物以通方體事以踐述斯乃鑠精內注挾義旁通敘學則達乎聖奧謀政則貫乎王綱融而宗之不固前聞約而統之不詭物則卓乎達神解之機而成一家之言矣嗚呼靈稟罕遇管窺易蒙旁求斯品厥亦艱哉頃者大司馬僕封王公枉余中林接論弗逆乃出所著慎言十五篇俾相推訂閱深洞達超詣玄精上索乾樞下該物變人倫世運學統政模參伍選

四六

三

金陵書局  
藏板

析必要聖軌至其原五行則先水火辨性質則主緣生論學術則貴經練取施措則尙神識殆所謂神解之機不束曲教而成一家者已璘也質聞學荒何足以知之昔王充著論衡蔡邕得之闕不肯傳人亦異邕有得今其書具存特枝辭耳乃猶霑被若是使是編出人間其於來學發蒙脫梏不猶揭日月以燭冥塗孰不進於解乎公奚闕之未傳也願序以請

嚴太宰鈐山堂集序

顧璘氏曰余讀太宰介溪先生集獲見古文之在今也集既出而復閱擬爲書報之其略曰文章之道與政同也其具質文而已矣質以立體文以澤用本末相維貴適其中然義有輕重故取舍擇焉質過則野文過則華與其華也甯野故治

先尙忠禮貴反本孔子之從先進其義一也道喪俗散然後色澤離縷之文興豈不豔哉本之則無卒歸浮偽而已矣夫浮偽者士之惡也顧引以爲業也何居又爲大者曰六經夫六經聖人之學不可以強幾也有強焉者浮偽之類耳君子不視嘗聞君子之教曰騷賦期楚文期漢詩期漢魏其爲近體也期盛唐此數則者文以質化言由性成古今同趨斯謂適中豈非詞教之正宗文流之永式乎苟操筆者斷斷乎不可舍此他適矣今人士論文於宋齊梁陳之間率皆醜其不振徐取其業觀之則盡是物也猶曰第師其辭不師其體嗚呼辭既然矣體又安所求哉是國人而已矣粵自前元曩衰宋之纖弱世無文矣比其亂也賢者振於幽遐醞氣醞發昌

四六

四

金陵書局  
藏板

運乃開我高祖皇帝統一聖真彞曆濯采返之古朴於時上倡下和渾灑宏深建皇極之典則東浙諸公爲盛蔓延熙治之勢適崇白真開闢然幾於無色矣弘治以還作者翩起挺望南北承學翕然向風宗爲領袖南楚則介溪先生稱特焉居翰苑三十年窮究淹貫揮翰成業刊陳批俗允蹈先格其文以厚人倫析事理爲典訓辭尙明直意歸敦大儼然臨朝端勿之風其詩奇興浩遠結體溫厚意所解達乎天機視慶歷諸賢惟恐步驟之相及也總其大致所謂文質彬彬然後君子斯文運極隆之會矣或者乃曰日中則昃木膏則益文之所極淫溢乘之末學屢變吾安知其底止哉夫清廟之音一倡三嘆遠矣代以濮上之繁節則聽者駭矣淵潤縝密



良玉之容也。或珠璣其前，則觀者眩目；何則？凡情易流，邪道善眩也。如臨之以曠質，之以和，是非烏能罔耶？故先生之集一出，吾幸夫雅學之有規矩末流之有隄防矣。乃開闢者將復闕而藏之，豈憚夫歟？之難調乎？夫絕浮存雅，與撥亂世反之正文與政責均也。先生未絕意斯人之溺乎？毋多讓焉。懼傳之不亟者，方取書草具屬委瑣，詮校其集，遂括略書語綴之末篇。

開國功臣錄序代作

皇明之興，高皇帝以神靈睿聖，不階尺土而統一海宇，再造華夏。帝王之烈於是爲盛於時，文武之士崛起，淮泗翼奉，輦轂運籌，踐蹤攻城野戰之功，不可勝紀。傳至於今，蓋百三十

甲六

五

金陵叢書  
蔣氏校印

餘年，其顯融特盛，盟帶疆而勒金石者，人人習聞，其或未封先逝，或功高罪大，因以相掩者，皆名隨身滅，功與爵亡。雖其子孫有不知其祖考之迹，况他人乎？是亦大可痛惜者也。夫食穀思稷，踐土思禹，君子謂之知本。今吾承平之人，去鱗介卽冠裳，離戰鬪死傷之厄，以游文明雍熙之化，庸非諸君之賜哉？享其惠不顯其功，凡知義者咸知恥之，况乎有道而生於其鄉者哉？定遠黃君良貴，生於聖鄉，今之所謂有道也。及諸公遺澤之未斬，慨然有作，搆摭搜羅，發微抉隱，詢諸耆舊，世族之家，采諸殘碑斷碣之載，參之往籍，定爲一書，自某至某，凡得若干人，爲錄若干卷，履歷緒業一覽畢，盡將以傳域中，而慰地下，可謂知本者矣。昔炎漢之初，蕭曹張韓之功，固

偉然大也，非司馬氏述而傳之於武帝之世，其後班固之史何所考焉？夫紀事之籍，近則詳而實，遠則略而失真，愈遠愈失，其蔽也罔然。則黃君之作，固他日之所稽也。其可少乎哉？或曰：開國之功甚偉，其事甚大，國史所載弗論也。己其所遺，逸當時深山窮谷之中，豈無良史之筆修而藏之，何待今乎？嗚呼！是不可得而知也。即有焉，詳略得失之間，所獲多矣，使其無有，則黃之作，其可少乎哉？

家事錄序

讀栗庵王先生家事錄，其善於行禮者哉。夫禮也者，人情之本，軌物之則也。自天子達於庶人，不可以斯須去身者也。去禮則亂，生稽古三代，致治以禮，其制宜詳，尊卑隆殺之差，必有儀節，然後能四達而不悖。秦火以降，所僅存者，多王國卿大夫之制，庶族賤品，莫克舉之。嗚呼！庶人與天子同學先生之意，豈遂野鹿斯人已哉？其隆殺繁略之節，顧今無可考者，斯錄之所由作也。存其本，不泥其文，舉其實，不備其物，孝弟禮讓之制，若舉物號以詔，盲子諄諄焉，唯恐弗聞也。流俗異端之戒，若作隄防，止水之濫，惴惴然惟恐弗固也。故曰：善於行禮者，哉！傳曰：人域是域，士君子也。外是民也。夫苟知愛其身者，無亦士君子之勤而民是遠乎？其曰家事錄者，先生自謂云爾。先生名璠，字良玉，以廣信守致仕，謹身篤行，得禮之本者歟。

甲六

六

金陵叢書  
蔣氏校印

會心編序



客有雜坐談古今文者其一曰遠古之道脩於仲尼六經垂焉六經者禮義之統紀文章之準繩也以談道者探其精以摘辭者軌其度又奚取諸子之紛紛乎其一曰風隨世遷簡繁成變文由變生古今成體故才哲疊蹟而承學有由然矣茲欲紀宴遊之迹而上擬冠昏之義不亦遠乎哉文章異體存乎世變莫可廢也新昌令洪都涂子者從而平之曰旨哉二客之言幾備已乎文章之難患之久矣不根六經無以成學不參諸子無以成體諸子者文之變也上世之事簡而大後世之事詳而纖故文體由之譬之衣服宮室適今之制眾矣何必強同古原而令乖戾不諧也乎反其敝存其實由今之辭道古之道雖聖哲不易也或曰諸子太繁奈何涂子曰

甲六

七

金陵叢書  
蔣氏校印

才有近似道有獨得觀古人之書苟有會於心焉則鑿精而內注神變而時發雖守一氏裕如矣何必多乎哉語曰靡良飲河不過滿腹此之謂也抑諸子之文今體也若猶未免爲今人也安可廢乎二客遂去余適過新昌游南明之山涂子因問以告余曰得之涂子遂以所讀韓柳氏以下文若干首請刻爲編以著學文者之例余因題曰會心編謂存其所會非選錄也併次第其語敘之涂子名相字夢卜以起家爲賢令蓋稽古之力也

關西紀行詩序

弘治丙辰間朝廷上下無事文治蔚興二三名公方導率於上於時若今大宗伯白巖喬公字少司徒二泉邵公寶前少

宰柴墟儲公嶽中丞虎谷王公雲鳳皆翺翔郎署爲士林之領袖砥礪乎節義刮磨乎文章學者師從焉璘方舉進士得從宴遊之末奉以周旋竊見諸公契誼篤厚切切以藝業相規絕無猜嫌雖古道德之世無以加也逮今上御極以來羣盜並起嚮用武力學者恥言文事加以逆瑾中害善類好修之士懷慍以言爲諱然浮靡之習既昌而忌疾詆害之意起人務自異不相輸衷矣抑其勢然邪癸酉夏璘赴湘南謁白巖公於南京示璘關西紀行一編乃祭告華嶽日所與虎谷唱和諸詩計同行旬日耳大篇短章如響斯答凡若干首正者準雅則奇者扶幽險君臣師友之義發乎胸臆而靡所不同前輩風誼宛然復見蓋不覺其羨慕之久而繼之以歎歎

甲六

八

金陵叢書  
蔣氏校印

也嗚呼文章與時運相盛衰風俗之變自賢者始漭澆同異之間矯而復之顧不在吾徒也邪遂懷而刻之湘南俾後來之士得覽觀焉匪徒以其文也

東園雅集詩序

夫名勝者天地之靈標文章者江山之藻色遐阻不足以偉觀故方域宗乎神京微眇不足以大承故川藪主乎世曾徒大不足以振奇故妙用裁乎幽抱徒物不足以名世故事實託乎雅言蓋地隆則靈族尊則顯情幽則邁言文則盛矣盛者其惟東園乎東園者中山王孫錦衣將軍徐君申之所築焉在南都東城隅去賜第僅數百武許蓋別墅也疊山疏池方奪天造崖壑廣遠圍在庭之嘉樹叢生華構間起疏密



有象采樸適衷儷諸

章品石以宣驕即玩成愆於斯為劣矣當夫芳時今日秩筵永讌則有王公大人縉紳先生與夫江海間遊之士宴集乎其中尊簋陳乎商周殺羞備諸山海交必以禮言而成章敘景則陶鑄極於崇深舒情則放誕齊於冲邁琅函緗帙寶襲而錦呈講乎道德之腴郁乎煙霞之馥豈徒季倫金谷托潘陸為絲簧晉卿西園藉蘇蔡為藻績而已哉諱斯知之弗俟贅已噫嘻盛哉唯我皇明之有南都猶周豐鎬漢西京也龍山虎阜長江太湖之勝盤鬱滉漾控天下之上游可不謂百二乎惟居守保釐則中山孫子恒執其柄飛龍羽翼長夾輔于二南磐石根砥實衛翊乎九鼎故江淮以南晏然永甯者

甲六

九

金陵叢書  
蔣氏校印

伊誰之功也乃若瓜陔之英進未膺推轂之寄退不得為山澤之臞抱明質以間居挺幽襟而特起又安寄其高朗乎是以東園之築匪唯招名流廣文賦以潤飾於侯門抑亦引昇平之渥澤拓佳麗之奧區用輔相於皇邑云爾古人有言曰名園之興廢洛陽之盛衰也洛陽之盛衰天下之安危也豈其然乎園有亭榭並太宰白巖公前為南司馬時所題園曰小蓬山竟哉仙乎游諸霞外矣堂曰遠心迹近而神超其大隱之德乎亭有六曰迎暉曰總春順天之時於山熙熙爾陽而暢也曰一鑑曰觀淵察地之理於水淵淵爾陰而寂也曰萃清資之竹者深矣曰玉芝丹室所以全其身乎歸雲洞息也拄笏峰固也司馬公所教於徐君者如此

新安唐氏永懷册序

璘聞顯姓茂族有貽必先豈惟基慶迺休延及支裔抑亦重統正方得所似續云爾新安唐氏其茂且顯者乎何其多賢也初璘為廣平令職今按察公於平鄉愷悌宜民遠矜有擇璘退然慚之幾不敢履乎其位繼又聞其季氏起進士為名御史繼又聞其羣從殿元公以多聞崛起至勳鬼神多所見奇兆竟魁天下其他子孫彬彬繼起不絕固心駭之夫何唐氏得天之厚稟性之良萃茲一族也乎非有道焉不至是也今獲讀乃祖槐川翁墓表且表仇太君之節然後信璘之善觀人之世矣槐川翁孝而能思弟而能儉任而安直而義處隱約而能理人觀其先世若教授公之道詣山長公之篤行

甲六

十

金陵叢書  
蔣氏校印

紀善公之收愛雖所遇罔齊亦謂不替其範矣仇太君之為節也力貧躬苦撫孤安養卒保其家而興其子孫有下國貞臣託孤之烈守國之艱焉由是二道以內外範諸唐氏以家則子以國則臣譬之飲食習調劑也而奚多寶之哉故福祿顯融皇天所以應德厚善亦若磁砥在側金乃就之有不能以釋焉者天人相與之符何其昭哉是故觀唐氏之先可以知人道矣詩曰貽厥孫謀以燕翼子其先有焉觀唐氏之後思述祖德彙其銘誄之詞附諸家乘璘故得而序之  
司馬侍御榮孝册序  
夫孝子之尊親也尊身為大謹行厲官所由尊身之德也志



意修道義立身處高明之域德標萃物之表君上曰職執友  
曰賢後生學人曰師邇所自生而致隆於父母豈非孝之盛  
哉夫士莫難於厲官仕宦而居鄉閭恒見格閣御史爲尤甚  
謂法吏也法理尙刻近暱尙和取舍違則毀譽叢發吾鄉患  
之久矣唯賢者道以一情才以達政然後平直公確而兩順  
其常司馬魯瞻自擢進士卽授斯職其來居之也虛動慎交  
是非不盡於口喜怒不戴於色中心縣辨若衡稱物剖別割  
裁順應而不留入臨公庭其體也肅肅出游里門其氣也雍  
雍凡受聽斷者莫不退悅而內服三年譽於國中而達於四  
方問其先君者則感而歎曰何生德人而早亡慶在來者問  
其母夫人者則祝曰是宜鼎食去年天子推孝覃恩贈其先

甲六

十一

金陵叢書  
蔣氏校印

君愛芝翁爲南京廣東道監察御史封母夫人吳氏爲孺人  
告於墓壽於堂鄉人又莫不稱慶過其門忻忻如也魯瞻則  
告余曰吾父績文彌行求仕弗遂而爲醫大有惠利於人吾  
母茹貧矢節力教諸孤以無墜門祚皆天所篤是宜膺天子  
寵命慰諸存歿不肖唯忝於前德是懼其何顯揚之有璘曰  
孝哉司馬君修其實不有其勞斯其盛哉夫國典人所同耳  
其或不宜於眾而諄以爲負適貽多慚今吾子處難而得眾  
際慶而致譽可謂尊親之善孝之成德也已詩曰豈弟君子  
神所勞矣此之謂也魯瞻曰某不肖將謁諸大夫聲詩以昭  
先懿以侈君賜願惠斯言於首簡璘曰諾

楊秀夫輓詩序

方予舉進士試事戶曹時盡關楊秀夫爲郎中英毅朗潤顏  
如卓玉不以予爲不肖遣子弟問經義繙爲道義交既而吏  
部奏君拜嘉興太守別去踰五年以夔州太守入覲會予都  
下勞瘁之餘顏始蒼然鰲也又三年擢兩淮鹽運使道南都  
會予而鬢已華矣又三年君任浙江大參遂以計聞嗚呼痛  
哉予多乖寡偶海內知心如君者不啻三數人耳十年之間  
甫三覲面壯老異態竟爲死別其視斯世豈不真若鳥之寄  
栖來去倏忽無定哉君淵沈廣博通知國家大體嘗從游擊  
許將軍征哈密能言邊事述山川險塞夷虜種落指畫屯田  
戰守便宜方略如在掌上使人聽之奮起予心器君謂且夕  
且致公補其出爲郡守固有忌之者也及其經冒險阻勞瘁

甲六

十一

金陵叢書  
蔣氏校印

困劇乃能振舉廢亂益大其聲名其胥居大藩是又有知之  
者也忌者擠之名乃日遠知者揚之壽乃不延禍福反覆之  
端烏能究之哉其所不朽又皆君所自致造化且不能與其  
內也况於人乎予於是益有感矣其孤江等以大夫士輓詞  
一卷丐予序幸其有以出予衷也遂序而歸之

夔夔先生輓詩序

夫人欲相遂於死生之際固未易言也時順逆不常事機或  
會與否或先爲之約而不逢或有其心而未之効舉未可以  
言遂也夔夔先生吾鄉篤行君子也中葆貞素外修文辭事  
親孝交友信自進士起家爲郎官有典法爲郡守有惠愛  
予晚未固陋之質殆若駸駸之於駘駘矣曾相去十駕聞哉



顧瞻睽下取不置予忍終負也自予爲吏部郎中先生以少  
子議婚弱息且曰吾兒慧吾老矣不及觀其成君幸教之予  
時惶懼謝不敏然意甚盛不敢不敬承正德庚午歲予出守  
開封先生固無恙辛未夏或得先生書發緘乃易簪時所託  
曰某已矣不復相見葬喪豐儉唯君喻之以禮壻半子也君  
幸教之吾目瞑矣字已弱脫失常固端整不少苟嗚呼先生  
之視予豈不厚甚矣哉死生之言入於肺腑每一念之未嘗  
不泣下也於時盜亂境內次且遺弔而先生已殯且藏所謂  
豐儉以禮者不得贊一辭所幸諸長老先生及諸子弟殯藏  
者一舉於禮而無遺憾在予則固負之矣唯所囑教少子者  
冀得以殫吾心今不幸又遠謫數千里外妻孥不能自將又

甲六

一三

金陵叢書  
蔣氏校印

安能擊人愛子猶猶然赴嶺微之南乎此予所以痛心汗背  
而愧於地下者也昔季札重徐君一顧之諾棄千金之劍而  
不恤乃予以葭莩之親死生之託獨戀戀於冠佩之末而莫  
之遂亦獨何心哉特有不可方俟其會吾壻勗之予日望  
之也濱行叔子璠以士大夫輓詩一帙屬予爲序予不暇陳  
君之心爰發予哀標諸首簡用明斯誼焉

九日遊柳山詩序

九日登高古云辟不祥也後傳爲故事至詞人學士侈以賦  
咏益重其辰焉蓋九陽數也日月並得其數爲君子所利且  
序當三秋節爽氣澄萬物告成猶於登覽爲宜古人之意或  
取諸此安在辟不祥乎正德甲戌是日子與別駕朱君挈榼

登柳山之巔乃招楊范二郡博蔣文江三進士共追斯樂天  
日朗霽極望幽遐興合誼投無不霑醉乃各賦四韻用暢厥  
致云

既月詩序

中秋既月古也昔人云稽於天道則寒暑均取於月數則蟾  
兔圓不其然歟然風雨弗時人事靡一所遇既殊而感慨係  
之故良辰佳會古今以爲難得也惟正德乙亥之秋八月十  
七日至十九夜天宇並霽明月有輝時家弟英玉與李君師  
文陳君魯南衛南王君欽佩咸在江南故鄉於王氏淨香亭  
爲既月之會賓筵迭張雅咏互發情景畢會契誼交傾斯亦  
文苑之勝事焉獨予流滯湘南不與斯會而諸君臨文興懷

目六

十四

金陵叢書  
蔣氏校印

亦屢屢見諸辭矣嗚呼吾從諸君游舊矣或浪迹山水之事  
或興言離合之感靡不神情內契惠然肯同然自牛山賦咏  
之外鮮克偕集矧夫盈缺常度歲僅十二鍾情留賞萃於數  
夕者哉固有意適而權權而生感感極復悲者矣此陳詩之  
大致也越明年予遷天台過家獲誦其詩追念是秋予客瀘  
陽值雨亦有詩二章併錄於後覽斯卷者庶有會於同心  
東湖亭納涼詩序

正德辛巳六月六日實聖主繼統之二月也於時渙號自天  
黔庶躍舞屏奸進良再啓康又何其暢哉郡務旬暇璘乃集  
嘉客尚書郎禮部陳君子直吏部余君仲栗刑部高君汝白  
大行趙君弘道秦君從熙與諸僚俊納涼於東湖之浮碧亭



水花幽恬林蔽靄茂快雨清風蕩滌煩暑脫巾行觴如屆秋  
序連月出而後言歸也璘性好遊昔在南曹與陳魯南王欽  
佩諸君盛追山水之樂蓋自丁卯以來十五年無是舒舒者  
矣乃今復及見之甚幸哉吾生也夫今王陳各在一方璘幸  
逐諸公於此然陳秦以使事過家旋且別去余君等亦彙進  
伊邇矣若吾寮來固東西南北之人非有定跡也自今固知  
多樂但不知此身復在何處同會者復得幾人相對耳盛衰  
聚散之變豈不重有感於中乎用是各賦詩以識茲會庶他  
日誦而懷之知哀樂所從興也詩以竹深留客處荷淨納涼  
時十字爲韻客居前璘以下主也序諸後

自得  
荷字

申六

十五

金陵叢書  
蔣氏校印

天降時清奈樂何頓忘三伏暑遙拜五絃歌

靜樂得言序

真州黃子致爲臣而歸躬耕於江滸日取其居官時賢士大  
夫所貽靜樂之言或居而讀焉以玩其義或行而歌焉以驗  
其情既樂靜之樂而又樂其言茲將梓而壽之以永其樂於  
無忘屬余題其首簡余惟人動斯勞勞斯戚靜斯逸逸斯樂  
樂之生於靜也審矣逸樂之極苟無善言以養其心則情欲  
擣起而或擣於動所謂勞與戚者又從而代之矣安能保其  
終乎黃子先樂以靜繼樂以言吾知靜保於樂樂保於言黃  
子之樂終無窮矣於是乎書

春江遊燕詩序

嘉靖丙申春三月南洽蔣子自真州渡江訪余兄弟於清溪  
之曲諸賢聞者沓至並一時名德或開筵以坐花或命駕以  
覽勝臨觴賦詩咸中金石非徒窮泱甸之權蓋將紹千古之  
風矣蔣子將還余爲集爲卷軸內之行囊以傳故事夫詩生  
於情情生於慕慕生於德蔣子一稅駕間慕者之歎如此真  
令德之夫也乎吾兄弟何幸而爲之友也彼之觀者毋祇謂  
游燕云爾

贈呂涇野先生序

涇野呂先生可不謂天下之士哉非以其科名也觀其言必  
由衷行必由道其事君也恥不若舜禹其交友也惟恐不竭  
其情以善養人人有不歸於善愀然若擠之穿也居江南四

甲六

十六

金陵叢書  
蔣氏校印

方來學之士戶履常滿璘聞其教曰孝弟以立德志義以明  
操誠篤以積真入聖以標準嗚呼使其道大達於天下其去  
平康正直之化殆庶幾乎斯謂善爲人師也已今天下之師  
三曰文辭曰經義曰道學文辭者選辭鍊文擬量作者揆國  
家之章采誠不可缺然其務華失實不底於大義使人蕩而  
忘本君子所懼也經義者抱六藝之遺尋繹衍說涉獵支庸  
不爲無助然破裂聖真假筌蹄以干利祿一切不求之身徒  
美口耳而已道學者談性命之微別天人之分雖未必實有  
諸已然然指示門戶剖析幽眇庶幾究大道之實際及其敝也  
立異尙新不遵光聖之途軌概持玄論瀆諸孱孺失區別之  
教作善誘之法使人躐意高遠廢下學而希上達視前二端



取利差大其害亦隨以甚孔子曰孰先傳焉孰後倦焉又曰  
中人以下不可以語上也豈有所隱於小子乎等固若是也  
是道也可以自成不可以教人璘嘗曰夫聖賢之言或以教  
學取諸切己論語所記是已或以明道究厥始終中庸所述  
是已弟子者猶未知孝弟而遽語以天命之原篤恭之極得  
無長其僞妄也乎故一貫之教非曾子子貢不敢舉以告之  
懼罔夫三千之徒也璘爲是憂焉久矣是以聞涇野子之教  
及奉其心腹恒樂爲之執鞭也先生今奏符臺之最枉過言  
別曰吾且歸高陵矣璘恐東南之士遂失所師故具是說進  
之先生果未履鈞軸邪庶幾一來以惠吾鄉小子尙亦有據  
依也

息園存案文二序

贈太子太保兵部尚書鳳山秦公歸無錫序

夫進退人臣之大節也所謂大臣者其言行由乎道不由乎俗故其於進退也聽於己不聽於君由乎俗則因陋襲非以就功名言行或非其正聽於君則牽前掣後以全祿位進退或乖其宜古之君子德義範乎人人聲光揚乎百世自伊傅周召以至韓范司馬諸公可數也豈不謂其一進一退光明潔白如青天皎日之不可緇翳者哉自浮沈俗勝典型寢微匪躬盛節始若麟鳳之間見君子每為之寤歎矣殆今太子

甲六

金陵叢書  
蔣氏校印

太保南京兵部尚書無錫秦公乃獨作起而振之公奮郎署陟藩臬其所籌邦計作人材必尚大體守道憲古先國後身言行所立一以公輔自待未嘗徇俗俯仰而大業偉望實成于撫綏鄂漢之間於是聖天子居興邸簡在淵照深矣繼登大寶召置左右先命為南京兵部尚書贊制機務保釐靖謐士民倚為父母旋入為司徒邦國賴之議或弗協歸而家居者數歲復召起為大司空未幾主上郵其憂勤再畀留務公至之日上下忭舞如被時雨謂疾痛有所號也公又以年至請謝詞動上眷溫詔優許養以夫廩遂其晚節然則公之進退可不謂聽于己不聽于君耶視古諸君子無少愧讓矣惟我南都之人有位嗷嘆無位悲愁莫不謂聖主徒郵老臣而

遺我臣庶公徒尚完德而靳其後惠也郊市闕闕踰旬未已璘童子時嘗見三原王公去留都人情有此數載後起司銓衡竟為一代之名佐公後來名位過王公與否有天命在何敢為公慶而獨人情所歸如此深幸老成德愛之再見也故不以悲而以喜相賀焉公行之日野人不能隨餽送之塵六軍都統指揮李光榮指揮周平以下合若干人追戀德惠設祖帳都門外而來徵璘言為頌遂書此其上

甲六

二

金陵叢書  
蔣氏校印

族珠淵玉穴觀者豔羨不以多賢為之地乎究觀漢唐之世關西之楊以震顯河東之裴以度重是則賢者有關乎世系又在賢不在眾矣今天下宦族之盛不過數姓其一為婺源潘氏潘氏譜牒璘未獲見聞自唐以來稱貴矣乃再盛于明代今則有司寇司馬司空三公及嶽牧郎曹諸君子一時並顯世謂之難得然其德學行業溫醇敦大莫不冠冕士林豈不尤難得乎璘無似間得承侍其間一望顏色惟司馬峨峯公在南都獨密時薰炙焉以獨鄙吝今乃去此而遷之京璘又烏得不增眷戀耶夫惟峯公大賢也是以任事而績効著執憲而風裁揚居留臺佐本兵則屹然為周南之偉望明天子召而置諸左右誠為社稷計自今出將入相舉天下安



危而繫之身借昆弟子姓并樹功名益大其家以與古陳荀王謝相甲乙其於人才世運顧不增九鼎之重哉此天下之所共願非璘所得顧其私也公之行都指揮張侯輔以下將士合若干員咸願頌祝造余郊居請言上之此又見公得人之深如此遂不讓而爲之序

送順渠先生謝病歸武城序

夫儒者之學修身慎行以安國家平天下爲己務視聖人之道有一焉不行於時天下之人有匹夫匹婦不得其所其心戚然曰惟我罪故古之人幼則務學長則貴仕誠志於安人也傳曰三月無君則弔豈謂其急也乎哉孔子孟軻大儒也行不稅駕居不煖席以歷試諸侯之邦果樂冠服慕鍾庚然

四六

三

金陵叢書  
蔣氏校印

乎閔王澤之不覃于時也君子之仕其急若此然有不可仕者二立乎人之本朝而道不行則虛位身病焉莫修其職則虛祿焉有君子負其祿位者哉故居常則進有故則退一龍一蛇不失其身斯謂之儒者矣武城王順渠先生學孔子孟軻之道而志於天下筮仕正德間以主上好武弗克致用乃請爲教職未幾召爲天官郎以病謝去家食十有餘年當主上厲治復召爲郎擢置官僚道駸駸乎行矣乃又以病謝去旋卽召爲南京國子祭酒感激知眷慨然以儒教四方之士兩被風動罔不振發然用志過勤火自內作或曠日弗克視事曰士可以糜祿乎哉遂具疏乞骸主上溫然眷款暫許歸養于是六館之士怏怏失其依歸其受講授者數輩來問於

東橋子曰道在身不在政教在率不在言順渠之病何病於政乎諸生薰德而化望景而從雖閉閣而臥教猶是也何以去爲乎其去也或有所託將立言成書衍孔孟之道以遺百世乎非取一時一官也東橋子曰否否程日而受廩者官憲也計功而畧跡者私議也居官而私議不幾於自恕乎順渠子病而廢日必不安于中不安必去吾子何求之深若著述則仲尼六經道之元氣不可無也雖孟軻氏殆亦六經之一羽乎至餘子腹背之毛固不足有無矣順渠子志於大豈以腐後世口耳爲哉吾知歸而靜則必體平平則聖天子必召之出出且握天下之樞衡矣復聖人之道定四海之民此其事也吾請與子靜觀焉毋多談

四六

四

金陵叢書  
蔣氏校印

送太常牛公歸南陽序

西唐牛公之爲南奉常也齊明而間處肅恭而臨事懋修之績不溢乎儀章靖共之勤不盈乎矧刻屬四方多眚上下交修公曰余位高功寡不當然耶乃上疏請解印綬以贖過愆天子賜允歸第東橋子聞而歎曰諒哉牛公何執義之固而責己之工乎夫君子之仕也效智竭忠以期無忝其職大小廣約惟其所授安焉所謂義也力優地局繫於職也志勤事悖懸於命也君子義之與度而奚二者之患公之歸也何居也昔公居吏部別才如鑿試功如衡視人材之在四方猶指之掌論者謂其有生生民利國家之功宜秉鈞軸以惠天下直少需耳願乃爲太僕爲太常弗逞所畜則恒下帷絕編博



極萃籍益自廣拓諸紳大夫論當世之務援古究始敷治  
推亂俾繫繫可見諸行事此璘所洽聞天下所共望者也今  
也還聽其歸豈聖天子謂尊官大吏與天爲近或有譴怒姑  
使避位遜祿以讓之乎行且有意乎其後矣不然公未宜有  
此行也中丞孟公聞璘言大解於心遂書之供帳爲祖道贈  
送太常少卿黃公歸南海序

國家因事建制操諸一切之格有當非常是謂官政臧否是  
非自一人達之天下不謀而斷不約而同是謂公議二者恒  
交勝於天地之間官政所與公議則奪之君子弗榮也官政  
所奪公議則與之君子弗辱也眾寡廣狹之情道所由出焉  
爾屬者災變薦告公卿大臣率引咎還政天子允賜則歸不

四六

五

金陵叢書  
蔣氏校印

允乃復就太常少卿南海黃公與有賜歸之命邸傳至縉紳  
大夫咤曰以天子神聖乃舍黃君豈遠遠弗徹邪閭閻小民  
視其裝出都門則曰是公亦去邪凡隸奉常之役者又相泣  
曰豈細民不造天斬君子之澤邪嗚呼公何以得此聲於人  
人間哉璘嘗聞之給舍汪君曰子任朝廷直臣朋游益友也  
曩者西戎之事犯眾持論豈不偉丈夫哉太史林君曰黃君  
前後在諫垣十有四年凡權近祈請必據法參格或已行則  
抗疏請止必止乃已用是爲左右所啣三擬崇要皆報罷  
直益厲太史倫君曰毅庵樂易誠直論事必先大體鋤奸剔  
蠹不避險難君子斯勸小人斯畏可以爲大臣矣由數君子  
之論以揆今日人人之言則公議所與可謂同矣書曰天視

自我民視天聽自我民聽若公謂宜於天乎不宜於天乎天  
子固神聖公且必歸恐不得高臥於羅浮之間也  
送應天尹聞公遷順天序

惟茲嘉靖二載江淮之間大侵南都物價踴貴四民困蹙疫  
癘大作道殣相藉冢心搖搖云昔未有部使者謂天下根本  
不宜弗固飛章告匱乞廣綏安之方於是冢宰請於天子乃  
命甬東聞公自南通政擢爲南京尹是舉也天子厚本而篤  
惠冢宰簡任而進賢賢人力勞以弘道孰曰非治兆乎公來  
入大府愀愀然如不勝皇皇然如有所失公饗不御私交不  
親發藏省賦緩征弛役剗苛繁剔奸蠹任能布才各效其慮  
三月而市肆和民乃底安于是黃髮之老相與扶携而歌於

甲六

六

金陵叢書  
蔣氏校印

路曰庶幾復見先朝之樂乎在朝夕矣今年八月之朔忽傳  
言公移尹順天吏民駭顧如去慈母夫南都猶古豐鎬也在  
昔二南分治厥體惟均匪若五服之列而有所軒輊今天子  
豈謂南都遠可薄而必置公輦轂之間乎抑今二京等耳曷  
取數數於大賢之躬也或者陟明之次勢有相因然乎如我  
公懿德俾居天子左右以綏四方則吾人之沐浴膏澤又奚  
啻今日若也彼私其惠利以貽安一隅者斯婦人孺子之慕  
其何圖于邦家之有璘辱于君子者厚固于其去也不敢以  
私獻戒塗之辰台南王公既來代過予而問所以贈公遂併  
陳此  
贈右方伯劉公赴河南序



聖天子入踐寶祚釐正庶政既罷去公卿大夫不任職者乃選方岳長吏入參左右又遞遷其貳以備秩序于是真定劉公自浙江右參政擢拜河南右布政使噉吁稱哉蓋至是公既仕二十三年更天下之故取矣夫皇天生才與取殊等也其所培植成就之意務厚且勤豈繁有物以寵惠之無亦俾更天下之故練而廣之以充其具也譬之金玉將俾爲干莫爲瑚璉必先鍛鍊琢磨而後神明之器完齊莊之用達矣古者傳說管夷吾霸王之佐也孟子歆其聖賢而謂得于胥靡士師之窮豈惟二子哉雖文王周公亦莫不有然者考其涉歷可知矣皆天意也今之稱公者咸曰天下之鉅才也明毅簡肅臨事如破固天生之而亦孰非天所成之觀其居庠序

甲六

七

金陵叢書  
新氏校印

之日久則修之遠矣既仕爲御史當逆璫之際竭心固節樹其義聲遂拜太原太守太原三晉之會郡也供億浩繁無爽應濟遂拜浙江右參政浙江當東南錢賦之半比年之事急矣條畫適宜上不憂乏下不告困茲三仕者皆仕之難其時又有大難爲者陳才以充具積勞以就功公皆易爲之詎不可以觀天意乎夫大臣輔弼天子任天下之政貴無失也無失在鍊公自此升矣璘敢不爲天下賀且述皇天生才之意以告諸稱公者焉驪軒在塗大方伯張公以下設祖奉別遂用璘言爲之贈

贈方伯潘公致政歸衛水序

大哉君子之行乎觀于進退之際可見矣夫進退亦大矣號

曰富貴貧賤斯亦人生憂樂之分也夫人得無甘苦其間情也有義焉君子奚情之殉記曰三指而進一辭而退言有難易也蓋進主行義所以正始退主樂志所以保終難其所甘而後無邪枉之行易其所苦而後有捐介之節是以君子于進也甯後時而不爲捷于退也甯悻悻而不爲濡大道所貴非所語于取人也叔世士大夫不有附權躐資以干融峻貿貿然夜行而不止者乎斯君子棄之矣孔子孟子大聖賢也驅馳四方于數十君而未遽委質至色禮稍忤則納履去之惟恐弗速豈不誠善進退者哉若衛濱潘公亦猶行孔孟之道而不失其方者也公自舉進士入諫垣凡十餘年而後爲都給事中人謂公卿可立致乃以不附逆璫出爲漢中太守

甲六

八

金陵叢書  
新氏校印

璘誅始擢爲叅政無左右華要之交竟淹兩考始晉爲右布政使又踰年公竊笑曰知我者寡遂上疏乞骸以歸視古致仕之期猶八年未逮吁亦偉哉夫士惟無忘于富貴故蒞選進退而悻道從欲猶之負販云爾考公平生凡進必靖恭遜慎若持盈履危擇地而蹈之且猶蹊徑是戒故若彼其難也今其退也朝請命夕治行若舉敝器委腐壤揚揚弗之顧也豈非善處進退真君子之行乎詩曰庶幾夙夜以永終譽公其有終矣同官諸公仰歆高義而莫之克從屬璘昭序大致揚諸祖次以贈

贈嚴州太守盛君斯顯序

夫太守吏民之表邦國之翰也任之農桑生養之政使利民



生任之征絲庸調之政使制國用任之學校選舉之政使育  
人才任之法比鞠獻之政使弼王化所以佐天子安兆民守  
特爲重使士大夫得方數百里之地指麾五六縣尹俾斯民  
飽德含醕以游三代之盛願非所大願乎乃今有非然者俗  
累之也體貌抑于上毀譽怵于下舉肘見掣動唇觸諱長才  
宏議無所於試豈國家設置之意端使然哉固有執其咎者  
間有特起之士信於道弗惑於俗修於己弗求於人煒煒乎  
策功而樹名斯乃豪傑之士百一之儔也今年大觀黜陟兵  
部武選郎中盛君斯顯得守嚴州人皆曰盛子不足於藩臬  
而乃守郡乎璘曰噫不然也今天下之政御史總攬於上守  
令分理于下藩臬殆枝指贅疣類也守不猶愈乎若斯顯抑

甲六

九

金陵叢書  
蔣氏校印

何患於守也斯顯初在吏部凡文吏清濁臧否考察必以實  
及其遷兵部凡將吏清濁臧否考選必以實乖合毀譽一切  
不置於心殆所謂信道修己豪傑之舉動焉者也執此以往  
上知有國下知有民外知有職內知有道凡守所得爲者畢  
力以舉之而何有於俗累哉矧嚴在兩浙稱易治譬之舉鎮  
鄒割凝脂無煩餘力矣其伯兄大總紀植庵公直道從政當  
海內之重望過家取斯言質之必有告也余朽人何足以圖  
之

贈鄭子唯東守德安序

三山鄭子將守德安過東橋子曰淮不佞嘗爲司徒郎惡夫  
情也而好舉廢或失則煩惡夫隱也而好直言或失則激亦

既有懲矣今且從外吏之後將亦不利於斯道乎東橋子曰  
惡是何言也事苟不廢安常爲功何尚乎首議人苟無過與  
善爲德何取乎過論君子之取舍揆諸道而已矣夫何容心  
之有是故知其廢而不舉者是見大厦之顛惜一木也知人  
之過而言不直者是見沴厲滋之以參苓也陷人于敗亡謂  
之不忠况以從政乎哉太守百度之綱舉之猶懼其廢况憚  
煩而安惰乎承上臨下而言不直則養蠹於政且流之民也  
况畏激而彌隱乎子行矣率子之故與道爲徒雖三公猶是  
也至于毀譽利鈍人作之天成之吾又何與焉

贈方君赴山西憲台序

曰六

十

金陵叢書  
蔣氏校印

道當今魁梧賢哲之行事未嘗不歎羨焉意謂仕者之有人  
然後吾黨居者之獲安也前年客有惠鐸訓敷言檢之乃閩  
健菴方君令德清時所著以教民者布利以厚生敦本以崇  
化其古之遺愛乎今年又獲誦方君爲御史所著屯田事宜  
原制申令廣惠飭禁蓋慮無不周施無不宜矣乃喟然向隅  
歎曰政惟罔圖廢厥先患惟罔除敵厥後使司政者皆若而  
人布列中外王政不足舉也邇者大同悍卒戕主帥負城通  
虜震撼邊圉眾惴惴恐方君毅然上討正方略數事當道雖  
之無何擢拜山西按察僉事整飭兵備用才也夫天下事常  
患不得其才才常患不得其用以長才濟難事君其快於所  
遇哉是故植患有本成功有機惟賢哲遇亂於未萌扶顛於



既墜此豈可與俗士言乎如諸逆卒本赤子也至于反刃內  
向胥爛鼎鑊豈其本心哉要之必有迫蹙其間而莫能爲地  
者今掃蕩削平皆將帥力耳以宗社靈長之慶夫何足慮獨  
念乎平定以還安其反側疏其壅墊作其親義繁其生息開  
其康樂貽以子孫之澤永保疆場其有病乎此者在上必糾  
之在下必黜之顧豈非按察事乎此健庵所饒爲者璘何容  
喙耳雖老且朽敬當傾耳聽于下風留守左衛指揮許侯信  
等謁贈言于璘輒書以復

贈劉叔正守永平序

自文士鄙郡縣不官於是守令無高賢矣守令無高賢則治  
教無善政斯民安得蒙其澤乎此士人自便者之爲非國家

甲六

十一

金陵叢書  
蔣氏校印

用才安民之義也立功立言大小有差歐陽子亦曰文章止  
於潤身政事可以及物嗚呼上天生才豈欲其自潤也已哉  
既曰負天且自負也守令責兼君師正患其難稱而可鄙也  
乎哉誰有道者乃異于此東阿劉子叔正負文譽於海內先  
爲御史遷尙書郎並有駿聲今乃擢永平太守時人皆曰非  
所宜處劉子奉檄惕然憂所以爲治教者皇皇如不及以璘  
嘗歷郡縣款門問政至再三不厭夫劉子今之文士又高賢  
也永平借以爲守乃不鄙其官而獨憂其難不見己之有餘  
而勤問於不足雖治天下沛然矣尙何患於一郡乎璘喜自  
便之風變始於今而高賢及物之政國家賴焉者廣于是乎  
贈

補賀方矯亭先生擢浙江布政司參議序

矯亭先生初拜浙江布政司參議兩浙大夫士仕南都者爲  
徵賀言於人人則皆辭曰方君雅望翹然縉紳之特也僅僅  
斯擢猶然以爲華乎蓋無辭以名賀者踰年東橋子歸職方  
石窗子又以及焉且語之故東橋子曰過矣夫士志道宦志  
業奚有於名位哉余讀賀之今夫天子之吏多地矣內曰近  
外曰遠執權曰要弗任曰散藝文曰清簿書曰冗莫非士所  
居也惟其所授敬修其共是之謂業而道存焉夫苟樂其華  
而厭其弗若將誰與任大雅云子曰有疏附子曰有先後予  
曰有奔走子曰有禦侮言文王之世百職修而王道成也夫  
何間然之有若夫論德而官程才而任斯太宰代工之責君

甲六

十一

金陵叢書  
蔣氏校印

子弗與焉奚爲無辭於矯亭也夫浙東南之大藩據天下之  
衝財賦最鉅參司者上貳方伯爲諸侯之表任固重矣哉正  
己以率吏弘化以導民廣惠以裕財展才以集事君子之學  
其幾矣而謂非上焉者無抑習常眩俗之論與矯亭淵而廣  
易而厲多聞而善藏蓋文王之士也其有所授將道謀之不  
遠於名位乎何有余讀終賀之居無何石窗子訊曰矯亭遷  
矣銓司果不足於前擢改拜山西按察副使視學政殆用其  
文焉東橋子莞然曰銓司其明哉抑其公哉於矯亭乎何有  
請并以賀  
贈司空方君擢兩浙鹽運同知序  
浮梁方君汝賢以都水郎中擢拜兩浙鹽運同知眾喙嗷弗



平陳君國華曰切玉之劍不以剖石千里之驥不以服車物有所宜器有所長此理之恒也方君之才鉅矣蚤以文學登上第躋歷中國司民而民懷任事而事治理勞割膜何措匪宜縱不得陟臺省卽藩臬何少乎顧得一離司使跼焉弗逞命所會若是乎敖君子發曰否不然也仕無中外才傑則尊職無華開績懋則顯故銓人者惟才是掄而弗於其人地也今國家之利仰於離而離司在天下者五淮最鉅浙次之豪奪奸蠹者下之患也賄債庸弛者上之憂也惟是銓司擢方君將國家是務厚而豈遠方君願乎矧陟明超雋必先諸難試難以發其才越資以表其異庸詎知非大用之階也夫璘聞而告曰事有憾不足以咎天者怨也恃有餘以徵人者倖

甲六

十三

金陵叢書  
蔣氏校印

也怨則昧義倖則僥功斯二者非所以望諸朋友也夫君子之仕也非崇卑之患而弗盡其分之難盡其分則盡其道矣其遇也雖伊尹阿衡吾與與爾其不遇雖孔子乘田吾由由爾矧方君所居亦宦格宜然者乎肅官箴裕國用軫民隱率是而往吾不知其他也二君曰然願書爲方君贈

送夏愷夫守惠州

愷夫既拜惠州之命枉吾廬問之曰某不惠憂富貴而樂貧賤嘗逃諸山澤矣辱天子以郎召懼忝嘉會次且以來從事固且奉成例參末議悠悠然居之矣今乃領民社之寄崇哉艱乎吾恐不閑吏事而將有罪積也子嘗三爲郡豈亦有以聞我乎璘曰道有所重言有所偏一乖一宜難以兩喻今吾

子所謂難皆易易者也吾所謂難而人不可及者惟子之心乎冲乎遠泊乎無欲蓋慕乎其上也今之吏辯者競異察者撻微猛者重威健者務作競異則乖乖斯離撻微則刻刻斯急重威則殘殘斯怨怨務作則勞勞斯竭四者皆政之惡民之禍也其端生於不能無欲以故干諸功名之階出入機械之塗而薦進於惡其究至於喪德而隕位殆其矣子嘗憂而逃焉固去之遠矣率所舉武其何荆棘之見梏乎故曰正其本萬事理此之謂也若夫郡政則案牘問故期會督吏庶事課屬庶政責令舉綱視成簡能汰惡雖端居堂序之間而治已四達矣子又何問爲愷夫曰政在是乎吾將力之矣抑安恃夫成心

甲六

十四

金陵叢書  
蔣氏校印

贈戴辰州序

南京戶部郎中戴君遜之出守辰州姑蘇顧璘往而告曰君知夫天下之患之所由乎夫患生于激激生于敝敝生于循甚哉循之害甚于水火亡弗覺矣夫剛柔之體國家代行焉循柔者廢廢激乃剛循剛者殘殘激乃柔剛柔道也循而究之乃召禍亂故善變者不循亢則調之抑則舉之順成而不敝和平而不激謂之曰盛治古之人若蕭何曹參懲秦酷烈解弛禁網斯豪傑之獨智也豈與俗士云乎哉我孝宗皇帝御極仁恩優渥哺民於懷痛恨任事之臣養蠹積汗罔稱德意逮今上赫然勵精本意振廢而已而郡縣之吏遂至淫刑暴斂乖傷民情此皆循之之過明者所共見也猶之熱燎于



庭擁薪灌膏又從而風之幾乎不焚棟也哉今荆襄寇盜充斥主上以辰州授君所望於藩翰干城者甚重君疆健高明執天下之事猶衡權物不爽其則所謂豪傑者也夫豪傑者士民之表恒離俗以致功名今往矣辰州之治果循而成之乎抑變而調之乎弛張盈縮蓋取諸胸臆有餘也璘不肖何足以知之翌日見南都諸君子贈詩一卷言率同也乃借書前言爲之序

送朱延平循良屬望詩序

夫長民莫先於道德道德衰而後有教誨教誨衰而後有法制法制衰而後有刑罰刑罰者末也道德三變而後至是也太上安氏其次治民最下刑民刑民者極矣古之長民者有

甲六

十五

金陵叢書  
蔣氏校印

廉潔有彊幹有慎有寬有循良有汙黷有酷善惡之成名不可以指數也太史公作史記立循吏酷吏二傳而已其他行不詳見焉是誠何說哉循者道德之歸也酷者刑罰之害也二者善惡之準而取舍之趨也是故長民者有天道焉有父母之道焉天道則生父母則養生之養之取道德舍刑罰斯已矣不可以多求也多求則惑惑則敗班范作兩漢書紀郡縣之吏於二傳之外亦無所加誠知其極無所復之也故曰天生烝民有物必有則循良者長吏之則也道貴於當何必高遠哉故曰至圓不能加規至方不能加矩此之謂也淮南朱君升之拜延平太守治裝上道璘與文學陳魯南考功王欽佩徵詩贈之亦惟取兩漢循良爲望誠貴其當也或曰

少焉夫升之自弱冠以來卽負海內重望要其終豈止以一吏自効然居位謀政君子之道也過行則亂過思則狂過望則諛不及則廢吾黨與升之交離形骸出肺肝久矣知升之之不爲亂且狂審矣抑又安能舍君子之道而爲諛言也乎人雖百疑之固不可易也因序其意以置之首簡

贈安慶守陸君鈞入覲序

徐君公叙備皖城頃白事大都督府過予論戍江險要之利余曰止止毋多談兵上人和由今之制非子所得專也徐君曰先生不聞郡守陸君之治民乎聚其所欲去其所惡刑罰惟恐殘其膚征斂惟恐移其食一年民有私藏官有庫實二年而百姓歌之老穉巷舞婦女庭嬉風行化孚聞者易慮士

甲六

一六

金陵叢書  
蔣氏校印

勸於學吏勸於廉過則內悔不煩督罰先生所謂人和得無近之乎璘聞而嘆曰有是哉奚惟卽戎抑可以贊皇化矣夫民之弗輯久矣不肖者爲殘爲廢惟病之滋其賢者乃飾吏牘以獵虛聲亦猶爲之病也其何冀於安堵乎仁哉陸君心無遺力政無遺惠默然誕敷不顯其光古所謂循良斯其然與璘嘗聞陸君先爲駕部郎中憫南都供御官艦師卒匱乏奏立朋役之法節其才力蓋國家百餘年來眾人知憂而莫之爲計者也嗚呼達哉其通變以宜民者乎仁且達雖微子之言吾固知皖之不足理也子其有賴乎徐君既別去越數月陸君乃將入覲徐君復走書詞林俾歌其政聞之當路幸其不以崇階奪賢守也謂璘言頗詳退以爲序



贈張將軍守浦口序

天下之大勢二太行界東西之疆大江限南北之壑經野者立圍用武者競利古今同然莫可易也南都國家之舊京九廟百宮同制並建蓋控制六合之雄略而形勝倚大江為重在畿內設四守備曰浦口儀真安慶金山所以布爪牙固干城以共成四塞之險者也疇昔之跡點盜覆於金山逆藩敗於安慶金鼓之聲不得驚鐘震者豈非列鎮為之強幹乎前守安慶有楊侯進之者今登督府守浦口有佖侯元素者今遷閩閩皆南都虎臣之俊也今府軍左衛指揮張侯廷佐又拜浦口之命實代佖而升嗚呼何江左之多賢哉抑自吳晉之代應揚虎鬪英雄特起眾矣如瑜焚赤壁玄拒淮澗固不

甲六

十七

金陵叢書  
蔣氏校印

可以猛力視也余聞張侯領京營六軍教訓簡練具有古法沈機捷辯響應靡窮本楊佖之伍也茲行也增大江之氣揚吾國之風藩翰皇京垂休竹帛又豈於瑜玄多讓乎哉其友倪生國英輩徵言散人楊管長揮周發羣意

送佖元素赴閩閩序

世言文武二道豈其然乎由藝則二由道則一君子不謂藝也夫絀思者短力猛驚者遠方標其所勝名以類分若手足之不相能冰炭之不相入雖智者謂其二矣然聖人之道體無不該用無不利故君子學以聚之心以蘊之身以踐之業以成之以而經緯焉曰文以而蹈厲焉曰武會其所值措其所宜其何專藝之有伊呂修於耕漁之間而建弔伐之功豈

嘗試於桴鼓之側乎是以君子學道以為宗應世以為務非

剪剪焉偏長小成以競諸功名之階而已國家設武舉一科羅將相之才然必主於文儒試以謀議自弘治興行以來往往豪傑由是出矣吾鄉佖君元素其一也元素沈毅莊直勇奮智藏能讀諸經史及司馬兵法蚤游學宮應文舉不第往就武舉一飛冲天非所謂傑出者乎由能學道應世故翱翔雲路隨所去就而易易若是也初試事甘肅習西北邊略氣量拓邁繼還南都總水軍守浦鎮聲聞日流乃今拜八閩都閩之命余聞元素始祖某公布衣仗劍從高祖奮起為都督府同知固亦聞伊呂之風而興起焉者傳曰公侯之子孫必復其始噫嘻元素宣皇威于南徼紹休烈于前聞將不在茲行也乎錦衣袁君世傑篤君姻好屬余贈言請舉文武同異之說為二君承教焉

甲六

十八

金陵叢書  
蔣氏校印



息園存彙文三序

贈李元任序

夫士欲相謂知心豈不難矣哉璘觀古今人才智相傾權勢相軋構讒飛謗立興矛戟若此者是豺狼也斯亦眾矣下是嘻嘻愉愉見善不嘉見過不規悠悠然若坐市門視路人之往來若此者是牙儉也滔滔然皆是也有近焉者揚其善掩其惡慎其禮節恤其患難斯可以為友矣未盡知心之道也夫所謂知心者淵然而合泊然而親知其志不俟其言知其才不俟其功旅犯而不怒積毀而不惑斯盡之矣嗚呼其難

甲六

金陵叢書  
蔣氏校印

矣哉若李君元任於璘有是矣元任於璘生同里業同術元任先舉於鄉璘先舉於禮部蓋二十年友矣其始見元任之容質直少文發言由中曰坦哉中乎其簡而易親者乎乃樂與之友也既而見其文博洽而理曰奧哉文乎其深造者乎又久而見其固窮寡求泰然其容曰固哉節乎其內葆其直者乎庶幾乎泊然親矣今年奉命理餉河南見其疏通而核不煩而輯民忘其貴士忘其功璘乃嘆曰簡哉政乎其修已而遣人以安者乎居河南五越月終日相語不移其初由是璘之視之猶己肝膽璘固簡陋無足取元任視璘亦不覺其油油然深矣若世之所患者斯免矣夫以元任里閭之舊踪二十年始洽嗚呼士欲相謂知心豈不難矣哉大梁諸生窺

元任冲然居公室之中乃橫經升堂贊問疑義五月之間咸大有得聞其事竣而歸惘然若有喪也瞻戀之不足乃詠歌之誠恐之不足乃請予釋言之予言豈能足乎哉聊述璘與元任知心之概使二三子觀之今而後知有託也

別鄭繼之序

晉安鄭子養疴武夷之下杖策裹糧東觀於海返於天台訪應黃氏二子者語焉莫逆於心相與講道於委羽之陽浹月而後出將至郡余往逆之郊見其容充充然若富子歲飽膏腴而發其澤其氣淵淵然若大人處密勿既致理而燕閒其居也歎曰異哉諸君其浸漬寤奧而嘗其深者乎其晤言有融亦既亡其積癘者乎夫何其表之若是殊也遂止之幘峯

甲六

金陵叢書  
蔣氏校印

精舍與之談天地萬物之理及古今天下事是非成敗人物臧否屈伸之變莫不犁焉的焉漫焉會焉離予之心亦莫逆於三子者之心居浹旬鄭子且告行余請曰子將致其所具而康斯人也乎鄭子曰未也方且鏟精斲明塗游於天下以求名德之論遠斯人之能康余曰抑揚揚忘人已乎鄭子曰吾烏敢忘任其會也余乃興曰璘聞古有達人者居若遺之行若性之是以將有委焉而功格於上下伊尹曰農吾老焉耳太公曰釣吾老焉耳惟無求於世而後世之求之者眾凡今之人喪於有求久矣子幾無求者哉行矣吾將濯吾耳以聞世之所以求子也遂與二子行觴以為別

贈別王道思序



夫天將與一代之文必生天資絕出之賢力學好古以成其業考之前代可見已今余觀於海內若王子道思其人也道思弱舉進士爲郎讀書過目成誦文詞爛然嘗主廣東試事刻文甚奇余以故志其名今年來爲南京禮部主客郎中會余余稱其試文乃蹙然曰公固某邪某初學文好擬古最先六經語已而學左氏又之遷固試文則是物也殆揚雄所謂雕蟲技乎近乃愛昌黎爲文日見其難及不知昔者何視之易也璘驚曰有是哉今英賢並易昌黎文而淺晦庵於道子睿質強氣乃遜志如此乎再會則又曰古之聖人必有學後世或失其傳故秦漢而後雖純德篤行之士盛矣終不可以稱聖豈所謂得其門者或寡乎余固歛衽向之曰子真絕出

甲六

三

金陵叢書  
蔣氏校印

人也今天下有大患二異端惡德不存焉學道務虛學文務奇其究至於蕩人心傷國體非細事也夫聖人之道自洒掃應對以致精義入神初無二物在安勉之間耳今學者遺躬行而索虛無蓋不知聖人之靜爲無欲而以爲無事也顧又曰非佛老之玄寂非罔乎至於文則明道達意止矣淺深大小惟其所造六經異體非羣聖人之殊致邪擬之雖肖繪工耳故君子醜之道思曰今之賢者其言皆異於是某請識之又數月道思拜山東督學之命二者則其所從政也諸公賦詩贈之余遂書前說爲引是非之衷願吾子終裁之修大業以承天意其在此行矣

贈楊子任監稅蕪湖序

楊子子任將監蕪湖之稅病其難也憤而作曰吾聞襲芳者唾鮑肆持潔者遠汙泥財利之柄高士所惡政關聚斂仁人蹙額吾何事於此乎吾甯納檄於省乞骸於朝潛伏以從吾好安能抑志苦身以蒙世俗之疑議乎東橋子聞之歎曰異乎吾所聞莫非政也子取其清執處其難擇便而順私此巧宦之所希也而謂吾子爲之乎君子務強夫己之所不可易而不患夫事之所不可爲故德成於獨立功絕於羣疑夫然後謂之貞固良玉磨而不磷其質堅也水華泥而不滓其性潔也伊尹放君人益頌其忠柳下惠昏夜懷女人益信其介非以己勝者乎子之執是政也公私別則官政清矣義利嚴則中德固矣毀譽置則浮言沮矣若夫操籌而校權金而貢

甲六

四

金陵叢書  
蔣氏校印

乃斯職之所有事也抑何與於我乎子節高而器遠人方以公輔見期幸毋淺焉自視而令有道者闕子也明日子任遂束書裹糧告行而去

贈謝應午遷北省序

嘉靖癸巳天子選用在廷臣工南京刑部尙書郎謝子應午乃調北省人曰南北異乎東橋子曰職則均也北近南遠北識天下之獄責益大賢者固宜居之斯選而調之意也抑賢者自効豈以遠近大小異哉夫刑民之司命國之威憲也不曰中正明決盡之乎然有四善焉一曰弼教本二曰慎法守三曰質經義四曰達治體夫事有致重情有由來執法傷教不如無刑古之人有行之者王尊卓茂是已美陽則射之密



據則釋之斯裁寬猛矣故曰弼教本法歸於當雖天子之令不可從權貴之勢不可奪古之人有行之者張釋之所持於廷尉烏能動之哉故曰慎法守冒天下之道在經正天下之情在律情無窮道有定故法有所遺則準經以制刑孰有加於聖人之道乎古之人有行之者黃冒竊戾園之名眾且惶惑不疑舉春秋之法繩之雖戾亦聒耳故曰質經義刑以定國也刑一人而國亂則尙輕縱一人而國衰則尙重古之人有行之者公孫弘論誅郭解俠氣奪谷永論釋梁獄懿親甯豈操縱之微權乎故曰達治體夫先王議事以制不爲刑辟刑書者後世之事也應午毋執一焉則官守善或又曰官守者守之則己非若言責可議也噫是非知道者之言也治天

甲六

五

金陵叢書  
蔣氏校印

下有道行之爲官守議之爲言責不粹於天德不合於先王謂之非道可謂善乎使應午有言責亦猶官守也謂異焉者非吾所聞也

送判府王拱之闕南購大木序

正德己卯皇帝重建乾清坤甯二宮徵材海內使者蒞浙藩檄判府王君拱之往購大木於閩南徒御在門矣余與耆舊大夫設祖贈別耆舊大夫曰武夷天下名山也東海天地之壑至大水也判府君往則入名山斧大材歸則乘巨筏以臨汪洋浩瀚之浸亦天下之壯觀矣乎其尙毋歲月之淹以闕我民望則吾郡之惠也璘曰國家需材成巨室分命及子子知材難乎夫木猶人也古之人貌恭色莊以慎人家國非一

姓矣子所悉也木之不材其何以異是故有腐挺而理邪外固而中蠹歸然輪困而液構是病肖樞梓豫章而實則樛櫟之非若皆不材類也舉足以慎宮室斯選者之咎子其慎之哉判府君再拜曰敢不嘉大夫之榮而兢兢吾子之訓行雖劇請書而懷之以善斯役

贈沅州學正舒道徵序

舒子道徵既領沅州教事過金陵宿於予而有請予視其容春溫其文波湧其何有於一學職哉進且未已竊亦願有告也夫君子之生也仕學兩端而已今茲仕之始以道教人則學之成也始也貴端成也貴大是故君子謹禮而篤是以有莊敬之容履道而固是以有忠信之教徒和則媚徒順則隨

甲六

六

金陵叢書  
蔣氏校印

凡仕成病奚止於教乎是故君子之爲文達於既盈歛於既博去其渣滓存其神明刊其枝葉立其本根斯文之大也故讀之者可感傳之者可法毋徒取繁縟而已矣繁縟者飾也六經之文不飾子行矣諸生將於子乎取法慎毋示其飾哉

送馮子靜序

北郭馮子靜氏拜柳州融縣令撫軍梁子材曰人亦嘗言樞精隆棟珪璋特達其然乎其不然乎吾觀子靜之少也資穎才俊儀冠卓玉吾黨器望之謂至今且樞鼎矣乃遽巡庠序殆四十始隨計得遠方令事固不可以逆觀耶東橋子曰吁不然人患無具耳早暮奚足以定之公孫弘垂白牧豕山東一老農也及應賢良登金馬門遂陟丞相封列侯傳之後世



豈謂遲晚乎今之仕惟貢近古即周鄉舉里選與漢郡國歲薦士耳所得實行居多視科目較一日空文不論平生者相去遠矣矧天子方銳情復古諄諄以詔有司而士且彬彬然興乎子靜孝弟溫良言必顧行此行也率悃悃之素以趨功名之會則吾黨昔所器者斷可期矣子將謂梗枿根戶而珪璋苟以暫御也世豈有是理哉已而吾諸弟璇也告曰仕者鄙遠民而蔑禮教獨不曰居夷浮海何心乎子靜曰子厚之俎豆於柳也何以不敢不圖也瓊也告曰情多遺忽多謬子其勉旃子靜曰情情則逐於主行忽則蹶於途况食人之祿而泄泄以負責人也忍之乎瓊也告曰女淫士汗大醜也人言遠方毋潔潔則生禍猶言野可保也而世無不衣之人願

甲六

七

金陵叢書 蔣氏校印

子飲冰而食藜可也子靜曰吾知辨於舜跖耳足至則心至焉何謂遠近乎東橋子聞而復於子材曰吾子何惑乎子靜言必道也法必賢也歸必聖也宅曰徵明堂清廟之具於西南者必子靜也夫吾數人者相與祖而餞之遂書斯言以為左券

贈博羅令羅君惟昭序

泰和羅君惟昭故司成冰玉先生之子初以蔭授南京刑部檢校遷都察院照磨以勤慎聞今擢博羅令尙書郎李君某等徵言為贈璘竊有感焉夫任子者抑猶行古之道乎雖三代之盛所不廢也昔者先王先君嘉心膂股肱之佐延賞選勞以及其子孫諸侯世國大夫世家用術於公室是謂政典

其子孫之有國家亦罔不曰圖報於我先王先君懼弗克忠圖嗣於我祖考懼弗克德是故世祿之族代有令人獨不親伊呂周召之後與春秋列國公子之炳然者乎豈其報禮之重象賢之勤是以敏德効功少所顛墜也世降道衰上鮮為公下鮮由禮舉公器以賞私勞而天下弗勸然其賢而特者固惟古昔之慕君子謂其忠且孝焉若今羅君之守官幾可語於古道矣初冰玉公仕於成化弘治之際與文正李公文肅謝公及當時三數名流為道誼交譽望隆起海內擬為台輔而公早世厥施未溥將不在其子孫乎夫博羅者嶺南巨邑去京師遠甚不為恩惠久矣君茲行振今典師古哲酬天子之厚施敷先臣之蓄美沛曠澤於遐遠永終譽於方來博

甲六

八

金陵叢書 蔣氏校印

羅之民其將有瘳乎昔杜少陵贈魏鄭公孫為交廣少府既舉其先烈終必致公侯復始之望余敢引以祝君君幸毋卑州縣也

送楊郡博宣成書院講易序

夫聖人之道廣矣大矣孔子雅言詩書執禮又其言曰興於詩立於禮成於樂加我數年五十以學易春秋實所自作孟子曰春秋天子之事也由是觀之六籍者豈非學者本始哉經解別其教昭昭矣後世儒者往往盛推其功用自漢以來列之學宮各立師授有以也故學者博識詳說不考信於六藝謂之不經國家以經取士積習累葉旁暢曲達言義理者析秋毫矣而通辨之士乃或撥華廢實苟罔資位仕宦績効



日替於前有道者以爲懼巡按廣西監察御史莆田林公案治之初借藩臬大卿議集師儒講五經同異於宣成書院於時聘經師五員召諸郡成材生員至者三百人甚盛舉也全州學正楊君葦以易師聘且行予惟六籍之教修身以達之天下匪徒以文也已師儒之職傳道解惑育德達材正之以行糾之以刑率三年六年視其成否以進於王國其法具在周禮大司徒亦匪徒以言已也君茲行萃諸生俊秀者相與釋義文周孔之道以求其心斯古之教也獨故習圖新功俾底於大成至當以無忝於學士其爲國家利博矣哉如此則我林公亦懋有休澤以流於粵之人以光副天子之寵命惟君等惠其或特言以設教飭位而鮮功則諸郡邑之學固完

甲六

九

金陵叢書  
蔣氏校印

而奚取道路之僕僕乎吾知楊君必不然也爲我語諸君與諸來學之士舉大者不安小成否則名罔也又徒言之不若幸勗之庶幾有成焉

送陳于岳序

吾嘗慨三代以後學者之業不專故下無成材上無善治古者六德六行六藝之教本大而目詳雖俊秀之士終身修之有不能盡奚暇外慕乎漢興以來叻有科目求於士者日淺韋褐小生挾數册書閉門強記皆足以射聲利而釣官職其穎異過人者才智有餘而名譽不足安得不爲支離汗漫之習乎出於異端則入於技藝出於技藝則入於貨殖游俠之邪能者倡之不肖者和之此士習所以日分而人才所以日

降也吾嘗是說不敢以語人其居教人之職又無與予深交者無可於託今年吾友陳于岳親老請祿得掌麗水縣學教事于岳和粹高明業專材成且與予同志非罪予者疇昔鬱鬱之懷安得不一吐乎行登麗水之堂爲我語諸生曰三代之教故典斯存今科目之學雖不可易而學之有道焉也經未明乎則專於經既明乎則六藝之習專其一以致用惟德與行則專心遜志俛焉以終其身有爲支離汗漫之習者則大司徒造士之法吾不汝假如此積三年六年三代之教將不自麗水始乎于岳之門人負其師之爲親屈也謁予請言以勸其舉進士激厲焉爲御史此在吾于岳易事也予方惡學者之志不專故不要其後而獨論其職

甲六

十

金陵叢書  
蔣氏校印

送藍本和掌教遂昌序

吾少讀書至孔子曰善人吾不得而見之矣得見有恒者斯可矣嘗疑待天下若是薄也今乃始知其難夫謂有恒云者豈不曰見諸言如其行施諸事如其心行與心一言與事符則終身由於道而不變雖聖人君子無難至者况善人乎吾所友於鄉國四方之士亦既眾矣始而得什五焉徐而察之得什三焉又久而驗之得什一焉乃知有恒者之難得而歎聖人不我誣也吾友藍君本和魁岸擬毅言論侃侃遇事義形於色不作矯僞庶幾所爲有恒者與以易學摛應天鄉舉今拜遂昌縣學教諭且舍予去夫求友甚難得君焉而又遠去得無戚戚其間然君去以教人爲職予既不得留乃幸予



私懷得有所託也今天下之俗患在於少誠實修文詞而忽德行喜遊談而廢道業貴浮華而賤樸淳士修於家率如此故其出身致用見勢則附見利則眩見憂患禍害則惴惴然以恐而無所不至波蕩草靡不復知有善人君子之事國家率受其禍此則無恒之過也使得吾蓋君數十輩受師儒之職彬彬焉錯列於天下俾後生小子聞其言見其容貌觀其所行事日改月化相漸以誠而消其不肖之習其於國家之利豈曰小補之哉予失一友一方得一師予又何戚戚也

送蔣汝正入京序

汝正御史中丞梅軒公之子大宗伯敬所公從子也大宗伯未有子時嘗以汝正爲後今以前少宰之勳當任子故以汝

曰六

十一

金陵叢書  
蔣氏校印

正往入冑監服天下榮命宗伯公之意厚甚矣哉汝正英年篤學故人親戚愛者咸曰子務敏學績文以策上第爲門閥重毋盡於是是不足盡子也余聞之曰善哉言亦故人之私非天下之公言也夫論士於三代曰禹稷契皋陶伯益伊傅周召下及百執事之臣詩書所稱爲聖賢爲君子或頌其德穆穆師師而已未聞曰某出世間某出徵舉瑣瑣然以登進之路爲重輕也兩漢以後乃有對策設科之制所取於士者策文書判詩賦經義大率言語類也嗚呼士果可以言語盡哉其入仕也以內外爲輕重以遠近爲散要以繁簡爲清濁士大夫之心日逐逐於得喪榮辱之間且猶不可繼何暇議德行之淺深乎此人材所以不逮古昔後來者日寥寥也今

時若梅軒敬所二公自爲諸生時已毅然以道德爲己任言必稱先王行必本仁義鄉人望其家莫不曰德門士大夫觀其舉動莫不曰社稷之福其文章之美爵位之隆不與焉汝正前居中丞公膝下聞詩書之教稔矣今往侍宗伯公惟日孜孜修德象賢以克肖世美如伊召子姓盛矣若夫登甲乙取青紫凡明敏藻飾之士皆可能之何足爲子願乎汝正勉旃勿以余言爲迂也

贈周鍼醫序

殿講石亭陳先生長子曰時萬士族之佳子弟也鄉人好之丁亥正月小疾醫汗之過陰耗而火炎眩擡格塞呼莫應飲滴澀莫下咽目瞳視手足木強諸醫牆立無措氣翕翕向絕

甲六

十二

金陵叢書  
蔣氏校印

委之弗救諸見與聞者莫不惶痛時石亭使於楚余與半窗羅君任其託乃爲召客議凶事客有許君彥明引金君載陽至且視之載陽曰脈未宜絕劫病起死莫速於鍼蓋延周君圖之余兩人躍然遂騎延周君至則秉燭矣周君曰殆甚矣乎吉凶立決其誰承之余兩人要之曰死分也生功也吾儕固存勿重厚慮君乃啓囊探鍼審病測脈刺諸人中之穴炷火而守之眾環視莫敢出氣有頃鍼蠕蠕動孟錫乃微欬若且有覺目瞬體柔夜既半吐凝涎半盂遂索飲將旦矍然曰吾夢其寤乎不知向者何之也遂索糜食眾莫不踴喜自親戚上下傳之公卿大夫一日殆遍顧子曰甚矣聖人之生斯民術幽微矣究腑臟之經悉榮衛之運察其治亂調其損益



而行之誠火是以應天之化循氣之紀功應若神厥後俞扁  
述而傳之駭異變幻震動耳目嘗或疑其無有乃今信之矣  
若周君者製其器數而妙應若此况其深乎聖人不作斯民  
之天闕又何可勝道乎此一事耳余有以知天數之不可強  
也人謀之不可廢也醫之道神而聖人之去凡人甚懸絕也  
石亭還將往謝周君命余述其顛末以告諸人人  
壽光祿陸儼山先生序

稱生人之福恒曰祿位名壽夫亦有辨矣祿位命於君也壽  
命於天也惟名則自己出名立而祿位隨之斯壽有光榮而  
享於無極矣名也者人道之精華士林之標望所謂無翼而  
飛不火而照者也斯非人情所同好乎孔子曰君子疾沒世

甲六

十三

金陵叢書  
蔣氏校印

而名不稱焉蓋貴之矣何耶是故道德以為本才力以為幹  
文章以為華功業以為實名之所起豈易易云然哉夫自一  
鄉如干人而得名為士又如干士而得名為才又如干才而  
得名為賢亦衰然特矣自是進而一國天下稱名曰賢其度  
越人倫又不知如千萬萬也夫苟至於名天下賢豈非福之  
至大至大者乎余登朝四十年周旋海內人士厭矣其以天  
下賢名者僅可屈指吾東南不曰雲間儼山陸先生其人乎  
先生發解於鄉登第於朝職史於翰苑造士於司成肅教於  
外臺宣化於行省所謂文章功業者緒見時出而名各炳炳  
皆自其道德才力者致之非徒致也詔進光祿則天子之下  
卿也祿位駸駸乎盛矣天下之望先生者莫不怏怏然以為

論德之階懋功之具非稱乎其名然則聲光之所震動不亦  
廣且遠乎由是陟三公極臣位然後乃可厭羣望也是先生  
之名既榮乎祿位矣去年壽六十居蜀表弟顧世安氏不獲  
捧觴致頌今及其過家乃謁予為詞補之夫以眾人所取於  
祿位者如彼則夫祝先生壽者固若鳩鳩之詩雖萬年不足  
也名之所以為壽榮者又何如哉世安祝先生以壽余獨頌  
先生以名昔者伊傅周召以及孔孟皆是物也謂壽至今永  
可也先生謂余言然乎否乎至於祿位君自命之天下自望  
之在先生則土苴耳此諸福輕重之辯也頌於是至矣  
補壽簡翁六十序

簡翁者印岡羅先生六十請老時所自號也璘曰何居翁曰

甲六

十四

金陵叢書  
蔣氏校印

某治充銓司論曰宜簡乃移鎮陽治鎮陽御史又論曰宜簡  
再移石阡然吾鎮陽之治簡矣虛無以應石阡也遂請老而  
歸今且憺憺以居泯泯以游抱吾之簡樂之終身故甘斯號  
也璘曰君子哉善受人言抑人言翁簡豈誠有之乎璘方效  
德不遑而翁見躓命之不可強也如此翁少力學博而有要  
探本六籍證議百氏罔不注乎其心聽其論天下之務至辯  
而非窮至理而非濫為莆司理其政察為南臺御史其言諤  
其治亮也舉二十七屬之政若錯塔序之間令之風行禁之  
防止吏不覘督責之威民不奉號召之格方武皇帝南巡充  
居繁會自車馬糗糒之外不載供籍監司問以佃游之備近  
幸之餉曰非守宜職是以有鎮陽之遷翁曰鎮陽鄙而夷適



用吾簡於是因俗設教罷出苛令庭無諍辭則讀易演騷行  
行如也率其所操寬然優於郡國雖天下之大不足理也彼  
課功論才之司動以簡訓豈仲尼所稱子弓非邪余求之不  
得其說故以歸之命翁無所怨尤且引以爲規又安取於余  
言抑老子有言曰毋勞爾形毋搖爾精此簡之至德山澤之  
士長生久視之要道也翁今有得乎吾不知其所終矣歸既  
越歲踰六加一諸鄉大夫卽其誕辰舉觴追壽而以辭屬璘  
遂述斯言爲祝翁既不得彼其必得此也

壽印岡先生七十序

嘉靖甲午印岡先生行年七十神充體強無有衰相距丙辰  
筴仕蓋四十年矣同榜官南都及退家食者僅四人在不亦

甲六

十五

金陵叢書  
蔣氏校印

難得乎四人者圖所以壽印岡宜有深於人人者大司空紹  
興何公曰唯天降福於大人視其功德以爲隆替隆莫如壽  
公初爲推官明清庶獄入爲御史執憲以忠上若豫發甯藩  
奸逆不黨厭誣蟻司馬張公濬事尤卓卓再出爲郡守甯犯  
天子之威而不忍耗民財仁心直道如此位乃不盡其報其  
意殆隆於今日乎廷尉南海洗公曰石剛故存水柔故散人  
之節固者體故宜永乎印岡自外吏入內臺人曰達矣而公  
不加盈自會郡遷南鄙人曰抑矣而公不加款所謂確乎其  
不可拔也夫安得而摧毀乎按察江左龍公曰吾聞壽者得  
於靜印岡之歸田也泯泯而處蛇蛇而行手不理箋記之牘  
口不議公府之政目不視黜陟之條耳不納毀譽之聲形無

或勞精無或搖其年又孰得而或撓也璘乃進曰善哉三公  
之祝美矣盡矣何稽之天洗徵之物龍取之身印岡之功德  
節行罔不宜壽矣璘又何言哉雖然不可徒賀也願衍其說  
以附諸稱觴之後夫人生由氣候有盛衰氣強由志志強由  
道也古之至人持節以御氣守道以定志夫然後鍊氣保生  
而體無老少之殊是以長永焉記言之君子嚮道而行中道  
而廢忘其身之老也印岡先生動而效功定而矢節靜而葆  
真不以其身一日或懈於道守道不分物乃難侵傳曰道生  
萬物况於一身乎苟謂養生不本於道者豈足語天人之微  
乎印岡行年七十而無衰相可以規守道之力矣三公之祝  
美矣盡矣不可以有加矣璘又何言哉

甲六

十六

金陵叢書  
蔣氏校印

壽攝泉隱君序

余嘗聞長老言宜正之間吾鄉先輩文行醇願質木行好古  
曲恥言人過何其厚哉吾每以不親見爲恨今涉世五十年  
所以朋儕執友之際苟得若人焉未嘗不愛慕繾綣樂與之  
披心今攝泉許隱君其一人也隱君之操行也棄末俗而從  
舊風肫肫默默有古篤行之遺軌吾何以觀其然哉世俗詭  
文飾貌厭常自奇輯威儀爲羽翼駕聲譽爲笙簧其修身有  
如此者隱君則擇言而言擇地而蹈知白守黑居進若退信  
古昔尊先王如蒼龜鬼神之不敢侮故其肺腑之奧無隱隱  
也世俗聚貨競奢喜名盛大吉凶之禮簡情而煩文輿焉僕  
從外內必備其植家有如此者隱君則臨財戒得處豐戒盈



器服必稱其用婚喪賓祭必顧其力食不謀肉出不謀馬族  
戚知舊不使怨其不親故其戶庭之邇無溢行也世俗勢交  
赫如利交網如匿怨而市好朝親而暮讐飲食宴私人莫之  
問而忻戚不與同情其交友有如此者隱君則以善相求以  
心相原合不見其密離不見其疏憂人之憂急人之急如在  
其身與余交三十年而未嘗聞其言人之過故其交友之眾  
無怨言也由是觀之吾不知宣正諸老翁其操修醜藉竟孰  
爲上下也邪是又不敢論其世也隱君愛攝生聞攝山多藥  
草可養性命每每逃隱其中故自稱曰攝泉居士老子曰善  
攝生者陸行不遇兇虎入軍不被甲兵言自全之極物無所  
投其害也由前所疏無隱隱無濫行無怨言者其自全孰大

甲六

十七

金陵叢書  
蔣氏校印

於此物莫能投壽固安可涯淡邪今年壽六十國人來稱觴  
者多舉神仙瓊瑋之物唇腐莫畢其說余請以隱君之德自  
爲隱君壽之故申之以老子之說也君有令子曰毅以文薦  
於鄉孫亦殊異得天且然物尙何言哉

壽梅南君序

梅南君與予友幾三十年矣始見於南濠之上君時未三十  
讀書好談詩褒衣曳履退然一儒生也人猶侵易之又十五  
六年余竄湘南過吳再見君君握重貲爲魚鹽大賈日執牙  
籌坐中堂僮僕累蹟頤指目令奔走從意州郡有大舉動必  
召君計畫動適幾宜人尊之曰丈行又六七年余自台州入  
朝過其家盡傳家事付兒輩已築園種樹作虛閣眺望湖山

日談范蠡陸魯望之幽事曰古之人貴同趣耳何拘形跡哉  
嘉客時至傾壺敘歡官政市聲一切掩耳鄉閭愛而依之四  
方賢士望其廬歡然如歸也嗚呼梅南君其善居斯世也哉  
夫人生亦大矣雖出處有命苟不自樹立而泯泯碌碌屈體  
人後徒羞貧賤者真亦自負矣乎君少而憤修壯而強立老  
而靜藏善變若龍蛇順代若四時眾犯之不加貶眾附之不  
加溢君真善居斯世者矣每見士大夫僥利倖得訑訑奮張  
莫克自制至臨利害則首鼠兩端持祿若錮鍾鳴漏盡質質  
焉狂馳而不止其視君賢不肖何如也前年君壽五十眾皆  
賀余不及賀今年還郡始克敘平生之概寄壽之俟百歲時  
當與再定君必無替於今言

甲六

十八

金陵叢書  
蔣氏校印

壽張翁序

翁鍾山隱者也少不治文字瀟灑敦信尙遠古逸名之節附  
郭有田二頃以耕爲業或漫游湖湘淮揚間託商以自資與  
家君愚逸翁締交五十年凡更利害患難均任之不巧於自  
便財貨有無相通弗校彼我家君兄呼之兩姓子弟呼伯叔  
惟敬惟愛一如族家體婚姻慶問內外壺榼往來續於道自  
中表姻連而下其恩義禮節之密什伯不相逮夫道義之喪  
久矣親戚朋友之家悅則親弗悅則疏相拂焉則傾奪以讐  
豐已而儉人薄中而厚外睚眦生隙矛盾覆宗者不可勝數  
故晏嬰見稱於孔子而朱育劉孝標歎惜痛恨於季世豈不  
謂是哉家君凡所交內必推誠其負而背去者亦屢屢見矣



若翁者忘形篤義久而彌親豈斯世易得者哉易曰天之所助者順也人之所助者信也翁宜得天人之助矣今年壽七十顏渥髮蒼形神壯王子經與予同齒而誕月居後予謂之弟謹樸有父風童孫嶷嶷如玉諸壻若甥並良俊所以亢宗風成宅相者蓋已淳然其不可遏然則謂天道無知者豈不大妄乎誕日諸子壻置酒張樂集故老宗姻中誕慶以餉歲事賦聲詩以侑觴算固隱居之至趣莫齒之嘉樂也璘執爵其後不可以無言爰述親誼之所由始俾覽者知翁之厚德云

壽李君唯漢序

洪惟我皇祖握劍起濠上爲天下王一時附會風雲之侶何

甲六

十九

金陵叢書  
蔣氏校印

其雄哉非天意不至於此非獨當世其躬然也至其子孫亦往往傑出與常人殊余家南都數游諸世族間見徐沐湯鄧羣公子氣岸幹局志烈才藝率磊落融朗有英雄之流風視閭里寒賤之習大不相近每心醉焉樂與之交無厭也譬之麟子鳳雛其麟介羽毛卽墮地已絕於凡禽何必高步長鳴而後爲珍瑞哉嘗與四桐子論茲事四桐子曰子亦見吾南郭李公子唯漢之概乎請舉其大唯漢者太師韓國公之後臨安公主五世孫也自乃祖不知何自削籍貴閥華胄於是乎在君開明倘儻樂與豪俊游手致千金之產視義施散不甚顧惜早喪兄事嫂盡禮成三孤嫁孤女於吾兒繼文不啻已出年甫五十卽以家政付諸子築別墅於牛山之陽浪跡

登臨飲奕之際游無遺地樂無失時古所謂逸民者殆庶幾乎余聞而歎曰韓國事皇祖帷幄有留侯衛公之勳而帶礪早替每爲之慨然聞斯固樂其有後矣天道豈終謬哉徐洙之世竝然同休湯鄧繼興乃在孝代語曰公侯之孫子必復其始然則復韓國之舊以昭慶緒將不在斯人也夫審若君言天方寵錫之厚抑又何賴夫人爵也善語李君余方結侶林壑且求之乎南郭也乃丙戌仲夏之望四桐子忽款吾廬曰前所稱李君今日其六表之誕也敢與子賀余方有家完且憚暑而不能出遂書所願者先之

寄壽王母吳太宜人序

嘉靖戊子春正月客遇東橋子曰屯田永溪王君母太宜人

甲六

二十

金陵叢書  
蔣氏校印

壽八十其誕則三月五日里俗以歲首稱慶盍往焉旣旅進修儀而退未幾王君負謗還吳乃及誕日申慶於故里客復告東橋子且纂言爲祝東橋子仰而歎曰盛哉宜人之祉幾備矣哉曩戊寅之歲壽七十王君爲處州別駕吾在台州聞其舉賀也太守朱衣捧觴前跪爲壽倅貳以下序進致祝縣大夫博士以及耆長史胥列拜階下酒行樂作慈顏爲之一粲觀者嘖嘖稱盛時則未有封也雖榮而未貴今也翟冠象服曳佩而坐堂上戶外之賓鳴騶飛蓋至者皆公卿郎將之貴綺繡雜沓觥籌逶迤其視前舉益盛矣舊聞太宜人語人曰使吾飲建業酒何如閭門水乎謂子姓親戚相遠雖貴未適也比歸故鄉則凡所愛念咸拜膝下賀者入門皆姻婭內



子體便視儀耳熟音聲口慷慨羞果蔬之味良與老人爲宜然則視前舉又孰多乎哉夫君子之修身苟求其是而已匪計諸得喪其事親也苟求其安而已匪要諸有無永溪曠德如玉守官如女然以謗去位而士大夫益稱其賢所壽乎宜人抑既多矣矧其歸也又宜人之所安乎由此而耄慶期慶不知樂事復當何如永溪宜有味於吾言也

壽葉母太孺人九十序

太孺人吾台某邑令葉君守正之母侍御一之之祖母也諸耆大夫爲余言葉太孺人行年九十容貌充澤視微嚮堅有童子能家倚巾峯之麓日常弄孫曾以婿下上亭榭間無休武有小憊則飲卮卽愈不藥石殆古所謂地仙者流與璘

甲六

二十一

金陵叢書  
蔣氏校印

聞曰異哉吾郡之祥也已奚仙之足云惟遂古民俗顛蒙不競不悛故天真弗整而人獲壽考季世蕩焉洪於醜毒於是髮弗華者始厭豈獨氣數然哉惟深山長谷之間乃有不然者吾台其一處也台居東海之濱崖阜峻阻不通都會小人力穡而儉享敦恪嚮方君子彊義勳禮亢節概以爲風聲論者謂有古之遺風焉風淳則其氣麗固而弗散弗散則永宜其民之多壽考也矧葉氏世修其懿以鍾於太孺人之躬而令尹及侍御君服教象賢勿替引之所以培德積休者益篤又豈諸人所易及乎夫遠古之風徵於台而葉氏者獨有承焉斯謂之祥也固宜余又聞終南中有老人年至數百若吾天台委羽間不啻過也太孺人儼其人乎且將觀令尹君黃

髮擊壤以弄雛左右或可幾也殆且將親侍御君苦龜人國以享五鼎養亦或可幾也所謂仙人者烏足云云此吾黨樂賀意也

壽趙孺人序

顧子之仲息嬪於俞季子璉於是夔齊大夫卽世三年矣趙孺人勤撫惠以樹其家聲隆隆然亢乎其先今聖天子改元之歲孺人甲子五十春正月某日實維始降余內子沈將賀之請於余曰某不佞篤懿親之義馳信使越數百里以踐孺人之堂繫我婦人之饋不越乎榛栗棗脯之實刺繡組織之工已爾其微錙銖而可云獻乎光昭孺人令德以表於內外唯夫子之言是賴曰內德唯婦實聞請舉其類內子曰吾聞

甲六

二十一

金陵叢書  
蔣氏校印

之仲息孺人悼俞大夫之逝也黜華哀豐以禮自閑凡祭必罄哀其處尹恭人易居均享戒諸子姪曰不以我視恭人者有如皎日訓二孤以義方必俾克立今既有年所矣叔璠登於國庠季璉選於京庠猶且孳孳課之猶社師之於幼子也至御戚一獲則恤其饑寒勞苦而煦育之不使怨乎不具此其概也乎余曰至矣備矣婦德盡於是矣執德不忘其夫貞也居富不忽其長敬也愛其子必謹其教義也懷其下必恤其私仁也體貞率敬執德廣仁善之積也易曰積善之家必

有餘慶吾知孺人之慶不惟於其身而且於子孫業然至矣今之壽其始乎內子曰善於是緘牘裹饋肅拜者再召使者授於門外以登諸塗



顧華玉集卷三十三

金陵叢書甲集之六

上元顧璘

息園存稿文四記

瞻辰堂記

天以北辰爲樞樞居其所而運大儀四時正焉百化流焉故辰爲中爲極象大君也聖朝都燕居北上應辰極四方戴爲宸居余家南都實北向先驗封公名正寢曰瞻辰不忘尊也公之言曰安天下者天子也三公以道格心六卿以改贊治百司羣工各以其官修其職事一人既正庶績咸熙斯天下樂其樂矣否則責在有位而天下亦同其憂方今乾樞正萬方共矣此聖主任賢百僚承德之嘉應也吾儕野人征繇不

甲六

金陵叢書  
蔣氏校印

及官政不關安棟固宇飲食符若顧乃優游朝夕罔惟所自無乃閭陋已乎天清晨明玄夜方寂端服望拜歸我帝力復爲之歌曰紫極巍兮瑤光明萬姓歸心兮四海清我耕而食兮壽且甯皇澤蕩蕩兮安能名於是諸孫受之教諸會歌而肆焉璘在膝下謹識册書以傳諸家乘

義範堂記

義範者我先毅皇封先臣驗封公制也不肖臣璘謹拜手稽首揭明堂顏上修皇賜下昭世訓兢兢念哉迺召孫子蒲伏末階申諭若曰若等知先公得此於先皇者乎夫義天之制人之執所以別於利也國不義則無厭家不義則無親士不義則無友其爲道也至重利以間之而能施者寡矣我先公

不沾一命義施於家而不被於遠觀其總家政五十年友三

仲父若飲食若衣服若婚姻必相均一不殖私藏不辟子愛

伯大父既異居顧養靡替恤二姑之孤之衰成假有家可謂

施父族矣奉舅大父於家養其老而厚其終可謂施母族矣

勤母氏兄弟子姪之喪葬婚姻凡十餘舉可謂施妻族矣至

其脫急振乏已責減券力人所不肯力忘人所不能忘又可

謂施及朋友有厭矣凡是四端皆樂之中心行之永久而無

矯飾是以孚於邦國達乎天子以有今王言之華國人誦之

無貶辭子孫寶之無慚色我先公亦何忝於厥世哉顧余謫

有祿仕學學俛焉而弗克嗣續於萬一所謂不肖之行無足

言已若等其懋修哉其仕與否有天命存均之人也均子孫

甲六

二

金陵叢書  
蔣氏校印

也富貴貧賤惟其所逢必義有蹈而罔規於利庶幾道我於罪且不徒爲先公之羞况夫好義者昌好利者亡先訓炳如也若等其懋修哉是爲記

松塢草堂記

我顧氏蘇人也自曾大父府君始葬金陵石岡之南今四世矣其山自石岡萃立橫亘東驚支分蜿蜒而偃踞於此旁爲曲阜南舒以環前對若几焉都人往往詔爲勝域其勢窈合成塢東均砥平余乃遷故廬其上以修祀事以託隱栖四山皆先二世植松不啻萬本巨植鱗皴稗枝羽籜即雲連幄因風鳴竿慘舒異觀忻戚殊念余每來居之情有所屬懋懋不能去題曰松塢草堂懷先澤也復爲記曰吾子孫來居斯堂



乎修時祀已榱桷瓦甍毀則新之樹木竹篠敗則易之或乘  
耒而學稼或藏修而績文一舉手措足焉必曰吾何以紹先  
人又其上者曰吾何以光先人由是行墟墓之間以游廊廡  
之下汔可無覲顏者其或挾羣小以朋游貯聲色以淫泆多  
其木伐以爲薪美其地貨以爲利斯謂不仁不孝閭里弗唾  
焉矣玷名教辱宗祏不亦甚乎然則今之輯是堂者斯顧氏  
罪人也已

息園記

東橋子築園居室之後袤五十武廣半損之中取纖徑通步  
餘盡蒔植以延叢緝修竹後挺嘉木前列周除芳卉美草期  
四時可娛予嘗曰疊山鬱樹負物性而損天趣故絕意不爲

甲六

金陵叢書  
蔣氏校印

中亭曰愛日本以奉先驗封公日養天乎今無及矣虛窗淨  
几宜飲宜讀西有謀道齋三楹置諸孫讀書於中佔畢可悅  
耳作載酒亭以待乎問奇來憩者東有小軒曰促膝諸故人  
至解帶密坐談農圃醫藥之事恒至移日相向爲緣率室居  
則掩視納息存吾元和起則觀童子理圖史之帙時寄雅抱  
合而名之曰息園其南乃有廣圃連數十頃頗雜池沼屋廡  
其中達於清溪非盡顧氏有案志當爲謝尙江總故宅今廢  
爲墟而齊民業之闌闔間所絕無也櫻榆蒲葦掩映森蔚風  
靜鳥鳴音變巧慧夏鶯好飛移往來擇蔭暫息候爾逝去驚  
散立青蒼中皎若積雪時驚起翻迴水上久乃復下居人多  
蒔蔬養魚雜治生業或星散居皆有徑可往吾園開戶向之

籠取其勝時與二三子曳履同游無異深林窮谷之趣此又  
鄉鄰所以息我者與夫息之義止也生也形貴止神貴生動  
而不止形乃日敗靜而不撓神乃日生一止一生壽乃長久  
然則息也者寶形養神之道具是矣造化遺我以年先人遺  
我以地鄰里助我以勝我顧糾纏外物而不知形神之爲貴  
殆莊生所謂倒置之民乎

屏山小隱記

凡居恒藉山水爲勝山以屏水以鑑非徒爾也屏於山則端  
凝尙體峭厲尙節而吾有得於實鑑於水則量以容廣智以  
澄別而吾有得於虛若夫日月煙雲之麗草木禽魚之生晦  
明慘舒之變以達其用以成其文一皆有助於德此真知山

甲六

四

金陵叢書  
蔣氏校印

水之情者然也吾南山之居遠水而獨近山故唯屏焉是賴  
山北環而南正北如駝如象勢若奔湊者爲小石大石迤東  
伏而忽起曰戴山特高且奇者曰牛頭花巖祖堂三大峰迤  
邐南迴其上佛宇紺碧可觀正南與吉山對獨立不倚形凹  
突如筆格諸山且暮異采紫翠交映雨作則吐雲蒸嵐因風  
蔽虧或有或無不可辨過是岡嶺連延弗斷然不甚高而亦  
無名西南蒼林鬱然而近日廟山西山高者在江北卓青橫  
黛隱隱來赴如人知心夢寐潛達吾廬處其間藐焉迴邱之  
麓顧左左見顧右右至前瞻後矚皆莫避去或角巾杖履出  
戶四望山所露見悉爲我有使吾舍城市而婆娑於此凡以  
屏故故取以名吾居有笑者曰牛頭花巖名阜也游者沓至



至則得之諸山則此方之人所環居也子獨屏之何耶子論之曰凡言得者以心不以目余強盛時志在四方每欲挾雲漢攀日月垂光旂常之上時一至山率目寓心往弗能有之而山亦不吾與乃今動蹟神惡度無所用其愚然後一篤於泉石始駸駸入今無間矣儻諸人猶吾少心則固有勝者在也雖家山中殆天壤哉亦遽曰屏焉屏焉吾不之信

清曠亭記

東郊課畊之廬臨於田翳灌木居之鬱鬱夏月尤病乃相後圃有邱突然且高且明四顧甚暢於是誅茅而亭之刪繁理秀風自遠至氣爽意開不識炎暑南盡天印北盡鍾陵東盡青龍西盡都城以至幕府皆金陵山名也一坐間得之可謂

印六

五

金陵叢書  
蔣氏校印

不勝乎客以清曠名之取靈運詩語也顧子起謝曰善哉名亭教我矣抑知斯亭之所以清曠乎由地高明耳惟人則亦有然者夫不瀾於物之謂清不皓於物之謂曠古之聖人皆然不然不足以言聖第今未可造次論也後之人有陶元亮者吾慕其為人觀所著五柳傳與歸去來辭何其灑然異哉究厥所操不事二姓蟬蛻一世志先為之地也人惟用志卑暗則富貴貧賤干其情毀譽利害束其動跋前疐後日蹙蹙然窘矣君子知道義之貴履而樂之以有諸身超然立乎萬物之上是以可欲弗欲可憂弗憂環宇內性外之物舉退聽於千里之外靈襟湛然以道取舍孰敢瀾而皓之無瀾無皓不亦清曠乎故曰極高明極則過人遠矣吾作亭得進德之

方敢不謝客之教

載酒亭記

東橋子學圃多暇時有好事之賓命駕載酒款於息園討論古文奇字辨義析疑日樂其趣殆且薄芻豢而鄙絲竹矣無所於憩乃結竹覆茅作亭西隅以展游息未知所名客有遺兪紫芝小篆載酒亭記者若指楊子雲問奇事適與意會遂揭之楣嘗考子雲生漢季清靜淡泊逡巡執戟踰三世而不遷篤志太玄法言之文以傳百世烏可謂不賢乎然浮沈濁世不擇所託至其晚節投閑以歆累符命以莽喪又何其憊也多聞將焉用之哉或曰雄非愚人也欲苟生成書耳生既苟矣書於何有此又惑之大者也嗚呼見不明則志亂志亂

印六

六

金陵叢書  
蔣氏校印

則交演交瀆則胥溺並喪以沒於邪雖它美莫之贖不亦可懼也夫

郡圃秋佳軒記

余家江南有亭臨池曰秋佳荒蕪無足愛自余謫湘中離親戚去閭井日思返乎故鄉雖是亭亦未嘗忘於懷郡圃故有池乃作軒其上以象之慰歸思也疏竹前挺芙蓉後耀杪秋搖落蔚有佳色時釋簿書而來詠其中油油于于若使吾身周旋故園之側去其離索者不亦大可樂邪或曰湘中山水甲天下當以金陵諸名勝或莫上下又何一池一亭之足慕乎余曰不然人情懷土君子重去其鄉漢太公養以天下不忘新豐謝安石位太傅道行廊廟且猶築邱以象東山古人



之情有同然矣矧予羈旅之吏乎由是言之則斯軒之可樂雖等以湘柳諸名山余不知孰先後也因爲文以識東壁俟夫知余懷者

兩游花巖牛嶺記

牛頭山與獻花巖對峙並金陵勝地在郊南二十五里許陳氏孔彰居相近故主予輩爲是游自春凡三易約乃定於四月十有二日曰雖雨必往至日晨風颯然纖雨斷續余與錦衣徐君君敍策馬出郭門徑趨花巖時避雨道旁農舍比至寺兩益急侍御王君士招行後五里假蓋野人乃獲至衣盡霑濕南昌守羅君質甫先宿方山別墅濤不得至時孔彰食具亦阻於途予三人躡屣登芙蓉閣高倚空際雲霧生自下

甲六

七

金陵叢書  
蔣氏校印

方疾風橫過開闔明晦倏忽萬狀木葉滴瀝懸澗泉落四壁嘈然莫聽人語相顧嘆曰游者安知此奇哉下飲僧寮君敍以太夫人無宿命荷簑笠而去孔彰始攜二子負尊疊至歡然共酌夜分乃已遂連牀臥談古今且寤且寐不知倦憊之去體兩竟夜有聲衾枕皆潤薄寒襲人殊異城市其實身臥雲霧中也晨起宿靄抹半峯間遠近崖崿如入新沐畢露情采興不可遏遂乘馬沿嶺背爲牛峰游至則殘雨復落不可登陟小飲天闕丈室徘徊睇望神遊萬峰之間乃誦杜工部詩曰盪胸生曾雲決背入飛鳥殆爲今日設乎雨既止日亦且暮遂別寺僧出山夫茲游值雨爲勞然情景奇勝亦復相稱乃知憂樂之方得失之跡固不可以意校也所得詩凡

若干篇

萬松山始開石路作三亭記

萬松之勝以石石乃在莽間不可以步嘉靖庚寅璘長東藩適觀察使池陽汪公璠樞使台南李公節同在三司休澣登焉顧瞻羣石蒙翳埋汨標見而秀弗逞乃相與嘆曰地有材而俾弗見非吾黨之過與於是乃議疏抉之役召吏鳩工厚之直餼斬荆棘芟蓬蒿凡延蔓爲石障者去之必盡然後平險通礙蜿蜒石間因高卑爲之徑夫人始得步觀焉見石之端偉壁起者若正人立朝巖巖然有不可犯之色磊落廉厲陳奇獻異者若厭士布列効其功能有瑣屑參錯四散不可窮者又若方聚羣分物物各安其居也嗚呼勝哉翌日僚佐

甲六

八

金陵叢書  
蔣氏校印

諸公林壑高逸咸來賞視又相屬曰功則偉矣非有臺榭爲游憩之所則跡少而徑將荒安知來者不如前之無沒乎歟皆曰然於是相地面勢作三亭焉路自書院門西而上達山顛留月巖凡若干丈又自山半而下达圭石凡若干丈前山之亭曰振衣璘作後曰口口汪公作李公作於山麓曰口口於時僚佐布政使司則具官某某按察司則具官某某都指揮使司則具官某某並一時勝品或謂與地靈相感會云是歲冬十月望日左布政使姑蘇顧璘記

臨海縣學講堂記

余始遷臨海縣學於北山之麓郡民周臣捐百金作講堂半山間平挹諸峰俯瞰闔市具得郡之勝落成之日余往勞之



乃進諸生謂曰學聖人之道自講習始必有恒居焉而後師友聚於斯朝夕業於斯無渙散荒怠之習以墜其學庶幾有成焉然非靜深無以甯志非高明無以發慮此其區也乎居其區不事其學事其學不務明其道雖堂堂乎衣冠孔氏余則曰非孔氏徒也譬之茲堂前此惡壤耳經營締構之工具而後庭庀輪奐煒燁若此繼是苟不輯又將塗以汙濁塞以荆棘復荒爲惡壤可立俟矣可不懼乎哉諸生曰謹受教請刻石堂壁以無忘斯言於耳也

應天尹王公生祠記

應天府居國家留都職任政教率同郡格而統體差大內供御府監局外承百司徵求毛委率同順天府然去天子既遠

甲六

九

金陵叢書  
蔣氏校印

權力差損尹尊官大臣遷自卿寺與藩臬之長苟厭事自崇受成邑令則勢訓弗支悉貽艱於我民厥惟病哉病之大有三曰冗役濫費亂賦壞爛莫視久矣南渠王公來任斯職躬視庶務不自愛其體力知則必爲爲則必盡嘗曰仁心上溢而澤不下究財力下竭而情不上達惟我責故蚤夜皇皇以圖康濟一政不得其理一夫不安其居者若止於棘居任三年疏請於上者凡數十事牒申台省檄布屬邑者吏厭於書我民歌頌至今歷歷在口其革諸監緣入神帛堂新匠一百八十有九戶歲竹匠一百六十有八人銅匠三十有二人守庫夫一百二十有八人部薪夫長三百一十有六人花園夫若干人皆裁役之冗也減齊庶供應制中使浮餼籍記縣司

所糜丁錢使諸司不得恣取及罷去本府一切無經之役皆以節費之濫也議罷京邑稱馬議發內庫絲供織神帛議輕荒稅以甦流亡議料田出賦使貧富適均議鹽賦出納以銀不必易錢皆以理賦之亂也此余所謂三大病者爬梳滌濯咸破舊憾至若政教常惠兢爽循良又未易一二錄嗚呼公其我民之父母與抑前諸政其間忤內旨撓權近犯眾怒冒浮議皆政人之所諱爲非公立政以心立心以誠急民而緩位先國家而後其身其孰能必舉且至累十數無倦哉嗚呼公真我民之父母也既擢少司寇請養太夫人去位民懷其德益甚相與立祠肖像俎豆於聚寶山下璿上元人也適請養家居聞公政與民心如此乃爲撰記勒石傳於永久敘曰

甲六

金陵叢書  
蔣氏校印

公名燠字存約台之黃巖人初舉進士授給事中事武皇帝以直道貶嶺南今上超至大位今其還也天下日夕望爲公輔云

南垣子埋佩刀記

南原王子既沒葬諸國南之野南垣劉子自越來冥解所佩滇南刀埋之墓前曰南原子嘗顧斯沾沾爾吾何愛爲哉顧子曰南垣亦猶襲古之義也與哉昔季札使魯過徐徐君愛其劍未與既還徐君亡乃挂劍墓樹而去與今南垣子之事何其類也夫君子行己之情焉爾何謂襲云乎哉襲而強之與嫌而斬之者皆僞也君子無僞夫朋友之交篤其義也篤其義斯決其情決其情斯通其財矣是故求而弗惡與而弗



有施而弗惠無間於死生焉斯義矣生諾而死違可以謂義乎哉南垣子之所操也達諸天下確然信矣敢不識之

處州君省吾齋記

正德庚辰璘與處州君會朝於京師處州君先至一月璘乃至蹙然謂日子亦見大都之情乎吾不勝愛憎交於前而毀譽之言聽聽也豈若處山澤之幽可以曳吾履乎璘日子方憂人甚乎吾幾釋然矣且人情亦何取衷哉吾嘗被華裘而適市其子弟豔予而要之指長老憚予憇也避之戶內夫裘則華矣而好惡移諸其身人情亦何取衷哉吾聞之人道至大一心至微百年至速也以至微盡至大而祈口於至速之間日有孳孳且猶殄闕是懼奚暇役役然以愛憎毀譽之故

甲六

金陵叢書  
蕭氏校印

效犬馬馳說處州君曰不已悍乎璘曰否忘己曰悍忘人曰專故君子有省躬之憂而無狗取之戚是故可欲莫如善愛與譽係之抑有否者君子省諸己焉不謂非惡而遽安也孔子曰取好之必察焉取惡之必察焉不狗取之謂也孟子曰有不虞之譽有求全之毀省己之謂也夫狗取則貳貳則遷省己則專專則勇以此爲善則德日固而有成以此去惡則過日遠而有功君子之學如斯而已矣而奚暇憎愛毀譽之爲憂處州君曰約哉修身之道未耄以上敢不服子之言余嘗以省吾名齋未有言也願書子言爲之記

靈徵記

柴墟儲文懿公正德癸酉以吏部左侍郎告終於南都子顯

扶柩歸海陵之第丙子塗發攢於墓舍丁丑十月啓而葬諸制域發視棺上變生動墨成繪畫文具畫家鱗皴烘染之法前則奇石枯松旁出二篠莖葉咸備左則梅株夭矯稍綴數花其杪右如左而樹差短全無花古雅蕭散非俗工所能爲後有文隱隱未就吁亦異甚矣哉殆有鬼神爲之其間者家人驚愕走聞州大夫馳駕來視削而究之深入木理於是四境喧詫觀者填溢莫不駭嘆以爲神異灑乃拂楮於上模其大都藏於家廟余聞未信今年灑來弔余聖室乃示且問曰是何道與余曰靈所徵也非異也夫靈氣寓於兩間生人爲聖哲文秀其發於天地則爲卿雲景星麟鳳芝艸之祥彼此更見無有定質龜龍呈文是爲圖書果孰使之然哉昔公孕天地之靈端方秀睿耀諸德藝天下祝其萬年以遺楷式乃不登於下壽其精華之所蘊蓄固宜有未盡也歿而歸諸大造必且爲神靈精爽昭著或體物而示蓋象理所宜有無足怪者譬之椒蘭之澤漸物成芳嘉種下腐蒸且爲菌謂公之靈不能爲此豈達於天入之際者乎或曰圖書爲祥大矣是固非祥也與夫祥以和致大者關百世其次天下其次家國未有徒至焉者謂是爲公家之祥固宜璘特本其徵見者爲之記餘則不暇論也

東山君記

靖江某王幾世孫中尉君生有雅抱好嚴壑幽勝之事嘗拄笏望國東諸山曰吾几席巖巒飲啖煙霞足了一生賓客相



從者因號曰東山君無涯子孟洋爲來請記璣曰善哉東山君之心足以保其家國矣三代之際同姓伯叔夾輔王室功登太常名施到今當其時鞠躬戮力奔走疏附於王所罔敢或豫周公大聖人也行有不合坐思待且以致其勤况其宅乎自漢以後因事更制同姓有國者皆令縣官治其事諸王食租衣稅而已國家持此隆親親制海內得以兩全由是宗戚之功烈罕見於世賢者無所於施率篤意於古書雅樂泉石圖畫之事蓋專一其好以禁其邪心抑其勢然也東山君居宗室藩輔之尊錦衣玉食其爲可樂者甚眾而獨樂乎此可謂能自擇矣夫爲可爲於可爲之時以效其功忠也其致智也樂可樂於可樂之地以謹其度智也其致忠也智且忠

甲六

十三

金陵叢書  
謝氏校印

庶乎君子之道而永保其國家矣君不既賢矣乎吾又聞君讀古書樂琴瑟與賓客賦詩恒絕出若是則東山之樂由其

中不由其外益可重也已爲記

曲林祠堂記

夫祠者盡敬致報之道也曹子何爲生有祠哉厚施於弟其弟卽所樂之曲林俎豆而奉之所以致報且垂諸後也傳曰鄉先生祠於社禮固宜然與且曹子何樂乎曲林曲林者陶隱居之故樓也曹子抗震外之志方赫赫爲御史時卽懷隱退觀中館遺墟萃三茅之勝遂購而有之於時雖未獲周旋其中恒寤寐在是矣故自稱曰曲林子仲氏曰吾伯子之樂具是則像焉以寓其志因而傳之百世願無替也君子謂之

禮何與夫祠之繫於典法也親親尊尊賢賢必有居也故祖考祠於所生鬼神祠於所主聖哲祠於所法皆以致報而盡敬禮之經也其大者也達而廣之其等雖有差苟無傷於教亦猶典也故曰禮可以義起豈天造地設而致然乎夫曹子之居家也事父母孝處兄弟友弟某少孤鞠育成就恩至篤厚嘗有危疾輒潛禱於茅君願損年以延弟余前所謂厚施者指此推而及諸族則捐金以卹貧置田以廣義立家約以戒不淑由是同姓諸親無不歸其德者其爲御史修職之所宜言人之所訥其所勅巡按不職及輔臣誤國二事尤峻直無何陞廣西按察僉事乃曠然笑曰吾言果不當然耶吾不以曲林易惠文也遂挂冠歸益修睦族原鄉之義由是一邑

甲六

十四

金陵叢書  
謝氏校印

之人無不歸其德者此所謂鄉先生之行也故曰祠之亦典也夫未俗繁文亦厭矣事有出於情實附於禮經可以獎善興仁昭諸來世固先王之所不廢又安取於刻覈之議乎此余所以記祠堂意也曹子名銓字時範句容人登正德戊辰進士事孝武二宗今壽考居於曲林

迎勅軒記

軒何從名侈榮也榮不可侈樂乎親雖侈奚病惟天子踐祚之歲勅秋官大夫三衛方子豪平讞齊魯之獄七越月而牘具既郵報內庭乃取道歸省其封君煌煌鸞書昭賁里閭而華構適成封君歡然喜曰歸來乎兒生斯氓耳去斯土耳今茲還也乘大夫之車爲天子命使司祥刑功澤溥洽儀觀鞞



燁乃若以蓬蘚之室迎金泥之書藏之篋笥方氏不大有榮乎善乎張柱史名吾軒吾無敢辭也姑蘇顧璘記曰若生子教之義方貴有成也若考在遠而從任貴有榮也夫豈特軒冕旌鉞之飾以耀諸觀瞻要亦有名德之實以爲之本耳本具矣以飾則華而歆豔者歟苟無其本雖飾何觀今大夫有才焉以濟繁有文焉以昭遠有節焉以立軌有識焉以明刑有仁焉以惠眾五者不愆而守之良易謙卑之懿可謂具矣故宦成名立不愧乎其親也食不浮德不愧乎其官也肯堂有終不愧乎其居也推孝達忠不愧乎其事也率五本以遂四安斯軒之名祇見其榮耳何嫌於侈乎璘不佞請書爲記

晚靜閣記

甲六

十一

金陵叢書  
蔣氏校印

璘自開封謫湘源過故鄉訪九峯徵君徐子仁游於曲池之上仲秋水澄芙蓉菱藻靚麗可悅有閣屹起梁而登焉淵沕無塵坐語忘返閣名晚靜客有誦工部之詩曰君淹留嘉賓於此邪君曰然抑有寓也屬璘記之璘曰夫日出爲旦且則與是故動靜分焉日中爲午午則事是故吉凶生焉日入爲晚晚則息是故憂樂泯焉息也者靜也此天地之定氣人之所歸也君自少濯厲文行志當世之務年未三十名滿人耳又好工諸家書超古蹊徑海內好事者操金幣及門幾絕其限駸駸乎嚮於動矣深疾巧毀之人從而媒孽厲階競以禍君君曰吾早不爲馬少游幾與柳子厚蘇子瞻爲犬馬矣苟不止且覆吾宗遂杜門息交絕意斯世蒐羅前聞以藻術業

及今二十餘年道明心愉養和守固家之所儲悉以輯池觀草木之玩日與賓客從容其中不出軒序而具山林之樂不鏤鼎彝而獲百世之名孰非靜所得乎宜哉益樂於晚且咎其往也君曰靜乎靜乎不撓吾精不匿吾神吾斯與歸矣又何用役役與馬之間與造物爲奴隸也夫璘方躓於動有離羣遠適之戚慕君之志遂書是言於閣以訂終好

來兩軒記

知山君有軒居叢竹之間曰來兩東橋子游而息仰天而嘯曰事有同行而異情知山君於杜子果若是同乎抑亦何校於客也昔杜子四十無位臥病長安賓客棄遺青苔及榻故閉門竊嘆其客曰舊雨來今雨不來誠有感於貴賤之際也

甲六

十六

金陵叢書  
蔣氏校印

知山君二十賓興三十登庸入金闈司宸職日月獻納功加上下丈夫康濟之願庶幾焉盡之一拂其衷解帶脫綬退歸故鄉家本公族兼素侯之奉崇禮範飾藻業傳之雲仍及其暇日則旁究彭蠡之學期與大化終始由斯言之進亦樂退亦樂非所語於盛衰者非惟客莫擇君君且將擇客矣故客惟其人則命駕以訪置驛以迎惟所施報無乎不可苟非其人雖閉戶以拒可也又何校於其來若杜子之嘆非所以嘆君也昔翟公罷官書門人多狹其語余請署君軒扉曰嘉客兩來幽軒洞開惡客來兩吾莫爾主一闔一開乃適予懷一納一拒道固其所君愕然曰有是哉相顧大笑記壁而別

介壽堂記



東橋子請養於田初問諸南原子曰璘去閩里久矣年鈞以上則舊所周旋也已誰哉後之英乎南原子曰庠序之間彬彬如也蓋多有其人焉有若陳生鳳者秀而淵察而且理可語於游夏之業矣居無何陳生執經奉贄盤辟以造吾門乃與之講道析疑踰年而不懈沛然若決江河下注而不止也森然若陳武庫矛戟畢見而神惴肅也表吾國者其鳳也乎問嘗請曰鳳也有父行年七十孝義敦固鄉黨稱逸老焉褐衣菴食無斗粟之奉鳳也恥之乃築室於淮水之上虹橋之東藝圃而蔬樹果而薦潔爾看漿怡爾听夕將適吾親以解於鳳之私同門之士號其堂曰介壽夫子其何以教之東橋子曰異哉二三子之壽人親也仰視諸眉睫之間哉夫孝子

甲六

十七

金陵叢書  
蔣氏校印

之事親也修之以德義和之以心志敷之以文辭夫然後功烈以表之名譽以昭之故能保其爵祿而大其家邦此之謂盛節此之不務必曰華宮侈服旨味備物以爲養是猶養生者遺其精神理其藥石者也安在其知輕重之分乎生也天下之才也基道構藝何修而不至以是介諸逸老之壽雖曾閱行之其何以加於此二者三子願以爲遠乎璘不佞願書以勗非敢竊比於孔氏也

中白記

永嘉王生偉立築巖洞而居之內含石耀外映天光榜曰中白國人遂稱曰中白子問義於松塢山人山人曰白者無色之謂又分辯也中不可以言色其無欲乎無欲則清清則辯

天下之物如別黑白奚有於差謬乎要不越乎是非邪正兩端而已辯乎此則所執必中所由必義道自己出矣夫無欲亦難矣乎學之道一曰審義二曰信命如知夫是非邪正如薰臭之不可亂則凡天下之所同惡者皆不安爲矣如知夫富貴貧賤如寒暑之不可強則凡天下之不可希者皆不安思矣爲無妄爲思無妄思幾無欲矣中不既白矣乎中白則外自辯矣易曰敬以直內義以方外其斯之謂歟偉立曰謹受教

南可堂記

英德朱君道叔佐予守全悃悞無華能外得失以自適予與之深嘗屬余曰吾英在嶺南多佳山水山有奇石天下致以

甲六

十八

金陵叢書  
蔣氏校印

爲玩某家邑南有堂三間得地之勝吾往年罷官家居角巾晏坐隱几而觀之凡漁舟雁鷺煙雲竹樹舉不出軒序而見諸目睫因名南可先生幸記之余曰凡物當其理之謂可適情者亦云然理寓於物故一定而不可易情發於吾心隨所寓而無不得奚以南北云乎故情有所適則環堵蓬蒿浩然與天地萬物周游上下凡山川魚鳥之類悉吾玩具要不足爲有無也若有所累則雖山川映發於前後魚鳥出沒於左右猶置牆壁之中一無見矣乃若吾子之情冲夷澹泊雖無是堂與英之山川魚鳥固樂也顧獨以南爲可不亦狹乎君答曰余固卽所居者言之也使吾居果北或且東西也余安得不以爲可乎余乃驢然大笑曰達人造物至樂無方所寓



則殊不失吾常彼擇地而居待備而足者烏足矣以知吾黨之情

重修湘山柴侯廟記

湘山之東有柴侯廟代著靈應郡祀之嚴兵荒以來廟圯不治大宗伯蔣公讀禮時始捐金率鄉人輯之予至之明年廟成具狀請記予典侯祀夫將安辭侯之靈應前志多傳之是以不論論其所由神夫天地間一氣而已幽爲鬼神明爲吾人嶽瀆山川氣之所聚必有精也是之謂神猶血氣生人而精發乎其心也人之死也氣反爲鬼聰明強正則魂魄之精合於大化妙應而不泯亦猶嶽瀆山川之神無形而有靈也故古者忠孝義烈之士其死往往著神應於世吾於柴侯夫

甲六

十九

金陵叢書  
蔣氏校印

何疑乎哉案志侯仕唐守邢州棄官來居覆釜山從寂照法師修無爲之道沒而爲神民祠至今要其避世捐榮利必有大過人者志又稱郡人初作侯廟時有巨人至引掌自言嘗用此掌鼓馭遏黃河逆流夫邢黃河迤北郡也豈侯任官時有治水績邪傳曰用物精多則魂魄強其此之謂歟宜其精爽神應與湘山之靈恒洋洋也廟本在大陂宋隆興元年勅賜顯祐廟嘉定十一年復封爲威信侯此固其行祠今號曰湘山柴侯廟其曰湘山王者則法師遣文所稱述者也凡今次輯廟姓名並金穀之目具刻於碑陰

息園存彙文五卷

浙江按察副使李君師文墓誌銘

嘉靖三載甲申夏四月十日浙江按察司副使李君師文按部於定海暴卒踰旬訃至南京余往哭於其家仰天呼曰國之貞臣也命止此乎初李君爲御史當正德初太監劉瑾等始亂國紀君抗章請誅犯厥怒矯詔繫錦衣獄庭撲三十罷歸脾肉盡銷不死瑾猶啣之踰年復撻舊牘得君名文致徵過詔於南京庭撲五十囊舉而出人謂死矣已而膚附骨生竟活意其有神相乎瑾伏誅廢者率起君獨以先擊刺貴要

甲六

金陵叢書  
顧氏校印

多抑不得用家居一十六年今上御極乃起之守饒甫遷今官遽已嗚呼君得氣之貞會命之厄人將奈何哉君將葬葬宜有銘余事也且金君明卿列狀至乃序而銘之君諱熙師文其字也先世蘇人入國朝始爲上元人父吳浙江布政司左參議母王氏繼母趙氏俱恭人君清夷簡重才行修美孝於親友於兄弟交友以胸臆初仕爲將樂令不以少而銳既起守饒不以廢而倦意所注錯準古條格去官之日玩無奇石器無精盜君子曰廉爲御史居桑梓之間執憲行法親戚無敢謁居家時杜門息交雖公卿存訪僅一往謝而已居飲虹橋側時輩稱曰飲虹先生亦況其負氣而善藏也喜賦詩所存有尙友集明農稿初娶羅氏贈孺人參議羅公仲祥女

明慧柔則既貴而歿生一女適明卿子昆繼娶王氏封孺人無子以其弟默之子瑞爲之後君生於天順乙酉某月某日生三十一年登弘治丙辰進士第今年甫六十爾壽邪天邪葬在鳳鄉西李家庫祖塋之次銘曰爲龍爲蛇有烈者存匪氣斯毅而道則根靈光融融視諸墓門

陝西按察副使徐公墓誌銘

嘉靖辛卯秋八月璘休居有鳳陽徐氏兩生來謁視狀則故同榜徐公兒也與之坐問其家僅僅度歲蓋廉吏子孫率然無足怪者已而起拜出其從兄進士行健所撰尊公行狀及維揚鄉進士馬君駙所撰傳請曰於是大人歿且葬十有八年矣墓尙未銘凡以忽等弱且窶故遲遲殆今嗚呼徐公在

甲六

金陵叢書  
顧氏校印

吾榜特著尤推心於璘矧其子孝思若此銘安忍辭敘曰公名聯字成章長淮衛人其先本南豐人曾祖梅始籍於衛父景春以功陞百戶進階武略將軍嫡母李氏母高氏生公沈毅簡遠學詩補郡學生弘治乙卯舉鄉試丙辰第進士言必法行必端不苟交接爲厭嚴憚拜南京大理寺左評事明習法比獄多平反嘗率同官劾罷刑曹舞智亂法者一時無敢故高下手歷九載轉左寺副尋遷右寺正乙丑陞河南按察僉事整理信陽兵備其地四省交會多山谷盜匿爲奸公靜鎮仁煦察見善惡不知難治以母喪去位百姓遮泣郡縣致賻咸不受己已服闋復授前職得巨盜盜路鎮守太監廖堂求脫公執不變廖欲中以他禍竟不得間而止陞陝西布政



司右參議時吏部尙書張綵當權有欲爲營私第者假官政  
檄取帑積公擲地不從陞按察副使理肅州兵備適有邊警  
乃置家口於鞏昌單騎即戎指授方略虜不敢近由是謹斥  
埃厚糗糧精簡閱軍聲大振乃禁諸將侵漁及絕入貢哈密  
土魯番諸夷私覲內外帖服方經畫遠圖卒未得瘖疾遂乞  
致仕清修苦節視平時加峻居五年卒於家蓋正德乙亥九  
月九日也年五十有七公爲人孝友忠信篤厚倫理喪嫡母  
毀瘠如喪武略公時少受學從兄訓導公海終身師事惟謹  
同母兄繼以註誤戍威遠公遇於逆旅畢力贖護攜其子女  
赴官教育子即行健也及請老歸復遜故居與兄友愛益篤  
寡嗜好仕宦垂二十年圖書之外無長物每去任凡有司器

甲六

三

金陵叢書  
將氏校印

什必按籍檢還信陽有小嬰貯藥出藥還之爲文有典則晚  
益深造非御公牘手不釋卷所著有畏齋稿若干卷藏於家  
娶田氏封孺人側室張氏倪氏三子孟行恕仲行義皆府學  
生季行已三女其二適陶鎮沙柏一尙幼嗚呼天下之業成  
於志節顧世不易得吾榜得公乃不踐公輔竟廢於疾天何  
可詰哉用是飲泣銘之曰孰鑄大鼎庸烹小鮮中道而顛又  
孰使然以欽以悼千載之下咸視斯阡

武略將軍劉公墓誌銘

武略將軍劉公者西安知府劉君麟之父也初璘與劉君舉  
進士俱弱冠竊見劉君行己若處女應事若大人上書言事  
犯天子顏色馳其聲於四方心甚偉之一日得拜將軍於邸

舍論議諤諤禮甚恭下其教束劉君猶若社師導蒙兒然者  
退乃即劉君問故君曰大人教家固嚴麟生五六歲即置膝  
上口授古詩及古名言步趨必準規矩成童授四書史略廢  
課限即答大人早備行伍每四鼓輒起坐讀所錄將鑑即呼  
麟趨立誦所授書聞教場鼓節嚴乃進榻飯率三四器即躍  
馬去歸必冠帶不入市肆飲或月一肉食而已母無故不令  
歸審麟無故不廢書不入於市諸女無故不聞戶外麟未就  
外傳諸女未適人時凡市井果餌器什不識也璘嘆曰有以  
哉無惑乎劉君生世胄濁衰然也竟相與爲莫逆交正德辛  
未璘守開封劉公守西安忽徒跣過郡舍哭且拜曰吾大人  
亡矣今奔葬需子爲銘時大盜劉六亂境內璘方治軍旅未

甲六

四

金陵叢書  
將氏校印

邊也越二年謫全州乃得承命案狀公諱蒼字伯春行春一  
先世本南陽白水人宋開寶中有諱正卿者依兄興仁監正  
常卿來家安仁始爲饒人傳五世至俊康行康三者洪武間  
率萬人來歸高皇帝命爲山西朔州衛正千戶傳孟庸失之  
孟庸子甫復以武功授副千戶改南京應揚衛卒無嗣以孟  
庸弟孟雅孫曰輔曰翼曰臺者遞繼臺即公父生公九歲見  
背公自安仁來授官十五入武學能讀孫吳諸家兵法學趨  
松雪書食祿五十年不聞其過務行長厚僚佐有支軍糧誤  
浮本數當抵法君適不與乃自補署文案事白人異其故公  
曰某素謹且吾兒方稱奉法吏人信爲誤若諸君何以自白  
嘗督軍採官冰天未別色一人或仆水間厭不避蹂踐幾絕



公遮絕挽活之又嘗得遺牒於途乃遠方人入糧戶部所給者公往候其處三日一人號頓至且曰某家坐此死獄者五六人矣復失奈何公還牒其人出金帛謝不受成國莊簡公守南京置公幕下記校將吏功過黜陟咸當人莫知其由公終廣洋衛副千戶誥封武略將軍初娶胡無子卒繼娶蔣亦先卒江陰衛指揮忠之女生子一卽麟娶南莊公主曾孫女胡女三長適南京留守後衛指揮楊泰次適南京國子監孫助教長子遷次適福建按察司彭僉事長子慎之繼娶曳生一子曰鳳女二俱未婚孫女一聘兵科周給事中長子詩孫男一曰膺聘長與處士吳琬孫女公生正統甲子二月十有三日卒於正德辛未八月十日其葬也以壬申六月十有八

甲六

五

金陵叢書  
顧氏校印

日墓在吳興夏駕山石鼓之南第三隴上銘曰維關有華爰視其根維豹孔武乃變於文矯矯虎臣善飾其身淑其後昆名以永存式昌其門

明故仁和縣令陳公墓誌銘

顧璘曰甚哉郡邑吏之鮮才也理勞以達惠窮以仁勝侮以強刻蠹以廉四者備而後無闕職矣何其艱哉若吾鄉仁和縣令陳公豈不濯濯然稱乎是己仁和居東南都會財賦重因且附省城藩臬司臨轄者道出旁午近見廚傳之節率日數番未厭公爲令戴星出入案無停判然篤意愛民不以毀譽禍福置慮雖政出監司有戾民者必請更令歲旱請減民租什五監司曰二亦足矣公曰災應如此奈何厲民以豐國

乎卒守前議方冬發民築海隄民多凍死公曰邀遠利以蹙近害民何以堪遂罷役有權璫至杭修梵教謬聲張爲侵斂公執義辨析竟免濫耗其他政由己出者悉豈弟有則協於羣心踰年政成野有歌頌乃興庠序之教毀尼舍增飾學宮建社學十許所導迪詳至禮俗日振凡御史歲巡罔不旌禮之嘗上御史吳一貫時政十二事曰愛民力正風俗崇節義戒侈靡惠良善屏豪惡育人材厚葬倫懼刑罰長仁愛謹出納清固固蓋推己效之績達諸人人吳公薦之銓司將擢華要忌者以飛語中公遂去位乃買田南郭竄跡養恬終身不言仕進之事殆今老且卒矣嗚呼民失父母久矣有良如公而卒莫大施天固新王澤於斯人邪何其不幸也卒之六月

甲六

六

金陵叢書  
顧氏校印

將葬其子府持鄉進士李曉狀丐銘於璘其何辭案狀公諱榮字仲仁其先括蒼人始祖朴元湖州路通判二世祖德一元中書省丞高祖尹嘉國初贈奉天觀察使曾祖道成湖廣左布政使祖某以閩右實京師始爲上元人考某妣吉氏公生而穎異器幹偉岸爲諸生卽有令聞中成化申午鄉試拜斯職孝友恭信孚於內外配張氏克謹婦德子男二長卽府張出今年中禮部高第值公喪歸娶鹽運使李公用文女次庭側室高出娶鬱林守王公勛女女四伯適刑部左侍郎朱公銓孫雲先逝仲適撫甯尹徐公夢麟子鳴璜叔適御史鄒公子轉季早逝孫男二長南齡娶羅氏次東齡娶童氏公生正統丁卯二月一日卒於正德庚辰四月二十三日年七十



有四墓在李家庫山之陽從先兆也銘曰有龍矯兮歛沛而  
兩帝慳澤兮中乃處靈之藏兮今返其所茂士快懷兮惋爾  
中古

故崇府左長史黃君元質墓誌銘

君諱琮元質其字也先世本撫州樂安人系出山谷後裔大  
父伯夷公有四丈夫子其季曰度浩君父也娶柳氏居樂安  
既生二子曰瓊曰瑛成化間應閭右之役來南京觀都會豐  
熾曰此弗宜居乎乃附籍上元己而曰吾忘吾鄉乎仍號望  
雲以見志故上元之黃氏自公始居六載而生君穎秀絕出  
逸而多韻補應天府學弟子員閒作平蠻金陵二賦文譽騰  
起舉弘治乙丑進士遺築修湖省孝宗實錄歸拜青田令時

甲六

七

金陵叢書  
蔣氏校印

逆瑾擅國稅政變作君舉意高遠不規規與俗俯仰遺忌諱  
長樂學諭劃然嘆曰所不足於縣令者果予也夫教吾所樂  
也乃陞堂講授期以其學傳諸弟子及瑾誅吏部檄君爲郟  
城令時盜寇山東城惡弗可備君至二十日而甦成又三十  
有四日門圍完民恃無恐謂山東之困弊於馬著馬政二篇  
行於官作問官祠祀孔子及鄒子自爲記大抵欲學者知孔  
子之聖由同學至也陞橫州守益練牧惠之體民無隱瘼得  
秦少游海棠橋址於荒墟乃拓置堂宇以風起夷俗擢拜岷  
府左長史以柳夫人年高再疏乞養侍奉之暇灌園藝圃泊  
如也及柳夫人卒致哀盡禮且痛望雲公先喪時貧不得爲  
悅合窆爲若堂之封服閱值今上繼統謂王傳宜重故君復

有崇府之命方挾汙振頹輸其嘉猷昊天弗弔中道摧殞嗚  
呼哀哉夫文與政弗兼久矣君抽思則藻展事則練其可謂  
通才者與然用不副才年不副用斯天之靳也唯文燁燁可  
以永世所遺詩文若干集曰宗說曰求志稿曰行義稿曰楚  
征日錄曰青田稿曰謫游稿曰郟城稿曰嶺南日課曰續課  
曰東歸稿曰乞養堂稿生於成化庚寅十二月十九日卒則  
嘉靖甲申二月十七日也配燕氏子二伯畊娶任氏仲牧娶  
丁氏能世其學女三孟適張昂仲適江鑑季尙幼孫男二其  
子自汝陽奉柩還上元卜今年月日將葬君於夾岡祖塋之  
次乃持尉氏學諭丁孔章狀乞銘於余余不得哭君殯葬而  
銘也奚其辭銘曰駿乎駿乎踟躕馳脚以瑤珞爲世僕斯名

甲六

八

金陵叢書  
蔣氏校印

允嘉千祀垂

攝泉隱君許彥明墓誌銘

彥明許隱君耿介沈默處富不盈居賤不誦人鮮與合獨與  
姑蘇文徵仲南都陳魯南王欽佩及余四人爲密友四人者  
亦愛隱君無他樂爲傾倒時時賦詠相酬和據展情素不相  
較淺深工拙也其子穀從余游嘉靖乙未舉禮部第一聲動  
海內南都公卿貴人咸走賀隱君隱君唯唯無幾微矜張色  
莫不擬其福量之遠乃丙申六月疽發之背卻藥安臥家人  
強之醫則曰我命在天不在醫數誠盡藥將奈何比劇自制  
棺起臥其上曰狀第暫也依此爲長召魯南及余訣別但言  
負負無可報了不及他事遺穀書曰吾亡如風月清明絕無



望礙居官當師古人喪葬從儉亦無他辭是月二十二日竟卒得年六十有八嗚呼不暱生不戚死可不謂達也乎哉踰三月穀歸自京師哀且定卜丁酉正月二十二日葬隱君於定德鄉王家山祖墓之次持御史謝君少南狀乞余爲銘徵仲書石魯南篆題其蓋並先好也遂不辭爲之叙曰許氏本福建侯官人國初徙實京師始占上元縣籍今爲南都人父榮讀書精醫卜樸直成德母黃氏生隱君克肖焉君名鏗彥明其字也外廳中理事父母能備色養堂室几杖必適所欲二老並壽與樂俱終伯兄不事生產積逋見困力爲償復略無顧悵寡姊貧迎歸奉終厚其殮葬其他姻屬賴以生死者尙衆故終老無餘貲平生不言人過雖遭侮謗不競不怒謀

六

九

金陵叢書  
蔣氏校印

事精慎不失人任雅好山水金陵名勝無不至樂與禪宿游清齋玄論坐以終日嘗因事南游三茅虎邱以躡武林泛西湖北渡淮涉沛歷齊魯至燕覽西山諸陵之概賦奇弔古往往寄懷其間登攝山愛其泉因自號攝泉居士樂養生也乃買田東海上期扁舟往來效張志和陸魯望之樂孰知一試遽止耶詩務道情不爲奇險語曰作室不固基而繡其稅節非吾所能有嘉會齋稿若干卷藏於家欽佩嘗曰布韋中有漸散間曠之趣者僅一攝泉今亡矣吾黨哀可知已初配汪氏繼配賈氏生子男一卽毅初授戶部主事旋改禮部女一適福建布政司經歷王君經之子延祚孫男四曰恒吉元吉貞吉逢吉貞吉三歲而夭銘曰唯仕匪易隱也亦難不亢不

隨居道之間有翹者男載振其翰泉室其永安

明故鄉貢進士張唯忠墓誌銘

張君唯忠諱翊本姑蘇長洲人也洪武初易置海內編戶徙其先世於上元遂爲京師人君以上四世皆善人不顯父諱晟侷儻有風誼嘗憤憤思大其家謂儒者取青紫在詩書非真天人也吾老矣責在兒輩乃大購古書藏於家君性沈遠知父志力修學業能讀歷代史記及國朝典故居常非定省及父召不逾戶限或出過市里人不識爲張氏子也家本在市凡俚語玩劇一切不通曉每對客自尋奧義說不知客語云何唯唯而已人多以爲癡嘗從司勳陳宗之受尙書弘治甲子以應天儒學弟子員中鄉試再上禮部不偶其勤學在

甲六

十

金陵叢書  
蔣氏校印

館如家在舟如館不奪於可欲及家人問京國事與所過城邑皆不知也試事大理日取獄案勘詳輕重日用世貴知律否則腐學究耳其學雖天文地理星卜草木之書無不涉獵非以干祿爲也今年夏夢神語曰金公請作調覺而愀然曰金秋氣也調與弔同音秋人將弔我也一日往別墅有自城中來者曰某坊火君曰吾里也恐燬吾萬卷急馳馬歸馬羸多頓遂得疾竟以九月六日卒生纔二十七年而已嘗補蘇伯修名臣事略缺遺纂定元名臣言行錄四卷又采宋史臨奠大臣之禮爲一編曰臨奠錄示大臣宜厚也夫六籍道衰學者率泊意於利祿自子夏高弟且日出見紛華盛麗而喜况下者乎唯忠五歲露芒穎太常陳公師召呼爲德美而



不名七歲屬對過人十三知讀書二十二舉進士世所嘗言  
聰明者易流而君恂恂謹愿如此豈所謂篤信好學者非耶  
惜乎未見其止也母周氏前母羅氏配鄭氏與君居年久耳  
熟文義至能屬辭男曰鶴齡女曰淑賢皆幼君疾革遺言屬  
執友陳魯南爲狀十月某日將葬君於建業鄉張家山之原  
其弟翱持狀來請銘銘曰顏氏好學以天終也噫茲有同志  
天復同也噫豈曰斯道不可宗也噫天乎天乎莫得而窮也  
噫

華亭何隱君墓誌銘

余前耕秦淮之陽聞華亭柘林有兩何生出曰良俊良傳文  
詞爛然如晉二陸氏四方驚且豔之余曰柘林下里安得生

甲六

十一

金陵叢書  
蔣氏校印

異材如此乎華亭人曰何氏故法家勝國末有名某者判雷  
州國初其弟廣爲御史有聲殿中歸徙去上海餘子孫留華  
亭陶宅里傳四世曰復者贅柘林李氏生泉以剛方見憚生  
二子長宗庠次宗本長君淵塞善謀畫次君倜儻籌策有文  
理內外夾助騰起鄉邑中爲豪雄人然不獲遇合展拓才抱  
故教二子以儒發科非徒其資異也未幾兩生以文學優等  
拔貢入國子監朝夕過從吾廬知其賢益審今年二月良俊  
衰絰來見且乞銘其墓余何能逆良俊實次君生而以爲  
後於兄案狀君諱嗣宗庠其字也兄弟相友愛初次君氣軒  
舉意狹柘林莫肯居君曰自曾大父從此雖未有恢廓世不  
墜義問茲土南負海北枕廣原種藝不憚水旱且魚鹽可買

民俗推魯易興事見功吾兄弟拮据其間何患不大於是殖  
豐美田產多買奴僕爰辟灌莽廣其水利無風雨寒暑身自  
臨視其下人人効功能生息遂十倍於昔乃構堂宇立廟寢  
參準古禮修喪葬嫁娶燕聚問遺之儀自是華亭人稱柘林  
爲仁里郡中賢豪及隱淪之徒聞隱君兄弟名爭來內交賢  
者得合不賢者多見卻謝亦不怨次君又好圖史小學諸家  
好事者亦多游從時時具酒食相歡樂不倦咸爲語曰人中  
嘉何有二何又曰仲子英英標出長公好顧養貧乏遠近待  
以舉火者凡若干室舉貸度不能償輒毀其券嘗督里中賦  
里中人稱平見禮於郡公與縣大夫時輩莫敢敵等年踰五  
十輒嘆曰死生且暮耳政使百年吾已過強半矣安能偪窄

甲六

十一

金陵叢書  
蔣氏校印

自苦以需短漏乎於是寶儉守默或終日無一言自稱曰訥  
軒老人惟種樹養魚自怡而已郡公延鄉飲及奉詔加力田  
冠服皆不就兄弟未嘗異財見子孫既長乃曰木大則支水  
溢則別吾不忍子孫他日有言乃營別室處良俊令其傳與  
其兄良佐居舊宅比疾劇遺令良俊曰施德自親廣愛惟厭  
善睦父母之族及姑姊妹之家毋虐僮僕此外賓里隣敬長  
老不皎皎先物吾目瞑矣良俊涕泣拜承教越數日卒嘉靖  
乙未九月二十日享年七十有九配張氏不愧其儷生三女  
其姁爲費勉俞介緒悅初育翁氏甥賓爲子先卒良俊實母  
側室衛氏又育次君一女適顧應錄孫男五懋學懋才懋德  
賓出玄白良俊出白繼良佐之後卽其家友睦可見已君以



卒之年十二月二十八日葬於半岡東祖塋之次逮今丁酉春三月朔始克銘之銘曰不落落爲奇居賤而身弗卑究其報視其兒墓前孔道何透迤後若干歲石馬施

陳府君亨父孺人王氏合葬墓銘

府君諱蒙字亨父其先汴人徙吳爲吳縣人以醫鳴自從父太保公鑑從弟按察僎貴屹爲望族曾祖佶祖濬濬二子考權妣張氏府君實生於伯校而爲後於權體貌魁岸夷朗有大度少孤生業中落弱冠後卽拮据振起其家遭疾病訟獄與諸讒怨叢集撥排抵氣益安裕里中長老人驚曰此陳氏巨棟既累資至萬金乃笑曰吾分素薄安用厚藏以媒禍乎於是內修仁讓外重交結不復以積貯爲意布衣逶迤退

甲六

十三

金陵叢書  
蔣氏校印

然若儒生然好義重諾翩翩國士之風也沒之日其從弟文藝狀其行曰申嚴家廟祀規特建太保公祠刻其遺文飾闈門修先皆傾困爲族人倡沈毅善謀凡賢豪貴游樂與談議守宰見之必禮至去爲公卿猶問遺不絕嘗監修郡縣學並建金鄉侯祠如營居室用闕輒自繼之不言於官以故學士歌焉鑿鑿皆實錄也俗敝無實不肖皆有號殊厭人府君種梅別墅亦自稱曰梅南主人吳及四方人則樂稱曰梅南梅南不舉其字卽知爲服所好矣素敬鬼神歲己丑往祠武當山病歸十日卒若府君可謂善人矣乃死於祀將謂鬼神何哉孺人姓王氏同邑望族性嚴肅內政皜皜賓祭之奉不煩府君無不修潔先府君三年卒府君生於成化庚寅六月十

四日以嘉靖己丑四月九日卒享年六十孺人生於某年某月某日以某年某月某日卒享年若干子男一曰鰲溫良可繼府君末歲復得一男命名曰擲曰鰲未有子善育之旋夭女一適錢帛孫女三長適劉瑄次受王科子有齡聘鰲今生男一曰實爲府君冢孫初鰲於己丑十二月二十有二日葬府君於吳山上金村新阡卽屬余以志銘乃余憂病相仍今五年矣始克成諾所恃府君知心必不悞快泉下也銘曰修於獨聞於國宜於人慈於神維茲宅以永安乎二德樂稼火君國用墓銘誌

甲六

十四

金陵叢書  
蔣氏校印

相交知數向余稱其爲人余以伯時方貴盛游者固自厚不甚入心比伯時卒遺孤子子門戶衰落曩時親昵人多不相往來獨火君顧念益篤時時遣人過江問遺踰於生時伯時有遺文數十卷火君出百金梓行之曰吾不忍故人精華遂殞於此地庶幾貴賤死生無替交態者乎余與尙寶卿呂仲木叙景文頗著其事意傾愛之乃嘉靖辛卯九月七日火君卒其孤鈞卜葬於甲午某月某日乃奉戶部右侍郎葉公狀乞銘於余案狀君先世本朔北貴族勝國時南徙其支系居里皆莫詳入國朝高祖諱某有翊從功始授揚州衛左千戶所副千戶傳至父晟高才能官晚進指揮僉事母張氏封宜人有三男子君爲仲少無童心長而豐顛重頰儀觀凝整沈



機善慮其父官政與諸族人外內事多咨決人所難措畫能  
數言盡其肯綮由是名騰起微大都凡尊貴人及豪賢士皆  
樂過從談議早賈懋益富視饒賈華侈慮不足善後乃買湖  
田若干頃躬蒞菴穫刈之事如農夫勤自稱曰樂稼或問曰  
君樂乃爲稼抑稼而樂邪則笑答曰吾勤斯獲斯妻孥食於  
斯子孫業於斯不知其他遂大書足矣二字揭於堂示無他  
慕性損儉篋無華衣庖無兼肉酒不甘味居不飾采嘗輸粟  
膺冠服矣非公謁不施於身唯治親喪葬務周於禮教子延  
師友則歲費百金不愛人成服其豐儉有度也又能憂人之  
憂急人之急族黨婚喪不能給輒補其乏嘗恨無位惠窮困  
值江淮疫癘乃合良藥施諸病者全活甚眾其仁心緒見類

甲六

十五

金陵叢書  
蔣氏校印

如此距生成化己丑十月十有五日常年六十有五配饒氏  
繼張氏林氏劉氏黃氏鄔於孫側室也男子三長鉞先卒娶  
葉氏次卽鈞府學生能力學待問娶黃氏次繼聘張氏女三  
壻太學生陳銓及喬堅沈俸孫男一小字重陽保孫女三俱  
幼墓在城西雙墩之原銘曰履盈若虛提提其居家步用舒  
友也崇義乃敦既世薄俗是厲彼峨者墩有闕其墳昌於後  
昆

明故隱翁姚用恒墓誌銘

姚氏金陵著姓先世本仁和人明興以闕右遷實京師始爲  
上元人初文玉有弟文俊最良二兄卒身獨當戶家累萬金  
恒自御布素好施賑人以匱急赴告多寡無不應以故義聲

洋益郡人號曰三老士大夫稱曰樸庵處士年殆百歲始廢  
文敏生宗啓以子源貴贈南京中軍都督府經歷隱翁嘗其  
次子名洪字用恒少孤奉汪氏孀居克篤孝愛十歲治尙書  
十二能文最爲樸庵君所器愛擇同里周彥清女妻之與之  
對室居朝夕規誨三歲不聞夫婦步語聲益知其謹厚乃傳  
家政令與其子宗昇共治之翁持鉅貲商江淮間出納明慎  
內外歸心凡家婚喪悉準禮法不徇時好克勤儉廣恩義無  
改樸庵之風嘗植竹於庭自稱侶竹翁曰性直心虛我庶無  
愧耳太僕王欽佩稱其有士行司業景伯時謂姚氏白眉邦  
人以爲確論應天尹黃巖王公正人也特賓之鄉飲年八十  
有七能於燭下作小楷筆意清勁寢疾彌留言語不亂臨終

甲六

十六

金陵叢書  
蔣氏校印

喻子孫扶掖沐浴易服而逝蓋嘉靖乙丑九月二十八日卽  
隱翁所養若此以考見樸庵家範之遺姚氏之與夫豈偶然  
乎哉子男二長桂周出次楫側室汪氏出今爲樸庵孫用深  
後孫四曰勳曰煥曰燧曰點並穎秀而煥早卒孫女三長適  
府學生羅楠今寡次適徐啟譚狝皆太學生有文學曾孫男  
一曰應壽女一尙幼皆桂所出楫孫男二皆幼將於年十  
二月十四日葬翁於安德鄉塗山祖塋之次桂持戶部員外  
郎楊君諫狀來丐余銘乃銘曰姚之先興以義維良孫紹其  
世昭祖德綏福履附玄堂永安只

姚子東墓誌銘

子東吾江東茂族也江東沿吳晉流風舊多國士其衰則殖



富作雄傲睨賢德爲四方恥乃若子東娟秀特出異夫人人子東冲而章廣而能下親賢樂善怒如饑渴八舉弗第彌業彌堅初居應天學一鄉之名士樂與爲友既入太學天下之名士交履其門喜賦近詩意興間遠作字務師古人不好服玩獨愛藏法書名畫客至鑒玩移日意豁如也嘗見鳳凰臺東有老枯蒼鬱可亭遂購得其地作候鳳堂因號曰栝原居士今年夏忽自歌曰高台峨兮蔓草生鳳凰不來兮栝且傾四月三十日遂以病卒鄉間涕泣無間賤將以十月三日葬於登山祖墓弟軫持文學管子山狀乞銘於余子東厚余者今弗作矣銘惡忍辭案狀子東姓姚氏諱奎其先浙之仁和人父蘭母尤氏生子東於成化戊戌十一月十日孝友仁

甲六

十七

金陵叢書  
蔣氏校印

惠動則形見服父喪致其哀也勤母養致其悅也友愛弟不私其躬也扶孤甥不私其家也善先友後忠所親也施及流人溥其德也孔子所謂富而好禮非斯人也乎配陳氏有婦道無子側室高生一女子東卒之夕亦死今且孕人皆曰尙有天道且子東有言曰使吾弟嗣吾終不嗣何病乎君子謂其厚銘曰慶源繩繩於爾振乎生也或嗇遺爾振乎毋謂天遠視其人乎

洞庭友樸陸君墓誌銘

陸軍之先本江陵侯遜之苗裔子孫散處三吳代有顯融其嘉遜者乃居洞庭山中元季有諱泰五者軒舉不羣意陰山澤乃挈家往客淮西富雄中原值亂復還於山樹業如故五

傳至伯良爲友樸君父亦負四方之志當路議廣江南馬政發憤上書極論弗便之狀事竟獲寢寢厭歸其力生友樸君體翰魁梧性度淵厚以醇謹著尤修孝弟之行伯兄均顯早亡君懼傷父母心服勞承歡就養曲備護二女殆踰己出父母忘失長子豐財而力義多智而守雌不峻獨行不府厭怨弘治間秦晉大饑願輸粟往賑授承事郎歎曰損益盈虛天道也出有濟乏國章也願煩君上榮我乎乃遣子豸補郡學弟子員冀效世用久之弗第遣入太學曰吾豈固爲門庭圖將昭祖德以酬國恩非仕無階耳暮傳家政獨與耆舊大夫觴奕爲樂稱其山栖也嘉靖癸未六月九日寢疾卒將以乙酉某日葬於蔣塢光墓之次豸乃乞鄉進士嚴君瀾修狀屬姜

甲六

十八

金陵叢書  
蔣氏校印

生節來南都謁余請銘其墓案狀君諱奎字均昂友樸其別號也生於永樂癸亥享年八十一配王氏慈順壽康範諸其家子男二長即豸次象女四其婿曰朱繼程葉瓏張節葉性孫男四曰元臣元爵元兆元士孫女三銘曰有貽者先嬪乎爾延有承者後膺乎爾遺隆隆蔣塢亦孔厚後百斯年作崇早

金處士墓誌銘

處士諱繩字尙德其先姑蘇吳縣人國初易置海內曾祖某隸籍錦衣遂爲金陵人處士坦夷諒直能委心任物凡世俗陰詭矯飾之事一切刻去之不留於中能與人交故終身無怨敵嘗曰吳俗浮放京俗夸皆吾土也生而沿之如草木焉



服其土奚取於吾人其刻厲如此商於青齊燕趙吳楚厥粵之間青齊燕趙吳楚厥粵久也爲之主者忘其客爲之僕者忘其富家居客至輒止飲不厚供其值興盡客或欲去不強爲悅也善成人之謀紆人之急客有賴處士脫於難者懷百金爲謝迺正色揮曰非純之心室中潛盜出有噉日蓋天性固然也有三丈夫子仲子與服家政伯子軒季子謹治周易與璘同師志廣業精成負遠大具雖伏未仕鄉人望處士之閭固已隆然矣論爲善之報必曰曷視諸金君薄其身而厚其子彼陰詭矯飾者往往天絕至其子孫或什伯不相逮又焉所用乎正德三年十一月十九日處士卒將以是年十二月某日葬於鳳西鄉孔家

甲六

十九

金陵叢書  
蔣氏校印

山之原軒等持吉水知縣凌君雲翰狀乞璘爲墓銘銘曰莫非土也茲原惟處士之藏以德而名以貴而封處士將茲原之光伊誰兆之允成其感

明故周君用謚墓誌銘

君諱甯用謚其字也其先廬陵人自大父子昌始籍上元居南都父端母劉氏家素饒君生而早孤能強立不墜節縮冗費杜止華習非衣食之物不入其家視里中游問子弟避之唯恐不遠治家甚嚴諸子居常侍食未嘗命之坐諸女未有家者不得踰壘限嘗教之曰家政猶國也非勤弗獲非儉弗聚非嚴弗齊三者闕一焉家其替乎於是授諸子生業俾各事事乃買良田自耕寄情樹藝之樂作靜室扁曰隱齋志

息喧也今年嘉靖甲申五月一日以疾卒距生成化乙酉十二月初八日春秋六十配沈氏克相內理生男子三孟曰溥娶胡氏仲曰洋娶蔡氏季曰濟娶朱氏女子三適郭樞張濟顧嶺嶺余兄子也初伯兄擇婦語媒媪曰吾家近市不習爲農少子弱弗克攻苦爲士將令學買婦翁得良賈乃可依媪曰上河周翁謹恪能教家宜托郎君於是周之季女歸於顧溥等將卜月日葬君於鳳西鄉孫家山之原持鄉進士沈君觀狀乞銘余乃銘之曰躬鳴鳴正厥儀居末業家政施後而良奕且垂闕幽宅安於斯

故太子太保兵部尙書王公夫人田氏墓誌銘

夫人姓田氏諱某金陵人贈太子太保兵部尙書竹堂王公

甲六

二十

金陵叢書  
蔣氏校印

做之妻處士仲實君之女也生有貴狀處士君慎擇宜歸聞太保公才譽遂嬪於王氏婦德茂著璘舉進士時太保公方爲兵科都給事中厥後累遷至太子少保兵部尙書璘以里閨後進獲游門下公融朗樂易交友務盡厚凡鄉之貴賤人至京必召與飲醴豐旨僮僕侍奉謹恪門內秩秩大不類尊貴家聲勢太保公語人曰吾畢力於官政凡此皆夫人相我也及謝政屏居歲時伏臘爲酒饌以召親戚知舊相與娛樂視仕宦時無替太保公又語人曰吾倦勤於人事凡此皆夫人樂我也是以人咸知夫人之賢太保公歿且葬殆十有八年矣爲嘉靖壬辰十月十一日夫人卒仲子全將次年三月十七日啓窆合葬來乞璘銘乃又讀吾友荊州太守姚君



原學狀云夫人孝謹慈惠善處盛衰之際初太保公以從子  
蔭補國子監生當官盛時即乞骸骨二事並高行夫人勸成  
之力居多若然校義取舍明決不吝豈不毅然如奇男子哉  
長子會夫人出蔭錦衣衛百戶先卒次全并二女側出二女  
之壻曰劉芳白雲孫鎮聘贈光祿少卿蔣公孫女孫女三長  
適呂應登餘尙幼墓在上元縣東山之原銘曰維盈若虛善  
偕行嗚呼柔順德乃成玄室共藏其永甯

王太安人吳氏墓誌銘

嘉靖甲申吳楚大疫人多死者乃若吾友王欽佩氏橫罹其  
厄初三月內君張卒欽佩喪之哀乃病太安人憂甚遂亦病  
四月二日竟卒欽佩曰天乎奚生叩地求絕者三昇臥棺下

甲六

二十一

金陵叢書  
蔣氏校印

蓬跣嗚嗚弔者莫不哭吾執友二三子奪遷之室日進勺粥  
數月而瘡見醫曰疾名伏梁鬱其甚矣夫踰年竟稿死嘗屬  
余曰子必銘吾母之墓璘悉母德而哀君之孝曷敢辭諸他  
人志曰太安人吳姓以欽佩貴封其先山後人胡元時大顯  
貴入國朝祖諱良者以武功拜五軍大都督父政母馮氏生  
太安人於南都夙備四德能讀孝經列女傳諸書不輕許嫁  
既笄乃歸竦齋公公方嚴難事太安人內不見惰容外不聞  
言聲獨見賓禮事楊大姑以孝承徐夫人以恭接諸媵姊以  
惠凡壺政內議聽制明截屹然爲家主公以給事中言事謫  
普安判官太安人從行跋涉艱瘁恆有嘉容蓋知有榮於遠  
窺者生欽佩穎異教育成就每取陶孟故事爲則好誓誦小

說使家人女婦聞賢孝之概嘗論魯義姑事曰婦人內夫家  
後子而急姪禮與誰哉義者虔於奉佛薰供必親竦齋公有  
疾輒灼肱請禱公歿而值忌辰亦然凡灼百餘癩太安人性  
多畏日恆兢兢老彌甚故欽佩乞歸以侍然卒沒於憂也母  
子慈孝之際何其哀哉太安人春秋七十有五子一卽欽佩  
舉進士以修正表見當世歷官河南提學按察副使請養太  
安人既沒擢南京太僕少卿踰年亦卒自有志公二女咸母  
太安人長適湖廣參議方公子宏綱次適都察院右副都御  
史劉麟孫男一日逢元女三長適南京刑部右侍郎張公子  
恕次適南京戶部員外郎李君子芹次適徐應坤逢元將以  
丙戌二月二十九日啓竦齋公之窆合葬於祖堂山之原璘

甲六

二十一

金陵叢書  
蔣氏校印

乃銘曰夫君乎履中暨厥子乎孝且恭猗夫人乎允承其中  
宜萬年乎息幽宮

顧孺人墓誌銘

顧孺人者史處士之妻御史良佐之母也生而貞慧長而恭  
默習事通道不煩姆訓其所聞於人人悉不類常婦女爲也  
純皇初詔舉天下經明行修之士有司奏處士名行應舉下  
郡吏趣上道處士少孤獨養老母行止且弗決孺人曰夫何  
疑哉夫何疑哉人盡臣也子實無二顧養而廢仕其誰曰無  
君子曷辭焉處士遂辭不就既而歎曰甚矣疑之生禍也微  
子言幾失進退之衷哉後良佐拜監察御史今天子踐祚之  
二年以言事忤旨遣錦衣使者械繫入京師城中竦然良佐



辭就執告以無恐孺人曰是非義也死生命也視義以行視命以終事莫不然矧於君臣汝今蓋吾君之臣矣吾弗克汝愛又何恐之有獄成奏御天子赦為齊民歸拜孺人孺人酒泣曰德薄寵厚謂之不祥吾不意汝之來矣荷聖慈活汝使更為母子惠莫大焉退俯汝德毋快快以益過嗚呼婦人孰不欲貴夫孺人稱孝焉弗有其利也孰不戚其子之禍且失位孺人稱德義焉弗有其害也古稱老萊子之婦范滂之母善為婦為母若孺人者近之矣今年秋以疾終於常州次舍良佐昇柩歸屬璘作狀乞考功王欽佩銘欽佩疾復以屬璘其何能辭孺人年八十生為宣德己酉十一月十有五日卒為正德戊辰八月初四日子男三為良輔良佐良弼子婦三

甲六

二十三

金陵叢書  
蔣氏校印

為郭氏李氏龐氏女一壻為朱氏子綱孫男二為崇簡崇古葬之地為鳳西鄉向山之原葬之日為十一月日處士諱某字元昭號緝熙道人銘曰柔也婦剛也男孺人之行也吁其難

徐母湯孺人墓誌銘

湯孺人者雪樵徐處士某之妻也初吾友太僕少卿王欽佩有愛女願擇善人為婚聞處士賢且孺人內則整整遂以女歸其仲子應坤應坤果端恪有行因事余為父執余家亦與其兄弟相婚姻知其家世為悉今孺人卒且葬應坤以墓銘請夫安得辭孺人本金陵望族父貴母沈氏生而靜婉早知孝敬既配處士事舅姑如其父母生事死祭必盡婦宜柔巽

勤恭克主家政俸其所成若謹儲備以裕用修儀節以立範周乏絕以廣仁戒華腆以慎禮皆女婦之令德自是處士家聲大振而徐氏益重於國多孺人助也及處士膺末疾適會炎月湯藥扇浴備效勞苦及其歿也慟絕至再喪盡其禮忌盡其哀中誠所發匪干外譽每訓二子曰謙損接物寡怨之道也凡爾戚獲宜子視之處士先娶褚氏早卒未有主比處士終喪乃命應坤並設主於祠曰豈以我故而令若父亡禮邪且示吾隘也其明大義類如此長子應乾先卒次即應坤女二長適張憲次適梁鑿亦先卒孫女二長適孫鉞次適羽林右衛指揮伍永昌俱應乾生孫男一曰某則應坤所嗣再從兄敬季子也生於天順戊寅十月二十九日卒於嘉靖庚

甲六

二十四

金陵叢書  
蔣氏校印

寅十月二十三日壽七十有三將以辛卯某月某日葬安德鄉石湖西村以合於處士之封乃為銘曰爰古家國興以婦吁嗟徐宗有湯母石湖之封並邱首億萬斯年宛相守劉介婦喬氏墓誌銘

東橋子耕於國門之東郊有儒生喪衣遽巡欵衡門訝之山

澤間安得斯人視其削則大司馬紫巖劉公仲子承恩固貴介也而循雅乃若此既見出狀以其妻喬氏墓銘請妻又故太宰白巖喬公從子於璘皆有世誼遂不獲辭次且數月劉生歸行舉鄉試第二人復以書上曰今日之倅固我世德之庇吾妻實亦有相之力也歸土有日願卒慰諸幽乃按狀志曰婦名松樂平人曾祖毅工部侍郎祖鳳兵部郎中俱贈少



保吏部尚書父宗光祿寺卿太宰公兄也劉喬俱太原世族姑夫人某與其母淑人黃居京師通家往來厚時婦方八九歲見其溫淑寡言舉動異常女愛之喬亦愛生穎秀遂爲婚姻未幾光祿公卒無子婦喪之哀毀事母盡孝母忘未亡比當歸劉沾沾不能出時宰已致仕家居乃拜懇曰吾母老無依唯叔父是賴泣數行下既爲婦敬順莊睦未嘗見疾言遽色資裝雖有金綺非歲時見舅姑不服姑在南都念長子及三女不在側意恒怏怏輒抱孫嬉戲於前以相慰樂有疾調膳嘗藥衣不解帶姑視之儼然一孝女也生常夜讀則執女紅相伴稍倦卽以廢學爲諷生以茂才選入河汾書院講學卽勸之行曰遠去庭闈樂明公造就幸甚願毋內顧專精道

甲六

二十五

金陵叢書  
蔣氏校印

業爲世名儒豈不偉乎每生與諸生講會則親執中饋以厚館穀雖中夜必兀坐中閨待之曰子能夜以繼日吾忍安席及生鄉試下第恥見之乃迎慰曰士知積學耳遇不遇有時顧乃鬱鬱自損邪其明達有辯多類此生兒甫能言卽口授小詩動以安詳恭敬爲訓少縱卽訶之不徒爲慈也甲午正月舉一女忽疾作暴卒實二月一日無何女亦歿得年二十有三而已子名琪嗚呼劉氏之婦何懿德夙成如此哉良由世家詩書之澤入耳薰心以成其習非獨天性然也今考其行事於姑爲崔孝婦於夫爲樂羊之妻天假以年使壯且老則教子範後雖陶孟非難幾耳既生之復奪之天意胡可原耶墓在某地卽劉氏制域之次銘曰玄黃由漸匪天則然瓊

玖易折匪躬斯孽既大其偶有昌在後赫赫方來於彼泉臺雷州知府易君妻王崔二安人墓誌銘

嘉靖乙酉冬後齋先生歸自雷州市二旬而崔安人卒先生哭之慟曰天喪內君吾奚以家乃拜執友南昌守羅君質甫爲狀叙其懿德拜璘銘諸墓石且曰先妻王安人葬亦未有志子其併紀之璘與先生居比舍悉二安人其何辭志曰王安人諱淑方里中王隱翁女莊嚴沈簡不妄言笑年二十歸先生家方困誦讀刺繡嘗共一燭率至夜分不寐營辦姑養措撫家累力任其難而俾先生專志於學及應戊午鄉薦三上禮部不第家益索安人持之愈力且慮先生無子慨脫簪珥聘一妾其事嘖嘖在人口弘治乙丑八月五日以疾卒崔

甲六

二十六

金陵叢書  
蔣氏校印

安人諱慧英守禦浦應揚衛指揮崔公鈺女生七月而孤少秀質母儲難其配故以繼室先生歸二年先生登戊辰進士歷官中外殆今服金紫可鼎食矣安人素衣蔬食以儉率家若不出紈綺族先生初慮雷州遠難往安人曰遠獨非郡乎唯貧乃明夫子之操及被構致政安人曰歸與歸與夫子之命也人乎何尤初王安人有長女適南京通政夏公崇文子弘濟後還湘陰側室關氏生子一曰同女一安人懷遠撫近一如已出教同讀父書爲聘婦姚氏比病彌留曰同兒長矣速娶婦來承我宗祀及見新婦拜牀下環珮鏗然曰吾瞑矣夫明日遂卒蓋十二月十三日也嗚呼二安人之歸先生王一十七年崔二十年終姑之養成夫之官舉不可以云促



也勤而居貧儉而履貴錚錚然操賢媛之節以聞諸鄉閭亦何負於斯世乎安人之號俱以後齋刑部主事初考拜命葬同窆在某鄉之原後齋姓易氏名葵字士美本吉安人今籍居南京璘忝通家故舉其號稱先生云銘曰悒兮懟兮不可以處匪儔兮憑兮不可以處盈二媛迭脩兮厥家用成幽魄並棲兮玄壤其甯

贈承德郎南京刑部浙江司主事野全謝先生同繼室贈安

人湯氏合葬墓誌銘

國朝詩至成化弘治間再變維時少師西涯李公主清婉尙才情吏部郎中定山莊公主渾雄徵君白沙陳公主沈雅並尙理致名各震海內吾金陵有二才子曰謝氏子象徐氏子

甲六

二十七

金陵叢書  
謝氏校印

仁凌諱詞苑陶治其模廓謝得其雄徐得其婉名亦不細初謝公八歲善詩客命賦暮秋援筆立就至紫塞風寒雁叫霜客驚歎呼爲奇童稍長從工部郎中吳公元玉學見其詩曰深林下馬蒼苔滑野寺入門秋爽多擊節鑒賞謂雖長宿不易速自是日就深博吏部侍郎柴墟儲公靜夫爲南考功作檀園詩社引與諸文士聯句往往出奇絕厭器局備朗才情綺麗負氣自好不與俗伍與達人高士論古今商文藝據案高談如倒囊憤或酒酣引紙命辭常屈一座兄弟四人各善詩畫風流清邁時擬謝庭諸郎公侯貴人往候與之分庭抗禮藐不加意每應舉率用古文字作經義累十舉不第乃擲筆於地曰吾本不樂爲此奈何效老驥局蹐車下邪且鷓鴣

其儀者立朝鹿豕其性者居野吾乃今知既往之誤也退耕國門之南自號野全子鄉人稱曰野全先生又以其美鬚髯行九稱曰髯九翁所著有采毫錄東村稿西游錄在客稿日得錄廣陵雜錄洲中漫錄總若干卷臨終屬其子少南曰爾能貴我乃圖志吾墓勿能毋以士題墓門吾所厭也既葬若干歲少南乃舉進士任南京刑部浙江司主事遇詔恩贈公如其官以文行茂異尋召入朝改監察御史今年妻亡乞假護子還得拜墓下屬進士陳君鳳具狀并載母氏湯安人懿行請余合銘之嗚呼先生魁岸磊落苟得勢發所停蓄振起頹政轉移卑俗譬若舉羽願今齋志長逝而使吾徒永嘆於梁木今且忍銘之哉且忍不銘之哉叙曰公姓謝氏初名璘

甲六

二十八

金陵叢書  
謝氏校印

字文卿一字子象夢神授其名曰承舉遂行焉先世贛人國初徙金陵後從文皇駕遷於京三世烈考諱芳仕終永州知府致仕歸南京始籍上元妣張氏封宜人公生於天順辛己十月二十有八日卒於嘉靖甲申三月十有七日春秋六十有四安人湯氏厥考文玟東甌王四世孫公初娶李氏禮部郎中秉中女繼娶貧氏錦衣衛貫指揮女再繼安人生於成化丙戌四月十有一日卒於正德庚辰九月六日春秋五十有五卒後受今贈生有令資精女工備婦德爲謝氏壺內法詳見任子仲修志語中墓在江甯壩墓村前二安人皆葬祖墓壩內公改卜今阡唯安人附焉子一卽少南女一適府學生劉階孫男二長曰懋坤次懋垣孫女四其二已納聘乃光

祿卿王公以旂太學生徐君敵之子二尚幼葬於乙酉十二月四日至乙未十二月二十五日始克埋銘石也銘曰昊天弗雲龍伏為蛇矯矯揚采其光滿家生子於飛澤淵四字雄雌偕藏永安泉戶

甲六

二十九

金陵叢書  
蔣氏校印



息園存案文六  
碑 墓表 行狀 傳 祭文

明資政大夫南京都察院右都御史張公神道碑

公諱琮字廷獻江甯人也其先本蘇郡吳縣人國初始徙今

籍曾祖豫以伯祖文信公益封徵仕郎行在中書舍人祖晉

贈通議大夫都察院右副都御史父翺贈資政大夫南京都

察院右都御史前母高氏母李氏俱贈夫人公端凝靜恪弱

不好弄既學易於方伯吳公彥華遂厲問學見東萊讀書記

悟曰吾乃今知學非過目成誦為奇抑在為之不厭耳立限

誦讀日造弘博好親仁實切劘於德義在鄉如故副都御史

目六

金陵叢書  
蔣氏校印

陳公鎬按察副使陳公欽太僕少卿王公韋在太學如大司

馬彭公澤咸所友善恒自歎曰人於己喜聞善於人喜聞過

反是思過半矣成化丙午舉鄉試弘治庚戌登進士第任工

部都水主事三年調禮部儀制主事歷員外郎郎中凡十餘

年陞陝西布政司參議丁李夫人憂服闋值太監劉瑾亂政

以先在儀制停符邸紹封事降知濟甯州拔遷山東道監察

御史巡按甘肅尋陞湖廣按察司副使撫民襄陽遷貴州按

察使歷四川左右布政使正德己卯丁父憂服闋補廣西左

布政使嘉靖壬午陞都察院右副都御史巡撫湖廣甲申陞

南京工部侍郎旋改刑部丙戌陞南京都察院右都御史己

丑以疾乞休疏四上始得請致仕仍歲給人夫月給祿米以

示優厚公操執簡重臨事不輕發深思詳畫務當禮法故大

小官政冰清岳立人不敢以私意請亦不能以浮議奪居儀

制時孝廟不豫免賀長至節東宮親王如故事公白尚書曰

東宮禮再議親王斷不可舉已而有旨如公議占城世見請

封有憚涉海者倡議止行公曰占城自祖宗以來遣使就封

無故止之何以示信卒行之提調掌行國家吉凶大禮及藩

邸封典稽古準今損益與奪不失尺寸大學士南海邱公濬

洛陽劉公健咸謂公器識可任遠大知濟甯一月地當水陸

孔道日省民供給錢數千至今頌不輟口巡甘肅當安化叛

後正法廣恩抑強植弱舉賢吏勅不職人情帖然深履虜酋

營窟示以威福莫不震戴此皆御史巧宦者不肯為公易易

目六

二

金陵叢書  
蔣氏校印

行之為按察布政使各有大體巡撫時值修繕顯陵綜理精

密民不告擾又活饑民數十萬平德安芒部等處妖逆數十

輩皆不煩餘力績用丕著總憲南臺時當考察庶官公曰進

退人才大事也古人云恩欲歸已怨將誰歸於是察覈愆邪

者咸見罷黜士論允服庚寅九月三日卒於家訃聞天子閱

恤詔賜葬祭有加迺今殊典也夫大臣上近天子體大責重

以安民濟世為才格主守道為德凡煩苛躁狹非所語於其

職也公自為諸生及小吏時已見端緒雖躋崇峻矣施用不

竟豈非天命哉男七人恕舉鄉貢志京學廩膳生愆國子監

生餘雖長少異觀並世德善墓道既成法宜有碑恕等委之

小子再辭不獲遂序而銘之銘曰唯臣承天大乃佐輔匪篤



忱恂職罔克舉稽古名世有燁其輝治亂異績厥道同歸穆  
 穆張公秉德不二山嶽端凝基自小吏工虞裕川儀曹慎典  
 執憲西巡厥操遼遼奪藩典州崇卑何尤府傳弗飾民瘼用  
 瘳外臺巖巖正是岳牧弼教宣猷以奠王國帝曰良憲惟女  
 紀綱出貞吏治入振王章寇亂是彌儉贖是黜豈不藜怨畏  
 曠司直羣望方崇公曰止且鑒於天道榮保懸車邦人弗惠  
 耆德告哀王室雖遐言郵愆遺悼大篤誠今也則鮮末俗疇  
 希先進斯遠孝子顯德式圖永遺唯石勿朽刻此銘詩

四川參政葉公墓碑

公姓葉氏名天球字良器婺源人其先出春秋沈諸梁葉公  
 之後居南頓漢季太中大夫望始渡江居丹陽至都統公績

甲六

三

金陵叢書  
蔣氏校印

始遷歛承直公林秀遷婺源之中平細三公夢志遷今外莊  
 環溪夢志生友友生亮亮生炳炳生朝宗朝宗生玄否玄否  
 生觀武玄否為公會王父觀武為王父皆隱力善稱長者父  
 兆允多聞善詩以子貴封文林郎崇仁縣知縣贈中憲大夫  
 東昌府知府母游氏封孺人繼贈恭人生四男子公行三幼  
 穎解從封君商坐肆獨吟誦乃遣從仲兄饒州公天爵授禮  
 經於崇仁不任貴勢與寒士攻苦大通其學選充邑弟子員  
 輸粟入太學並試高等癸酉中順天府鄉試甲戌登唐臯榜  
 進士第授戶部雲南司主事動謹道授不怙禍福監京城太  
 倉有巨璫縱卒索運官錢暴甚公縛卒寘之理督運宣府力  
 寒就道其納郡縣輸不為贏羨曰足斯已矣何必厲民植官

監淮陽倉設格望中貴賄孔比還中貴賄以金賂且謝曰辱  
 拜寡怨之賜敢以此報公卻之去之日官場有薪芻餘直斃  
 一步民頌其非私監居庸倉適武宗北巡費巨而儲罄畫上  
 招商策尙書猶豫公馳見請曰事已急非此莫辦公主於上  
 某持於下必濟毋多疑乃簡約順情固閉託冒減常價三之  
 一趨者靡至凡得芻粟十萬石一日道榆河突傳駕至伏謁  
 上望見遣問報者曰主事葉某即疏乞回鑾并劾郭太監者  
 上頷之去已卯遷江西司署員外郎受知大司徒委攝諸宅  
 司事庚辰遷福建司署郎中時南巡多故參決羣議相於國  
 家辛已陞東昌府知府郡號衝劇公至詢民利害期與更始  
 善總條綱授僚屬以事故自處整暇百度聿舉初立團甲法

甲六

四

金陵叢書  
蔣氏校印

籍民丁業出入民莫為邪差州縣瘠沃為三等準定絲役輕  
 重在平遷民苦賦重謂地兼於土著公白當路即縣鄉履畝  
 料賦灑然趨平流亡來歸廣給牛種俾服作業稅不以通告  
 壬午癸未饑為請蠲貸廣儲備處流亡勸分弛禁民得免死  
 且弗為盜尤篤意風俗人材旌孝節正文體大有改化餘若  
 修廢拔強辨獄止盜特出經綸緒餘未易一二錄嘗愧外吏  
 工阿上谷亡丈夫氣故東昌所操一如戶部時昭聖太后北  
 上或備所過供具公曰聖善廣照南北異宜難相學也乃率  
 禮修儀卒克畢事郡武吏故任俠逞首劾架黠罷去餘悉斂  
 手監司執三囚罪死公按法當釋卒論出不顧漕卒怙勢閉  
 水聚毆津吏關市騷動公縛杖數人始定督運都御史過郡



怒問郡杖吾清卒邪公曰知治不法不知清卒都御史銜其  
懸比掌內臺乃風出按御史奏移登州太宰喬公曰東人殊  
宜葉某遂格不行丁亥進河南布政司左參政管郡事旋實  
拜四川右參政民涕泣遮送公素贏加之憂勤七月至京口  
疾劇時子玠以南京戶部主事監倉鳳陽還侍側瞻顧曰死  
吾安也報國惟汝端坐而逝得年四十有八公學術醇實讀  
書務得意不襲成說詩文典雅雄渾由乎其衷嘗謂古人尚  
行故內外符今人尚辭故言行背事求無愧於心每以清談  
虛立門戶爲深恥是宜孝友信義孚洽倫類人無間言所著  
有上谷稿淮南稿硯莊稿在山行稿娶汪氏封孺人加封恭  
人子一卽主事君學行並有聞孫一懋之孫女二已丑五月

甲六

五

金陵遺書  
蔣氏校印

葬於來安鎮後山之原制宜有碑主事謂璘與饒州公同榜  
交知爲深屬爲之銘曰葉氏之先實始南陽歷欽徂葵支蕃  
以昌爰毓封父有特斯男二美競爽迭爲邦翰穆穆東昌睦  
其如璧筮仕司徒秉道獨立經國理財曰唯惠民培克是杜  
訐謨用勤強禦靡粟鉅費靡匱通駿其聲干旆旆侯於東  
服作民父母以哺以鞠罔俾失所歲饑我食賦亂我理附我  
頌我死勿宅徙濟濟髦士行歌采芹展也政成視爾作人方  
岳甫遷大命用顛厥施罔究天也則然孝子永懷述事昭德  
勒銘玄堂百世有烈

張氏世德碑

世家鉅族之興夫豈徒哉其始也必有敦固忠厚之本爲之

基故種德累行而燕翼之業垂焉其後也必有敷施藻潤之  
度爲之飾故席寵亢宗而門閥之澤弘焉莫爲之始則源淺  
易竭莫爲之後則炎微易泯今夫豫章生七年而後可知其  
本大也荆玉琢磨而質乃見其理密也是以西京稔侯篤慎  
開國其孫涉乃以明經見稱東京好時按劍拔起其孫秉乃  
以博學自樹文武濟美前後交映揭雲霄之望揆龍虎之章  
當代仰其世業後世歆其胄華巍巍乎莫之及矣今讀溫州  
張氏譜牒觀其上世聿興與今都指揮浩所承傳未嘗不歎  
羨於斯也侯固今有文者稽昔始祖百戶公諱四本河南光  
州布衣沈毅好義慷慨有畧直太祖皇帝駐兵廬州遂仗劍  
從附陷陣突前屢預克捷授所百戶洪武二十九年卒葬通

甲六

六

金陵遺書  
蔣氏校印

州子貴嗣亦勇壯多智通紹父風從太宗皇帝起兵靖難自  
雄縣至渡江入京攻城掠地大小凡百餘戰並著上功洪武  
三十四年陞山東大嵩衛正千戶永樂九年乃從英國張公  
南征交趾屢犯險固勦殪夷酋進大嵩衛指揮僉事居英國  
幕中來往交趾撥亂解紛勞勩日茂宣德六年奏遷溫州衛  
乃世繼焉曰鵬曰鋼侯祖父也代領海防並厲官箴有華勳  
系逮侯而家世益大詩書之藝貴焉潤身折衝之略屹而敵  
愾正德壬申誅江右逆寇有功進指揮同知榮問日流由是  
都御史陶公琰監察御史王公堯封鮮公冕連章推薦進浙  
江都指揮僉事分符秉政大沛厥施煌煌乎炳炳乎虎臣之  
特也功崇禮重遂得誥封祖考皆明威將軍上輕車都尉祖



妣宋氏江氏母葉氏皆恭人人道允修天寵攸協上光義方  
下裕似續茲非有啓有承積仁流慶而能暴興若是也歟然  
丹青之飾增輝素樸枝葉之蔭庇及本根君子謂張雖舊爵  
其業維新矣侯惟簪組其延光澤有渥而金石未鐫世德罔  
耀咎在厥躬乃礪貞珉爰樹墓道璘也不敏仰承雅託嘉此  
孝思弗克終遜敬勒銘詞用告罔極銘曰於赫高祖奮旅逐  
胡率土有傑靡不應呼桓桓張侯握鼎超距津款轅門來佐  
神武雷奔虎騰奄有戰功策勳承家用亢厥宗孝子孔力克  
紹克濟翊我文皇載振先緒南征交夷贊籌統軍朱紱輝燁  
乃來於溫唯孫及曾振振勿替官著允修衍於來裔卓哉玄  
孫璆琳瑤琨武烈既抗爰飾於文建節執樞門闕有爛譬彼

甲六

七

金陵叢書  
蔣氏校印

巨材青黃是煥乃顧乃懷茲惟世澤肆今弗圖後胡迪斯靈  
塗皇皇穹石如峙不顯唯德百代攸視

茅山重脩玉宸觀碑

夫道其遠古之事耶以虛無清靜爲宗以因應神化爲用其  
靜也天其動也神無爲而民自化無欲而民自正非遠古之  
代不可以行之也以之御世則淵默和平之化成黃帝軒轅  
氏是已以之治身則葆性全神之道修廣成老聃是已豈惟  
三聖哉自盤古以至三皇率是道也逮世再降民僞滋而法  
制出安得以無爲治之故帝王之治貴德不貴政雖不獲盡  
用其道而不能不用其情以道爲生人之本不可舍也下至  
漢代文帝用以小康曹參假以甯一而黃石蓋公隱君子之

流猶各負其所得以高一世豈不信然乎哉末世言道乃一  
切流於神仙輕舉與夫鬼神符祝之說訢訢焉希於禍福之  
塗良可鄙已句容雷平山玉宸觀者世傳高辛時展真人修  
煉之地歷周秦魏晉以還有姜杜楊許繼起至梁天監中陶  
真白居之稱朱陽館立昭真臺道業爲之一張夫晉以前諸  
君非史傳所載不可考已若貞白脫屣濁世遊神八極豈非  
蓋公之流亞乎使得其君任之則粟陳刑措之化庶幾可致  
未可謂斯道之弗效也歷唐而後太宗以桐柏棲真改曰  
華陽觀玄宗以玄靜修經改曰紫陽觀至宋太宗祥符乃定  
玉宸之號至今傳焉所謂金陵地肺華陽洞天此其奧區也  
不然何羣真過化歷代褒崇靈呪昭繼若此也乎傳至國朝

甲六

八

金陵叢書  
蔣氏校印

禮祀靡替嘉靖間遭鬱攸之厄殿宇燬燼名碑古柏燬斷幾  
盡道士鳩材營構再火再空有揚州山人張口者夙稟清虛  
行業精白爰棄妻子修道句曲乃竭皈依之誠奮興復之志  
廣募磚甍洞建石宮於是少傅魏國公徐鵬舉太監陳公林  
傾困爲倡厥心歡同不數載而大工告成爲口殿口間口殿  
口間壯麗敦固翼垂無億又鑄銅像若干軀永肅瞻嚮措其  
餘財復構諸宇廊廡齋廚煥爾一新可謂希情無上圖功不  
朽者矣夫道有興衰時也業有成毀數也謂道無衰寒暑曷  
因代謝謂業無毀天地曷因開闢善振其衰而後玄風恒流  
善營其毀而後靈區永奠然則崇慕清真飾舉廢墜不能不  
有望乎其人也山人之功不其偉哉於是眾信歸誠咸願勒



石紀成以詔來裔余嘗躬踐名殿目覩勞績遂秉筆特書不  
事多讓焉復爲銘曰句曲神臯是曰洞天展真鍊化玄教開  
先於穆茅君發跡漢炎帝降九錫靈嚮孔延琳宮玉府羣方  
具瞻孽火肆烈遭運適然鞠哉幽士秉志維度謂木易燬易  
之甃磚崇垣屹屹穹宇言言金像儼設神兵拱旋大壯斯固  
回祿永燭玄風惠暢天子萬年澤及九有富壽無愆

長洲楊處士順甫與其配呂孺人墓表

璘去蘇三世始還嘗問鄉國氏族於中丞毛公圖所宜近毛  
公既歷敘縉紳大夫諸名貴次及隱淪之儁曰有楊處士順  
甫少窮經爲士不振懼失養遂棄去服田事賈湖湘間大拓  
貨產慷慨高氣岸不與俗諸疾惡如讎見不義輒面斥不相

甲六

九

金陵叢書  
蔣氏校印

貨性好賦詩結漕湖詩社感時遇事喜怒哀悲適言意所不盡  
一發之詠歎積十數巨帙曰吟秋稿曰湖湘紀行頗傳於人  
璘曰異哉處士古人言窮然後能工詩何處士富適能乎毛  
公曰處士有婦呂孺人善治內若能吏之治官耕織務時家  
無游童逸妾謹賓祭牲酒菹醢必精必備教子若女咸有法  
宜大約歸諸勤儉門內井井故處士應征徭接賓客之外無  
所顧慮得一盡力於詩璘曰婦德之益如此哉又二十餘年  
與其子中和等姻婭往來密益口悉其家政處士及孺人先  
後卒已中和等乃持其姊夫汀州太守劉君綱狀來請表其  
墓其何容辭案狀楊氏長洲舊族處士生景泰辛未某年某  
月考諱舜民母某氏正德辛巳三月十三日卒年七十有一

葬宅西錦藤巷新阡太僕少卿都氏穆志其墓呂氏亦長洲  
人居廣球孺人生景泰壬申六月十一日考諱岐母陸氏年  
若干歸爲處士妻嘉靖甲午八月九日卒年八十有三合於  
處士之窆翰林待詔文氏徵明爲志其所序德善大略如毛  
公言又載處士有寡姊無告迎歸養之厚割膏腴田若干畝  
入郡學供釋菜孺人善待側庶視其所生如己生處士每以  
侃直見讎惡少孺人輒暗爲遣謝俾無深銜此數事世俗所  
難非二老能見大義不及是也有三丈夫子長即中和次元  
儀次元仁孫男女合二十六人曾孫六人蘭馨玉采薰映閭  
閻嗚呼盛哉惟吾蘇以多賢跨天下德藝彬彬如鄧林之難  
爲木蓋其大者取也以處士之所操執名僅馳於鄉非身不

甲六

十

金陵叢書  
蔣氏校印

顯於位著豈非地勢使然哉觀其別白清濁見義勇爲刑家  
裕後之道舉足爲浮競型範使居他邦豈特未見己乎凡今  
過墓下者要亦欽其風誼思所嚮羨毋但校諸隱顯出處間  
也

通議大夫南京吏部左侍郎儲公行狀

公諱確字靜夫別號柴墟本毘陵茂族元末始徙海陵曾大  
父諱某字仲文僞負義嘗隆冬載布數乘入遼遇警道阻  
人多凍死遂立市門散之又嘗行道中得遺金歸其人其人  
分謝悉不受此其種德所自負哉厚矣大父諱玉字景榮以  
公貴贈通議大夫戶部右侍郎父諱信字宗實累封至通議  
大夫戶部右侍郎母王氏繼母董氏俱贈至淑人公生而穎



異六歲讀書過目成誦九歲善屬文選兗州學弟子員十六  
食廩應鄉試名聞京師成化己亥年二十三王淑人疾祠藥  
不愈乃刺股救之延數旬卒時尙未室宗戚強公娶公頓足  
號天足指俱碎乃已淑人遺命勿葬先兆內家貧無資公極  
力別營墓域每旦伏哭冢上夜則苦誦讀以圖顯揚癸卯舉  
應天鄉試第一歸至儀真即號泣赴家痛母氏弗及見也甲  
辰會試禮部第一廷試賜二甲第一觀政吏部太宰濟南尹  
公欲選爲屬公懇求便養遂授南京吏部考功主事尋陞郎  
中弘治甲寅太宰鉅鹿耿公奏改吏部考功郎中公留意人  
材考注臧否無不曲當一時人士竦然戒曰儲君陽秋可畏  
居南部時考察庶官有悍吏肆暴不法或憚黜之生亂公毅

甲六

十一

金陵叢書  
薛氏校印

然贊罷之北部當朝觀考察雖執政親戚不職者咸無假借  
天下服其公丁已擢太僕少卿次年遭董淑人喪辛酉起復  
仍補舊職行部禁吏迎送除民苛費及馬政積弊己丑陞本  
寺卿首舉馬政便民者四事疏於朝語在奏議中悉見施行  
舉望日重性狷介寡合執政不相悅奏擢都察院左僉都御  
史總督南京糧儲釐革倉庾宿弊裁省供費及條陳應議四  
事多所惠益正德戊辰擢戶部右侍郎己巳遷左侍郎督京  
儲其蒞政一如南都沈靜端毅中貴同事者咸見嚴憚時逆  
瑾用事大臣多爲屈損稱公爲先生而不敢慢庚午春以疾  
乞休詔賜乘傳還仍勅有司候病痊奏聞起用同事太監蔡  
川素重公廉餽白金五十兩爲贖辭不受冬十月仍起爲左

侍郎辭不就壬申春復起爲南京戶部左侍郎時四方多故  
京儲虛耗公籌畫深遠務善後圖癸酉正月改吏部左侍郎  
時方望其大用遽以疾終公體貌清羸若不勝衣端默簡重  
凝然具臺閣之器爲文簡古多思尤深於詩冲澹沈澁兼竹  
唐之風士林寶之爲訓好賢惜才凡海內知名之士無老少  
遠近咸見推引阨窮弗達者必思振起之辟遠匪類不惡而  
嚴未嘗有不善人至其門也初璘舉進士今司徒無錫邵公  
嘗相語曰子持身當以柴墟爲方終不爲非人累其見推重  
如此每與學士大夫語必政事文學等事否則端坐終日而  
已人莫敢言其私居常與家人言亦恒引古賢孝貞烈故事  
爲訓絕無燕昵語事親至孝侍郎公年八十在堂少有違遠

甲六

十一

金陵叢書  
薛氏校印

凡飲食衣服之養顧慮周至兩蒙恩賜綺幣悉製衣以爲悅  
自主事至侍郎四奉敕誥推封每臨母淑人忌辰必齋戒祭  
祀以致思平生鬚髮爪甲不敢棄遺藏至數大喪竟以殉歛  
其謹身慎行此可類推已晚爲朝廷倚重故誥辭稱其雅操  
不羣長才傑出學有本原志存貞固簡在固已切矣易簣時  
召璘與車駕主事王韋屬以後事至不能語猶舉筆作國恩  
未報親養未終八字泣數行下無一語及其家事非素養堅  
定烏能至是哉公初娶周氏十有七年而卒誌稱相夫多賢  
累贈至淑人繼娶朱淑人寶應封御史朱公之女通古經傳  
惠妾媵育遺女咸稱於人女三長適陝西按察使仲公子承  
佑早卒仲適秦州守禦所千戶周沐皆周出季未適側室嚴



出無子以從弟崑子灝嗣云生於天順丁丑九月二十一日  
亥時卒於正德癸酉七月十一日未時享年五十有七所著  
有柴墟文集若干卷奏議一卷駟野集一卷其傳世式後無  
疑也璘淺陋辱公不鄙誠不足以知公其所知者文又不足  
以發且將適湘南程期迫急焉能圖不朽之事第心已許之  
又慮失此無以報公故撥拾爲狀十不具一所恃廟堂鉅公  
爲其心交闢幽發微垂之金石庶大賢之蹟來世有貽云爾  
僉事潘君宗節行狀

曾祖恪不仕曾祖母楊氏祖岳雲南道監察御史祖母徐氏  
封太孺人父積四川布政司左布政使母王氏繼母許氏封  
夫人潘氏居廬之六安州六安當淮肥之衝世亂多兵火故

甲六

十三

金陵叢書  
潘氏校印

上世譜牒無考五世祖諱霞元末千戶總管總管生萬一萬  
一生仁三仁三生恪恪生岳有子五人其三曰積舉進士仕  
天順成化間累官四川布政司左布政使亦有五子其二爲  
僉憲君名鏗字宗節能言即解記誦七歲賦詩輒出奇語驚  
丈行十歲能讀史略論古成敗十六侍布政公入京公疾不  
脫冠帶而養周防僕御內外無失才行已緒見十九娶單孺  
人甫四十日憂布政公赴蜀道險力請侍行居三歲始遷實  
成化丙午遂舉應天府鄉試逮弘治丙辰登進士第授滿城  
令愷悌子育不設厲禁凡徵輸善量緩急常獲寬省邑有巨  
猾張某者好敗官政或諷君殺之乃笑曰獨非民耶吾知自  
檢而已丁布政公憂去任治裝不滿一車父老與諸生遮道

泣送曰乃今見古廉吏相隨數百里乃捨去樹碑頌其遺愛  
居喪哀毀骨立殮葬有禮服闋除滑縣知縣滑爲畿輔大邑  
賦重民玩前令率坐廢君下車首聽滯獄風行雷斷五日而  
囹圄爲空乃理通賦墮蔽者曰民猶水也塞則潰疏則流於  
是解琴剔蠶犁然有條人人以爲惠爭先輸納閱三月而租  
入大集郡守韓公歎曰民豈不可化哉何滑民昔狡而今良  
也縣籍口賦里胥故多爲奸君誓諸社曰所不惠於民者神  
有顯殛籍成踰月忽有抱策憩庭下者曰某等負公作奸者  
盡疫死某幸生願正此籍因許釐正爲式人謂君誠信通於  
人神初至滑前令擅移官帑銀數千兩籍亂不可稽君曰殆  
哉殞身非予其誰掩此乃檢括規畫俾充其數竟不令前令

甲六

十四

金陵叢書  
潘氏校印

知也被徵去府人出羨金二百爲贖君曰欺人不誠贖貨不  
貞吾豈以毫末敗吾素令籍之庫父老請立石以識君曰無  
庸第無忘今日可也甲子拜四川道監察御史首論時務大  
計四曰審大勢權時宜重將權倡士氣太監高鳳蔭從子君  
曰此王振曹欽之漸不可長也請加黜罰奉命勞軍還東廉  
公有威邊將斂手歸上備邊五策曰酌戍守之宜憫戍卒之  
苦處將來之川豫未然之戒革科斂之弊皆中肯綮一日北  
風寒甚思許夫人年老闕溫清上疏請養得改南京湖廣道  
無何內降削籍明年秋七月詔罷黨惡君與焉蓋正德丁卯  
也家居以御史罪前後輸米三百石鬻產供命唯恐後庚午  
詔復冠帶文安賊寇六安郡人視君爲去留謂子弟曰我世



臣也當爲國捍患若等宜避地以存宗祀遂與守臣設策拒守城被圍者三日竟得不陷癸酉起授廣東按察司僉事持法平恕人不以爲冤有縣丞楊某者以貪見黜辭去泣下不已太守李君歎曰焉有奪人官乃感泣者哉吾不知潘公何以致此有知縣黃某者懷百金見謁君曰與尹處及期而不見信是吾不德也若暴尹罪以章已廉吾亦不爲黃慚謝去廣山猺標掠爲近鄙患君奮計率兵夜擣其穴諸公首鼠兩端君曰我任之毋憂公等也功成不失一矢服威歎服有韋氏兄弟爭財久不決君開諭義利自相引伏乙亥君年踰五十乃歎曰顛毛種種矣猶俯仰逐人後志其終不可行耶遂上疏請老銓司下檄慰止御史丁君潛曰請小屈以易腰帶

甲六

十五

金陵叢書  
蔣氏校印

君笑曰歸敝廬後常卉服與野人俱帶且棄去何有於金復上疏不待報而行蓋入廣往返僅一年耳歸五年遂不可作矣豈非天命乎君孝友之誠出自天性事繼母許夫人曲盡顏色寒煖饑飽躬自慰問珍菜名醞獻而後嘗謹於祭先非疾病不敢不親尤重立春之祭曰謂有借於禮乎非此則祀與殤不血食矣吾其忍諸祭畢會宴昆弟子姪務盡歡愛凡臨父母忌日則素服屏居不御酒肉善事孀姊安其節處諸昆弟及兄弟之子內不吝情外不吝力惟至宗鄰及母族妻族雖親疏有差無不各當其分性寬大明坦能恕人所不及忘人所不道與人交不設城府久益誠信其爲學有源委不事枝葉嘗曰古人之學惟求此心今人外心以爲學故汗

漫無歸凡與學士談聖賢之道如啖飴蜜甘而有餘味也文尙氣骨下筆輒千百言奇正變化具有繩度作詩沖淡爾雅酷愛陳拾遺及韋柳古詩故擬古之作恒得其髓初號石湖後田於團山之間更號團山野人所著有團山集十卷藏於家示兒編未成書而卒生成化乙酉冬十二月十八日卒於正德庚辰八月二十八日春秋五十有六卜葬於望江之原去先兆一里許配單氏封孺人先君十四年卒繼室黃氏男女子六單出者四男曰子嘉女孟適指揮使劉定仲適庠生江樓早卒季適指揮僉事喬志道黃出者二男曰子壽女在室女孫一聘指揮同知口口之嗣子芻君葬既久子嘉學於甘泉先生之門懼先德無徵於將來乞銘納諸壙來請爲狀

甲六

十六

金陵叢書  
蔣氏校印

璘念團山之交非特同升已爾實相知心焉蓋同爲畿輔縣令時得之至深也惟吾榜當孝廟景運號多賢哲方釋褐通籍時如某君某君數十輩人已擬爲公輔之器團山其一也速逆瑾擅政摧折正直諸君流竄輸作遂多喪亡其不遇焉者亦自凋謝滅沒而其存者今可數矣何其落落耶雖禍自逆孽興然天道外錯亦往往相符誠可怪也若吾團山乃復奪於厭亂之後安所歸咎哉璘詞筆淺薄不足以狀高明而發精微其所深知者略見言表唯先生神會其致勒之不朽以慰幽明是非璘所及也謹狀

長沙通判陳公傳

公名綱字堅遠南京人也其先本建安人宋昭化節度公申



之實丞相秀國公升之之弟有子澤以言青苗貶明州遂籍  
爲邨人國初有名瑞者始以醫徵籍太醫院家南京子某實  
公父也醫有奇効京師語曰陳君劑何待二生公穎異太醫  
公曰兒學醫當復入神公不愛學醫獨愛讀儒書寓書族伯  
都憲公濂勸太醫公乃遣之從儒師金克明授詩經遂舉成  
化乙酉鄉試舉進士不第授黔陽知縣公性豈弟治事通大  
體初至縣稽民丁稅多寡均定徭役招復流離闢田數千  
畝給無業之民置養濟院衣食無告積義倉粟俾民不怵荒  
歲省刑抑訟杜吏爲奸居一年庭無煩冤野無凍餒公曰民  
可教矣乃置社學修孔子廟興孝弟禮義之教楚俗居喪擊  
鼓夷歌乃諭歌古哀詞民知嚮風老者語子弟曰微陳公汝

甲六

十七

金陵叢書  
蔣氏校印

其終於夷乎公曰民可役矣沅湘二江合流縣城下數決壞  
民居公作小舟數十舫募民采石甃堤自南門抵西門亘千  
丈水乃不濫縣南山間有三里厓路狹甚石堅不可鑿辰沅  
諸路軍往戍靖州夜每墮崖下死公督郵兵積薪烈之淬以  
醪醢拓廣其路丈許外繚以索行者不害掘地得古義士張  
捍碑及宋令饒敏學寶山書院碑乃建書院於赤寶山下祀  
二公於後寢將圖新縣治忽大水漂木數百至乃底績又建  
面山草堂休沐讀書其中以考得失凡興作民如子來知以  
佚道使也公病民憂惶禱神雖老羸者亦拜稽竟日願以餘  
年報公病愈過市婦女子望之皆曰公貌得無少損邪鄰縣  
搖夷與民爭田不決監司檄公往公開譬切至咸踴躍服與

公出山嘗過他縣道旁小兒黏雀爲嬉問知公名兒相顧曰  
公必惡我等戕物命悉縱雀去官滿當代民上狀乞留監司  
不許公行駕小船送於江者數百里爭獻蔬果公品取少許  
還之殺羊豕設祖道禮成頒惠無不攀泣歸爲立生祠暨去  
思碑日以無忘仁人於世世拜長沙通判察吏民所苦苛禮  
允費悉刊除之決疑獄出冤民民祠於家監修吉王府程工  
節用倍省其費王嘉公忠廉屢賜金帛皆謝不受議復岳麓  
書院初渡江有僧來迎公曰安知迎予僧曰夕夢緋衣使君  
來訪書院故址是以來公喜掘砌得故甃識曰陳某造適同  
公名益大喜乃白吉王得故殿材成之祀晦庵南軒二公於  
中弘治丙辰奔繼母喪歸得疾卒長沙人聞之無不泣下乃

甲六

十八

金陵叢書  
蔣氏校印

請諸監司從祀於岳麓書院公居長沙黔人歲遣子弟一人  
來問安卒之數月鄉人過黔者云公卒黔人痛哭罷市後邑  
令以春秋祀山川後一日祀公於祠歲爲常至今長沙與黔  
人來南京者多就其家乞公像拜哭之公弟鏡官亦終武昌  
通判以廉謹聞子四長沂文學行誼並有聞論曰人嘗言叔  
世民誕不可率以德一切刻深爲治何其薄哉通判公循循  
守道遲久化行而漸於匹夫匹婦之心要不可以智襲廟食  
百世有以也士大夫學道致身與卓茂侯魯中牟竝傳盛矣  
何必高位哉

南原王先生傳

先生姓王氏名章字欽佩上世自睢徙江浦再徙金陵子孫



遂為南京人父徽強直有大節成化間為給事中劾大權貴  
旨謫普安州判謝歸弘治初三原王公為吏部起為陝西  
參議以直道處巡按御史不合遂乞致仕先生既負異稟復  
閑家訓德器遂蚤成不為不義不交非人自諸生時屹然有  
公輔望莆田林公俊海陵儲公耀並引為忘年交又與陳沂  
顧璘友善切劘為古文辭獨愛唐風意興蕭遠士林往往稱  
服驚語舉進士選充庶吉士以才第當授翰苑顧參議公年  
高請南便養授南京吏部考功主事考課功行及舉五年考  
察之典力持公論不少假借百司並見嚴憚從弟由國學生  
試政欲言文選求間曹乃正色曰安有身為銓司為兄弟擇  
利便者乎南曹權輕且然使居北當何如也竟不以言後居

甲六

十九

金陵叢書  
蔣氏校印

憂服滿改除南京兵部車駕主事所攝有快船者主薦方物  
領以中貴故擢卒之長率被誅索破蕩無所排救先生厚其  
資給損其班列嚴其節制害遂減半陞儀制郎中政與國學  
相關舊格以諸生衣冠流一切姑息其一二事目頗傷禮教  
先生曰政尚法不尚情苟以情選何所不至馭民以刑馭士  
以禮禮有弗協於士何觀於是釐正條布雖喧閤終弗少動  
擢河南按察副使督學政迪以禮法綏以恩義士咸歸心以  
吳太夫人老不能迎養遂乞致仕值憂擢太僕少卿卒於家  
先生性純孝其奉參議公禮恭氣和養豐惠備故公在晚暮  
清不知乏老不知衰吳太夫人性多恐左右就養未嘗有大  
聲遽動其喪之也適病在牀哭必慟絕水漿二御數日遂毀

損至槁以沒四方聞而哀之子逢元亦有時名先生嘗曰生  
兒貴佳不必仕宦故逢元精究文藝不應科目論曰吾登都  
城望鍾印諸山鬱鬱蔥蔥隆假開翕興雲霧以敷澤采何其  
龐厚邪是宜生人之多賢也若王氏父子文行卓卓燦然麟  
鳳見諸郊藪豈徒然哉而卒不獲大施海內殊為可怪及觀  
大江洶湧日夜洩尾閭不息又憐然憾矣不然如近時李按  
察熙景中允嗚器中瑚璉而卒早喪文學金子琮謝子承舉  
皆有文不第以死抑有何說哉聞諸人言如使都城左右有  
大澤比吳洞庭揚五湖庶幾鍾水豐物而氣不散越黨亦有  
輔相之宜乎或曰天地之英萃難鍾而易散此又物理消息  
無容置意也

甲六

二十

金陵叢書  
蔣氏校印

東園金先生傳

先生名賢字士希江甯人上世本籍永平曾祖洵國初始徙  
江甯先生性資穎敏魁岸閎達有巨人度少學易於吳公彥  
華之門窮探妙解有聲庠序於時晉江蔡氏著易說行海內  
乃與董生林輩推衍傳授盡其精微以之發科登進士第乃  
歎曰聖人精蘊盡於易矣而妙用見諸行事則在春秋學者  
不通春秋終不達聖人之用遂取三傳及諸家之說研究異  
同發所未發著紀愚若干卷其自序略曰昔靈遂問於司馬  
遷曰孔子何為而作春秋哉遷曰周道廢孔子知時之不用  
道之不行也是非二百四十二年之中以為天下儀表達王  
事而已矣夫平王東遷周室雖微遺法尚存禮樂征伐尚或



自天子出及齊桓主伯天下宗齊而禮樂征伐自諸侯出矣  
漢梁之會羣臣主盟降自大夫出矣陽虎作亂季斯見囚又  
降自陪臣出矣此春秋之大勢天下幾於無君經不容以不  
作也若其誅亂臣討賊子內中國外夷狄崇仁義黜詐力尊  
君卑臣貴王賤伯程子所謂大義數十炳如日星眾人皆可  
得而知之至若有功者或不錄有罪者或見原如齊桓違王  
志而令世子反或許之鄭文承王命而背首止乃致譏焉晉  
厲弑於臣而書國蔡昭弑於臣而書殺晉昭徵令欲示威也  
而或取其功吳師從蔡欲謀楚也而或進其爵桓公無王定  
公無正權衡獨裁於聖心是非不徇於眾見此則程子所謂  
微詞與義時措從宜者也學者非深於道其孰能識之哉或

甲六

二十一

金陵叢書  
蔣氏校印

曰仲尼之意發於傳左氏述事公穀研理廣發於諸儒大備  
於文定盡矣紀愚何謂而作也曰今夫山草木生之而樵者  
不能盡採今夫水魚鼈生焉而漁者不能盡取聖言淵微義  
理弘博傳者雖多而各有所得探之益深推之益廣譬之飲  
河者各充其腹而源不竭此紀愚所由作焉夫先生之學識  
其大者如此故其達於政事恒以王道爲心不徇俗矜張以  
希近譽初爲仁和知縣事上以誠接賓以禮御眾以義蒞事  
以勤文而無害寬而不弛竟與杭守楊孟瑛疏復西湖數百  
餘頃民賴其惠詔入爲兵科給事中時閣瑾擅國流毒薦紳  
先生獨持大體不亢不隨營勘淮安獄正知府某罪明周給  
事自殺之冤雖拂瑾意而莫之能害他如論宗室賞鑄逆謀

議圻輔平寇利害於時都御史有治軍無狀濫殺無辜者竝  
見奏黜君子謂之有識服父喪再起轉右給事中時瑾既伏  
誅錢甯繼起亂政以事見銜求補外避之遂出知大名府下  
車以後清淹禁止橫政繩長吏之桀驁辦黠盜之牽誣民以  
安堵乃繕城浚池興舉百度修子貢祠又以狄梁公寇萊公  
有惠於郡爲建祠置祀刻元城劉公語錄以興學者地瀕黃  
河民罷障塞乃建議請疏支渠分殺其流俾無泛溢爲害台  
臣是其議而不果行郡藏有簾金三千兩不登於籍吏言之  
先生先生曰吾不忍厚私以負國家遂白御史籍之官入覲  
言官有不悅者漫詞誣劾乃改知福建延平府先生曰官非  
吾志矣不往則跡不明因之郡受事者七日卽上疏乞骸不

甲六

二十一

金陵叢書  
蔣氏校印

俟報而歸旋得請致仕日與朋舊爲樂公卿不先加禮未嘗  
往見孜孜以興起後學爲念講析疑義終日不倦讓舊業於  
諸弟仍出歸橐之餘治其家室婚嫁其友王太僕韋沒嘗貸  
白金百兩以上往哭之卽曰嗟嗟欽佩毋念吾通以恤而後  
於是義聲重一時嘉靖戊子大禮成推恩進亞中大夫年七  
十一卒於家子男四大車大輿大輶大軌大車鄉進士有文  
行大輿府學生善詩並稱於鄉論曰六經道之綱也苟舉其  
綱萬目成正今仕者治經用世往往勢利耗亂而乏治理以  
文不以道也金先生學易與春秋皆盡其微斯身心與之化  
矣故治民則惠司言則直豈非綱舉目正之效耶夫然後知  
六經可貴而聖人之道果濟於世用不誣也



謝孝子傳

謝孝子名廣字志浩祁門人系出南唐銀青光祿大夫詮之後由大嶺三遷而居王源由詮公十六傳至忠是為廣父母汪氏父性涓逸出賈梁宋聞神仙遐舉事志竊慕之遂遊名山求至人以圖不死不歸其鄉廣幼母教之學年十六授春秋於從祖方伯廷憲公讀穎考叔遺羹事廢書泣曰古人一羹不忘其親余有父失養不顧獨何心哉抑聞朱壽昌失母求之五十年竟獲廣不生空桑乃忘父母耶顧母氏無他兄弟侍養即納婦李入門七日決計出行纏擔簪誓周四方以冀必見次大梁得父於小密旅邸號泣抱持如得再生父摩其頭曰兒孱孱遠來良苦今與兒歸矣相依旬月戀戀顧慕

甲六

二十三

金陵叢書  
謝氏校印

如嬰兒信父已變前志願乃給廣往汴北取浮貲云同歸會伯龍起借兄祿自魯山來會因託二人代侍緣父惑彼道深得間即脫去滅跡矣比還躡躡幾絕莫知所適忽傳父在魯山即匍匐往尋弗得有郭駝氏者儒生也哀之因館穀為圖計諸儒生來唁盡憐愛之欲挽留就學取科第云爾父聞之必來廣以書復諸生其略曰舜不得親雖攝天子之位猶怨慕而懷憂若余則失其親矣乃欲務虛名沮實念是誠何心邪仕以求忠安有不孝而可為忠乎已矣吾求吾父矣辭旨懇款諸儒生不能強成歎曰孝子孝子聽其辭去歷陳蔡鄭衛之墟達於荆襄返於河上皇皇如追戚戚如喪舟涉陸跋非御酒食夜則稽顙北辰以控精懇凡諸寄宿之舍輒勸人

修孝弟行感動甚眾人亦每每導送窮索幽險渺不得彷彿

母在家病作族黨寓書召之歸歸乃持母泣曰天乎何置我於甕甕間邪人有極祿稱孤者毒矣我幸有父而不得見有列鼎調膳者福厚矣我徒有母而不得供菽水雖謂非子可也仰天大號聞者酸鼻既侍母疾愈聞武當有道人影響類其父即銜哀辭母以死為誓嚴戒步拜以往腰貨販賤營給口食至則非是又聞終南山中多學仙侶乃衝暑雨躡冰雪歷風濤崖磴之險深入窮探艱苦萬狀足痺且跛竟不得遇匍匐河汴又十餘年形羸髮禿悵悵待斃而已家又報母大病倉皇籲天挽輿兼程歸至家跪牀下泣曰兒罪當誅求父勿得復棄母養天地不復載矣於是躬奉湯藥衣不解帶唾

甲六

二十四

金陵叢書  
謝氏校印

涕必手承之踰三月而母安又數月乃復逡巡進曰兒初意父志神仙索居方外窮矣事久不可料嘗聞河埠館人云有徽商每二三年駕巨舶一至貨盡即去述其容貌行事儻而翁乎兒因置行篋在彼計今秋冬當來欲往候之天其或者遂此也母許之乃輿痺往候踰年又不至彷徨計無所出長號而歸母亦老且病矣日維率妻子竭力供養結樓日北望冀父來歸又以意繪像朝夕哀臨或夢挽父裾不能留則號哭達旦動至鷄鳴凡飲食及其所嗜輒投筋不食殆母氏以天年終乃具父衣冠招魂以窆焉哀慕之心至老不替也年六十有九忽疾作且起命製衣衾仍口占曰正氣還元造餘辜積厥躬一生行止定千載是非公遂卒卒後二十年其子



昨錄其孝德委悉成帙謁余爲之傳余讀之移晷乃盡訝焉  
踰年未敢捉筆問其鄉人曰信然乃作傳著其概論曰父母  
所由生也是謂之親生致其愛死致其哀豈待虛而能哉其  
或事變外注弊精殫力以濟所願固亦天性之自然非有加  
乎其外也唯夫世教衰替優鋤德色往往路人其親而後孝  
子得著其譽吁亦痛矣謝孝子之事間關險奧憂愁疾苦亦  
云窮矣而持念專篤至於蓋棺猶抱遺憾斯天性純良無慙  
於薄俗者乎其可謂篤行士矣

周汝衡小傳

周汝衡蘇人也上世善陰陽星麻之學國初徵隸欽天監遂  
徙家金陵又以醫行至汝衡資絕人見世工率習近世脈訣

甲六

二十五

金陵叢書  
蔣氏校印

方書諸雜家說不究本原即見病莫知從來一切揣度施治  
乃悉屏去取習書獨取內經本草難經等書徹晝夜讀務窮  
精奧初爲小兒醫輒有奇效聲稱欵然時有楊茂者學古大  
方脈醫羣工視爲迂怪皆笑之獨考功王欽佩與余等數人  
尊信之時時賴其效汝衡好其論議獨相與往來講究甚密  
益歷闔域由是吾黨並重汝衡後楊茂死南都病家獨爭迎  
汝衡凡汝衡至診病立方多與眾殊指諸富貴家所饋金錢  
恒倍宅工汝衡獨知斯道深永或失手則殺人重於用藥遇  
有故輒不赴人召及赴召或見病疑輒不投藥大率如介公  
所設意凡以重故諸人弗測所操或謂其難致汝衡終不言  
又善談名理及神仙幽怪家說每遇士大夫言即移日多失

諸富貴人召故所獲金錢反不逮宅工士大夫久益愈重汝  
衡余家人病無貴賤必迎汝衡汝衡無不至藥亦皆應手效  
余嘗問之曰若子於醫可謂入室矣乎汝衡曰噫嘻言過矣  
夫醫者聖人之學也非盛德莫能操其虛非明哲莫能通其  
說如鈐者尙未能幣藩籬安敢望堂階乎是故士有能知草  
木金石昆蟲之藥辨類審性析經致能弗乖其宜弗亂其忌  
是謂知物知物者巧士有能知人之疾病淫於四氣薄於五  
臟動於七情見外知內按微知巨占始知終執生知死由是  
以審施湯液醪醴鍼砭按摩之治是爲知證知證者工士有  
能知臟腑之所表裏經絡之所離會榮衛之所輔勝命脈之  
所消息選物設方制於未形體微發慮決於罔惑是謂知生

甲六

二十六

金陵叢書  
蔣氏校印

知生者聖士有能知天地之情陰陽之本變化之因死生之  
故立教布法使人專氣含精以握樞機汰穢葆貞以固根抵  
疾疢不作神乃自生是謂知化知化者神夫神聖者上智之  
能事未易冀及工巧之道術學之所造也醫不臻此不足以  
名業請借事實譬之是故不知藥之理盲投鉤試是將兵者  
使人以弓刺而引矛盾射也察病不定揣摩施治是相國者  
昧國所患而寬猛倒施也尙焉得爲將相乎哉此敗亂所以  
接迹於天下也銓爲此懼是以聞召如赴難臨病如對敵探  
七握勺兢兢如不得已心有所重也今怒者乃以慢詆安得  
戶說而家告乎已矣盡吾之心慎吾之術苟餽吾口而已請  
勿以醫名我可也東橋子斂衽謝曰仁哉汝衡知道之難而



不輕治人其所全活可勝量哉昔齊桓公欲相鮑叔牙叔牙曰如欲霸天下必管夷吾可相秦始皇欲以二十萬卒伐荆王翦曰非六十萬不可此真知將相之道者也故卒有功於人國汝衡之於醫殆類此夫余患世之人終不知汝衡爲作小傳

開封告山川社稷禱雨文

璘懈職鮮仁忝於命吏神鑒弗豫移罰我民東作告興雨澤弗降甫甦之厭復懼捐瘠璘食其力實深憂愧謹滌躬自薦願當明殫早濡甘澤以安庶人唯神聰明璘言不縷

祭大司馬靜庵胡公文

唯公廉厲端執不爲融通明白坦洞不爲隱匿秉節如嶽雖

甲六

二十七

金陵叢書  
蔣氏校印

危不歆嗜義如食雖老不怠故其歷官也剴繁劇其若割臨鄙夫而見化履外臺則逆夫寢謀立中朝則佞士卷舌所謂蹇蹇匪躬國而忘家者也璘嘗語人曰矯哉胡公若久處中臺必能使志士大行懦者有立久處邊圉必能使士馬精強中國安固古所稱社稷臣非其人乎嗚呼恬心易退率爾拂衣再召司馬遠巡弗就蒼生方憾其高臥梁木遂至於永壞抑獨何哉四海輿嗟曷其云已公之生也不以璘爲不肖南都被召俯焉下問許其契合及其沒也璘適造門甫聞疾作握手相顧遂成永訣璘何人斯而叨此宿誼於公側乎公殯無期璘去伊邇生芻白酒來瀉衷私公神洋洋冥漠如格

祭喬衡州文 喬瀟於院

屈原被讒懷沙楚湘太白沈憂汨沒佯狂猗我喬君身尊道昌事既弗類天胡見殃嗚呼喬君爲子則孝爲臣則良於民則柔於已則剛處濁弗玷玉則珪璋任事弗撓材則棟樑何壽乃不稱其善事有大戾其常天豈假君爲江湖之神化蛟龍之祥災厥海嶽以安四方不然則奇崛之氣文采之精震蕩勃鬱何所發揚也君有賢子善服義方君有賢配善事高堂勿憂垂白之失養而齟齬之皇皇也故人之義永乖隔矣幽明雖殊宛同此傷衷寄於言淚寄於觴精爽伊邇來格洋洋

祭王南原文

維年月日友人某敬具殺羞清酒頓首跪獻王母吳太安人

甲六

二十八

金陵叢書  
蔣氏校印

柩下乃獻於亡友太僕少卿南原王君與其配張安人之前再拜哭曰嗚呼痛哉茫茫天壤積此疚哀二世三德纍然並摧有孤焚焚乳孫去懷孰使慶門而罹百災嗚呼痛哉君秉茂質金純玉粹立德行仁始於孝弟耿介所操位賤身貴擢之匪光抑之匪墜厥考有烈克紹克類秉鈞敷化公望攸企卿階甫升遽爾顛蹶嗚呼痛哉嗟余小子謬曰同心葭以間玉材固匪任君弗鄙我契託彌深善必加勸過必加箴庶幾夙夜以奉德音居既比屋樂亦共襟孰有美酒不爾同斟君今已矣心蹟俱沈素車載發黃壤斯臨遺恨千古悠悠自今觴豆言別知君我款詞所難既尙鑒於陰

祭王履吉文



嗟嗟履吉粹德弘器孝友溫恭不習而利顏曰近仁黃曰化  
鄙學道夙成庶幾媲美嗟嗟履吉弱歲多文金聲玉色四國  
流聞鄉豈乏才鉅細有倫徐祝既喪今逮於君有識與歎謂  
大運存嗟嗟履吉竟失祿仕云何弗能屢黜於試譬之騁騶  
搏鼠非技顧此域中事亦多悖浮沈小物曾足齒嗟嗟履  
吉朋友之良文蔡丈行乃輸肺腸璘室則遠義猶一堂言誓  
白首今也則亡嗟嗟履吉慈父仁兄奄爾永棄孰侍孰從有  
孤濯濯誰撫於成莫仁匪天胡忌哲明化者長已尙恤其生  
嗟嗟履吉非子誰慟死生之情於斯爲重喪也莫奔歛也莫  
贈緘詞致哀空言誰控唯子神明鑒此潛痛

祭羅敬甫文

甲六

二十九

金陵叢書  
蔣氏校印

嗚呼敬甫憶與君別君病在寢遭罹大痛泣涕沾枕余撫君  
牀默焉中傷伶仃弱質豈勝百殃每逢黨里首訊必君往覲  
在都忽以哀聞嗚呼敬甫英年懋學如駿之駒騰踏雲漢河  
遠弗如人孰無終嗟君太早豈無駸愚唏然俱老薄俗寡義  
君敦孝友庭中雍雍世德彌厚雅道弗振君博前聞下搜碑  
史上括皇墳吾鄉晚後望君爲英君今已矣山川失靈緬念  
同心唯四三人愧君於余獨託懿親不鄙孱子委以令女固  
曰非偶骨肉實齒易簣之念屬予不忘聞言內隕益切慚惶  
君母吾母君子吾子親故之懷乃在生死

祭祖母太孺人文

正德五年九月七日璘在開封間大母太孺人陸訃至爲位

哭踊五內如割越十日遣吏人還致性體之奠乃泣血頓首  
稽首而致辭曰吁嗟乎天邪吁嗟乎大母撫我孫子恩何篤  
邪方其幼也見嬉則喜聞疾則悲日欲其笑不欲其啼其及  
長也士也恐荒商也恐蕩日撫而祝俾勿予喪鞠我哺我疾  
病藥我饑勞有容覘我恤我凡我孫子或在或天凡三四十  
人吾大母憂煎而及老也恩何篤耶璘自筮仕恒懼遠遣唯  
我大母亦遠之悲一載在朝請告而還三載在邑遷秩而南  
五載在舍既樂且耽孰曰無洒菽水其甘維夏告行載撫載  
憐云何在郡甫三月而以訃傳也天邪大母今永捐矣大恩  
恢恢報無緣矣何其痛邪吁嗟大母孝讓慈良根於秉彝閭  
里孩孺無不知也恭儉端肅爲家儀型內外女婦無不師也

甲六

三十一

金陵叢書  
蔣氏校印

今茲逝矣云誰不悲凡我子孫悲何如之林林孫子哭踊于  
堂璘獨何爲在天一方悠悠蒼天仰視維默瞻望於南我淚  
惟血遣使南行長跪陳辭大母慈我下鑒哀思

祭三叔母馮安人文

維嘉靖九載庚寅六月璘起家守藩甫三月耳家人匍匐來  
告叔母之喪心摧骨崩痛何可任唯我父叔之世早喪其季  
叔父以上疇焉俱存邇歲不造先慈見背今春降制奄及仲  
父胡忍復聞叔母之訃邪既哭虛位遂載牲帛遣吏歸奠乃  
申告曰唯吾叔有家造於崩析惟吾叔有子賢聞四方相之  
教之母德實厚貞慈惠柔崇其德也明斷詳則崇其言也端  
飭雅儉崇其容也組織縷製崇其工也鄉國成矜况我家族

倏爾永棄伊誰弗悲且我令弟有行如玉有文如錦方顯輒  
沮既困且災謂天道不謬吾不之信也哀哀叔母姑享此忱  
謹告

祭五妹文

唯我兄弟爾生最晚親心則憐有家獨遠良人少孤舊業日  
零爾善處命中壺唯甯克孝克順是日女德唯良弗慧時遺  
爾極扶輓西江翹首言旋天胡降割遽以訃傳嗚呼痛哉生  
也戚戚獨遠父母沒也焚燹復去鄉土人誰弗悲矧我同氣  
少者先凋痛裂五內遺奠致哀享爾牲醪竟爾有知慰此迢  
遙

祭亡妾文

甲六

三十一

金陵遺書  
蔣氏校印

昔甲子之歲五月廿二日予始納汝逮今丁卯之歲汝亦以  
是月是日棄予而死孰主張是而爲是可訝也數亦有心於  
其間哉生甫二十年爲婦甫三年來日悠悠汝去不享身無  
遺孩死不見母生人之悲莫毒於此嗚呼痛甚也已汝本燕  
女子本吳人相去數千里孰使之合又孰使之離也其數短  
遽若此曷不爲造物者不爲是離合而使予與汝無是長恨  
也幽者以爲戲明者以爲苦殆造物者之咎耶自汝從予而  
無嬉慢之過背無踰犯之請刺繡刻綴之業目覩手應予內  
多汝淑而不以言恐汝之驕而弗汝假也憐汝去父母兄弟  
寄身於予而弗汝厲使汝將予忠也是皆思終身之規而過  
計若此今也若漂萍落葉暫聚即散回念前事可勝悲邪汝

病向愈予念已釋在公匆匆忽爾告變維此大病實有幾微  
予不能早察而亟藥使汝竟死是予慢也痛何可言汝今合  
化歸真氣必有靈宜邪枉邪謂之何哉入室莫覩出野見楸  
壺漿豆饌來寫此哀

甲六

三十一

金陵遺書  
蔣氏校印



息園存彙文七雜文

約菴銘

正德庚辰之歲璘來京師太僕少卿周君見於舍曰吾竊幸乎子來吾方有解於中未以語人請質之子始吾論學恥弗博也故統覽聖經汎涉羣言多識廣思唯恐或漏作為文章既被雲漢囊山岳且而慊慊焉羞其鄙瑣今也多言而患支多誦而患馳苟有會焉兀兀終日而已始吾論才曰震奮為雄曠朗為特刺裁巨細弗見莽揉者斯天下之通才也古之人廣謀若平宏辨若誼吾甘執鞭其門今

甲六

金陵叢書  
蔣氏校印

也觀沈默淵密之士外木而中理動簡而節周有餘味矣服今吾取其素也味今吾取其薄也居室今吾取其適體也交際今吾取其不廢禮也推之百物靡不以約為尚乃築菴稱約志吾警焉豈釋故即新有游於道階乎抑氣衰志頹將薏薏自居齷齪以苟終乎物有自蔽道有自疑故目不覩而燭不輝跋明所弗逮也乃今願得承教於子於是璘乃正容起賀曰善哉先生之學乎所謂黜華撥實舍凡而執要者也案約之義為省為束為要均道本焉是故大饗之玄尊大路之素轡省也服之用大帶射之用拾束也稽數以籌張網以綱要也匪省則華華則濫質匪束則散散則淫志匪要則泛泛則墮功故君子之學省焉而後

質固束焉而後志莊要焉而後功篤三者既修聖人之道具矣然則先王之務約也又何以加諸璘不佞無以復高明願修銘於菴以相厥志乃銘曰

道本一原物始大朴維皇建則貴順惡鑿澆風既擅繁縟紛錯士尚淵荒靡所止託君子孔憂邇懷渾噩爰究道真統茲守約內存必專外動必確豈無多方匪我攸學

率性堂銘  
於維人心其靜曰性率厥善端動罔非正或誘於物乃淫於私以匡以直教訓是資維我民斯亦罔咸覺先民孔憂爰迪於學選秀肄業臨茲高明民之聽之絃誦洋洋維子允仁維臣允義慎厥大閑百善從類余罔有識言則聖謨有來斯觀

甲六

二

金陵叢書  
蔣氏校印

毋謂爾誣

育德亭銘

泉決於汗乃釋其蒙胡斯人斯抱閭以終

達池銘

有源乃來乃盈乃流君子學道胡不是求

省齋銘

人心難持譬彼奔馬銜鑿或弛幾敗乃駕持之維何反聽內觀善邪惡邪貴察其端孔曰慎獨湯曰檢身維聖斯惕矧余士人參也則魯道績厥躬考德絜義三省之功夢夢百為省則有覺持志弗遷立德乃恪靈府淵湧鬼神其森匪曰既聖孰敢從心



全懿堂銘

婦德莫大乎節從一守貞節之體也妻不貞於夫猶臣不忠於主是謂之悖其何語於懿乎安吉陳安人都氏年二十七喪其夫君備歷艱難執節以終斯無忝於妻矣矧其為女則孝為婦則敬為母則慈邵宗伯撰其墓誌乃言與行皆中閨之令式王國有典既表其節以風天下大夫耆老曰令人多善泯不盡彰鄉國之恥也又卽其堂顏曰全懿上昭備美下訓來世其子禮部郎中良謨聞人也事母稱孝圖闡先德乃謁姑蘇顧子請為之銘銘曰  
唯人秉靈性備五常婦德匪一承夫為綱烝醑既同爰矢生死罹變則他禽心是恥王澤斯微凱風興尤不有貞操內則

甲六

三

金陵叢書  
蔣氏校印

易修矯矯令人金玉其衷曰嬪君子夙履敬恭昊天弗慈猗闈中伐豈愛我生有孤子子弗膏弗沐辟繡夙夜教爾伊何云慰泉下困心瘁躬嗜茶如飴豈無逸豫懼墮天彝令人孔善爰始童孺以婦以母德罔弗舉天子錫命旣旌其節具美弗昭羣心則闈中堂言言標曰全懿匪以榮觀風教是暨孝子克念實永其思孫支繩繩視此銘詩  
左邱明像贊

序曰仲尼作春秋討亂賊以匹夫之賤執天下之刑何其峻哉非微文隱義不可以行世斯淵然奧深矣乃有左氏網羅史氏舊章而悉焉俾學者得所考見故曰邱明素臣也至其命辭爾雅建百代之則抑非偉丈夫然乎錫山二

泉宗伯相公嘗命燕杜堇氏繪春秋故事邱明列焉璘為之贊曰

周京東遷皇統乃閔不有素王三極奚列信典討罪春秋斯赫既明且立譬彼日月乃有作者潛精采擷比事析疑發凡啓格唯深唯幾罔不昭晰豁爾雲天作我羽翮文垂世模有永稱傑

中丞周約菴野服像贊

寵辱既捐故能泯於物我內宇既泰故能樂乎山林非夫達人太觀君子樂天其孰能與於此敬觀中丞約菴先生神氣克王風儀蕭散其所處於出處之間定矣乃為之贊曰

甲六

四

金陵叢書  
蔣氏校印

道勝乃肥神充故泰高視物表獨見其大手補袞闕身為國楨為而不恃孰知其成張弛維時一龍一蛇蓄畬樹藝施於有家溫國洛浹安石東山羣望孔棘我心寔閒  
少司空何公子元像贊

堂堂司空王國之望惟學淵微惟志忠亮弱冠登朝逮茲華艾審審匪躬靡勞弗瘁執鉞演講批政畢刊復爾郡邑反側以安歸貳銓府銜鑑斯朗拔幽揚陋四海均仰宗禮廷辯如鍾如砥豈不爾隨萬世攸視維象嚴恭瞻罔弗竦矧聆謠言胡不震恐貞臣在中社稷允賴我儀祝之億萬斯載  
又贊

中興之運南衡之靈生本神契德以道凝學標士則議正國



經侃侃良輔王室以帝

少司馬雪洲黃公贊

少司馬儀真黃公好古敦道百行咸輯至於表物範俗廉節尤厲當其總轄湖藩衣大布之衣飯脫粟之食及進尹留京晨興徒漱浹旬再肉士林苦其過峻公甘而行之兩陟臺省終始如一嗚呼士德淫於侈溢久矣公澡雪汗泥之中以白自見要欲有所風示烏可與封己厚享苟適其生者校其勞逸也哉清範如存九原弗作乃欲盛美贊而揚之曰

肅肅司馬秉德維清茹苦服介守白居貞儉以厲廉爰自簞仕豆羹或盈報顏興耻厚祿曰富吾履吾素崇階曰尊吾義

印六

五

金陵叢書  
蔣氏校印

是敦百用斯經羣吏斯飾我躬罔裕四方其式維昔阿衡一介弗取魯相子休園葵是去先民有則豈不爾希巍巍令譽千古同歸

大方伯平軒李公像贊

浙江左布政使平軒李公仕於憲孝武三宗之朝與其弟贈工部尚書舫齋公聯第甲科蜚聲郎署朝端謂之二鳳公溫文廣朗領袖縉紳後以直道迴翔方岳感事懸車正首林壑璘早奉周旋受教多矣既亡二十年嗣子原性乃以畫像示觀屬題頌語蓋併夫人韋氏共為一軸因敘淑德焉

方伯蔚興於明治朝金鏘玉朗冠彼郎曹二鳳接翼揚輝煙

霄乃遷方岳旬宣允勞公輔伊邇雅志難招一辭而退滅影林阜婉婉淑德內範齊標孝子繪像百祀其昭

教諭舒君朝舉像贊

坦坦心宇飲醕者慕謬言鋒逆耳者怒慕以徵道怒以徵操四海寥寥庶有同好

楊遠林像贊

莫撓者性莫競者心儀型孫子嘉遜山林玩世則奕陶情乃吟景福攸集洋洋德音

義夫馬仲叟贊

馬仲叟者姑蘇鐵瓶里人也質木沈毅有篤行君子之風於其伉儷貧不食盟喪不繼室從一而終若女子於丈夫

印六

六

金陵叢書  
蔣氏校印

然者斯亦人情所難矣或以禮規其過厚幾以其所易以便乎從薄者哉余從而贊之曰

桓桓馬叟執義維烈天降有貞俗染罔淫女也從人之死靡他士也二三揆衷則那瞻彼鴻雁不二其迷胡斯人斯乃弗爾伴有男翹翹有孫濟濟無乏我後奚亂我配先民有作曰

曾氏賢維叟懋德亶乎與肩

蓮華石贊

柳山徑旁數石有文如花大類組繡所為侍者曰此石蓮花不常有之有宜為祥因以名石併為之贊曰

湘祗秉靈擢秀於石鏤霞挾雲詭變呈質精映中彌暈結膚華服名垂休永禎邦家



政說

凡位皆為下也政也者效於其位者之事也弗戾乎下斯可  
以為善矣是故雨露下濟而萬物生霜雪下肅而萬物成天  
之政也匪時而動則憾之豈樂利惡害者固凡物之大情也  
邪政之所出詭道拂情民用不堪謂之虐政虐政之所號者  
災必逮夫身古之人求免夫虐政之號災身之由者無他焉  
積眾人之思以殉夫細民之情而已矣周禮內史外史御史  
之官掌四方之志以達於王小行人采詩四方以觀民風官  
師瞽御各執藝以諫士傳言庶人訪於市於時周公位冢宰  
勤吐握之節以延天下之士幽隱纖悉咸通於朝上無弊政  
下無窮民率是道也末世人賢其才弗顧其下而用言之道

甲六

七

金陵叢書  
蔣氏校印

廢用言之道廢而天下無刑措之治矣振廢倚強自持曰剛  
其弊也暴優柔撫懷自持曰仁其弊也廢勤事樂舉自持曰  
能其弊也亂疏幽抉隱自持曰明其弊也察沈潛玄默自持  
曰靜其弊也墮五者自賢而不用人者之過也欲善其位不  
亦難乎是故先王之政遠矣為政者誠使細民之情通於守  
令守令之謀信於岳牧侯伯岳牧侯伯之職辨于冢宰冢宰  
之慮盡於天子其庶乎言無弗庸而政之戾乎下者鮮矣然  
則其戾乎下者吾無惡夫人之自賢也已

讀書圖說

遼陽王生持杜董氏所繪孔子讀書圖請於予曰古者聖人  
立言以成書書自聖人有也然則孔子之所讀何書耶予對

曰六經是已孔子曰我非生而知之者好古敏而求之者也  
伯魚過庭教之學詩學禮晚年讀易至韋編三絕斯舊聞所  
記昭昭矣蓋易書詩禮樂之文伏羲堯舜禹湯文武周公所  
傳也是天地之藏也民物之則也孔子雖至聖安得不師之  
邪中古無百家雜說之言師舍是無以教弟子舍是無以學  
故業專而道明天下之治定獨慨夫今之學者與古異矣始  
非角為童儒未燭大義負其高明馳意於荒忽詭誕之技取  
莊騷揚雄氏之言而影響刻畫艱文奇字讀者不能句朋徒  
相與號之曰才舉六經之文以教之則曰是學究所習非所  
以為文然往往上第進身為時所華後生相師不悟其非而  
伏羲堯舜禹湯文武周公之道日晦故予嘗為之說曰六經

甲六

八

金陵叢書  
蔣氏校印

重則聖人之道尊而天下昌六經輕則聖人之道喪而天下  
亂惡師之不正也王生將求仕者也則習一家之言舉足以  
眩俗而干名如欲學聖人之道為孔子徒則不可不自六經  
始生之尊君長史公予同年有道之士也其過庭之教必正  
矣王生勉乎哉

靖江奉國將軍思聰字說

奉國將軍怡桂君乃輔國將軍止菴公仲子靖江莊簡王之  
孫高皇帝四世孫也賜諱曰規晤宗英之間字之曰思聰嘗  
介國賓楊仲佩以來屬璘說其義璘唯晤聽也耳之職也聽  
耳之德也聽不聰則失德失德則失職失職則謂之聾烏以  
耳為哉夫聽抑何以為聰也書曰聽德為聰傳曰耳不職德



義之言爲譬凡人靡不然而王公大人爲甚蓋王公大人位尊養備隱居深宮之中金石管絃之聲僕御嬪妾之言日接於耳易惑也苟非悅書詩親方正以自審於德義之經則雅鄭是非雜進交奪鮮有不亂於聽者亂則弊弗亂則聽其相去亦遠矣君其可以不思乎哉抑聞怡桂君家居孝友謹於嗜好而獨樂花卉泉石之事尤愛植桂故引以爲號城東有雉山作萬卉莊其中游衍嘯傲冀遠塵俗山有數巖而莫勝於虛谷故又號曰虛谷子由是觀之則君之審於德義久矣其進於聰也夫何遠之有故說之以爲成德之端

雲心子說

滁陽于大夫昔隱於瑯琊之山學伊呂卷舒之道見巖岫出

甲六

九

金陵叢書  
蔣氏校印

雲朝游廣宇夕宿幽渙合而兩離而霽燥溼幽顯之宜於是焉出殆有心乎爲之然倏忽無常有無化遷超虛軼靈以合諸太空卒莫知所以爲心也乃歎曰符我乎雲心請師之以代吾名且名於世客有聞而嘲者曰夫物有生而後有質有質而後有精有精而後有心有心而後百靈聚萬變生矣惟人爲最是以下至於跛行喙息竹翹蠕動之微苟有牝牡之合利害之慮舉可以言心至於雲則陰陽之蒸天地之氣也風嘯則行澤竭則止湊則異變滿則寢泯恍惚滅沒幾不可物而曰心哉心哉誣甚矣乎大夫割然笑曰吾嘗聞視短者不可與望莽蒼之色聽重者不可與議窈眇之音今客無乃似之乎心藏於身而弗達其情吾聞不至是也願爲客談夫

思發於心而思有爲思者私慮審於心而慮有爲慮者亂易曰天下何思何慮貴無心也矧出處之大致乎客徒知鳥獸之不可以無心而不知獸陷於罝鳥囚於囹魚槁於餌者皆心爲之賊也戚戚者憂憧憧者困甘丹穀之榮者貽鑽穴之羞奮旂常之約者陷赤族之悔此世所謂機心者云爾何足知雲心之義乎乃從而歌曰神哉斯雲任無成心舉之無上潛乎至深彌天廣嶂膚寸甘霖和兮表慶怒兮示禔符同玄造應合君臨所謂寂然不動感而遂通天下之故者斯君動靜之箴歟客聞而慙汗發浹背大夫乃用其道以游於世幾三十年而未嘗少墮信哉無心之用大矣

介立說

甲六

十

金陵叢書  
蔣氏校印

汝陽林子意古行潔特立遠視西望太行之支有山曰介立此吾志也蓋往居焉門弟子遂稱之曰介立先生或謂曰林子欲立乎請毋以介爲也介者辨也察於幾微校於毫釐之謂也介則審義審義則違眾違眾則顛仆之不暇何立之能希故太上不德伯陽上容務同其塵也獨不見堂階乎廉隅則先剗矣原憲餓於魯屈原逐於荆其何能潔且忠乎東橋子曰君子計其是非細人計其利害同擊而異響者殊器也同慮而異趨者殊道也林子之所謂立者豈通塞之間已乎夫立也者基於道定於志固於操敦於仁不隕穫於富貴不餒屈於貧賤不摧沮於死生夫然後謂之立矣其始本於介也不介則不審不審則趨於惡惡之所趨無所不至焉昔者



孔子攝相於魯尊位也膳肉不至微罪也孟子食萬鍾於齊厚祿也言之未行庸態也若可猶然次且俟之二子稅冕弛服決然去之而不可挽豈審始乎介固知終之必敝乎是以矩立於中正而不墮道抗於百世而不貶後世雖有穆生者烏得而議諸矧夫詩書所稱古之達者若伊尹之致三聘傅說之來夢求修於耕築者可知已豈阿世苟容強作之合而能致然乎君子內道而外物謀己而不謀人林子之立必非通塞之謂也他日林子聞之曰東橋子之言吾志也願書而懷之

靜樂說

或問天地善代萬物轉轉其趨動也人生而動五官百支與

甲六

十一

金陵叢書  
蔣氏校印

接俱闕弗能一息靜也樂安從生乃若司徒黃子自稱靜樂也何居東橋子曰噫非此之謂也人之生也有形有心形不能不動心固宜靜也子惡形動將無木石吾人也乎凡人之形動之地十有九靜之地十有一東方作矣萬物同與五官綦於聲色臭味也致欲四支綦於運動也尙用跡交情觸則機應而大馳不言而喻不勞而成所不動焉者唯須臾寐耳然魂夢所乘天飛而淵涉百勞爲之潛萃其果靜矣乎此皆天機之所必生人事之所必有不可除也案是求靜所謂訪禮於市索芳於鮑魚之肆也不亦遠乎抑有心焉天精所歸宰百體御萬物大小無量出入無時顯微無象烏乎動烏乎靜神乎神乎總兩端而握其機不可以物名也吾苟欲其靜

焉則定以止之虛以澄之大以居之明以通之使其沖夷澹漠與天游息五官四支各順其令好惡不凝於物憂喜不栖於情形靜固靜形動亦靜靜爲內主動無間入至樂於我乎備斯德全矣若夫形骸之末偶靜偶樂猶金貝暫寓於室而遽去也曷足以言有乎吾又聞黃子有江墅嘗往居焉則不聞朝市聲人故號之曰靜不知此乃吾所謂動之地也如吾之說則黃子之靜雖朝市恒在焉翌日黃子聞之謝曰善哉先生之說吾靜也其誰撓之哉願書以喻吾意

雜說五章

天下之道多術矣不究其說不可遽非之也不習其事不可遽易之也是故君子窮理而尙行則邪說亂行無自而入焉

甲六

十一

金陵叢書  
蔣氏校印

天下之無公好惡久矣非偏則私兩善異趨而惡其異兩善同蔽而樂其同是偏也君子之過也見人之善名相形而惡生焉知人之不善情相比而愛生焉是媚疾黨匿之私也小人之大惡也君子成過小人成惡欲天下國家之安且治得乎夫仁義必有令聞之施君子弗幾也小人則汲汲矣譬之朝植者夕過而望蔭顧其樹猶萎然則棄之矣或問富民曰節用問教民曰修身曰已乎曰未也已節而後禁無不止也已修而後令無不行也其法則周禮盡之矣善哉孟軻氏之告滕文公也其王道之綱乎顧子居湖南見山川之美仰而歎曰大哉天地乎人烏得而



盡之足跡有未逮耳目有未及遠以量天下者皆淺夫也始  
我之未至顧安知湘南之山川若是其美乎雖聞不信也然  
則吾之所未至者其美夥矣今夫天下之才以吾之鄉黨師  
友親戚見聞之間吾固知之矣然天下褻衣而趨吾不識其  
顏而不知其姓名者不知其幾千萬人安知人人不有過乎  
吾所交者蘊其中邪而今而後過三家之市而不知軾焉者  
譬之惡人其猶桀紂之愚也

天解

世儒多言天道吾惑焉昔者子貢曰夫子之言性與天道不  
可得而聞也夫子罕言天道世儒乃多言何哉或曰世衰教  
微愚不究理道一切僥倖於利害禍福之際儒者患之故言

申六

十三

金陵叢書  
蔣氏校印

天道以斷其疑止其欲使不至於猖狂無極也亦孰知愚者  
難悟併爲善之意亦復衰止乎故王莽曰天生德於予漢兵  
其如予何此說天者之害也愚謂天道之本質力功效因量  
召應者也言自然者亦近之主宰之謂帝賦與之謂命其定  
一也率其當然無所因就是之謂道適然而然莫之致而至  
是之謂數數也有道焉君子不謂數也馬必以乘牛必以耕  
刀必以割繩必以束舟必以浮車必以載克任則勝不克則  
敗此天道也其或有顛厥折絕覆溺之禍者皆數之適然非  
吾所能慮吾慮其克與不克焉爾顏淵之天盜跖之不誅失  
其常者也若天地之怪變然故儒者數稱焉弗可以自沮也  
書曰惠迪吉從逆凶易大傳曰積善之家必餘慶積不善

之家必餘殃此天道之本也文王係比之象曰原  
貞无咎此言自審有德乃免咎也周公係履上九爻  
履考祥其旋元吉此言自考無虧乃得元吉也此君  
之意也談道行義而欲外大禹文王周公孔子之教  
知之矣

月塢癡人解

永昌張伯子學道於太保之塢好月而忘世余聞之  
之邂逅於京師乃解之曰奚爲好月而忘世者乎請  
夫日月陰陽之精也行天而遞明月軌緩日不及日  
度有奇數視日離合而光虧盈焉一離一合時乃望  
一盈化乃晦明夫孰使然哉蓋日陽主動厥數有餘

甲六

十四

金

靜厥數不足有餘不足之數錯糅乎其間夫然後寒  
之變生而歲功成焉誠使月並日軌與天齊度則莫  
莫望莫朔而陰陽之數膠矣數膠則動靜息動靜息則  
幾燬乎今子之忘世靜也獨靜而廢動膠也故聖智  
君子之於道也虛則聚之實則宣之通則沛之塞則  
以崇德宣以効材沛以廣澤括以寶貞顯晦不執適  
而已是以龍蛇其生而曲士莫究其變謂之曰神故  
易施天地之宜動靜殊虛聖智之趣也今子誦說詩  
脫頤以貯之肺腸之奧亦既有年矣君弗得以爲丹  
得以爲雨露是爲簡冊與隸而徒以發憤於麋鹿也  
教果若是乎哉譬之好月卽晦索魄而不覩卽望之



謂盡月道乎伯子蹶然起曰昔者知月有明晦今而後知動靜猶是矣嘗見至人名余癡其殆謂此乎非子言吾幾於膠矣

道術辯

司封郎中顧子武祥出參東藩問於東橋子曰聞之通人曰吏道貴術圭也顯得無患於是乎東橋子曰夫道貫萬物正庶事者也吾子以守道聞久矣乃以術患何哉夫以道事君忠也術則競巧官以道接人禮也術則飾詔容以道御史信也術則紛紜言以道臨民仁也術則隱殺機道也者聖人之塗也術也者世俗之歧也吾子志聖學者而奚世俗之惑惑世俗者俗而已吾聞君子不汙於俗乃通於聖吾子以斯言

甲六

十五

金陵叢書  
蔣氏校印

爲然乎

雜辯三首

或問曰鬼神陰陽之氣也烏乎靈顧子曰氣之所聚精必歸焉精也者宰萬物而善應者也故山川土木風霆雨露之應通乎人道矣又問曰雖精亦氣也惡乎能靈曰人之生固二氣之聚也血肉凝而爲心淵然中處精者居焉故具取理而應萬事其神廣矣及其死也則精者散焉復爲槁木也已謂鬼神爲氣而非靈亦將謂人心爲血肉而非靈也可乎是故氣聚必有精精斯靈矣靈則無不宰也雖聖人復起不易吾言矣

世嘗指士大夫通塞曰命豈不信然哉抑予嘗爲知道者言

人生有命一通一塞是已若國家之興亡則一時人士所槩禍福焉不可以人人徵也漢高之興吹簫屠狗販綸之徒悉位卿相豈其五行皆當拔興之數哉故太史公曰高祖功臣之興時如此云蓋究此義也及其亡也黨錮之禍遍天下非必諸君亦會其凶度若是同也蓋國運繫之矣國之將興福逮乎天下焉國之將亡禍逮乎天下焉大舉小從天之道也譬之火炎都邑斯都邑災也而欲切切焉戶推其厄豈不泥甚矣哉聽者然吾言

甲六

十六

金陵叢書  
蔣氏校印

充棟梁備器用已矣顧安能使其枝葉扶疏而上出乎彼人者今亦槁木而已人固嚴之而謂其有靈者愚也或又曰禱而應何哉曰子不視其所託乎山川之靈是爲鬼神四海五嶽是已湘山之在南粵興雲雨蕃草木育禽獸百物成化萬民歸心化之所成是謂神靈心之所歸是謂感應彼託而居之其智固遠而南方之人無賢不肖曉曉然舉造化之情而歸之槁體豈非大惑矣乎今夫聚土木之像而禱祠應者精發乎其人也夫既有若湘山者雖無若人居之吾固知其靈矣又問曰其骸之不壞何也曰若今之皮革然率不信宿而壞者也苟法存而器藏可歷數十百歲無壞曰其始能自存之何也曰彼道也聖人所不語吾烏乎聞



野亭對

客有問於璘者曰人道之經有號有名名以制義號以別稱人各異趣貴當其情若太宰劉公託號野亭何名實之背馳而顯晦之逕庭乎夫大人之生應運輔世以德為根以行為植以言為華以功為寔名震四海而不為夸位列台輔而不為溢錦衣繡襦而不取於布被鳴鍾列鼎而不屑於葷食蓋澤在生民功在王室故皇天降之以命王者寵之以秩鬼神祐之以福百姓奉之以力若報施之宜然匪推讓之虛跡故大舜之受百官神禹之總百辟尙父之受玉璜周公之履赤鳥皆偃然安之矣若夫野云野云者乃江海閒游之地田畝鄙劣之習誠細民之攸行非大人之宜及是以相鼠之刺無

甲六

十七

金陵叢書  
蔣氏校印

禮虎韜之譏徒質有山然也公乃引以為號誠非某之所識璘聞而笑曰固哉子之見也語九垓八埏之廣者不可以示虻蚤述往古來今之運者不可以訓蟬蛻不通道德之源難以言大人之謀矣璘請放而言之可乎粵觀往紀乃帝乃皇混沌未鑿肇啓洪荒綴羽掩體茹毛質腸法令不設民罔弗臧視商周之際有若顛蒙而瀆靡者此代之野也九域之內疆分界畫乃有廣壤不置城郭草木蒼蘆田墾鉤絡質任自然匪以智作視市朝之間誠有若閒淡而寂寞者此地之野也四民居方則有農夫任力作勞食其公餘以薄為養惡衣敝廬不尚禮節終身晏如視冠裳之流有若樸質而駭愚者此人之野也在人又有厭棄詩書脫略儀章言出無文貌動

不揚應物舉事惟魯莫當蠢蠢碌碌不狷不狂若此者皆野之類也以客觀之太宰公睿哲通神明德行擬金玉謨謀動風雷節操凌霜露登金門入瑤室翼商周之聲靈履朝堂之邃密挾文史之精華標冠裳之軌則論思聖猷經綸皇極蓋三十餘年而未嘗承簿書法理之責非天下之至文孰能與於此如前所陳客固疑其不屑也客曰匪盡棄之固亦有焉禮失則求謀小則獲稽之往訓僅以時措若徒野而已矣無以文為則相鼠無禮子成徒韜也豈其然哉嗟乎執名而不詢義是童觀也論跡而不求心是瞽說也如客之言所謂知其一不知其二者也是故蒙莊戰國之散吏也憤世疾俗放言馳議至欲剖折斗衡滅棄禮樂以還華胥之城曹參炎漢

甲六

十八

金陵叢書  
蔣氏校印

之良相也尙清淨遵畫一答諍子狎醉人而欲一切罷其苛律彼皆厭文法之弊思大道之反發孤憤於羣迷負小善以爭遠其志猶若此况夫大雅齋沈人倫表異又豈無通變宜民之感乎客不見夫道德隱微百邪勃興刻畫虛器張皇不經智勝者富資重者榮農情其力士輕其名商濫其貨工淫其能上薄三光之明下汨萬物之情雖智者左扶而右持祗益其敗而莫救其傾也故太宰公崛起寰中高視物表慨采章之喪質憂江河之瀾倒乃浩然而歎曰使吾揖讓商周之庭手畫典章比跡姬召豈若渾渾默默與道為化而奉無懷大庭之神教乎使我被繡鳴玉出入象魏之闕足不踐土豈若仰奉茨室端侍土階而共天下脫奢泰之苦乎使我徵才



拔雋吐發英華以光大國家豈若孝弟力田各保其躬而令  
愚智不相加乎故曰麗物若偽醜器多半華璧易碎金鐵難  
陶言多方者中難處也動饒術者要難求也意昌博者情難  
足也性明察者下難事也通士以四奇高人必有四難之患  
故士不貳其主國不疑其臣上不有其法下不備其君吾將  
剗我文理黜吾聰明無將無迎履野爲庭無器無形守野爲  
城彼皎皎者晦冥冥者甯叫叫者默忽忽者貞合千古而比  
德舉四海而依仁從尼父之先進協文王之同人然後守吾  
之野反吾之亭問耒耜而教稼穡以相忘於大均此則太宰  
公之志璘之所嘗竊其毫分者也若夫安嬰之固仲山之勇  
周勃之強汲黯之戇又皆狹局淺中效野之紛紛者耳曾何

甲六

十九

金陵叢書  
蔣氏校印

足以擬倫哉客乃肅容正襟起而謝曰大哉野乎大人之能  
事畢矣微子之言幾於鄙倍矣夫

述卯素翁對

卯素翁居於國南之里德和而神康行年六十有嬰兒之色  
東橋子曰何居曰吾觀吾始生審天地之德究人物之初得  
所養身焉吾始生於二月其時仲春其位卯卯者冒也言萬  
物冒萌以生乃有質也有質無色之謂素列子曰太素質之  
始是也卯曰生生日質質曰素萌者化之達天地之德和焉  
素者質之本人物之初具焉德不和則性情乖初不具則道  
樸漓既乖且漓形乃用伐古之聖人愛利萬物含真抱一比  
於赤子遠此道也吾涉於世也因卯悟生因生悟質因質悟

素故吾將懼馳驚以浚吾生乎甯塞兌而沃淵將拓仁乎善  
親親而容厭將達施廣類肖於生生乎居善樂以兼濟將惡  
多文以飾僞乎恒汶汶汲汲以居將恬兮自愉汨兮自好乎  
深藏晦息而弗顯其色凡此者皆所以存吾素達吾卯也卯  
以生生爲德仁由以施素以寡用爲體義由以制仁義修而  
吾養具矣又孰知其他東橋子仰天而歎曰淵乎微哉叟之  
道乎蓋古之聖人長生久視之旨也何示人以非象之象而  
令里之老穉久眩瞽乎吾聞叟居家刻白兔而弄乃語人曰  
吾卯素若此誠有之乎公撫掌大笑曰先生謂吾兔幾若軒  
轅之龍虎莊生之鷗鵬乎殆非與蘇長公有言曰喻瞽人曰  
曰類而燭類而槩遂有扣槃捫燭之誤里人之言無乃近是

甲六

二十

金陵叢書  
蔣氏校印

與吾不敢以告先生東橋子唯唯而退遂述其說以喻諸里  
人翁姓馬名鑑字大昭善讀本草素難諸書蓋隱於醫者有  
二丈夫子曰應龍者深於易將文翁之素而達之生人者也  
君子謂之良子

荷峯公述

高安荷峯公以御史中丞節撫南畿踰年政成頌聲大作野  
史氏曰公之蒞政也精明果斷日照電擊植善如滋屏惡如  
削墨吏秕政濯櫛殆盡寬征膏費民忘凶年侃侃然以報天  
子安蒼生爲己任然中局洞如已事弗留故人安其嚴而懷  
其惠說者謂其嫺文襄儷三原才節乃交勝焉豈其然耳東  
橋子曰璘支離猷猷不敢與聞政人之績久矣若中丞公之



休懿日震耀於耳目其誰曰弗款謂休運瀄氣之所鍾固也  
又何必高安云乎詩曰維嶽降神生甫及申意其鄉必有高  
山大澤儲靈發祥以生斯人也何奇偉之特異乎野史氏曰  
旨哉子言信有徵乎高安之野有大山焉薩崇紆遠標南筠  
之雄鎮舊傳有靈僊集峰下池荷盡花遂名荷山公世家其  
阿族系繁衍詩書發解者相屬而甲第翹出自公始邑故多  
臺省華要階三品陟上卿亦自公始然則謂公非降神於茲  
山可乎不可乎故鄉閩學士稱公曰荷峯先生匪我誣也東  
橋子曰氣有感會瑞有徵符天地儲精陰陽成化山川孕靈  
乃發才傑一啓一承互體交變語曰沃土人肥丹穴人智此  
之謂歟璘未觀荷山之巨麗敢於公乎徵焉端凝敦大徵於

甲六

二十一

金陵叢書  
蔣氏校印

體峭厲峻截徵於節發育徵於用畜納徵於量變化徵於政  
華綉徵於文是公於荷山驅其巍然者而表之四方也詩曰  
節彼南山維石巖巖謹端拜於階城之下野史氏曰辯哉說  
盡於是矣請錄爲荷峯公述附之郡乘

東岡問

東岡先生流觀東海息駕赤城之澨姑蘇顧璘執簪館下有  
問進曰先生所稱東岡子者其義可得而聞歟意者先生高  
剛卓犖塵穢斯世且將陟蓬萊之椒躡扶桑之丘以放意至  
人之道而爲是遠舉也抑亦登泰山臨日觀視日月所出以  
窺造化之根莖者乎非先生異人不足以應是號也先生笑  
曰烏有是哉直卑卑耳吾高密之東有岡隆然其下沃野可

田先司馬公誅茅爲廬種樹爲藪思以樂志而息躬卒乃藏  
焉子孫保之若社吾乘軒出入者三十年夢寐以之蒙以爲  
號存吾常也如子言豈不大有徑庭也乎璘曰噫嘻吾聞大  
人龍變曲士守邱稽古才士被褐衣而懷天下居窮巷而志  
萬里標勝列奇自干青雲者指不勝屈實亦微渺非倫也豈  
若先生之才爲世雄乎爰自弱冠起家翱翔省署軒翥藩臬  
恒駕人上既陟中樞而復遭迴外臺者適也天下汲汲然與  
霖雨之望乃若器遠而言近光崇而處卑豈欺我與先生曰  
異乎吾所聞君子視不下帶而道存思不出位而業成所以  
貴近也士有放心狂馳者謂之夸節故終身蕩然不知其所  
歸昔伊尹之志不越莘野傳說之志不越巖下雖阿衡左右

白六

二十一

金陵叢書  
蔣氏校印

之勳光昭異裔夫豈介乎二子之衷哉子初言若誕誕則荒  
志再言若矜矜則喪節皆非進退之義也吾進而行焉望吾  
東岡其思也依依退而藏焉處吾東岡其樂也洩洩非東岡  
不知所託也幸無以易吾志璘於是再拜唯唯而退  
定成一篇贈何司空

夫學博斯精精斯明明斯定唯定也故獨立而不懼功大而  
不疑何謂博廣覽羣義參伍異同總其端也何謂精窮神研  
幾靡微弗析辨其介也何謂明中清虛察物至斯照通其用  
也何謂定舉之無大履之無危成其業也定也者萬事之幹  
其大人君子所自樹者乎是故伊尹建桐宮之議周公執管  
蔡之伐非有已事鑒也苟置小疑於上下昆弟之間其何勝



於流言乎夫小夫不可以大受其虛搖也枉士不可以直道其心蔽也故木搖者風拔之矣目蔽者足縮縮矣內不先定奚望其外乎是故砥柱當大河之衝深抵乎九淵大蟠乎孟津狀流下激洪濤上蕩貫萬古而無損於毫末者豈藉異物相維持哉有諸已而已矣故天下之務非定不立凡順瞻攜貳首鼠兩端者烏可以臨利害決死生哉璘觀少司空燕泉何公之道其定成者夫公之業在四方簡策不可勝書請論其大者若繼統議復永昌郡討十八寨之寇三事是已夫尊親之禮苟隆宗廟不知其他也疆場之事苟利社稷不知其他也事孰非臣哉而或有不然而者其故有十寡聞者固自任者偏沮難者怯循故者苟揣主志而曲承者佞射利而自封

甲六

二十三

金陵叢書  
蔣氏校印

者汗知之不爲者罔爲之不力者偷專顧己之利鈍不恤君國者奸蔑視民艱厚養以安樂者忍此十者國之癰疽毒必潰其原生於不明不明由不精不精由不博故曰知者不惑勇者不懼噫噫何公其知勇大矣知宗禮有大防何憚乎主威知邊圉有隱福何安平故常知國梗宜亟拔何恤乎師旅夫苟以死生爲患若者孰知夫道之不可違也夫苟以利害爲校若者孰知夫君之不可負也由此言之非道非君厥志不存如其道也如其君也白刃可蹈而況於禍患乎詩曰我心匪石不可轉也我心匪席不可卷也斯何公之謂矣  
視度一篇壽周中丞  
璘聞先驗封公之教曰相樹視土相人視度度者受物之量

也大度則大受小度則小受豈難名位是徵雖福德壽考罔不於是焉繫璘持是以觀鄉國四方人士十不失二三也今中丞約菴周先生其最明著者方璘爲吏部郎始識先生於今司空劉公元瑞坐許時賓客盛集約庵方爲鄉進士禮恭氣閒談古今論經史如發囊啓匱釋釋不絕略無幾微見於窮達之際璘心偉之未幾舉進士給事諫垣論議天下大事洞見條緒舉賢擊佞一以國家爲心不置好惡然慷慨自牧恒若不勝其憂畏者此其心豈有眩豔於其職哉拜太僕少卿太僕馬政猥冗劾裁勤輯弗厭其劇進僉都御史初撫延綏再移宣府皆今邊陲難居地也禦外安內舉偏振衰二方戴如父母以讒去位人之望之者唯曰不置先生乃忻忻然

甲六

二十四

金陵叢書  
蔣氏校印

歸臥毗陵若將終身焉爾夫士居窮率餒縮及踐華要則聲張自多其仕宦每不樂冗瑣或功大而抑又快悞不堪處此皆度有所不足故也先生被褐而秦履顯而夷理莽而敏居難而振及其違也則由由于于不知其去來此其廣心浩蕩烏可以時俗窺測哉璘不知先公之言何從授管比量事理見其不可易者如此往居湘源視湘水出與安容杯耳至全永則勝舸矣衡潭之舟乃可千斛由洞庭而下雖艤一羽也豈非水愈大而所受者愈重乎他日又至台而觀於海凡涯涘之艇皆前艤類也巨舶自遠至則歸然如山其舵非百夫莫持夫人之度苟海也其所受豈可以稽數乎若先生名位福德壽考之數璘不得量其後也一日舉是說告諸親



戚子弟之秀陳生時億起而請曰公所視於吾舅者誠然也  
吾舅今年壽六十億將往稱觴焉而不得其辭願揭於軸以  
喻夫來賀者

重刊湘山事狀引

宋進士蔣擢撰湘山事狀十二卷載寂照法師顛末甚備蔣  
君儒者何慕爲此邪蓋法師事世俗所傳多不類人用益惑  
必有紀者乃可論其有無非直爲彼道資也板久壞郡人重  
刻於寺余過而見之因題此爲觀者告

附驥集引

璘守湘源既二年索居無徒舊學日墜徒惴惴耳乙亥冬大  
司馬涇川相公致政來歸不謂璘爲不肖弘之大雅翦其荆

印六

二十五

金陵叢書  
蔣氏校印

棘示以周行雖驚蹇局促莫企高步庶幾知所鞭策乎太史  
公曰蒼蠅附驥尾一日而行千里貴有依也璘所得與公偕  
和者何以異此既彙爲集遂名附驥云

桃源書屋引

桃源秦人避世地也方暴兵橫鬪亦莫至其處靜可知矣台  
郡治負大固山而司法之第九遠齋閣深窈不聞市聲林巖  
霏靄且暮在戶故昔人號曰小桃源余生侍尊翁司法君來  
讀書其中因以名屋樂境之靜也生方英年吾常憂其惡靜  
而好動乃今寓志如此可謂知矣武侯曰非甯靜無以致遠  
言心靜非言境也生知境之靜則心之靜不遠矣嗚呼境靜  
者兵莫戕心靜者欲莫亂然嗜欲之害甚於兵也生毋易哉

喬衡州哀辭引

邇時四方多故百姓迫饑寒多起爲盜削刈數年乃已朝廷  
營內殿括用諸道取材楚蜀事亦甚鉅天子思得賢人居郡  
縣以寬舒其民故於賜賚拔擢之命往往崇厚不甚惜嗚呼  
賢者當此時宜有以自效垂功名於後世矣夫何俗習恬愉  
惰棄民事甚者豐已瘠下仇視所部如璘輩則又選悞弗振  
無益利害馳虛心耳才難不其然乎若吾衡州喬君真可謂  
之賢者矣衡州去吾全五百里璘又與喬君相善知其政特  
詳君平易近民在郡五年興廢舉墜吏無所干民無所議大  
略與漢黃霸治潁州事相類至於暇日焚香閉閣與諸生談  
經賦詩則又有韋應物之風霸所不及也嗚呼真賢者哉今

印六

二十六

金陵叢書  
蔣氏校印

年三月以書抵全云報最吏部璘喜躍者累日謂君之賢乎  
於上下必且引擢卿相如漢故事以大厥施於天下也既而  
其子棟乃以訃來謂君以四月十八日道卒舒州且遭水厄  
焉於乎天豈不欲斯人被仁厚之澤耶何奪吾喬君之速也  
既痛哭乃爲文寄奠以寫余哀後思所以永君者不得作哀  
辭二章以代執紼併書此爲引俾凡知喬君者咸致哀焉於  
乎豈徒哀喬君實哀衡民且哀天下也

李別駕東征八詠引

儒者以詩書發跡居常治理建議恒出所素蓄易耳若夫  
軍旅金革之事未之多學則宜有所誦此固武人所常嘗笑  
也今觀李侯濟之從王中丞討甯藩事何其雄偉不常而又

武人萬萬所不及何哉蓋君子之學無所不該其於兵家者  
流所謂六韜八陣權宜孫武之書固常誦說其文而槩之乎  
心不幸有事主之以忠義發之以智勇以身先歛何兵不强  
以順制逆何敵不克又奚小醜之足云云乎乃知不經事變  
誠不知儒者果足濟用而開忠義於大閑者雖習兵無益也  
嘗聞少司馬王公薦李侯等疏曰義重勤王引兵策應心堅  
討賊誓死効勞可謂得功業之本矣書爲東征八詠引



息園存案文八書啓

謝劉少傅書

璜不敏辱守大邦貽害民社不能早自引退以謝神人乃又悖味自好不達時宜竟致禍辱此天降罰非若等所能爲也日月鑒臨實無怨悔行時蒙教言勉以大義鄙人綿力兢兢自誓幸保不墜往復更無及此論者益仰大君子涵養之力到家事定兒輩又言門下隨有十金之饒厚惟妻子汗背驚骨無所措躬唯不肖從役本郡三年於茲未嘗有毫髮禮遺奉報僕御乃今奪聖主養老之惠及於僂人施報不類何能

和六

金陵叢書  
顧氏校印

爲心編維前事已往不足更言初欲極陳底裏申閭閻之痛明冠紳之節繼念上無相知之人相與暴白徒怨結禍深孤立無與老親在堂憂鬱可懼遂隱忍就竄甘爲兒女子之行甚可醜也恐高明未悉輒復觀樓惶惶愧愧向所委九老圖無恙然不甚佳欲更尋一圖題詩寄奉不敢久負也去路日遠書問難數通北望涕淚無已離汴時聞台候遠和知是舊恙會當平復矣參奉無期伏乞慎起居善藥食自愛

啓楊籛翁

伏承遜避大位堅閉戶鑿坯之節天下增仰我公赴邊日璜嘗獻書有功成身退之議其時主上止以邊事見召故爲公深計亦唯始終使命而已今聞主上虛端授之位傾心見託

側席以待此又一時也且朝著之間情志乖隔士夫隱憂如膏蘊火此非有耆德重望者主張消弭於上後事固未可知我公素任天下之重固當捐已奉命就弘濟之大業奈何謙謙凝滯與一節之士論尺寸邪可以仕則仕可以止則止孔子不過若此璜恐天下望治者遺咎前啓輒盡鄙言公幸勿以爲佞侍老母疾不能多文然語亦止此伏冀早決行計天下幸甚

啓張司馬

近者家父書至云門下眷念渥厚至不能承使不肖感激不覺泣下也不肖愚陋觸法投萬里之外弃捐菽水甚非父母老年所堪故去秋家父病疽亦緣憂鬱所生比來親戚故人

甲六

二

金陵叢書  
顧氏校印

見璜久棄顧視老親多不逮舊此人情之常不足云及祇恐老人覺之損其歡趣門下乃獨施恩於涸轍寒灰之中其大人盛德也又聞門下威德大著京師內外望旌旄之出莫不動色相喜所謂走卒知司馬也仰戴仰戴不知高明何汲汲以辭榮謝累爲念至上十餘疏不已璜竊惑焉璜都人也自少聞三原王公參留務時閭巷小人日談其德如稗官野史稱說古人之事琅琅可聽於時不知世事不能追求其故自有知識以來歷見名公居此或乏此聲按求其因蓋緣王公加志小民苟有惠利雖取謗觸怒亦所必行故人樂稱之今傳聞相公之跡絕類王公惜在遠地未悉施爲之詳耳然璜向在閩里頗知鄉人所苦諸事大抵軍苦占役納錢及做工



之弊民苦內府供億及句補班匠班錢商賈苦工部陪納之  
流滯凡此必皆相公所已擘畫今諸人喜頌由起者也冒昧  
具上用備採擇漢人云河南帝城多近臣故不可問宋以開  
封爲京兆多假重臣守之故包孝肅公著聲亦以權貴歛手  
爲政本今應天卽漢河南宋開封也京兆權輕往昔放假鎮  
於大司馬唯相公耆德重望天子眷注既如此軍民仰戴又  
如彼凡百舉動少爲留意則祖宗恩德可長存於根本之地  
宗社幸甚斯民幸甚正不必辭榮爲潔解累爲安也冒瀆死  
罪

啓白巖太宰書

先民有言大臣以人事君言天下至大任天下之責至重非

甲六

三

金陵書畫社印

一人所能獨理故君望之我而我望之天下之賢皆所以承  
天意爲生民非可以私意於其間也古者四岳僉薦禹益夔  
龍讓拜於庭其來久矣春秋晉祁奚舉賢內不避親外不避  
仇君子與之其他不可勝道也後世用人專責之宰相國家  
則專付之冢宰蓋其職也璘不悉當代之故其於賢冢宰姓  
名不能盡知所知者若西蜀寇公義河間王公翔濟南尹公  
身三原王公恕與吾鄉倪公岳皆執公方之節懸明睿之照  
有道之士所共推服璘竊謂冢宰用天下之才必協天下之  
論而後足以服天下之心斯天下之善名歸之矣然天下之  
論不齊至於有道者乃定最下者取合小人其上兩端又其  
上取悅豪傑最上乃求合有道之士蓋有道者非求而合之

道同則無不合也唯公以開世之器收海內之望非一日矣  
自璘居門下非不久且密矣未嘗見公有惰慢之容毀譽之  
言端嚴博博如嶽之重如海之涵濶尹二王璘不得而知之  
若倪公則嘗奉以周旋公寔類之也茲當新主御極適有數  
客會於璘所咸舉手相賀謂皇天篤眷社稷誠得某公遷居  
某位某公起居某職則天下之勢一變可復祖宗之盛再變  
可追唐虞三代皆無難者烏乎公負天下之望如此璘安得  
不爲公賀不爲公懼又敢不爲公告哉緬思孝廟之世與邵  
二泉儲柴墟王虎谷諸公並起一時皆公輔之器今數公或  
已老病或先下世唯公歸然當軸任國家蒼龍股肱之寄方  
當羣凶用事之秋公獨留守南京養高全晦脫然不爲所染

目六

四

金陵書畫社印

豈偶然哉璘唯上天之厚國家與公之答天意壽國脈者皆  
莫大於人才雖公所蘊萬萬高出璘等璘之拳拳効忠者固  
不敢舍此他言也蓋羣才既叙則百政自熙事事而理者非  
大臣責也宋陳同父曰有察舉而後有銓選有銓選而後有  
資格其意蓋謂世道既降大公爲私一切任法猶爲可行此  
亦有激云然璘謂行資格而不失銓選行銓選而不失察舉  
行察舉而不失鄉舉里選僉薦拜讓之遺意然後稱有道之  
舉動而不謬天下之公論也天生才局品類自別代天命德  
烏可混施國家五爵九級之階配之人品或乃宜然殆類天  
設然則後魏中正九品之法固不可著之曹例獨不可存之  
心鑒乎山濤甄別人倫載之啓事千載以爲美談何後世之



不可行也凡言不可行者皆私耳豈有上承天意下受國託近繫公議遠垂令名而可以毫髮私意干之者乎唯門下自通籍以後居銓曹逾二十年凡今之公卿岳牧皆嘗揣摩而度量之熟矣取諸胸中若分五色辨四方雖百舉無一失此天下所以未事而先賀也璘恒常於公止以文藝小技進瀆不敢言及茲事謂公未履此位恐以爲諛及今迫然至矣一旦命下禮遂懸隔又不敢冒以此言進有懷不吐非所以爲忠也展轉旬月甯坐近諛之嫌而不敢取不忠之罪唯冀照察幸甚舊著治原一篇謹錄併獻暑甚勒狀不莊又恐公旦夕北上不及奉覽潦草殊甚無任惶悚戰慄之至

啓敬所蔣少宰書

甲六

金陵叢書  
蔣氏校印

先民有言太上立德其次立功其次立言君子之道信無踰此三者矣五帝之臣渾然同化三王之臣除亂致治故當時蒙澤後世稱聖蔑以加矣春秋而下賢人君子不能以無爲爲德又不能有爲以樹功於是引先生之道而推己所志載之空言以垂後世若孔子孟軻以至揚雄王通之徒皆是也言雖有鉅細醜駁之殊其心一也孔子曰吾志在春秋桓譚謂嚴尤曰揚雄之書必傳顧君與譚不及見也王通亦曰帝制絕元經興斯一聖二賢之心略可見已唐宋以來韓愈柳宗元歐陽修蘇軾之屬抱道游世或竄逐囚錮不究其志各發其文章斐然成家固已下立言一等矣然亦傳之至今不朽由是觀之君子之道不在彼則在此章章明矣璘少舉進

士得從先生長者游聞先王之緒論竊亦有志於當世之務於今蓋二十年矣三爲郡縣之吏力不逮志徒勞無益恥飾廚傳以稱過客而不能奮然遠於俗態閔轉死之民思以仁之而不能釋鞭箠征科之格食人之食厚遺其憂不辭其名而悉去其實故刑禍流竄皆天之所以降罰也雖去更效一官亦若是止耳是天之降才本殊也今已曠父母之養捐子女之愛斃榮一方弔影而處此固非得行其道者也程量所有其賦命厚薄亦審矣其不可與於功德亦明矣傳不云乎俟河之清人壽幾何幸今齒髮未墮耳目之聰明猶可肄講習若碌碌待老曷若退而深藏從東南隱君學士考三代兩漢之書以上窮堯舜禹湯文武周公孔子之道學爲文辭得

甲六

金陵叢書  
蔣氏校印

少比揚雄以下諸君子之下列生無忝於父母死不與草木同盡不猶愈於已乎唯門下愛璘過甚卽魑魅之齒奪而置之衽席之上是不忍璘之身遽滅歿也而況於其心乎而况於其道乎顏淵曰子在回何敢死夫子之身固門人小子之所依也璘之視門下蓋若此昔者房玄齡問立功立言文中告之以量力夫力者才之限也時與位亦存焉量其固陋策以終始在門下察之而已近所作雜文數首方有事期會不得繕寫謹上古詩十四篇呈覽可進與否幸賜教誨願次第以上期有需益乃已死罪死罪頓首頓首

啓見素林公

璘自髫年聞公姓名若與司馬溫國范文正齊等及長始知



爲今人奔走宦途幾三十年道路遠左不獲一拜階下承奉  
教諭長恐濫先朝露使後來者追笑無窮去歲修學之役本  
有司賤分林學職不量彼已輒以上干尊重不意謙光逮下  
竟拾微名置諸不朽之後觀還始克觀之喜懼累日每過石  
下流汗浹背古人云伯樂一顧價重十倍此豈特一顧已哉  
感激誠不能已已張教諭去便謹狀具謝伏唯照察  
啓見素公

伏承台候萬福聖眷殷注天下幸甚頃者參從過杭璘適從  
驅馳之役不得伏候起居死罪死罪以平生瞻依之勤願不  
使一望眉宇此天靳薄劣也敢不省惕荷留書爲念抑豈晚  
後所堪惟深感激耳臺府清肅久不敢冒進箋謝諒蒙照原

甲六

七

金陵叢書  
蔣氏校印

恭審道施治朝近論內豎乞匠之疏凜然大防何啻萬鈞九  
鼎之重誠使前時之事思患預防有公如此何至泛濫莫救  
乃知公居林下若許其久皆皇天眷祐宗社之厚意也悚畏  
悚畏璘方主上御極之初竊不自揣亦嘗擬著一疏意謂朝  
廷莫大於體統天下莫大於風俗體統者大臣之責在廟堂  
必有至計不宜小臣輕言故專論風俗一事繼見言議紛然  
恐有干名之嫌遂爾中止心寔耿耿茲敢竊錄原稿布露左  
右儻少裨坐論緒餘系納注錯非獨末學之幸而已僭妄死  
罪去歲張學職附下手翰不久始得展誦所諭夏銀臺篤行  
鄉評皆然疏漏之罪獲奉指教祇服無已  
啓幸庵彭公

自公之西天下之人莫不惋歎而翹望者至若受知抱德之  
徒則又倍萬其情亦非有所私也近日獲見所寄葉侍御一  
之萬里神交卷其於兩河往年之恩戚戚動念一誦一泣嗟  
何以堪乃知大君子推心汲引往往如此真秦誓所謂休休  
有容者也師仰何已伏惟聖君更化天意將興太平必先召  
公天下所望必有以相副公之所自許必有以比德伊傅使  
後學小生知賢聖由人不多讓往古也無任馳戀之至

啓彭宮保

甲六

八

金陵叢書  
蔣氏校印

醒齷尾瑣之流奔走厮役之吏不啻蠕動小蟲何足動視若  
璘等亦惴惴奉職祈得免罪謝謹足矣抑何敢望階城之未  
光乎唯執事海納日照纖細不棄視璘孱懦尸位不以爲不  
才捍禦無效不以爲不武飲至之日達於聖明薦於冢宰謂  
璘可任於時璘方獲大罪拘圜扉之中故舊親知莫肯相依  
恐禍之速及獨門下昌言如此使垂淵之命增九鼎大呂之  
重非唯得緩刑殛又得一命於善地父兄妻子之感雖九死  
不忘豈能報之直銜之耳四月已抵家得見父母南風方作  
未得赴任俟秋後乃可得行西望勤拳之際聞余錦衣有南  
使之便少布區區伏維照察側聞蜀寇之平又在旦夕益仰  
大賢之才歷試至難無不底績他日國家大事大疑係屬天



人之意固已定於是矣欽慕無已五溪淫熱軍務多勞伏唯  
爲天下珍愛幸甚幸甚

啓孫九峯公書

伏惟我公還朝社稷幸甚夫司徒大位非惟均節國用省薄  
民賦以惠澤天下其豐儉貞表之則匡輔君德尤爲切至方  
龍飛之始海內望公不在冢宰則在此位既見邸傳莫不舉  
手相賀蓋純德篤行聖主簡在特深以之效忠視諸公固易  
爲績非佞非佞前後勤學二疏師保大忠無踰於此孟子曰  
人不足與適也政不足間也唯大人爲能格君心之非格心  
之要務學爲急道明德立何治不成是以末學下吏益用尊  
仰新政方肅不敢瀆上牋敬延後至今實非門下之體伏乞

甲六

九

金陵叢書  
蔣氏校印

垂鑒惻素不加重罪幸甚幸甚

與左憲王子衡

國家之有憲臺猶天之有雷霆無則不震人身之有筋骨無  
則不强其政則舊典與今令甲具之無俟言者然自開國逮  
今先臣善是職者亦僅僅數公豈不至難稱哉近者主上以  
此職召公士無賢不肖莫不踴躍意謂貞度肅僚云者公素  
具而優爲之天下當一大振誠是也璘於其間獨爲公憂而  
於國家之憂又有大者公此行有三難臺政不與焉主上神  
聖剛健萬幾咸自宸斷然小愆機宜臣下莫敢言公不格而  
正之則職有所闕天下安危繫在二三執政協恭和衷尙虛  
罔濟今聞之道路矛盾時有公不孚而調之則勢有所沮御

史執法也一不由禮則法隨以墮今俗陋甚矣持矜亢煩苛  
爲憲體上報復誣訐爲風力侵冗難細瑣爲才幹不知自誰  
作始而沿習膠固莫覺其非雖總紀居上一不相容則眾怒

羣攻必解其柄而後已是誠何道哉公不率而革之則體有  
所妨此三難在公者可盡在人者不可必璘以爲公憂也度  
公之心必曰吾知以道事君不可則止而已持是說也使三  
者有一不達皆道之不行矣公投劾而出納履而歸夫何難  
哉璘所以爲國家大憂者正在於此夫國家凡用幾十都憲  
而始得公天下有志紀綱者從來凡若干人而公始得此位  
上下凡若干年而今始遇大聖人出幾會之難千古一遇若  
乃易易棄之豈可復得以此思憂其大可知韓愈氏曰聖人

甲六

金陵叢書  
蔣氏校印

畏天命悲人窮乃知道之言非好仕也靜言念之其輕重難  
易之分誠宜苦心極慮反覆思維以求必得其當而後可如  
昔者久庵所論納牖遇巷之說真格君輔世之機行道立業  
之本不可但以枉尺直尋爲喻而直拒之也璘非爲諛者世  
俗之事唯恐其不直公之事惟恐其不婉誠爲斯道與國家  
計也唯熟冀而深存之幸甚幸甚

復浚川司馬公

辱示詩文百廿二篇皆庚寅一年所作何其多邪公至南都  
舉十數大政宏規既張積弊悉剗皆前十餘公所不能足矣  
乃出緒餘又及此事並臻精到豈徒多爲也願仰頌仰詩文  
綽有定力在士林亦自有定價朋友之誼不貴相諛姑未贊



叙所論名理諸文脫落拘攣之見獨往獨來蓋秦漢以前作始立言之學非近世學究沿襲誦記之習也璘也淺陋不足與聞今既承命矣勉復數語以佐商榷是亦請益之願若曰麗澤相滋則何敢附大方爾

啓浚川

公台鼎燮理之器暫局今任此天遺留都軍民之福甚幸然以職在本兵二年以來爬梳洗滌軍衛遂獲安枕若謂有司事體稍遠遲遲未議故疲民闕然興望緣公所任即古分陝留後之責保釐之惠何限軍民本朝此任初但推六卿有望者相授故廣宗崔公恭以太宰參贊後因軍衛之事多涉兵部遂專用司馬非謂民事本不相關也三原王公恕無事不

甲六

十一

金陵叢書  
蔣氏校印

統無弊不言至今京民有俎豆之願厥後諸公漸失本務可惜耳惟青谿倪公岳於朔望議事之際嘗受諸司懇詞送查或各行處報一時爲之翕然公遠繼周召近邁王倪當勵精之朝視極敝之會安忍惜舉手之勞而不活垂死之甌乎禹稷視民飢溺咸若由己伊尹以一夫不獲爲己之辜蓋知天之所任在我故不得受其責今天既以留都之民任之公矣又安得辭其責乎前承面教仰見體國之忠保民之懇輒敢以鄉民所疏者投上伏冀采察近聞當官者苟以報府數目上塞尊指蓋恐府縣嘆罪此又蒙蔽之害與不究何異若乘其來愬即委人押取見年使用底籍一檢則某事所費幾何某物所值幾何具得事實然後利害可明興革可議矣昧畝

病夫誠哀鄉鄰之困上裨清聽不知避忌萬萬隱秘弗令知自璘出爲惠尤大也

啓嚴介溪侍郎

屬吏至獲奉手誨溫慰教導感激爲深若望璘以舉兩浙之政則今衰矣無能爲也初念君相遠照拔璘廢退之中弊精殫思研究百度冀酬恩遇三月之後遂至掉眩外作結閣內壅幾至大病即今程課功效萬分無補乃知民窮財匱非大豪傑圖回輪理安可期阜成之績邪如璘者但當歸鋤百畝供奉老親是其份也圖去未得不致多談郵吏入京謹上狀奉候起居略陳梗概伏唯照察

甲六

十一

金陵叢書  
蔣氏校印

璘蹇拙陞伏無所比數自分填壑久矣乃聞高明不鄙謬見引薦初聞丹厓大理之傳自量非類必無此舉昨復聞之東溟參戎雖過情可愧然不敢不之信也猥瑣小工門下何取引以代大匠斷邪古人有言少也不及有爲今老矣無能爲也璘今已及其時望門下弗以爲念也自門下入京璘候辱恩命遂叨此任此必門下以不肖誤當道之聽今既數月矣弊精殫思冀以酬知己之遇畢既衰之懷如理絲益亂割裁益闕竟不得其條緒中其肯綮無所短長之效已可見矣非敢不忠力不足也且夕當且引去供養老親願門下勿以爲念恐損大智也因郵吏上狀略陳區區以申謝悃萬萬照察不罪遲後幸甚幸甚謹狀



啓聞石堂侍郎

璘侍德範奉明教之日久矣荷門下知照亦已深矣躬耕畝以奉老親陶寫邱壑以安短用乃璘平生之分不知門下何取每每以致用見期今果引置貴藩之長非門下謬見推引何遽至此邪悚汗悚汗今既數月矣亦欲弊精竭思畢既衰之志然才力不逮竟無條理或者職任不明而僚屬未修本務權力不專而樞機未由斡旋斷割懼傷羣情變革懼生浮議凡此皆璘之才力選慎不足以勝此也每每自歎終將付之無可奈何而已惟有引去營養復其本口乃所安也何敢終負教愛邪因郵使之便奉候動靜輒陳區區伏冀照察幸甚前賢郎回獲奉溫慰謹附謝不備

曰六

一三

金陵叢書  
蔣氏校印

復許函谷通政

讀公著述復見古人讀書窮理之意信心而不信耳大要歸諸至當而已左傳所載諸家卜筮賦詩等事各具一義義理圓融切於制用不徒誦說而已雖秦火之後不復聞聖賢說經之詳今諸書散見孔孟所引詩書之言亦多斷章取義不拘拘於章句蓋義理乃其精微文辭特糟粕耳至宋儒始守師說泥章旨而立主意雖於文字之際實有所發明卒使六經之旨拘牽執滯而無曲暢旁通之趣寔訓詁之學爲之害也公獨得之見超脫羣疑尊仰何已詩考多宗小序古人固言之小序雖未必作於子夏大抵去孔氏不遠必有源流援受之因豈千載之下可逆探而輕改也辱垂教極感開導僕

侍老母疾日從事藥餌食飲之間不得幸復使者數至草具鄙意先上詩考併封還周易蓋賤子本經尙有一二疑義容再請益餘唯照亮不具

復黃仲實

承贖教鄙文發開蒙蔽幸甚友朋尙諛久矣乃獲高義於君子之側殊用尊仰非止文字之益也尊道篇三視字鄙意本謂即流以求源推所自以明所出視字之義若反觀云云也務語新意反不達誠如尊謙所疑欲改定本字又似節次相生太極天地人道遂分前後殊乖義意不如觀字似或渾涵高明謂何如邪若謂太極非可視之物則觀字亦恐未當但古文觀理觀心悉以立義或亦可通望曠然終教勿事姑息

曰六

一四

金陵叢書  
蔣氏校印

也別謙篇蓋憤薄俗誤以諂諛退避爲謙動執惡盈好謙之說以惑承學故以別名篇因先儒訓謙曰有而不居故衍發其義以申矯枉之辭意所切激抑揚不能無過其餘定志鄉正諸篇皆有此蔽此分量所及不敢強辯如下藥姑取適病未暇他論耳若夫君子之言周徧而不遺公平而不頗豈所敢望乎承命更轉數語恐於本意相戾祇服固多矣數日值家尤裁復遲後幸不以護疾見棄也

復蔣中丞書

辱手書慰諭溫至祇拜厚情特獎借太過非所敢當耳僕荷聖主厚恩出之縉衣之下復置民上雖萬死不足報謝況諸公生全知遇亦非疏微後學所可易得古人云士爲知己死



璘豈草木類耶仕宦者嘗負於官官何負於人況僕所居不卑也禹稷思天下有飢且溺者謂由已致何也身任其事故不得辭其責耳僕已任一郡在已矣閭閻田野之間不得其所者不可稽數豈敢以一郡爲不足耶此甚狂誕者之意不敢效也但老親在家去秋發一疽甚重今雖幸愈甚非人子之情有少女卽今納壻乃故南安守俞勉誠少子勉誠易簣時寔有託孤之責於僕今遠地不能教之負其地下之望且妻妾子女在家委累老親既不能養又不能安之是禽獸也故屑屑求去意蓋出此若向得近地苟遂此數者雖抱關擊柝古之大賢不恥爲之況僕乎哉竄逐之人於尊官達人之前不宜及此恐涉有求蒙書詞見諷懼不察下心且謂狂誕

甲六

二五

金陵叢書  
蔣氏校印

乃重得罪於名教故略陳梗概伏惟照察

啓廣西二司諸公

璘情事迫切文牒觀縷煩瀆門屏悚愧悚愧大巡先生之愛深厚委曲使人感激不能言而苦切愈不能已然璘之求退非苟爲激切可以中止蓋亦籌之熟矣夫士君子之進退出可以建立入可以爲榮其親悅之則進以爲乎君出不能有爲入可以爲養其親欲之則退以爲乎親此大義也璘聞劣無狀聖主不忍加刑薄示竄罰恩至渥矣古者得罪黜罰之臣多一歲半歲以病自免所以上全朝廷之惠下保性命之期也今聖朝於大罪之人不卽罷斥僅置遠地正使諸人自爲之所若復冒利干寵不能自擇豈人臣守身奉上之道乎

况有父母在堂鍾愛甚篤屢有書來促璘致仕事變無窮親年有極與其希難至之寵孰若圖易盡之養爲足以盡其心也且璘係守土之官別無公幹可以省親歲月悠悠後事難料所以晝夜痛心而必欲求去正坐於此又違遠兄弟離棄妻子羣憂滿腹百病集體伶仃弱僕飲食莫調屋廬蕭然霧雨莫衛萬一填棄溝壑祇令傍人見笑古人云死生亦大矣其可不念大巡先生臺城尊嚴不敢輒以書上唯門下見察深至故敢再瀆乞爲轉白此心俾璘早還故鄉見父母瞑目無恨

謝唐應韶

璘蹇拙寡用遭迴郡符爲親竊祿極知無補荷台下納汗拾

白六

十六

金陵叢書  
蔣氏校印

朽不賜黜罰足矣昨得邸報乃置薦剡之末感愧切中汗慄無已夫采賢取善不遺細微者賢者之達智也慎微保終固執平生者鄙夫之小節也今以小節之陋過蒙獨智之賞璘之感德實倍眾人臨書倉卒言莫能既前日省下聞老親有疾張皇趨視失長者之約昨離南京會寇京兆又知節鉞先駐新河頗久竟以不知失候罪積邱山卽解謝無益聊明鄙人之心而已南還道體想益佳伏唯眠食加愛起贊新化是願

與王伯安鴻臚

自觀時相別至今已五閱歲僅僅一通書問痛念人生能得幾回別也璘往年過杭不欲與達者將迎因止湖上寺中後



聞執事在城中亦不敢復通執事或不知璘在外也遂失良  
晤於今爲悔謫來頗與靜便唯思親一念唯日耿耿正思執  
事往日談演中之樂於時漫爲悲喜迺今始知其味也南都  
甚優裕第長才重望不得久安即今諸相知幾人得聚遠方  
不相聞亟欲知之家尊書來道執事下符甚勤感不可言家  
弟璘亦稍知所嚮倘得侍左右何任通家之愛也

復蔣車駕途  
得令弟送到手書并小弟家信感慰無量獎諭過厚抑何敢  
當僕頽廢以來神志乖阻乏振厲疏濯之氣甚負責郡汲汲  
求退正以讓賢安民而已苟得衣采弄雛於老親膝下足矣  
夫復何念來教乃欲引之古循良之列徒令汗背耳郡志嘗

申六

十七

金陵叢書  
蔣氏校印

欲要宋卿脩之以郡中無歷代全史恐建置沿革與守令鄉  
賢姓名事蹟無所於考若舊志則徒勞也楊郡博所修名勝  
紀亦草草蓋山形水源及阨塞險夷陂澤澆沃所關於民生  
吏政者甚重彼特具名勝一端姑爲貴郡發藻色耳此事須  
在京諸公分任一目窮討極論總定於相國手筆然後爲不  
刊之書也萬萬留神幸甚

與田景瞻

黃府主過州始得詢動靜聞太郡君奄逝不勝悲痛荒僻未  
緣奉慰心恒如割卽辰已近小祥唯損哀強食爲尊君色養  
幸甚璘不肖得侍左右數年銷削鄙吝少窺古人萬分之一  
實荷弘益於時宴坐雅談不知人間有憂患之事竟不知請

益自今追念真孩童耳別去開封兵戈倥傯百責交萃率以  
鄙心應之不知所裁竟陷大戾待命非所獲聖主曲照賜之  
更生其中憂戚萬端兢兢自持幸免敗壞此景玉所見不俟  
盡言投荒今已二年違父母捐妻子獨二僕相隨時得家書  
神氣俱殞老父去歲瘡患幸痊近者家難崩析有無家之累  
需璘爲計屢乞歸田壘司不察人情類以好語相慰欲拜疏  
求去說者以怨見恐又不敢舉無可奈何正思執事往時舉  
意堅決得釋無窮之患幾微之際愧不相及遂至此耳夫復  
何言聞家居頗安已嘗有奏薦者大抵非當路相知度可有  
爲斷不必出卽今若子和升之諸公亦陷墨白之間誰爲相  
理此可浩歎耳公今在聖室未敢多談臨書不勝惘惘

日六

十八

金陵叢書  
蔣氏校印

與劉養和

承執事以佳楮二番索不肖舊詩甚荷不肖詩不中法度不  
足陳且今日天子召執事非特文章小技而已事有至大者  
不肖又未敢談姑舉至切一事言之今南方盜起江西有王  
承二四川有藍四唯鄖陽劉烈最盛聞其厭已十五萬人雖  
未必然大約成聚矣又聞其賞降納叛各有條約妄稱尊號  
改元建官此雖狐鼠之態然亦動搖小民之心又聞部遣賊  
魁分攻郡邑旗幟以不殺一人爲號傳檄四境張誣朝廷之  
失以無爲有用激聞者昨燒絕岳州城陵磯又入夔州府又  
殺應援官軍聲勢烜赫今聞所過市井畏其荼毒皆設香花  
牛酒迎拜心雖非降跡亦可醜風聞逆黨潛至鳳陽又播狂



言欲取金陵雖宗社盡長之福足以撲滅此賊萬輩萬萬不足憂然在我之事多可寒心以今南都形勝都會城郭宮闕為天下之根本凡百逆寇誰不側目甲兵糧餉執事所知握兵之將謀事之臣又執事所知今狂賊皆據上游倘武昌自保九江失防賊艦連艘一夜而下將何以應之乎今城中言者皆曰其事尙遠不知繕甲兵積糧餉簡精銳部偏裨可一呼而定乎亦積歲而後備乎若積歲而後備則及今為之亦已晚矣古語云天下雖安忘戰則危安不忘危恐非過計不肖孤陋無可告語執事此行廟堂諸公必有以南方之事相問及者此事非細論都會則北都為南都之頭顱論事勢則南都為北都之命脈然賊寇視北都地遠勢堅未敢指議如

甲六

一九

金陵叢書  
蔣氏校印

少得志必走南都耳萬一隻輪不完一矢失利東南之事險不可言故此方之患不宜置之度外也至於賊勢猖獗亦未聞吾黨有消鑠之術鄙意謂撥亂之法當自所萌往者賊起以征誅繁刻民心失望今日兵興又用其民復食其稅如火益熱宜以往者措剋之財濟今日征調之費災傷剝掠之地悉蠲其租民心歡然賊氣自喪仍諭賊黨能斬劉烈降者賜以千金爵以侯封如此則人人懷疑此賊孤立矣此皆常談不足為執事舉者言及遂言之耳幸善秘毋為有略者所笑途次加愛千萬留意國家大事報超異之知副豪傑之望幸甚

答徐伯南

初得太平除目謂必畿輔嘗奉一狀不達後傳今郡其疑繼得其故亦不復怪所為不容然後見君子也日夕望過荒城昨得魯南書云公由嶺路上路今果得到郡手筭愉快成泣耳道路甚苦幸至郡承太夫人及閣內俱安餘無足論殊方飲食難近久當安之素夷狄行乎夷狄古人既行之吾輩亦何患也郡民久習夷狄今且撫之數月後可制婚姻宴會之禮順流與之更始此輩從化感德過於中州之民蓋近世仕宦以夷狄待之無真德寔意目及耳觀韓柳二公遺愛湖柳豈無故邪然執事何待僕言恐高才見抑因且鄙夷其民或至懈怠輒用縷縷亦友道宜然耳南中氣熱若使人中滿而下弱調攝之道在節飲食忍嗜欲為第一璘居全十五月竟

日六

二十

金陵叢書  
蔣氏校印

不生疾或亦獨處之功望珍重幸南都自十一月後亦無書王欽佩已轉僕制正郎朱升之復督滇南學政差為快意餘無故人事可報也

答潘宗節

春間得執事去歲七月書教愛極至特責不當罪不敢默受且傷鄙拙之懷至不為高明所悉况復他人或中情已亮但借文加譴則不肖幸甚未悉高明果出何意不能不言不肖官極間散然辰入午出被衣冠對吏人一切與冗局同狀又居故鄉親戚友朋弔慶賓祭不敢廢禮家人滿百口喜慶疾病悲歎代至性好出遊又樂與人談古今嘉事恒奪吾暇日精神目力執事可度而知者畢此數事所餘幾何加以病懶



膏肓睡亦不足尙何望文學之業乎雖有所作並是酬酢祇應之具苟以遠罪而已豈足陳於作者之側也所以三命三違直坐此弊豈於知己更萌他情執事乃謂愛博情分大有可懼昔韓愈以此意責陳給事吾不知給事何如人是必任勢養交如今時熟爛不情之流執事何忍加之不肖乎幸發之不答文字事中薄乎云耳然已與若人同觀矣痛恨操行不白爲高明鄙外如此也執事引盧李險怪自况以取善不廣責之不肖若執事所示雅作寔大聲閔正今之韓愈不肖所求爲師者仍乃云云邪此直文字中往來之語非眞以此望不肖不敢深辨也拙作數篇呈上乃知往日之慢直爲愧耳非有所吝也承夏來已續絃孔嘉之慶如何可言容賦一

甲六

二十一

金陵叢書  
蔣氏校印

詩爲賀賤子今歲又得一兒餘併如昨不一一蒲履一對扇一柄漫往蓋久欲奉寄未得失時可笑餘唯爲道加愛幸甚復喬衡州

掾吏至辱手書兼之多貺鄙人何敢當第深感激初謂遠窻炎方遺老親之憂既應詔旨便當乞養寔非有擇於仕宦逮今履圖不遂且計入覲在即遂已安之抑恐戚戚旅居嬰霧露之疾增不孝耳承以李士修事見慰安敢謂裕如者若憂戚玉成進長尺寸不敢不勉也敝州誠衝要以蚊負山誠有不勝所恃毀譽得失久矣無情故不覺甚苦耳此未易以書盡也舊業日荒神志不逮於昔少陵柳州之事一切絕念奉覽來緘詩辭書法直逼古人益愧凡陋耳

與蕭東之

邇來歸念日劇百事無餘久缺裁問多罪僕已蒙大巡朱先生准擬應朝昨具稟離任蒙以科場之役不許早行聞命以來憂苦殊切僕之情事嘗控諸監司轉達視璘微陋莫肯相恤爲一啓齒故覆盆之懷不得不仰於門下萬勿以不入公府之節嚴拒固絕幸甚僕初赴任與老親相約應命之後卽請歸養不意孤羈三年百圖不遂執事所知去年老父因憂發疽瀕危幸復又以家難崩析舊居推讓諸父今老親與妻子僦屋而處璘命蹇惡又喪一壻一女在家子女迫臨婚嫁因不孝遠放此累俱在老親聞璘應朝二月間已遣家人至武昌諸處相迎近書來云望璘不至中夜起坐殊方聞之中

甲六

二十一

金陵叢書  
蔣氏校印

心如割恨不飛越以慰其情夫一物失所仁者惻心况大巡先生仁恩廣溥萬物仰澤若璘獲罪之臣失養之子永廢之人而久衰之命又竊鄉曲之後冠裾之末安得不少垂憐乎第諸公不肯爲璘一言璘在下僚又不敢以狀逕達是以下情未獲伸耳且璘方寸久亂日對吏民直如土偶縱使執役場屋萬萬無益况連年乞休就養今已有便可歸又復遠巡不請強逐諸賢追附榮名宗族故人必生短議璘此行求退決矣不敢多言冒犯尊嚴萬乞委曲數辭得獲矜釋上安老親下善歸計結草剖心不足爲報

與應元忠

久闕瞻奉既苦鄙吝之萌且傷離索何如爲懷比來道况想

佳采養足樂非如塵途煎迫可鄙也輒有覆啓郡江中津橋  
判府王拱之重新已成敢乞左右記事於石蓋津橋本有歲  
租充修治之費職此者或惰或私遂廢前惠王君乃肯舉此  
宜特書表之使後來有勸非爲渠張虛聲也專遣黃學諭齎  
狀奉白萬唯不拒幸甚

甲六

二二三

金陵叢書  
蔣氏校印



息園存案文九書啓雜文

復陳魯南

家人至辱手教慰甚榮僧去道僕事過情故蒙過獎彼所謂  
肉眼安能別世尊邪聞京兆白公延執事與子仁脩應天志  
甚盛舉也本府自吳晉以來遂爲都其諸公遺事與本鄉人  
物關係大與他郡不同公等必有大觀何俟僕言若與置沿  
革及山圖水經一考可見不足煩公等耳近代吾鄉人物甚  
寥落不知公等作何條格去取諒不似班固九品人物表疏  
謬也韓退之懼作史有人非鬼責此言去取難公耳李習之

甲六

金陵叢書  
蔣氏校印

言作史須筆力高簡乃可傳自謂不讓班固陳壽此言文章  
之難耳志亦史類也由李公之言公等自有餘由韓公之言  
不可不察僕近作近言十餘篇中有鄉正一篇述近時賢者  
以教子弟亦不敢多及茲欲寄覽恐啓紛紛者之議姑已之  
耳何幸乃得聞博洽君子之議庶於晚年得所取裁也近時  
蘇松二郡志如何嚴唯中袁州府志都玄敬黃山圖經李懋  
卿東莞志邵國賢許州志各自起意例須取參訂璘收有長  
安舊志一本惜不得到家檢奉子仁收天下志甚多想不乏  
此作志不難正唯發凡起例爲難耳又本府若上元之明道  
書院溧陽之水堰皆厚生正德大事須檢尋遺蹟就請白公  
與復蓋一百五六十方遇明公一舉若又空言無施不獲

實惠賢者難遇幸勿失此機會也又稅糧後當具供億一目  
查內府及諸司供億近年與國初多寡之目庶仁者有惻憫  
之意此不爲徒作也巡撫東谿鄧公直道君子璘前在開封  
深知其心此數事若請白公白而行之皆無難者梅損齋羅  
印岡王南原俱曾一講否必集眾思庶無遺憾言不能悉  
與魯南書

昨得家尊書云執事有書先付他郵雖未獲領知必有以教  
我也到家已幾時宅眷想並安勝且歎且慰夫今天下學者  
誠莫盛於吾東南矣執事翹楚吾國亦久矣舉其所得以應  
今科舉之格雖衰其什伍有餘也奈何垂翅而南者至三四  
不已乎夫吾國之賢者行如師文屢議而不徵文如執事屢

甲六

金陵叢書  
蔣氏校印

舉而不拔非運命蹇惡則土氣淺薄不足以兩勝然耳凡後  
進之士飭行績文者莫不有忘心然君子之自信則有不然  
者凡謂之有餘者皆例觀於有位者之行與得舉者之文若  
二公豈不贏矣乎雖婦人女子知之也然僕則謂聖賢君子  
之道六經諸子之文亦非仕與學者限於禁而不得爲者也  
奈何排其戶不歷其奧乎乃所願二公操修濯礪月求增歲  
求益其進與止一視於道而不例觀於今之人其不徵不拔  
者天也人之罪也其在我者固將與顏回原憲孟軻揚雄之  
徒抗顏而不愧豈非豪傑之士哉此固難與俗人言也璘竊  
見方今進言者當故人親戚阨困摧抑往往舉時運好惡之  
說投其憤以解其志是諂諛之道也竊甚羞之唯執事照察



寄陳魯南

數月不得公書馳念為勞前此嘗數奉問次第想達人回俱望示報深山遠海絕無足音之及幸相恤也聖主西巡賢公卿論議必確扈從必眾此無煩遠臣憂者所慮民不勝役府庫不足供餉奈何奈何公未嘗歷外在外之事尙有不及知者璘備嘗之矣今吏治頹廢民病已在膏肓非盡去害治之物雖伊臯不能化斧鉞不能禁今萬乘一旦臨幸督以征伐恐失期悞事關係非細此則遠臣所不能安席者也奈何奈何

與陳魯南

春來數奉教札知簿領意淡煙霞興濃固高人之本致璘忝

甲六

三

金陵叢書  
蔣氏校印

相知又在林下何必隆虛獎而拂實念然執事事體有未同於虛薄者數端璘早仕宜早退物理也仕宦悉在冗局非就林壑幾誤此生於身宜退也又疏直之性與人多忤無大過惡動輒遭謗身非木石不能不動於中得失輕重何如哉於人事宜退也官已至京臺京城出入得免貴達呵辟分宜退也執事高才晚達羣望屬心未宜退久處玉堂方試旬宣下膏澤於斯民宣風猷於列郡未宜退盛德廣容所至尊仰所謂在邦必達也未宜退黃閣伊邇引退衡茅家在京師出御款段貴勢辟除不避耆老雖汪度不校甚非尊賢老老之體故少需一遷以成雅觀非徇俗也未宜退已與賢郎輩語諄言之想道詳悉萬萬垂聽承寄下先君輓詩就墓泣讀何任

悲慟交情世誼感刻肺腑璘今春居墓舍舊時草堂移入山中數舍四面竹松號曰松塢前通古道可步尋諸寺有福全

古墨果斌諸僧談禪和詩皆有能事後有崇岡飯後一登南對牛峯石嶺西望大江令人灑然忘慮去公別業僅可三里仲子亦嘗步造他日與公樂事無窮只少耐耳胸臆之語不敢不盡於左右萬萬不以爲陋前手書承道所不遺故舊數事及寄劉邦直書此公至性在僕何待今日乃知士大夫以心術爲根本以倫理爲植榦以學問爲蓄畬以事業爲結實以文章爲花葉雖不能備不可不勉近來習俗直以聲勢相加而目可醜謹閉門退讓更復何言東原近衰多病視之令人損歡許彥明最宜數造閭里後生譏評不已幾至生禍可

甲六

四

金陵叢書  
蔣氏校印

發浩歎文衡山老性寬涵畫品精進秋間欲迎來傾倒數日世如此老亦無幾人王雅宜病後詩律甚暢但柴瘦可危吾鄉印岡諸公俱健但少來與僕共談耳因和詩奉復漫至此際勿訝勿訝參對未有期伏冀多愛是慰

寄李元任

公前年留浙因與諸監司少合僕傷於虎者故特遠嫌疏問想不訝德安之拜知公不必宜於民而乖於俗後聞果然敢不謂知已耶昨羈寓京師士論咸與僕同乃知君子貴在脩己毀譽禍福誠不足輕重十月至台見周同寅稱公行節政治並儷古人益增同袍之仰願有告者時人之情與古道殊絕居今之世行古之道必大同小異而后推行之遠所謂智



圓行方則其大略也公方寸具有尺度鄙懷所畜漫以請益如何如何晚休聞周公子早發呵硯草草言不能盡餘唯保愛是願南田山居甚適昨當道又將置之羈紲之間造物戲弄如此良可笑也

與金仁甫少作

自四月上浣奉辭足下命駕故鄉五月乃至墟墓榛蕪裸獻無所九族凋匱禮廢莫舉顧之恨恨不能爲惘然內無棟簷之餘外不可邀郡邑之助含痛忍情以俟來日知如何也東吳名區雅稱偉觀僕性疏野以賞爲好先圖涉虎邱之顛泛震澤之渚訪僚差之宮弔離胥之墓窮搜陳跡下達草白招要豪傑演繹風雅勒名紀文傳之百世亦何偉哉然至樂難

甲六

五

金陵叢書  
蔣氏校印

遊佳期不常遂使俗態忤心天弗佑意既鮮仲叔含菽之愛徒有孟公閉閣之困未沾仲舉下榻之恭已蒙子思溝壑之辱僕負墊氣豈能堪之兼以炎溽相仍將迎困劇故歸念端疾賞趣潛沮沛然言旋實非悻悻所幸接諸友生多所茂異若文璧蔡羽徐禎卿邢參之徒藻詞成章雅論合則雖方古作者未能卓然而碩學茂才固今之雋傑者矣每一接席款語移日逸氣遐志頗協鄙心勞勞遠征負此爲得傳曰見賢思齊焉詩曰珠玉在前覺我形穢外覽諸賢內察淺薄豈勝自喪用是負形穢之恥亟思齊之心兼旬以來愧近毫楮紀行之册緘白而還歲月且逝盛名難立唯僕與足下及賢子弟共勛之耳初歸老母在病方悔遠遊且弱軀畏暑未卽出

見臨風草草聊述下情鑒察不宣

答友人論文少作

僕聞達者痛乎卑俗狂士亟稱古人雖傲睨凌厲廢中和之經然曠志峻節固一世之雄也僕度德程力不逮懦夫豈敢望此事哉然思不弛心語不輟口著之毫楮呈之友朋至再三而不厭冀豪宕之士一進乎此使已據懷古之幽情釋悼世之積忿耳何必在我耶夫文章士之業也孔子修六經以建百世之則而百世弗能述蓋折衷理道之極經緯天地之章子淵不能得其止游夏不能贊其辭身歿嚮絕亦其然耳下是左氏蜚聲於東周莊生逸響於蒙上靈均哀鳴於漢上太史建議於西京誼舒子卿淵雲褒向揚芳擷藻前後相屬

甲六

六

金陵叢書  
蔣氏校印

而漢之文章炳然於金馬石渠之署雖純疵相形遐邇異趣要皆作者之殊列也烏可嘗之哉僕雖殫力竭智不敢望其下體然仰探六經下逮數子未嘗不拊膺擊節悵然遠懷執事之才百倍於僕其於古人皆可超其躅而拊其背頃者獲讀拘虛集所載才麗學侈誠今聞人也惜其選義沿近習體物乏沈辭比量作者尙出其後豈殉俗之趣未盡納諸古哉獨長書十餘章宛悉情事讀之悵悵填詞數閱軋諸宋人吾愛之重之而不爲執事稱者先其大耳夫今之同志寡矣同志如執事才且茂異復爾乖刺誰能默然蓋登危者駭步入靜者疑影今之視古豈特危與靜已乎吾恐既疑且駭則必反走而下趨矣執事不棄鄙陋惠然下問僕亦不揣木末謬



進不慚之言蓋友道貴直諒君子之愛人非苟姑息而已昔  
劉季緒才不如諸賢而好詆訶文章曹子建論其非吾固謂  
子建失論也今有南威西施之容畢妝而鑿焉鑿之所不及  
在側者能誨之豈在側之容固美於南威西施哉妍媸都鄙  
其辨一也如有不自美其容者僕能效在側者之勤矣執事  
毋內罪之

復趙具區叔鳴

自金山別後尊仰日切見吾兄精修力學不知老之將至益  
愧淺陋虛生無益也承示二典會註用心良苦然補得朱子  
未了之業爲千古一大快望決意成此一書更正得禮記註  
尤於後學有益所恨賤子居相遠又在都城爲人事所累不

甲六

七

金陵叢書  
蔣氏校印

得少侍講授耳二典註未得細看亦未有復皇恐皇恐前王  
都司殷石溪回俱道吾兄相念感佩何已

遣七弟英玉書

四月十八日鄉人謝鉞者馳傳至州始知吾弟得舉進士殊  
爲喜溢父母兄弟在家當復喜甚也書生之事且脫章句之  
習爲快何如念唯吾祖宗以來隱居吳中躬耕山澤勤苦道  
厚不侵於物不戕於天昨過展墓會諸族人尙不識城市之  
態即可知前人矣祖父二世遷京師富而能散循禮敦義此  
爾我所親見世積之慶初發小子德誼淺薄不克負荷故踏  
蹶屏逐至於此極天其意者在吾弟乎朱張顧陸乃吳中大  
姓公侯之後必復其始要在有道者乃能振揚吾姓不顯久

矣近始有二三人發於鄉曲雖派系不可別要爲宗人吾弟  
可不勉乎吾弟行業固宜取上第然交遊中視希哲陳魯南  
赫然其聲又復落羽文蔡諸君尙失鄉舉此豈可謂非天乎  
天之所厚必有其山順之則吉逆之則凶大可畏也嚮予入  
官少於英玉不知仕途情狀徑意直行至今二十年矣雖復  
低眉斂衽趨走堂下指其頂者猶厭過誠在我古之君子盛  
德容貌若愚况予德未盛而貌又非愚者乎妻師德不拭唾  
而王文正不發過於僮僕推而廣之何事不忍何人不容有  
容乃大有忍乃濟理勢所必然者予經憂患始克覺悟願強  
其志姑弱其氣非教吾弟諂也景前谿吾友也嘗友視吾弟  
今已爲座主吾弟直當居門生之列蓋昔者之友生於予而

甲六

八

金陵叢書  
蔣氏校印

今之座主生於吾弟固自有賓主之別不可苟也若已誤當  
卽改之此名教中所重勿徇其私朝中諸聞者多予故人徐  
宜請見勿與抗禮古人云大賢吾師又曰事其大夫之賢者  
此成德之資修身之要不可不勉進士無職事慎言動勤朝  
參戒嬉游修文藝此其大都諸不能盡前谿必能教之所患  
吾弟聽之不察行之不力耳珍重所欲抄崇雅文類今更名  
古文類書吏少善書者後當抄寄然此書亦未定正俟勘詳  
也卽今且取五經六子史記漢書離騷及李杜王岑諸公詩  
書夜諷讀更進一格自見得別文選且緩看魏晉以下枝葉  
太繁恐爲所蔽同榜中有三原馬理者聞其爲有道之士宜  
朝夕與游且致余意四方名士余不及知之吾弟善交之併



報余知也廣平都進士及開封李川甫諸君全州陳蔣二君  
宜與篤厚蓋四方之人視余不薄報施欲相稱耳余居此風  
土不苦但遠違父母少音問征徭訟獄無惠於民久在仕途  
今復僕僕飭廚傳以稱過客舉鞭朴以急催科大不得於中  
耳若可遣且荷祿俸之如更拂意便乞東歸矣既有吾弟門  
戶不墜余可釋負也嶼兒已知向學舉業舊文望寄付之  
與陳鶴論詩

與足下一見卽出郊居野人歲計牽繫不能不然無足爲高  
明道者念所論詩說衷臆耿耿未盡略爲一談國朝自弘治  
間詩學始盛其間名家可指而數今亡去有集傳世者三人  
李獻吉何仲默徐昌穀三人各有所長李氣雄何才逸徐情

甲六

九

金陵叢書  
蔣氏校印

深皆準則古人鍛琢成體純駁優劣可略而言大抵皆作家  
也今雖後賢翹起孰不同聲歸許哉然三賢皆余友嘗共講  
習而商訂之者知其淵源所自未嘗不擇法於古人李主杜  
何主李徐主盛唐王岑諸公皆因質就長各勤陶鑄是以立  
體成家咸歸偉麗夫豈苟然而已哉詩之爲道貴於文質得  
中過質則野過文則靡無氣弗壯無才弗華無情弗蘊杜宗  
雅頌而實其實其蔽也樸韓昌黎以及陳后山諸君是也李  
尙國風而虛其虛其蔽也浮溫庭筠以及馬子才諸君是也  
王岑諸君依稀風雅而以魏晉爲歸沖夷有餘韻矣其蔽也  
易而俚王建白樂天以及梅聖俞諸君是也嗚呼諸君並名  
代之才而學詩之蔽猶至於此詩可易言乎哉余又有說今

世論詩者言風雅則妄耳上漢魏次李杜王岑諸賢今賢雖  
厭儻能嘗議則詞林之規矩在是的是矣舉六朝則曰靡弱舉  
唐初則曰變體未純雖承先生之常談其實確論乎外是謬  
矣奈何臨楮灑翰率就其所非而棄其所是綴疊雙聲比合  
五色雖呈燦爛實味性情豈中道難從而偏長易勉乎抑新  
奇易以驚世乃違心以騰名乎杜子曰文章千古事得失寸  
心知此當要諸後世不可苟悅於目前也或者謂揚雄太玄  
可覆醬瓿桓譚以爲必傳顧吾與子不及見耳斯所謂良工  
獨苦者乎余老衰不能復振幸皇運之休明慨英賢之太過  
抑遏莫語安得不盡於足下哉載觀前代之文弊萌於所勝  
變生於所窮盛衰相因關係非細漢承亡秦縱橫之餘建武

甲六

十

金陵叢書  
蔣氏校印

一變文章爾雅其季乃至委靡不振唐變六朝開元之音幾  
復正聲宋變五代元祐諸賢遂倡道學及其季也各有纖瑣  
繁蕪之陋文盛則運盛文衰則運衰莊生日世喪道也道喪  
世也世與道交相喪也可謂洞見幾微者矣國家今日之文  
不知一變而盛乎再變而衰乎不可不深長慮也足下示教  
新編雅志高邈將以揚風雅之墜緒故辭旨氣格直追李杜  
而上之展讀再三終夜忘寢特其間六朝唐初之語時亦有  
之余竊疑焉豈風俗之變賢者不免或取耳難借苟爲同聲  
與是二者皆非足下所宜有也間稟獨見必有定說千萬開  
教以祛茅塞幸甚幸甚  
與葛惟源



前承手教益見銳情斯道甚幸比日方治殞事不克裁復恐  
足下謂僕自是乘間輒盡區區足下謂前二詩皆明真心非  
虛辭比僕誠不能通解字義難究旨歸似所引用多用內典  
梵語然吾儒讀內典有法先須勘定是非然後取所論真妄  
有無大限以證吾心虛靈之源或有參悟之益若博引強記  
務襲梵語以易華言則馳心外妄不惟失真空之本且增一  
障矣足下謂非虛辭又增一障矣經云口有四惡綺語其一  
此非綺語類乎夫道則華夷同也其梵語即皮衣腥食之類  
不可施於中國足下將舍中國膏粱紈綺之美而從彼衣食  
乎必知不能奈何獨欲襲其言語乎韓愈有言非三代兩漢  
之書不讀非聖人之志不存僕甚尊信其言學苟得韓氏亦

甲六

十一

金陵叢書  
蕭氏校印

有基矣毋甚高論先正所謂大軍遊騎出太遠而不知返也  
足下鄉國後來之英僕恐涉賢智之過故數數以此進交淺  
言深極知不宜要亦好賢與善之誠非有他也唯不以躑直  
見罪幸甚奇書不必搜訪所謂玩物喪志亦在此等唯一意  
五經日漸月漬餘書自覺無用矣內典姑俟近老讀之用消  
塵念今方有四方之志恐爲其類墮耳不盡不盡

與王汝重

邇來教學者輒談性命不務躬行亦是大病或曰驗天理或  
求良知乃省身體道之密功非教人入德之始事也論語曰  
子以四教文行忠信又曰性與天道不可得而聞則聖人教  
人以踐履爲實地而不以玄虛爲空談今人務名而不務實

故倡此論姑自論語大學中求之當自有得若厭卑近而務  
高遠反近於僞終不可入道矣

擬上風俗議

竊唯風俗者治道之標準本源君上化成於下其汗隆治亂  
視以權輿非國家細故也故堯稱比屋可封舜稱羣后德讓  
雖神化至治舍此何稽前代願治之主觀風考俗反身自修  
一有未淳皆爲德累恭惟陛下以孝皇從子入繼大統聖神  
文武天口全德卽位一詔宏綱大法具布端倪疵政匪人罷  
革殆盡加之廷臣獻納日浸詳密誠無待於疏遠小臣僭言  
而冒進者然風俗一事私憂過痛久矣安忍今日不一陳之  
竊念國家風俗當祖宗時道德齊禮醞釀誠無可間議近

甲六

十一

金陵叢書  
蕭氏校印

年以來因恬於承平縱侈於貴近頹靡於卑佞壞亂於小人  
人心波流士氣掃地傷害治體虧損國脈有識之士咸所痛  
心臣請得一一悉數於後往者法令昭明宮室衣服各遵禮  
制今權門勢宅雄據坊衢佛寺生墳費踰陵寢盈朝橫玉染  
及播紳下賤錦衣倡自京策雖明詔已去泰甚臣恐根株未  
拔日滋蔓矣往者餽遺飲宴通情成禮斗酒幅帕可薦王公  
今自劉瑾肆行賄賂廖鵬橫恣驕奢苞苴金帛士類公行玉  
食瓊筵貴臣相學貪鄙成風廉節日喪矣往者交接近侍懼  
蹈明憲依附權倖猶知自恥今候門望拜不俟昏夜苟得交  
納夸挾旁人甚至禮奴僕如賓客延估販入內室委身溝瀆  
全無顧惜矣昔者官司承接各有體統上不貴凌下不貴諂



公事是非得相辨析今藩臬重臣緘口俯躬態如女婦郡縣長吏庭趨巷跪願比奴隸爲之撫按者不劾其佞反賞其恭誤事誤民臣不知其紀極矣往者書狀體式尊卑異施彼已稱謂亦有限格今尊人務於無上卑已務於無下緹箋設刺謂曰致敬書帕通行謂曰免怪聖朝以禮讓爲國臣下所習如此臣誠不知所謂矣昔也尙德今也尙情昔也務厚今也務薄昔也貴儉今也貴奢昔也取誠今也取佞臣自弘治丙辰入仕之初先輩已歎風俗之變然猶是非明白士知趨嚮自焦芳居內閣行擠排援引之術士皆務奔競而恥廉退張綵居吏部用飛揚捷疾之才士皆尙虛華而鄙道義江河之變日趨日下榮利所誘人誰不從此臣所以私憂過痛不能

甲六

十三

金陵叢書  
蔣氏校印

自己者也夫春秋行法自貴近始京師者四方之極近臣者遠臣所望也今禮制施行者乃如此風俗之變始於賢者士夫者時人之領袖方岳郡縣者吏民之表率也今俗尙習染者又如此雖今閭閻惡俗甚多可革上猶未也下復何言此在陛下變之甚無難者貴在必行祖宗法耳臣謹按祖宗之法凡官民房屋不許造五間九架及墳塋碑石各有品級今京城第宅墳寺踰僭未革何可責四方也祖宗之法玉帶本一品服今尙書未進師保皆二品官太監則四品耳一概濫服未見繳還何可責小官也竊意陛下昨者明詔所以不盡革此者重失臣下之心耳陛下欲興唐虞之治崇何輕祖宗之法重臣下之心乎若欲遂臣下嗜欲之心恐他日不止

此事也卽此推行何弊不革伏乞陛下俯覽臣言勅下該部斷然施行則帝王至治可徐議舉行矣

策問三道

嘗謂伊川先生曰學者先要會疑乃知疑者所由進學之門也不疑則不思不問不思不問則義理無得於中達諸天下國家之事莫之適從矣豈所謂窮經致用之學乎願以愚所疑者質之諸君夫未明求衣與衛士傳餐勤政同也何以別其異旁求俊彥與無遺壽考者用人異也何以要其同君臣大閑有猷則宜入告彼當羣后廟見之際發三風十愆之訓似傷於直兄弟至親有過則宜爲諱彼方受命東征之初遂有致辟之誓似近於忍君臣相同自古爲難而侍對過臺者

甲六

十四

金陵叢書  
蔣氏校印

乃曰如以水濟水戎狄是膺詩固云爾而諫征犬戎者乃曰耀德不觀兵建章華之臺本備游觀而進言者叙曰若於目觀則美縮於財用則匱則經始靈臺文王固非歟希后妃之幸方鄉學術而納說者屢陳建九女之制求窈窕之質則不邇聲色成湯亦非邪太子天下之本不可不慎知諫議者疏十九上鬚髮爲白何急遽也賞罰天子之大柄所宜獨斷貶道州者詣闕乞留至二百七十人何比周也均輸權稅始元大夫以爲安邊足用之本而賢良文學一切罷除無乃近廢食之愚入直藏劍至和天子欲有門監守卒之罪而御史力乞法外重行無乃類吹毛之刻近臣在車不下縱不可宥至引至朝堂欲處嚴罰豈所謂不齒路焉之義乎佛骨迎入禁



內雖非所宜至比之梁武言及國祚豈所謂納約自牖之體乎凡若此類未易悉舉是非可否願著確然之論以相長也問禮之可以爲人國也久矣與天地並謂其禁淫惡辨名分齊百行序萬物君人者不可以一日無也古者聖王率由是道以臻至治記傳言之詳矣其大經大法可畧而言之歟降及後世外風俗而務政事不務天下回心向道而專責於簿書期會之間識者固已歎之矣乃若有志之君宗祀明堂議定冠冕車服之制與夫詔行鄉飲酒禮當時治號小康斯亦可驗然亦有升車正立善脩容儀或召僭亂之禍建園丘社稷行朝會大禮無救國勢之削視夫禮文未遑與變革六典之說彼此治効相去遠甚爲國果不貴於禮乎請著其說以

甲六

十五

金陵叢書  
蔣氏校印

定國家取舍之辯

夫士大夫所以立斯世者進退死生四者而已故處之貴盡其道使進以干祿生以苟活退以忘世死以干名是謂求利也求利者庶人之事非所語於士大夫之行也古之人起草廬爲相奮布衣封侯與莘野傅巖之事均之爲出挂冠東門繫坏而隱與首陽渭濱之隱均之爲處直諫剖心於今爲烈而抉目東門懷沙湘水者其死何異佯狂爲奴大聖稱仁而檻車就縛投閣求免者其生何殊然論者固已辨其是非矣故士大夫問居講學必務討論之精臨事應變必務操持之力毫釐不差終始無玷庶幾炳炳烺烺與道合一中古今而特立參天地而俱存

連珠四首

蓋聞商金應乎日霄然乃秋厲日火舒於陽谷雞故晨號氣必先事而召物以同類相招故后夔德和執祝於憂擊之廟惡來性悍秉鉞於炮烙之朝

蓋聞兔營三窟習狡乃得全生狐伏千年化妖遂至害物虹久遏而氣淫蝎再螫而尾毒故浮沈馮道更數主猶立於朝譎詐曹瞞傳二世乃竊其國

蓋聞海濱逐吳難與語沈水之芳漢北被氍豈復知齊紈之麗異道不可以同謀成性固難於中徙盈朝好佞比干發紂惡而剖心舉世希榮巢父厭堯言而洗耳

甲六

一六

金陵叢書  
蔣氏校印

梁拙於狙獮故大人貴在廣運君子難以小知寄命託孤顧訥於錢穀之對謀王斷國不屑乎簿書之期

跋龔襄時望所藏文徵仲邵二泉書二首

泉翁書初臨魯公晚乃飾以己意骨氣突兀令人不敢褻玩翁端凝恪固純孝發於天性固亦有類邪時望幸語後生求前輩見重之本毋但指字畫云也

近時人多善書如衡山沈著痛快者絕少蓋於魏晉法書無不臨場是以得其骨髓時望所藏千文與吳中石本結體小異觀者雖識其神情然後可與論師承也

跋寄程惟信卷後

余書此卷欲復惟信未得便郵而凶問隨至矣嗚呼痛哉壯



者先凋老人益用感歎矧夫美玉毀碎樞楠摧折重爲清廟  
明堂惜邪揮淚重題以歸惟時既報冥漠且存永慨又不在  
拙書云云也

書衡山歸田詩後

衡山先生負邁往絕俗之氣小試院職意有弗樂卽拂衣歸  
田其所樂於邱壑者如此假令強顏低眉苟積歲月得失視  
此如何哉士大夫居處自有餘地人貴自擇之耳  
書儲公行狀後

公既歿之十年爲嘉靖二載癸未禮部請諡日文懿又五年  
爲嘉靖七載戊子吏部請諡嗣子灝爲國子生皆異數也國  
朝大臣諡皆出特恩三品猶難令甲任子以三品以上嘗考

甲六

十一

金陵叢書  
蔣氏校印

績者爲限公雖久涉卿階所歷未踐是限非名德表著爲眾  
所推二典皆不可冀也嗚呼亦天道與前事贊成於刑部尙  
書莆田林公浚吏部尙書太原喬公宇後事成於大學士京  
口楊公一清吏部尙書廣信桂公萼夫天道協公議歸矣使  
無當路者推挽其間則停閣報罷者非止一二璘於此安得  
不爲公慶幸哉古者進賢受上賞想達之幽明問然今年灝  
來南都奠我先驗封公教世誼也屬余錄前行狀因併書二  
事補遺以爲信史張本

書吳文定臨懷素自叙帖後

文至莊詩至太白草書至懷素皆兵法所謂奇也正有法可  
循奇則非神解不能及觀文定所臨懷素此書用筆結體謹

誑恍惚幾不可爲象矣若真蹟不知又當何如耶令人遐想  
無已

書蘭亭卷後

檢書苑菁華唐何延之記蘭亭四十有一人內有支道林不  
知龍眠作圖何據除去亦不損前數云又不知今所增一人  
爲誰也豈厭支老繙流邪舊傳其好養名鷹健馬云愛其神  
駿其勝韻何必減士類耳若參置其間更覺遠俗人各自有  
見姑識之以俟博辯者

題王子新所書蘭亭卷後

蘭亭禊會人物藝文並風流之勝品重以龍眠之畫其得益  
盛真本今不可得紹興與周府石本特傳其彷彿耳余國王

甲六

十八

金陵叢書  
蔣氏校印

子新英年遙起遂擅海內書名或者議其真書稍肥余謂莊  
厚沈著脫去佻巧獨得鍾繇遺法賞愛爲極故命工模蘭亭  
石本圖爲地意不在畫乃索子新悉書詩文其上真行雜出  
自發天趣實無模倣於前人也吁亦超逸矣哉百世而下考  
定禊帖當以子新所書自爲別本不得謬相比擬強加雌黃  
徒使知者笑耳

跋石亭陳子所書心經及觀音普門品經

心經是圓覺妙議徹上徹下道也不識此義不可稱佛弟子  
普門品乃攝世化度之說菩薩以上果矣妄攝思念則墮誑  
業石亭翁書此二本遺甯海達老設意有因達老精修白業  
宜量力進步徐登十地勿便涉水救人失卻自家脚也



跋衡山詩卷

徵仲七言詩愜當飄逸唐風宋語兩相融化自是一機軸也  
海內可多得邪此卷字多而精於彥明尤見友義

跋馬原明所藏石亭詩卷

石亭居士好遊遊必有詩乃其胸中醜惡之氣遇江山奇處  
輒發非求助於江山也每遊余多同詩亦多同作才情不逮  
遠甚然甚賴其激昂此卷原明屬予錄數詩於後紹文爛然  
何取狗尾之續邪今予兩人俱歸林下俟他日倡和做皮陸  
松陵集中故事重書一卷付原明諷詠何如也

題秋原游囑卷前

嘉靖戊子之秋余與攝泉居士集吳中諸賢為碧峰僧院之

曰六

一九

金陵叢書  
蔣氏校印

遊是日也論心覽勝接坐交驩賦詠畫圖成於宴次不可謂  
不勝也又五年癸巳居士乃聯之為卷再以示余予唯人生  
宇內聚散離合如游塵落葉倏忽無定所唯託諸文詞之間  
則後來可以永觀交情事變因之有足感慨焉者此會至今  
方五年耳貞夫子南舉進士居京師履吉諸君星散在吳石  
處戶部則已為泉下人矣獨余與攝泉相對故里豈無慨於  
其中乎不知更五年後觀此又當何如也然則近故舊不相  
娛樂及以細故絕舊驢或相管怒者可謂善居斯世也乎  
題饒介之諸賢懷古詩卷後

文以立意為宗辭乃色澤耳正惡其勝本此卷自饒倪至吳  
呂諸公皆吾東南前後巨擘其詩寓精深於簡古驅故實於

議論有一唱三歎之風若使今人和之詞華不啻倍此而格  
律意致吾不知其誰勝耳近時英流至云雖盛唐亦不及齊  
梁正所謂先進於禮樂野人也因書卷尾以復衡山翰院能  
無感於時變乎

跋枝山所書古詩十九首藏文壽承家

書法初見筆陣圖至孫過庭姜白石盡矣大抵拘則乏天趣  
縱則無法度加之矜持又生俗氣不可觀須完字具於胸中  
下筆之際自然從容中道今人惟祝枝山書古詩十九首為之憮然自  
恨骨格已定愛之不能學在休承諸君勉之耳

跋周別駕所收吳偉楊妃春睡圖

甲六

二十

金陵叢書  
蔣氏校印

余於別駕午谷君所見楊妃春睡圖是吳偉筆無疑偉資超  
放落筆即脫凡界此圖有小嫌乃是講授未至其勁健飄逸  
俗匠安可望其藩籬邪後題乃繁昌徐元定書元定初名傑  
字興之舉成化甲辰進士豪岸不羈仕為淄川令落職遂以  
字行更字元定文辭俊拔風神爽朗放言負氣意不可測雖  
於道義匪宜視齷齪突梯之流雖千百何用耳文徵仲性狷  
介文詞不作豔語乃有此篇又注意作章草要亦有取於二  
子然與觀者當鑒於驪黃之外毋但指點形似使駘駘竊幸  
也



緩慟集序

女亡余哭之慟人曰甚矣余曰豈惟天性之親孝養之篤不可舍哉殆失吾一高第弟子也今而後居內有言誰語哉思所以緩吾慟乃志其墓以著明淑未已又錄其善言且綴詩十三章哀之吾聞後有傳者爲不朽不朽者雖死不死也稽古孟陶之母儀樂羊皇甫之婦道緹縈曹家之女德雖大小不同均之有傳也吾女小善豈欲希蹤於前美使其片言單行撰女史者或采焉是亦可以不死矣吾慟不其少緩乎遂不避而梓之備焉時嘉靖庚子中秋日東橋居士顧子華玉序

甲六

金陵叢書  
蔣氏校印

顧華玉集卷三十九

金陵叢書甲集之六

緩慟集

上元顧璘

俞介婦顧女墓誌銘

女諱敬字靜媛南都人工部左侍郎顧華玉長女也生十四年嫁爲惠州知府俞公勉誠季子璉之妻十九而寡伉儷甫三年婿得奇疾扶持者二年食餒其餘未嘗就案臥躄其側未嘗就榻夜則沐浴露禱傾懇鬼神備諸辛苦婿卒誓不再適立兄子峴爲後姑趙氏難事能盡孝曲致其歡居十年姑喪峴幼遂還顧氏時俞氏有田千畝女僅取百畝曰養生送死具矣餘聽婿兄璠均養諸子事父母篤孝溫清定省無或

甲六

金陵叢書  
蔣氏校印

廢供奉飲食或疾病湯藥兢兢唯時凡菜果父母未嘗新雖得之不食悉毀金珠文綺之具舉義惠貧咸有恩禮力勤茹淡經營郊墅曰吾父好田居治此以待其休奉佛甚虔絕葷習靜遂悟空寂余間叩所詣時臻妙義初誕於廣平縣舍沈淑人無乳官次憚置乳母遂哺育之故單羸至是益弱己亥冬余督工承天久困迎之來既見神采秀朗攻書史精女紅差強往時庚子五月忽疾作醫診之曰榮液內竭不可治余始恒恨無極矣其心唯以不逮終養爲憾餘並灑然至分給衣物與諸人談笑揮之略無悲色至七月二十三日未時沐浴易衣乃卒耳目鼻舌精明如常自始病至屬纊善言尤多有別錄距生弘治辛酉閏七月二十一日未時年僅四十嗚

呼吾女明貞孝義宜成德長世爲家範乃先吾卒其苦慟何如哉訣云墳墓願近父母遂卜於彭城山原以口年口月口日葬而銘之銘曰靈胡豐年胡尚有其宰之貽我惻鬱乎糾經永無極

遺思凡十一則

吾女明慧善慮整厲能決然制於壺內之儀毋自遂焉吾察觀行事得其微每憾其不爲男子與吾家也吾嘗病諸子至夜既退女潛留不去衣不解帶吾遭先喪辦踊口日女執糜時進以哀致懇需食乃退見其孝內外親屬貧寡者捐私藏以助衣食衰老者率厭備其衣棺見其義方吾召起女獨邑邑曰仕過時矣苟嘗其榮宜早退也觀吾遺

甲六

二

金陵叢書  
蔣氏校印

後無厚藏則慶曰吾家之後可無大敗見其廉聞人之災必憫其何由致見被毒禍者則忿所加之人好活物命凡跂行喙息之微雖觸不害見其仁至其廣施厚捐曰種德造福云云者雖其崇佛信鬼之誠亦仁慈之性偏也若語人倫政理於道多暗合焉往言忽之泯矣今錄病次之語如左曾子所謂其言善也

病次聞余賑遺流民還籍示令投牒給發女曰恐有病而不能赴告者不如按戶悉索庶無所遺果再得數百人聞工次施藥曰藥品一不備則反傷人宜驗而後醫

病且革嘆曰富貴功名一切皆假也唯三寸氣真耳吾今是也父辨之宜早休

又曰父嘗教我日出嫁女無夫與子服制與在室同吾雖有嗣子在俞氏然復歸顧氏十年矣不可謂非家沒後請以少弟峻設一姊主祀吾別室終身何如余允之

病食蓮子取諸李宮監所一日或後余將速之女曰但速於主者勿聞李公恐貽其責是重吾愆也

屬纊之前一日或薦一女道士行按摩法女覺其不效晨附余耳語曰吾殆矣此人以醫名宜早遣還若及吾沒則不知者歸罪其身敗其業矣至未遂絕彌留之際用意若此何其仁明哉

卒之前七日形已羸甚強侍者易去紗帳錦褥曰非吾澹泊所宜又三日索簾牀藉之伴對余曰適涼耳潛語左右曰將

日六

三

金陵叢書  
蔣氏校印

便沐浴也及殆先命櫛髮類而次浴猶視且語曰佛氏側臥而終吾今忠利下仰焉殊衰也易中衣乃瞑

初迎二醫議藥既數日辭曰以吾一婦女遠集二醫不已甚乎且廢二氏生理尤不安也請卻其一

每父母視疾必先止曰毋徒想增慟且死者雖百年不免嘗憶內典云撒手縱橫何爲復牽繞乎命開篋取衣物分給家眾有差戒曰勿謝至絕未嘗涕淚

遺戒妹曰宜戒驕傲他日舅姑一不見舉卽辱父母矣勿精組繡女人能成三衣乃寔用也

戒弟曰弟似慧當率父教以紹科名吾九泉望之也終身勿廢吾祀至子孫則任之耳



又告余曰女察賓姪醴謹期育而成之今不遂矣歸求嚴師  
遠就郊居勵成其學毋狗彘梁之習將限余問曰金剛經尚  
能記否曰雖發揮皆了了於心但力不能誦矣餘見  
哀曲凡十三章

幽明間長途欲覩兩無因平時骨肉子一旦化參辰影響不  
可卽况觀形與身器服委空室書史積流塵舉目增哀思但  
然隕我神

父子情至戚矧重孝義兼既嫁失所從歸養踰十年定省無  
爽候食飲以時獨余表既有拂左右善承顏以茲樂生理桑  
榆得相延盍然舍我去衰息何由全

甲六

四

金陵叢書  
蕭氏校印

臨視遺言忍爲聽中堂出几筵白日暖孤燈凶語不復諱素  
帷列丹旌最憐顧弱弟丁甯託管蒸顧非木與石一慟誰能  
勝

迎爾故鄉來入門百憂釋客居雖草次聊爾樂昕夕盲風何  
從生變故一朝積絮絮璠樹枝零落委泥澤安得海國香薰  
爾返魂魄泉臺無朝陽長夜何時白

爾生園中英翠至大門前余宦越千里相攜涉山川風波既  
愁苦旅喪何煩冤瀾爾清淨念重冥歸我愆千秋郢春樓結  
恨沈荒煙高空耿素月澄水漾青蓮鳴珮去逍遙一洗諸塵

緣

采采巖際花纖纖庭陰草植此非問娛延芳媚余老微物甫

華滋弱質竟先槁幽亭儼如昨愁踐上山道憑檻氣填膈直  
以徹蒼昊

爾善合爲佛爾靈合爲仙二途設無就彼道亦徒然濟物逮  
纖眇研精達幽玄茫茫恒河界女婦幾相先世無少君術致  
爾問因緣願因西王母招引登九天

窮矣寡婦賦強哉女貞篤天道有厄會我心無轉遷爾生四  
十載二十喪所天五歲僅相保半世鎮憂煎華飾既久卻滋  
味亦長捐物理苟相準壽命宜少延罹此毒禍極誠憾天地  
偏

甲六

五

金陵叢書  
蕭氏校印

藉窮尺寸疆言終謬悠聊以舒憤懣  
築室依淮壩南山在庭戶榆柳蔭前堤花竹羅後圃俯鈞清  
流駛仰耕平田應云將待吾休栖遲盡衰莫區畛今既成菽

水竟誰哺他年涕淚潛縱橫漬叢樹  
秋蟬酸悽吟蟋蟀嗚咽鳴物生有常候感愴自殊情中林眾  
鳥集百爾無和聲念爾病時語遺音恒怛驚低頭展轉憶心  
刺如刀兵我生諒能幾此恨應同傾

吾愛老氏言良賈善深藏涉世苦煩囂閉關守吾常觀心想  
神聚遺物希慮忘舉目知者寡入門爾同方慰我塵勞還卻  
掃即焚香清言託虛寂萬有頓銷亡雖難徹玄理且得掃枇

糠不知從今去孰詣無何鄉以茲痛生理終老銜悲惶



上智乘神照履霜洞幾微疾疢窺未作調劑幹天機齊侯恐  
蒙子扁鵲空繁辭二豎窮膏肓藥石復何施爾病亦有初積  
歲隱傾危聞余乏先覺弗察形神離燎原勢忽熾杯水已後  
時塌髓固無及况無華陀師日月固終極恨快永難追  
續製琴操四曲

女亡踰月思其苦言不能解於心揆爲琴操四章伺善絃  
者譜而聲之庶幾一唱三歎有以託吾哀也

思終慕之操 女曰以子喪親者順以親喪子者逆吾無  
慕乎斯世久矣天胡使我復罹此逆而至此極乎

父母生我兮積勞爲恩仰天匪高兮踟地匪深緊圖報之兮  
既女其身所期奉終兮竭方以據動罹茲顛倒兮天何因我

甲六

六

金陵叢書  
蔣氏校印

不獲於天兮負吾親

達將歸之操 女曰我死魂魄當歸故鄉然以一女子何

能獨往耶願且留此依父母還慎勿先遣令悵也

江湖道遞兮有神司疆女魂子子兮孰禦其強吾親既留滯

兮願亦棲旁居高明兮食馨香王事成兮歸故鄉闌櫓桂樹

兮從之以翱翔

安大命之操 女曰身之不祿命也醫云薄味致羸妄矣

哉匪茲捐養慮且早折矣又諺曰陰德延壽亦誣女無微

勿郵幾二十年矣願不可以爲德乎命云命云可以塞諸

悲矣

物生兩間兮大命爲機疢壽不貳兮修身以俟時多仁莫爲

永兮鮮味莫爲羸顏冉大賢兮何行之疑嗟無奈於化鈞兮  
親毋我悲

樂養存之操 女曰違養大憾也淮壖之野樹藝構築成  
矣凡爲父母作焉願今朝夕樂之吾雖死而養存也

原田騰騰兮淮水泱泱我廬其增兮載聖其荒冀承二親兮  
黃髮是將天不見祐兮去高堂惟兒有忱兮豈間幽明願佑  
杖履兮終桑榆之光白骨雖塵兮養猶常

詩

陳洪謨

司空動哀歌問之何以因庭闈有貞女惜也生不辰舉案  
僅三載卽作未亡身虛衷矢白日鸞鏡重生塵尙餘黃鵠  
篇詩史爭傳神

甲六

七

金陵叢書  
蔣氏校印

孝義古所重嫠婦今復兼猶冀淑門子庶以延餘年鉛華

久卸卻心志恒明獨雅意在親側朝夕無戚顏持此孝與

義暮境宜久延天乎竟難謀福也奚吾全

處世若大夢昔人常著稱自非金石軀安能無寒崩彭殤

一夢幻此言良足聽慧靈已洞識委質隨風燈分義烟冰

雪青史垂褒旌卽可祀鄉社何勞計管蒸郢歌時展讀感

愴誰能勝

英英女中師膝前那可釋左右多益言足以慰朝夕讀書

本天性几案賸堆積闈閣昔毀容無復論脂澤白日倏無

光花神先隕魄昌黎瘞滂文重臺夜生白

顏雖壽之異已賦有生前天地同過客韶華等逝川瞻彼



林中鳥啼聲如有冤幽蘭豈無芳栽培嘗或愆機杼罷朝  
織總帷生暮煙垂垂湘川竹蕭蕭玉井蓮氣味固相感無  
乃酬宿緣

人身何所同輕塵棲弱草人心何所同天地一朝老瞻彼  
園中花未秋先已槁所貴遺清芬修短無復道終焉跨青  
鶴倘祥訴穹昊

娟娟園中花其名爲水仙肌骨自冰雪豈曰凡卉然朝榮  
忽夕悴此理殊杳玄化工或戲劇已露幾緘先所寶在明  
德胡肯隨塵緣不觀月姊神清光時燭天

刻意事纂組餘力及詩篇此心貫金石那計歲歲遷所歸  
既已失有父卽有天殷懃執子道怡愉無憂煎庭闈自慰

甲六

八

金陵叢書  
蔣氏校印

藉豈意中道捐英魂渺何所楚口空招延瑤池亦云樂化  
工非眞偏

未作百年人先成百年怨視死已如歸常存亦非願高風  
激頽波赤幟還自建獨餘事親心九原有遺恨阿翁垂至  
言字隻鴻折寸我懷通家情展讀增慍懣

尊翁昔罷鎮謝客常閉戶宿好敦詩書無意話場圃有女  
何昭明每謂仕已臙殷勤營菟裘思以慰朝莫松竹漸成  
陰雞豚日就哺悠悠百歲心夜雨滴秋樹

鸞鏡久不展冰絃嘗自鳴雖違仇僂願實遂孝養情恫痲  
已在躬不聞呻吟聲虛扁藥不入親心徒震驚化機自返  
覆平地森矛兵曷觀昂霄木夜雨忽摧傾

汎覽古今傳有善不可藏矧茲女婦德夔然異尋常斷髮  
矢天日世慮已眞忘楚魄植蘭口灌溉自有方采擷動盈  
把佩服生餘香懿行古所重身逝名不忘况復精內典豈  
止得秘糠法華契宗旨超然無爲鄉涪陵著奇跡予懷增  
彷徨昔一女子嗜法華經願來世作文士後果託生爲黃山谷事具涪陵傳

薤露已零落晨光猶熹微六駒駛缺隙吾口洞先機鬱鬱  
此生恨昭昭臨終辭造化拂常理修短如逆施自分莫景  
樂豈期中道危由來賦仙骨形與塵世離箭筈啓羅襪猶  
憶凌波時貞珉布遺烈寫照煩畫師卓哉曹陳輩高風良  
可追

甲六

九

金陵叢書  
蔣氏校印

楊 擬

長惜曹大家一朝失所因辛勤綴殘史寂寞踰芳辰猗與  
顧氏媛無乃前後身幽蘭味滋晚弱草驚棲塵仙竇杏難  
卽孤月疑傳神

癯然一女士何哉眾善兼蚤持栢舟矢待盡未亡年頓起  
悟空寂五蘊膏火獨稚齒敦孝義鬢婦爲厚顏羣生遂大  
化孤英能少延耿耿如斯茶心今竟玉全

仙袂倏輕舉遺言良足稱頽波欲力挽狂瀾惜迴崩重城  
暮笳發淒惻胡忍聽回風帶素帷哀猿起殘燈長編寫餘  
慨女史行復旌花晨雨黯黯月夕雲蒸蒸此意莫復道千  
古恨曷勝

撥悶展天問風簷手不釋奇詭直古今變故祇旦夕安得



羣疑已頓瘳我憂積媛延時冀方仙舉忽楚澤巫陽空費  
招月窟藏靈魄高秋碧海頭露滴桂花白

厥賦匪人後厥化胡人前代序若轉燭飛景同逝川湘妃  
理瑤瑟促調爲陳寃明慧洞無始淑慎期罔愆傷哉千里  
楓慘淡迷蒼煙乘化詣何有九級臺生蓮應後天地老絕  
彼蜉蝣綠

蔥蔥帝陵樹冉冉王孫草大火正西流厥世嗟未老蕙殘  
香猶存玉汗枝就稿想像凌虛初先驅烏使道凝睇望九  
闕叫開惛蒼昊

習靜謝氛垢風神姑射仙懸名理金母躡景何條然應招  
萼綠華鳴佩趨重玄步虛按雲謠縹緲相後先方憶從肯

口苦海流浪緣且發辭閨風暮歸宴靈天

少聞誦三百不遑將父篇依郢憚千里承顏曾境遷微言  
冀弘濟釐憂良卹天識超意彌愜五內虞相煎青鳥忽朝  
下白璧中道捐所貴逾百代芳譽知孔延沈冥造化機未  
必生成偏

哀哉黃鶴歌天乎敢萌怨菽水期百年四十輒遠願屬纊  
殊精明輪祀懇爲建親怡諒何及首肯俾無恨吁嗟形雖  
亡不亡者方寸世人知不知能不爲憤懣

慨昔房杜男不能繼門戶所嘉志悅親暇日營墅圃區畛  
既分明映帶亦修廡槐棘會倦趨桑榆可娛暮何物始其  
賢烏私奪而哺他時對青山含酸更佳樹

日六

十

金陵叢書  
蔣氏校印

化機孰激之羣動乃爾鳴籟慮信若寄芻狗口何情芳蕤  
委道側過者爲吞聲孤蓬暮焮急傷羽虛弦驚浪云愁城  
堅立破煩酒兵載廢郢中曲腸斷湘月傾

襄郢比勤役豐歲無厚藏明公恒軫念自奉只尋常特簡  
艱且大夙夜未敢忘奄忽失鍾愛幽明奈殊方活物抱夙  
性禮佛崇瓣香終然證玄典定力昭垂亡大千諸纏縛等  
視眯目糠感茲倍惆悵况復在他鄉冉冉墮月珮於焉扞  
悲惶

屈信妙相感玄宰司其微向非古至人能燭浩浩機媛兮  
鑿亦洞卻醫頻致辭未亡者軀殼七劑勞復施况非金石  
堅灑灑埃就危所恨惟膝下永作千秋離歷歷弟妹語圖

立須乘時語中含諷諷膏粱子可師有涯會有盡歎息將  
安迫

王格

淒雲蔽層岡重泉見無因人壽百歲期何遽逢茲辰珎珎  
委虛室羅紈不及身昔爲闕與玉今爲灰與塵搗鬱一匊  
甸惻惻動我神

女生本陰質孝誼難所兼嗟嗟此淑子孳寡當盛年舅姑  
事已畢父母養亦獨苦空悟玄理恬淡頤素顏天道苟無  
爽年命宜可延如何更脆促一往形不全

南國有淑媛籍籍多懿稱薰膏易消歇雲巫遂去崩哀聲  
揚中野四座慘難聽浹浹漢水涯弟妹守昏鑑悠悠金陵

甲六

十一

金陵叢書  
蔣氏校印



側如姪望歸旌顧余郢鄙士一藻無由蒸登龍感上宰淚  
下難自勝

萬劫素所空千慮更茲釋逝水無由收朝陽歛已夕花寢  
伊威生鈿釵埃塵積靈柩寄他鄉孤魂翔故澤何時還金  
陵重扇闕芳魄秦淮有清波長以奉真白

我昔遊金陵徘徊雙闕前賢哲識士女龍虎見山川今聞  
之子逝使我心煩寃生年不稱德皇天有其愆無乃吹簫  
去九陽淩紫煙楚人罷里春吳姬輟采蓮寶劍良可贈道  
遠無因緣

春秋更代謝嚴霜委蔓草念茲蘭茝質馨香未衰老如何  
九畹滋一旦遂枯槁故鄉渺何許愁雲迷遠道招魂不可

甲六

十一

金陵叢書  
蔣氏校印

得嗽詞恕有昊

鉛華久不御養素事飛仙教典攻昕夜性靈何炯然神皇  
授道要身毒契心玄三尺雖徂化藥珠諒攀緣丹旄耀人  
代白榆種在天

盛年執高節潛心在內篇如何松鶴姿奄忽隨物遷南枝  
悲越鳥箕風厲楚天人命固有常茲憂火相煎羅袂寂無  
聲與世長相捐靈輻託漢裔願得少遲延山傾梁木萎造  
化良外偏

自古皆有死伊人獨無怨藉手見良人應他獲所願婦道  
及女儀懷與天地建所悲堂前翁麟傷抱長恨達士識大  
道諒不守尺寸我歌薤上露聊以解憤懣

羅幃生紅塵虛房闕幽戶明月鑿前庭落葉依後圃我聞  
淮水山高原何騰騰墓木一以拱萬古遂長暮悲鳥叫中  
林口噤不能哺賴有烈女篇燦燦遺所樹

端居觀玄化爲爾一悲鳴國風詠鳩誼仲尼傷麟情誰謂  
江漢永湍流助我聲誰謂天地寬淒風爲我驚履道邁天  
柱大運有戟兵撫心起長歎涕淚同泉傾

健婦持門戶貞婦事脩藏女生豈丈夫無儀乃其常茲人  
已陳死孤蹤永難忘怕舟誓皎日婉靜不易方玄默禮金  
聖掃室坐焚香朝露視區代萬慮俱滅亡罄折府中趨有  
似處糟糠何意忽隕化營魂寄他鄉皇佐撫孤櫬焉得不  
悽惶

甲六

十三

金陵叢書  
蔣氏校印

步出郢東門暄霧何霏微還望顧氏樓清夜罷鳴機中閨  
振鼓鐸齊聲萬里辭言采漢濱紫欲薦無由施生死固有  
分嗟爾罹茲危靈輻雖暫滯骨月慘已離日月有重輪江  
海無歸時但遺內中則燁燁皆可師傳語後來人逸範宜  
相追

顧玠

叔姪雖異體天倫本夙因哀爾爾蒞質歲厄龍蛇辰長眠  
竟不起隕絕千金身龍象掩虛室篋笥流荒塵訃書自千  
里悵然傷我神

生離常戚戚况值死別兼浮生能得幾况復四十年我兄  
宦千里忍聽中路獨空堂弔孤影低頭思舊顏曾聞海上



仙有術能招延使我骨月情夢魂或相全  
粲粲少年婦允矣賢哉稱良人一天折號泣山可崩有臂  
或可斷柏舟誓同聽空門託清淨形影惟孤燈忽作江漢  
遊遂爾迴丹旌傷哉白頭翁五內痛不勝  
結廬在田野閉門學梵釋匪徒著節名亦以慰朝夕從茲  
入湖南雲封塵暗積松蘿覆空壁龍蛇沈大澤關山路道  
遙何以致魂魄生車近不虛須使居業白  
爾謂駿中英駑駘豈及前微言析至理湧若決百川豈無  
上池水二豎相仇冤他鄉作新鬼苦毒增重愆悠揚散朱  
魄浩蕩凌蒼煙風撼庭前桂霜殞池中蓮夜臺寂不開永  
離塵世緣

甲六

十四

金陵叢書  
蔣氏校印

紅凋臺榭花碧萎牆隅草萬物有始終痛爾年未老恒思  
廢寢食形神致枯槁他鄉旅櫬歸依然隨故道薤歌曲未  
終愁雲滿蒼昊  
窈窕深閨女人稱寰中仙已遂從天願孤飄自依然守身  
立大節悟理見真玄雖無繼其後足能紹其先膏肓臥不  
起了明三生緣賢愚同泯滅公道誰云天  
詠罷關雎詩載歌柏舟篇有山或可移此心非可遷結茅  
依淮柏孝養終所天造物有忌奪三尸苦相煎神樓徒爲  
施蓋棺竟長捐芳名播中外旅魄相綿延百年未滿債莫  
測其中偏  
千里本相期適以招哀怨少弟主丞嘗瞑目亦遂願人生

必有死曷若芳名建白頭有餘悲黃壤終抱恨司空壽祿  
高復使繁方寸哀歌表縉紳庶以舒煩懣  
孀居僅廿年竭力應門戶繞屋植桑麻開軒面場圃侍親  
賦歸來團圓豁心膈世路多坎坷虞淵竟不暮風狂花落  
地枝折鳥辭哺新阡彭城山有鶴依叢樹  
犬出雞爲哺兔死則狐鳴物類有顧戀何況中人情吾家  
道蘊氏少著共姜聲郢南尺素書燕若雷霆驚虎頭骨肉  
多獨慘阮步兵窮老何所託縱橫淚若傾  
處世真如寄百年終歸藏爾於世不久即歸返其常善言  
爲女則采之備遺忘吾聞釋子教巍巍依西方灑沾楊枝  
水種植返魂香此道真虛謬善人早淪亡哀怨徒辨踊窳

甲六

十五

金陵叢書  
蔣氏校印

窈窕精樛清魂涉渺冥素魄飛南鄉畫堂留遺容躑躅空  
悲惶  
日入尙返照造端始達微哲人妙至理曷先露鋒機辛勤  
二十載滋味相捐辭津液已窮竭參朮安可施豈無青精  
飯何以續傾危心勞厭疾攻穀神亦乖離脩短固其數亦  
當慎其時芳華委泥滓治禱羞巫師東流逝滔滔一去不  
可追  
王應芳  
浪說綱常世已溼瓊枝雖萎色猶新堅持直欲通天壤默  
禱還聞動鬼神讀罷曹碑知孝行閱殘陶傳見天真他年  
太史收貞烈西掖吾能字字陳



黃濟

金陵匯佳氣大者為興王其次自磅礴流注亦異常一門  
萃元老遂育古共姜共姜有盛德四十年不長造物果何  
心令人增悲傷

月無竟夕輝花無百朝妍妍輝自花月造化猶爾堅豈關  
造物心花月本自然物理固如此奚疑人壽年仰觀達者  
作生幻一寒蟬

淑質天所命懿德有常執女道擅貞靜法門悟結習守此  
未亡義心已淪灰濕晚依何橋翁探妙臻六入奄忽棄人  
世一笑明苦集

甲六

一六

金陵叢書  
蔣氏校印

平生令德多墓誌言未力公復識不忘十一表女則哀哀

十三章吞聲語咽澀至情天所鍾一念無終極翻作琴中

操千載人傷盡

阿淑生不幸大幸明公生在有膝下教卒為嗚不平千里

依親旁寒燈照孤貞苦心寡暢懷榮液竭無盈精魂馴玉

虬聖母攜上征

公昔撫全楚再遷尚書侍帝勅皇陵工繼竊留守寄經年  
拜恩賜迺附骨肉義親承慟女顏時亦揮長淚願珍天眷  
身鼎席方虛位

黎爽

閩中節孝昭天道吳下才能仰父風水月已逃浮世界乾  
坤不毀舊簾櫳嗚嗚郢些司空淚繞繞春樓杜宇紅我亦

有懷思痛定至今長望此江東子以庚辰年喪家於南京故云

商大節

女史精靈世本稀芳年持節動南畿長看日月憐孤影早  
委身心學息機建水烏翔鄉路遠石城雲暗旅魂歸古來  
汗簡收冰玉不在吹簫跨鳳飛

羅英

橋翁有至慟遺我緩慟篇斯慟豈能緩割情昭女賢十四  
借伉儷二十違所天誓死未即死念茲膝下緣悟空臻妙  
義所願豈長年思翁久王事輕帆來飄然侍養苦未幾遽  
爾隔重泉翁慟願何為此女仁孝先愴神製哀曲并錄善  
言傳哀哀曷維已託之琴上絃千古幽貞意陋彼金石堅

甲六

十七

金陵叢書  
蔣氏校印

車盛

嘉言猶在耳淑行總難名了知三教飄飄逝九京人須  
憐節孝天殊忌聰明風雨蕭蕭夜誰堪父子情

王紆

金陵有幽芷託根大江涯江流浩浩沃沃良獨宜弱穎  
露雲覆初蕤零露滋白日忽云暮青天夜氣墮柱足寂菴  
娟娟自持清影逾蓬勃廣都為延咨云胡迅颺至凝霜來  
不遲大造亦何意亭亭肅孤萎惡木猶未槭神理豈余知  
焉知大化改不為爾與葵蘭馨被浚谷葵舒迎赫曦飛光  
滄江上吳門重陸離

劉遠

貞女端居四十霜  
稜稜冰雪對寒芳  
清宵事績仍分漏  
白日看經不下堂  
湘國游魂凌碧落  
楚天歸櫂照滄浪  
更憐顧况揮麾日  
皓首哀思繞鳳岡

誓死甯親趨柏臺  
發沈一夕出塵埃  
終言獨感慈天恫  
掩玉難消異地哀  
雲擁金輿仙駕渺  
霜寒水鏡令儀開  
遙知飛旄臨江滸  
鶴舞猿啼草木摧

孤高抗節出人羣  
習靜齋心無一訢  
在室已傳冰雪操  
居嬭常著苾麻裙  
精靈迥入瑤臺月  
魂夢空歸湘水雲  
請看貞風干正氣  
青娥素女侍高墳

易曰婦人貞吉  
從一而終也  
靜媛有淑德  
懿資乃寡而弗壽  
若可憫矣其一而終也  
又何恨焉

甲六

十八

金陵叢書  
蔣氏校印

婉婉園中委蕭然  
林下風結髮事君子  
宛如雙飛鴻中路  
一失侶哀鳴意何窮  
人生易速化奄忽  
向泉宮豈不重天傷  
託身良有終

芳華何易棄  
生年逢不辰  
譬如葉上霜  
朝日難相親  
短促豈足歎  
但念堂上人  
昔爲玉與珠  
今爲土與塵  
白首苦涕淚  
摧折傷心神

悲風江上來  
折此瓊樹枝  
瓊枝蕊且芳  
凋零良有時  
荆榛迷道路  
一望何靡靡  
天意渺難測  
物理忘大奇  
傷哉窈窕女  
負彼廊廟姿  
殊材與壽命  
安可以同期

陶嬰賦黃鵠  
姜女誓柏舟  
永歸信所適  
久生安足求  
泉路既杳杳  
長夜亦悠悠  
旅魂不可招  
遂彼清江流  
朝發郢水

曲夕返石城  
頭鬱鬱連理枝  
千古同原邱

江銳

懿德從來里  
聞如何一疾竟  
沈淪于歸未久  
桃夭樂獨守  
猶知節操真正  
氣稜稜昭白日  
芳名籍籍動儒紳  
司空集上誰爲憫  
天叙人情一體親

黃漳

南國有淑女  
窈窕稟天資  
笄歲配君子  
早夜盡婦儀  
相端淑且慎  
懿德肅簾帷  
殷勤時舉案  
白首以爲期  
不意相棄捐  
中道永別離  
抱心常化石  
每詠柏舟詩  
淹忽乘雲馭  
杳杳蒼天涯  
嚴君思無已  
排遣成哀詞  
佳人命靡常  
今古長歎吁  
嗟哉木天存  
修短亦何疑

甲六

十九

金陵叢書  
蔣氏校印

劉祚

仰觀上有天  
俯視下有地  
嗟哉節婦心  
成此一個是不必  
別爾肝不必割  
爾鼻唯盡人道  
常內省自無愧  
二十餘年間  
苦勵柏舟志  
機杼有餘功  
深究內典理  
充養純粹資  
女中顏氏子  
德豐壽不延  
天乎何乃爾  
我爲作詩歌  
悲咽無從涕

陳鳳

伊昔適荆楚  
彩鷁乘長風  
今茲返鄉國  
素旄揚春空  
去時父母歡  
歸來旅櫂從  
孝養一以違  
悲思浩何窮  
愁雲爲我結  
明月爲我憫  
俯仰平生親  
哀吟空附膺  
割彼掌珠愛  
棄擲同塵埃  
琅琅垂絕音  
流輝照千春  
臨淮



既有望淮壩亦有田田空餘可憐意不見承歡身迷津得  
寶筏懸解資勝因超然生死塗庶以慰所親

程宗舜

姑蘇千里月西役楚天秋鸞影三春夢蘭芬百代愁翠娥  
傳窈窕朱瑟託清幽願采吳風古重將烈傳脩

李濂

有鳥南方來口銜一札書開緘試疾讀我淚忽滿裙金陵  
有孝女隨父郢中俱十四俞家婦二十乃孀居歸來侍父  
母孝養聞里閭經營淮壩墜面山結茅廬外藝花與竹中  
寘琴與書遲去父解組還可樵亦可漁云何溘先逝老父  
悲歎歎雖輯緩慟篇此慟恒如初

申六

二十一

金陵叢書  
蔣氏校印

弔客且弗喧聽我孝女篇父爲天下望母兮里所賢家教  
亶足徵閨秀宜其然貞淑本天賦女誠奉周旋夫亡永歸  
甯侍養踰十年鉛華卸勿御葷肉咸棄捐齋心通神明內  
典悟真詮脩短信有命善行况可傳緹縈與曹娥千載堪  
比肩所嗟父母老淚下如流泉

王顯

直木頰先代甘井不後竭嗟哉令人生心鐵骨如碣秦秦  
桃葉幾何時一片花飛子無結蓮房露冷管然空石可轉  
兮志難戀三復柏舟詩一死矢靡越鷓鴣聲先草木秋杜  
鵝血染金陵月抱恨歸甯歷幾春晨昏定省儀無闕嗟哉  
玉質絕塵埃春蚓秋蛇筆端發讀書不效大家疏制行何

如蔡珍蹶存梁石勁負綱常心孔天寬納麟趾嗟哉女生  
十四始見夫奈何十九甘沈沒君不見東家有女膚如雪  
去年嫁城南今歲適岸北又不見西村婦髮如漆黑嚴阿  
受抵牾烏鳥不相識試看姑蘇臺上客笑殺浮萍隨風擊  
任他滄海桑田變贏得芳名萬古烈人情非獨憐珠翠因  
知節義在感激吾觀丈夫心何用自沈溺蒼黃反覆墜天  
柱忍使令人遣皎潔

琴操

朱衣

衣讀東橋公所謂緩慟集悲其女靜媛慈慧貞順乃寡而  
不壽或謂女依公竟逝郢中不知廿年之久千里之遠不  
能去俞季子一日也爲作悲風操悼古者取而弦之

申六

二十一

金陵叢書  
蔣氏校印

有鳳凰翔翔而下得非季子靜媛乎梧兮竹兮江之左兮  
風兮風兮維茲之安兮風逝兮風奈何兮梧竹槁兮其孰  
能我兮松兮柏兮非不可兮將適其所兮

解

吳愷

緩慟何也大司空東橋翁錄其哀女之詞而名之也情見  
乎詞莫非哀也哀且濺乎深矣慟曷甚也乃自名曰緩慟  
焉何也夫父而慟其女之亡也天性至情也欲自己得乎  
奚容緩也矧茲女氏之良其深於理要有士君子所不逮  
者是所宜尤慟也而翁固緩焉何也慳作而歎曰此可以  
見翁情之正性之真也女氏之造茲錄之述也概觀其微  
矣植真固之幹秉粹白之節體孝敬之情適順逆之數通



造化之山達生死之分言惠行協議微潛遠全歸暇豫直  
與化游於其訣也翁哭之慟慟無所於寄也於是類則以  
表之長歎以詠之布操以悲之皆所以哀其聞道也死可  
無憾矣女孰無死如此而死則鮮也慟不可緩乎此其得  
情之正也觀此則哭之喪明哀之不絕者蓋不能以理自  
節也雖然翁之慟女也特不為號號迫裂之氣以同於婦  
人女子之情而其所述緩慟之詞一言一字皆由中戚而  
溢於言外有無窮之感焉慟則緩哀實切也天性之真則  
然耳故緩慟者翁之至也否則無所事緩矣嗚呼慟者翁  
之情也緩慟者翁之情也夫女氏之終也自知之而不以  
自悲誠有見於道也所謂齊彭殤於罔覺者非耶翁之不

甲六

二十一

金陵叢書  
蔣氏校印

以過痛蓋亦以女氏之心為心也是惟翁之於女則有之  
乃作解嘉靖二十年歲次辛丑仲冬朔知承天府事吳惺

艾孟午

慟何緩乎有解慟而自解之辭也大元老東橋翁長女靜  
媛氏以元氣還造化翁思其遺淑哭之慟錄其則十一事  
且繼以哀曲十三章琴操四曲昭淑也志不忘也孟午讀  
其則復其曲竊歎曰靜媛氏翁可以無慟矣乎夫人生天  
地間所不能全者節孝而已靜媛氏事親為孝女居孀為  
節婦且樂義尚廉敦仁視古之賢烈有加焉觀風者采於  
女史以風貞靜媛氏將為天下完女雖死猶不死矣翁慟  
可以無奚其緩乃作無慟解五章

微孝一解

貞元失經不有親丈夫尙爾顧天真靜媛事父據至誠視  
疾終夜忘臥衾執糜時進輸哀忱需食乃退何殷勤行當  
采實招汗青與古孝女齊令名翁無招魂揮長吟

全節二解

惠州太守季子逝季子婦年剛十九青年高聳綱常肩香  
閨獨操冰霜守季子含笑九原下婦風懷懷南金價孝姑  
立後節孝兼聞者遐邇增長訝嗚呼節婦亡命在天列傳  
之後增新編翁胡作曲伺善絃

樂義三解

顧家有女捐私藏親屬貧窶資衣糧衰老率眾備以棺古

甲六

二十三

金陵叢書  
蔣氏校印

今賢女渾無雙女史記義垂不忘昭昭青輿馳四方翁無  
墜淚陽春傍

尙廉四解

天下之女樂厚藏胡為慶家無所遺天下之女愛父貴胡  
為幸口宜早退嗚呼靜媛之心幾聖賢見與玄暉之母無  
後先天胡不憖仲永年而翁託操思慕篇

敦仁五解

憫人之災見惻隱忿人之禍知正氣拳拳一片生物心合  
與乾坤相匹配有天堂子必登有地獄子不入悠悠造化  
歸無極厥銘無愧他山石

誄

李汝楫



金陵顧氏靜媛命令人乃我東橋翁老先生長女也嘉靖十九年七月日以疾卒承天郡邸士林哀之旬日蒙示緩慟於是奇服環言宛然在目皇天胡辜善人不穀早華中零朝聞夕沒俯短隨化流雲馳乘好德曷其已矣紆慘幽懷示此哀誄情誦致愍以備女史誄曰

鬱邑淑女生此南都山川佳麗文物名區系源右族裔出詩書曄曄令儀惟德之隅夙稟於天岐嶷儲如曲成於人乃軋鴻儒二七而笄大禮既閑宜室宜家壺則是閑奄及三禩遂失所天立子以嗣期矢黃泉繼姑趙氏竭誠以旋何有何無電勉從焉家道遂殷再踰十年姑氏以喪罹咎克艱中允禔福婦道以全繫於斯際嗣子未成形影相弔

甲六

二十四

金陵叢書  
蔣氏校印

子立煢煢復我宗族坐茲不經權而得中以禮馭情堅珉勵金何如我心之死靡他自首如新羨田不悵分業不磷千取百焉廣我至仁事父如孀事母如姑溫清定省罔易厥初侍疾嘗藥侍喪進舖衿纓綦履容臭不殊茹齋斷葷託跡浮圖沈潛空寂矧然不污無事文綺悉毀金珠淡樸自甘以俟亡夫女紅婦訓保傅在躬既文既博令名無窮赴難睦隣并切療痾飲仁服義沕穆是崇人倫政理上下異同時有啓發顏閔之功務茲稼穡書數旁通小物不遺造誼洪濛嗚呼淑女瀚海波瀾詞林枝葉軌躅彝模宜範宜則時大淵獻依父母側郢中聚首而愛斯愜乃於困敦季秋之月一疾嬰懷二豎爲孽芳桂實秋瑤華斯歇何辜

於天中道以折頽而更衣有符易筮尺度不爽垂死烈烈嗚呼淑女沙籠之靈媛女之精塵海何緣景命斯傾膏以明銷翠羽殃罹文藝才猷造物所忌鳳不可繪麟不可羈杜秋窮老姆傳何爲嗚呼淑女木蘭之孝共姜之賢班姬警悟大家沈酣雲軒搖搖鸞翮翩荒在旅忍親遺編靈修數化玉樹埋香肖貌乾坤大烈耿光僊遊不返帝遣巫陽招此英魂無滯他方嗚呼哀哉

李汝楫

甲六

二十五

金陵叢書  
蔣氏校印

不淪依我父母益懋靈修姱節今古滋蘭九畹樹蕙百畝儀型於家仁愛斯溥嗟彼黃鵠七年不雙宛頸獨處不與眾行刻而矢心瘞耳自方慄慄霜操百世之芳嗟嗟令人士女之行坤道之傑既邕爾有爾壽斯壽天者難沈神者難測揮涕吞聲摛思惻惻嗚呼哀哉

孫一元

緩慟何東橋司空相公慟其女也緩云者慟之過而自慰也夫父子天性孰不爲慟公之情非尋常父子也讀遺思哀曲諸篇具見矣貞孝大節並美古人淑德懿行足爲內範而無忝公念之殆有不能置者此慟之過不自知而自慰也夫死生大矣易筮之際不悲不懼仰贊親志以退爲



懇皆人所不易所謂得正者非耶是足傳而垂之不朽矣

廖道南

玄素子曰予小子誦詩至柏舟未嘗不廢書而歎也嗟乎共姜之慟通於天矣曰實維我儀貞以天其夫也曰母也天只孝以天其親也弗天其親女道闕矣弗天其夫婦道曠矣而惡乎弗慟乎乃今大司空東橋翁慟厥息之天奪之之速也於是乎有哀曲有詩有銘名曰緩慟予誦其遺思諸言為顧氏女也者為璉也妻於寡居見天其夫之則焉為俞氏婦也者為峴也母於歸甯見天其親之懿焉昔者季札氏瘞其子於贏博曰魂無不之韓愈氏厝其女於河陽曰汝安歸之夫二賢者其識達其思遠其情廣以淵

甲六

二二六

金陵叢書  
蔣氏校印

以故永有詞於世東橋公智如札忠如愈而其適之時則又過之時方有事顯陵攀龍輦顧鳳輶而覽觀於邱陵墟墓間其慟也匪曰太上忘情殆憂以天下云爾詩有之無以我公歸兮無使我心悲兮此又楚人士頌歌於公與公之所以對天下者毋徒諉曰緩慟已也

顏木

緩慟者今工部左侍郎東橋顧公為其俞氏女靜媛之所作也靜媛十四而醮十九而寡守志二十餘年節行之懿求之古高行之婦無愧焉先生素鍾愛之中道而殞能已於慟乎釋氏以無生滅為度脫以般涅槃為降伏故賈道儀誦法華而解脫范超明究諸經而究集設有之則靜媛

熟誦金剛經事佛素謹其夫亡守志之年復早於二氏蓋其心自己降伏而度脫之入於了證非不幸也茲殆未易與俗人言也

王經

緩慟何作東橋公作之緩慟云何女亡公以慰之茲公意乎亦公廣之至情弗遏慟可緩乎期恒情也公見之矣惟情曷極顧惟其值斯之弗權其曷可長公則有言有傳不朽不朽不死是則緩慟乎抑稽諸哀詩十三章遺思十一則樓弗殫述述其大章章者中菁懿德可不曰言賢一之曰孝二之曰節至矣至矣先意承歡郊墅有待孝哉非歟廿載凝慮矢靡其宅節哉非歟其曷爾爾可以觀矣惟公

甲六

二二七

金陵叢書  
蔣氏校印

立朝匪公峻嶻弗渝光昭先德事死若存刑于之化身教之流靜媛貞則固宜備之由斯之道焉而弗令以立民極以樹天柱以存坤維以通神明以貫金石義齡而促理疑畔經意者於玄不昧重憫苦操畢之百年謚焉完之大美及公會昌駿發遠祥者耶惟公勳蹟被區寰聲稱耀策牘海宇傾注不啻名嶽茲慟之播也豈鮮知言篇什詠歌揚光闡幽覲以紆公一慟將不有之觀風採之史氏書之郵典旌之褒然諸大家今昔並傳而上下之旁燭日星培植元化其不在茲乎亡也者有其存者也速也者全其久者也是之有獲何攸非所知惟死生且昏耳天壤逆旅耳何慟何緩



禮

元老東橋翁之喪其愛女俞貞婦於行署也禮從門下羣吏皆弔喪次翁出見容其容戚其詞悲其情痛烈不自勝退而竊憂謂父子之情一至於此殊非暮年所宜也誰其慰諸不旬日而緩慟之作出矣又竊喜達人君子之能以理制情也如此捧誦終卷喟然歎曰斯慟也不惟可緩而直可以無矣何也以共姜之節而父母不能諒其心以東海孝婦之賢而茹冤以死以蔡琰之聰明絕世而適失身於異域其他幽愁困苦顛沛泯滅者何限今貞婦志如柏舟孝如東海慧如蔡氏雖不幸早歿無所出然生有養死有歸蒸嘗有主懿範永永有聞於世求之古今千百一見

甲六

二十八

金陵遺書  
蔣氏校印

九原有知自當瞑目翁復何慟哉復何慟哉

近言序一

資善大夫南京兵部尚書古汴王庭相子衡撰

載道之典至文也文不該於道淺則俗陋則俳矣故君子鄙之嘗觀唐虞三代之典即事命辭而文生焉蓋道為主而文為客也魏晉以降緣辭撰事而文飾焉蓋文為主而道為客也是故華藻佻巧之為務而敦大瀆正之氣傷矣鬼瑣庸譎之是擬而合道撰治之旨亡矣雕辭刻語之工呈而文從意順之妙塞矣間有大心真觀之士探源返朴以追古訓然俗尚日逐濤瀾滾滾莫可遽止矣嗟呼文之敝極矣哉吳郡顧華玉氏達識往謨游心治體慨道紀之久溘哀王政之弗續乃作近言十三篇以昭時範蓋體道經世之典不徒會於文

甲六

一

金陵叢書  
蔣氏校印

者也觀尊道則知聖人之教法可以平民而佛老流妄之害可殲觀富生則知風俗侈僭因之窮民而天下之財力所當養觀本法則知先王治典為不得已而莊老無為之談亂世矣觀治原則知誠臣建太平之業而矜小智徇私邪者之足以病國矣觀近民則知大易之簡易為政要觀勗廉則知君子之寡欲為世防觀夫學益定志別謙內治鄉正與隱諸篇無非示人執德守道以為立教崇化之本嗟乎義關政紀志存世師厥旨雖約厥用實溥何其言之貞而近聖如是邪由之可以振民育物可以建猷植範可以協道宣化可以平衡宰世蓋堯舜之卓擬六籍之玄詣也古謂文章與政通斯文不其然乎夫文之敝者整於倡而圯於習者也非所倡而倡

之則古訓離非所習而習之則大道隱隱則迷迷則失承失承則支岐詭僻與聖日遠非有大賢達哲開示道真以為世準夫奚能返而變之然則斯文之作不亦後學之指南乎哉

甲六

二

金陵叢書  
蔣氏校印



近言序二

通議大夫南京禮部右侍郎黃巖黃綰宗賢撰

意以命言言以達意意者本也言者支也夫曰文乃言意之紀也故意真而言則言則而文明故文乃道之載也君子以通天地脩人紀協鬼神文可易為哉古之人非有意於文意至而文成如陰陽之必化如日月之必明如雨露之必滋有不知其然而然者此六經四子所謂文也下此雖閭巷婦女田野鄙夫之言亦可誦而感可傳而法其意真也今日為文皆模擬為工或曰先秦或曰六朝惟欲形似不求本真譬之劇戲飾冠帶幻男女易老幼妍醜邪正悲歡萬變皆非已有而真意益荒由文以究其心由心以徵其事所謂叛道害政

甲六

三

金陵叢書  
蕭氏校印

禍天下有不可勝言者矣東橋先生悼茲有作為近言十三篇要皆寫其胸臆之真就其所至而發蓋積義以宣言體物以達政其乃取法於經馳驟於史庶幾不叛乎道昔唐之文承八代之衰得韓退之而變之其文遂昌宋之文因五季之弊得歐陽永叔而返之其文絲興今也以文校士為害既極於此得先生之言為軌範則先生乃今之韓歐非邪子故著之以俟知言者之有取也

顧華玉集卷四十

金陵叢書甲集之六

上元顧璘

近言

尊道篇

或問天地之道曰視太極問人之道曰視天地問聖人之道曰視人道曰盡乎曰盡矣然則異端之教紛然譁於天下者何哉曰流妄也古者包羲氏作始畫八卦洩天地之秘類萬物之情於是文字興焉而道統之傳立矣可以修身可以治人可以養生可以利用孔子所舉十三卦制器尙象之例是已烏觀所謂異端哉其後黃帝堯舜禹湯文武周公迭興守而傳之教明法立無有異說奸乎其間於時怠棄三正則有

甲六

金陵叢書  
蕭氏校印

誅讒說震驚則有刑雖有暴行邪說不敢起也周之衰聖王不作處士橫議百家眾氏之學始興孔子孟軻起而闢之卒不得絕無其位故也後世之害佛老為尤甚儒者世議而日排之亦勤且力矣惜乎不揣本原獨舉吾先王之緒言瑣瑣然與較曲直彼且嘒嘒然交辯而求勝卒使聖人之道降而與之為敵此吾儒之罪也蓋使之觀天地之所生包羲氏之所作果孰始乎是謂本也物無二本則吾儒之道源遠而至當獨尊而無敵異端之道皆後世流妄者也執斯言也雖有悍夫不得不屈雖有孺子不能不覺吾何以多言為哉且佛老之師聖人之罪人道之妄也今之為佛老者又佛老之罪人妄之妄者也吾儒者不稍寬其始而務急攻其末故其辯



滋甚聖人曰虛老氏曰虛而無聖人曰寂佛氏曰寂而滅學  
道之偏其流妄固至於此老氏起於周末其始或亦本於隱  
君畸士逃山林養性命者之說佛法當漢之衰始入中國本  
生於西夷無文字之學直達本原其始不甚相遠也百家亦  
皆有之申韓之慘刻儀秦之縱橫其始固亦本於刑名者流  
大行人者之說其流妄之禍至於殺身滅國而不能已後之  
人懼而息焉二氏之不息者其禍隱也秦漢以後先王之教  
既衰塗之民不見吾仁義禮樂之澤而異言者又無禁於是  
其徒駕其寓言奸智詭術愚不明之民以罔衣食廢人倫廢  
財用滅聖誣天肆行而不思顧其師之言則虛無寂滅止耳  
其道則苟私其身止耳豈其害若今之甚也哉故曰今之

甲六

二

論衡卷之六  
論氏校印

老若仲老之謂也堯舜禹湯文武氏作必取而禁之  
不思則必誅之徒但明而心見而性鍊而神養而生  
守其師說不以亂民固山澤枯槁自好之匹夫耳若務光  
許由之類何山不容又何以多言爲哉故璘之意曰佛老  
非也其妄可誅也去其妄則其說自微微則息  
之不生

富生篇

三代之後天下蹙蹙然入於貧也將何所極乎數口之家少  
長待備而後食壯夫鬻子以供官稅盜者窺銖兩之利率其  
首領四五月之間新穀未升雖非凶年贏者枵腸而乞於市  
嗚呼斯民也聖帝明王之所與共康樂者也而孰使至於此

極乎吾行且半天下矣凡農民免乎此者一市之中無十壘  
焉一國之中無百室焉外是則勢家富族豪賈遊士高璫若  
城郭廣堂若公府輕車肥馬漿酒藿肉田不稽畝身不踰戶  
限貨利罔之四方奴婢累跡擊鐘而食子弟既抱哺不辨菽  
麥吾然後知斯民之窮皆若徒者爲之蠹也抑又有大者焉  
凡吏於其土者率貨視其下且暮之所思公私之所求耽耽  
然睨其室中之藏若鳥薦之攫肉必獲乃已至天子之寵臣  
則名徵而禍烈之吮其髓且椎其骸不至捨糜滅不止也其  
所以奉其身體養其子弟妻妾者又什百於前之所疏者焉  
嗚呼天地固不加大於古也五穀之生五材之用古之人以  
均布其民而惠養之今之人恣民之奸而不之禁奈之何不

甲六

三

論衡卷之六  
論氏校印

貧且盜也嘗觀孟子論三代之治必曰井田之法一夫授田  
百畝餘夫二十五畝五十者始衣帛七十者始食肉又曰諸  
侯之取於民猶禦也教之不改則誅之夫家無侈業民無厚  
養取民者抵盜刑蓋古之制也古今異宜通其宜不失其本  
豈非善治天下者哉由孟子之言觀之過制無禁賊賊無誅  
雖百堯舜治民不可使富也

本法篇

嘗讀莊生之書貴黃帝而賤三王謂民性之僞自法令始故  
著馬蹄諸篇以咎之嗚呼莊生靜者也果惡夫世之擾擾者  
則亦取管仲商鞅之書火之足矣何至舉仁義衡斗而搥提  
之乎將寓言以反世則失言也若由乎其衷則妄且愚昔者



夏禹見罪人而泣曰堯舜之民皆以堯舜之心爲心寡人之民各自以其心爲心夫有罪而加刑禹方哀其弗靜又豈好立法以亂之乎勢不得已也夫情與僞並生者也猶晝夜然先王因民之昏於夜也故燎而燭之使夜之明猶夫晝然耳先王豈樂於燭燎之煩也哉今而曰三代之法不如洪荒之無事是知咎明燎於夜而不知夜之必用夫燎也由今觀之長短亂而後度生焉輕重亂而後權生焉權度立而猶有奸於長短輕重之則者然後議刑辟以威之而天下不敢大亂此三代聖人之功也夫天下之生久矣三皇之世渾如也三皇同之而不離五帝之世醞如也五帝順之而不擾三王之世辨如也三王齊之而不亂是故民之情猶水也流而不已

曰六

四

金陵叢書  
蔣氏校印

必濫故三王爲之防焉法令者民之防也考之春秋君臣往來辭命必舉先主之法以繩之是以五霸樹功焉孔子曰微管仲吾其被髮左衽矣夫管仲諸侯之小臣也孔子猶賴其功禹湯文武周公之數聖人之法而莊子猶譏之豈不大可哀邪或曰莊子忘天下者也故其言僻使莊子果忘天下焉無惑乎不知禹湯文武周公之心矣

學益篇

大哉君子之善正身以植體安民以廣用如斯而已矣二者莫要於明道道明然後行立行立然後政行故君子必務學夫聖人之言海也萬珍萃焉往古之行事路也廣狹邪正之迹昭昭焉泳海而窺其藏故小物不能動也睹諸路而別其

岐故道言不能惑也故天下之言學者經史而已矣若裨官小史之書與末世之詞賦吾以爲說鈴云耳奚其學哉書曰監於先王成憲其永無愆孔子曰信而好古竊比於我老彭夫既聖矣何慕乎先王抑聞之師曰往事之興不可稽數也其恃謬滅也偏舉者時廢也試於累世傳於人人乃其至當至當者也百千之中存其一二焉雖聖人復起不能加之矣豈易易然謂古昔云爾哉世儒涉道淺迫負小識詭時好棄師說背道真憤憤焉興議而改制曰自我作始孰曰非聖故商鞅立教李斯焚書桑弘羊興利王安石變法味非自任使先王之道掃迹於天下縉紳大夫哽咽而無所發聲也嗚呼子產博物癘鬼乃息簡不疑明春秋黃帽就誅不究大義不

曰六

五

金陵叢書  
蔣氏校印

詳古始而欲協物理厭人心難矣哉

近民篇

安民之道二一曰定法制二曰敦教化法制曷歸乎曰衣食教化曷歸乎曰孝弟其政莫良於簡莫不良於繁繁則郊野之民衆衆然填官府踰踰然爲道路奴雖有惠將安享之故肴羞醞酎天下之美味也號於人曰百拜而賜一噉則人皆反面而走古者政繁莫如秦商鞅佐孝公法令猥細逮於棄灰天下視之如牛毛蝟刺不能指數至李斯佐始皇罔又加密腹誹偶語與大逆等死小民舉足觸法遂逃死而畔秦故漢高帝吐空言定三章之約自匹夫五年而爲天子厥心趨也古今不相遠即秦事觀之凡民之心樂簡易而惡煩苛雖



百世可知也之今爲民牧者率好繁其令匪以干利則以干名以干利者賈販耳以干名者是驅赤子而獵虛聲也亦獨何心哉吾覽前代之政於漢高文之際有取焉其舉於民曰力田曰孝弟特先諸條夫爵祿者導善之旌也導民以歸實王道其有與乎厥後黃霸爲相設三條課郡縣張敞詆之曰長僞是可謂知治民者矣或曰率子之言其廢矣乎曰政有厚衣食勸孝弟者斯行之矣是興也烏乎廢曰妨於簡曰察民有不便者輒去之則日簡矣政簡而民不樂者自古及今未之嘗聞也

勗廉篇

詩曰高山仰止景行行止言賢人之道可仰而遵之也余讀

曰六

六

金陵叢書  
蔣氏校印

史記至公僕子休去織婦拔園葵未嘗不垂涕焉夫葵地毛織女工所自勞作也其究乃妨民之利而非真奪其貨也君子且猶惡之况盜者哉君子之仕也行其道也非以干祿也人君之祿士取諸民以給養也非以爲富也既取以爲養又從而培之非盜也乎上逸下勞上富下貧勢也天所不能平姑假焉以安之故上不能安下謂不當天心乃又逸其逸勞其勞富其富貧其貧己且盤游而婦子敖以盜焉民且勤動而婦子悲號以死焉以是而求免於鬼責也不亦難乎王制班爵祿下士可食五人其上寔廣不過共祭祀聘饗之禮而已故曰祿足以代其耕也後世之仕者具曰爵祿分也又標而奪之以爲常富其身不足且思及其子孫嗚呼是亦奪諸

其民之子孫者以有之也能無哀乎弗思甚耳晏嬰相齊豚肩不膾狐裘不易給士之貧者七十羹孫叔敖聽楚國之政楚之賢者悉貴死之日其子行薪於市茲二賢者學士大夫猶然小之而其行事卓犖如此太史公曰晏嬰若在吾爲之執鞭意有所切激然也諺曰虎易馘克己難學者猶不足廉謹何必道周孔哉

定志篇

道有仁義實有陰陽致曲成章德乃可立故因資而追琢者易成器也立範而陶鎔者不失其形容也觀古人之成德有由來矣非其君不事非其民不使者伯夷也不羞汙君不卑小官者柳下惠也五就湯五就桀者伊尹也質有所近抱一

曰六

七

金陵叢書  
蔣氏校印

而終窮達不能入其心死生不能易其操名譽之成猶白之謂白阜之謂阜苟有目者莫不別色而舉號焉其致素定也故推養女於伯夷之門則怒矣側冠倒裳於下惠之側則漢矣所操殊致安得不異施乎世之學者不通大方不程己力游意汗漫無所專執語人曰吾孔子之徒也無可無不可吾誰欺欺天乎夫梓匠輪輿其藝均也其斧斤之器斷削之法均也其攻於木又均也不專一師不守一法終其身不可以稱工况君子之行乎夫孔子之弟子皆學於孔子也自顏淵以至子夏之徒皆大賢也論語乃列爲四科若金玉珠貝之寶不相假名苟無其象門人安所區別乎由是觀之大道無方聖人無名中賢以下定志不早執德不一汎汎然搖惑滅



沒而無所附著譬之草木其猶飄蓬也夫

別謙篇

謙何生乎曰道不可究功不可全眾人不可兼君子兢兢焉  
恥其不足也是以謙生焉是故堯舜古之有道人也以堯爲  
父而丹朱傲以舜爲子而瞽瞍頑是不得爲慈父孝子也道  
烏乎究禹稷古之有功人也禹平水土視天下不能無溺也  
稷播百穀視天下不能無餒也功烏乎全仲尼古之神聖人  
也禮不如聘樂不如襄稼不如老農圃不如老圃人烏乎兼  
由是言之五聖人者勛其所遺憂其所短退退然以下於人  
而猶恐諸人之予棄尙何矜之有哉今之爲謙者異於是釣  
名以從學飾貌以親賢事君不以心報國不以力求乎身

印六

八

金陵叢書  
蔣氏校印

者既僞矣彼且柔口僂躬繁儀下節舉凡人之行無大小是  
非一切遜避其後曰我將爲謙若是者何與其心曰人道惡  
盈而好謙吾謙焉福斯集之矣弗謙則禍嗚呼挾大僞以要  
福是取聖人之道而重爲罔也凶於傲德甚矣何福之能幾  
書曰象恭滔天此之謂也

內治篇

家之義大矣哉君子修倫理易風俗莫大乎齊家夫家道久  
則眾眾則異異則離異者家之害也故君子必和其情弗以  
正雖僮僕不可使也弗以厚雖子弟不可調也正則眾議服  
厚則眾心親正也者修身之謂也厚也者其要慈孝恭順其  
次勿爭利其次勿爭言薛包兄弟分財田廬取荒頓者奴婢

取老且病者勿爭利之謂也張公藝九世同居明皇問其故  
乃書忍字百餘以對勿爭言之謂也信能行此二者則羣志  
一矣羣志一則家道和家道和則禮義生由是制爲烝嘗薦  
獻之儀使之知有孝也唯諾坐立之分使之知有敬也慶祝  
宴飲之會使之知有親也冠昏餽享之度使之知有節也如  
此則恩義篤禮教彰鄉人莫不慕之矣鄉人慕之而風俗不  
興者未之有也不能齊其家者有五蔽厚私養惑婦言遂已  
性棄眾愚溺子愛是之謂眾怒有一焉必離二則怨三則仇  
四則戕五相滅也夫家人親也吾祖考一體也猶肺腑相附  
而保其命或至於戕且滅謂致自我可不畏乎哉可不畏乎  
哉

印六

九

金陵叢書  
蔣氏校印

治原篇

夫國家之正由君體也功崇化流大臣端也三代之治匪專  
君聖莫不有誠臣焉誠臣者太平之基百福之門也善哉我  
孝宗之御天下冲泊寡欲隆意遵聖不玩異物不狎倖人恤  
小善敬大賢海內又安十有八年民無愁歎士無怫鬱升遐  
之日婦子相對而泣於室豈不謂至德哉然亦由誠臣焉敷  
理宏化不可誣也冢宰三原王公恕夾輔大始心在王室興  
事以利而不思其禍用人以賢而不私其親身退且沒賢者  
繼興是以遺海內以大順也大哉誠臣之功在德不在才在  
遠不在邇在實不在名故矜小智則典章紊私暱親則賢才  
沮玩細藝則道德疏喜新功則浮躁進務苟容則國體卑執



偏議則民病急樂諛言則過罔聞崇虛行則士習薄此八者人臣之癰疽國家之水火也其微也猶弗之覺狗而極焉舉足以召亂而喪邦比之奸邪貪黷尤爲可懼以其忽之也

鄉正篇

諺曰近朱恒赤近墨恒黑信斯言也質亦從化遷哉夫鄉黨之間言語異音衣服異製則不可以居然則耳目之所由習性情之所由安邪正繫之矣孟子曰王豹處於淇而河西善謳絲駒處於高唐而齊右善歌華州杞梁之妻善哭其夫而變國俗鄉黨之化人深矣哉孟子幼習遷於埋鬻曾子之行不踐勝母俗尙之汗人賢者且猶惡之况吾徒乎吾鄉大都也生人之性元朗冲夷重義而薄利風俗之美喜文藝而厭

甲六

金陵叢書  
蔣氏校印

凡鄙得天地之靈懿焉其敏也乃或樂虛淫習侈豫無麻衣蟋蟀之風士緣以喪節也時有哲人抗志獨立風我後進用是表而列之示矜式焉大宗伯童公軒擇地而蹈擇言而言吐辭濡翰必軌其方慎哉愿乎參議王公微事君以忠行己以義亢而不狗困而彌貞矯矯乎疆殺君子矣大僕李公應楨氣直行廉義有不合一介不以取諸人一介不以與諸人文翰之精譬諸鈇戟利劍掉以淮陰之雄其鋒莫當矣其介且有文者乎通判陳公鋼愷悌宜民死無餘藏而故民懷思冉冉有桐鄉之風蓋古之遺愛也自餘鉅公大卿英名駿業珪璋家國雖吾鄉風氣之所優非吾敘列之意云爾

與隱篇

夫君子之道達則兩沛窮則淵淳兩沛者廣澤也淵淳者潔而已矣君子奚取於自潔哉時不可得也伊尹居莘太公居渭濱遭二代之季也及其遇湯文則沛然矣孔子說七十君而不煩孟子以湯武之道說齊梁之君不謂其不肖貴行道也志不可達於君澤不可加於民道不可直於身則偃然退藏修其說以教後世何必吾身行之哉乃若詭道以求合借交而立功襲陋承汙無益於盛衰休戚之數是干祿而已矣此枉尋直尺孟子之所以哀通人也韓愈氏栖栖然曰畏天命悲人窮至三上宰相書而猶曰非枉烏乎以爲枉哉溺也近時有陳獻章者隱君子也吾有取焉論議不詭於道行誼不詭於人其辭仕也以養親爲解其教人也以存心養性爲

甲六

十一  
金陵叢書  
蔣氏校印

法故嶺南之士化之有孝弟之行恬淡之風焉其愈於徒仕者多矣故道可大施則貴仕志有小屈則崇隱倖功者非仕之貞希名者非隱之情君子有守道之仁審時之義是故無終身之譏也

敘志篇

叙曰人極廣博根柢大正馴履聖奧慎始厥塗謹尊道第一皇皇聖哲黔首是植棄眾罔恤虞弗帝衷讓富生第二正行繩愿率軌於法厥綱或弛人道乃墮讓本法第三罔聖棄訓羣視其矇舉武弗忒允鑒先迹讓學益第四四序舒慘厥機潛施約法弗煩民乃樂生讓近民第五頽季媮漓豐己瘠民弗鑒古廉疇燭厥咎讓勗廉第六



大通紛紜致一乃凝譬彼射夫視的命中讓定志第七  
大人無我既有弗有習僞誣天祗喪厥初讓別謙第八  
睦爾服親萬化伊始易象風火慎厥幾微讓內治第九  
巖巖端揆輔帝幹樞股肱或傾國步斯蹙讓治原第十  
宓生資魯厥由造賢擇善靡詳爰懼胥溺讓鄉正第十一  
樹德既隆厥施洋洋鬱而弗宣嚮晦遠辱讓與隱第十二  
愍予瞽言聿懷殷憂爰申厥旨庶喻同好讓叙志第十三

顧華玉集跋

右華玉集四十卷上元顧東樵先生撰是編亦翁鐵梅丈借抄於杭州丁氏與四庫本同又借得宗子戴丈所藏明嘉靖間刻本脫浮湘集四卷憑几集五卷而有近言一卷為四庫與此本所無今亦補入合得四十卷唯提要云朱彝尊明詩綜稱其尙有歸田集今未見傳本殆已佚矣方明中葉李何嗣興徐昌穀應之海內稱詩者莫不以三家為魁杓先生與三家並建旗鼓而道然自異不為三家所籠罩集中有與人論詩書云李獻吉何仲默徐昌穀三賢皆予友嘗共講習而商訂之者知其淵源所自未嘗不擇法於古人李主杜何主李徐主盛唐王岑諸公皆因質就長各勤陶鑄足以立體成

跋

金陵書畫社印

家咸歸偉麗夫豈苟然而已哉又云杜宗雅頌而實其實其蔽也朴韓昌黎以及陳后山諸君是也李尙國風而虛其虛其蔽也浮溫庭筠以及馮子才諸君是也王岑諸君依稀風雅而以魏晉為歸沖夷有餘均矣其蔽也易而俚王建白樂天以及梅聖俞諸君是也嗚呼諸君並名代之才而學詩之蔽猶至於此詩可易言乎哉持論如此可知其指歸所在其於三家質而不阿亦皦然矣又先生服官所至有聲於國是利病民生休戚往往形諸篇什非夫以流連文翰為高致放奔職務為上理者比也是編久無傳本今據翁鈔印行而訛脫滋多難於董理嘉靖舊刻又非足本兩本互勘擇善而從亦有確為形聲之譌而兩本皆同未敢臆改者讀者諒之鄉

後學蔣國榜跋

跋

金陵書畫社印





文 竹

集 潤

表 厲 準





甲春康宗校  
子永胡楸鋟

竹澗潘先生文集序

兵左侍贈尚書金華潘公所著有竹澗集古今詩奏議文賦序記銘  
 狀說引書跋總若干卷其家嗣念憲君念手澤之存不忍忘敬託吳  
 郡黃省曾氏校刻以傳一日以成帙授余曰敢勸一言庶觀者有考  
 焉余受而讀之其詠歌之文感物暢懷論志託興麗以雅矣敷奏之  
 文獻可替否辨是非直以斷矣酬應雜著之文因言撰要準理命  
 詞確以則矣確以則可以訓直以斷可以據麗以雅可以風炳炳烺  
 烺各極體要公之文其美哉洋洋者乎夫古之君子之於文也矢之  
 于辭之謂訓典履之于躬之謂德行措之天下之謂事業如以辭而  
 已者藝也公夙蘊內美以文章取高第讀書中秘迨給事黃門即首  
 逆瑾之錄不少沮挫其經緯之學剛大之氣固已昭信中外既而晉  
 陟卿寺歷都臺佐司空本兵柄凡其黻庶政庶采者班班可紀其  
 間若平寇之功治河之績尤稱偉暢故至今賴之其文之見于簡義  
 政事者如此是豈可徒求之辭章篇什間已也公之文闕中而肆外

竹澗文集序

也非耶余雖未及面公說者謂公孝友質直簡靜純慤靡所不學居  
 常甚和易至臨大事決大疑有不可眩而奪者則知養盛氣完公之  
 文為有自矣氣以輔志志以惇履履以綜政政以成文文以名世斯  
 公之大凡也觀者論世其尙有考于斯云嘉靖辛丑孟秋既望賜進  
 士第中順大夫江西按察司副使奉勅提督學校前監察御史東郡  
 蘇祐拜序



古今詩

池上卽事

避石斜開徑臨池小作堂竹陰隨杖履荷氣襲衣裳迴覺紅塵隔寧  
知白日忙一鷗還一詠此樂詎能忘

送劉掌教中和山西校文

月窟秋香近山程暑雨疎諸生贈使節內府待賢書鑒出驪黃外心  
傳衣鉢餘晉陽稱自古多士近何如

病中偶述

閉戶東風又一春竹陰庭院靜無塵花枝開好能撩我燕子來頻不  
避人與酒絕交偏寂寞作詩爲計有吟呻病餘筋力難爲禮拄杖人  
前自亦嘆

早春聞鳥

庭樹朝來好鳥鳴似聞相喚不知名神機妙處應須玩昨夜春雷送  
竹澗文集卷一

一聲

喜雨

亢陽當午天欲赤霹靂墮地坤隅坼樓頭颯然風雨來席捲萬瓦飛  
黃埃初如絲紛忽如注河翻海立蛟龍怒一洗燠熱清八極頓令枯  
槁回顏色東園青可蒞南畝足我精蟲鳥相和鳴花竹秀以舒吁嗟  
物我將無同炎涼燥濕苦樂之感相通向來困憊一時起渴心灌  
漑生歡喜乃知茫茫大造非小兒陰陽推奪故應爾雨餘更愛暮天  
碧月華滿院涼於水

題仲兄書齋

先生志在當世者藏脩暫結青山社芳園半畝屋數椽月戶風簷共  
瀟灑閉戶却掃門更深抱膝時作南陽吟細帙推窗自披覽古琴挂  
壁誰知音愛花不與花爭地紅白盈階闢明媚拂天脩竹起秋聲捲  
露芭蕉滴晴翠坐我終日忘我疲况是兄弟相怡怡清談小笑恣幽  
賞不數對牀風雨時笑談未了林月出欲去還留與逾逸及此清光

夜未央題詩素壁傳他日

樛林散人爲嚴處士賦

散木豈無用散人何可羈樹來廣莫野看到逍遙時朝市甘拋棄煙  
霞足護持高風千載上誰嗣考槃詩

甲子除夜

歲除那可守聊坐小堂寒椒酒春先到梅花興未闌三口明忽滿幾  
刻夜將殘泰運回天地清愁設自寬

淮上哭大行皇帝

遺詔初聞下九天攀號無及淚潸然憂勤已接二三統怙冒方深十  
八年鼎就忽驚龍變化樂終猶想鳳躡蹕典謨萬世神功在雨露蒼  
生獨可憐

曉舟漫興

溽暑逾三伏新涼生五更臥便衾布薄起覺帽紗輕樹擁孤村秀霞  
橫極浦明官舟兩月路今日渴心清

竹澗文集卷一

訪王主政秉衡不值仍小候

下馬款門門正關主人辰出酉未還三年見我兒童喜一鳥啼春院  
落閒竹所經來原不俗剡溪乘興未容慳斜陽滿地看輝盡更待花  
梢月一彎

送董內翰文玉歸娶

鄉閭識我同升日翰苑逢君及第時青鏡朱顏年獨妙蟾宮仙侶喜  
相期斑衣著錦光生國玉樹臨風潤照楣此去西湖梅正發好憑征  
客寄南枝

湘東會生隨兄山海關俄歸省親贈此

關海連宵雨湘江萬里雲離情與歸思春絮正紛紛

經筵侍班

便殿春和闕講筵叨陪法從五雲邊迎風縹緲爐烟細映日徘徊寶  
扇圓雞舌含香承旨近雉膏推食荷恩偏緝熙聖學微臣願供奉朝  
朝力未愆



小齋遺興

窗畔然香枕畔書小齋無事日長初冥心似欲迷莊蝶刮目猶堪校  
魯魚役役浮生聊自遣悠悠終古竟何如重門在告經旬閉一任傍  
人笑索居

送魯內翰振之使安南

妙選出瀛洲乾坤此勝遊節辭金殿曉詔下珥江秋日月開王政文  
章炳帝猷過門江漢路戲綵一停舟

賦秋海棠次馬中舍文明韻

自是東風第一流不隨桃李弄春柔駐顏誰與傳丹訣傾國天留靨  
素秋清極傳霜肌不粟睡來侵月影還幽沈香亭畔如曾見莫道楊  
妃得與傳

送陳經府廷盛之河間

少年文采動時髦老去功名信所遭千里不須嗟驥標一官聊復試  
牛刀行經易水秋風冷吟對瀛臺海月高兩地相望俱是客箱思鄉

竹澗文集卷一

社共松濤

丁卯春苦雪次陶掌科世和韻

頑陰春不退急雪日爭飛竟夕明通隔乘風暗入幃不成宜麥瑞空  
假却蝗威漫擁袁安戶偏沾東郭衣燮調吾道拙斟唱此心違挾纒  
何當喜重裘幸免譏耽詩應益瘦多病故難肥擬訂梅花約山陰訪  
釣磯

書懷次李內翰宗易韻

兩月東風凍未除手皴非乏豹為祛江鄉舊社思浮蟻賓館流年愧  
食魚夢逐盧生成底事方鈔陸氏有新書瀛洲仙侶勞相念幾度詩  
來伏枕餘

柳岸二首

岸柳絲絲春風不斷吹昨來誰此別留得折殘枝  
湖上綠煙絲迎風不自持別離無意管解關好腰肢

安山關與薛掌科子純陳侍御廷祿酌柳下

柳岸追涼偶共來一罇分坐綠陰隈歌聲欲徹雲中去眼望真從天  
際回客路光陰三日阻詩家花鳥一公裁安山此集成佳會莫訝河  
枯關未開

南旺夜酌呈薛掌科

月色波光滿畫船一罇相對且留連與君萬里歸來日却憶今宵作  
去年

夜抵沛縣懷沽頭章水部以道

孤舟盡日柳邊撐向隔煙波十里程蓬底一燈聽雨落枕邊三鼓盼  
天明笑談可待違當別身世無憑忽自驚欲假詩筒報消息曲江幽  
夢恐先成

曉發清河

破曉發孤艇春和風不驚推蓬烟樹濕盪漿浪花明野色入淮迥河  
流帶濤清江湖萬里去獨抱古人情

京口卽事

竹澗文集卷一

行盡東風愛日長京江風日似錢塘望知酒旆心先醉吟對花枝句  
亦香浪裏金山妨短屐雲邊鐵食倚危檣長安到此三千里更擬揚  
舲過楚湘

過玉山書懷

一別長安路五千幾回雲裏望青天山從絕頂朝驛馬水向高原夜  
放船蒲艾漸香臨午日風霜飽歷任流年本來帶得烟霞疾歌入滄  
浪意惘然

湖上叟

夕陽湖上叟短褐意悠哉放犢看兒戲打魚携婦來茅簷和土覆竹  
籬傍雲開萬里懷鄉客行歌首重回

南昌道中

客子去何適鳩聲斷復啼陰晴五月半天地大江西水遠湘流合山  
重嶺崎迷向來孤矢意不敢擅航梯

客夜獨酌



爲客有長夜出門無故人多情千里月送此一  
杯春大夢難醒世虛舟不定身頽然倚篷底猶自憶垂綸

夏夜

夏夜苦澁獨散步青山岡願瞻闕無人明月流清光繫舟楊柳根移  
牀松桂傍默默坐復起仰天夜未央此萬里身願影徒彷徨水蛙  
聒靡厭草蟲鳴暗傷蛙蟲詎足怪蛇虺未可量銀河淡欲沒露下涼  
沾裳且復歸我舟濯足臨滄浪

題袁州分司壁

槐陰相影几屏間倒映池盆石假山深院無塵人罕到蒼苔有跡鳥  
初還薰風幸解吾民愠客子聊乘此日間向晚詩成誰和者粉牆題  
處墨斑斑

萍鄉馬上

山銜斜日澹餘暉匹馬迢迢歷翠微雨過不知三伏在風來那得一  
塵飛春殘水確香粳熟灌足溪田老芋肥物色滿前吟未已又逢橫

竹澗文集卷一

五

笛牧童歸

泊湘東

殘暑侵陵困未蘇短篷閒倚欲長吁不聞更漏憐村僻漸轉星河見  
夜徂萬里蕭湘梧葉落百年天地野航孤思尊賸有秋風興未卜歸  
途是坦途時虞道  
嗟見害

湘潭慶霞寺

野寺捫蘿入荒涼歲月深偶尋避暑處一洗入禪心共坐僧閒語眠  
聽鳥細吟出門仍理棹落日半川陰

長沙秋日

六月長沙早見秋涼風吹雨暮颺颺不憂卑濕能爲患稍喜炎蒸欲  
解警賈傳廟荒侵薜荔屈原沙冷叫釣軒南來未覺江湖遠對此令  
人動別愁

長沙分司竹桂橘三種皆南州高品感而有作三首

兩竿蒼玉何年植瀟酒當軒伴寂寥終日看來吟不足有時倚處醉

微銷影垂月下湘君佩聲咽風前秦女簫彷彿故園池上見不知身  
在五湖遙

搖落方同楚客傷崢嶸一樹好秋光誰從月窟移仙種獨把天香殿  
采芳玉露濯枝叢淺碧金丹點蓋破輕黃廣寒記得曾攀折屈指于  
今已十霜

青青江橘映秋堂池露含風亦自香行處尋常供獨玩霜前三百莫  
輕嘗風流雅稱離騷頌品珍收本草方寄語湘靈須愛護待充庖  
貢入明光

山行東劉侍御克溫

兩日山行罷詠詩不知詩句賸相隨曉鴻摩月悲鳴處秋葉吟風欲  
墮時萬里羊腸諸客况百年犬齒敢吾私聯鑣幸有劉公幹倡和時  
時妙色絲

龍陽道中

山城百里道多半在岩巉岫濕含雲氣崖香長藥苗野田荒作路古

竹澗文集卷一

六

木仆爲橋日暮西風急吟蟬抱葉飄

早行

早行乘月晚乘風殘暑無煩苦若翁萬里邊關羸馬底一秋光景亂  
蟬中長安北望雲何極衡岳南來雁不通獨有寸心堪百鍊乾坤隨  
處是旣曠

澧州次李會憲士修韻二首

下馬西風鬢有沙偶同尊酒話通家春風二十一回夢幾見錦官城  
外花李劉人子幼  
隨處其地

每嗟雲樹隔江天目斷西山舊雪巔忽漫相逢傷久別秋燈挑盡雨  
連綿

登澧州喜晴東劉侍御

十日秋陰乍放晴又隨驄馬出孤城林霏滴翠時沾濕花氣浮香遠  
送迎輒陌正宜聯轡語好山都作覓詩行村田處處逢收稅不用衙  
歪意已傾



石門道中

烟霧冥濛匝四山紫矚賦我畫圖間不妨終歲長為客纔到吟詩便  
屬閒沈海魚書無夢想穿雲鳥道有躋攀折衝久佩宣尼訓敢訝行  
邊漸入蠻

石門縣

路盡石為門門中綠樹村山巒當城郭風俗自乾坤水接桃源派人  
通洞猿言晚厨供石鮒為倒菊花樽

慈利縣

古崇山百里慈陽地曉巖半不毛天垂南裔盡山插北辰高種粟惟便火耕  
崖祇憤刀矚兜墓猶在掩鼻過秋蒿

九谿道中二首

秋思正淒迷千山入九谿路危頻下馬午過不聞雞秀樹疑人立荒  
禽作怪啼孤烟生遠壘隱隱動昏聾

青雲萬壘山山下水潺潺詰屈路難出崔嵬星可攀勞哉千里驥入

竹湖文集卷一

七

此九谿蠻坦坦中原地長瀼何且遠

茅花嶺

羣山絕頂茅花嶺俯瞰蠻谿勢轉嚴下馬幾經當路險排雲直上最  
高尖茫茫白眼空人世鶴鶴青雲近帽簷安得畫歸摩詰句滿囊携  
去未傷廉

野牛關

窮關過野牛舉目使人愁挂樹猿通臂傷人蛇兩頭青天一線影翠  
壁四時秋決決寒泉洞遙通江漢流

宿九谿安福所

青山官舍雨疎疎掃地焚香客到初秋意蕭條一年暮土風荒陋九  
夷居扶持病骨多將藥愛惜清宵祇讀書忽憶故園兄弟樂不知黃  
菊近何如

大庸山中

大霧不成雨蔽翳朝陽如許陰初似半空橫一練怪來俄頃失

千林逢人莫辨惟聞語飲酒雖多豈易禁身在瘴鄉須自遣未能開  
口祇沈吟

永定乘小艇東下

小艇下狂瀾征途暫解鞍清秋一夜雨亂石百重灘山向船頭合天  
如井底觀寒猿自啼伴穉思苦相干

登荊州城

城頭突兀仲宣樓城下長江日夜流吳蜀東西如指掌關河百二此  
襟喉從來用武英雄地不盡悲歌客子秋獨倚危欄還罷去龍山風  
日晚悠悠

熙春書屋為長垣王賦

江漢千年地風流一代豪身居王者貴心慕古人高畫棟充軒軒瓊  
窗禿兔毫真知為善樂不厭讀書勞種藥生珠草栽花吐碧桃春風  
動和煦秋意破蕭騷往事難同調茲園固有遺倚欄時嘯詠與客共  
游翺聖瑞歌麟趾詞華觀鳳毛作詩傳盛事安得思如陶

竹湖文集卷一

八

幽蘭

幽蘭在空谷值此秋氣悲風霜不知惜蕭艾爭相欺空然蕙國香燕  
沒弗見知所性良獨靜默默合貞姿客從遠方來塵眼驚見之欲佩  
不忍初三臭徒嗟咨

百里荒

荒山百里程險惡不堪行向使夢會到應令魂亦驚有蹊皆虎跡無  
樹不猿聲草與人肩並雲隨馬足生千尋排壁暗一點遠空明不雨  
泥常濘多年木自傾履危時側足望遠獨含情安得吳剛斧斲崑崙  
骨平

山行即事

山深少行跡猿鶴自為羣老樹封蒼蘚長藤挂白雲人烟寒不起日  
色午難分跋涉雖艱苦備然遠世紛

巴夷

巴夷依洞險茶漆足營生不解通名字粗知聽使令狠心終叵測鳥



語自相驚未暇圖王會編詩記遠行

入施州雜詠六首

匹馬空山日易移裏糧篝火傍崖炊誰言野食無供帳鳥作笙簫樹作帷

好峯如削透林端面面生雲翠作團安得池盆寬十畝貯來庭院倚欄干

如煙如霧暗空林濕不沾衣冷沁襟忽見斜陽一圓望始知身下白雲岑

山頭日出山腰雨不到山頭不見晴上下青山一千里陰晴見慣未須驚

一派清冷數曲來青蒲白石淺瀾迴風光不落流觴手捧得芙蓉露幾杯

李白風流在夜郎涪翁繼至有輝光皇華忝我來今日漫把新詩和宋唐

竹澗文集卷一

九

曉發大田

曉色滿征衣行人在翠微不緣幽徑引真被亂山圍露重林梢滴雲輕水面飛天涯知遠近但望夜郎歸

施州通天洞

洞門閒倚白雲開洞裏殘碑半綠苔奇絕自然超識界渺茫何處有蓬萊竅通天表窺何極泉去人間挽不回萬里停驂一迴醉試題青壁記曾來

晨霜

晨霜忽被野萬木含凍姿暉暉日初映策策風長吹昨來三日霧消散今何之雖云歷瘴鄉不復疑斯時玄冥主冬令青女出以期百物庶有遂吾亦慰吾私陰陽異所用天心貴推移水霜結春夏適足爲癘疵至理諒斯在天人豈殊歧

巫峽

下峽初驚濤瀕過壓船巫岫鬱嵯峨荒唐事往餘雲雨欸乃聲高出

漩渦三蜀規模諸葛在百年感慨杜陵多酒醒日暮長安遠愁聽漁翁作楚歌

泊夷陵

岸頭烟色暗寒蕪東下夷陵水似鋪出峽江聲城畔急傍巖漁火雨中孤秦灰未冷還興楚漢鼎難安可恨吳惻悵千年如昨日夜深閒坐攬吟鬚

聞咸世英發解

桂花消息月中傳遠客初聞喜欲顛嗚世文章真不忝橫秋鵬鵠任高舉朱陳况是會同學韋杜從來不乏賢昨夜金門早朝夢分明聯佩五雲邊

過熊羆嶺

衡陽又過熊羆嶺冀北誰傳鴻鴈書廊廟關心趨走地年華回首別離初梅橫野市春寒淺竹映沙村夕照虛十里浯溪天漸暝磨崖碑畔暫躊躇

竹澗文集卷一

十

永州道中

南岳南來五嶺連黃茅望斷瘴雲邊未知游子歸何日又見梅花送一年行路雨晴多負笠居人冬晚不衣綿異蛇見說無人捕官政于今可勝前

次韻陳憲副歸田

人間宦海幾桑田穩泛滄浪舊釣船冠挂神羊餘正直身將仙鶴去聯翩季鷹感慨秋來早元亮歸休醉欲眠最是閒中多日月相逢不敢問流年

贈陳干戶致仕

少年投筆偉功成頓悟邯鄲夢裏菜何似伏波誇曼鏢却教蕙以誤平生

武岡道中

山翠重重踏不開馬疲慵著短鞭催侵尋卒歲詩全少邂逅逢梅首重回邊微未妨持節去笑談曾擬折衝來每懷宦牒無優暇慙負雲



窗舊卷堆

臘月二十五日立春途中作

涉世艱關懶著鞭  
催人節物苦推遷  
冬歸不待一年盡  
春到仍爭五日先  
綵仗土牛何處擊  
青絲織手若為傳  
陰崖窮谷還生意  
惟願東風攬化權

靖州守歲

今歲今宵更幾何  
梅花爆竹兩蹉跎  
百千萬事與時去  
三十二年從此過  
公館無人燈燼落  
邊城達曙鼓聲多  
紛紛怕逐春來夢  
細論香茶遣睡魔

戊辰元日靖州作

旅食南陲忽自驚  
光陰拋擲又新正  
五更初下瞻天拜  
三殿還思導駕行  
簫鼓人家春似海  
桃符門戶日初晴  
天時人事應同奏  
蹇拙何因答聖明

春日馬上口占

竹澗文集卷一

十一

輕陰閣雨不成晴  
寒暖相持意未平  
馬上逢春難把玩  
花邊著眼自分明  
爭教歸去能如雁  
不覺蹉跎到聽鶯  
愧爾野人生計好  
緩鞭黃犢傍門耕

偏橋

匹馬偏橋路悠悠  
向日曛水清窺底石  
山密路層雲險地  
苗居半封疆楚已分  
數聲花畔鳥猶似  
故園聞

鎮遠道中

春愁無處避啼鵑  
風雨冥冥極漏天  
石齒齧人行不得  
馬蹄施鐵踏將穿  
遺苗出沒谿山險  
戍卒艱虞堡寨連  
誰是于今趙充國  
可同樽俎說安邊

辰溪與劉侍御夜酌

萬里辰溪夕春杯  
且共揮蕨拳初摘  
嫩木耳旋烹肥月  
射丹沙窟風迴白石  
磯如何不取醉  
明日杏花飛

竹裏

竹裏桃花間杏花  
青山深處野人家  
名場利路都無夢  
閒與東風領物華

漁父

漠漠春江細雨來  
江頭漁父唱歌回  
青林穿去無蹤迹  
生怕逢人肉眼猜

益陽羅大參追餞留詩為別

馬蹄芳草不生塵  
十里橋亭一笑親  
稍稍落花春欲老  
悠悠浮世事還新  
樽前有酒仍高興  
林下如公羨吉人  
日暮野航歸渡穩  
小孫扶上杖藜身

湘東卽事

湘江春雨不曾晴  
江上農人作隊耕  
羸馬蕭蕭何事者  
却來聽盡鷓鴣聲

湖上漫興

水際光風動林間  
積雨收湖平天共  
渺洲淺樹全浮世  
態妨青眼春

竹澗文集卷一

十二

愁妬黑頭偶然佳  
景會不恨未歸舟

詔獄聽李獻吉言夢

聽子清秋夢醒予  
久病懷逍遙何日是  
恍忽有天開背壁  
燈明滅巡簷林往來  
浮生元可笑此際不  
須猜

詔獄聞蟬

積雨圓扉晝不明  
忽驚蟬響鬧新晴  
無求似汝已難及  
多事為誰鳴不平  
風露一枝何處好  
乾坤餘暑幾時清  
故園心事秋來劇  
空悞浮名累此生

詔獄次韻李獻吉觀雲生寫懷

澹澹長空雲畫生  
白衣蒼狗忽縱橫  
當窗伏枕不成睡  
仰古俯今何限情  
嚴灘幾時吾痕迹  
華山有地子逃名  
潞河秋水藍於畫  
會約仙舟早晚行

詔獄和李獻吉題扇

山青不改色水流  
不改聲吁嗟寂寞  
鄉有此悠遠情  
蚊蚋萬起滅今



古同堯堯何如林居子超然了平生

述懷五首

聖主開恩放諫官路歧從此向平安  
迂疎自合山林老犬馬從知補報難  
千古有懷成孟浪一家堪慶是團圓  
樂北窗高卧吾生足懶問人間日幾竿

遭逢何以效涓埃直道終然與禍媒  
萬死形骸非我有再生日月是天開  
山中事業還書卷掌上經綸付酒杯  
身在水雲心在國尙隨漁釣詠康哉

秋雨不斷天冥冥逐臣卧病幾時醒  
空齋去燕猶知社浪說列龜爲有靈  
生白久虛莊叟室草玄何意子雲亭  
雙溪風月平生地準擬相逢眼更青

萬古相尋一夢間掉頭林下了無關  
情懷舊雨同今雨蹤跡南山又北山  
簪紱已投誰束縛芰荷初製更寬閒  
赤松丹井依然在欲覓仙人問九還

竹湖文集卷一

人嘆疎慵與世違扁舟今日是東歸  
烟霞合我私花柳天地從人公是非  
萬事何心當象局一塵無路到漁磯  
山中故有藏修地前輩風流敢庶幾

雲津雲院爲劉掌教中和賦

大江西匯古龍洲上雲津何處求  
抱膝幾人曾偃蹇遺書萬卷足風流  
邦家霖雨尋常事嘉定文章三百年  
秋宋嘉定開進士會歷作記珍重雲仍肯堂樞藜光夜夜燭天浮

舟行

野曠晚風徐孤帆信所如賈生流涕後  
屈子卜居初天地身差健詩書計未疎  
蕭然歲將暮松竹憶吾廬

河西阻風

河西一望時疊浪白差差野艇因風阻  
孤臣去國遲貧悴書卷在病想藥方奇  
兀坐篷窗月蕭條蘆鴈移舟中戲述

高枕懶推蓬羅羅隙日紅未分天早晏  
那辨岸西東風浪何爲者乾坤阿堵中  
漁歌催我起學蟹送尊筒

晚泊

長河凍鑿起斷岸晚舟維繫愛雅棧  
定閒曠月上遲固窮終省事多病始知  
醫短笛誰家子多情過我吹

枕上作

忽忽夢初覺沈沈夜未央孤砧曉搗  
月殘角冷吹霜酒醒相如揭詩成杜甫  
狂帝城驚新遠所喜近江鄉

日暮

日暮北風狂捲沙乾坤落落泛吾槎  
猶餘習氣傾湖海未覺頭顱過歲華  
腸到九回空自斷肱雖三折不須嗟  
一簞粗糲終朝飽腹有青門百畝瓜

歸途得家兄書

千里書來日三江歲晏時聞緜知別  
恨得見數歸期不盡原鶴意虛

竹湖文集卷一

煩寒馬疑水雲耕釣處從此得追隨

揚子江晚眺

問津到揚子眼界亦奇哉海月潮推上  
江天浪拍開山浮兩螺髻舟泛一螺杯  
十載頻南北聞吟有此回

歸意

雲冷日光薄冬殘歸意忙過江隨釣艇  
見竹認山房屬足書會寄羊腸險亦嘗  
未須樓獨倚隨遇是行藏

卽事

木落青山冷江空白日斜孤舟方去國  
萬里更携家宿火時溫酒敲水自煮茶  
夏畦吾久病小笑索梅花

毘陵道中

澤國風光別殘冬天氣柔水平鳴榔  
滑山近捲簾幽得句呼兒寫開尊與婦  
酬青林挂紅日留我一停舟

江上漫興

江上寒梅香已浮  
梅邊蒼竹意仍幽  
獨將蠶舟半世風  
波暈昨夢明時出  
處豈私憂  
盤共勸酬

奉寄咸憲副先生

八十將登鬢未華  
近來強健更堪誇  
春遊眼茶林下相從  
知有日客邊問說喜  
無涯  
玄事不賒

戊辰冬至丹陽作

乾坤佳節客中臨  
感慨雖多喜亦深  
曉日方陰五湖風月  
一杯酒雙關烟香萬  
里心  
裏課清吟

至後一日杭上作

冬至初交夜正長  
短蓬岑寂此何鄉  
不眠思狂獨犬寥寥  
村隔水鷺鴻渺渺月  
如雪

竹湖文集卷一

憐馬士忙

遊虎邱寺

紅塵久礙登山屐  
綠水今來載酒船  
塔頂僧禪烟霞滿目  
聊延行名姓逢人莫  
浪傳  
尺在吟邊



古今詩

次韻寄項司訓聘之

故人過我竹間廬  
襟抱重開十載餘  
親老共榮毛義傲  
官清仍戴郭侯書  
滿相景好何妨遠  
鄉魯風圓定不虛  
去矣一壺堪卧起  
等閒塵土莫驅車

送萬太守季崇致仕

秋色南來鴈影隨  
使君歸興浩難追  
離情且盡當筵酒  
世事徐看罷局棋  
石竹甘棠終戀戀  
寶家仙桂更奇奇  
清風千古西江水  
濕取長纓趣自知

同年章道充過訪奉贈

深山何意故人來  
石徑苔荒掃不開  
正憶看花曾並轡  
休辭對菊且銜杯  
江湖未有忘憂地  
廊廟惟應濟世才  
一笑出門仍遠別  
暮雲翹首重徘徊

竹澗文集卷二

滌齋爲陳掌教賦

千年心學託盤銘  
醉夢紛紛獨喚醒  
直與聖賢相啟沃  
了無塵土翳虛靈  
河濱洗耳風斯下  
澤畔彈冠事不經  
猶愧煩襟消未盡  
願因一滌試清冷

春日即事

林下光陰轉長春  
來物我兩相忘  
烟波戲藻魚知暖  
花徑銜泥燕竊香  
白日一壺陶令醉  
青山雙屐阮孚狂  
荷鋤隣叟歸來晚  
見說農桑事漸忙

杖藜

夢破餘醒在杖藜  
臨曉風關心春  
圓綠掃迹市塵紅  
聽鳥勝絲竹裁  
花亦事功未須論  
管樂祇合卧隆中

抱拙

抱拙從人笑  
投閒得自由  
學仙時叩齒  
延客誤科頭  
竹院藜牀晚  
芸窗茗椀秋  
濟時無上策  
聊共麴生謀

山窗

日色滿花枝  
山窗睡起遲  
髮經秋易脫  
身未老先衰  
可是陶潛醉  
惟應鮑叔知  
間中亦多事  
客至與圍棋

送郭大參于僕致仕

江上秋風作曉寒  
扁舟欵乃下重灘  
一千里外尊鱸興  
三十年來岳牧官  
去國尙嫌名太潔  
到家應喜夢初安  
論文未卜重逢日  
極目浮雲正渺漫

送趙太守叔鳴入覲

傾蓋無何又別離  
行塵望斷似登仙  
九重日月二陽近  
萬里朝宗五馬先  
有喜天顏瞻咫尺  
無聊民瘼賴旬宣  
江湖放浪仍迂拙  
擊壤遙陪祝萬年

山中六言二首

山日欲落未落  
梅花一枝兩枝  
悵望幽人不見  
碧溪流去多時  
敗葉漫山不掃  
孤雲在岫方閒  
採藥仙人何處  
黃昏獨鶴飛還

竹澗文集卷二

次韻溫內翰民懷夜作見寄

靜院隔塵境  
微涼生暮天  
寫懷詩俊逸  
投我意勤拳  
鶴夢風驚覺  
花神月與傳  
想應箕踞處  
清極不成眠

再次前韻答溫內翰

相逢話相別  
三載卧江天  
水果眞菱角  
山椒飽蕨拳  
字從携酒問  
詩韻向人傳  
長樂鐘初聽  
終宵欠穩眠

送陳生益之

京國相逢地  
秋風話別天  
携書富蝌蚪  
仗劍寶龍泉  
名久賢關著  
身初故里還  
懶吾一日長  
望子九霄鸞  
海岱增奇氣  
風雲入壯年  
此行休草草  
得處勝師傳

陳節婦輓詞

元忠母  
芳名留死後  
苦節在生前  
不負共美誓  
仍齊孟母賢  
人憐同穴計  
天與未亡年  
旌詔感慈意  
綱常萬古傳

送鍾太守邦臣之廣州



十年粉署足清暑作郡初分海上墟風土最便香國近循良端使漢  
廷書荔枝日暖熊車穩欄子風清燕寢虛庚嶺梅花春更早一枝消  
息定何如

送張都憲總制陝西

出入三朝位望崇又歌文武發元戎西師共仰韓招討圓乾透驚郭  
令公祖餞衣冠明曉日先驅旗纛起秋風九重宵旰蒼生意應願全  
收不殺功

寒夜不寐

朔風無賴攪清眠敗壁殘燈共客邊雪色在窗天易曙更聲到枕夜  
如年重依鳳閣慚尸位乍別鱸鄉憶釣船幽夢不成魂欲斷無憑身  
世轉茫然

喜仲實兄轉龍溪教諭

十年江海廣文寒忽報龍溪漫轉官絳帳已專新講席青蓮不改舊  
吟壇夢圓好句憑誰寄別久幽懷稍自寬却幸星槎假良便一尊非

竹澗文集卷二

晚話團團時子未使將取道龍溪故先及之

送潘僉憲玉卿之山東

峨冠著身帶生花攬轡都門意氣賒十載瓊林曾共宴兩州喬木本  
同家官聯烏府名方重路出牛山景更佳見說潢池多竊弄洗塵甘  
雨喜隨車

次韻簡趙李二內翰

三年不入未央宮侍從誰期此日同仙島往還無弱水鵬程搏擊有  
剛風子昂筆陣千人廢太白驪壇一世雄閒掃藥欄須杜願酒錢三  
百掛青銅

同館會分韻

相見釋稱初交情何歡洽論文玉堂夜聯鑣試春袷參商十載來餘  
韻不可押人生本無期世路多險狹詎意今日會盤差問藤甲秋菊  
覆當筵把玩笑相狎努力及良辰斗酒同一啣花枝枯復榮頭白堪  
再插

良會今何夕秋風酒客衣翻疑別是夢不覺醉忘歸露下黃花瘦樽  
前紫蟹肥高歌無別調列炬有餘輝青漢諸公在風波往事非亦知  
吾道拙敢與世情違歲月驚虛擲歡娛幸未稀金蘭存道義四海永  
相依

次李序巷退朝韻

天上樓臺五鳳攢回頭咫尺儻長安太平宇宙難為象岷晏水霜苦  
不寒日過午門初放仗雲連甲第盡峨冠空談仁義何裨補慚愧重  
來舊諫官

次韻趙太史爾錫喜燈花見寄

蕭條空齋夜燈燼花葉燦故人忽詩來尺素寫強半取詩就燈窺讀  
之百憂散銷然球玉鳴燭若盤珠轉轉懷瓊瑤報面目良有翫想當  
孤詠時焚香坐清冥深憂渺江湖信斷衡陽雁兵戈久未息曷與當  
一面空抱濟世奇運腸不成斷嗚歌自發舒託寓復沖淡旨哉非浪  
言三復吾不厭起舞唾壺缺顧影巾紗岸空囊獲至寶富貴俄可辦

竹澗文集卷二

燈花信有徵錢財奚足顧

除夕次李序巷韻

暹眼流年又涉虛了知天地等遺塵後來世事三春夢前此閒愁一  
夕除未靜風塵羞肉食忽驚梅柳憶山居燈前強和陽春曲醉拂雲  
箋任草書

遺問

三十六年吾已過一百五日春又來柳梢烟雨綠於染馬首塵埃紅  
作堆上表未提諸葛憤校書寧有子雲才悠悠如此亦何益空礙東  
風笑口開

次韻詠王侍御彥聲行臺松

蒼松帶老色偃蹇繁華天落日欲翠蓋疎風瀉清泉迴無塵俗累香  
與雲氣連歲寒千載意魯論有遺編君家舊槐庭此樹宜光前

梁家莊阻風次韻答湛內翰元明

小兒造化雖靡常陰晴變幻略相當順風千里忽一阻連觀不用圓



愁腸美人埃我河南清眼奈此黃塵妨須臾風定塵亦息凌雲萬里同翔

慶壽圖為郭處士賦

竹有高節梅有香歲寒之松鬱蒼蒼先生比德梅與竹先生致壽松俱長春風吹筵酒波綠畫圖輝映人如玉醉木飽嚼千年茶索笑梅花開杖竹

福州控海樓尙市舶宴上作

萬里登臨一繫舟八閩形勝此危樓水通溟渤來重譯山人雲霄壯上游題句只疑南斗避倚欄還為夕陽留主人與劇誰能盡舉目頻勞向客浮

題鍾太守邦臣詒勅贈黃卷

家學一經在天香雙桂榮父兄詩鸞凡幾軸符虎又專城炎海晴無瘴陽春政有成漢家循吏傳黃霸早馳名

廣州海珠寺

竹湖文集卷二

五

鉅海環山寺叢筠覆石堤混涵天上下升墜日東西到恨浮槎晚歸疑去路迷萍蹤久漂泊愧爾定僧栖

廣州小金山

樂山何必高山高徒峻嶒樂水何必深水深或崩騰嶺南小金山一水碧泃紫香火何代寺空階蝕潮痕地絕往來少林幽鳥弄音登眺凌虛空恍在揚子心還疑清淺流盈盈到蓬瀛

三洲巖

客遊過端溪心目曠烟水忽觀三洲巖巖巖然俯清泚儼舟往從之矢風送高舉巖深洞口暗既入殊可喜玲瓏若神剗虛明自天啟石門陳廣樂雲液凝鍾乳安知神仙流羽化不自此玄鶴夕未歸落日空徒倚

梧州呂仙亭次韻酬薛僉憲子純

鬱鬱蒼梧山高高呂仙臺山川故無恙仙人去不回空餘千歲松根深茯苓埋當時鶴不見白雲晝成堆故人拉我遊一笑萬里來茲辰

屬歲暮瞻望徒徬徨宇宙難可窮人生亦勞哉謝君斗酒意臨風妙子懷

友泊藤縣次韻謝湛內翰

泛舟蒼梧來又泊藤江口去國萬餘里遙夜瞻北斗冉冉歲月逝厥柄忽隔五銀河注清淺經緯爛星宿低頭聞無人圖書陳左右殘燈耿明滅爐烟細當屬正爾不能寐憂來欲皓首迢迢江湖心匪為行役久望眼不能極雲山互纏糾中道欲何依賴茲同心友珠玉時見投繆戾亦予咎為馬逐驂騶竭力常恐後

涿州東津驛書感

沿圃左江涓至止東津驛游子懷往事惻愴淚沾臆昔在景泰中蠻獠孔棘我祖憲府英提兵此駐節疆場賴救寧蛇豕就俘敵王事誠辛勤魯星隕申夕去今六十載相傳猶仰德嗟予小弱孫寡昧何所識王命使南交幸茲弔遺迹天涯歲云暮寒風吹獨立

橫州道中見日光巖書

竹湖文集卷二

六

蒼梧南來一千里肩舟牽挽窮山水變烟瘴雨動疾旬長晝冥冥無午已僕夫泥塗裝作衣青蒸蒸飯不療飢蕭條行李憫生醜寂寞炊竈寒無輝愁予兀坐蓬窗下忽觀陽光射雲縹千林生色嵐霧開須與變幻疑昏夜人言此方風土乖冬雨苦久晴頗佳乍晴不堪還乍熱鬱蒸腐氣生陰厓我望青天再下拜太陽高照元無外葦爾遺荒特可憐覆盆何礙乾坤大

橫州馬伏波祠

烏蠻灘上伏波祠萬里南來醉一卮蕙苴不妨成貝錦功名終許勒宗彝雲連草樹疑精爽地雜華夷仰護持屈指雲臺舊時將幾人廟食尚天涯

獨卧

獨卧蓬窗晚滄浪聞啼鴉窮年行路遠歸夢入春多綠樹蠻村合紅霞瘴雨道相忘祇鷓鴣鳥叭叭共烟波

除日永淳道中得風



扁舟江上久沿洄十幅蒲帆頃刻開除日并將孤悶去好風先向隔  
年來分香夜泊梅花岸帶暖時傾栢葉杯早晚咨諏王事畢五雲回  
首卽蓬萊

癸酉元日

自涉名途十二年年年元日不同天九重日馭三回侍萬里星朝兩  
度旋哀苦嘗勞烏借力艱危僅脫虎垂涎逆瑾之言悠悠往事成春夢謾  
把今春付醉眠

新年作

歲時屬更始東風扇微和郊原萋動色桃李燁已花游子行萬里  
隨陽雁遲子同爾徂

凌山驛次湛內翰韻四首

陰雨忽開霽江雲散曉霞日升林影動一徑見山家  
嘉樹晴光豔澄江春水深漁翁坐曬網願婦作蠻音

竹澗文集卷二

七

風日春來好江村蕩翠芳簷喧嬉婦子隴夕下午羊  
南裔行將盡荒村僅自存蕭條村裏驛日午不開門

人日

新歲易爲感遐荒獨自行雨晴人日好天遠使星明望闕輕陰轉思  
鄉芳草生無情江上雁蕭蕭背予征

病中遣懷

經旬抱微瘵悶悶向天涯夜雨長汀草春風開野花無功終屏藥有  
夢只還家漫學長生術朝來曠日華

南寧太平之間巖石奇絕累日玩之不厭

兩涯迴石壁悅玩意忘疲混沌何人鑿玲瓏一世奇異象物隱  
隱畫藏詩絕頂雲昏處惟應仙鶴知

龍州仙巖次湛內翰韻

烟霞霽平野孤巖傲幽扉仙人此脫屣千載鶴不歸而我萬里來矯  
首空遐思東風散微雨古木泛斜暉賓主期盡歡一尊本無期

宿布村

泥塗日已夕草閣雨猶寒美睡方知倦羈栖自鮮歡泉聲迴澗底花  
氣薄林端往路還何許沈沈夜欲闌

出鎮南關關外卽安南境

崔嵬分茅嶺鎮南扼雄關持節始入交山路何鬱盤喬木映前旌鳴  
騶歷層巒綸命自天下恩光回日南道路盡膜拜冠帶爭駿奔語言  
誰假譯文物亦可觀茲茲溟海壖聲教古所漸

次安南城壘驛

萬里安南第一程停驂此日快新晴喧林鼓吹晨分隊耀野旌旗夜  
宿兵士俗衣冠猶自異春風草木有餘榮乾坤覆載何遐邇正北紅  
雲是玉京

北峨歌

北峨驛前江水流百折直到蒼梧州蒼梧去海幾千里江水朝宗勢  
未已桃花昨夜飄小紅大海浮去春風同

竹澗文集卷二

八

不博驛曉枕

鳥啼山館睡思共春濃香鼻沈檀細花明錦繡重簡書仍往路歲  
月只孤蹤稍稍荒烟外崎嶇又幾峯

卜隣驛交地屬小往往迂其路以示險

卜隣之驛誰與隣荒山四面徒嶙峋白雲當簷來往頻長簾古木相  
依因蕭條豁谷少人民時有翠鳥啼青春我嘗御風徧八垠徒步北  
斗趨紫宸回頭一瞬隘九真蹊徑詰曲難具陳華風漸染何時淳

僕山道中次湛內翰韻四首

看花難得早春同花好休教盡意紅我欲回時重見面恐因爛熳易  
隨風

不知春色幾多深是處青山鳥弄音我亦有懷難了了天涯相伴作  
微吟

空谷來鳴何處駒前驅旗鼓逝如流盤旋盡日無村郭一笑真成汗  
漫遊



綠楊沿路絲旗垂春日悠悠何所之忽覩好山雲外起欲凌絕頂自題詩

不禮道中

我行不禮墟交路將過半田疇稍連絡山勢亦平緩竹樹交遠村雞鳴烟火晏士女作隊遊語笑不可辨維時王正月桃李已零亂好風自東來流鶯道邊囀天地信廣大茲遊未知倦人間多桃源亦復不常見

壽昌河

初辭壽昌驛復渡壽昌河岸靜連蒼竹潮平漫綠波墟人喧鳥語海船起漁歌行盡天涯路春風亦自和

發市橋驛

細雨青林暗市橋五更燈火促星軺紫泥擊出天恩重赤土分來海國遙正朔不殊堯日致封疆何用漢時標午風披拂輕陰散春色還同喜氣饒

竹澗文集卷二

發呂瑰驛至王國

山郭自爲國江春不作寒百蠻奔海嶠雙鳳下雲端封建昭周禮威儀盛漢官停驂聊信宿歸計又長安

次韻答安南國王兼辭其贖

皇家聲教古無前此日春風動海天龍節遠輝南斗外鳥星長拱北辰邊藩垣義在思分土獻納才疎愧濟川臨別何須重金幣贈言餘意憶他年

卽渡富良江二首

江本不濁而操舟者循岸沿加以示險

富良江頭風日晴王子乘春送客行一棹中流歌未畢隔江花柳已相迎

江北江南從此辭江波激灑似來時春風送客無南北帶得鶯聲過楚涯

卽至呂瑰再次王韻辭其贖

久依香案玉皇前手捧綸音下九天不用橐金酬使越須知封土在

安邊周爰歸去風生袖長揖分離思滿川從此相望無遠道謳歌同答太平年

次韻酬安南國王餞別之作

萬里觀風百越春瘴烟消盡物華新車書不異成周制飛躍元同大造仁稍自滄溟輸海錯永依朱鳥莫炎神畏天事大無窮意裁入新詩寄我頻

卽事二首

平疇水漫綠成行正月交人已插秧記得中原舊遊處雪消晴隴麥初長

無雪元知麥不宜家家餽餌稅爲之前村日暮菜花發錯莖黃雲傍短籬

回次坡壘示伴送陪臣

竭末辭交州忽復至坡壘咫尺見南關春色不類始香風老松花繁陰變桃李不問舊路迷所嗟歲月駛歸鴻雖北徂萬里方自此依依

竹澗文集卷二

南枝鳥爲爾憐毛羽

南交紀事

往返南交道東風浹二句詼詢雖未廣風土亦堪陳漢將標銅地堯官致日辰鄙夷甘異習凋謝盡遺民百年來中原遺黎盡矣祝髮無男女加冠

別縉紳髮稍覆額被頸惟使中國者乃長髮黑牙喧鳥雀多啖檳榔齒黑如赤脚走荆

榛男女皆號惟席地多盤膝操舟悉裸身野栖茅覆屋露積竹爲園斷雪無牟麥分秧及早春檳榔生咀嚼橘柚雜芳辛蕉實黃初熟椰

漿白頗醇珍奇難得象躡度易占鴉沈水來猶遠生金出豈頻盛陳

兵肅肅絕少馬駢駢蛇虺當筵舞螺蝦入鼎珍稍依瀕海利難與大

方倫文亦同王制圭仍析帝臣方言時假譯職貢歲常親自適飛潛

性相忘覆載仁我歌聊誌異何日盡還淳

次韻答張東所廷貢

出塵心迹了無纓三十年來四海名詩酒對時聊爾爾行藏於世只平平春風偶下賢人榻南國空慚使者旌杜蠅門牆菊花徑白雲深



鎖不勝情

讀宋茂名尹潘公家傳公名惟賢宋亡不屈而死長子斗

胡運方與宋祚危當時誰復論華夷從容一死酬君父辛苦餘生爲

名百世垂

送高掌教之贛州

幾年吾婺賴儀刑化雨平分贛水汀毛義宦情勞捧檄章賢家學慎  
傳經故山榕葉歸時見官舍灘聲靜裏聽君路漸南予漸北飛鴻消  
息愈冥冥

送高掌科頴之冊封便道焚黃

五月官河雨乍通星槎東下更乘風周家典禮藩封盛漢國河山帶  
纈同衣錦會看過故里焚黃仍得報先公秋來好是旌歸日青瑣封  
題待納忠

送令尹施天瑞之南靖

竹澗文集卷二

七

送

柳陌塵銷暑雨殘故人騎馬出長安三場舊識凌雲氣百里今爲應  
宿官丹荔黃柑知地勝天涯民力賴君寬元方若見憑傳語侍從年  
來愧素餐時家兄亦官

卽席次徐正郎庭實韻

思君咄咄困愁城笑語重逢僕欲更歲月有痕惟短髮乾坤無用是  
虛名故園水竹三生夢上國烟花萬里情自是同心堪細酌坐沈槐  
月聽鴉鳴

送丁司訓器之赴建平

幾年場屋擅才名教鐸初持向建平燕市獨醪談舊雨潞河文鶴泛  
新晴通家有分垂三世遊宦無端隔兩京珍重青氍毹携去好講壇高  
擁六經橫

八月十四夜西涯閣老園亭看月奉次限韻一首

此月難同恨往年樹頭今夕喜將圓風流不是尋常地露坐分明尺  
五天共愛蟾光浮酒筵還教鶴影舞花筵夜闌更覺明宵近秋色催

人醉帽偏

此阻情景勝常年樹杪清光望欲圓風掠暮雲沈碧海露合涼氣洗  
青天共求妙句傳他日還許高歌徹四筵夜漏未央狂未已秋來幽  
事我能偏

十五夜戲效八音體疊前韻二首

金氣行秋年復年石亭秋半月還圓絲傳律呂風迴壑竹逗清寒露  
滿天匏尊不辭歌既醉土般隨意秋初建革更巨奈光陰速木影中  
宵幸不偏

金波洗眼送流年石假山頭鏡影圓絲髮暗驚行樂地竹簾高捲未  
雲天匏成漫落堪豪飲土不塵埃合肆筵革鼓擊擊宮漏杳木穉花  
底興方偏

送吳御醫晦叔致仕

一入都門三十年秋風歸興忽翻然久供尙藥回天膽賸有良方與  
世傳白髮光陰閒後好青山杖履醉來便門前漱水深如許流澤應

同橋井泉

林節婦輓詞員外文

天地無窮恨何年返藁砧箕裘遺腹事鐵石到頭心持此堪生死留  
名亘古今表門貞節字愧殺白頭吟

送胡司訓之河澗

故家文獻素相聞上國秋風喜見君捧檄忽驚千里去傳經不負一  
生勤祖筵漫對黃花雨離思遙牽碧樹雲莫厭寒氍毹歲月棟梁椽  
桷是奇勳

大興隆寺齋居次韻簡何中舍仲默

古寺來春夕浴浴月滿亭忽聞歌白雪獨坐歎晨星蠟炬生花赤沈  
烟作縷青故人妨促席腸斷暮雲停

宿神樂觀次前韻

不到仙家久清虛尙此亭十年渾昨日一宿又明星醒眼當誰白寒  
松比舊青出門塵境別勒馬幾回停



早春次韻答李內翰序庵

吹面東風漸可迎春來天氣快新晴欣欣柳色如相得脈脈河流亦  
有情登眺我猶妨阮屐校雠君未棄韓檠久聞禁苑非掩帶歲月今  
人重友生

次韻李宮允夢弼二首

春色今年稍較遲賞心猶自託深期綠情紅意無消息漫和陽春一  
闌詞

兩日東風作意吹柳稍黃淺綠圓遲疎慵頽怯紅塵陌羸馬探春獨  
不疲

追韋王正郎先生

洛下風流憶昔賢投簪當路正青年賢勞舊著司徒績退隱新登太  
史編化去迹陳猿鶴怨讀殘書在子孫傳千年嵩嶽收靈氣酒淚徒  
勞弔九泉

追韋王憲副先生

竹潤文集卷二

操賦招魂欲斷腸會於髻外托威光乘聽尙憶同先子附驥偏憐得  
季方其弟拱之子翰苑才名元獨步栢臺風裁更流芳高墳宿草年  
華去悵望空慚一瓣香

次韻詠徐秋官廳事槐栢二首

西曹清景屬槐堂酒興詩情取次償細葉綴黃臨短檻新稍抽綠過  
東墻午陰謾喜先秋桂春色何妨後野棠日永風清官事了美君揮  
塵據胡牀

天香滿目孰嫌妍偃蹇寒姿特可憐空谷移根天自別古堂分影地  
逾偏終於晚節知君子不向春風競少年曠與詩家添好興四時蒼  
翠鎖雲烟

贈陳司訓潔之浦江

人物從來說浦陽斯文未喪有書香年來後學多狂簡事在先生爲  
主張寶婺夜晴風月好龍門春靜薜蘿長絕憐官舍隣子舍千里因  
君話故鄉

盆荷次韻李宮允二首

坐困炎蒸百事慵對花猶覺野情濃亭亭不盡波波意淡淡初圓暈  
酒容眼底西湖非幻景尊前素華有奇峯綠漪清淺香風細愛護仍  
愁急雨春

賞心吟事病來慵尙愛荷香一味濃翠蓋偶傾如故好紅妝微笑爲  
誰容出塵已絕三千界過雨空疑十二峯更謝主人能好客留連不  
覺最高春

壽司空陝西李公

關西自昔盛賢豪晚節如公一世高八座勳名垂竹帛七旬風月老  
林皇眠雲華嶽仙爲侶眉玉藍田露作膏笑看斑爛瓊膝下年年介  
壽進春醪

次韻李公允賞蓮四首

墜墮意氣許同袍百戰如公一世豪花畔相攜容易醉又知公瑾本  
醇醪

竹潤文集卷二

納涼深院憐荷靜共折荷筒當酒杯十二闌干明月轉酒酣花睡雨  
忘猜

酒傍菱荷香自別肉兼絲竹調道高晚來暑退堪行樂坐待銀河洗  
髮毛

碧荷凝露夜涼新命酒催詩第幾巡痛飲狂歌花事了猶忘我豈  
知人

望雲圖爲張掌科季升題

東華塵土紅作堆生綃咫尺青山開山頭秋氣洗天碧惟有白雲閒  
往來臨風引領者誰子思親梁公無乃似讓讓平生忠孝心依稀寫  
出丹青裏

送張主政用載之南京

秋風送新涼垂楊蔭官道載酒城東門話別何草草嗟君璠璣寶特  
達知名早觀光上國春奏賦長楊曉棧承公府檄獨理金陵棹周官  
重空土經濟擔遠抱燕山何迢迢江流殊浩渺南北不可期使我懷

送張主政用載之南京

秋風送新涼垂楊蔭官道載酒城東門話別何草草嗟君璠璣寶特  
達知名早觀光上國春奏賦長楊曉棧承公府檄獨理金陵棹周官  
重空土經濟擔遠抱燕山何迢迢江流殊浩渺南北不可期使我懷

憂情願言崇令德永以慰交好

贈王處士

幽人家住西湖曲曉集芙蓉夕餐菊湖光山色怡心神七十康強面  
如玉一朝乘輿汗漫遊遍歷齊魯窮燕幽素衣不慣船塵宛片帆歸  
去天風秋

寄贈鍾處士

富川雲水草堂深想見先生抱膝吟獻玉未明和氏泣絕絃誰識伯  
牙心漁舟小泛沿荷浦書卷開開傍竹陰搔首日高猶散髮更無魂  
夢到朝簪

送童貳守栗卿之姑蘇

十年萍梗事堪嗟猶喜相逢鬢未華州縣豈宜情廟器詩書元自大  
方家黃花暫醉離亭晚鴻雁同征去路賒回首吳江楓落夜詩成須  
向故人誇

送杜司訓世良之豐縣

豐沛英雄入毅來春風桃李待栽培千金久負屠龍藝一笑重經歲  
馬臺雲暗楚天鴻雁香酒酣燕市菊花開分携話及鄉邦事二十年  
前首重回

次韻張亞卿寓懷見寄

抱襟秋欲暮間居寡朋儔當軒理朱絃聊以寫我憂明月忽在袂好  
風如相求神交有形外曲終不待酬輪蹄紛九遠役役無時休誰能  
謝來往頗厭紅塵浮蒹葭下菊氣味何芳柔采之遺所思庶為選  
論謀

次韻答李序菴

搔首恍年萬事新交遊贏得故情真未論車馬來今兩直許金蘭到  
古人邀月酒杯頻入夜傍花棋局不沾塵多君滿腹琅玕在闔闔終  
須次第陳

聞老石滄楊公司空鶴山李公都憲東臯王公為同年之會子  
以年家子與席奉次石滄公韻二首

台星瑞世界朝來鼎立春風壽域開有德已為天下老沈芳遠操歲  
樂梅題名三百原同榜入會兒孫幾舉杯樂事也知須盡興疎簾選  
日任西頰

四海通家有自來登堂今日綺筵開試看當鼎調和手都是先春暖  
郁梅盛世喜成嘉會禮後生叨進旅酬杯三山並峙真堪範竟日酣  
歌玉不頰

竹澗文集卷二

竹澗先生文集卷二



古今詩

郊祀分獻四瀆壇二首丙子

列炬薰天簇紫壇露華星彩溢虛寒五雲望切威嚴地四瀆名叨莫  
獻官禮樂雍容三代盛精誠感格百神歡遭逢未有涓埃報擬賦甘  
泉萬賁難

宴區澗澤荷神功登祀郊壇禮數崇惟帛敬將從水色四鼎俱黑鑪燈高  
照切雲紅石龕幽邃香烟表碧殿玲瓏樹影中對越再三分獻罷格  
天一德仰宸衷

半隱王先生輓詞以子純都  
御史受封

半隱先生本席珍懶從三聘試經綸此身已逐忘機鳥有子還爲瑞  
世麟命服再膺榮畫錦林泉終老遂天真斜陽宰木今如許賸有高  
風激後人

壽蒲菴王封君八十子雲爲  
嚴州守

竹澗文集卷三  
白髮烏紗陸地仙逍遙心跡寄林泉蟠桃有待三千歲甲子重過二  
十年閱世方瞳超色界長生靈藥在丹田老萊膝下能見感更向黃  
堂啟壽筵

藍都憲生祠

仗鉞收秦隴成功歸廟廊金湯恩不淺俎豆報何長古栢隆中廟甘  
棠召伯鄉封侯一時貴未許望宮牆

藍都憲凱旋卷

笳鼓動歡雷王師出塞回鷹揚元帥勇鼠竄兇兇摧露布三秦曉風  
清萬里埃等閒尊俎地真有折衝才

送藍都憲陞南京刑侍

分陝勞開府留都詔促裝蘇公終式敬召伯孰能忘西峙泰山重東  
流漢水長更懸天下望調鼎在巖廊

初遊醉翁亭次韓太尉庭方韻

久憶環滁勝登臨忽此亭席分溪石澗酒帶醲泉聲院靜會時語松

深露晝零古人那可作聊爾壁間銘

遊瑣瑯寺不果次韻答曹少卿汝學

名山聞說好亭臺千里懷遊未果來空羨暮雲歸老衲竟留中路  
惹蒼苔泉迷庶子清難濯嶺望磨施翠不開寺有庶子  
泉磨施嶺明日追陪了心  
賞輸君先我已三回

雪曉次韻

朝來寒氣透重衣雪壓茅簷半掩扉院落光生花滿樹池塘清絕玉  
爲磯舟橫西澗無人渡簾捲豐山斷鳥飛竟日擁爐官事簡詩成高  
興轉崔巍

丙子冬至次韓信山韻

天地陽回又此辰履長餘慶仰皇宸年華滾滾波同逝官寺寥寥山  
作隣陳合硯池從閣筆暖生茶竈任添薪滌陽細酒堪消日拭眼梅  
花對早春

立冬日有懷京師諸友

竹澗文集卷三  
東皇消息到江梅鼓吹郊迎曉色開五日新正渾醉裏百年殘夢又  
春來他鄉絲燕隨緣看何處雲鴻寄劍回料得故人多健在尋芳聯  
轡滿金臺

人日雪

入春二日逢人日占歲宜晴苦不晴凍雨作花還六出終風吹冷竟  
三更羊羔薦酒渾多事蟹眼烹茶漸有聲訪戴未能餘興在朗吟空  
對夕窗明

屏舍梅久不開戲述

山城春到一向強瞻角官梅向未香索笑幾回虛杜老鷲時今已負  
何郎空憐凍蕚凝紅蠟安得南枝出靚妝商鼎有須應忌早故舍元  
氣混羣芳

數日梅猶未開疊前韻

經冬相對意差強半月東風未放香遠信不堪傳驛使幽期如待採  
花那日斜籬落食春睡月冷黃昏怯晚妝爲爾興懷懷作惱強裁詩



句答年芳

次韻曹霜屋梅開見寄

霜葩初見隔牆枝，倘及新正未是遲。寒氣襲人朝夢破，暗香牽興晚吟宜。情多怕弄風前笛，病起思傾月下卮。我屋一株仍冷蕙，却疑春色與君私。

梅始開疊前韻

梅花照眼忽枝枝，冠絕中園不論遲。香遠自緣冰雪助，格高偏與水雲宜。臨芳合有金聲賦，送酒何慚玉液卮。湖上孤山應更好，扁舟終擬遂吾私。

雨中梅花盛開

雪中留帶雨中開，二月相逢是晚梅。橫水一枝仍韻在，閉門終日忽春來。眼憐冷艷移時立，心醉幽香命酒陪。正恐陰雲妨月色，不教疎影到亭臺。

次日仍雨疊前韻

竹淵文集卷三

三

懷抱經春不自開，曉窗風雨正愁梅。香魂避濕應消盡，粉豔驚吹易落來。鐵石廣平心故在，湖山和靖興難陪。陰晴等爾吾遊倦，爲汝須登月下臺。

次韻曹霜屋梅爲風所苦

寄語通翁莫慢悲，風狂未損好花枝。芳宜送酒何愁落，香欲沾衣不憚吹。乍點宮妝憑小試，漸成鼎味待深知。繁華擺落尤奇絕，月夕來看濼作期。

遊瓊那

十里瓊那氣鬱葱，峯回路轉興難窮。禪房鴛壑臨清泚，石磴梯雲到碧空。鍾阜一卷烟霞外，長江疋練渺茫中。千年帝子留奇觀，多少遊人感慨同。

疊前韻答曹霜屋

華裾幾度望青葱，咫尺西隣眼欲窮。拄杖竟妨春雨濕，談棋誰伴草堂空。青山半落愁裏白，日都消斷簡中。薄暮詩來天漸暮，尙期歌

詠一梅同

曹霜屋以詩謝若升致佳酒次韻

春睡昏昏願泥人，叩門詩到日加辰。魂環玳瑁償投李，賴有交遊託飲醇。餽茗敢誇湯美勝，分酪真出醴泉新。枯腸醉裏還堪潤，月夕風晨此興均。

卽事

除上烟碧翠繞城，悠然相對轉愁生。花枝幾樹初經眼，風雨連宵太薄情。上國交遊書久絕，故園心事夢難成。等閒病起春過半，曳履池邊看晚晴。

春風

底事春風喜叫喊，乍聞南陌忽東郊。重茅捲去隨羊角，古木摧殘隨鵝巢。料峭不禁輕酒力，飄零餘恨付花梢。尋常少出愁吹倒，多半韶光睡裏拋。

卽事四首

竹淵文集卷三

四

江北江南一望中，便將遲早判春風。江南二月桃開盡，江北梅花正作叢。梅花狼藉杏花開，妝點山窗送酒杯。數日留連成底事，不知春色暗相催。

相催

每恨逢花易別離，不因雨打卽風吹。亦知後會明年事，南北東西未可期。故人見夢話平生，醒後依稀不自明。高閣日斜消息斷，垂楊一樹語流鶯。

南郭

南郭青山映草堂，兩年春夢落滁陽。空慚伯問新恩命，誤入歐公舊醉鄉。憂極江湖天渺渺，興闌花鳥雨茫茫。日長人靜惟危坐，消盡幽軒幾炷香。

寄贈朱良矩改令丹陽

暫別仙班館縣章，泌陽某月又丹陽。收收餘地牛刀底，籍籍才名身



繡場夜雨十年空夢寐暮雲千里益淒涼江頭香草堪細佩已覺流芳自此長

題太僕廨舍

官寺東頭數畝宮兩年棲息足旰食白雲戶隔羣山合綠水池塘曲徑通花木不殊吾士好茅茨猶有古人風天涯吏隱惟迂拙滿壁題詩不務工

攜酒過曹霜厓卽席次韻

經旬陰雨妨乘興此日壺觴徑款門萬里風烟行處樂幾年離合夢中論閒將象局消長畫漫逐鶯聲過小園醉倒竹根應不惡明朝重到看生孫

次韻答韓信山

短髮蓬齊不稱撥衙回剛免簿書勞詩債我債千篇少樓羨君家百尺高敢謂杜陵渾漫興亦知王粲未爲豪來朝作意同登眺柳外花邊任所遭

竹園文集卷三

五

遺興

好詩莫苦吟好棋莫貪着苦吟徒勞嘔出心爛柯祇爲貪棋錯詩以寫我情棋以撥我悶意匠心兵不自持斲喪真淳起爭論君不見三千風月醉一生十九歧路誰能明何如虛室坐終日一洗煩惱令神清孔刪幾畫不啻足超然且與我心盟

花柳吟

飛花滿路春風香柳條弄日鵝兒黃如此風日亦可喜趁逐兒女如顛狂花香欲與蘭爭馥柳黃漸似栢枝綠爲佩爲梁自有真往往風流託空谷琅琊山椒一杯酒坐我深春亦何負吁嗟此意空寂寥眼底紛紛醉花柳

曹亞卿第賞梨花

梨花盈盈雪一樹照日不消半含露香氣氤氳百和餘隔牆暗逐東風度桃夭杏艷多名園春深狼藉空愁煩醒心忽到池塘路疑是江梅初返魂休將一枝看帶雨長門掩泣誰爲主莫待溶溶月滿庭素

嫩心事尤孤苦快哉君家今日晴曠泉之酒花邊傾津津齒頰有張谷夢圓猶足消餘醒

次韻信山太卿重葺竹所

竹窗霽落蒼苔合無復滿湘風雨枝階下錦綉纒幾箇憑君長養看猗猗

次韻韓太卿春晝見寄

一官閒散共天涯忽忽春風已落花不爲綠苔憐踏破杖藜終日話君家

春深二首

落紅無數委東流狂盡楊花風亦休春色老來堪愛處綠陰門巷似清秋

喚歇鳩聲雨點疎春陰漠漠日長初曉衙放罷都無事多讀山窗幾卷書

次韻曹霜厓清明見寄

竹園文集卷三

六

一春多夢竟難明流水飛花傷客情修禊亭荒鷺未泛登樓地僻賦初成狂風暴雨過寒食野藪山穀入夜烹珍重詩筒相慰藉此心惟合向君傾

與客嘗玉面狸次韻

取誇野味少人知詩客曾題牛尾狸紅玉釘盤爭放筋青錢沽酒共傳卮攜來江北春深日獵得山中雪霽時正自思鄉綠雨劇未能歸去是誰爲

栢子潭次雪厓韻

栢子成林俯碧潭天光澄徹鏡中涵千年勝地來遊覽萬里塵容欲照漸雷雨震驚龍或躍江山題品我猶堪高皇注矢甘霖應長與除人作美談

野景

野景向黃昏歸與山復村鐘聲白雲寺酒旆綠楊門澗遠流花片橋危合蘚痕宵然迷處所回首憶桃源



示見徵

望汝成人汝勉之汝家門第要支持箕裘不廢真吾子學問仍須自得師早致青雲繩祖武莫將白日付兒嬉終身有益惟謙約好為書紳慎勿遺

寄程甥文德後嘉靖己丑進士及第見徵同登

不多年紀好文章珍重吾家坦腹郎志篤尚須開萬卷學成何止擅三場功名世濟方為孝水玉人看亦有光別後自嗟心力倦猶能刮日日相望

寄從子燧綱輩

千里題詩寄阿咸喜看蘭玉在階前力行孝弟光門閥多讀詩書繼祖傳叔父龍鍾何足法爾曹豹變各爭先相攜亦有東山興留滯天涯又兩年

遊花山

花山秀淙陽不在瓊瑤下空谷封白雲自昔遊者寡東風三月時杜

竹園文集卷三

七

丹映山精我來屬春去殘枝綠滿酒品色驗根芽采之忽盈把慙勤愧良朋行厨勸杯舉一笑各盡歡願景不能捨歸與倚微醺落日浮原野

次韻酬仲仁兄見寄

淙陽歲暮積難憂尺素俄傳自秦州咫尺不同遊宦地尋常空憶讀書樓泮芹香動春初采棣萼詩成夜發詎却美故園溪上月解分清影傍邗溝秦州水名

紀夢時伯兄家食東漸仲兄分

兩年離別書仍斷三處相思夢忽通旅食不知滌秦遠追歡如在浙江東秋來祇負茱萸插歲晚還期鴻雁同自小翔翔子最後而今四十欲成翁

攜張嘉運遊醉翁亭

雨裏登山亦自奇古亭岑寂話深危廿年離合誰能料一瞬陰晴未可期鳥喚白雲高木落僧歸青壁暮鐘遲酒闌復復聯鑣去明日秋

風雨地思

九日孫主政莊登高  
佳節驚心值異鄉登臨聊復過山莊茱萸共卜明年健菊葉猶慳此日香野外行厨溪藪嫩雲端作戲舞衣涼焚籠倒置南意撫掌百風醉欲狂

寄贈張主簿銳兼東吉大尹師召

遙憐寶婺鸞栖久忽觀金陵馬信來膏澤朕遺桑梓福轉輸仍足國家財酒醒淮浦西風冷詩到吳江落葉催重掃縣齋應卧治長官今有魯恭才

醉翁亭次徐駕部子正韻

淙山偶為醉翁有終古亭臺屹不朽灑泉清淺碧玉流石刻盤華老蛟走巖壑樹鬢日色遲仰視卓午忽已酉吁嗟翁醉何時醒更上翁亭酌翁酒

晚菊

竹園文集卷三

八

東籬細蕊幾黃昏過却重陽開漸繁曉映半沾和露采吟杯初泛帶香吞娛情不減陶潛興惜晚難同杜甫論短髮經秋還耐否一枝簪罷手重捫

謝曹貳卿餽酒

門掩斜暉坐寂寥清樽分我濁泉遙不多殘菊猶堪賞如許閒愁合得澆薄有宦情淹此日久無封事問明朝銜杯好事論心地却恐高人不可招

采菊

采采疎籬滿把香曉篋攜得萬錢黃一杯淺泛仍和露兩鬢斜簪半著霜陰處懸來蜂轉趁風前乾去蝶應傷林頭藥籠多收貯驗取仙家却老方

秋盡次韻曹貳卿見寄

一年草草又三秋古署風寒落木稠白雁江南多日去黃花雨裏幾時留悲深宋玉仍鴛旅夢逐莊生亦繆悠高調忽聞隣笛起倚欄廣



罷自長誼

次韻曹貳卿病愈見寄

斷送三秋一雨中林端策策夜鳴風流年不啻人間世往事真成塞  
上翁病喜沈郎憐帶孔開教杜甫憶耶簡東園笑語須相過未老黃  
花尙幾叢

聞雨

江雨生寒夜不眠初聞浙瀝轉連綿細心破碎疎桐底病思凄涼斷  
鴈邊風急三更城迥隔官寺僻在城外草深四壁地逾偏酒醒燈暗還多事  
占得新詩第幾聯

次韻曹貳卿食蟹

畢卓嗜蟹興莫當酒杯時自傾鴉黃金膏玉髓良足潰殘甲敗戈非  
所傷風味十分七筋底縱橫幾許沙洲傍城昏市遠不易覓詠爾徒  
和琳瑣章

感事次曹霜厓韻二首

竹園文集卷三

記得仙人教下棋應酬玄處在先知錯教費盡紅塵力猶有臨終悔  
着時

江干歲晚眾芳殘閉戶經旬意鮮歡留得後園合翠栢往來只合共  
君看

枕上作

宿酒殘月夜悠悠古木空山萬籟收身似虛舟橫野渡夢憑倚枕到  
丹丘天邊鷓鴣侶遠經歲江上魚書動一秋叨守閒官漸肉食擁金無  
寐欲奚謀

次韻曹貳卿苦雪

閉門風雪卧終朝偶爲詩筒引興饒便欲訪朋千里去寧知待伴幾  
時消寒深玉宇愁空閣病減清樽坐寂寥舊隱半荒歸未得多情猶  
謝小山招

次韻曹貳卿長至見寄

官閒贏得作詩忙凍壘朝來又幾行江國瞻天遙至日酒杯娛客共

年光雪覆風散回晴景水希泉漸落野塘世事悠悠時序轉細推前  
息意何長

送陳懷本

潤州高士說陳生遠向滄山路雪行遊似馬遷真逸足交因言植有  
時名同僚曹貳卿瑛瑯故事堪重醉西澗遺音又一鳴明日歸舟依興  
盡暮雲回首大江橫

雙箭爲簡鶴進士庶母伯姊作

蒼松產徂徠不知水雪寒砥柱中河流障彼狂波瀾水石何足道所  
貴全其天人雖萬物靈天性曠能全卓哉三婦節秉志何貞堅母也  
矢靡他之子同辛艱莞莞弔形影藁砧無時旋九死乃一生育孤紹  
家傳天道諒有定未亡永餘年我歌栢舟詩千載世教宣

南莊八景爲孫封君題八首

白雲洞口

深洞迴崖映開雲鎖石扉采芝從此入愁濕薜蘿衣

竹園文集卷三

活水源頭

地脈回滄海源頭瀉碧泉滔滔長此水誰解洗塵顏

曲水流觴

久羨流觴事重尋曲水湖山疊應有約歲歲好花時

高峯飛翠

不快紅塵泥高峯獨杖藜怪來衫袖冷空翠落袍緜

絕頂雙泉

山泉清可愛絕頂日淙淙一派已奇甚飛來况復雙

小橋孤月

小橋斷橫橋扶醉往來輕日暮不歸去臨流弄月明

野寺歸僧

地偏隣古寺僧過偶相逢未了無生話深林咽暮鐘

古亭留客

千載歐公辭遺文亦壯哉幾經亭下路留讀慈階苔



贈仲仁兄次韓曹二長官韻二首

憶弟看雲勞讀杜識人今日喜逢韓高歌白雪千金贈增重青氈十  
載官祠道夕陽催別牽滌南山色推征軼遙知泮水從容地幾度廣  
酬興未闌

流水何如別意長送君西澗感年光偶同風雨連宵話竟負茶菓九  
日香別時已未老生涯期後樂相隨歸夢苦難忘醉翁亭子琅琊景  
他日聊誇此願償

雪後與客登豐山

一冬垂盡日久雪乍晴時春入郊迎早光回野望奇御風臨絕嶠乘  
興引深卮四坐傾肝膈環滁在睫眉謝公方縱屐鄭聚亦宜詩總是  
他鄉客閒園別墅棋真遊超物外此意許心知玉立千章柏水堅百  
尺池徑欹綠石磴雲冷護龍祠稍稍村烟動悠悠暝色欺僧肩鐘罷  
寺鴉集日斜枝歸臥山窗月虛寒尚夢思

栢堂雨露爲京口曹少卿母賦

竹園文集卷三

十二

誓將蒼楸植秋堂誰料多年雨露懷心苦暗期冰雪會葉香高稱風  
雛翎昭北極來恩誥酌盡中冷是壽觴京口有中終古綱常還此  
母正須重詠栢舟章

畫紅菊

幽人風致絕塵寰偃蹇蒼筠白石間醉裏不知霜露冷放教春色上  
酡顏

次韻曹霜厓催梅因憶舊廨梅花

當簷無復故枝垂頗憶年時索笑奇花向隣家須發早春來此日未  
爲遲是日詩筒往復寧多事羯鼓風流有所思水畔亭臺煩掃短  
筇行擬覓深卮

戊寅元日二首

旅食逢元日常朝憶舊班四句三又至百歲幾曾閒幸際唐虞盛叨  
陪季孟閒讀書何事業散懶厚吾顏

拙官依准海流年見戊寅晴占鴉日好春入蟻腸新歲月輪誰手乾

坤任此身官開城市道僚友自相親

畫馬

龍種何人爲寫神空羣意氣絕風塵路施醫勤愁難取欲辨黃黃恐  
失真十二天開纔有幾三千駉牝總無倫躡雲追電尋常事看取鳴  
鶴曲水濱

二月於曹霜厓第觀瓶梅次韻

綺筵何處得江梅倒浸水壺自可猜一種風流偏我愛十分春色後  
時開樽前莫惜歌金縷笛裏仍愁點翠苔竟日玩香兼弄影爲君沈  
醉未能回

龍泉寺尋梅次曹霜厓韻

古寺林深別有春梅邊風日喜同巡行經曲澗聞香遠興遠孤山得  
句新茶碗不煩供地主酒杯着足醉花神明朝有約隔東關未厭陰  
何倡和頻

何寺丞第賞梅疊前催梅韻

竹園文集卷三

十三

瞻頭細藥隔年垂開向春深亦自奇桃李行卑聊爾冰霜性耐故  
遲遲花晨暫覓閒中樂月夕應添別後思笑折一枝同浸酒賞心分  
付暗香卮

紀夢絕句二首

客邸春風吹夢長忽忽京關又江鄉浮生盡道如春夢却笑浮生無  
此忙

推枕晴窗一欠伸杏梢開到幾分春天涯歲月成離索翻媿追歡夢  
裏身

弔陽信馬貳守

同條韓

宿草驚心歲月忙人生不死是流芳類年宦轍甘棠在一脈書香鳳  
翼長樽酒幾人思北海門楣有客坦東床全歸况復稀年近蒿蕪徒  
勞道路傷

再題醉翁亭

澗水經春長綠波林巒回合鳥聲多山從公去名逾重亭有時荒記



不磨仰止極知前輩盛視今其奈後來何官閒幸際昇平世此地尋常載酒過

夏至後苦雨四首

五月夏已日經旬風尚寒怨咨甚暑雨早濕更江干小市慵沽酒閒居耻素餐頗問南北路二麥總艱難

江雨晴難得炎風鬱不宣濕蒸藏久藥潤透讀殘編避漏移床遍通明捲幔偏淞陽二年客入夏久相便

天漏意何如他鄉氣候殊身常親藥餌病不貸妻孥聊介江淮僻城依草樹孤東華塵土夢回首渺川途

一雨夏將徂羈懷轉鬱紆山深變寒燠霧重失朝晡義御誰當挽雲師爾可誅林鳩太無賴相逐不相呼

南墩書院為宿州守徐良節題  
精廬重構傍南墩鄉里衣冠重德門四面好山流翠近百年喬木向春繁會聞藜杖干星象賸貯芸香待子孫今日無心雲出岫甘霖千

竹澗文集卷三

主 夢 遺 慶

里逐朱轡

九日對菊懷諸兄

往年九日菊未花今日九日花儘嘉霜前寒蕊色甚好淞山不把龍山誇反肩官舍白日靜對汝悠悠雨形影舉杯相酌還自酬花神醉未誰能省何處登高可披豁茱萸更向花前撥不奈秋風生客愁鴈行吹斷江天闊

送何寺丞汝弘歸養

鄉邦文獻故通家京國過從幾歲華適意忽驚張翰去承恩應作老萊誇錢塘水落帆風穩天姥雲深屐路賒回首莫忘移孝念鶴書行促隴頭車

聞曹霜厓南旋小詩奉迓

故人分袂忽三秋報道南旋解我憂已會風雲贈日表却經桑梓繫蘭舟環淞山水仍相待怪石圍亭莫久留曹有石古柏蒼苔舊公署近添雙鶴一呦呦同僚有携鶴鹿至者

除夕  
春入殘冬梅尚遲歲除今夕客纔知門前已見桃符換燈下猶堪柏酒持三載地偏成斷梗九重天遠獨傾葵生盆爆竹無心久漫逐見嬉亦一奇

已卯元日次除夕韻

頗怪屠蘇到手遲流年輪與鬢毛知江湖寄迹舟常繫勳業驚心鏡自持進德敢歌淇水竹憂時空愧魯園葵半生漫浪詩千首如此男兒未是奇

次韻留別曹霜厓二首

幸託同官契三年一日如笑談更下榻出入每聯車吾道終何補公才暫可儲難逢嗟易別莫放酒杯疎  
風雨驚行色銜杯意渺如下江俄繫楫趨闕更高車麗句勞相贈空囊富所儲平生久要誼不為別離疎

疊前韻留別毛太劑二首

竹澗文集卷三

古 夢 遺 慶

名德欽前輩行藏道自如共期川作楫獨喜蓋傾車伯同書堪續梁公藥善儲公好讀書分携資海語此意未應疎  
世事故難料茲行信所如獨憐馳驛騎遙別看花車鄙吝思常見才猷重夙儲除陽好山色回首暮烟疎

宿遷道中次水

大水來天上平原匯百川離離波下黍汎汎樹頭船野市迷崔鎮孤城浸宿遷流離愁此日何以禦來年

過泗亭

濟溢河奔漫泗亭官舟逆水阻修程南風一夕開帆好卧聽船頭軋浪聲

庚辰歲同仲實兄謁祖墓述懷

故里同過豈偶然郊前仍及立春前鶴原舊事追當日馬鬣遺封望紫烟種秫有田堪客醉聚書充棟任兒傳廿年南北知何補歸老深期了宿緣

謝盛希道先生在願

谷口高軒來故人清燈細雨一杯親江湖戀關二千里館署論文二十春乍見共驚忙裏鬢劇談如對夢中身玉華千仞南溟上尙憶攀躋迹已陳盛居玉華峰子嘗造焉

題王亞卿荆山別號卷

佳山堪住仍堪號名德巖巖復似之雲出會符霖雨望林深真有棟梁姿平分海岱形逾勝變幻烟霞趣亦奇未遂攀躋常仰止丹崖留墨定何時

沛縣黃河口南徙河入沛已十年忽又徙徐

大河衝沛日湯湯十載清流眩眼黃忽徙彭城纔幾月舊渠枯盡欲生桑



古今詩

元宵戴揮使第呈席間諸君暨仲實兄

燈火今宵看故鄉  
柳臺梅榭競春光  
選來妙舞當筵久  
翻得新腔按瑟狂  
朋舊漫勞青眼待  
弟兄私喜白眉良  
有時投綵終同社  
不把離愁攪醉腸

時將赴南京

郊行呈仲實兄次前韻

偶尋幽事過南鄉  
照眼晴梅泛曉光  
故里不迷遊子夢  
中年翻憶少年狂  
垂綸未遂魚空羨  
緩轡相隨馬更良  
義重平生堪屢別  
強廣常棣遣回腸

白閣爲王太守壽夫題

秦中白閣號奇峯  
復有高人此託蹤  
玉骨峻嶒堪比德  
雲衣變化竟從龍  
窗開霄漢琴書潤  
路出松篁杖履重  
青壁丹崖非易造  
幾回西望興還濃

竹淵文集卷四

太僕舊廨

兩年離此忽重來  
門巷春深次第開  
覆屋重茅新易瓦  
臨池高檻舊登臺  
笑談漫喜賓僚盛  
南北徒驚歲月催  
燕語梁間如識主  
更將飛舞送餘杯

寄贈毛孺菴太卿

二年滁上漫追隨  
綠水青山到處詩  
問命遠將官事簡  
飲亭頻過客情怡  
有才未許長閒散  
大拜真堪託保釐  
慨我重來公已去  
祇憑詩卷說相思

贈潘大參伯和

憑將直道作生涯  
磨涅無端玉不瑕  
暫黜更爲人椽屬  
超遷終荷帝心嘉  
皂囊慷慨嘗焚草  
金帶輝煌忽已花  
千載風雲今日事  
高歌茅拔爲君誇

漫興二首

滁上羣山紫翠環  
山中官府有無閒  
吾遊倦矣情誰白  
世事茫然費

自斑揚柳春風村市迥  
芙蓉秋水寺門閒  
遙憐六一當年意  
野鳥山僧共往還

莫向秋風一歎索  
離環滁山水古今奇  
六年留戀有翁醉  
萬事蹉跎無我癡  
霜華細飄紅冉冉  
晚禾將熟綠垂垂  
明朝試候南賓屬  
帶得書來未可知

江浦渡江

百里到江仍問程  
是日發江風初靜  
渡船輕乍穿蘆港  
分秋影橫柳鰲波弄  
晚晴鍾阜日斜金碧  
炫石頭朝上水雲平  
千年王氣誰能整  
贏得秦淮繞帝城

贈仲仁兄赴秦州

目斷鴛原鬢欲霜  
那知此會復滄陽  
離庭幼學年光逝  
姜被秋同夜漏長  
夢隨隨賓鴈  
杏素餐聊取婢魚  
嘗明朝驛柳仍愁折  
烟水吳陵正渺茫

送楊太卿介福歸武陵

翰苑論文忝後塵  
謙垣補袞復同寅  
重逢共訝憂時鬢  
一疏堅辭報主身  
柳柳游亭堪此日  
藝蘭湘浦有餘春  
武陵亦係東山望  
倘見漁人莫問津

酬沈侍御子公

科日行臺古栢高  
公餘情興獨揮毫  
先聲風裁聞驄馬  
出色詞華靄鳳毛  
株守頻年惟我拙  
萍蓬此地嘆人豪  
嚴裝見說朝天近  
極目行塵首重搔

雨後寄題西廳童用中花園

芳園數畝舍西偏  
雨霽春朝散步便  
池水欲平新綠膩  
花枝無語靄妝妍  
相將鶯燕還今日  
有待溪山更後賢  
八載游歌雙鬢改  
惟應青眼尚依然

同朱侍御子宜東郊餞客

城頭曉色艷新晴  
十里溪橋送客行  
花底四筵酬勸好  
柳邊飛蓋往來輕  
平疇麥浪翻風綠  
深樹鶯簧隔水清  
歸道不勞松下喝  
故應驄



馬遊前程

病中酬朱侍御見寄頗懷東郊之興

鶯花滿地風日晴伏枕尚憶東郊行醉裏不禁狂態劇病來轉覺閒  
愁輕經句無聊藥裏苦何日共話茶風清詩筒稠疊謝相慰廣和足  
課間中程

嘗鱒魚次汪二卿天啟韻

兼程携至已昏黃命酒猶堪月下嘗彭老骨多非所恨西施乳膩恐  
難方綠兼荀纒烹調美紅點椒花七筋香安得江頭看起網百篇阻  
嚼老詩狂

次韻汪東峯二卿觀竹

杖屨風流到竹園不知春色去還存繁華掃地誰為主蒼翠臨池自  
長孫鶴唳時隨清簾發茶烟閒傍午陰屯偶然乘興皆萍跡戀此誰  
能詠謝墩

次韻汪東峯詠葵

露葩圓葵夏景涼綠陰深處豔紅藏足能自衛如多智心喜棠頰祇  
向陽吟筆好憑丹點鐵舞筵休羨錦爲裳十年獻納同青瑣對此還  
應各斷腸

夏日同僚小集

衙罷公庭一事無官聯小集自相娛槐陰落砌午無暑棋局當軒日  
易哺地散未妨甘吏隱才疎何以副時須流年又看端陽近角黍蒲  
觴不負吾

憂旱

農人幸麥秋刈穫及未雨既刈天轉晴暫飽終恐餒盼盼五月來赤  
地極千里哀哉無辜民爲此旱魃苦露禱良辛勤詎觀商羊舞昨朝  
風雷發淋漓夕方止蹄沓乍渺漫龜坼漸泥滓麻菽僅可播分秧尙  
無水三日雨不繼杭稻知已矣豐山靈滌陽與雲恆自此下有栢潭  
龍變化莫可擬冥冥果何意爲惠不終始豈無溝洫利世遠孰經理  
亦有桔槔功惜農棄不舉人謀或未減天平吾何韻素食愧官守對

之空并此

贈陸侍御屬遠

陸梅才無敵嶽山蓋偶傾龍蟠雲裏勅馳道傍行襟抱三江迥水  
霜六月清經邦資數馬求友願遠駕弔古歐亭勝觀風范譽輕重聞  
西瀾詠又動北轅情開雨方今日爲霖待老成咨諏勞使節獻納重  
臺評愷解薰風好行經梓里榮堦切響筆處翹首五雲晴

秋雨嘆三首

早來恨見秋霖遲淋漓決月仍苦之禾焦豆萎已無救壞屋決梁安  
用爲生柴價高陳粟貴流離載道聞獻秋莫怪農家賤賣牛待餉欲  
給晨昏費

錢論一石

溪頭浩浩秋水生黑雲四驟雨未晴野菁隨波田父泣河郵跋尾漁  
翁驚城中倉廩無餘積米船初通過江客乘潮逆浪來不時到市干  
錢論一石

竹澗文集卷四

離披汝時未來須汝待霜白秋清想風采餘功尙賴延衰年何日杖  
頭看蓓蕾

仲仁兄陞魯府教授過滄語別

九載費宮道自尊曳裾今日又王門官清幸觀東平樂祿薄聊供北  
海樽得句漫勞千里夢懷鄉空向此時論楚天秋盡生離思雁影參  
差雨氣昏

長春樓爲休寧楊處士賦

休陽山水勝東南處士樓居倚蔚藍春占四時偏耐老雲耕千畝不  
嫌貪門楣喜有金章客樽酒堪供玉麈談好學郎君年更妙束書千  
里過江擔

壽遠巷楊閣老七十

黃閣歸來近十霜稀年方進九霞鶴未應宰相山中久已覺神仙世  
外長筆底絲綸留禁署胸中兵甲在遐方梅花時節詩兼酒江上重  
開綠野堂



壽王司訓八十外傳

八十初分度康強見幾人  
方仍轉碧髮短任垂銀  
半子多朝貴指郎有席珍  
投來簪紱入滿酒出風塵

發南京

留都兩月太常卿被召俄驚  
又北行一念寅清常對越  
半生疎拙寫將迎龍江風  
水開帆好鳳闕星辰曳履  
輕獨有月明回首夜石城  
鐘阜總難情

揚青道中夜泊

小泊空村待月行無端風浪  
夜還生舟人繫纜頻相喚  
鈴卒巡更忽自驚天近神  
京偏浩蕩水通滄海却回  
滄陰晴未卜朝來事閒倚  
篷窗看啟明

天津值雨

時南畿歲荒江雨多  
暹羅願仰給北粟

滿地風沙麥正苗一番甘雨  
忽今朝土膏頓覺三春足  
河濶誰誇九里遙南國救  
荒應有望幾州邊羅轉無  
聊晚來喜劇還悲切兀坐  
船

竹澗文集卷四

五

宿看長湖

赴召將至京二首

春明一別老餘山素食空添  
兩鬢斑新命忽傳天上至  
孤賸猶似夢中還身依日  
月逢更化職忝夷薨愧押  
班便合彈冠向明發五雲  
深處覩龍顏

燕山南面潞河東彩鷁歸來  
更得風三輔地形春日麗  
九重天色曉雲紅入城未  
覺琴書累趨關行看劍佩  
同回首十年青瑣事不孤  
明主有愚忠

贈栢林吳封君

吳豐城人以子模  
為都御史受封

豐城劍氣化為龍霧鬣霜  
麟半倚空老去成林終苦  
節後來作棟亦餘功人間  
歲月優游地上栽培雨露  
中見說鄉閭評月旦古來  
徐孺可相同

送周太常壁安陸祭告

過雨離筵爭迎風使節輕  
皇華天上遣白雪郢中賡  
王國稱殷禮朝

廷託老成歸輒須早著祀事日寅清

寄懷菴章都憲以道

二紀同年幾故人天涯蹤跡苦參辰  
閒愁誤遣霜侵鬢渴想空疑月寫神  
再歷容臺慚忝竊宏開憲府仰經綸  
何時一笑重逢地酒盞詩篇取次陳

送王都憲載卿巡撫四川

西南問俗付中丞才望如公簡帝心  
秋水落時川水穩法星明處福星臨  
雪山增重應逾昔玉壘題詩又到今  
萬里何時當報政聯班舊誼擬重尋

復請陳先生雙挽詞

先生善吟工草書長子  
察為御史少貴為檢討

復清先生清絕倫讀書不走淄衣塵  
中年化去夢幻身詩豪草聖全其真  
夫人未亡垂入句堪與孟母為芳隣  
兩郎成立俱要津含笑不愧黃泉人  
栢府水霜翰苑春麒麟瑞世何振振  
皇家郵典來方頌松楸千載恩光新  
些歌遮莫徒傷神

竹澗文集卷四

六

次韻酬謝內翰以中仍期枉顧

高齋足秋雨幽興難親理梧床頭  
易香酣麝面春鄉評今親昔世餘假  
疑真何夕西城月清談共可人  
再次前韻酬謝內翰

秋風驚逆旅鄉思正相親舟泛剡  
溪夜簾流曲水春幾時尋舊約一  
笑道吾真大隱疑堪謔終憐紫陌人

題赤松山水圖贈雲南朱憲副子文

朱嘗著水  
明十三志

赤松山水擅吾鄉爭勝還聞有永陽  
我賴畫圖償夢想君憑文字極掄揚  
烟橫秋嶽重重碧花點春流曲曲香  
携向天涯漫相贈雲燕月雨茫茫

壽謝母太孺人

板輿迢遞海東仙帝里恩光照壽筵  
天近重陽纔二日人過七袞已三年  
菊花泛酒黃封好錦服趨庭綵戲便  
一曲南山漫相祝可酬當日栢舟篇



送葉師道分教羅源

斯文自昔共心期，豈謂先生獨後時。千里馬難逢伯樂，五車書亦負男兒。漫膺一命，賁模範遠赴三山，惜別離雨霽都門，秋欲暮不堪携酒暫追隨。

次韻李學士夢弼會同年于隆禧寺四首

遊興逐羣仙，秋林梵宇鮮。蒲團閑獨坐，莎徑偶同穿。酒令難辭罰，詩盟敢擅權。分携各無語，已悟上乘禪。

南郭赴幽期，秋風動客悲。半生一夢過，萬事二毛知。交久真情見，官閒野性宜。菊花遲亦好，替髮莫教辭。

僧房分半榻，坐我白雲間。暫脫浮生累，聊娛此日閒。露松垂砌濕，霜蘚綴牆斑。為謝良朋引，從茲得往還。

二紀同年友，相逢幾度新。髮緣憂國改，道貴任吾真。飲量開今雨，遊踪避俗塵。重尋曲江約，屈指不多人。

送陳尙德分教東鄉

竹澗文集卷四

七

朔風吹燕雲，長空暗欲雪。游子忽南旋，衡寒過子別。讀書三十年，借計來上國。聞闈遠九重，二載紅塵陌。一朝領除書，分教江右邑。絳帳談舊經，芹泮生春色。平生經濟志，樂育聊自得。蕭蕭都門柳，搖落不堪折。渺渺官河舟，尙及凍前發。去往兩含情，予亦江南客。

東浦爲汪太卿用之賦

東浦風流又到君，西湖自昔遠塵氛。橋通屐齒尋春去，寺報鐘聲隔水聞。畫舫笙歌千頃月，青山花鳥半窗雲。題詩不盡江鄉思，此樂他年肯我分。

甲申冬至

一陽初動又晨鐘，朝罷楓宸日正紅。閒事攪人方滾滾，殘冬辭我太匆匆。水霜勢重陰餘幾，梅柳春遙意已通。多病年來常止酒，試開涓滴待東風。

朝天宮看梅呈崔蕭二光祿劉尙寶

見說尋梅高興生，况逢三益挈同行。蓬萊乍到乾坤別，姑射遙臨水

月清信杳江南腸，欲斷春回冀北眼。偏明一尊留戀歸來晚，帶得幽香兩袖盈。

送陳太常席歸雲南

秋風高興落丘園，謝事欣承帝語溫。潛邸十年思舊學，歸途三錫荷殊恩。滇池釣月逢溪友，玉案尋春長竹孫。休羨漢家疏傳去，祖筵今日盛都門。

送楊太僕敬之赴滌

送君今日去，憶我舊時遊。山火釀泉勝，潮通西澗幽。荒亭開載酒，野渡自橫舟。驥德驥黃外，行看伯仲收。

贈南京秦司馬入爲司徒

中外勳名三十年，亨衢仍際中興天。壯猷方叔初留後，相國蕭何復召還。帆引龍江民望繫，履聽鳳閣聖情專。樽材散地知何補，南北追隨似有緣。時子亦自南轉北

竹澗文集卷四

八

恩命重沾八十初，此身已乞廿年餘。地曹舊借簪邊著，河省曾停泣罪車。錦水一竿供晚釣，菊花三徑傍雲鋤。可應老去渾忘世，雞鳳翅翎在禁廬。

荆西張處士挽詞

斯文託同郡，側聞長者風。結屋荆溪上，讀書白雲中。至孝出天性，哀感神明通。折梅供靈几，花發實作叢。况復羣行懿，鄉閭仰遺蹤。義方篤庭訓，桂子奮時庸。尙憶十載前，尊酒親德容。胡爲一轉盼，宿草迷堂封。我歌薤露詞，澗淚揮秋空。

答樸菴章都憲

叩門誰遞故人書，三復欣然伏枕餘。河洛禹功方有賴，東南民力竟何如。時情不覺衰年及，別久那堪萬事疎。太白樓頭聞駐節，暮雲千里轉愁予。

題董千里孝思卷

昔韓文公作董生行，生祥下瑞在狗乳。鷄哺間道其實也，汪



太史問齋脩實錄凡以馴免產芝稱孝感者皆削不書獨喜  
蘭谿董千里能篤於孝為賦詩美之蓋韓公意也嗟乎董氏  
垂千年而孝子之見於歌頌者再焉豈易得哉特大史氏  
韻以播其事云

董生純孝有天知又見雲孫起孝思誰似昌黎著瑞應尋常雞犬勝  
靈芝

督軍南頓過草萍驛

草萍過我已三四四壁留題半雜苔霧散曉村紅樹出雲歸晴岫翠  
屏開州連衛信雄東浙路繞剛繼接上台一掃塵氛天萬里清風應  
逐使旌來

酬高吾陳院長宗禹

歲暮倚高閣山水與遐思翩翩南翔鴈尺書忽見貽美人湖東雲為  
霖方濟時書傳陽春曲三歎音有遺願慚驚駭質長途浪追隨向幸  
託宿契着鞭敢後期

竹湖文集卷四

丙戌元日贛州作

城東晴旭入新年水秀山明壯古度關下遠來初作鎮樓頭高坐獨  
尊邊光陰太向詩書欠塵俗還兼簿領纏漫把椒觴酬令節春風從  
此動江天

元宵卽事簡陳院長

皎月放春晴元宵坐轅城管絃傳鬧市燈火徹深更野曠狼烽息鄉  
遠鶴怨生不逢南浦客碧草遠含情時陳在

次前韻

佳期積雨晴燈月爛春城獨酌同民樂長吟任僕更江湖一念在時  
序二毛生莫弄梅花笛東風易薄情

南來

南來未覺遠回首渺西江白髮生朝鏡青燈坐夜窗乾坤心獨苦老  
大氣難降何日五湖路扁舟蕩滌雙

特恩堂為陳院長賦陳湖廣  
武陵人

謝病當年疏累陳豫期勿藥寵偏新暫歸五柳先生宅竟起東山宰  
相身江漢恩波元浩蕩武陵地望正嶙峋高堂巨扁相輝處仰止應  
多善頌人

三月三日

花枝狼藉鳥綿蠻又是春風三月天蠶簡字訛時自校獸爐香細午  
初然賞心何處臨流飲歸計無端對雨眼章貢合流開府地滔滔終  
日不知年

卽事

兩日東園不暇窺綠芽頓發老槐枝葵榴吐蕊已初夏蘭蕙含蕤更  
此時千古往來川上歎幾人夢覺枕邊吹輕綺短篷方宜我且復掀  
髯一詠詩

贈盛程齋年兄赴南京兼簡二三同年

信息遙聞一月前眼穿行旆嶺南天相逢不盡平生話後會仍留何  
處緣世路悠悠雙短髮晨星落落幾同年金陵詩友重盟社莫惜連

竹湖文集卷四

篇向我傳

次韻酬陳院長登滕王閣見寄二首

老我登高欠此樓羨公乘輿及清秋尙餘文字三王後三王謂勃不  
緒仲舒  
盡江湖萬里愁極浦風來樵笛起危城日落賈帆收却憐章貢遙相  
匯一路民風託共謳

綠波芳草恨堪論高閣難期共一尊何處江山如此好古來題刻至  
今存花隨流水春環砌鴈度寒雲夜叫關自是好遊心尙壯不知秋  
鬢點霜痕

冬夜漫興二首

一燈深坐不知寒分間天涯歲又殘部曲夜閒刁斗靜衙門地僻傳  
書寬曾聞樽俎能全勝敢謂干戈保久安獨苦此心誰共語每憑封  
事達朝端

嶺畔冬深亦乍寒

嶺畔冬深亦乍寒江風吹雨夜闌珊不聞鴈信來千里空愧麟符絆  
一官睡少正須茶破悶病餘那用酒為歡古槐衰柳方搖落時復蕭



蕭打畫欄

讀書漫成

白晝沈簿領不暇拈詩書愛茲冬夜永一編聊卷舒孤燈閃青焰細  
字迷魯魚指眼獨自苦掩卷一長吁幼學不知要涉獵事文辭去道  
日以遠古人安可期驅馳二紀來五十知昨非勤事乃吾職讀書固  
其餘嘗聞仕優學精粕非所須不如靜中悟默坐松窗虛

憫贛市火

深院夜寂寥漏下已二鼓遙聞市聲喧起視出庭戶烟焰俄漲空乘  
風恣翔舞回祿殃我民倉卒愧為主下令速諸司奔走胥救護徹屋  
開火道縷缶競相助移時火幸熄焦爛良已苦吾聞天降災失政由  
官府赤子却何辜啼號靡寧宇恨無斡轅力為爾莫焦土

贈陳都閫汝玉

閱閱承三世聲名重一時聖書凡幾賜節鎮亦類移志在吾儒事功  
收大將旗伏波終雙鑠未老莫辭衰

竹澗文集卷四

七

喜雪二首

越雪由來罕清晨忽滿墀二年初快觀三白敢深期日午消還盡簷  
陰凍欲垂民飢方待哺翻恨麥秋遲  
昨雪已難得今朝仍亂零道山頭再白久客眼偏青瘴退梅花嶺寒  
凝翡翠屏還同在京日呵凍寫蘭亭

遣興

世事竟何憑寒宵睡未能候茶聊附火拋卷懶親燈興共青山遠年  
隨白髮增班超玉門願應有尺書騰

陳院長城新縣有作報次韻

窮鄉荆棘已多年此日金湯更可憐澤及釜魚春水活功收刀積夏  
畦便谿山頓改乾坤舊風氣還看楚粵連容易敢談疆理事吾聞定  
計十年前

次韻答陳院長紀行見寄

樓船西上路倭遲兩岸江風颭畫旗民俗正勞千里問年華休歎二

毛知聲開山邑級無賴半減田租慰阻飢老我提兵思按堵喜沾餘  
潤和新詩

程甥文德詠雪見寄次韻四首

故園今歲雪飄洒幾昏明近得詩相報遙憐與獨清梅橫凍影墮  
竹起虛聲五嶺應難見千山空復情  
城上北山雪會驚雙眼明年來鄉信杳夢見旅魂清福覆元合垢潛  
滋不動聲無勞添髮白猿鶴久馳情

憶昔雙溪雪通宵似月明樓臨瓊島淨人在玉壺清浩鶯迷寒影江  
猿咽曉聲當時謝庭詠自足慰親情

我屋蒼筠下窗函積雪明映書寒亦好烹茗味偏清夜凍懸水柱精  
融滴雨聲官遊逾二紀念此不勝情

融滴雨聲官遊逾二紀念此不勝情

融滴雨聲官遊逾二紀念此不勝情

贛州春日

歲事崢嶸春又來東郊鼓吹蹈塵迴送寒已退黃牛土墮俗馴嘗綠  
蟻杯萬里乾坤同化日一時城市動歡雷流年不為口口待雨見梅

竹澗文集卷四

七

花傍嶺開

退食

退食行臺日欲曛門局蒼柏一塵無鳳閣煮茗閒吟好龍掛燃香夜  
坐孤萬卷懶開從插架八州遺鎮自披圖虛糜館穀天涯晚未見消  
埃胡廟謨

除夜

空堂蠟炬輝獨坐睡何遲兩歲平分夜三更欲盡時聲殘爆竹火香  
入頰花詩好辨明朝起出呼祝聖慈

丁亥元正

去年此日憶龍顏天上初違侍從班浪迹至今千里外山呼徒自五  
更還乾坤開泰心同壯梅柳回春鬢獨班十載微病欣頓愈著鞭隨  
地敢辭艱

元宵即事

燈月交輝夜春城沸管絃相臺深鎖錦梅嶺接風烟不語坐三鼓血



頭來二年太平多氣象萬里仰堯天

詠蘭四首

蘭蕙一類而蘭特少其香特勝開謝之早晚遲速亦異于於  
較之行臺並植之

山人遺我蘭百里到城邑采之千仞崖故土帶砂磔瓦盆及時栽風  
雨相潤色空階白日靜綠葉光疑疑

猶蘭合紫蕤經冬凍不發春風幾何時碧幹爭挺拔一幹僅一花清  
香乃傾國貞姿願耐久逾月未衰落

蕙木蘭之族氣味亦相似一幹五七花生香春夏際復有閩中產葉  
高而稍膩誰書本草經誤以零陵視

古人多佩蘭貴有君子德况爲王者香尼父興歎息芳名播終古俗  
眼常罕識高齋風日和相對余心懌

夏夜四首

夜窗無暑柝陰森湘簟閒眠獨枕琴嶺畔不知天許遠還將北斗看

竹詞文集卷四

升沉

一雨猶餘幾日涼不知三伏在炎方晚來風起秋偏早却爲尊鱸憶  
故鄉

滿天風露夜將分花樹生香隔院聞獨坐此時無一語待他日出漫  
云云

四壁蟲聲一院花銀河淺淡月西斜此時此景清於水不動薰風也  
自嘉

贈陽明王公督軍兩廣

陽明先生大節出險大功錫封天下想望其風采而其得之  
心無待於外者則雖士大夫或莫知之也先生家居數年詔

起視師蒼梧道贛江幸奉顏誨以慰閩別敬贈鄙句

一封書奏險夷輕百戰功歸帶礪盟世道更爲今日起心傳獨得古  
人精稽山峻絕雲難躡躡水迢迢蓋偶傾早定南荒報天子太平調  
變待阿衡

過濟贈仲仁兄

予昔督軍江右比還朝兩道濟寧子兄栢軒先生爲滋陽王  
傳得兩會焉喜論心而惜分手賦此奉贈

濟上今春喜再逢蘭舟暫繫話萍蹤君顏自保丹如是我鬢偏憐雪  
漸濃鴻鴈去來俱漫浪填鏡唱和未從容清時共擬涓埃報三徑終  
期杖屨從

濟寧逢春二首

忽忽浮生已向衰悠悠拙宦竟何裨碧山笑我紅塵久青鏡輪誰白  
髮遲治水可能尋禹迹轉漕亦復託蕭規夢遊不覺長安遠應被春  
風昨夜吹

鼓樂迎春東郭東春風遙與故園通一時諸友誰常健三洞雙溪我  
欲窮官事敢云無了日古人堪慕有高風泰山咫尺須乘興會見扶  
桑海日紅

北山茶

竹詞文集卷四

春來遙憶北山茶青壁丹崖傍我家采露擷烟空夢寐沿河沂濟自  
年華求開會了三生願知足何須七碗加燕語鶯啼春送盡又看光  
景到萱花

嘗筍

濟上初參玉板漫尋常罕見轉堪憐藥欄夜茁驚雷早茶碗晨供帶  
露鮮貢到水船知幾日賜霽金關憶當年飽嚼世味還何慕只有從  
來水竹緣

春日寫懷二首

半世浮名夢未醒他鄉春色眼猶青自從河漢收功後贏得餘閒點  
內經

衰病辭官本自宜慰留有旨敢言私濟州官柳沿河綠又見春風此  
度吹

東園漫興

花發東園偶獨窺山禽相對語移時天涯形影青雲伴晚節功名白

髮知何處菟裘待老他年竹帛亦虛垂杖藜緩步防苔滑筋力深  
嗟病後衰

南司馬王公以詩留別輒次韻後川曹同節

翰苑文章同舊價南都山水屬真仙相看轉覺雙瞳碧漸老難回兩  
鬢玄酒興總非方壯日花時猶是未歸年陽春強和憑誰寄塞馬依  
稀隔暮烟

初夏即事懷友人

客舍春歸不待余薰風相款竟何如綿蠻到處鶯求友來去無時燕  
卜居日色漸長堪曉藥衙門多暇慣抄書故人千里應相憶試向河  
頭覓鯉魚

壽婺源補齋潘先生有序

先生前福建憲僉潘翁之子子莫逆交也懷玉弗售放志林  
壑箕裘之緒付之諸子今年秋既被封命仲子薦叔尋擢福  
建憲副典文教焉子惟先生得之過庭者有以遺後其不得

竹澗文集卷四

十五 夢 通 真

行于時者乃於薦叔兄弟發之可謂賢且難矣賦韻語一章

為先生壽

三十年前憶盍簪即君相見喜腰金鯉庭詩禮流風遠萊彩趨承愛  
日深紫詰翅鸞榮寵錫丹崖舞鶴伴閒吟秋來好飲黃花酒莫遺繁  
霜兩鬢侵

辛卯立春日即事

共喜新年見立春雪花呈瑞復茲辰梅梢半著交加重麥隴平鋪頃  
刻勻吟對物華川上興飲開涓滴病餘身二毛錯遣侵雙鬢欲謝塵  
緣葆我真

濟寧間召命寫懷

爐中藥物篋中書未足功夫歲暗徂日月人間渾少暇風雲天上復  
相須身猶抱病慚康濟年已知非強進趨三載白樓嘗一過讀在濟寧南城  
上不堪臨別却踟躕

得微子書走筆答之

兒子書來勸我歸不堪衰病尚依違講依違幸逢明主真難報得謝  
清時會有幾六月又頒南國笋三春空老北山薇欲知退食委蛇地  
禁柳垂城轉夕暉時居皇城西墻下

竹澗文集卷四

十六 夢 通 真

竹澗先生文集卷四



感雪賦

續金華叢書

正德十二年冬環滁大雪余廢于官爲之興懷方聞樂與北  
幸彌增感戀作感雪賦其辭曰

弭子節于滌陽兮歲暮不吾與日強圍赤奮若兮維律中乎大呂  
顛頊嚴令兮使玄冥驅其先風伯憤噫兮雲師乘以垂天羌虜發兮  
逾栗烈夜浙瀝而霰先集兮晝忽續紛而雨雪駕玉虬兮驂白螭騰  
踏銀漢兮澌水屑夫何累旬月止復作兮紛委積而交加折脩竹以  
失聲兮封枯楊而生花歸官寺兮山之麓接曠景兮平臯阻寒氣兮  
空谷且余適野之莽蒼兮雪始霽而日煜千門凍而反閉兮萬竈淒  
其未烟燦瓊枝兮林立豈水柱兮簷懸僵狐兔以屏跡兮饑鷹隼而  
莫騫見六合以昭圓兮歛萬籟而寂然吾方遊乎塵垢之外兮幸昭  
質之未麻步余馬於白水兮按余轡於瑤圃飲沆瀣兮餐玉英叶音  
懷琬琰兮佩琳琅苟余心之皎潔兮雖遠引其何傷嗟滌之憊兮樂

竹淵先生文集卷五

有餘逃彼北裔兮僻不可居層冰峨峨兮陰山岑砒豺狼恂恂兮虎  
豹出沒美人之遊兮輟不及攀良辰感我兮怛肺肝亂日寒既夜兮  
歲亦殫幽獨處兮誰與歡宜余力兮及時難望朔雲兮天漫漫鳳有  
岡兮鹿有淵思美人兮不敢言

與太守劉惟馨書

近鄉人到京傳云執事遷任於僕有見愠之意謂僕於執事有後言  
也負執事也噫果有是不但負執事也負全蜀士夫也負吾先子也  
負同官也先子去蜀二十餘年蜀誼過厚與僕有世講之好若執事  
固先子所知也而僕嘗濫竽同官既又同患難人心天理不宜薄也  
君子居是邦猶不非其大夫矧僕於執事耶且僕之平生執事亦知  
之嘗好毀人耶嘗背毀八縣一官吏耶於他人未嘗毀而獨於執事  
毀有無可知也世有娶孤女誣搗婦翁者茲固不必深辯然反覆思  
之亦或有由矣僕舟之過沛河也邂逅憲副高君則謂僕曰貴郡劉  
太守于嘗薦之吏部薦後人多議之傳聞其某事某事奈何僕應之

曰此所傳謬爾高曰子與渠同年也子將面告之倉卒分舟而別今  
之費端或由於此則高之語意未明而執事之過疑也執事大節爲  
吾嘗出色他日榮遷會貴鄉諸先生及同僚同年事當自明或會高  
君以此東質之亦當自明古稱賢者不相知嘗竊意其有激之言不  
意身親見之雖然未有賢而不相知者也僕之纓纓者贅也執事豈  
終不亮其心

奉大司空南坦劉公書

某忝廁僚末辱教愛多矣瀕行又承餞賸無任感荷到濟寧卽率郎  
中副使輩放舟沛徐以觀被淤故道及所挑新河復沿黃河東岸陸  
行沛豐單等縣以觀大小決口奔衝之迹乃知漕渠廟道口以下忽  
淤數十里者實由決河西來橫衝廟道口之上并掣開河之水東入  
于昭陽湖以致開水不復南流而沛縣飛雲橋之水時復北漫故沙  
停而淤耳沛以下卽無淤者以飛雲橋之水南流故也計濟沛間漕  
渠只宜加築東堤以遏入湖之路更築西隄源黃河以防黃河之衝

竹淵文集卷五

俾其自北而南常由故道自無沙淤之患雖舊日之淤猶有存者量  
加挑濬亦自無虞乃若根本之論則在疏黃河之支流而朝議已行  
之矣新河既業罷挑無容置喙昨盛公所上圖本亦概可見生愚且  
抽敢不竭心力以紓廟堂之憂俟稍有次第別當圖上尙祈不靳指  
教以終雅愛不宣

答身史馬君書

承諭築隄既長恐河專趨徐此蓋爲徐方慮也然僕嘗慮此而究其  
故矣黃河自汴梁經黃陵岡至于曹縣一帶有隄自曹歷單豐沛三  
縣皆無隄今修長隄蓋緣單沛間黃河決口十數道橫衝運河入昭  
陽湖以奔徐州致淤運道故因昔人所嘗議而未及行者議行之然  
止築林臺以下百四十里耳林臺以上曹單間七八十里原無缺口  
且去運河亦遠不須築隄萬一黃河漲入不過如往時漫散未爲害  
也大抵河由溜溝與飛雲橋固是趨徐河衝運河與昭陽湖亦是趨  
徐俱爲徐呂二洪所束不得奔放入淮故嘗爲徐患惟上流趙皮寨



一支至宿遷小河口入淮孫家渡一支至淮安清河入口入淮可以分全河之勢而去徐沛之患但淤塞十有餘年今始疏濬耳近七月九月間黃河水漲一次高五尺一次高六尺皆得趙皮寨分流故徐沛河不甚溢者亦或一驗也僕愚且拙輒請教于執事望加察而示之地方之幸漕運之幸憲節何日過濟冀得面悉也

答都憲熊公書

頃辱手教特憮憮河事感謝誠偶便輒布一二今年下旺當大挑已摘單縣隄夫七千餘名先挑湖而後完隄豐沛地勢尤下其隄一面修築黃河每年有清明水伏水秋水為患今趙皮寨與孫家渡可備分派而此隄復成運河庶幾無虞但濟沛間春泉正微舊淤盡露方捕夫三千餘名挑濬就以所挑淤沙覆東隄外壁沙既可遠隄亦易培淮安清河之淺令該府用近便夫役加濬此皆不可緩之役而適當歲歉雖古有修城郭使民就食之政然河道錢糧有限不敢多用民也復憶去冬見諭飛雲橋口宜關加開誠長慮也僕嘗沿飛

竹園文集卷五

雲河岸上下三百里間觀之飛雲橋南十餘里有謝家溝又南五十里有北溜溝又南二三里有南溜溝皆黃河趨運河出口四口並出故飛雲似不必關且橋兩岸高陡民居稠密亦不易關也但四口昔在徐呂二供之上每水發為決所東徐沛受患欲除此患賴上流孫家渡趙皮寨之分派耳未審高明以為何如幸不靳終教

答大司空劉公書

承示近日議河事者謂趙皮寨孫家渡不足以洩黃河之怒而漕渠或不免復淤竊謂斯言慮慮遠矣而所為防患者未審當何如大黃河為中原患非一日矣智者不與水爭地惟順其勢而導之而其激盪變遷雖神禹不能使九河常如故也後世或塞其決或隄其卑或疏其派皆隨時救患者也國家漕渠為南北咽喉勢不得不與河爭地弘拾初河決荆隆口又決黃陵岡又決張秋當時嘗濬孫家渡宿遷小河等處而後荆隆黃陵張秋等口可塞亦分洩河怒之驗也况自河南歷直隸至山東之曹縣特長隄以禦河患亦既有年

而今單豐沛為隄亦將以禦河患不使淤漕渠也蓋事理所可據與人力所可為者如是而已若曰神河回測則固非力所及若欲別求遠圖則往者之開新河可為殷鑒去歲秋水時至湖坡為新河兩岸所隔田廬淹沒告訴紛紛盛公乃令開官夏時輩決岸放水此非棄百數十里之田為巨浸不可以為河也初挑河至留城覺飛雲橋水來反高中間平地數丈尚未挑通至是黃河決入二十餘里水落而淤盛公乃令主簿郭景輝輩挑去淤沙暫築壩以障之夫存壩無以通舟去壩則黃河倒灌而易淤此雖棄前百數十里之田為巨浸不可以為河也他若三河沙水之衝騰費沂嶧山水之漲皆智巧所難施而勞費不與焉是為可為遠圖乎且盛公嘗塞豐沛決口矣今因而加隄焉嘗修沛漕東隄矣今因而稍培焉嘗疏趙皮寨議孫家渡矣今因而查濬焉何獨至于開新河不因而成事歟蓋必有難成者矣顧其事已中止不欲多言今恐議者不察或誤國是乃不敢不言誠舍此而別有遠圖固不肖所願聞也執事為國孜孜素厚僚誼望垂

竹園文集卷五

寄都憲梅國劉公書

竊以河事奉咨承手札垂答如領百教多感近日工部復以三事移咨河道漕運兩衙門會議施行一日挑淤沙與前咨相同一日整諸壩可以補前咨之未備皆准陰急務也一日築長隄則事勢恐或未便蓋自新莊至淮城其間開壩十數處若築塞之則鮮貢糧運等船不通非細故也若留開口壩口則河漲必自口衝入非細故也况古黃河隄去河二十里近世廿梁至山東一帶隄去河亦不下十里前年築單豐沛長堤去河五六里或七八里皆不敢臨岸為隄者惟恐河流掃岸岸崩則隄隨之今淮陰瀕河空地若去河不遠則似不敢臨岸為隄也此管窺過計未知是否惟高明不靳指教則同舟共濟之賴多矣他如扣存脚價動支監銀截留耗米借用運軍起派盧鳳滁和人夫皆漕撫所專想高明自有處分以濟國家之急僕仰賴餘庇而已今具公移奉會未敢輒述管見如前所云者恐高明或別







升而游歌焉處而藏修焉起敬起孝固必于斯間屬予記之子作而  
歎曰可謂得我心之同然哉予大父愈憲府君與公爲同門友仕之  
時亦同嘗以風憲近臣蒙賜書又同先子憲副府君異時語不肖孤  
日吾藝章方伯與汝祖獲御賜書是誠至寶吾欲創樓尊閣之而未  
能不肖孤服膺久矣願力猶弗逮聞子茲舉能不深爲之喜而重自  
愧哉抑是書大字楷寫版刻明淨子每讀建陽本魚魯可疑輒盟手  
啟翁莊講細校聖賢精義奧語多賴以明吾知章氏子弟之學有賴  
矣夫敬君之賜謂之忠述祖之業謂之孝啟子弟之學而俾有所考  
謂之賢一舉而三善焉不可以無記矧先祖同其遇後世同其守不  
容以不記謹記之以貽厥後乃若垣楹門廡之詳則登堂在目而山  
川景物之獻秀於堂則不繫乎書者可畧也

項氏先塋記

友人項聘之衰經過余泣拜而言曰珍先處士之葬幸獲地矣而表  
塋域以示久遠敢不爲之慮請吾子爲記之地延袤二十畝在赤松

竹澗文集卷五

七

鄉去縣北十有五里負南面北覺慈寺翼其左盤塘浸其右孤石特  
秀亭亭雄峙於前者芙蓉峯也堪輿家謂芙蓉一脈自東而南鬱盤  
成阜中岐而成穴左一支環出寺後蛇蜒爲案右一支曲枕澄塘之  
上若內顧然土宜松竹植之易茂尤宜桂不植而產蒼然蔚然雲木  
團蔭望之知其爲先塋也隴封四尺碑刻曰項處士墓塋前爲亭亭  
側爲屋圍居守便祭掃也珍聞養生不足以當大事惟送死可以當  
大事珍之不孝不可追於生前盡心墟墓之間猶以爲吾親所歸也  
卽於是無憾焉庶幾吾親安之也夫子嘗曰丘也不可以弗識也子  
盍一言俾項氏子若孫永有識哉余聞伊川論葬必土色光潤草木  
茂盛五患不及水泉不侵而晦菴之言曰以子孫而藏祖考則必致  
其謹重誠敬之心以爲安固久遠之計吾聘之可謂達於此而能用  
其孝矣凡民致死其親窆苟且否則泥風水拘忌諱葬不以禮不  
可謂孝矣則孝如聘之詎非風俗轉移之機哉聘之積學謹行嚮用  
于時所爲揚名行道以終其孝者余方拭目焉庸次其說以記之

張氏順則堂記

義烏處士之廬有堂曰順則者張君彥成所築也其地在龍波里西  
去縣三十里許臨谷向巒山紫水紆爲堂三間堂之後爲室傍爲樓  
前爲正門凡若干楹朴素堅完脫去綺靡經始於弘治辛酉越五年  
而落成於是起臺植花以遊以觀引泉爲池可濯可湘蓋隱而善居  
室者也昔陶唐之世有謠於康衢者曰不識不知順帝之則處士之  
名堂蓋取諸此夫謂之順者天下何思何慮坦然由之無適不順也  
謂之則者天生烝民有物有則帝之則我固有之也人惟逞私智以  
戕天理顛倒拂戾喪其物則是雖中君叔世難乎免矣而况於帝則  
乎而况於順乎處士質直少文尙義而好施言動衣冠循循以禮鄉  
人化之而不爭令尹嘉之而知敬子弟依循之而有所成然而名弗  
烜于時述弗詭於人葆光仁真涵濡聖仁其不識不知而順帝之則  
者歟昔五柳先生自謂無懷氏之民葛天氏之民處士其陶唐氏之  
民歟處士仲子備從子受經篤學謹行克振家聲子以是知處士而

竹澗文集卷五

八

喜其堂之不虛名也用申其義以記之

太湖分趣記

太僕少卿蕭君唐公作假山于靈城南隅號太湖分趣謂予曰始僕  
以和史有告曰適于是別去六七載湖山情景無日不往來于懷願  
記其事勢諸石庶幾他日歸隱誦斯文而懷吾心焉且俾後之人知  
僕所樂嗜也山累太湖石爲之崛起平地峯巒削出虛其中以爲洞  
容三數人兩傍由石門以升小橋曲徑達於絕嶺山畔有四景亭刻  
東坡四景帖有賢已亭設博奕具結栢亭一一置琴磚石凡一暨峭  
石刻小飛來三隸字結黃白木香亭各一桂竹屏各一栢坊一左右  
掩映參錯於花草竹樹間面山爲書屋若干楹壁間置古今諸賢  
石刻游息宴集于斯莘止凡園之景以山勝山之景以太湖之石勝  
故命之曰太湖分趣予惟人之情不能無所好也彼以聲色勢利取  
敗者固好之累而無知無欲如老氏之說則亦好高而不情古稱知  
樂水仁樂山其適情而無累者歟公其達仁智之理者歟或曰靈城



扼萬里長江東瞰大海公生長其間眼界不小頃將使命持憲節歷  
敷中外以極天下之大觀其胸中之太糊不啻吞若八九矣吳以分  
趣為哉予曰此公之所以賢於人者而人固莫測也夫舉老石可以  
知山對勺水可以語海取諸近小以自託者易足之道也公以清才  
瞻學游歷卿列崇階顯秩駸駸未已乃能以富貴移易其山林之  
念是又以知足為持盈者也不賢而能之乎願子泉石膏肅風感  
興恨未能艤舟京江以少分公之趣復為公記之公名做字汝學以  
乙丑進士起家霜厓其別號云

雙溪潘氏宗譜記

潘氏之先出於畢公高畢公高本姬姓子季孫者食采於潘因以為  
氏焉潘氏子孫蔓延于天下宋南渡初金華稱三潘焉待制日清潘  
駉馬日貴潘半州君日富潘更元之亂分散微弱而吾一門至今號  
儒籍焉蓋元別儒於編戶若今匠竈籍然入國朝吾高祖與二府君  
以人才徵會祖昌三府君卒贈監察御史而吾祖吾父諸父昆弟皆

竹澗文集卷五

九

以儒起家接迹仕路蓋自洪武以來百五十餘年于茲矣自吾高祖  
居城下雙溪之涯其後或居城或居鄉或居武義而城下故廬子孫  
猶有居者然彼此散處而隆替不齊矣子幼而孤不得備聞遺德思  
所以尊祖而睦族莫如為譜乃以舊藏先世位牌訪于族人由今而  
上得五世由五世而上得三世又邇而上譜殘系闕雖知其出於三  
潘而不知其孰為當祖則斷自所知萬八府君者為始祖嗣萬而宗  
而德皆當時列行之稱而其名與字已不可考其稱宣教若朝奉又  
皆已不可曉矣於是為之圖以表其世系為之傳以紀其事蹟名之  
則書其字字亡則書其行而宣教朝奉各仍其稱又揭凡例以示法  
守而譜可觀矣古者大宗小宗之法廢而人不知本人不知本而骨  
肉之恩薄仁孝之道衰其猶不失宗法之意者譜系之說也而譜復  
廢焉雖賢者無以自考此吾所深懼也夫吾父之視吾兄弟猶吾於  
子也吾祖之視吾從兄弟猶吾於孫也自兄弟達于族人固一本也  
兄弟族人而至於相處猶一身而四肢自相戕也非肯本歟嗚呼觀

於吾譜而可以知本矣其孝弟之心可以油然而生矣

餘州龍泉庵興脩記

我太祖高皇帝定天下設太僕寺于餘州攝馬政尋建廟祀馬神俾  
龍泉庵僧視守洪武二十三年歸併寺院勅太僕臣朱守仁等仍留  
兩僧自是庵為名刹且為太僕諸臣習儀祝聖壽之所庵在豐山西  
北麓南距栢子龍潭百武而近其名龍泉者蓋以此歷年滋久日就  
頽圯失今不圖後費益鉅侍御陽曲劉公按部至餘有司白其故會  
侍御武昌朱公以清戎至謂興補弊不可已公乃下令計財用出  
公帑屬經歷伍朝用吏目劉寶董其役已而歲旱公閱兩州守陳君  
則清諭眾曰古者脩城郭使民就食茲役亦早備也眾驩趨之經始  
於嘉靖癸未秋七月凡三越月而落成正殿以間計者三後堂中門  
間如之東西序各九間敞以外門繚以周垣惟正殿後堂撤而新之  
餘皆補葺以還舊觀於是伍經歷等請記其事刻諸石予惟春秋用  
民力雖時且義必書茲役也不可以不書也祀與戎有國大事庵為  
馬神廟設戒祀所係且國家舊典一宜書費出于公不厲民飭舊為  
新俾已成勿壞二宜書因饑募力民利其食官享其成得乘時之道  
三宜書予承乏太僕於是舉有賴焉謹書之以告來者劉公名樂字  
汝喬朱公名友字子宜皆以進士起家有聲于時云

竹澗文集卷五

十

境山河記

黃河至沛縣與運河合東南百有餘里至于境山又四十里為徐州  
洪又六十里為呂梁洪南引江淮北達大通境山是扼其吭已丑秋  
八月河溢境山西徙三百步東南流三里合故河口以其在故河  
外稱曰外河去山稍遠奔流直遂視故河加闊然舟楫初無患也厥  
後水落湍急挽舟者患焉水益落湍益急放舟者亦患焉十月以來  
亂石絕河湍下射高數仞雖虛舟不得上有冒險而下者十覆三四  
焉於是遠近駭愕大懼春濤弗利日盍關請則嚴寒墜指嚙能穴水  
壑石曰盍濬諸則故河成陸復非外河徑直嚙能以兩月之力廻彼  
瀾倒期迫事急予不得已檄都水主事于思睿徐州判官項情召官

夫陳春鍾時椿草十二月六日興工穿故河以俟行水長七百五十步廣十步深丈有七尺截外河而逼之東兩涯下埽使漸相屬明年正月下旬中流埽未合洪濤激盪不可施功則決之故河奔放衝刷沙隨水流一夕河廣一倍三數日盡復其舊廣凡百步二月中旬截河埽成廣凡百四十步蓋假埽逼水以衝故道又乘水洩以合埽未幾沙迴外河而亂石盡沒焉經流滔滔舟行如故過而覽者不復知前日爲患之處矣是役也使夫三千給銀一千八百九十兩有奇用物椿以根計穀葉柳梢蒲葦以束計共十四萬七千五百八十七日而工畢埽法見元史茲不復詳嗟夫滄桑陵谷信有之矣境山此河患我未之前聞也一旦爲患天也不久而患息國家之福諸君之力也子也是幸焉記其事以告來者



序

秋日寫懷詩序

詩三百篇尚矣而非必始諸此也。或必始諸虞諸非必始諸堯之時則詩也者古今人心之形也。謂詩始諸心可也。是故觀乎其詩可以知其人矣。古人發泄性情矢口而成。抑揚短長協而成聲。皆不得已而鳴。非如後世規規為之者。自楚騷一變為漢魏古詩。再變以極於唐律。若蘇子卿陶靖節少陵昌黎諸君子。名節志義鬱中發外。卓然名家矣。學之者或不得其心。其有至焉者。鮮矣。草窗童廷瑞先生以秋官大夫請老。一日過余。出其使蜀時秋日寫懷詩若干首。屬引數語。余三復而歎曰。是雖託于唐音。何其善鳴性情也。抑將有鬱於中。如昔之君子乎。何以至是也。先生讀書三十年。逾四十。筮仕未六十。即角巾林下。將必有鬱焉者乎。詩始諸心。請質之先生。

閱庵詩序

竹園文集卷六

閒庵潘翁微之隱君子也。其居在婺源山谷間。有田園之饒。泉石之美。竹樹蔭翳。魚鳥上下。翁樂之。可以忘老。日惟携琴杖藜。命酒賦詩。或課子弟。讀古人書。優游卒歲。他無復事事。因自號閒庵。云弘治壬戌。子珍玉卿舉進士。大夫士與游者。皆為賦之。既成。帙屬序於予。迺有感焉。余郡貳守。五汝先生者。翁從子也。其心廉而靜。其政平而裕。余昔從游也。久迺今。與玉卿為同年。復見其有兄之風。豈文獻舊邦士之生乎。其間者。類多賢耶。抑家傳爾耶。世之擾擾。恩惠以沒齒者。何限。翁獨自處於閒。賢於人遠矣。其子若姪。克世其德。以效於用。顧豈無以哉。余聞作德。心逸見大。心泰逸且泰。而後天下之物。不足以撓吾斯閒矣。是雖居官。致理可也。獨隱居也。哉。昔老莊以虛無為閒。禍天下者也。巢由以離遁為閒。遺天下者也。翁之閒。適乎理。趣要非異端者流。而佳子姪。又推之以協贊皇化。視彼一於遺世者。孰優耶。余方慶世之太平無事。而翁之庵之得以終於閒也。是亦諸賦詩者意也。

三觀圖稿序

貳守婺源潘先生往者以名進士。合湖之新水循例。凡三入觀朝廷。凡三錫勅。論先生祗若休命。既終厥功。間嘗磨黃成。伏仍繪見賀辭。三圖于首。而以當時諸紀行詩附焉。總題曰三觀圖稿。爾廷想像于丹青。綸綍昭回。乎簡冊。而大篇之春容短章之寂寥。具見其感時撫事之實。近以示某俾序之。予見近世為縣令有能稱者。一再入觀。率被徵善。取顯官去之。惟恐弗亟。迺若久任而後遷。既遷而不忘其初。在行役無獨賢之歎。慕君而終身焉者。不其尤難哉。先生清節惠政。茂著。斬陽直以情性冲淡。廉於取名。故三載一觀。且至于三。而當路未之甚異也。久之序遷。今官或將熱中焉。先生方懼弗稱手錄勅文。朝夕披閱。蓋將推其作縣者以俾郡大其惠。斯者以惠吾婺也。其冠以圖者。所以繫其戀關之忱。而附之詩者。又以歌詠其勤苦焉。若先生者可謂篤於忠愛矣。抑詩言志。凡誦子美詩者。必憐其忠也。先生諸詩。發乎心聲之自然。是以詞氣蕭散。興寄悠遠。有感慨而無怨尤。焉要當與知杜者論。然後信余言之非誇。而先生之平生庶乎可識矣。

竹園文集卷六

送武義令劉引之入覲序

今天下司府州縣之長。率三載一入覲。朝廷察其治行而勅懲加焉。其事與古之述職試功一也。縣親民而屬府。隸司司府之令。必由縣以下。於民簿書叢委。惟科不怠。聽斷無虛日。而送迎疲道路。猾胥奸民。窺伺舞弄而上之人。又從而掣其肘。令之職。蓋其難矣。吾婺為江南劇郡。凡領縣八。其間號難治。莫如武義。彭城劉引之令武義之三年。當入覲。其僚屬請余言贈之初。君受命闕下。余獲傾蓋焉。觀其器宇宏深。言論慷慨。真有豐沛豪傑之氣。非若拘拘章句儒者固已知君之才。不思其難矣。自下車來。果能沛然處之。刑簡政清。徭均賦足。強者服。愚者革。聲實流布。而上下安之。余然後歎。縣無難。易視令為難。易令無難。易視人品為難。易抑又自信。管窺之無謬也。君行涉赤墀。覲天顏。吏部考績。與天下循良吏當無多讓。朝廷三考。陟明具有



成憲亦且還君以終惠其民矣二三君子奚用悵茲別哉於其請姑道余之嘗知君者以觀其成

贈潘守固授陰陽正術序

金華潘守固拜郡之陰陽正術亦流官也而行縣視事不出鄉郡人皆華之士君子與游者且喜其學見用也友人陳正之屬予贈言惟聖人開物成務莫大乎陰陽理與數非二物也後世泥於術數而吾儒變理之用慢不之省司馬遷父子論六家之指遂以儒與陰陽並列則世儒之不知道陰陽陰陽家者之不得自附於儒非一日矣堯命羲和主曆象而庶績熙雍命重黎司地天而人心正周以太史正歲年卜日馮相氏掌歲月辰日二十有八星之位保章氏辨吉凶親妖祥降豐荒之祲象而六典始備是皆具乎吾儒之書而陰陽之為說卒莫能外焉迺若忌諱之拘畏妖誕之降格祿命風角之禍福混泯芬芬偏泥乖隔彼陰陽者豈端使然哉今京師欽天有監諸郡邑陰陽有學小大執事皆務得人以稱國家稽古若天之意守固推

竹澗文集卷六

三

於鄉舉於有司受秩於銓曹以歸其知厥職矣乎律有瀆神明事邪術妄言禍福之條非獨法吏之所當知也守固其嘗考之乎夫職苟思稱則雖抱關擊柝不可輕道苟可以行則固不必發策決科橫金紆紫而後為快守固通儒喜文儒其知所從講久矣其能本之經參之律以效厥官也審矣儒者變理之用雖未可輕語而明天人以息邪慝於一方亦深有望焉余既重陳請又嘉守固不徒幸鄉人之華而將無負乎士君子之喜也乃為之言

贈福建僉憲婺源潘公序

今天子嗣大歷服萬邦奔走稱賀吾金華則婺源潘公以別駕至公未至旬日天子特簡命為閩憲僉事方茲拜表成禮將奉勅之新任凡吾鄉之仕于朝者喜其來而榮其行胥圖所以贈或曰公讀書起家進士歷郡縣凡幾書最有文學有政事賢勞二十餘年所至不學家九有清苦之節是以不近名而名自隨不徇人而人自知聖王御宇首膺顯陟縉紳士罔不竦聽改觀蓋公之被過於斯為盛而其所

樹立亦至此而有徵是則可慶也已余日以是慶公非公所慶也土君子生天地間要自有所樹立而遇不遇所性弗存焉惟夫生于其鄉而風流習染之有自仕于其邦而興起持循之有地則固其所深願而不可得兼者婺源朱子闕里也其山川清淑之氣磅礴而無窮故家遺俗文獻可考公毓秀其間沾溉膏馥不啻孟軻氏近聖人之居而私淑焉者矧今往按全閩又親履其講學過化之地當時武夷諸精舍與考亭諸書院而今尚無恙否其為政規模布在同安其施諸臨漳者尤詳不識甘棠猶蔽芾否其所料簡諸書在經史間所刊四經四子在漳郡視今世所行書亦有可參互否公於是重有感焉則所謂生於其鄉而風流習染之有自仕于其邦而興起持循之有地兼得之矣仕優而學則古今考驗皆有定見而體者益明學優而仕則施為依據皆有成法而用者益大昔朱子不過於時未究其用公其將過於今而益弘厥施矣乎夫如是亦不足慶乎或曰誠哉子之言第有一焉公之佐吾郡于茲八載吾民之德公亦與日積一旦

竹澗文集卷六

四

奪公以去而吾黨願為是音如吾鄉吾民何於是相顧慨然若有不能不介於懷者請書以為公慶而并以識吾私

贈進士陳君正之授瀏陽令序

有地百里而為之長今之令尹猶古之子男爾古者民淳事簡諸侯各君其國各子其民所為達於天子不過六年一述職十二年一巡狩而已故其勢易後世民偽日滋文移旁午農桑學校賦役獄訟盜賊之務去古奚啻什百而縣領於郡隸於監司風旨意向稍有異同即不能以自達故其勢難故事大縣非名進士不輕任及任而著政績有旌異有徵取尋進而職部臺高官應仕自此升矣士由進士宰百里膺簡任而負期待有子男之國而處其所不易此其官豈不易而道豈不可行哉進士陳君正之令湖之瀏陽或曰麗土元非百里才蔣琬為廣都眾事不治蓋才大難為用而清廟之器或非窮鄉下邑所宜以正之幸瀏陽交游私惜之余謂不然古之君子體具用周而無所擇於官後之君子學力弗逮而資稟用事故有能有不能矧



一也者天下之式經濟之士固宜究心者也彼卑之而不屑為易之而不思所以為者皆非也正之碩學遠抱有通敏才蓋知令之不可易而盡心厥職者他日湖南稱循吏第一必吾正之也臺端拜監察御史有人自湖南者必吾正之也正之先大父憲使公文學政事有名于時先君憲副公寔同朝焉而余於正之學同業仕同時契好厚矣於其別宜不能無惜若其被命出宰蓋將為朝家得人慶為一方得父母慶而奚以惜也正之明年當述職再逾年當被徵書官內臺所為相過從相砥礪以協贊太平吾黨可翹足待則其別又奚以惜也於是崇酒載肉相與祖餞之且以斯言諭之正之以為何如

送蔣廷元遊南雍序

丹陽蔣廷元應貢至京既廷試將卒業南雍同官湯君仁甫謂余曰廷元吾友也吾宦游諸鄉人圖贈之言以壯其行以勗其有成子知我者雖未知廷元願為我一言廷元世儒家兼遠軒岐之術或以醫顯或以儒仕凡十三四傳而姓益著廷元又蔣氏佳子弟也種學績

竹園文集卷六

五

文有志當世雖場屋數奇而不怨不怠今方游南雍友天下士以博其所見聞而要其所成立其所存可知已今世士如廷元子苟知之雖弗吾以猶將喜稱焉而願獨吾斯哉余惟范文正公有言大丈夫不作宰相當作明醫以活天下則醫與儒非二道也儒之用調燮元化整齊庶政而民得其所醫之用護植元氣攻却眾疾而身得其安願其事有大小功有廣狹而所為利于物者豈有二乎哉古之人急於利物故不得為宰相寧願為明醫彼為宰相而不足以濟世固不若為明醫而足以濟人之為愈也廷元之於醫余不知其得於家廷者何如而獨種學績文有志當世蓋亦舍其小者狹者以就其大者廣者至於場屋數奇不為世用謂宜反求諸醫以姑酬其利物之心可矣乃確有定守而得失利鈍不一動其中輕數千里來貢京師又輕數千里往游南雍觀其志若將必得其願欲而後已者余聞貧賤憂戚天所以玉其成而古人當大任往往出於勞苦拂鬱之境他日收晚成之功以弘醫國之用者安知不在廷元耶傳曰三折肱知為

良醫又於廷元之行卜之

送進士徐君朝儀序

皇上勅禮部采輯中外事蹟修先朝實錄禮部請簡有學行進士分遣天下於是永康徐朝儀使池廬諸郡大夫士知朝儀者咸榮之頡行徵余言贈之余惟君子處世必有出乎人之所難而後能擅夫人之所榮斯其可榮者在我而外物之烜赫不與焉夫自成周資興之法易後世得人莫盛於進士一科士由庠序舉於鄉升於春官而後進於天子之廷率千百之什一其選既精則其才愈難而進士於是乎榮於人人孔子謂誦詩三百不能專對雖多亦奚以為而先王遣使臣必曰每懷靡及曰周爰咨諏蓋宣德達情非有用之學鮮不辱君命者其事既難則其遣不輕而使命於是乎榮於人人若夫史氏之學世又孰不榮之亦孰不難之昔司馬遷以不羈之才足跡殆徧天下網羅放失考論行事卓然成一家言而後之君子猶或病之然而卒無以及之者史固豈易哉朝儀學舉進士才堪史命而是行也

竹園文集卷六

六

訪求采摭實與史氏之責焉所謂必有出乎人之所難而後能擅夫人之所榮者朝儀有焉雖然難事之在人無窮而榮名之加已未可以遽足故以自強不息為德業不尤難歟以合閭廣譽為文繡不尤榮歟是固吾儒所為無待於外者而朝儀所自勉也彼恒情之所榮而眾人之所難抑又其餘也朝儀余益友鄉舉同年故因大夫士之榮其行也為之申其說而復以其至者望之

贈平原令李仲實序

遷安李仲實以鄉進士分教忻州既考最擢山東平原令同官王君汝溫一日告余而屬為贈言余未嘗傾蓋仲實而知王君寔深君端人也取友必端故弗辭為之言竊惟循吏之賴于民關于治理不為輕矣始傳班史者龔黃諸守相而已再傳范史而後荀陳諸令長有聞焉豈古之時為吏者多循故難指名而先漢之時為令者猶多循故未可一二舉耶夫親民者莫如守而於民最親者莫如令守與令未有能輕重之也願為守者崇以專而為令者卑以詳惟卑也則張



弛舉措恆見掣肘惟詳也則詳者覽者答者判者智揣者心計者又往往不服給守令之難易於是乎有間哉平原古齊郡地夫子謂其一變至魯再變乃能至道蓋自太公之教壞於管仲而夸詐餘習至漢猶不變今欲變而之道其難易未知視昔何如夫令不易稱也平原不易治也界以不易稱之職而委之不易治之地朝廷待仲實者甚不易也仲實其易之耶其將沮於其不易耶昔者劉寵令平原民懷其仁韓韶為嬴長賊相戒不入境嬴與平陵皆咫尺平原而二子者固登名循吏者也今仲實職似地隣古今人豈必不相及也雖然二子未聞道也未及乎儒也儒之用不但如循吏而已也余聞仲實儒者其聞道久矣往教沂州士多化之今推以治平原也民獨不然乎余方慶齊之俗將變而之道也他日史氏傳之與漢之循吏並俾天下後世知循吏足以安民息寇而聞道者化民成俗也不其盛哉仲實其毋迂吾言

壽封君王翁序

竹園文集卷六

七

天地久長之氣得之則壽故物有松柏龜鶴而人有耆老耄耋然物無知而人有欲物苟壽焉斯已矣人幸而壽則非富不養非貴不榮非逸不樂必兼得而無遺焉然後能足其願欲故天之於物也易為功而於人也難為力昔者楚丘垂老不免於貧賤季子位高金多而不終帝堯憂壽多辱憂富多事周大夫有位而嘆賢勞豈非造物無全功而事固不能盡如意耶故人之願欲壽考而享富貴逸樂而無所係累者古人不可得而兼矣世之君子於古人之不可得兼者而或得焉獨非所值之至幸者乎吾婺封刑部主事王翁壽躋六十子銓秉衡以繫官京師未遂歸寧乃屬余言將寓歸為壽余違鄉未久念翁往時矍鑠喜徒步日曠漸方色若孺子雅歌投壺終日對賓客弗倦有以知翁之壽蓋未艾也翁諸子賢而克家秉衡以清方粹學致身天朝用是家累千金而奇贏會計之務一無所與跬步未始出鄉井而封官如其子所謂壽考而享富貴逸樂而無所係累余方為翁喜幸羨慕之不服亦復何言雖然天不可必而在人者可必聖賢

或不得其常而君子惟語其常翁天性孝友與物無忤讀書樂善以義方成諸子古所謂鄉先生者翁其人也則夫得全於天而足其所願欲蓋有德集福之驗也他日逍遙上壽而子之榮養益致其極皆理之可卜者請以是壽翁並為翁祝且用告鄉之人俾登堂觴翁者不徒幸其得於天而深慕其有諸已焉亦或錫類之一助也

贈湖州太守何侯序

古者天子所與分國而治者有諸侯焉後世罷侯置守而良二千石寔與天子共理世稱郡守古侯伯信矣然周之時大國不過百里其次七十或五六十今天下百里之制皆縣也郡之制其為縣凡幾也此小大之勢也聖人久於其道而天下化成而今之從官者易地而治計日而遷視彼世守其國以服習其民者果孰難易耶夫以郡守之貴與諸侯等且勢大而時難君子之立乎其位苟非志定而才副者孰能不奪於富貴而使德澤加於民聲實流於人哉湖州守何侯素績京師同官陳聲伯謂余曰侯閩人舉進士歷官兩京守吾湖且三載其度廓然以宏其德溫然以厚其政平易而規法不廢故民樂而安之臺臣嘗薦于朝天官卿茲復書最蓋不惟胡人德之而當路亦知之舉朝皆信之乃今旋旆吾湖吾幸湖之人獲終惠也余聞而嘆曰是所謂志定而才副者非耶何其德澤如此聲實如此不奪於富貴如此士方窮時以動名自期慷慨憤真若可致泊其得志往往汨沒於聲利而卒無以表見於世或者有立而弗遠不能用大而濟斯則志才不足之過也以侯之所樹立卓卓若此其志與才過人遠矣即使由郡國而推之藩服由藩服而推之天下又惡有弗勝者哉古之諸侯入為王朝公卿漢三公擢自守相是亦今日朝廷用人之典也聲伯忻然應聲曰吾固以是望侯矣願屬筆為侯贈

竹園文集卷六

八

王氏家譜序

嗟乎世之人孰不愛其身惟目前之圖而不重其本輕其身者也抑孰不愛其子孫規規身後之利而無以維繫其心棄其子孫者也枝幹蟬噪必植其根而後千花萬葉於焉以榮天下未有本撥而未茂



者獨木乎哉是故祖父吾本也兄弟其枝幹子孫其花葉也吾父之  
視吾兄弟猶吾於子也吾祖之視吾從兄弟猶吾於孫也自鼻祖至  
於耳孫愈遠愈分而氣脈所貫固一本而無二世之人惟不知本也  
是以骨肉之親至同途人喜無慶而成無弔也平居不相得而患難  
不相拯也貴且陵賤也貧且伎富也將其身之不保而欲以及其子  
孫不可得也家之有譜所以重本始而維繫乎族屬君子之善愛其  
子孫舍是無所用心矣古者因生賜姓胙土命氏使民有別而不混  
又立大宗小宗之法使民有所統而不離後世宗法廢而襲冒興益  
以淆亂其猶可見先生之遺意者惟譜焉耳隋唐間譜掌於官五季  
以來其法復廢士大夫之家間能爲之而或傍援貴顯以爲榮駕空  
於不可考之世以自詭則又愈失古之意而亦奚用譜爲哉余友王  
秉衡自其祖壽四翁居婺之北關子姓繁衍蔚爲吾鄉望族秉衡懼  
其族大而難合也則謀爲之譜王在晉宋間江東最盛浙之諸王多  
其苗裔秉衡皆不敢取信斷自所知壽四翁以下凡七世圖其宗系

竹園文集卷六

九

送陳教授先生序

滌齋陳先生以選部推擇教授于金華九載當奏績上京士大夫華  
其行而重其去也則思以言贈願謂予曰先生自此升矣吾黨之小  
子誰與造就風俗誰與陶成吾儕里居奚所游從而咨訪於其別不  
可無言予惟儒者學古通經砥礪名節固將有益於斯世斯人非徒  
善其身而已故用之朝廷足以尊庇用之郡邑足以承宣或者不爲  
世用亦必傳道授業以淑諸人人是故孔聖思裁狂簡孟氏樂育英  
才而說者謂教澤所及顧有大於守一官效一職者皇家化民成俗  
設國學以教于上設郡縣學以教于下師有官弟子有廩非如昔之

聖賢不用於世而自相授受者也其任不亦重乎其遇不亦幸乎先  
生以明經舉京闈兩典郡邑教事老成學行爲時推重循資而升必  
得太學右職所謂作人才而勵風化者當爲天下慶不當爲一邦惜  
也若夫游從咨訪之私固人情也予亦奚以釋諸君

南封錄序

正德七年春希曾以刑科右給事中奉天子命偕翰林編修湛君若  
水持節往封安南國王賜上公服一襲榮使遠也明年正月入其  
國授封行禮信述而返蓋自京師至廣西之憑祥水陸萬里然後達  
于安南而安南之往返僅二十日耳又明年復命上錫宴于光祿勞  
行役也仰惟皇明統一海宇九夷八蠻重譯獻琛西南海嶠諸國惟  
安南尤秉禮我國家待之特厚若其嗣世襲封則寵以詔勅齋以冠  
服而將命之使必簡侍從文學之臣充焉皇上之所以誕敷文德惠  
綏遠外者何其盛哉希曾空疎蹇拙謬膺是行仰仗王靈不煩專對  
從容指授而使事畢矣重惟遭際明時目覩盛事歷萬里絕域幸不

竹園文集卷六

十

辱命不宜混焉無所紀述乃取在安南所賦詩歌二十二首回京奏  
疏一通手錄爲卷又以安南國王詩二首書二通陪臣詩五首綴之  
卷末題曰南封錄序而藏之凡山川之迂險風土之奇詭與夫往來  
交際之始末一覽可見古者太師陳詩以觀民風采之里巷歌謠春  
秋以狄視秦而車鄰賦諸詩三百篇取焉是錄也予不得以僕俚  
自嫌且俾外國之什得附見者固不以夷而棄之也擇焉不精覽者  
庶無我疵

東園看月詩序

正德甲戌中秋前一日閣老西崖先生李公卽所居之東園開樽肆  
筵召其門人司業魯振之少卿張汝吉太史趙爾錫李宗易通政李  
守正王時芳官允李夢弼伯希會看月之會于時久雨新霽殘暑  
已退夕陽落陰涼風時至公坐諸生于左右或論文或誦詩或觀古  
書名畫時一命酒以待明月之出少選栖鳥漸集暝色四合獨鶴眠  
空水輪皎然於林薄之上公仰視久之忽顧謂曰嫦娥差瘦一分秋



仲魯尚記憶否此蓋希曾十三年前從公閣試八月十六夜賞月句也於是諸生起爲公壽因自相勸酬振之雅口善飲獨舉公去歲中秋詩作楚調歌之歌畢請用韻紀興公願坐客八人俾各占一字爲句首濡筆引紙就月下書一律命屬和焉酒罷漏下三鼓矣後希曾謁謝公又請得連夕所作乃并公招飲手束裝爲一卷而以諸屬和詩附焉庶用備他日故事惟公文章勳業固以被今垂後學士大夫莫不尊信而師資焉願當謝政引年之日於門下士猶且不忘汲引至於片言可采歷十餘年之久尙挂齒頰是固公之盛德而其所爲誘掖獎進者不識當何以副也詩曰采葑采菲無以下體公之錄善也又曰肆成人有德小人有造公之樂育也希曾謬託龍門無所底就特序其事以自識

贈御醫吳先生遷鄉序

御醫吳晦叔先生謝事南還於是年七十矣而聰明矍鑠若後生且戒行吾鄉里之仕京師者飲餞于其邸酒半客執爵而嘆曰賢哉先

竹園文集卷六

七

生去就若先生亦誠賢矣乃願謂余曰贈言之誼以屬子余惟賢者處世身爲先用次之身必有以立用必有以物故學術以立身也宦業以及物也其或所遇不齊所就雖異二者無歎焉可也是故太上則周孔之事其次以職其次以藝賈誼稱古之聖人不居朝廷必在下醫范希文謂大丈夫不作宰相當作明醫活人其理同也正直平蕩之道塞世途多艱賢者益難爲全爲其人而莫之全孰愈爲其小而終始之全也先生故業儒尤精於醫成化間被徵供太醫院事尋擢本院吏目進今官首尾凡三十年所活都人士不可勝計朝廷眷遇方隆而先生懇辭以老其亦知退而全身者耶其亦小試而畢其及物之志者耶夫賢者心事未易測識漢二疏之去使人歎息稱道於千載之下廉頑立懦有遺風焉則史氏之言爲之張本也先生歸矣他日知先生者或有徵於余言

贈長沙府推官項君序

余鄉項君瑞周以太學生試天官額出儕輩拜湖廣長沙府推官余

暨陳大理馬進士則君之執友且聯姻若周侍御應職方亦君瓜葛若徐秋官陸武庫唐侍御胡江夏朱邵二進士皆與君有場屋舊若陳李二上舍又同君口口者于時咸在京師初君未至時吾黨思鄉里之彥必曰瑞周思士之篤學清修出可守官而處可敦俗者必曰瑞周悵悵焉惟恨其至之晚比至則倒屣迎之下榻館之恐後每公退醴集秉燭夜闌相與道故舊商古今靡不心醉形忘不啻疇昔之處鄉曲也君承檄當之官吾黨屬余贈言余惟長沙爲湖南大郡領州縣十有二山深土曠江右川洛之民多流其間里族雜而獄訟繁視舊志所謂民朴而淳者有間矣國家設推官以聽一郡之訟其任甚重君治長沙寔重且難雖然余聞諸子思在下位不獲乎上民不可得而治矣獲乎上有道不信乎朋友不獲乎上矣君信乎友若是其於獲上治民何難哉易稱君子以明慎用刑書稱惟刑之恤又君素所誦習者舉而措之吾知長沙無冤民矣請拭目以觀其成

潞陽贈言序

竹園文集卷六

七

潞介江淮之間阻山抱澗舟車罕通唐以前未顯也宋歐陽子守文章節義竦動一世游觀品題形勝拔出自是名人韻士往往聞風願遊而天下知潞矣迨我皇明寔登畿輔尋建太僕寺總攝馬政則以其地爲桃林華陽而天開之往來冠蓋之南北日交乎潞之陽矣蓋潞之遺其盛於今而歐陽子之遺迹過而訪者益多於昔山川顯晦固自有時哉正德丙子希曾由諫司來貳太僕吾兄栢軒先生適分教于秦潞秦相去僅三百里而各糜于官猝難會晤或託音書或形夢寐不勝陟岡之感迺丁丑秋吾兄便道過潞數年悒鬱一旦傾瀉爰命軟輿從以穀酒相與登豐山入琅琊追醉翁之風流澈玻璃之潔清于時秋高木落風日清朗樵歌鳥吟如倡如和遊興所極不知日之既暮於是環滁之景盡在心目而友于之情亦少慰其一二獨非幸哉已而吾兄將還秦同寮諸先生咸贈以詩更倡迭和積成巨卷題曰潞陽贈言惟諸先生之作鏗鏘振發金春玉應所以侈山川之奇觀嘉天倫之樂事掄揚借譽茂以加矣獨念予兄弟自幼侍



先君宦四方未嘗一日相舍既長筮任各自為途離合可勝歎哉昔蘇子由與其兄子瞻相約早退為閒居之樂子瞻亦謂宦遊相別之日淺而退休相從之日長願子與兄今雖未敢言私幸齒髮未艾後樂有日則茲別也安知不為終老之聚晤而茲遊也安知不為故園之美談耶子既屬和卷末復序此以俟

五山先生吟稿序

五山先生宮保大司馬何公吟稿凡六卷其子南京太僕寺丞汝弘所輯也將鏤梓俾希曾序諸簡端公少有異質博涉經籍其為詩矢口信筆多不屬稿即屬稿亦漫不置意或至焚棄其中之所存蓋有大焉而於詩若未暇數數然者故汝弘所輯止此公起家進士歷事三朝垂五十年守令之民庸風紀之賢勞藩服之楨幹卿列之股肱經綸匡濟思日孜孜泊參留務典本兵值時多故尤極勞瘁故其發之乎詩率皆隨事應酬一時興寄之作固不暇歲銀月鍊句拾而章縉之也卒之澤生民功社稷名竹帛而其稿之僅存而可見者又皆

竹澗文集卷六

三

和平暢達有非苦吟雕蟲之士所能及焉嗚呼古之所謂大臣者類如此士果貴於多言乎哉公吾浙人先大夫辱交焉希曾頃居諫司獲侍論議茲又與汝宏為同寮仰先達之風烈且嘉汝弘能傳業也乃不辭譴薄而序之云爾公居新昌之五山學者稱為五山先生因以名稿云

潘氏家乘序

乘所以載也家乘者家之所載凡以論譏其先世傳之後人者也古者諸侯世國卿大夫世家有家之事國史載焉國史亦有謂之乘者焉後世世祿廢而譜狀猶掌於官五季以來其法復廢世之君子乃家自為乘乃天理人倫之不容已者所以義起也惟我潘氏世居浙東遺文往事久而散漫於是竊不自揆編家乘八卷首以累朝詰勅之典次以吾宗世系之譜而凡銘狀表傳祭挽贈送之作亦附焉顧子寡陋無似採掇未備其事雖核而文不能無闕矣為之歎曰嗚呼此一家之書也而闕繫之大不獨於一家而已也是故觀繪緯之

昭回則思篤忠貞審宗系之聯絡則思崇孝弟誦文辭之紀述則思濟世美如是孝不可興忠不可移俗不可化者吾弗信也語有之求忠臣於孝子之門又曰人人親其親長其長而天下平夫然則茲乘豈徒為一家之書哉潘氏之子孫尙念之哉

送思州太守俞君序

俞君一中由後軍都督府經歷擢守貴之思州且戒行會廷臣伏闕爭大禮皇上震怒大臣罰俸者二十餘人百執事連杖者二百餘人中外凜凜相視莫敢發一言君獨抗疏請恤已故宥垂亡則威福並行凡懷忠者無復以言為諱皇上霽威答之於是言路復通聖人不忍人之心益明我國家無疆之休端在於此而君之忠誠激切首批逆鱗不亦戛戛乎其難哉先是幕府蔣君某輩謂子與君同里閭雅相友善以贈言見屬子時方自訟且為君危之未遑也幸君之言足以悟主大夫士靡不深嘉而樂道之子其可終無言乎嗟乎君子之於天下也誠未易也才氣弗充則弱學識弗到則闇諸練弗熟則妄

竹澗文集卷六

古

弱則見義而憚聞則迷先幾而不知妄則舉動輕率而顛路隨之如是而欲有為於天下誠未易也君視子十年以長嘗同為齎舍生直言勁氣素為僑輩敬服歷艱苦浩然不撓其才氣何如也自少喜吟詠涉獵羣籍上下古今數千百載如指諸掌以周易果舉不第復以蔡氏書取捷非經生專門者比其學識何如也由進士拜冬官郎左遷倅斬尋倅惠州延平二郡乃參戎幕二十年間掣肘挽心者幾紛錯震撼者幾其諳練何如也今日一鳴而團體增重士類胥賴夫豈偶然者哉推是道也於一郡何有哉抑思州去京師八千里地僻而小蠻夷雜處君守思或者弗滿焉子謂行乎蠻貊尤未易也君誠不鄙夷其民而惠殺之威鎮之文化之治之以不治焉則昔之諳練而未及者在斯行也他日大用以有為於天下斯行又一助也

賀封禮科給事中章翁序

吾金華之蘭溪處士章翁子處仁任禮科給事中今年夏四月初廷以尊崇禮成推思凡京官父母存者先封之翁乃被封如子官配某



封孺人於是孺人壽躋六十而翁逾年亦六十矣是歲秋九月處仁奉命冊封某府往返潞水之上得稱賜為父母壽官遊諸鄉人羨翁偕老而遺異數享樂事屬子序之因處仁寓歸以賀子之再來京師也朋舊落落如晨星得處仁與遊甚歡也處仁才氣英邁問學博洽直言宏論有聲諫垣子蓋嘗稱願曰幸哉有子如此比聞翁志懇行端周于孝義讀書論古今事有卓見居鄉不列方為園而閭里多求直焉誨子弟惟禮惟義乃知處仁得於過庭者非偶然也揚子雲嘗稱無是父無是子翁之謂也又稱無是子無是父處仁不得辭也抑先王勞使臣恒閱其不違將父今處仁奉使而獲寧親蓋良便也聖天子之恩至渥也則其衣錦承歡能不思聖天子之恩乎詩云式遘其歸翁尚為子誦之而保王躬補衮職尤處仁顯親之大也請因賀而申其說

贈錢以時授大名節推序

進士錢君以時授大名節推或曰大名外郡也節推刑官也重內軀

竹淵文集卷六

十五

外其來非一日而簿書獄訟殆非君子所貴之道也夫士之釋褐進士也或游藝詞林或據忠臺諫或分職部屬近天子之清光樂職事之優暇蓋其所也以時以正德庚辰舉南宮越四年而奉廷對又逾年而就選視諸同年士不謂不久也其學充其行飭其與人信其應務達概諸同年士不得多讓也而官之於外勞之于刑不猶棲鳳凰於灌木策騏驎於羊腸也乎子則曰君子之仕也將以行道也苟將以行道也則內外一爾輕重奚計精粗一爾勞適奚計易曰山上有火旅君子以明慎用刑而不留獄謂刑乃君子之所慎也書云刑期于無刑民協于中謂刑罰之精華與禮樂教化同歸也果孰精孰粗耶矧國家任人歷試諸難內除者或外遷外遷者或內補今台鼎股肱之臣大率皆更歷中外之士也果孰輕孰重耶使以時才器之美盡心審克以成明允之功不三數年且膺召命進京秩矣又由是加勉焉崇功廣業高御應仕不難到矣不猶鳳凰起灌木而翔翔千仞之上騏驎歷羊腸而馳騁於康莊也乎以時先翁為順慶貳守文學

政事有名以時蓋能世其業而又大之者也子與以時同里間聯姻姻不敢謂非相知而凡與以時游者莫不聽子言之非阿且足以相助也因請為以時贈

壽榮錄序

福莫先乎壽壽莫貴乎榮壽且榮夫人樂之而人子之樂其親不啻于其身然獲焉者亦罕矣獲焉而思所以承之此壽榮錄所為作也太常寺卿汪君用之之母太夫人唐氏故禮部右侍郎兼翰林學士贈禮部尚書寅軒公之配以用之兄弟繼武登仕累封至太夫人歲壬午行年八十在廷公卿游用之父子間者喜太夫人壽且榮也相與賦詩為文以頌以祝所謂章母德而侈家慶者風泯乎其盛矣用之承歡之餘與梓以傳蓋將永其所樂乎親者于無窮詩曰孝子不匱禾錫爾類其用之之謂乎用之之應事三朝勳名茂著仰世德而作求迓天休之滋至今茲樂事夫豈倖致而亦詎有涯哉夫孝所以事君也忠所以顯親也太夫人有孝子我國家有忠臣也希曾忝用之

竹淵文集卷六

十六

同年辱以序見屬不敢以不敏辭而樂為天下道也

送鳳陽令何世卿序

武義何世卿嘗從子受經玉溫金純磨折其恭其學博而知要其文清麗而達其才無施不宜而不敢肆少游鄉校累舉于有司弗售比壯應貢卒業南雍近謁選來京師朝夕過從甚勤蓋別子者既久而其所自得者益深矣無何天官試優等奏授鳳陽縣令同鄉諸士夫屬子贈言于於世卿固將有以贈也夫今之學者非孔氏之書弗讀士賢而聖孰不嚶嚶自許也而考其設施求如漢世循良吏不可多得豈嚶之學者不足用耶抑措之用者非所學耶吾謂世卿茲行亦自信而已矣亦無舍所學而已矣昔者子游為武城宰而弦歌之聲聞教人以道也成人有其兄死而不為衰者聞子臯將為成宰遂為衰誠能動物也子賤治單父得賢於已者五人而事之故眾悅巫馬期戴星出入以身親之而單父亦治一尚賢一勤民也夫子教子貢之宰信陽也日治官莫若平臨財莫如廉善子路之治蒲也日恭敬



以信矣忠信而寬矣明察以斷矣凡此賢令之事具載孔氏之書而  
世卿所柔學也篤信力行在世卿而已雖然今之爲令者視古蓋難  
矣矧鳳陽我國家所基兵民雜處宗室羣居驛使南北無虛日加以  
饑饉荐臻寇盜竄發呻吟之民生理未復視他縣蓋尤難矣世卿審  
時與勢因人情土俗爲之張弛而無失孔氏之家法焉庶幾講習之  
素不託諸空言而循良之績卓越乎常流矣昔人有云不遇盤根錯  
節無以別利器于於世卿茲行見之

東溪居士陳君墓碣銘

浙之義烏有曰東溪居士者葬邑西楊村其子勤以墓文請予與居士同郡而勤嘗從子游故聞居士之風舊矣雖不敏弗容於辭居士姓陳氏諱俊字彥秀號曰東溪世居邑之倍磊為閭家其先有曰垠者任松陽教諭垠傳錄徐州知州錄三傳為啟聰甫樂善好施壽而且康即居士父也居士質性剛毅不事表襮讀書了大義自少子立無兄弟事父盡歡喪母哀而有禮處宗族無間言則鄰黨不靳嘗建居室以抑畏為扁眾目之曰此謹愿人也歲饑應募輸粟有司榮以冠帶辭弗受又目之曰此忠直人也里閭之求直者率恂恂片言解紛以去又目之曰此忠直人也夫孝事其親仁睦其族而行義重於鄉之人一命弗沾一善莫名居士之於為人果何如也世有所謂隱君子者其殆斯人歟其殆斯人歟卒正德二年三月二十七日享年五十有五配朱氏有賢行子三人曰惟正曰勤曰惟樂皆克家勤尤

竹澗文集卷七

性敏嗜學駁駁獨用居士隱德將藉以顯矣銘曰倍磊陳氏太丘之裔雲仍多賢德星恆麗湜湜東溪居士樂只源深流長比德之美仁不必壽維名之垂才不必用維後之貽楊村之原穹碑在焉百世而下可誦以傳

處士義翁潘先生墓碣銘

婺源處士義翁潘先生既卒葬邑北之硤石源其配胡孺人附焉正德辛未子錡舉進士奉先生從弟玉卿僉憲所為事狀請銘於碣錡嘗從余游而玉卿與余同年進士以是稔聞先生之風按狀先生諱瑛字玉英義翁其別號世居邑之桃溪其先閩之三山人唐末逢辰者避亂於此因家焉高祖諱侑隱居行善當洪武初法禁嚴切獨以謹厚全門戶曾祖諱虎克世其業祖勤成年二十早世父諱爛資幼孤長克自立以字貴贈文林郎新水縣知縣母齊氏贈孺人繼母胡氏封太孺人先生兄弟四人行第二其季曰珩官至福建僉憲先以治縣有績獲贈封父母云先生天性孝友肯堂肯構嘗作棣萼聯輝

樓以怡兄弟學士篁墩程先生記其事平心率物不吝施予好詢人所行失得勇於克己宗族鄉黨咸愛且敬強者愧屈罔肆弱者得藉賴自立一日見餓夫墮溝中眾委之去獨起而飲食之得不死人稱之曰義翁先生聞而笑曰斯名詎敢當顧名思義可也自是居常器用悉書義字蓋取盤銘之意性敏善記憶凡學庸語孟典謨訓誥皆能默誦雅好觀史客至與論古人成敗歷歷指掌喜獎進後輩族黨賴以成者甚眾教子弟九勤故僉憲君輩先後登庸為時名臣錡方

崇陽尹濟之姊勤儉孝敬協德于夫每誦雲峯言曰一日苟存願存一日好心願為一日好人且必焚香祝天務積陰德以貽後嗣比先生歿矢心教子脫簪珥為費要于其成而後已克婦克母先生生正統辛酉以成化丙午卒春秋四十有七孺人生正統己未後先生十六年卒春秋六十有二長子銓次鏡次即錡長女適高安程鳳次適富春吳深孫男五人天潤天活天清天潮天漢孫女四人銘曰賢哉

竹澗文集卷七

義翁不愧其稱人則稱我我斯服膺實斯世惟利是趨不詭以隨由我坦途宜其家人義刑于內宜兄弟義著于愛子孫多賢維以義方鄉閭化之義聞孔彰孰利不害孰義不利賢哉義翁以克永世

漁隱先生潘公墓誌銘

弘治乙丑七月二十一日我伯父漁隱先生卒其子海門司訓榮之官舍扶柩歸墓寓書京師俾希會銘其墓希會時居諫司會多故未果越十三年乃克造銘勒石追瘞壙前嗚呼痛哉先生諱瑋字用夫姓潘氏世為金華儒籍曾祖諱彥亨洪武中徵取人才祖諱文華贈監察御史父諱洪官至廣西按察僉事贈奉政大夫脩正庶尹母吳氏封孺人贈宜人兄弟六人長諱璉官至無為州節判次即先生次諱瑄次諱璋官至陝西按察副使贈中憲大夫希會先府君也次諱璠次諱環先生自幼隨宦京邸佩服庭訓兄弟自相師友諸經子史多涉獵攻詩善屬文後從少司寇滁陽劉公游造詣益深景泰甲戌僉事府君卒于官時長兄不在側先生奉母攜弟妹歸喪萬里以禮



襄事既免喪慨然歎曰老母在堂吾兒既廢于官吾不能復離膝下求仕進也諸弟勉之於是一意孝養愉婉承順務得親之歡心甘旨饋祀門戶一不以累其兄若弟如是者二十年母宜人以壽終節判府君遷轉三州先府君亦已成進士官朝行矣天順中郡縣薦先生才德辭不就後屢以鄉飲請皆辭不赴成化乙巳訪先府君子蜀縱覽山水而歸弘治庚申就海門之養優游五載尋卒先生天性醇樸篤于孝友父母在不忍一日去左右處兄弟怡怡無間言教子姪講授不倦與人交謙恭以和生長宦族而能甘淡薄樂隱逸人尤難之自棄舉子業古文益高詩極清婉書得歐虞筆意妙自成家晚年放情篤詠與星齋錢先生諸耆碩爲北山詩社士大夫求文者交於門因家雙溪之涯自號漁隱鄉人稱爲漁隱先生而論君子者必曰漁隱漁隱所著有應酬稿湖蜀紀行錄若干卷先生生宣德己酉正月十八日享年七十有七以卒之明年某月某日合窆于朱氏安人墓在武義縣柘塢先塋之側安人邑名族南京刑部員外郎璫之女年

竹淵文集卷七

三

二十一歸先生甚宜于家姑年高得末疾安人晝夜扶持經歲無倦容尤注意教子家政內助居多成化癸卯五月二十日先卒其生在宣德庚戌十一月四日享年五十有四男子二人長卽榮今陞龍溪教諭次植側室楊氏出女子一人適永康王玻孫男四人燧焯焯燧孫女二人銘曰惟潘氏居婺儒籍有聞詩書簪組是貽是承嗟我伯父其生振振祿弗自取惟以成弟昆學不必用世其家以文孝友自靖儒素終身評高干鄉報在其子孫

福建按察司僉事進階中順大夫潘公墓誌銘

公諱珪字玉汝姓潘氏其先閩之三山人唐末逢辰者上書闕下不報避亂于歙徙婺源之桃溪遂家焉厥後世有閩人譜牒具存曾祖諱虎祖諱勤成父諱炯資贈文林郎歙水縣知縣母齊氏贈孺人繼母胡氏封太孺人公賦性醇篤自幼劬書十歲作詩有驚人語十有二歲從鄉先生張文輝受尚書歷五寒暑學成會戶當遠役而母病兄弟皆弱時署府事閭經歷以御史左遷公持詩文謁訴聞才之遣

補邑庠生免其役天順甲申也是年冬齊孺人卒戊子斬水卒斬水初得疾爲公兄弟析產以水田若干畝佐讀書既終喪公請於諸兄合費肆力問學作風樹圖以寄哀學士篁墩程先生守制休寧公以所學往質之篁墩恨相見之晚曰君名進士也成化癸卯領鄉薦連登進士乙巳奉檄督賦南畿明年授湖廣蕪水令公至縣閱倉粟得六百斛駭曰令爲民父母而水旱無備奈何爰下令諸贖刑及訟紙咸入粟縣治中門兩旁建倉貯之號阜民倉越二年大旱盡發倉儲以賑貧乏簡下戶丁壯分隸上戶俾得備作自給多種麥爲來年計復勸分助賑以濟不足是歲饑不爲害自是益廣儲蓄更建倉縣治之北號聚民倉前後積粟八萬餘石久益賴之縣之南門渡恃舟以濟水潤易以木梁歲費百金不免覆溺之患公合二年費爲浮橋經久不病又以廟學湫隘開而新之作與士類每爲講授成材甚眾邑故多盜公令鄉民聚居列柵啟閉盜乃沮義官劉洪者實黠盜其子耻與同惡洪殺之事洩亟遣人分捕并獲其黨十數輩既而司府將

竹淵文集卷七

四

脫之公具獄請對卒如公按初荆府致幣于公公對使封貯官庫別以禮報之嘗使人諷公欲婚其子公不可既又以所作畫來賜公爲政事辭謝於是王知公不可干矣久之王以罪廢公無染焉治斬凡十二載秩滿當去賦別思詩士民遮道共立去思碑李教諭復取別思詩梓傳之名甘棠集弘治戊午遷金華同知率如治斬而職專清戎尤慎勾稽未嘗徇權勢爲取舍有蘭溪民誣姪夜毆叔殺其救妾縣官治姪死罪冤累年莫辨公閱成案見其初驗屍時不云何衣悟曰此必就寢所計殺之也豈有婦人裸而救聞者耶詰之果服坐叔故殺罪而出其姪巡按陳君不悅曰獄屢經臺憲矣何是矛盾耶公爭之陳不能奪三載奏績便道省太孺人于家有歸志還次嚴州投牒告繳部檄郡人士相率挽留而上官亦弗許尋就職乙丑武宗卽位公入賀陞福建憲憲奉勅督理屯田明年正德改元公上任考簿書革奸弊豪猾侵尅之徒悉寘于法屯政漸復一日監斬夜歸病不能履食歎曰戮人不當其罪而力不能救何以仕爲乃遣人上京乞



骸骨時逆瑾擅權所知恐其得滿勒止之尋以鹽法忤中貴人中貴人陰主去公戊辰吏部書公年老致仕瑾猶坐以他事罰米百五十石時公六十有三得謝爲幸云歸數月太孺人卒居喪執禮休沐十有五年足跡不出山惟赴鄉飲避冠雨至縣耳優游林泉文詠爲樂夜課諸孫誦習不倦訂輯譜牒作勸善碑於道側睦族化鄉之意老而彌篤嘉靖改元今上皇帝以尊號覃恩進階中順大夫其年七月二十九日公卒生正統丙寅五月二十四日享年七十有七初號雪竹軒入官曰澹翁晚更萬卷山人人多稱澹翁先生云所著有甘棠集三觀稿晚遊錄澹翁稿雲萃唱和展驥集桃溪族譜凡若干卷公質直自信好義不好名入資常調世罕知其爲人半生仕宦攜家者僅四載清苦儉素終其身可謂之古君子矣配吳氏邑名家女封孺人生正統乙丑十一月十一日卒正德辛未二月二十二日享年六十有七葬邑之齊村程家坑公平生不內顧者以孺人賢也男子七人鐸鎧鎮欽鎰錄鎮邑庠生鎰鎰鉛錄早卒女子一人適同邑引

竹湖文集卷七

五

禮舍人胡琨孫男十人濟滋潢河沐澍涿解津澎濟滋皆邑庠生黃連舉解元進士爲樂清令有聲孫女八人會孫男一人士懋會孫女二人鐸等將以卒之明年某月日奉柩合葬吳孺人墓乃狀公行碑鎮走千里來乞銘昔公倅金華希會以諸生受知嘗遺鎮洎從子錡受學錡後登進士而公從弟玉卿憲長與子同年故最爲知公不敢以不敏辭銘曰舉世脂韋以苟富貴直道辜人不卑下位俗雖不合民則我懷令邑倅郡循良之才晚奉聖書僉被閭臬風裁獨持權璫見厄載歌歸來幅巾深衣古貌古心爲鄉人師聖聖遺集不朽之器矧子若孫厥美世濟人之不遇一時謂何天定勝人公得孔多程坑之陽有封若斧公斯合葬其永千古

封孺人劉氏墓誌銘

孺人諱祥字淑鳳姓劉氏順天府丞菱溪石公之配大鴻臚介菴府君之子婦父諱廷茂國子上舍母柴氏二族皆徐之望故上舍擇婿必求如菱溪者孺人性聰慧幼習姆教稍長通書數年十六歸公逮

事姑王宜人姑悅其孝夫賴其賢及公舉進士官京師以姑年高不忍離留侍于家公尋以監察御史進階孺人遂有封號已而公按廣東王宜人壽終孺人勉勉大事竭其哀誠初以不克隨官勸公置側室視其子不異已出晚得痲疾甚危既蘇謂公曰吾旦夕且不保宜及吾存爲二子計乃均分貲產無毫髮私其所出又以母柴無後迎養十餘年迄送終焉以勤儉居富貴以恭讓處娣姒以讀書守身教子孫奉賓祭必盡禮御減獲務使得所樂善賙貧終其身不衰凡宗黨語內則莫不稱孺人云孺人生成化丁亥四月五日以嘉靖癸未五月九日卒得年五十有七男子二人繼芳國子生繼先庠生女子一人許嫁士族繼芳嫡長也孫男四人坦庠生餘幼孫女二人卜葬於城南龍蟠山白水村之陽將以其年之十二月十日喪事公乃手狀淑行丐余銘余寓滌頗久雅與公善聞大夫士稱孺人之行如公言乃爲之銘銘曰詩誦葛覃以著婦則載歌益斯式彰母德婉婉孺人眾美在躬以宜其家以代有終命服光華借貴君子德音不磨貽

竹湖文集卷七

六

孺人李氏行狀

孺人姓李氏金華處士王先生之配進士銓之母也父諱寶觀金華名族有隱德母王氏孺人自幼端淑工女紅爲父鍾愛嘗指謂母曰是女他日必能昌大其家及笄歸先生舅克厚翁一見異之曰是婦福器過人吾宗其賴之孺人脩舉婦職協相家政王氏之產日裕以隆初爲家婦諸叔尙幼躬爲縫浣飲膳比就外傳恆竭力資給叔瑄早世以其子爲後至壯猶爲諱護不令知自已出瑄遺一女與孺人女年相若且先後嫁孺人憫其失怙裝資必加厚焉姑邵嘗目之曰新婦好心地如此他日有好子孫是其報也先生善教子孺人一意贊之量諸子資性教以治生讀書各有專業弘治戊午銓舉浙江鄉試第三人明年成進士孺人每得報輒慨然曰吾舅姑望吾兒久矣願弗及見莫告墓所哀若初喪其誠孝尤能追遠如此居常儉約至於禮賓郵族會不少斷處妯娌得其歡婢僕得其力撫諸姪若已



出故卒之日聞族大小痛惜之不獨其所親之哀也稱人生正統丁卯九月十三日卒弘治庚申正月二十五日得年五十有四男子四人長鑰次錦次即銓次鐸為叔瑄後女子一人適同邑周某孫男二汝謙汝嘉孫女一皆幼以卒年夏五月己亥葬城西書堂先塋之側王成之秋銓詣其友人潘希曾請狀其事飲泣具道如此嗚呼婦德如孺人可無稱述使就泯沒哉曩希曾在鄉校與孺人子銓相友善蓋嘗知孺人之為母矣銓少俊敏士人多樂與游孺人教以尊師取友遠無益交儕輩有為游戲者銓輒不敢近曰母將不悅也尤好為子聚書聞有典籍不吝重購一日比鄰弗戒于火延熾且迫時銓適他出孺人倉卒攬取羣籍一切盡蕩棄不暇顧是皆卓卓耳目所親記者其可使無聞哉肆并述之以俟立言君子采焉

令尹呂侯去思碑

人有久而不能忘事有無所為而不能已此德澤之孚而人心之公也義烏縣令呂侯盛去邑且三載邑之耆民陳良積輩將刻石以繫

竹澗文集卷七

七

其思乃介醫官陳節之丐予文字蓋嘗識侯者而節之子友也其言曰侯建平人也起家進士蒞吾邑凡六載始至聲色不少動久之民安士習胥若徒咸畏以服去之日眾弗忍舍既去益思之至于今不已其政則農桑學校是急抑強植弱平徭息訟取力於隙而百廢興殖財於儉而上供備約俗於正而異端誦條教有式追呼不擾用是家給人足風俗淳美當時臺臣具薦于朝而侯不以喜暨被徵命顧眷眷若弗欲棄去者蓋侯之績莫可殫述而侯之心誠不忍吾民矣吾徒野人思之不置則圖所以繫其思而傳于後微吾子之文則亦無所繫而又不必信于後之人子聞而歎曰民不難感亦不易感也撫我則德虐我則怨世蓋有疾視其士者蓋有攘臂以亡其上者况乎去而思思而不忘若是耶詩曰樂只君子民之父母謂能子其民而民父母之矣又曰永言孝思維則謂人子於父母思慕之不忘矣然則侯之見思固可以觀德而若等所為愧愧茲舉固可以驗人心之公假使上出於干譽下涉於歎諛則去未必思思未必久而

茲舉也未必待今日矣夫又奚取哉昔者子產遺愛孔子稱之何武去思史以為美談愚竊附其義為若等書匪惟繫一邑之思抑以示勸於將來

祭外舅太守梅澗先生文

嗚呼坦夷豁達叮咛不立思公之德其古遺直作牧名州甘棠勿拜思公之政其古遺愛歸休二紀文酒自娛官不滿能惟後之貽年高七十太平遺老歸全造物曷挂懷抱我先大夫公表兄弟不才受知館甥于貳言念曠昔垂髫侍側撫我期我成德既長筮仕驅馳靡寧歲月幾何計音路聞棺不知殯窆弗及瘞拊膺痛心慚負無地始自策勵將用報公廷愚忤時速反厥躬賦命自天何尤於人矢心弗渝敢墜大恩我酒既酌我殺亦薦陳辭叙哀神其來鑒

祭湛母太孺人文

惟聖德煥孟母子成鉅儒操觚翰苑輔帝圖惟帝乃嘉思封是錫冠帔輝煌式章有德潛與就養萊綵承歡優游壽域肆終天年某託

竹澗文集卷七

八

交賢子獲拜北堂瞻望弗及敬奠一觴尚饗

祭盧母文

惟靈夙抱懿質長歸名門主饋貞吉竭誠藻蘋禮相夫君家道日熾借老八旬為人中瑞厥有賢子克由義方歷敷中外端委班行祿養既娛板輿方導俄焉告終豈天弗弔某等鄉里後生通家末誼緘詞遠將一觴敬酌尚饗

祭太守徐廷實文

惟公性敏而淳行恭以和問學夙成登名甲科仕途一紀平生不渝明慎刑獄累遷大夫惟賢惟能帝心簡在權守大邦藩垣攸賴一卧三冬竟以不起慶門未集弔途俄啟生稟之懿孰其昇之勳業之就孰令已而豈山川清淑之氣偶鍾人世倏散而逝雖造化亦莫知其所謂嗚呼生死旦夕彭殤何殊公於此理諒已不疑顧公之遺憾若在其身後而精神之流涕則悼夫仁者之不壽公易簣時援筆作書有姪曰果可以後予公之繼室名門令德肯辜承祀矢死靡慙惟茲



得所亦可以死死而有知目終瞑矣某等鄉里朋舊義同兄弟死喪之懷曷其有既方圖舉公之棺歸葬東窆薄奠致誠眉宇如見嗚呼哀哉尙饗

祭孫母文

嗚呼脩短隨化物理之常惟德之懿可以流芳闔壹之行無非無儀惟子之賢厥德可知昔者朝親侃母皆以其子有聞百世之下雖死猶生安人篤生賢子甲科蜚英清才雅識慈範具存俄一疾以溢逝亦何歉於遐齡某等宦遊是邦辱交令子一奠之陳情弗能已尙饗

祭憲副鶴軒戚先生文

嗚呼古今人世惟壽匪易然壽或不足於富貴而富貴或不免於子孫之累豈造物無全功而人生難乎其值抑多福自求而本乎有德之致先生登名甲科歷官臺寺早辭金紫之榮久樂林泉之味諸子競爽宦學世濟孫曾繩繩引之弗替是以身康心寧逍遙九十歸然人中之瑞矧先生儒業世承苦節自勵居鄉抗正直之風在公著水

竹瀾文集卷七

九

藥之譽不詭不隨惟禮惟義此先生德之可見者而福壽所自也某等鄉里後生猥託姻契緬懷儀刑悼茲長逝將微忱於薄奠庶來格之不昧尙饗

祭俞夫人文

猗歟夫人夙閑姆教作嬪於俞尊章是孝惟勤惟儉萬里之風子孫蟄蟄益斯其同相厥夫子應敷仕路三紀勳名罔復內顧夫子之賢惟邦之積晚荷簡注掌憲帝廷來自南服夫人爰及榮膺誥封入朝宮掖冠霞帔有德之章胡弗遐壽一疾溘亡某等辱知夫子成仰內則一奠之將不勝哀惻尙饗

沛縣飛雲橋祭大河文

惟河導自積石會歸于海潤澤厚土通利舟楫功施博矣邇來河南支流多淤專趨沛徐遂貽運河之患茲非神意責任事者之責也某奉天子明命來治河事方議疏支河以殺上流脩長隄以保運道躬率官屬閱視至飛雲橋設謁致祭用祈神休惟神祐國祐民相予

成功以報天子神其鑒之尙饗

單縣祭后土文

邇年黃河橫溢運道屢淤天子特命某來治其事既議疏支河于河南以利導之爰築長隄始于單之林臺歷豐以迄于沛將以防橫溢而保運道也茲者卜吉興工敢告于神惟神鑒之佑其成功尙饗

沛縣飛雲橋再祭大河文

去歲之秋天子以河患未弭漕渠被淤特命某來治其事謹嘗告神疏支河于河南以分上流築長隄于沛豐單以防傍決方今春和厥工並興而裏河舊淤亦就挑濬庶幾運道通而河患不復作也凡此實賴神休相其成功惟神鑒之尙饗

單縣再祭后土文

往年河溢漕淤頗妨國計天子特命某總理其事既疏支河于蘭陽榮澤以分其勢爰築長隄于單豐沛以障其溢今厥功告成漕渠以寧實厚德默相之力也敢申祭告以彰報謝惟神鑒之永祐皇國尙饗

竹瀾文集卷七

十

榮澤縣孫家渡祭大河文

自九河不分河患頗殷大明御宇地平天成雖間嘗決溢亦治以寧邇年支流壅塞單豐沛下決漕渠沙淤糧運阻澀惟是孫家渡故道可尋上命巡按河南御史督濬甚勤河伯效順忽決若傾人力因之厥功告成某叨總河事來視茲隅幸渡口與趙皮寨口二支並疏庶下流永莫而運道無虞也敬陳牲醴用報神休惟神鑒之翊我皇猷尙饗

山川壇祈雨文

賴自六月不雨以至于今秋陽益驕晚禾日瘁民庶皇皇罔有攸賴匪民之辜實吏于土者不德之致某忝鎮南邦良切兢懼謹率羣屬惟神是禱神其早賜甘霖我民允濟謹禱

開平忠武王廟祈雨文

王開國元勳遺澤茲土廟食有年民實賴止今曠旱滋甚百穀將死



王其終惠我民大沛甘雨庶我百職咸荷靈祉謹禱

江東廟祈雨文

惟神顯靈在在仰之矧是章責爲桑梓墟有災輒禱國民之私有禱必應亦神之宜自夏迄今旱魃猖披民則旣病神豈罔知某惛瘖在身爾神是祈甘澤不靳三日爲期謹禱

靈山廟祈雨文

古者國有凶荒則索鬼神蓋人力所不及舍神無以致其誠某憂時之旱不能爲時之霖賴爾靈山降雨出雲庶幾相子濟此困民謹禱

雜著

雜說

七九皆奇數而九加多故九為老陽七為少陽而卦之陽爻稱九六八皆偶數而八加多故六為老陰八為少陰而卦之陰爻稱六或者不得其說以為聖人扶陽而抑陰殊不知天地生成之數始於一終於十自兩儀生四象觀之太陽居一而含九少陰居二而含八少陽居三而含七太陰居四而含六此理數自然之妙非人為也或曰何不直以一二三四為陰陽老少乎曰六七八九成數也今周易乃費直易程子因之作傳如乾坤卦爻辭下附以象象文言猶不失四聖之序如各卦辭下附以象象各爻辭下附以小象錯亂殊甚田何易十二篇乃孔氏之舊顏師古謂上下經及十翼呂伯恭定為經二卷傳十卷其序上經一下經二上象傳一下象傳二上象傳三下象傳四上繫辭傳五下繫辭傳六文言傳七說卦

竹澗文集卷八

易選

傳八序卦傳九雜卦傳十是為古易朱子所為作本義者也世儒復析本義以附程傳何也

天下事貴思不貴疑然亦有當疑者乾之九四或躍在淵无咎子曰或之者疑之也故无咎

龍陽物也坤之上六不言陰與陽戰而曰龍戰于野聖人扶陽抑陰之意也王介甫謂陰盛於陽故與陽俱稱龍謬矣

訟凶德也不慎於始不得已而訟貴能止也不能止而求終焉雖勝猶凶也子曰天與水違行訟君子以作事謀始絕訟之道也

象傳謙尊而光卑而不可踰程子謂謙則尊光自處雖卑而不可踰朱子謂謙則居尊者德愈光居卑者人亦莫能過據小象卑以自

牧及繫辭謙尊而光觀之程說得夫子本意

六十四卦惟謙內三爻俱吉外三爻俱利可以崇德可以濟事可以存位故君子謙之為貴

重坤純陰十月之卦也十月非無陽也陽甚微也故程子曰十月謂

之陽月恐疑其無陽也蓋陽雖剝於九月實漸盡於十月之小雪雖復於十一月已自小雪漸長積三十日而成一陽也邵子詩云冬至子之半天心無改移一陽初動處萬物未生時陽非冬至頓生也冬至而一陽之生方成也

一陽來復於五陰之下曰復往而為臨為泰為大壯為夬以五陽夫一陰夫盡為乾則陽極而陰生矣一陰上遇五陽曰姤往而為遯為否為觀為剝以五陰剝一陽則盡為坤則陰極而陽生矣陽生則復矣陰生則姤矣一歲十二月往來於乾坤十二爻矣

蒙以養正培其本然之善也童牛之特禁其惡於未發也蒙與童教所先也

明出地上晉君子以自昭明德大學曰自明日明明德蓋本諸此明夷之為卦也內離外坤離明也坤順也晦也文王內文明而外柔順箕子晦其明德不違乎其時也是以免於難也然而文王演易

箕子叙疇當明夷之時而開文明之運者天道也

竹澗文集卷八

易選

節之九五得中故曰甘節甘者味之中也上六過極故曰苦節苦者炎上之味也

古書疑字不宜輕改曲禮鸚鵡能言不離飛鳥猩猩能言不離禽獸吳氏纂言改禽作走殊非蓋禽獸乃飛走之通稱如易田有禽書

外作禽荒皆通稱也周禮大宗伯以禽作六犖孤執皮帛卿執羔大夫執鴈士執雉庶人執鶩商執雞則羔亦可曰禽也考工記天

下之大獸五脂者膏者羸者羽者鱗者則羽亦可曰獸也

仲春鷹化為鳩天地之仁心見矣其秋也鳩化為鷹天地之義氣形矣先王使鳥獸魚鼈咸若仁也田獵以禮義也

見父之執不謂之進不敢進不謂之退不敢退不問不敢對無與於事親也而非愛敬其親者不能也故弟子知此禮其不孝者鮮矣

鄰有喪春不相非厚於州相周黨相救也而哀死之情易相感也故鄰里存此禮其不恤者鮮矣

有無其禮而善處者以義起也將軍文子之喪既除喪而后越人來







見矣疏已載先君集中先伯父詩文稿亦甚富從兄龍溪教諭榮方  
圖入梓希會獨念此盈尺之楮具見眾美謹識其後俾潘氏子若孫  
永傳焉

恭記御賜先臣教後

右先大夫手錄憲宗皇帝所賜勅也先大夫以僉憲提學于蜀者七  
載日夕兢惕恪遵聖諭一時士風丕變人材奮興我國家菁莪育  
之化大行弘治改元陟陝西憲副提學孝宗皇帝復賜之勅視此勅  
詞一同惟地方職御有異耳故事臣下領勅事竣則進繳惟提學勅  
例得不繳今二勅皆寶藏臣家龍章奎翰增輝永世臣希會逮事孝  
宗皇帝追惟兩廟上寶先臣德逝伏觀繪音不勝君父罔極之感謹  
拜手稽首而記其後

記先君遺翰後

右先君遺墨凡十帖略依歲月先後為卷時一展觀永我罔極之思  
禮稱父沒而不能讀父之書手澤存焉爾夫書謂典籍蓋可以他求

竹園文集卷八

五

者也以父嘗讀焉而弗忍讀別本可也乃若手蹟遺訓不可以他  
求者也苟諉於弗忍讀焉而蕩棄之非所以學笑善善繼述是惡可  
不讀也諸帖或拾之故篋或得之故所往還家視先君靜虛集有小  
異者有逸不載者蓋集嘗更刪潤而此則厥初未定之稿與一時應  
酬之筆耳弁識卷末以告我後人

記舊譜序後

右時舉潘公譜序特詳三潘之所自來而謂富不能以皆富貴不能  
以常貴而清者之後亦不能守其業夷考其時尚在元初去三潘之  
盛未甚久也而物換星移已有不勝其慨者後百年為我朝兵火薦  
夏無惟其子孫復微而世次不辨也近時上虞潘孔脩憲副雖不敢  
祖月林嘗輯清潘遺事一編自言得默成月林二公御勅於山陰宋  
君翰又得宋勅巨潘公美父子行實小像於越城士人乃知子孫不  
能世守顧不若異姓之好事重可慨也子錄時舉公序而復書此于  
後俾後之人庶幾知潘氏之故而又知所警省云

記高侍講送行序後

右序得諸故篋殘缺磨滅僅存首尾九十七字蓋宣德中我祖僉憲  
府君掌教於淮安府之鹽城我曾祖贈御史府君嘗往遊焉此其歸  
而送行之作也若我高祖徵士府君召問朝堂奉使江右之事獨賴  
此序可見惜弗觀全文而其事之始末不可知已故家遺文雖片楮  
雙字子孫可輕視哉

書五賢遺像卷末寄兒紹

此五賢遺像一卷付兒紹收各像跋語乃西涯李文正公手跡公文  
章德業推重一世作此字時行年將六十矣而莊重雅飭一畫不苟  
如此觀者不待望履為聆警效可以想見其為人矣後生潦草宜常  
捧觀以自警發儻由是而有進則五賢地位亦吾分內彼丈夫也吾  
獨非夫也耶紹其勉之

宗伯童公贊

浩乎其學之博確乎其志之卓故偶聖逢辰則獻為昭焯而履危歷

竹園文集卷八

六

坎非利害可奪完璧而歸枕肱自樂茲其所以為當世名臣為後學  
先覺也耶

王處士遺像贊

生彼勝國歸我皇極百五十年遺像可則氣清形癯隱德之符布素  
恂恂漁樵為徒讀書循理一鄉善士餘慶所鍾視其孫子

吳處士存恭像贊

身長而癯貌古而澤鄉稱善士年逾大耋僅僅治生端木之貨殖孜  
孜濟物孫叔敖之陰德親賢而賢者與之混世而世俗取則吁嗟若  
人三代遺直

滁陽話別詩引

予兄栢軒先生由泰州司訓擢魯府滋陽王傅將之任過滁話別於  
是兄在泰凡九載希曾以太僕寓滁亦且八載而兄因便過滁至是  
蓋三度矣念予與兄自幼同學未嘗一日相舍比長筮仕離合不常  
往往託之聲詩以寫其悲歡思慕之懷則友于之情不能自己者耳



魯有周孔遺風而宗齊仁賢吾兄此行竭誠所事以無負朝廷簡任之意亦云慰矣第陟岡興懷弗勝繼繼爰賦一律爲吾兄贈而凡平日悲歡思慕之作亦附書之以識歲月他日同老林下歌此於山雲水月之間而相與廣和焉又將感慨今昔益敦堦笈之好云

赤松圖詩引

金華號山水佳地而赤松特勝宦遊以來常往來夢寐間頃因良工繪圖攜以自隨每一披玩輒注目久之甲申秋雲南憲副朱子文先生來京以永州十三志見示公之承子之金華也山水之勝殆不相上下而予之弗文不能如公之志承以志赤松則欠事也公且行爰以圖贈而題其後公其念與我同者不獨山水也尙爲茲圖文之

贈葉先生詩引

子與葉師道先生自少同事筆硯而先生先大夫子之外舅也先生幼善攻文有經世志子賴其麗澤良深三十年不意誦薄者偶試而才大者難爲用茲授羅源司訓非其好也亦安於命而已矣爲賦一

竹浦文集卷八

律賦別

贈鳳山秦公詩引

往歲癸未希曾爲南京太常適鳳山秦公以大司馬總留務幸獲奉顏色承警效以慰平生無何改官北寺方以去公左右爲恨而公尋被召爲大司徒退食之餘又幸獲請益也惟公文章德業被今而垂後見乎羣公贈送之作者殊未艾也希曾拜觀隨作敢綴一詩于後蓋公爲天下慶而私以自幸云

治河錄引

戊子之秋子奉命治河明年冬厥功告成都憲梅國劉公督漕過濟詢子所從事曰盡錄諸庶將來足徵乎乃俾書史錄其綱要若干篇有勅旨焉有奏議焉有文移焉有祭告之辭焉有書若記焉勅冠諸首餘篇依月日序次於是始末可觀矣是役也彈河患通國賦祇若皇上德意不敢不竭其愚若夫荒度利導豈是皆本其故而不敢以智鑿云

題章賢母傳後

自古母氏稱賢率於其子之成立如所謂孟母蓋尤彰彰焉者余讀列女傳觀孟母之所爲教亦誠難已其自謂夫死從子則稱未亡人久矣而卒成子之大賢可不謂難乎余嘗歎古今人未必不相及而事之難易有弗容概論者及讀章賢母傳不能不重感焉母之以賢稱視孟母未知孰難適若方盛年時贊夫子以廣圖厥胤中道而喪所天又能忍死以成其側室之子皆情之不易克也禮稱婦順備而後內和理內和理而後家可長久說詩者謂后妃之德不妬忌故有穆木蠡斯之福今章氏孝子順孫玉立蘭茁而先世之業日昌以大徽母之賢而至是乎推母之心雖爲事者法可也獨內則也哉儼諸孟母之所處其難易又不同矣

題李太白畫像

昔人以落月照屋梁猶疑見顏色爲李太白傳神詩予每讀杜集至此未嘗不三復想見其人一日過僕丞何君汝弘見壁間畫像若道家者流諦視之衣冠偉異風神瀟灑惜綉地剝落題識無存君曰此太白本來面目也會稽東山寺舊藏此像王逸少謝安石靈運三像近世爲貴游摹寫易去者乃元與國初所臨其逼真者宋時所臨寺僧秘之世復罕見然皆非其舊也蓋內翰文玉雅與其主僧善頃借字訪之主僧具道茲事爰出本來四像於木柱中以二謝授文主以王李授字亦以其最久最弊不堪顧惜耳予惟物特形以有者雖全狄石人不能久而不壞區區毫素乃垂若干年之久而可觀而轉相臨摹者又將蔓延于無窮則四先生所爲景慕於人人必有不恃形而存者矣抑東山王謝桑梓其有遺像宜也不知何緣有太白像史稱白天寶初南入會稽豈當時慕而觀之耶今脫木柱之藏裝飾一新後之觀者尙有以驗杜詩之善於傳神云

竹浦文集卷八

跋林都憲察院題名

院署之有題名傳可考也可考則其人其政其名位所到勳業所就



院所爲題名者也公在弘治中嘗以御史按廣西去之二十載遂以右都御史總督兩廣回視列名諸君子上下百餘年間勳名赫然無出其右者蓋公之盛固不待是以傳而是刻將藉公以爲重然猶手之不宜抑以自考也此古人不自滿假之心而公之所以過人者歟宜其位益崇功益懋勳鼎彝而垂竹帛不特斯名之題而已也往時公僉浙憲某在諸生中受知最久敢附其說以致景仰之私

跋林都憲平蠻奏凱卷

大都憲長樂林公弘治中以御史按廣西決策運籌削平諸蠻一時能言之士相與歌誦之題其卷曰平蠻奏凱後公累遷今官奉勅巡撫兩廣遂總軍戎之務焉蓋公曾中甲兵素所蓄積當時歌頌之者已卜其有今日矣孔子嘗謂有文事必有武備又謂不出樽俎而折衝千里公得之矣視彼佔畢陋儒平居誦說唐虞倉卒不能一時退虜者豈亦吾夫子之教使之然耶三復茲卷不能不爲之太息

跋先世遺翰三首

竹淵文集卷八

九

我顯祖廣西僉憲府君景泰初爲山東道監察御史手書彈章洎聖旨移文凡二通希會近得之從子燧拜觀之餘敬裝爲軸歸之傳謹藏焉昔冢宰鈞陽馬公序我祖哀詞有云文升登景泰辛未第亦拜是官得從先生之後者數年先生正色立朝風采凜然凡院中陳大事劾大奸奏疏彈文多經先生之筆觀此則當時疏草宜不止是惜散逸無存俾我後之人惜於世德可勝痛哉燧於我祖爲曾孫實吾門繼會之宗傳曰公侯之子孫必復其始燧尙懋之

我伯父漁隱先生早承家學攻古文歌詩雅意泉石不求仕進故形之聲詩率皆冲淡蕭散而無枯槁迫促纖靡豪誇之病所著有應酬稿湖蜀紀行錄其子龍溪教諭榮悉攝之任而其孫燧復輯逸稿四篇如右蓋手蹟也希會伏讀仰思恍乎耳誨言而目儀範也敬識數語以泄其悲且以嘉燧之念爾祖云

右三書我顯考陝西憲副府君手蹟也一上我祖妣諸父一與我從兄一上我漁隱伯父當時孝友之誠宛然可觀從兄之子燧乃能什

襲久藏間以視希會嗚呼吾親遠矣罔極之恨曷有窮已昔人有言讀孔明出師表而不墮淚者其人必不忠讀令伯陳情表而不墮淚者其人必不孝矧在其子孫耶三復之餘技淚識此以投燧燧於兆將感發焉不亦吾門賢孫子哉

跋宗譜記後

子之爲譜不能上迺三潘而祖其所當祖斷自所知八世祖者爲始祖矣猶恐其無以自別而久而復混也則因高祖始居雙溪定爲雙溪潘氏宗譜未嘗派同一源也而必祖其所知必別其始居何也親吾親也親親而疏可推也故曰人各親其親然後不獨親其親此理一分殊之旨也

跋聖教序後

右唐太宗作聖教序高宗作三藏聖記各有答沙門玄奘書附其後又附玄奘所譯心經皆沙門懷仁集晉王右軍書咸亨三年刻石今在西安府學咸亨距今八百五十年矣此帖子家故藏相傳已百年

竹淵文集卷八

十

字體道勁不失右軍筆意可寶也

跋定武蘭亭帖後

右定武蘭亭真本自唐太宗得右軍手蹟命歐陽詢臨摹勒石久之流落定武復失於宋之南渡翻刻紛紛而定武本多贗矣我朝宣德中東陽何公士英爲兩淮鹽運使浚井得之世復鮮知正德戊寅淮陰胡汝愚來尹東陽從何氏搨數本贈予予年名刻一旦快覩其五字剝損仰字如針眼之類悉符諸家辨證而字畫之佳實異他本則不埃辨證而可知爲真定武也

跋孟英三碑後

右宋僧孟英篆千字文乾德三年刻石其十八體書刻于乾德五年其篆偏旁字源又刻于咸平二年而書法之工則當時陳希夷諸人歌詩洎郭忠恕書非溢美也三碑皆在陝西此乃弘治初先君以憲副督學時所搨家寶也

竹淵先生文集卷八



江安傅沅叔先生自厥肆得竹淵先生文集八卷奏議四卷附錄一卷以授楸正襟而讀之即明尚書金華潘希曾所著也永康程文恭公撰公傳有云平生讀書精思力究發爲文章備腴古雅詩尤清婉卓然名家四庫提要謂公章奏語皆剴切眞摯深中事理集中條議治河諸事尤切于實用之文其子徵乞吳郡黃省會校刻東郡蘇祐江陰張袞爲之序本傳墓銘增後蓋嘉靖間刻本讀竟即歸以付刊季樵胡宗楨

奏議

遵詔旨以正負緣疏 弘治十八年十月初二日

題為遵詔旨以正負緣事近該兵部依奉詔條查奉傳乞冗員陛下酌量裁減初政維新又該節奉聖旨今後敢有仍前負緣傳乞的著科道并該衙門指實來說臣惟先帝在位蓋嘗裁冗濫禁負緣陛下篤於繼述既播諸詔旨矣邇者兵部參奏左監丞王潤題稱已故太監汪直生前頗有微勞乞要查伊義男汪鈺汪璣原功量與官職看守故堊一節查該奉有憲宗皇帝聖旨着革職為民閑住及奉有孝宗皇帝聖旨罷職又別為議擬等因奉聖旨准他汪鈺陞錦衣衛所鎮撫帶俸汪璣與做總旗照例食糧欽此竊惟方今錦衣衛所人員計見任管事外不知幾人帶俸幾人食糧再授汪鈺等職役豈非冗濫况彼冒功得官先朝累經革罷忽於今日乞陞豈非負緣王潤此舉其欺蔽非細故也臣聞名不正則言不順理既屈則辭必窮彼稱

竹潤奏議卷一

奏議

汪直微勞以欺陛下獨不思憲廟用舍與眾為公向革汪鈺等職豈無見而負人功乎又稱孤墳可憫以欺陛下獨不思先帝賓天言猶在耳願忍改於其道乎陛下聖心純孝通于神明初政嚴明堅如金石必不肯背憲廟以念汪直忘先帝以憫孤墳輕天下大信以狗彘小之私臣獨恨王潤等巧肆負緣膝騰奏請致令命下眾共驚疑查得汪直先年出師得不補失而且生受蟒衣玉帶歿蒙諭祭安葬就使有功其報已為過分即今雖歿其墳未為失所不知汪直果何大功可以祿及義男汪鈺等如何守墳必須朝廷官職况世祿以及子孫鬼神不欺非類內臣本無後而強求世祿之恩義男本異姓而欲冒他鬼之蔭物理人情甚甚是無謂其為此舉非姦則愚臣叨備言責誠恐負緣得計則事體漸乖將來弊風不可救止雖知事干近侍不敢隱默規避以負陛下伏乞聖明加察特勅法司將王潤等究治仍革汪鈺等職役則政體歸一而姦回之徒不敢肆其欺蔽矣

吳陳言疏 正德元年六月二十六日

題為災異陳言事竊惟君德莫重於體元天道不虛以示戒陛下改元伊始而上天示戒非常此固天心仁愛欲陛下省懼也然我之省懼者或不以實則天之仁愛者尤不可恃安危之兆可為寒心邇者節奉聖旨事關朕躬的自當體行有當與革的各該衙門逐一開具來說仰惟聖慮正欲務實以應天轉危而為安也臣待罪言路且喜且懼謹以聖躬所當體行者言之若隆大孝勤聖學節游樂遠佞俸是已以時事所當與革者言之若振因循懲玩法備虜寇勵士節是已夫天地者陛下受命之父母先帝與皇太后陛下生身之父母故事天之道不外於事親得親之心斯可以得天矣伏望陛下勤請靈几躬禮宗廟近思先帝教育之恩遠念祖宗積累之德又常朝于太皇太后皇太后之宮曲盡母子之情樂聞訓告之益使愛敬之念日夕在心乃所以隆大孝也至於講學一事尤帝王圖治之本可以開聰明可以養心志從容便殿之中講論片時之會共事與視朝御膳等爾於聖體未勞也頃以暑月停止經筵日講願乃專事游樂不

竹潤奏議卷一

奏議

避炎日陛下奈何舍有益而不肯為作無益而不憚勞也臣恐不忠之人有以先朝輟講為言殊不知先帝德性已成逸游素少陛下年方英妙豈可借此以損至德伏望仍開經筵依舊日講使日新之功有加無已乃所以勤聖學也他如射獵游戲往往使人心意荒蕩形神勞頓甚非所以保養萬壽自求多福也千金之子猶坐不垂堂陛下以宗廟社稷之身豈不自愛哉良由左右前後不得正人希寵導非迷君誤國此遊樂固不可不節而佞倖尤不可不遠伏望明詔中外放鷹犬絕玩戲仍簡選內臣求其端謹者以充侍從斥其姦巧者以為懲戒務俾游樂有節而佞倖不得近凡此皆聖躬所當體行之大者也天下之患莫甚於因循因循不振則國政日弊近該戶部奏准欲行吏兵二部查革冗食及行光祿寺查勘內外濫費足國裕民莫急於此而乃累旬決月不即奉旨舉行部寺猶然諸司何責京師如此藩郡可知伏乞降旨切責各令逐一查奏從宜裁省斷在必行庶幾人心知警而因循可振也朝廷之患莫大於玩法玩法不懲則



主權下移近該戶部奏准查勘草場以補國用兩次差官奉旨交命  
太監寤瑾乃敢無故奏沮若謂不宜更改待各官勘回取自上裁未  
晚也若謂不樂以來地土則國家政務隨時損益者孰非不樂以來  
事哉此其徇私罔上情罪顯然伏乞特勅法司究治庶幾威權不失  
而玩法可懲也方今敵人窺伺於三邊遠夷竊發於雲廣蘇松近地  
海寇嘯聚江西四川時各有警皆由處置失宜以致猖獗至此夫用  
力攻戰固在將官而運籌調度多在憲職往時巡撫起自陞用者率  
與邊警處所及其頗積年勞漸轉內地旋擢在京此但為人擇官非  
為地方任人也今西北邊設立總制最為得計各處巡撫亦既有人  
合無今後察其不堪邊寄者取回別用果有文武長才者特加久任  
秩滿則加其官有功則錄其嗣債事則治其罪除遇丁憂致仕方許  
推補仍勅廷臣秉公議處得展布以圖功不致苟且以避事如此而  
邊隅未靖臣弗信也臣又聞禮義廉耻是謂四維四維不張何以立  
國蓋國家必養廉耻之士而後能得忠義之臣伏覩大明律及欽定

竹筒奏議卷一

三

條例文武官犯公罪並許收贖守衛上直軍校犯笞杖罪俱令納鈔  
婦人應決杖者非姦罪不去衣此我祖宗仁至義盡扶持四維也且  
廷臣密邇清光不啻軍校賢者守身不異貞女近見小有過犯多受  
刑辱臣竊傷之乞勅法司參詳律例通行三法司鎮撫司凡常朝官  
員過犯非係賊惡無得去衣加辱庶幾全君臣之大體與禮教於無  
窮其於國家非小補也凡此皆時務所當與革之不可緩者也臣仰  
荷聖明叨備耳目遭時多事深切憂惶用是昧死瀝誠仰禱萬一惟  
陛下垂聽而實行之以答天意以慰人心宗社幸甚愚臣幸甚臣無  
任悚懼激切之至

求封疏 正德九年四月二十日

題為求封事先該安南國故國王黎灝孫黎暉及國人奉表奏請求  
封該禮部題准差臣等充正副使於正德七年二月初陸日領節及  
奉詔書勅諭并欽賜皮弁冠服一副常服一套前往本國封黎暉為  
安南國王臣等行至廣西南寧府地方移文憑祥州令其馳報本國

以正德八年正月十七日入其國黎暉差頭目黎德富等四員并通  
事人等至界首關迎接臣等授以儀注令馳付所司遵行二十三日  
黎暉差頭目黎儀等四員來迎又差頭目阮時雍等三員呈送儀注  
中間有疏繆處臣等因指示曉諭之令其改正二十五日黎暉率其  
官屬軍伍人等至呂瑰站迎接詔勅入站行禮畢退與臣等行禮口  
返二十六日黎暉至富良江邊迎接詔勅至其府中開讀行禮畢臣  
等以詔書付所司頒行國王黎暉退與臣等行禮具茶酒相勞送臣  
等出就館當日國王至館末訪仍率其頭目懇留詔書以為鎮國之  
寶臣等遵題奉欽依事理聽其請留二十七日請宴後殿宴畢臣等  
遂辭以明日早行當日國王遣頭目黎廣度等二十員齎書具禮禮  
送正使金四十兩銀六十兩副使金三十五兩銀五十兩生金各二  
十兩相犀犀帶各一條相銀香各一條牙笏各二件沉香各五斤線  
香各五百枝生絹各一疋牙梳各五副竹扇各五十把家人銀五  
兩生絹各一疋臣等俱辭不受二十八日國王至富良江邊具茶酒

竹筒奏議卷一

四

相饋送臣等登舟仍遣頭目黎念等伍員護送另具書遣頭目黎  
等二員將前項禮禮齎送至呂瑰站臣等固辭之二十九日復遣追  
送前贖至市橋站臣等終辭之乃已二月初八日頭目黎念等送至  
關而回臣等看得安南國地方僻小風俗鄙陋習尚詭譎而其敬  
事天朝以及使臣之禮則靡所不至如各站遣人迎接每日三次館  
待所過地方刊木脩路隨同遠送不敢或替此皆皇上德威遠布之  
所致也臣等除將原領詔書簡并節照例另繳外謹具題知

劫違例騰騰奏聞疏 正德十年三月十四日

題為違例騰騰奏聞事照得南京工部龍江瓦屑壩二抽分竹木局  
每年各季分收放過竹木等項數目例該造冊具本批差吏典齎赴  
本科本科官於御前引奏送科查理我國國家成法具載大明會典所  
以防欺蔽稽出納者百數十年于茲矣正德十年三月十三日該通  
政使司左通政劉達等送到龍江瓦屑壩二局各奏二本俱奉聖旨  
工部知道臣等看得前項本冊不由本科引奏事違法例情涉朦朧



所據該局大使童輝鄧崇及原差攢典會必虎王仕乾俱合有罪及照左通政劉達等一概奏送亦難辭責乞勅法司究治庶幾欺蔽知警而出納可稽矣

公糾劾以嚴考察疏

正德十年四月初十日

題為公糾劾以嚴考察事竊惟朝廷考察以儆庶僚必藉糾劾以明公論是以去留允當臣工罔私此我祖宗良法美意所以制治而保邦者也舊例六年一考京職凡五品以下令吏部會官考察其堂上官令自陳以須上裁至於小臣苟容大官俸位又許科道劾奏國家重典行之有年近該吏部會考諸司沙汰不職然漏網之魁間亦有之大臣自陳取應故事陛下恩禮優容淑慝未別夫魁惡不除何以勤善大臣不簡何以表忠臣等叨任耳目不敢緘默謹舉不才之尤眾議共醜者焉為陛下數之某某云云此皆考察所不及清議所不容臣等秉公推恕求其可留而不得始敢具實以上聞也伏望皇上俯垂離照特施乾斷將辜梟等照例罷黜庶幾姦邪不得以妨賢臣

竹潤奏議卷一

五

庶可期於稱職矣

慎興作以隆治功疏

正德十年閏四月二十七日

題為慎興作以隆治功事竊惟聖王之圖成功者不作無益嘗有益其不得已而取諸民也則用其一緩其二是以民不告勞功克就緒天休為之滋至國祚綿於無疆我祖宗列聖之創守與皇上之繼述率是道爾頃者營建乾清坤寧二宮所以復祖宗之規正宸極之位垂燕翼之休誠不得已之舉非若離宮別殿無益而可已者也陛下猶且重於用民命廷臣集議至再此即大禹卑宮室文王戒勿亟之心也天下臣民孰不感激願効其勞哉近該內官監奏行工部脩葺太素殿天鵝房船塢等處錢糧動經巨萬軍匠不下數千臣等聞知不勝駭懼竊該本部執奏欽奉聖旨這工程還着該衙門查理緩急來說說臣等又有以見陛下慎重之心甚惓惓也請以今日之事理論之茲役之興有四不可夫天下之財力有限二宮之營建方始寬一分則得一分之濟早一日則享一日之安各處見興之役尚須促完

以趨大工諸凡不急之務皆宜併作以妨大計此不可者一也況邊陲之軍儲告匱內外之冗食益繁山東河南近經兵燹江西四川未復瘡痍即今大木採及於遠方工料派過於天下若復別興土木誠恐民不堪命此不可者二也近來京師風俗過奢物價騰貴豪右逞其僭踰小民艱於生理兼之舊冬少雪初夏大雹收成缺望盜賊生發或白晝驅馳或開巷劫掠民窮盜起可為寒心節用愛人正在斯際此不可者三也古昔帝王非無臺池以供遊觀然其作以時其遊有節故民樂其樂天眷其德考之月令當夏毋起土功毋發大眾今時既不宜矣况大內遊玩之處頻年營造不少必欲繼作尤非樽節之道此不可者四也臣等職叨耳目事當論諫苟有見聞不敢緘默伏望聖明察納愚忠俯從眾議特降勅旨將太素殿等處免其改作一切不急工程俱令停止仍令各該衙門查處前項時弊於奢儉則申明禁之於盜賊則設法捕之於冗食則斟酌裁之於軍儲則措置給之將見人心悅而天意順不惟宮室之大工易成而國家之治安

竹潤奏議卷一

六

可長保矣

此疏

備用馬匹疏

正德十四年三月初二日

奏為備用馬匹事據直隸和州申云及據直隸涿州申云案查前事本寺遵奉兵部劄付已經通派去後今據前因臣等照得涿和二州災傷委的不減廬鳳淮揚等處其土產馬匹矮小委的不堪交俵多致揀退荷蒙皇上軫念地方痛恤民隱特從該部議擬將今年廬鳳等府江浦等縣馬匹改折色文移所至萬口稱便惟涿和馬匹仍存本色是以小民懷同仁之望伸無盡之請竊計二州應納馬匹自朝廷視之為數不多自二州饑饉之民視之其徵買解俵掛欠追賠之累所係甚重伏望皇上俯矜下情特勅該部議處合無將涿和二州本色馬匹比照廬鳳等處事例暫改折色不惟官得實用抑且民免貽累實為便益萬萬矣

自陳乞休疏

正德十六年六月初八日

奏為自陳乞休事臣以菲才叨登弘治十五年進士改翰林院庶吉



士尋丁母憂弘治十八年授兵科給事中正德三年遠杖於午門前  
黜為編民正德五年劉瑾敗戮仍蒙朝廷起用歷陞工科都給事中  
正德十一年陞南京太僕寺少卿萬死餘生再登仕籍論諫無益於  
當時尸素尚叨於今職入仕垂二十年行年四十有六俛思履歷奚  
補涓埃恭遇聖朝紹統政化一新率土臣民歡欣願治若臣者亦宜  
勉策驚駭仰圖報稱奈何空踈蹇拙力不逮心况遭患難以來血氣  
衰耗每遇陰雨兩腿隱痛艱於動履若復昧於知止罪益大矣茲奉  
明詔許臣等自陳乃敢吐露肺腸陳乞骸骨伏望聖明垂察賜之休  
致使臣得與田夫野叟謳歌太平以終餘年莫大之恩莫大之幸也  
臣干冒天威不勝戰懼為此具本專差義男潘亮親齎謹具奏聞伏  
候勅旨

均恩例以蘇民困疏正德十六年九月

奏為均恩例以蘇民困事伏覩詔書內一欵浙江等處十三布政司  
并南北直隸嘉靖元年分內除漕運糧斛四百萬石照舊徵兌起運

竹間奏議卷一

七

其餘夏秋稅糧馬草農桑人丁絲絹布匹絲線花絨屯田皇莊莊田  
子粒牧馬草場子粒租銀及甲丁二庫蠟茶銅漆銀硃等料不分存  
留起運以十分為率俱免五分以蘇民困欽此竊照各處牧養種馬  
或論田地或論人丁每年派取備用馬匹各照丁田册納是田地以  
納馬為稅糧而人丁以納馬為徭役較之他處丁糧名異而實同也  
今嘉靖元年稅糧人丁等項俱免五分遠近聞知懼呼感戴獨備用  
馬匹係該臨期奏派小民未知蠲免分數不無缺望伏望皇上一視  
同仁特勅該部計議合無將嘉靖元年備用馬匹查照常年額數減  
半派取惟復分作二年減派亦免五分之數則恩例無不均而窮民  
無不獲矣臣等又思漕運糧斛照舊徵兌乃取足於五分既免之外  
此項馬匹若不減免是取足於十分全徵之內故明詔止除漕糧其  
餘俱免五分為恩至渥為慮至悉也仰惟聖明御宇聿興虞周之治  
凡百貨財悉歸公帑萬姓悅服四夷嚮風誠千載一時也為今之計  
寧使馬欠取辨於公帑無使思推不均於小民况邇來邊軍交兌漸

少官馬寄養頗多總計一年減免五分不過一萬二千餘匹皇上富  
有四海豈獨斷此而不期副大賚之初心哉臣等猥係職司不敢不  
豫言之惟陛下矜察天下幸甚緣係均恩例以蘇民困事理未敢擅  
便為此具本順差典吏劉堂親齎謹具奏聞伏候勅旨

照例暫處掛欠以稍減重併疏嘉靖元年十月初七日

奏為乞憐災傷照例暫處掛欠以稍減重併事准本寺寺丞吳天挺  
牒據直隸滁州申為照本州里少民貧差繁賦重兼以災傷頻仍民  
困已極緣本處不係產馬地方遞年備用大馬徵銀召販收買起依  
到京每至揀退回還一馬不堪換買三四次者有之一一年解俵併徵  
三四年未完者有之今查正德十一年仍掛欠馬一十四匹正德十二  
年欠馬一十二匹正德十五年欠馬五匹正德十六年欠馬一十九  
匹俱經數次買換節遭揀退經該官員累年住俸徽州百姓盡至破  
家今當災傷之年縱使忍心追併買馬到京未必全中不免仍有揀  
退之苦卷查正德十一年間為暫處掛欠以稍減重併事該蒙南京

竹間奏議卷一

八

太僕寺牛寺丞奏兵部覆題內開正德十年以前其揀退不堪馬匹  
選委廉幹官員變賣價銀差人解部轉發太僕寺收貯買馬支用今  
本州與屬縣正德十六年以前掛欠之數補俵不完伏乞憫念地方  
凶災百姓疲困轉為具奏合無照正德十一年奏行事例變賣銀兩  
解京庶公事得完卷宗杜絕民困少蘇等因到職據此查得前項掛  
籌馬匹非獨滁州一州為然其餘淮安等府和州等州縣亦有掛欠  
節經解俵退回追補未完若不移牒煩為查處具奏照例改徵折色  
解補則節年拖欠未免重併等因到寺臣等照得各屬掛籌馬匹數  
雖不多然重復買解再三退換之累民實不堪况聽民折價則積年  
之欠易完而收銀在官則北產之馬易買伏望皇上俯矜下情特勅  
該部議處合無將前項馬匹查照先年事例變賣價銀解部惟復照  
依折色每匹納銀一十八兩領取原批則官民兩便矣

竹間先生奏議卷一



竹澗先生奏議卷二

續金華叢書

災異疏 嘉靖五年正月十一日

題為災異事據廣東韶州府申稱嘉靖四年十二月二十四日夜四更時分忽有電光閃爍自東南來雷震有聲凡四次後雨下如注雷聲乃止為照雷電發於春蟄於夏蟄於秋收於冬乃今季冬之月雷電異常上天垂戒不為無意又據江西贛州府申稱嘉靖四年十月以來一向多雨至閏十二月二十二日大雨微霽本日起至二十四日每酉時分滿天赤雲照映牆壁俱見紅色二十七二十八日酉時赤氣仍前看係災異合就申稟各報到臣據此看得變不虛生天寶示戒除臣痛自脩省及行各省并該道府衛所縣等衙門一體脩省以弭災變外緣係災異事理為此具本專差千戶楊忠親齎謹具題

遵勅諭陳利弊以消天變疏 嘉靖五年正月十一日

題為遵勅諭陳利弊以消天變事查得接管卷內准戶部咨該廣東

竹澗奏議卷二

按察司副使徐文溥奏內開疏鹽法查得先因兩廣軍餉不足奏准廣鹽於南雄府抽分許行南贛發賣繼因南贛軍餉不足奏准廣鹽於贛州府抽分許行袁臨吉發賣官民便之正德十三年三月內該本部題准廣鹽止許南贛發賣其袁臨吉三府不許擅便行賣違者照例問罪司國計者必有深見但准鹽逆流而上三十餘程脚力反重鹽價反輕商船經年不來而廣鹽止越一程順流而下其勢甚便袁臨吉人民欲仰給准鹽不食廣鹽其可得乎夫准鹽廣鹽皆國家利也民隨時變易可行於南贛則亦可行於袁臨吉矣臣又訪得廣鹽自南安過嶺下貢水者多係拆賣有引官鹽稱為大路自石城過山下章水者係肩挑無引私鹽稱為小路一入贛江則官私莫辨又有畏懼南雄府太平橋查盤俱從小路越信豐縣橫田江九渡水徑裝袁臨吉地方貨賣即欲禁革人民缺鹽嗟嘆何堪又况販鹽之徒豈肯棄業重法誅之亦難禁止贛州雖設橋船防禁秋冬水落則路通把守實放權貴囑託公差夾帶弊且百出春夏水漲衝散橋船則

聚眾連艘執持器械乘勢徑度巡邏防守勢不能支於是乃有抽分之議以為不抽分則利歸姦雄之手官失自然之利然既係私販則法當禁捕乃從而征之是取之於盜賊也可乎頃因廣東軍餉缺乏鹽課虛耗特勅專官管理法固善矣然不審其源而徒塞其流耳臣愚以為法既不可禁不若因其勢而利道之如蒙乞勅戶部詳議查照題准舊例行令廣鹽照例南雄府納稅許行袁臨吉三府發賣經過贛州量行抽分以備軍餉該府年終將用過餘銀解部支用如此則廣鹽得以疏通私販以之自息民獲利濟而鹽用日裕矣前件查得先該欽差提督南贛汀漳等處軍務都察院右副都御史董某題為地方事准江西按察司整飭兵備帶管分巡嶺北道副使王度呈前事照得江西一十三府先年俱係行准鹽地方後因廣東用兵軍餉無資議抽鹽稅將廣鹽奏准行南贛二府後又因南贛用兵軍餉無資議抽鹽稅又將廣鹽奏准行袁臨吉三府今廣東之抽分仍舊南贛之抽分停止則廣鹽止當行於南贛而不當行於袁臨吉本道

竹澗奏議卷二

已題呈奉提督南贛汀漳等處軍務都察院右副都御史魏明文存留橋關禁止廣鹽不許越境販賣但行之已久今奉停止則商人有本折之苦地方有鹽騰之害兼且把關人役姦弊紛紜巡邏官員結捕旁午本道日益多事伊欲稍從假貸任其下流則無藉鹽徒乘其厚利與販前鹽散入南直隸蘇松等處阻壞准鹽本道亦難辭責為今之計合無於贛州龜角尾照舊開廠止抽廣鹽一件許行袁臨吉三府發賣其餘貨物不必再抽庶乎商民得販鹽之利窮民得食鹽之利江西之軍餉有資廣東之官鹽無滯似於地方有益等因到臣卷查前項抽分該前都御史王憲奏請書停止外今據前因切照袁臨吉等府原非行廣鹽地方先年南贛二府賊盜生發錢糧無措奏准下流各府發賣抽分稅銀以充軍餉因此十餘年來彼處居民以食廣鹽為便各處商人以販廣鹽為利今一旦遏止委的民與無鹽之嘆商失經營之利眾口嗷嗷羣聚告擾且南贛地方界連三省盜賊淵藪今雖順軍不測之患難保必無軍餉之用不可不備况江西



各府節遺荒旱衛所官軍月糧屢年不得開支甚切匱乏之憂如蒙  
皇上憫念地方俯順商民之情乞勅該部議處准令將廣鹽照舊疏  
通於袁臨吉三府發賣每季行委隔別府分廉能佐二官一員管理  
抽收稅銀貯贛州府庫聽候軍餉支用有餘助給官軍月糧等項之  
乏其餘貨物俱免抽分聽臣嚴督守巡等官查革姦弊年終造冊繳  
部查考等因奏奉聖旨該衙門知道欽此查行間今副使徐文溥又  
奏前因看係一事况所見相同揆之民情土俗似亦便順但於例未  
宜及事在彼中遵難定奪合行撫按衙門再行議處停當徑自奏請  
施行等因又查得先准本院咨為順人情宜土俗以通鹽法以充國  
賦事該巡按兩廣監察御史曹軒等奏言之續准本院咨為承詔敷  
陳軍民利病以恢弘聖治事該巡按江西監察御史黎貫亦奏言之  
又該前都史聶會同廣東清軍監察御史楊銓議照袁臨吉三府雖  
係行准鹽地方水逆灘險鹽船不到自奏准開抽通廣鹽以來彼處  
軍民惟食廣鹽商人得利與販日眾近奉例禁革民缺鹽失利情甚

竹湖奏議卷二

三

不堪揆之理勢誠不可以疎通等因咨院及據江西布按二司守巡  
嶺北道左參政王大用兵備副使林大輅呈稱訪諸鹽商自南雄太  
平橋權稅般至信豐縣九渡水下船徑抵贛河商樂其便而南安則  
惟章水一支河道紆淺兼以折梅亭換夫頗費脚力商人就此者少  
又瑞金石城小路之鹽自福建汀州而來俱舟入貢水亦為違禁若  
在南安抽分則信豐各縣所過之鹽俱得不稅合無查照舊規准將  
廣鹽許行袁臨吉地方發賣於贛州龜角尾官廠照例抽稅於東西  
浮橋如法啟閉每季於隔別府分坐委佐貳官員前去管理驗有廣  
東南雄府票照會經太平橋稅過每鹽引抽一引半其餘無票者  
每鹽十引抽二引折收價銀送贛州府貯庫以備軍餉支用及南贛  
各衛所官軍月糧并各縣隄備官軍口糧缺少湊支每季贛州府將  
抽過銀兩數目備申合干上司衙門查考臣惟御史曹軒等奏議率  
與咨內事理相同參政王大用等所呈亦似議處停當利民裕國足  
為良法况廣鹽先年通行於袁臨吉未聞鹽法有礙近年止行於南

贛未聞准鹽有來若不仍照先年疏通徒使私販益眾官捕益勞利  
歸漏網之夫而鹽食愈難起拒捕之輩而事勢可慮抑且軍儲無  
資緩急無措非計之得也伏望皇上軫念下情俯從輿論特勅戶部  
計議施行地方幸甚緣係遵勅諭陳利弊以消天變事理未敢擅便  
為此具本順差千戶楊忠親齎題請旨

請採京營積弊以備不虞疏

嘉靖五年正月十一日

題為請採京營積弊以備不虞事准兵部咨該吏科給事中楊秉義  
題該本部議題奉聖旨是都准議行欽此欽遵內開一慎將令竊惟  
為政以用人為先御軍以擇將為急見今淮揚等處地方災傷重大  
民窮盜起勢所必至陝西延寧甘肅等處又各有大勢同蓬出沒侵  
犯邊將練兵用戒不虞誠為目前急務合無本部查照先令事理通  
行兩京五府各部都察院通政司大理寺各堂上官弁掌科掌道及  
在外巡撫巡按布按二司等官文書到日限一箇月以裏各從公保  
舉謀勇廉能軍職官員不拘邊方腹裏寒微世胄開具履歷實跡徑

竹湖奏議卷二

四

自具奏本部遇有領軍及坐營等項相應員缺斟酌推舉上請簡用  
不許推託避嫌及濫保不實有負朝廷訪求將材至意備咨到臣除  
軍職才績未著及詢察未真外訪得福建總督備倭都指揮僉事王  
朝弓馬素習而文事兼通督備效勞而海寇遞迹湖廣守備柳桂等  
處地方署都指揮僉事沈鸞先經征進而擒斬有功久任邊方而軍  
威克振江西贛州衛見奉查勘功陞都指揮僉事吳山年力方壯而  
累建軍功志操可觀而亦善騎射見奉查勘功陞都指揮僉事明德  
屢征寇盜而獲功已多素有勇謀而居間頗久以上各官職雖不同  
才皆堪用乞勅兵部再加查訪果如臣所言將各官量才授任則將  
領不致缺人而軍職亦知所勵矣緣係請採京營積弊以備不虞事  
理未敢擅便為此具本專差舍人謝珂親齎題請旨

擒斬反招點賊功次疏

嘉靖五年二月二十九日

題為擒斬反招點賊功次事據廣東按察司整飭兵備兼分巡嶺東  
道僉事施儒呈為乞早發兵剪除反賊以安地方良民事據守備惠



潮等處地方以都指揮體統行事廣州左衛指揮僉事程鑒并領哨  
惠州等衛指揮等官高瑛等稟稱有名賊首賴貴張廷山張廷貴并  
甲從賊人劉廷珠等俱已擒斬將盡雖有敗逃一二一時難以搜扒  
乞行留兵戍守仍乞呈請擧兵等因據此案查先據惠州府歸善縣  
寬得都鄉老總甲被害民鍾明廣陳尚能等各狀訴稱桃子園首從  
強賊賴貴等反招聚眾劫殺人財虜姦婦女占奪田土等情已經會  
議備由通行呈稟及調集原借留操調達官火明伍宜等并指揮吳  
樹哨官軍與原顧募打手及附近龍川興寧海豐程鄉揭陽河源等  
縣地方慣戰鄉夫行委管操惠州衛指揮高瑛惠潮二府推官周楫  
李喬木龍川等所縣千戶呂員朱鼎吏目吳增等官分領哨道剋期  
進剿又因前賊逃入深險山峒仍催督原奉軍門督發截捕別起流  
賊指揮雷潤哨官軍并達官亦卜刺因等併勢夾攻隨奉軍門會批  
據本道會呈前事奉批議仰本道依擬嚴督上緊剿捕務在事機機  
密計慮周詳獲功解報以靖地方重加獎賞毋容輕率怠誤貽患若

竹筒奏議卷二

五

選

究及秦提督南贛汀漳等處軍務都察院右副都御史潘批仰嚴督  
官兵追剿事平將獲過功次用過錢糧開報又蒙巡按廣東監察御  
史涂相批看得殘賊賴貴等背招肆惡為患地方亟宜剿滅動調官  
兵事宜悉依擬行務使賊黨悉除獲功解報仍須戒諭督兵等官程  
鑒等毋得濫及良民斯為善舉其合用錢糧徑自酌處事完之日造  
冊繳報查考依蒙督據各哨官兵擒斬首從反賊賴貴等一百七十  
六名顆俘獲賊屬婦女大小八十三口并器仗馬匹前來會審閱實  
賊人賊級轉解賊屬權宜變賣價銀添濟賞功器械馬匹給與兵壯  
領用餼養騎征外又經催督各哨將搜山續獲賊人張廷貴宋亞黃  
等六十五名顆呈報在案今據前因看得前項惡賊賴貴等已擒斬  
二百四十一名顆雖尚有散逃餘黨數亦不多但山峒險遠林木障  
翳易於藏躲一時委難搜扒盡絕必須留兵防守庶免殘黨聚聚之  
患合無將本道願募打手五百名并留指揮雷潤哨官軍四百三十  
員名仍在桃子園相埔地方屯紮緝捕殘黨護民耕種其餘官軍打

手鄉夫民壯悉行解散呈乞照詳等因到臣案查先據守備惠潮等  
處地方以都指揮體統行事廣州左衛指揮僉事程鑒呈為被強賊  
劫掠打鴨銀兩搶掠家財焚燒房屋等事據長樂守禦千戶所中該  
蒙分巡僉事施儒案驗內開據潮州府呈據饒平縣德洲都致仕知  
州饒金家人饒二具狀訴嘉靖四年八月內有家主前往本部安樂  
渡村收租本月二十九日早忽被強賊一宗二百餘徒突來本村劫  
掠將家主細縛搶利租銀七十餘兩家財衣服劫空仍劫大河宜水  
至三河巡檢司前隔河地名東門埔白日放火焚燒民屋三十餘家  
殺死民人杜大曾二仔二命仍將家主綁到竹頭坑屯割逼銀一百  
兩方纔釋放各賊於大麻村登岸去訖告乞轉達施行等因據此又  
據海陽縣地方總甲劉廷陽呈稱前賊在於饒平德洲都虜船過河  
突來到都虜劫鄉民陳文祐林大等家九月初七日至土名深村廷  
陽家住夜次日早將林大并經紀人賴大公殺死二命等因又據三  
河巡檢司申據饒金家人饒才告同前情及據民鄧文譽吳濤等告

竹筒奏議卷二

六

選

稱前賊打劫饒知州及劫東門埔曹承瓊等入財放火燒屋殺人流  
劫大麻一路入財殺死鄉民錢大仍虜男婦二十餘名口本司督兵  
追捕前賊擁入崑崙銅鼓嶼去訖等因到府轉呈到道看得前賊聚  
集二百餘徒流劫鄉村殺人燒屋勢頗猖獗若不疾早撲滅未免釀  
成大患除行委該府推官李喬木等督兵追捕外今訪探得前賊越  
往海豐縣地方流劫緣照該縣捕盜缺官兵力寡弱恐難支持該府  
捕盜通判陶天祐年力衰憊亦難專責應合權宜暫委推官周楫督  
捕案仰本所速行守備指揮程鑒統領惠州碣石各衛所見在巡捕  
官軍并起取附近屯堡精壯軍餘各備鋒利器械督同推官周楫兵  
壯打手人等黏蹤追捕獲功解報施行依蒙備申到職切照惠潮二  
府地方每遇秋冬流賊往往聚眾劫掠今據報稱賊勢猖獗若仍於  
衛所起調巡捕及屯堡兵夫前去截遏尤恐兵力寡弱不無誤事必  
須呈調經戰精勇官兵督發相機跟捕方克有濟如蒙軫念乞發廣  
城下班休息總官二十名殺手三二百名及歇班惠州衛指揮雷潤



碼石衛指揮房錦二哨旗軍協同附近地方兵夫分發併勢尋蹤擒捕其合用馬匹錢糧乞行守巡道議處備用等因具呈前來續據分巡嶺東道僉事施儒呈為走報緊急賊情事據潮陽縣申稱本年九月十七日被流賊江文生等打劫貴山等鄉人財姦淫婦女燒燬屋屋捉虜吉安巡檢司巡檢施淵等因到道看係捉虜職官重情除嚴督原委推官李喬木周楫并督發管操指揮高瑛統領見在達官千長總小甲打手共一千員名前去追捕并關福建分巡漳南道督兵把截各賊歸路及懸重賞示諭兵夫用命舉事等因前來又續據僉事施儒呈為地方緊急賊情事據領哨惠州衛指揮使高瑛呈前事蒙本道紙牌備仰本職統領副巡檢練廷爵并達官千長打手兼程前去隨賊向往黏蹤追捕務將前賊全夥擒捕盡絕奪回被虜官員獲功解報依蒙統領副巡檢練廷爵并達官千長打手共一千餘名到於地名梅子坑據緝事打手走報流賊約有一百餘徒越來下前雙頭畔田等村打劫民人張宗廣等家等因隨即統兵跟蹤追捕前

竹瀾奏議卷二

七

賊聞知驚懼先將原虜去吉安巡檢司巡檢施淵脫放逃往地名梅林河埠虜船駕到黃牛渡隘上登岸放火燒燬民房突入十二都巡檢司屯劄本職探得溪溪地名葵潭係是衝要水陸要路督兵到彼截遏設法出奇分兵河埠四岸裝伏前賊駕船乘隻開裝旗號擲船執旗上岸迎敵彼賊督兵交鋒對敵當有千長曾元魁等衝鋒破陣被賊殺傷眾兵奮勇向前當陣擄斬打旗賊甲并賊都總江文生黃環等及殺傷數多各賊敗走兵夫追逼俱投葵潭河中淹沈難以斬取首級共擒斬獲賊人首從六十九名夥俘獲賊馬三匹奪回被虜船大小七隻省令舊役老人賴伯壽并鄉民李昭收候聽取等因又據揭陽縣千長蕭璋呈解賊級一顆長樂縣地方排年李元美等呈解生擒賊徒陳元達等六名賊級一顆各到道審問明白今將擒斬首從賊人賊級七十七名顆呈解審閱施行等因及該軍門批發蒼梧道巡守官查審閱驗續據巡守嶺東道僉事等官施儒等呈為乞早發兵剪除反賊以安地方良民事據惠州府歸善縣寬得都鄉

老鍾明廣總甲官佐民人石記全陳尙能謝本明各具狀訴稱被桃子園殘賊賴貴蕭廣朱白廷張廷山等糾合三百餘徒反招聚眾開張黑旗鳴鑼放銃劫殺入財荼毒地方本年七月內將良民張文興等一家并朱亞狗殺滅八月十九日捉虜陳尙能妻朱氏陳細娘逼銀贖命九月二十九日殺死陳尙成譚氏等命捉虜陳尙雄石原傑等入巢打逼不知生死姦占闕氏并女二口為妻日逐大肆去劫抄掠鄉村人財良善拋棄產業逃命山林況今冬熟不能收割妻兒失食告乞急救倒懸發兵剿捕以靖地方民賴安生等情據此查得先因桃子園賊首李文積等反招聚眾劫殺入財占奪田地已該分巡僉事施儒會同前帶管分守左參議徐度勸議明白備由通行呈奉三府并提督南贛軍門及蒙巡按察院等衙門批行動調漢達官軍兵壯行委守備指揮程鑒統督領哨同知莫相指揮等官劉璟等管領剋期擄巢剿擒渠魁黨從李文積等一千七百六十餘功解報審驗處決外續奉撫按衙門案驗批呈依奉將各哨官兵聖散仍行緝

竹瀾奏議卷二

八

捕餘黨及借留領哨惠州衛指揮僉事吳樹哨官軍哨守地方彼因殘賊賴貴等狡黠避匿深山搜捕不獲師還復出始及一百六十餘徒隨據甲頭賴貴王廷珠等具狀赴道告乞招撫時值春耕暫行俯順牌仰巡檢楊漢押帶賴貴等各還原居本分耕種仍處給口食牛種安插停當造冊回報在案今告前因參照殘賊賴貴等與李文積等同夥為盜征剿漏及既經撫處安插即當改過自新乃敢復肆兇頑糾集醜類劫殺人財虜姦婦女逐散良善占據田產遂致告誅紛然警報日聞若不疾早撲滅未免釀成大患又該各職督同守備指揮程鑒照前賊積年狡黠巢穴星散若只一路進兵未免東追西竄隨會案將見在召募及借留長樂國操達官打手并添調附近歸善長樂程鄉興寧等縣慣能殺賊敢勇鄉夫共四千餘員名行委惠州衛指揮高瑛楊昂惠潮二府推官周緝李喬木龍川千戶所副千戶呂員吏目吳增程鄉縣主簿陳政等官分領哨道仍行守備指揮程鑒統督剋期並進夾攻剿捕欲候呈請至日方行舉事緣程途遙



涉往返日久恐機事預泄則賊得爲備功難速成除一面督發各該官兵追剿前賊獲功之日另行解報外今將緣由具呈照詳等因前來已經批仰嚴督官兵追剿去後續據巡守嶺東道僉事等官施備等呈爲擒斬反招點賊功次事內開據指揮高瑛哨生擒賊首賴貴賴富賊徒謝德勝等共三十四名斬獲賊級四十三顆俘獲賊屬劉氏等大小共七十七口奪獲賊馬三匹推官周楫哨生擒甲從賊人王大等四十五名斬獲賊級四顆俘獲賊屬張氏等四口推官李喬木哨生擒賊首張廷山賊徒廖亞伯楊阿琳等共三十六名斬獲賊級十顆奪獲賊仗腰刀二把槍一根馬一匹禽書一本黑袖旗一面千戶呂員吏目吳增哨生擒賊徒張廷興等五名斬獲賊級三顆千戶朱鼎哨擒獲賊人伍世寬等四名斬獲賊級三顆把截要路巡檢楊漢擒獲賊徒鄒叔仔謝鸞等二十三名俘獲賊屬二口巡檢楊通擒獲賊人二名唐從貴沈亞二驛丞鄭文秩擒獲賊犯一名途明主簿謝鐘擒獲賊徒江大等五名各前來審得賊首賴貴賴富等甲從

竹湖奏議卷二

九

賊人劉廷珠等六十六名弁審究因傷中途身死首從賊人張廷山等四十七名及就近斬獲賊人劉會總等首級六十三顆共一百七十六名顆各委的先投在李文積等手下爲盜大征脫捕後隨同賴貴等聽撫反招劫殺張文興等家人財占奪田產等情是實取具口詞在案賊級委千戶魏騰高等閱驗真的及審得解來賊人數內朱亞長等四十二名各執詞有稱係近投入在彼耕田者有稱在彼附近居住者俱不爲盜等情及數內朱亞長等三十名俱有該圖里老見在證審果係良善當即釋放其劉廷聚劉廷器黃明何本旺廖舉李元禎李亞長鍾彪葉四九名止係一面之詞劉湯莊梁金保陳學仔三名跡涉疑詞俱係事干強盜重情速難輕信發回該管河源等縣速拘里排親鄰審勘弁將器仗馬匹給與見操兵壯領用餵養騎征賊屬權宜酌處就彼變賣價銀入官添獎賞功及再嚴督各哨官兵搜扒賊匪餘黨盡絕另行解報今將首從賊人賊級共一百七十六名顆呈解審驗施行等因及該軍門批仰查核道分守官會審

閱驗去後今據前因臣會同提督兩廣軍務兼理巡撫都察院右都御史姚謨總鎮兩廣等處地方內官監太監鄭潤鎮守兩廣地方總兵官征蠻將軍撫寧侯朱麒巡按廣東監察御史涂相議查得別卷一宗爲陳言地方利弊事節該兵部看得巡按御史高公韶奏稱廣東之盜宜於撲捕而不宜於大征備言撲捕之有益與大征之有害切緣廣東之新寧清遠白水後山恩平陽江綠水羅傍河源龍川等處委的盜賊淵藪常年竊發不能斷絕撲捕於始發則用力易而爲費少俟其猖獗而後調兵征之則用力難而爲費多合無今後地方但有盜賊竊發即便督行守巡兵備等官設法撲捕不許遷延怠忽釀成大患其有功績顯著者亦與具實奏聞以憑議擬陞賞不許勢要子弟捏名誣報若果賊勢重大相應大征亦須指定地方賊首姓名不許含糊延蔓惟圖報功莫辨玉石其有相應撲捕而不行早處必欲養亂自利者許巡按御史指實劾奏等因題奉欽依備行前來通行欽遵外臣等爲照廣東惠潮二府饒平長樂等縣接連福建江

竹湖奏議卷二

十

西地方三省交界萬山盤礴路徑聯絡多岐延袤數千餘里自昔流連嘯聚動成大患今流賊江文生等敢以烏合之黨類流劫良善之鄉村殺虜人財而肆無忌憚姦汗婦女而白晝橫行拒敵官兵捉虜職官驚駭郡邑兇惡特甚若非早爲殄滅必將流禍於四方反賊賴貴等本該桃子圓之殘黨復踵李文積之故智據舊巢而兇殘大肆助官司而劫掠盛行殺人放火無所不爲占產奪婦特其餘事若非急謀蕩掃亦必貽釁於他日今分巡僉事施備乃能運謀設策籌畫有方於流賊江文生等既已剪其萌芽賊黨爲之遠遜於叛賊賴貴等亦復搗其巢穴賊星爲之漸清伴誠已踰四百之眾靖寇用安兩郡之民且不多煩兵力亦無浪費錢糧其功實爲可嘉分守右參議汪思亦能同心督率協力贊成計畫無遺進攻有備其功亦宜所錄再照守備以都指揮體統行事指揮僉事程鑒承委剿賊克效勤勞亦合優獎但思典出自朝廷非臣下所敢擅擬伏乞聖裁除行該道守巡守備官將原調征有功官軍人等查照規格稿賞以勵人心及



盡行擊散放回休息外緣係擒斬反招點賊功次及節該兵部題奉  
欽依備行但有盜賊竊發即便督行守巡兵備等官設法撲捕其有  
功績顯著者亦與具實奏聞議擬陞賞事理未敢擅便為此具本專  
差舍人劉高親齎謹題請旨

議處守備官員疏 嘉靖五年四月初十日

題為議處守備官員事臣惟南贛乃多事之地守備為禦侮之官安  
攘之計擇將為急訪得守備江西南贛二府地方都指揮僉事康英  
年力衰憊動履艱辛徒取素餐之譏難責奮武之效且聞本官亦嘗  
奏稱有疾乞回調治此其自知之明不可一日安乎其位者也又訪  
得江西贛州衛指揮使陞都指揮僉事吳山明德之二臣者並當壯  
年而累建軍功俱有謀勇而習知土俗但因奉查功次在間日久若  
以見陞職銜用之功次聽查或以原任職銜用之以都指揮體統行  
事則皆可備將領者也伏望皇上加察勅兵部計議合無將康英放  
回原衛以遂其私將吳山明德量用一員就近交代惟復別選將材

竹瀾奏議卷二

十一 步 選 處

速令赴任庶幾守備得人而地方有賴矣緣係議處守備官員事理  
未敢擅便為此具本順差舍人來儀親齎謹題請旨

謝恩疏 嘉靖五年七月二十九日

奏為謝恩事嘉靖五年七月二十二日准兵部咨為擒斬反招點賊功  
次事內開該本部具題奉聖旨是各官既能擒斬劇賊巢穴盡空兵  
功可嘉鄭潤姚鎮朱麒潘希曾涂相各賞銀二十兩紵絲二表裏施  
儒汪思程整各賞銀十五兩紵絲一表裏欽此欽遵移咨到臣本月  
十七日贛州衛舍人來儀於禮部順領花銀二十兩大紅織金獅矛  
紵絲一表裏素紵絲一表裏齎送到臣除欽遵望闕叩頭領受外伏  
念草竊就殄邊陲稍安藉兵力以有成仗天威於無外雖嘗指示實  
匪賢勞乃蒙溫旨褒嘉概與賞功恩典白金頒內藏之寶拜捧生輝  
文綺重華袞之榮被服思稱極逾涯分莫報消埃尙當省厥躬推之  
揚清激濁庶以脩內治期于本固邦寧臣不勝感戴天恩之至為此  
具本專差禾戶李環親齎謝恩謹具奏聞

守備缺官疏 嘉靖五年十一月初七日

題為守備缺官事照得福建守備汀漳地方以都指揮體統行事指  
揮僉事賈能因嘉靖二年五月內流賊劫掠長泰縣珪塘地方該巡  
按衙門參奏嘉靖四年十一月內提問隨該鎮巡衙門會委鎮海衛  
指揮同知徐麒暫管守備汀漳查得賈能緣事一年之上尚未回任  
就使問結而庸懦誤事亦難倚賴况多事地方苟非任用得人正其  
體統何以奮武弭盜訪得見委徐麒克效勤勞福建三司守巡官考  
語類多稱其練達而可當一面江西贛州衛功陞都指揮僉事見奉  
查功吳山先嘗經臣保舉江西三司守巡官考語類多稱其勤能而  
武藝優長此皆可備推選者也伏望皇上俯察臣言勅兵部計議合  
無將賈能放回原衛以戒不職將徐麒吳山量用一員就近接管惟  
復別選才能速令赴任則官不久缺而事可責成地方亦得保障矣  
緣係守備缺官事理未敢擅便為此具本專差舍人李環親齎謹題  
請旨

竹瀾奏議卷二

十一 步 選 處

議處兵備官員疏 嘉靖五年十一月十一日  
題為議處兵備官員事照得湖廣整飭郴桂衡永等處兵備自副使  
廉謐考察去任迄今一年新除副使尙未到任該省撫按衙門始委  
分守上下湖南道右參政留志淑帶等尋委分巡下湖南道僉事鄭  
光琬又委分巡上湖南道僉事汪濬相繼帶管雖地方多故勢非得  
已然往來不常交代無緒虛文遙攝顧彼失此且承委官員未免遷  
延避難姑俟兵備之至而遂諉之也况郴桂等處乃湖南極邊與江  
西廣東接連隸臣管內緣無專官任事難以責成盜賊之行捕屢督  
未獲貪殘之發問屢催未結雖臣亦日俟兵備之至而卒未至也地  
方廢事深為可虞伏望皇上加察勅吏部計議合無將久除不到副  
使作缺別處另擇廉能官員推補速令前來管事地方幸甚緣係議  
處兵備官員事理未敢擅便為此具本專差舍人來儀親齎謹題請  
旨

申明地方事宜疏 嘉靖五年十一月十一日



題爲申明地方事宜事竊照南贛汀漳與惠潮南部郴桂等處當江西福建廣東湖廣各邊之交萬山中峙而巒壑雜居大海外薄而蕃舶時至盜賊之出沒無常招撫之叛服靡定雖地割四省而延袤數千里間賊情略相等也臣到鎮以來嚴督各該守巡兵備守備等官練兵備盜綏善禁姦雖鼠竊狗偷時就撲滅而恃險稔惡難保無虞使非先事豫防何以圖難於易查得兩廣鎮巡衙門與臣會本內開別卷一宗爲陳言地方利弊事節該兵部看得巡按御史高公韶奏稱廣東之盜宜於撲捕而不宜於大征備言撲捕之有益與大征之有害切緣廣東之新寧清遠白水後山恩平陽江綠水羅傍河源龍川等處委的盜賊淵藪常年竊發不能斷絕撲捕於始發則用力易而爲費少俟其猖獗而後調兵征之則用力難而爲費多合無今後地方但有盜賊竊發即便督行守巡兵備等官設法撲捕不許遷延怠忽釀成大患其有功績顯著者亦與其實奏開以憑議擬陞賞不許勢要子弟捏名誣報若果賊勢重大相應大征亦須指定地方賊

竹澗奏議卷二

三

首姓名不許含糊延蔓惟圖報功莫辨玉石其有相應撲捕而不行早處必欲養亂自利者許巡按御史指實劾奏題奉欽依備行欽遵一節臣惟先撲捕而慎大征深切廣東事宜如近剿惠潮叛賊賴貴等不甚費而易爲功者正以此也但南贛汀漳郴桂等處皆與廣東接連事體相同前項欽依事理未蒙通行無以明示各該官司以作其奮武之心以懾彼姦穴之氣似爲未便伏望皇上勅兵部計議合無查照前項欽依事理備行到臣督行各該官司一體欽遵庶幾事可早圖兵知自奮而盜將聞風消沮矣緣係申明地方事宜事理未敢擅便爲此具本順差舍人來儀親齎謹題請旨



竹澗先生奏議卷三

續金華叢書

更任官員疏 嘉靖六年二月初二日

題為更任官員事據江西南安府申稱所屬南康縣地方衝要人民悍頑健訟知縣彭寅賦性純篤事難分理况兼各項公務冗沓竊照上猶縣民淳地僻知縣洗滌年力壯強頗堪幹濟合無將各官更任管理庶乎才識各宜公務舉等因到臣竊照南康地要事繁非強幹之才莫任上猶地僻事簡則純篤之性所宜况彭寅到任已逾三月洗滌在任又逾二年其才性行事皆已可見故該府申請更任無非為地方計也伏望皇上勅吏部計議合無俯從所請將洗滌改南康縣知縣彭寅改上猶縣知縣則官使隨器而民牧皆得人矣緣係更任官員事理未敢擅便為此具本願差千戶陳琢親齎謹題請旨

自陳不職乞罷黜以弭災變疏 嘉靖六年三月初十日

奏為自陳不職乞罷黜以弭災變事近見邸報該禮部會奏脩省等因節奉聖旨兩京四品以上官著自陳竊念臣猥以疏愚誤蒙任使

竹澗奏議卷三

一 步 選 廣

自受命以來將及二年於地方軍民之寄殊無寸補雖兢惕之心靡寧而災變之來未已况本年二月中嶺東殘寇竊發即今用兵剿捕勞民傷財實臣之罪如臣者蓋尤不職者也伏望聖明將臣早賜罷黜委任賢能則人事克脩而天意可回矣緣係自陳不職乞罷黜以弭災變事理為此具本願差舍人劉高親齎謹具奏聞伏候勅旨

自陳乞休以嚴考察疏 嘉靖六年五月初八日

奏為自陳乞休以嚴考察事竊惟朝廷黜陟之典所以勵世人臣進退之道在於審己臣年五十有二竊慮兩京歷官十任雖葵藿之誠向陽不改而蒲柳之質望秋先零茲當一面之寄尤為百責所萃罪策不前竊曠是懼揆諸今年考察之例固應罷黜者也伏望聖慈賜臣休致庶免重臣之罪臣無任瞻仰悚懼之至緣係自陳乞休以嚴考察事理為此具本專差舍人來儀親齎謹具奏聞伏候勅旨

謝恩疏 嘉靖六年六月初九日

奏為謝恩事近准吏部咨該臣奏為給由事該本部覆題查得臣歷

俸三年考滿例應給由止該引奏復職見奉勅提督前項地方軍務難以離任合無照例行令本官就彼復職管事等因具題奉聖旨潘希曾准令就彼復職管事欽此欽遵備咨到臣除謹謝恩遵依復職管事外伏念臣章句粗知才猷素劣謬膺風紀復詰戎兵連四省之邊疆徒慚坐鎮勤九重之南顧曷克少紓三載當考而續弗彰五十知非而分宜退乃蒙天地曲成不以草茅遺棄俾之復職俟其後功感懼益不自勝報謝真知所措臣敢不鞠躬盡瘁期有補于明時偃武修文以無負其所學為此具本專差百戶林思恩親齎稱謝謹具奏聞

剿平流劫叛賊疏 嘉靖六年十月初八日

題為剿平流劫叛賊事據江西按察司帶管整飭兵備分巡嶺北道副使林大輅呈據贛州府衛同知伍佐指揮使姚璽呈嘉靖六年二月二十九日鈔奉欽差提督南贛汀漳等處軍務都察院右副都御史潘鈞牌為地方緊急賊情事先該調委江廣贛州南韶惠潮等府

竹澗奏議卷三

二 步 選 廣

縣衛所通判等官董鳴鳳等統領官兵各赴有賊處所夾剿仍差官齎執令旗令牌催發并行各省該道守巡兵備守備等官嚴督進兵今照前賊勢尚猖獗行仰各職統領見操機打并黃鄉保葉芳等兵夫多方設法不分彼此界限攻圍夾剿務期搗巢搜捕盡絕有功員役從厚給賞其軍中事情不時差人馳報承委官員務要計出萬全事圖必克以憑旌奏等因及蒙江西布政司帶管分守嶺北道左參政方楷按察司帶管整飭兵備分巡嶺北道副使林大輅案驗俱奉本院鈞牌前事遵依統兵直抵龍南縣太平保駐劄本年三月初六日把隘團長李諫等於小江口擊獲強賊一名張仕誠十四日伏路機兵溫珊等於程坑巡擊獲強賊一名王汝言把截本府知事劉璣於陂頭隘擒獲強賊曹宗文等二名馬二匹職等隨差鄉導分投瓜探前賊俱在廣東和平縣洲頭賊首盧源巢屯劄就於四月初五日統領安遠縣知縣劉信龍南縣主簿蘇珪原發失事贛州衛指揮劉鏗等官兵遵照軍門指授方略直抵前巢初七日各賊恃險迎敵



我兵奮勇自卯至午連戰數合賊腹背受敵大敗擒斬首從賊人賊級鬼吹角譚天秀李聰即李鳳等一百七名顯奪獲黃旗一面腰刀長槍二百三十五件馬五十五匹將巢燒燬餘賊奔潰隨督各哨官兵於初八日追至九連山下攻圍曲潭石柘二巢斬獲賊級八顯奪獲槍刀四十六件當用火箭縱燒賊壘房屋三百餘間燒死賊徒男婦數多因火焚化不得割取首級餘賊漫散逃入九連山等處又奉本院鈞牌務將殘賊搜捕盡絕遵依督發龍南縣陰陽等官廖思欽等官兵追至地名秋湖槽確坑等處生擒甲從賊林危等二十四名又該原發失事贛州府捕盜通判董鳴鳳帶領家人董福等追至地名梅花寨等處生擒從賊劉汝觀等一十名主簿蘇珪在地名兩頭塘五花障嶺等處擒斬賊人賊級楊崇堅等二十六名顯俘獲賊屬何氏等一十八名口奪回被虜男婦劉奎謝氏等一十二名口信豐千戶所百戶雷雄擒獲從賊一名李大頭南康縣主簿張仕擒獲從賊一名華浩龍南縣典史沈璇上猶縣哨官尹志爵等擒獲從賊黃

竹潤奏議卷三

三

恩紹等二名報效吏鍾文等敵殺賊級一類及督據龍南縣知縣臧志觀搜捕賊人張孟猶等二十名前後奪獲刀槍二十三件除將馬匹軍前給賞獲功人役器械給兵領用賊人賊級男婦旗號俱解提督軍門發審外即今賊巢已空殘黨俱盡地方寧謐前項軍兵遵照明文掣放訖并准守備福建汀漳都指揮僉事吳山開報督率哨下官兵擒斬賊人賊級二十名顯俘獲賊屬男婦七名口守備江西南贛都指揮僉事明德開解賊犯劉經等五名反贛州衛百戶俞洪盤獲賊犯一名羅二等因各到道會同分守左參政方楷案查節奉本院鈞牌仰本道親詣各該地方嚴督原調各官兵人等分投截殺隨賊嚮往追趕合兵夾剿務期盡絕有功官兵本院從厚旌賞敢有違誤定以軍法議處事完通將驗過功次用過錢糧造冊繳報查考等因依奉嚴督各哨官兵人等夾剿及紀驗造報續奉軍門批發各哨官兵擒斬首從賊人賊級并賊屬男婦賊仗仰道審報依奉將首級驗明梟示生擒賊犯審係情真無訛者解赴軍門審決其有詞及

情有可疑者俱行查勘明白呈允釋放俘獲賊屬男婦審發贛縣變賣被虜及原不知情男婦給親認領贖銀九兩五錢七分贖物一封黃旗一面并解到器械二十三件俱發府貯庫解到牛馬一十一頭四行令實價入官等因并據廣東按察司分巡嶺南道僉事劉喬呈為地方緊急賊情事據韶州府呈先據翁源縣申報被和平河頭強賊盧顯等突來包圍嚴寨等情已經依奉鈞牌行本府捕盜通判符錫領率千戶等官袁健等選集軍壯鄉兵前去約會惠潮龍南官兵前進九連大山夾剿續准本官陸續解解擒斬賊首從李英等一百六十六名顯到府已將見在黃政季清等九十四名并病故賊首李英首級一顆俱經差人解赴南贛提督軍門斬獲首級一十三顆與解出中途病故及監故共五十八名俱斬取首級發翁源縣梟示賊屬五十五名口查得數內黃氏等七名口并章奇解審外其湯氏等四十七名口變賣價銀五十兩九錢馬四匹內一匹倒死三匹賣銀四兩五錢段絹綿葛布疋衣服共一百一十件賣銀八兩零八分五釐牛一十七頭賣銀三十三兩其奪獲器械二十件隨給兵壯殺賊連將翁源縣變賣賊屬黎氏等一十八名口價銀三十七兩五錢并追出賊銀解送到府俱貯庫及查本官先准守備南韶都指揮僉事孫瑛手本奉明文將原調官兵於本年陸月初十日通行掣放等因又據南雄府呈稱行准委官推官趙珩稜稱奉委親詣各縣督率縣丞等官杜洞等起集打手鄉兵民快旗軍分佈於各通賊要路把截及前往和平麻放等處協剿緣無賊迹窩巢盡空隨將各哨兵夫查照掣放等因各到道案照先節奉欽差提督兩廣軍務兼理巡撫都察院右副都御史潘鈞牌并奉欽差提督兩廣軍務兼理巡撫都察院右都御史姚某會同欽差總鎮兩廣等處地方內官監太監鄭某欽差鎮守兩廣地方總兵官征蠻將軍撫寧侯朱某及蒙巡投廣東監察御史蘇恩鈞牌案驗俱同前事依奉該本職會同分守嶺南道左參政胡璉及守備都指揮孫瑛親詣南韶地方嚴督原委通判符錫推官趙珩等各查照約會江西龍南本省嶺東等處官兵併力夾

竹潤奏議卷三

四

剿



剿獲奉南贛提督軍門鈞牌備行本道將各官兵斬獲首級經自紀  
驗賊仗婦口從宜區處生擒首從賊犯解來軍門依奉該本道看得  
見任翁源等縣督兵又備行南韶二府各掌印官查照閱驗區處轉  
解續准守備都指揮孫瑛手奉南贛提督軍門批查得九連山逐  
賊今已無多已經專責嶺東道官兵捕絕守備孫瑛既呈各兵搜扒  
無蹤仰將各官軍兵夫通行擊放依奉等因又據廣東按察司等衙  
門巡守嶺東道會事謝汝儀左參議周震呈為地方緊急賊情事據  
守備惠潮以都指揮體統行事廣州左衛指揮僉事程鑒呈據惠潮  
府衛等衙門推官李喬木周楫指揮王廷璋高瑛典史副巡檢等官  
林壁陳華練廷爵等各呈繳部下千百長胡王龍并新民鄭志皋等  
結狀前來案查先為前事已經遵奉統督各哨漢達官軍打手兵夫  
協同江西官兵攻剿及陸續扒捕解報連將結狀呈繳到道案照先  
奉南贛提督軍門兩廣三府軍門巡按廣東監察御史各案牌批行  
申呈動調達官軍兵壯打手鄉夫新民人等行委守備指揮程鑒惠

竹濶奏議卷三

五

惠潮府衛推官周楫李喬木指揮高瑛等分作三哨前進尅期搗巢  
夾攻剿捕尤恐異同又行程鑒總統續據守備等官程鑒等并和平  
等縣陸續呈稟申稱統督官兵攻破賊巢新民李鑑等殺死賊首曾  
蛇仔即曾惟德等及奪出破虜贛州府通判董鳴鳳和平縣主簿汪  
清男汪權各哨官兵新民人等陸續擒斬首從強賊陳文奇號名鬼  
吹角譚崇尙陳細面即積貴盧玩即盧源等四百七十名顆俘獲賊  
屬男婦百六十一名口奪獲紅旗一面并賊仗牛馬解報前來俱  
經審驗明白通行解報節奉欽差提督南贛汀漳等處軍務都察院  
右副都御史潘鈞牌仰道嚴督官兵日下搜捕盡絕取具各官不敢  
隱漏結狀備由回報以憑將兵擊放又准總司關奉欽差提督兩廣  
軍務兼理巡撫都察院右都御史姚某批據守備指揮程鑒呈奉批  
兩廣之賊往往以招之太早殺之不盡以致兵馬方回賊黨復出每  
一再舉兵費十倍前事有監所宜痛懲仰守巡官即如程鑒所議措  
置糧餉多方運謀坐委程鑒督兵搜捕必以賊盡為期方得呈請班

師如是力難偏致本省各道并江西該道官各須督率領兵官員併  
心協力求靖地方亦未得專取辦一人以坐誤事機等因及蒙巡按  
廣東監察御史蘇恩批據程鑒呈蒙批守巡兵備道會講通行呈奪  
依蒙通呈量將老弱兵夫先行揀放及節差人督責各哨官兵搜扒  
盡絕結報去後今據前因合無將各哨兵夫原係團操者擊回長樂  
與一時加調雇募之兵通行擊放等因隨據守備指揮程鑒稟報據  
惠州府衛推官指揮等官李喬木雷潤等各督該哨千百長總小甲  
陳仕旦等生擒賊首吳宙黃尙奇二名并前後奪獲沙水牛七十八  
頭馬三匹奪回被虜男婦四十九名口俱解分巡嶺東道審問轉報  
等因各報到臣據此查得先據江西分守嶺北道左參政等官方楷  
等廣東守備南韶都指揮僉事孫瑛各呈該地方搜捕盡絕緣由  
已於本年六月內將二道官兵先行擊放續於八月內將嶺東道官  
兵併行擊放訖查先據江西贛州府龍南縣揭帖稟稱嘉靖六年  
二月初五日據新興保鄉團保長李大弘等飛報本月初四日五更

竹濶奏議卷三

六

時分有廣東強賊一大陣突來本保地名秋湖李海整等家殺人放  
火劫掠家財捉挈人口未知退往何方隨行惟典史沈璇呈報果有  
廣東河源等處強賊約有五六百人大肆猖獗屯劄未散該臣看得  
所屬地方招撫殘賊甚眾一夫竊發則羣醜煽動必須速為撲滅庶  
免滋蔓就經委調贛州府衛通判董鳴鳳指揮劉鏗等統兵剿捕聞  
又據廣東南雄府揭帖稟據始興縣申據州源周所保長黃秀茂等  
呈稱嘉靖六年二月初六日有賊一宗約六七百人在龍南縣地方  
羅坊等處攻劫義民李純寨與本縣連界相離八十餘里四方人民  
驚走等因前來又經行仰鄰界廣東和平等縣差委官兵併力截捕  
及行南雄府推官趙珩率領始興等縣官兵策應一面通行各該守  
巡兵備守備等官分督各兵分辦錢糧就仰各道備呈兩廣提督總  
鎮總兵巡按衙門施行及江西鎮守撫按官知會及其本題知再照  
前賊哨乘日眾又經委調廣東惠潮府衛所縣推官指揮等官周楫  
李喬木等各統所屬慣戰官兵并行守備惠潮指揮程鑒親統見在



募操打手并借留及原調各該官軍兵快併力夾剿又經照得南贛汀漳南部惠潮榔桂等府州縣專隸本院撫屬正為四省交界但有盜賊主發即該調兵夾剿不許互分彼此致誤軍機各賊見今遞回廣東地界在和平河源翁源始興龍南各縣之間牌行江廣該道守巡兵備等官嚴督各該官兵人等分投前進不分彼此界限直抵有賊處所會合夾剿隨賊嚮往追殺務要搗其巢穴及搜捕盡絕有功重賞敢有延違定以軍法處治不貸續據江西贛州府衛同知等官伍佐等稟嘉靖六年三月十五日卯時原調和平縣鄉兵李鑑等在於龍南縣太平保東水村與賊交鋒殺死賊首曾蛇仔飛天鳳鑽山虎三名賊從五十餘走并據廣東韶州府領兵通判符錫稟三月初二日在於翁源縣地名馬子口等處與賊對敵賊眾敗走生擒賊人李思隆等二十五名前來查得先據江西分守嶺北道左參政方楷稟龍南縣捕盜主簿蘇珪報稱二月二十五日前賊從橫岡益徑往太平保將官兵殺敗促虞董通判在陣又據贛州府申三月初二

竹園奏議卷三

七

日據健步廖允瓚齋執被虜通判董鳴鳳稟稱據和平縣曾惟德陳積貴尚琦等各備情詞願聽招撫緣由各報到臣隨經通行各該守巡兵備守備等官督發府衛所縣官兵鄉夫人等約會夾剿及照各賊嘯聚一千餘徒虞官告招仍肆劫掠無非詭計以緩我師又經嚴督官兵追剿及將誤事指揮劉鐘寶發軍前殺賊具本題知又據廣東守備惠潮指揮程鑒稟稱四月初九日據千百長李鑑等走報追賊至九連山奪回原虜江西贛州府通判董鳴鳳并和平縣王簿汪清男汪權及擒斬賊徒三十二名願俘獲賊屬六名口馬九頭匹等因并先據江西贛州府衛同知伍佐指揮姚璽稟稱本月初七日在地名中洲擒斬賊首鬼吹角等一百七名願奪獲黃旗一面初八日又追至曲潭擒斬賊人賊級八名願各報前查得先為催督剿賊賊及關防詐為事牌行各該道府衛所縣領兵等官隨賊嚮往不分縣界務將流賊剿殺盡絕或賊生詭計通令虜去通判挽寫告招稟帖及假稱軍門招撫榜文以緩我兵決不許聽信如賊夥中有將

通判送出陣前棄戈投生者方許收候呈請定奪去後今據前因就將董鳴鳳責發軍前殺賊仍具本題知又據廣東等處提刑按察司呈奉欽差提督兩廣軍務兼理巡撫都察院右都御史姚某案驗據守備惠潮指揮程鑒呈據惠州府和平縣知縣劉琰哨守龍川千戶所千戶吳德潤各稟報本年二月三十日據緝事軍夫項春等走報有贛州府統兵通判董鳴鳳哨兵夫二千名在江西龍南縣地方太平保銀山廟前屯劄本月二十五日未時被賊偷營計算將董通判擊獲去營等情到院會同欽差總鎮兩廣等處地方內官監太監鄭濶欽差鎮守兩廣地方總兵官征蠻將軍撫寧侯朱顯謨照江西官兵追剿流賊曾蛇仔等致被前賊將通判董鳴鳳捉虜入營移文約會督兵夾剿若不差官督催前進未免有失機宜除差官齎執令旗令牌前去督催外仰抄案回司轉行各道守巡兵備等官各作速親詣前項地方督行守備官員嚴督各該漢達官軍兵壯打手鄉夫人等約會江西官兵運謀設策先將通判董鳴鳳取出就將前賊或分

竹園奏議卷三

八

兵撲剿或併力夾攻務要謀慮周悉計出萬全因事制宜隨機應變大收全勝之功盡消兩省之患有功重加旌賞奏請嘉決不相負若偏執違拗坐失事機自分彼此致誤大事則國典具存罪難輕貸軍兵人等敢有懷姦退縮不肯用命及妄殺良善重貽民害者輕則聽各官從宜責治重則照本院欽奉勅諭內事理處斬其指揮千百戶通判等官有犯擊解軍門議斬合用錢糧徑行所在官司支用事完通判用過數目及擒斬過功次緣由通行呈報仍呈提督南贛汀漳軍門及行巡按廣東監察御史各知會等因呈報在卷本年六月初六日准兵部咨該臣題該本部議照前項地方素有盜賊今乃生發聚眾殺人放火劫掠人財比於生時聲勢頗大若不嚴行督捕誠恐為患益深合無本部行文提督南贛汀漳都御史潘某會行各該鎮巡官員嚴督該道守巡兵備等官整擱官兵尋襲風路隨賊嚮往務要運謀設法日下剿捕盡絕以靖地方事寧之日公同巡按御史將有功効勞并誤事人員逐一分明開奏施行等因題奉聖旨是



道地方盜賊竊發便行文都御史潘希曾會行各該鎮巡官嚴督該道守巡兵備等官整率官兵上緊設法剿捕務在日下盡絕以靖地方勿致滋蔓罪有所歸欽此除欽遵通行知會外續准兵部咨為地方緊急賊情事該巡撫江西右副都御史陳洪謀會同太監黎鑑遵按御史徐位題內開稱欲即發兵追捕但會城到彼寫遠難以遙度且提督軍務都御史潘某駐劄在彼責任尤專況已調發同知等官伍佐等前去剿捕除再嚴行該道帶管分守左參政方措帶管分巡兵備副使林大輅俱親赴軍前相機撲捕等因題奉聖旨兵部知道欽此欽遵查得先為前事該提督南贛汀漳等處軍務都御史潘某題該本部覆題備奉前項欽依事理移咨欽遵又節准兵部咨為奪獲被虜官員并地方緊急賊情事俱經查照外今據前因看得廣東嶺東道生擒賊首鬼吹角是的是其江西嶺北道先報斬獲首級係是賊從已行改正查得江廣各道前後擒斬首從賊人賊級共八百六十八名顯俘獲賊屬男婦共二百五十九名口奪回被虜男婦共六

竹澗奏議卷三

九

十一名奪回牛馬共一百五十九頭匹贖銀九兩五錢七分段緝獲葛布衣服一百一十件器械共三百二十四件紅黃旗二面已經行將賊屬贓物與賞剩牛馬各變賣銀同贖銀及給剩器械俱貯庫被虜人口審明給親斬獲賊級紀錄示其生擒賊犯俱發江西守巡嶺北道審決內有情詞可疑者各行勘處外今照前因臣會同總鎮兩廣等處地方內官監太監鄭澗提督兩廣軍務兼理巡撫都察院右都御史姚鎮鎮守兩廣地方總兵官征蠻將軍撫寧侯朱麒巡按廣東監察御史蘇恩議照賊首曾蛇仔鬼吹角盧源黃尙琦等本以刑頭餘黨乃敢反招倡亂糾合強徒開張旗號流劫鄉村而殺人放火極其兇殘襲捉職官而虜掠姦汗特其餘事茶毒一方動搖二省仰仗皇上德威廟堂至計數月之間渠魁授首兇黨悉平巢穴蕩空地方寧靖及照江西嶺北道分守左參政方措分巡副使林大輅廣東嶺東道分守左參議周震分巡兵備僉事謝汝儀守備惠湖以都指揮體統行事指揮僉事程鑒嶺南道分守左參政胡璉分巡僉事

劉喬守備南韶都指揮僉事孫瑛督率惟嚴而分布應援之有方謀力畢效而調度攻圍之得策協心用命克收全功江西贛州府同知伍佐贛州衛指揮使姚璽安遠縣知縣劉信大破賊陣連搗三巢而搜獲有加廣東潮州府推官李喬木惠州府推官周梅惠州衛指揮使高瑛指揮僉事雷潤王廷璋奪回虜官多獲首惡而掃蕩無遺韶州府通判符錫夾剿窮搜亦多俘馘福建守備汀漳都指揮僉事吳山江西守備南贛都指揮僉事明德廣東南雄府推官趙珩分把要害致無奔突以上各官似宜量錄以明勸功贛州府捕盜通判董鳴鳳贛州衛指揮同知劉鏗始雖均於失事終則皆能獲功此二臣者似宜許贖以明使過但陞賞予奪出自朝廷非臣下所敢議也除催取擒斬功次并誤事人員文冊公同各該巡按御史查明另奏外緣係剿平流劫叛賊及節奉欽依便行文都御史潘希曾會行各該鎮巡官嚴督該道守巡兵備等官整率官兵上緊設法剿捕事理未敢擅便為此具本專差千戶楊忠親齎謹題請旨

竹澗奏議卷三

十

嘉靖六年十一月十一日  
題為旌舉方面官員事臣奉命提督南贛汀漳等處軍務一應軍馬錢糧彈盜安民事宜督行江西福建廣東湖廣各布按二司掌印守巡兵備等官共濟厥事中間賢能官員相應旌舉除已經陞轉不關外訪得江西布政司左布政使葉相才敏達而優於剽繁志正大而足以任重右布政使張羽飭行謹而賢聲式著在事勤而藩政以脩左參政方措分守有保障之勞接管無因循之弊按察司副使林大輅領兵雖非所長司憲素稱執法副使喻漢風裁之持久聞兵戎之備克振僉事鍾雲瑞言行本於敬慎姦貪憚其嚴明福建布政司左布政使陳錫性端雅而行脩才諳練而政舉左參政查約政疏通而不遺性嚴毅而有守按察司按察使周廣斷獄有明決之才總憲得嚴肅之體廣東布政司左布政使周宜剛嚴著風紀之司和厚敷承宣之政左參政胡璉政不擾而惠流才有為而名起按察司僉事謝汝儀肅憲足以禁姦飭兵復能靖寇湖廣布政司左布政使丁沂先



任福建而聲績已著所守清約而終始不渝右布政使潘珍廉慎之行字於人人練達之才優於事事按察使盛儀操持慎而士行脩才識長而憲度舉以上賢能皆堪旌舉乞勅吏部再加察訪將各官量爲擢用則明揚得人而臣工知勸矣緣係旌舉方面官員事理未敢擅便爲此具本專差舍人來儀親齋謹題請旨

舉劾有司官員疏

嘉靖六年十一月十一日

題爲舉劾有司官員事臣惟存司乃親民之職其賢不肖係民生之休戚見賢而不能舉非所以勸功見不肖而不能退非所以警眾臣訪得所屬江西原任贛州府今調吉安府知府張漢慎篤足以守官精勤優於治劇贛州府知府李顯風裁已見之內臺政聲復彰于劇郡南安府知府呂律謹守得奉公之宜廉平有及下之澤贛州府同知伍佐性介而守不渝官久而事益練廣東南雄府知府伍箕剛介之操不回循良之績已著潮州府知府王袍律已革前官之弊愛民有良守之風惠州府知府顧遂才敏而政日脩心公而人自服揚陽

竹湖奏議卷三

二步選廣

縣主簿季本仕學之功有加子民有政匪懈以上各官皆賢能昭著者也江西信豐縣知縣梁才畏謹而居官鮮失疏緩而幹事不前福建歸化縣知縣彭中精力勉強而向衰政務因循而欠舉廣東程鄉縣知縣王澤宅心寬平而守不失任職尋常而政多弛此皆才力不及者也湖廣郴州知州張觀帶鄉人以代吏書舞文虐民受賂賂而致許發被提計避江西贛州府通判薛文假嚴以濟貪初政莫測遇事而巧取醜聲遂聞此皆貪汙不職者也乞勅吏部再加察訪將張漢等量爲擢用梁才等別爲更調張觀等速爲罷黜則有司知所勸懲政清而民安矣緣係舉劾有司官員事理未敢擅便爲此具本順差舍人來儀親齋謹題請旨



竹澗先生奏議卷四

續金華叢書

疏支河以防水患疏 嘉靖七年十月二十八日

題為疏支河以防水患事臣奉命總理河道事務才薄而任重無任兢懼然不敢不竭其愚圖濟大事竊為近年沛漕沙淤旋挑旋塞蓋由秋水泛漲黃河奔衝所致嘗考河流故道非一其大而要者若孫家渡經長淮衛地方趨淮入海其一也若趙皮寨經符離橋出宿遷小河入海其一也若沛縣飛雲橋經徐州趨淮入海亦其一也孫家渡趙皮寨乃上流之支河飛雲橋乃下流之支河弘治以前三支分流會于淮而入於海故徐沛不受其害漕渠不為所淤邇來上流二支俱就湮塞全河東下併歸于飛雲橋一支下東徐呂二洪上過開河流水溢為游波茫無畔岸於是決隄壅沙大為漕患今日之計固當挑濬舊漕以通糧運加築隄岸以防衝決然非疏上流之支河將來秋水復發沙雖挑而難保其不復淤隄雖築而難保其不復決探本之論固有在矣近因趙皮寨開濬未通該巡撫河南都御史潘垣

竹澗奏議卷四

等題稱仍將孫家渡責成河南管河副使該戶工二部議題孫家渡責成潘垣督行管河副使加意疏濬以殺河勢不許推避誤事節奉聖旨卿等說的是欽此臣惟探本之論正在疏孫家渡以殺河勢此無臣經國至計而該部會議相同蒙皇上斷然行之真明見萬里也臣私憂過計尤恐巡撫事繁副使力寡萬一疏濬遲誤未免貽患漕渠伏望皇上軫念國計下工部計議合無請勅一道叮嚀都御史潘垣即便嚴督管河副使調集黃河夫役選委相應官員上緊將孫家渡疏濬一應合用錢糧聽其便宜區處務令渡口深濶支河流行剋期成功臣仍同本官閱實奏報庶幾河勢可殺而漕患可免矣緣係疏支河以防水患事理未敢擅便謹題請旨

治河疏 嘉靖七年閏十月初八日

題為治河事臣本非才誤蒙皇上采之廷推特勅總理河道事務既加憲職復聽便宜無非重國計而急水患也臣勉圖報稱夙夜靡寧本年九月中躬率管河郎中李重山東副使陳文沛兗州府同知花

魁大名府通判郭從道徐州判官林桐等自濟寧放舟沛徐以觀被於故道及所挑新河復沿黃河東岸陸行沛豐單等縣以觀大小決口奔衝之迹詢諸父老究其緣由乃知漕渠廟道以下忽淤數十里實由決河西來橫衝廟道口之上并掣開河之水東入于昭陽湖以致開水不復南流而沛縣飛雲橋之水時復北漫故沙停而淤耳沛以下即無淤者以飛雲橋之水南流故也計濟沛間漕渠只宜加築東隄以遏入湖之路更築西隄以防黃河之衝俾其自北而南常由故道自無沙淤之患雖舊日之淤猶有存者量加挑濬亦自通行已經劄付郎中等官李重等并續到河南副使周忠山東左參政邊憲會議得單縣林臺集至沛縣舊城隄一百四十餘里相應脩築長隄則民地得免淹沒運道可保無虞又經督行各該司府議處及轉行各處鎮巡知會臣思脩隄備患事不可緩而地方災傷民不堪役及今糧運未行河道人夫空閒乃會計工程量調附近河夫二萬餘名每名照依例日給銀壹分伍釐犒助今冬作工二箇月至十一

竹澗奏議卷四

月中暫放來春做工二箇月至三月中可完又查得本年七月九月間黃河冰漲二次皆從趙皮寨分流但水落寨口微淤仍責河道官夫隨淤隨挑以備分殺及照孫家渡係彼處撫臣督濬亦就查催以憑閱視仰仗朝廷洪福欲俟稍見功效方敢陳奏近准工部咨該本部具題奉聖旨你部裏說的是河道事情已命侍郎潘希曾提督整理不必再差官員還行與他著用心經畫區處應奏請者具奏定奪欽此欽遵臣感激聖明委任懼無以副宵旰憂勤之萬一謹昧死言臣既愚且拙不敢求新奇之功不敢為苟且之計區區報國之誠惟欲因舊以為功從省以濟事順水性以除患故捨新河而脩舊漕者圖其易也沿黃河為隄者防其傍溢使順流也隄去河五六里或七八里者因地勢也停槩派拾數萬夫僅用河夫二萬餘者恐民勞也罷願募而行犒助者慮錢糧難繼也以次而挑舊淤培東隄者審其時也查濬趙皮寨孫家渡者以皆黃河故道亦先朝所嘗濬也夫漕渠之淤因黃河之傍衝黃河之衝因上流之未疏察其事勢參諸廷



議莫如脩漕隄以防衝決疏支河以治本源臣盡心竭力欲爲止此  
然未敢自信也伏望皇上軫念河患特勅工部會官詳議或俯察邇  
言或別示長策使臣得壹意行事庶於國家大計可無誤也緣係治  
河事理未敢擅便爲此具本專差承差厲思智親齋謹題請旨

謝恩疏

嘉靖八年正月十五日

奏爲謝恩事嘉靖八年正月初六日承差劉堯臣於本部順領領賜  
明倫大典一部到臣除望闕叩頭捧受外伏以惟聖盡倫不越因心  
之孝惟皇盡制必稽知禮之言大典肇脩彝倫攸敘揭中天之日月  
開流俗之昏迷盟手啓編荷恩增懼誦敷言而會其有極由孝道而  
移以爲忠臣不勝感戴天恩之至爲此具本專差承差任舉親齋謝  
恩謹具奏聞

自陳求退以弭災變疏

嘉靖八年二月初七日

奏爲自陳求退以弭災變事邇者地方多災星羅迭異皇上宵旰靡  
寧克謹天戒在廷羣臣罔不省躬待罪臣本菲才謬膺治水重寄多

竹淵奏議卷四

三

方脩濬所至勞費迄今半年未得成績蓋羣臣中宜早退者也伏望  
聖明將臣罷歸田里別任賢能則天工不曠而天意可回矣緣係自  
陳求退以弭災變事理未敢擅便爲此具本專差承差劉堯臣親齋  
謹具聞伏候勅旨

乞命憲臣兼管河道疏

嘉靖八年二月初二日

題爲乞命憲臣兼管河道事臣惟黃河自河南泛濫歷數千里分三  
數道趨徐淮以入海先年河溢開封大名曹州地方嘗脩沿河一帶  
長隄以保運道而在開封者則屬之河南管河副使在大名曹州者  
則屬之整飭曹濮兵備兼管河副使分任責成有備無患近年河溢  
豐沛徐地方兩淤沛漕一淤徐州洪又淤淮安清河口即今疏上流  
于河南以分其勢築長隄于單豐沛以禦其患惟單縣係曹濮兵備  
官該管而豐沛徐淮黃河缺憲臣管理事難責成看得整飭徐州惟  
揚兵備副使吳昂常在徐州住劄前項河道堪以兼管乞勅該部計  
議請旨令徐州兵備官兼管豐沛徐淮黃河凡人夫工料防守脩濬

之宜照依開封大名曹州整理以後仍載入本官勅內則河南山東  
直隸一帶黃河皆有憲臣分管而運道可保矣緣係乞命憲臣兼管  
河道事理未敢擅便爲此具本專差承差張譽親齋謹題請旨

脩長隄以保運道疏

嘉靖八年六月初四日

題爲脩長隄以保運道事節據山東按察司管河兼整飭曹濮等處  
兵備副使陳文沛呈據直隸大名府管河通判郭從道呈蒙本道案  
驗奉欽差總理河道事務工部右侍郎兼都察院左僉都御史潘鈞  
牌劄付坐委卑職督領本管人夫脩築豐沛長隄工完竊照前項創  
築之隄爲防西水衝噬之患自沛縣淤塞運道以來無人不欲興築  
此隄者也今隄功報成足以爲經久之計矣合無照依直隸山東事  
例或設老人或置鄉夫時常巡邏看守則隄功不致損頽而運道可  
保無虞等因到道查得直隸山東河南三省一帶黃河北岸先年設  
有長隄月隄以防水患兩畔插柳一以護隄爲長久計一備採稍爲  
河患用又每三里蓋舖一座撥夫看守仍設老人往來巡視合無備

竹淵奏議卷四

四

行單豐沛三縣將一帶新隄照依前項三省舊隄規矩等因到臣看  
得三省舊隄連接五百餘里外防黃河內保運道各設管河副使同  
知通判主簿等官管束河道人夫裁插楊柳採辦椿草看守舖座修  
填隄岸每於夏秋水發之時併力撈掃防禦河患遇有淤淺亦就挑  
濬近年河決單豐沛地方沙淤沛漕該臣議築三縣長隄一百四十  
里續據單縣官民申呈增築長隄至本縣戴富家後共一百五十里  
蓋造隄舖凡五十座所以防黃河而保運道與三省舊隄事體一同  
今單縣河道係山東管河副使該管豐沛河道已經題准係徐州兵  
備副使兼管惟州縣管河官員及守隄人夫尙未議處謹將應設官  
夫察照舊隄事例參酌地方事宜開款於後伏望皇上垂察特勅該  
部計議施行則長隄可垂永久而運道無虞矣緣係修長隄以保運  
道事理未敢擅便爲此開坐具本專差承差張譽親齋謹題請旨

計開

一兗州府單縣河道官夫查得本府城武縣近年河患已遠管河主



傳郭景輝在任事簡乞將本官改註單縣管河就將單縣均徭河夫二百二十九名隣近金鄉縣均徭河夫一百六十八名令其管領守隄每三舖設一老人巡視平時脩隄插柳採辦椿草夏秋水發之時聽木府管河同知調度於緊要處所併力捲堵以防河患其城武縣河夫仍聽同知總管則官免增設夫免加僉而事亦有備矣

一徐州豐沛二縣河道官夫查得本州管河判官劉德勝住劉宜令兼管豐沛黃河沛縣管河主簿宜令兼管本縣黃河豐縣欠管河官乞照例設主簿一員令近隄住劉就將蕭縣近年僉復開濶濬夫并原存濬夫共六百二十七名礪山縣近年僉復開濶濬夫并原存濬夫共三百八十二名分撥豐沛二縣主簿各管領守隄每三舖設一老人巡視平時脩隄插柳採辦椿草夏秋水發之時聽本州管河判官調度如或不敷量調徐沛運河人夫於緊要處所併力捲堵以防河患則官不缺人役不擾民而事亦有備矣

一查得徐州洪開官夏時先經總理河道侍郎章拯薦其警敏知事

竹潤奏議卷四

五

今同沛縣主簿等時智往來脩濬該本部覆題各官果能盡心職務河患平息聽總理河道官奏請量撥自去年冬臣委本官於豐沛地方捲堵脩隄尤能效勞成事且熟知河患可使防守如蒙准設豐縣管河主簿乞將夏時陞補則河道亦有賴矣

異常大水幸保運道疏

嘉靖八年六月二十日

題為異常大水幸保運道事節據河南按察司管河副使周忠呈據開封府同知閻祿潘國臣呈嘉靖八年六月初五日據管工義官孟雷報稱本日子時黃河泛漲將孫家渡口衝決灌入新開河內隨帶本官親詣孫家渡相看河水委實洪大奔趨本口順流滿漕而下其深大約丈餘隨有木客郭愷郭亨等木筏三十餘座亦隨水而下通流無阻又據開封府蘭陽縣申本年六月初五日黃河泛漲水發一大本日亥時將新挑趙皮寨河衝開見今通流又據直隸徐州府縣申本年六月初七日卯時水勢陡漲出岸衝入街市午時水至縣門夜三鼓將察院倉庫監獄六房各官宅舍淹倒卷案般救不及備學

文廟西廡樓星門諸生號房教官宅舍亦被淹倒黃水有三尺又據委官城武縣主簿郭景輝稟報沛豐長隄本月初七日辰時黃水溢出岸上流至隄下深者五六尺淺者三四尺瀾漫洶湧衝衝隄塌乞行相度防護庶保無虞等因各到臣竊照今年五月以來兗濟地方之水大發近日黃河泛漲尤甚決孫家渡灌趙皮寨滄沛縣漫長隄三日之間千里並至除沛縣逐恤事宜係撫按衙門施行外看得長隄初成而黃河驟漲賴脩築頗堅不被衝決隄裏田廬免於泅沒而濟沛一帶漕河由其故道黃沙無自來淤塞不復作即今糧運通行水勢漸平且孫家渡既淤下流受害連年挑濬工未及半一旦自決而通夫豈人力皆由我皇上憂勤一念仰格天心故天相成功後查勘孫家渡趙皮寨二河如有淤淺之處量加挑濬以備分疏及行山東直隸管河官將單豐沛長隄再加脩培以垂久遠庶運道自此無虞矣緣係異常大水幸保運道事理為此具本專差承差任舉

竹潤奏議卷四

六

親齋謹具題知

議處河道官員疏

嘉靖八年六月二十日

題為議處河道官員事據河南按察司管河副使周忠呈稱孫家渡開自弘治六年迄今脩濬不知凡幾但既濬之後水或暫通而不復為備沙旋淤塞賀村以下今改須水流入則浮淤自可蕩滌惟渡口二千五百步水落泥積宜時常修濬合於鄭州添設判官一員責令渡口住劄就將該州并所屬四縣河夫共九百七十六名分作兩班每年量調一班自二月初興工三月終止如或積泥頗重用夫數多將該州并屬縣年例堡夫二百名調撥協濟庶民不久役而水可常行矣又稱儀封縣先年因黃陵岡衝決添設主簿一員專管河事近年河患已徙於紙房杜勝等處係隸東明縣地方見今員缺似應裁革等因到臣看得孫家渡既已挑通必須專官管理庶免復於其儀封縣管河官委的事簡可省及查得虞城縣縣丞李希蕙年資久而守不渝脩濬勤而績已著用之管河足以稱職乞勅該部計議合無



將儀封縣管河主簿裁革於鄭州添設管河判官在孫家渡住劄管東該州并屬縣河夫以時脩繕仍查訪縣丞李希憲如果相應就以本官陞補鄭州判官則河道有備而官使亦得人矣緣係議處河道官員事理未敢擅便為此具本專差承差任舉親齋謹題請旨

及時疏河以防水患疏

嘉靖八年十月初十日

題為及時疏河以防水患事據河南按察司管河副使周忠呈報挑濬過樂澤縣孫家渡自本渡口起至鄭州地方姚店止長三十三里一百四十三步於本年六月三十日工完又自渡口西北挑濬舊河形長二千二百步於本年十月初二日工完河水通流船筏往來等因到臣查得先為疏支河以防水患事該臣具題奉聖旨是潘希曾所奏濬河壅塞原委明白甚為有益足見用心便寫勅與都御史潘墳着嚴督管河副使調集夫役選委相應官員將孫家渡上緊疏濬務在深闊以殺河勢功成之日還著潘希曾閱實具奏工部知道欽此嘉靖八年四月二十六日准工部咨為應詔陳言以弭災異事該

竹瀾奏議卷四

七

本部題議得治河通運圖計重大夏秋水漲正在春暮用工不宜停罷如果人民災困支給在官夫價多方運糶救其饑餒督其工力務使河工不誤而民命兩全奉聖旨是這工程事干運河著巡撫官會同督理河道侍郎潘希曾公同計議從實具奏定奪欽此本月二十八日隨准工部咨為及時疏河以防水患事該本部題近查巡撫河南都御史潘墳奉有欽依致仕遺下前項備河工程無官督理況今四月將終正在緊急用工之際合無降勅一道星夜差人齎付彼處巡按御史胡效才將都御史潘墳遺下一應治河事務通行嚴督整理仍一面行文本部右侍郎兼都察院左僉都御史潘希曾亦要不妨運河往來總督整理不得因而推託誤事其巡按御史奉勅以後河功懋著比之潘墳事有成效聽侍郎潘希曾具奏上聞奉聖旨是治河工程依擬寫勅與巡按御史胡效才嚴督管河等官趁時整理通行侍郎潘希曾往來公同督視勿得推託誤事待巡撫官員到日另行具奏定奪欽此臣欽遵節行管河副使周忠嚴督官夫如法挑

濬及親詣孫家渡閱視外看過去任都御史潘墳督過工程僅及三分之一御史胡效才奉命接管乃能究河道之始末念工力之繁難議處錢糧人夫選委官屬督同副使周忠及時經理又於河漲口決之後察其水落沙淺之形加力挑濬為國遠計使河流分於上而運道安於下且頻年難成之功四越月而告成厥功懋矣乞勅該部議處合無將御史胡效才副使周忠量為陞賞庶以勵賢勞也除巡按衙門徑自造冊奏繳外緣係及時疏河以防水患及節奉聖旨功成之日還著潘希曾閱實具奏并節奉欽依巡按御史奉勅以後河功懋著聽侍郎潘希曾具奏上聞事理未敢擅便為此具本專差承差劉世臣親齋謹題請旨

河功告成疏

嘉靖八年十月初十日

奏為河功告成事據委官管河郎中丁洪李重管關主事李邦直山東管河兼濬備兵備副使陳文沛兗州府同知陳約徐州判官溫文標等各冊報濬過黃河北岸長隄自沛縣舊土城起歷豐縣至單縣

竹瀾奏議卷四

八

濬家後止共長一百五十里一百二十二步下城二千三百九堵嘉靖八年四月十七日工完造過隄鋪五十所每所瓦房三間共一百五十間本年六月二十一日工完濬過沛縣至濟寧運河於濬九十二處共長三千八百丈五尺培過隄岸缺口七十二處共長一千九百五十三丈三尺備過橋壩共一十三處本年七月初六日工完計過長隄一百一里二百二十四步加培二千四百三十一堵本年十一月初四日工完委役過官并吏老等役二百八十四員名夫五萬九千二名匠役一百一十九名船戶四百八十三名動支過原備河并河運銀共二萬六千九百一兩五錢一分七釐一毫五絲原備河米豆共一萬四千五百七十八石四升五合二勺椿木杉條共一萬五千二百四十四根草葦柳稍雜柴共一百一十一萬六千六百二十一束柴繩草繩共一十三萬二千一百一十五條柴麻廢繩舊鐵器共一萬六千六百九十二斤瓦共一十二萬一千八百箇石灰五百石又據河南管河副使周忠呈報濬過趙皮寨口本年六月二十



六日工完濬過孫家渡三十三里二千三百四十三步本年十月初二日工完各到臣節該欽奉勅近年沛縣迤北漕河屢被黃河水漲衝開隄岸河流淤塞朝廷恐阻滯糧運節命侍郎章拯都御史盛應期等會同督理未見成功該廷臣會推爾素有才望特加憲職命爾前去督理該本部覆爾所奏以孫家渡爲上流支河必疏濬以殺河勢然後可以施功誠爲有見已勅都御史潘垣嚴督管河副使等官用功疏濬爾可作急前去公同惟揚鎮巡及山東河南北直隸撫按官督同各該三司掌印及管河守巡等官親詣沛縣等處相度河勢斟酌計處待孫家渡疏濬成功之日然後以次隨宜舉行或挑濬舊漕以通運道或脩築隄岸以防衝決凡事于河道初內該職事盡者悉聽爾便宜處置事體重大者具奏定奪爾爲大臣受茲委任尤須竭忠盡力多方咨訪悉心區處務在日下成功欽此欽遵臣謹得沛漕之淤塞因黃河之傍衝黃河之傍衝因上流之未疏今宜疏支河以殺其勢築長隄以防其衝然後挑通沛漕自無復淤之慮乃先請

竹湖奏議卷四

九

勅河南撫臣督濬孫家渡續行河南管河官加濬趙皮寨口一面督行各該司府議處及轉行各該鎮巡知會分委郎中丁洪李重爾使陳文沛周忠等查調河道官夫支放合用錢糧起築長隄于沛豐單三縣蓋造守隄舖舍候過暑雨仍加幫培又委主事李邦直管濬沛縣迤北漕河培補隄岸脩置橋壩仰賴皇上洪福二年之間各工次第報完支流疏於上而黃河之勢以分長隄障於下而黃河之沙不入沛漕挑通糧運徑過雖六月八月兩經大水無復淤塞之患矣除趙皮寨係本處河夫如常挑撈孫家渡係接管御史胡效才造冊奏繳外今將報到長隄并沛漕工程緣由查算相同除備造文冊畫圖貼說外緣係河工告成事理爲此具本專差承差張譽親齎謹具奏

計開繳

河功文冊一本

畫圖貼說一本

旌舉賢勞官員疏

嘉靖八年十一月十八日

題爲旌舉賢勞官員事先准工部咨內閣本部右侍郎潘希曾奉命總理河道重務其河南山東直隸都布按三司并府州縣衛所等官有諳曉河事者從其選委事有成效聽水官從公舉薦等因具題奉聖旨是欽此欽遵該臣謹得沛漕之淤塞因黃河之傍衝黃河之傍衝因上流之未疏今宜疏支河以殺其勢築長隄以防其衝然後挑通沛漕自無復淤之患乃請勅河南撫臣督濬孫家渡及行河南管河官加濬趙皮寨口分委郎中主事副使同知等官一面起築長隄于單豐沛三縣一面挑濬沛縣迤北一帶漕河二年之間各工次第報完支流疏於上而黃河之勢以分長隄障於下而黃河之沙不入沛漕挑通糧運徑過兩經大水不復淤塞此雖資官府之財藉人夫之力以有成亦由各官盡心分理竭力趨事之所致也如請任虞衡司郎中丁洪處事周詳爲人耿介都水司主事李邦直設施有序才行俱優調任霸州兵備副使陳文沛剛敏有爲操持克慎河南管河

竹湖奏議卷四

十

副使周忠蒞政精勤劬躬竭誠皆分盡力共致成效者也如兗州府同知李仁陳約通判張儒大名府通判郭從道開封府同知閻祺潘國臣任府佐而各稱厥職如濟寧州判官楊時中徐州判官溫來標項情邳州判官楊政單縣主簿郭景輝三州縣而各有所長皆分管工程效勞脩濬者也乞勅吏工二部查議如果臣言不謬將前項各官甄錄量爲陞擢則賢勞有勸矣緣係旌舉賢勞官員及奉欽依事理未敢擅便爲此具本順差承差張譽親齎謹題請旨

多病乞休薦賢自代疏  
嘉靖八年十一月二十日  
奏爲多病乞休薦賢自代事臣自去年七月奉命治河夙夜兢惕勞心宣力今年六月以來半身頭面麻木手足痠痛服藥炙火醫治罔效于時以河工未上不敢自陳勉強力疾狼狽至今加以腸風舉發失血日甚勢不得不自陳也竊思往年沛漕沙淤旋挑旋塞以黃河一溢則一淤也今既請濬孫家渡加撈趙皮寨以分其勢起築長隄于單豐沛三縣以防其溢挑濬沛漕通利糧運兩經大水不復淤塞



又請勅除用兵備副使兼管豐沛徐淮黃河則河南山東直隸一帶  
皆有憲兵管黃河矣又議處孫家波趙皮舉擄掠官夫則支河可常  
通矣又議處單豐沛三縣守隄夫官則長隄可承固矣運河又有即  
中主事等官如常管理矣使臣不患疾病不知止足亦不過坐靡靡  
祿無他欲爲此臣今日所以得自陳也臣又思大臣有以人事君之  
議雖得謝不忘爲國之誠查得先年督理河道營以都御史通政等  
官今訪得河南右布政使陶諧忠績著名老成行事副使周忠蒞政  
精勤飭躬端謹蕪州兵備副使陳文沛剛敏有爲操持克慎且皆嘗  
任管河號稱請練者也伏望聖慈賜臣休致以便調理仍勅吏工二  
部議請將陶諧等量陞一員代臣其過臣必遠矣緣係多病乞休薦  
賢自代事理未敢擅便爲此具本順差承差郭喬親齎謹具奏聞伏  
候勅旨

薦舉河道方面官員疏 嘉慶八年十一月二十日

題爲薦舉河道方面官員事臣奉命沿河一應河道事務督同各該

竹湖奏稿卷四

主

三司掌印及管河守巡等官從宜議處賴以集事中間賢能官員臣  
不敢蔽除博南右布政使陶諧管河副使周忠蕪州兵備副使陳文  
沛素諳河事臣具薦自代外訪得山東右布政使邵錫履官秉忠直  
之節敷政得承宜之體按察使顧應祥風裁表平僚屬歷練優于政  
務左參政邊憲文學足以飭政增厚慎於行已張宏氣剛正而不撓  
事敏達而無帶天津兵備副使姚文清司憲而肅紀剛詰兵而清河  
路僉事沈圻執法出自內臺秉公施于有政河南右參政伍全勤慎  
協于官箴老成堪總藩政副使樊繼祖署總司而憲度明正一己而  
屬吏服僉事郝鶴勤巡歷而政舉崇儉素而守嚴正洙能其風憲之  
官勵于清修之行以上各官皆河道有干賢能堪薦者也乞勅吏部  
查訪如果臣言不謬將各官甄錄量爲陞擢則賢能有勸矣緣係薦  
舉河道方面官員事理未敢擅便爲此具本專差承差郭喬親齎謹  
題請旨

薦舉河道郡縣官員疏 嘉慶八年十一月二十日

題爲薦舉河道郡縣官員事臣奉命沿河一應河道事務督行山東  
河南直隸各該府州縣官從宜區處賴以集事中間賢能官員臣不  
敢蔽除管工同知等官李仁等月具旌舉外訪得兗州府知府劉夢  
詩愷悌得民牧之體明敏堪繁劇之任東昌府知府王果用財省而  
宜于民守已嚴而達于政開封府知府劉璋政平易而近民性明達  
而有守淮安府知府萬本刑清而政兼舉守慎而民相安揚州府知  
府陶儼居官不携家累恤民尤重夫差大名府知府樂護歷練而政  
疏適公平而民懷服皆作郡之賢能者也茲陽縣知縣谷鸞寬嚴之  
政適宜勤慎之行不苟山陽縣知縣姜壽身秉清節而民甚宜更劇  
邑而才始展江都縣知縣劉良卿器偉而操履端才長而廢墜舉長  
垣縣知縣王懋鳳紀素著賢聲遐調益諸政體而縣知縣平世祥理  
畿弊之邑得張弛之宜豐縣知縣高蔭撫壘弱之民備平易之政皆  
作縣之賢能者也以上各官俱堪薦舉乞勅吏部查訪如果臣言不  
謬將各官甄錄量爲陞擢則賢能有勸矣緣係薦舉河道郡縣官員  
事理未敢擅便爲此具本順差承差郭喬親齎謹題請旨

竹湖奏稿卷四

主

謝恩疏 嘉慶九年六月初六日  
奏爲謝恩事嘉靖九年六月初三日准吏部咨爲及時疏河以防水  
患事內開該本部具題嘉靖九年五月二十二日奉聖旨潘希曾准  
加尙書俸級着照舊用心總理河道欽此臣欽遵望闕叩頭外伏念  
河流自昔靡常運道於今爲重襄綸音以從事職分當然賴國福而  
幸成朕胼胝矣有乃蒙天恩用極日照不遺采吏工兩部之言錫律級  
貳品之盛福逾涯分惟深覆餗之虞報之涓埃徒切傾葵之襟臣不  
勝感戴天恩之至爲此具本專差承差張譽親齎謝恩謹具奏聞  
河道疏 嘉慶九年八月十九日  
題爲河道事據管河郎中黃行可呈蒙欽差總理河道事務工部右  
侍郎兼都察院左僉都御史潘批據直隸淮安府申前事批仰本職  
作速勘處通行回報備行淮安府轉行本府并准大二衛掌印管河  
官員會同勘議停當呈來覆勘去後續據該府經歷司呈承准本府



照會准通判李重廉稱會同本府掌印知府葛木并准大衛衛掌印  
管河指揮蔣繼魯等親詣信字方家二場議勘得新莊關口緣在淮  
河上流故其水勢常高裏河數尺清江浦月河緣下新莊口二十餘  
里故水視彼已低二尺方家信字二場又下月河二十餘里故水視  
月河又低二尺若於其旁開口置閘則裏水可以順出後或惟水涸  
落之甚而懼裏水走洩則閉閘而開月河又甚則閉月河而開新莊  
關若或外河漲盛則三口俱閉而暫車場隨宜開閉庶工力不致太  
費而運道可以無虞奈建關地基在信字場倘有不便蓋必由通津  
橋而東行二百餘步轉折而北又須折民居房屋數家方可建置其  
方家場則西觀音堂前已有空便基地且觀音堂係泥僧創建應  
合折毀先作石閘一座仍將裏口新建板橋再加椿木築打中留閘  
門立木枋挨牌啓閉節水可以祛水患通運道除已備完方家信字  
二場省令一應船隻俱由車盤外等因據府備呈本職又經親詣開  
視得清江浦月河與方家信字二場地形水勢委漸抵下除信字場

竹筒奏議卷四

工費浩大難並建關外合先於方家場旁次及原議清江浦月河口  
各建石閘一座裏水可以順出酌量准冰消長隨宜開閉車盤若水  
落之甚仍開新莊故道經行糧運庶免防阻之患實經久可圖之計  
也其通判李重欲於石閘之裏又造本關似為重併無益又經公同  
知府葛木等覆議相同等因具呈到臣據此會同總督漕運兼巡撫  
鳳陽等處地方都察院右副都御史劉節議照准黃合流自西而東  
初經新莊關又東三十餘里經清江浦月河又東二十餘里經方家  
場水勢趨東愈下故岸形迤東漸高每至夏秋河漲須閉新莊關以  
防沙水內灌船田月河往來漲甚又須閉月河口以防沙水內灌惟  
方家場岸形稍高可以開口行船且洩裏水之溢故即中黃行可知  
府葛木等議要先於方家場旁次及原議清江浦月河口各建石閘  
一座與新莊關座隨宜開閉若或河漲大甚則三關俱閉船由信方  
等場車盤蓋因時救應通漕之計也及照該府原申內開各場淺去  
原額雖有一千二百名除逃亡事故外實存工僅有一千餘名且各

處築濬恐不敷用合仍願覓人夫三百名相兼淺夫匠作供力操  
其作關物料聽管河郎中查取貯有河道錢糧去處動支買辦夫匠  
工食合量動借運無礙官銀查照舊規日給銀三分淺夫亦宜日給  
米二升或銀一分計其勞費亦不甚多伏望皇上軫念地方水患及  
情運急務特勅工部計議合無俯從所請於前項地方開設石閘二  
座合用人夫錢糧臣會同都御史劉節從宜區處府衛管工委官俱  
屬管河郎中黃行可提調督理事完造冊奏繳庶運道有備而水患  
稍除矣緣係河道事理未敢擅便為此具本專差承差王鼎親齎  
題請旨

黃河復由故道疏

嘉慶九年十月初二日  
題為黃河復由故道事嘉慶九年十月初八日據河南管河副使周  
忠呈查勘得虞城縣原有小股河本年六月以來自土源衝開由  
德州丁家道口直至本縣地方橫流往夏邑并直隸陽山縣去訖本  
月二十四日據兗州府單縣管河主簿郭景輝呈勘得黃河至曹縣

竹筒奏議卷四

地方胡村寺東衝開一道關三里有餘東南至本縣賈家壩入古蹟  
黃河由歸德州丁家道口至徐州外浮橋入運河胡村寺東北衝開  
一道關一里有餘又分為二支東南一支經虞城縣至陽山縣合古  
蹟黃河出徐州東北一支經單縣長隄至魚臺縣漫為坡水傍  
谷亭入運河其單豐沛三縣黃河賴長隄障迎即今沙淤平滿民多  
耕作不復為沛情之患等因各到臣查節據兗州府管河同知陳  
約呈本年六月初二日黃河溢出河岸流至單縣長隄脚下深五六  
尺濶漫東流徐州陽山縣申本年六月二十四日黃河泛濫自上源  
虞城單縣二處衝流入境開封府歸德州申本年六月二十六日黃  
河水大漲將上源梁靖口等處衝開漫入虞城縣境內已經臣督令  
各該管河官於河患處所加謹修防候汛濬稍退流派可辨仍將河  
道變遷緣由勘報去後今據呈報前來查得黃河由歸德州至徐州  
入漕河者故道也永樂年間開濬開封支河達魚臺縣入漕河者以濟  
後也自弘治年來黃河改由單豐出沛之飛雲橋而歸德故道始塞



魚臺支河亦塞然以其出於沛橋亦可資以濟淺以其逼近沛漕又恒有衝決沙淤之患朝廷連年修濬勞頓甫息一旦全河復其故道則患害已遠支流達於魚臺則淺涸無虞矣雖河性靡常不可逆觀由今觀之實漕運之利而國家之福也緣係黃河復由故道事理為此具本專差承差王鼎親齎謹具題知

薦舉河道方面官員疏

嘉靖十年三月十七日

題為薦舉河道方面官員事查得山東布按二司右布政使等官邊憲等河南布按二司右參政等官伍全等先嘗經臣薦舉者不復枚舉外訪得山東左布政使李紱承宣優大藩之任精練敏庶政之修右參議何瓊敷政宜於地方持身得於勤慎曹濮兵備副使嚴時泰飭武備而河防修贍文詞而操守慎徐州兵備副使何鰲執法而汚吏有懲詰兵而河務兼舉僉事史臣巡歷勤而所守嚴刑獄慎而法事習河南按察使今陞右布政使林大輅總憲司而綱紀克嚴布藩政而蕃宣允稱以上各官或掌印或守巡或兼管河皆有裨河道賢

竹潤奏議卷四

五

能堪薦者也乞勅吏部查訪如果臣言不謬將各官甄錄量為陞擢則賢能有勸矣緣係薦舉河道方面官員事理未敢擅便為此具本順差典史高志仁親齎謹題請旨

薦舉河道有司官員疏

嘉靖十年三月十七日

題為薦舉河道有司官員事查得山東兗州府知府劉夢詩直隸淮安府知府葛木大名府知府樂讓河南開封府同知潘國臣山東兗州府同知李仁等先嘗經臣薦舉外訪得直隸河間府知府徐景嵩公忠秉給諫之舊政理有循良之風滄州知州吳成禮性淳而守不失才敏而政益修揚州府同知郝守正為人負宏深之器署印彰練達之才通判白鎬行已廉而與論歸供事勤而厥職舉高郵州知州曹曙才優而薦更劇州行謹而復諸河事淮安府通判李重佐郡素長幹理督工尤效勤勞山東東平州知州胡松年妙而學識優政勤而操持慎以上各官或掌印或管河皆賢能堪薦者也乞勅吏部查訪如果臣言不謬將各官甄錄量為陞擢則賢能有勸矣緣係薦舉

河道有司官員事理未敢擅便為此具本順差典史高志仁親齎謹題請旨

自陳乞罷以弭天變疏

嘉靖十年六月二十一日

奏為自陳乞罷以弭天變事近日午門西樓雷震垂眷皇上過自貶抑諭羣臣同加修省蓋克謹天戒以奉迓天休即古帝王澤水自儆大旱自責之心也願臣僉託體股肱不能為陛下代天之工而致天之譴罪復奚逃臣才識素劣衰病交侵叨貳本兵曾無寸補固宜罷黜者也伏乞聖恩賜臣退休簡賢能以充任使庶幾天工不曠而天意可回矣緣係自陳乞罷以弭天變事理為此具本親齎謹具奏聞伏候勅旨

計處大政以圖治安疏

嘉靖十年六月二十九日

題為計處大政以圖治安事竊方清吏司案呈本部送吏科鈔出廣東道監察御史郭希愈云奉聖旨該部看了來說欽此欽遵鈔出送司案呈到部看得廣東道監察御史郭希愈題稱推陞兵部左右

竹潤奏議卷四

三

侍郎要於素在邊方會經督兵及才識膽略謀猷為眾所推服者註實請用內分一員專一講求邊方軍務一員專一講求腹裏軍務又各自選有智計屬官一二員為之贊畫遇有警報各照地方即與尚書言之以調度若聲勢重大亦各照地方即與贊畫屬官前去提督以決勝等因除准吏部咨稱議推兵部侍郎一節本部查覆外查得諸司職掌兵部尚書侍郎之職掌天下武官選授及天下地圍城隍鎮戍烽墩與夫傳驛廐牧戎器等政則凡邊腹軍務皆侍郎職分之所當理與尚書共濟者也似難分限以致垂隔其屬有四曰武選職方車駕武庫則凡邊腹軍務乃各該郎中員外郎主事分任而習理者也似難以專委一二人贊畫及照我國家百六十年來如遣將總兵率以公侯伯都督等官遣文臣總制或提督率以尚書侍郎都御史等官然皆臨時命文武多官會推堪任大臣二三員上請簡用事平則將歸於班行兵散於營衛故將無久擅之權兵無不戢之患茲欲以兩侍郎分領邊腹軍務似未悉我祖宗臨事遣將之深意況預



定左右侍郎將兵之任則各處撫鎮等官皆將親望該避不免誤事  
或所擬侍郎一有事故該地方用兵又將誰屬豈諸大臣中遂無一  
人可屬此亦似非通論臣等俱不敢擅擬其本官所陳武備事宜則  
皆切於時務合候命下移咨總制提督巡撫等官申明脩飭仍將某  
邊與某邊相隣某省要害與某省相接地里相距若干彼此可否策  
應山川形勢之險夷鎮戍地堡之脩廢軍民兵馬之精壯衰耗糧料  
有無足給器械有無堅利地方有無應合增脩事務及戰守機宜將  
領賢否等項各開欸備造小冊一本及畫圖貼說付公差入役附齎  
繳部以憑參考施行惟復別有定奪均乞聖裁絲係計處大政以圖  
治安及奉欽依該部看了來說事理未敢擅便謹題請旨

比例乞恩請給書籍事

嘉靖十年八月二十九日

奏爲比例乞恩請給書籍事臣聞之禮曰天子聽外治后聽內職外  
內和順國家理治此之謂盛德三代而下此道微矣恭惟皇上德隆  
神聖治務本原以大學衍義實治國之規三后傳訓實理家之要乃

竹淵奏議卷四

命工翻刻序之宸翰而以衍義進講於經筵傳訓示法於宮庭隨復  
頒賜臣工傳播遐邇此誠欲內外各正其位臣民咸式其言以成中  
興和順之治而上比於三代之隆甚盛舉也臣彼時以工部右侍郎  
奉命總理河道在外未預頒賜之列聞茲曠典實切欣慕久欲上請  
懼瀆聖聰查得近該御史李美等奏請前書已蒙准給臣輒敢冒昧  
以聞伏望皇上一體頒給俾臣得日夕覽誦近以爲脩身之模而什  
襲珍藏遠以爲傳家之寶感荷恩私世世無極矣臣不勝願望之至  
緣係比例乞恩請給書籍事理爲此具本親齎謹具奏聞伏候勅旨



信陽孟洋著

孟有涯集

關齋識題

壬戌冬十月二日  
河南官書局刊



刻孟有涯集序

杜構曰嗚呼此孟有涯手藁也有涯名洋字望之  
乙丑進士歷官南京大理寺卿事詳傳誌捐館之明年我  
浚川王公收輯是錄釐爲若干卷語諸構曰孟有涯所爲  
文皆依稀古人後必傳吾子序之構曰諱昔癸未八月構  
以外艱山居有涯過我談藝文信宿而去其高懷貞義有  
如此者今特見其藁耳尙忍序之哉序曰有涯負奇氣明  
達不羣常以言譴謫走遐荒瘴癘地顛頓軀軻蓋自是探  
蹟思苦卽屬辭純密駁駁然望古人闕闕矣讀是集者標  
格氣骨碩有架護調逸興遯罔有流易可謂博雅君子垂

孟有涯集序

老不惑者也昔人謂子長史記在山川歷覽雲卿詩在遭  
貶嶺南後不其然歟遐哉邈乎風雅既亡漢魏不作大曆  
以降沿時溺俗者暮昏然也我朝幾六世子茲自弘治  
以來二三君子思詣精微力變蘇黃追初唐而上之時或  
問有向往者顧體裁初訂力量鮮及亦有憚難悅易信今  
而疑古者有涯以何仲默姊丈朝夕接談貫綜罔愆遂克  
底名家然則乙丑之後若有涯篤信崇古者豈可多得君  
子謂海內人士翕然丕變綽綽休風循流溯源後世必有  
定論云有涯不可作矣浚川常發諸噫歎真若骨肉遂梓  
是以不朽有涯豈非氣類相感懷舊章賢乎哉古之人有

終身著述名沉無知己至死罔聞卽有聞或不再葉竟湮  
沒耳矣是集一傳若神劍寶鼎發諸埋設諸庭堂蔑有弗  
見見蔑有弗敬者文哉有涯足以不朽矣而年而位亦何  
足計

嘉靖乙未秋七月望研岡杜構序

孟有涯集序

二

刻孟有涯集序

敬皇帝續緒御宇昭德廣化函夏枚寧蠻貊率俾享微釋  
警干戈載域學士大夫乘時清燕羣聚率勵墮探遠剖大  
肆力乎文事維時李空同金聲于北地何大復鳳舉于信  
陽孫太初鸞翔于於越徐迪功豹變于東吳邊華泉鴻軒  
于歷下我浚川先生玉振于儀封而王漢陂鄭少谷孟有  
涯氏諸君子又相與馳騫藝圃羽翼詞場然後聖代之文  
章洋洋焉炳炳焉近陵晉魏逖軋漢周矣余蚤歲跼伏海  
壖不獲覩矩準設以究六籍之潭奧涉百氏之津涘然心  
竊嚮往之廼者備乏臺史適浚川先生總持風紀因緣遭

孟有涯集序

一

際得遂卒業門下丁酉六月奉命按治于吳先生授以有  
涯集如千卷曰是近時作者蓋被梓以傳余既蒞止觀察  
餘閒乃屬有司校刻焉刻成讀之卒業論曰夫文之傳也  
三上明性命下述倫理君子以系道統立人極則傳綜理  
亂之章程陳文武之經紀君子以奠民生俾邦治則傳擴  
菁華於往錄擅辭命於時髦君子以鋪鴻藻潤景業紹前  
猷範來葉則傳以余觀於斯集也窺古人之意踐作者之  
堂所謂擴菁華鋪鴻藻潤景業者非歟其傳也已抑聞公  
之爲人也高朗峻邁雄視梁楚卽不文猶傳而况璀璨其  
質金石其音者乎其傳也已蘇守王儀同知鍾鑑雅飭茲

役而校正者爲吳學訓導沈桐凡正字約什一云嘉靖戊  
戌春正月元日會稽徐九臯序

孟有涯集序

二



孟有涯集目錄

卷之一

四言古詩一首

卿雲并序

古樂府十四首

戰城南

羊觸人

七夕詞

鳴雁行

北風行

孟有涯集目錄

行路難

將進酒三字至七字

楊花篇

雉過江

湘妃怨

愚父行

秋塘行

古城行

妾薄命

楚調二首

贈陳文相

東園歌

卷之二

五言古詩三十四首

虎丘效陰常侍體

別家

海山吟

海山謠

宿華陰懷馬侍御按節河中

答劉子潤之

孟有涯集目錄

南浦

十六夜月

採蓮曲

別李獻吉

貽友人

送唐仁夫

送王子衡巡按陝西得倚字

壽成母

贈朱生

贈初生從呂子游還潛江四首

中秋聞邊報

荅三子三首

田勳甫 劉子靜 戴仲鵬

詠古二首

贈郭侍御北還四首并序

送毛給事赴南都

送梁明府

己卯南昌之變瑞守宋君死之

黃蘆嶺

追懷張徵君

卷之三

孟有涯集目錄

七言古詩十七首

漢中太守行贈潘伯振

望京華

別馬君卿尹固安

鳳簫篇贈羅侍御

送鍾廣州賦得越王臺

夜泊石頭口

雨雪吟

沽酒行贈牟韋二撫君

顧全州見邀江水漲不能赴

送殷近夫尹靖江

運賢亭觀邊劉谷王四子遊泰山回題壁之作

客有爲余追京師故事者感而賦傷歌行

李子自沔陽貽詩及古製青羅巾以長句酬之聊暢

中情永懷疇昔

公署雪後無聊張時濟以桑落酒至對飲成醉爲醉

歌行

嘯歌行別劉郎

題畫

輓王復齋憲副

孟有涯集目錄

湘水歌并序

卷之四

七言古詩十八首

鳴門太守行

人日

漢宮詞

刈麥行

再過政平飲王介卿宅

壽邵黃門母

送洗侍御歸養



舟過城陵磯悼內兄舊巴陵尹

瀟湘行

送平樂李太守致仕還汝陽

桂樹行奉壽西巖先生

題宋徽宗杏花錦雞圖

天馬行同唐荆川太史遊普濟寺作

風木歌

松柏行爲洞雲張封君雙壽

送周玉巖侍郎入賀 萬壽節

送俞憲李君惟大入關中

題竹山

孟有涯集目錄

五

卷之五

五言律詩九十二首

發上谷

明妃曲

除日

除夕

元日

征婦怨

別都玄敬主事改南京禮部

靈濟宮一自

過張元德戶部同遂伯二首

無題

九日次邊青厓太常韻

冬雨

隱者

別李獻吉還大梁四首

雨

穀日集大慈恩寺

苔沐陽王明府寄書

孟有涯集目錄

六

弘法寺別送行諸友

宿長鄉寺山

平野

邯鄲

哭妻父

過懷慶贈潘推府同年

憇冷泉寺

約蘇天秀年兄會鳴謙驛

榆次縣蘇天秀宅會田汝親年兄

井陘別劉伯耕

河

悽愴

中元

庚午秋再過秦川寧庄

購日

韓汝慶宅對雪憶馬君卿

元宵

元宵後聞鴈

別邊荊州庭實得寒字

隣鶴示蔡生汝培

孟有涯集目錄

弘慈寺訪羅侍御不遇

送劉童子還山東

劉童子

送柴宗周

同劉子靜伯仲慶壽寺齋居

送韓汝節

臨清別鄭貞外入京

荅何仲默清明見貽

玉河柳

暮春四首

七

遊崇福寺遲同往諸君子二首

四月陳山人院內牡丹

畫

秋鴈

十八夜月

九日朝天宮

秋夜過韓汝慶

出京

舟中聞何粹夫內翰外補

酬寧伯東僉憲遊龍泉寺見示

孟有涯集目錄

雨中期馮都憲高太守寧僉憲遊賢隱寺

賢隱寺限韻時余將往桂林

宿堅山寺何仲默有讀書樓

煙

閑居

閩中寄顧全州華玉

壽松坡母

次韻何仲默見寄

不寐

荅黃橫州年兄寄書

八



端午日述懷

納涼

贈東山

同顧二刺史遊柳山祠

入嶽

宿上封寺喜晴

登祝融峰

謁胡文定公書院

南臺寺貽鄉僧無礙

黃刺史同登岳陽樓三首

孟有涯集目錄

月牙岩

宿長安驛夢啖檳榔

晚抵洪山寺宿簡王夢弼侍御二首

卷之六

五言律詩八十八首

正月不見梅示陳生惟允

人日二首

毛侍御汝厲按湖南道出嘉興賦別三首

劉遠夫同遊金山寺

歲暮

九

舟經三湖憶李川甫

亡妹誕日

曉發澧州

用五清韻弔屈原

石首訪趙從之時四川副使守制

懷馬敬臣時山西副使

懷田勤父時山西僉事

追悼王宗哲鴻臚

懷崔子鍾時在告居鄴

懷張仲修時諫判晉州

孟有涯集目錄

衡山王書堂宴集二首

春雪二首

別汪僉宗汝成

酬馬百愚過訪

秋盡田家

荅馬君儲訪蘇方二子見示

經沛弟墓

喜雨

賢隱寺懷李獻吉嘗遊此留題

懷何仲默

十

送林太守致仕

簡孫兵憲用之約遊賢隱寺

出門

光州道中卽事

雪霽辛氏莊泛舟

和久菴少宗伯齋居

奉和王欽佩提學遊賢隱寺

又和登賢首山二首

約張子言遊山庄雨不果移酌宅西軒

西軒別張子言限韻

孟有涯集目錄

七

遊張生園池因憶申臺少卿

東寺送胡通判宗器之松江

九月晦夜對菊

宴別李獻吉

過東明會葛明府如京

獻吉席贈田六

曾熊進士簪使甘州還

贈邊太常赴南都定韻

憂旱

喜雨

奉輓馮中丞夫婦二首

遊張園有懷申臺少卿

次韻君卿侍御同遊袁揮使山庄

馮宗程靜觀堂落成過飲分韻

東郊雨後二首

山居雜興十首

過武昌懷劉參之侍御

雨

喜晴

別殷靖江限韻

孟有涯集目錄

七

重過康莊驛

訪龍洞

遊泰山

駕出南郊

輓劉處士

董學士借舟徐蘇州有珠燈

簡劉廉使元瑞二首

過無錫簡顧少參與成

雨花臺

天寧寺



三

青龍寺留別送行諸君子

惠泉寺留別顧與成得情字

病中立春戲呈郡僚諸公

別胡茂卿推府往吳興兼呈劉養和太守

次韻馬君卿雨中懷竹塢

卷之七

五言律詩四十七首

送馬二侍御入京

行臺雨後

中秋夜有懷

孟有涯集目錄

訪馬敬湖別業

赴召馬敬湖別業主人未至

同崔岱屏衛源上舟夜抵新鄉

渡河用前韻

贈王燕山戶部

朱德佩園亭牡丹盛開為賦二首

暮春後園二首

送湛原明侍郎赴北禮部

朱氏園亭對月

張司成宅咏日菊限韻

三

次韻呂涇野對雪二首

冬夜聞雨言懷效晚唐人作二首

贈平坡吳子儀

夜訪張子靜

吏隱園同顧華玉黃勉之席上作

奉寄何栢齋中丞代書

夏夜邊司徒同黃勉之秀才分韻得風字

中秋夜宴宗伯新第

壽樊母太宜人

題廖太守卷十四事

孟有涯集目錄

日趨庭閣

步躡青雲

御殿傳臚

醉歸瓊林

試政司馬

奉使東遼

視篆穎上

承檄行取

任寄耳目

督儲通倉

十四

按鎮宣大

觀風齊魯

牧專汝南

登鄭氏樓

溫泉留別張時濟胡承之得光字

遊山遲唐荆川太史不至

山行即事

出

同荆川遊龍泉寺二首

卷之八

孟有涯集目錄

五言排律十五首

靈石

寄王子衡時巡按陝西

贈王中丞致仕

贈蔡給事成之福意

送穆檢討伯潛意京國子司業得遂迎養

送彭總制西征

贈雲谷

贈榮上人兼呈顧全州

張封君葵軒雙壽十二韻

五

壽黃太淑人次甬川韻

過陳山人庄居

九日登堅山十韻

送牛太常道徵致

送黃少卿子任致仕歸南海

送張汝禎使伊府

卷之九

七言律詩八十首

許憲副伯誠荆州兵備改湖廣提學仍舊業也賦此

贈之用張時濟韻

孟有涯集目錄

除夕寫愁

過寧州悼秦用寧通判

八日喜晴

紅德城元夕

題張氏忠睦堂

集豐林玉閣亭

登驪山絕頂懷古得寒字

奉和大司馬晉溪王公華陰祠樓餞別大司馬荆山

王公次韻

秋日苦雨

六



留別顧英玉憲使

冬日宴鄭汝順別業

過定遠寄鳳陽底太守同年底以黃門出守

春雪簡顧華玉廉使

飲何錫卿山庄次韻

送高司寇

送王太常季徵

八日寄顧英玉憲副兼寓憂荒之意

齋居呈聯舍諸公

奉和白樓太宰齋居

孟有涯集目錄

酬柴光祿春日喜晴見貽

正月二十三日甚晴期日出遊城南大雨不果呈所

期諸公

送吳太宰奏績北上

園中花樹盡開家僮折來始知感而有述

送柴光祿入賀

聞少司徒楊公少司馬萬公同赴錦衣徐公約遊牛

首山戲贈一首

送陳景兆祐卿致仕

送吳學士仁夫北上

臆月朔雨有懷邊司徒華泉

二日微雲再依前韻用荅報章

朱氏園亭宴集

再用前韻戲荅邊司徒

寄上太宰巖喬公一章

贈崔都督總江南北諸戎事

飲卞將軍廟西麓亭得月字

題荷峯贈陳中丞

奉和貞菴大司寇齋居二首

又和紫巖大宰二首

孟有涯集目錄

又和舖菴京兆一首

顧廉使息園燕集顧憲副張顧二郎中黃王二秀才

新秋出郭訪蔣子雲

贈大中丞惕菴張公致仕

次韻荅周刑侍見和桂林之作

題趙太守棋聲閣二首次韻

答顧全州華玉寄書

昌平省中

邢臺道中呈宗哲明府

曉發趙州懷仲默

夜抵內丘去年王宗哲自唐山送子亦夜至此

曉發磁州

鄴城懷古

渡河

八龍塚

夜坐白坡書舍

酬何仲默以詩見留次韻

過大梁貽李獻吉

三月十五日病寓趙州時何舍人致仕馬戴二進士

應廷試

孟有涯集目錄

五

題真定邵推府企歐亭

送譚開州還任

送田勤父使南昌

古熱

畫

送宋上舍還陝

聞鴈

訪田勤父至自河南

題廣平郭同府望雲思親圖

酬馬君卿見花蕊有感見示

訪任草亭初至都下少君卿韻

九日

磁州省壁見韓司徒憂旱詩二首有感時司徒已去

任

輓楊貢士

比于墓

新安省院

望大華

石溝

環縣

孟有涯集目錄

三

長安同張文之宿罔極寺

卷之十

七言律詩八十首

晴

華嶽

襄陵省中池亭甚佳因懷張李、同府

道井徑有感

淮陰侯祠

同黃都憲孟鎮守侯總戎遊紅石峽

同前諸公遊龍泉祠



和楊遂菴入關

過關

中秋示王子遂夫

送李給事使占城

挽溪雲翁

送馬公順湖廣提學

挽蜀中王侍御乃翁

送王仲深致仕還江南

待漏

送邊荊州廷實賦得一柱觀

孟有涯集目錄

送方隱君還棠陵

荅何仲默見寄

九月二十四日夜張侍御宅見菊

送任草亭分教新城

九日無菊

送人還山東

醉吟

別關中雷生

別蘇天秀

聞河南寇二首

八日

過海印寺

慶壽寺齋居夜陪喬劉何三舍人

送韓汝節左遷平陽別駕

和何子移居

春鴈

田給事宅對雨

挽李封君夫婦

送謝應麟赴費縣尹

挽白司務

孟有涯集目錄

晚晴

壽林侍御兄

送許侍御乃翁視子還

送周世寧進士

送劉天和侍御巡按陝西

興隆寺齋居

送謝汝正少叅之湖南

冬至述懷二首

臘日

荅顧全州華玉見貽

除夕對梅花

人日答顧全州以詩見邀

送馮司順入京

松坡宅內海棠賦得園字

寄周克之侍御謫居南海

送徐明府入京

壽松坡母太夫人

吳廣文赴天河

清明

答高大和侍御寄書

孟有涯集目錄

中元

秋懷

九日遊風洞山

輓張兵備時措

輓李將軍

輓胡憲副

遊湘山寺

南可堂

主師出京聞玉都御史收南昌消息二首

九日雨阻登高述懷二首

病居寡出憲使閩公假以良馬從此可遂遊覽之興

詩以奉酌

酌君卿夏日山居見示

別劉子深

東平道中呈馬二侍御二首

千佛山

九日登泰山

禁中春雪

八日別王明府同陳何李薛劉五子

卷之十一

孟有涯集目錄

七言律詩七十八首

夜集劉子緯郎中

九日期登高不果遂集王郎中欽佩青谿上隈韻

仙真觀

清涼山

至日遣懷二首

立春後對雪

吳松江肅威道此對酒次韻

除夜述懷

元日呈郡守徐公



正月三日喜晴

正月十四夜徐郡守子謙諸進士楊伯屠賦方文伯

范秀才孔嘉見過觀燈

元夕

送陶憲副入京

喜駕旋

天寧寺對雨

散鶴爲沈秀才概題

重陽前一日登黃鶴樓

贈魯振之祭酒園居

孟有涯集目錄

懷王子衡時四川提學僉事

至日有述

答劉奇進良長兄題雪見貽

憶周充之時謫居沅州

華容值張常甫年兄用嚴內翰韻

出郊

酬馬侍御園居見示

苦熱

贈王憲副過訪次馬侍御韻

中元夜簡浚川憲副因憶蔡石岡大叅劉遠菴憲副

暮春同馬侍御訪張太常園池時憂旱

殤子八十生日至痊所

出城

贈別張汝楨兵憲兼致留意

遊賢隱寺二首同王子遂夫

次韻馬侍御山居

種竹

題東谷

賢隱寺限韻宴別張子

張徵君泊其子文學送予北莖

孟有涯集目錄

誕日雨行臨穎簡杜研岡

飲崔都尉府

南浦

寄王欽佩提學

春日顧張二省郎攜酒慰次韻二首

大理公署賞牡丹次萬治齋韻

江上訪王浚川司馬值謁陵未回

雨花臺

卽晚過鳳臺下徐氏西園用前韻

盧龍山次贊庶子韻

有悼一首爲華泉大司徒作

又次浚川司馬韻一首

涇州道中聞劉養和提學阻雨於此戲贈

庚寅郊祀齋居三首

龍泉寺奉懷顧南田憲使

寺中對雨

對菊簡管平田吏部戲申夙約

同張時濟遊管平田別業

喬司馬宅留別限韻

送戴雙湖太守之泰山

孟有涯集目錄

三

過開城

王司馬見示和司徒對雨詩次韻

和黃允庵觀漲

雨中臥病有懷大司馬王公

戲贈九峯山人

哭鄭鹿門大理

春日遊王令莊園

贈馬抑之侍御按淮陽

寄壽汪逸士

答贈陳魯南陞山東大叅見示次韻

壽胡翁

遊清涼山限韻

奉和紫巖太宰東麓亭高韻

送陶醫士次王司馬韻

賢隱寺值雨答陳生惟允

卷之十二

五言絕句三十三首

桃葉歌十首

江南曲十三首

白菊

孟有涯集目錄

三

圓亭雜興四首

王子衡過飲分體得五言絕句二首

雨

書贈岳秀才伯陽翁

米元章拜石圖

卷之十三

七言絕句九十七首

榆臺嶺

雜興三首

春雨寄何仲默三首



送扈明府赴滿城

咸陽覽古三首

梁山懷古二首

寄內

塞上行十首

和楊遂菴應詔二首

邊太常席賦秋海棠

送人

楊花二首

除架

孟有涯集目錄

三

壽亮上人

賈誼廟二首

回鴈峯

楚離宮

歲暮

冬深

十一月朔日

可笑

憶看竹亭兼寄甯伯東僉憲二首

憶花

江雨

送包舉人入京

間愚溪

桔槔

寄李平樂覓蓮酒二首

周徵君贈梅酌絕句二首

宿湘山寺戲呈顧刺史

下嶽

宿雲開堂強主簿送酒與廖行人邦重渠上酌

奉和楊遂菴閣老塞上曲十首

孟有涯集目錄

三

辱枉張司成雪中見嘲之作戲答二絕句

簡顧兵憲英玉覓柳栽

送星者孫生

冬夜呂太史宅殘菊賦絕句四首

贈蔡生汝培

元夕項大參惠屏風紫藤燈各一酌以二絕句

平南曲六首贈中丞秦公

湘簾贈張子言

雙井留別君卿一韻二首

惜菊

次韻馬君卿觀蓮絕句

題扇面寄杜研岡

索居無聊聞馬二侍御新得俸金無由為酒資戲贈

二絕

寄題林以吉讀書室

戴子自烏石驛起守延平

中秋宴城西樓別張子言

贈璽上人

九日約同遊諸君子

卷之十四

孟有涯集目錄

三

序十四首

贈林憲副序

送方松厓先生詩序

贈林總制先生陞南京大司空序

送雙山先生序

東江別意詩序

贈劉明府上績序

贈大方伯周雙竹先生序

春谷詩序

壽孫子外舅姑圖詩序

送鄭員外赴南京序

光風霽月卷序

贈鄭子序

青巖先生壽序

刻天地正氣序

卷之十五

序十三首

送僉憲王翠墩序

彭山倡和詩序

送鍾石先生圖詩序

孟有涯集目錄

三

送郡丞李公赴懷慶序

贈許子廷章考績序

愚逸翁壽序

送顧郎中詩序

贈馬錦衣拙菴序

靖江春餞序

贈傅公總憲山西序

訥齋序

贈靈川掌教甘君奏績序

序知贈黃子



文十一首

禱雨文

謝雨文

祭韓汝慶文

祭李大叅文

祭周侍御母文

祭董侍御文

祭殷給事文

祭同年朱華州文

祭亡母孫太恭人文

孟有涯集目錄

祭朴子文

祭仲女文

卷之十六

記五首

遂平縣脩學記

記閻公雨詩卷

朝邑縣建置經正書院記畧

東臯記

風雨山堂記

書二首

上林大司空書

與何仲默書

雜說三首

衍壽

事功

袁惟毅字說

銘一首

莫庭銘有序

贊一首

金太守士希像贊

孟有涯集目錄

題跋九首

題陳中丞平南卷

題遊西山卷

書關西絕行詩

題劉氏雙親卷

跋贈遠卷

跋登山臨水卷

跋海山卷

跋顧子華玉上方山玩月詩卷

題顧華玉雅集卷

三四

卷之十七

誌銘四首

中順大夫陝西按察司提學副使何君墓誌銘

樂山處士馬君國珍墓誌銘

成童子喬召墓石銘

趙王左長子戴公墓誌銘

墓表一首

嘉議大夫右副都御史馮公王夫八墓表

行狀一首

贈中憲大夫都察院右僉都御史孟公行狀



四言古詩一首

信陽 孟 洋 著

卿雲并序

正德癸酉歲大熟異蓮嘉穀並出是時甯君伯東為信陽兵備有美政人皆以為所致祥也遂歌卿

雲二章

卿雲載興非霧非煙公侯出遊駟馬閑閑何以征矣于彼中塘芙蓉英英一蓮雙房澤無蛟虺水有魚鮪予以取鮪載歌載咏公侯之樂惟民之慶

孟有涯集卷一

卿雲載興霽霽霏霏公侯出豫軒車遲遲何以往矣相彼民事禾黍離離一穀雙穗山無豺狼林有雌雉予以取雉載歌載謳公侯之慶惟民之休

古樂府十二首

戰城南

戰城南城南賊衆衆若林猛若虎牛羊被掠人民為擄恨不盡殺之以靖我疆土戰城南麾天兵鳴鼓一振士皆忘生長驅沙漠誰敢攖功成勒石報天子生者封侯死者死知名半是豪門士昨聞胡馬來壯士顏不開

羊觸人

青苗遶遶白羊雙角羊食苗苗盡禿牧兒持杖羊羊不受逐睨目視兒向兒觸兒莫能支走且矚一羊奮股十夫力苦羊亦搏人況乃熊與虎

七夕詞

風清夜涼河漢微天街月露霑人衣人間織女皆停機靚粧歛珮出蘭幃仰看雙星今是非鈿杆石梁烏鵲飛玉顏皎皎花依稀流光明滅飄上弄樂深愛極中忘歸寒鐘乍聞更漏稀龍車倏駕復下遠垂眉緬念重歡歎悵言同遲東方晞

鳴雁行

孟有涯集卷一

嗚雁嗚雁且翔雄鳴雌和同一行征人晨旦戒行裝問君何之向瀟湘感離含怨獨徬徨徬徨行出門男兒重義何輕恩堂上親老亦不顧何況區區兒女論

北風行

北風獵獵葉葭寒出口雨雪道路艱高樓少婦坐愁嘆征人迢遞沙風湍懷思佇望何時還行未回桂牀蘭簾獨徘徊丈夫雖云萬里志盛年一去難重來

行路難

君不見巫江峽口浪如山白帝江陵一日間君不見滄溟接天百恠備海賈涉之若平地至險無形人莫窺魚腹置



亦君豈知昨與同門今共敵朝爲刎頸暮分屍韶護荒涼  
鄭聲雅野鳥爲鸞鹿爲馬莫言廊廟皆貪夫莫道山林盡  
賢者行路難歌莫哀河東太守揮不去魯連先生招不來  
人生出處豈貴一但願勿令世所猜

將進酒三字至七字

關瓊戶登瑤堂嘉賓咸集華宴載張歌隨白雪轉舞動紫  
雲揚仙人下堦爲壽玉女揮袂獻觴萬里黃鵠會高舉千  
秋古鶴相將

楊花篇

楊花亂撲征人衣塞上征人苦憶歸青樓少婦懷遠戍顰

孟有涯集卷一

三

眉亦嘆楊花飛別有豪奢少年子錦衣出入金門裏豔舞  
嬌歌共舉杯稱壽逐花歡未已吁嗟壯士豈不還別婦終  
有家豪華焉得長豪華請君試看楊白花

佳過江

雉過江江水何瀾瀾風驕浪闊力不渡翻身墮翼江心裏  
力微翼短爾不思見爾乎沉非所宜

湘妃怨

帝子眼中血君山竹上斑不見重華返徒令傷玉顏玉顏  
昔映瀟湘水寶鈿空沉洞庭沚蒼桴何近望何長江水不  
同心不死秋花寂寞楚雲津夕鳥噓噓愁殺人月中帝輦

還湘浦恍惚如聞二妃語

愚父行

君不見當今智士稱善謀清朝華髮朱門遊太行孟門豈  
云險星奔川驚不可求朝趨董石暮梁竇御恩攄效結綢  
繆炎天赤日凌空起堂上冰山化爲水烈火風生竈突煙  
紛紛燕雀同時死山中愚父愚且踈饑餐渴飲恒自如壠  
畔歸來酒初熟往往釣得前溪魚烹魚呼客開春酒吟對  
南山眠北牖東林西塹皆坦途坎壈崎嶇我何有君不見  
翩翩鴻鵠高雲翔雞鶩徘徊爭稻梁

秋塘行

孟有涯集卷一

四

川原搖落羣芳息塘上秋光淨如拭煙開露晞楓葉丹霜  
波不動蒹葭寒垂綸載酒遡輕舫人影倒行飛鳥上蓮房  
菰米何鮮新渚雁沙鷗沒浩蕩放歌祇恐蛟龍驚洗耳那  
聞鞞鼓聲白雲悠悠自來去寧復江頭朝雨情

古城行

秋風策馬古城游斷基廢壘迷霜草暮馬朝車日日過北  
去南來成大道千載衣冠空墓墳萬家市井餘桑棗長林  
白日寒蕭蕭遠戍浮雲暮浩浩此地曾經幾戰爭行人極  
目傷懷抱城外相逢漢使回榆關將卒俱安堡君不見去  
年今月胡馬來百里煙塵竟誰掃



妾薄命

盈盈水中蓮莖帶何纏綿啞啞樹上鳥兩兩夜相呼憶妾  
嫁郎未旬日郎騎白馬從軍出東園桃李尚無花葉落花  
殘幾歲華前年報道遼西去今歲書來更何處月缺重圓  
還有時不似郎歸無定期妾身欲化雲間雁飛入邊城見  
郎面只恐郎還妾不知百年永作長相思

楚調二首

贈陳文相

芙蓉落兮鳧雁游陵佳人兮行東遊謝塵器兮遵清流引  
白雲兮望瀛洲神飄飄兮心靡憂晨風疾兮不可留倏子

孟有涯集卷一

五

別兮晤何由歲月邁兮生若浮出莫濟兮潛莫修孰與子  
兮良悠悠世厭遺兮弗子求復何時兮駕廻舟重踟躇兮  
將焉尤何衆鳥兮嗚啾啾悵回首兮風颭颭渺芳草兮道  
阻修君不見兮我心慘

東園歌

樹掩曖兮江村匝煙蘿兮蔽柴門喟主人兮感雲山之遐  
思解組綬兮歸東園谷欣容以相逐水歡聲而自娛竹蕭  
蕭其百尺柳依依而五株霜菊就徑露微見岫倚長松而  
蹇息盼巢鶴之羣呼顧往路之崎嶇兮何來途之坦夷悔  
夙昔之縱步兮幸廻轍之未遲世匪唐虞兮吾奚志於皇

夔懷龔魯之可即兮今不迨乎古時鴻雁不食於矰繳兮  
鳳皇舉翼而高飛即孤犢之莽宿兮胡犧牛之繡衣淹寸  
祿之鞶羈兮孰與逍遙宇內俯大塊兮從吾所之乃策杖  
於南畝乃泛舟於安流白鷗朝兮相親夕麋鹿而與遊采  
芙蓉兮並蒂樹芝蘭兮盈疇白魚入饌濁醪在笥樵歌發  
兮日將入風習習兮聞漁謳引鄰翁而對酌邀清月以廣  
酬醒何物而靡適夢奚往而不游日容與以歲延竟甲子  
之幾周嗚呼噫嘻天地隘兮滄溟其渺古今道迫兮日月  
窄苟富貴之不可求兮吾安知吾身之為小

孟有涯集卷一

六

孟有涯集卷之一



信陽孟洋

五言古詩三十四首

虎丘效陰常侍體

崇丘秋氣合廣野黃雲連晴川素練淨霜葉絳霞鮮溪樓  
納霧早岩隱照日偏草繡生公石雲香陸羽泉朝禽嚮樹  
末寒花耀塔前定僧情澹苦遊子思悠然仍此長洲苑詎  
復闔閭年

別家

僕夫早嚴駕行行之楚鄉依依戀故里尊俎臨道傍親友

孟有涯集卷二

送兒女泣成行隣國非遐征歲月未可量白露塗郊  
原秋草日焜黃沙禽並棲宿鴻鴈東西翔且爲斯須留日  
晚途路長不云行役苦徒令居者傷

海山吟

汎舟覽滄海弭櫂遊蓬瀛洪波滌浩渺羣峯蔚葱青彤雲  
綉雙闕丹霞麗層城麒麟游太和鳳凰行嘉徵甬道旣窮  
窕飛闕亦崢嶸黃金絡簷牖白玉製堂庭奇葩競晚豔珍  
卉紛冬榮摘林異果見魚鮮雜穀呈仙人集歡宴靈娥坐  
吹笙霓裳薦織舞雪齒發新聲右手拍洪厓左袂聯廣成  
渴吸沆瀣液饑餐若木英千秋復萬歲永言娛長生

海山謠

誰謂海水廣方舟亦可浮誰謂泰山高藍輿亦可求登高  
望遠海我心何悠悠雲濤迴碣石雪桂隱蓬丘長與喬松  
子年年爲此遊

宿華陰懷馬侍御按節河中

客路倦茲遊空堂此何夕明燈促簿書春星動簷隙渭北  
鴻鴈來猿吟華山側濁流一何深佳人杳難卽遙遙欽德  
音茫茫阻顏色笑言故山廬繁華憶疇昔皎月照巖阿凝  
霜肅荆棘蕭蕭驄馬鳴豺狼遁其跡豈不慰遐思終焉感  
離析思欲往從之安能生羽翮臨風緘素書書短不盈尺  
上言加餐飯下言崇明德

答劉子潤之

浮雲寡恒態逝水無旋波貴賤有時命歲月諒蹉跎谷風  
自東來黃鳥鳴相和庭篠抽嫩條堦藥吐新葩時物各有  
託人生詎同科念我二三友零落殊天涯沒者旣長別生  
存亦悲嗟文章速誇尤氣節誰爲誇世方寶燕石和氏當  
奈何服飾辨妍醜嫫母嗤秦娥出募金門隱歸種東陵瓜  
光景倘佳會置酒惟高歌

南浦

朝倚東山桂夕棲南浦雲風飈吹岩戶霞日映茅軒春藻



呈奇葩秋蘭發清芬野麀鳴以游浮鷗戶為羣幽人抱沖  
和撫物悟天真輕縈弄明月弱絲漾華津沉飲謝煩慮彈  
琴悅心神三徑恣閑步八公寄微言齊組終蹈海趙璧空  
怒秦抗志薄夷齊甘與巢由倫

十六夜月

團團中秋月重陰蔽輝光今夕一何夕皎皎清且揚白露  
涵金波卿雲耀其傍招邀集懽賞清歌激流商鳴蟲響玉  
隅肅肅南鴈鳴歲，從此逝我心良自傷何如早為樂共  
醉君子堂君看月西下旭日生東方

採蓮曲

孟有涯集卷二

三

未明日初永南薰變羣芳飄搖陌上女三五行且將曳裾  
步層陰環珮鳴丁當笑語聞鶯燕服飾紛緋黃採蓮池中  
曲流標婉清揚微波映深綠素手牽柔香荷葉既成握藕  
花亦盈筐常恐風波起日夕回帆檣踟躇行且歸繁思結  
衷腸欲問不可近徒爾心煩傷

別李獻吉

悠悠歲奄暮去去將何之三年不見面後晤安可期盤桓  
杯酒間勸君飲莫辭強歌暫成懽亟鳴及秋時嚶嚶黃鳥  
音，顧求所依豈無上林枝子意多乖違幸有同明月慰  
我長相思

貽友人

青雲度高漢落日下遠戍行子倦孤征稅駕咸陽暮空林  
宿雨微虛簷滴松露悵然懷美人昔語今不晤濁酒誰為  
傾強歌未成趣豈無四海士新交不如故

送唐仁夫

春風吹碧草去去何能留鳴鴈西北歸之子東南遊鳳凰  
立高岡鷗鷺中波浮所貴在順適性命安可求酌彼金壺  
酒聊以消離憂

送王子衡巡按陝西得倚字

孤鴻遊八極日暮宿江汜紛紛四海士緬懷念君子逍遙

孟有涯集卷二

四

幽澗，芳芷嘉晤苦歲遲乖別遠千里商飈肅秋  
林祖席臨寒淚諒子平生親贈言，在累初冬出函谷飲  
馬黃河水巉崖走虎兕夾道生荆杞莫邪鳴鞘中一日再  
三視試以體髀宜衆理良獨耻仰瞻太華巔霜峰碧空倚  
丈夫處兩間氣槩諒可擬三邊埃火連漢南寇叢起折衝  
貴笑談何必任鋒矢願言樹名勳慰我貽尺鯉

壽成母

春風扇華屋置酒臨北堂靈萱雪中茂煙柳發新黃阿母  
上堂坐遊子歸故鄉脫爾解豸衣理我斑，裳中厨薦珍  
膳侍者獻瓊漿當筵雜歌舞楹間列笙簧皇恩忽沾渥丹



詔何輝煌承乾既柔懿教子多義方國典重風教母儀振  
綱常玉人下塔拜衆賓各舉觴今夕亦何夕元夜華燈張  
明月皎中漢南極含精光千秋屆此節爲樂殊未央

贈朱生

與子別離時乃在灘水陽灘水東西流往棹無回檣還顧  
桂山隈城闕鬱相望修衢帶廣陌車馬如雲翔子居貧士  
里散帙空盈牀歲久途路仄思心阻且長一朝時運會奮  
飛游帝鄉戢翼復南旋問我來建康驚喜如夢寐顏色各  
已蒼衷情未云極話言詎能詳行行度湘川採掇多蘭芳  
無以遐遠故聊寄莫相忘

孟有涯集卷二

五

贈初生從呂子游還潛江四首

君從漢水來貽我漢女珮綴以明月珠飾以南海瑁韞櫝  
戒慢藏展玩懷良愛欲報諒難擬踟躇謝形穢

鴻鴈游中原和鳴同一行自大梁候其兄來此友于一因心誰言有

閔墻鄂鄂棠棣華韡韡自明光別夢西堂夜春草生池塘  
朝趨呂子門夙駕自千里觀瀾淮海陽望洋大江涘虛往  
信有益深造自茲始諧音貴操縵食味乃知旨

秋風吹江水江水漫浩浩游子將安歸言泝荆門道荆門  
臨夢澤采采多芳草

中秋圍邊報

悲風自西北雲沙漲秋天驕胡十萬騎入獵長城邊驅我  
牛羊羣牧我禾黍田壯健亦走匿老弱安可全相望數千  
里白草無人煙赴赴熊虎臣見敵奮以先嗟哉六千人一  
戰盡亡捐適我臨上谷城中正皇然東家哭陣亡西隣愁  
未還感此懷抱惡令人涕泗懸守臣報 天子分兵向胡

旰旃旗耀日赤鳴鼓聲蕭蕭精選老成將重託生死權  
國難冀可雪民瘼諒可痊師出已三月胡兵尙蔓延聯營  
鴈門野飲馬雲中泉日聞羽書至爭看捷音傳再戰失首  
將三軍竟誰前邊士好死戰京士好安便安便亦上賞死  
戰誠足憐掩耳不忍聽開懷向華筵念此中秋夕皓月當

孟有涯集卷二

六

答三子三首

空圓星雲澹河漢光彩何娟娟微風度羞笛永夜無安眠  
梁國足豪俊超然更田子貧賤不驕人權游咸義士灑唾  
燦明珠揮毫涸江水愛子如愛弟緬懷激仰止 田勤甫

劉子抗孤節魂磊東魯獻飲酒借嵇康詩名齊子建閉戶  
每長吟高筵劇雄辯瘦骨清嶙峋曾中屯百萬 劉子靜

同鄉復同好戴子情獨親作詩寫心素送我游西秦楚人  
惠荆璧郢里聞陽春他方一展玩酸然欲沾巾 戴仲鵬

詠古二首

區區千金子欲坐不垂堂胡爲萬乘尊居然立巖墻鴻門



杯酒間反復變興亡孤騎廟中出孰與灞上強帷幄決千里嗚嗚張子房

漢高事上皇築城徙新豐雞犬識舊術棟宇如故宮乃知帝王心達孝古人同危哉廣武陣幸不烹而翁

贈郭侍御北還四首并序

頃惟侍御兩山先生體間出之奇蓄不可測之量按行關陝凜有風聲衆人仰其興革俗化流被惠澤而已然時振音雅金石迭奏揮翰所至蛟龍盤拏此其緒業有識希觀洋幸以執事周旋彌歲不啻厭其德政欽乎文詞抑且探至論於未聞領玄

孟有涯集卷二

七

理於未教譬由蠶賸積年開明一旦豈不快哉乃其旋節之時不勝解袂之感用賦七韻四章薄申景慕辭旨荒陋非所知焉

朱鸞鳴高桐不與黃雀羣君子迥孤特衆庶何紛紛托心超玄素矯志薄天雲敷言軌前哲吐氣揚清氛大雅謝繁響舉世誠罕聞閭然白璧姿蔚矣玄豹文鴻漸浮天堦光儀侍明君

揚旌渡河渭弭節覽周秦靈臺豈經始古道多荆棘歷險迫巖谷乘危犯沙塵冷冷清風激霜月鑿幽淪豺虎潛故踪狸鼠安足論中衢有歡頌窮簷無苦呻鞭笞非所恃風

俾江漢序

驚駘無異骨輪囷非懿材豈暇良樂顧徒取匠氏猜邂逅值君子欣仰愜所懷踰踈荷深眷言論靡有乖諒乏郢人質斤斲懼弗諧忝彼惠氏知惡爾莊生儕徘徊千載間感激令心哀

林花媚遠日原草帶長煙白駒歌道左黃鳥鳴樹巔鴛言發京都晨興越河關豈不念此離王事此多艱五侯縱驕侈漢庭爭訟繁朝廷尚須黯行路終避桓去矣勿復陳大道在忘言

送毛給事赴南都

孟有涯集卷二

八

明夜春風盡黃鸝無好音清江故人去落日酒杯深酒空愁復來扁舟那得任孤雲不知還何處金陵樹金陵山下窟自古帝王州豪華餘六代宮殿鎖千秋月出石頭城潮迴金山寺遠覽懷古迹高吟發幽思潑潑赤玉鱗泛泛梨花春公餘及良夕可以會情親河南崔編修山東穆檢討俱是同年人况爾夙所好天地有消息誰能免離分朝如鳳樓日暮似鳳樓雲孟軻三遊齊柳惠三去魯直道苟不阿全名照今古江淮年歲歎荆襄豺狼多人生良不偶爲別奈君何紫燕花間鳴飛飛接雙翼去矣無復言悵望空沾臆



送梁明府

名家孟津口高誼洛中聞  
不慚為小相日奉明君邑  
宰西川去交遊上國分曉  
衝燕甸雪遙望劍門雲蜀  
郡猶多寇書生亦統軍憑  
君萬里志從此立功勳

己卯南昌之變瑞守宋君死之

惡木安可息猛虎安可翼  
在咎匪我召囹圄豈偏仄  
平生節義軀願為猛虎食  
有死可為國有生不共賊  
浩浩鄱陽水濕我忠憤臆  
康郎何崔嵬游魂尙能涉  
流風江漢潯千古垂令則

黃蘆嶺

孟有涯集卷二

九

汾陽戒明發礪道生愁顏  
削壁屹雙鐵巍哉一何艱  
闕寂翹翹伏崢嶸熊虎蹲  
溪流石齒齒雜樹蛟龍蟠  
微雨應洪響仄步依盤旋  
行行躋黃蘆高入青天攀  
陟心神悸馳驅精力慳須  
臾變風雨白日生黃昏奔  
雷動地起駭浪空中翻僕  
夫如喪魄欲言聲不喧忽  
驚秋氣至迴颺條疑寒欣  
逢抱關氏白首足盤跚烹  
雞獻麥飯禮意良精專倚  
案向予泣歷官良獨難本  
以為貧仕不能充饗殮即  
欲返鄉里心遙阻山川聽  
言感懷抱念國心漫漫六  
載繆通籍無時離征鞍西  
遊賀蘭山北出鴈門關形  
肉漸銷鏢塵沒簡與編成  
名及壯歲撫臆懷昔賢誰  
云恃朱顏朝來髮已斑

何如解簪紱服食還金丹  
安能屈情志齒落遊塵寰

追懷張徵君

青青岩畔松漠漠谷中蘭  
孤貞抱幽寂芳馨恒自憐  
移植公府中土性非所便  
至人尙玄素哲士保自然  
靈霞盪心慮塵紛詎能纏  
守身戒枉尺行義耻忘筌  
結廬西山麓泛舟河水滯  
雖非金石固神理諒可全  
生時有遺榮沒為閭里嘆

孟有涯集卷二

十

孟有涯集卷之二



信陽孟洋

七言古詩十七首

漢中太守行贈潘伯振

漢中太守行出門蕭蕭五馬鳴  
秋原請君繫馬亭前柳爲  
君贈言勸君酒漢中巨郡  
獄訟繁饑饉頻仍足羣醜  
蜀川廉范有遺歌關西楊  
震稱良守使君才贊迥非  
常十年獻納黃門郎曾將  
五色繡龍衣何有一郡分  
銅章君不見棧道逶迤一  
千里高山峩水瀾瀾此去  
休歌行路難擬取循良報  
天子

孟有涯集卷三

望京華

西顧辭三晉東入故關長  
安紅日近王氣五雲間萬  
水千峰齊拱極蠻夷猾夏  
皆欽德珠闕晴臨玉沼波  
金門曉映青山色仁壽宮  
中秋意哀文華殿上早朝  
回翠蓋香車公主過朱麾  
寶馬國王來黃門諫諍游  
紫閣公孤宅風生獅豸繡  
衣郎光搖甲冑金吾客禁  
外諸軍復九卿分曹列爵  
各縱橫戈戟森森嚴武備  
冠裳濟濟象文明外戚池  
臺勝中官甲第通三千仙  
子觀十萬梵王宮垣壁深  
開金炤耀軒楹高結綺玲  
瓏九衢三市多豪賈貫帛  
如山氣如虎自矜意氣可  
回天翰林學士不敢前復  
有驕奢游俠

子千金一擲能輕死趙舞輕盈  
明月前燕歌宛轉香風裏

燕歌趙舞競繁華十二青樓近  
酒家長大但知衣錦繡生  
來不解種桑麻望京華京華遙  
相望西湖一何清西山一  
何壯湖田百頃潤還腴山窟諸  
陵屹相向諸陵古栢盡蒼  
蒼秦陵宿草猶未長草野聞風  
墮雙淚朝紳引首斷衷腸  
望京華京華都且雄元帝末期  
成廢業明朝太祖著隆  
功曆數萬年永車書四海同  
生世况逢今日盛歡歌燕賞  
樂無窮

別馬君卿尹固安

孟有涯集卷三

朔風蕭稍寒日白躊躇執手  
城南陌同是天涯羈旅人把  
酒翻爲送行客客行一步一  
徘徊萬里愁雲晝不開繫馬  
且盡平生懷欲發不發傾離  
杯憶昔余年方總角君年二  
十富文學與君識面卽心知  
朽質無成藉雕斲羨君一舉  
捷秋闈余亦附翼同翻飛垂  
翅借遊太學裏風朝雨夕常  
因依志合由來厭流俗往往  
朋輩相嘲譏慚我先叨甲第  
日君還杖策西南歸此時爲  
別情更苦慷慨長歌淚如雨  
明月瞻迴淮水雲落日望斷  
燕山樹去年花發來長安春  
風得意下金鑿傷心獨喜百  
年晤往事空嗟行路難清才  
古貌推時彥白馬青袍下山  
縣不須相別重相期但恨相  
知不相見龔黃卓魯伊爲誰  
古人今人可等夷况乃青雲



瑚璉器奚啻百里勞施爲言罷分攜意何極君馬南嘶我  
馬北積雪川原爲鴈鳴平林日沒千巖黑

鳳簫篇贈羅侍御

紫簫吹空綠雲起鳳皇翔入簫聲裏倏下金墀儀且鳴殿  
中雅樂識新聲黃鸝紫旛和清吹萬雀無喧百鳥避一朝  
羸女飛玉霄文羽祥音漫寂寥詎謂嘉祥不可復孤雛又  
見宮梧宿瓊枝含露冷琳琅曉浴天池動日光德舞長隨  
奏金石彩毛時補袞衣裳鼓氣鱗風歷天宇嶽海騰輝萬  
邦覩快目娛中迷所由太平只合歌明主把酒酌君君莫  
謏請君徐聽鳳簫篇

孟有涯集卷三

三

送鍾廣州賦得越王臺

漢家南越郡海上起高臺紫翠朝雲映笙簫落日三千秋  
樂事今消歇碧樹朱欄臺草沒山鷓空啼蓉葉深荔枝猶  
待春風發太守來遊發興豪雪山日鏡擁溟濤石瞰雙溪  
小回瞻五嶺高開元宋公韓吏曹賢聲此輩俱翔翔別君  
且盡杯中酒越王臺上應回首

夜泊石頭口

初月照江清愁人見月那爲情寂寂空江徒極目扁舟獨  
伴漁翁宿舟人盡睡不知醒防夜知更喚僮僕燃燈起坐  
心膽摧况乃隔岸聞猿啼秋潭無雲渚花落寒波欲動風

淒淒中流買爾何苦猶嗔棹歌夜搖櫓北客聞之淚如雨

雨雪吟

洞庭浪高不可度浮客泊向城陵住北風夜號天氣寒雨  
雪霏霏滿江樹短笠輕簑釣叟歸煙深草滑行人稀蛟龍  
晝潛鴻鴈沒千艘萬艘俱不發巴陵女兒燕趙流錦箏瑤  
瑟讌青樓千金豪俠應皆醉賈誼才高不見留

沽酒行贈牟韋二撫君

漢陽江山秋風悲落葉淒淒愁別離江頭壯士一相見並  
馬躊躇數回盼青衫烏帽無光輝云是長安兩錦衣見君  
北來動鄉思君來想是從王畿牟公短軀異標格雙頰凝

孟有涯集卷三

四

紅鬢垂白韋君年可四十強方眉廣額身昂藏欲言向余  
淚盈臆昔年奉侍君王側日月麒麟殿上行雲霄虎豹班  
中直常承密旨按公卿時有微功佐家國詎料恩榮不可  
常朝遊禁闕暮江湘遙瞻北斗空翹首卻想西垣祗斷腸  
北地南州異風土天暄水濕多憂苦鴻鴈高高向日邊  
河迢遞何時還嗟余亦是投荒者低首聞之淚雙下  
先朝末載游帝京此時牟公已有聲自從逆醜弄權術鞭撻  
朝士無虛日扶忠抗義公所優坐廢罹刑人共恤  
今皇誅逆法令明韋公牟公乃齊名纔看執法拖金紫忽復飄  
零涉江水貧賤榮華信有時古今人事皆如此君不見張



祿先生脫廁中相秦富貴傾王公又不見魯朱家奴置廣  
柳時來復作河東守與君今見且爲懽別買江魚共沽酒

顧全州見邀江水漲不能赴

桂林山深晝啼鷓一春三見紅日出鳴雷達曙雨浪浪洪  
潦平堦仍入室江間浪湧蛟螭翻鯉尾爰得窺龍門渡頭  
行子立惆悵徒繫扁舟不可上美人只在水一方百遡千  
迴道轉長雨中空見枇杷落飛盡楊花更斷腸

送殷近夫尹靖江

靖江百尺澄秋波江上秋風吹薜蘿蘆花鳧鴈鳴相和江  
南女兒紅碧衣日浣晴沙薄暮歸手牽蘭杜不忍違秋容

孟有涯集卷三

五

入佩香風微短棹吳歌處處吟歌長調切傷人心江天月

出江水深遠客聞之淚滿巾孤山此夕好登臨

遲賢亭觀邊劉谷王四子遊泰山回題壁之作

遲賢亭中風葉悲壁開錦繡皆新詩華泉最多一一奇懷  
人感物凝妙思輕羅緩珮春江湄傷心踏歌楊柳枝劉子  
醉把青玉卮一首便足心如癡花林寂寂聞鶯兒谷生口  
口稱邊師一趨一步不敢移中間白泉常皺眉恨不生同  
子美時一吟三嘆雙淚垂濡毫灑墨同一規顏卿上遡王  
羲之白日雷電翻蛟螭騏驎駉忽並馳平原萬騎何能  
追神馬無復來天池泰山茲遊誰與期無涯鴛子來何遲

客有爲余道京師故事者感而賦傷歌行

君不見長安富家種花竹綺窗蘭榭如金谷四時留客宴  
常開齊絲燕管日追陪酒酣賓主皆傾倒盡道結交苦不  
蚤醉倚佳人池水邊腥膻厭厭出時鮮促歌索舞從君欲  
風度青林明月懸可憐今夕同歡讌人事明朝有更變家  
破亭臺日漸非園荒桃李花如霰主人辭舍燕分飛送葬  
無人吊者稀諸兒道上有飢色舊客相逢不相識莫笑袁  
絲重博徒人生緩急誰所無叩門不以親爲解信是昂藏  
一丈夫

李子自沔陽貽詩及古製青羅巾以長句酬之聊暢

孟有涯集卷三

六

中情永懷疇昔

我謫桂林日何郎寄書稱薛李長安四百豪俊徒揮翰搦  
詞兩才子 詔移汝上朝京師文物交游非昔時李君亦  
自沔陽至薛子識面同追隨行歌坐吟瀝肝膽醉倒金華  
琥珀卮風吹萍聚安能久腸斷都門萬行柳天南地北雲  
雨飛徒有清詩長在口東遊吳下覽湖山悵望小知那可  
攀桂花獨向愁中發鴻雁空驚夢裏還歲月易推遷踪跡  
信漂泊君猶滯黃蓬我復登黃鶴鸚鵡洲寒蘭杜空滄浪  
水淨蘘葭落豈悟重逢沔水涯夜深相見更相疑對燭不  
能寐樂極還生悲回首舊遊地賓主總支離秦川桃李春



風日燕館悲歌明月時

何提學陝西  
薛在北京

把酒論心心欲裂世

態人情等飄雪魯國從渠呼盜丘飛廉饗餐俱高潔三閭  
不睹汨羅沉孤竹誰憐首陽節天廐駑駘氣亦雄風塵寶  
劍光應滅別來節序苦相催幾見山間朝槿開五馬昨聞  
里中過雙麾又自日邊回長孺不薄淮陽守馮唐未老令  
心哀傳書嘆蹉跎感慨舒情素披誦高文豁兩眸星斗昭  
回破煙霧班揚自是金闕人眼底浮沉君莫顧緘情更寓  
青絲巾展玩蒙頭稱隱淪坐臥雅宜茅屋小衍遊正及江  
梅春思君顏感君惠萬鍾於我奚有情千駟無名如敝屣  
何以報之莫相忘不貴榮名重高誼願言各努力萬事由

孟有涯集卷三

七

蒼穹奪牛豪氣誇田主失馬先幾問塞翁君不見傾朝聲  
勢歸元老海內英雄任顛倒道崩馬逸華轂摧血濺妻孥  
身不保君不見虜將擒王樹偉勲功成謗集何紛紛獻捷  
惟聞衛車騎封侯不到李將軍古來賢哲多如此王侯奴  
隸同生死春花過眼莫停杯請君試看東流水

公署雪後無聊張時濟以桑落酒至對飲成醉爲醉

歌行

君不見亭亭梢簷數竿竹霜雪滿地色不移又不見野田  
飢雀啄枯草哀鳴三五行相隨人生樂在心相知貧窮富  
貴安足疑伊周功業竟何有陶侃風流亦我師硯毫冰結

簿書積寥落公庭心苦悲張公知我好飲酒氈帷貂帽來  
分司秦中桑落不易得內法本自朱門貽爲我斟酌滿玉  
卮酸醞冷炙性所宜君醒我醉各自適我飲君歌歌莫遲  
德將不亂古有誠我輩豈是真狂癡浮雲渺渺度城闕白  
日黯淡西南馳酒酣眼白出門去笑殺長安輕薄兒

嘯歌行別劉郎

劉郎酒後仰天長嘯歌白日滾滾翻江波江頭風沙木葉  
暗雷霆裂石鳴蛟鬣壯士不作兒女泣舉日慷慨輕山河  
金陵有酒肯且多扣門月夜常經過相逢十年後鬢髻各  
已皤故交半淪落不飲當如何自幸平生識君早青袍白

孟有涯集卷三

八

馬燕山道腰間寶劍光陸離玉樹春風映瑤草可憐邂逅  
初把臂傾懷抱笑語天涯意氣親矜誇海內英雄少中道  
寧知歧路分越禽胡馬各離羣遷人南涉瀟湘水游子東  
歸海岱雲楚王則足空懷璧漢王輕儒不用文艱危萬里  
頻相憶書札經年那可聞聞君得意下金鑾御柳宮桃帶  
醉看車馬香塵流紫陌聲名一日動長安此時重領外帳  
望五雲端愁開一起舞懼劇且彈冠黃金臺下驂騑貴紫  
桂山中杜宇寒內移汶水游齊魯歷下風流欣再覩華燭  
仍驚夢寐時青尊不盡流離苦丈夫得志起龍蛇狂客當  
筵賦鸚鵡由來節操薄時人擬取勲名耀前古斷蓬流水



嘆斯須君宰銓衡入上都王戎簡要傾朝羨韓愈文章近  
代無雲霄終蹋翼昏夜枉投珠五馬行淮甸三年握郡符  
彈缺時時歸欲去書空咄咄徒嗟吁今朝快意重攜手忽  
復揚帆朝北斗 聖王方資經濟賢雄才豈落尋常後劉  
郎且勿行僕夫莫辭久煩君爲我倚棹還高歌余亦爲君  
盡此盈觴之別酒逢人謾訪玄都花過里休栽彭澤柳

題畫

丹青妙意畫莫測一幅寫盡秋江色天遠平看楓樹林雲  
長不辨鴻飛翼崖半青松縮夕煙洞門亂石繞寒泉羽客  
看山坐松下橫琴不語心悠然孤舟短棹輕波裏煙雨霏

孟有涯集卷三

九

霏笛聲起蘆葉青搖洲渚風蓼花紅映江心水松下舟中  
俱隱淪城闌車馬徒紛紛悵然省識畫中趣何能歸來江  
上同鷗羣

輓王復齋憲副

昔我總角初有知聞說襄城王夫子夫子仙遊今幾年風  
采沉湮竟何似十五胷中富甲兵二十海內知名絲綸  
閣下風雨驚御史臺前冰蘂聲行法豈知諸貴顯抗言自  
視一身輕從來烈士常坎壈直道自古多難行拂衣歸來  
無負郭丈夫豪氣寧落莫抱膝常憐諸葛吟簞瓢獨有顏  
回樂懷哉夫子不可求襄山雲物空悠悠

湘水歌并序

我聞越人去國見形似而喜仲尼適齊聞韶樂而  
嘆豈不以希音難遇良晤靡常也哉昔東橋直道  
謫守湘州賤子多辜放流桂郡慚非郭李之儔竊  
幸同舟竟等參商之迹仍悲各處顧卿懋涵東橋  
公之子也乃乙亥正月浮游桂林將命若翁下迎  
賤子明晤若神才華如海素業資于庭訓青年邁  
乎等夷造霸容儀豈數令狐之兒過戎良久敢謂  
嗣宗之鑒竊附古人托交小友宵談以希旦夕遊  
而自期興緒雲長辭氣鋒出冠服生洞壑之光題

孟有涯集卷三

十

咏盡江山之麗氣孚趨同蘭深膠合此豈徒見似  
之喜聞樂而嘆者哉嗚呼飄蓬踪跡不可以常折  
柳心情孰不云苦煙渺渺而碧蕪遠花霏霏而黃  
鳥鳴迎落日以舉觴逐征雲而解纜矧一枝之棲  
未安萬里之心常繫惆悵臨江徘徊送遠卿亦莫  
賴予復何堪維茲傾城賢士泊吾在門小子咸覩  
翔鳳之姿各贈登仙之咏余亦作歌并序諸首用  
酬君子青瓊之章敢辭鄙人白豕之誚乎

湘水綠色波瀾瀾石樹參差岸煙起芳洲蘭葉搖香風日  
暮千林萬花紫春無鴻鴈隨陽和晝見獼猴掛薛蘿谷深

疑有秦人任澤畔時聞漁父歌獨愛蘇吳顧虎頭謫官五  
馬來湘州郡中無事常高臥忽復乘舟泛碧流醉邀明月  
不知返曲奏陽春恒寡酬神檢如君更清出小顧阿髦誰  
甲乙陳荀王謝都塵埃君家一門皆俊才班揚已去蘇李  
死氣運文章喜再回德星遠向庭闈聚堂上春陰覆瑤樹  
柳山雲物春更嘉翠竹寒泉啼鳥譁昔人尙有讀書屋君  
以題詩躡紫霞



孟有涯集卷之四

三怡堂叢書

信陽孟洋著

七言古詩十八首

鴈門太守行

鴈門城中人阻飢鴈門城外胡馬馳太守從來賢者誰濟  
南太守今何為往年有田耕未得今日耕田田可食救死  
年年嗟苦辛講武而今尙餘力郡中政美風俗移山中草  
長牛羊肥邊城百里塵不飛太守不來民疇依

人日

去年人日頽水濱今年人日長安上白雪清尊憶故人長

孟有涯集卷四

一

煙平樹空遙望苑外寧無楊柳新水邊不見梅花放天南  
地北總支離瘦馬東風倍悵悵

漢宮詞

憶昔妾當二八期正是漢家全盛時九重下詔擇鸞匹萬  
國求賢配鳳姿妾身自分非良質百萬人中叨第一天子  
親迎出殿廷輔臣持節下蓬華蓬華輝光異昔年絲蘿延  
蔓從今日始知貴戚失金張不許王侯論甲乙一入金門  
侍至尊奈何相見不相言紅顏未必招人妬薄命何堪承  
玉恩主恩深重應難報妾意殷勤那復論一別謝君面往  
駕無旋轅夜夜看星回永巷朝朝望日倚長門長門永巷

春風起萬卉千花鬪芳紫燕子飛過密杏中黃鶯啼向垂  
楊裏鶯鶯燕燕各相依戲蝶遊蜂兩兩飛可憐今日春光  
好可惜明朝春又歸鳳輦常時遊上苑羊車無日到重扉  
豈千侍御還多寵自是君王有萬幾萬幾閑暇甘遊獵朝  
出城南暮城北金鞍玉騎走千軍羽箭珣弓墮雙翼陌上  
風光自可嘉官中粉黛無顏色離宮一萬所別殿九重深  
豈有容華希寵愛更求詞賦感君心何人可托黃金贈薄  
情不見白頭吟珍珠簾下閑歌舞且取歡娛謝愁苦自愛  
瓊簫引鳳凰自愛金杯度鸚鵡鸚鵡性能言不得到君前  
一朝被籠絡翠羽徒自憐不沐君恩奚足惜不見天顏心  
未憚天下昇平至萬年妾身生死良何益

孟有涯集卷四

二

刈麥行

五月五日麥盡黃北阡刈麥東阡忙家家男婦聚如堵赤  
日中天汗成雨禾藁登場宜自歡奈何相顧反愁嘆深耕  
從昔望豐稔疾風搖落半枯乾枯乾太半稅不足況是年  
來無積粟一春不雨復于茲今歲秋成寧可期舉家俯仰  
失依倚官府索錢猶未已盡力窮年總為公貧餓雖生不  
如死須臾言罷各潛然始信農夫多苦艱車馬饗餐竟何  
事使我聞之益厚顏

再過政平飲王介卿宅



七月七日王子宅舉酒談兵對秦月深坐那知河影移醉  
歸不覺鷄聲發萬里重來慰所思秋風恰過中元期人生  
會合亦常有不用臨歧嘆別離

壽邵黃門母

堂前秋菊黃金枝堂上慈顏頭白垂雲天青鳥下高宴西  
降王母從瑤池繁吹劇舞風日動酒長樂侈山海移母家  
仙郎青瑣客玉貌翩翩健雙翩衣職平明侍內庭封事日  
昏回左掖却億常年壽宴開彩衣晝舞北堂隈今歲清秋  
逢此日退食臨風望雲立長山遠水隔承權况喜高年當  
七十裂素揮毫開畫圖明珠光錦出文禱玉桃歲獻蓬萊

孟有涯集卷四

三

苑紅日朝升滄海隅再拜征鴻遞鄉郡丹青白髮常相近  
千里長安遊子情慈闈宛若聆音問感君盛事萬人傳一  
欲登堂不可攀丈夫顯親在霄漢豈必踟躕庭闈間

送洗侍御歸養

祿食不代養繡服詎爲榮悅親已奮青雲翼久宦能忘鳥  
鳥情再疏朝承內庭旨孤帆暮下長河水越王臺上起秋  
雲目極歸心八千里江花明江草新畫呈彩衣舞春醉白  
頭人千金不買堂上樂萬乘難招膝下身君不見世人競  
取拖金紫厚祿徒將飽妻子

舟過城陵磯悼內兄舊巴陵尹

巴陵原上秋草沒岳陽城頭挂殘月嘆逝中宵懷不開江  
流嗚咽江猿哀昔行縣中花今餘道傍柳可憐勁節胡爾  
爲徒取虛名在人口朝雲爲雨暮歸山秋燕辭巢春復還  
青山玉骨何時起鬼火妖狐滿蒿里思君懶入巴陵遊巴  
陵道古生百憂

瀟湘行

歲暮浮瀟湘天空豁心目霽日千林開高雲萬峰簇江色  
巖霏水郭隈垂蘿飛幌隱樓臺疎松野寺鐘磬響枯葦沙  
洲鴻鴈哀風煙奕奕紛奇狀海賈湖商日流盪浣婦新粧  
映綠波漁人密罟拋洪浪年年歲歲此江津今日人過非

孟有涯集卷四

四

昔人曾聞埋沒屈原骨不復飄零賈誼身楚王宮中罷歌  
舞十二峰頭泣雲雨岸上誰家越女謳珠簾羅幕桂堂幽  
江南本自山川勝日暮其如客子愁當昔孫吳漢昭烈衡  
湘轉戰江流血功臣名將已寂寥石碑銅柱俱淪滅秦皇  
威力震羌胡仍迴車駕徧寰區馳道至今瀟水上秋風惟  
見白雲孤白雲孤以飛湘水自南下安得從之亦北旋東  
園種竹耕西野

送平樂李太守致仕還汝陽

桂水生炎雨湘山暗夏雲他鄉一見面明日復離羣垂楊  
萬縷縈愁思芳草萋萋爾何意須與日暮孤帆開別酒千



鍾那得醉昔乘五馬中  
有高譽奔趨白首奚爲  
憶黃犬君不見漢代淮  
惑慈母董龍誰敢呼雞  
何有憐君髮鬢猶未絲  
夢赤日紅塵誰是非吾  
搖搖旌蓋過吾間我右

桂樹行奉壽西巖

西巖桂樹青瑤枝花開  
香散入蓬萊池蓬萊仙

孟有涯律

翠女雜歌舞鳳簫龍箏  
宦嗟年少柱下逃名久  
適溪山何似青牛入滌  
人間桑田已見成滄海  
時吳宮晉闕今何在  
相待密葉長條凝紫煙

題宋徽宗杏花鏡

北風十月登華堂  
煙拂拂流香霧彩筆  
殿前仙杏開錦雞石上

枝丹花露浴忘憂草仙鳧飛去還復來蛺蝶雙雙拂羽杯  
寧知歲暮寒飈及零落韶華空草萊入林鳴鳥哀何切覆  
屋浮雲陰不開堂前桂樹秋花紫萬里香風未云已有祿  
不及親在時天涯涕淚傷游子感君哀思爲君歌風驚木  
撼奈若何

松柏行爲洞雲張封君雙壽

松柏不生塵路側托根矯節崑崙巔道遠材高不可致工  
師仰嘆空垂涎洞雲老翁避世賢蒼松翠栢同清堅見客  
常持伏羲易閉門卻草揚公玄弋雁歸來但飲酒白頭相  
待如賓友琴瑟在傍歌在口滿庭兒女牽衣走甘貧無乃

孟有涯集卷四

梁鴻妻樂隱真借老萊婦卽有君恩金紫榮杖藜不廢看  
南畝遊子金陵宦未回望雲時上鳳皇臺陶公山前鶴雙  
下賀監湖邊花並開欲窮海錯供春饌更接江湖益壽杯  
大孝由來不貴養匡時實藉英雄才

送周玉巖侍郎入賀 萬壽節

炎天水閣高雲垂陰陰碧樹鳴黃鸝奏簫伐鼓振林木送  
客維舟白日移衣冠江上同稽首仰看文星朝北斗客行  
直上 大明宮拜舞歡呼萬年壽萬年 天子堯舜同華  
夷暉暉樂時雍光輝幸際中興日禮樂欣瞻上古風憶在  
先朝不得遇竄身嶺海迷煙霧日月重開二十年長安

文物今非故余亦同君近侍臣白頭飄泊厭風塵中朝故  
舊能相問欲臥滄江老病身

送僉憲李君惟大入關中

秦中昔遊地西望送行旌雨雪經淮甸春風入洛城洛陽  
城中足高彥君過故里多歡宴天津橋邊新柳絲桃林花  
煖啼鶯徧紫氣函關路青蓮華嶽祠五陵富貴空流水四  
塞煙塵異往時使君按節行風俗白日青雲照幽谷雲陽  
縣前涇水深召公亭下春燕綠中興天子緩刑威四海謳  
歌仰德輝從容攬轡長安道早晚風聲達紫微

題竹山

孟有涯集卷四

八

陶令門前種五柳風流千古落人間唐君種竹竹滿山高  
標勁節誰能攀夜清忽送五湖月風稍亂拂滄洲煙徑開  
只許裘羊過林臥寧知嵇阮賢山中對此須珍重實甘往  
行木 鳳世人那識雪霜姿廟庭擬作簫韶用

孟有涯集卷之四



信陽孟泮著

五言律詩九十二首

發上谷

上谷驅車出雲中屬望頻荒山曾過虜殘壘半無人雲冷  
低關樹風多暗塞塵翻思戎馬事愁病轉傷神

明妃曲

朝辭鳳城闕暮出鴈門關漢音聞漸少胡語辨應難玉筋  
軍中落琵琶馬上彈宮闈閉冶態遮莫外人看

除日

孟有涯集卷五

邊城除日至猶自備戎機馬上驚殘歲河邊對落暉逢人  
空問訊逾節始言歸回首年來事徘徊一振衣

除夕

親老留京國那堪更遠離燈前千里客城內萬家悲歲  
暮偏多感更闌祇自知今宵重難得明日改元時

元日

朔塞逢元日偏憐風日嘉人心懽節候物色換年華對酒  
那知客看雲卽是家昇平通海內歌吹達天涯

征婦怨

年年出塞遊日日憶刀頭不盡東流水難窮北望愁寄衣

無去使問卜下粧樓自是寒門子何須慕列侯

別都玄敬主事改南京禮部

迴車塵路轍停棹故山盧祿薄堪迎養官閑好著書吳門  
楓樹色京口菊花初到處宜乘興江樓坐月虛

靈濟宮二首

涼颺清曙發休沐訪雲林畫壁莓苔積瑤壇松栢深披煙  
看篆碣隔雨聽鳴琴坐久渾忘返蒼茫晝景沉

塵陌西林隔懸樞秋雨鳴鶴從蓬苑下雲向藥宮生階濕  
草逾碧臺深花自明相逢廣成子對語坐前楹

過張元德戶部同遂伯二首

孟有涯集卷五

登龍來委巷下馬索新題初晚蒼苔靜盆陰碧草齊苦吟  
憐賈島高論接昌黎興盡揮鞭去紛紛月滿蹊

王郎多逸興張子更清談詞賦誰當並交游我獨慚晚風  
聞竹碎霽雨對花酣轉首成宵夢梅開湖水南

無題

武陵曾遣使半月不歸來江口傳書至城頭望眼開燈花  
連夜喜戍角五更哀畢竟成虛約多情付折梅

九日次邊青厓太常韻

落帽憐高興啣杯意轉哀葉辭霜後樹人上雨中臺爲客  
悲秋盡思鄉見鴈來百年幾佳節又負菊花開



冬雨

夜雨鳴檐急朝雲度漢陰隨風初密密霰轉斜斜凍鵲  
愁高樹寒鴻戀故沙鄉園栖不定猶自念天涯

隱者

何處覓微君風標薄紫氛秋聞前岸笛晚泊一江雲楓樹  
青山色蘆花白鴈羣生涯催歲暮野思正紛紛

別李獻吉還大梁四首

孤鴈鳴秋塞天涯別故人躊躇相執手慷慨一沾巾東魯  
羣兇起中原萬井貧蒼生瞻望極何日展經綸

尊美張翰思途悲阮籍窮西風大梁路落日一歸鴻雨散

孟有涯集卷五

三

千峯碧霜催萬木紅常時開匣劍紫電掣秋空

晚風吹曲水雲樹拂幽居五柳淵明宅南陽諸葛廬野花

當徑發碧草入簾虛湖海孤燈夜山窗正著書

九日又欲至安身猶未回故人一以別誰復共登臺黑髮

從今變黃花如舊開梁園秋樹眇悵望不勝哀

雨

金氣生寒色浮雲不斷空雨聲零亂入客思寂寥中當社

愁歸燕含煙杳去鴻堦前黃葉徧江上正青楓

穀日集大慈恩寺

穀日城西寺高朋共夕過磬聲風殿合花影月龕多興發

須長飲憂來更短歌春光復幾日奈爾歲時何

答沐陽王明府寄書

燕關經歲別淮水隔雲遙鴈至逢消息春來慰寂寥年飢  
無舊粟民病轉多謠羨爾真良牧聲名滿 聖朝

弘法寺別送行諸友

暮出都門長歌別友生深杯動落日野寺轉流鶯京洛  
羣公會邊關六月行悵然騎馬去應亦念吾情

宿良鄉寺中

良鄉聊駐節高枕倦初遊細雨城中寺浮雲天上樓關河  
催遠役戎馬繫孤憂坐看楊花落青林夕景收

孟有涯集卷五

四

平野

平野四無極天晴一望賒乾坤分戰鬪今古變夷華白日  
牛羊墮芳草草木花樵歌林外際彷彿有人家

邯鄲

行歷邯鄲縣叢臺高柳踈春風罷歌舞落日照丘墟民物  
千秋改城池百戰餘黃童與白叟誰識趙王居

哭妻父

初聞妻父病涕淚以沾衣昨夜來吾夢今晨說汝歸感恩  
中道絕見面此生稀忍使嬌兒女還家失所依

過懷慶贈潘推府同年



潘岳向河陽春花白晝長風流應絕世朋輩有餘光畫逼  
王維后詩同子建行蒲鞭能化俗終日醉壺觴

憇冷泉寺

漫入冷泉寺居然外慮空雲來于樹黑日斂半山紅法鼓  
傳虛殿禪音出上宮興來孤騎發汾水正秋風

約蘇天秀年兄會鳴謙驛

季子三年別銅章百里分形容空有夢消息漫相聞惆悵  
西山月淒涼北塞雲驛樓風日好尊酒待天君

榆次縣蘇天秀宅會田汝觀年兄

關中有豪士竊我號無涯駿馬來天上留連季子家昔年

孟有涯集卷五

五

陪賜宴同日醉春花此會知何地秋風日未斜

井陘別劉伯耕

昔年新樂縣偶喜故人逢此日陘山下君來奚所從舉弓  
看落日塵竿聽鳴鐘晨發臨歧路山花別更濃

河

度盡山蹊險方舟臨大河晴光浮古渡夕景下深波棹向  
風中入身如天上過東流長不改世代自消磨

悽愴

野日形容悴秋風髣髴踈客深衣有蠶水遠食無魚霄漢  
蓬飛早庭堦葉下初窮鄉驚歲暮悽愴欲何如

甲元

沙塞沉沉夕山城瑟瑟風旅愁紛落木鄉信斷飛鴻明月  
誰家好寒砧別院通應知早成服為寄遠從戎

庚午秋再過寧州秦用寧莊

不見秦公子秋風又隔年康村催落日早社駐朝煙飲酒  
思通聖彈棋解入仙即欣重聚首終夜不須眠

臆日

臆日風光好天門霽色高宮雲移曉杖墀雪照晴袍九殿  
傳金詔千官會玉醪頃隨鴛鴦散感激更揮毫

韓汝慶宅對雪憶馬君卿

孟有涯集卷五

六

不見高人面雲花空自飛清詩他日見濁酒暫時違煙寒  
淒淒遠風簷片片微雲昏津樹色悵望益沾衣

元宵

良宵春乍入新歲月初圓燈火連通國星河失遠天禁鼓  
閑愁裡隣歌獨語前何因酬令節祇復嘆流年

元宵後聞鴈

昨夜元宵節今晨鴻鴈音索居纔入耳為客即驚心楚雪  
江湖遠燕雲關塞深翻然動春興出戶已難尋

別邊荊州庭實得寒字

細柳迎春發啼鶯二月寒孤槎自天上萬里向江干羣盜



經年動荒城到處看沅湘回雁候消息報長安

隣鶴示蔡生汝培

雪映寒宵霽霜催凍月生雲松何處覓海鶴忽然鳴倚杖  
心殊遠彈絲調轉清春莎江上短思與爾閑行

弘慈寺訪羅侍御不遇

騎馬出城郭逍遙訪所親高林浮薄日古寺入殘春細細  
簷花靜嚶嚶谷鳥頻風光助吟咏發興爲誰新

送周節判還山東

沙積燕臺草塵飛易水波厭風十日後不雨一春過舊業  
人應少新開冠尙多馬嘶亭畔柳爲別奈君何

孟有涯集卷五

七

劉童子

十五劉家子居然厭世情風神逐雲遠眉日照春明欲得  
黃金術先吹碧玉笙緋衣朱馬客不似學長生

送柴宗周

昔喜同年友今嗟四海人卻緣爲別久相見更情親白雁  
驚心遠黃花入鬢新壯歌發丹楫回首莫傷神

同劉子靜伯仲慶壽寺齋居

古寺柴門僻齋居春日幽聞鶯無客至看竹有僧留花隔  
長安市雲明梵宇樓高閑聊此地栖息豎忘憂

送韓汝節

春月高城上酣歌此宴同旅愁鞞鼓外心事酒杯中雨雪  
辭燕甸鶯花過晉宮休將萬里志今日嘆飄蓬

臨清別鄭員外入京

落日清河浦初春使節還風塵滿天地鴻雁越關山月出  
東曹靜花飛上苑閑長安一杯酒何日得追攀

答何仲默清明見貽

此日清明節天涯客子情林垌思折柳城市不聞鶯上國  
風雲氣中原鞞鼓聲動庸羨名輩落魄耻浮生

玉河柳

上林承日近楊柳得春先翠黛朝凝露金絲晚駐煙宮娥

孟有涯集卷五

八

益愁思樓女闌嬋娟時枉龍舟幸鶯歌雜管絃

暮春四首

暮春傷翼北日夕望城中林苑披春霧樓臺度暖風歌隨  
雙鳳輦舞對百花叢寂寞閑居客憂時嘆未窮

何事久傷神他鄉逢暮春落花偏傍客細草更愁人塵滿  
梁園樹田荒楚水濱弟兄不可見悵爾鴈鴻頻

蕭條爲客久潦倒見春回內苑鶯徒囀西山花自開經過  
無友輩愁思傍塵埃故國風煙美長孤此日杯

上苑春風盡王師幾日休兵車勞萬國烽火徧中州破屋  
人全少荒城鳥亂投 至尊懸厚賞諸將合深謀



遊崇福寺遲同往諸君子二首

塵郭殘春盡清郊初夏臨出遊情不淺坐待與翻深風幔  
過晴絮煙林變候禽遲聞車馬至愁劇轉花陰

詞賦梁園客聲名桂嶺才鶯花邀出郭雲海一登臺久擬  
高僧待頻勞使者催况逢今日霽莫負百年杯

四月陳山人院內牡丹

牡丹元國色不似洛陽紅卽有仙臺下其如鄉圃中花開  
後春月葉好得薰風何日清江上移栽玉柳東

畫

虛堂開墨畫素壁挂秋天草閣澄江動雲帆落照懸丹楓

孟有涯集卷五

九

藏暮雨翠嶠帶霜烟故國依稀見風塵幾日還

秋鴈

高秋鴻鴈至落日數行斜霜雪愁邊草煙波憶渚花近人  
鳴自切遠害去偏賒慎汝中原路悲風起暮沙

十八夜月

傍雲升古塞泥露綴寒城濁酒三人醉長安萬杵鳴中秋  
今已過殘夜爾猶明莫向關山照江湖有戰爭

九日朝天宮

九日遊仙觀登高望帝京樓臺連戚里鼓吹散秋城內苑  
雲霞動西山煙霧生舉杯迎落日悲笑各含情

秋夜過韓汝慶

不見心良苦相看思轉長叢花開晚宴片月挂秋堂露暗  
悲蟲響霜高肅鴈行帝鄉繁盛地搖落總堪傷

出京

十載京華客江湖萬里心賓親勞出餞杯酒各霑襟花落  
日邊盡鴻飛雲外深此時一分手何處更同音

舟中聞何粹夫內翰外補

愛汝官清地慚予見遠投忽聞亦外補安得與同舟自有  
經邦術長懷報主憂湘江他日淚不爲賈生愁

酬寧伯東僉憲遊龍泉寺見示

孟有涯集卷五

十

忽枉龍泉作因懷丘壑情青山不可見古寺久知名擬有  
松間鶴如聞竹裏鶯期君乘興往並馬踏雲行

雨中期馮都憲高太守寧僉憲遊賢隱寺

相期遊野寺不寐憶松房細雨蒼山濕高雲碧殿涼沙行  
看逸鷺石坐傍幽篁準擬侵晨往衝泥定未妨

賢隱寺限韻時余將往桂林

出郭尋閑逸携壺得俊豪雲容過雨澹山色入秋高水竹  
聊停蓋風塵未解袍三湘空弔屈五柳獨慚陶

宿堅山寺何仲默有讀書樓

山深微見月夜久獨聞泉海內無多地人間有別天松岩



花雨落雲閣梵音懸爲問登樓客長安何處眠

煙

湘流落日外沙迥暮生煙杳杳千峯失霏霏萬壑連鵲翻  
知浦樹人語辨江船暗裏猿聲斷愁深攪夜眠

閑居

新歲羈棲久間居百慮催重雲沉塞角細雨落庭梅門戶  
春常閉圖書晝自閑城中冠蓋客僻處不曾來

問中寄顧全州華玉

苔館孤裘客雲山萬里家治安慚賈誼卑濕甚長沙鳥極  
天涯樹花深日暮笳使君何處酒江遶郡城斜

孟有涯集卷五

十一

壽松坡母

碧殿傳青鳥瑤城奏玉簫梅風天上度桂霧月中飄壽命  
如金石桑田自海潮年年今日宴常擬醉松喬

次韻何仲默見寄

一惜鴈行別空聞猿夜哀思君南極淚喜客北方來書自  
三春發封當七月開雲深嶺海樹何處是燕臺

不寐

枕上秋聲急天涯客思繁窗星亂螢火簷月引花痕盡夜  
惟砧杵何時有夢魂故鄉安可到萬事未須論

答黃橫州年兄寄書

漢苑同遊客分飛已十年封書橫嶺北灑淚桂江邊辛苦  
仍州郡飄零獨簡編天涯春色暮寂寞萬峯連

端午日述懷

午日逢今日他鄉憶舊鄉新蒲愁自綠碧樹望翻長地濕  
蒸炎氣峯高隱夕光傷心歌楚些清淚遞瀟湘

納涼

移坐逃西日開襟受北風庭陰夏木靜山色夕雲空狂簡  
借曾詠清和入舜桐卽便檇散地寧異水晶宮

贈東山

東山名不異興復謝公宜芳草春携妓長松晝奕棋杯深  
花發際樓迥月臨時並有徐劉輩經過數賦詩

同顧二刺史遊柳山祠

昔慕柳侯跡今逢顧守遊山形盤野壑樹色動江城郭  
登臺暮風煙倚閣秋不須松下酌深坐已忘憂

人嶽

僻路疑無日危梯漸入煙暗泉傳石竇高稻疊山田鷓語  
深叢裏猿垂古洞邊清秋未搖落百事總堪憐

宿上封寺喜晴

俗傳衡嶽往頻見雨雲俱何事秋天霽能令皓月孤平看  
窮蜀粵俯影辨江湖敢謂精誠在山靈定有無



登祝融峯

身憑祝融險氣入太虛清獨聳元無敵諸峯空有名九江  
落日盡三楚片雲平未畢登臨興還驚風雨生

謁胡文定公書院

經綸真不忝軼軻嘆斯人避地青山遠傳經白髮新文星  
輝岳麓道脉轉湘濱院宇千秋寂墻花映古津

南臺寺貽鄉僧無碍

吾鄉老衲子尋寂往南臺見面纔通姓含情似欲哀山深  
孤寺出秋靜百花開已入清涼景無煩書信回

黃刺史同登岳陽樓三首

孟有涯集卷五

三

秋氣澄江宇茲樓標大觀勢侵衡岳健色藉洞庭寒刺史  
張清宴征人竊感歡風雲登眺迥長嘯起龍蟠

此地昔曾過危樓今始攀日銜天際樹雲動水中山津驛  
趨三楚江關控八蠻亂帆何處去風浪未知還

想像懷空切登臨興復豪浪花翻雨白樓影入秋高歲月  
頻舟楫行藏一羽毛蕭蕭萬里思吟望此揮毫

月牙岩

天設岩須古月牙名自今樹低千岸轉洞敞萬峯侵冠服  
乘雲麗笙歌落澗深南州真勝跡北客此登臨

宿長安驛夢啖檳榔

檳榔嶺海重久客亦相憐竹葉青青送萋絲片片傳頻餐  
驅瘴癘初嚼破喉咽夢寐猶須汝花文滿手鮮

晚抵洪山寺宿簡王夢弼侍御二首

此地前年別今年今日歸思君心已渴晤語願猶違鴻鴈  
秋天遠江湖晚樹稀笛聲何處切不寐掩松扉

三年五嶺隔今夕尙重關旅寺煙雲裏行臺霄漢間交仍  
同肺腑夢已接容顏枉駕君應疾歸人欲早還

孟有涯集卷五

古

孟有涯集卷之五

信陽孟洋著

五言律詩八十八首

正月不見梅示陳生惟允

正月梅猶少春光何太遲豈緣冰雪妬如與燕鷲期吹笛  
難成調巡簷獨詠詩東風無藉甚莫待衆芳窺

人日二首

歲月逢人日支離嘆此身浮名隨意薄華鬢逐時新屋雀  
喧清晝江花媚早春東風湖水闊鷗鷺白相親

新年喜初霽人日復輕陰雪積寒仍峭雲深晚易侵遊絲

孟有涯集卷六

沉水檻鳴鳥咽春林悵望江天外茫茫故國心

毛侍御汝厲按湖南道出嘉興賦別三首

萬里他年別三春此地逢風塵吾自飽旌節爾何從仁暖  
鶯啼樹餘寒雪滿峯坐拚更漏盡莫厭酒杯醲

黃鶴遊仙地青驄漢使過雲開衡嶽色春入洞庭波陵谷  
招秦隱江湘續楚歌平生經濟術今日定如何

繡衣辭北闕玉節按南州不忝澄清潛真成壯麗遊荆蠻  
回舊俗江漢湧春流日暮登樓罷題詩鸚鵡洲

劉遠夫同遊金山寺

夢得相逢日金山望海門雲霞孤寺出日月大江奔水閣

通山色春帆挂雨痕風塵俱浪迹此地不聞喧

歲暮

歲暮蒹葭落天南鴻雁繁湖光含遠日霜氣肅秋原那復  
荆人獵居然夢澤存客遊懷往迹搖落欲消魂

舟經三湖憶李川甫

十月飛寒雨三湖集暮雲岸深鳴栢葉沙暝濕鷗羣惆悵  
登龍想淒涼伐木聞清尊憐此夕不與爾論文

亡妹誕日

去歲憐吾妹茲辰念汝兄乾坤仍日月兄妹隔幽明江迥  
諸甥淚天荒二老情南征有孤鴈霜夜獨悲鳴

孟有涯集卷六

曉發澧州

明河沉曉色澧水蔽長煙鶯鴈江湄起栖鴉樹杪懸野旌  
霑露莽寒馬嘯風川悵望湘纍遠勞歌蘭蕙篇

用五清韻弔屈原

宿草迷荒浦何人賦有蘭楚魂招不起江水若爲看國毀  
黃金鍊仇盟白日寒春風自桃李秋菊爲誰餐

石首訪趙從之

時四川副使守制

昔在長安日相從數宴游鳥啼花館夕騎轉竹林幽明月  
空燕市春星映蜀樓那知風雪裏坐對楚江流

懷馬敬臣

時山西副使



年少聲名大才高器量閑雄詞驚鳳侶直諫動鸚班出守  
緣名郡移官近故山平生膠漆久悵望詎能攀

懷田勤父 時山西僉事

長別風塵苦相思涕淚多鬢毛驚歲月書跡惻關河爛醉  
花蓮榻狂吟月並珂江流不向晉擊楫爲君何

追悼王宗哲鴻臚

鴻臚今異物京洛舊同心宿草淇園上愁雲漢水深謀生  
無素業爲吏卻黃金妻子猶蓬戶能無凍餒吟

懷崔子鍾 時在告居鄴

聲名驚海內才調絕時羣董賈難爲策班揚總不文金閨  
孟有涯集卷六

虛漢月銅雀臥春雲早起相如病應聞諫獵勤

懷張仲修 時謫判晉州

馳馬風流客懸河意緒賒千人窮櫻下一辯屈田巴別憶  
燕門柳心傷漢苑花謫官猶內郡不似賈長沙

衡山王善堂宴集二首

梁園誇詞客河間表大賢青雲賓座滿紅日掖庭懸移竹  
承甘露開池酌醴泉偶陪花下宴何羨海中仙

曉日簾櫳紫春風翰墨香雲騫七子宴斗爛八公堂緩舞  
隨龍管清歌促羽觴操觚慚下客授簡荷賢王

春雪二首

南國春猶雪東風何太嚴苦教梅不發愁送柳俱霑力弱  
難隨酒花踈故入簾向明臨寶鏡相映素毛添  
春雪宜春酒愁人祇益愁煙花凝舞袖風色繞歌樓但有  
琴書遠誰能案牘休故園多樂事寂寞望中州

別汪僉憲汝成

此別何須惜深悲後會稀花應隨地落鳥已入林飛江漢  
來春色雲霞上客衣知君甘海味吾有故山薇

酬馬百愚過訪

白首誰知已秋風此對君年光吾自老世事忍相聞樹近  
微留雨簷虛暗入雲莫辭今共醉應念昔離羣

孟有涯集卷六

秋盡田家

秋盡登成後田家樂事多臨泉滌酒器向日理漁簑野闊  
孤煙起沙長倦鳥過客來聞犬吠卻恐是催科

答馬君儲訪蘇方二子見示

司馬彭亨方總俊才琴書開遠馮花月引深杯榻擬  
論文下人多問字來何時乘興往雪夜共徘徊

經沛弟墓

亡弟周年過孤墳宿草生道傍誰識汝腸斷若爲兄別鴈  
迎風苦飄花逐水明哀吟渾欲就哽咽下鳴

喜雨



麥苗垂早死入夜雨翻盆既渥栽瓜地深沾種菜園流離  
貧屋免性命老夫存曉起開簾望呼兒問酒尊

賢隱寺懷李獻吉嘗遊此留題

風流懷李白留滯大河堤山寺攀遺跡沙門誦舊題遠遊  
滄海逼高卧白雲低悵望空天暮青林獨鳥啼

懷何仲默

白髮思同伴青山不共遊並看兒女大客恐歲年流關塞  
驚春鴈江湖狎暮鷗三峯君莫上望遠易生愁

送林太守致仕

霜郭煙花盡秋山風葉悲君從江海去何日到家時邵里

孟有涯集卷六

五

瓜須在陶園菊未遲歸舟一片遠無限郡人思

簡孫兵憲用之約遊賢隱寺

秋來山寺好霜葉靜高林水落澄潭色雲垂古殿陰公庭  
虛簡曠暇日且登臨早起瞻旌蓋遙遙指碧岑

出門

銀漢初沉影明星欲向晨出門車馬色忽似遠行人懶病  
便高臥奔忙厭故塵薄遊非險路不用問前津

光州道中卽事

草樹霜弄日沙際浪吹雲野色時時見鄉音處處分寒鱗  
深避餌凍羽不成羣無限村居樂樵歌隔水聞

雪齋辛氏莊泛舟

夕陽遊別墅緩棹泛青灣但有村中趣俱開酒後顏象沙  
依碧水積雪破青山遠樹孤煙起應同倦鳥還

和久菴少宗伯齋居

冥想天人際真如日只臨流雲生遠思積雪映齋心獨館  
莓苔夕寒城鼓角沉了雲懷侍從南省動高吟

奉和王欽佩提學遊賢隱寺

鶴酒逢古寺風嘯接高賢行極幽深處相看共惘然霜風  
空落木秋水入平田竹裏移尊往披襟漱玉泉

又和登賢首山二首

孟有涯集卷六

六

昔爲觀國侶今作看山遊雲氣千峯動松聲萬壑收空天  
那可極落日未言休盡興須成醉何妨卧碧丘

捫蘿攀石磴藉草弄霜翰勝迹憑高盡新詞帶醉看日偏  
山景夕風急鳥聲寒明月清沙迥無愁歸路難

約張子言遊山莊雨不果移酌宅內西軒

雨敗登山興花牽下榻情市塵聊自息階草亦能清馬上  
妨詩卷琴邊或水聲晨興遲車轍慎勿謝陳平

西軒別張子言限韻

幽軒開晚宴細雨濕秋花四海皆兄弟誰能復憶家驂驢  
燕市遠鴻鴈楚雲斜落日悲歌動天寒易水涯



遊張生園池因憶申臺少卿

密竹淒雲圃垂蘿曷霧窗林寒高羽並陂雨細鱗雙松菊  
漸彭澤經綸憶曲江風流阿戎在相過倒秋缸

東寺送胡通判宗器之松江

碧岸踈寒柳高原下晚楓酒杯煙寺裏旌蓋雨峯中天上  
收神駿雲間望旅鴻清秋片帆遠海日郡樓紅

九月晦夜對菊

夜院移霜萼秋堂泣露枝意須憐白首容且媚金卮得日  
熙熙映無人故故遲自慚悲節候相對苦低垂

宴別李獻吉

孟有涯集卷六

七

草野棲遲久風塵復此行偶逢谷口客翻動北山情竹墅  
貪留奕花渠愛濯纓謝安吾媿汝不起奈蒼生

過東明會葛明府如京

擬到東明縣真逢葛稚川盡懽須共醉論舊定忘眠繞縣  
花仍滿朝天鳧未還宵庭孤月上無意向嬾肩

獻吉席贈田六

梁苑多才子田郎有大名乾坤吾畏友詞賦汝難兄駕爲  
嵇康過杯逢李白傾對君應盡夜莫故使鷄鳴

贈熊進士爵使甘州還

元年 天子詔萬里使君旌神爵開禎瑞飛熊翊聖明

融蔥嶺雪春囀玉門鶯珍重明光草尋常莫論兵

贈邊太常赴南都定韻

此日清卿貴三朝故吏稀典承新禮度筭理舊齋衣 帝  
闕江山轉仙陵龍虎圍歲時共薦罷常傍月明歸

喜雨

不再成期月終秋失有年青霄仍赤日平野半枯田生事  
賔朋絕愁心命數懸何堪貧病色倚杖望堯天

憂旱

雨氣清三伏雷聲散百憂稻田垂死日野老更生秋亂水  
通溝澮重雲黯郡樓訥訥今始定隔巷已聞謳

孟有涯集卷六

八

奉輓馮中丞夫婦二首

宦游窮海內仙去只吾鄉身已金緋貴名應簡策光泉臺  
廻日月石表帶風霜共惜中丞後誰從問典章

哀動中丞里鄉人喪女師秋風吹遠閣明月照空帷簪珥

官朝日蘋蘩廟薦時真同范滂母兒豈媿牛醫

遊張園有懷申臺少卿

地主歸何日吾遊復此亭渠深新更鑿蹊滑舊曾經竹墅  
留卿月花簷帶客星不知門外柳別去幾回青

次韻君卿侍御同遊袁揮使山莊

城中春欲暮郭外看山來卻憶居薇省何如對栢臺天晴



鶯燕喜野靜草花開四海今無事欣逢袁紹杯

馮宗程靜觀堂落成過飲分韻

豈有山林遠真無車馬聞竹池涵倒日松宇駐流雲倦卧  
龍蛇意高飛燕雀群正貪春事好花絮故紛紛

東郊雨後二首

五月甘霖足東疇新水平向來愁欲死此日喜同生日遠  
青林靜煙低白鳥明皇天終大惠羣盜爾何情  
高原不厭雨累歲若多饑入眼青初徧驅愁綠盡肥潤廻  
山漲急林濕野煙微最愛忘憂草花開映舞衣

山居雜興十首

孟有涯集卷六

九

路盡寂無喧林披識舊村葉飛常掩徑犬吠始開門背日  
牛羊卧迎風鶴雀翻主人不拘禮對客斥諸孫  
由來愛幽野秋盡過村居露迺花猶濕霜林葉漸疎汲流  
廻澗水摘翠亂圍蔬身外渾無事倘然興有餘  
地僻人煙少山空秋氣寬簷廻千樹響門對數峯寒隔竹  
聞鷄犬臨溪採蕙蘭涼風天際起哀鴻出雲端  
沉沉煙色暮眺望此何時萬壑翻紅樹叢篁映碧池路高  
寒吹急野曠夕陽遲不作陶翁醉能無宋玉悲  
斜月孤櫺迺繁星四野低流光穿仄竇落影浸寒溪壁暗  
螢雙照林幽鳥並栖山中無刻漏不寢候鳴雞

宿霧起浮雲天寒病骨侵出門蒼翠合映戶薜蘿深廢井

虛朝綆荒墟斷曉砧烹雞問童僕肯酒甞須斟

十月終場圃何人更苦饑家家新酒熟箇箇醉初歸官府

方催課邊庭未解圍却看見女輩猶自泣無衣

茅屋孤村裏柴門五柳邊亂峯迎落照雜樹隱鳴泉魚鳥

供詩癖雲霞破俗牽雅宜清靜地不是子雲玄

浮雲寒漠漠落木晚蕭蕭野老心情古隣翁禮數饒殷勤

勸雞黍來往獨漁樵盡日青山近紅塵隔市朝

暝色生陰谷簷星乍有無霜風山木吼寒夜水禽呼白髮

看珠劍青燈倒玉壺萬方清泰日高臥且江湖

孟有涯集卷六

十

過武昌懷劉參之侍御

昔日同林鳥三年異處飛驚鳥無止息儀鳳有光輝月滿  
澄清轡風生直指衣長歌吾過楚懷汝重獻欵

雨

遠水沉四日連山起朔雲林鳩來雨氣海燕散風羣白白  
當昏二嘈嘈徹夜聞莫愁行路客更有遠從軍

喜晴

征人方苦雨今日喜能晴暑氣銷城郭涼颼入旆旌天垂  
孤戍迺草盡遠沙明剩有堪屯地何人爲省耕

別殷靖江限韻



昔也石川去居然官思微獨憐江上縣何異水邊扉春雨  
移萱草天風入舞衣留連今夕飲愁見月光輝

重過康莊驛

汝上初經月康莊茲再行孤心天外繫白髮道邊生雪草  
交狐跡風沙鬪馬鳴遙憐清濟色未肯濯塵纓

訪龍祠

野情塵外愜秋思馬前生去鴈迷山色懸藤落澗聲洞空  
千樹響雲細一花明漸覺人踪絕煙霞近赤城

遊泰山

勝覽元非偶名山自不羣天門吹楚雪日觀度秦雲轉首

孟有涯集卷六

十一

陰晴割側身天地分昇平逢此日封禪屬明君

駕出南郊

御輦層霄下春宮萬戶開天文移漢闕雲氣擁仙臺騎引  
麒麟出旂迎翡翠來北辰瞻望地南斗復蓬萊

輓劉處士

白髮江湖迥青山歲月深目能空北馬身已重南金竹戶  
雲猶色松堂月自陰獨悲伯牙子從此罷鳴琴

董學士借舟徐蘇州有珠燈

碧水仙舟夕珠燈五色懸江星遙自映漁火暗相牽學士  
文章貴神明太守賢照乘真不忝端擬濟長川

簡劉廉使三瑞二首

邊李同遊日風流大雅才經過獨詞賦花月共遲迴滿地  
風塵動遙天雲雨歸託交嘗忝竊感昔不勝哀

作賦元公幹傳經復更生花園賓座艷竹近隱居清詎謂  
思心苦翻成見面輕持觴聊水寺回首各江城

過無錫簡顧少叅與成

顧子頻興想錫山今到城鹿門新隱迹工部舊詩名江迥  
仍秋色林幽更鳥聲不知松菊逕肯使俗人行

雨花臺

醉遊高座寺暮上雨花臺萬井花間列千峯霧裏開野寒

孟有涯集卷六

三

雲亂出江白鳥雙迴暝色愁歸騎笙歌莫故催

天寧寺

招提臨漢迥壯麗入秋明水曲秦淮樹山迴建業城僧來  
呼鶴舞客醉數猿聲坐久餘殘照淒然風露清

青龍寺留別送行諸君子

曉日青龍寺秋風白鴈初故人遙餞送歧路各躊躇繡閣  
牽楓細丹厓綴菊疎別來江上意寂寞問雙魚

惠泉寺留別顧與成得情字

繫纜登蘭若褰裳對邵平即看紅樹景應憐白雲情煮茗  
臨泉坐題詩繞竹行風光同逝水相見且稱觥

病中立春戲呈郡僚諸公

燈鼓傳春至扶筇出戶看風雲協勝節雪日弄輕寒綠廢  
香醪翠青虛細菜盤高堂開宴笑孤詠竊餘歡

別胡茂卿推府往吳興兼呈劉養和太守

吳興非遠別客路亦關情細草迎船發春雲對浦生西亭  
饒柳色蒼水乍鶯聲謝傳仍爲郡登山擬共行

次韻馬君卿雨中懷竹塢

蕭條揚子宅慙憶李膺門車馬誰相過煙花空自繁春風  
轉華屋細雨濕金尊嗟爾文章友新詩不爲論



信陽 孫 洋 著

五言律詩四十七首

送馬二侍御入京

攬轡觀風俗停驂回故蹊蒼鷹翻日上駟馬向雲嘶草綠

燕臺下風寒易水西馬卿新病起早擬讀書題

行臺雨後

炎雨高城霽庭槐下午陰蟬吟出葉暗蝶影入花深懸日

似蒸草歸雲遠抱岑從此懷河朔何妨更竹林

中秋夜有懷

孟有涯集卷七

天上中秋月人間臥病看愁心翻益苦瘦骨不禁寒戶牖

空澹小庭除起步難竊知行樂地高詠倚欄干

訪馬敬湖別業

十月清霜重千峯遠日開天空木葉盡沙靜野鷗猜為訪

淵明宅終憐司馬才著書知有暇荒徑許吾來

赴召馬敬湖別業主人未至

郊原虛草閣無處覓徵君入戶花相對穿林鶴自羣坐深

仍獨笑獨笑 堂名歌罷竟誰問悵望青山近悠悠空白雲

同崔岱屏衛源上舟夜抵新鄉

風塵移使節燈火共仙舟霧月涵波動秋星拂樹流暗村

喧鼓角深渚靜浮鷗白露蒹葭落思君難重遊

渡河用前韻

誰謂洪河廣吾航自一舟波濤翻雨上雲霧接天流帆影

隨征鴈箭聲散浴鷗何因逢漢使欲作泛槎遊

贈王燕山戶部

燕山蒼翠合佳氣五雲連海日煙浮樹春風花滿川幽人

閑草閣逸興陟松巖但聽孫登嘯寧知揚子玄

朱德佩園亭牡丹感開為賦二首

名園金谷酒歡賞洛陽花婀娜霏香霧離披爛綺霞合情

當廣優矜寵出欄斜兒女非吾態風流獨爾誇

孟有涯集卷七

名花何所似妃子曜春粧颺日歌唇動迴風舞袖香新詞

傳李白絕豔避姚黃衰病慚無賴留連夜未央

暮春後園二首

暇日西園內問春春欲歸雀驚看果落蝶懶覓花稀積水

斜通徑遊絲暗著衣流光不可轉心事苦多違

病肺便高枕閒居謝濁醪卻因春色暮轉使客心勞照水

朱櫻細和煙綠筍高江晴天更遠萬里羨鴻毛

送湛原明侍郎赴北禮部

津樹含秋色江煙薄暮暉沾恩 明三重惜別故人稀劔

珮趨仙仗文章繡袞衣長安花柳日猶憶醉同歸



朱氏園亭對月

夕園蘿逕轉秋水石橋通花映朱簾月歌迴碧樹風葉寒  
飄露井鴈苦入霜空笑對青雲侶真慚白髮翁

張司成宅咏白菊限韻

羣芳凋晚檻素蕊映秋沙不向三春豔疑非九月花當歌  
欺白雪對酒闌紅霞念爾須時發吾生信有涯

次韻呂涇野對雪二首

雨雪驚新眼狂歌非故吾庭閒人不到樹靜鳥相呼何限  
登臨興誰為山海圖扁舟任來去江浦羨漁夫

勞君歌白雪屬和總慚吾桂棹空相憶金樽強自呼風搖

孟有涯集卷七

三

瑤樹影煙染玉山圖最美東南地無寧有戎夫

冬夜聞雨言懷效晚唐人作二首

人客愁無寐終宵雨故鳴即今逢歲暮誰不起鄉情城角  
悲仍遠壁燈寒自清音書望西使莫更滯來程

歸計慈顏隔生涯老病侵異鄉今夜雨高枕百年心春意  
梅簷薄寒聲竹院深從為江左客未斷越人吟

贈平坡吳子儀

回車九折阪為園三泖間種瓜臨水岸采藥對秋山鳥向  
天邊去雲從海上還杖藜日安步誰知蜀道艱

夜訪張子靜

既醉乘餘興多情訪舊懽星搖蘿影夕月傍桂花寒林羽  
翻銀燭江鱗轉玉盤五君高咏在白雪和應難

吏隱園同顧華王黃勉之席上作

竹倚秋風靜亭開落日孤清尊慚北海才子羨東吳席暝  
花仍豔林虛鳥自呼何時共舟楫泛月洞庭湖

奉寄何栢齋中丞代書

明時辭綬冕養素太行東丹訣還須試玄門信可通沁園  
花月夕盤谷薦蘿風余亦尋真隱封書還報鴻

夏夜邊司徒同黃勉之秀才分韻得風字

水國炎蒸極星筵咲語同香分蓮井霧清愛竹林風才子

吳中少司徒海內雄不須歌湛露逸興正無窮

中秋夜宴宗伯新第

春卿美輪奐夏屋滌煩蒸微雲碧空遠圓月青林升芙蓉  
明水檻蟋蟀吟寒藤中秋信令節笑語皆良朋

壽樊母太宜人

桃宴仙人合冰漿玉女斟鷄鳴偕老節熊膽百年心殿陛  
開封誥鄉閭慕德音蓬萊萱草樹花滿北堂陰

題廖太守卷十四事

日趨庭闈

鯉庭趨侍日玉樹映金芝堂構真能事箕裘未有師早歲



知三禮閒居誦四詩千秋遺訓在海內令名馳

步躡青雲

風雲連北闕日月近中台桂樹瑤宮合蟾光銀漢迴秋鵬  
還直上天馬自西來萬里青霄外人看出世才

御殿傳臚

綸綵傳三陞衣冠拜五雲御香天上落仙奏月中聞賈誼  
真才子唐堯儼 聖君長安花霧裏袍笏爛重文

醉歸瓊林

南宮輝列宿春宴集羣才詔自日邊下人疑天上來大官  
分玉食元老接仙杯既醉嘶歸馬鶯花爛熳開

益有涯集卷七

五

試政司馬

生長近邊城曾中富甲兵舊聞三畧法今識六軍名壯志  
思投筆長驅欲請纓安危天下計終擬答蒼生

奉使東遼

乘輅辭甸服揚旆出關河驛路人煙少沙場戰骨多遼陽  
思虎將渤海息鯨波歸報明光殿歡聞四牡歌

視篆穎上

年少東阿令憂勞卓茂心盤根知利器奇節重南金花色  
春行縣槐陰晝鼓琴至今穎水上遺愛有謳吟

承檄行取

吳公元課最漢室急徵賢鳳詔來天上鳧飛向日邊不還  
當卧轍寧愛贈行錢淮水澄清月圖書共一船

任寄耳目

驄馬猶乘月金雞欲報晨共知三獨重未許百僚親霜霧  
浮形禁星河覆紫宸袖中有封事權貴莫相噴

督儲通倉

庶績先邦計羣欺藉憲臣轉輸真有賴上下不知貧看劍  
啼山鬼行聽避路人官河春樹裏花映繡衣新

接鎮宣大

北塞風塵日西臺御史名張輸出畿甸桓馬向邊城上谷  
旌旗卷雲中鼓角清由來平虜策不數洛陽生

□□□□

益有涯集卷七

六

周召遺風古澄清攬轡時妖狐失窟穴彩鳳有威儀日遠  
滄溟樹雲高岱岳祠皇華迴使節士女動遐思

觀風齊魯

觀風須漢使執法拜周官霜肅豺狼遁風生獬豸冠立朝  
簪白筆納諫動金鑾長孺常居禁何愛海內安

牧專汝南

承恩辭紫闥出牧暫專城豈薄淮陽守都聞汲黯名吳山  
連楚秀汝水入河清不聽歌聲起那知政化行

登鄆氏樓

背水危樓起臨城甲第雄星文垂曲檻雲氣動飛薨白鳥  
長空外青山夕照中居然塵世絕仙樂往來通

溫泉留別張時濟胡承之得光字

華清宮下路日暮共徜徉浴罷溫泉水歌留明月光洞煙  
花寂寂山露樹蒼蒼可惜相逢地翻驚動別觴

遊山遲唐荆川太史不至

野興朝來劇層陰凍不開煙霞迎使節詞賦憶仙才豈負  
青山約何妨細雨來臨溪重回首沙鳥似深猜

山行卽事

孟有涯集卷七

七

逶迤行曠野牢落有初冬水抱村邊樹天低霧裏峯悲鴻  
風色暗宿草露華濃魚鳥疑旌蓋山醪幸此逢

出寺

雨積禪室晴開出梵宮谿烟嶂合逕轉石橋通鶴鶴  
晞朝日驂騮向北風鳴鐘更何處縹緲白雲中

同荆川遊龍泉寺二首

苦憶珠林迥欣遊寶地偏礪泉大上落樓閣雨中懸梵語  
聞猿過經行見虎眠凭欄花似雨身世卽諸天  
見說青蓮宇叨陪金馬遊衣冠來北極文藻動南州卷幔  
峰巒入臨軒雲霧流慚非名勝地司馬好冥搜



信陽孟洋著

五言排律十五首

靈石

曉陟西山險心愁行路難古藤攀曲磴深樹迴飛湍霧重  
千巖合風淒萬谷寒低窺浸絕澗直上倚危巒自覺形骸  
逼誰云天地寬鶯花連上苑何日解征鞍

寄王子衡巡按陝西

祖席南城寺旌旗西向秦黃鸝愁獨語楊柳細傷神回首  
川原阻悲歌道路辛游龍行華表驄馬歷河濱雨澤懽民

孟有涯集卷八

物雷霆畏吏人地形三輔舊人紀百年新風偃羌戎俗煙  
清蜀漢津平生知慷慨今日見經綸昭代崇文藻才名企  
縉紳賦超班史上論通賈生真把劍驚心遠投珠下淚頻  
天涯仍歲月海內入風塵樹極咸陽目蓬飄冀北身折梅  
勤遠贈報李重難陳慚愧英賢後蹉跎意氣親官庭虛獻  
納臺府實逡巡佇想丰儀俊還期誨語諄看雲欲白首旋  
節定青春

贈王中丞致仕

南極文星近西垣法象初明時辭綬冕早歲動鄉思懇乞  
繁章奏溫留屢詔詞疏君何遠讓越相已深期賜予隆

恩禮 朝廷重舊者丹書下紫閣玉帶出彤墀去國高名

在還家厚祿隨中霄看鳳翥曠世見鴻儀野帳傾都餞河  
舟一纜維霜天落木下風晝斷蓬馳燕冀還戎馬徐淮有  
亂離歸心雖獨喜行路亦多悲白日江湖迴青山歲月遲  
花明長樂苑草暗越王祠偃仰黃塵外登臨碧海涯林遊  
儕鹿豕沙坐狎鳧鷖瀟灑栖閑日勲庸入宦時圖開御史  
象名動樂陵碑驄馬俱相避豺狼敢自窺閭中瞻斗嶽海  
內寄臯夔安石心猶壯深淵鬢未絲秋行武夷樹朝別薊  
門岐感慨同朝誼殷勤贈遠詩蒼生元有待高卧獨何爲  
贈蔡給事成之福建僉憲

孟有涯集卷八

君行不得送怨恨若爲平塵隔長安樹煙迷上苑關關河  
萬里道風雨十年情重別心如醉長歌涕滿纓朝廷虛袞  
職海內盡戎兵豈是無山甫誰能惜賈生衣冠輝瓊閣諫  
疏耀承明卽喜朝陽翼翻爲瀕海行三山沾惠澤百粵見  
澄清遠擬丹心迴時瞻北斗城

送穆檢討伯潛遷南京國子司業得遂迎養

迎親辭北闕養士向南都金馬行過魯蘭舟並入吳出京  
秋日餞臨帳暮雲徂天濶飛蓬遠霜高旅雁孤別情劇杯  
酒心事竟虛無翰苑推才俊文雝仰鉅儒經傳劉向後門  
威孔融徒日饌齊參養朝庭慰鯉趨花行春嶂裏竹對晚



江隅感慨登臺處風煙萬里殊

送彭總制西征

朝廷憂海內節制出關中推轂咨謀重登壇氣槩雄師臨  
上蔡野捷報大明宮諸帥迎裴相蒼生倚謝公獻俘天喜  
極賜宴聖恩隆麟閣當時畫龍常百代功北來收汗馬西  
顧諸兵戎雪嶺猶嚴戍星橋屢受攻祇容蛇豕突未見虎  
豺窮武略多勳名詎有終指揮糜歲月輪輓困疲瘡  
國事勤勞獨王師簡在崇中原會易靖蜀道豈難通劍外  
旌旗閃巴西鼓吹同士心乘勝日虜膽破威風曉旆懸雲  
棧春營駐錦叢江鼉廻戰鷁巖魅避行聽荆漢煙塵息岷

孟有涯集卷八

三

峨瘴癘空巒山圍畫戟漢月挂雕弓籌策知先定威明本  
自衷三冬衝雨雪萬里望雲虹即覩提兵出行看奏凱東

贈雲谷

白雲滿深谷愛爾結幽居竹影宵穿戶松陰晝覆渠僧歸  
隣寺寂客至野堂虛過嶺時馴鹿臨溪獨釣魚月侵前墅  
局花映北窗書誰識王孫意頻回俗士車

贈榮上人兼呈顧全州

古有高人興今看靜者流江山成獨往風雨一孤舟卓錫  
湘流暮移帆桂水秋朝登覆釜觀遠望蒼梧丘目極南中  
勝心非道外求逢君看葉下謫客共萍浮暫結三生願何

孤萬里遊白雲懷舊國細雨別津樓碧樹諸天迥黃花絕  
塞愁行過五馬第持此謝全州

張封君葵軒雙壽十二韻

瑞色瞻南極仙文聚少微四明松桂秀三島鳳凰飛借老  
垂章服同堂玩綵衣賓親欣宴會閭里倍光輝花綉梅公  
市蘭薰孟母機笙簫喧共樂琴瑟靜相依梁燕雙窺席池  
篁綠映扉詩人歌福祿遊子念庭闈載喜佳辰遇因懷色  
養違高車書錦寸草自春暉天地須難報箕裘信有歸  
遐齡何以祝岱華並崔嵬

壽黃太淑人次甬川韻

孟有涯集卷八

四

紫極承恩命皇天錫壽臧星臨峯外闕春入海東疆瑞  
草呈仁日繁花競小陽高車新里閭喬木舊宮牆軒蓋如  
雲集芝蘭映日長風行江漢俗人仰孝慈鄉澗藻勒中饋  
培萱靜北堂山河在服中正合坤裳銀鼎烹魚白金杯  
泛菊黃歌筵絃管沸舞袖綺羅香遊子徒分祿思親載舉  
觴須知霜雪後松栢有餘芳

過陳山人莊居

偶作看山約經過處土家巖風吹桂樹澗水泛桃花門對  
千峯直橋隨五柳斜刈田亂禾黍掃葉動雲霞書屋兒童  
滿琴窓薛荔遮香羹分野芋中飯出胡麻安得金丹訣高



年發未華

九日登堅山十韻

辭喧來野寺九日復登臨遠戍垂天際孤城帶水陰風雲  
盤衆壑鴻鴈避危岑騎轉奇葩亂泉飛雜珮侵穿林饒虎  
跡俯礪有龍吟作賦慙先哲遊觀愜素襟帽隨楓葉墮杯  
映菊花斟何事牛山淚空懷鷲嶺心泛萸香細細攀桂碧  
森森歸卧松房寂猶聞長嘯音

送牛太常道微致仕

泛泛盈觴酒悠悠去國身匡時須俊傑念爾抱經綸桐栢  
還家月滄浪入眼春思鄉那送遠為別更情親山水今如

孟有涯集卷八

五

願圖書舊不貧行過問津處應見耦耕人

送黃少卿子任致仕歸南海

不見黃生久居然鄙吝萌相逢笑語地忽動別離情諫院  
名猶重容臺秩更清江山萬里去書劍一帆輕南海歸張  
翰東陵學邵平秋風五嶺道無數杜鵑聲

送張汝禎使伊府

出餞若為別相看奈爾何花偏迎帳舞鳥故向人歌秋色  
澄天地朝暉淨薜蘿青山橫寶劍白馬飾金陀發軔中原  
壯登仙俊貌和淇園臨渭水高嶽帶黃河魏趙豪華盡尚  
周帝業磨山城瞻使節藩府沐恩波西路風煙古印山霜

雨多感時興慷慨懷昔動吟哦形勝知全覽年華豈漫過  
思君憑候鴈隔歲聽鳴珂

孟有涯集卷八

六

孟有涯集卷之八

孟有涯集卷之九

三怡齋

信陽孟洋

七言律詩八十首

許憲副伯誠薊州兵備改湖廣提學仍舊業也賦此

贈之用張時濟韻

兵力暫煩驄馬使文星遙映木蘭艘重看荆楚湖山色早見幽燕虎豹降離草煙深行故澤桃花風暖入春江非關王事多勞役國士由來未有雙

除夕寫愁

四十五年今夕過一尊相對百愁餘才微重鎮新持節身

孟有涯集卷九

一

遠慈闈獨倚閭但有亡兒供客淚且似稚子作家書曉來不用重看鏡鬢髮從前已自疎

過寧州悼秦用寧通判

康村過訪經年久土室茅牆春甕開花映征衣憐笑語柳迷歸騎更遲回還山空擬招魂賦佐郡猶誇濟世才海內故交零落盡寧原重爲若人哀

人日喜晴

人日宜晴今日晴喜看民物遂生成河流帶日春冰細山障開雲雪草明胡虜千營聞北渡農桑萬井罷西征邊臣幸際中興域經略漸無數萬兵

紅德城元夕

清平驛裏過元宵尊酒盤蔬未寂寥燈火忽疑烽火至春風仍似朔風驕月臨漢節千山靜霜入胡笳獨戍遙想是大酺通海內邊城歌舞荷清朝

題張氏忠睦堂

曾說門墻廢蓼莪且看帷幄富干戈朔方孝友今張仲南國勲名漢伏波綠野堂開春縱酒紫荊花發夜聞歌不知近日談經處更有何人問字過

集豐林王園亭

大雅風流自不羣小山詞賦舊來聞金杯夜映朱簾月翠

孟有涯集卷九

二

袖春廻畫棟雲司馬梁園慙授簡平原鄴館竊論文柳塘花樹微風入紅素紛紛對夕曛

登驪山絕頂懷古得寒字

翠嶽丹梯雲霧端朝元高閣感遊觀芙蓉映日三峯出檜栢生風五月寒花外旌旗春駐輦柳邊燈火夜廻鑾漢宮秦墓俱荒草渭水終南歲歲看

奉和大司馬晉溪王公華陰祠樓餞別大司馬荆山

王公次韻

樓上金尊照碧山秦川花柳對歡顏三邊實觀風塵靜萬里虛聞道路艱麒麟閣他年真並霍玉門今日早還班胡兒



莫喜韓公去范老旌旗已入關

秋日苦雨

八月九月常苦陰晝雨未歇夜相尋  
禾黍半登復生耳墻廬盡壞還驚心  
寒鴈欲下野雲黑晴鳩不鳴林木深  
炊桂飯玉豈成飽千門萬戶空愁吟

留別顧英玉憲使

石城回首十年餘許下重逢嘆謫居  
舊雨相思更何處春風笑語亦吾廬  
出郊常擬花間醉傍水同看柳下漁  
此去定開徐孺榻難兄問季方書

冬日宴鄭汝順別業

孟有涯集卷九

三

鄭生負郭有田廬花榭茅亭背水居  
日照霜林松獨映雪消冰岸柳將舒  
呼童掃石驚沙鳥對客開尊取澗魚  
不到山窻今幾日白雲猶護讀殘書

過定遠寄鳳陽底太守同年底以黃門出守

梁王臺下舊論文並馬看花醉夕曛  
海內風塵稀見面天涯鴻鴈惜離羣  
直言汲黯能尊主卧治淮陽豈薄君  
殘雪暮寒過定遠北風惆悵鳳山雲

春雪簡顧華玉廉使

春後春雲暗未開春風吹雪遶春臺  
霏霏入樹偏妨柳故故巡簷似妬梅  
遊暖肯教歌袖濕弄寒還傍酒筵迴  
襄陽

凍叟金陵客誰爲扁舟乘興來

飲何甥卿山莊次韻

山中九日負看花鷄黍空過水竹家  
秋草遠連雙鴈盡霜峯寒對一扉斜  
松窗滴露依蟲響蘿壁含風動月華  
隣叟夜歸驚犬吠前村燈火落樓鴉

送高司寇

細柳新梅入帝京江邊雪後見春生  
功高早失雲中守刑措今傳白下名  
舊日蕭曹真伯仲中原寇盜莫縱橫  
朱衣白首趨朝地共羨明時重老成

送王太常季徵

孟有涯集卷九

四

太常清重異他卿才子風流擅兩京  
春水揚帆辭建業東風策馬過彭城  
一夔自足聲容美三禮由來職事榮  
擬濟中興垂令問漢庭休道叔孫生

人日寄顧英玉憲副兼寓憂荒之意

遙知春色同人日可奈浮生歧路分  
梅蕊縱開難寄遠柳條堪把益思君  
風塵別淚添江水日夜愁心望楚雲  
滿地流離那忍問故園消息早相聞

齋居呈聯舍諸公

南郊趨走雖無地北望星辰若有臨  
萬物豈能知帝力聖人元自享天心  
濛濛霧縠含窗夕島島寒梅映閣深



暫過鳳池聞笑語忽如天上聽韶音

奉和白樓太宰齋居

畫省清齋此日同聞歌白雪枉詩筒瑤壇玉殿虛無裏翠  
蓋金輿想像中階下莓苔侵暮雨苑邊楊柳入春風低樓  
鶴鶴休飛去對爾忘機學海翁

酬柴光祿春日喜晴見貽

雲遠天空候鴈翔林開晴日散羣芳柳條近水煙逾碧梅  
葉無風暖自香江上青山憐歲月鏡中白髮媿行藏忽傳  
一曲陽春調睡起高歌引興長

正月二十三日甚晴期明日出遊城南大雨不果呈

孟有涯集卷九

五

所期諸公

昨來杖履步西園仁喜新晴口氣暄竹葉尊前聞鴈過梅  
花樹底看蜂喧春遊預想風煙迥晨起那堪霧雨繁天道  
一朝難可恃人生萬事未須論

送吳太宰奏績北上

昨夜文星近紫微曉看江日動征衣山公賞拔真能事叔  
則清通世所稀入奏再聞天上樂散朝猶識省中薇 九  
重來職還誰補萬里雲霄見鳳飛

園中花樹盡開家僮折來始知感而有述

後園桃杏幾時開煙雨空亭鎖綠苔童子熟知嗔不報王

人仁見笑還猜急隨戲蝶穿幽徑更聽流鶯望遠臺宅畔  
風光猶復爾江南春色只堪哀

送柴光祿入賀

權歌聲裏望行舟渺渺江亭草樹浮鄉月近移龍虎闕使  
星遙映鳳凰樓鶯花上苑逢春色風雨長安憶舊遊聞說  
聖朝求直諫肯令汲黯出皇州

聞少司徒楊公少司馬萬公同赴錦衣徐公約遊牛

首山戲贈一首

錦衣公子玉花驄載酒登山與客同不獨能文少司馬且  
看作賦老揚雄日含江影雙峯外花暗鶯聲萬木中悵望

白雲搔白首坐開南牖詠南風

孟有涯集卷九

六

送陳京兆祐卿致仕

峩峩京兆古人稀釐保功成早拂衣南國舊開三徑在東  
都今見二疏歸山中叢桂遙相待海上羣鷗共息機回首  
同遊半零落看君此日有光輝

送吳學士仁夫北上

朝隨使者上金臺臺上驚看驥裏來太史東南非浪迹相  
如詞賦本多才文旌遠映星辰動法從重瞻日月迴他日  
和羹仍大手肯將鉛槧負鹽梅

鴈月朔雨有懷邊司徒華泉



白首相知海內稀司徒高韻苦相違寒鳥獨樹雲陰合  
暝竹空簷雨色微終日簿書知有政十年朋侶賦無衣北風  
猶會山陰雪乘興何妨夜叩扉

二月微雪再依前韻用答報章

捲簾江館雪猶稀鼓柁山陰興且違梅吐嫩香迎鴈細  
鴈呼寒侶入雲微霏霏帶雨時經眼裊裊牽風不上衣聞說  
馬卿仍抱病高歌白雪掩重扉

朱氏園亭宴集

上國名園笑語同朱簾翠戶曲欄通管絃夜合蘆洲月  
花竹煙開水閣風葉撼秋聲翻露下鴈飄寒思入雲中淹留

孟有涯集卷九

七

總愛青霄客潦倒真慚白髮翁

再用前韻戲答邊司徒

白雪陽春和益稀聞歌轉覺壯心違夢思天柱觀滄海徒  
倚江樓望翠微弟子久嘲邊老腹先生難學沈郎衣閣人  
候吏須相待明日終當造竹扉

寄上太宰白巖喬公一章

四朝冠冕接輝光萬里雲霄一鳳翔文學雅知韓吏部風  
流重見郭汾陽長城江漢瞻南極絕壁煙霞夢太行元禮  
門前慚下客緇衣高詠詎能忘

公嘗辱贈有緇衣愛賢之句

贈崔都督總江南北諸戎事

將軍節鎮擁樓船幕府新居北固前霜日旌旗連海色秋  
山金鼓淨蠻煙九江兵合蛟虺斷諸葛營開魚鳥懸麟閣  
畫圖今日事晉陽功烈萬人傳

飲十將軍廟西麓亭得月字

高臺日夕涼風發杳杳秋鴻度城闕治城官前宮殿開山  
下古丘荒草沒吳基晉業還幾時世事浮雲嘆飄忽對酒  
聞歌歌正悲煙林遠動寒江月

題荷峯贈陳中丞

君家宅抱名山住鳳翥龍翔錦水濱太華奇峯真伯仲中  
丞高節並嶙峋盤迴地底江河振壯麗天南日月新翠蓋

孟有涯集卷九

八

金莖不可問青霄壁立見斯人

奉和貞菴大司寇齋居二首

苑中瑞雪迎仙仗天上卿雲望帝都暫假清齋辭簿領  
坐消羣動入虛無江光射日樓臺迴山氣含春草木蘇靈  
異定應麟鳳集至尊元與舜文符

古槐蒼栢晝陰森天北天南萬里心行殿春開蘭桂暖祠

壇雲遶鳳凰深齋居酒病真能已雅興詩盟賴可尋最是  
周南聲調古臨風歌罷嘆希音

又和紫巖太宰二首

獨倚東風嘆鬢絲遙瞻北斗憶年時乘輿曉出蓬萊闕



扈從春明翫翠旗四海共逢千載慶一人惟恐萬方饑奇  
祥異兆常常見謾道天心不易知

大禮南郊此日齋齋明應切九重懷雪花向日輝金騎  
柳色含風散玉街明德由來三爵外至和非賴入音諧龍  
麟鳳翼廻天馭春滿皇都王氣佳

又和黼菴京兆一首

新年佳氣萬方通天道由來協聖衷北斗紅雲垂桂殿  
南郊香露泄芝宮風廻翠蓋春初入日轉龍輿雪正融太  
史未須占歲事遠臣先擬頌年豐

顧廉使息園燕集顧憲副張顧二郎中黃王二秀才

孟有涯集卷九

九

四明狂客三吳彦白下相逢並可憐松竹百年開野迳笑  
歌終日傲秋筵花邊月映山公醉石上風鳴叔夜絃衰鄙  
不嫌能敗興願從爾汝結忘年

新秋出郭訪蔣子雲

嫋嫋秋風江上生輝輝初日照江明不妨霧露沾衣早且  
愛鳧鷖泛渚輕鳴鶴似聞空谷響鱸魚應起故園情南州  
不獨悲王粲悵爾孤舟萬里行

贈大中丞惕菴張公致仕

謾向東都羨兩疏薛公猶得賜安車官有廩功名絕世寧  
居籠山水娛情早遂初綠野春晴閒種藥青谿雲暖靜觀

漁清時幸許成高隱令問終看太史書

次韻答周刑侍見和桂林之作

除夜俄逢繫綵舟新年重喜接風流春煙坐對晴江樹霧  
雨心驚瘴海樓聊假清尊驅別恨卻緣華髮動羈愁青山  
二月啼鶯遍水外花邊共爾遊

題趙太守棋聲閣二首次韻

畫閣吟餘卷竹書不簾高捲碧窻虛霜天叫月猿聲斷城  
闕悲雲鴈陣踈戈甲塵喧酣戰日鼓笳風靜解圍初折衝  
千里山河震談笑從容尊俎餘

奕客憑高氣莫先棋聲清切與雲緣江河滾滾潮堪聽風

孟有涯集卷九

十

雨蕭蕭夜不眠殿上疑聞秦壁碎軍中如破漢營堅餘音  
往往花間度勿引樵夫滿世傳

答顧全州華玉寄書

全州書謂余爲浮湘佳侶至麓口知予舟方過數  
日追之不及失良晤云予出京景內翰伯時有湘  
南逢顧況之句今乃弗果已因憶唐宋之間端州  
驛題壁作甚類我二人又全州過豫章李獻吉附  
寄予詩簡慨然咏此以答全州

並向明時作放臣殊方本擬日相親蘭舟空喜浮湘侶

桂嶺悲看對月人太守書來知駐節崆峒詩至益沾中湘



南顧況今虛語歧路南中事更真

昌平省中

客裏蕭條獨閉門坐來愁思欲消魂空塔日下藤蕪長荒  
院人稀燕雀喧舉目乍看關樹迥傷心仍見塞雲昏他鄉  
漸覺聞搖落何處呼童問酒尊

邢臺道中呈王宗哲明府

朔風應律迥高林夕景銜山喧野禽獨馬駸駸客袂薄片  
雲渺渺鄉心深乾坤倚劍頻回首勲業逢人惟苦吟賴有  
故知得相見不妨酌開煩襟

曉發趙州懷何仲默

孟有涯集卷九

十一

寒月欲沉西麓盡明星亦報東方昕村鷄樹上鳴未歇僧  
磬林深清可聞回首漸辭燕趙雨相思猶隔汝淮雲莫嘆  
吏隱難相入尊酒茅堂許論文

夜抵內丘去年王宗哲自唐山送予亦夜至此

冬征遠道風威極宵發孤城月色新犬吠村間遙送客鴈  
歸天外迥愁人星河垂樹行裝潤燈火連阡候吏頻卻憶  
去年王縣尹並驅聞柝到城闈

曉發磁州

鐘鼓驚寒客夢銷山河舉目使心遙城邊殘月依依下水  
面孤雲細細飄阮籍不須悲失路相如應自悔題橋林端

曙色霏微亂喜見朝陽出紫香

鄴城懷古

銅雀臺空起暮愁鄴陽秋草暗煙浮終年籌策還與晉蓋  
世勲名不爲劉東漢有祠延俎豆西陵無主任松楸將軍  
勒石元何在到此令人憶武侯

渡河

黃河之水來天上崑崙真與滄溟通風生舟入紫煙裏日  
出鳥飛黃霧中細草不迎隋帝輦長楊猶遠魏王宮城南  
城北元無定水勢年年只向東

八龍塚

孟有涯集卷九

十一

下馬乘人問古祠許田殘雪麥離離碑封綠蘚蒼煙細塚  
對青山白日遲已見真龍傳異代不聞霖雨濟當時獨憐  
漢室忠真士假手阿瞞知爲誰

夜坐白坡書舍

燭影爐煙夜未央星垂霜落滿溪堂故人偶喜琴尊合愁  
鬢相看歲月長自向聖明干氣象更憐幽獨學踈狂滄  
江煙雨年來夢北極風雲未可忘

酬何仲默以詩見留次韻

每逢晚歲懷鄉國豈謂浮名戀帝京道路自緣妻子計冰  
霜忍別舊知行梅花水檻非無思柳色春城亦有情感爾



詩章挽星旆願予心緒入雲程

過大梁貽李獻吉

兩年不見空同子楊柳青青汴水濱  
避世獨留瓜圃在著書吾愛草堂貧  
門前雪盡添春水江上梅開傍野人  
竹逕不曾延俗駕思君何日得相親

三月十五日病寓趙州時何舍人致仕馬戴二進士

應廷試

抱病孤衙檢藥方平明起坐到斜陽  
落花白日娟娟細乳燕青春故故忙  
正喜交遊新得意卻憐骨肉已韜光  
微軀進退慚何益魂夢家鄉復帝鄉

孟有涯集卷九

三

題真定邵推府企歐亭

千載醉翁亭不見滁州山水北  
亭邊新苔繡處織織雨古石移來  
細細煙一雙海鶴靜階下幾樹石  
榴明席前看竹邀賓了公事酒杯  
詩律更堪憐

送譚開州還任

一麾入覲雲霄上滿袖携歸雨露香  
天子始知今召杜開人不數漢龔  
龔黃城門乍見兒童思車馬重來  
草木光落日晚風亭畔柳送君聊  
爾醉銜觴

送田勤父使南昌

滕王閣迥最宜詩田子才高起夢思  
三伏旌麾汴水上一

秋舸艦楚江湄逢人問俗興新感到處登臺寄遠期回首  
尚懷天北極春風使節莫遲遲

苦熱

一室多蠅無畫寐亭午毒熱轉相侵  
赤日下臨徹厚土炎雲四起昏長林  
剡溪孤棹不可得雪嶺千峯何處尋  
豈有涼颺發天末明月亦送高城陰

畫

故園春樹望中賒圖畫依稀處土家  
雲白沙青聊與味山樵水釣各生涯  
黃鶯歷歷千門柳燕子飛飛滿樹花  
歸去何年開野徑竹邊松裏一屏斜

孟有涯集卷九

十四

送宋上舍還陝

長安一冬不見雪偶來大雪亦堪愁  
客居終日無佳興閉戶哦詩贈遠遊  
馬首雲開西嶽迥春風冰泮大河流  
關中近日多才子自古山川最上游

聞鴈

早春入夜尚淒風孤月纖纖生遠空  
萬里獨愁南望客一聲何事北來鴻  
往秋共逐嗟行路此際相逢愧轉蓬  
多思欲歸絃調裏哀音已過塞雲中

訪田勤父至自河南

城中雨雪含生意天上園林霽景新  
泥滑瘦馬亦不怯春



寒乳鶯猶自頻會合可憐同夕酒栖遲惟苦異鄉人中原  
聞說今凋傲使我停杯淚滿襟

題廣平郭同府望雲思親圖

天涯遊子不曾歸每日看雲送夕暉歲月卽今虛道路海  
天何處識庭闈廣城地僻南丹絕閩國峯高北鴈稀薄祿  
豈能供遠養傷心徒爾淚沾衣

酬馬君卿見花藥有感見示

故園二月花爛熳長安好花亦不遲忽漫高原見春樹三  
五細藥明煙枝此時悵望寒城暮何日移居野水涯寄語  
東風慎相識勿令朝夕早榮衰

孟有涯集卷九

五

訪任草亭初至都下次君卿韻

邇逢日暮留連飲共是天涯羈旅人語燕流鶯俱作意絳  
桃芳柳故相新卽看逸興驅今古復有雄文動鬼神健翻  
自應霄漢上憐君白首尙儒巾

九日

退朝西出長安門疋馬行過紫禁垣鴻鴈淒淒逢九日風  
煙渺渺望中原尊前綠酒誰相對堦下黃花空自繁爲客  
登高無地至不勝愁思倚黃昏

磁州省壁見韓司徒憂旱詩二首有感時司徒已去

任

上古七年曾大旱司徒底事太憂民遙思當日心何似細  
讀新詩意自真霖雨蒼生應未忝雲霓霄漢會無因高宗  
不有亮陰夢傳說終爲板築臣

晚楊貢士

蜀中夫子才可尋江草空綠江猿吟傳經白首迴用世教  
子平生多苦心久令四海屬仰止還儼異代逢知音天涯  
有兒抱孤恨絕勝百花潭水深

比干墓

王子祠堂大道西野煙松栢畫萋迷經春但見青蕪長入  
夏猶聞黃鳥啼萬古赤心懸日月孤臣同姓薄夷齊卽今

孟有涯集卷九

六

瞻謁光輝下灑淚含情不忍題

新安省院

洛陽西去萬山橫山下孤城枕澗清水竹叢開當檻靜石  
榴花發映堦明南遊盡月非吾土北望浮雲卽帝京底事  
客中無遠興不堪吟罷轉愁生

望太華

十年太華遊山思五月潼關騎馬來日動松林仙掌出雲  
移蓮井玉峯開北涵渭水生秋色西帶秦京鎖暮哀安得  
從容應盡興翠微深處訪雲臺

石溝

鹽井黃沙迷白草石溝殘日下荒山烽煙暫喜連朝息旌  
節遙從萬里還秋早兵戈屯塞上風高鼓角動雲間西陲  
諸將今非昔胡虜無勞數扣關

環縣

靈武城高接夏山 逶迤山勢引邊愁胡來六月常烽火農  
起千軍盡戍樓草樹陰陰刁斗夕雲沙莽莽玉關秋比年  
耆舊多湖海節制誰能范老儔

長安同張文之宿罔極寺

駐馬禪宮興惘然滿庭松栢細生煙蟬鳴樹杪秋風起木  
落城邊夕照懸賴有故人相繾綣更憐衲子亦周旋盤餐

孟有涯集卷九

七

縱是無兼味不惜吳鉤當酒錢



信陽孟洋著

七言律詩八十首

晴

輝輝林日動新晴客子歸心引去旌秦山西出霞霓迥渭  
水東來烟霧輕雙雙寒鷺過閑浦裊裊秋鶯嚙廢城漢唐  
宮闕垂楊裏回首斜陽萬古情

華嶽

金精白帝開天府翠掌丹梯見華峰別有懸崖浮日月分  
明絕頂畫芙蓉千年洞壑清泉注萬里雲霄瑞氣重會欲

孟有涯集卷十

還丹鍊金骨不知何處覓仙蹤

襄陵省中池亭甚佳因懷張李二明府

日暮襄陵池上亭孤吟長坐嘆飄零荷花無主誰爲色竹  
葉憐人獨自青暝過高林回倦鳥風生曲檻度流螢季鷹  
元禮俱何在好對青霄倒玉瓶

道井陘有感

東歸石逕入雲斜險阻千年事可嗟松柏森森韓信廟山  
河渺渺沛公家主齊實召遊雲夢爲漢虛勞問左車惆悵  
英雄心事在烏啼秋樹墮巖花

淮陰侯祠

殿宇深開古樹林祠門高匾漢淮陰涼風大幕吹遺像白  
日臨簷照壯心澗水千秋何所恨鳴蟬六月有餘音扁舟  
卻羨鴟夷子萬里烟波不可尋

同黃都憲孟鎮守侯總戎遊紅石峽

一水遙從胡地來岐嶇雙壁倚雲開清流細細松林合古  
洞陰陰石岬迴駉騎高秋翻鳥雀綺羅斜日映莓苔醉遊  
幸與羣公後塞北江南莫浪猜

同前諸公遊龍泉祠

山下清泉靜不流城邊光景漫相留池亭映日晴波動草  
徑含風暑氣收碧樹高雲聊騁望玉簫金管暫忘憂須知

孟有涯集卷十

地主能憐客曲水輕觴入莽浮

和楊遂菴入關

倦遊遙指舊鄉還再起徵書入漢關旌節未過靈武鎮風  
聲先振賀蘭山城守將虛愁思塞上征夫盡喜顏韓范  
千年應並駕雲霄萬里更誰攀

過關

絕壁洪濤勢欲摧每逢迨徑更周迴獨夫荷戟當千敵六  
國連兵未一開唐主不妨安祿變秦師元喜沛公來乾坤  
萬古河山險運祚紛移獨可猜

中秋示王子遠夫



中秋駐馬山中驛節序那禁客裏逢萬里氤氳浮皓月千  
林搖落獨青松催愁別院砧聲急取醉誰家酒味濃良夜  
一年惟有此又教寂寞對高峰

送李給事使占城

紫殿爐烟拂素衣搖搖仙佩出金扉旌摩日閃龍蛇伏瘴  
瀉春開島嶼微華國威儀憐彩鳳驚人詞翰重明璣朝廷  
褒職還須補海上浮槎早見歸

挽溪雲翁

溪上雲搏處士廬野人長傍問幽居少年遊樂江湖外晚  
歲投閑松菊餘山鳥自啼存戶宇澗泉猶遠廢琴書生平

孟有涯集卷十

三

自有過人處身後猶來長者車

送馬公順湖廣提學

風雪燕山雲不開別離愁傷黃金臺萬里舟航渺何去百  
尺湘江清且迴黃鶴仙人終日待武陵桃樹爲君栽行將  
遊歷獻天子不愧相如作賦才

挽蜀中王侍御乃翁

白石清泉老歲華新詩濁酒足生涯高秋鶴去雲無色永  
夜猿啼月漫斜寂寞柴門五株柳蕭條藥圃一闌花可憐  
題柱青霄客蜀道空回駟馬車

送王仲深致仕還江南

孤雲江上鴈高飛客子乘舟何處歸茅屋新開荒菊徑柴  
門正對釣魚磯村中蔬酒閑秋月戶外鶯花澹夕暉白鶴  
自能隨竹杖紅塵不解入荷衣

待漏

玉漏遙傳高閣盡金門欲啟五更遲街頭月色映霜白城  
上河光帶露垂聖世衣冠漸旅進浮生勲業動深悲風烟  
又覺三秋暮鴻鴈空馳萬里思

送邊荊州廷實賦得一柱觀

松滋縣東一柱觀君達荊州春正深風落澄湖翻夕照雲  
移別嶂入晴林花間日見江猿過竹裡時聞湖鳥音千古

孟有涯集卷十

四

洞庭存勝槩卽憐詞客更登臨

送方隱君還棠陵

天上舟航何所之棠陵野老故園思雨餘負郭看田畝日  
落依山見墓祠長路經春鷗泛泛清江入夏草離離隣翁  
稚子迎歸棹翠竹穠花待舉卮

答何仲默見寄

人世百年常異處帝鄉爲別動三年頻頻入夢見顏色日  
日祛愁多醉眠修竹穠花田舍裏亂山流水寺門前幽居  
不省何時訪好句虛勞萬里傳

九月二十四日夜張侍御宅見菊



重陽已過十日餘誰家宅裏菊開初青燈照夜移花入素  
壁含秋散影踈隔歲再逢猶作客一尊相對獨愁予不辭  
深坐驚霜早擬待懸權過月虛

送任草亭分教新城

紫塞霜天鴻鴈回野亭秋日菊花開琴書一束故人去車  
馬翛然踈雨催白首且傾燕市酒黃金休上郭生臺百年  
桃李陰陰地馬里烟花細細栽

九日無菊

常年但得重陽至一日黃花共舉杯細雨濕籬全未負西  
風吹葉故相催此時苦意何由見他日雖多不用開佳節

孟有涯集卷十

五

久扳能發興蕭條何意更登臺

送人還山東

臥病京華清夏臨兵戈滿地正傷心故人此別愁何似舊  
國東歸喜獨深沂水風烟長浩浩燕臺雲日漫陰陰河亭  
入暮孤舟遠回首空城動越吟

醉歸

每愁白髮催年暮更苦青春縱飲違對客淹留銷燭盡出  
門酩酊帶星歸晴初絕塞冰霜合寒極高城鼓角微傳語  
故人休共棄明朝驅馬叩重扉

別關中雷生

少年名重洛陽才天馬西從滌水來喜極仁逢韓子宅愁  
多復下郭生臺華峰玉女盈盈見金水青蓮冉冉開夜月  
此時蟲更切春風何日鴈重回

別蘇天秀

蘇公作宦出羣才遠謫新從蜀道來盤錯幾年真慣歷圖  
書萬卷舊曾開秋風使節催行棹落日離亭罷舉杯獨有  
壯心霄漢上時時回首鳳城隈

聞河南寇二首

賊兵十月渡黃河河上諸城破已多金鼓風悲塵滿目川  
原日慘血生波儒臣武將俱誰在洛水嵩山奈爾何回首

孟有涯集卷十

六

中原全盛地百年今日見干戈

大梁南去憐吾土盜賊遙傳動我情殺吏已聞過上蔡屠  
城近報入西平旌旗數望邊軍至疲病兼憂內寇生腸斷  
鄉關兄妹在不知何日可休兵

八日

人日又從今日得酒杯不似舊時開生涯潦倒逢人笑節  
序蕭條傍客催冰雪春寒餘礪谷笙歌風暖自樓臺暮看  
天北浮雲暗愁聽城西畫角哀

過海印寺

俯湖臺殿何年起遶寺烟波望不窮樹裏透迤銀漢接宮



前宛轉玉河通長橋晚落千尋影高閣晴含萬里風滄海  
漫求人世外蓬萊今在帝城中

慶壽寺齋居夜陪喬劉何三舍人

齋居笑接鳳池吟春寺風烟故故侵鐘鼓上方催暮景松  
篁滿地散清陰中原渺渺孤裘客北斗依依萬里心但擬  
聞雞朝玉闕還期並馬出珠林

送韓汝節左遷平陽別駕

憐君謫宦向平陽汾水襄陵隔太行日暮烟塵關樹迴春  
風鴻鴈塞天長時違去國重回首世難逢人幾斷腸後會  
不知何處所清宵聊盡此壺觴

孟有涯集卷十

七

和何子移居

長安大道禁城隈何子移居庭戶開花柳春天臨上苑雲  
霞朝日近蓬萊子雲宅裏書常滿元禮門前客競來栖息  
卽欣違咫尺頻煩莫厭日追陪

春鴈

卽憐鴻鴈不相違每到青春見爾歸獨夜高鳴乘吹遠九  
霄聯影入雲微上林羽獵終多事北海風烟自可依婚繳  
虞羅滿天下此身那得共翻飛

田給事宅對雨

日落炎城暮雨來苑中烟色靜樓臺青冥接地驚雷入昏

黑侵簷掣電迴卽喜榴花明玉檻不妨竹葉滿金罍天涯  
風物虛相負華鬢蒼顏日見摧

挽李封君夫婦

百年徒有敬姜思蜀內空傳太白詩裊裊溪雲虛戶廡蕭  
蕭江月動機絲鳳毛迴出青霄上龍詔遙從白玉墀錦水  
巫山萬餘里長安吟望不勝悲

耐君卿夏日山居見示

聞君近有山居興長夏傳詩慰寂寥精舍雅宜修竹裏紅  
塵悵望白雲遙風前卷幔時通燕雨後開渠自灌苗卜築  
真慙陶令宅歸來車馬尙喧囂

孟有涯集卷十

八

別劉子深

傳書他日瀟湘淚並馬春風海岱行醉裏遲迴同野興天  
涯漂泊見交情荒沙日靜雲門迴弱柳烟寒溜水清聊復  
長歌爲此別不須回首論平生

東平道中呈馬二侍御二首

六年不見同人語萬里安能一日忘捧檄早聞過故里傳  
書今已至東方不才自愧卽官宿多病心寒御史霜若憶  
行驄春日靜愁看征鴈碧雲長

馬卿遊歷興多奇滿卷渾無寄我詩綬結青雲還自得珠  
投黑夜獨相知平堤絮裊春烟薄僻路花開野日遲不顧



尚書吾豈敢風沙百里赴君期

壽林侍御兄

越王臺下菊花開野老堂前歌正迴冠蓋拂雲登綺席芝  
蘭輝日引瑤杯紅顏白髮雙星映碧海青山一鶴來惟有  
鶴鳴天北極秋風原上幾徘徊

送許侍御乃翁視子還

九日寒城落木稀野亭叢菊細輝輝日邊驄馬行相送京  
口扁舟喜獨歸歲暮梅花開草閣月深江色動柴扉極知  
隱地違塵市早擬封章下釣磯

送周世寧進士

孟有涯集卷十

馬卿多病憶江干霜日城邊木葉寒白晝錦袍歸故國青  
春文藻動長安孤舟漢水浮書劍萬里秋風縱羽翰共知  
諸葛隆中去他日經綸海內看

送劉天和侍御巡按陝西

才華在日動江城御史西臺獨令名白雪張輪出燕甸青  
春桓馬入咸京長安繚繞胡沙遠太華岩巖漢月清兵革  
見愁疲病日共看經濟答蒼生

興隆寺齋居

齋日齋居僧舍深畫簾花竹細陰陰諸天樹色浮佳氣下  
界鶯啼入梵音京國風煙虛在眼邊城戎馬實驚心他鄉

自喜逢春色不道愁多更苦吟

送謝汝正少參之湖南

曉日城隅別美人桃花落盡始知春冠纓自厭風塵色舟  
楫遙憐江漢濱雲夢澤深浮日月岳陽樓迥近星辰何年  
得慰登臨興共爾逍遙一問津

冬至述懷二首

冬至陽春節氣新孤舟萬里淚盈巾千官鳴佩嵩呼日九  
殿垂紳近侍臣嶺外聞猿爲逐客山中驅馬避徭人海天  
徒抱區區在稽首焚香望北辰

至日燕京冰雪繁常年陪祀上陵園赤城松栢開前道玉

孟有涯集卷十

府雲霞鎖秘門車騎畫從烟外轉衣冠夜向月中論卽今  
萬里投荒嶠極目遙天斷旅魂

臘日

北風歲暮急孤城臘日炎荒見雪清獨秀峰高萬里思桃  
榔樹近一禽鳴桂林遠客違金闕椒酒親臣賜玉壺寂寞  
學宮終日閉倚樓吟望倍愁生

答顧全州華玉見貽

隱几高齋冬日深叩門何處素書臨美人近隔清湘水使  
者空傳白雪吟邊嶠梅花愁聽角郡庭榕葉憶鳴琴春風  
好慰同遊興夜月應憐異地心



除夕對梅花

南謫南荒度歲除北人北望憶鄉閭  
笙絲別第生春色燈火虛堂積雪餘  
賈誼賦成空有鵬馮郎歌罷竟無魚  
庭梅寂寞偏憐汝獨著寒花夜對予

人日答顧全州以詩見邀

人日風光春興幽封書遠寄顧全州  
江邊五馬虛相待剡上孤舟可自由  
已向殊方憐共逐猶慚薄祿阻同遊  
烟門新柳垂垂色月嶺哀猿夜夜愁

送馮司訓入京

馮唐白首尚微官此去欣逢漢武年  
春月扁舟携鶴往東

孟有涯集卷十

十一

風上苑見鶯遷亭亭落日清江外  
冉冉飛花綠樹邊逐客天涯仍送客  
長安日極萬峰烟

松坡宅內海棠賦得園字

春城下馬入名園滿樹仙花開正繁  
行傍闌干應破睡吟當風雨為招魂  
傷心轉見紅妝麗照眼翻驚火玉温  
聊引金樽留遠客不妨銀燭醉王孫

寄周克之侍御謫居南海

君從嶺海駕輕舟余亦瀟湘遡碧流  
悵望雲天俱墮淚相思月夜一登樓  
魚龍巨浪春應適瘴癘深山雨更愁  
飽食殊方各努力南中佳麗足遨遊

送徐明府入京

二月灘江春水深警家洲映百花林  
送客忽來生遠興臨流延佇動高吟  
日邊雲樹雙鳧影天上星槎北鴈音  
莫問郎官向何處清才隨地好鳴琴

壽松坡母太夫人

曠曠旭日照蓬萊王母池邊宴正開  
宮雪影隨歌曲轉洞梅香逐舞衣  
迴仙人霞佩供春饌玉女霓裳薦壽杯  
豈有竊桃方外術幸從冠蓋集雲臺

吳廣文赴天河

文星昨夜近天河江上朝逢鄭老過  
雨積山城歸燕少春殘沙浦落花多  
藏身散吏慚予並回首孤帆奈爾何  
誰謂邊方皆鼓角夷鄉從此聽絃歌

孟有涯集卷十

十二

清明

千花萬柳照清明鳩語鶯啼滿郡城  
畫臥不妨深院靜青遊應喜四郊晴  
殊方車馬誰同侶故國風烟空遠情  
獨愛隔簾芳草色孤吟日暮遶堦行

答高大和侍御寄書

舟過衡陽鴈已踈經年那得故人書  
一封忽漫來何處千里殷勤問謫居  
海上青鸞遙羨汝湘南芳草正愁予  
清秋直北朝星斗回首雲山萬疊餘



中元

南方極尚中元節走祀居嘗五日前故國光陰同歲序天涯涕淚各雲烟山深絕少秋來鴈地僻偏多雨後蟬鄰里兒童交贈送盤餐壺飲自堪憐

秋懷

歸心萬里逐湘流落日千峰障客愁葉下北風巢燕盡林開織月嶺猿稠馬卿報國終多病張翰思鄉豈為秋絕域不曾緣祿仕高堂空自有離憂

九日遊風洞山

九日獨登風洞閣萬峯疊擁靖江城烟中臺殿浮秋色天

孟有涯集卷十

三

畔松杉落雨聲黃菊野開孤客淚蒼梧水遠二妃情心懷往歲承恩宴腸斷斜陽望帝京

輓張兵備時措

張公生世出羣才死日驚開動地哀洒淚春天花自落招魂雲海鶴空回筆鋒入涸淞江水戰陣深悲漢將臺歸櫬試過吳楚感昔賢白骨掩青苔

輓李將軍

漢家惟說李將軍壯氣雄才世共聞劍斷蛟蛇作雷雨身乘虎豹捉風雲封侯志在元非偶教子功成盡不羣徒有英華照千古不堪猿狖泣秋墳

輓胡憲副

黑首為郎即有名壯年風采動邊城木牛歲轉胡沙靜聽馬春行漢月清直北寵光飛玉節征西勲業墮金營孤丘落日青山外萬古滔滔湘水聲

遊湘山寺

雲裏孤亭落翠微林間寶刹隱光輝寒鐘寂寂秋花細碧殿陰陰古木稀望極烟霞流遠壑行深薜荔引重扉卻悲塵跡同流水聊復高吟傍落暉

南可堂

堂成南郭倚修林簾捲高窗見遠岑掃石秋籬看菊徧杖

孟有涯集卷十

四

藜春徑入花深天晴猿鹿山中下日落漁樵江上吟野興百年無不可桃源路杳莫相尋

王師出京聞王都御史收南昌消息二首

聞道王師已出京清秋霜氣肅南征山中狐鼠元無賴天上干戈自有名黃鉞倏臨朝日動錦帆遙下夕江明漢文那得稱神武今日親行細柳營

醜虜無因敢跳梁觀兵有道荷天王驚聞金鼓連雲起擬見旌旗向日黃萬國衣冠須旅餉九重軒冕盡戎行捷音近喜從南贛已報中丞入豫章

九日雨阻登高述懷二首



重陽風雨罷登高獨坐潛空積思勞病起強須傾玉尊菊  
遲元自愧霜毛浮雲日暮青山暝落木天寒白雁號黃鶴  
題詩悲往事野陰江色動秋袍

不道無涯還有涯逢秋卻惱鬢添華愁來但使尊多酒興  
好從教菊自花南國烟氛隨霧散北陸鼙鼓接雲賒衡茅  
幸有棲遲穩風雨何妨細細斜

病居寡出憲使閻公假以良馬從此可遂遊覽之興

詩以奉酬

彈鋏歸來歎索居出門誰復念無車騏驎暫遣離官廐雨  
露分沾到敝廬野寺尋詩今不遠春山載酒未應踈支持

孟有涯集卷十

五

病骨全憑汝絕勝京華杜甫驢

送謝應麟赴費縣尹

謝安總爲蒼生起費宰何由得使君尊酒留連河上雨布  
帆沾濕樹間雲虛堂白日鳴琴靜獨馬青春出郭勤別後  
天涯看鴻鴈不知消息幾時聞

挽白司務

英賢不負尙書後才略還憑太宰知萱草春暉頻涕淚鱸  
魚秋日枉愁思星沉水閣圖書暗月出江門猿鶴悲萬里  
孤孀歸旅櫬西風哀怨滿天涯

晚晴

炎蒸酷喜終朝雨日暮新晴益可憐雙鶴北來浮上苑羣  
峰西出插遙天起坐並忘三伏暑樓臺俱近五湖煙飄飄  
神思隨風遠即欲乘槎牛斗邊

千佛山

白日蕭蕭秋樹斜碧雲渺渺入僧家隔年松塢疑鄉寺一  
月風塵見野花鐘鼓催寒生晚暮翠微含月益光華湖蕩  
不盡川原色發興還如江漢涯

九日登泰山

秦嶽高不可當登臨况復是重陽杯傾下映滄溟色帽  
仄平依北斗俯魯甸風雲流野日薊門鴻鴈入烟霜雄圖

孟有涯集卷十

六

威節俱陳跡城郭蕭蕭自八荒

禁中春雪

人逢飄雪曩霧含風更可憐高入雲宮迷曉帳暗  
流星館濕春筵玉花自繞飛龍上瑤草偏承獵騎前萬乘  
此時行幸地詞臣誰獻上林篇

八日別王明府同陳何李薛劉五子

王喬作宰試東吳吳國江山興不孤花繞縣前春嶂入月  
臨城上夜潮呼天涯人日看瑤雪海內名流集玉壺明發  
分飛各何在卻因梅柳憶京都



信陽孟洋著

七言律詩七十八首

夜集劉子緯郎中

門對西城霜月臨，雪留風死北堂陰。  
愁看碧草生春色，徒倚寒梅損客心。  
筑未忘燕市酒，屬歌猶接郢人吟。  
非貪深坐催雞報，苦憶相思候鴈音。

九日期登高不果遂集王郎中欽佩青谿上隈韻

王子幽居水竹東，故人佳節對清風。  
愁看叢菊蕭條甚，興引高臺悵望中。  
日靜鍾山流遠碧，天寒楓樹落殷紅。  
共嗟

孟有涯集卷十一

物色驚人眼，縱飲何辭百盞空。

仙真觀

村墟斜日映霏微，蓬苑丹霞閃洞扉。  
竹霧乍沾車馬色，爐烟常駐薜蘿衣。  
巖垂石髓逢人少，路塞桃花過客稀。  
白鶴歸來莫相訝，幽房玄侶亦忘機。

清涼山

丹梯翠閣上崔嵬，歲暮天涯一舉杯。  
野合秋聲搖草木，城開烟色見樓臺。  
悠悠落日長江下，渺渺青天白鴈來。  
更向圓陵望，佳氣鬱葱宮殿首重回。

至日遣懷二首

燕京至日雪花飄，此日江南雨尚饒。  
鳥過雲天還漠漠，竹搖風霧自蕭蕭。  
流移淚下中原盡，瞻望心懸北斗遙。  
暫息一枝叨剩澤，微軀萬死愧清朝。  
郡中抱病逢長至，門掩高齋白晝深。  
止酒且妨陶令醉，思鄉仍動越人吟。  
夢回雪色無由見，興到梅花何處尋。  
細雨輕雲愁不斷，不須歲暮已沾襟。

立春後對雪

南方臘月常無雪，春後飛花此更多。  
野老不須占歲事，江人應亦罷漁歌。  
霏霏細繞梅簷落，片片輕霑柳岸過。  
目極胡天雲色暗，北征車馬事如何。

孟有涯集卷十一

吳松江肅威道此對酒次韻

萍聚京華四海心，蓬飛歲月故駸駸。  
蠻荒獨憶西臺迥，郡國同瞻北闕深。  
病骨逢君慙驥櫪，春山對酒見鷺林。  
少陵不作當時體，千載重聆大雅音。

除夜述懷

每逢歲暮嘆離居，今歲還從客裏除。  
冰雪已隨殘漏盡，春風應入曉鐘初。  
衣愁病骨難呈綵，酒悅慈顏賴有魚。  
喜報宸遊還鳳闕，無因稽首拜龍輿。

元旦呈邵守徐公

滿城鼓吹過元旦，萬戶樓臺映曙輝。  
江暖即看春鷺浴，谷



暄應見早鶯飛天涯風日開黃道海上雲霞接紫微佐郡  
喜逢今日感題詩常對謝玄暉

正月三日喜晴

東風死轉入新年林色熹微開曙烟梅柳隔簾春欲動樓  
臺滿眼雪猶懸羣飛鶴鶴齧高樹並泛鳧鷖下碧川對此  
不堪多病在令人卻憶五湖船

正月十四夜徐郡守子謙諸進士楊伯屠職方文伯

范秀才孔嘉見過觀燈

小堂今夜試春燈喜見元宵對友朋金映碧莖花錯落玉  
浮高棟焰稜層簾前月色虛垂滿坐上風光似不勝明夕

孟有涯集卷十一

三

莫辭重過訪清尊共擬樂豐登

元夕

露靄春光星漢遙江城笙鼓奏元宵東風獨轉瓊瑤席明  
月偏臨翡翠橋客裏燈花紛自樂眼前琴曲謾須調翻驚  
令節催愁鬢倚杖青雲望斗杓

送陶憲副入京

津橋細雨催南鵠烟樹春風起北鴻仙旆近移五柳外帝  
城遙在百花中江湖猶阻扁舟興經濟寧孤運暨功海內  
蒼生今屬望君家兄弟本才雄

喜駕旋

龍旂北轉風雲塞鳳輦春回日月宮川至歷年三代上嵩  
呼靈氣萬方同只須經略歸元老何乃憂勤達聖躬寶鼎  
仙芝應有頌周宣漢武更無功

天寧寺對雨

妬花風雨何曾歇蔽日陰雲未肯休卽有黃鸝愁霧苑且  
無燕子入山樓碧隨嘶柳江仍濕紅落塔桃寺轉幽城內  
風光君不見一春今已廢郊遊

散鶴爲沈秀才槩題

清才癯骨沈休文疎散行藏野鶴羣巖樹不妨眠曉月江  
花隨意步春雲且教獨曲琴中度擬有長鳴天上聞健翮

孟有涯集卷十一

四

乘風向閭闔會從鷓鴣奉明君

重陽前一日登黃鶴樓

黃鶴仙遊八溟層樓高結入青冥浮雲薄日垂江漢落  
木清秋下洞庭夢渚祇餘雙鳥白楚天不斷萬峰青明朝  
況是黃花卽發興憑虛倒玉餅

贈魯振之祭酒園居

曾連不受平原贈長揖歸來任海濱寧獨彩毫干日月時  
看玉劍動星辰窗含花竹雲爭入江引鳧鷖日白親天下  
蒼生望安石憑君莫作武陵人

懷王子衡

時四川提學僉事



同遊北闕乘馳客並作東吳別駕臣下榻論文頻月上繫  
舟開醜更江濱風烟渺渺湘山暮桃李陰陰蜀水春海內  
故交零落盡天涯相憶獨沾巾

至日有述

鑾輿聞道尙西巡至日天南望北辰文武班回金闕迴鼓  
笳聲奏玉關春邊風朔雪迎仙蹕虎帳龍旗駐虜塵東顧  
長安連甲第珥貂俱是聖朝臣

答劉奇進長兄題雪見貽

劉向歸來獨著書更看作賦擬相如雲填茅屋溪流斷雪  
壓柴門野色虛金馬亦曾爲吏隱銀魚何啻換巖居不須

孟有涯集卷十一

五

白雪人難和梁甫吟成興有餘

憶周充之時謫居沅州

南海寄書經歲月沅江相憶復關山數回危楫驚濤裡一  
片浮雲返照間白髮因須增涕淚丹砂聊可駐容顏桂林  
愁客如昨日日擬長安送鴈還

華容值張常雨年兄用嚴內翰韻

臘日山城霜霧濃忽傳旌節訝何從十年零雨天涯別萬  
里孤雲江上逢日暮鳥鳴頻向竹歲寒雪色故含松呼燈  
對酒論疇昔愁思如前更幾重

出郊

昨日歸來雪滿城暖風三月始郊行平蕪渺渺春嘶馬斜  
谷陰陰午聽鶯茅屋短桃流水近石橋低柳細烟輕十年  
塵土知何事今日鄉園且有情

酬馬侍御園居見示

長夏幽居竹樹清雀羅門巷少人行琴尊賴有隣翁並供  
給難爲地主情燕子入簾呼伴語石榴當戶着花明忽傳  
御史陽春句欲和還慙調未成

苦熱

羣居離析喪殮廢三伏薰蒸晝夜同愁倚西林還赤日臥  
開北牖自炎風烟籠樹石千峰裏氣鬱旌旗四海中避此

孟有涯集卷十一

六

烏能生羽翰翱翔只向雪山東

贈王憲副過訪次馬侍御韻

泥溼斜通細雨堂故人馳馬駐新涼寂寥門巷還誰到顛  
倒衣裳亦自當春色舊開西嶺雪秋陰猶轉北臺霜于今  
汲黯須君輩只合中朝侍 帝王

中元夜簡浚川憲副因憶蔡石岡大叅劉遠菴憲副

中元月好向誰看獨客杯深且自寬健日風光悲異地故  
人踪跡笑同官悠悠暗笛秋城夜寂寂陰蟲露井寒劉蔡  
關中近何似撫時應未輟交歡

暮春同馬侍御訪張太常園池時憂旱



尋春還擬惜春歸取徑穿籬到水扉  
萍草牽風魚白戲楊花映日燕同飛  
開軒翠竹插金盞改席蒼苔泥繡衣  
賴有主人留客醉豈無使者問年饑

殤子八十生日至瘞所

吾兒死別經春久生日今來哭汝墳  
秀骨清眉泉路隔嬌啼泣語夢時聞  
烟林葉暗鶯初駭草逐花稀蝶自羣  
魂氣可能遊我側須驚愁鬢雪紛紛

出城

正月二日春事微西山白雪青山圍  
鷺鷥低飛暖猶怯楊柳漸發寒乍稀  
漠漠沙陰流宿霧霏霏樹色閃朝暉  
出門

孟有涯集卷十一

七

咫尺絕塵慮悵望雲松欲振衣

贈別張汝禎兵憲兼致留意

冠蓋傾城擁使車柳深花暗重躊躇  
旌搖日月明淮水帳卷風雲接楚墟  
春饌正宜供竹笋秋羹何用嘆鱸魚  
樂羊不廢中山績漫有文侯滿篋書

遊賢隱寺二首同王子遂夫

城中遠愛青山好五月衝炎獨馬來  
芳草斷崖溪路合白雲流水寺門開  
松間大吹驚梁燕竹下僧迎損石苔  
急報山靈莫相訝浮生今已去塵埃

暑殿清風繞萬松夕窻殘月隱千峰  
焚香習靜山花對倚

杖凭高野衲從路轉澗樵遙聽笛巢歸塔鶴一鳴鐘  
欲知塵世珠林隔門外烟霞更百重

次韻馬侍御山居

疊嶂叢林卜築新柴門草徑絕比鄰  
琴尊有意從知己衣帽無心懶見人  
流壑野雲何所繫浴澗沙鷗本來真  
百年幽境容吾老四海蒼生望爾頻

種竹

琅玕初種轉生幽坐見瀟湘檻外流  
且展琴書時自對更栽松柏晚爲儔  
光含細靄偏承月響落微風易得秋  
他日清陰應滿戶會教城市卽林丘

孟有涯集卷十一

八

題東谷

花林日出映沙村亭戶春開對海門  
卷幔孤雲生几席憑軒萬水失乾坤  
長雷走壑蛟龍舞碧樹含風鶴鵲翻  
獨坐焚香把周易悠悠身世已忘言

賢隱寺限韻宴別張子

雨翻黃葉下秋臺石洞蓬窓烟霧開  
惜別光陰還勝地登高詞賦自非才  
雷喧衆壑盤樓入龍偃千峯抱寺回  
爲問風塵驅獨馬何如花月動雙杯

張徵君泊其子文學送予北庄

徵君負郭徧幽居送客携尊過北渠  
喜有亭臺開野卉恨



無網罟羨池魚黃鶯近水何清切碧柳含風亦不踈山下  
未須陶令宅城中門第已容車

誕日雨行臨穎簡杜研岡

生日之日道路行思親嘆老那爲情尊前白髮從誰樂鏡  
裏華顏祇自驚雲裏天絲霑卷幔雨翻風燕遊搖旌卻看  
寶劍終難試惟有黃金似可成

飲崔都尉府

王家仙館接雲城碧樹瑤池暑簟清近苑花風牽霧轉隔  
簾荷雨入秋鳴登龍自幸開塵榻引鳳真如聽玉笙李白  
文章驚海內由來詩句下崔生

南浦

孟有涯集卷十一

九

小堂幽徑開南浦水坐沙行伴海鷗蘭映芳洲春色靜竹  
搖別墅日華流烟花迥出王維畫歌酒長隨李白舟野服  
漁竿無姓字桐江多事著羊裘

寄王欽佩提學

雨花臺畔昔年遊長憶金陵萬里秋春色在驚河上節月  
華空望汝南樓檐帷路出花相映絳帳庭開草並幽七郡  
衣冠瞻北斗光風何日被林丘

春日願張二省郎携酒慰次韻二首

春院人稀晝轉長短桃低柳弄柔芳青山隱隱雲中寺碧

草溲溲雨後塘吾事百年漸管樂君才今日總班揚何當  
病起同遊樂佳麗由來此帝鄉

花落鶯啼欲暮春喜逢佳客笑言新華裾不負匡時畧野  
服真成避地人芳草池臺憐歲月白頭身世厭風塵莫辭  
良夜開尊久忍聽遙天過鴈頻

大理公署賞牡丹次萬治齋韻

北地看花晚未回洛陽仙種秣陵開香隨彩蝶飄歌席色  
映紅霞動酒杯李白新詞元自豔沉香醉賞更誰魁主人  
對此須相惜風雨春深莫浪催

江上訪王浚川司馬值謁陵未回

孟有涯集卷十一

十

城陰芳草暗江湄獨坐江亭遲所思別後定知心匪石見  
時應訝鬢如絲烟林春盡啼鶯倦水畔風微落絮遲東望  
鐘陵纔咫尺側身猶詠四愁詩

雨花臺

初夏登臨花未稀一春多恨賞心違羣峰細雨江流轉萬  
戶垂楊燕子歸謝傳風流今不忝秣陵雲物舊全非空臺  
草長談經處風起遊絲罥客衣

卽晚過鳳臺下徐氏西園用前韻

地僻臺荒春事稀園池真與市城違碧蘿四月鶯啼翠  
竹千年有鳳歸歌吹暫逢今日暇江山應嘆昔人非平原



公子負留客暮雨何妨醉濕衣

廬龍山次費庶子韻

赤橋丹壁蔭豐林長夏清風散鶴音日抱帝城宮闕迴雲  
藏仙洞薜蘿深天涯雪鬢三年客江上星槎萬里心唯有  
閱江名尙在憑高想像翠華臨

有悼一首爲華泉大司徒作

早修容服侍明公琴匣書籤坐臥同春色故隨流去雨  
聲猶向落花中月明東閣凭欄歇塵暗西窓倚鏡空十二  
峰頭雲不盡夜深還到楚王宮

又次浚川司馬一首

孟有涯集卷十一

十二

何事琴歌不忍聞相如哀怨苦離羣遊魂遠逐吹簫侶遺  
恨空殘織錦紋杳杳鐸聲疑漢珮青青竹色憶湘裙夢中  
恍惚重逢地流水桃花隔彩雲

涇州道中聞劉養和提學阻雨於此戲贈

聞君滯雨回中地晤語中宵定不違北塞鼓鞞風寂寂西  
原旌蓋草霏霏花侵講席諸生滿苔長公庭候吏稀王母  
祠前雲未散莫令朝雨濕征衣

庚寅郊祀齋居三首

至前三日肅齋居裡祀南郊大禮初想像園丘新制作瞻  
依華蓋入清虛天心自協先皇典雲物還從太史書秉笏

垂紳奔走地遠臣無分侍鑾輿

今晨法駕出重闈平曉南臺望北辰天上霞光初動律雲  
中芸草獨先春萬方快覩風雲麗一代驚看禮樂新寶鼎  
仙芝應有頌摛文振藻屬詞臣

五夜星郊駐六戎至尊齋服對蒼穹瑤階舞動雲門月玉  
檻歌迴大呂風圭璧雍容勤祝史衣冠奔走肅臣工受釐  
遙想羣心悅致福應知萬國同

龍泉寺奉懷顧南田憲使

松寺看山興有餘栢臺對雨思何如溪邊取醉饒泉石案  
上相仍獨簿書悵望孤城雲樹遠躊躇清夜竹窻虛虎頭

孟有涯集卷十一

十三

千載風流在擬賦新詩爲起予

寺中對雨

古寺天寒樂事稀千山風雨賞心違松懸瀑布當簷落竹  
引浮雲遶棟飛窈窕烟簾垂虎穴淒涼水鳥坐漁磯宵來  
撥悶須酌酒明發衝泥轉翠微

對菊簡管平田吏部戲申夙約

秋堦細雨菊花初對客開尊興有餘門外白雲空悵望城  
東皂帽獨閑居秦川渺渺雙鴻盡漢苑蕭蕭萬柳疎欲共  
張何尋舊約可容騎馬到君廬

同張時濟遊管平田別業



相期暇日訪林丘雨霽南山野色幽竹徑尋詩黃葉晚菊  
筵留客亂雲秋稻康懶慢能青眼張翰歸來未白頭醉把  
花枝仍插鬢坐看初月上東樓

喬司馬宅留別限韻

山水金陵天下先勝遊秋日故留連花前宴集尙書第酒  
後悲歌明月天上國風雲仍梓里六朝宮闕幾桑田臨歧  
更枉羣公作細和陽春喜欲顛

送戴雙湖太守之泰山

野日孤烟草樹分啼鶯處處惜離羣雙磨曉動湖中月五  
馬春行海上雲風節卽應東嶽並聲名何啻九江聞泰山

孟有涯集卷十一

三

太守今才俊漢代虛誇皇甫君

過開城

亂山欹壑入開城禾黍油油烟霧生塞上草深充國帳水  
邊花暗亞夫營青林過雨流鶯濕綠野含風戰馬鳴自有  
奇謀尊俎地書生容易莫論兵

王司馬見示和司徒對雨詩次韻

對雨憑欄起夕愁百花都向雨中休禁林漠漠烟雲濕江  
水溟溟天地浮浪打浴鳥依葦岸風翻歸燕失山樓司徒  
此日傳高詠豈爲江南歲計憂

和黃久菴觀漲

經旬雷送江城雨三伏風添水閣涼傍郭青山流宿霧平  
堦洪濼浴殘陽冥冥津樹孤帆遠渺渺沙禽野渡長卻憶  
汪洋黃叔度新詩詠罷興難忘

雨中臥病有懷大司馬王公

舊都司馬召公才推轂新從上國來萬里青霄看鳳鳥三  
山白日起雲雷道高經略尋常事性僻圖書晝夜開臥病  
思君愁對雨論心何日更銜杯

戲贈九峰山人

九峰山人不在山往往騎鶴遊人間天風吹衣鳳臺下鶴  
影參差雲並還巖中石髓豈曾識洞裏丹砂真駐顏便須

孟有涯集卷十一

十四

與爾同相訪桂樹青秋可攀

哭鄭鹿門大理

鹿門霜落楚雲秋腸斷金陵罷遠遊白髮愁時空萬丈青  
山歸去一孤丘風沙莽莽魂將返江漢悠悠恨未休韓愈  
祇餘南海廟臨卬應起鄭公樓

春日遊王令庄園

興來出郭訪林丘烟靜沙明綠滿疇雙鳥鳴初驚節換百  
花飛盡媿春遊曲通水竹幽人在清轉風松醉客謳五柳  
未應陶令臥蒼生元繫謝安憂

贈馬抑之侍御按淮陽



北來風采動江濱  
曠昔詩名天下聞  
花映繡衣明海日  
柳迎驄馬拂淮雲  
賈生漫有過秦論  
司馬空傳喻蜀文  
早擬還朝沾寵渥  
時時簪筆侍明君

寄壽汪逸士

中巖八月桂花開  
花下羣仙薦壽杯  
羽蓋雲隨老人杖  
玉簫風轉少君臺  
庭蘭映席青青合  
海鶴盤空冉冉迴  
何事湖山生氣色  
烟霞元自近蓬萊

答贈陳魯南陞山東大叅見示次韻

秋風鼓柁過吳門  
才子題詩荷帝恩  
行入孔林瞻氣象  
望窮東嶽小乾坤  
蛟龍漸喜雲雷際  
騏驥終看霄漢奔  
禮樂

孟有涯集卷十一

圭

中興須賈誼  
夜深前席侍君言

壽胡翁

河上金風吹綺筵  
江東遊子促歸驂  
到家青鳥迎賓入  
對酒黃花照眼鮮  
汗血猶來千里駿  
渥丹遙望九華仙  
管絃聲送漏瀾影  
南極星高月滿天

遊清涼山限韻

高城木葉下清秋  
古寺寒花照白頭  
吳楚茫茫雙鴈入  
江湖淼淼一鷗浮  
馬卿抱病猶爲客  
王粲思鄉更上樓  
斜日半山烟霧裏  
迢迢淮甸接中州

奉和紫巖太宰東麓亭高韻

雲閣秋林葉正飛  
萊宮蓮苑坐依稀  
寒烟漠漠晚江樹  
白鷺悠悠芳草磯  
漢業洪開雙闕迥  
鍾陵高覽萬山微  
登臨況有陽春句  
醉擬賡歌帶月歸

送陶醫士次王司馬韻

聞說商山訪綺園  
偶來白下講羲軒  
九江歸櫂元孤鶴  
五柳迎門有衆孫  
謾擬王維圖竹里  
曾招秦隱入桃源  
憑君珍重長生訣  
太上由來不易言

賢隱寺值雨答陳生惟允

清夏邀朋過竹扉  
偶來風雨事全非  
雲流高樹啼鶯濕  
水漫平田白鳥微  
愁坐佛堂聞梵語  
涼生禪榻借僧衣  
青篔

孟有涯集卷十一

圭

赤牖溪橋外  
應是山童問酒歸

孟有涯集卷之十一



信陽孟洋著

五言絕句三十三首

桃葉歌十首

桃葉青始齊桃花雨如霰風吹羅幃開月出見郎面  
 兩地各懷意相許結同心花香露下樹鳥栖月中林  
 燁燁花獨輝怡怡琴瑟諧春歡鴛鴦佩回妾鳳皇釵  
 誓言結金蘭同喜復共戚流沙逐浪轉歡心不如石  
 歡行儂亦隨歡坐儂亦止日夕慎雞豚見狼門外視  
 歡心有轉移賤妾意無已染就石榴裙顏色空爲紫

孟有涯集卷十二

浣手紉郎衣齊眉奉郎食飽棄梳與匙誰能復相憶

朝來向南鏡鏡明照自真但照妾容舊不照妾裳新  
 懷抱一寸鐵日夜奉君知妾心卽有欺日照豈有私  
 當窗理青絲三日不成髻儂愛舊妝宜恐歡心不悅

江南曲十三首

江南時遙憶江南色登山來水嶺含情望江北  
 山高雲復深處處南朝寺層層白玉龕箇箇黃金地  
 朝出看花遊紅日照花樹回頭雲雨深不謝來時路  
 淥水芙蓉綻露濃花更新蘭舟荷葉底好是可憐人  
 羨彼鴛鴦鳥飛鳴洲渚間雙雙穿藻去顧影不單還

雲履疊山巾盡是江南客日夕上青樓平明過紫陌

江南春酒熟山花映江渙取醉不論錢但說東陽美

農家望天雨雨大解傷禾市人亦愁嘆生涯當奈何

蓬頭坐浮槎垂簾綠楊裏風雨安足驚得魚不知喜

大船從東來徑向真州去倘問金陵人金陵在此處

朱牖碧欄干層軒臨水作流雲濕人衣足底游魚過

菱葉既青青蓮花何灼灼走馬長安兒豈忘江南樂

吳歌若爲和字字要相當試聽燕中曲亦不解儂腔

白菊

兩兩瓊霜下盈盈瑤水涯縱然同晚節猶自異黃花

孟有涯集卷十二

園亭雜興四首

白日生紫烟危巖俯深谷不見谷中人鳴鷗上高木

山勢層霄外溪流落照間獨鳥依依沒孤雲細細還

葱葱臺畔樹歲歲帶春暉把酒長相惜秋風芳樹稀

何處水中石移來亭畔清東風三日雨細草忽然生

王子衡過飲分體得五言絕句二首

虛簾過微月小閣生餘寒留連異鄉飲消此長夜闌

北風沉鳴笳清霜霽絃奏栖栖樹上鳥相啼不相後

雨

庭堦木葉濕山館夕雲寒零雨隨愁積他鄉且歲闌

書贈岳秀才伯陽扇

岳生明月姿皎皎白團扇流風霄漢間飄颻君不見

米元章拜石圖

愛石非愛奇壁立宛可敬白日照江心光與人相映



信陽孟洋著

七言絕句九十七首

榆臺嶺

霜滿關山烟霧開將軍遙指古榆臺為言五月匈奴入兩

鎮奇兵戰不回

雜興三首

長安巷裏春風動萬戶千門那復愁紛紛白馬青衫客凌

雪欺烟上酒樓

薄海車書無異俗滿城燈火競元宵歌聲舞袖春風裡陋

孟有涯集卷十三

巷窮扉也寂寥

西湖湖水雪全消沙暖烟晴野望遙蛺蝶紛飛紅杏岸黃

鷗百轉綠楊橋

春雨寄何仲默三首

春日春城雲霧遮馬蹄終日滯天涯親朋總隔中原路桃

李空教滿樹花

比年朋輩俱榮達今日相思獨歸漂泊一身春寂寂黃

昏三日雨霏霏

零雨霏霏盡日幽浮雲浩浩總生愁城南城北饒春興柳

遠花深何處遊

送履明府赴滿城

春暮河亭花柳明高雲細雨暗流鶯天涯何用難為別一

縣蒼生望此行

咸陽覽古三首

長安西出咸陽道行盡平沙渭水澄便欲題詩懷往事傷

心恐見漢諸陵

野草荒烟長故坡綠陰黃鳥自清歌遊人不讀前朝史那

識咸陽宮殿多

阿房宮觀化為灰一望平原盡草萊畢郢祇餘文武廟古

烟蒼柏畫長開

孟有涯集卷十三

梁山懷古二首

秦皇遊幸出梁山翠閣朱樓起萬間千載春風歌舞地牛

羊斜日牧兒還

梁山高出斷雲橫秋入乾陵宿草生聞道高宗曾合葬居

人祇記則天名

寄內

朝望秦雲別華山暮過晉水宿蒲關玉闥不悟征夫苦猶

說天涯人未還

塞上行十首

六月邊風吹面寒草深沙磧馬蹄難堪憐戍卒長城下衣

甲終年不下鞍

白草愁連紫塞長行雲落日共蒼茫驅車竟日無村落到處逢人指戰場

波羅西來臨虜營士卒相看重惆悵今日人家作牧田去年虜殺誰家將

虜營三月渡黃河河內胡兒已不多近日兵戈稍休息邊人齊唱太平歌

道傍傳警爾爲誰頭戴金盔面如土十年從役不曾歸日

日墩頭度風雨  
十日黃沙磧裏行戍樓絡繹帶邊城今年一夏無烽火間

有農夫雨後耕

千里平沙百草生狂禽野獸不知名忽看躍馬彎弓出道是將軍去射牲

安邊城上暮沙飛城北城西各被圍信是延綏好軍卒相持七夜不知饑

白白鹽池一望窮連年商賈不曾通可憐厚利堪充國棄置荒烟野草中

去年十月胡塵起三鎮雄兵驅達子日昏同奏凱歌回邊城聞說尙書死

和楊遂菴應詔二首

三顧頻繁到草廬漢庭羣寇仗驅除謝公未置蒼生計莫向東山問起居

萬里旌麾江上行憂心日夜逐邊程南州月露休相訝北闕風雲亦有情

邊太常席賦秋海棠

微月纖纖照夕筵靚粧裊裊立秋烟西風白露催遲暮疊葉疎花只自憐

送人

出郭蕭蕭風日陰野亭殘柳夕烟深烏紗墨綬雲霄客白雪清尊故舊心

孟有涯集卷十三

四

楊花二首

陌上初逢燕子歸楊花片片入羅衣踏歌聲裏堪腸斷飄蕩春光何處飛

幾日春光春又歸楊花落盡淚沾衣君王未見相如賦莫向長門宮裡飛

除架

垂垂佳實供時饌孀孀繁藤藉夕陰來歲栽培應滿眼此時除翦欲沾襟

壽亮上人

雲中蘭若近諸天戶外松枝已萬年獨見恒河真不滅海



翁何用記桑田

賈誼廟二首

朝看獻策上星辰暮作長沙放逐臣文帝不嗔年少輩漢庭選用老成人

漢室尚多開國老吳公虛薦洛陽生長沙日日過遷客卻笑湘潭弔屈平

回鴈峰

回鴈峰高起夕嵐孤舟落日繫江潭鴈知瘴癘愁南度遷客明朝路更南

楚離宮

孟有涯集卷十三

五

寢殿歌臺不復留碧蘿紅樹映江流逢人欲問荆王事唯道宮中有莫愁

歲暮

行盡瀟湘何日歸天涯歲暮淚沾衣舟中睡起看江上沙鳥無愁一一飛

冬深

冬深南土不知寒碧樹芳叢滿路看寄與故鄉風雪道莫憂行子布衣單

十一月朔日

歲歲茲晨頌玉曆欽天封奏向丹墀近臣先得知年月此

日江邊空淚垂

可笑

醒時出飲醉時還兒女迎門喚酒仙可笑容中情思別通宵無寐晝長眠

憶看竹亭兼寄甯伯東僉憲二首

寂寂孤亭幽竹林綠雲細細鳥陰陰雪花亂入琅玕濕倚檻開尊誰為吟

苔徑烟雲月色深風生翠篠奏鳴琴竹林杯酒憐君興桂嶺雲山見客心

憶花

孟有涯集卷十三

六

庭下花枝紅白開看花把酒日徘徊臨別低垂解愁思露珠如淚滴蒼苔

江雨

樹色陰森江驛前漁翁簑笠隔朝烟雨中薜荔深藏寺霧裏鳧鷖不避船

送包舉人入京

零陵江上漫逢君寒雨清猿夜共聞明到玉京朝北斗故人華服盡青雲

問愚溪

零陵南上湘流西竹樹參差百鳥啼秀壁清泉行滿目不

知何處是愚溪

桔槔

架木懸機近水邊居人汲引灌山田那看江岸深千尺百轉千迴擬到天

寄李平樂覓蓮酒二首

常聞平樂蓮花白絕勝雲安麴米春萬里索居愁逐客一尊遙慰賴鄉人

纔道蓮花即美名風光仍喜聖人清他鄉欲醉無沽直安得千壺一日傾

周徵君贈梅酌絕句二首

孟有涯集卷十三

七

濂溪愛蓮兼愛梅一枝持贈倚庭開寒帷此日生春色肺病憑君愧酒杯

鐵幹盤盤照雪清玉顏濯濯裊烟明孤標豈是桃花艷三嗅應同蘭蕙情

宿湘山寺戲呈顧刺史

湘寺風光秋更幽湘州刺史復同遊鳴鐘落日醉歸去獨客松房清夜愁

下嶽

松林杳杳隔晴暉藤刺垂垂冒葛衣倒坐竹輿雲裏下斜道石磴鳥邊歸

宿雲閣堂強三簿送酒與廖行人那重渠上酌

松間石上淨流塵明月清渠可濯巾送酒亦須短三簿題詩復喜大行人

奉和楊遂菴閣老塞上曲十首

殺氣天昏烽火明左賢連部獵邊城胡姬夜醉黃沙幕番馬春肥青海營

太平天子未忘危戰將謀臣厭出師不有匈奴頻犯塞廉頗那起漢文思

黃金綵幣出承明虎旆龍旂照石城北闕深恩勤使者東山本意為蒼生

孟有涯集卷十三

八

瑠戈玉劍雪霜寒免胄褰衣父老看虜營舊日知名姓不說軍中有范韓

飛芻走粟徧秦川鐵騎雕弓遠戍邊夜聞間諜來傳語漢壘如今不似前

旌旗掣電陣橫雲文武才猷總出羣常使子房居幕下更令飛將作前軍

鼓鞞聲震羽書飛大將分兵破虜圍長驅轉鬪龍庭北奪取戎王戰馬歸

花馬池邊雲日微黑鷹山下兔狐稀單于夜泣洪河畔月照沙場血滿衣



雪山東去接雲州  
斥堠無烟戎馬收  
春深雨雪催農事  
草平田晚城牛

還朝裴度高人歡  
圖閣元功異代看  
何用上方斬馬劍  
早簪丞相進賢冠

房杜張司成雪中見朝之作戲答二絕句

朱樓翠館雪花飄  
帳裏歌聲轉玉醪  
可笑閉門張祭酒  
題

詩空羨黨家豪

翠葉瓊葩向曉天  
玉人簾下鬪嬋娟  
風流未解霓裳舞  
宛

轉空歌白雪篇

簡顧兵憲英玉覓柳栽

孟有涯集卷十三

九

城北爲園小徑開  
春風陶亮欲歸來  
門前切莫無楊柳  
爲

覓新條一萬栽

送星者孫生

涼月樓中一鴈鳴  
秋風江上百愁生  
偶逢靜者談玄過  
慰

我殷勤太有情

冬夜呂太史宅殘菊賦絕句四首

庭榭清秋獨爾親  
相看歲暮欲沾巾  
孤根準擬年年發  
華

燭清尊非故人

風急高城木葉涼  
獨留殘菊伴空堂  
幽姿不逐陽春媚  
霜

夜亭亭亦自芳

秋盡園林菊已殘  
數枝猶耐朔風寒  
疎花舊葉清燈下  
斂

態含愁不忍看  
重陽對酒菊花稀  
此日看花醉懶歸  
莫道容華半銷落  
餘

香猶自襲人衣

贈蔡生汝培

曠世稀聞大雅音  
中郎風味古人心  
焦桐斷竹尋常識  
高

響流傳只到今

元夕項大叅惠屏風紫藤燈各一酌以二絕句

月桂雲綃開素屏  
美人容貌出丹青  
風光此夕生華屋  
春

色憑君到草亭  
右屏風燈

孟有涯集卷十三

十

春藤細結黃金絲  
夜玉粧成紫蓋垂  
寒屋忽驚生氣象  
月

華燈彩對參差  
右紫藤燈

平南曲六首贈中丞秦公

黃昏烽火動邊疆  
一夜徭兒滿桂陽  
勁弩長標當虎穴  
垂

髻赤腳繞羊腸

中丞杖鉞出湘關  
虎將熊師指顧間  
籌策早從帷幄定  
旌

旗不待羽書還

江夜虹霓拂劍鋒  
蠻天霜雪淨軍容  
蛟螭遠走去三湘水

瘴癘全消五蓋峰

伐鼓鳴金唱凱歌  
夷方從此息干戈  
且看銅柱高千尺  
不

是當年馬伏波

金殿傳呼賜錦袍漢庭今喜得蕭曹即知生象開麟閣已

見恩波浴鳳毛賜衣及  
蔭子

江草霏霏江水流青萍不用買黃牛桃榔樹下聞樵語天

子今無南顧憂

湘簾贈張子言

剪斷瀟湘半畝雲佳人織手製冰紋含風臥榻吹寒玉映

月歌筵疊翠裙

雙井留別君卿一韻二首

驄駝多服上星辰風葉烟花別酒頻此去盡逢天上客未

孟有涯集卷十三

十二

應全是故鄉人

青村白酒菊花辰別鴈呼羣雨外頻滿座銜杯各惆悵不

知誰是遠行人

惜菊

即有餘香興不孤莫教深夜酒杯無明年準擬花仍發對

影還驚鬢髮殊

次韻馬君卿觀蓮絕句

何氏池塘紅白蓮玉顏丹頰動人憐會須把翫斜揚裏卻

恐凋零白露前

題扇面寄杜研岡

前山後山紅杏開拄杖携琴日幾回城中春色綠多少寶

馬金尊不解來

索居無聊聞馬二侍御新得俸金無由為酒資戲贈

二絕

憂早傷時百感牽啜殘齏糲更長眠隣家無數春風釀愧

爾官囊有俸錢

一年官俸百餘金御史風流稱賞心一日千壺應可辨垂

涎殘瀝解愁吟

寄題林以吉讀書臺

風吹澗草碧萋萋日轉瑤臺雲霧低巖戶半開春色靜水

孟有涯集卷十三

十三

邊竹裏聽鶯啼

陰陰石閣傍雲松嫋嫋藤窗花露濃獨立清宵何處笛月

明透映九華峰

芙蓉秋水木蘭開陂上風烟入牖來聞說讀書臺上客乘

槎曾泛斗牛迴

十年學道愛山居諸葛隆中一草廬風雨蛟龍時自起白

雲常護讀殘書

戴子自烏石驛起守延平

君去江南訪舊遊聖朝春色徧遐陬閩中無限佳山水不

似羅浮海上愁



中秋宴城西樓別張子言

八月天高河漢流丹峰翠壑迥西樓不堪鴻鴈長爲別風  
樹蕭蕭萬杵秋

贈壘上人

石洞繩牀一老師耳聾頭白坐如癡眼前百事渾忘卻屈  
指從頭數舊知

九日約同遊諸君子

陶令抱琴空對菊孟嘉落帽自銜杯不知多興紅塵客誰  
爲青山騎馬來

信陽孟洋

雜文

序十四首

贈林憲副序

壬申秋八月監察御史林君陞湖廣按察司副使林君以行人爲監察御史於是監察御史由行人者十有三人乃合饒林君篤寮舊也爵三進唐應詔曰京官謂行人厚寮友吾聞君子厚圖不忘是故惟而不常惟言允藏茲饒林君厚矣諸君子其將無言趙時獻曰善哉吾將告林君也

孟有涯集卷十四

一

書曰德惟善政政在養民矧茲民既困之極也時獻齒加十二人故先次張汝器曰禮聞之法嚴則政行政行而民以安其嚴乎張伯翔曰二子之言不可辟也朱文宿曰信乎張子論二子夫寬則民縱弗格嚴則民蕙弗堪寬嚴允濟厥功乃迪李德卿曰吾聞林君治專屯田屯田古之遺也古者兵出於民田以畝授車以乘差故兵強而民富自漢以來兵民異籍以兵散處於民以農以備故民亦不擾賦且治今之爲屯田也強兼弱富併貧兵疲而民肆士餒而官奪之食在茲祛弊厥惟艱矣陳廷爵曰苟委於時罔以復古考善舉弊子言斯具楊師文曰語曰木之茂矣培

之植之觀人之政惟其蓄之余德輝曰珊知林君之蓄矣嘗與君居默然而識淵乎而藏其接物也如豁如沛如不可禦蓄之淵矣孰得禦焉於是潘起溟謂董商民曰諸君之言如何商民曰時獻善也汝器法也朱與張其兼資乎德卿確士也其言不泛廷爵學之師文言本末也余子知人夫知人而後用之故知人惟艱人之弗知乃有悔憂余子免矣潘子明曰然劉子靜曰諸君子之言至矣盡矣董子之論辨矣澄甫何言林君乃置爵再拜言曰某不敏敢不敬承諸君子之教於是孟洋幼弗敢言敢請次序其說

贈林君行

孟有涯集卷十四

二

送方松厓先生詩序

方松厓先生陞山東大方伯也諸大夫賓客爲先生別乃命洋曰先生且行矣余數人者將爲詩歌其行如何洋應之曰諾贈言古之道也然有二焉曰頌曰規頌則近諛諛則聞者樂規則近直直則聞者駁奚由僉曰規哉洋曰吾見先生其貌也莊其行也方智察而材也決詩曰左之左之君子宜之率是道以從何不宜也又曰愷悌君子民之父母先生愷悌矣於子民乎何有焉用規諸大夫曰不然也先生雅喜聞過樂善不倦人以善言告輒拜先生固弗樂頌也洋曰美哉諸大夫有友道焉洋聞之舜咨十有二



牧曰食哉惟時柔遠能邇言養民也然當是時禹平水土稷播百穀烝民乃粒萬邦作乂舜大聖人也十二牧未必不皆賢人也猶容若是況其下乎比歲海內多盜山東爲甚師久而用竭今且息民瘡者未起憊者未盡甦也方今之務在養民方伯養民之官也古十二牧之類書不云乎民可近不可下言民不可亡養也廉守令所以重民之依也問窮獨所以居民之業也去壅遏所以通民之情也杜徵求所以舒民之力也此謂四先率下以廉罔弗畏宅心以寬罔弗德出令以嚴罔弗濟此謂三括舉先審括民乃福矣反是政益急民益擾將以速盜也可不慎歟今諸大

孟有涯集卷十四

三

夫皆曰贈先生言必規也其惟養民乎其惟養民乎僉曰然此固贈詩之意也於是雙竹周公倡焉諸大夫從而和焉遂得詩若干首

贈林總制先生陞南京大司空序

總制重臣也今天下惟兩廣洎西北諸邊乃設總制總制者無不制也故必以大中丞是故朝廷簡用也甚慎天下仰望是也亦甚華往年天官具兩廣總制缺朝大夫士咸跂足待曰總制重臣也孰能當之朝廷其孰以之已乃尋聞中竹田林先生大夫士又擊節謂曰朝廷果重總制也不然何獨林先生以也又相謂曰請徐觀先生所有

爲也先生至則督將吏飭有司輯武備調財用備法申令秩如也乃廉民疾苦詢蠻夷所從爲患而從事焉三月而廢者舉七月而功叙期年澤下於遠而遠人懷德夷獠類也恃險而負頑縱之則寇繩之則叛征克罔利惟民之殃先生昭之以威綏之以惠威故畏惠故懷庚辛王之歲燕趙齊魏淮楚川陝之間盜賊羣起征捕累歲是時獨兩廣無虞天子獨無南顧之慮詩曰時靡有爭王心載寧先生之力也於是天下大夫士聞之又莫不曰朝廷信能得總制總制信能不負上之托與海內之望也廣之諸藩臬有司又私相慶曰先生來吾士民弗擾邊燧不警輪輓不勞各安其職先生之賜也吾屬何幸哉乃甲戌之春詔先生爲南京大司空於是諸有司又愕然曰意者朝廷將後廣之民耶何愛其子而奪之父母也將敬大臣故寵用之弗使久勞于外耶夫今之司空掌山林川澤暨百工役之事故書曰若予工若予草木鳥獸若順也言弗擾也於乎寧有弗擾于民而擾于物者乎亦寧有能息兵戈之役而顧爲弗急興作之役者乎吾又知朝廷之得大司空已諺曰秉國之鈞四方是維先生佐天子式百辟爲國元老以康四海可坐族也吾又將謂朝廷得大柱石已豈曰大司空哉豈曰大司空哉

孟有涯集卷十四

四



送雙山先生序

人之遇不遇有命乎哉否也昔者卞和氏之璧三獻楚人而不見察再刖其足夫璧非不寶也又有人獻之者不惟不察而反刖之玫瑰砮砮人或見而悅之以器以佩未有待獻也惟木亦然蟠木根柢輪囷離詭左右一盼器充乘輿而榱桷豫章之材有權朽於巖谷之間匠氏過而弗之顧也惟人亦然今夫竭衷納交畢議願知而志弗得合信弗見察是故明珠夜投按劍相顧盼者靡不然也然亦有邂逅一語歡若平生諺曰白頭如新傾蓋如故此之謂也凡此豈玫瑰砮砮果寶如和璧榱桷豫章之材果弗如蟠

孟有涯集卷十四

五

木根柢之輪囷離詭耶而傾蓋之交又豈必賢於白頭之故耶由是觀之幸而遇不幸而不遇遇不遇命也洋不肖瑕陋躁薄頑劣惡甚非如卞和之璧也而狂曼不申于用非如榱桷豫章之材之美也其不見知于人人固宜卽有所勉焉雕琢樹立不敢自後于物要不免砮砮之於石蟠柢之于木爾而又無所先容於大君子之側大君子見而憐之顧貌之俾不列于衆接引之俾有所展舒保而護之罔俾有所戕伐而玷之者也是何異于玉人弗棄玫瑰砮砮而且璧之匠人弗棄蟠木根柢輪囷離詭而且榱桷豫章之也噫豈非幸與豈非命與夫洋亦嘗厠朝列竊嘗慕

大君子之名欲求見而未由路今乃爲屬吏而來惴惴焉惟獲戾左右是懼今顧若是幸孰大焉且今之仕者罔不瞻望其上逆其喜怒爲之好惡以希其意者也矧洋上忤公議爲衆所棄久矣獨有存而錄之又豈懷利害之私見拘擊之俗者所可能哉此洋所以自幸而又以幸天下有如大君子之賢者矣今將去桂林而東也洋所謂重其別非私心也蓋以惜天下賢者之難遇爾繼君子而來者遇不遇又非洋敢知也夫旣曰有命吾奚遑恤其後

東江別意圖詩序

孟有涯集卷十四

六

任者不必見其人而皆知其爲賢矣正德壬申巴蜀劉先生典學廣西先生天下聞人也故凡與寮案之末莫不忻忻然幸其來而樂觀其下風也先生之至也諸公接其威儀覘其行事領其所發於古今同異之辨莫不充充然如有重獲也先生方嚴簡重博雅高識故人始若不可近旣與語和平直易能盡人之情故不徒日聞所未聞而剖疑析難有賴也暇則約車從歷山水之勝而遊樂焉廣唱謔洽莫不仰麗澤而欽服者也今歲春先生陞廣東大衆伯諸公旣爲先生賀第惜以先生才行政事乃亦拘常調非所宜耳又感先生離羣遠舉莫不皇皇然知有所



奪而自失也乃孟夏上旬祖餞先生東江之上作圖賦詩  
爲先生別夫圖者圖其事也詩者詠之也合圖與詩東江  
別意也是故羣峰霽色野樹彌望水鳥江花烟草同碧而  
冠蓋羣集列帳獻觴悉於圖乎存焉或卽事見情或托物  
寄興或以頌休美或期望方來悉於詩乎存焉若乃諸公  
重先生之去先生亦不能遽舍諸公而去執手江臯徘徊  
日暮悉於東江別意乎存焉夫是則其可圖也若夫諸公  
與先生所交謹於平日則非斯圖可盡也過此以往各天  
一方步月看雲悵然與思則非斯圖可盡也先生日將躋  
廊廟爲天子貴臣謨猷密勿如諸公所願望則非斯圖可

孟有涯集卷十四

七

盡也雖然君子善交貴知己者心相知也言可忘也圖云  
乎哉此先生所以厚於諸公而諸公所以厚先生者要皆  
不在於圖與詩也是故詩不盡言圖不盡意

贈劉明府上績序

劉君爲永福令四年百姓熙熙然咸相謂曰吾侯豈不吾  
之父母乎哉徭夷作患侯惟柔之以仁制之以宜徭且納  
賦効役弗我擾于今三年四境有事軍餉需郡縣侯請留  
正供給之故吾屬絕征辦脫輸輓之勞侯之賜也又山深  
土瘠民無周畜歲少凶輒無以自活侯之活吾生者數矣  
暇日進諸生講古今得失據經傳究義理旨歸里有師童

蒙有訓吾邑自此升文化之鄉也彼父母之于子也啖飢  
而衣寒教之俾有成盡愛之之道也吾侯生我誨我凡有  
甚焉豈不吾之父母乎哉予屬何幸也甲戌夏劉君將上  
吏部奏績三載百姓聞之駭乃相語曰吾小邑不可久吾  
侯留也弗留如吾民何 天子嘉侯之績且將奪吾民父  
母矣奈何吾安知繼吾侯來者能如吾侯之于吾哉又安  
得吾侯爲吾郡伯泊藩長俾吾等復被其澤哉乃相爲泣  
且留有若孩提然若將離父母去萬里外也君子聞之曰  
甚矣劉君之德之在人也夫至難得者民心拂其欲則怨  
聲作怨聲作恨弗蚤背也而況平居則頌之去則留之恐  
失非德而能若是乎甚矣劉君之德之在人也於是諸儒  
生父老以司訓陳君爲介走桂林徵余文爲贈劉君余曰  
如何諸生乃爲述百姓頌劉君與願留之意及君子所爲  
贊之之詞以對余乃嘆曰嗚呼是固可以知劉君劉君固  
賢也已凡頌者彰其美也留者戀其德也贊者與其善也  
是故匪美孰彰匪德孰戀匪善孰與美則可以亡弊也德  
則罔弗利也善則罔弗從也誠如是雖行之天下國家亡  
弗可矣豈直一邑爾哉余第恐君之行不復爲爾士民留  
已諸生返書此以贈諸

孟有涯集卷十四

八

贈大方伯周雙竹先生序



先正德癸酉春莆田周雙竹先生以廣西憲長陞廣西右方伯明年甲戌秋又陞左方伯吏民幸之咸曰公即陞然不去吾土也不者危矣吾之父母也豈非幸與豈非幸與桂林教授孟洋聞而嘆之曰先生可謂得衆矣洋聞之政寬則民慢猛則殘故曰寬猛相濟政是以和且今之從政者見其寬而廢矣孰有能濟以猛者也見其猛而殘矣孰有能濟以寬者也嗚呼豈不艱哉先生之爲方伯也降色以接下推誠以御民莊而不峻惟恐弗盡人之情也刑而弗事惟恐戕民之膚也勞而不煩惟恐人之無所措手足也惟時吏乃畏事乃集民乃寧是故寬而不廢不猛而治

孟有涯集卷十四

九

成故民戴之如父母矣孔子曰寬則得衆斯亦不得衆矣乎惡異乎民之幸之也或進曰嘻是何知先生之淺也子言先生之爲方伯固也蓋觀先生之總憲司乎其法如齊其令如時政興而姦息焉訟清於庭民安于野詩曰柔亦不茹剛亦不吐先生有之又惡見其寬也又蓋觀先生守專城乎急本業以厚民之生崇教化以善民之俗時賦斂而緩刑畏保民如子而體之猶已也詩曰愷悌君子民之父母又何愷悌也又蓋觀先生之爲御史乎直干乘輿氣攝寮案按行風俗吏威而民惠之詩曰彼其之子邦之司直信乎邦之司直矣又何嚴也子徒見先生之爲方伯也

以論先生是何知先生之淺也彼四時備而成歲溫涼寒煥各司其序子譬值春之日被其溫爾輒以爲巖然不亦病乎以子之見而論先生譬之乎以管窺天以挺撞鐘焉能通其條貫而發其聲音也于是孟洋乃懼而起揖而謝曰微子之言蒙弗知先生之全德而今然後察人不易知以一節而議人之終身者爲可戒也詩云左之左之君子宜之右之右之君子有之先生之謂已于時羣公將爲先生賀者洋不佞僭書此以獻云

春谷詩序

春谷者何葛子名厥居也何以谷蘭所生也春也者蘭生

孟有涯集卷十四

十

成於春也奚取於蘭葛子名蘭也葛子其愛蘭乎愛之也亦似之也似斯愛已奈何秀者質也叢生者所養也芬芳者德之暢也芳不以人者信也本之以質資之以養暢之以德守之以信葛子其蘭矣乎奚啻似之云也夫葛子有亭臺園囿池沼之所凡所居處遊樂之地靡不可名也何必谷爲是不然也今夫天下之物去常而改故者鮮不喪厥真也豈惟蘭哉水之於潤也木之於材也玉之於器也固非不美焉苟非其用清者滓矣孰與於泉茂者斲矣孰與於山光輝潔白者毀矣孰與于璞是故鮮不喪厥真者也惟人亦然位致乎崇高道顯於事業又非不崇且貴也



顧因物而遷者人之情也苟喪厥真又孰與避世者乎今夫蘭置之亭榭欄檻之間非不可以媚人而悅目者也吾懼喪厥真耳弗如谷也葛子之不樂仕亦猶是也且葛子樂與賢大夫士遊弗絕若是者非絕人乎不然也吾聞德芬芳者佩蘭故屈子曰紉秋蘭以爲佩易曰同心之言其臭如蘭彼合德而取于是故佩之耳又何害也荀子曰其漸之滌君子不近庶人不服吾惟滌穢之懼佩不佩在彼也吾何絕人之有然則葛子何爲谷之風惟蘭之同谷之雨惟蘭與處蘭兮蘭兮將焉從朝山間之松檜夕江上之芙蓉此葛子之所樂生而春谷之所以名也於時諸與葛子遊者聞其說咸歌詩贈之

孟有涯集卷十四

士

壽孫子外舅姑圖詩序

昔者石氏贊傾人國穰侯相秦而顯于天下潘陸以文詞名此數子者余嘗考見載籍未始不病其智而嘆其靡終也是故匪德而富意侈而身危匪德而貴忿生而啓奪匪德而名謗集以速尤詩曰好是稼穡力民代食是豈蒙于富貴之好哉以慎患也况文焉以求顯乎東溪孫子巡吾土爲余道其外舅張季翁者敏而力學析理而寡于詞遊邑庠數年不欲仕甘處畎畝之中親賢樂善薄躬而喜施與之居優優然無競無傲鄉里賓客咸尊禮之稱張季翁

云余聞之曰遠哉智也此其異夫余前所論者乎是故不貴而富矣不祿而貴矣不名而光矣此其心豈富貴聲聞所能動哉易曰括囊無咎無譽此之謂與張季翁今年八十配劉孺人加一焉孺人生宦族儉禮自持性不喜誇麗人謂有王霸妻之風用成夫子之志孫子以弗獲登堂壽也繪圖徵詩致祝于商河里居屬余序余曰季翁有壽之道矣子何患乎夫富者形之賊也貴者神之兵也名者性之蠹也遠賊者安緇兵者逸絕蠹者樂安壽形逸壽神樂壽性獲斯三者壽無疆矣詩曰宜言飲酒與子偕老季翁夫婦其度幾乎故曰有壽之道也余退而語人曰孫子其賢矣乎厥配季翁之子逝矣地之去里居也遠矣孫子乃不忘爲外舅姑者壽可謂不賢矣乎雖然季翁畜德之厚也卽孫子之賢惡能使之念之弗忘如是乎

孟有涯集卷十四

士

送鄭員外赴南京序

今上承統大明黜陟無何吾郡守鄭公成昭入補南京刑部員外郎余聞之曰嗟乎休哉治道之廢盛也豈獨徵鄭公之賢矣乎夫賢才者治之器也用舍者理亂之機也易曰天地閉賢人隱鄭公嘗列西曹矣用弗利于權貴出倅臨清臨清之民稱良焉乃擢信陽守三月而政興六月化洽而頌聲作卽且詔還易曰君子道長此非其時乎故



曰治道之成也豈獨徵鄭公之賢矣乎衛使方克敬氏借諸寮寮謁余贈言問之曰若有獲于鄭公爾乎曰然有之先生之始至也吾屬望見顏色而敬之然而未敢親也既奉其威儀聆其言則又敬而愛之然而未敢親也既覘其行已之節與夫惠民之政則又敬而慕之然而未敢親也及其久與居也而弗倨讓而弗屈言斯誨矣澤斯麗矣輝翊乎姁姁乎且敬而且親矣吾屬辱獲先生甚厚茲行也其能釋乎顧非言不可以永思也願吾子圖之余曰洋不佞業已徵鄭公之賢而嘆治道之成矣聞若言則又知公之德不獨在民其所謂正是國人者乎詩曰中心藏

孟有涯集卷十四

三

之何日忘之固諸君之私也又曰毋金玉爾音而有遐心鄭公其無念乎斯乎

光風霽月卷序

序曰善賈者不孤蓄善施者不擇類善政者不偏舉官以蒞衆衆以服政無弗蒞卽無弗政矣蒞若人而廢若政奚爲能厥官也是猶約者之希賈蓄者之強施安免屈於兼收病其博濟哉或曰各有攸司非我敢侵也若是者非委則忌譬之若兄之妻子凍餒而弗之顧也曰豈吾不欲周哉吾兄之任耳是故江河之潤無草不長甘露時雨無物不濡君子之政無不周東溪先生來巡信陽也除姦慝

發隱伏興墜典辟刑獄撫良順詰兵戎繕城郭寇賊遠伏境內用休可謂無遺舉矣時乃進諸生考業而廣仕學書院書院者前兵備闕公建也已奪于舊嘗業于所者又豪猾盡其利上收奪者罪之并論諸奸利者以法而責其仁于是選于諸生得三十人分館就業其薪水之廩及食飲筆札費悉公給之然弗與于民也諸生于是無間貧富皆得以自資矣先生時又往遊其間館至而人告之勸勞有差諸生于是無賢不肖則又皆自謂有得矣嗟乎書院不自己作且垂廢矣而復之用弘其緒生徒有專司也而優育之先生不以爲嫌誠知所自盡耳其可謂不善矣

孟有涯集卷十四

十四

乎即使先生弗委弗忌而力不足然兵獄之務不可謂不繁也何暇及此哉詩云左之左之無不宜之右之右之無不有之先生之謂乎諸生業有餘力乃皆諷咏先生之德業而成帙或有光風霽月贊先生者遂以標諸首云

贈鄭子序

君子貴其實不聞以名實則字字則民懷民懷則譽昭君子之名于是乎大務名者不然侈財役以售能也峻刑罰以買威也求小過以市察也三者備民怨從此生矣兼是以微名猶惡壅而重塞也語曰大雅希音大羹寡和君子之道實而已矣是故彼奢此約彼急此舒彼苛此簡故去



此徇彼以就名君子不爲也鄭子始守信陽人意其崇名之士也已而質之市人曰猶夫守也若失望焉徐乃就其治而問焉某曰吾守來廉哉其所爲用者某曰役我者半矣訟者曰公耶明耶平我獄者守耶左右吏曰吾公卽不苦我吾焉能欺百務俾舉矣乃又走之野而問焉曰夜無寢晝無息我安我業伊誰之力君子曰鄭子爲政貴實矣彼市人何足以知之鄭子宅守九月遷南京刑部員外郎市野之民愕相顧曰天平天平胡不竟惠我民亟奪我守者何哉繼自今其不盡我財乎弗我役乎孰明我獄乎吾復能業吾業乎否乎諸小吏亦弗忍其去曰誰與庇我

孟有涯集卷十四

十五

君子曰鼓鐘于宮聲聞于外鄭子之謂也夫苟實矣何患乎無名假令鄭子弗務此而奢與急與苛爲尙其能孚于人而令其懷且頌耶人又謂鄭子行爲法吏政與守殊也余解之曰而不聞鄭子之所爲出乎鄭子舊法吏也知鄭子之所以出卽知鄭子之能法矣記曰大德不官大道不器鄭子之用世也豈獨一法吏爾乎哉

青巖先生壽序

青巖先生定峯閩子季父也先生致蓬守政家居今年六十有二惟十二月十有四日惟誕閩子謙弗獲壽乃命工繪圖請學士善詩者鳴之將寓諸隴獻焉閩子乃又屬洋

序之洋聞之夫所貢于壽者謂有所享也君子之所享四富與貴不與焉植行砥節外內無間一也學足以潤身文足以鳴世二也窮以善聞達有令名于時三也不怨不慕鬱鬱然以終身四也君子所享四者而已富與貴不與也青巖先生貴且富矣人皆知之先生之所爲壽不與存也吾聞青巖先生以舉子起家守滁滁人頌政焉繼守蓬如滁先生多見聞閑詞賦海內學士慕之克孝克順喜施而弗德言動以時接物以寬以其學授子弟子弟咸賴解組而歸居裕如也君子之所享豈不咸備矣乎是故天下之物非在我者有命凡斯四者取之不待于外藏之不假于

孟有涯集卷十四

十六

所用之不見其竭釋之而不能去其躬是故匪藥而強矣匪頤而澤矣匪修而真矣君子之壽孰大于是人之爲壽百年上也語曰惟形弗常惟善弗怠四者備矣孰能忘之垂之有永雖千百年可矣壽孰大焉先生以吏部公爲父季父爲大司馬少叅公爲兄閩子今爲信陽兵憲也胥有顯名于天下在彼曰某吾子若兄子若弟若季父也在我曰某某吾父若季父若兄若兄子也由是觀之閩氏之族壽于世者豈惟允生已乎豈惟先生已乎

刻天地正氣序

天地正氣關中王給事堯卿所爲書也堯卿致給事歸居

終南山號終南山人云王子憫世道衰微風氣頹靡上覽  
古昔之人違志所事誠懇憤烈獨立果行或隱或亾或死  
或辱皆可氣薄霄漢日月並明乃上下數千百年代簡其  
人列其姓名述其行事集古人之說以示公也附已之斷  
以究其極也收著作以昭徵也累言成帙名天地正氣云  
嗚呼一德之士豈可少哉夫人亾弗貶物以諱也人之稱  
曰凡以一節自見者匹夫匹婦可激而然所貴于士惟行  
之全爾詩云采芣采菲無遺下體此何謂哉永年崇爵非  
人之所欲乎世固有求神仙殺妻子者何也信斯言也德  
必堯舜周孔斯幾豈不難甚矣乎而夷齊尹惠皆不得爲  
聖矣乃如鄉原之流飾貌蓄情罔所黑白以奸正賊物導  
虐貽禍若是者願賢矣乎不然一德之士不可少固矣又  
有成敗論人者云事貴審時勢中機會務事成而遠害遠  
去者不洪輕生者不知古人有言俟河之清人壽幾何卽  
弗臧厥筭不猶愈于已乎風起羣靡固賴斯人與王子爲  
是書也余謂其有憂世之志扶衰振溺之功焉



雜文

序十二首

送僉憲王翠墩

有道之士審時而達生故明去就辨重輕行得而壽命無窮焉惑之者不然俛乎其所之也闇乎其莫知所止也故鮮弗敗遺生以徇利忘身以要名則益悖矣孔子將適晉及河而止嘆曰美哉洋洋乎丘之不濟此命也遂輟弗往夫孔子轍跡徧諸侯之國何固晉之往也是豈不欲道之

孟有涯集卷十五

一

行哉時不可也時不可故孔子不以聖驚也昔者子華子謂韓侯曰今使天下書銘于君之前曰左手攫之則右手廢右手攫之則左手廢然而攫之者必有天下君攫之乎韓侯曰寡人不攫也由是觀之天下雖大也不以易吾臂而况于生乎是皆洞世務之幾而達乎性命之正也詩云既明且哲以保其身此之謂也而翠墩王子有之王子者潤之丹徒人也少為郡諸生諸生者莫之或先乃弘治壬子舉鄉試以例授江西餘干訓導訓導凡幾年士業其學人嘉其績御史舉才行卓異江西一人焉已乃陞國子助教乃又陞監察御史始督馬政即善馬政巡按貴州也振

風紀清疆場凜凜乎良御史矣既仆復起動能厥官乃正德丙子冬僉憲湖廣至之日即計歸王子之友惲子曰惟蓄必發子之蓄厚矣弗發誰則知之即子弗為人知奈自負何王子曰諾乃巡治衡永彬道時彬桂方有戎事也王子乃即事戎事攻擊輸餉悉身踐之凡七月而告捷焉人謂王子是可以無歸矣王子曰不然甚哉時不我遇久矣吾固規以往也彼固矩應也其何能同忠不必察勞不必錄弗已悔將及焉且吾疾不可以視事視事則形勞形勞則神傷神傷則血氣鬱滯愈無日矣吾不以吾名奪吾之生弗利以累吾之形吾歸矣善歸矣乃遂戒舟需發諸寮

孟有涯集卷十五

二

友君子並集送之無涯子曰易稱君子見幾而作不俟終日語云君子不以其養而嘗所養王子備矣

彭山倡和詩序

彬桂之役憲副守巖汪子事事于禮九年九月侍御涇涯李子謂汪曰守巖公良苦詎曰張而不弛文武不能也請以此遊汪子曰諾乃遂遊城南之彭山禮之奇也守巖為賓太守直菴劉君佐之涇涯為主是日也秋氣森肅峯日半隱卉木榮落交互愴乎宋玉之所為悲也汪子乃作曰昔人云自有宇宙便有此山由來賢哲登此多矣皆湮滅無聞吾與子奈何乃倡為四韻歌之劉李咸和焉且吟且



觴日脯而旋戒荒佚也已而綴文之士居于斯宦于斯往  
來于斯聞之者慕之又從而和之彬彬乎成集矣余問覽  
之嘆曰地以人勝也人以言久也湘湖之間豈一彭山已  
乎不聞有所賞詠何也登高爲俗久矣如龍山云云者胡  
不多見耶君子于是乎知汪子之爲賢也卓乎其行也洋  
洋乎其膺懷也李子之豪也豁乎無滯礙也劉子之隱而  
不辟也詩有之高山仰止景行行止雖不必至人皆鄉往  
之矣嗟乎是集也豈非所謂與此山並傳者耶

送鍾石先生圖詩序

皇上正位更治登崇宿德在外惟藩臬長是重是簡是故

孟有涯集卷十五

三

遠不爲薄也越不爲踰也其將命也人皆企之獲也人皆  
榮之嗚呼匪賢其難哉榮也者衆望之歸也苟弗溢厥望  
亦墮厥榮故曰仁則榮不仁則辱貴溪江公以山東按察  
使陞廣東左布政使人皆榮之問其地不以爲遠也語其  
階弗以爲踰也察其賢于是官也無弗以爲宜也人榮之  
公弗以爲加也豈不賢哉信夫衆所歸望也行矣察友饒  
焉咸美而歌之俞伯子爲之圖孟洋氏曰惟歌惟圖厥惟  
豔矣請爲質辭夫子之司也豈不以養民乎分歛則賦財  
用出矣損益喜尙風俗應矣蠻夷通籩合遠人矣山林奸  
寇兵革興矣夫節用裕國非以病民也獨立起做非以從

靡也昭化附遠非以贖貨也去惡寧善非以逞威也且南  
越之地與中國殊地殊則異制異制則選規故曰脩其教  
不易其俗齊其政不易其宜是則養民之謂也 皇上簡  
賢之意其在斯乎其在斯乎敢以附諸圖歌之後

送郡丞李公赴懷慶序

人之量有廣狹而才有宜有不宜故大受者量廣周于用  
者才充今之從仕者遭時處利氣揚而意得凡所謀爲動  
與機會因以竊時譽而冒顯功乃稱于人曰是吾善也是  
吾能也退而自喜亦曰我賢于人遠矣稍有頓抑即志折  
氣下悔鬱弗堪曰我何以有是不怨天即尤人矣官卑則

孟有涯集卷十五

四

羞事劇則厭以爲吾豈屑此哉即有事事則又牽拘昏鈍  
顧此失彼終日不能辨一獄累月不能集一事嗚呼是豈  
獨量不足亦其才使然也若人也以受大任以致衆功吾  
弗敢望也已靜菴先生李公起家乙丑進士歷兩郡推官  
以明允稱由推官召爲戶部主事 先皇帝末年遼東之  
乏餉也邊務方殷將士告急司徒擇屬吏才者請往理之  
于是李公遷戶部郎中受 命以往至之日即求蠹財所  
由悉剗去又爲之籌畫居數月邊儲賴以裕嚮所網利侵  
剝皆豪貴徒含憤流謗爲中傷計以故李公竟蒙毀出爲  
信陽守信陽人聞公來莫不曰此部使豈屑郡吏爲哉彼



且不忘豪貴謂小民何既公之至也卽又廉民所利苦振  
革之節費省役舉困而發寃事上以敬禮士以恭事無巨  
細咸綜理而躬視之口不稱抑身不謝勞歲餘而治理著  
郡人又莫不頌之君子曰廓乎公之爲量也顧得失所能  
濶哉小人曰大矣哉公之才也不者愛我何周焉詩曰寬  
兮綽兮又曰左之左之君子宜之其公之謂與今年李公  
摧懷慶丞郡人惜其去然莫能留也諸文學輩責洋贈言  
洋曰嗚呼若公之量何所弗承公之才也何所弗濟是行  
也豈足爲公願哉

贈許子廷章考績序

孟有涯集卷十五

五

靈寶許廷章氏父先太宰襄毅公襄毅公得任其子于是  
廷章爲太學生嘉靖乙酉授南京前府都事至是滿三載  
例考績上吏部行之日廷章雅所往來謁余言以贈嗚呼  
余何言哉余于廷章惟嘆夫任天下之材者未究其用也  
無乃有遺材乎何以言之今之官人以途不以器夫以途  
則擇未精不以器則任未當執斯二者何以究天下之材  
焉徒見今之仕者之子弟未必皆賢其居職也未必皆能  
遂病夫任子之途不科目也其官之也以責則輕以事則  
簡何也謂其弗能也誠如是卽有賜之達冉求之藝卞莊  
子之勇伯夷叔齊之廉展禽之惠吾見歛手抑心無所逞

而已矣及其遷也深之以歲月勞之以踐歷然後循次而  
薄進之何也謂其無顯功也嗚呼以若所任責若所成其  
不誣天下之材幾希他日還自關中道靈寶聞廷章居柳  
溪之上誦詩而讀書乃造其廬接其容儀察其言議溫溫  
然有良士之風乃嘆曰孟子稱人皆樂有賢父兄也廷章  
其有得於父兄之養者乎旣予來南都士人又皆稱許子  
若曰許子之賢也恭敬足以承上而聚業廉惠足以檢身  
而及物其智足以濟變而斷足以決機顧責薄而務簡罔  
以究厥能也余聞而嘆日記云大道不器廷章不器矣是  
可與今之仕者之子弟同日而概論哉由是觀之余故曰

孟有涯集卷十五

六

有遺材也雖然竊爲廷章喜焉今 聖天子在上憫念元  
元旁求天下之材而器使之廣其途重其任隆其禮遇責  
其成報之以異典詔屢下而意彌切務俾海內賢材各究  
其用以利天下嗚呼盛哉廷章之行也適際其會必有知  
廷章者矣其將有大受乎

愚逸翁壽序

余與建康顧華玉氏友華玉父 封吏部主事愚逸先生  
含德弗耀訓于家以式于鄉閭人皆尊之初顧子爲山西  
按察使也曰親老矣猶能遠乎請已官歸養 天子嘉其  
孝許之嘉靖壬午先生耄余旣仰先生之德休而慕顧子



之能樂其親也遂弗獲稱壽通其辭而已今年己丑余官于茲七月十有一日會先生初度則甚喜備物執幣走謁顧氏之堂先生盛服迓賓璘璫從而后璒叔氏子英玉也以河南按察司副使歸于是布筵陳樂子姓咸侍余執爵再拜祝曰先生迪康處樂服命在躬黃耆期頤壽且無疆洋不敏敢以不腆之質爲先生壽先生辭且謝曰某承先人之緒業温飽是賴自天錫命章服有榮懼弗堪也有子若而人實某之幸孫皆且子矣意乃寡憂乎何樂之有今吾子辱以嘉貺某也敢不拜嘉畢禮乃復璘率孫暨曾孫跪曰璘不肖弗克奉若大人之志以光于前列唯是朝夕

孟有涯集卷十五

七

菽水之不共弗遑暇逸今茲佳辰賓友懽集敢奉卮酒爲大人壽先生曰璘文蓋念諸君父同體事之如一女顧乃養而忘事君如之何藉君之寵厚其身以及其親而不知所爲報可謂忠乎禮稱大孝養不與焉故曰事君不忠非孝也念之哉璘稽首曰璘有罪請嘗圖之璒率諸姪若孫酌而進曰璒久于外弗逮祇承伯父之訓唯伯父不忘慈愛尙飲此酒先生曰璒乎而能弘吾宗矣不負而學矣某問之君子進不棄業退不易志畜利居貞惟義之安是故獨立不懼遜世無悶爾時勉之璒曰諾余揖而退將出門私于顧子曰夫子云何荅曰吾奚從吾將從仕乎未有

遺親而亟君者也從吾欲乎夫子命也苟不去厥養而卽厥官其庶幾矣雖然有命吾何能與焉余旣乃語諸人曰顧氏于是乎知禮家不忘其教私不忘其國公不忘其親

送顧郎中詩序

甲戌秋八月顧一朴先生有事于廣西承廷詔也越明年正月事乃竣嚴駕將北廣西諸藩臬君子設供張東江之上爲先生餞也初春江水汎淥木始華煙萋萋而草遠羣峯森鬱賓主獻酌爲歡有間客有感黃鳥之音作而進曰日聞一朴先生久矣弗可得見也乃今聚于斯余儔與先生皆四方之人也幸而聚首奉教音遐玩風景灘水之

孟有涯集卷十五

八

濱固非偶然也今且別其如后晤何遂爲歌伐木三羞爵而退又一人進曰先生浙之俊髦才敏而辨行篤而果朝有顯名天子重茲命也屬使于先生以賢故涉此遐裔良爲先生勞也先生夙夜匪懈惟使事之脩用光君命豈非大賢與乃爵而歌北山之次章再爵歌皇華之次章又一人爵而進曰始先生以詔臨茲土小大凜凜罔不懷慄先生至行所無事惟體要存旣察而平事乃協羣心用安嗚呼乃今四方多艱民擾而財匱苟內外之臣咸若是國家可亡患已乃歌文王之三章于是先生揖而謝曰諸君良惠我矣某不佞謬承使者耻弗稱于事是懼若諸所



誨吾豈敢又曰今日之晤信不偶幸他日無相忘遂答歌  
隰桑之末章已乃錯爵極興各賦短句以贈先生日入見  
星倒疊而別先生維舟以需晨發

贈馬錦衣拙菴序

夫物有異類而相聞者出乎其類者也是故入齊魯之境  
亡弗知泰山之高也涉梁宋之墟亡弗知大河之險也故  
麟以仁聞鳳以德顯射稱于鄰者百中之夫也賈知于農  
者千金之子也詩曰鼓鐘于宮聲聞于外鶴鳴於九臯聲  
聞于天甚哉名不可以虛召也始余遊京師聞焉公拙菴  
者有道之人也公錦衣萬戶侯也頌之者吾大夫士也易

孟有涯集卷十五

九

曰方以類聚物以羣分言道相通也通斯知知斯言矣夫  
以彼而頌此非賢而能若是乎惜乎吾未得見也及余至  
桂林之明年公奉使節至晤語終日退乃嘆曰賢哉馬  
公誠有如頌之者夫錦衣多豪傑之族其習侈車馬尚服  
食競意氣附豪貴也而公若是哉威儀抑抑何其恭也言  
不及私何介也蒞事憂惕又何慎也虛以受物亦何謙也  
恭則敬敬介則服衆慎則事咸諫則德廣備此四者何往  
弗利也斯亦不出類矣乎無異乎人之頌之也且余聞之  
深畜者用周脩行者名顯名顯則位崇矣用周則業大矣  
夫涉經獵史懷畧明術飭身畏義畜非弗深行非弗脩也

然而業不顯于四方位不隆于羣輩吾弗知其宜詩曰武  
夫沈沈經營四方非公而誰也公茲行也厭飫乎羣心砥  
礪乎貞節僉曰賢哉善若使矣所為公深慶固不但于是

靖江春餞序

惟甲戌冬一松周子來自莆至於靖江乃朝覲方伯公于  
左轄拜手稽首訟曰欽不肖弗克旦夕承顏若志七年心  
惕慄弗遑坐處茲乃奔走圖侍大人之側其勿追不肖之  
辜公乃勞曰欽小子遐哉其勤矣乎周子夙夜篤任子職  
左右勿怠哉或曰孝矣周子周子暇日泊賓友出遊歷于  
名山勝川喟然嘆曰美哉茲土厥山惟巖厥水淮湘可以

孟有涯集卷十五

十

居可以遊吾情乎有間言于方伯公曰不肖弗克惠養訓  
用休于前烈祖玄尚幽作癖欽聞靖江王賢好善樂士招  
來賓客矧茲風上勝嘉欽不肖欲吏隱于王官敢請其可  
公曰汝固樂是乎對曰昔人有言位崇則怨集名稱則毀  
來惟顯惟名惟身之刑吾不惟吾身惟從吾之所願又何  
不樂公曰欽可以免矣吾若汝志越乙亥正月周子乃辟  
靖江王官周子夙夜恭勤于王王乃懌咸曰賢矣周子王  
從容謂群臣曰古昔典籍邦之寶也茲弗輯何貽我邦國  
之鑿圖惟咸新疇若子使僉曰欽乎藝哉周子乃承王之  
命旁求典籍于四方惟暮春之月周子戒裝維舟東江之



上東客咸集祖于水濱唐子執爵而言曰諸君其教我乎  
予夙斯固弗仕茲來省吾父殉吾性也王官清散亦吾志  
也顧西念吾母于前今將歸故鄉可以緩吾思茲遊三獲  
吾私願欽何幸焉諸君其教我乎客曰語不云乎順理而  
行無往不獲夫仁智理之會也仁者不忘其親智者不忘  
其身順茲往矣何不獲之有終爵而別無涯子曰方伯公  
仁人也故昌厥後一松哲士也故善其身

贈傅公總憲山西序

傅公以信陽兵備副使擢山西按察使余借袁惟學氏王  
養之氏往賀焉公乃迓於庭色若弗擇曰諸公爲某喜也

孟有涯集卷十五

二

曰何弗喜公曰政脩而後民安民安而後職舉某蒞茲五  
月方孜孜焉庶務惟勤猶未卽敘也如吾民何秩且登如  
吾職何余曰嘻何傷乎公政在乎人矣頃吾三人來郡青  
衿若黎首遮道言曰公去我行矣奈何我城斯築功誰畢  
之殲厥渠寇波誰滌之奸遠暴伏葉無萌耶奪我嚴師吾  
奚從耶公弗可留其奈何嘻公政在乎人矣何弗擇矧今  
仕者臬副使久而賢乃得參藩政參政久而賢乃得總臬  
司公以臬副越參藩而長總非上知之而能若是乎聲聞  
于上政孚于下不賢而能若是乎何弗言公又曰省視道  
爲大使視副爲劇如之何能政余顧謂二子曰此公所以

優於臬使也夫負才者恒自滿陟崇者恒自華自滿者功  
曠自華者業怠公才高而弗滿位崇而弗華嚮也惟民安  
之憂今也惟任大之懼憂民仁也懼事敬也吾聞仁者不  
恃恩以陵下能敬者不怠事以病國以仁用刑罔弗允以  
敬臨事罔弗濟臬使雖位尊任重於公乎何有子不見曩  
者公爲給事乎直言正色舉體以昭微人皆曰古之名諫  
議也又不見出守姑孰乎寬明廉恕民皆德之人皆曰古  
之良刺史也又不見公之經略浙海乎士不告饑民不辭  
擾事集而邊警息人皆目之曰古封疆之臣也今之按察  
使也發號申令明法建議曰立言爾振綱紀勵風教曰行

孟有涯集卷十五

三

政爾公以優於彼者措之不啻殊途合轍也於臬使乎何  
有豈惟是哉由茲而列臺而列曹而卿而相亦惟曰立言  
行政而已矣其道無他其惟曰仁與敬而已矣豈惟臬使  
哉二子喟然起曰聞子之言審知公矣公卽讓胡可得哉

訥齋序

射者操弓撫矢及其將發也引而卻鴻鵠將舉霄漢之上  
蹲距伏翼君子之言訥而已矣訥學者之務也然以審辯  
藏以括發謂射者之卻曰還謂鴻鵠之伏曰止則病矣君  
子之不言者四弗通不言弗順不言弗精不言弗孚不言  
博斯通察斯順擇斯精踐斯孚君子有此四者雖欲無訥



不可得已是故潛求周識詞之基也虚心下問辯之媒也  
沉思密度聲之節也藏身力行說之符也闕其一則殆殆  
則昏何暇於言爲河以委蛇而後能遠山以陵遲而後能  
高言以脩默而後能善故訥學者之務也有德者詞寡多  
言者實微譬之若持燕石誇於荆人之市而卞和氏方且  
退退焉自守其璞矣今夫昏夜星宿列焉河漢爛焉三尺  
之童仰而觀之無恠色春月而雷震驚百里聞之者如聆  
鐘鼓之音何也其時然也晝星冬雷盲瞶知異君子道有  
諸已言出惟時審幾以達變察理而循物舉近以該遠省  
已而徵人已視之便使人視之嘿然故曰時然後言人不

孟有涯集卷十五

三

厭其言吾見訥者時然後言矣未見不訥而能言者矣夫  
小辯害大智巧言使信廢賜言屢中夫子嘆其不幸宰予  
能言負政觀之誅謂其不能訥也仲尼之徒惟顏曾其庶  
幾已而曰回也如愚又曰參也魯如愚云者猶訥之謂也  
魯者鈍也夫豈二子之無能言哉甚矣言不可以不慎出  
之不可返也入之不可奪也書不云乎惟口出好興戎易  
曰差之毫釐謬以千里可不慎乎白圭之戒訥者免夫范  
子名言訥齋自警也言之友咸贈之詩無涯子作序

贈靈川掌教甘君奏績序

甘君掌靈川教事九載奏績靈川諸生走桂林請余以文

贈余曰甘君何久於斯官也今內外小大庶職或三四年  
或五六年亡不一遷再遷甘君掌邑教責非不重也卽弗  
職宜蚤爲之所如其賢何獨久弗遷也且夫治天下之道  
曰政曰教凡諸有司無非政者教獨斯職焉政常近民故  
亦可以病民教惟士舍訓育無他責故亦不能爲民病也  
夫在彼三四年五六年卽一遷再遷在此必九載而後考  
績豈他有司皆賢稱職而司教者皆不肖邪何遲速之異  
軌也矧教以導民猶切於治也譬之農以足食賈以裕用  
工以給事皆益於身者也至於醫所以導吾血脈保吾元  
氣豫以引吾年其責若功又非農工賈者可比倫也苟三

孟有涯集卷十五

十四

者皆貴之先之獨於醫而賤且後焉吾弗知其可也余聞  
甘君行足以正物學足以闡道藝足以脩職故其化行俗  
易人才羣出靈川士人慕而頌之弗已也誠若是則又不  
待三四年五六年而一遷再遷可也乃獨後於他有司未  
必皆如其賢者吾又不知其端何如也或者曰書云三載  
考績三考黜陟幽明古之道也是故君子久於其道而天  
下化成彼將以成其化故久之也子何疑焉曰立政任人  
莫善於唐虞三代故任久而後賢否著賢否著而後黜陟  
明不可易已然未聞久于此復速于彼者也子言從古似  
矣獨不觀今之在內或領一部一司在外或一藩一郡一



邑雖不必如教民之切事叢任大顧各有甚焉乃或濫任不識吏而遷得遠不及任而調交接無停日送迎無常期紛揉恍惚靡可測度又豈盡古之道與何又速之甚也余知其不然決矣然則何如而可乎曰無小大無遠近無違速賢者進不肖者退有功者賞無功者懲然後可以杜僥倖勸臣工也或曰傳不云乎不在其位不謀其政居下而議上罪也矧子同是官也無乃近嫌與是又不然也吾聞之君子得志以行其道不得志以求其理余即不得以與政獨不可辨其理也仲尼曰邦有道危言危行今幸生有道之世何避危言且余以罪謫不敢律于常職此蓋論其

常耳又何嫌余惟嘆甘君之賢而獨九年淹故不知其狂也甘君行矣自此以往將終無所識其賢而大用之者乎遂書以為贈

序知贈黃子

黃文子掌教信陽有令聞巡按御史勸焉諸生問於有涯子曰吾師白川夫子啟導我二三子德之知夫子者二三子也夫子位卑處逸不求人知御史奚從知二三子喜而異之願聞其故有涯子曰汝之夫子有可知與僉曰有羅生贊曰夫子教我講學矣是故飲經史折邪正孜孜焉惟日不足夫子教我以篤倫矣是故孝友于家以達于邦國

夫子教我謹行矣是故嚴義利之辨脩言貌之飾審誠偽之幾察事物之宜二三子弗能學也張生綸曰昔者麻城阮公司教吾邦先生所同侍也邦人允賴越四十年於茲人皆思之繼之者其惟夫子乎王生鑰曰聞之以身教者從夫子身之矣誰不能從高生選曰夫子惟不傲人皆親之惟不污人皆敬之黃生賜曰吾見夫子之才矣法立而事序綱舉而目張張生士愚曰善哉諸子之說夫子也無溢辭無隱行有涯子曰詩不云乎鶴鳴于九臯聲聞于天賢哉黃子宜乎御史之知也諸君何異焉譬諸騏驎駉駉四方曰良隋珠楚璧舉世所寶即黃子之賢雖天下知之

可也曩余在外聞黃子賢矣未見其人也歸見其人矣未詳其實也德周之言師道備矣天秩舉其類用之崇其本子宜昭其用啟東徵感物也非實曷感又誰應之愚也知言今有乘駑馬者絡金飾玉矯鞞揚策肆誇於都市之中九方過而弗盼匪笑則怒藏燕石於重櫃不自知其耻也若是者豈惟誣人哉御史將持千金訪於桃林大樂之野遊不測之淵乃探驪龍之窟如黃子之賢也何卑且逸之患諸君何異焉僉曰噫聞先生之命二三子亦知所懋矣

文十一首

禱雨文



惟國家建官惟有司事神用成庇民民之弗安官弗聞知  
神弗見察其何以爲洋等來寓汶上職司長民事神無狀  
民事罔知政乖民怨物氣失和用茲上千天變三冬寡雪  
一春不雨二麥靡成秋種未植歲事如斯將弗敢望已神  
亦譴怒罔肯矜恤徒俾百姓饑餓小大洶洶若將無依甚  
可悲痛惟神擅靈茲土山川城郭人民咸惟是賴福善禍  
惡宜有攸別若惟洋等官吏失職之故或貪貨濫取于民  
或酷刑肆暴于上或縱長奸橫或凌虐孤貧或斷獄不平  
或興作不時或費斂不常或遊宴無度神其鑒臨之大行  
誅罰或奪其官或亂其室或短其天年或禍其子孫以雪

孟有涯集卷十五

七

神羞以回天怒亡弗可者也神不事此顧乃亢旱作災則  
此赤子何辜坐罹死地茲用鞠恭秉虔懇祈神惠伏望  
威暴吏加恤平民勿慳霖雨之施普遂雲霓之望尙俾百  
物生成人民安業神之受享於斯亦永寧矣洋等望惠之  
餘恭俟大罰惟神鑒之

謝雨文

鬼神之神盛大莫窺而生物之仁幽明無間茲以人事乖  
和天降之咎亢陽爲虐黔首驚惶惟子小子竭誠走告神  
亦靈應罔有攸違獻享未終甘雨沛若士民踴躍以喜易  
憂流潤膏沾群物改色深耕爰作秋穫可期豈子小子竊

有感通神實念民相天之惠顧恩功浩蕩報答末由恭潔  
腥醇誕昭神貺尙惟歆格用終庇民洋等罪宜有懲敢弗  
安聽尙享

祭韓汝慶文

嘉靖五年二月四日友人信陽孟洋官于西土訪亡友五  
泉先生韓君之墓陳以羊豕品實乃爵而言曰嗟乎若人  
逝矣豈不悲哉孰非吾友知我則誰孰非爾友子獨知汝  
淵停澤畜未究厥施蒙子弗類生也何爲世聞爾名罔測  
其實亦知其才曷以不壽嗟乎逝矣豈不悲哉張聖廢書  
伯牙絕琴豈無同好知孰與深嗜昔同遊音邈形隔黯然

孟有涯集卷十五

六

懷思飲慟塞臆墳茲洛矣宿草萋萋哲人之光華嶽其齊  
華嶽載崎河水瀰瀰維此哲人輝映千祀薄言享止哀私  
孔多靈斯昭止謂我如何嗟乎悲哉

李太參文

嗚呼有德獲壽天其相之昔以爲信今也則疑矧惟君子  
邦家之奇充充行實抑抑威儀乃仕乃祿敬慎爾司有  
斯惠民罔弗思休休君子百祿是宜乃奪之年天平何爲  
昔君出矣搖搖雙麾夙夜懷君願言來歸忽彼訃音我  
孤悲悲之如何如慕如追如不可及如渴如饑嗚呼哀哉  
人孰無死君子之傷爾貌不可見爾德不可忘送爾旅櫬



存爾孤孀爾僚爾友涕泣奠觴谷悽江咽雲木蒼蒼靈可  
昭止來格洋洋哀哉

祭周侍御母文

汨汨河水其源湜湜媿媿母貞柔厥德順惟婦師肅爾  
母則克睦有家令聞于國斤斤公器邦家正直質蘊聲輝  
慈訓攸式嗚呼天道悲賢用昌厥後逮其有生亦既榮壽  
百福攸集善譽弗朽孰不於歸母兮何有某等壽弗詣堂  
祭弗及軻寅佗奉儀再拜稽首懿靈有徵毋違毋咎

祭董侍御文

嗚呼商民嗟子之於子也同舉進士同爲行人同陞御史

孟有涯集卷十五

九

而志且獨同也觀天子以罪謫幾爲子累斯其徵耶既聞  
子之按行畿甸顯有風聲子甚喜予亦還自遐方比與子  
晤冀得相勉有所於進而遠有此哉噫慟何言也夫世之  
所爲交也見則相諛而退薄之惟子面若違而心罔不協  
也古稱益友豈非其人也子聞近夫訃重宜哀悼茲子又  
哭子矣一月之內喪我良友二子獨何爲情哉嗚呼商民  
從此永無見期也夫

祭殷給事文

嗚呼殷子子有靈耶安在耶而竟不起矣夫嗟子之文章  
已鳴世矣嗟子蓄華秉利無施弗宜卽已兆于兩邑昭于

抗草然亦物之方彙爾矣胡遽殞折耶嗚呼子竟不起我  
哀曷既吾商民業已沒矣子知之乎否耶

祭同年朱華州文

嗟嗟夫子其已矣乎文足以華國業匪厥職才足以輔世  
命與時違意者利用獲於末路顧卽中道以云萎聞者太  
息吾道與悲矧子與子協志同時悵笑言之契闊欽德音  
而遐思哀言永棄飲痛矣爲惟高風之不可泯庶幾起頽  
振懦爲世所瞻依爾耶

祭亡母孫太恭人文

春榮夏蕃品物咸遂慟惟我母與世長棄神遊體秘倏爾

孟有涯集卷十五

三

十旬朝哭夕奠追慕徒勤時惟酷暑石毀金熾靈魄攸存  
安否奚似問之莫及撫几號呼幽明甘苦安得同途合我  
族姻祇申哀告母靈在斯昭矣來報

祭朴子文

始吾慟不自勝安於命數以自解已乃迹其往事察之人  
言乃知汝父之殺吾兒也汝冤何伸我悔何及用再告汝  
汝其聽之汝之才質實惟遠大矧其學業亦既精勤功名  
可以力致何乃有此夭折其所由來蓋有漸矣助於葉氏  
之書成於孟青之使暴怒橫加鋒挫銳折旣而讐者投奸  
譽言莫入卽有班馬之文曹楊之捷寔足以刺狂瞽之目



而逢媚嫉者之怒猶乃不知忌避動遭貶辱雖則人肆其虐實惟自速其斃謂父殺汝不亦宜乎吾兒純孝諒不我尤即欲速死實重我恨嗚呼已矣復何言哉念我未老汝亦有知幽明異途抱恨則一自茲以往惟我與汝秉無心之鑒遲以歲月天人之際鬼神所臨或有以白爾我之心以雪死生之恨者矣以怨報怨吾實耻之安義居命他復何為嗚呼生者如寄死者有歸翌日辛酉將葬汝東郭之原寔汝讀書之所前瞻汝祖卻顧汝弟泉壤之下亦可樂止過此有暇為汝志之嗚呼慟哉慟哉地久天長音塵永隔神遊氣屬夢寢可通兒不忘我念哉念哉

孟有涯集卷十五

三

祭仲女文

嗟乎慟哉兒竟不起耶爾疾何疾遽至此耶嗟乎慟哉嗟乎慟哉正德丙子我宰汝邑是月是日曰惟汝息命汝曰汝用識生所攜遊嘉禾乃知笑語三歲而歸始見爾祖取娛日前誰不汝喜生而淑媚長益聰慧女紅內職精巧閑備書史訓誡聞語知義旁及音律泠然冥會容止柔懿內蘊高明懷真達理璧立淵澄少長敦睦僕婢嚴平庭闈承訓克孝克恭年甫四五許名沈氏納采有期暴疾遽止豈不命醫百藥不已三日不食遠爾就死嗟乎慟哉嗟乎慟哉蘭摧蕙謝璧殞珠墮彩鸞折翼瑤琴斷徽妄藥誤汗咎

將奚歸誤耶否耶我悔何追慟哉吾兒汝父殺汝雖不殺汝自我作盡哀悔攢集誰察我苦胡不借亡與爾同處嗟乎慟哉嗟乎慟哉自汝兄喪我哀未忘何復有此愈重我傷奪我精魄裂我肝腸况屬衰病如何可當嗟乎慟哉嗟乎慟哉母號於堂嫂哭於室姊妹昆弟彷徨如失汝伯汝叔涕泗交溢豈曰宗族鄰黨同恤嗟乎慟哉嗟乎慟哉沉迷決絕默無一言汝願何居汝慕奚存父母孰獨汝不我念耶舅姑恩慈汝獨不眷耶寡嫂弱弟汝獨不戀耶家人姻戚汝復能見耶生不及語死當有知凡汝所欲夢當告之審藥所誤亦決我疑其或有數庶慰我思嗟乎慟哉嗟乎慟哉汝沒此日適逢汝誕布奠陳詞魂飛肉縈吾兒鑒之我心同展父子恩深言不可譏嗟乎慟哉嗟乎慟哉

孟有涯集卷十五

三

孟有涯集卷之十五



信陽孟洋著

雜文

記五首

遂平縣修學記

遂平縣學成朱通判臣走二生信陽請予記坐而問故生曰遂平學歲久傾毀弗治鄉也監察御史汪公以巡按至參政吳公僉事孫公以守巡至至之三日謁夫子廟已堂視諸生業汪公曰二公曰是何圯甚非吏所當務耶何弗之圖也二公起曰茲在我二人退而定厥謀邑汝寧屬也

孟有涯集卷十六

一

謂朱君為俾尸事朱乃祇事其事庚辰閏八月癸巳乃經營裏良任巧新其舊益其所未備羣工咸作衆治惟則朱尋以職去經歷宋金代亦能厥終越十二月壬辰功乃畢屹然壁映寔為重門泮水瀦焉巍然崇燁然麗者夫子宮也兩旁翼如從祀者之廡也直後有堂東西廂有齋序衆以居業也曰厨曰庫具祀事也若舍若館止師生也貯經史有閣致齋有所合饌有室廩有倉射有圃堂棟絡繹葺宇環次藐藐乎其偉觀矣曰侈乎無滯技無珍飾奚侈然則陋矣曰既完且確何陋之有厥費維何曰財出於公雖費莫知斂者民怨矣曰用其力於隙矣孟洋聞而嘆曰善

哉斯役遠四蠹矣春秋書工役惡其侈宣王考室斯干頌之苟財不匱民勞不窮力何傷乎宮室矧茲役也享功而育才豈細故哉夫華靡以取逸飾鄙以賈譽凡有官罔不先之顧此之後何也上知以下鮮不待文而興遂平久乏科第抑其作之者寡也嗚呼士自茲其無興起者乎苟有興者斯役不徒舉已汪公按信陽也拔士之雋聚於別館厚廩餼給筆札俾肆力於學孫公成之士益振從此而觀諸公作斯文也豈獨一遂平哉洋聞之君子當務為急三君子可謂急當務也易曰不傷財不害民是役有之汪公字景顏吳曰從岷孫日月之二生者張閣魏卿其來請也

孟有涯集卷十六

二

將孫公命也

記閻公雨詩卷

南昌上變之歲信陽五月不雨至秋七月民病弗登癸巳乃大雨三日民大喜買頌於市農頌於野工頌於業欣欣然曰是雨也我閻公雨也夫公之矜吾民也食不甘味居不寧處寢不即簣聽不協音不舉刑不畢政不輿不飾為吾民禱也日行於郊者三而弗為厯也引咎訟躬弗為抑也色憂而形羸弗知為頓也書曰鬼神無常享於克誠公誠矣雨不亦宜乎是雨也非我公而誰也郡之大夫士聞之顛顛然咸進於公庭拜手言曰難諶者天也愚而神



者民也格天悅民明德至矣敢為公賀公乃降階而揖而懼且讓曰惡有是哉天道冥冥人罔攸度雨暘恒時某非敢知昔則以憂今則以喜是某之心也他何敢知焉僉曰易贊勞謙書美不伐有功不居時謂盛德昔者七年旱禱桑林而雨湯有之三年旱祀孝婦而雨于公有之夫史氏豈誣我哉公之不居德之盛也弗可得讓已公乃答拜謝曰辱諸大夫之命敢不敬懋以圖厥後於是作喜雨一章諸大夫士和之凡得詩若干首如左是歲八月甲子申人孟洋記事

朝邑縣建置經正書院記略

孟有涯集卷十六

三

朝邑縣城西原有故泰山祠宏而麗嘉靖丁亥春監察御史郭公自微按縣望而問焉有司以愚對且曰濶集啟潘納遊召盜濇術逞姦公曰非有患固將去之往視焉乃進庶民於庭曰泰山東嶽也猶西之華惟諸侯祭山川即華若弗得祠若聞之乎鬼神不享非類西越東祀則瀆庶人承諸侯之祭則犯瀆遠犯分非類甚矣孰與享之汝微多福乎淫祠無福非其鬼而祭之匪淫而何衆慙然匍匐曰微公言小人曷知惟公命之聽即日公戒推官楊銳毀其像革其繁徒顧謂參政孟洋副使江玠曰叛道則易惑正興則妄息盍俾諸生業其所遂署諸額經正書院孟子曰

經正則庶民興斯無邪慝矣諸生再拜稽首謝曰是舉也小人以覺非嚮義君子以遠害崇業請祠橫渠張子於斯鄉先正也眾皆仰之公曰可檄官作役將選規而易其制命洋記其始事

東臯記

無涯子在桂林楊子公佩過而問曰陶淵明何人也無涯子對曰晉之處士也其聞道矣乎曰何以知其然也楊子曰珉竊慕其節矣然未知其人也已乃讀歸去來辭而後嘆其人蓋有道者也何以言之彼其辭曰登東臯以舒嘯又曰樂夫天命復奚疑嗚呼觀斯言也彼其冒次何如哉

孟有涯集卷十六

四

方其解彭澤而歸也非有所沮抑頓迫鬱弗得行也飄然高舉略無趨趨不知者聞其言謂其不能俯仰于時俗也其知者以為道之不行也嗚呼是誠知陶子者哉業已歸矣孰不强者傲弱者望邪是故荀卿發論於佞作屈原寄怨於離騷賈生取釋於鵬賦子幼含憤於嗚呼昌黎托諷於送窮子厚呈譏於乞巧是雖公私大小之不同要皆不能忘情脫慮於世務也陶子其有是哉觀其言也定志於性命之始娛情乎人事之常與物無競道化同流是故參乎之耕野子騫之走汝莊生逍遙之遊點也舞雩之詠可異世而同觀也非聞道而能若是乎傳曰不怨天不尤人



君子無入而不自得焉陶子其庶也已昔者司馬長卿慕  
藹相如之爲人引以自名珉不佞請以東臯名吾居如何  
可乎無涯子曰賢哉楊子是何傷也語曰知地之宜於時  
之茂規彼伊人於其所好嗚呼觀子之所爲慕也豈不賢  
哉夫人固有心迹之判者矣是故假容於江臯乃纓情於  
好爵此周郎所以蒙誚而北山所以獻嘲也以子之賢仕  
靡弗利乃遐迹塵路投身散途何往而不東臯也苟心與  
迹異奚取於斯今子踐陶之迹心陶之心亦陶而已矣以  
是名居不亦宜乎楊子曰誠如子言吾其爲東臯居士矣  
盍爲我歌之乃歌曰臯之平平可宮可軒翳以松竹樹以

孟有涯集卷十六

五

芳蘭溪雲出沒白鳥翩翩合我同好樂飲忘年匪山兮何  
田匪淵兮何釣逸千古而一心登東臯以舒嘯

風雨山堂記

嘉靖癸巳仲夏二十有一日余避暑賢隱山寺乃亭午王  
默軒養之高了山子近鮑方亭用勤皆携饌至觴序頗歡  
明日梁東岡民瞻暨弟雅山鍾之以巨樽來嘗之味嘉反  
易之倍嘉焉又觴且序懽甚是日風雨交至夜分始就  
寢又明日陸鴻漸隱山馮公式小峯蔡汝培懶醒亦皆繩  
罽篔肉以河漲不得騎徒步而至合心同調基酒嘯歌山  
水之間玩栖禽而聽鳴雨瓶罍既空玉山傾倒非人世一

大快乎已乃漲不可渡尊俎索然覓之山家雅議徐徐而  
繼亦不至乏耳鮑子舉觴避席颺言曰今夕之樂古今可  
數登高作賦賢哲攸稱盍各永言則垂令問乃立五韻各  
賦七言一章如詩不成作浮白之罰余曰美哉言乎遂得  
詩如左又明日陳生山泉惟允仲來陳詩蓋病且漲弗能  
來耳嗟夫天下之故展矣弗可逆觀也始余獨興尋寂寧  
知數子能見訪邪數子者又寧知風雨留滯笑語累日胥  
罄交懽共留奇迹爲弗可忘者邪陳生豪興沛然竟弗得  
願亦數也由是而知天下之故顧可逆觀哉又明日默軒  
出手軸請予書之予謂良晤不常勝遊可紀不吝揮毫卒

孟有涯集卷十六

六

如月 明云爾共詩十首附陳生一首是日在涯孟洋記事  
書二首

上林大司空書

洋薰沐頓首上啟大司空林老大人先生執事恭惟明公  
海內德望下官欽仰光輝進謁無路日貶此邦私幸尙得  
拜下風盈夙願已然自蒞任限於卑末動拘故事進止莫  
克自由兼之北人不習水土時多疾病又聞梧江風氣更  
殊輒爲畏沮竟使數年瞻仰之私至此猶不能遂也豈非  
不幸與實出愚衷非敢爲佞王照磨自蒼梧來遠辱豐贖  
叩首拜嘉自榮且幸既感而感顧得罪以來途人所棄何



敢望名位如明公肯爲下禮於謹謫寒陋之士耶意者有  
以下官誤左右之聽者噫上負明時內忤公議復何可錄  
之有抑乃造化不棄遠惡故俾下官亦得藉膏澤之餘耳  
奉憲感恩宜奔謝如前所云百不一得徒懷德悵歉何益  
何及茲特齋肅上啟惟明公體物之仁無不亮察沒齒不  
忘之德匪言可盡也時溽暑漸臨伏冀明公經濟自珍用  
答蒼生之望爾遙拜休光上瀆威範不勝感荷戰慄之至

與何仲默書

洋頭首言仲默賢弟足下比見家書知足下其道大行甚  
慰仲默視僕初志如何乃今事與願違殊愧同志足下能

孟有涯集卷十六

七

察此否自八月二十三日蒞任巡歷荆岳歲宴返省正月  
二十一日偶感于事遂決歸計卽夜渡江無一知者天明  
泊漢口始移文總司當道皆遣官致書追留至再及僚友  
親自攀挽竟不能止矣二十七日道過家眷同歸二月四  
日達鄉里恐足下聞之駭疑爲書以布衷曲當是時卽同  
僚僕吏無不駭者仲默固知我恐亦不免耳古人有薄軒  
冕而不顧輕富貴如浮雲僕何人也乃敢望此然私情不  
同勢弗容已揆乎輕重之際究乎可否之極不待賢者而  
後能也概言不宜歸者三不能仕者七酌而論之不得不  
然親在欲子顯仕不宜歸一也家貧俯仰不給近雖少置

田貸人者過半需祿以養不宜歸二也年未四十雖無所  
要亦未畢所欲施此不宜歸三也僕凡思此三者審矣其  
如不能仕者有甚於此哉老父今年八十有一卽且健人  
子之心詎敢恃耶老母少五歲業已憊不能自卧起迎養  
不可復無所托悠悠仕路何爲止期此不能仕一也僕生  
而脆弱不禁煩苦三十一已見二毛前年嘉興病濕幾不  
能起宦情寢息今更不已衰稿日滋旣歸尙可逸情定神  
休養性靈少延歲月耳不能仕二也方今寇盜徧江湖之  
間守吏貪虐十常八九素乏摘發之智又無驅剪之術坐  
視素餐實所不忍又上下喜同不欲作事卽有一二舉革

孟有涯集卷十六

八

巽然議起德不孚人誰能我諒安以受之又不能堪不能  
仕三也湖廣連歲兵荒民物困極無名誅求出自權貴殆  
無虛日固嘗陰奪力制彼之積怨有俟而發又荆州課厥  
新設中官恣橫暴民尤甚與之持久必至搆讐夫臨事避  
難勇夫所耻足下視僕猶能如昔者下吏以貽親憂耶自  
度不能安可苟處不能仕四也上下交際雖君臣分嚴自  
有定體有司承迎獨過其則若勉強從俗則顏赧骨慙稍  
有不齊同輩已厭之矣厭之不已譖毀投焉賢不肖靡察  
於此焉定卽無意於徽榮何苦徒取辱也此不能仕五也  
且僕量既褊狹性復疎易仲默所深知也平生不矜小節



耻爲曲謹又好飲酒言語無忌平居與人交談常破肝膽  
見人有過好爲面折或有事不可意便至狂發不顧利害  
無自飾之行而有好盡之失以此數端處今之世足下以  
爲可免乎哉萬萬無是理也此不能仕六也朴兒少頗慕  
四方奔走失教年長日愚僅此一子俾之無所成立非父  
道也既無濟於時又賊其子兼失之矣不能仕七也旦夕  
自處情煎心裂卒有感觸計不可解此但可爲仲默道耳  
夫人有詢託辭以應可也違養志之常道缺修隨之餘甘  
僕之罪不可原矣學有所未行才有所屈僕豈無是哉時  
艱智短亦或然耳若乃立奇行以沽名掩穢跡而欺世固

孟有涯集卷十六

九

僕平日所深疾乎時人不敢以自居久矣仲默能諒之乎  
足下體不世出之才抱有用之學量足以當累而權足以  
濟時惟宜平志酬物行道是圖天下所屬望不可不勉矧  
清貴之秩以斯文風化爲司桎梏無所交於目塵紛不能  
犯其虛憍視僕之所居而方其所負豈可同日語哉惟仲  
默察之無惑二月二十七日洋再拜

雜說三首

衍壽

客有問於子曰壽者生人之福仁者之徵上古之歲人萬  
餘歲或數千歲堯舜以降不過百有餘歲孔子稱大德者

必得其壽豈其德不足耶厥後錢鏐李耳亦皆數百歲又  
如赤松王喬之屬疑神鍊精蟬蛻人世號爲長生未聞以  
德稱蹈躡饕餮姦宄暴戾行於天下亦壽考無恙彼其德  
何如耶山暈澤父窮巖寒谷之夫襁褐不掩其體藜藿不  
充其腹然皆靡首皓眉百餘年所豈啻於彼豐於此耶人  
品不同同謂之壽蒙有惑焉願聞其旨余曰噫嘻固哉若  
子所云徒知夫人之壽而不知至壽者之爲壽也天地人  
物之生同氣異質理一而數不齊上世之人混茫始闢氣  
積而完人文未著淳朴未離其多壽固宜自羲農以迄堯  
舜而後治歷明時分官設職厥有典章彝倫攸叙道被於

孟有涯集卷十六

十

昆蟲而仁覃於後世後世之人聞堯舜之道莫不宛然如  
堯舜之在上再及禹湯文武雖禪伐異功同歸於道孔孟  
繼列聖之統於晦塞之餘修明古訓開示來學昭日月於  
冥途流江河於泛濫萬世之下仰之如神明戴之如天地  
斯文不墜孔孟如存耳若乃屈伸偃仰辟穀引年反常以  
敗道儕木石而羣鳥獸孔子曰罔之生也幸而免君子不  
爲也齊景公有馬千駟民無德而稱焉伯夷叔齊餓於首  
陽山民到于今稱之故聞伯夷之風者頑夫廉懦夫有立  
志生乎百世之上百世之下聞者莫不興起景公七國之  
雄辟既貴且富而無稱者况蹈躡與則奚取於壽也後世



疏薛之儔皆以成功勇退榮樂承年其視田何楚丘蒿林  
蓑被六極曰貧未足福耳由是觀之世有龐濤命有窮達  
厚其生而利乎物得於今而有聞於後斯可謂壽也已矣  
子不見南莊先生乎先生體間出之奇際唐虞之世服尼  
父軻氏之學而建官之業秉夷齊之耿介躅疏薛之見  
幾逍遙太行之麓嘯歌汾水之濱歸有餘榮流有餘澤自  
茲以往祝之曰百有餘年我不敢知惟其厚享於身而功  
加於時是則可知也又祝之曰二三十年我不敢知惟其  
名稱當世而流譽於無窮是則可知也斯不可謂壽之至  
也乎傳亦有之太上立德其次立功其次立言此之謂不  
朽不朽之謂壽南莊先生以之今子概以高年爲壽而弗  
究其所由譬之由觀鷓鴣爲高舉而忽鸞鳳之爲瑞美砂礫  
之多而不知珠璞之可寶也客聞余言憮然而退

孟有涯集卷十六

十二

事功

智者圖事存乎有終志士建功必垂於後今夫敷張陳列  
事將有爲經營基創功莫可禦而卒已焉君子不貴也書  
曰爲山九仞功虧一簣夫一簣不謹足廢全功也而况不  
啻一簣乎昔者張良爲韓報讐相漢高帝而有天下封留  
侯帝欲更易太子太子急謀於良良曰爲太子謀莫如自  
重者也自重之帝弗能置太子太子可無慮已夫四皓者

帝不能致固帝願見者也太三滅致之則事成矣太子從  
其計卑辭厚幣以招四皓四皓果爲太子來與太子遊帝  
見而問之對曰臣四人者商山之鄙人也聞太子賢乃從  
太子死帝默然既而嘆曰太子羽翼成矣復何可言易也  
遂定太子張良乃辟穀從赤松子遊夫韓讐報矣漢業成  
矣必定太子而後去何則太子未定漢業未終成功之累  
也張良耻之成王立政召公求去周公留之乃作君奭孔  
子相魯敷政教誅元兇旬日而化行及其去也鯨魚以亂  
何則召公人心之向背者也孔子魯國之治亂者也昔者  
燕人之種樹也夜寢其樹下日汲水以灌之牛羊近則逐  
之野雀栖則彈之數日而樹與期月而華三月而實實乃  
浩然歸曰畢吾事矣畢吾事矣明日往視之羣兒牧而盡  
取其實矣楚人之耘者聚其根而焚之一日三刈之或曰  
耘之矣而復焚焉復亟視焉何故無乃太勞乎楚人曰復  
焚其根慮徙而之他禾也弗亟視慮有所於潛滋也吾不  
以吾之少怠而棄吾之多勞也是故蠶弗繭絲女不夜寢  
獸不投首獵弗縱圍昔者蘇秦爲六國謀也合從以卻秦  
秦病而六國利及六國用衡人間而謀解秦復以強嗚呼  
何難成而易敗也齊桓公之於管仲舉之囚虜之中置諸  
卿相之上貴者不能參其謀親者不能間其跡遂霸諸侯

孟有涯集卷十六

十三



匡天下而後管仲之功成也孔子曰微管仲吾其被髮左衽矣即使齊桓用之弗能專專之弗能久終亦齊而已矣何仲尼之有取於管仲也昔者莒大夫將城莒莒人怨之曰弗城猶吾莒也何故病吾民甚也弗聽卒城之既燕人伐齊下齊七十餘城獨莒即墨弗破莒人乃相慶曰匪城耶何以有吾莒也商子曰民不可與圖始而可與樂成此之謂乎是故約財育衆曰惠見微周物曰明直勝果行曰毅任理弗貳於物曰信惠則不厚躬明則不僥倖毅則不避難信則不終悔達彼去此專功之會也是故至誠無息而天下化天道不已而歲功成

孟有涯集卷十六

三

袁惟毅字說

袁君錄以其字請余也有賓之辱弗獲辭乃字曰惟毅重語之曰嗟乎袁君子知毅之義乎余且告子夫錄之爲言祿也若言有所齒錄而受祿也毅者善也又祿也善斯錄矣錄斯祿矣詩云豈弟君子福祿攸降其斯之謂乎苟爲不善人皆棄之何祿之有故曰惟毅詰者曰袁君誠善士然未學爲仕也今也仕而祿謂袁君何余應之曰如子之言兎置武夫奚以公侯腹心爲也是惟亡善焉仕不祿詩不云乎百祿是道百者言不一也豈惟仕哉人之聚也有四宗族也里黨也朋友也公卿也宗族尚親里黨尚序朋

友尚信事公卿以恭有一不善則不獲不獲則乖乖則弗祥雖萬鍾何享焉善則行無不獲行無不獲則人皆與之矣祥莫大焉詩云宜民宜人受祿於天夫祿也豈惟仕哉故君子先錄人而後錄於人善之在天下也賢者備其大者不賢者備其小者大吾錄其大也小吾錄其小也書曰德無常師主善爲師夫然後毅且袁君申之世族也乃祖乃父咸有貽德伯氏惟學有文學焉仲氏惟武有武略焉所以取諸人者不出戶庭而存矣詩云不愆不忘率由舊章袁君懋哉

銘一首

孟有涯集卷十六

十四

莫庭銘有序

昔者鯉也過庭退修詩禮之學伯禽爲國觸類俯仰之義君子之教弗納於邪仁人於親終身而慕蒞陽豫齋中丞林公誨厥嗣子著之話言謂友貴勝莫莫交無益謂事在合宜莫爲不義肯哉言乎石厓子以吉一聞父訓服之無替刊之以木簡揭之於堂楣志存顧說義比書紳余既仰垂裕之美且感敬承之篤僭銘諸左庸贊厥終銘曰生人有倫惟友亦大厥有秉彛義以方外貴善輔仁於焉是賴無偏無陂反之則害兌以麗澤同人斷金疾彼邪佞面而不心孔曰爲質又曰與比順理忘私庶幾君子譬則



鮑魚久之同臭賊我毒我浮於猛獸患豈徒蠲財不苟富  
惟利之回惟躬之疚身罔不正弗行洋洋德音凜如  
神明書喻作室詩頌紹庭克友克義請事斯銘

贊一首

金太守士希像贊

孰重匪山孰遠匪川卓哉先生其宮其淵宮則昌矣淵則  
則長矣時則滅矣今聞光矣

題跋九首

題陳中丞平南卷

始予識陳伯子於御史時見其人凜凜焉有汲長孺之風

孟有涯集卷十六

十五

及守惠歷諸省藩臬往往有善政益敬慕之乃茲觀平寇  
卷察其武略過人遠矣則史稱將和材者非其儔耶今撫  
江南以安而頌作宜哉詩云唯其有心是以似之陳子之  
謂也

題遊西山卷

曩子在京師熟聞西山勝雖未至之心切嚮往今觀陳子  
所爲遊西山圖飄飄乎興雲霞之想乎然且疑其未盡及  
讀與顧子賡唱諸作又豁然矣

書關西紀行詩後

曩日洋爲行人時使關中往往省壁見白巖虎谷二先生

倡和之作竊嘆曰嗚呼二公文章齊名海內安能同遊於

此豈不奇遇夫韶缶不並鳴胡越之人不以通語何則聲

氣不同也故曰道不同不相爲謀迹二先生所爲詩上詠

古以風今下感時而采俗所言雖殊其合德一也聖皆發

之性情之正引之理道之歸其氣合故其聲同其力適故

其辭匹固當世之大鳴與第惜其不多見耳後洋出人京

而不時弗獲謁二先生門下求遂所欲見居然慕嚮不已

甲戌夏顧全州華玉緘一帙示余桂林展誦愕甚是非往

年所見於壁間者耶是非所欲見而未能者耶乃知至寶

神物弗終秘世豈不快觀與全州辱洋以贊於後末學何

孟有涯集卷十六

十六

敢有言作者之側謹述得遂願望之喜以謝全州昔人謂  
得隴望蜀爲不知足嗚呼吾又安得二先生平生所爲文  
章而盡見之哉

題劉氏雙輓卷後

無涯子曰孔子云君子疾沒世而名不稱焉夫名豈徒稱  
邪語曰苟無其本木將奚生是故實之難也菊軒君累學  
端行舉鄉薦第一可謂名實具已天短其數固俾一職惜  
哉潘孺人少寡而貞能教子有成亾豈夫子然其沒也皆  
傷痛閭里哀音輓調怛然形諸縉紳之口闌於篇簡之間  
蓋棺而名愈顯允非實德疇克有是書稱吉人詩贊淑女



劉氏夫婦其庶矣乎菊軒君有子爽少嘗學問乃今業盧扁術遂爲名醫爽爲人謹厚儒雅綽有局量君子謂劉氏其有後已

跋贈遠卷

始顧子被詔遠謫何子泊余並集田給事宅余謂遠方山水佳勝莫如全當是時豈有他慮明日余卽被繫顧子果得全州田何諸君復餞之贈詩盈卷余獨不與焉然當時君又豈知余有桂林之謫哉及余與顧子同時來此文字相往來弗絕幾二年矣今年夏余得量移過全留十日全之山水佳勝者相與歷覽殆盡此豈遐裔常有而贈言諸君又弗得與矣顧子因出是卷示余余曰今日與吾子遊幸矣過此以往幸而再遇屢遇固弗可知也其不幸終身弗復遇亦未可知也故知贈言者之意豈有窮哉遂書諸卷末

孟有涯集卷十六

十七

跋登山臨水卷

孟洋曰余讀是卷然後知古人貴贈言之意也何則金陵什序名公勝概撫時送遠悲適殊懷固一時之盛也苟不於是卷悉焉人雖望而慕之將安徵哉甚哉言之不可亡也設使顧子不樂是而馳志秦楚趙孟之間諸公又力能富貴之又安能使人見而慕之如是而顧子又安能保之

永久弗失又且洋洋然若有重獲出以示人而無退避也哉是可以觀輕重之辨

跋海山卷

余讀海山卷然後亮鳴鳩之詩人不我欺也夫德之感物如風草然彼碩鼠之懟獨何爲哉君子正己惠物人之戴之也固宜故曰愛人者人恒愛之愛之不足則傾矣頌矣而不足則祝矣祝之以榮貴未足也則願其壽考矣故曰胡不萬年不如是吾知其情不能但已爾定峰先生其行正也有本心之均一威儀有度正吾國人久矣人之愛之豈容已乎此海山之所由作也海山之詩昉於儒生俾生皆善鳴者也去此而庶人之儔欲言而未能者又不知其幾矣乃若馮張以下諸君又各以其情鳴苟非其情未若是之盛也嗚呼休哉何子序天人徵應之說備矣余不佞徒感詩人之不我欺爾遂言於後

孟有涯集卷十六

十七

跋顧子華玉上方山玩月詩卷

嗚呼人之情也感物而動晷之會也適志則愉詩不云乎泌之洋洋可以樂飢是以仙尼在川上而興嘆於點也而喟然意深遠矣顧子上方玩月之詠其亦有所適乎跡同一軌情有殊途諸子所取於八月是其一也至乃鼎茵輝映於華屋藜藿黯淡於蓬居西轡旅悵於舊鄉別客徘徊於



遠道戍子闕羌俞而隕淚閨婦睇破鏡以懷歸壯士悲年  
時而慷慨靜女撫容華而含思物之不齊物之情也嚮往  
異趣惟人所擇詩云他山之石可以攻玉而况造化品物  
之章天理流行之盛顧弗可以樂乎雞鳴而起舜與跖同  
若乃惡爲利而戒晨興病矣予觀諸子之詩流思與星月  
同輝擣藻擬湖山競彩彬彬乎洋洋乎雖寄興靡一要皆  
有得云爾否則譬之驅瞽夫以觀陽阿引瞽叟而聽廣樂  
焉能審其曲節按其條理哉

題顧華玉雅集卷

語有之桃李不言下自成蹊觀息園圖咏而後知顧子之

孟有涯集卷十六

十九

不可及也人惟有善誰不應之矧能受矣假令顧子在大  
位誠得才如是是有於治天下哉

信陽孟洋著

雜文

誌銘四首

中順大夫陝西按察司提學副使何君墓誌銘

孟洋曰余讀伯夷傳其稱天道不與善人謂其不然今觀何子脩學立行而天死又何戾也余哭仲默之明日其孤以門人樊鵬狀謁銘慟乎慟乎君知我我獨不知君已乎仲默茲為汝誌矣何君諱景明字仲默號大復山人高祖泰山由羅田徙居信陽生海海生鑑鑑以陰陽家縣辟為

孟有涯集卷十七

一

典術五子曰信者封徵仕郎中書舍人讀書善吟號梅溪梅溪公四子長景韶東昌通判卒次景暘安慶通判次景暉景幼何君何君秀而癯性沉敏有度八歲能屬文十二從梅溪公宦遊陝西之渭源臨洮守閭其奇召置館下甚愛幸令師授春秋數月即說春秋其師乃辭避弗教也梅溪公既歸乃又從其兄受尚書受尚書才九月弘治戊午即以前書魁河南鄉試已未試禮部不第遊太學祭酒林公又甚愛幸何君贈詩美之王戌舉進士進士例改庶吉士何君獨以不喜私謁弗與進士請歸娶張氏二年卒當是時關中李君獻吉濟南邊君廷實以文章雄視都邑

何君往造語合三子乃變之古自是操觚之士往往趨風秦漢矣甲子授中書舍人明年奉使南方還過里閭再娶唐縣王氏是歲正德元年也劉瑾時君度惟大臣可與抗節乃上書諸尊貴言宜自振立撓瑾權諸尊貴惡願噉何君丁卯何君恐禍及謝病歸郊居著述一年瑾盡舉免諸在告者戊辰何君免已已梅溪公及李太孺人相繼卒何君哀毀危絕辛未冬何君用閣老李公薦復授中書舍人直內閣經筵官時四方學士咸願知何君車馬填門巷即元老鉅卿亡不欲出門下錢寧欲交驩何君間持古畫謁何君題君謝曰此名畫不可點毀弗許乾清宮災君應詔

孟有涯集卷十七

二

言時事詞義剴切疏留不下丁丑陞吏部驗封司員外郎仍直內閣戊寅陞陝西按察司提學副使提學政尚嚴務在崇本起弊士初稍不堪漸久而安風習亦振初何君獨以文學著聞既提學人又服其能政若是辛巳二月何君以形勞慮深卒然嘔血損六月棄官歸會道暑益極抵家六日為八月五日而何君卒嗚呼傷哉王孺人故有內疾號痛莫支越十七日亦暴歷而卒孺人幼喪父相者貴之人求婚母輟不許年二十二始歸何君以賢稱會毅皇帝上尊兩宮及李太孺人張氏同封贈云何君事兄恭能順承父母之志其父母諸兄亦獨甚愛何君何君一切不好



華靡復不治產業居官所入祿則又常分所親故既歸餘白金不滿五十兩所在不齎方物疾且亟王孺人泣曰官貧諸兒女幼君卽有不諱奈何君曰若無多患第不昧天理足矣何君友與人訟者故嘗寡交與及訟衆莫爲之地何君乃獨上書力諍直友之屈師御史者客死京邸莫能歛錦衣官廖鵬錢寧之黨也賻之棺因結懽士大夫君曰奚爲汗吾友地下乃出金賻之諸所知皆賻之歛成禮旋卻所賻棺其見義勇爲如此何君天資穎異好學常若不及讀書率過夜半卽盛暑蟲蠹汗洽背不廢邇年略去詞膏嘗稱以爲天下自有實用之學竭精力猶弗逮何暇文

孟有涯集卷十七

三

詞無益也蓋其用世之志至遠今中沮矣惜哉及王孺人以哀絕亡他顧慮亦貞固矣何君生成化癸卯八月丙寅卒年三十九歲王孺人少二歲生成化乙巳二月甲寅子三人長夫聘郊縣王氏參政君女次立次登女三人長聘袁氏子次馮氏子次張氏子皆王出是年十月七日合葬典術公墓側何君有文集詩集詞賦集合若干卷行刻傳於世云銘曰噫歸哉何君孰奪爾壽也雖奪爾壽爾名不朽有女媿媿爰儷君子如琴如瑟樂爾偕死樂爾偕死未畢爾婚嫁豈無巨源靡孤叔夜淒淒雲旂霧駕遲遲鳳凰啾啾和鳴相隨瞻彼崇岡載陰載陽靈魄攸藏用萬祀無

疆

樂山處士馬君國珍墓誌銘

馬國珍氏其從弟廬江令鎮監察御史錄皆余同年友嘗爲余道國珍行事余以是知國珍屬國珍子太學生潔以誌銘謁余悲夫斯人之亡也不得辭誌曰馬君諱鑑字國珍始祖谷用者由浙之山陰徙居信陽世爲信陽人父諱玉母曰張氏生子三人長欽廣濟簿次卽馬君次鉞崇府典膳馬君生而警慧少與諸昆弟同脩科舉業已見希近效且無爲治生幡然起曰丈夫處世縱不能以文學顯獨不得爲富家翁乎與諸昆弟約若等自學我當他計爾於是馬君乃棄筆硯力田畜相時貿易弗怠不數年貲產饒益至傾鄉邑馬君卽富益折節力儉然喜施子不責報嘗以舟利涉者里人病無告或貧不能送死輒託馬君馬君皆爲佐辦亡不當意又愛內驩郡士大夫郡士大夫亦樂與馬君游咸謂雍容有古賢氏之風云馬君嘗戒其子曰富者多怨吾恒此之懼汝曹慎勿以驕人旣而曰公家事旣非吾屬敢與而廬市喧雜何爲者乃卜築震雷山麓居焉因自號樂山散人樂山則又曰與隣翁野父相飲會爲樂意裕如也環所居百里無識與不識耕斂不足者皆取給樂山門庭攘攘往來無休時爲之語曰幸毋患貧馬公

孟有涯集卷十七

四



存隱是非所謂富而好禮者邪馬君雖不徧閱經史然通曉事理察世故卽宿儒不逮悅親極甘脆之奉父喪自盡以禮自諸父兄弟子姓以及鄉黨無間言馬君一日夢其友杜泉與語甚異杜泉者亦故以貲稱好義先數年卒矣既寤心惡之遂盡語其子後事越六日馬君卒實正德辛巳三月也馬君生成化乙酉九月甲寅享年五十有七配劉民生男子三長潔次淵俱太學生次江女子一聘馮氏孫男二杞梓孫女二潔等卜以今年十二月戊寅葬馬君兩河口之原銘曰

有山歸如羣谿流結縞吁嗟乎良士宅茲土戢彩含芬兮  
孟有涯集卷十七  
五

千萬年所

### 成童子希召墓石銘

余葬朴子十閱月矣欲題其墓石慟輒罷今年夏適鞏昌會成質夫氏哭其仲子實逢我哀乃伯子遂以狀爲弟謁銘噫哉余顧銘人之子與按童子諱希召姓成氏其先山西文水人徙居山陰遂爲山陰人至童子父質夫成氏益顯質夫舉進士除武邑令以賢召拜監察御史御史直節忤權貴去官家居時童子始三歲卽能誦古人詩爲耦語旦夕娛膝下五六歲漸及書史省解旨義矣客有過輒見見輒試亡不奇之謂成氏顯大不啻質夫云狀言童子不

好弄弄惟圖書奉其父遂齋母王孺人觀色察志恒若不  
得其權敬事伯父母伯父母亦甚愛之與其兄處卽無私  
不敢恃愛狎玩其天性如此孟子曰不學而知者良知不  
學而能者良能童子之謂也又言童子博覽子籍尤喜太  
史公列傳屬文尙奇古工草書善鼓琴卽刑名術數諸家  
亡不通曉國朝禮度衆所不及知皆能言之孟子曰大人  
者不失其赤子之心者也借使童子不死卽死且假數年  
其所造詣底極顧可量耶是時遂齋由鳳翔守歷固原兵  
憲今爲大叅伯童子成侍謙恪學藝亡他榮慕恒曰人卽  
仕惟翰林官可終身不廢學耳疾且垂死惟稱理命用慰

### 孟有涯集卷十七

六

諭其父母若兄手書遺訣乃伯父神色不亂嗟乎童子其  
亦聞道矣乎兄希伊器偉而才俊緝學有叙名籍籍于時  
嘗語人口吾不若吾弟遠矣弟固原聘孫氏同邑千戶女  
童子生正德壬申四月十九日嘉靖丙戌先其生一日卒  
甫十四朞也余因記何仲默死亦先其生一日亡見朴先  
二日豈其命數然耶某月日厥父若兄葬童子桑乾河之  
涯銘曰

桑乾之涯雲木熙熙何彼園廬穆其谿如惟父與宗戚良  
日乎來嬉汝依于斯其永宜

趙王左長史戴公墓誌銘



嘉靖七年七月二十八日趙王左長史戴公率治命家人曰今世誌銘每寡實予死甚毋遺我羞公仲子山東按察司提學副使冠謀諸公之門人孟洋孟洋曰先生茂德匪言莫永不可冠涕泣曰然知吾先君莫如子洋乃按舉人何士狀爲公誌云公諱誼字正夫姓戴氏少淵慧有大志博極羣籍家貧人意其廢業公益自振舉弘治十一年河南鄉試明年試禮部不第母陳太夫人年七十公日以時交決進取非吾不能謂親不嫉何乃就吏部試得獻縣教諭以身先諸生勤恪弗怠諸生或率厥訓風聲振旁郡邑是時巡按御史黃君珂獨疏薦獻縣教諭三考又試

孟有涯集卷十七

七

禮部又不第又就吏部試何授涿州同知掌州賦歲十八萬石民多逋負輒囚繫盈獄民愈急公至盡縱所繫爲之期衆德公爭先輸辦無不如期者同知一年意鬱鬱不樂曰吾抑志居卑爲貧爾何事催科上疏乞散秩報稱得請改除國子監學正公雅好經術居太學日進諸生講授如教諭時太學諸生趨業恐後也祭酒石公魯公咸嘉勸之曰是可爲人師也已後三年會陳太夫人喪去官喪除擢趙王左長史王初立輔導亡狀日從嬖幸人嬉遊無度公常請問陳利害前驗以動王王弗聽又率僚屬廷諍又弗聽且怒公乃抗疏於朝王益怒公自若曰吾脩吾職耳他

笑顧哉居久之王察公志行純潔乃悟語左右曰戴長史忠我也遂盡斥所嬖幸人日與長史論究文藝公乃又數稱東平河間事啟王王由駭駭知向往矣公爲人沉謀善斷國事大小王輒趨使白左長史曰長史自能了此已而公迎刃剖解無不合王意王大悅之今年春公疾乞歸王慰留至泣下曰正夫忍去我耶夏疾且陡王乃厚辭幣居徒使者云公歸抵家二十四日卒也年六十有四公先世吉水人八世祖曰十一仕宋爲承事郎二子伯四仕南臺御史伯五大理寺評事伯五生再八再八生庚七庚七生景澄景澄生諱孟孜孟孜挾貲客遊信陽因遂居信陽凡

孟有涯集卷十七

八

二子長經訓次公父諱緝訓緝訓處鄉有望人以行稱正二翁云正二翁生公奇其穎峻目之曰戴氏自爾八來亡顯其能顯者幾是乎乃遣事何仲律先生受尚書何仲律先生父梅溪翁故善正二翁令其仲子仲升友之季子仲默師之二子者與公同舉鄉試公始娶程氏弘治十六年四月十日獻縣卒五十有一又娶任氏正德五年用子冠貴贈封安人子男二 蚤卒無嗣次卽冠娶羅氏女五長適生員劉東次池英皆程出次聘生員張纘武次何立次孟格皆任出孫男山川女三程安人性貞而順奉姑孝謹又勤密治內故公得專業以成厥志公體羸氣下慙慙如



庸懦人然邁節抗義勇不可奪常語冠曰崇善如登不可  
遜爾遠貨如崩不可近爾冠戶部員外以言譴謫南海公  
貽之書云是不汝事耶勿我爲念友愛其弟爵怡如也伯  
繼訓蚤世公收其遺孤分產業與之茲有立矣買城東隙  
地給貧無葬所者公平生不喜爲詞章嘗稱讀書以析理  
明物文不秦漢詩不騷雅剽賊奚爲哉冠言所著惟宦情  
錄教嗣錄皆昭古今之鑒揭理亂之端歲於家弗以視人  
今年十二月十九日冠將葬公黃草山之原合程安人之  
墓銘曰

孟有涯集卷十七 九

鏞弗於其形惟厥聲秘不於其飾惟爾質於惟哲人暢美  
操履伊貴而富孰與叩壽温温淑子令終自始厥裔用昌  
家爾爾光琴瑟爾音金石永藏

墓表一首

嘉議大夫右副都御史馮公王夫人墓表

詩云鶴鳴于九臯聲聞于天至行孚物非獨卿士大夫闈  
闈之內可以化行邦國王夫人死國中無識與不識莫不  
愴惻隕涕曰喪我婦道云表曰王夫人者嘉議大夫右副  
都御史馮公之配也父王麟世居信陽孟鳳里有高誼人  
雅重之稱王公云王公生女類有七黑子學許負者相之  
法當貴王公適重擇婿久之無當意已見馮氏子奇之曰

孟有涯集卷十七 十

是可夫吾女也遂婚馮氏王夫人既歸馮氏奉舅姑善得  
舅姑懼馮公乃覘其細微事亡弗若志即又私喜曰是吾  
婦也馮公夜讀書王夫人績謂公曰子之學將無同吾績  
乎緝勤成布業勤成名公笑曰婦人亦知學乎及馮公舉  
進士授刑部主事王夫人愈益勤約嘗曰丈夫不以窮達  
易節奈何以婦人二三其德乎見同僚妻粧服盛麗睨弗  
視心竊惡之然亦弗語人王夫人既授封安人一切自治  
中饋復不忘葛覃或勸之夫人曰昔公儀子富居魯相故  
去織婦夫子即有常祿能盡自給邪王夫人專靜寡言然  
特明曉世務馮公刑部時聞貽鹽磚亡去者夫人曰得無  
爲奸亟報公官發之果賂金六十兩因得其姓氏置之法  
人皆廉馮主事曰夫人其見微矣已馮公陞按察司僉事  
轉副使按察使及左右布政使歷湖廣兩廣夫人皆從之  
官以故馮公所在無內顧憂王夫人既自奉菲惡恒戒其  
子曰爲學達志榮莫大焉席寵怙侈實汝之耻若等慎毋  
騁車馬衣服爲也即諸婦無敢金珠綺縠爲飾然至經營  
舅姑喪供祭祀及給賓客往來若周恤貧乏視所宜即又  
無復固靳馮公以都憲致仕歸也王夫人顓意理叙家務  
甚整然不及嗃嗃數累穀萬斛凶歲輒勸公賑施飢人多  
所全活馮公置義田若干畝備贍宗族夫人曰是吾願哉



公又嘗置祀田若干畝王夫人喜謂諸子曰吾每會春秋  
享祭恒無實是懼汝父置此田即吾身後可亡慮矣其孝  
思如此王夫人性溫仁貞慤九族之遠里居無尊卑少長  
人人厭德而心嚮之鄉人程其婦者必曰王夫人王夫人  
云馮公季弟鋼夫婦俱死遺子江夫人育之無異已出人  
亦不知他出也王夫人子三人沈少有才名沂蚤卒洛太  
學生孫男二格沈子郡學生楠洛子郡學生庚辰冬王夫  
人寢疾疾且亟召洛格語曰吾死無恨亦無汝願者薄利  
遠怨勵學自獻云爾以十二月五日先都憲公兩月卒距  
其生正統戊辰五月二十九日享年七十三歲辛巳十二

孟有涯集卷十七

士

月二十四日洛等葬王夫人曰坡之陽起家舍開道立石  
用表其墓廼銘曰珠含璞韞山澤光幽潛肇德刑四方關  
雖詠美姬業昌於維靈淑育名鄉作台君子善彌彰坤柔  
正位修內綱從一制義道烈揚愛子克教惟義方厥詒有  
穀慶澤長母儀婦則微以張嗟嗟逝矣烝人傷崇碑樹德  
昭穹蒼風聲萬載疇能忘

行狀一首

贈中憲大夫都察院右僉都御史孟公行狀

嘉靖元年十月二十二日先君樂靜處士孟公卒瀛等謂  
洋曰疇誌之洋泣曰吾父潛德勢不能自顯不肖輩奉父

訓又不能爲親顯洋卽舉進士歷今官父尙未霑一命不  
孝孰大焉奚以誌爲旣洋以都御史總督南京糧儲九年  
冬會郊祀新禮告成詔兩京文武官與應得誥勅父始贈  
中憲大夫都察院右僉都御史母封太恭人洋遣僕馳告  
先君墓於是大恭人臥疾已月餘洋弗知也十年正月十  
八日僕返洋知母疾卽日具疎乞休不迨報解官奔省二  
月三日抵家母見洋且悲且喜疾大甦明日洋乃設宴集  
所親上冠服爲母壽是日母歡慰愈益健坐終日不倦撫  
諸兒曰吾恒慮汝輩不能成先志汝等幸皆有立洋且官  
茲復荷恩命可以見汝父地下無憾矣是後日夜向瀛等

孟有涯集卷十七

士

語平生教戒無所不至然衰憊已甚竟不可起以三月十  
八日端坐而息嗚呼慟哉瀛等卜今年某月日葬郡東郭  
高原與先君並藏焉謹泣血稽顙具狀敢求太史公俯賜  
銘誌藉永厥問惟明公圖之孟氏之先本金山人諱真童  
者仕元爲保定路達魯花赤傳及元洪武初從戎永平衛  
實先君之大父也以戰功累陞千戶卒父勝嗣調武成衛  
已又調河南信陽衛正統己巳征虜有功陞實授指揮僉  
事封明威將軍母劉氏封恭人四子長端次先君次靖次  
岩明威公仁惠廉節剛而有義軍中稱爲長者士卒咸父  
母戴之先君諱山字宗岳號樂靜生而英峻耿介性不屈



於物脫去凡俗書史百家技藝罔不庸心伯端嗣祖官明  
威公復樂間談一切家務咸畀之先君故先君不得專意  
於學以成功名然親賢樂善無以尙之武流故習以服馬  
游宴相高又皆託交豪貴爲炫燿先君盡與之絕乃儉素  
自持顧獨與寒士往來交好諸生中有才俊四五輩豪宕  
不羈且貧不能自給先君館之悉備所需開其戶使不得  
出遊旦夕勸勞之於是遂皆有成見士類貧者解衣推食  
率以爲常先君居家以正行已以莊庭戶之間凜凜如也  
雍雍如也鄉人尊敬之弗敢狎事父母必順其情志不徒  
養口體承顏色也明威公有所猷爲語諸人輒不合先君

孟有涯集卷十七

十三

應之亡不當意內外有疑議卽先君他出必俟歸決劉恭  
人喪明常躁急不豫先君手進飲食佐勳息然後得其歡  
先君間不在側雖食不樂亦不飽明威公暨劉恭人相繼  
卒伯端有戎事於外先君啣哀力毀諸大事自盡無不如  
禮士人皆慕之先君誓兄弟同居及二叔長各懷他志明  
威時田宅謹給數口先君廣田疇數倍多置宅第於是悉  
以美田宅推與兄及二弟乃自取薄惡窳無束帛鉤金入  
或難之先君曰富不如義况有命乎平居義命自安不作  
妄干不爲利營訓諸子讀書課舉子業不能者卽驅之農  
不欲爲商販曰居市競利喪心害物莫甚於此故瀛澤爲

郡諸生洋舉進士瀛子梅舉鄉試皆先君遺教耳爲子女  
婚必擇儒素舊家儀物崇尚簡朴卽貴富人求婚輒辭謝  
弗許葉舉人永蕃者與先君游欲爲子結婚數言之而未  
之聘會葉疾阼郡守往問之曰公疾鬱得喜心事可解葉  
公曰瀕死之人孰爲喜者守再請乃曰惟兒子尙未議婚  
曩有心許者今若此寧復可言又誰寧惠我守曰第言之  
公曰有孟公某者雅與厚嘗爲言婚然未之聘彼固義士  
吾貧且死矣卽不忘平生豈人之情哉守曰余固聞孟公  
高誼當不負君試爲圖之乃速郡中賢大夫與先君厚者  
數人來言婚先君不謀於內輒語諸大夫曰葉君成病矣

孟有涯集卷十七

十四

何害於婚矧予心業許之苟背厥初非丈夫也請報葉君  
卽葉君不幸有不諱吾當子其孤爾婚云乎哉葉公聞之  
果大喜起坐明日遂納聘持所答女紅起告先祠曰卽死  
宜瞑目矣郡守乃躬詣謝先君郡人聞之無不嘆服云孟  
公不以死生易其交洋爲御史迎先君京邸時有奸邪在  
權貴洋將彈之先君曰言則得罪叵測歸與爾啖齋可乎  
洋對曰被罪歸一同啖齋未晚也先君笑曰此非爾職邪  
不汝禁也洋果以此下禁獄尋謫桂林教授先君又戒之  
曰節不貴始而貴有終行不貴高而貴有恒始終不踰常  
變弗二汝其勗之嘉靖元年洋以湖廣僉事致仕復起山



東洋念親老不肯之官先君怒曰汝恒曰仕當如之何如之何今忝外臺亦可行矣廢而復起君恩罔極時至弗行汝志安在上負明時下負所學孰謂汝孝吾之教汝望汝顧寧是耶洋抵官五日遷叅議叅議六月先君卒太恭人郡巨姓孫氏女也父福賦性豪爽喜意氣助弱抑彊能趣人之急郡人咸倚慕焉孫公爲太恭人擇配難其人先君初配袁恭人卒亦慎擇耦聞孫公有女令媒往問之孫公雅聞先君輒喜曰此丈夫也遂以女許之太恭人既歸先君恪慎婦道惟先君是若劉恭人性難悅諸婦間特愛太恭人太恭人進食則喜曰汝自爲之邪爲之加飯先君上

孟有涯集卷十七

五

奉祭祀下延賓客太恭人必自供具乃稱先君指意袁恭人遺滯瀛湖淵四子皆幼太恭人撫愛篤至不知爲他人出卽諸子亦不知所自出也先君暨諸子服食皆出其手不以假人勤治內務晝以達夜不憚寒暑先君守身無他營慕太恭人實有助焉嘗脫簪珥爲瀛等延師給所不足自奉則甚省約不喜侈靡太恭人生洋甚愛教之則嚴曰汝不成名於我何有庶母唐氏生江浙澤沛皆育於太恭人唐卒太恭人滋善視之無異洋輩洋爲舉子遊太學舉進士爲行人爲御史太恭人皆就養洋謫桂林人皆爲太恭人憂太恭人顧益喜曰兒有言責非他吾何憂洋移汶

上令遷嘉興府同知太恭人又皆就養洋以叅議復起陝西太恭人又就養洋在官太恭人恒戒之曰和爾僚友不可偏競寬恤下民不可陵暴否卽裊席鼎食不爲汝樂貨利盈積不如無憂內省無闕雖貧何害太恭人飭行嚴潔慈惠謙恕諸婦子姓則而慕之卒之日宗族姻黨亡不慟絕焉先君生正統己未享年八十四太恭人生正統甲子享年八十有八滯三十九育穉枋亦蚤卒女一瀛郡學生子梅嘉靖乙酉舉人女三潮子二桐檀女四淵子二相栢女一洋都察院右僉都御史子四朴二十三都試不第發癰疽死大同八十皆天相女三江三十四卒子杭女二

孟有涯集卷十七

五

沂女一澤郡學生子格女二沛幼穎慧不羣蚤卒太恭人生二女長適葉景升次適百戶梁山曾孫女四洋娶何氏與太恭人同受誥封云先君卒且十年太恭人今又卒矣瀛諸子若孫號哭彷徨靡所冒咭宗戚失依隣黨寡式郡中無識與不識莫不感悼想德嗚呼慟哉不孝概述平生行實疎陋無倫惟太史公秉是非之鑑操作者之權取舍之際幸采察焉

孟有涯集卷之十七終